











 精 響 編

北京大學《儒藏》編纂與研究中心

圖書在版編目(CIP)數據

儒藏.精華編.一七四/北京大學《儒藏》編纂與研究中心編.一北京:北京大學出版社, 2018.4

ISBN 978-7-301-11892-4

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館CIP數據核字(2018)第059949號

書 名 儒藏(精華編一七四)

RUZANG

著作責任者 北京大學《儒藏》編纂與研究中心 編

責任編輯 趙 新 沈瑩瑩 王長民

標準書號 ISBN 978-7-301-11892-4

出版發行 北京大學出版社

網 址 http://www.pup.cn 新浪微博:@北京大學出版社

電子信箱 dianjiwenhua@126.com

雷 話 郵購部62752015 發行部62750672 編輯部62756449

印刷者 北京中科印刷有限公司

經 銷 者 新華書店

787毫米×1092毫米 16開本 78.75印張 798千字

2018年4月第1版 2018年4月第1次印刷

定 價 1200.00元

未經許可,不得以任何方式複製或抄襲本書之部分或全部内容。

版權所有, 侵權必究

舉報電話: 010-62752024 電子信箱: fd@pup.pku.edu.cn 圖書如有印裝質量問題,請與出版部聯繫,電話: 010-62756370

《儒藏》精華編第一 七四册

首 席 總 編 纂 季羡林

項目首席專家 湯一介

纂

總

編

本

册

主

編

張希清

湯一介 龐 樸 孫欽善 安平秋

(按年齡排序)

儒藏》精華編凡例

則 爲 儒家經 的 典籍 、中國傳統文化以儒家思想爲中心。《儒 的 典 和 叢 編。 反映 收書時 儒家思想 限自先秦至清代 、體現儒家經世 結 做人原 東 藏

藏》精華編 爲《儒藏》的 部分,選收《儒

外,其他一

律

省

略

学 的 精 要 書

互見。 寫者 漢文寫作的 已收入入選的 分類法分類,大類、小類基本參照《中國叢 土文獻。 中國古籍善本書目》,於個別處略作調 三、《儒藏》精華編所收書籍,包括傳世文獻 律收其釋文文本。 出土文獻單列 傳世文獻按《四庫全書總目》經史子集四 儒學著作,編爲海外文獻部類 個 人叢書或全集者,僅存目録 爲 個部 韓國、日本、越南儒學者用 類,原件以古文字書 整。 書綜録》和 並 凡單 和 注 書 明 部 出

> 編,不改編,保持原 書 的 完整性 和 獨 立 性。

四、所

收書籍的篇目卷次,一

仍底本原貌

選

爲主,酌校異同。 勘價值的版本爲校本。 確定内容完足、精 Ŧī. 、對人選書籍 校記力求規範 確 率 進 高 行簡要校勘。 出校堅持少而精 的 版 本 爲底 精 煉 本,精 以對 以 校爲 校 選 有 Œ 主 誤 校

例, 進行規範化標點。 六、根據現行標 點 符 專名號除書名號 號 用 法 結合古 用 籍 角 標 號(《》) 點 通

落。 般不分段。 正文原已分段者,不作改動。 七、對較長的篇章,根據文字内容,適當 千字以内的 劃 分段 短

文

及其 出 及整理時所確定的底本、校本(舉全稱後括注 介紹作者生平、該書 現 他有關情 順序前 八、各書卷端由整理者撰寫《校點説明》, 詳 況。 後 略 重複 成書背景、主 出現的作者,其生平事 要内容及影 簡 蹟 簡 稱 按 要

九、本書用繁體漢字豎排,小注 律排爲單行。

凡 例

《儒藏》精華編第一七四册

史部 目録類

經義考(卷五十七一卷一百三十七)[清]朱彝尊 ……………

經義考卷五十七

男昆田校 男昆田校

易五十六

沈氏懸孝《周易程朱傳義箋》

未見。

說者,各箋所作《傳》、《義》下,其他氏語書並垂,博士家危坐説之,斂袵奉之。余生正叔作《傳》,朱先生元晦作《本義》,二生正叔作《傳》,朱先生元晦作《本義》,二

論乎? 代之明者!」 此 《彖》、《象》,則皆略而不著。若以 道、通神明,毋乃令高明特達之士猶有遺 堂,執經前席也。 兩曜之明乎天也,吾豈敢謂《易》道 得者十之一,而稱曰《本義》。至於孔子 之七,裁約程《傳》者十之二,參入他疏所 發己所學,其不合孔子遺文者殆十之半。 也。爻者,事之時也。』此程先生以《易》 以旁詣互見,無所不極,若坐兩先生於 彖、爻之前掇取孔子《彖》、《象》之義者十 朱先生尊信經學,覺其與孔子稍殊,故於 悉簡去不陳。雖言或重複,旨有出入,要 ! 理,以人事著《易》道,故曰:『卦者,事 後生可畏,來者起予,安知無起 然而兩先生之《傳》、《義》,無異 程大指謂體用、顯微 論大 盡 而 乎 無

《周易四聖象詞

未見。

何假 惟十二 《樂》、《春秋》比也。《詩》、《書》論 者,獨顏氏之子,而曾參氏 粹精於《易》。 著書、《魯論》皆門人所述、《詩》、《書》、 象辭,聞《易》者二子耳。 於《易》也,尊之讚之,不敢議焉,退 之,有删有逸;《禮》、《樂》致而定之,有 懋孝自序曰 次有補 人雅言、未嘗一及《易》。 》、《樂》傳之往昔、《春秋》亦本舊文, 傳注 翼爲手筆 魯史裁而斷之,有筆有 而 始明? :「孔子之道,總於六籍,尤 《易》非《詩》、《書》、《禮 全書。 後之學者, 奈之何求 嗚 呼 觀其生平 其列於復 亦嘗 孔子之道 稱 削。 説 所 與 而 艮 自 門 其 之 存

> 庶幾旦暮遇之也夫。」 之百家傳注,馳騁雜博之塲,雖多,奚以之百家傳注,馳騁雜博之場,雖多,對象爲之百家傳注,馳騁雜博之場,雖多,奚以

周易博義》

未見。

之彖、爻辭 謂 子者之一擇。 次其 等作,此孔子自謂學之可無大過者也。 象,則列二儀、四象、八卦而止,此孔子所 懋孝自序曰:「余既玩《易》有年,乃敢論 大 貢 庖 **犠氏** 書,叙述己意,俟之將來以備聖 濟民行者 始作八卦者 此 其 也,次《彖》、《象》、《 孔 子 大義 所 謂 也; 有 興 於殷 次文王、周公 首羲 之末世、 皇之

氏言 《孔子贊疏 幾 《易説》、蔡介夫之《蒙引》皆 家 焉 唐 輯 添 觀 之,今箋二先生平日語,令學者精 文,若孔子 朱元晦之《易義》、《啓 儿 余所著者無他 論之,**●**故述《箋文》第二。 蔡 他 茂 減焉,即 ,别當有得 輯而次之,與宋疏並存,令學者 ,故述《象辭 聖人之學備 分疏 氏 叔 氏 ,故述《補 之志 先生之《太極 所 論 特 文》第 所 不盡合程、朱,不敢諱 可 以 於象 故 疏 特循 》第 於此,上智觀之,可 益 義》第 述《 所 疏 四。 補 教 缺 文 蒙 0 其 一》、《易通 孔子 王、周公之文者, 兒子 ,故述《古 Ŧi. 而 程 引 義 蒙》,天下學者 宜 者 補 近 , 費義, 一一 Ī 特 鐘 漢晋下諸 》第六。 次 叔之《 疏 世 論 》,邵堯夫 以 成 證 楊 者 疏》第三。 爲 之, 也,故 明 分易 廷 自 文不 思 時 求 備 疏 以 秀 成 至 時 注 傳 過 而 先 之 述 無 其 半 乃 庶 因 必 遡 疏 參

> 遷 焉。 李 慶 微,不可不深考,故述《博 生特以冠書首,不具言其 生之《皇極 卦等圖,傳自堯夫,得之陳、穆 書,皆含義廣博,後學 論》第七。 外義 老》、《莊》、《太玄》、《參同 易傳》、《正 戊 延 南 是 嗚 京 辰 》,亦皆 呼! 國 日 進 子監司 士 :「晴峯沈先 河河 經世》,張子厚先生之《西銘 一,改庶· 蒙》,楊敬 《易》之道,自此 有 啚 業, 輔 》、《洛書》 古 於《易》,他 謫 1 不 仲先 生,平 兩 , 授 可 淮 編 義,然 生之《己易》等 義》 不論,故述《 . 》 等 八 運 湖 有傳也 修 卦、六 輩 判 H 第 起 元 歷 9 其學 者 八。 修 夫。 中隆 别 + 河 題 晦 南 傳 淵 先 儒 其 爲 几

^{● 「}令」、原作「今」、據四庫本、文津閣本、薈要本、沈

②「□」、《沈長水集》作「書」。

巡撫致仕。」

説

初不

爲牴牾

乃

其發於象占之外,而

孫氏從龍《周易參疑》

十

者 名之曰《周易參 説 旦 大其説,布之學官,天下逢掖之士習《易》 吾師授之,而吾受之,吾所出 十傳而不變,彼豈能盡當於 弓,田、楊二何之流,斤斤守其師説, 王 而 也,至紫陽氏而後皙於象占。 者 而習之,毋亦 不由二氏者、罷弗用。諸逢掖之士旦 如是足矣。蓋至伊川氏 世貞序曰:「學《易》者,商瞿,馯臂子 耶 ? 吴江 /疑》。 孫化光爲《易》説若干卷 商 瞿 **馯臂之流之守其** 其於伊川、紫陽之 心哉? 而後 明興, 口而 稱 得 人耳 益 以 歷 尊 理

隆慶戊辰進士,歷官江西按察副使。」陸元輔曰:「孫從龍,字化光,吴江人。能信《易》者,孫君也,可以不辱《易》矣。」理之所未備者,雋永乎其言之。世之真

沈氏一貫《易學》

十二卷。

不休。 奉治命函書,以 之,而先 年,所摩 始以所得筆而 顧起元序曰:「蛟門先生以《易》起家,歷 官詞林、至踐綸扉、 蓋韋 生遂 研 編 編、鐵摘未嘗去手者數十年, 削 厭 爲 又不 序 人 書。及予告歸 屬 間 參大政, 知 起 世 凡幾 元。 更,乃 仲子 而 起 元 讀《易》猶 田 未 泰 板 且十 嘗 泳 耐

命 《易》 《易》 問 哉? 天下 求、 所利 理, 時 所 故 十 迪 求之理與 請妄言之。《易》之爲 易》學也 吉,否 六位以乘之,因 在 以 變 可 四爻,而測 可 理主 能 氣 以 也 者數 參 貞 非 求諸 建 質 開 , 安 則 而 必 則 不 乎 天 水 可可 物 數 諄 學 未 伍 X 可 理 能 數 地 成 之,擬 焉 諸 以 諄 悔 發 夫吉 貞 少 費 之 質 務 耳矣。 之中 理 理之大 吝 人 語象占也,豈 者,衡之以 先 可可 理 事 可 鬼 實 以 N 生之《易》 從不可從、 而議之,《易》在 學 與 神 以 數 П 而 爲 悔 道 造 斷 通 尤 發 理 則 數 吝 六 繼 有 疑 化 而 陰 在 少 而 + 乃 者 聖 正 定 E 陽 理 中 天 不 學? 也 四 此 以 X 者, 節之 有 奇 先 則 可 虚 卦 而 先 與 理 可可 耦 數 生 不 求 數本 三百 而 生 大 民 而 也 是矣。 之 和 雖 已之 之 之 不 人亦 以 絀 通 同 不 畫 惠 然 學 學 爲 乎 數 學 患 於 口

> 書 之志 逮 知 年 也 而 者 無 0 起元 也 又 繇 自 而 始 惜 質先生 不 得 乎 其 1 裁 起 先 其 元 又 生 可否。 踰 不 竊 可 有 年 作 志 作 矣。 而 者 而 始 既 未 序 踰 難 之 其

閣 陸 縣 義 吏 部 人。 元 也 歷 輔 尚 少 隆慶 日 書。 保 . 中 戊 ^ 易 極 辰 貫 學》十二卷, 殿 進 字 大學 肩吾 士,以 土 兼 别 禮 字 蓋 太 部 蛟門, 子太傅 進 尚 呈 書 講 鄞

賀氏汕《圖卦臆言》

未見。

午 黄 /虞 舉 稷 人,官蘇 日 沚 州 字 府 汝定, 同 知 廬 州 隆慶 庚

劉氏元卿《大易觀

一卷。

未見。

監 高 博 佑 土 隆 釲 慶庚 遷禮部 日 : 午舉 劉元卿,字調父,江 主 於 事 鄉 萬 曆中 · 徴授 西 .國子 安 福

馮氏時可《易説》

五卷。

存。

调 時 미 也 自序 其 所 日 以 :「《易》之爲書 寡 過 一,在 於 扶 陽 聖人所以 抑 陰乎 寡

抑 陰 其 陽 間 運 則 行 天地 也 不 之無 能 無 過 過 也, 而 即 我 我 以 之 其 無 道 扶 過

> 以萬 卑列 之内, 抑之。 大過。」 其 幽贊 《易》,則 也 也 心 也 善學者,其 而 也 也。 過 貶 可 不 是三聖人之爲《 物爲 侯 也 天 小 自寡 懼 剥 嗚呼 陽明用 端之微者,吾扶之; 也,内 地 人 彼大過 孰甚焉? 於《春秋》 復而 是以 也 也 一體,則天地之間 其 亦以聖人之補 過,而 中 懼者 是亦 惟聖人 事,陰濁 孜孜汲汲 故 吾 國 日 心 所 見 而 一,聖人 以 後 之 以 其 外吴、楚也,褒 易 而 剥 以 假我 剥 退 寡 用矣。 前 後 **>** 復 治 也。 聽,爲治於方 復,天地之 也。 天 其過 可 有所過 人過 流之横者,吾 數 而 必 地 無 懼 年, 聖人之心, 欲補之也。 尊 孔 者 於 也。 一,則 者,君子 子 而 天 天 可 也,皆 之 補 剥 亦 以 君 王 下 吾 無 子 學 而 愐

^{■「}扶陽抑陰」,原作「扶陰抑陽」,據薈要本、《補正》改

學《易》之不 物 乎 爲之序以自儆焉。」 之所不容不勝 所懼也,惟懼 也,心之易也 即 ,:『危者使平,易者使 也, 《易》也 不 廢,懼以 加 無 ,而未嘗 往 可 而 ,陰陽貞勝之機 終始 也 非《易》 Ė 無 前 也 過 不學也; 其 况 也。 既著《説 吾 要無 也。 傾 人 夫陰陽者,聖人 ,其道甚大, 乎 聖人之動 咎。』心 也 繋解》 1 **>** , 此聖人 五卷, 甚矣! 之 不 復 危 皆

隆慶辛未進士,官至湖廣布政使參議。」陸元輔曰:「馮時可,字元成,華亭人。

唐氏鶴徵《周易象義》

四卷。

存。

劉曰寧序曰:「《易》家自王、鄭而降,

所 訓 然哉 合。 鶴 至 嘗發百家之藏,彈三截之力,❷禀過 也 理 合爻象 生言之矣:『《易》之爲書,以 於陰陽之前,象表於形氣之後。』荆 謂 一於互 者黜 微 掛 ,而益暢其説 而 參 鶴 自 而 象固近之。 微 伍 卦 以 内 象,主 述 奉常先生者 外正 觀 少 以變、錯綜其數者邪 日 、倒體,其爲説 嘗 理 象者 「《易》須 一讀《易 ,定主爻於 因彖 ,作《周易集義》。 顧 亦 義 荆 儒 \leq 黜 象與 以 者疑之日 先君]]] 理,是二者 益 六六爻 辨爻,别二 先 博 理 子訓之日 生子 象 ? 合,彖 而 而 證 義 君 其 也 理 益 臣 與交 一卦於 大 庭]1[皆 理 位 要 蓋 良 先 立 非

1 「貞」,四庫本同,薈要本作「争」。《補正》:「當件

合,始有確

據。

自

象

與爻各自

爲

訓

不

惟

爻象常相悖,而

六爻之中,或本爻以

爲

君

耶 儒 之,則孔子之《彖傳》蓋備矣,正所 爲 儒據「《易》不可典要」之言,彖與爻各自 失之浮泛。 論 象、理、彖、爻而一之者也,學者於此求之 本爻以明君子,他爻目之爲小人,所以 『《易》之爲書,以象證 ? 謂 訓 理、《易》失之穿鑿; 六爻似累世仇殺,豈《易》義 ,不惟爻象常 故必爻彖合,始爲定論。』鶴 必象理合,始有確據。 相悖,而六爻之中, 理之書 論理不論象、易 也。 微 論 自先 以 固 細 象 先 合 然 或 不 求

累世仇殺然,豈《易》義固

然耶

?

鶴

微

細

象、理、彖、爻而一之者也。

於此求之,從

人有道矣。』其書大旨如此。」

求之,則孔子之《彖傳》備

矣,正

所

以

子,他爻目之爲小人,所以先儒謂六爻似

黄氏洪憲《周易集説》

三卷。

未見。

隆

慶辛未進

士,官至太常寺少卿。

陸

元輔

日

:

唐鶴

微,

號凝

庵,武

進

可矣。」

修 事 嘉興人。 俞汝言曰: 掌 , 陞侍讀 翰林院。」 隆慶辛未 ,遷右庶子,充日講 「公諱洪憲,字懋 進 士,改庶吉 忠 官,歷少詹 士,除 號 葵陽 編

穿鑿;

論

理不論象,失之浮泛。

必

象

理

其自述

『先君子之訓曰:「《易》之爲

象證理之書

也。

論象

不論

理

生,失之

張雲章日

「鶴徴

,荆川之子,能世

上其學。

黄氏正憲《易象管窺》

十五卷。

事 其無過豈待卜筮 廷枚卜,周家定鼎 其正哉? 故《易》之占,乃吾心觀省之 若論進退存亡之道,條忽變遷 設,以啓其 筮乃《易》中之一事,當亦爲 Œ 占,非卜筮占筮、占斷之占也。 行,非心通《易》道者,孰能貞夫一 理,使後世學者由之以 五十學《易》,可 、未嘗不卜。 憲自記 存。 曰:「聖人作經,將 趨避之門,故曰 然 無 而 日 非 後 大過。]其所學何事? 朕 知 耶?』曰:『帝王 先定志,●謀及 成 耶? 性 I 以前 日 成 以 或 用 孔子 身。 順 曰:『虞 而 與 不 民 性 時 知 用 不 命之 彼 E 大 失 者 偕 1

> 若程、朱《傳》、《義》,然亦 弼 微 心 天。』其憲之謂與?」 特羲、文、周、孔之旨爾。 索,融會貫通,庶幾闡程、朱未發之藴 彖、爻、象辭之意,有不相 憲豈敢妄立異説,惟因《傳 則 疏行,文義頗著。 ,吉凶之先見者也 又曰:「商 亦 以 人謀 瞿 而下,《易》道多岐。 爲主。 求其發明切實 贵 專 所 不能 合者 語云:『以管窺 主 謂 ×, 1 幾者 則 無 · 筮 哉 義 龃 沉潛 (,則莫 龉 以 自 動之 ? 體 王 玩

動本)、《尚書正義》卷四、當作「朕志先定」。
「朕先定志」、據四庫本、黄正憲《易象管窺・序》()

郭氏子章《蠙衣生易解》一作「郭氏易解」

十五卷。

奈 《易》名,其曰『假 子五 可 《易》,性命之 也。 以 執 子 口 易》,僅 何 禮 仕 得聞」,「 章 雅言《易》也? 無 自序 可 十以前, 存。 以 惟 ,皆雅言也」,獨 大 止 輕 難 過 可 **□**: 學艮; 俊 言,故罕言。 中 以 少年 人以 書 無 贵 『子所雅 孔 大 也。 我 不學《易》? ·謾言《易》耶 可久可 子 微 下 過 數年,五十學《易 將 獨 不及《易》、《易》難 不 『子言性 何晏、王 難言, 縱 可 **『**子 言, 速,學咸 之 聖, 語 <u>F</u> 亦 詩 與 罕 而 輔 難 *, « 天 言 恒 Ŧi. 不 孔子 學。 何 嗣 道,不 + 以 命 輕 書 諸 之 學 學 孔 與 口

> 然章 寧 厭 矣,予之過大矣。」 爲解若干條,總名之曰《易解 養以來,日 之,因之竊 荀子有言: 不出《圖》,鳳 『《易》安可注?』信斯言也,予兹《 易》,先君 無大過』、《易》其 戚 不 倦, 編 學 學 小 一絶,鐵 乾 極 手 過 『善爲《易》者不占。』管 第。 鳥 9 研 書 0 多識 不至,如 而 擿 故 程 可 今犬馬 《傳》、 旁鑽之, 易學 易》 多聞 折 0 此 惟 丛 郭? 朱 其憂。 學 如 爲論 孔 七十 此 大 義 子 子章 其 畜 能 若干篇 五 而 嗟 輅 而 勤 解 矣 乎 幼 僅 寧 П 謂 也 習 授 贅 云 河 儉

號 陸 都察院 蠙 元輔曰:「郭子章,字 衣 生,泰 巡 撫 貴 和 州。 人。 隆慶辛未進 相 奎, 號 1: 青 一,累官 螺 又

^{●「}擿」,原作「鏑」,據四庫本改

吴氏中立《易詮古本

存。

陸 痊録用,尋卒。 部,辭乞終隱,授禮部儀 部尚書袁洪 爲事,結廬於武夷山中十有七年。 辛未進士,父没服闋,絕意仕進,以 元輔日 . 「中立字公度,浦 愈等疏其節, 詔府縣起 所著有《易銓古本》、《中 制 司 城 主 人。 事 俟 送 南 著 隆 病 赴 禮 述

庸大旨》諸書。」

鄒

氏德涵《聚所先生易教》

卷。

李氏天植《易經疏義》

曹溶

日 . . .

德

涵

江

西安福人。

隆

慶辛未

進

未見。

陸 元輔 日 . 「天植字性甫,廣德州人。 隆

慶辛未進士,歷四川布政司參政。」

殷氏子義《易經 會 義》、《讀易别記》、《易

説》

未見。

陸 要,學者稱方齋先生。 出入朱陸,務溯孔 隆慶二年貢生,爲淮安儒學訓 元 輔 . 「殷子義、字集 孟之傳,著書必 所撰《易》解外,有 卿, 導。 嘉 定人。 根 其 理

《春秋大旨》、《詩經疏解》、《家禮纂要》

潘氏鳴時《讀易偶見》

未見。

《閩書》:「潘鳴時,字徵求,海澄人。隆

慶戊辰以恩貢入太學,判信陽州。」

周氏坦《易圖説》

卷。

存。

陸元輔曰: 「隆慶三年夏五月,博羅周

著於羅浮山中。」

戴氏廷槐《易學舉隅》

六卷。

未見。

黄虞稷 티 : 「 廷

槐,長泰

隆

慶 中

貢士。」

仇氏二常《周氏本義翼》

四卷。

未見。

姜氏震陽《易傳闡庸》

坦

未見。 百二卷。

> 九 四

揭爲總斷,情僞

得失,令觀者洞然,可謂

朱氏篁《居易齋讀易雜言》

卷。

《鏗鏗齋易郵

存。

錢謙益曰: 士家言,而以管先生志道之微言奥義折 「朱仲子之説《易》,取途於博

而入焉。」

以獨見、縷析條分、每卦六爻、撮其大旨、 以《易》名家。《易郵》一書,旁采諸家,衷 熊秉鑑曰:「仲修爲大中丞秋崕公孫,世

李氏應辰《易經庭訓》

《澹生堂目》,蓋祁氏之客也。」

朱一是曰:「篁字仲修,吴人。

其

書載

善言《易》者。」

《休寧名族志》: 應辰字仲拱。」

汪氏珍《易旨》

《休寧名族志》:「玠字朝用,邑諸生。」

經義考卷五十七終

門人廬陵蕭道弘覆校

九一

Ŧi.

秀水朱彝尊編

男昆 田 校

至欲

棄卦

畫

不

用。

程

氏《傳》專言

理義,

象。

迨晋王弼尚名理,而宋邢恕輩因之,

也者,像也。』由周迄漢,治《易》者率先明

爲之十翼。

其指曰:『《易》者,象

也。

李維楨序

曰:「昔者孔子晚

而學《易》,

而

邵氏

説

盡

主

象

數矣。

然

而

識

者多

有

遺

易五十七

朱氏

載堉《先天圖

正誤》

卷。

未見。

見意象 《易》者莫如孔子。 邵説 釋人 天道 議。 卒不勝,而 畫 《本義》 一狗 遠。』天 事。」 似 友人朱鬱 馬 李鼎祚謂:『鄭 劉器 有模 難 方 馮當可 可 而 自 之,劉 人寧 鬼 説 印之戒,其定論 舉子業出、《易》象 理,而 儀 魅易,是以 謂:『王 可 讀 不其然。 孔子曰:「八 偏 康成參天象,王 ^ 與 易 廢 劉 一與人 耶 爲 而 君 ? 朱子 象數之學 如 房、 嘆 事 陳 益 此 卦 疎, 曰:『説 滕 瑩 亦 置 成列, 珙 輔 不 以 中 程 講 者 情 必 嗣 舉 與

朱氏謀偉《易象通

存

九 六

四

,三與五

同

功而

異位

,重爻之象,六位

畫之象,八卦

小成之體

也

二與

乎? 之體 忘而 於狗 矣。 曹學佺序曰: 有 遺象,不遺象 象而言《易》者階之過也。 始遺象而言《易》。 要之範圍 變,推而行之存乎 之象,往來不窮謂之通,化 形容,象其 矣,而《説卦》更廣之,見天下之賾 之象既已爲 繫辭》,如挈衣而不得其領者 以《繫辭》説《易》者。 與遺之弊者也。 鬱儀之名象日 通之,能事畢矣,亦孔子之指也 也。 惟 通 於孔 因 (物宜 而 耐 天、地、風、雷、山、水、火、澤 後能得,惟 而後象 「古注《易》不下數百家,罕 子。 重之,不可勝象矣。 为 通。 遺 孔子之指 通 而 通 不曰『得 象 有 興馬。 廣之,象 變則 説《易》而不本之 得而 而言《易》,則 以 有狗象而後 而裁 也。 通 後能忘,惟 不明,天 心 通 不 也。 通 而 也 之存 見乃 可 而 忘 者 則 勝 擬 下 掛 狥 乎 爲 用

道

,使讀者占者犂然各當

於心。

而始

信

夫

通》八卷,近取身,遠取物,揆人事以合天

意,象之不明,意言何有?』乃爲《易象

無

方

而

象

有

方,象有定

體

而

無

定

用

陽

君

而

民

爲

君子,陰

君

而

民

爲

小

索之窈

冥

昏默者

皆非孔

子指

也。

易》

聖人吉

凶與民同患之理。

彼訓

話支

離

與

象?

書不盡言,言不盡意,立象所以

盡

畫

夜之象也。」《易》之爲書,安往

而

非

之象也,變化者,進退之象也

剛柔者

焉,吉凶者,失得之象也;悔吝者,憂虞

彖者

,言乎其象」。

「聖人設卦觀象

係

辭

極

[其數,遂定天下之象];

象有

辭

故

遠,後聖廣爲之象以開物。

象有數

故

在其中。」此象之始也。

書契興

加

結

繩

序也; 鑿,大要本之《繫辭》者也。」 無窮矣。豫章友人鬱儀氏作《周易象通 爻皆序也,卦、爻詞皆象也,樂 書,其道主變,其説順乎本文而 云乎:『君 所樂而 玩者,爻之詞 子 所 居 而 安者、《易》之 也。」《易》卦、 斯 玩,玩斯 不爲穿

陳氏第《伏羲圖贊》

一卷。

焦竑 乃昧者至沿 周 世所傳《先 象數爲宗,無言説 (易》遞 孔孔 %序曰: 推 興,要不 明圖 天 流 「《易》始庖犧,有畫 之旨 圖 忘源 出 圖 可 是 趣,詳 日遠 之範 尋;《周 己。 於圖 則。 哉 迨夏、 其言之也 易》則文王 而 顧 殷、 而 不知,甚 夏、殷以 無 周三 文,

寤與? **梦梦** 圖。 覩矣。 者 此 《太極圖》適得 千載,而閔支離者之病 立尚友古今,潛心道妙,恍然如 圖 象爲五行,爲稍異耳。 也,太極亦環中 可見,而 不備焉。 兩儀生四象,四象生八卦。』夫易,一 不言,何與? 未有 二十之策 與與 取 景 不必奇之耦之,離且析之,而萬 、庖犧 "; 以 圖 孔子曰: 紜 語焉 周子之圖本爲《易》設,觀《易通 其摹爲羲圖,奚啻指掌? 耐 絶不 而 爲 相 矩之, 古 不詳,至令學者謂 豊 其 此 臆見,又何其愜於人心, 逼 也 相涉,亦已謬矣。 人渾 『易 意,但變兩儀爲陰陽, 而 ,而兩儀、四象、八 析 引而不 成 有太 然 之爲 而於 天 道也, 以 極,是生兩儀 成之妙不可 一發以 八、爲六十 爲 八 古 乃 卦 見 待 然 周自 創 陳 顧 羲 太極 、之自 則 周子 卦 干 爲 皇 子 略 而 此 於 前 Ŧi. 四 而

之後 之有, 衷 之 爲 得 故 源 逆 至 疑 無 率 復 竊 不 之吉 流 圖 圖 得 數 此 數 ,壹寄諸 規 以 謂《易》自 口 澹 不不 明 得 者 , 髣 至 千 更 挂 也 方 然 所 自 之 志 者 X 於 置 以 繇 獨 髴 謂 有 數 希 忘 與 一之若 人之絶 嗟乎 拂 爲 與 見聞 靡 蓍 亦 而 著; 民 數 夷 太 睘 有 神 自 龜 非 之 非 同 先 是 往 極 1 明 取 抉 叮 無 數 融 獨 知 患,不 學 也。 生 者 耐 居 而 無 見 掛 剔 , 逆 托 道 異 一,張 聖 契義《易 順 兩 與 寓 真 者 於 則 而 而 心 觀 也, 得 也 周 季 忠 於 圖 而 詮 理 洗 無 歸 ^ 孰 己 子 定 立 蓍 啚 四 故 窮 心 事 也 解 識 而 之 **>** 至 特 論 贊 性 E 之學 馬 而 數 此 之? 而 剥 拂 \leq 圖 殆 於 公 起 盡 八也 衆 答 非 桂 事 有 未 數 天 無 通 而 自 至 問 非 説 啚 易 以 啓 志 知 周 思 千 陰 命 無 聖 其 陽 孰 載 故 以 無 決 取 大 反 而

《易》 黑 第 足 諸 之即成六十四卦。 A. 子 主 晚 爲 卦,三十二畫之即 具,若後 儿 鳴 筆 以 陰 自 排 者 儒 程 年 先 鶴 陽 書 之説 爲 明 見 後。 而 《傳》,後 序 也 畫 引 在 之作 流 陰 \equiv 此 畫 日 世猶 伸 陰一 即 大都 昔子 行 奇 極 之, 乾、 | 觸 成 兩 介余 特 之 本 類, 病 又 無 坤 贵 1 畫 ,余於 十八 妙 於 瞻 其繁 頗 程《傳》爲近,蓋程 有 小 卦 惟 有《 即 卦爻可 矣。 庖 讀 考馬 成三十二卦 讀 間 儻於六十四之上 成 奇 羲 子 解 文言 此 + 且 《易》,主朱《 斷 耦 兩 於 氏 詳 由 、鄭、荷、 編 六 難 例 易 儀 是 乃 解《老》, 亦 **>**, 畫 也 乃 哉 知 譌 以 斷 云。 之 川 其 况泰 名 也 繫 析 六 朱 即 畫 即 理 圖 Ŧ. 傳 著 筆 謂 成 楮 之 義 + 即 古乎 析 本 及 余 此,不 爲 + 成 筆 譚 又 之 不 六 獨 唐 四 陽, 孔 六 + 加 ? 有 宋 意 畫 几 之 大 疑 又

證

陰陽 鮮。 啚 嘆其妙,且不敢極其數也,惟以六十 之,即成二百五十六卦,三重之,即成 不 書焦爲之序,第 著書自喜,焦狀 見,言之譚襄毅,官遊擊將 官弟子,俞 張雲章曰:「第字季立,連江人。 自漢以 行立常若圖之在目也者,又久之,若見 者繪爲三尺之圖,縣之座右。久之,坐卧 百一十二卦,而 震、巽、坎、艮、坤之位皆不易也。 用奇耦 ,庖羲氏之《易》庶幾復明於世矣。」 消長之數、天地鬼 兹謬爲之《贊》,或有因余言而繹夫 則 來,傳《易》者 爲 ,以黑白 大猷 一百 元 亦 其位 二十八卦 召致幕下, 爲 有 竑見之,深 陰陽 先、後 不可勝數,其言圖 亦皆不易。 神之機 而 自 而 軍,尋 勸 歎 兩 序 乾、 以 儀、四 服 也。 初 武 余 其 爣 棄 功 爲 四 始 噫 再 去。 自 圖 學 實 卦 深 五 重

人,率由心得,與諸儒異。」八卦皆規方而爲圓。蓋其學從禪門

鄧氏伯羔《古易詮》

二十九卷。

今易詮》

二十四卷。

史孟 言,心不懌而 不 所 疏 六經,六經中尤喜《易》。 未 畫 傳 義 麟 俱存 發 序曰: 而 輒 而 外, 求,言善則不因 附 以 靡 攻 吾 詞 所 己 意 不 賦 友 繼 窺。 鄧孺孝 其 又少 自 人 説 當 漢暨 而 百 於 其 少治博 廢 家 心 技 竭 明 理 輒 而 自 士 歸 力 在 於 注 則

鑒美忒,蓋竊附乎述以傳經。』孺孝之旨孝曰:『詮,具也,擇言也。言具古今,擇及己所論著,合爲一帙,命曰《易詮》。孺及己所論著,合爲一帙,命曰《易詮》。孺兹者蓋積有日月矣。先是輯今人言,爲

陸 嗟 《易》之年。 譏 干卷,爲《彖》、《象》、《繫辭》、《文言》、《説 古今説《易》,何啻數 伯羔自序曰: 萊古《易》,其《外詮》則 卦》、《序卦》、《雜卦》諸 予少爲諸生,攻《尚 言人人殊,所貴擇善 往 乎 元 輔 醯 不佞 鷄 「鄧 銓次成 遊 「按《説文》: 爲此學 壅 伯羔,字孺孝,常州 中 帙,爲《上》《下經》若 書》, 迨今五十, 當學 虬 百家, 而 也者,徒憎 以 傳若干卷,一遵東 執,合異 蜉 廣 『詮,擇言也 撼 何啻數萬 未 大 盡之旨也。 樹 而 耳。一 が並取 同

布衣。」

傅氏文兆《羲經十一四

五卷。

深矣哉!!

考也。 於首。 得聞 諸儒 子且無徵 犧畫者,象之祖 文兆自序曰:「《圖》、《書》者,數之祖 吾於諸儒之詳言《圖》、《書》,而 二篇其流也, 至犧 其 獨 是《説卦》其 《圖》以蓍筮、《書》 言其所可考者,故作太古《易》冠 詳 詳言之。噫! 夏、商之禮,至 矣; 畫 矣。 以 况 周 立象,則詳 也。 室班 上世 源 興於中古之後也 並出於太古之世 也 爵禄,至孟子且不 之《圖》、《書》乎? 出於太古之後 以龜卜,若存若 具於《説卦》 益 知其 也 一,而 篇 夫 無 而

篇 子 也 大 世 爾 彼 萬 也 作 而 有 桂 自 無 而 易》 学之 觀 見, 者 不 據 儒 不合者。 有 匪 觀 則 象 以 講 而 者 遡 象, 卒 執 或 辭 有 象 排 觀 其 通 而 篇 此 亦 形 則 遠 并 掛 文 象 均 流 世 并 泥 於 》第 其 其 烏 貌 取 其 於是 爲主 止 王 不 此 彼 忘 其 知 無 源 次 物 占 所 言 窮 陰 之也。 其 莫 辭 文字, 故 口 者 一,辭者 篇 其 近 世 陽 觀 故 象 若 其 因 通 源 取 辭 + 象, 儒 須 之 之 觀 諸 次 者 身,皆 象 故 疑 用 多 因 ,) 所 通 而 徒 作 變。 果 卦 莫 而 之, 象 其 不 而 象 變 已 溯 在 若 爾 均 亦 不 斷 矣。」 E 解 其 而 蓋 所 疑 玩 莫 此 可 四 隨 繫 也 古 流 故 則 以 奈 則 辭 之考也 見 爻 作《 時 也 日 得 掛 像 因 其 何 故 旧 位 通 此 以 玩 其 置 間 變 能 蓋 以 虚 之 者 果 遺 象 辭 象 名 説 辭 君 所 涵 ൬

陸

元

輔

日

金

谿

傅

文

兆

撰。

日

^

太

初

何 子 辭 之 大 第 意 亦 不 所 悔 M 盡 亦 大 而 得 憑 乎 忘 學《易》 過 ? + 占 已 四 即 可 時 而 加 言 乎? 9 象之當 就 之,遇吉 而 E 翼 E 以 化 之卦 日 事之失 失、 知 + 其 裁 言 又 9 次 吉 來 之筌 故 翼 非 作《玩 有 之 失 有 本 總 否 莫若 [X] 中 於 詳 在 則 不 也 而 掛 不 而 因 蹄 闡 + 於 窮 矣, 吉 得 然,縱 占 故 終 玩 明 翼 乎 耳 善 非 之 也 篇 之 事 屬 遇 事 占。 之 兹 之 悟 他 妙 之得 以 有 之 至 而 外 復 X 又 者 第 也 卦 焉 限 貞 得 非 蓋 於 則 不 E 别 辭 X Ŧi. 也 悔 得 占 失 矣 他 有 有 M 故 作 爻 貞 事 者 非 心 增 也 夫《易 + 口 辭 而 而 占 觀 忘 雖 他 加 以 之 終 世 悔 X E 然 變 也 也 翼 ×, 得 將 其 與 爲 儒 9 有 孔 何 貞 失 亦 不

《易》爲十翼,而己又翼孔子,故謂之《十黄虞稷曰:「文兆、金谿人。以孔子傳

翼》。」

林氏兆恩《易外别傳》

老

傳 生 浦 者 龍 大冶序 也 江 存。 也 林 日 ,倡教於吴,乃以先生平生 而 夫子之所 其 :「《易外别傳》者, 徒復嬰子林翁者,先生 傳,傳之而 未嘗 乃三教 所 得 其 先

> **河** 《易》學。《易》之道,當自《艮》背始。 其 遂通 性 寂然 也。 能 則 啚 其背,而吾心止乎其所矣。 圖凡六 艮者,止 (易》旨散於論著裒集成之,衍爲《 在 中 便 》,則便能 忘乎其身也,故 圖》、《洛書》。 矣。 無 能 其 蓋嘗聞之,吾身之天地 不動,太極 十,説 與 中 極而 也。『艮其背』者,止其所 天地 然則 人 太極 與太 本 同 吾儒 本 指 其 惟 無 人惟能 日 也。 虚 歸 用。 能 『不不 極 同 性命之學,歸根 誠 非性與? 得 也 其體。太虚之體, 吾 天 繼 獲其身。』不 得吾身之《河 止其 地之用, 身之《洛 非 則 往 命 開 具吾身之 與? 所止,自 而 圖 來 之 感 一説 命 而 獲 艮 夫 於 學 而 在

●「河」,原作「何」,據四庫本、文津閣本、薈要本、《補

九二四

謂非 其身, 斯文也。 曆丁巳。」 成參贊之至道、位育之全功也,天之未 義人神、窮神知化,正惟追宗四聖,而 元 曰:『旨哉言乎! 神自復,而真空之體 真 而 儒之能事歟? 吾 復嬰子聞之,默然微笑,拱而 心之神明寂 子爲我識之簡端。』萬 先生闡《易》之精 見 照、元神自復矣。 性 ,全乎天矣。 默 喪 立

使世. 範圍 積萬言,從學者稱爲三教先生。」 謂聖人之道所以 諸生,棄去,游 閩 一氏之學,觕者吾儒所不屑,精者不出吾 小則 書》:「林兆恩,字懋勳, 無 其民莫不士、農、工、商,其道 嘗作書,擬詣闕上之,不果。 遊 則莫若先之以三綱,本之以 民,民 湖 無 不 湘 廢 明 者 倫,群 者,二氏蠹之也。 + 年 而 歸歸 莆 趨聖 田 而 四業, 講 莫不 人之 著書 補

王氏字《周易占林》

四卷。

存。

指諸掌』。此書宜入占筮門。」 卦,隨卦紀所用之辭,自云『觀象玩占,若 壽著《占林》,廣六十四卦爲四千九十六 张雲章曰:「宇字永啓,泉州人。倣焦延

彭氏好古《易鑰》

五卷。

命,則人惑。余之言《易》,因卦體、卦象、以性命言《易》,《易》之正也。而莊言性好古自序曰:「夫《易》者,性命之書也。

聖枕 余非 扃 取 統論 義,一 亡耳。余著《易正義》,並著《易鑰》,啓 後之人更無造其户而 者,四聖之扃也。 或取之捷,或取之徐,未可一言述也。 其要不失性 朱子《本義》列 掛 人。譬之户然,範金 取之己,或取之人,或取之順,或取之逆, 一,而坎之取百,或取之内,或取之外,或 則人思,不言其所以取,則人茫昧 固矣,而非 德、卦才攄之爲辭,一 無據 其 中之鑰於千百載之下,其誰 字一義,各求其當,名曰《正義》,與 在人心。 綱, 也。 取 命 鑰 《易》不在畫,不在彖,不在 坎 之正。 而爲二,以待人之自求,而 人心有真 以 填離,盡之矣。離之填 四 導 聖扃其户 之則 冶 顧性 人之者,則以 鐵 挂 一、飭鍵 鑰 不 命可易言耶 一義, 悟 開。夫《易》 以俟後 疏簧 則 日 一句 鑰 然,而 鑰之 前 (),其 在, 難 四 ?

> 名山 鑰 受之,余啓之,然未敢 不悟則鑰亡。 即即 ,聊備他日著述之闕 去四聖千百載 余以心爲《易》,亦以心 而 出 遥 以授 爾。 猶 面受也 人,將藏之 。余 爲

方氏時化《易疑》

一卷

《易引》

九卷。

《周易頌》

二卷。

九二五

學易述談

四卷。

俱存。

矣。 張雲章曰: 自 化爲之繹。 州 府 《指 同 知 要》云 以 時 \wedge 易 是 野 化 疑》 其 狐 字 高 禪 伯 以 祖 亂 雨 下諸書, 以 經 歙 來 可 縣 家 謂 人。 藏 皆 無 其 官 而 忌 所 時 憚 叙

樊氏埠《周 易外

佚。

精 郭 崙 於《易》,著《周 IE]1] 域志 岡 墓 人。 日 . 以 易外傳》數十 明經 公諱 除 煒 漢 字字 陽 仲 儒 卷以授孫 光 學 訓 别 字

其分至 **兇**言 乾策 故其 也。 道 也 難 道 子 秋分,則乾 四爻當閏之日, 三百六十,當期之日,六十四卦三百 輔 有 陽之始終、剛 述之;後天六十四 相 藩 周 嗣 異 《易》 同。 藩 其 正秋 二百一十有六,坤策 故其 象不明。 以 先天六十四 去之數,盈 法 啓 後、程、朱、蘇、楊之屬 明其説以費、孟、焦、京之旨 以 與 乾 以爲《易》有天道,有地道 閉 辭 、坤居戌末,坎、離居辰中,是 掛 天 兑 故 無 柔之分際也。 爻象 地 象不明,故 縮 閏歲之日 據 難 兩 準,故能 卦之序有 遲 ; 述 周 桂 卦之序無 辭 疾 耳。 天, 先、後天皆相次, 之差、《易》之所 無 百 周 彌 據 餘二十四,赤 後 其變難 位 故 綸 四十有 天三百 天 今正立兑 流位,不 能 泥 天 八 不 地 卦 按 可 周 一,有人 之道 蔽 四, 八八十 能 得 獨 圖 而 凡 當 變 微 陰 於 測 積 黄 而

變化 以爲 正既 以月爲量,并六十 甲後甲、先庚後庚、巳日乃革之旨,十年、 臨、无妄、革七卦之『元亨利貞』,蠱、升二 以 右肱之方,可得 三年、八月、七日、三日之數,左腹、左股、 損、益、困、井、巽九卦之藴 卦之『元亨』可得而言; 魁步奎婁 日數,去八卦以 在其中矣。 齊,推移靡忒。 而 履 而 非 始,杓攜龍 . 四 辨。 通《周 爲 掛 然後乾、坤、屯、隨 以 大都 月數,而損益 髀 爲 履、謙、復、恒 可 算經》、《靈 天數,去四 以 角 得 日星 而 而 發春 測; 先 一爲紀, 盈 一,四 憲 土 虚

天體》,不能善解其義。」

方氏學漸《易蠡

未見。

張氏元蒙《讀易纂》

寺少

卿。」

謚

日

明善先生。

以子大鎮貴,累贈大理

史孟

麟表墓曰:

「桐

城方

先

生諱學漸,字

達卿,本庵其别字。

學者

以

其學宗性善,

五卷。

未見。

黄 虞稷 EI: 「元蒙字叔正。 萬 曆壬 午

自序。」

程氏元初《周易韻 计》

一卷。

未見。

繆泳 日 □: -新安程 元初,字全之。 精韻

九二七

萬曆癸卯自序。」學,撰《周易韻叶》二卷。又作《季周書》,

程氏嗣光《易經發微》

楊氏士顯《周易存言》

八卷。

未見。

黄虞稷曰:「士顯字用晦,奉先人。萬曆

二十八年自序。」

王氏鑄《易解》

佚。

有《論語》、《易》、《詩》三書、皆六七易稿《閩書》:「鑄、萬曆中晋江諸生也。 所解

六卷。

章氏潢《周易象義》

十卷。

存着

《易》矣。 也。 潢自序曰:「孔子生生之語、《易》奚自 渾 《易》也,道也,神也,一也,不可得而 陽不測之謂神,象若不足以盡之矣。 生哉? 融 則 惟神明於衷者,真見形上形下,道氣 陰陽是也。 知 何爲象? 即陰 陽不測、生生不 一陰一陽之謂道 奇與 耦也。一者, 窮之 見 然 而 以

象

而

定

9

天

地

陰

陽自然之象乎?

故

因

象

異

名

名

經

取

十八卦,《易》之書備

是

矣。

孰

非

而

成

也。

合之爲三十六,析之《上

>

下

孚與

小

過,其

餘

屯蒙、既

未

濟

則

皆

相

反

對

者

八

如如

乾

與

坤

頤

與

大過、

坎

與

離

中

+

几

· 卦焉。

然《周

易》

則

有

反

對

次

第

其

其

中』是也。

又於八卦錯

綜

而

重之,爲六

乾

陽

物

9

坤

陰

物。

象其

物

宜

此

其

概

畫

以

象

陰

,奇耦各三畫,名之曰乾、坤

也。

乾、坤

各

三索

而

成

六子,

名

之

曰

坎

艮、震、巽、離、兑,所

謂

二八卦

成

列,

象在

情

見

陰陽

有

奇

耦

之數,故

畫

以

象

陽

陽之變化

伏

義

俯

仰

遠

近

通

神

明

類

物

是

故

盈

天

地

間

莫非

陰陽之翕

闢

莫非

陰

天

垂

象,見吉凶。

聖人

象之,象

此

者

也

奇

也

陽

之象

也

者,

耦

也

陰

之

象

也

因名異義,義以象而顯也

謂《 也 其 也 躍 是 教 藏 悔 廣 文、周之卦辭、爻辭以求伏羲,而《易》象 由 悔吝者,憂虞之象也 文、周辭 可 得其],吾心 其義。 吝, 故 吾 非 孔子之《彖傳》、《 之類以 庶幾矣。 履 易》與道、 孰非發明伏羲 剛柔者,晝夜之象也。」雖 變, 文 亦 霜堅冰之類 亦孰非 Ŧ (所謂 無 固 無 外設『天行健』、『地勢坤』之類 見其 且曰:『吉凶 於 往 往 有 各 噫 非 非 生生不測焉 未 與 象 掛 例 水平? ! 法天之學矣。」 占 神 畫 舉 加 所 一之象、 之謂 周 非 以 牝 象傳》以求文、周, 畫 公於各爻 求之羲、文、周、 天地之法 極 馬、 一之卦 變化者,進退之象 其 者,失得之象 也。 其賾,孔 無言之辭 設 牝 則 辭 象 以 牛、 居 乎? 繫 辭 舉 此 象 觀 豚 之吉 子又 辭 六 洗 無 動 魚、 龍 變 即 然 或 心 也 孔 於 非 無 由 X 以 密 所 則 不 飛 飛 ;

> 府儒 張雲 來 鹿 瞿唐立 書 學訓 院 章 學者 日 一説 導。 : 較 潢 稱 其 近 字 斗 理。_ 書 本 津 亦 清 先 主言象,視熊南 生。 南 昌 以 人。 薦 授 嘗 順 主 天 白

劉 氏 子立《易經 新

未見。

歲 李 東 貢 谷 延 是日 廷試,卒於京。」 鄧 潛 一一一子立字以 谷 論 學,里 人 中 稱 高 E 劉 安 夫子。 人。 與 鄒

張 氏從徵《易粃 補註》

未 見

錢 德 震 日 華亭諸

經 義考卷五十八終

門 人 桐 城 錢 斾 覆 校

經義考卷五十九

無餘藴哉。後世學《易》者具有發

明

注

秀水朱彝尊編

易五十八

姚氏舜牧《易經疑問》

十二卷。

存。

《彖》爲《象》,繫各卦爻下,又分其 舜牧自序曰:「孔子學《易》,韋編嘗三 矣,以是終 上》《下繫傳》,伏羲、文、周之旨斯真 日 言 而 不 置。 後 人 因 餘 别 闡 絶 爲 爲

之動, 乎 疏 矣。後人誤解變柔變剛,大戾二聖之旨 且孔子於卦、爻辭發出一『時』字、《繫傳》 必相符合無疑者,何後來者之紛紛哉? 典常』乎? 且孔子論《易》,嘗曰:『六爻 泥於其辭,曰:『《易》不 子之書間有異同,而 則可以爲善矣,變化云爲,吉事有祥, 妄於『吉』字下填入一『凶』字,乃若其情 且『幾者,動之微,吉之先見者也』,後人 用九、用六特發於乾、坤二卦,其用昭如 於諸卦下曰時義、曰時用,不一而 又拈出一『幾』字,意在 辭,則思過半。」是知卦與爻之辭,其大旨 ,然惟程《傳》、《本義》盛傳至今。 顧 獨不 惟 其 曰『初率其 時 物。』又曰:『智者觀 後來訓 辭而揆其方,既 ·可爲 前民之用也。故 解者或多拘 典要也。」 足。而 其象 嗟 有

程 矣。 高 於晦蝕哉 儒 聞 祚端貴 而 年,今復裁訂,求正於海内君子。 幾」,又曰『惟幾惟康』,吉之先見,兹可 與幾』,其旨似不如是。《書》 竊附諸儒訓詁之末,則皓首窮經之幸 今所問,或言之幾於《易》,俾藏諸名 佑釲 爾。 非所敢望也。 凶之先見乎? 誤解一 封 周 萬曆癸酉舉人,新 曰:「姚舜牧,字虞佐 公所謂 四 幾,又誤解二用,《易》道不幾 余小子無知,蓄疑思問二十 川道御史。」 萬曆庚戌閏 『君子幾』,孔子所謂 幾善惡之説,蓋發之宋 興 月。」 知 ,號承庵,烏 曰『惟時 縣 倘謂牧 以子 也 Щ 可可 證 惟

范氏守己《周易會通》

曹溶

日 :

「顔素,字質卿,懷寧人。

萬

曆

存。

甲

·戌進士。《易研》六卷、朱之蕃序之。」

十三卷。

未見。

甲戌進士,歷官陝西布政司參議 黄虞稷曰 . 守己字 岫 雲, 洧]1[萬 曆

唐氏伯元《易注》

未見。

顏氏素《易研》

六卷。

范路 曆甲 禮編》。」 戌進士,官吏部文選郎。 曰:「伯元字仁卿,廣東澄海 有《易注 人。 萬

張雲章曰:「植

齋曾公,衡

州

臨

武

萬

丑第三人及第,仕

至禮

部

尚

其

觀覽,就有道以是正

焉。」

朝節《易 測》

漢魏注 既 之所及反覆紬繹,以筆於紙,用備朝 心 學之遲暮,其不能 者以爲韋編三絶,其 朝 中之傳,以此玩《易》,遂相契合。 好古敏求,四十而不惑,晚年學《易》,説 又得慈湖先生之《傳》相參伍,有當於 節自序曰:「孔子聰明睿知,聖人也。 己 而 疏 疑 、伊川之《傳》、文公之《本義 慮融釋,明夫聖學不 解 難 何 如 怪 此。 乎? 以節之愚, 於是取 外 就 乎一 夕之 象軸 測

> 鄒 氏元標《易彀

矣。

馮祭酒夢禎、馮尚書琦皆有序,公同

之説

者。

其治《易》亦然,觀

自 序 略

可見

爲 學

出

人於薛、胡、陳、王之間,蓋

主

調 停

年進

士也。」

卷。

存。

字 陸 都 御 爾瞻。 元 史。」 前朝日 萬 :「吉水鄒南皋先生,諱元標, 曆丁丑進士,官至都察院左

沈氏瑞臨《易義》

未見。

兵 萬 浙 IJ 曆 江 丁丑 東。 新 進士,歷官四 歸 田 沈 講 瑞 學, 臨]1] 鄉 字 按察司 夢 黨 錫 稱 僉事 日 和 約 備 庵

焉以

思

九天九淵,莫知其倪。

然後知

矣。

時

而

蒐羅,綜及

百家;時而

鑽研,

穆

潛自序

日

介余

少

而學《易》,今皤

然白

《易》之冥冥也。

人粤西以

來,案牘甚稀

每詰朝,焚香

炷,讀韋

編

數

帙。

偶

有

所

徐氏三 重 庸齋易義

觸

援筆

而書,未幾輒

復削

去,又復書,又

以 高 萬 晦 唇 層雲曰 Ţ 庵爲的,自稱崇晦老人。」 · 丑進 士,官刑部 主事。 研 精 理

蘇 氏濟《周 易冥冥篇》

几 卷。 存。

先生。」 存。 :「公諱三重,字伯 同, 青浦

曆

Ţ

Ħ.

進士,官廣

西布

政

可參政。」

陸

元 輔

日

晋江

蘇紫

溪
先

生,諱濬。

萬

知其所以

生生,則終於冥冥而已。」

冥者之爲生生哉?』然余知

其

生生,而

謂易」,不覺

廢 書

嘆

日:

『嗟

夫!

孰

知 冥 何,而彙中之牘滿

矣。

一日,讀『生生之

復削去,又復書,如是者再且三焉。

《易經兒説》

四卷。

存。

繆泳曰:「沈孚聞,字貞孺,號翼亭,吴江

存。

人。萬曆丁丑進士。」

(韋編微言))

卷。

未見。

王氏豫《周易翼

未見。

《烏程縣志》:「王豫,字介夫。 進士,官至福建按察司僉事。 免歸, 萬曆 講學 丁丑

桐川,方演艮卦而逝。」

沈氏爭聞《周易日抄》

條

解之,可

解者仍《本義》之舊,不可解

者,暢以己見,而大義了然,俾來學讀之

十一卷。

屠氏隆《讀易便解》

四卷。

存。

錢謙益曰:「隆字長卿,鄞縣人。 客主事,歷儀制郎中。」 丑進士,除潁上知縣,調青浦,陞 禮部 萬 曆 主 T

其可 解。 解,至以《易》博一第,而猶憒憒不得其 隆自序曰:「予自束髮受《易》,苦 然則《易》終不可解乎? 考亭氏解 解,不盡 解其不可解。予按《本義》 其

難

九三五

便解云。」

楊氏啓新《易林疑説》❶

二卷。

存。

《河圖》,則取諸 創己 查 順數,與夫五行之推遷生尅、縱横錯綜、 叙疇,亦可以 采摭詳而考訂 黄鳳翔曰:「同 左右逢源,尤超然言銓象數之表。」 慎 行 見爲臆説者。 E : 「楊啓新,字穉實,2晋江人。 畫 覈。 里楊穉實著《易林疑説 卦 胡 方平 ,則取諸陳器之,皆非 至於横圖 如謂 ; 九疇子目 謂《洛書》 圓 圖、逆數 脗 可 合 以

李氏登《易知齋易説》

一卷。

未見。

陸元輔曰:「登、景陵人。 萬曆

庚

辰

進士。」

鍾氏化民《讀易鈔》

十四卷。

●「楊氏啓新《易林疑説》」,本書卷六十一有楊氏瞿崍啓新子瞿崍字,則此條下黄鳳翔語係誤收。 卷七十七(影印文淵閣《四庫全書》本),「穉實」係楊卷七十七(影印文淵閣《四庫全書》本),「穉實」係楊氏啓新《易林疑説》」,本書卷六十一有楊氏瞿崍

釋實」,

據《閩中理學淵源考》卷七十七、當作「日燦」。

萬

|暦

己卯舉人,官左州知

州。

李氏廷機《易經纂注》

徐剛振曰:「化民,仁和人。

萬曆庚

辰進

存。

四卷。

《傳》、《義》,而於諸家之説摘而録之,簡

約精核,洵學者之指南也。」

袁年曰:「侍御鍾公《讀易鈔》壹宗程、朱

士,累官都察院右僉都御史,巡撫河

南。」

陸元輔曰:「廷機字爾張,晋江人。 萬曆

癸未第二人及第,官至大學士,謚文節。」

四卷。

存。

萬

曆庚辰進士,歷文選司

郎

中。

其《易》

學者稱雲浦先生。」

説大都以心體立説,未免與程、朱訓異。

陸

未見。

元輔曰:「化鯉字叔龍,河南

新安人。

曹溶曰:「李廷機《易答問》四卷,四明沈

一貫序之。」

《易答問》

孟氏化鯉《讀易寤言》

鄒氏德溥《易會》

八卷。

所立焉 察象而 者。 言 告 《易》,霄壤自然之易也;又非霄壤之易, 以 德溥自序曰:「《易》者,象也。 而心之易也。 也 辭,非必 辭盡 前 固 而玩 ,彖、爻之所藴,固 不克 存。 辭以象生,必 矣,彖、爻之辭 ,以盡意者也。 也;《傳》之辭,非必 以臆説者漫也。 之,則得矣。 盡卦之旨也,象之所含,固不可 盡者,夫故 故諸家以其鑽研之所及, 一按象 亦所謂 不可 寓諸 夫《易》 道有 而後可繹其辭,不 象也者,聖人之 以《 象。 盡彖、爻之旨 不可言述,或 觀 非 傳 象 八卦以 彖、爻之 兀 而 》盡也。 聖之 繫之

> 者而 也。 曆癸未進士,改庶吉士,歷官司經局洗馬。」 陸元輔曰: 各有會焉,非會夫聖人之心,會於己 述之。」 余黭淺,不足以窺《易》,姑就心所會 「四山鄒先生德溥,安福 心

萬

錢氏 本《像象管見》

七卷。

存。

異闢 廬陵。 《易》道,二先生語 《易》?』遂手《易》而讀之,出入必於是,寢 食必於是。積之二十年,象則茫然而矧於 也。」舍是無可言《易》矣。萬曆癸未,筮仕 本自序曰: 邪 於是 蒙山 塘南王先生輯《衛 陳先生著《就 「『《易》者,象也。 本曰:『子盍 Œ 稿》以 道編》 象也者,像 進 而 發 以 讀 明 辨

矣。』本曷不量,而又踵 爲士大夫譏評訕笑、用覆醬瓿者,無 奥,著爲成書,足以師世。 百人。觀其用力之勤,自謂能 有道君子之前,而醬瓿亦効一覆之用也。」 像,然而半生之精力在此矣。 云:『自漢魏以來,以《易》名家者 是。蓋庶幾就 然其書具在,不 龜 窺天人之 Ш 殆 先 Ē 數 於 幾 千 生

《啓新齋易象鈔》、《續鈔》

受教王、陳兩先生,始知讀《易》。 二十年,不忍投之水火,名曰《像 本自序曰:「萬曆丙戌、余復任螺 存。 因友人相勉,隨 至於今又幾十年,筆既 讀 隨 抄,積與前等, 秃,手 積之幾 象 亦 JIJ, 顫

其孰能與於此? 世之注解,殆皆妄也。』 復不忍棄去,名曰《像抄》。• 此亦足以箴余之失焉。」 『《易》之爲書,窮神知化,非天下之至精, 孫盛有言:

《四聖一 一心録》

四卷。

存。

初 福建道御 武進人。萬曆癸未進士,由 陸元輔日 ,贈太僕寺少卿。」 史,巡按廣西,建言爲民。 :「錢一本,字國端,一字啓新, 廬 陵知 天啓 縣 擢

0

書,與光禄顧端文公分東林講

席。

初宰

張雲章曰:「公以建言落職,歸

而談道

像抄」,四庫本作「象鈔」。

九四

0

序 像管見》一書,晚年復著《象抄》,皆自 廬 **一**陵,即 ,鄒忠介公元標亦序之。」 潛心《易》學,積二十餘年,成《象

癸未進士,官至浙江按察司

愈事

黄虞稷日

:「常吉號儆弦,武進人。

萬

曆

姜氏應麟《周易容光》、《易會》

俱未見。

科給 松槃。 太僕寺少卿,贈太常卿。」 謫 妃,公上《正名定分别嫌 陸 廣昌典史,量移知 元 事 輔 曰: 中。 萬曆十一年進士,改庶吉士,授户 十四四 慈谿姜公應麟,字泰符,號 年,加封 餘干 明 縣。 鄭 疑 貴妃 疏》,上怒, 光宗立、起 爲皇貴

徐氏常吉《易解》

未見。

饒氏伸《周易彙解》

未見。

士,官吏部主事。」 陸 元輔 曰 : 「伸,進賢 人。 萬 曆 癸未 進

潘氏士藻《洗心齋讀易述》

十七卷。

陸元 (輔日 存。 : 士藻

號

雪松,婺源

萬

曆

與民同 焦竑序 癸未進士 患者,莫辨於《易》。 日 :「聖人洗心退藏 ,官至尚 寶 司 少 卿。 故處 于密,而 而修身, 吉凶

《易》 之故 賢 戰。 諸 索 言 緒 獨 六 能 但 出 有 於陰陽之先。 盡 虚 事 隱 智 射之,不若合衆 Ē 研 用 四 動 取 世 而 ご非 諸 之。 精 耶 《參同契》云:『二用無爻位 周 業,施諸 之 九 · 而 加 未 經 則亢; 變者 於《 易 世 家 ? E 萬 用 寓之於書,使 亭 説 每 知 古之微言,道 變, 而 易》,仰 余友 止 就一 究之,博 歎 九 百 天 由 耐 陰爲 而 聖人 日 六。 潘 姓 卦 下 此 陰 章,未 . 去 思 力射之,猶 可 國家, 豈 出 止 陽之用, 『《易》 於 六用,而 華耑 藉令陽爲 有 與 致 六 人排 是 ௱ 得,時 能 前 嘗 家 + 立 退 心孔 者 不 聞 如 有 象 虚 有 藏 而 動 不 津 流 精 時 鴻 四 有 倚 者 九用, 也 以 静 乃 孟之學, 能 猶 津 私 9 鵠 中 周 數 其 哉 之微 思 不 取 卦 草其 也。」乃 有 得 用 然。 其 窮 體 無 六 味 流 六 而 而 者 也 蓋 賾 其 + 事 聞 則 立 晚 行 不

> 足,表 其 顧 蓋 去 主 自 己《易》也夫 而 其 華 根 私 其 象莫備於李 加 談 意 源 所就者,已可 折 梓 未 方進 《易》不 衷 出 明 耐 焉。 人以 公諸 门以 而 去 鼎祚,去 大 指 未 度外 萬曆丙 同 口,求 抵 止 南 傳矣。 好 主 也。 來 内 學 華 理 其 午冬日。」 而 有 可 莫 不幸 裒 不懼 書 子 能 備 輒 而擇之,補 師 不 由 於房 被 者 拒 謂 諸 魯 疾 而 輩 象 斯 勤 審 不 而 其 不 乎. 數 殁 出 以 不 爲 契

岳氏元聲《潛初子易説》

三卷。

存。

後 俞 乃 汝 言 更 焉 日 : 石 仕 至 帆 兵 先 部 生 右 諱 侍 元 郎 初 自 姓 號

潛

《環中指 啚 按: 易數贊》, 策初籌》,四曰《探策通》,五 譚》,九曰《問易采風述》,十曰《 止方言》,十一曰《參疑》,十二曰 研幾私乘》,十三曰《譚易》。 記 石 帆 掌圖 先 曰《觀象微言》, 六日《壁記 生談《易》, 訣 ×, 私 日 譚 ~ 玩 曰 ×, 日《 ^ 七, 日《 易 觀 知 學 探 易 巵

徐氏即登《易説

九卷。

陸 癸未進士,官至 元 未見。 輔 日 : 即 河 登 南按察使。」 號

王

岳

豐城

萬

曆

顧氏允成《易圖説億言》●

九四二

四 卷。

子之鄉 弟。 嚴 諸 身,坐救海 叔時進之以 從其兄講 授,遷禮部 繩 經 孫 萬曆癸未中會試, 存。 亦皆有之,未刊行。 愿 日 也 : 學 忠介瑞削 主 「先生字季 東 中行,對 事 所著《易 林 , 又以 書院 籍,尋 日 言 每 圖 丙 :『世之中 時, 事 戊賜 説 以 以 謫 涇 薦 億言》四 狂 光 陽 同 爲 狷 州 先 進 南 行 自 判 生之 士 康 卷, 夫 官 許。 出 教

0 此 條前, 原空缺四行,今删

許氏子偉《廣易通》

羅氏大紘《周易古本》

進士。」

曹溶曰:「德泳,江西安福人。

萬曆丙戌

未見。

曹溶曰:「瓊山人,字甸南。 萬曆丙戌進

鄒氏德泳《湛源子三讀易》

卷。

未見。

《易林説疑》

未見。

士,官户科左給事中,以言事謫。」

未見。

卷。

黄虞稷曰:「大紘字匡湖,吉水人。 萬曆

丙戌進士,官禮科給事中,以建言謫潮陽

典史。」

袁氏黄《周易補傳》

四卷。

九四三

《河圖

卷。

俱未見。

進士,知實坻縣,陞 者,而《功過格》、《祈嗣真銓》盛行於世, 所著《易補傳》、《圖 俞汝言曰:「嘉善了凡袁先生,萬曆丙戌 職 方主 解》,里中罕有傳 事,被劾回。

萬氏純忠《周易箋疏》

不可解也。」

《南陽府志》:

萬純忠,

鄧 州

萬曆戊

未見。

子舉人。」

經義考卷五十九

門人高安陳守創覆校

終

九四四

1282

秀水 朱彝 早 尊

田 校

時

與同

志者講焉,

研味久之,知

褆

躬

涉

二氏乘

其

饑

渴

而

鼓

行

之,焉往

而

不利?

余竊悲之,晚

而學《易》,憂憂乎難

人也。

大

果生。」

諸

饑

渴

之飲食不可一

日

爲之義

晦

加

心

法

勝

,積善積惡之誠

泯

而

學之固

然

也

善乎李覯之言:『無

思

無

易五十九

焦

氏並《易筌》

嗟乎!

是編出,學者知二氏所長乃《易》

易》之所無

也。

彼攻乎異端者,其病

口

有,

耐

離

類

絶

倫

不

可

爲

家

或

則

謂 竑自序曰 矣。二氏因駕其説,而 察,矜激於名義,没溺 窮 理 盡 性 聖人 至 命 之微言備 之書 於訓 與儒 也 詁 角,不 載 儒 於《易 者 而 習 失之遠 知皆 而 弗 所

者稱 陸 福 少瘳矣乎!」 除 元 寧州知 前日 爲 翰 林院 州。 園 先 焦竑,字弱侯, 修 生。 撰,尋遷東宫講讀官, 萬 曆己 别 丑. 字 賜 澹園 進 士第

九四

於遺忘,輒命兒子籍記之,爲就正之地

以爲矣。

會同學者漸

以

散去,所

聞

恐

至

世、窮深

微

理

無

弗

八具,而

異

、學之

果

無

高氏攀龍《大易易簡説》

三卷。

存。

物。 萬 者,占之謂也。」静而不密,則不占, 之,莫能 高 攀龍自序曰:「夫《易》豈難知者哉? 天 彰彰焉 占者神明焉而 象,動而 太子少保、兵部 俞汝言曰:「公諱攀龍,字雲從, 曆己丑 地下,萬物散 天地 成占。 致 而 進士 之大,未嘗不備於我 『《易》者,卜筮之謂 力 冥行者不 則 爲德。 成象者退藏 尚 歷 殊,吾於其中具形而 以《易》示之,又詔 官 書 都 ,謚忠憲 知 吉凶 察院左都 也 悔吝,如 焉 聖人 而 也。 静 御 無錫 爲密,成 惻 史,贈 之 然 H 加 爲 動 患 月 成

> 謂蓍 足以 不德 可。 問之以蓍, 言,而明《易》矣。」 儒、《易》注於夫子,説《易》者明夫子之 得矣。』於是作《易簡 『其知易知,其能簡 則 雖 爲占也亦宜 占,可 然,不見《易》 不占。 則卜筮 謂 至將有 ,於何見《易》? 之 占 能,易簡 説 而 不 能占 爲 事 足 云 也 夫 以 而 五 者鮮矣。 盡 經 天下之理 易》,不 調著 注 於 後 示 則

《周易孔義》

卷

之義 攀龍 見《易》難 也 自序 存。 人每 耳。 曰 : 言《易》最 見《易》則 周 易 孔 義 難 見道,道豈易見 讀, 余謂 何

此齋 者? 哉? 《易》之謂 《易》也、《易》非經也,存乎其人。 繹 即 曰:『聖人以 何語哉? 學《易》者當以夫子之注學,字 入者注也 而 注 戒以 即 句味之,經不難讀也。然 若讀之而已,六經惟《易》易讀 經,非 非 也。 神明其德。』『此』者何也? 注 此 經 則 夫子而 《易》以孔 也。 洗 無門人,注 心 惟《易》注自夫子,故 吾鳥 退藏於密。 義 知《易》之所 非經 明,孔義又 ,則從 而經 聖人 夫子 以 以 門 見 固 者 語 何

郝氏敬《周易正解》

《易》明。

以

目

前

事

故

不易見,然

以

目

前

初

非

難

見也。」

字十。

《易領》

四卷。

道 遂 儒 挈其大較, 敬自序曰:「八卦以序相循環,君子所 妙,無所不貫,夫子作《傳》,循循易簡,提 不可矣,豈作者之意 山》、《歸藏》亦各有序,而其義未備,故文 演之,範 變通,往來理數之自然。羲皇始作,文王 而安者,《易》之序也。《易》之序者,造 更演。非序則三《易》混同 凌亂 略 反 之,博 《疑《序 存。 無 圍 復條 士家 掛 引伸而曲暢之,存乎其人。後 曲 傳 成,精意 理 因 爲淺率,朱子作《本義 矣。 廢 而 敷? 豈其然乎? 不講,若是則《易》 全注於此。 先後雜 特 其 象 越, 義 余解 連 無 員

九四七

九四八

衍 領 如著衣者挈 於彖、爻前 其 冠 領 以《序 而 前後 卦 襜如. 傳 ×, 命 略 加 敷

《問易補》

七卷。

於《詩》 敬 道 尤 率 調 又 口 古,如 甚於《 不 若 自 永 與 簿 得 存。 何 嘉 》、《易》 同 領 與 而 詩 斯 邂 學 讀 浮 :「余幼授《毛詩》,疑朱 耐 逅 湛 受《易》者聽 中 義荒 也。 E 秘 學 聽 乎? 書 第, 説《春 博 閣 竊 鮑 供文 私 ,於心終不忘。 怪 顧 士 心 先 秋 説 或 一龍 學 耻 ***** 輩 家 校理 之。 氏。 易 稱 其 功 穿 師 之 **\$** 比 渠 《傳 整 其 儒 役 釋 相 癸巳 嘗 淺 明 又 前 褐 承 受 淺 經 甚

《易》於先輩 亶其 見其 忽焉 説 學《易》。』取余《易解 塵 者六七家 於今幾千載,傳注千 故 義若干條 辦 合,然心誠求 而 詩》,次 補 後 艮 辭 奔 而 又重思之。 其 然 乾 難 將 走,明 助 他 ,總之老生 至。 闕 我 乎 卦 事 爲 解《春秋》,最後《易》。《易》, 己嘗 略 請 ! 者。 離 竣, 師 怵 就就 乃抽簪下帷,求 非 披 益 之,不中 比 再 然遲 良 1染指 余甥 矣。 一常 思之不通, 友 必 屬 而 殺 浹 洪鐘 問 余。 不 談 青 之, 旬 《管子》云: - 家雖 日 復可 》,字比 馬, 耳 而 不遠。 同 久 莊 大叩 諒 後 爲 學 生 而 未 闇 逢 别 文宰 坤 余説乾 鬼神將 謂 取 復 前 自得 徧 後 廢 而 事 小 羲、文始 **师覽**,而 千 觀 削 + 業久之, 句 氏 竣,乾 吅 五. 『思之思 師,首 載 草, 櫛 餘 以 無 通之。」 十之 而 説 年 諸 錚 浹 摘 下 咸 鳴 温 吾 坤 年 生 旬 解

輔

日

]: 「敬

字仲輿,號

楚望,京

Ш

是也,我過矣,書以志余過。」

知其解者旦暮遇之矣。窮經難,窮《易》

尤難哉!

《學易枝言》

卷

存。

先儒 言不煩,一面而盡二難之美,故經 其辭枝。』余學未忘疑,道其 人之辭寡」,老聃 書記,久之狼藉巾笥。道士章憨取 敬自序曰 有《談》、有《領》,晚更三思,得 人,别爲《學易枝言》。 云『煩則枝』,何晏謂管輅 : 「余於《易》有《解 亦 云『多言數窮』。 經曰:『中 實 \approx 説《易》要 而 有《 則 心 曰『吉 已 夫夫 疑 舐 問 以 矣。 者 筆

張氏納陛《學易飲河》

八卷。

存。

者耳。 過 數年之假、五十之學,然又僅謂『可 無 錢一 大過」、《易》顧可以勿學乎? 焉者。以夫子之聖,何過可言? 莫不具有全河之量焉,有 以券之《易》,《易》,河源 飲幾何? 也也 盡 本序曰:「 ,必先於大者無過 ,而飲之者其 予友張以登起家名進 亦猶之河伯望洋之見也。若 昔有爲 量 有 前 飲河 盡 也,蓋人人之心, 不 如如 後 之喻 ·待渴 一士,任 可 大過,大者 鼴滿腹,所 以覬 者,謂 而 且 甘飲 望小 以 願 無 有 河

〈縣丞,移知江陰縣。」
、萬曆己丑進士,官户科給事中,謫宜

興

義 考

第自 陸 其《飲河》所述,蓋 勇 值 萬 疏 元 曆 1 口 並 飲 天 輔 封 丑進 ",亦以 議 人 時 舉 起 錮 號 涓 士。 飲 六君子 籍,遂數 偕 張 滴 人,可 于、 之流 納 用馮 陛 薛、 奚 字,字 謂 悉滙 + 河之全力出之,匪 顧 窮其 啻 餘 以 泰 爲天漢之章。 年 陳 登,宜 源者已。 賈 而 用 諸 心 馮 與人。 精 公抗 河 無

方氏 大鎮《易意

几 卷。

未見

寺 號 錢 府 少 推 魯岳 士 官 升 卿。 作 桐桐 入爲江 璫 墓 城 禍 碑 人。 作 日 西 道 具 萬 御 曆 疏 公諱 乞休, 史,由 己丑進 大 鎮 陞 大 士,除大名 理 南 字 派 京 君 晋 光 本 禄

> 陳 氏幼學《 周 闚

佚。

管闚》 成 樂 新 嚴 H. 書。」 此 進 繩 談《易》東林,公善其説 不 士 孫 以 知 ,官至太 日 相質。 疲 . 「公字 也 。」竟以 常 日 卿 志 1:『吾: 行 此 癸丑 無 雖 成 錫 遂 疾,卒時 冬,錢 十老 一歸 撰《周 先 萬 猶 生 曆 誠 易 未 啓

説 寺 文孝先生。 至孝,居父喪 同 卿 0 于 未 野」,遂 仕 所著 時 盡 禮 引 方 有《易意》、《 疾 毁 及禫 歸 首 善 自 而 書 號 卒, 院 野 (詩意 鄉 同 人謚 翁。 筮 《禮 性 得 曰

王 一氏述古《易筌》

未見。

按察副使,進布政。」 黄虞稷曰:「述古字信甫 萬曆己丑進士,官常州 ,號鍾嵩, 知 府 Ш 禹 州 西

吴氏烱《周易繹旨》或作「易旨質疑」。

《易》。夫《彖》、《象》以疏卦、爻,《文言》、 聖人之旨。 作,韓魏公不以爲然,終身不與歐陽公談 絶,而後有十翼,以闡伏羲、文王、周 李廷機序曰:「仲尼之於《易》也,章編三 存。 歐陽公乃以《繫辭》非 夫子所

過。 中如 違其 時。 《彖》每嘆時義 《象》彙而不析,連而 《繫辭》又以發揮《彖》、《象》之所未盡,而 退 指諸掌。 浮雲之適往適來,何與我事?』此語出自 消息盈 者, 殆庶幾焉。 而余又以爲《易》理 不見注 辭,第就聖人語稍加訓繹,而大旨了然如 其羽翼 歸之羽翼 編 相 夫士大夫不明《易》理,潛、見、躍、亢 倚 曰 時 至於既老,猶欲假數年之學,以無大 視 :『豐亨豫大,君子畏之。』曰:『進 爾。 ,成敗相伏。」曰:『死 ,進退存亡失其正,過斯大矣。篇 解,但見正經 虚,在仲尼爲 余,余受而 朱晦 (三聖。 華亭懷野吴君以所著《繹旨》 翁教 也大,而 自漢以後,諸儒 人觀 讀之,卦、爻、《彖》、 有幾個字。 不間,無深求,無費 仕 孟 止久速,故 子稱之日 到通 生旦暮,如 若 注 融 聖之 其 是 流 惟 後 是 編 又 都

口哉? · 達識,必能用《易》者,豈獨能繹《易》之旨

損之爲 董其昌 夫 陽 知 退 也 德。 贊《易》,於《乾》之『潛 卦 E 忠孝大節,恬淡 跡 向 超 《易》爾 必然霞 嘆 人 於 者 損 存亡 日 子 哉 養 損 他日見老子,其尊之也似 所 者 猶 也 E: 益 跋 者。 有 著 危 舉,志在五 龍 · 非 用之《易》 期 而 日 『吾已知 書談 機 機 於 文、周、孔子之《易》 居之者、盗機 「向子讀《易》, 猶之者,疑之也。 也 不 焉 九 道, 姱 失其 而 在 如 知益之爲損 岳 陰 修,灼然 貴 家,十九在 有終焉之志 此 。』彼所用 Œ 氣 不如賤,富 龍以 不 而 子 也 린 盡 有用 友 爲 至 吴 故 官 夫乾 師 者,老子之 而去之、 聖人 得聖 知 也。 於世 晋 疑 不 損、益二 子 歸 益 與 ·如貧 明 於 純 之進 觀 稱之 孔 耐 奉 龍 之 非 乎 知 其 太 不

> 《易》矣。 徒 陳九疇 虚 曠 曰:「今之談《易》者争言象矣,不 自 向子云乎哉 喜 而 詭 於 Œ 者, 可 謂 深 於 用

撥 説 求 象》,以位分《小象》,如 象自合矣。 胡 龍 理 合 解 如 日 雲霧 象則 理有 粘 車 門,爻之象亦豈定 則多 可執也 ,而《説 而《 轂 釋 易》旨 方以 轉 牽 縛 而 象 合 大明之,是之謂 之 而 卦 書 軸 兹 順 **×** 求之,而《易》始离。 難 《同人》之初日 躍 曰 : 不 理 也 繹 通 如 轉,一洗變、互、比、 求 也, 『乾爲 ^ 脱 象 故 乾》 以 法乎? 則 升階 日 : 卦之二 干 自 馬,震爲龍。」 潛、見、 懸 然胞 解 吴子之《易》, 餘年之牽 門、《節》之二 級 隨 義 飛、 進 合, 時 夫 立《大 度 卦 應之 躍 執 理, 象 有 稱 卦

唐 烱 公益 自 序 以六爻,孔子贊以十翼,《易》更 日 粤自 伏 義 畫 卦, 文 E 衍 四

陸

元

輔

烱

字晋明,華亭人。

萬

丑進士,南京太僕寺卿。」

笪氏繼 良《鵝湖 讀 易編》

姑

藴

薄

識茫然不得其畔岸者,凡歷五甲。

竊謂《易》道廣大,無所不包,而淺見

惟

昔歲在甲子

,予甫

成

童

,以占筮

見《易》

之辭,迄垂髫讀宋

儒

理學諸書,見《易》之

聖

而

道

始

未見。

講《易》 辛卯舉人 高佑釲曰 鵝湖、著書十二卷。官至山 初 繼良字我 署 寧 或 教 箴, 諭 遷 丹徒 知 鉛 Ш 西 萬 按 曆

察僉事。」

以

設教之小助云耳。乃若孔子之《傳》本

敢知經世之大用,直就辭衍義,以爲

神道

己見,以與文王、周公發揮其微義。余不

以象合先天之畫,似有見其

一斑者

1,敢攄

去箋注,直探文王、周公之辭,以

辭

合象,

萬氏尚烈《易贊測》、《易大象測》

宫商

之相

應,亦以復古本之繙閱。

甫

就

搦管題其梗概。

萬曆甲辰秋八月觀

潮之

也。」

串。

予做乾卦例,以《傳》列於各卦經

辭

釋經,而王輔

嗣

分列各爻,使經

意

不貫

之後, 卦如統領, 六爻如貫珠, 而

《傳》如

0 夫豈易言者哉」。 」,薈要本作 「明易之爲

九五三

存。

先 測 《彖傳》,求爻辭於《爻傳》,《彖傳》、《爻 辭 遡 之見,有觸 累,不覺成帙,因名之曰《易贊測》,蓋謂 贊不背而 尚 於六十四《大象》,原與卦爻之辭 傳》明,而彖辭、爻辭之旨其盡 測孔子之贊《周易》者也。 三聖,而實統於孔子之贊。誠於孔子之 反覆者廿餘年,乃信《易》之爲書雖 不可以爲學。』不佞因 故 生 不苦爲講説 而得矣。 烈自序曰:「不佞結髮從里中章 一游 又别 又有《讀易》,附於其末。 開先 馳,則周公、文王、伏羲之意 爲 每有所聞,便即劄記,日積 而存,而二《測》之旨,其裏 一簡,亦名之曰《 生論《易》曰 ,非故略之,正以求彖辭於 取《易》讀之,沉潛 故於彖辭、爻 不 是乎。 周 大約 知《易 易 不 管蠡 大 相 成於 布衣 至 象 月 可

言云。」

鄉試 知 濟 陸元輔曰 寧 知州, 初 學於布衣章潢。」 署 建昌 再 「尚烈,新建人。 補 教 昌 諭,陞 平. 知 州 高 州 轉 萬曆辛卯 府 邵 推 武 府 同 歷

徐氏日仁《周易翼注》

未見。

黄虞稷曰:「永豐人。萬曆辛卯舉人。」

吴氏默《易説》

六卷。

存。

類而長之,天下之能事畢矣。』此詮《易》默自序曰:「《易》不云乎: 『引而伸之,觸

者輯群 又 以言《易》自任,聊以俟夫引伸觸 孔注脚下 學《易》者,當以 茫如捕風,又况乎《大全》諸家乎? 説,以爲《易》盡 之挾策 之宗旨也。 復散佚,今彙 何言非《易》也耶 書而衷之以程、朱《傳》、《義》,隨 者, 盤旋。』旨哉言 今寓 往往 而 在 羲皇 成是編。 格 内以 是 ? 於 也。 心 章 明經 地 句 試 也! 希夷有言:『善 馳 之 爲 吅 聘, 沙功令, 陋 Ż 予亦 守 無於 程 類者,則 何 子 傳 其 周 敢 往 師

辰進士,太僕寺卿。」 陸元輔曰:「默字因之,吴縣人。萬曆壬

姚氏文蔚《周易旁注會通》

中四 卷。

壬辰進士,仕至南京太僕寺少卿。」 黄虞稷曰:「文蔚字養谷,錢塘人。萬

曆

李氏本固《古易彙編 意辭集

丁七卷。

存。

號 例,有 傳 李 辭 而《意 綱 《畫 《明 有注,有 維禎序略 爲繁蔓。 日 意 象》,曰《三易》,曰 辭》之目八,曰《古易》, 譜,有考,有 圖 日《意辭》, ^ 誤異 \leq 書象》,日《圖 日 集注 清 曰:「治《易》 ^ 源 釋 日《 李維 名 日《 有義 數 易 ×, 有 象數 寧 派 日 書數》,曰 疏 統 圖 [《詳 ^ 有論 廣 彙 有 易 有 象數》之目 日 編 日 章 《變占》。 輯 説 總論 辭 句, 有類 其 日 有擬 ^ 大 有 玩 觀

九五五

以《意 其 采 氏《 象 兼 以 高 有 雜 淄 小成》, 舉,超 據。」 序 輯 出 論 JII 予耳目所及,若焦先生之《易筌》,意象 卜筮 解 前 漢 序 高 H 叙 辭 會》 略 唐 氏之《易》,咸 超玄著。 之變》, 》,曰《斷 掛 日 述 衍 諸 一書,包總古今,始 曰:「《易》道之暢,莫今日 《觀變》, 而《 繼 數 爻 家 之。 而後《彖》、《 象數》繼 頗 3 日 法》。 衆 ^ 又有 [《反對 變占》之目 日《不 秩 其 自 廣大悉備矣。 秩 黔 之,《 論 名家。 》, 曰 \\ \\ \\ \, 南來 乎 象 象》,其 變 有 甚 無 氏之《易》、 日《玩 +, 而 占 變 備 則, 餘 李 體 例 藴 》繼之, 曰 確 先之 占》, 維 而 ^ 若 乎 蓍 所 覈 寍

經

文,輔

嗣

以《彖傳》移綴彖辭之後。

王.

經

總

附

卦

爻之後

(於是

康

成

以《彖傳

》連

余

叔

純

日

一一自

費

長

翁

以《彖》《

象

傳

釋

古也。 朱 言》,改『天行健』等《象傳》人《繫辭》, 曆 陸 無 今經作《傳 原 思一十一 而 經、傳,爲古《易》,又内多改《彖傳》人《文 卦 而 至永樂間 天尊 傳》,獨 差訛 内止 先 壬 元 經文,仍非 考亭皆以 叔、吕汲公、 辰 輔 程《 地 近李 進 之患,古《易》於是 日 改『居室』七 條人《文言》,既 得》。 卑』等《繋辭傳》人《説 刻《本義》,然《彖》《象傳》 本 又抑 士 維 ,官至太僕 分 古也。 而 寧 成化間,成 經 晁 固 古 朱 分 合 以 字 經 子 條 别 道、李巽巖、 傳 萬 獨 維 以 少 經、傳,爲 爲 層間 從 因 寧 祐 卿 乎 無 非 古 今經,後 君 臨 復 助一 古 分裂之虞,亦 楊 經 矩 清 矣。」 作《 卦》, 乃 故 州 止 古《 吕 條、『 始去 本 猶 本 程 人。 庵 東 易 亦 附 義 子 分 萊 改 何 非 程 萬 各 大 别

陸

元

輔曰:「廷筠字淇園,仁和人。萬曆

翼傳者也,玩之可識盈虚消息之理矣。」

章,程、朱等傳,翼經者也、《顯義》一書,

壬辰進士, 仕至順天府丞。」

劉 氏 焜《周易略義》

楊氏廷筠《易

卷。

未見。

祁承煤 目 乾、坤至比凡八卦。」

高

佑

釲 日

.

焜,南昌

萬

曆

壬 辰

進士。」

湯 氏實尹《易經翼

四卷。

存。

進 陸元 士第二,官至國子監祭酒。」 輔曰 :「賓尹,宣城 萬曆 乙未賜 《易總》

卷。

未見。

《易總》、《易顯》,皆以己意解《易》,不以 訓詁舊聞解《易》。余嘗謂《易》經宋儒表 孫枝芳曰:「淇 家,亦不拘拘於卜筮。 園先生《周易顯義》不主 所著有《易微

九五七

九

Ŧi.

孫氏慎行《周易明洛義纂述》

六卷。

矣。 迨 通 其身,止諸 天三地二,尋卜,以 坎、乾、兑宫三點,從 申 慎行自序 餘章,三《易》缺 卜,五年後 戊 專 歲,忽若有 午、壬 至癸丑,將詣部,卜《 會丁 存。 欲 一月成。 講 卯春謫 曰:「慎行素不敢 戊 可 躬 求 兩 再 也。」 文王 示之圖 掛 十五 述 述 成,神 如 述外復有二十 心 後 爲 章 言,二《易》比 又五 南 將 天《周 止是《易》,便 如 十,十餘 復指示之,卜此 坤 來 世 艮》之四: 年後,可 於《易 局 巽 易 年 玩《易》。 (宮二 盤 來 者,從 》當 餘章,仍 兀 初贏 未 點 三述。 坐 可 有 輕 北 生 艮 述 潛 聞 戊

> 得泛推。 又昧其 其數 還 卑之義; 翼,●宗箕子之九疇,以 數相錯,其 之變化一源,又使用《易》者得夫子《小象》 非彖所明言,不得旁及, 以運行,以二五 下,得以 愈周 更知象之貫穿萬緒。 思《易》道 召 日 不 刻 還 例,并 知 淡 虚 前 起 生上返 使玩《易》者因文王《大象》便見爻 廣 其義 象多危,所爲 閒歲 所 别夏、商者。 用。 大,漢唐以 述《 汩 一爲 9 月,長坐齋中,反 其 初,則原 大 易》。 至宋 中 辭。 衰 而 自北 病 後爻 以 一中爲 俄 來 用非 言各有物,物各有 是用尋夫子之十 命《易》以 始要終之義。 來 承 戍 行南,則天尊 疏 有 搜 用 遣 象所 握 所 請 探 後 寧 統 耐 放,旨 夏,未 覆 先 包陰 天者,習 專指,不 後卦 攝 天者, 玩繹。 其 及 地 得 應

^{■「}翼」,原作「易」,據四庫本、文津閣本、薈要本、《補正》改

子太保,謚文介。」

曹氏學伶《周易通

凡一

十四萬餘言,章凡二百四十篇。大約

至臆揣無據,牽引多門。

名曰《明洛三易》。

方,一爻得一爻之義,一卦明一卦之用,不

得自止躬中者,初什之九,二則什之六,三

則什之四,間有見聞攙者,義便不倫,蓋亦

六卷。

未見。

《周易可説》

七卷。

存。

高佑釲曰:「學佺字能始,侯官人。 八卷, 同安蔡復一序之。」 乙未進士。《易可説》七卷,前有《總論

萬曆

0 作「篇」。《補正》:「當作『八篇』。」 據曹學住《周易可說 ·總論 》(明

《不語易義》

志慮尚清,視聽未惛秋毫,皆神賜也。」

多從汰焉。

念年幾耄矣,述《易》凡十八載

一卷。

《不語易義》,學者稱淇 易》、《四易》,題曰 陸元輔曰:「慎行字聞斯,武進人。 十六始受《易》,有《初易》、《二易》、《三 乙未賜進士第三,歷官禮 存。 《周易明洛義》,又有 澳先生。卒贈太 部尚 書。 年 萬 曆 四

九五九

黄虞稷曰:

「維樞字子環,晋江人。

萬曆

未見。

戊戌進士,累官工部左侍郎。」

九卷。

未見。

高佑釲曰:「渭南人。 萬曆乙未進士。」

張氏汝霖《周易因指》

存。

進士,江西布政司參議。」 高佑釲曰:「山陰人,字明若。 萬曆

乙未

張 氏維樞《澹然齋易測》

喻氏安性《易參》

五卷。

未見。

戊戌進士,累官都察院右副都御史,總督 陸元輔曰:「安性字養初,嵊縣人。 萬曆

薊遼軍務。」

黄氏國鼎《易經初解》

未見。

葉向 號九石,晋江人。 高 「公諱國鼎,字敦柱,别 萬曆戊戌進士,官右春

九六〇

以

元

爲

典禮、《坤》以貞爲

典禮

坊 四 右庶子, 書質問》、《易經 兼 翰 林 院 初 解 侍 讀 掌 坊 事 著

崔 氏 師訓《大成易旨》

汝亨爲之序。」 旨》二卷,止説《上》《下經》,仁和黄 曹溶曰:「師 萬曆 戊戌進 訓字弘臺,南直 士,仕至福 建參政。 隸 太 多議 平 ^ 易 縣

出 凶 觀 按:崔氏有《讀易》八條,其一曰 讀《易》 之門,一卦之大義 其 則 會 典 通 須 禮所 以 認 行 典禮 在 典 禮 ,乃六爻吉凶 故故 繋 也。 日: 辭 如《 以 -聖 斷 乾》 人 從 吉

> 貞; 剛 時 謂 觀 貞;《旅》之貞 卦 在 人之所略 彖辭 因 利 ,未有一卦 以 之時用,各隨 《咸》以止爲貞、《恒》以 貞 動爲貞、《需》之時 而 則 制 皆 思過半者此也。」頗能 宜 1典禮 謂 耐 在柔、《兑》之貞 之時義 其時。 無 所 典 在 禮者。 如《屯》 因 貞 以 時 無 静 道 智者 致 往 爲 之 在 爲 用 不

經 義考卷六十終

門人德清戴振河覆校

九六一

經義考卷六十

秀水朱彝尊編

未見。

男昆田 校

凡 卦而 也。 宗周自述曰:「《周易》者,文王本伏羲畫 傳》,則傳體也。合之皆得稱《周易》。然 如舊。」 今姑推其例,以及其餘,一一爲之更定, 古文不傳於世。 三家次第本是秩然,後人混而錯之,遂令 爲經二卷,夫子《繫辭傳》仍載後 至夫子,乃繫《彖傳》及《大》《小象 爲之繫彖辭,周公又繫爻辭 幸乾卦尚存古文之舊, 而得名

劉氏宗周《周易古文鈔》

《讀易圖記》

陸

元輔曰:「山陰劉念臺先生中

萬

曆 辛

不守,不食死。」

丑進士, 仕至都察院

左都

御

史。

聞

南京

卷。 存。

九六二

薛氏三省《易蠡》

二卷。

存。

蓋文介。」萬曆辛丑進士,累官南京禮部尚書。黄百家曰:「公字魯叔,號天谷,定海

卒

程氏汝繼《周易宗義》

十二卷。

存。

諸同 制 能 朱之蕃序 舉 殫究,安得 -,咸嘆其微詞奧旨,非一 志邂 逅 曰:「往 於天界禪林,方以《易》學 彙輯 一歲辛 諸家講 卯,蕃偕 解,參酌 經生家言所 程敬 採録 承 應 及

> 奥難 黄虞稷曰:「汝繼字志初,婺源人。 豈淺尠哉!」 神,成千秋之業者矣。孟氏 之。各標姓氏,不敢襲爲己之獨見 則無邪慝。」此書之流布於世,其所關 可謂任一人以勞,貽衆人以逸,役三載之 參舉所長,不忍廢人之成説也。敬承氏 安於吾心,以契諸人心之所共安, 不執今,句櫛字比,必求其融會貫通 乃得乘其政暇,羅列諸家之説,不泥 非 士、宰劇邑、此 務得其旨趣,曲暢旁通,而覽者不苦其玄 積 第、龐 累 歲 月 雜 未 無 念未嘗少忘。 可 統 幾 릲。 斯 亦一代之鴻 敬 有言:『 承氏 比擢 既 而後録 南 裁, 經 成 萬 也 古, 曹, 唇 係 Œ 可 進

「代」,原作「伐」,據四庫本、文津閣本、薈要本改。

辛丑進士,官袁州府知

府。

善《周 象注

九卷。

存。

州 曆 辛 溶 死寇難 $\dot{\mathbb{H}}$ 進 : 士, 王三 ,贈兵部 累 善 官 尚 右 字 愈都 彭 伯 御 永 史 城 巡 撫 貴 萬

魏 氏 濬《 周 易古象 通

魏 始 元 王 在晋序 會運 公所 以 極 存。 世 論 無 終, 티 : 之終以 述 也 \sim 理 易義 觀 公於《易》道 渾 無 涵 古 始,遡天 象 散殊萬 通 有 地人物 建 象, 深 溪 契, 蒼 萬 之 水

陽 乎變者 也 萬 變 典 通 不 萬 之萬象生焉; 陽,陰陽 矣。 也。 形容 以 歸 生,又顯 無 可 氏 物 則 禮 變生焉 顯 根 以言 因之。 之 昔 象萬 通 ,通 又非自《圖 河 聖 統 通 吕 也 出《 情見矣。 然以 通 其 不 分 會 人 東萊氏 易》; 動 宜 可 而 變 開 圖 魏公之存古象也,漢、魏、晋 天 變者,生乎象者也; 以 以 象 故 理, 静 後 物 地 一奇一偶之變,而 能 成 成 》、《書》始也 言象。 天 洛 兩儀 謂 故 間 此《易 存古《易》十二篇, 久 天 務,見 地 之象。 出《書 日 自然之易 恒 地之文, 間 . 四 聖 古象 自然變易之理 理 久不 奇一 天下之蹟 象、八 》,顯 人觀 然非 無 形 通》 Ė 使民 爲 偶, 會通 然 太 卦 自 也 · 而 象, 通者, 所 天下之 極 以 聖 漸 而 不倦 由 以 天 無 分 象 天 次 X 以 假 紫 行 生 述 陰 始 地 1 示 而 擬 象

唐諸家 之説 具 在 後 有 作 者 白 世 不 能

易矣。」

廣 黄虞稷 辰 進士,累官都察院 書八卷,前 E : 「濬字蒼水、松谿人。 有《明 右僉都 象論》八篇 御史,巡 萬 撫 曆 湖 甲

樊氏良樞《易疑》

存。

《易象》

存。

朱謀 難 於得象; 不 難於六十四卦三百八十 「説《易》者 不 難 於 得 理 前 四

伏羲則 作十翼,其孰 也; 及者,於《河》、《洛》象數 等以生義,多見其不 升其堂,而後 户,大聖人三絶韋編之所得也。人其門, 則 彖而爻之,人文昭矣。 爻, 虚先生窮六經之奥,有 嗣 則爲支離荒 説《易》者無慮百家,鄭、虞求象而 乎天人之際,非 口 象》八卷,有圖,有贊,有説 得而 疾 而 六十 其 字不敢措手, 豈以尼父文章高深, 不 難 四象 誣 聞乎? 於 四 誕 十翼。 ,而以義理勝之。至於十翼, 卦三 怪之言,以炫惑學者; 而卦之,天文昭矣; 可 能 夫十翼者,《大易》之門 以 有 通之者乎? 百八十 入室。 尼父大聖 夫《 知量 河 然 非 尤 今舍十翼 兀 唐宋諸 圖 而 也。 極 微言 爻, 極 陰 其 几 自 學 深 精 陽造化之 人文也。 漢 象,天文 周文王 使 妙 儒 研 不得, 以 王 理 所 樊 而 來, 輔 能 致

仲春。」 辛,霍 理 著,如飲上池之水,見垣一方人,五苦六 已,至於象數之妙,百不得一。 + 功豈不大哉 翼,由十翼以通《周易》,其於聖門紹 又以《易象》贊十翼之所欲言,千載蔀覆 昔尼父以十翼贊文王之所未備,今學使 餘年,嘗作《易通》八卷,僅 旦發明,使學《易》者由《易象》以達十 ,天人性命之學,思人微渺,若有神助 然 在目矣。 不佞少而好《易》,潛 天啓 四年歲次甲子 讀學 存訓 使 詁 述之 心 所 四 而

良 既 Ħ. + 非 日 極 枝 翼 稽 斷 疑矣,又曷云通? 後 也 疑 疑 而 不 也。 序曰:「《易》之爲教也,曰 得 疑 既通矣,曷云疑? 而 ,遍求之説《易》之家,疑 羲、文之義既不可 思問 不敢謂能 吾所謂通,非能神 吾 疑 窺 所謂 吾 爲明也。 通 其 求之 疑 志, 誕

> 斷天下 存疑 象辭 吾患夫學《易》者之不通 所以述也。」 用 不勝窮矣。 名、金木水火土穀之用、禮樂刑政之屬, 民事物之蹟、五官百體之動、鳥獸草木之 可以精義 而 可以知來,可 明之也。 也 引 而 之疑 吾苟 得解,觀會以求 而伸之,以通於史,可 夫《易》,開物成務之書也。 通其變,可 能 通其象,而 可 以準古,亦可以酌今。 前 也 用 之, 此《易疑》、《象通》之 雖 以 通,是《易》之爲民 天 於 以 地 成文; 物 通天下之志、 鬼神之奥、君 以 務 通 彰 也 往 其 庶乎 即 即即 意, 其

《易贊》

二 未 卷 見

傳。 講 《易贊》,大抵 衰。 明 也 西 <u>Ti.</u> 授之平輿令,輿令授鳳 之《易》,率門生弟 之使著,辭簡 書盈篋,夜則 陳 會之間,其苦心 東方生、管輅之射 而 易》, 湖 論 經得 年七十 後 世受《易》,爲孔 繼 其 使 於 家傳莫盛於仲 儒 知 其 君 通 戎馬之上, 序 其 氣 學 衍 籍 静 猶 發寤於《易》者深也。」 日 傳 而 0 韻 義多者約之使少,理幽 幺 纂《易 而 坐 之 廣之,遂成 雋,惟京房、焦贛之衍 而 好 老人學《易》至 使君燈下授之。 渠 豫 清 覆,差足以當之。 ,融、陸 學 而 子 上 章 翔 傳 審 使 同 更 老 虞 義》,手觸 致 非 ,鳳授歆,歆授 君習 也。 氏 相 人。 續 虚 一家言。 有 學 零陽太守 所 樊 經 余 道 習,罕 老 推 使 遇 九 於 不 寒暑, 重 使君 君 + 使 簿 能 漢 有 0 君 精 君 者 所 不 書 繇 翻 光 家 儒 張 爲 於 期 翻 少 以 祖 於 細

> 甲 陸 辰 元 進 輔 士 \Box 累 良 官 廣 樞 字 東 右 致 布 虚 進賢 政

> > 萬

曆

高氏捷《易學象辭二集》

十二卷。

不 不居 於陰陽消息盈 家,疏擇采削 蔡復一曰 能 集》,以苦思 也 爲宗,而 : 菑 不執 附 虚 人 懸 己 大 進 於 意 解 行 退 其 局 以 高君著《易學 離 爲 非博 合之際 辭 發 則 明 薈 通 以 尤 傳 深 象 詣 潛 注 變 者 動 觀 辭

黄 曆 甲 虞 辰 稷 進 日 士 . 官 高 至 捷 河 字字 南 中 按 察副 白 淄 使。]1] 人。 萬

● 「陸續」,依文意,疑當作「陸績」。

嚴繩

孫

日:

「夢

鯉字龍吉,

無 錫

人。

萬

曆丙午舉人,松陽知縣。

學者稱仁寰先

陸氏振奇《易芥》

十卷。●

存。

《浙江新志》:「陸振奇,字庸成,錢塘人。

萬曆丙午舉人。」

葛寅亮 曰:「亡友庸成《易芥》,不執象,

亦不執理。」

鄭之惠曰:「陸庸成爲諸生時,著《易芥》

世。 八卷。 庸 成故工 丙午庸成舉孝廉,未及上公車,即 逢掖業,而所爲《易芥》,獨

不爲逢掖言。」

宿氏夢鯉《易纂》

未見。

楊氏瞿崍《易林疑説》

生。」

存。

黄鳳 諸胡方平; 之推遷生尅、縱横錯綜、左右逢源,尤超 考訂覈,如謂九疇子目脗合《河圖 然言詮象數之外。」 畫卦,則取諸陳器之,皆非創己見 翔日 至於横圖 . 「穉實《易林疑説》采 謂《洛書》可以叙疇 圓圖、逆數順數, 與夫 亦 摭詳 [》,則 爲 Ŧi. 臆 可 以 説 取 而

「十」、《補正》:「或作『八』。」

司員外郎。」

高佑釲曰:「納諫字聖俞

號

觀濤,江

都

萬曆丁未進士,除行人,歷吏部

稽勳

陸氏夢龍《易略》

王氏納諫《周易翼注》

黄

虞

稷曰

楊

瞿

崍

字

穉

實

晋

江

萬曆

丁未進士

歷官江

西提學副

使。」

三卷。

存

《易》理、言簡而便、理約而精、宜公之學《易》理、言簡而便、理約而精、宜公之學經之學莫觕於《易》也。吾友觀濤王君精經之學,摭言竄句、以副帖括、則是五黄願素曰:「五經之教、莫精於《易》。乃

温川足多量に

其 先生 《易略》之藴可見矣。」 悉備 適從 《易》,或言象數,或言占驗,或言 陸 約則其指不詳,不要則其應不博,不渾則 言理解,或言圖學,以至吞爻拆 者如游溟渤,亡津梁,汎汎然流轉而 箍桶賣漿之士,推 事不散,不沉則其意不見。」合數言 鳴勳序 之藴 盡屏衆説,於潔静精微之中,有廣大 則要略不精 日 : 昔楊雄之《瑩玄》也,曰:『不 「漢、魏、晋、宋 而指 演師説,言人人殊,學 歸 未 定也。 角之家、 掛 諸 氣,或 儒 君 無 前 論 啓 所

黄虞稷曰:「山陰陸公夢龍,字景鄴。萬

九六九

寇難 曆 布政司參議,尋備 庚戌進士,累官廣東按察使,降 ,贈太僕寺卿,謚忠烈。」 兵固 原。 崇禎 七 補 年 河 死 南

文氏翔鳳《邵窩易詁》

卷。

乎? 李因篤 翔鳳 北 萬 眺 ·曆庚戌進士,南京光禄少卿。」 邙、洛,南揖 自述曰:「邵子安樂窩在天津之畔 存。 屢 日 以 "「先生字太青,西安三水人。 祀謁 先天堂,則登皇極之臺, 清嵩 、伊,想見皇帝王伯雪

卓氏爾康《易學全書》

五十卷。

存。

辯義》四十卷。」 作《易學》五十卷、《詩學》四十卷、《春秋 州 南京刑部主事、 符教諭,人爲國 杭之塘西里人。 錢謙益志墓曰: 府 檢校,●徙大同 工部 子 「去病姓卓氏,名爾康, 萬曆壬子舉鄉 學録 推 屯田 官 ",轉兵 司 移 郎 兩淮 部 中 -,左遷 書,授祥 司 運判。 務, 常常 陞

0 下同,不再出校。 檢校」,原避明天啓帝、崇禎帝諱作「簡較」,今回改 象數之略云。」

月

風

花之襟,聊爲從者繹《河圖》、《洛書

繆氏昌期《周易會通

未見。

林氏齊聖《易編

《易》,不言而會諸心,則是集也,又寧徒 傳以索其不可傳者,象外之意,畫前之 以其辭而已哉?」 期不詭於聖經。若夫因文見道,因其 合,正解、覆解之群分,時或出自己意,總 旨,彙四聖之大全。至如上傳、下傳之參 後彖,彖而後爻,爻而後傳,總一篇之要 齊聖自序曰:「《易》有聖人之道四,首曰 今所習辭也,觀玩之餘,手編成帙,畫 有之,未有不得其辭 『以言者尚其辭』,故得其辭不達其意者 而能通其意者。 可 而 子

存。

歷官左春坊左諭德。 張雲章曰:「公江陰 文貞。其書弟子饒秉鑑等所述。」 人,萬 殉璫 難 曆 ,贈詹事 癸 Η. 進

羅 氏喻義《讀易内篇問篇外篇》

共七卷。

以告也。初有卷如指,漸大如 外二篇。 喻義總序曰:「往官南中,有《讀易》内、 一卦,當其領解,欣然獨笑,家人問之,不 存。 山中晏坐,或日説數卦,或數日 觚,乃撰定

曆壬子舉人,官同知。」

高兆曰:「林齊聖,字司一

,莆田人。萬

爲下。」

篇》。 矣。 也 學《 又序《 也 畫 曰 加 皇 既 . 往 喻 易 極 嘗取 敶 來下上 地 内篇 内篇》 用三者圜 ×, 經 如 平 妙 流 世 ^ 潛 夫 珠 在 畫 約略言之,其 活 用 虚 曰:「《易》用二,《玄》用 成。」此 無 規 潑 四 惟 **>** 學《 方, 而 用 , 潑 方 圜之, 二者 潛 地 之謂 玄》, 故 者 虚 + 口 方也。 嗚 以 解 翼 以 而 易 用 著 呼 剥 奠之。 所 \wedge **%** (玄)不 Ŧī. 文 其 繫 理,至 義 雖 旋之義 口 皆 ^ \wedge 經 在 以 景 敢 問 觀 方 義 望

宜 月 又 莂 圖 深 序 作 余 續 夜 圖 春 内 爲 寒,剪 篇》 余 畫 亦 爐 日 欣 灰 燈 : 然 詮 一歲 閒 相 解 語 庚 與 指 辰,天子居門 共 明 客 一營之。 客 問 余《内 以 爲 其 佳 斜 之

> 若 干 言,仍 綫 道 附 庶 幾 諸 以内篇 剖 破 混 沌。 凡 圖 首

應之。 者 《易》者,博易之義 成 起意 未之 爲 也 臨 師 也 師 又序《問 也 Ш ?! 日 澤 以 也 + 卦 戎 元 同 通 邵 來 有 客 耐 六事 水火 者 耳。 未之聞 客 有 何 氣 子 單 篇 日 咸、 詩 丈 類 獨 複 日 『爻有順逆,即 **>** 人 相 日 族 卦 於 日 也 . 射 唯 弟 損 一十 : 乾 有 也 而 ? 曰 卦 子 既 見義。 唯 有 單 天 惟子《内 有 坤 東 相 讀 之名,卦 伏莽 複, 地 濟 單 疑之? 盪 易問 何 西 定位 未 『《易》自有之, 即 複 雷 乘 耳. 以 圖 濟 爲 《圖》之對者 交 風 篇 篇》言之,何 换,往 墉 之反者是也 爲 否、泰 在 六 ×, 相 之事, 有 請 此 爻 + 四象相 設 薄,恒、益 順 觀 有 四 辭 來 客 反 逆, 同 順 師 不 難 在 交, 類 是 窮 故 逆 彼 以 九 而

終」; 焉 撰 上之 末具矣。 爲 也 也,至二「或益 請 中爻不 舍所益之初、上不繫, 几 (易緯 下 〕。」交 中 觀 前 也 爻也, 曰 多 无 崩 无常者,爻 損 也 懼 ,言乎其 及其反也, 卒反 挂 × 之龜 備。」 益 固 位 古 日 以 當其 故順 有 有 也 成 多 爻 本 損下 動 挂 [X] 其 Œ 古 不過五 末 IE 故 之十朋 而 也 又寬 也 者 Ŧi. 初 也,「 有 也 夫 益 益 難 反之事 中 掛 多 剛 成 立 變 上 對 知 而繫二、五 ,逆不過二,以 之龜 也。 日 也 初 矣; 動 柔 ,損 功。」爻 在 者 . 爻爲 爵辛 其上易 相 不居者,《易》之 下, 垂 也,至 矣。 言乎其 損 擬 日 易 雜 掛 固 <u></u> 初反在上。 之地 者 而 之, 卒成 物 \wedge 物 二多譽, 益 益 Ŧi. 以二、 知 易 卦 Ħ. 撰 象 變 「或益 本末 繋》之 成 下, 德 以 就 以 也 則 也 矣。 知 益 之 Ŧi. 非 本 中 示

> 道 合三十二,反 問篇》。 也 乃乃 徧 及《 體 《易》象 + 有 對 其 體 别 六 + 三十,是 四 卦 爲 其

張雲章 陽 涉 傳 道 事 患 又序《 怵惕於胸 順 讀易》二 前 方外 自 逆 退 也 單 爲 而學《易》, 圃 外篇》 題 古无 萬 曰 : 皆《易》 複 問 中 篇 曆 家。 日《外 即 其書 爾。 篇 各 癸 喻 日 圖 自 H 爲 興 義,字禹鐘, . 中事 之對 篇 一,聊 時予乃或言不及《易》 庶 有 進 於天 詳 $\overline{\sim}$ 幾 序 士: 讀 以 者, 百 同 當 啓 易 日 大抵 官 物 死 末 卦 外 順 至 生之變,以 丸 不 造,子屬 有 篇 逆 言 户 號 廢,《易》 單 弄之,以 即 剛 部 萸 複 不 圖 柔 江 交 侍 之反 經 相 嬰 ·, 益 郎 有 頗 中 无 世 易 不

● 「鐘」,四庫本作「鍾」。

變動不居、《易》之道也。」者,對者言乎其變也,反者言乎其動也。

程氏玉潤《周易演旨》

六十五卷。

存。

子程子順孫也與!」
「玉潤字鉉吉,正叔夫子裔林增志曰:「玉潤字鉉吉,正叔夫子裔

《傳》而益廣之爲《演旨》,接數百之祀,而歲輒引退,潛心《易》學。取正叔先生倪長玗曰:「程鉉吉先生以進士爲郎中,

Η.

全一家之説。」

俞氏士瑛《周易眇説

佚。

著有《周易眇説》。」

會人。萬曆癸丑進士,甫登第而殁。所葉向高志墓曰:「君諱士瑛,字子偉,新

姜氏山斗《大易闡庸》

三十卷。

未見。

「旨」,原作「音」,據薈要本、《補正》改。

九七四

馮氏洪業《易羡》

六卷。

未見。

乙卯舉人。」 高佑釲曰:「洪業字茂遠,平湖人。萬曆

錢氏士升《易揆》

十二卷。

通。 以定論。 許譽卿序曰 王 包天下不定之論,而無所不有、無 疏 存。 商瞿 人 事 非不可定,至定者存於畫 而 ,說者猶 :「四經皆有定 後,言《易》者多 或非之。 論、《易》不 鄭 趙宋以 釋 天象, 一,遂能 所不 來, 口

包荒 不 見,旁輯諸家,潔 所著《易揆》一書,余受而 故學識所至,既過前賢。 年友塞庵錢先生立 拘於《易》之辭 大全無不畢見。然則 揆諸象者也。三賢各得 象於朱子,朱子曰:『便是理 易,以從道也。」是揆諸理者 也。程子之言曰: 『易, 變易也。 配春,於事屬皇,於性係仁。」是揆諸 卦,兩説分合,直舉所 而 初、二爲地,三、四爲人,五、上爲天。天 兼 余所服膺者,尤在卦 融 學大明。 出世 而 並攝之。 丁興亡之會,則 邵子之言曰 ,未通於《易》之畫者也 静精微 何也? 三才分六位, 朝當 以 謂 一前 定論 其 氣 設 晚年躭味益 否泰之交,則爲 直 讀之,時 與 互卦,後設對 也。 爲碩果。以 會不得。』是 ,而《易》之 與《易》契 理 論《易》者 易》 與象,莫 或問 隨 抒獨 於 時 氣 深 掛 者 時 變

均 揭 長 故 時 經 者 并 見 有 互. 口 地 Ħ. 几 而 者 者 合 詳 乾 谪 見 F F. 位 IF. 不 四 陽 坤 其 位 見 綜 於 遏 卦 与. 初 而 居 口 爲 若《太玄》、《 多 一分屬 未主 平. 則 變 順 邵 其 離 其 而 坎離 潛見之,此 太子、大臣、近 於 以 通 逆 氣 未 矣。 盡 相 陰 事 既 正 之定者 無 見 く中で 定 E 則二賢 無 生 者 上已 綜 窮,舉 得 掛 者 經 事 相 隅 亦 是 有 既 於 潛 象 接 陰 氣 1 見 先 反 不 以 謝 凡 互 隨 虚 大 爻, 名 所 五 對 生之論 而 隅 阻 事 臣,四爻皆 9 有 蓄 **>** 以 人 於 君,三 消 以 故故 其 小 綜 X 是 事 所 立 陽 川 然 (旁通 過 艱 長 則 正 象 者 隅 謂 得 不 也 變化 深 氣 爲 之 有 E 次之大 · 得 失 綜 綜 八爻、《下 面 道 錯 疑 諸 下 簡 已 得以 氣 是 IE 而 也 互. 多 人 無 侯 伏 乘 中 之 然 編 氣 於 不 寡 也 綜 焉 承 隨 W. 之 者 自 事 令 有 邵 首 能

昔孔 分合 易 位 進 知 理。 以 先 通 必 必 分 乘 生 几 之 卷 位 不 不 一,在 十二 也 除 掛 進 生 論 卦 特 是 明 口 可 此 之合而 觀 子 不 屯 在 而 合坤 先 韋 合訟 象 交 設 爲 兩 乎 知 後 即 則 履 則 卦 編 生之論 合 綜 象 反 退 非 天運 變於 則 雷 有 交繹 爲三十二, 外 覆 兵 斷 也 偶 澤, 本 嘆 分 絶 爲 其 在 9 之終 與 者 朱 其 以 刑 而 在 其 對 理 閲 旨 蒙 始 末 不 而 發 不 不 備 井 之 小 反 則 旨 始 之 相 悟 深 可 可 先 則 畜 義 疆 遺 於 見 Ш 彌 也 蓋 羲 雜 賢 典 於 徧 又 則 備 E 矣; 數 之 程 變。 即 也 要。 朱 所 見 窮 風 之 閱 員 如 以 而 是 有 矣。 其 也 未 矣。 如 相 嚴 錯 師 屯 圕 如 E 合 先 知 發 變 於 小 屯、蒙 忘 周 可 可 爲 爲 若 生深 卷 退 而 必 而 程 繼 反, 繼 綜 歸 數 兩 不 自 六 是 通 訟 坤 之 + 隧 先 其 悟 知 是 有 文 掛 履 加

流

而

無 此 所 意 不 則 有 對 無 耳. 一分合, 所 不 通 極 是 盡 《易》 以 委 心 畫 任 之 運 妙

體 道 家 知 可 於 栖 患之書也。文之翼翼,周之几 衷以己意,因爻探象,因彖觀爻,别二 義 學,邇年 子菜曰:「先府君 行 又復廣羅諸家之説 曰《易揆》,蓋府君所自 坎止 神 險 無 國之已非,攀弓髯 未安,累日 靡不 漆簡 卦,定主爻於六爻。至 ,故處困 不可,皆當悔吝憂虞之地 亦 有 該 以 無非《易》理也 異代 盡 來,閉户覃 其於涉世濟 得亨。 不寐,及其 而 藁凡屢易,始克成書,名 同揆者乎?」 方諸生時即 而是正之, 刜其 府君丁 而 -思,耄 [命也。 莫逮? 既 險、進退存亡之 得 流 忻 而 於互 匿影空門, 加 几,孔之 夫《易》,憂 極之運 留 彌 然忘 能知 心《易》 篤 體 煩 一,悵 蕪 餐。 無 掛 側 阻

三卷。

存。

先 總 魏 生 坤 理 中 日 : 兩 淮 萬 鹽法 曆 龍 丙 門 辰 江 防。」 錢 進 先 士 生撰 一,官至右 易 愈都: 簣 **⊗** = : 御 卷。

吴氏極《易學》

五卷。

好 亦云: 『治經,實學也。』極幼治《詩》,長 實,而六經之道,尤莫實於《易》。 極自序日 讀《易》,尋究萬思默先生《易原》等篇 存。 「宋蘇季明 以 治 經 爲 傳 程 道 Œ 叔 之

乎? 未 本。 蘇 樂玩 實 Ŧi. 知 知 判 擬 之謂之仁,智者見之謂之智,以至命不無有 命 契於理 異意者 而 顧 非 也,而夫子不自道五十而知天命乎? 朱晦 知 議 其 十以前,夫子何嘗不學《易》,或如仁者見 也之深意矣。 『五十』字之誤。 子瞻,明則 獲 轉思 劉 書 因 發 爲 我 而加 翁據《史記》,稱是時 學諸 心 憶 業。 明 猶 元 無過於五十之年,以追學之所歷 城 幼 爲 有 我數年,則顯然過此 程 研 迨三 訓 讀夫子『五十以學《易》』語 儒者,參以己見,鎔 以『五十』作『卒』竟何所 主。 焦弱侯、鄒汝光, 先生《易傳》外, 證 故 夫《易》,窮理 仕 既 例,予欲不遺 乃 洵如年已七十矣,又安 久,繙 南 嚴擇衆 中 搜 官 孔 解 亦 邸 子年七十,直 盡 以 惟 訓 四家 侈 多 并 會 性以 往未之或 其 楊敬 暇 故 出 而 而 至 爲 素 更 不 日 據 所 以 甚 此 即 於 以

> 間。 微而已。 見矣。 於《易》。 備,然皆道之用、學之事 云爾。 不厭不及此,則志道者之於《易》有終身焉 易》,通體是《易》,則 至於五十, 要以神窮知化,非韋編三絶 若語夫褆躬涉世 而學人務以道之見實體《易》學之 夫子 通 通 也。 ,洞機赴節 體 體 是 是 故曰 學,了 命 則 理 學莫實 不 通 而 學之 作 無 體 是

曆丙辰進士。」 歷雲章曰:「吴極,字元無,漢陽人。 萬

方氏孔炤《周易時論》

十五卷。

存。

孔炤自 己。 筮 述 仕 嘉 日 州 鋭 少侍 身 先 解綬,救 廷 尉 之 側 出 負 高 牆 孝 而

處 北 痛 稱, 自 H. 致 爾 墟 論 白 幾 此 之生於憂患乎? 覆 廉 堂 天潰 逮 在 居 如 者。 省。 魏良 火,合編往 稱 》,優游丘壑 鹿之墓三年,重 未 ~, 琅 以 肩 潛 此 言 免自 燹 鄉 老夫。 守 卿 海 滅 先 書 當 守 加 邪 理以 之伯 此 竭 議 廷 殘 西 喜。 禦,不能 可終身者 風 勦 Ш 尉 矣,此生憂患 庫者 ()遠借 大 哲之語 言 固 穀 忤 足矣。 教 終 先 行 其 天,諱 城 璫 之日 以世 老 廷 兩 讀 時 失 削 甚 弢 能 也。」 墓 年。 尉示之日 祖父之書,述成《 以 籍 也 賊 苦,是以 晦 無 善以 側 執 道言,後更有 爲 京衰 禍 鋒甚熾 亂 天啓 政 歸 而 耆 而 便爲家常。 乎?」 之指 夸道,人 顔環 病之餘 且. 筮得『潛 危 知 龜 甲 [: 『謙 不 此 \equiv 楚 江 以 測 子, 中草堂, 荒 之任 編 忽 陳 北 心 未 鄉 供 龍 將 忽 甚 始 以 之 九 時 得 之 奉 倐 爲 於 平 僻 薪 屻 廬 掛 自

> 卒業 以 書誡 畫 生 獨 付子 一萬 子 間 曆辛 萬 過 之,猶是 孫 惟 里 徑 -卯,奄 云。 歸 中 有 一、老夫 省, 農夫幼光、 九 忽六 鑿 掛 何嘗 也 坎 十四卦之歲,且 É 鹿 右錞 矢,不出 湖 語人乎? 潛老夫孔 及從子 環中。 記 建 暮 此 治 余 年.

卒 亂 御 桐 徐 論 福 寧 芳 門人私證 史 城 歸 巡 人。 日 隱 遷 : 撫 0 Ш 職方員 湖 萬 先生 此 中 曆 廣 取 曰貞述先生。」 孤 丙 神 爲 臣 外 環 辰 孔 楊 郎,擢 進 中《易》讀 炤 嗣 縷 士,除 字潛 昌 心 尚 所 血 寶 嘉 劾 所 夫, 之,著成《 司 定 濡 議 卿,以 知 號 也。」及 戍。 州 植 時 遭 都 移

徐氏世淳《易就》

六卷。

存。

之。

迄今《會通》書成,網收百家,櫛

比群

議,俱本全經,引伸

觸類,而爻象必核其

蓋不徒爲舉業階梯

原,取象悉稽其實。

整高數曰:「公與先子司舉於郎,爰死造中萬曆戊午舉人,先任重慶推官,遷知隨州。獻賊攻州城一十三日,公以羸卒乘城,出奇兵殺賊,力竭絕援,身巷戰,攢刃城,出奇兵殺賊,力竭絕援,身巷戰,攢刃齒原以死,贈官太僕卿。」

高佑

釲

曰 :

汪邦柱,字砥之,長洲人。

真可作聖經羽翼者矣。」

萬

曆己未進士,官湖廣參議。」

州之難。《易就》六卷,張吉士溥序之。」陸嘉徵曰:「公與先子同舉於鄉,後死隨

汪氏邦柱《周易會通》

十二卷。

存。

《易》學尤長。 癸丑北征,出《易》解數帙質余,余甲乙 午遂捷矣。 繆昌期序 略 嘗 日 : 與 初從吾遊 論 「汪砥 《易》,),談業 之穎 迥 不 悟 作 數 絶 猶 載 倫,於 至 解。 丙

葉氏憲祖《大易玉匙》

六卷。

存。

萬曆己未進士,仕至廣西按察使。」 黄百家曰:「公字美度,號六桐,餘姚

經義考卷六十一終

門人平度萬世馨覆校

九八〇

《易》道斯著,不必鈎深索隱

也

戊

寅

秋,

其法

参伍錯

綜,至變至

神。

九

圖

既

彰,

餘年,始受衍圖之法,蓋衍先後

九圖

也。

鯤自序曰:「余弱龄讀《易》,困章句二十

存。

經義考卷六十一

男 昆 田 校

秀水朱彝尊

鮑氏觀白《易説》

一卷。

方氏鯤《易盪》

龍 下帷覃思,取鮑子言復之,旁薄道理,導 常談耳、乾、坤 於册見示。卑之無甚高論,忽以爲老生 知,善談名理。 郝敬序曰:「余宰永嘉時,吴興鮑觀白 氏 存。附《載山草堂集》。 爲郡博士,治《易》,嘗從先 而 余就 後遂 而問《易》,手書所言 闕 如。 罷官歸來, 輩 講 士 良

鎮之弟,侍郎孔炤之從父也。」

半矣,於是因之作《易盪卦義》。」

李延昰曰:「鯤字夢名,桐城人,侍御大

序,而八卦之性情、六十四卦之發揮

以

盪

爲序,豈

非

欲

盡

掛

之材乎?

觀

其

思

過

授經江上, 衍圖

畢,思《易》卦之作

皇

也 空谷之足音已。 窽 批 余晚 郤 豁 歲學《易》,三益之友 然 四 録其遺草 解 深 恨 當 ,以當蘭 年 如 未 鮑 竟 金。」 子,真 其 藴

張氏伯樞《易象大旨》

三卷。

存。

徐盛全曰:「伯樞,山陰人。」

吴氏桂森《象像述》

五卷。

存。

《管見》,曰《像抄》,曰《續抄》。其大旨以錢子之《易》也。先生有《象像》三書,曰桂森自述曰:「《象像述》者,述啓新先生

述乎? 也。 火、山 學之路 義。 《易》至深也,而實至顯;至賾 乾、 生 巳 負 笈 龜 聽,而見先生之言不盡 近。三書之外,又畫《人象圖》,以 述,以呈先生,先生爲面訂之,惜 見先生之意不盡 比,延先生於東林,得覩《像抄》,隨 象備於人,則人必成其爲象,斯 人身中物 而 先生逝矣。 ,而况述之者,又安能彷 坤 惟知像象爲人,而乃知 斯義也,啓鑰開 、澤八物爲 兩 也。 蓋 畫 Щ, ,爻象之辭皆言人 森於庚戌受業,於癸 爲 然則先生之書詳矣, 得讀《續 人 夫先生之書,猶 儀 人象,而 於言 以 關 抄》,朝夕從遊 無異 天、 也。 於書 謂之像者,以全 地、 於是 八身上 彿 (以司 一卦一爻皆 也。 也,而 雷、風、 先 不 成其爲 丑. 間 生 未 又於 又 事 足 南 設 及 有 讀 何 析 乎 盡 指 實 前 其 ? 半 所 先 隨 必 至 泉 故 來

萬

曆壬寅自序,戊申刊於建陽。」

高兆曰:

「維嶽,晋江人。《意言》六卷,

存。

此。天啓乙丑十一月。」 象之旨,其意不在於言,而言不在於書若 然而寧述焉者,使有好《易》者見之,知像

其中。學者稱爲素衣先生。」 璫毁東林書院。及璫敗,叔美亟謀興復, 先生,日夜探索,幾忘寢食。天啓中,逆 端文、高忠憲諸公講學,以序貢應廷試, 嚴繩孫曰:「桂森字叔美,無錫人。從顧 建麗澤堂,又購小齋曰『來復』,講《易》於 歸,遂絶意仕進。學《易》於毘陵錢啓新

吴氏繼仕《周易象變述旨》

二卷。

《易辭述旨》

一卷。

《易占》

卷。

鄭氏維嶽《易經意言》

《易數》

三卷。

俱未見。

授耀州判官。」《休寧名族志》:「吴繼仕,字公信。以貢

華氏時亨《周易箋注》

未見。

仲通相 子 於高 有《 刺知之。 忠憲既 咸指目仲 錢謙益曰: ,門人 春秋法鑒録 忠憲。 殁,仲 之也 日 通。 忠 益 憲 忠憲之被急徵也,仲通先期 「無錫華時亨,字仲通。 進。 通 監 整 奄 》,又箋注《易》、《書》、三 褎衣大帶,自命東 司素 黨 衣冠,依彭 甲 詰 乙以後,著書不輟 責,漏 重仲通,得不問。 泄甚 咸之遺 一萬,人 林弟 則 學

唐氏大章《易經合疏》

未見。

黄虞稷曰:「仙遊人。」

黄氏渾《周易如是編》

二卷。

未見。

中貢生,永安教諭。」中貢生,永安教諭。」

陸氏基仁《易元》

未見。

《禮

\\ \\ \\ \\ \\ \

《平湖縣志》:「陸基仁,字元卿。太學

生。著《易元》、《尚書傳》、《詩説纂元》、

喻氏有功《周易懸鏡》

導

窽

七卷。

之微 者 圭 歷 極 薊 象 甘 國》 代 年, 得 方 數 、吴、越,足 士 之微 契 价 此 繇 又次 存。 帝 河 得諸 圖 日 象 論 王 用 ×, 占 : 經 教 闡 演《周 ^ 異 一高 易 驗 世 跡半天 洛 先、 授 安 甲 講 并 書》之秘 如 湖 後 易懸鏡》七 子 喻 郭 授 鑑 天 之 下,蒐羅《 混 湘 氏 照 爲 策 序 初 ^ 然 多。 次次 游 洞 軌 嗜 9 之 於 謂 林 而 性 卷。 陳 晚 末 妙 之《 **>** 易 閩 命之奥, 附 與 意 纂 粤、 之。 懸 言 首 新 又 奥 左 鏡 明 次 象 都 逾 燕 學 載 數 太 究 胡 几

與 六億 千二 測 數 静 動 作。 宿 翻 祝 萬 劉 不 T 何 宇 巡 策 植 九千 書。 然 惟 神 起 誣 所 切 因 能 者, 以 百 余按 速 艱 飛 序 元 巾 之以 視 經 六百 走, 若 如 辨 會 而 盡 世 何 是 + 經 是 軌 也 運 定 聲 鈴 乎萬 差 莫 軌 ? 分部 兆 0 世 康 策 世 音 萬 \forall 是 百 策 不 九 節 實 然 者 意 物 其 物之數。 數 謬 有 之 得 配 百 之學, 世 用 之生 者 傳 而 干 數存 其 數 相 數若 九十 爲 稱 倍 必 康 則 傳 遺 非 天 里 康 操 一滅 節 之, 周 具 爲 法 焉 康 萬 地 干, 節 毫 之學 易 大 在 天 宋 與 卦。 節 以 七 應 釐 簡 而 洪 | | 皇 以 之 初 邵 作 千 極 是 對 之 纖 天 屬 無 數 以 乃 乎 康 也 四 極 不 術 如 地 曲 有 故 何 百 節 掛 云 然 響 經 折 + 非 甲 中 以 載 萬 先 云 小 Ŧi. 世 亦 字 觀 軌 推 Z 生 何 動 而

九八五

義 考

數學淵源於康節,採摘百家,彙 是説而照之,可辨毛髮。然則 與之同法,若出一人之手邪? 也,不獨可照今人之吉凶悔吝,亦可照古 極經世書》,讀者如入暗室,茫無所覩,得 人之微詞奧義,是則可傳也。」 經世》以千百十零配元會運世,而 《周易懸鏡》,問序於余。余惟康節《皇 喻君混 此鏡之懸 而 成 軌 初 策

繆泳曰:「喻有功,字若無,又字混初,高

馮 氏存貞《大明中天易》

未 見。

少 繆 卿日華序其書。」 泳 「存貞,嘉 興 人,未詳其名。

徐氏燉《易旁通

卷。

未見。

孫氏續宗《易説

未見。

生。 陸元輔日 精研《易》理,著有《易説》。」 . 續宗字克承,婺源 諸

潘氏士 龍《演易圖

存。

李

蔣義淳曰 : 鳳 儕先生隆冬盛暑,手不

釋

九八六

也。 《易》,雖疾病之際亦未嘗離 合轍,人能盡心於此,則《易》之理 中五六十年矣。 淳接而讀之,所謂理數合一,不外 自謂 所 畫 八卦 也, 蓋 圖 未 與 寢 嘗 前 處 晦 其 聖

道

,淵然開愚而符聖,可以表章訓

詁

前

爲

歷世儒者之功臣

以

前

紬

繹,六十以

後著書。』《傳》之成,猶

未

敢

輕以示門人。

洪生起韶年而刳心此

洪氏守美《易說醒》

四卷。

也。 之、程、朱以義理醒之。 子木而後 曾化龍序曰:「諸 研精歲月,彙諸家語 曰《易醒》,此非學一 吾四十以前 昔伊川生平得 存。 ,代有醒其義者,京房以 講誦 經 五五 力在《易傳 先生知見所能 録而導擇之,標其名 顯 + 而《易》 古猷洪生在 ·以前 研究,六十 出出 1 嘗 料 商 統 日 中, 量 瞿 醒

張氏汝謙《讀易記》

未見。

承父天德之志爲之。」鄭元慶曰:「張汝謙、字大若。例貢生。

余氏叔純《周易讀》

五卷。

存。

遂安人。《周易讀》五卷,前有《圖説》徐剛振曰:「余叔純,字與文,别字銘缶

九八七

九八八

《易名》、《易 和 張氏振淵 輯 用 》,方 《説 統 相 》,頗采用其説。」 或 逢年 序之。 近仁

旲 氏從周《 易 經 明 訓

錢

金甫

日

陸起龍

,字雲從,上海人,文

而

成編,示家子弟承

先訓

也。」

裕公深之曾孫。」

簡

,融會諸名公精《易》理,參以管窺,彙

猶

病

其

賾

而

雜

乃

始

遡

流

窮

源

歸歸

根

易

宋

以

來

注

疏

暨

家

藏

未

刻

本,

筆

之成

帙。

未見。

講 陸 司 學明道 教 元 桐 輔曰: 城 爲 轉 務 從周字文卿, 國 ,學者稱平沙先生。 子 監 IF. 陞 婺源人。 杭 州 通 判 以 貢 以

陸 氏 起龍《 周

四

存。

《易 成 起 龍 玉 解》,開發蒙穉,既 自 周 序 夫 略 子 `,得 H 睹 余小子 蘇 而 長 廣 公、 獲 搜 紫 授 博 溪 經 采 漢、唐、 兩 於 先 職 生 方

吴 氏 日慎《周 易本

未見。

惲日 歸 仍 1 致。」 要 舊 得 期 耐 者,有本 初 當 證 據 口 各見從來,義 0 徽仲於《易》, 心 簡 得 而 發 切,該 揮 卦 不 理 有 耐 必 者。 據 旨 創 卦 几 獲 語 理 通 印 而 不 合 會 必 而

高 《易》也 世 泰 飲飲 日 食 徽 寤 仲 寐 吴 於其 先 生壺 中。 隱 ^ 本 金 義 閶 翼》之 其 於

入妙。」外,又有《揲之以四解》,冥搜旁通,無不

梅氏士昌《周易麟解》

十二卷。

也。 昭明夫例 某爻、某辭、《春 無大過,遂作《春秋》,以紀二百 我數年,可以無大過」。 之綱列目陳,事 象、辭、占與人事得失是非 知《春秋》者,魯之史,《易》之明證 凶悔吝、得失憂虞之事、令讀者省焉。 士昌自序曰:「昔孔子學《易》,而 未見。 余因是輯《周 例則《易》某卦、某彖、某象、 理 秋 比 易鱗 》某國、某人、某事,以 屬 ,觀者易見。 解》一十二卷,以 且欲天下萬 左右符契者 四十年吉 凡理、 E 然非 世 故 皆 假

> 能 余私 幾焉。」 加 此明憂患與故 書、《春秋》爲萬 而詳之,使世人知《周易》爲萬世寡過 正其志,箕子以之。』爰循孔子故例, 外柔順,以蒙大難,文王以之。 例 也 《明夷》之《彖》曰:『 ,知幾洗心,其於道 世《易》占之通 例。 内 内 也始庶 荷從 . 難 文 擴 明 而

天啓甲子自爲之序。」解》十二卷,以《春秋》事實釋卦爻象占徐盛全曰:「宣城諸生梅士昌撰《周易懿

徐氏奇《周易卦義》

一卷。

存。

公夢龍爲之序。」 陸元輔曰:「奇字而法,會稽人。其書陸

九八九

洪氏化昭《日北居周易獨坐談》

五卷。

存。

以語人也。」

《四月述曰:「日北居談《易》,每一卦六处合成一片,不知者以爲迂,而非迂也,
一段,不知者以爲迂,而非迂也,
一十,不知者以爲迂,而非迂也,
一卦六以語人也。」

沈氏瑞鍾《周易廣筌》

一卷。

存。

繆泳曰:「瑞鍾字德培,平湖人。」

林氏有桂《易經觀理説》

四卷。

存。

馬氏元調《易説

黄虞稷曰:「嘉定人。」

未見。

象爻,而陰陽之體撰鮮能探索,甚至習解也,雖於理之深廣而變易,即不離象爻, 而窺其奥也。今之讀《易》者,大概觕涉 而窺其奥也。今之讀《易》者,無以會其旨 而窺其與也。今之讀《易》者,無以會其旨 不願其與也。今之讀《易》者,無以會其旨

九九〇

其 説 占是泥,指爲卜筮之書 微,参以 有 『《易》以道陰陽。』蓋言道 慨 離 子 源,象爻雖 崇禎戊 所云『得於辭 憑 於世習之非,乃索《傳》、《義》之精 噫 ! 臆立旨,畢 諸 舍理 儒之説,命爲《周 寅二月。」 明,安 脯 不達其意者』也。 生談《易》,於理 求《易》,猶 所 用之? 則於世教 其 理 易 觀 也。 念記 觀 水 茫然 予深 若象 無 理 而 H 歸 集 昧

圖

》,用於蓍卦。

於今舍圖

數

뻾

言《

易

陳氏履祥《孔易彀》

一卷。

履祥自序曰:「《易》之作

也

本

於

河

哉? 精神 《孔易彀》云。」 意致 外,亦不容有缺於孔《易》之内,因命之曰 孔子之外無加矣。不能 爲之彀,其羲、文之《易》不復作注脚者, 圖 矣。」夫意其盡於中 意。』曰:『天地設位,而《易》行乎其 得之孔子。孔子曰:『聖人立象 言《易》,外蓍策 東西南北之中,在人則爲心 十之數也。 不 得 數 中,契之於圖位蓍卦之内,而 魂魄之意。學《易》者由象得意,即 蓍策之外,遊 故 執圖數 竊取孔聖《彖》、《象》、《大傳》而 在 耐 天地 而言《易》,俱不得 言《易》,不 乎? 於羿 則 爲 有加於孔《易》之 之彀 水火木金之土 中者,《 得 肝 脾 中 狥 肺之腎、 河 圃 通 蓍 圖 以 不 之乎 我 策 ¥ Ŧi. 中 中 盡 惟 而

王氏立極《易經解惑》、《學易隨筆》

未見。

許氏順義《易經三注粹抄》

四卷。

存。

徐盛全曰:「和齋許氏順義,字時制,晋

江人。」

張氏嘉猷《易經要旨

未見。

畢氏午明《周易家訓

三卷。

存。

按:畢氏,失其名,午明其字也,

杭州人。

王氏祚昌《周易敝書

存。

五卷。

自甲寅至癸亥,小册應風灰敗矣,題曰充書《易》,作小册,納袖中,隨時便記。至世,把遺經不忍讀,久之,不忍不讀。子授之《易》,鈍弗解也。萬曆甲寅,先子子授之《易》,鈍弗解也。萬曆甲寅,先子

敝 其 友 \Box -敝 而 新 道

艮

自

序

日

有言

非

得

E

也

不

得

己

而

也 雲章 大 更 :「祚昌字玄翼,瑞安人。」 楮 而 稍 爲之辭

張

日

樊 氏 直卿《易林

未 見

高 繹》、《 中 謁 禮林 篇爲《孝經傳》。」 選 世 知 泰 . 》、《樂: 德 日 庸舉正 一一一黄 陽 林 縣 》,凡 岡 》,又取《大戴記 所著 樊長 Ŧi. 有《易: + 卿, 五卷,又有《中庸 以 林 貢 《詩 入北 ·曾子 林

王氏 艮《易贅》

補之可 所證 略 故難 大無 處常 説 亂 無 萬 譫者,病之所致,病於人爲失其常。 略、訛、謬而 無 爲 不失厥旨者,要非全《易》矣。 不自爲得之也,然 一之言 其數 理之所自出, 其 而 可 爲 辨,而 而 喻 不 源 未 以 訛、爲謬,可 (宋儒) 必必 盡 也 補 包,則宜 不失,何 而 則 之謂略,有 横 正之也。 因 宜 爲 有 決 必欲以言見於世,是 一前 鑿 其 訛 訛 其 人之缺 其 儒 有 病 其 爲 有謬, 流 者 略之者。 而 理,即其有 謬 有 而 勝 無其 之謂 其 固 爲 者 缺之者;《易》之精 未 言哉? 源 無 譫 IF. 略 不 易言也。《易》之 謬 説 之 語 而 訛 不讀之也,亦無 可 之謂缺 哉? 可 謬, 淆之之謂 大故易 以計。 合於《易》 其爲 有 也 吾早歲 而 缺 《易》爲 後 譜 缺、爲 無 有 漢 有 君子 發 也 缺 略 其 讀 儒 其 而

九九三

之疑 焉。 《易》,見爻之義 《易》,文有文之《易》,羲有羲之《易》,我 所謂 與 而 而益 注三聖也。 因前人之言而務鑿 之千百世之上、千百世之下 啓焉,急取而證之,無不合也。 焉,以質於人,聞其 各有《易》。《易》固未嘗一日或變、一日 亦有我之《易》,千百世上、下之人,無 此庶幾爲全《易》乎? 以視夫不得其源, 謬 言以明注之哉? 合,質之爻義 於是悉屏其文,獨 則 而質之象,象不我告, 《周易》者,則見文之注文,●孔 不自得也。 斷 斷 無之矣。 而孔有孔之《易》,周 而合,質之十翼 而 則悶 告 疑焉,見卦 以 然 由我 亂之者,又烏得 益深,悶 取象以 我之説,而 而 缺略不少也 説 則悶 而讀世儒之 而無 觀之,以 之名 質之卦名 極 加 然退,退 有 益 耐 不合。 合,質 周 之 幾 大 而 就 之 兼 無 忽 疑 我 疑

劉氏應元《學易宗孔》

二卷。

闕。

按: 於涇 顧端 詢之,劉 西 劉氏 文公聞 艸 遂浮江 廬 楚人,筠 其 相 善《易 與 以 達 論《易》連 喬其 梁溪 》,貽 字。 公,訪端、 書 晝夜 錫 友 文 Щ

^{■「}文之注文」,四庫本、薈要本作「文周之注義」。《補本)卷一作「文之注義」,四庫本、薈要本作「文周之注義」。《補

端文 得中, 之始 然。 此言 君子 臣 闇 光 父、婦之從 知 聖人作《易》,立 無端,往 《易》以 下經》 氣,升 明 陰之從陽 ,爲父子,爲 昧 ,謀,不 夫陰 條 爲 有功於《易 偏 IE 升、 而 之傾 、《下經》六條 大常 扶陽抑陰爲義,故《易》 小常躐等 耳。 來 中 抑 而 陽,非二物 大,兢 不 爲 . 爲 之 爲 倒 即 循 窮,孰 其 使 陽, 天下之定 小人謀。 夫 序 臣 一奇偶 言 降 》,愚 其 而 婦,教 兢 降 之 前 哉 日: 書《 過 能 進 業業,不 從君、子 ௱ 予 象陰陽,爲 也,乃天 ? 竊 於中。 違 於中, 爲 Ŀ 天下 「先 笑 後 所見 理 天 陰, 經》 儒 夫 以 地 儒 之 循 道 者 敢 後 是 陽 地 極 陰 爲 論 而 從 爲 貴 環 特 君 故 以 扶 世 以 不 贊 謂

> 《易》 安常 陰,以 勇往 則示 陽 以 君 之,未見 也 貞、大吉 往、大亨小 言大過 抑 子 過 下,不明處 《易 守分, 勸 擔 差 陰之説 謀 中 陽 力去不得, 小過、 當,爲 以 取 小吉, 不 爲 陰 有 三百 先 亨、大 義, 君 扶 爲 爲 動 於 以 小人之道,往 子,以 陽 陽 陰 則 小 大 以 無 爲 八 陽,立天 之主; 之用。 抑陰之意 示 畜 人 不合大小 大 十四四 事 高 而 戒。 謀 小畜 爲 陰 小 論 遭其反 陽,以 ? 爲 事 爻, 戒 勸 地 而 何 、大往 大大 小人, 即 嘗 之 則 欲 往 則 凡 而 噬 \equiv 小 試 貞 大 專 戒 勸 陽 力 執 併 代 去 爲 其 義 扶 如 觀 則 小 小 爲 其 動

「始」,薈要本作「使」。

0

《易》,且有 此 論亦明快,非隨聲附和者。 言,愚不敢信,存之俟有道 扶 身敗國, 陽 抑 害於《易》。 陰 不可救藥, 之 説 不 但 悔 雖先 無及矣。 有 正 悖 馬。」 儒 明 於

毛氏澄《讀易便解》

四卷。

存。

易便解》四卷,其子鳳苞刊行之。鳳苞後陸元輔曰:「常熟毛澄,字冽甫。著《讀

周氏墨《易徵》

未見。

樊氏志張《四易》

於金沙王肯堂。」

李延昰曰:「晏字叔夜,溧陽人。受《易》

未見。

李氏呈英《昭代易宗》

未見。

學,定爲《昭代易宗》。」 著有《易解》、《易數》,又合焦、京、邵氏之高世泰曰:「李呈英,字開美,江夏諸生。

九九六

存。

撰。其言稱善《易》者無如焦贛、京房、管 是曰:「萬曆中,懷寧容若春育夫

輅及宋邵雍先生,而不主王弼談理。」

經義考卷六十二終

門人海寧張曾裕覆校

經義考卷六十三

秀水朱彝尊編

沙六十二

張氏次仲《周易玩辭困學記》

十二卷。原本無卷數,今析之。

錢 多遭閔 余言不果驗, 元岵文,許其 謙 益 存。 序 X 獨 日 :「天啓辛酉,余 必 是亦遇之窮也。 能 冠 出 南宫。 險 脱 親 乃屢 於不測之難 典 上公車 元岵 浙 單 中年 ·, 而 得

力之遠 錯雜 浩瀚 衷。 其《周易玩辭困學記》相正。 老際陽九,杜門讀經,旦夕忘倦, 元岵猶不自滿,假謂 伯亞旅,無此以爲君子、彼以爲小人 自得,非《易》本有此圖;一卦六爻,如 四之説;希 足、康節作方、圓 重之法,八卦無自十六、三十二以至 其辨卦變之説非某卦從某卦而來; 悟因 **岵過訪**,問其家 子,分路揚鑣,亦未必 窮理,而浸淫深湛於彖、爻、十翼之義,浩 八所未 第爲 之理。 近古以來之譚《易》,此其斐然者矣。 瀚 過 發,無 ,上下數百餘家,無 重 一哉? 有不在文章者,亦何必 皆其浸淫深 論 戊戌暮春,泛舟西湖 居 近代之士,即 何 更遲十餘 爲,對 遽 湛 俯 而 日 而 大約根柢於 不辨析 圖,繪 讀《易》,出 殿 年,是書庶 有 創 其後也。 宋諸 獲 以 則 八背反 而 於 其 六 南 其 元 所 + 古 折 君 官 識

蒙莊 暮 幾 元 岵 遇之。』《玄經》之誕 可 之書,布帛菽米之書也, 氏之言曰:『千載 成, 書成, 將 與 身 安,桓 俱 而 隱。 下,知 譚 寧 余謂 以 患 其 爲 解 無 不 絶 者旦 知之 然, 倫

變之非 者哉 爻如 故也。 準 也。 餘 之。』《圖》、《 夫子之言 子爲宗。 陸嘉淑曰 也 年,七易稿 全伯 皆先生所 『河出 某 、掛自 如 :「待軒先生《易記》,凡更二十 亞旅,夫子 而 因 書》之外, 爲 乃定。 《圖》, 重之無十六、三十二也 某卦 心得,而 圖 也。 ,所謂『 來也,夫子之所 先生解《易》,一以 洛 無 卦 我輩 出《書 必 他 相 有 圖 讀《易》之繩 攻」、『相 主 也 ×, 一,後 有 聖 應,六 不 卦 取 因 則 夫

括 次仲自序 之學。 日 踰 「余 冠 以 後 少 而 漸 讀《易》,不 涉 人事 遭 過 家 爲 多 帖

> 黄宗 别字 雅 難 言《易》宗王、程,以玩辭 也。 離 有 如 箋、疏、傳、注諸 幾尋流遡 迫 木 而 人之意。 益 後 日 則 不 經 端居 待 信 岸 義 讀《易》之道 困 日 生 身心者, 輒 行 也 軒 志 習 讖 矣,學之一字,我 於 深 蓋風 源,可 海海 緯 屏 墓 氣 念寡 X 之説, 賦 跡 曰 : 寧 謬 咎 性 雨 蕭 便 以 書,反覆參校,期 題之日 ,當以夫子十翼 過之道,無 悔吝之途,老 先 顓 晦 寺,畫 疏 惟從 仰 愚 暝,疾 生諱 録。 窺 天 不 啓 爲本。」 甚 語言文字 伏羲、文、 ^ 夜 歲 敢 玩 病愁苦,二十 辛 次 愧 紬 侈談 踰 久成帙,總 辭 酉 仲,字元 之 繹,檢 於 來 困 _! 鄉薦。 象數, 爲宗, 學 周 讀 憂 中 於 《易 記 求 自 先 患 岵 輩 聖 其 其 慊 庶 又 年 轉

顧氏樞《西疇易藁》

三卷。

存。

《易》學,共立説,成一家言。」啓辛酉舉人。與老友周夢華公西殫精嚴繩孫曰:「字所止,涇陽先生之孫。天

陳氏仁錫《羲經易簡録》

八卷。

存。

黄氏道周《易象正》

十四卷。

存。

象正》。 至九江 故崑山、清江各有初本。 六七耳。壬午放歸,在靖 寺,●毒痛之下,指節初續,又爲《六十 庫,始作此書。初成二十四圖,又逮 孟應春曰:「崇禎庚辰八月,夫子在 本,夫子在病中,恐不復完,黽勉畀之。 夫子櫛沐,鈔得是書,然尚缺略,有十之 ,曰:『及我在,不定此本,後世誰復能 崑山朱生永明冒難入北寺,親 西林寺,夫子病瘧初瘳,亟覓 及應春侍夫子 海寺。 苦欲録 筆 爲 北 西 几

□「□」,四庫本、薈要本作「繋」。

乃 史 病 子 煩 以 定之?」 彦 家報 乃 猶 聞 夫子 升 以 扁 書始 處 是 趣 舟 料 歸 賜環之命 書未 過 能 理 則是書以 ,夫子獨 錢 三十 就 完 塘 緒 聞 留 日 在 遺僕報夫子。 别 連 彦升本爲 是本已就 將 蕭 後 江 有 寺 渚 應 次 無 春 第 Œ 既 復 至 也 留 發 酬 而 留 陳 對 疏 應 太 夫 之 春 謝

致 朱 契。 生 未 參定。』不 論 \equiv 矣 升 堅 朝 有 一易》請 £ 以 四 瑛 所 又屬 稍 書 午 得 爲 及見《象 探 未定。 知 夜 E 夏月,先 彦升 討 「瑛先 雖 既 何 先 在 别 以 E 無 生 : 旌 爲 既 佐 歲 足 以 生 初 德 若 《三易》, 高 十月,先 見《三易洞 發之能 爲 邑小 本 來 傳 深 不 大 播 者 意 謬。 滌 欲 頗 事 生 捧 必 與 Ш 借 稀 ^ 拳 以 龃 璣 大 盡 中 洞 歸 完 塊 》,玩 朱 相 Ш 璣 瑛 隅 美 本 清 與 而 而 之 寄 先 參 之 之 附 極 以 水

然欲 賢 書 昔 + 之江 大滌 部 言 過 事 士。 訓 鄭 泰 象正》告成 之遇 雖 猶 餘 導 開 蘇 廷 日 事 華 一楚,扁 麟 其 其 年 挾 存 極 文 Ш 不 論 就 出 誠 何其 房、欲 行 序 策 鄉 而 忠 是 語 繫 猶 機部 都門 還 榕 日 後 相 播 爲 圜 書 》、《易》注 舟 作 當簪筆 檀 顧 相 從 克 扉,午 遷 1 世 葦 以 六 以 之下, 膛 也 似 就 林 讀 石 岸 儋 無 平. + 絶 然 齋 書 昕 所 以《 耳 副 學當 生著 而 若 几 門 披 先 未 盡 重 鶴 户 其 本 赤 是 易 啚 夕 阻 生 知 衣,呈章 在 鳴 屨 志 傳 杖 其 述 》傳 研 我 以 風 其 其 舟 示 山 常 又 大賢 成 扃 其 窮 道 中 創 口 至 北 授 滿 相 之不 閉 + 蓋 終 ,撫卷謂 殘 德 也 臨 浦 豫 寺 北 符 濟 Ш 年 難 未 起 安 覃 從 迨 章 也 斗。 時 易 中 不 愈 漳 也 遇 · 精 遊 楊 抗 ^ 也 出 南 及 築 機 之 俟 慨 尚 顔 然 兩 子 血

經 義 考

0

ŏ =

遠在 報國 爲滅 坡公以 故寧爲 聖之傳,啓千秋之緒,其 授之梓,而誌其著述之概於右。」 生,余於視學兩浙 志。』此即先生之《易》也。 似過之矣。 恩 頂 百世,先生著《易》之憂患近在當時 曰:『澤无水,困。 而 之凶,不欲爲 成仁蹈義,不欲爲樂行憂違 名山之業揚一代之英,先生 **耐學術** 嗚呼! 者 始得覩 期無 聖人作《易》之憂 遯 世之哲。 志雖 《易》學之全,亟 君子以致 愧於聖賢而已。 先生爲余鄉 同, 其所 而 命 先 承 先 遂 爲 寧 患 生 几

《三易洞璣》

十六卷。

存。

黄宗羲曰:「漳海之學如武庫,無所不

倪氏元璐《兒易》

《内儀》六卷,《外儀》十五卷。

存。

尚書、翰林院學士。甲申三月,京師陷,戍進士,改庶吉士,官至户部尚書兼禮部陳濟生曰:「公字玉汝,上虞人。天啓壬

備 閏 官,陞左諭德,掌司 高 修,遷右中允,以言事爲民。 鎮海人。 爲爻象,屯、蒙而 十六萬二千百四十四 二十五年之治亂,燎若觀火。」 積 佑 ,而尤邃於《易》曆。 流縮, 釲 日 天啓壬戌進士,改庶吉 . 無不脗合。 「先生字幼 下,兩濟而上,二千一百 經局。 以以 《詩》 玄,號 三乘《易》卦爲二 授 後死於難。」 時配之,交會 與《 崇禎丙子復 石 《春秋》 齋 士 除 漳 編 州 遞

加

通

權達變殆又過之。」

三卷。

存。

物,莫不皆然,且合聖凡而言。 《易》通上下而言,在君有君之用,臣 繆泳曰:「馬平人。 乾乾」,此語最盡 教,使夫婦之愚皆可與知與能。 之用,父有父之用,子有子之用,以 爲日苦短。 文光自序曰:「文光髮種種矣,百年將半, 右僉都御史,巡撫四川,死寇難 天下爲人者皆可勉而 人能盡道最難,乃設爲警懼戒謹之辭, 人皆有,一日皆有。孔子全以 夫子不自道乎,假 ,竊願時習之矣。」 天啓壬戌進士,歷官 至焉。 《易》曰『終日 人説《易》, 年學《易》。 故作經 故六龍 至 有 使 7 事 臣

蔣雯階曰:「公作《兒」死之。」

《易治》、《易作》; 《易能》; 《易相》、《易教》。 《易位》、《易數》、《易 儀 其 學渾淪無端,與漳浦黄公道周角立成家, 古今之變,盡於此矣,殆發機於筮焉。其 晦、晝夜之通復、世會之升降、人事之數、 推》、《易求》、《易 事》,爲《易適》; 準》、《易至》、《易則》、《易衍》、《易行》、 蔣雯階曰:「公作《兒易》。 易通》、《易小》、《易初》; **%** 義 孩,言童蒙也。 曰《原始》,爲《易冒》、《易生》、《易 曰《正言》,爲《易居》; 天地之開闔、日月之明 見》、《易類》、《易嚮 曰《盡利》,爲《易列》、 曰《曲成》,爲《易會 有《内 兼 》、《易倚》、《易 曰《申命》,爲 兒者,姓 儀》,有《外 日《 也, 能

001

文氏安之《易傭》

十四卷。

存。

林氏胤昌《周易耨義》

六卷。

存。

進士,吏部郎中。莆田有金石社,林氏家高兆曰:「素庵林氏,晋江人。天啓壬戌

學也。

素庵集子弟月三會,自崇禎庚辰

張氏鏡心《易經增注》

素庵以『請學爲圃』名齋,故曰《耨義》。」

講畢,門人張拱宸、何承都等輯

而

成編

十二卷。

存。

《易增注》十二卷,孫徵君奇逢序之。」 卿。 授蕭縣知縣,調定遠 高佑釲曰:「公磁州人。 給事中,陞太常少卿,歷 出 總 督 兩 廣 軍 , 再 務 大理少卿、光禄 調 天啓壬戌進 終 泰 兵 興, 擢 部尚 禮科 士

周氏瑞豹《易解》

六卷。

四

月始

至十一月止,凡二十二會,

而《易》義

未見。

壬戌進士,官兵科給事中,歷尚寶卿。」陸元輔曰:「瑞豹字玄叔,吉水人。天啓

陳氏廷謨《羲畫管闚》

未見。

史,督河東鹺 天啓壬戌進士,知 平府志》: , 按蜀。 陳 廷 沂 漢,字 字 水、益 獻 都 明 成 縣 安人。 御

李氏奇玉《雪園易義》

四卷。

存。

古今言《易》者,二義盡之矣。夫變易,即曹勳序曰:「不易之謂易,變易之謂易,

所謂 李荆 簡 析 知 下 古之善言《易》者,無過 知險,坤 爻,即代居乾位。 故坎得乾中爻,即代居坤位 知。」乾、坤 無二義 庸》之所謂『不二』也。 ൬ 説 中庸》之所 如 編 揖 ,而先天之體立。 入於險阻 之大害, 卦 中也。 繭 讓 陽先生,學問 *****; 窮年幾易。 絲 於公明、輔 也。 簡 融 其 剛柔 三畫 以 一,而後 水火爲天下之大利,亦爲天 觀 故 謂 於 知 變 티 : 『不測』也; 爐 交而 阻 無 雪,往 玩 其觀象玩 水火之精,萬物化生, 嗣 静 天之用神; ,易簡者,所 三至 刻 善《易》者 占 之間。 篤 難 不 生矣。 惟不二,故不 深造逢源 子思子也。 誠 往 則 流 奪 之道,可 兼 行 詞 不易,即 離 至於陰陽倚 洛 取 六子之中 ,則一本乎 知出 然乾 閩 謂 乎 得坤 寒暑 中爻。 庸 之席 以 於易 易以 同 測 ^ 也 前 中 中 年

00六

事。 以 學, 殆以伊川之正 苗之害,我輩 伏,直欲以 達,即姬、孔之功臣。 有用爲用,故聖人 天下之中,於乾坤 夫《易》之始乾坤、終坎 人爲能,蓋深有慨 篇之中三致意焉。 無 以之下學,爲程、邵之嫡系,以之 用 爲 包荒 用,故聖人還 亦 小人爲量,不耑以決去小 不 於黨 以 得 識天下之庸 而 兼 執 不任其咎。』先生之 昔程伯子云:『青 我不能不 人之禍肇自君子, 中 明道之通 離 有 而 也 事 用 一,於坎 於 中 服膺先 行 坎 者 , 所 離 離 乎 乾 上 無 以 識 坤

析 篋 同 嘉善人。天啓壬戌中會試,崇禎戊辰 俞汝言曰:「荆 疑 中 進士出 義,凡十年而《雪園易義》書成。」 注 與與 身,官止 無 錫 揚 吴 汝 先生李奇玉,字元美, 叔 寧 美、金 知 府 引 壇 周 疾 仲 歸 純 賜 發 研

朱氏之俊《周易纂》

六卷。

存。

之序。」 子 天啓壬戌 徐盛全曰:「朱之俊,字滄起,汾陽人。 司 業 進 轉 侍 士,改庶吉士,除檢 講。 《易纂》六 卷, 討 陞 自 爲 或

董氏守諭《讀易鈔》、《卦變考略》、《易韻補

遺》

生矣。」

未見。

天啓甲 《易》者數十家,考其異同。 陸 元 輔 子 日 舉 : 人。 董 守諭 苦 心《易 字 次 》學,聚古今言 著有《讀易 鄞 縣

弱·残冷泛。 抄》、《卦變考略》、《易韻補遺》等

姚氏世勳《易剩義》

未見。

子舉人。」《平湖縣志》:「姚世勳,字元仲。天啓甲

何氏楷《古周易訂詁》

十六 。 卷。

二、《上象傳》三、《下象傳》四、《上繫辭而分,謂之十翼。《上彖傳》一、《下彖傳》二篇之策也。孔子作《傳》釋經,亦隨經出篇之策也。孔子作《傳》釋經,亦隨經

《彖傳》移綴彖辭之後,而 鄭玄舊本,以《彖傳》連經文,然猶若今乾 《上》《下經》。凡以《彖》、《象》、《文言》雜 翼爲十二篇,●而説者自 冠之;又以爲《象》本釋經 息,古十二篇之《易》遂亡其本。 本經也。 興,言《易》者本田何,以《上》《下經》與十 卦傳》八、《序卦傳》九、《雜卦傳》十。 漢 傳》五、《下繫辭傳》六、《文言傳》七、《説 義易了,故分爻之象辭各附當爻之下,猶 卦次序。至王弼,乃自坤卦而 獨以《彖》《象傳》及《繫辭》等十篇解説 如杜預注《左傳》,分經之年與傳相附 入卦中者,自費氏始。 是時東 萊費直治《易》亡章句 費氏 爲章句,《易》之 以『彖 宜 興 始,每 相 而 附近 日 世 田 一兩 卦 所 何 其 以 字 傳 遂

●「以」,原缺,據四庫本、薈要本補。

其意: 以 原叔 亦與 《九經正義》,孔穎達奉詔與諸儒參議,於 融 《春秋》三傳不與經連,故石經《公羊傳》 别 是獨取王 鄭玄與馬融同時,玄以《易傳》合經,蓋倣 皆無經文、《藝文志》所 注《易》備矣,學者因 是後學惟 H 省學者 公之説也。 周易古經》,亦皆極 遠 異經、傳,以還 分經合傳爲非古,●吴仁傑、稅 例 學者 經 前 欲 、晁以道、李巽巖、吕伯恭 别。 便 兩 弼 弼 弼,不本《正義》者以爲異説,於 讀 學者誦 不見 又援玄例也。 是從,莫敢 及馬 按:古者經、傳各爲 故 古文。 具 H 習 融 何 載本文而 爲《周 如 而 論王弼之失。 之 移 淳 唐太宗詔名 載《毛詩故訓 求之,則思 舊。 動。 魏晋以下,去古 禮注》,乃 于俊對 竊 就經爲 吕汲公、王 朱元 謂 一書,如 與 高 夫 過半。 權 云 子之 愚 晦 儒 貴 注。 傳 故 皆 定 欲 編 鄉

> 易訂 言》顓 不自量 亦各隨 仍 《序》、《雜》等傳,凡有關於《彖》、《象》者, 要求靡盭於夫子而已,爰題其名曰《古周 之注,易以『彖傳』、『象傳』等字。 取《彖》、《象》二傳附於經文之下,以爲 詁 崇 云。 」 釋乾、坤,及《上》《下繫》、《說》、 網羅 桂 而 附 廣 列 聞 焉 ,裁以管見,爲之小註 以以 祖費直之意。 其《文 輒

侯氏峒曾《易解》

老

存。

■「伯恭」,原作「恭伯」,據四庫本、薈要本、《補正》乙一

遷 文選 府 陸 生《易解 廣 丞 元 一司、稽 東 天啓 輔 甲 督糧道 日 申 Z :「先生字 與弟 勳 丑進 Ħ. 司 、浙江· 月,官左 岐 郎 士,授南 一曾 中 「雅 瞻 布政司參議 豫 陞 通 瞻 江 參定,爲治舉業 政 京 號 西 武 死 提 廣 選 於 學 司 成,嘉定 難 陞 副 主 順 使, 先 天

存。

成氏勇《程易發》

未見。

丑進士,山西道御史。」高佑釲曰:「勇字寶慈,樂安人。天啓乙

黎氏遂球《周易爻物當名》

一卷。

合義 盡情 淵乎其淵,乃 坤乃 類荷 也。 不亦 遂球 棟,運之日月,因先定是編以寄其筌。惟 所繇,不爲 則僞説 史之爲編,散 史繫之,至於爻物,必求其名之所當 雄之言,則豈 而 家,主依文發義 或者定馬 自序 淵 爲 在 立象以盡意,而象可忘也。重畫以 可爲其 而畫 一,順 滋蔓,難 4 乎?」王 曰:「楊雄 ; 無自。 何必 可忘也。 義苟 微。 於乾、案文責卦,有 可 魚 而 得 也。 躍 山 弼 未貫,繁而 牛乎? 義苟在 應健,何必 而 遂球山居讀《易》,每 記 于淵,舍筌可得,究 以 忘之。 是故 有言:『重《易》六爻, 若夫彖卦之材, 矣。』夫以 爲:『象者,意之筌 爻苟合順,何必 健 觸 不及焦、郭 未 類 何必 乾 統,汗牛 可爲其象 弼之説 乃爲 馬 馬乎? 無 固 乾 充 顧 厥 推 口

0

0

形 著 長 别 推 至。」 卦爻者也。 爲 焉。 爾 ; 帙 圖 亦 非 數 嘗 之奥,間 爲爻也。 試 得 以 其 是 意矣,乃衡 觀 亦深觀 史也 之。 者 而 崇 其 自 事 禎 得 乙亥 趨 事 焉 避 而

子所 生焉。 以 其 以多作乎哉?」 掛 名 辭 徐 小,取類大,其旨遠,其詞文。文生於名, 及讀黎子《爻物當名》,其象 余之繫《易》也,義 一,或以 生於物,物生於象,象生於爻。 世 本爻名不當 人,然則名物而義舉矣。 則聖人繫之在 溥 謂 世之治《易》,有如 序曰: 互體,或以 有聖 人 「《易》之道廣 故文失; 之道 一前 取《繋辭 ,占則神 外合,或從 四焉』 黎子者,余文可 文不當,故吉 夫《易》,稱名 大悉 者,盡 而 實,其變覈。 而 明之,存乎 變來。 補其三。 備 或以 之矣。 然孔 本 X 或

> 象固 章 子子上。 書於是乎出。』由黎子之説 象像也。 得一人,曰東粤黎子美周。 數存乎卦爻之後, 繼 或言理,或言占,四者要皆本乎 説 爻之先,不可得而 「卦之有爻,所以 也 ,其著者七十餘 美序 曰: 後有起者,雖謂不悖於中正可 難 ,不意當吾世 明而 攷交互 子上之言 「《易》 易托者乎? 研研 效變也; 一而得一 可 家。 言也。』越十五年 自 物宜 티 : 得 田 或言 丽 何 『《易》,逆 人焉, ,而當名辨物 辭之有象,所 可 言 慨夫絶學之不 而 美周之言曰 ; 象,或言數 以 後,各自爲 數存乎卦 象。 日 振 也。」 新安程 聖人之 數 而 然 也。 之 則 以 又

《易史》

佚。

乾、坤 者 《易》,猶庶幾其懼乎《春秋》。 M 我 數 以 道 數 此 以 鬼方』,其端可見者 容,鮮不見矣。『箕子之明夷』、『高宗伐 極 於《易》作十翼,蓋嘗三絶 尼 遂 前 焉 所 至 取 球 年,五十以 有 繫於卦爻之下,而 義未之或 憂 M 聖,作《春秋》,紀二百 自序曰:「《易》,人事之書 生不 闔 以 《春秋》善善惡 其惟 是故 也 闢 剖 然 於斯乎 窮,衆 理 是故 改也。 亦 順 春 學《易》,可 也,所以 有 其 秋》 以古人之事而 以 理然 人囿 放矣,因 乎? 子 理 也。 事 惡,夫人不 讀 取 後得吉, 於器焉, 成 無 M 史不 以 仲尼曰 是 理 其 不 取 四十年 者, 無 故《易》 合焉。 也 韋 其 能 大 聖人復起, 悖其 此 聖 編 可 擬 也。 過 『假我 無 能 人 聖 易 相 諸 -之事 云。 感 著其 得之 有 理 見 有 發 其 焉, 其 吉 明 罪 形 所 斯 太 夫 仲

炳燭。」 丁卯 陸 事 太卜立 史繫之,以 屈 作《易》者之意,其 元 而 舉 輔曰:「遂球 理 人,死 一筮、詹 日 無不見焉,得 爻配 0 贛州 黎 尹 事,以 拂 美 之難 字美周,番禺人。 在 龜 周 斯 其 矣! 先 事 9 理 吉 例 生 而 X 交 讀 數 瞭 ^ 無 自 易 如 不 謂

晰

天啓

鄭氏賡唐《讀易蒐》

十二卷

存。

賡唐自序曰:「《易》,廣大變通之書也

●「□□」,據屈大均《廣東新語》卷十一(清康熙天水閣

其

明

每

以

不

煩

0

之所 之偶 象者 也。」 其 明 者 也; 涯 才 者告也。達者因 瞻之言曰:『其實 妄,然必由其 動之所以得咸運 以 日 似 畫 也。 也; ,猶之乎 以一 萬 楊敬 『衆之所以 也, 一無端, 似者 以 疑,彼或信之。 一時 剛 爲奇。 無 物 事 而 震、巽、坎、 柔 而 二乾也。 仲之言曰:『道 六爻不 測 索 而 日 相 理。 明爻, 萬 掛 以 乘 海 前之所是,後或非之;此 得 事 遠 似 酌 者,原必 有 故六爻相錯, 咸 處, 可 則 矣。』朱元 以識 河 艮、離、兑,乾之變錯 則室而 不容言也,故 立主 存者,主必 各出 拘 言之謂之乾,兩 探 也。 萬 於 理 真,不達則 理 以 無 所見, 無 者以 不通 王 定 加 變, 晦 輔 也。 已矣。三 之言 也。」蘇 致 可 坤者,乾 爲 非《易》 非 以得 嗣 以 舉 深 又見 物无 其 也; 易 似 津 以 子 觀 :

> 之謂 高 以 謂 《易》三十年,輒 諸管見,求庶幾 此 謂之六十四卦,又謂之三百八十四爻,又 人,官福建按 之萬 佑 物 該 之坤, 釲 也 流 10 日: 有 其 數 一千五百二十,又謂之無窮,皆 八言之謂之八 爲 子 (察愈 賡 者或 經 唐 無戾於理,斯已矣。」 不 傳 事 ·自揣 縉雲人。 即 羽 事 翼 量 以 卦 則 網網 明 ,又别而言 天啓丁 羅 理, 也 舊 或 聞 卯 余 泝 讀 裁 之 舉 源

經 義考卷六十三 级

門 人平 湖 趙 宣 覆 校

棐几, 晝夜孜孜

,惟在聞

道

故

於天

經

紀 肩

荷獨力,其人千古,其學亦千古。」

賢之志,非六經

及諸儒

心性之書不

陳 於 賀世壽曰:「先生釋褐最少,已勵

必爲

聖

存。

經義考卷六十四

退。

進雖遇時,外而弗内。

退若苦衷,遠

而弗滯。

外止三時,遠不卒歲。優哉游

《邵子》,記其後

日

『甲申之春,定我

進

部

鉉

於壬午七月

晦

日

秀水朱彝尊

哉,庶没我世。』及甲申死

難,人始見之。

鉉 初以駕部巡皇城

,每過御

河

,輒流連不

河,若

能去。 依戀不 忍舍,何也?』竟投御河死。 歸,語其弟曰:『我一見御

王氏隨母章入井,弟錝亦死焉。」

黄氏端伯《易疏》

五卷。

《易》、地《易》、人《易》、鬼《易》,京房氏 端伯自序略曰:「仲尼之論《易》也,有天 之,其説測微於數十歲之後,隱藏於數百 存。

0 =

有省。 戌 世 筮之,兩得明夷之卦,始悟京房《易》變 一之前 孟 秋 夜中假 汎 鏡 往 舟 知 河 寐,夢靈 上,取 來 如 指 卦變 龜 掌 伏胸 神 圖參之, 臆間 矣哉 日 豁 乃 起 然 甲

復以卦變冠於簡端,且旁參以《陰符》、
象變,不能究《易》之全,而文王作《易》之 泉變,不能究《易》之全,而文王作《易》之 宗文王、箕子者也。學者詳於辭占,略於

甲之書,猶不失先聖遺意。當秦焚書,與京房《易傳》符合。今卜者所傳五行六《鑿度》、《握奇》、《遁甲》、《參同》諸書,皆

易》以

1

筮

獨

存

、《易》變晦

於理學家,乃

卜肆尚. 也。 文德翼序曰: 攷《乾鑿度》太乙、九宫、四正、 也 河、洛 仍其 之《 説 圖 而 「《易》者,九 不 》,傳者 廢。 《易》之以卜筮存 以 爲 流 搜 四維之義 大共之書 自 希 夷。

也。」推 樂示人 其挾刺 與 乎? 矣乎 如屯歸 京房。 恒用 《下經》不變者僅二。 《下經》各十八卦,《上經》不變者僅六, 合 變於衆變之中,隱衆變於不變之内。』至 三變五變,有不變之世爻,則《易》之元命 莊子所謂 海岸先生窮四《易》六龜九筮之學,爰契 文王後 康 則宋之先已 下 成 即 以變象乎? 男之畫。 房晞 蹈 震 而 天之學也。 所 五 觀 危 初 相 究之,卦卦 論 行傳、六甲書,皆尋數之主,啓 其 蒙蒙 反 掛 ,上累贛 大 苞 氣動 而)絡, 豈 有 衍 主坎二,咸 故曰:『一君二民,寓不 不可相 十日 此《圖》、《 後天序對之圖、《上》 有 先生之言曰:『八 然,一卦 傳,然綜 僅 屯、蒙、咸、 數 + 古司 無者 世之徵,後 取 書》矣。 辰 怪主 亦 其 下女之爻, 也,文王 <u>-</u> 十 無不 恒 變端 卜而 而 吾 八 下 古 掛 泥 實 宿 師

禮 朱 俶 筮 火 兆 禎 共之書,稱爲先生大則之書,無不可矣。」 文宣學《易》之年,以此成 之質。 戊 部 一是曰:「公字元公,建昌 詭 一,而飛伏之化寓焉。 爲目也 辰 靈玄之策無不滙 事 進 士,除 死於難。」 古 四《易》之變,不盡 辟 寧波府推 啣 燭 爲 先生夢叶靈 龍 元。 入闇 官,改杭州 書,合之諸家 新城人。 室,不 《易》雖大 一於六 龜 龜 可 崇 陞 九 謂

周氏「敬《苑洛先生易學疏》

四卷。

存。

敷 (陳)河 敬序曰 備 述諸 圖 儒之説 以 韓子 志其端 憂《易》學之忘原 以 證 詳 其 歸 詁 蓋 統 數以 於象 也 數數 悉其

旨 端,以質之學《易》者。 至於 遺末一 解焉。 以筮小《易》也,附疏象數卦位之理,括其 火之初,即詮 包羲之初也。 喟然於《周易》之作,後世 其詳,一敬以 之臺、窮羲皇之遺、弔《河圖》之蹟 燕、趙、齊、魯、吴、越、秦、晋之國 之筆,幾廢寢食。 每 禎壬午,先後二十九載 似有悖焉,於以 玩繹《圖 明 而 筮開 蓋韓子 尋本,然於《易》學綜未之有窺也 句 訓 》、《書》,軸先大父肖溪公旁注 物,孔子已前 節 疏焉。 日挾其 遡 以開 指 原 矣。 通籍以來,周 詮 明 明初 凡自 書,遇簿書之暇,燈 翼夫《易》,勉焉 理 前 知於不言《易》之 竊 學 敬 一遞闡 言之,一敬恐其 萬 始 家 爲 附前人,故多 曆甲寅 敢 心,故 世 而 句 歷 治 漸 ,瞻畫卦 釋 豫、粤、 失,非 迄 而 易 疏 而 崇 丽 從 節

朱氏天麟《易鼎三然》

四卷。

存。

授翰 人。 繆泳 凡三十六篇,其題皆詭異,未免近怪。」 洪、南 曰《庖然》,二 崇禎 林 曰 :「朱天麟,字震青, 編 康 修 戊辰進士,以兵部 錢 啓忠 其 日 書 爲 漱 上 之作 饒 然》,三曰《 鄭 序。 以 武 崐 偉、 選 Ш 飶然》。 餘 主 然》者, 事 吴 姚 姜 選 江

胡氏世安《易史》

八卷。

存。

世安自序曰:「史著是非, 臚列於事後;

《易》 **讐**矣 草 竟置諸 子失確認 謀 善而 占數 天 必 我 則 亦 陰 高 鑒、長短度程者, 可 徴 友楊 生 非 忌 水 所 陽 . 高 固 大且 我 火 小 産 消 匪 者 研吉 而 互. 君子之門,絶 錯 根 占 用 者 相 人 之 胞 惡 賾 故 時 人,而 以 地,即 理 凶,析 矣。 者 皆 息 與 賓 規 、剛柔交克者,天運 異 之道 不 無 勵君子,仍責 有 美 未 外,余未 則 謂小人特戾氣所鍾, 乃有吉 兆 疢 云 兆 有一 爲小人謀尤婉以周,未 典 所 地 人事 之 也 以 要 於幾 小 不 殊。 『或問 藥 E 解 而 ·用其 敢信 人以必不 也。 學者明 事 石 先。 而不必是,凶 毒 變通,所 先喆 君子 之草 讀史之法, 日 極 洞 而 以 無 上下今古, 齊其 爲 共 於 也 其 以 - 叢育 小 濟 其 觀 可 然。 以 所以 化 詣 論 妍 爲 堅 險之寇 火。 小 其 聞 聖 則 媸 君 於 耐 間 嘗 借 長 不 其 蓋 君 子

戊

辰進士,改庶吉

士:

徐盛全日

已,君子而

能師

미

謂極深而

研

幾矣。

因

諭

德、庶子, 陞少詹事。

十二卷。

卦爲事

,以爻爲人,而是非見矣。」夫

人

事

之不齊,傾否以

保泰,審

損以廣益,道

古

見矣。

問讀《易》之法,曰

如讀

史。

以

如

讀《易》。

以事爲卦,以人爲爻,而吉凶

得

上策。

守是之謂

經

小人

攻小人者得

中

之心 讀 統 爲 經 沈蕙 符而出,後世因之以 敷教序曰:「宋紹興中,布 捶 示,精者以意盡,於是乎不可忽矣。 皆足以啓矇發瞶。 凡得《易》七十。 鈎 是 圖 於《易》、《易》本於圖。 編輯,六經各有 ,而泥尋尺者不知有運斤也,非作者 編 纕 也 》,陳森 日 而不能盡意,是 . 崇禎甲 補而 敷教字汝敬,吴人。 申三月。」 刻之。 迨於我 圖、《易》得 圖之爲學,麓者以形 爲教,其可 執 爲 明 圖者。 權 7,侍御 圖 衣楊甲著《六 衡 三百 四十有六。 者 易言哉 應三皇 崇禎 不 胡賓復 1有九, 知 六經 庚 有 之

秋》足以存禮之義,述《易史》。」 非定吾吉凶,亦何爽之有? 地定位,日月合明,端於是乎在 不一。往往包小人者治,敵小人者亂 :「世安號菊潭,井研 友小人,其於體《易》之撰 策,以 ,授檢討 ,善是之謂 竊取《易》象、《春 人本 君 身非 子用 歷 朝,官至大 右 小人 以吾 君子則 權 1 贊善、 崇禎 者 是 以 天 存。

〇一八

午舉人。」

張氏溥《周易注疏大全合纂》

六十八卷。

存。

人。崇禎辛未進士,改庶吉士。」徐盛全曰:「溥字天如,號西銘,太倉州

馬氏權奇《尺木堂學易志》

一卷。

存。

氏實已確之。天下之象,陰陽相半,而陰之削跡,其得力處皆本於憂患,不知包羲之書也。人第知文之明夷、周之恐懼、孔王思任序曰:「《易》之爲書也,自處處世

之書。 吝; 第而 以止求无 非情欲之情也。 據 後,發明四聖人憂世之藴,以 心蒙也。 以扶吉而 出之而云哀世之意, ①又爲之開无咎一途 憂患之旨一情而 亦苦矣。 M 士乎哉?」 悔 陽 但知 中 吝反居其 F 其 廢,廢 窮則變,變則通,豈 咎。 人但 我友 避凶、悔、吝,而不知仍當避吉 抑凶、悔、吝,則聖人之言《易》 取 數 非其辜,以 (); 馬 則聖人之心苦,而衆人之 知趨吉,而 又多 括矣。 情不易出,故聖人以意 `巽倩氏讀《易》有年,高 所謂 故 情者,情愛之情, 類 陽 故 不 有長貧賤之高 常 萬 困 知 爲 物 不 衡 自 避 勝 之情,則 處 運 忍之 凶、悔、 陰, 處世

李延昰曰:「馬權奇,字巽倩,會稽人。

● 「云」,四庫本、薈要本作「寓」。

崇禎辛未進士,工部主事。」

孫氏承澤《孔易》

世卷。●

存

《易宗》,綜宋儒之長,發先儒 盡 之故也。 胡世安序曰: 世 得失何如 乃引繩傳翼,未免羊亡多岐,則亦求甚 象,或審位,或參位。 畸 靡不蓍蔡奉之。 『是猶之乎以甚解求《易》也,絶韋之倫次 自 意。」 理,或畸 隱 以甚解求解,與不求甚解之解,其 退 乎? 孔子不云乎:『書不盡言,言 數,或 谷 「漢 十年 北海孫先 先生一旦廢 魏 兼 以 著 理 時非不各誇有得, 來諸 數 述 ~,或 充 生 儒 棟。 以《易》學名 卷而 切象,或 之 言《易》, 藴 至所 起日: 學者 編 解 或 不

> 中關 《彖》歟?』抑何其詞簡旨該, 策所自出。 具在,如之何其别搆競長?』於是盡删陳 王之割裂完經哉 云:『乾之一畫,其萬有一千五百二十之 附彖、《爻傳》附爻,名曰《孔易》。 詮 義,間一 ,條析傳義,以《大象》疏卦畫 鍵, 拈及,而其指 如 内 乾之《彖》,其六十四 外 往 復之宜、承 歸 開 卷了 豈僅 乘 然。 ,《彖傳 比 惟 正費 卦之 於 應 如 所 之 傳

《易》。 承澤 思之、夫子一生學《易》、至章 觀夫子十翼,以《大象》釋羲皇之卦 彖傳》釋文王之卦辭,以《小象》釋周公 自 初集朱子之説,著《易宗》。 序曰:「余十 年 Ш 居, 編三 日 絶,今 畫 抱 既 以以 而

^{●「□」、}徐乾學《傳是樓書目》、(清道光八年味經書屋鈔

或推三 此焉 時菊潭著《易史》刻成 易》一書。 釋,覺從前紛紜之論可以省除,因成《孔 無不盡之旨。於是專取夫子之《易》以求 以釋之,或略加虚字詠嘆以釋之,《易》固 聖之旨,夫子之旨有 耳。」 余不敢也,罄此餘生之力以從事於 聖之意 其 西蜀 所 釋 而釋之,或一釋不已再四 胡 或即三聖之意 菊潭先生見 ,因作一序,欲併行 難明者,細爲詮 而 而釋之, 稱

祥符 稱 本 徐盛全曰:「承澤字耳伯,號北海,晚自 退 朝,官至 翁。 擢刑科給 崇禎辛未進 吏部左侍郎、 事 中,歷兵、吏二科。 土,除 都察院左 陳 留 知 縣 調調 都

董氏期生《周易末義

一卷。

存。

《易》不盡以朱子爲歸也。」

《易》不盡以朱子爲歸也。」

《易》不盡以朱子爲常也。」

《易》不盡以朱子爲歸也。」

顏氏茂猷《天皇河圖》

二卷。

未見。

膳司主事 戌,以五 黄虞稷 曰: 一經中 「字 會 試 壯 其, 奉旨 龍 列正 榜 前 授 禎 甲

吴氏鍾巒《周易卦説

未見。

甲 陸 戌 元輔曰: 進 「鍾戀字戀穉,武進人。 桂 林 推 官。 學者 稱 霞 崇禎 舟

先生。」

陳氏際泰《易經大意》1

《群經輔易説》

經義考卷六十四

《周易翼簡捷解》

存。

也, 《書》兩物分而體用合、《河圖》 《易》别無體,以神爲體,則真性專之也 聖心主一,即造化之神聖道貞一,乃能勝 《易》無體。』又曰:『天下之動貞夫一。』 離地,離地則不成天,證在太虚之上 天下之幻而歸於 際泰自序略曰:「《易》曰: 『神無方而 土;《洛書》應地不能離天,離 人則之,則神物,則其神也。 而萬,萬而一者也。」天生神物,聖 故曰: 『易者, 通天 天即不生 顧《 不能 啚 一有星

大意」《補正》:「或作『説意』。」

焉者。 迭用 疇 矣。 圖》 之用無附 之氣,亦生於 象焉者; 常之氣,亦生於天而 言《河圖》不言《洛書》者,有謂伏 地 (範》), 易》,非 圖》 書》 易》,信 而 之體 微言 至 在 在 在 非 極 故非《河圖》文象之體 於 偏 往 九泉之下皆天 偏 衍 乎 不 雨 湮 麗 ^ 參 倚 則《圖》 《圖》、《 有 順 則《 之 流 風露 自 9 兩 數 地 來 以 非《洛書》變數之用 總 行。 書 漢 以 以 而 逆之參 掛 雷, 書》 **>** 成 至宋,有 而 之者。 體 用 聖人合之,《易 而 也; 遺《 於 作 成 其道, 其 表裏 離 於地 氣。 天,在《書》 止 道,取 錯 文、周 書》,柔 ^ 無 啚 大 也 謂 經 常,竟 取 ,在《圖》亦 日月 禹 孔 緯 即《 諸 諸 祖 皇 祖 奈 子 剛 暑 之以 義 極 悉歸 即《 之 亦 歸 贊《易》 何 九 書 啚 洛 寒, 以 斯 畫 六 之 焚 有 有 之 卦 坑 總 作 作 河 象 常 有 演 而 有 而 羲

陸 甲 之,未深 内 擬《易》擬《範》, 而 之教參天地 外, 戌 元 象已立、神 輔 進士,官行人。」 異 日 得 教 :「際泰字大士,臨 其 得 昌 禹 正 加 經不正 叙《書》而 之之 熾 無終始 於 源。 秦 而 漢 也 數 邪慝生 之後 然 不 後 川人。 傳者,紛 知 一,此

聖

貞

崇禎

儒

者

病

方

域

紛

俞 氏墨華《易渡》

禎 廣 甲 信永豐 未見。 戌 進 士 縣

志

₩:

俞

墨

華

字字

君

翰

由

光

澤

知

縣

再

遷

爲

刑

部

主

事

徐氏續高《易學》

披緇 舍以 崇禎丙子舉人。 錢德震日 不可得矣。」 居。 ,然不斷 撰《易學》三卷,殁後無子,遺 "「孝若爲太師文貞公元孫,中 酒 肉。 乙酉松江城 人吴,依要離 破、遂 墓 一傍 遁 僧 跡

秦氏鏞《易序圖

卷。

存。

鏞自序曰 易》之序也。』序之爲言,明有次第。 繋辭》云:『所居 而 安者,

嚴 爻處甚 取 安乎? 福 《易》不欲詳,恐障其光明也。」今序之而 作《序卦圖説》,上篇凡五 《序卦》流行之理,亦庶 圖說》成,以 文、周、孔之心畫,或不至於河、漢云爾。」 之妙,倘以是質之先儒,而 段,合上下凡九段,配乾 竊 乎道,則若因 已,其又多乎哉? 雜之,後之學者能以《 者苟不於其 反 謂 孫受讀 福孫序曰:「侍御大音秦先生著《易序 對爲義,乃《雜卦 六十四 略,舉 據《序卦 ,作而歎曰:至哉 福 一卦惟 中探討意義,亦豈能居之而 是而 要而 孫 方從問《易》,屬爲之序。 文王 傳》,止 求居安之説,其於羲、 己。 獨爻數配合頗有自然 雜 能 傳》又何以 朱子有言:『注 之數,中間 乎能居之安矣。 以 卦》對待之義 序之,惟 不 段,下篇凡四 卦 無 名聯 先生之説 一言之幾 作也 孔 屬,不 人象、 子能 求

0

Щ

蒙二 陽 《易》之蕴 儒 推 畜 自 後 數之配 每 節 合自然之妙,於是以《上經》分爲 六、《上經》得十八、《下經》得 無不合焉。 之《圖説》,則匪 已具言之。 易》也 一、履 節 掛 求之 夫子翼《序卦 天合一之用,則獨於其 之後節,莫不皆然。 陽 《下經》分爲 挂 得 ,其合先、後天之用 合 配 得 几 象 陰,陰陽爻各 需、訟 則 覆 或或 Ŧi. 數 先生則 夫《序卦》以六十四 覆與 與二 皆不 以 而 》,言義 獨 未 爲 覆,象 四 一覆,象陰 出 析 陰 非 能 更於爻數之陰陽 節 理精也 聖人之精 盡 得二 以 節之中 顧 理 陽 象陰。 合, 師 愚 變例 而 中 而 一十有 比 一乃於 以 遂 不 陰 中 十八,先 先 知之,何以 及象數,先 或 之者乎 陽。 , 覆 上 生得 四之類 Ŧī. 如 陽 以 ^ 「爲三 象 觀 下 經 節 以 爲 配小 得 數 先 而 | 毎 先、 屯 爻 儒 + 亦 西己 生 非 ? 象

> 代 陽 對 也。 陽 明 者 卦 取 諸 來之關 兀 而 後 坤 也 諸 . 卦 天 其 配 也 復、姤。❷ 儀 之象,此 剥 之 用 序《上》《下經》之中,爲 然 後天卦不 而 多三十二陽,陰儀 、復、夬、姤 剥、復、夬、姤。 獨 而 也 故首之以乾、 多八陰,《下經》陰 鍵,得其 有正對之象,此後 變例以從《上》《下經》之遥 ? 在 先天之合乎後 於坎 (序卦 日 : 取 用 分 離 E 先天 焉。 》以 列 對 坤 此 乾、 而 八之用 先天 少爲貴,故《 先天 多三十二陰,則 四 中 坤 離 也 卦 天者也 之以 天之合 以 左 在 南 挂 天根、月窟 而 所 右 於 代乾 多爲貴, 多 不 以 頤、大過 復、 1 取 不 獨 乎先天 L 坎坎 陽 覆 配 與 姤 故 有 經 諸 北 者 亦 故 取 往 以 覆

^{● 「}姤」,原作「垢」,據四庫本、薈要本改。

蒙 啚 者 坎、離 尾 三九以 其 南 不 姤 復、夬、姤從 爲 卦 離 坎 九,以《上經》中三四合《下經》前三五 九,其 前 離 北 伍 ; 變化之總樞 象; 用 ,亦皆不 爽毫髮。 此 0 五卦 配 焉。 ,而變例 終 以 也 以 大、小過 IE. 需、 屯 愚 妙 0 之中 之以 對。 爽 謂 西 訟 在 濟 抑 今以 濟 遥 毫 以 配 先 南 有 從 於合二 中 此二 樞 卦 配 髪 從 蒙 以以 生 先生之圖 異 Œ 乎、 即即 始二終三,合 坎、 Œ 東 耐 坎象也 得 者 對 小 雖 師 卦 濟 爲 一,而 夬、 先、 濟之坎 離 以 愚 之後 過 先 所 八 比 需 也 剥 生 後 嘗 以 正 合之,則 既 北 之用 一之所 東 天 者 濟 較 不 排 覆 頤 濟 配 配 合一 也 定 之 與 離 中 掛 \equiv 小 訟 歸 未 中 未 用 先 諸 + 以 數凡 四 及言 畜 以 西 於 以 孚 濟 之 歸 天 覆 爲 復 六 復、 剥 屯、 履 方 用 於 掛 覆 首 得 得 几 得

至篇 之高 又附 藴 是 而 也 實 以 此 具 先 深 中 求 心 於斯 加 後 以《雜 此 益 理 天 故 之 諸 卦》參 歸 非 敢 百 圖 小 於 大 古 ௱ 子 純 序 先 不 各 末 粹 義 謀 生 繋以贊 學 中 之 而 以 所 正 合 命 覆 能 者 身,皆極 則 象 而 闡 附 明 揚 竊 及 其 孔 義 幸 爻, 焉 藉 萬 精 理

丑進士,官監察御史。」

陸

元

輔

日 :

鏞

字

大音

無

錫

人。

崇禎

T

王氏正中《周易注》

未見。

澤 陸 元 輔 崇禎 E : J 臨 H 漪 進 王 1: 氏 除 TE. 知 中 長 字 興 縣 仲 撝 事

1 「姤」,原作「垢」,據四庫本、薈要本改。

〇二六

爲御史。」

方氏以智《易餘》

二卷。

未見。

進士,官翰林院檢討。後入山爲僧。」陸元輔曰:「字密之,桐城人。崇禎庚辰

朱氏朝瑛《讀易略記》

卷。

存。

若不 朝 知 易》 伏 瑛 八自序 也 思 羲、文王、周公、孔子數聖人者之作 皆 而 日 得 相 : 也 遇 ; 吾讀《易》二十餘 於 咉 其 然 天也。 而 出 之,若不 瞥 然 而 年, 得之, 慮 而 而 後

然未 其所 莊,一 存焉。 慮。 道者 過之爲飛鳥、 也。 數、逆數之共 不 出 也 慮 天懷所發,純任自 爲牛,而又爲牝馬也。此其 次比、師,一若整,一若亂, 推之以至於《序卦》之次屯、蒙、《 相 者 也 又 一當極 乎? 不 悖 則 推之以至於 若戲,而 則 何 乾之健 支 思 無 義 荒 足 門 思 離 後之學者 忽 以 殫 殫 無 膠 如 貫 噬 莫 虚 慮 蹊 語 慮 爲 古 先天、後 也,此 鼎 嗑 不 驟 無 《易》? 以 馬 不 然,觸緒 之教 而 之爲 有 之 精 極 耐 相 而 微 不 爲 其 之, 務 思 襲 又 鼎 天之 可 義 頤 變 其 以 非 洂 而 爲 自 而莫 存 頭 以 中 横 而 所 研 9 聖人之爲 變而 不 龍 焉。 古迄今, 語 同 生, 有 未 之, 之爲 有 不思、所不 得 , 不 嘗 符 雜 物,一若 端 易 未 坤 其 無 此 有 而 卦》之 變 也 有 頤 嘗 **** 之 所 往 岢 大義 不 一,順 也 也 不 註 得 非 非 變 順

若

將

與

數

聖人

者

子

答於一

堂之上,而

如

又

一酌

於古

今

人

之

註

《易》

者

而

進

退之,

繫》者、釋者

極

思

以

研

之,

殫

慮

以精之,

余自壯.

年

始

知讀《易》,泛濫

於義

理

象

數

好

意

見

E

盡

蠲之;

閒

居

無

事

數

與

先

畫

張

元

岵

論

難

經

旨

頗

有

所

獲。

乃

日

夜

取

數

所

爲

卦

者、爻者

彖》者、《

象》者、

也

自世

一變以

來,險阻

艱

難

已備嘗之,

嗜

天

地

人鬼

之變者

有年,若

河

漢

而

未有

極

起,是

非

互見,要

未

有

能

詳

之、安之者

者矣。

抑

猶

有

未

詳

者

詳

於

所

變

而

不

詳

庶

幾

極

思

而

得

所

不

思

殫

慮

而

得

所

不

慮

其

E

程

傳》之所

未

詳

者

本義

詳

易》者

無

慮

數

百

家

要

惟

程

、朱二子

爲

得

之,程《傳》之

所

未

安者、《本義》安之。

於

所

未

嘗

變

也

猶

有未安者,安

於

所

變

而

不

安於所未

嘗

變

也

。後之人依

違

雜

分合,無關 之下,欲以愚 義》所已詳、已安者,弗贅 録之以質諸世之君子。 亦弋獲。』既 通 天下 於石 大方也。 微 以 大義,又不必 彰 齋先生, 人之心 倖 復 岡川 遇乎 何 柔 抑《 思 有所 屈 其 丽 何 詩 而 妄揣 伸 天,其亦不自 慮 見,不忍棄 解已。 若程 解《易》不 往 有 也。 哉 來 <u>二</u> 二 夫聖人之心, 之故 至經、傳 余從 或 傳》、《本 如如 曰:子 宗《 置 彼 量 千 殊 象 之 概 飛 載 而 塗 泣。 患 通。 未嘗 所變 後 仕。 縣 寧之花 大要,不越於知幾、精義二者而 天 期 不觀 其言象數不主邵 求 八卦 不察其適變, 變 而 年 諸 者 袁 不

貽笑於

蟲

求其

會

베

百

歸

而

以

外

艱

歸

旋

遭

喪

亂

遂

不

復

里

崇禎

庚

辰

進

士

知

旌

德

圖,以

爲

諸

儒之言《易》者詳於

子之説,别爲先天、

詳

於

所

未嘗變。

變者,象

也

太

極

也。

時

惟

適

變,道

必

而

言、言之不 文王 生復 盡 起,亦 周 意 公 者 來氏 集之《讀 存。

因文

〈王、周

公以

求

伏羲,雖

先

姓

朱

氏

康

流

其

别

號

也

晚

又

號

罍

庵

海

黄

宗

義

志

墓

日

:

先

生

諱

朝

瑛

字

美

必

以

余爲

知言。

也。

余惟循

循焉

因

孔

子

以

求

《易》也,孔子之所不盡

學《易》

正》者,

何也?

夫《象正

》則先生之自

爲

通

集之自序 官皖 口 寇 E 至,登陴,司 子 於《 易 刑 初 之官 無 所 不問 解 刑 迨

物

而

格

之,反諸

身

而

體之,究

其

己。

其

會

通

則

屈

伸

往

來

有

臨

岐

則

微

彰

剛

柔,有

拘

虚

之上小 者 之, 然 理 如 則 城 以 飄 汛 從《易》 奇 + 鐵 解 而 ",爲 嚴 是者 其 擿 忽 載 而 時 四 其 問 讀《易》 彙而 孤 〈半巡 之間 去 稽 · 加 挂 地 酒 通之於《易》, 兵。 雉 城 而 率以爲 屋 督之功密 而 而 名曰 予於《易 來莫定, 齒者二千七 無)城,以 問 其 傍 通 畢。 城 時 恙 椽, 予 之於 城 之 研 ^ 握 於 每 有 常。 隅 北 喜 討 其 麈 池 易 至 於 人 最 通 凡 之意 半 可 而 亦 退 而 情 及寇 是 E 當 漏 \forall 積 讀 讀《易》。 知 談 百 蓋 時 而 飲 挑 物 《易》 盡 师 數 多,而 也 觀 有 終 休 有 越 馬 從容 燈 要 理 昧 條 我 奇 息者 身 通 塘 江 讀 爽 稍 城 夫 或 子 焉 則 悟 ,城之下 講 巡 ^ 而 夜漏 寇 疎 週 子 易》, 從 與 而 也 引 處 城 南 求 近 9 九 後 鈴 於 矣 郡 紙 人 平分, 頗 寇 之 防 則 里 周 寇 庶 韋 情 柝 伯 而 遠 速 巡 儒 守 有 信 平 編 書 物 或 依 池 共

> 子 功 作 嗟 有 古 而 於 ,雖未 因 皖 乎 知 得 志 皖 伯 所 1 其 子 舊 也 通 大江 必 本末云。」 封 乃 者 有 峨 同 於 奥 功 以 然 社 於《易 踉 窔 北 孤 黄 蹌 手 峙 而 慈雲將 浩 》,而 白 所 次 則《讀 堅 不 之 要未 城 通 間 取 者 爲 而 易 無 口 周 灾之木, 隅 之 不 謂 行 通》之 靡 探 全無 矣。 碎

《易圖親見》

一卷。

手之所 然造 呈; 所 集 之自 維 化 未 河 摹 序 必 嘗 啚 以 目 也 廢 ^ 既 口 圖 《易》書未 之 古人 出 所 相 聖 誦 左 示 人可 《圖》右《 聖 \Box 作 之所 人 以 必 龍 不 以《易》 馬 誦 書 作 未 \sim 口 易 以 嘗 心 爲 之 不 廢

義 考

圖見。 夫得精一 九 事取於此; 之《圖》也 紛,公等且退,我將以《易》治之矣。」 也 我 取全《易》而 之作也,其有憂患,履虎 予李皖之時,寇亂 大 則聖人有左之《圖》,亦不必右之《書》也 卦,而『参伍以變,錯綜其數』取 教者,斯道之薪傳,天人交有其 天地定位』章,而 圖》、《書》 形 、疇取於此。八卦成列,因之爲六十 則 而 室有 然則聖人有右之《書》,原不必 凡 加 會神者, 羽書 遺麤者,聖賢聞 》参用, 《維書》 《河圖》 《圖 亟讀之矣。案無留牘, 遙 》、《書》, 午, 理性 聖賢 於外,兵譁 一本雙幹、千兒 逆以 順 服 以 互. 下學上達之功。 短 相克, 相 涉川,是不可不 一發,庶 猶 後 一知十之化; 生 不 於内。 而 廢 而《洪 説 於此 (功焉 而 幾近之。 我 六府三 劍 萬 《易》 毋攖 者 孫之 嘯 範》 四 左 讀 紛 歌

《卦義一

存。

其言渾 陸元輔曰:「集之字元成。 齊維籓曰:「先生於《易》,静觀動 得』,得其 而 辨,澤 一,萬斯畢矣。」 前 精,約 而 崇禎庚辰進 有 本。 玩,故

錢氏菜《讀易緒言》

士,安慶府推官。」

一卷。

存。

陽。』陰陽二氣迭爲消長,其不容有 錢澂之序 曰:「《莊子》曰:『《易》以 贏 道 詘

0 =

使

世

天

於

陰

戒

辭

焉

而

其意常

數

未

口

同

H

語

矣。

以

辟

桂

陰

陽

消

長

之會

奪

雖

勝

敗

各

有

天

焉,

訶

:

柔

變剛

也

。」。」夫

決

之日

1,亦以

一小人

制

衆

君

之時,以衆

小

人制

君

子

多

故

於陰之長

也

爲

君

子

也

亦

爲君子危焉

彼

小

扶

陽

ITI

抑

陰,

何

也?

敵

陰,

君

子

不

能

敵

於

其

間

明

矣。

而

聖

贏

於

之遇

小

人也

以

剛

蓋

小

人之計

常常

密

君

君

子

常

敗

夬》

以

Ŧi.

陽

E

剛

決

柔

也

] ° [

剥》以

月

之

陰

而

夫

使

斯

Ė

以

柔

制

剛,

以

密

制

踈

り、サビ

怪

小人之遇 小人,治 子之計 聖人深 要其 是三《 於陽 者爭 人者 主 危 Ŧi. 而 乎 決 子 於 君子 焉 I 陰 有 日 常 小人常 知 號 而 易》 庇 餘 於於 多 剥 拙 不 少 夫 疎 陰, 變者 也 有 陽 危 聖 難 惟 ൬ 即 陽 陽 9

此

道

不

口

以

進

則

衡

故

用

酌。

或

仰

至

百

八

+

有

陸 是説 亡 午舉人。」 完輔日 其 賢 也 ,仲芳得之而 賢亡其 . 「菜字仲芳,嘉善人。 道 不言焉。」 其 亡 也 乃 以 崇禎壬 不亡。

張 氏家玉《大易纂義》

未見。

進 陸 士,改庶吉士,後死於難。」 元 輔 : 「字玄子,東筦人。

刁 氏 包《易 酌

元公爲

師

既

有

其

而無

由

洞

貫

其

未見。

陸 元 輔 日 * 伊 祁 刁

以

教天下

來世於

除

術

數

小技

原原

以

其

國家以制科取士,

包自序 講 學畿 ⊟ : 輔 間 「《易》何

昉 包,字蒙吉。 乎? 自庖犧氏 崇禎癸未 以 腠理 無 免影 王輔 周 用 酌諸天,或俯酌諸 本孔翼,發揮三聖之藴 筮之書,以自神其 若焦延壽、若京房、若郭璞、皆 書,雖秦火不能焚已。 而 作於前 四 畫 書示人。 一始也。 酌 窮,誠十翼功臣也。 ,行年七十有三,尚冀少進,不輕 公,用成十翼,《易》由此爲古今第一完 爲爻,孔 ,變易、交易,妙有權 其 也 响 嗣之疏粗知義理,惜其旁注老莊,未 支離 源 ,酌羲之 竭終身之力,破 流 伊 由 子 ,揣摩 ,以明道爲兄,又有以酌]1] 畫 程 畫 畫 酌 子以周 而 其皮膚 (術數; 地 而 羲 加之, ,或中酌諸 爲彖,周

惟

韓

康伯之注、

相傳

爲卜

、《彖》酌文、《爻》酌

公酌

羲之

畫

人。

文王

嗣是而後,言《易》

經義考卷六十四終

門人廬陵黄廷亮覆校

酌 補 《義》補程所未備,而 輯 《傳》以 《易》者於憂患之中,則羲之畫、文之彖、 古 竊 官 以程子《傳》爲孔子之階梯,或録其辭 周公之爻懵如 其始程之《傳》、朱之《本義》蓋嘗並 統 孔子之翼懵 理之存焉者,蓋寥寥也。包也有憂之。 是專主《本義》,程《傳》不得而與焉。義 表章之,或述其辭 成 」,其既· 程 程、朱所未備。 有次第,使非肆 以爲學《易》者,學畫、學彖、學爻,功夫 四 .聖二賢之《易》於一心,極而至於家 以合於孔,酌孔以合於羲、文、周公, 書,大都以孔子十翼爲三聖之階梯, 求贊《易》者之心於章編之外,則 也,厭博而 如 也。夫是以矻矻窮年,纂 也,使非肆力於程子之 而推 總之,酌朱以合於程, 力於孔子之翼以求作 就約,避 亦 廣之,而 間 以 難 諸 而趨易 儒及己意 亦間 列 以 於於 學 而

0

經義考卷六十五

秀水朱彝尊編

抑。

《激

論

》一書,旁觀

咋舌。

先生日

人所能殺。所

人也。』先

患

日

深,仗策

叩閽,於時

枘鑿,●竟

爲

所

帷幄,棄

襦

南歸,留

心著述。

戊寅,見國

確,皆昔賢所未發。

先生壯時曾居

高

陽

田

問 養; 餘耳。 『我非時人所能用,亦非時 生之學,在天人性命之際,經濟文章直 以爲此者,將以明天下未嘗無 而骨性堅凝,天姿篤摯,壯不求仕,貧不

讀蹇、解、損、益諸

解,可以

知其識。

讀震、艮、漸、歸妹諸解,

可以

知其

蔡氏鼎《易蔡》

於《易》深也。」

·資, 澹泊寧静, 若將終身, 則先生之得

周、孔以次爲書。 鼎發凡曰:「卦、彖、爻、《傳》,分羲、文、 子《大象》於《彖》前,六十四卦每兩卦合 卦畫下重注二五,移夫

象爻。 子龍序曰: 其《易蔡》一書五十萬言,閎深精 「無能先 生學本經 濟,識 探 0

陳

苟

見。」

曹學佺

日:

無能詮釋

皆有依據,不爲

存。

枘」, 原作「柄」,據四庫本、文津閣本、薈要本改。

更爲廣。《象傳》後附揲蓍事儀,并録春義》全録,己意附諸家之後,於荀九家後采附卦内,注、疏、傳諸家間采入,惟《本采附卦内,注、疏、傳諸家間采入,惟《本○後,●各加以反對,并爲訓釋。《繫傳》

陸元輔曰:「鼎字無能,閩人。」

秋以來諸占筮,凡五

十萬言。」

汪氏于並《周易剩義》

十二卷。

未見。

黄虞稷曰:「崇禎中婺源諸生。」

易氏道遲《易傳》

佚。

《三楚文獻録》:「易道暹,字曦侯,黄岡

唐氏元並《易通

傳》,未行於世。」

入永寧鄉

一、被縛

不屈

,遂見殺。

著有《易

家居教授。

崇禎

乙亥,賊從

西

[陵來,

一卷。

存。

觀象玩辭 之;讀彖、爻之辭又不得,然後讀孔子之 觀象以求而不得,然後讀爻、彖之辭以證 辭也。』於觀象略矣。然既立象以 乎程《傳》。程《傳》之言曰: 『予所傳者, 象之故、《傳》、《義》之故也。《本義》蓋因 元竑自序曰:「《易通》何爲 前 辭與象不能 盡 通 而 也 作 非 也? 盡 辭 我 與

●「□」,四庫本作「解」, 薈要本作「比」。

〇三五

非 象也。 然 鍾 《易林》、楊氏之《太玄》,其人 求之未得者,玩辭 别有在也 爻之辭如是,孔子不如是者有矣; 是,彖、爻之辭不如是者有之;象與彖、 辭 而 也,乃悉屏先聖之辭 意别有在也,直求四聖人之意而未得耳。 言如是、《傳》、《義》不如是,未必程、朱之 如是,孔子意别 人之意 敢與 我乃 併 而象如是,象、爻之辭不如是,文、周意 讀傳注之辭以參考之。 傳 唯 曰 : 夫先聖之辭,尚 之言 注 ; 其言而莫違,不 「元竑字遠生,烏程人。」 象與彖、爻之辭如是,孔子不 一爲異 如是, 傳注 有 也,不欲 不 在也; 而 觀象 可 别爲之辭者,得諸 不 異四聖人也。」 悉屏 Ė 四聖人之意之 也 如是者 卑哉 而别 不 始知象如 彼焦氏之 必 有矣。 爲之, 聖人 故我 四聖

趙 氏 鳳翔《易學 - 指掌》

四卷。

未見。

鹿化 參以己見,可謂 麟 曰 . 羽 明悉。 伯 就蓍 言 蓍,考證古昔,

陸元輔 化 説 經》 縣 趙 麟仁卿爲之序。」 》,二《傳義》,三《筮法》,四《占法》。 居 鳳 前, 翔 曰:「《易學指掌》四卷,崇禎中雄 羽伯所 而 次 以 輯。 孔 子十《傳》。 依古本,以《上》《 下 啚 鹿

鄒 氏期相《周易筆旨》

未見

嚴 繩 孫 曰:「期相字公寅,無 錫 人。 崇禎

六卷。

存。

喬氏中和《焦氏易林補》一名《大易通變》。

四卷。

曹溶曰: 「中和,内丘人。崇禎中官太原

顧氏胤《經正堂易闡》

四卷。

存。

存。

府通判。」

舒氏士諤《易經去疑》

沈進曰:「承穎字念潛,吴江人。」

存。

李延昰曰:「士諤字士一。」

程氏觀生《易内三圖注》

《易》,崇禎丙子七月自序。」

張雲章曰:「字泰民,吴人。

以太極説

其遺 出游 講 江 俞 《易内三圖》三卷,秘不示人。 席 浙未亂,棄諸生,以 汝言曰 書不 ,説山火賁一卦,多出新 ,擔書兩大簏,皆先儒《易》説。 ·可得見矣。」 :「歙人程觀 青烏之術 生仲孚,崇禎 義。 嘗强之登 自 晦 没後, 所注 中, 每

嚴氏福孫《考正古易》

十三篇。

卦 其言曰:『《易》之爲書,主 陸元輔曰:「處士無 藏》,至周 日從月,蓋陰陽之象莫著於日月也。 有交易、變易之義,故名《易》。 伏 義 存。 所 則爲《周易》。 畫 一。 歷 夏爲《 錫 連 嚴 其辭則以文王係 Ш 一明 福 \approx 陰 孫祺先著。 古文易從 商 陽之象, 爲《 其 歸

《彖》上下傳、《象》上下傳、《繫辭》上下傳 篇,名十翼者爲傳。古本三經十翼,卷帙 及《文言》、《説卦》、《序卦》、《雜卦》,凡十 卦之彖,周公係爻之象,及 之方,自成爲孔子之《易》,其體 卦上下二象,合卦名義,以明君子用《易》 係卦之辭,蓋於文、周彖、象之外,别取平 經八卦之象也。 幾乃盡先聖作者之意。』又曰:『乾天、坤 各分,學者遡流窮源,當求之古《易》,庶 象,各上、下二篇,爲 十翼,棋先獨以孔子《大象》辭 經,不在十翼之例。』愚按: 地、震雷、巽風、坎水、離火、艮山、兑澤 上下及《文言》、説卦》《序卦》《 以文王彖辭、周公爻辭爲 彖傳》上下、大小《象傳》上下、《繫辭傳》 象辭 凡上下二篇,夫子 經; 經二篇,以孔子 自漢 以 孔 亦自 雜 孔 子 掛 以 子所 係 非傳 爲經 來,但 傳 卦 作 之 而

不列十翼之數,與諸儒異也。」

九卷。

《周

易通

義》

存。

之辭 門也 明。 福孫 得 又 子之《大象》,而 陽之象以昭 法。 十四爻,皆 有夫子之十翼,而 泊序 、各順 象 ,於是始作之《易》,而 方其分而 而吉凶之 其初也,則有 因 其 日 象 :「聖人之心,欲盡 性 以 形 其既 爲 命之理,而 得 情 君 而 六十四 其 以 子 下 也, 意 羲皇卦爻之畫 著 之 前聖作《易》之旨 體《易》之用 3 器 則有文、周彖、 則 卦, 其 懼 莫 也 教之以 究 散 非 其 也 形 然 從 而 天 下 因 爲 人 以 則 窮 而 一,而 之 理 萬 辭 有 備 以 白 以 之 無 夫 陰 世

之貞 辭 以 以 非 學》之先格物、《中庸》之先明 達,行之終身而不盡,通 生之不易, 1 道 由 自 易》窮理盡性之旨,非獨 理學之名邦,竊聞 者,未有加於《易》者也。 也 中正,動静 之辨, 制器 愧 筮者 矣 少 參天地 9 也 窮神 夫 學謝 窺 以 者 是 尚 萬 兼 動 知 故 博 也 其 尚 一源, 耐 而 者尚 可 化,廣大 文,功 其象, 以言 占, 惟 有 有 是正 聖人之道 是 以 以 其 而 聖人所 者 虧 窮 變, 挈 徹 而 長者之緒 理 先 尚 不 居敬 理 乎 乎 理 即 儒 測 而 其 爲 繼 易 即 存 爲 可嚴異物似是而 擇 所 理 辭 聖 於 之萬 福 善之 簡 乎占 存 盡 初學人德之始 即 而 9 孫 善無: 論 以 性 性 之 X 乎象矣;以 而 存乎 不 不 世 下 要 所 以 初。 理 命之原末 精之失。 始 敏 學 立 即 而 爲 幸 知《 非 以 人 以 而 存 無 至 大 極 大 弊 義 平 牛 命 生 動

數之 家之 庶 九 取 障 附 其 辭 事 於 未 陋 幾質 考正 東 卷 便 析 其 會 雜 必 未 舊 頭 林 本 玩 不不 不 光 别撰《 寧 之 諸 然微 時 辭, 諸 明。 藉 敢 敢 從 經 逮 先 參 象 過 泥 明 例 翼 闕 也 覺 圖 義 而 略 象 理 言 從 之 略 得 説 有 黜 以 而 之 今本 源 必 口 竊 之愚, \forall 兩 其 生 宗 疏 積 筌 以 弗 流 有 浮 可 穿 於 -,名 蹄 乎 附 + 畔 志 折 整 義類,不 象 雒 詁 其 餘 不 於大義 焉 爲 日 衷 不不 厭 必 訓 後 歲 閩 言 群言之得 是 之 通 敢 歸 俱 性 始 敢 餘 義 諸 雖 IE. 存 敢 狍 之砥 克 傳 不 其 》,分 脉 過 畫 或 3 臆 成 諸 辭 間 疑 異 詳 而 而 柱 編 來 禀 耑 象 爲 以 滋 併 有 固

(易象圖説)

五卷。

存。

之數 蒙 論 要 清 餘 卦 玩 極 福 不 易》言 ~》所 非 或 變 次 領 敢 之後,至今日 孫 空, 非 己 攙 有 聖之辭,於諸 自 載 有 舉 作《易》本 述 削 錯 太 其 衍 不 E 得, 日 極 僞 容 策 見 Ŧi. 解 存 大 , 以 事 畫 尚 書》言 真 衍 不 卦 以 象 復 擬 日日 撰 數之 詳 家 先、 之 失 紛 續 析 成 者 附 易 源 故 然 異 書 後 執 <u>Ti.</u> 學 簡 流 會之説 不 亦 歸 説 中 其 卷。 自 因 之 可 置 實爲《易》學之 後 同 中 有 理 據 輔 致 之。 不 周 中 **黎** 嗣 圖 詰 復標 切 非 測 惟 × 觀 邵、 矣。 伊 又 象,无 是 屏 ^ 象之 僭爲 JII 曰 書 朱 出 啓 愚 廓

',期

勿誤

於指

南

云

爾

陸 元輔 曰: 晋卿字伯昭,錢唐人。」

張氏振淵《周易説統

一十五卷。

[歸《洛

存。

陸元輔曰:「振淵字彦陵,仁和人。」

顧氏戀獎《桂林點易丹》

北永奠,序卦反《易》,中爻雜撰,咸出是

四;天地同符,方圓等觀,乃正

厥位,南

錯,是成後天,往來順逆,變化神焉,爰合

圖》、《書》,五行用全,述《後天篇

| | 第

第三;至哉文《易》,實本羲傳,八卦相

書》,太卜三《易》,序傳不虚,述《先天篇》

存。

火,亦異於吾所聞矣。」 不專主帖括 張雲章曰:「錢唐顧 而設,特以 懋 樊霖調撰《易 聖經 比之道家爐 丹》,

倪氏晋卿《周易大全纂附》

圖

「稽古弗畔,述《先天方圖》第五。」

《大衍篇》第二,先天象立,二氣乘除,以

從天,蓍德圓神,驗諸曆法,厥算有程,述

象從儀,名正數符,横列《河圖》,圖

定,龍馬圖呈,聖人則之,大衍以

成地

數

陸

敢折其衷,述《太極篇》第一

· 天

地

數

0

四

徐氏世溥《易繋》

未見。

行、 篇 漢 干 然,曰:『《易》有 子 黎 稱 目 諸聖之書 也,吾將爲之繫變、繫象、繫占。 言乎變備全《易》也。 (連山 所作 又往 劉 禄之家以專 不可卒究,多 别 遂 著龜 球 》,爲《歸藏》。』夫《易》自上 歆 有 序 往 雜 道 所 一,何 徐子 略 贗 陰 奏 占、 日 名周? 雜 陽 凡 . 經 少習《易》,即 數 兵 本於《易》。 不 「《易繫》者 十有三家、二百 聖人之道四 取 術、神 倫 美仕 陰陽、天文、歷 吾 其 至 因 日 今日 ,至問之圖 仙 并 周 諸家,其 子, 其間 力 非 明 「,《繫 寖 究 其 友 失 云代 《易》 九 古 相 其 所 新 辭 譜 其 數 + 附 爲 至 所 以 建 也 原 象 爲 辭 以 Ŧi. 爲 徐 四 而 西

> 算鑽龜 焉,可 象爻 全。 淮 知 氏、京氏 以 退 辭 言於以 元 運、爲人力,退 爲之反覆 會運 ; 陰 焉 而 嘗 位 陽 爲爻 0 於 徐子憂之,是以 以窮 有 效 成家,其 贏 世 虚 者 大 卦爻之下 九 與邵、周二子,皆得《繫詞 分積 動 乏,退 物物 一之説 連,以 以 流 其 廢 焉 當 思 源 然 反 必 · • 而 周 名之説 因 流 他管、郭諸 而 及風 若 偶 易林 雜 公之文必 得 推 以 諱 有 有 古 予嘗 之 其 信 於《河》、《 雨 之。 **∀** 史記 , 所 雜 合。 窮 寒 端 嘗 物 觀 發 通 易 温 而 雜 口 所 觀 無 以 得 1 象 明 通》 市 術書不能 證 載 啚 假 方 雒 伎 焉 失 爲 0 上 借 焉, 之 州 數數 布 焦 加 條 有 又 賣 無 之詞 学 部 書 氏、 徐 其 大 蓍玩 策 失 爲 1 不 家 皆 出 楊 其 事 得 子 以 極 布 天

^{● 「}蓍」,原作「著」,據四庫本、薈要本改

之序。 學《易》者之所當知 知徐子之學爲不可不立 是可會矣。」予驚喜躍然,務 :『夫三《易》之所名, 徐子别有《易解》, 五家 而 明三聖之説 傳也,於是爲 終 所 子 學,有 興, 皆 以 於

徐盛全曰:「世溥字巨源,南昌人。」

錢氏 澂之《田間易學》

四卷。

南 意指,命不孝爲之詮次,名曰《見易》。 先生,講《易》垂三十年,臨殁之歲,口 世學《易》。 澂之自序曰:「 浦 黄 渡 公時,予 先生舟, 罹 先君子諱 黨禍 召 我家自融 使 變姓 公前 爾 慰 名 卓, 勉之餘 堂 逃吴 先生以 里人 教令學 市, 稱 來, 遇 敬 及 授 漳 修

> 《易》。 爲削 昔所 删後説 也。 身人閩 秉鐙 蓋 陸元輔曰:「澄之字飲光,桐城人。 存,因取《火傳》證之,雷同者居多,乃盡 義,時有所獲。 而《見易》舊解已失,惟記誦章句 以 薪 既歸 去,一 矜 ,字幼光,甲申後更今名及字。」 爲 盡 不數月,吴下大亂 ,微有異則存之。 留三年。 創獲 里,諸書散盡 火傳,即此 歸諸 久之成 而業爲前 前 人 每念先生教思 ,寧爲述者可也。」 猶 ,而《見易》一 是 帙,名曰《火 人所已道者,皆 又博考諸書, 家 先君子之 室 ,默 讀《易 喪亡,竄 編 遺 傳 尋經 初名 教 凡 獨

王氏寅《周易自得編》

存一

之旨。 之 究 於 分 宋 則 孔 羲 子 南 用 而 ൬ 寅 而 有《傳》,朱氏 其 經 j 尾 也 自 形 自 畫 E 北 不 掛 因 之 聖 貫哉 實 體 掛 Ш 間 得 冒冒 辭 鉅 序 一之,周 迨自 意 下 遂 數 人 其 以 ,越千百 源 兩 日 始 天下之道』, ·之出 尚 論 繋, 界 目 已 爲 使《易》之爲 合萬 分流 漢 概 有 説 自 孔 水之 周 則 氏 《易》之 以 未 則 闕 岐 不 | 歲至 而 自 有《 則 水 來 確 同 然 而 + 得 百 不 有《 河 而 本 諸 求 未 翼 爲 爲 其 於 可 派 要不 冒 發 總 太 義 講 兩 以 書 總 儒 爲 周 書 瀉 無 崑 則 滙 》,其 極 者 明 緣 文 但 箋 周 源 而 離 安 崙 於 靡 圖 廣 有 世 離 疏 而 平 自 以 見 於 説 有 大 江 爻辭 人 各 會 於 數 伏 至 源 聖 得 所 夫 悉 \leq 漏 發 海 事 言 有 而 義 爻 其 程 矣。 備 爲 人 人 統 岷 理 以 象 爲 序 畫 初 使 氏 百 歸 而 得。 立, Ш 卦 文 伏 掛 無 懸 取 則 孔 旧 歸 墟 知

分 卦 位 亂 數 位 六 所 來 攸 何 道』,《下經》言『人事』,以至 其 天 巵 三百 言 之幾 + 從。 當當 ,興亡、 學 之運 説 然 砥 則 道 而 則天有 審之, 不 四 蔑 全未 八十 後 有 志 大數 逮 卦 邵 傳 弗 9 若 運 研 小 有 遍 氏 配 原 卦 剖 經 數 以 ^ 何 則 四 書 以 涉 易 合 本 一卦 晰 之 位 治 而 挂 以 爻 皇 辭 稽 列 百 ×, 數 終 起,義 亂 觀 真 人 周 有 極 微 家 興 辰 逾 之運 ; 有 得 天 經 耳. 易 成 隱 合於 干 外 亡之候 壯 有 紀 文』,《 耐 **%** 失 世 疑 以 學 及 八之變。 多 支、 爻 則 義 諸 强 類 所 日 能 卦之數 有 大 有 有 中 殊 音 書 值 言 夜 運 Ŀ 尚 未 都 變; 寅 律 以 卦 世 天 經 總 數 測 頗 備 有 惘 自 卦 則 思 爻 所 道 》言『 四 合 以 爲 咸 知 然 弱 之理 歷 卦 察 象 大 有 冠 而 有 大 曲 不 如 然 之 之 體 治 有 天 定 將 術 知 以 云 而

以 皆 全。 離 離 天道 故 生 方 畫 然有天人之判 成 六爻之位 在上,成、恒、既、未,屬後天之四 得坤 立 IE 則 在 卦 數, 日 西 而 經》之終,以 人極 天 一, 坎 同 蓋 四 爲 IF. 相 以 之中 義,至 之。 乾、坤、坎、離 位 卦 符。 先天 代坤 地 三十 克乾 於 也 上爲天之天,三爲人之天 去 日 畫 五爲 多 咸、 在 爲 月 爲 於北,離 震、艮、巽、兑之四 後 也。 先天 而 功 五. 救大過之偏,聖人所以 體 明 天道之自然。《 天 恒、既、未,統 Œ 之 上體之中,坎得乾之中 而 後 陰 位 歸於正矣,又歸 則 離 地 坎 爲 陽 各 於多譽之地 代 天 火 ; 則同之,坤 先天之四 之正氣 從 爲 生 乾 二爲下 於南 其 東 用 爲 旺 人事 ; 中正 體 上 坎、 Œ. 偏 愐 ^ 在二 之中, 下 於中。 經 Œ 已 故 世 離 坎 後天 之 便 矣。 經 而 所 截 世 大 與

> 坎、離 《易》之爲書,救天下以 救 天道 中行。 過 在於 之,必也 逢 範 坎,變小 頤 狂者之氣概 洪 小 乎 、中孚有離象,變大過之三四 》之所謂 範 之純 過之 儉,狷 坎、 **>** 雷、山 百谷之咸 水火既 之 過之 狂 離。 偏 也; 所 狷 剛 者之 也; 謂 乎? 克 初 既、未 孔 聖 風、澤, IE 也 柔 則 行 納。 規 子 人所以 0 上 克 日 日 : 模 過 獨 濟居《下經》之終,以 下 也; 月 乎恭 至 7 四 故 也 - 皆離。 寡過 環 不不 兩 不 瀆 明天 日 0 柔 懼 生,天位 濟 狂 之分流 兩 喪 前 得 變 而 狷 道 過 過 剛 遯 中 爲 天一 則上下皆 其 可 皆 之合也。 變爲 乎 世 行 剛 以 用 乎上 坎 哀,用 無 之源 水火 則 而 至 象, 柔 悶 洪 總 於 與

■「剛」,原作「柔」,據四庫本、文津閣本、薈要本、《神

義 考

0

六

博述 爲 哂 地 自得》,殆將有左右逢源 内外兩篇。 ,意至輒書,歲 位乎下 旁 稽 ·,斯聖人之能 亦 内篇 所 以 久成 以 廣 晰斯經之旨,外篇 斯 帙 事 以以 經 畢 之樂也夫!」 之 矣。 類 趣。 相 不諱 分 日 鄙

周易自得編圖

登彙 凡有 置 爲 寅自序曰:「有書 讀恍然、再讀 而《易》尤甚。 廣 [,發明《周易》原始之概,略而未盡 述前 存。 ,共計百 合於卦中 古 備探 有餘 了然之比。《本義》所 ·所言之事,援 蓋《易》主於玩 不 經 圖,約 義 可無圖,他書 ,并参析 略推 引 非 確當、悉爲 揣 數諸 而 他 類 爲之 載 數

歟? 之《易》,未讀文王、周公、孔子之《易》, 重,不 可以 至意 説。 不 者之號皆必以干名命之,其用豈不 家之説而諱之耶? 甲之用,文王、周公不之諱,今顧以爲 庚」,又曰『巳日乃孚』、『巳日乃革之』,納 言天道而 孔子曰:『觀乎天文,以察時變。』邵 不知讀《易》之故。 辭曰『先甲』、『後甲』,爻辭曰『先庚』、『後 曰:『《周易》三百八十四爻,真天文也。』 至謂聖人不言天文, 讀 盡 程、朱之《易》,而讀 自知 ,然由粗以 後世知有人事而不知有天道,皆緣 知庖犧 廢 鄙陋 不言天文,何以爲天道乎? 也。學者溺於近習, 錮於所聞 仰觀 恐 及 (精,由 未 今設爲讀《易》之法, 畫 且商祚 又謂 必得聖 卦 文王、周公、孔子 原 顯 納甲非聖人所 自天文而 以 六百餘年,王 人衍贊 及微,或不 此 卦 重 術 子 經 者

Ē

毛

奇

龄

日

0

寅

本

朝

高

隱

意

義

漸

融

而

以

貫之之義。

道。』書分内、外

道

寓焉。

黄氏宗羲《易學象數論

其

句

前

但有

其

畫

讀

天

地

而

讀

并其

畫

而

子之言出矣。

本象 以 用《易》卦,要皆自謂有得於象數之精微 《易》而改之,壬 焦、京之徒以 源 其數,遂定天下之象。』象數於《易》,水之 綸天地,揆叙萬類,舍象 也。』又曰:『聖人立象以 汪瑞齡序曰: 乙》、《洞 、木之本也。 成《易》 以 出 極 」數,亦 也。 × 世 ^ 「《易》之有象數、《易》之所 潛 《大傳》 然自漢以 一遁之 應、 因 虚 數 ×, 飛伏諸 徒 以 或 日 定象 何由 洪範 : 盡 降,異説紛紛, 用《易》卦 説 『《易》者, 意。』以之彌 故 見《易》乎 内 附人、《太 篇 曰 : 或不 則 ? 象 極

諸子百家之《易》,諸子百家非《易》也, 今日讀《易》時之天地,無 象、其數以求其意,而 伏羲之《易》; 自然之易。 無之,實兼意言象數 學者玩 卦爻之辭 至於天 (字 甲 天地自然之易,散落 故 作《易》之心 兩 不 孔 編 畫者 未讀伏羲之《易》, 夫伏 出 庵 圖 子 其 地自然之易 蕭 常常 象 曰:『冒天下之 後文王、周 始 圖 則 羲之《易》 以 流 Щ 合之,以明 以詳其説, 也,數也。 有 與與 異 寓 人。 不 讀《易》之 於作《易》 淮 而備之。 難 錢 安 7,則將 公、 於讀 無 塘 而 孔 字 著 則 爲 因 生 而 而 存。

時之天

地,而

謂

心

庸

有

三乎?

〇四 七

四日

八

存

學 大 背於《易》而自 作《論》辨之。 究 焉 以 非者,析其離合, 云 外篇》三卷。 凡 也。 請 ,慨象數之失其 ? 附 於夫子而刻之。」 於 天官、 姚江 彰 易》自有 往察來 梨洲 地 論其 擬 瑞 理 象 爲《内編》三卷; 龄令 爲《易》者,決其 之列,究之於《 夫子 Œ 以 數,而特 獲受是 倚附於《易》、 及 而 爲 通 九 異 流 天、地、 非 書 説 術 焦、 而 所 數 易》 卒業 底 淹 人 似 京 無 論 藴 汩 以 是 輩 其 不 何 焉 爲 也 精 爲 所 顯 而 與

黄氏宗炎《周易象辭》

《周易尋門餘論》

二卷。

之處頗 陸文虎 子諄諄 省大義 從蕺 注、程《 衝 難 捐 會貫 過 末 宗炎自序日 年息絶世 理學之淵 公於京邸授《周易本 2 爲博 決 剔 館 也。 其 剥 麗 通 Ш 夫子 傳 迨乎 訓 多,遂有 共 土 澤 始 木 閱 弟 事 誨 源 先公蒙難 洗前 零落 覺 而 與聞 . 稍 自 郝 子 前 屏 不 時 未能有所啓發。 「宗炎七八歲 之學, 仲輿 長,我兄 得之精 學之故乎 人 隨 日 白首 斥詩文,專功畢 ,而予更遭 緒 之非。 訓 行 愚 論,予蒙蔽甚深, 先生《 詁之習 義 無 逐 窮經之約。 藴 方 隊 太 所 實 句 童 ? 立 九經 冲先 得 風 讀 時 身 穉 未 然 於 擬 波 圖 與 毎與 生 嘗 解 凡 逾 以五 而 心 隨 力, 震 進 物 及文 命 窺 我 年 先 也 口 取 其 雖 讀 以 指 忠 老 其 執 先 未 不 虎 補 間 毫 能 之 患 融 夫 公 而 摘 友 王

門,恐一 不 ·得其 門 而 人,故探索以尋之。」

若夫書之傳與不 之日《尋門 少壯之失。 年矣。 姜子蒼 往往頭 大 崕 眩 餘 家貧 而 每 僵 論 隨 出 仆,或有億 苦 \approx 筆 奇 饑 見 雜 思 糊 得門 述,未能 更相問 口 中 而 四 頓 人之 悉聽-鱗 方 難 力,枵腹 志 次 者 難 木 亦十 來哲 姑 也 覃

餘

而

思

其 則自 此 洛 陸 也 蹈 此 論定可矣。」 此 ,任重道遠,死而後已,正使一息尚存, 不 閩 嘉 曰:『人至日昃,任達 志 然, 不 以 淑 等之轍 晦 間 大 木 日: 「; 容少怠 爲有觀 儒 憂 惟 名 質辨 此 生 ?]斯 書 晦 嗟 之意,以 化之樂,故 於千載 木《 種,皆 老 衛 言 一,戚 武公九十 也 尋門餘 真 戚 M 之士 之上 乾 道 寡 鼓 有功 坤 論 也。 歡 缶 ,托情物 猶 》,直 爲《易》之 其 而 後學之言 戒 君 釋 不 歌 一、豈敢 子 彼 欲 離 若 不 則 之 與

圖

卷。

傳、知我罪我

宗炎 奉螟蛉 氣之 者得之,始得 之類,與《易》之爲 之名,自申其 有 疏 發《經筵進表》,宋《易》之陳氏,亦猶嘆之 宋 猶 自序 是 圖 術,託諸《大易》,假借其 『學三派 晋 爲 唐 曰 : 高 所 曾,甘 説 推 定之書, 出 「《易》有 如《 墨 自 自 附 道 陳 參同契》、《悟真篇 屈 儒 截 圖 絶 圖 其 然 ,卒之因 無言 南 學,非 祖 無 以 禰 所 (乾、坤 及 爲養 闘 古 假 於 據 也, 即 此 生 水 儒 火 馭 注

學 爲 可畏 奉 《易》學授受 下 圖 巢 飱 後 爲三圖 象 以 破 昭 大備,始得暢其 文古字,誤以 一,并諱 除其 世 元 正 靡 明 然可觀 奇耦,示文字之造端爾。 南 傳自聖門,歷 下 而 也。 重 ,則道家者流,雜之《大易》,遂 以 然 穴 顯 所 、艱澁 茹 求之於 ,而欲掩 稱 爲 彖、爻、辭、 以 其 上古何嘗有圖,但文字未備,畫 皆所 毛 適 所謂《老》,專以《易》歸之,亦 追 爲《易》、《老》。 以就· 俱 飲 要 測 爲 鼻 晦 血 歷 以闡發古文古字之幽隱, 也? 包犧已露之面目,使天下 掛 圖 所言,著之竹木,而 祖 冥蒙昧之途,何 爲 夫坦 可 畫之古文古字也。 也。 象 至 於 攷。 田 9 秦 味、 夷。 文、周、孔子文字 明 子 圖學 燔《 毁 裝。● 顯彖、爻、辭、 讀十二 陳氏 儒者極 廬 詩 以 舍 ×, 來,出 翼,正所 不識 殊 田 而 書》, 義 其 使 氏 卻 以 創 古 天 纏 理 自 之 E

> 胡爲 與? 辭, 黄老之學,亦只在民間,豈 不 《易》獨 通於學士大夫之理乎? 無 偏 作《圖 能 遯 以 强 而 卜筮 [學辨 申 孤 者 行 得 惑 也。 方外?❷ 免,若 **%** 非 有 惑 圖 秦漢之時 一有與 與? 此皆據其 亦 世間 宜 可 不 不 雖有 隔, 辨 偏

顧氏炎武《易音》

老

存。

徐盛全曰:「炎武,崑山人,初名絳,字寧

「遯」,四庫本、薈要本作「逸」。《補正》:「當作「逸」。」

0

^{●「}嘆」、依文義、當爲「漢」字之訛。

人,學者稱亭林先生。」

葛氏承杰《周易要言》

未見。

易要言》、《禮記别解》、《四書新義》。」縣學生,中歲棄去,以詩酒自放。著《周縣學生,中歲棄去,以詩酒自放。著《周縣》、《黄巖新志》:「葛承杰,字鼎生。崇禎間

陳氏梁《易説》

五卷。

徐盛全曰:「則梁厭薄時文,留心稽古,《易説》,有《箋易》二篇、《易頌》一卷。」《易説》,有《箋易》三篇、《温易》二篇、《易怒》曰:「陳梁,字則梁,海鹽人。所爲

董氏説《易發》

好奇之士也。」

之以屋,比於亡國之社。自題其柱曰:

『此佛自來眈米汁,至今孤冢有梅花。』亦

涯所未備。

晚遯跡

於□,●預爲

繭室,覆

又精書法。

其《易説》數種,以闡其祖

東

八卷。

存。

徐盛全曰:「説字若雨,烏程人。晚爲

沙門。」

次《地易圖》,次《人易圖》,次《出撰。首《出震圖説》,次《天易圖》,按:《易發》八卷,烏程董説若雨按:《易發》八卷,烏程董説若雨

❶ 「□」,四庫本作「酒」,薈要本作「僧」。

〇 五

震 圖 *****, 次《 出 震 西 北 乾 變

啚

次

出 西 南 坤 變 圖 次《 周 易 渾 元

符》,次《黄 震 徵》,次《 河洛 證

河 洛

物篇》, 次《洛 書 發徵》二篇

啚 順 運 圖 次《洛 書 逆 運 圖

河 圖 六 釋》,次《洛 書 有 Ti. 無

+

次

河

》,次《八卦 生 滅 圖 \forall 次《 卦 離

用 次《八 九 啚 掛 ×, 游 次 魂 ^ 爲 八 變 卦 圖 用 六 次《 誠 洛 明

明

啚

具 河 置 體 數》, 次《河 圖 具 洛 書

數 蒙 ×, 時 次《易 位 略 有 *****, 太 次 極 ^ 説 地 易 次《 八 卦 地 易 原

用

屯

始 掛 次《天 律 吕徵》,次《天易 易 1 掛 律 日 微 八 次《 桂 地

徴

》,次《周

易

得

位

表》,

次《周

易

爻

位

圖

》,次《

排

氣

起

中

乎

解

》,次《

屯

易

際 卦 原 次《 始 反 地 終 易 六圖 1 卦 時 位 略 地 易 次 内

蒙飛

龍

略

》,次《

飛

龍

訓

 \approx

次《杏

葉

體

時

位

略》,

次《用

九

重

桂

八

蒙

飛

龍

六

略

例

次《

屯

蒙蒙

成

物

略

飛

龍

表》,

次《周

易

首

尾

徴

》,次《

屯

表》, 圖 啚 説 符紀》,次《 《十二宫定度》,次《堯 啚 乾 坤 次《卦 次《左 次《 次《徵 次《 次 表 ^ 堯 律 剛 律 曜 卦 次《闔 右 會 典 柔 啚 旋宫紀》,次《 律 仲 律 \sim 始 》,次《降 納 春 表 次《 終 闢 音 仲 ×, 徴 解 爻 夏 八 次《 典 ***** 律 圖 仲 中 宿 次《 次 卦 徵 掛 星 例 秋 紀 律 卦 仲 徴 律 總 律 卦 冬 曜 次 次 次 天

次《 既 既 周 濟 濟徵》, 卦 易 變圖》,次《既 卦 序 次 釋 ^ 周 ×, 易 次 卦 濟 周 裁 歸 徵 易 爻 圖 \approx 卦 序 次

0 Ŧī.

説 十二卦貞位圖 次《周 例 次《卦氣略》,次《卦氣圖 圖》,次《七十二卦經度圖》,次《七 次《爻本 十二卦範 次《卦命三成 圖例》,次《卦 上下交限 圖》,次《七十二卦定限圖》,次《七 上下交限圖》,次《周易 次《周易十二爻通卦徵》,次《周 本義》,次《三易策 函
掛
圖 一爻轉物徵》,次《卦 》,次《論卦變》,次《卦變圖 》,次《卦律三際表》,次《爻本》, 易 \sim 圖 無 韋 圖》,次《七十二卦交限 次《 》,次《貞 限 圖 圖 限 圖 卦 \leq 例》,次《七十二卦 圖 例》,次《卦 次《函 卦 變説》,次《占 》,次《卦 次《 悔 圖》,次《京房 體 略 周 貞 順 卦徵》,次 》,次《 》,次《十 易 逆微 律 位 律貞 交 .
圖 例 圖 論 限 悔

蒙革 乾頤 置 《貴神轉式左 《古易占不變法 納甲 轉式十二圖》,次《甲己乙庚丙辛 圖 吕二圖》,次《卦律左右 志》,次《筮問》,次《屯蒙既 黄庭左右律二 甲解》,次《律吕納甲符》,次《出 易辨》,次《演古不變易》,次《古易 次《屯蒙朝 卦變左右契各七圖》,次《降宿 圖》,次《日陰占略十二 壬戊癸卦律 生克左契十圖》,次《五 》,次《復 顯 貞 譌 伏二圖》,次《卦律十二 悔 》,次《 四 夕 姤 圖 貞 右契各十圖》,次《河 律 左右契各二圖》,次 》,次《復 圖》,次《 悔 》,次《出 日 吕 二圖》,次《屯 神 左 右 占 成 契二圖 契本位 姤 震黄 變例》,次 行生 圖》,次 都 泰 濟 否 易 庭 未 旺 辰 鼎 納 律 濟

圖》,次《七政治 卦圖》,次《

Ŧi.

德

次《周易方位圖》,

次《

夬履圖》,

次

出

震

夬履

圖

解》,次《五德 廣 訓 》,次《 河 圖 五

生旺 圖》,次《古二十四 位圖》,次

《世俗二十四方位之謬》,次《甲乙

旺卯圖》,次《丙丁旺午圖》,次《庚

辛旺 西圖》,次《壬癸旺 子圖》,次

《春三月戊己旺辰圖》,次《夏三月 戊己旺未圖》,次《秋三月戊己 旺

戍圖》,次《冬三月戊己旺 \pm 圖

《東字説》,次《外字説》,次《六書 次《三刑發》,次《三刑古義圖 次

圖》,次《三易經綸 易象廣》,次《咸臨 圖》,次《三易 圖》,次《觀象 交

卦徵》,次《策卦三成略》,次《既 濟

策 卦 三成 圖 例》,次《既 濟 成

圖 》,次《三成重卦 圖例》,次《三成 挂

重卦貞悔例》,次《黄庭人位圖》,

《河圖卦版》

卷。

存。

納 説自序曰: 甲,子午戾矣。 「以錢代蓍,筮法荒矣。

作《河圖版》,

明體用矣。」

三成

長

夜,卦策闕矣。

京房

丘氏維屏《易勦説》

佚。

魏禧 所著《易勦説》,垂成未竟。」 官弟子,甲 曰:「丘維屏,字邦士,寧都人。 中中と 後 棄諸 生服 隱翠微 Ш 中。

0 Ŧī.

俞氏汝言《京房易圖

未見。

陳氏弘緒《周易備考》

朱在 歷,改知舒城縣,爲御史論,罷。」 繫,州民詣闕訟 崇禎間 白鎬日 「陳徴 以薦 冤,釋不問。 除 君弘緒,字士業,安仁 知晋州,中蜚 謫湖州府經 語 逮

錢氏士県《古文易》

一卷。

未見。

《平湖縣志》: 錢士 帜, 字穉拙。 或

子

監生。」

卷。

存。

著《春秋平義》十二卷、《四傳糾正》一卷。 《寇變略》、《廣品級考》、《謚法考》,晚又 《宋元舉要歷》、《先儒語要紀年譜》、《崇 《嘉興縣志》:「俞汝言,字右吉,秀水學 見,使筆記之,遂病以卒。」 坐是兩目失明,猶令人誦 禎大臣年表》、《卿貳考》、《明世家考》、 房易圖》、《禮服沿革考》、《漢官差次考》、 生。乙酉後,棄舉子業,潛心著述,有《京 諸 書, 授所

〇 五 五

徐氏繼恩《逸亭易論

一卷。

存。

二、《卦序説》三、《策數説》一、共爲說》一、《洛書説》一、《先後天八卦圖説》後、晦迹爲浮屠。其《易》説八篇:《河圖繆泳曰:「繼恩字世臣、錢塘諸生。甲申

門人安福郭主覆校

經義考卷六十五終

經義考卷六十六

秀水朱彝尊 男昆 田 挍

於中,用中之宜莫善於時。

是書也,以

中

明《易》,初曰《易學大中》。

既

而

懼

其

自

易其性,君子不爲也。天地之大德莫善

消長易心,而

一歸

於中正。

喜

通

惡

窮

而

退,知存而

不知亡。

若君子,則

不

以

盛

衰

而惡消,喜盛

而惡

衰,是故

知進

而

不

知

焉,妙物之化一著於《易》。人莫

不

喜

易六十五

應氏撝謙《周易集

教授。 徐盛全曰:「撝謙字嗣寅,仁 氏集解》名之。」

康熙戊午, 以 博 學 和人。 宏 薦 隱居

不起。」

王氏弘撰《周易圖説述》

進

撝謙自序曰:「聖人患民生之多故,

存。

〇 五

1395

以爲是,非所以求教於君子也,乃以《應

義考卷六十六

間,會通人物之變。

極

天際地,

無

非

陰

陽之理,而吉

凶感召

則

在我

一心之内

退、存亡、得喪莫知

其由

一,乃觀

察天地

之

數 數者 不可 象 斯 明 所 易 弘 觸 生,生則 陽之謂道者,言不貳 重 而 易》之變化,至不 數 三見疊 不 類 更 以 曉 撰 見 易》不 者 測 益 不 明《易》之原 自 而 推 語言文字 莫 之神 出 朱文公作《周 也。 長 序 以 惡 測 之,故 陰 家 精 至 諸 日 可 可 於邵 也 則 家 見 義 涉 惟 E 陽 所 圖 所 足 於 也 其 天 或旁 子 蓋 故 之謂 也 爲 璅 説 述 可 不 符契 地 康 其 又 骨體 徒求 也 窮 易 能 也 屑 事 或 義 節 道 通 余 日 本 遽 世 自 弗 物 用 相 莫著 『生生之謂 别 爲 之 雖 義 悉者,莫如 不貳則交, 康 然, 而 然 恤 之理, 證 一原, 類 是 象 然, 》,首列 節 已。 미 焉 於象 數 引 雏 合, 編 不 而 特 丽 後談 顯 或 聖 求 言 其 於 伸之, 數 九 微 易一, 陰 間 賢 之 交則 祖 以 相 置 戲 圖 亦 象 蔽 有 之 之 無 知 象 發 爲

戒以 之謂 己。」 之,故 者當 間」者 悔 宜 天, 也。 也 測。』《易》有 (中庸》 易》 戒 易》 悠 · 近 吝之占,《易》 慎 俯 又曰: 神 孔子 以 所 獨 也 博 久 果 乎 取 則 日 明 知 0 尊 曰:『莫 爲 厚 所 諸 其 觀 其 散 ^ 何 來,《中 教 子 所 易 以 『其 身, 法 『上天之載 所 德』,『窮 耐 如 太極焉 思 人 以 成 **>** 於 不 言之, 哉 藏 遠 ·, 見 有 爲 載 物 所 地, 睹, 庸 中 密 物 取 三才之道 乎隱,莫顯 也 物 爲 , , **>** 之 觀 孔 恐 諸 故 庸 理 不 。』三才 曰 : 中 也 教 學 子 懼 物。 鳥 日 **>** 貮 盡 無 庸 人 也 而 至至 高 獸 乎 性 聲 書, 知 , , 則 後 子 明 日 之 其 仰 備 以 馬,《 無 幾 乎 誠之道 中 其 所 思 文 莫 所 至 臭。」 善 矣。 則 微。』『 之 庸 生 以 非 與 不 於 於 説 觀 中 學 以 聞。」 命」, 覆 太 穆 物 地 吉 象 易 日 也 易 齊 於 不 [X] 物 極 貫 口

乎? 化之道者,亦存乎人之自得而已。 忘,則古之所云『善《易》者不言《易》』,斯 觀於是編,能盡康節之法,又能爲純公之 法,只加一 康節作《皇極經世》,程純公曰:『堯夫之 旦暮遇之矣。」 正公舉問,純公曰:『已忘之。』後之學者 地之化育。』然則《易》之所以與天 以前知。』《易》以開 而《中庸》之所以 經綸天下之大經,立天下之大本,知天 於戲! 倍耳。』康節 書不盡言,言不盡意,知變 與天地參者,不從 物成 嘆 務 人其聰 ~ 中 明。 庸》 地準 昔邵 他日 可 E 識

天寺,撰《易圖》。」 发午,以博學宏辭薦,召試體仁閣。居昊 徐盛全曰:「弘撰字無異,華州人。康熙

八卷。

存。

筮。 引《恒》九三之辭而曰『不占』。是以《易》 盡 也。 弘撰自序 爲卜筮,乃朱子之所以考諸聖人而不謬 作《大傳》,無非發象占之義,其在《論語 周公於《革》發『未占有孚』之義,至孔子 王於《蒙》、《比》發『初筮』、『原筮』之義 書爲淺之乎言《易》。 不知伏羲示象,文 求之吉凶,於是以朱子謂《易》本卜筮之 蓋《易》至孔子而 性以至於命』之學也。 筮者,『和 伏羲、文王、周公言天,孔子言人。 曰 : 「《易》者,天也; 順於道德而理於義,窮 正德之事備,則莫備 學之不 統 講 前 理 於 仴

0六0

篇 《記》曰 者 用 贛 象 林 緯》,兼用 之深於《易》者推 性命之旨荒矣。故予責 房、管輅、郭 盡 事,則必 奇字,以是求天人之合,亦徒勞矣。近世 日遠,詭 人之述百家 而聖人隱 》,惟 七、用 玩 爲首。 愐 也 》之作,皆思以 辭 天 事 ^ 奉《 ,觀變玩 | 踐之。] 聖人之以卜筮爲 僻 書》 九,卒失其自然。又或 《太玄》、《元包》、《潛虚》、《皇極 《易林 ,自《易林》出 協、夫豈苟 疑 周 誕 建 雜 璞 而 怪,求 易》之辭,而 稽 輩 起,言《易》者日紛,去《易》 占,顯 筮之,則勿非 疑,五 **%** 韓 ·繼之,而 私 恭簡公,其著《易占 智自 知 子 而 諸仁,藏 所 謀 爲 而聖人之言隱 已哉? 亂《易》之罪,以 不可 見,用三、 是書 而 揲蓍之法則 相 ト統 天、相 也。 知,而 諸 一,必 飾 自焦贛 教也 居其 用 日 以古文 朏 用 地、 而 道 引,觀 Ŧi. 相 事 行 以 易 德 出 經

> 焉, 吉 猶 子前 道 見,不敢自匿 地 朱子之説 可 啓蒙》之所定者爲主。 [凶悔 疑 豫 變化之神、陰陽消長之妙,決嫌 而 庶幾後有知者,亦可以告無罪矣。」 其末 之事 流 ,正言斷 知 吝 其 於 或 以 、附會之説 術也,舉焦、京、管、郭 之途,而 不 有一二端之未合,蓋 以 上溯 一、然與 辭 蓍得者,亦 莫非 四 適 經傳之言 聖人之旨,曉然於 乎 ,概擯之, 教戒,使之不 仁義 竊慨 無 中 取 夫 則 即 Œ 焉 以 無 之 所 心 聖 切 凝,定 不合 之 歸 迷 謂 惟 人 可 所 於 之 邵 天 而 本

趙氏振芳《易原》

二卷。

徐盛全曰:「振芳,山陰人。其書自

爲序。」

徐氏在漢《易或》

十卷。

憶 先生者,雲間人,殫精於《易》,今年八十 而已。 夫《易》,廣矣大矣,以言乎天地 見而問《易》焉。先生曰:『予何言 餘矣。子學《易》,盍見丁先生?』於是往 於煙霞 君子之論説具在,子自往求之,予又何言 矣,以言乎人之一心則神矣。 在漢自序 ,於《易》尤 存。 予之《易》學有 趙子曰:『子 山中,出 日: 日 所 漢 不 所著《易解》示漢,漢默 解。 生平魯鈍 胸中 所授,授自丁先生。 己卯 無 ,讀書絶 春 宿物, 了, 始 古今賢 之間 遇 可學 則 哉? 趙 不 記 備 默

> 仲尼 《易》,以疑名《易》,以疑就正天下萬世之 所可 趙子 未成 《易》説數十百家,通者會之,疑者闕之。 學《易》者,則天下萬世無窮之人心,皆生 生之易爾已。」 可見,而《易》或幾乎 不疑則人心息,人心息則天地之變化 人心之所以不窮而鼓舞之,所以盡神也。 彙次成經 復取古今論説而求之,通其所可通,疑其 哉?』漢默默而退,乃與趙子訪求古今 自己卯夏至辛巳秋,手録 疑。 ,以省親人蜀,并所録藁擕去。 而 不云乎:『或之者,疑之也。』疑者, 漢有梁、宋之遊。 自壬午春至甲申秋,三年於兹 解、圖説共十卷,總名《易或》。 息矣。 幾二尺許。書 明 年南 漢 以 歸,則 於是 疑 學

號寒泉,歙之練谿人。」 趙振芳曰:「徐在漢,先名之裔,字天章,

一〇六二

徐氏甘來《周易口義》

四卷。

存。

去其 者。 無復遺 己 也 籠 詳,説《易》 吕 雜 理 是窺朱子之意,則《本義》一書爲先儒 源,添 光 ·見,學者喜其依傍,益 ,諸家穿鑿附會之説,而 太多,終翻窠 自制 障,使本體 趙子欽寓書朱子,謂説《語 輪序曰: (憾, 而 條骨子,則 而 科 無 則 頒 於《易本義》則意 所 太 「昔朱子於《詩 教,《易》尊《本 日 依傍,於是講 光明,豈不 略。 未 障 盡 朱子 一路光明。 其 蔓 加 所不甚滿 티 : 更好耶?』由 衍 之以 章叢 傳 義 而 一、《孟 有 『譬之 w 自 ×, 不 俗 若能 不 嫌《本 出 知 甚 陋 者 以 拉 所 之 説 燭 此 滿 盡 極

> 因述所聞於後,庶幾離畔者知所返焉。」 説,久之,成《口 返。 釋》,近涵 之少,朱子之大旨在象占,而 同爲《本義》之匡翼者也。 生玩索於此者三十餘年,與二三子朝夕論 爲駢疣。此所以離 夫朱子之意主於簡 虚齋之《蒙引》、 義》一書。 H. 畔 也。 而 次崖之《存疑》, 遠依雲峰之《通 先生命光輪序, 今則 吾 今 師 則 惟 五 以 恐 宜 象 其 先 説

周氏弘起《大易三義》

四卷。

侍 陸 而止,《 通義》、《要義 郎 元輔 存。 流序之。 通義》順文 日 . 平 》也 其 湖 日 周 舖叙,《 弘 疏 起 義》者,《 義 道 要 腴著, 取 義 疏 研 疏 餘 通 勘 本 義 杭 義 嚴 異

存。

郁 氏文初《郁溪易紀》

之藴 焉,歲一改焉。 游浸入,而弗能自己。 諸家,其 淺深得失之辨可考以 文初自述曰: 丁酉,三十三年,霽心澄慮,忘食忘憂,優 ,附述作之林,則吾豈敢?」 書不能 「文初生固 遍讀。 入仕以來,閱十載,庶乎 自 以筆紀之,日一改 自 驗。 [陋,從 天啓 若其竊聖人 之 丑 來學《易》 迄今

具在 《本義》,其誰 理 弊也失之荒。夫豈《易》之爲説果有加於 於斯四者而已。 《蒙引》、林氏《存疑》諸書,以廣《本義》之 也 義》而抒臆見,本卑也 辭,而其弊也失之固,援數以測變,而 辭,有是占而 顓愚,咸得舉 所未盡。《易》爲占筮作,而 服膺所傳,以求《本義》,緣《本義》而 也而鑿之使深,本近也 下之道,故自王公以至士庶,自上 元懋自序曰:「《周易廣義》云者,取蔡氏 而 與數之外歟? 必使至於晦。 ,斯道賴以 後 與歸? 而用之。有是象而 不墜。 有是變,聖人之道,不 自説《易》者執 誠合理數以求之,微 幸而 邇來學者皆略《 懋生 而抗之使高,本 一 蔡氏、林氏 推 而 之使遠,本 能 寡昧,幸得 有以冒 理 後 哲 以 之 有 以 傳 而 書 明 淺 本 是 天 其 越 至 陳

潘氏元懋《周易廣義》

〇六三

〇六四

不

擇

陸 學 經 呵 元 而 輔 世之誚 不 日 迷 於數, 「元懋字友碩。」 焉 無 戾於理, 或 可 免於 曲

戴 氏伯繩《九種

《易》,則皆有當於聖人之《易》也。 必 劉 戴伯繩 易》無不有 皆有當於四聖之《易》,而皆有其《易》。 城 (序曰:「治《易》著稱者 未見。 先生於《易》部分條貫,汰觕存精, ,故無一不可説《易》,皆有 無慮千家,不 皖 林 其

有成書

矣。

既

司

訓

吾池,城

以

弟子

員

時

與

論

説

出

所譔

集

日《影

》,二日《鏤

三日《

探》,

四

日

^

象

Ħ.

日《證

》,六

命篇之指,各見於自爲

説中。

其於漢宋

歸

於本卦者,故其取類遠,其

稱名博,言

成》,七曰《氣》,八曰《數》,

九日《

圖

何 氏默仙《古易

以數 諸 兼也 《易》,學士大夫之《易》也。 長、乘承、 之爲《易》也,其推陰陽、剛柔、得失、 不知變,非知《易》 朱徽序曰 由 家。 變生互,由 ,有在之卦 未見 談《易 何 獨 也 其 遠 ? 説 》,推算者之事 近 以象談《易》,筮者之事 者 互復生變。 德 易,變易也。 必始之以 ,有自之卦又得 者也。 時、違 變而 應之義 其互 閩 也; 泥 然 有 既 一有在 於《 何 而 互互 之以 **無** 以 君 不 易 理 以 默 本 可 也 還 消 推 異 仙 談 而

焉

恒 卦 京 隨 斯 象 初 林》之推變,每卦得六十四 者,豈非化 爻之互至五,卦之互至十九 千九十六;《啓蒙》之創 矣,然未及象外之互、互外之象。 矣,獨未 亦非始於虞翻 則變之始 泥 一、自坤 者 、南 數必 至 氏 四畫,不知所 ,真知《易》者哉 互所由來乎? 坤、自 ,謂之互。」然則 云 蒯 歸 ·逆數 深 遇坤之比 『會於 也。 於理,言理 坤 取 而裁之,存乎其人哉? 乎互 之 至益 雜物撰德,非其 也。 中 終極矣。 初 耐 《左傳》如穆姜遇艮之 各得 ,皆變也。 至乾,覆數之,各得 9 顧 變不始於 以 而 即 先 四 易》自乾 不遺象數 論 圖 \equiv 今何君之《易》, 賢 爲 本 十二, 自 用,一 論 ,苟以是法引 附 晁公武之繹 乘之而 焦 中爻不備 卦 乾 互. 、坤相 贛 自乾 卦備 象者 變者 順 變 如 按《易 爲 何 數 而 而 詳 之 四 君 不 至 互. 四

> 爾,其 之以行世焉 松,字長文,博 伸 江 窮 彖》、《象》,下不及《繫辭 晚 耶 觸 ? 類 歸 精如此,惜其 金鐃 安 何 知其變者、 君 Ш 建 而能 一研求 寧人 文,善守家學,將 書未 平生 者且 互者 竟 》,所 十年。 不與《易》俱 杖 而 撰 履 逝 者 多 交 續 有 不 在 成 子 辭 及 無 西

金氏鏡《易經四測》

未見。

仕,自號水一方人。」 繆泳曰:「鏡,長興人。崇禎年貢生,

張氏問達《易經辨疑》

存。

未見。

吕氏濬《易類辨疑》

施氏兹《易學指南》

徐氏世湜《易參》

《嘉興縣志》:「徐世湜,字中粹,兵部侍 郎必達之子。」

外。自人不能通乎《易》之全體大用,而

用,所以引天下之心思神明變化而莫之

以占筮視《易》,而《易》遂與人酬酢於一

物之間。

秦焰熾,而《易》獨不與六

經同其殘缺者,《易》之以占筮藏其用也。

卷。 未見。

> 其言體、言德、言象、言變、言占者,蓋慮 具,而聖人憂世覺民之心則爲人道設也。 之趨避得失判焉。是《易》之廣大無所不 天地人物之理全焉, 彖、爻辭繫, 而人事 問達自序曰:「《易》之爲書,六畫成,而 陸元輔曰:「江都張問達天民著。」 人道有未明,使人即數以推理,因占以利

乎? 其説猶 先 《易》於世也。 足以 出 漢儒 其實在於尊信羲、文、周、孔而 《易》者學此《易》於身也,用《易》者用 占者不修其德,講之愈繁,失之愈遠,毋 不教,有司非此不爲式。流及今日,讀其 占筮既久,故存占筮以存《易》,非謂占筮 源 之心,而天地 亦學者之過與? 詞者不思其義,習其數者不明其 全》、《蒙引》、《存疑》諸書,而學官非此 儒 以 ,而《易》學定於一尊,亦以天下之習於 晦 盡 也 不察,疏解多主象數,而四聖人之心 故不自揣度,折衷異同 與與 《易》也。 八諸家 然則 王弼 萬 反諸 並 是 專主理 物之心,其在 傳 自 愚總角受《易》,竊以 編也,其敢 心而求聖人明道立 也。 是 而後,輔之以《大 略數,天下宗之, 程《傳》、《本義》 ,附以己見, 遽 我 非有間 (理,尚 以 心 爲 以 於 外 教 此 學 其 者 是

《易》者參攷焉爾。」 乎? 亦自言其心之所得,以俟神明乎

屈
氏
@
易
外
8

七十一卷。

存。

- ②「□□」,據屈大均《翁山文鈔》卷一《〈翁山易外〉自□「人」,原作「之」,據四庫本、文津閣本、薈要本改。
- 「□□」,據《翁山文鈔》卷一,當作「翁山」。
- ●「□□」,據《翁山文鈔》卷一,當作「大均」。

若孫一家之學。」 書成,爲卷七十有一,藏之於家,以爲子

徐氏善《四易》

十二卷。

《圖》、《書》之旨。 《書》,聖人 《易圖》於五行家,而《圖》、《書》之義 易之,以爲 朱彝尊序曰: 蔡氏之説稱本邵氏,然邵子之言曰:"圓 九爲《圖》、十爲《書》,獨 後天諸 新安朱子注《易本 存。 無以言《易》也。先儒之論,多以 《河圖》之數 則之。」故 圖 「《傳 冠諸 自《隋書》志經籍,人 Ĭ 卷首,學者舍《圖》、 善《易》者 義 十而《洛書》九 西山 『河出《圖》,洛出 》,取《河》、《洛 蔡氏從 必 先 而 也。 晦 明

州王 説,而 也。 《圖》、十爲《書》,此邵氏之學也。 蓋 數之體驗之,則 歲 數,所以作《範》也。』是年朱子五 卦 四 日 陰。』是亦以九爲《圖》矣,此程氏之學也 圖》見之,過六則一陽生,至八便不是純 子曰:『九是純 者、《河圖》之數; 復,始從其 横渠張子曰: 『陽極於九,陰極於十。』 又 也。 "『十者,九之偶也。』 史繩祖 矣,猶主 即言九《圖》十《書》之理,此張氏之學 隅之位、《洛書》四 氏、臨 朱子報郭 티. 《河圖》九疇之象,《洛書》 説。 九爲《河 『安知《書》之不可爲 邛張 冲 迨作《啓蒙 陽,六是 奇爲圓 氏、漢上朱氏咸以九 晦 方者、《洛書》之文。』以 圖》,後與 書 實 四 曰:《河圖》 而 純陰。但取 虚 偶 之數 八蔡 氏 爲 又 方矣。 詳 介,所 闡其義 十有 Ŧi. 伊 再 述 一行之 圖 四 其 以 ĴΠ 《河 IE. 往 同

之初説,謂 《圖》之不可爲《書》?』是雖信之而 之論,而一本乎邵子、程子、張子及朱 二曰《羲易》,三曰《商易》,四 一十卷。 處土徐敬可著《四易》,一 反之則四象五行之位皆若 其於《圖》、《書 》,博 日《周 曰《天易》, 採 易》, 未篤 諸 枘 子 家

當,因以推夫三《易》改演之原 大衍、律曆、運氣、太一、奇門之所自出, 鑿之不可合,從 其 舊 則 不惟 《洪 位 與 數 範》、 各

年之 靡 不 犂然 説 不 協 有 據焉。乃或疑其與朱子晚 夫《圖》之可爲《 書 □》,《書

朱子 之可 之 爲《圖》,朱子既言之矣,徐 説 而 發 揮 之爾,亦何悖於朱 氏 特 因

秋 子哉 高 子 早年 佑 》尤融貫。」 釲 曰 : 棄諸 敬 生 一,博通 可

爲

贈

太僕

卿

世

戸淳

之少

經學,於《易》、《春

董氏養性《周易訂疑》

未見。

梅 是書曾刊行。」 文鼎曰 : 山 東樂陵人,寧 國 府通判。

葉氏闇《易原》

六卷。

存。

朱襄曰: 之卦,主《左氏傳》蔡墨之説而具畫之。」 「闇、林屋山人。 其論《易》以本卦、

鍾氏晋《大易炬説》

存。

黄百家曰:「錢塘鍾晋德威撰

賈氏必選《松蔭堂學見

六卷。

存。

倪燦曰:「江寧人,字直生。」

經義考卷六十六終

門人海寧楊守知覆校

劉氏思敬《易參》

經義考卷六十七

男昆 田 校

秀水朱彝尊

徐盛全曰:「思敬字純之,上元人。 丁亥進士,刑部浙江司郎中。」 存。

順治

孫氏宗彝《易宗集注》

1409

存。

孫氏應龍《周易塵談》

中。 之,爰以作《易》。因象而測其數,因數以 宗彝自序曰:「《圖》、《書》垂象,聖人則 理有理之宗也。 測其理。象有象之宗也,數有數之宗也, 中五,象之宗也,五,數之宗也,中, 《河圖》、《洛書》五皆居

鄭玥曰:「餘杭人,字海門。

順治丁亥進

士,知隰州。」

一〇七一

坎、離 中 偶 掛 以 堯 大 於 不 在 教 出 以 Ŧi. 極 理 之宗 本 舜 爲 人 爲 IE. 象先,後 有 行 人 Ŧi. ,千古之治統 不 無偶 四 執 其 得 也 土 不 心之始爲 Ŧi. 理 而 IE. 四 過 德,德 十,後 典 之,允 禮 可 先 宗 也 故 卦 皆 乎 中 禮 禮 以 也 皆 天之 不 奇畫, 天 中 天 涵 0 爲 偏, 天之 由 主 之數 IE 執 是 數 也 陰 喜怒 是 象 數 中 亦 静 畫 厥 不 伏 五 陽 孔 也。 四隅 由 Ŧi. 制 於 故 數 在 中 先 羲 静 偏之謂 哀 子傳《易》之宗旨 此 也 地 亦 于, 象 天 作 故 分 天 IE. 樂之未發,天下之 出 乃 皆 數 Ŧi. · † 後,而 八 日 地之 之爲 生動 大衍 也。 Ŧi. 古之道 易》之宗旨 偶 也。 中 卦 畫。 天 ·, 奇 也。 始 四 觀 之數五 ,此中之所 孔子贊之, 咸不 惟 先天之數 地 方之象, 其 爲 亦 統 奇則 乾 後 之 太 會 中 天 越於 數 由 坤 也 也 極 也 通 八 無 此 Ŧi.

> 之宗 防之。 抑之。 不忘 合於 利 於 禪 謹 抑 之干於陽 萬 嗜利 得 陰 耐 也 世 当 之 也 識 在 主 象 六十四 也 於辨 世 治 之, 殆五 乾不言利, 而 而 爲惡 運 契於理 法 無 貞不可 予垂 利 之 以 非 是 卦之内,凡陽之毘 不 害 一十年 此 利 中,皆利之爲,惟 髫時,受其 成 禪 如 又所 其利 也。 以 於 此 前 不 萬 人 及物; 也。 始 以 利 辨 世 心, 明 執 屬 也。 之 作《易 自 其 中 陰,惟陽 人 世 坤言 數,信數之 於先大夫 是以 心 所 運 於 宗》, 禮 之 以 亦 利, 陰、 扶 害 執 口 可 以 禮 陽 其 以 陰 成 以 此

亥進士,官吏部郎。」徐盛全曰:「高郵州人,字孝則。順治

T

本也。」

一卷。❷

張氏習孔《周易辨志》

存。

錢柏齡曰:「習孔字黄岳,③歙縣人。 治己丑進士。」 順

錢氏受棋《等易義敷言》

存。

若、江起蟄雲相共輯成書, 錢枋曰:「字介之,錢塘人。順治壬辰進 士,工部都水司主事。與仝里屠 舉子誦習 以 寧多

卷。

存。

矣,有不合乎先儒者矣。 然之易。因而詳求其説,有合乎先儒者 以述乎義; 盛符升序曰:「河中王似鶴先生《易學三 乎漢宋諸儒者也。然述乎文、述乎孔, 述》,蓋述乎義,述乎文,述乎孔,而非述 八卦所由生,人所及也,論《河圖》非五行 即述乎羲,總以述乎天地自 如論《河圖》爲

僊館刻本)卷一作「大」。 周」,阮元《淮海英靈集·丙集》(清嘉慶三年小琅嬛

0

- □」,據《淮海英靈集·丙集》卷 一,當作「二十四」。
- 字黄岳」《淮海英靈集 • 丙集》卷一作「字念難,號

〇七三

總

小横圖· 皆 然 也; 爲 也; 之數,論《洛書》非九疇之數,非人 是其立論之或同或異,即未必盡合於諸 遵朱子《本義》; 此爲探本窮源之學,而全《易》之理 易,其理更確 文之圓 所生之數,而謂文之横圖出於羲之圓 及也,論大横 出於横圖 也,論《河圖》爲未布之《洛書》,論 人所及也。 I 具 馬。 無卦 ,先生固不自以 如論 如論大圓 一之圓 圖 出於《河圖》,人所及也,論 中 其有功於四聖,豈 出 俱按《洛書》之數,非 至其論後天也,俱本《洛書》 立爲無形之《河圖》,人所及 圖,非人所及也; 於羲之横 而 圖 [圖、大方圖法天象地,人所 可徵,尤非人所及也。 重儀 而推 爲異 重象,顯 本其 也。 圖 傳,皆出邵子。 有 八圖 不偉 變通 闢 如論 開蒙,非 哉 所載,悉 人所 圓 《洛書》 先 所 與 無 圖之 圖 及 天 數 以 改 及 雖

原,無不合矣。」 原,無不合矣。」

浦氏龍淵《周易通》

字 卷。

《周易辨》

二十八卷。

存。

久, 所 嚴先生沉曰: 衷群言之非是與似是而非者。 於洗心之旨,遂貫 以 贊三聖人之意 旦於《損》之『懲 「吴門浦潛 通 前 全《易》, 忿窒慾』豁 即以孔子之言折 夫學《易》 推 既有《 明 然 孔 有 易 子 悟 既

辭 大 義,又有 可 以 翼 往 ^ 易 聖 辨 而 開 + 來 餘 學

者也。」

卷

以

辨

析

微

通

卷

以

疏

吴偉 讀 辨 折 舉 至 不 之未有 Ē 衷 唐 前 溺 於文 業 ,不爲兩 宋 此 無 以 訓 日 所 : 不心目 辭。 來諸家之説,有 詁 偏主。 之習、 潛夫學《易》,務 可之辭。 其言指事會情 [俱開 苟於大 理學之障 者 雖素 也 義 所 不 鈎 有 廓 習《易》者 纂 探 乖 通 其 焉 ,必侃然 務 變 旨 適 掃 平心 用 除 要,

傳 間 衆 葉先 達 説 無不首尾融貫 生 故 ,會而通之,使一經條理了然心目之 諸身心 其 方 藹 分 疏 日 ,參諸世 . 彖、象、六爻及《繫 「浦潛夫《易 事 一務 理昭晰。」 援據 辨 經 史,博 理 詞 明 諸 採 詞

六卷。

闕

之邵 象,日 蒙》、《本義》,其 數合,而後言《易》始 圖 陳 象之後當求 出於象,八 夫漢始披《本義》所 夫 漢 自 序 書》是也 圖 繁辭 謂 子,其 南 理。 立 之《 一象之 ×, 0 日 象 先 理 則惟《文王八 排 未 其 妙 則 即 天 「《易》之要有 有 是 理 理 取 無 聖人所繫之辭 \ll 象 也; 則 之 出 列 可 之先 要 取 能 周 於 1 謂 象 必 無 之程子,其數則 濂 此 卦 卦 集《易》之成 理 當 出 弊。 溪 矣。 與六十四卦 與 次序》一方位 求 於 之《太 象合,象 其 朱子作《啓 數 及按之夫 是 數 日 極 也 數 圖 既 諸 與 取 與 有 理 日

《易》之圖 《書》之法 則《圖 《本義》謂《易》之圖 之一語,遂手 懷 孔子之《易》,似乎《易》之不一也。予謂 蓋清《易》之本,而即以《本義 乃取《本義》而清之,更名曰《周易清本》, 戊午凡七載,而 則其言《易》豈 不合也。 JL 合 有伏羲之《易》,有文王、周公之《易》,有 必欲 加 也 啚 啚 是 與《繫辭》合,●其伏羲先天 立 與《河圖》、《洛書》絕不相蒙, 則《 求 規 象 夫既 以 四:《圖》、《書》與則《圖》、 其 矩 與 書》之意率皆牽合,是數 明, 定《圖 準 理 理 數 能 與 始悟『參天兩 繩 不合也。 而 與 無 几 象數之合。 觀 九,有天地自然之易, 象不合,象與理不合, 弊哉? 》、《書》方圓 圖。 象繋辭 又按 曲 以 是則《 》 爲 之意 地 自 是 伏 四 而 原本也。 平. 耿 \pm 義 圖 自見。 (圖》則 倚 ·直之 所 子 與 耿 先 皆 至 則 於 謂 天 不

其所以 將文 後之 詳 《易》;伏羲之《易》,即天地 言也,予取《本義》而清之,政合考亭整 爲 繫爻辭,孔 之意。而文王 見孔子之意,但 爻、象亦然。 蓋天垂象,伏羲畫之,文王 者,又欲使文、周、孔子之意合而爲 公之《易》,文王、周公之《易》,即伏羲之 解 釋 三卦 於其 辭 前 解《易》者, 己。 然之 也。 辭 下,不當於孔 子則 若夫孔子之《易》,即 考亭嘗 故,却 只大綱 如 土 此則不失文王本意,又可 但 而 釋 辭之下竟不 今未 當 象 於 曰:『某作《本義》,欲 依 就 孔子 與 文王 子釋 暇 孔 卦爻之辭 整 子所 彖 一繫 卦 辭 爲 頓 辭 自然之易。 卦 辭 之上 略 耳。」觀 釋之辭 中 略 辭,周公 文王 説 者也。 説,至 發 而 大綱 也 之。 頓 斯 更 周 而

者尚 筮之理 占 其 占 占 象 也 爲 象 掛 抑 定之占,此文、 變,此伏羲之意 也; 辭者 無象者,經文反爲不全,而注釋 居則 占 占 即即 [無定 即 在 、爻之辭必 考亭作《本 辭 其 其 所以占, 况聖人作《易》,原不專爲 ,則有言其 觀 ト統 者也。 辭 自 中 之占也。 其 ,卦爻之辭 矣。 以以 以 無 象 者尚其占。』象者 辭 不 而 動 占即在於象,第言 以 義 如 畫一 者 該。 象 周 者尚 玩 也,繫一定之辭,以 其 ×, 必 據 象 其 之 耐 象 定之象,以 欲分别某 專 與 象 也 辭 其 無占者,有 意 繫 其占分釋 以 辭 ; 而 變,以 辭 也。 動 變即 説 1 傳》 則 定 統 故 非 制器 觀 句 象之變也 ,卦爻之象 爲 者 日: 1 任 未免 必 孔 言 之。 其 爲 「象日」 也 主 筮 有 無 者 其 變 象 子 待 予 定之 故 變與 尚 以 蛇 占 期 而 某 而 E 於 無 謂 其 足 而 於 1 句 玩 Mi

> 世之同 釋有條 主於數 先聖先 子所釋之辭 增者,有改者 觀考亭之《本義 繋辭,次觀 義理爲主,先觀伏羲之畫象,次觀文、周 如《 玩 動 義》其占之説 於平 作 左 . 觀 氏 志參考 次,故有 儒 居觀 而易解。 變之玩 ***** 云爾 所 孔 相 象之日 有那移前 子 載 概 以 而 合 ; 占 置 》,則先 之釋象 其於《 辭占者, 康熙庚申孟冬。」 訂 而 可 不録,使學《易》者專 定之 己。 遞考 者 也 隨 本義》,有 後 與《繫辭》,而 其有 後者,要必使與 ,庶幾可告無罪 也。 變 有 且 有 不 耐 辭 序 不合者,所望 子 應,非 以 主 而 故 1删者, 辭 於理,占 易 於《 占 讀 可 後 有 之 本 孔 以 預 注

張氏珠《周易疏略》

四卷。

一〇七七

一〇七八

垣 存。

四卷,自爲之序。」於容城孫奇逢,官内黄知縣。《易疏略》,謂瑄曰:「張沐,字仲誠,上蔡人。受學

桑氏日昇《易經圖解》

老

物,幽 藏 禹 於是,占於是。 理寓乎氣、氣寓乎數,象於是,變於是, 人則之。』聖人學於《圖》、《書》者 日昇自序曰:「『河 圖》不學,則《易》不傳,《易》不傳,則 叙 Ŧī. 疇用九,伏羲作《易》用十。 存。 而 用九者 死 生鬼神,明 1 藏十。 故學《易》莫先學《 出 大而 《圖》,洛 而 禮 樂 天地,小 刑 出《 政,其 用十者 也。 書》, 圖 而 大 斯 間

> 季春。」 數。 不可 自至。 道 於經傳亦庶乎少補 學於華 而 洛書》卦位,以俟學者之披 或 於《河圖》之蕴 學也。 幾乎 學者不必究數,且先究理,理 Щ 勿謂聖人之《易》不可學、《圖》 息矣。 希夷先 余不揣謬妄,作《圖解》,并及 生,周 未詳,邵子得力又耑 宋周、邵二子得不傳之 云爾。 子發揮太極 玩而 時 順治戊戌 有得焉, 至則 有説 亦 在 數

曹溶曰:「日昇,零陵人。」

彭氏文煒《易學集成》

四册。

存。

興儒學教諭。書凡八篇:《圖書》一,《羲沈岸登曰:「文煒字次公,江寧人。官宜

《太極》六、《皇極》七、《律吕》八。 子自序。」 卦》二、《周易》三、《象占》四、《啓蒙》五 康熙壬

朱氏日濬《訓蒙易門》

七卷。

存。

初 患。 類 故家文公云:『《易》若只言道理,聖人當 道,形而下者之謂器」,在聖人已有成説。 萬物之情乎? 殊不知『形而 視夫《易》,而豈足以語夫通神明之德、類 或謂《易》道精微,若止爲卜筮 日濬自序曰:「《易》之作,吉凶與民同 ,何必用許多圖象,通其變以極其數如 何不直作一書,如《大學》、《中庸》之 則言《易》而不言占,非聖人之意也。 而作,則卑 上者之謂

> 仲春。」 訓詁,撰成口 其精,故云《訓蒙》云爾。 蒙小子不能驟通其意,爰就《本義》略 邵言數、《本義》言象即理也、言占即數 又何爲哉? 備,後世又何須注《易》? 也。象占設而理與數皆具、《易》之道乃 程《傳》諸書皆非其本義耳。 象占乃《易》之本旨,故名曰《本義》,以見 此也。』故其注《易》也,有象有占,以爲 亦秪以《本義》辭簡旨深,童 講,句分字晰,使因粗以 而濬之《易門》 故程言理, 康熙癸 亥 求 此 加

曹溶曰:「日濬字静源,黄岡人。」

錢氏龍珍《臆易》

四卷。

未見。

學副使江之父也。」《嘉興縣志》:「錢龍珍,字松湲,山東提

于氏珠《易經參同》、《廣變》、《象告》

未見。

《平湖縣志》:「于琳,字貞瑕。歲貢生。」

金氏式玉《三易通》

未見。

丑進士。著《三易通》、《四書人物考》。」《平湖縣志》:「金式玉、字藍珂。順治辛

沈氏廷勱《身易實義》

五卷。

義》,皆卓然成家、《傳》、《義》二書尤《易》

公之《解》、共城之《經世》、建安之《本

開其先,而元公之《圖》、正公之《傳》、明

虚也。 人亦無端而會於心。不能言爲著也,以 身之用。此三極之道,所以必待聖人之 身之書也。 病其懸虚。 理,王輔嗣始言理,韓康伯佐之,議者又 古之言《易》者多矣,漢儒類主象而不言 爲中庸之德,而利用出入莫有外焉者也。 其象以顯其用,要令人隨時易事,隨事 參贊,而立乎其中與行乎其中之道始 廷勱自序曰:「《易》爲盡性之書,而實誠 理,而無不有當用之《易》。此《易》所以 畫著之;不能事爲該也,以象該之。 存。 夫《易》無端而呈於河,見於洛,聖 宋儒潛心《易》學者,胡安定 盈天地皆《易》,則盈 天 地皆 盡 明

朱 今得 學 啓 蔡 《傳》、《義》之功臣。 者 湖 互 爲 忠 何玄子彙全《易》之巨 有 兩 氏 亦 易》之正宗。 一異,則 之所 之綱 憲 虚 取 是 新 胡 並 也 平. 郝 齋 焉 編 失,俾《易》可 氏 甄 其 劉念臺、張湛虚 庵 《易》而 焉 未 、林次崖、徐 領 幼幼 深研 京 項 間 不 明 及, 也 Ш 氏 司 清 有 儒 書成,名之曰《身易實義 而其 之,以 乎 吴氏。 採 鄒 史者, 若 嗣 論《易》,薛 確 程、 四 後 集 夫 守 見 説 Щ 確 伯 建 來 求其 朱者 若夫《易》而 諸 有 誠 雖 觀 守 則 之簡要, 瞿 安 魯三家 李雪 實 確 齋 以以 伊 間 取 者 塘 文 當 用 也 JII 出 其 園 是 或 清 爲 具 至 ,則吾於誠 而 者 己 程、朱之所 同 一之超 鼎 ; 雙 爲 不 唐 吕 靈 而 爲 意 於 立 禪者, 湖 又或程 可 凝 涇 最 通 考 龜 程、朱 易 異 實 醇 野 庵 妙 鏡 要 雲 》,謂 Ш 余 解 錢 爲 慈 高 而 古 皆 峰 齋 楊

> 之事 境遇 理加 + 夫 義 無 之違合爲 悔吝,毋以外 補之,以 矣,若夫三百 身 以 余用是即《 乎 四 體《易》 心 斯 卦有 一卦既 ! 之憂虞 也 詳於卦, 言《易》 誠 附 身 吾 又必 吉 有《 於箋注之末,意欲使 小象》之意,做《大象》之 之 卦之用,一 人 爲 未 XI, 物之得失爲吉 而甚 八十四 大 誠 以 若 切 悔 象》 庶幾 能 要, 吝, 以 切 易》 身 爻爻 於 闡 一爻之 而 小 而 見 爻有一爻之 體《易》 日用 發 以 過 爲 體 諸 掛 吾身之 用 學《易》 可 驗 用 M 誠 意以 寡 之爲 於 之爲 則 便於學者 人知爻之 而 大 身, 尚 著 迷 以 缺 用,六 實 實, 之 過 其 錯 例 吾 毋 也 實 用 身 以 爲 以 可

徐盛 士 除 知 全 欒城 日 . **延** 縣 遷 勱 字 商 子 州 相 知 州 嘉 興人。 以

〇八二

周氏漁《加年堂講易》

十一卷。

則大 漁自 編 意 以《易》學名家者指不 文本意。 籤 之《易》,有占而無文,與今人用《火珠林 童 起課者相似。 解。 來 而 明 加 :『《易》爲卜筮作,非爲 便得 道 習之,長 都奉朱子《 序 所 日 : 孔子之《易》,純 覺世之書也。 稱 。」然 某解《易》,只是用 加 「《易》者,羲、文、周、孔 年無 而 文王、周公之《易》,爻辭 則 不 本義》爲 大過者 孔 能 子 無 勝 孔子既没,秦 當 疑焉。 以 屈,而 一,豈終 定説 日 理言, 義 何 虚 理 日把定 字 用 朱子之言 近代儒 作。伏羲 已非 漁不敏 去 \equiv 迎 漢 四 絶 過 如 生 聖 來

闕 卦 落。 意。 杪 束蓍 周爻、孔傳本 而 程、朱《傳》、《義》閱之,向來之惑滋甚 通 言《易》之家。或言理而 夕參尋。 屏去。浄掃一室,顔曰『加年堂』,置一 不專,或一爻偶合而全卦則岐,或一 氏《傳》, 一几,録《 殆,而 、下第歸 卦,或 參,亦 而 ,貧於此 全經 艸 自是每 蓋從乾至大有 耶 至謙、 又置 數 即 周 經半 ? 則窒,未敢 圃 從 丁先孺 月 拈 易》白文一 、豫則 間 不知憂,病於此 此 程《傳》 通 一卦,參究如前,或 月,忽會 意貫 嘗 起 置《本義》 悟 卦, 仍 諸 人憂。 通 信以 而求之於 解 襲先 取取 或 乃 册,正襟 得 尤不 不貫,或 數 知 爲然。 象立言皆有著 謙 讀禮 儒 年 羲 而 足信 而 注 豫 前 畫 古 求 之暇 不 危 疏 後 兩 乙未 數 文 取 今 之 知 坐 闕 卦 通 即 卦 日 義 來 於 乃 牀 通 大 取 春 偶 而

議。 老於此 則何能辭也哉! 講,則莫不歡忻鼓舞而聽受之,謂能發數 易,而六十四卦之解以畢。有學於漁者 文、周、孔四聖人明道覺世之旨不終晦 千百年所未發,漁不敢當也。若謂羲 其解,并不信先儒之解《易》者,一 違戾,不無驚世駭俗,爲習聞習見者所疑 義》、程子《傳》及古今來言《易》之家大相 集加年堂而問焉,每集講一 自乙未迄今甲寅,閱 天下,假吾之心慮口宣以代爲發之也,是 曰《加年堂講易》。云是講也,與朱子《本 而吾黨之内,有窮年學《易》而 而 不 知 哀,官罷於此 康熙十三年甲寅秋。」 歷二十年,稿 卦,因名其 而 不 知 聞是 不 凡 恤 於 得 四 編

門人永豐張永濟覆校

經

義考卷六十七終

經義考卷六十八

秀水朱彝尊

田

存。

允執厥 唐,浸淫於道德之旨,而以《易》、《老》並 衰,因沿各别,西漢則雜於機祥,東漢 之變,而後以爲《易》乎? 卦,繫之彖,衍之爻與象,以窮其變,而 王、周公、孔子以陰陽之變化著爲《易》, 以不變者皆一也。非推其不變以窮天下 道之變,以滋 又以氣合理而出之者也。上古以來,世 有極。』夫 與堅自序曰:「舜之授禹曰:『惟精惟一 於讖緯,魏晋則 中。」箕子之陳《範》 八中與 萌矣。 極 惟 流於術 歷 理, 而 經四聖人,畫之 數,由六代迄隋 其後《易》教寖 曰:『皇建 自伏羲、文 則 所 其

陳氏廷敬《尊聞堂易説

醇,言象

流

於 小

數,蓋

酙

酌

於程、朱

傳》、《義》而擇其中者也。」

潘耒曰:「先生於《易》,言理必歸於

至

黄氏與堅《易學闡一

〇八四

是,即 爲説 亂 始。 能 也 新 理也, 豈 更無别趣,令學者當體求之,確有 以老莊救之,汩没 反 師其説,焦、京諸家又有占候測 稱 四聖人之道,以爲是陰陽也,舍日 (易)之道始大著於天下。 易》者莫盛於漢 飛伏之法,務加穿鑿以 終 窮其 之。 人之耳目,驅天下而胥悖於《易》也 日 精粗 宋周、邵、二程、張、朱六子出 梁丘、施、孟、 於 聖 月 《易》之變,至 理之變,此皆諸 以 人 Ш 不 大小各有]1] 不 時 返 能 之變而遂變焉者乎?道 而 其 解 已 、費直之徒,訓 在 以時,而 彌 其 矣。 天 不同 甚。 於 故 地 儒箋 前 其紊 不 今夫 亦 前 水水勝。 幾 可 夫《易》,終古此 僅守 人欲 一疏之過 百 勝 務 亂 天 爲 年 窮 厥常 詁 驗之書、互 亦自 地 迨魏王 舍是以 間,雖 持循 ,始精 矜 競 用尋 也 而 奇 起,各 陰 漢 則 究 常常 陽 求 其 弼 儒 如 而 研 不

> 竭 俯 能 欲 丑. 氣 年間,其或有言陰陽 比於暇日補綴舊業,僅存九十九首,次爲 述 而 之學者苟 世,猶夫薄 求其 稍 其 所 春 ,亦原其志焉可矣。」 卷,仍因舊名之。 ,少有異,史即 仰安之耳。 稍以 大 西襄 ,自使黔南返,不戒於舟,悉沉 成,以 概,得文一十二卷, 所謂一者,斯已耳。 能察於理,知邪説之流害,亦 明道,其或以 蝕 是言《易》,不滋懼矣乎? 、崩 若 竭 書之以爲 日 凡以覈之嚴、辨之切 與 月 而 常殊、皆天地 有 好爲詭 所 薄 得 余即六子遺書 灾。 日《闡一》。 蝕 弇淺,尚有未 怪 然 Ш 殊 則 111 不 特 江 祥 以 幾 有 中 返 崩 之 欺 百

毛氏奇齡《仲氏易》

二十卷。

〇八五

存。

易》。 受言。 當余 《易》大旨暨各卦詁義而擴大之,爲《仲氏 西漢 而 生徒 名錫齡。 奇 所未及者。 處憂患者必明《易》,汝知之乎?』余拜而 仲氏已不可見矣。 齡自述曰: 以以還 出亡 以説 雖 暨余歸,被徵,而仲氏病,至乞假, 仲氏在崇禎之季避難,得 然, 魏、晋、六朝 時,仲氏 經 余哀其志 自娱,而尤長於説《周易》。 使 「仲氏者、余仲 仲 泣送余,謂 氏 爲 ,就兄子口授 遺法,爲宋元 顧其説《易》,實有 《易》,而 兄 日 與三 :『古賢 錮疾,授 止 諸 諸 也。 説 如 儒

於後。」

《六子卦變》、《卦綜

×,

乾

坤

主變》

七

圖

四卦相生》、《本義

卦變》、《

十辟

卦

變》、

綜之説而暢之。歷載《變卦反對》、《六十

明《仲氏易》推移之義,蓋

即

前

儒卦

變、卦

李澄中曰:

「《推易始末》者,西河毛氏

發

存。

説,并載《推

易》及《推易折

衷》二

圖

説

《易小帖》

五卷。

存。

按:此 議者。 係 西 河 氏 雜 紀説《易》之可

《推易始末》

是乎?」

四卷。

四卷。

存。

贊, 贊必有韻, 昔人所謂贊《易》是也。 傳》并《雜卦傳》無一不用韻者,蓋其辭 龐塏曰:「古文多用韻。《易》上、下《 可於韻學精晰,故著此書。」 大 象 類

喬氏萊《易俟》

六卷。

存。

嚴繩孫曰 理學名家、《易俟》六卷、大約 一一一一石林尊人侍御聖任先生以 得之過 庭之

納蘭氏成德《大易集義粹言合訂》

八十卷。

家,其 《繋辭》以下 《序卦》、《雜卦》,《集義》止《上》《下經》。 之説,皆《集義》《上》《下經》所引、《粹言 十四卷,曾穜《大易粹言》七十卷,二書摭 余竊病其未備,因於十一家書中將講論 則未之及也。《粹言》有《繫辭》、《説卦》、 田、五峰、屏山、漢上、紫陽、東萊十一家 程、横渠、龜 拾宋儒論説凡十八家。而《粹言》所采二 成德自序曰:「宋陳友文《大易集義》六 康節、濂溪、上蔡、和靖、南軒、藍 相發 山、定 明者一一采集,與《粹 夫、兼山白雲父子七

一〇八七

言》合而訂之,間以臆見,考其源委,定其

經義考卷六十八

訓

多。」

經 義 考

於一 略之不同,而會而歸之罔所乖 求三聖之心於千載之下,和合諸儒之言 體 當於《集義》、《粹言》所以爲書之宗要,或 之粲然者,莫是過矣。自揣固陋,未必有 擬無有不備,從衡變化無有不通。 家之精義奥旨無不網羅畢具。 亦陳、曾兩公之所不廢也。」 庶使兩書之發凡起 例 堂之中,雖人自爲説有彼此 **芟**其 繁芿, 補 例 其 互. 脱 相脗 漏 成 合, 刺, 繇 八十卷。 淺 是 測 而 理象 度摹 深 而上

湯

氏秀琦《讀易近解》

三卷。

存。

宋犖曰:「臨川湯秀琦,字弓庵。」

李氏鏡《周易參義》

三卷。

存。

鄭玥曰:「鏡字明遠、嘉興學生。」

楊氏南《説經》

一卷

存。

以行。聞有《易集注》,未之見也。」繆泳曰:「吴江楊氏《説經》十五篇,鏤板

《洛書成卦圖》

一卷。

存。

對待,皆出天然,錯綜進退,曲盡其妙。」 復逆而布之,亦九變而成六十四卦。 宫演八卦,順而布之,九變而成六十四卦 象緯之學,布衣芒屩,教授村墟中。始以九 潘耒曰:「邑人楊維箕好學深思,博通經史 倒裝

李氏公柱《讀易述餘》

四卷。

松,庚辰進士,晚名公柱。」 徐善曰:「嘉善李松子喬撰,無《繫辭》。

朱氏襄《易韋》

姜氏垚《易原

三卷。

《易》獨爲聖人治心之學。 之於天,於憂患中而 也。舉六十四卦而皆返之於心,即皆合 以言天乎?《易原》一書,姜子治心之書 心是也。舍心不可以窮理,豈離 然不通乎理,又烏乎言數? 理者何? 有? 説者謂《易》爲卜筮之書,數書也。 之自爲《易》而已。其於先、後天之理何 宋俊序曰:「六經皆聖人治世之書, 人各闡其秘,後賢雖竭其推測,亦聽夫人 人,治心者原於天。 悟潔静精微之旨,直 自庖犧一 治世者本 畫 而三 理又可 聖 平 加

存。

怪 與 僻 匡 如如 鼎 楊雄、 説 《詩 焦贛 》、郭象注《莊》等, 者 同 日 而 語 哉 而豈艱 深

施氏名未詳《周易辨疑》

未見。

意 王 入於理 一世貞 而 超乎筌,何其説之有根底 類 E : 而 _ 郡 周 乎象 丞 施 指 君《易學 要 而 辨 也 删 疑 其蔓,得 》微 而

耿氏名未詳《述古易》

以 錢 字加《彖傳》之首。 直 本 彖、爻與用 一本序 初 未見 畫 全卦,再畫本 日 九、用六之辭,後以 「《易》 鄭玄本於費本 有 卦,又畫覆 古今之分。 一『傳』 卦,繫 · 有省 漢 費

卦一 篇 《漢•藝文志》云《易經》十二篇, 吕大防 移 爻,變之即六十四卦三百八十四爻。 其於《易》畫上、下二篇,以今文上篇三十 《彖傳》以下有所更置序正 定爲經二卷、傳十卷,晁説之釐爲八卷, 贊文之辭本以釋 乾、坤二卦之後,加『文言曰』字,以孔 爻通爲六十四卦三百八十四 古《易》。 吕祖謙復定爲十二卷,一以古爲斷,是爲 象傳 象 象傳》加『象曰』字。 百有八爻,通爲三十六卦二百 初 日』字。 十八 百八十爻、下篇三十四 九至用九爻位之文加爻辭之上 於經,於《彖 卦一 瀛 海 歷 百有八爻,下篇一 耿 代 侯 經,乃各附當爻,每爻加 因 之《述古易》也,其自 傳》加『彖曰』字,於 王弼 之,是爲 者、《易》辭也 本移《文言》附 卦二 爻; 今《易 — 十 十八 古文 白 有 卦 L 子 兀

數也。 陋,原 其用 四 之用也。 乾象立,天下其有遺象乎? 之於乾象,舉全《易》之數而 未來之祕 之中,使學者得意 對三十六卦 嘗憂象 忘言,兹侯之述古之遐思乎? 之言曰:『六十四 一百一十有六,全乾六爻之策數 前 其 也; 有遺 至 侯譜之止於三十六,乾 不 數 妙 爻有三百八十四,而侯譜 能言, 三十六卦二百一十六爻、《 數 如指 難 文王洩天地鬼神之祕於指 自乾、坤 而 乎? 其 明,而 難 諸 言, 加 實又只是六大卦,如卦 掌 卦三百八十四爻、《易》 竊 本又反覆以 耐 故 謂 至畜、履,合六卦爲一 ,舉全《易》之象 忘言。』嗚呼! 逆 寓不言之意於譜 象數立 以 意。 統之於乾數。 一則天 掛 乾數立、天 研 本至 卦有六 侯 也。 之止 爻之 地 意 鬼 愚 得 而 易 之 統 神 侯 於 策 + 極 意 卦

> 哉? 剛 歸 大卦也。 IE. 領二大卦,如卦之初、二兩爻,剥、復,陽 損、益,合六卦爲 離皆然,此上篇三大卦 大卦,自泰、否至 窺 是又合三十六而 也。」 妹, 所謂『易簡而天下之理得』。 消長之際,管領二大卦,如五 數豈多乎哉? 自豐、旅至既 乾、坤、陰陽剛柔之所自始,管 噬嗑、實,自剥、復至坎、 止成一卦六爻云爾。 未 大 此非今之學者所易 卦,自夬、姤 濟 也 皆然,此下篇三 自 象豈遠 、上兩爻。 咸、恒至 至漸 此 平

樊氏名未詳《易塵》

未見。

按: 鳥 程 樊氏 沈 尚 未 書 詳 演 其 爲之作 卷 序,文載 帙 亦亡。

之,宜其有不言,言輒有當也。」

按:郭氏《易解》去著書姓名,而

洪氏名未詳《周易翼義》

未見。

經也。先生子孝廉一愚君出其家藏晚年 子之《義》,故曰《翼義》,翼《義》即所以翼 異布帛菽粟矣。」 論定之書,梓之福安黌舍。學者得之,無 史繼偕曰:「積齋洪先生言《易》,無失朱

亡名氏《周易真文》

舍序也。

題曰無名氏。

知其姓者,有吴上

二卷。

未見。

二卷。

未見。

以上二部載《澹生堂目》。

《易林説疑》

郭氏《易學集解》

一卷。

存。

觀世變,其於《易》數十年守之,而一朝言 吴應箕曰:「魯國郭季公負大略,又能精

四、%姤

九四傳》五、《姤

九五

傳》

公藁,亦未可定。

鄭端簡公家所藏

抄本,或係端簡

按:"《易説》二卷,未詳何人所撰。

《易十三傳》

十三卷。

第知爲嘉靖間人。其云《十三 按:"《易十三傳》未詳誰氏所 傳》 撰,

者、《乾 二、《姤 上九 九二傳》三、《姤九三 傳》 姤 初六 傳 傳》

> 又不主邵氏之説。 世書》,而於《六十四卦相生圖 九五傳》十二,《大過上六傳》十 傳》十、《大過九四傳》十一,《大過 八、《大過九二傳》九、《大過九三 六、《姤上九傳》七、《大過初六傳》 證以歷代紀年,蓋倣邵氏《經 則

《周易宗孔篇》

未見。

足; 傳》即六爻解,欲識周公之旨者取諸此 撰、蓋萬曆中人。大意以爲《彖傳》即 陸元輔 曰: 卦解,欲識文王之旨者取諸此而足;《象 獨《大象》乃孔子自抒己見,以廣 「《周易宗孔篇》不知 誰 氏 通 而 所

經義考卷六十八

書,黄徵君虞稷爲予説。」無刺謬,要以孔子言爲宗云。予未見此其中或采之諸家,或附以己意,於世俗不其中或采之諸家,或附以己意,於世俗不

《易義》

六卷。

存。

「伯龍」二字私印。 第卷首有孫氏,●不知誰氏子作。第卷首有

門人新建李芳梅覆校

經義考卷六十八終

■「得」下、《補正》:「脱『之』字。」

劉 氏職《周易乾坤義》

隋志》:

《周易四德例》

七録》:

經義考卷六十九

秀水朱彝尊編 男昆 田 挍

經》。 貞簡先生。」 初,除步兵校尉,不拜。天監元年,謚 帝咨嗟曰:『儒者之言,可寶萬世。』永明 宋氏所以亡,陛下所以得之是也。』

日

蕭子顯 徒以爲師範。」 日 : 劉 瓛 承馬、鄭之後,一 時學

李氏玉之《周易乾坤義》

《七録》: 一卷。

阮孝緒曰: 「齊臨沂令李玉之撰。」

佚。

《南史》:「劉瓛、字子珪、沛郡相人。

薦

華林園談語,問以政道,答曰:『政在《孝

爲秘書郎,不見用。齊高帝踐阼,召瓛人

經義考卷六十九

一〇九五

一卷。

未見。

右見《澹生堂書目》。

史氏通《乾坤别解》

錢氏貴《乾坤纂遺》

未見。

一〇九六

1434

許氏辯《乾坤氣法》

釋法通《周易乾坤義》

亡名氏《周易乾坤三象》

《七録》:一卷。

范氏仲淹《四

朱子熹《元亨利貞説》

劉氏遷《乾坤微言》

王氏逢《乾德指説》

曹溶曰: 劉遷,字无始,歷城人,自號鍾

管氏志道《周易六龍解

卷。

存。

易》、注《六龍解》。 曾乾亨序曰:「管登之先生起家楚臬,從 潯陽上書乞歸,候命匡廬之麓,日玩《周 夫龍德者,大人之學

也。 乃中古而降, 龍德之大人不少概見,

潛、見、惕、躍、飛、亢,大人所乘之遇

也。

哉? 龍本純陽,有纖毫陰翳之未盡,即 蓋嘗觀於陰陽之際,而知天德之

難

何

一〇九七

皆 事 肫 龍 深 故 值 則 夫 化 析 覩 更 難 而 誦 釋 復 矖 惕 陽 不 天 未 其 至 德 語 \Box 孔 以 融 陰 躍 剛 見 首 其 也 何 用 龍 而 體 言 陽之 之會 子 於 漓 无 德 似 而 作《 其 析 者 先 《傳》文, 首 此 無 德 即 而 末 生 微 易 於 乾 爲 用 乾 可 然 隱 群 龍 四之際 V. 負 機 M **>** 則, 元 聖 體 以 陰 者 德 朕 乎 見 超 乾 而 統 人 知 多 始 也 兆 有 而 ? 世 世 合 其 天 其 速 所 古 雜 群 未 首 莫 之 變 體 有 使 人 於 操 P 自 自 龍 測 嘗 則 識 之間 日 矣 憂 其 數聖人之出 修 逆 陽 陰 安 創 非 精 F 先 患 就 睹 在 至 垂 柔 得 兢 爲 天 今日 乎 天 九 詣 戒 矣 現 臆 則 无 中 彼彼 ? 渾 兢 者 悟 首 而 説 陰 矣 陰 純 若 淪 徹 其 其 憂 乾 既 抑 哉 氣 陽 Ē, 此 患 亦 世 以 盛 天 消 體 孰 中 何 用

志道

自

序

日

.

余

幼

以

應舉之例習《易》,

哉 《文言》, 先 測 對 草《六龍 以 經 兢 演 蠡 遂 命 而 長 \mathbf{E} 易 慈 管 返 諸 自 不 删 天 兢 而 之見 排 尚 之 棹 於 能 臺 史 羑 稍 以 書 門 將 之 慟 遄 時 將 耿 有 修 有 里 未 解 以 次及六子, 未 身 而 母 先 憂 念 所 歸 作 成 慝 張 餘 患, 余 心 聞 矣。 易》 陳 起 生 也 遠 次 浩 力 必 至 閴 所 0 情 貽 名 乃會 脱 余 深 蠱 請 之 辛 寂 傷 陳 會 書 再 則 是 契 之上 稾 何 以 傳 未 哉 又 余 以 請 疏 辭 忽 務 诵 聖 ^ X 登 兆 就 次 捧 闡 先 天 與 易 動 乾 心 斯 次 九 籍 筆 於 及 分 乎 被 有 道 出《六龍解》, 訓 測 蠡 坤《 而 而 權 劄 參 臬 王 道 屯、蒙以 1 相 己 **>** 能 停 易》之思 口 公諸 韋 之報 命 罕 而 彖》、《象 迪 辰 卯 ^ 郵 筆。 逃 易》 之 Œ 有 沅之檄 歸 古 亭以 於 此 焉 日 存 並 \mathbb{H} 聖 ž 自 後 酷 至 先 罰 易 余 惟 興 辭 反 待 余 H 而

字淵 生。 其 人之用, 曰 中 可可 解 萬 乎 曆癸巳。」 一群 哉 盡 淵乎! 龍无首』之義,實發端 於六龍矣,其體 』是乾象中之一 余第測 其影響 義 則 在 也 於耿 乾 云 爾 先 乾 聖

事,發天道,旁引曲證,中窽入神,無一言甘士价曰:「東溟《周易六龍解》,因人

《六龍剖疑》

一卷。

志 恭簡公、公爲題 而 推 ,草《周易六龍解》。 道自序曰:「志道以 敲 存。 釋氏 神 龍 其 之説。 簡 端 比歸,緘質先 ,最賞惕、見二解, 萬 是時公在沈 . 曆 壬辰待 師 命 疴 耿

> 列條 持論 與海 中,蓋 密。 少司馬許敬庵先生有《六龍解》之評,其 正 云。 爲『群龍无首』之義 平正 款 萬曆壬寅。」 内賢豪共商之,名之曰《六龍剖疑 大 疑余之以神龍 復拈 ,從中剖 切 玩,有不安於心者,即 實,大類恭簡 厥 疑義,以 首釋氏, 發也。 公,而 復 而 越七漢 敬 未 庵,亦欲 推 隨 暇 敲 其 察其 所 更

王氏輅《師卦解》

一卷。

未見。

國子監生,除鳳翔府通判,歸隱平樂村竹《三楚文獻録》:「王輅,字以明,公安人。

「□」,四庫本作「夫」,薈要本無此字。

一〇九九

林 解 蔡復 卷報之,皆折衝 撫 黔 過 至 而 問 理。」 學 輅 師 桂

同

同

柯氏述《否泰一 十八卦論》

佚。

直 掛 歷 嘉 閩 龍 福 祐 書》: 以 圖 建 四 明君子、小人之分。」 閣 提 年 刑、湖 登第,元祐、元符 柯 述 述, 粹於《易》,著《否泰 南轉運 字 仲 常 使,終 泉 中 州 朝 兩 議 南 知 一十八 大夫、 安 福 州

傅 氏 耆《同人卦説》

篇。

佚。

度 正 日 : 濂 溪 先 生 攝 邵 州 事,以 改

定

文氏天祥《賁卦義》

几

薦

篇

存。

按: 殿説 又有《詩 《賁 書 時,於 . 卦 定之方中》講義 義 W 熙 明 篇 殿 先 進 生 講 兼 義 崇政 篇, 也。

- 0 IE 當 四 作 庫 『所不能到』。」 本、 文津閣 本、 薈 要 本 作 一能 到 -0 補
- 0 縣」,原作「孫」,據四庫本、薈要本、《補正》改。

曹學佺 人説》寄傅伯 人説》, 於鄉,知平羗縣。」❷ 』●宜乎使 曰 : 改 耆,遂寧人,字伯成。 人宗師 易 成,伯成復書云: 數 字,皆 仰慕之不暇 人意 『蒙 也。 年十 所 不 寄

00

E

綱覇統

》等書行於世。

以敬爲入德之

0

今集中不載。

王氏逢《復書》

明復卦。

嘗言人當以『不遠復』爲法,

以

『頻復而厲』爲戒,尤有功於世教云。」

門户,義爲一身之主宰,發

明敬

義

以

示

以復爲學者遷善改過之幾,與

講

七卷。

佚。

蔡氏流《復卦大要》

一篇。

學。 母命 徐夢發志 表兄虞英無子,與之爲嗣,更名知方,從 復齋居 歸宗。 承父《 存。 士,西 墓 春秋》之屬,作《春秋》之論 人則受教家庭,出則從文 日 Ш : 先生次子 先生諱 也 沆,字復之, 西 Ш 憐 公公 及 外 號

真氏德秀《復卦説》

一卷。

0

除翰林 福建 知 猷閣待制知 魏了翁作碑曰: 人,字景元,後更希元。紹定六年,以 政 事 路 安 ,感風疾,以資政殿學士提舉萬壽 院學士知 撫 使。 泉州 端 進顯 制誥,兼侍讀。 「真公德秀,建寧 平元年 謨 閣, 權 户 知 福 二年,參 部 州 尚 浦 兼 徽 城

「□」,四庫本、文津閣本、薈要本作「存」。

兼侍讀致仕。 韶以文忠易名。」

觀

王氏家屏《七日來復解》

存。

慶戊辰進士,累官禮部尚書,兼東閣大學 俞汝言曰:「公字對南,大同山陰人。 隆

士,謚文端。」

王氏喬桂《七日來復解》

李氏派《復見天心解》

存。

朱一是曰 :「嘉魚人,字太清。 萬曆 丙

戌

進士,改庶吉士,除吏科

給 事

中,建言

爲民。」

陳氏希亮《家人噬嗑二桂圖》

范氏祖禹《家人卦解義》

庶

篇。

參議。」

吉

士,除

福建道御

史,歷

四

]1]

布

政

司

顧湄曰:「石首人。隆慶戊辰進士,改

存。

0

篇 省 敢 爲 也。 乃聖人所以定天下之端本,臣輒不自揆, 入侍。 進 祖 盡孝養,外美風化,將 自三代以還蓋未之有,由漢以 始之道,王化之基。恭惟本朝祖宗家法 至 撰 陛 也 謹 禹 進劄 集 下重之。 今陛下納后以 録 過端午未住講讀 伏覩中宫初建,將行嘉禮 所 陛 加 上進,以 闡 臣 下今月一日已御 子曰:「臣 先 自五日 謹按《周 聖先賢之言,爲《解 代奉事 承天地,以奉祖宗,内 以 近以權住經筵,久不 以 後北郊 ,此見陛下好學之 易 爲 ,伏望聖慈少賜 家人》之卦, 萬世 邇 奉祀、未獲 英,又先降 下皆不及 法。 一實爲 義 愚竊 正

氏德亮《家人經傳衍義》

存。

佚。

呼! 此書矣。 婦,獨非聖人之治乎? 者始於此 家人一卦。 弟、夫夫、婦婦、豈有 孔子對曰: 『君君,臣臣,父父,子子。』鳴 正,正家而天下定。』齊景公問政於孔子, 人耐以天下爲一家,故治天下之道備 父,子子,兄兄,弟弟,夫夫,婦 程鉅夫後序曰:「《家人》之卦 ,皆父父,子子,兄兄,弟弟,夫 使君君,臣臣,父父,子子,兄兄,弟 有問治天下之道於德亮者,請 也。 非已備也,所以爲 嗚 呼 ! 亂與亡哉? 夫惟聖 予於是深有感於 自天子以至於 婦 辭 治道之備 ,而家道 曰:『父 大夫,婦 庶 於

執《 之, 風以動 下必自一家始也。 『火自風出乃可』,德亮謂 衍 義 》以 化言,火以 往 抑 爐 以 鞲之説 家 風 爲 宅言 自 何如?」 火 固善,若 出 蓋 之 日 家 化 推 日 天

所撰。 按: 衍義》二册,未 德亮,不 明《文淵 知 審即 其 閣 姓 書 是書否也 氏 目》有《家 疑是 趙 采

朱子熹《損益

説

取

於懲忿窒欲、遷善

改

過

一,何

哉?

IE

心

黄

幹

跋

E:

「損、益

之義

大

矣。

聖人

獨

有

存。

釋製嵩《異説

三復敬

玩,刻之臨

川縣學,以

勉同

志,

庶

於後學者至矣。

以示

其

同

學黄幹,

晦

庵

先

生

象

以

授

學

徒

江

君

乎

先

,所警

此

賢

愚

所

由

分,

而

聖

人

之

所

爲

深

戒

也

0

四

亦知

所

以自警哉。

嘉定己巳暮春。

篇

存。 載 鐔 津 集》。

紫方袍,乃抱 塘 州 陳 皇祐 鐔 舜 津 俞 曰: 間 去, 「契嵩字 得 書游 居 法 越。 於 京 師 洞 仲 觀 ,賜號明教大師。」 靈, Ш 察 李 自 慶 公謹 號 曆 潛子, 間 奏,賜 居 錢

「家」, 據程矩夫《雪樓集》卷二十四 當作「象」。

0

之中,後之學者,無一念不在身心之外。

下之本也。

古之學者,無

一念不在身心

修身者

,學問之大端,而齊家、治國、平天

《漢易中孚義》

佚。

按:《公羊春秋》「隕霜不殺艸」,

《傳》何休注引《易中孚記》文曰:

陰假陽威之應也。」是漢有其

包氏希魯《易九卦衍義》

胡氏鼎金《三陳九卦説》

卷。

未見。

俞汝言曰:「胡鼎金,字貴剛。究心《易》

學,作《三陳九卦説》,見朱升《周易旁

注》。」

王氏安石《九卦論》

篇。

存。

卷。

《江西通志》:「希魯字魯伯,進賢人。

從

學吴澂,其教人先德行後文藝。及卒,門

人私謚曰忠文。」

張氏希文《十三卦攷》

卷。

一 <u>五</u>

佚。

積書園四壁若巢然,人因號書巢先生。」人。初爲吏,以薦授百丈尹,不赴。所居傅若金狀曰:「希文字質夫,瑞之新昌

范氏述曾《易文言注》

佚。

《易•文言》。」 《册府元龜》:「范述曾爲大中大夫,注

沈氏束《文言説内外》

未見。

沈氏進《文言會粹》

二卷。

存。

謝氏萬《周易繫辭注》

侍

中

轉

丹

陽尹

、吏部尚書、領

軍將軍,改

簡

文

帝

居

藩

引

爲

談

客,自

司

徒

左

西

屬

轉

撫

軍

掾

中

書

散

騎常侍、

豫

章太守

,人爲

《隋志》:二卷

佚。

守、監司、豫、冀、并四州軍事。」撫軍從事中郎,再遷豫州刺史、領淮南太《晋書》:「萬字萬石。簡文帝作相,召爲

萬,書字偶譌也。 傳注有謝平《繫辭注》二卷,疑即按:雙湖胡氏《易啓蒙翼傳》所載

韓氏康伯《繋辭注》

《隋志》:三卷。

存。

《晋書》:「韓伯,字康伯,潁川長社

太常。」 康 事 垂象 河 李心傳曰: 伯 出《 亦 本不 云: 『天垂象, 見吉凶, 聖人則之。 ,見吉凶,聖人則之。』《魏志》許定奏 圖》,洛出《書》,聖人效之。』皆與韓 同 「《後 漢 書 楊易傳》云:『天

佛老相類。」
《大大祖传》,
《大学》,
《大学

税 只以 之罪,而王、韓尤其著者。 口 程 謂 與 子 權 老莊解之,是何道理!」 曰:「讀《易》者 最古,而篇第不明,蓋漢魏以來諸儒 日 :「《易》經羲、文、周、孔之手, 如 王 輔 **《魏** 嗣 志》謂鄭 韓 康伯 康

挂 成 綴之,標題乃以 ,附之於後,至王弼 Ē 經 則 乾 自 傳 坤 以下 至 下 各 經 交 豐 聯

傳」,爲六卷,不 知 於義 何 居 及韓 伯, 又

以《上》《下繫》爲 七、 八卷,《 説》、《序

雜》爲第九卷,《略 例》爲第 + 卷。 使羲、

子十翼不成 文、周公上、下二篇 + 翼。 漢 之 經 魏 迄 不 成 今幾千餘 二篇 而孔

列 於學官,無一人能辨其 非 者,惑 世 誣

民 抑 何 盛 哉

業於王 王 義。』愚攷弼終於魏正始十 應 麟 一弼 曰 ,承弼之旨,故引弼 「《繋辭 **>** IE. 義 云: 年 云以 韓 韓 康 證 氏 伯 成 親 東 其 受

遠 謂之親受業,誤矣。」

晋簡

文帝引爲

談客,二人不同

. 時

相

去

甚

數 俞 琰曰: ,蓋亦有所 漢去古未遠,諸儒 本。 至魏 Ŧ. 弼 以 訓 老 解 莊 多 之虚 類 象

> 《序卦》、《雜 蓋 之。』今韓 存,惟 旨 籍 善,亦必爲之曲 詔 無 而 始於 孔 名 遂 倡 志》云:『秦焚書,《周 穎 儒 晦 於前,晋韓康 失《説 康 定 達 伯 入九 輩 沿襲至 康 也 以當 卦》,則《序 伯 經 卦 注 Œ 護。 於 時 \equiv 本 伯 義》,於《易》則 唐 所 篇。 又 以《 諸 尚,故 和 卦》、《雜卦 説 又 易》 後 儒皆宗之,太宗 於後,聖人之本 日 掛》 河 獨 雖 内 \sim 其 以 取 篇 女 説 隋 1 一》之名 王 分 子 筮 未 • 出 得 得 經 盡

篇 Ŧ. 禕 ,其説本於王 日 韓 康 丽 伯 疎 注 略 繫 而 辭 無 × 據 ^ 説 卦 \forall 等

卞伯玉, 紹 按:陸氏《釋文序録》注《繫 劉瓛,今之存者,惟 謝 荀柔之、徐 萬、 韓 伯、袁悦之、 爰、 韓 顧 氏 歡 而 桓 辭 明僧 》者

荀氏柔之《周易繫辭注》

桓氏玄《繫辭注》

《隋志》:二卷。

陸德明曰:「字敬道,譙國龍亢人。僞楚

皇帝。」

《本義》作『人』,云『吕氏從古』。」 明僧紹作「仁」。」今本乃從桓玄、誤矣。 非衆罔與守邦』也。《釋文》云:『桓玄、 王應麟曰:「『何以守位,曰人。」所謂『后

下氏伯玉《周易繫辭注》

門郎。」 陸德明曰:「濟陰人。 阮孝緒曰:「宋東陽太守卞伯玉撰。」 宋東陽太守,黄

徐氏爰《周易集注繫辭》

袁氏悦之《繋辭注》

《七録》:二卷。

一〇九

佚。

顧氏歡《注二繫》

佚。

劉氏壩《周易繫辭義疏》

明氏僧紹《繫辭注》

子博士。」

陸德明日

:「僧紹字承烈,平原人。

徴國

佚。

佚。

梁武帝《周易繫辭義疏》

佚。

《隋志》:

一卷。

佚。

蕭氏子政《周易繫辭義 疏》

《隋志》:二卷。《唐志》:二卷。

「日人人作仁」。 「佚」前 「守位」下、《補正》:「誤多一『□」,當删去。」四庫本作 一行、《補正》:「脱【《隋志》:二卷】四字、當補。」

以守位,□曰人」作「仁」,❷「《易》

按:《釋文》引明氏《繫辭注》「何

有聖人之道四焉」作「君子之道」。

沈氏縣士《周易兩繫訓注》

__

耽好玄理、注《莊子・惠施篇》并《易》上、

下《繫辭》,曰《新注義苑》,並行於世。」

臺郎中,賜爵定陽縣男,後除膠州刺史。

孝昌初除太學博士,調侍御史,累遷大行

荀氏諺《繫辭注》

宋氏寒《周易繋辭注》

佚。

《册府元龜》:「宋褰爲大中大夫,注《周

胡氏暖《繋辭解》

司馬氏光《繫辭説》

《北史》:「杜弼,字輔元,中山曲陽

《宋志》:二卷。 未見。

《唐志》:二卷。

鄒氏浩《繋辭纂義》

《宋志》:二卷。

《彖》、《象》以釋卦、爻之辭,又爲《文言》以 僞」,文王之事也,『繫辭焉而盡其言』,周公 耳。取孔子之名周公者名焉,亦謂之《繫 傅卦、爻之下者,既以别而傳之矣; 視其不 所不釋,以自見其意。後之君子,視其可以 『立象以盡意』,伏羲之事也;『設卦以 釋其《彖》、《象》,又因卦、爻、《彖》、《象》而 矣」,周公也。三聖一心,孔子之心,三聖之 異矣。兹異也,祗其所以爲同歟? 是故 辭》,其爲《繫辭》雖同,其所以爲《繫辭》則 可以傅卦、爻之下者,則類而傳之於其後 心也。樂天知命,又憂之大也。故又爲 矣」,文王也;『繫辭焉而命之,動在其 重之,爻在其中矣,剛柔相推,變在其 曰『八卦成列,象在其中矣』,伏羲也;『因而 重爻,未嘗繫辭,而繫辭者皆周公也。 六爻,不亦淵乎?』以此推之,文王但 孔子 益 中 中

蔣氏之奇《繋辭解》

《宋志》:二卷。

佚。

遂爲清議所非。官至樞密院使,崇寧初,歐陽修之門,後摭浮語彈修,考驗無實,《東都事略》:「之奇字穎叔,宜興人。游

韓氏元吉《繫辭傳》

以觀文殿學士知杭州。」

佚

《江西通志》:「韓元吉,字无咎,開封人,《江西通志》:「韓元吉,字无咎,開封人,

劉氏概《易繫辭》

《宋志》:十卷。

↑ 「解」下,四庫本、薈要本有「解」字。《補正》:「『繋

佚。

董真卿 概字仲平,東明人。」

胡 一桂 劉 概 《繋辭 解》有《論 》以括

其大意。」

鄧氏傳之《繋辭説

佚。

周必大曰:「永豐鄧 傳之,字師 孟 游 永

嘉 葉 適 正則之門。 其於六經尤 好 讀

《易》,有《繫辭説》一卷。」

吕氏祖謙《周易繫辭精

存。

黄氏幹《繫辭傳

卷。

存。

又 篇。 安慶郡學講義

柴氏中行《易繁集傳》

佚。

《館閣續録》:「柴中行,字與之,饒 《宋史》:「中行所著有《易繫集傳》、《 集傳》、《詩講義》、《論語童蒙説 十一年正月兼國 干人。紹熙元年進士及第,以宗正 書監,十二年六月除 史院編修官,七月爲 秘閣 修 撰,知 贛 州 少 州 書 秘 卿 餘

張世南曰:「南溪柴先生中行,吾鄉前

輩

澹在 《易》,讀 之乎? 漕司前期 不願考。」有讒之者,内臺欲 五. 考,爲秘 也 字 先生得 諫省, 或 書監 伊 取脚 學上 川之書以 티 : 文移 舍登 色,必欲書『委不是僞學』 初 『其人所守不變, 任 紹 即 臨 取 熙 具]1] 科 庚 申云:『自幼習 推 第, 戌 加 官 甲 論 如 ,秋,大比 科, 以 列 爲 可 何公 事 僞 罪 寧

董真卿曰:「恕齋集解《繫辭》以後。」

王氏之佐《繋辭解》

伊 以 並 黄震後序曰:「《易》示吉凶。 ĬΙΙ 言 M 遂 則 佚。 始言理 有 矯 理 誣 以 聖經 存 究 焉。 其 以以 精 自晋 證 微 虚 9 人以《老》、《易》 晦 無 庵 之學。 所以吉,所 始言吉 至 X 我

> 謂 六 以 其 争傳,守正 理 解 顯 明白守正,不 相 口 十四 復其 不 符 以 副 經爲非,至今名聲振天下,王氏 於世,雖其 ,否則淪 過 因 其學 明 平説 [卦,其 本義 經薦於鄉,名聲實相上下,象 三太息,書元本 解經, 2没 識 者 於 繼 爾。 後 無 之 襲 有 虚 、聞,天 正 此 人出以 用二 王 無 言《易》者紛紛, 何 氏 世 者。 余嘗考王 如哉? 先生之 繼之解《繫辭 而 下 見示 前 有 名 事 還 以 不 每 猶 之。」 氏 説 臨 稱。 然 如 與 自 其 而 此 III 陸 謙 理 出 帖 意 鄒 匪 **≫**, 奇 象 自 氏 既 帖 猶 贅 Ш 始 者 然 未 則 以 解 正 Ш

^{●「}有」,薈要本作「友」。

鈔》(元後至元刻本)卷九十二作「謙」。 黄震《黄氏□

[「]平説」,薈要本作「半説」。

^{「□□」,}四庫本作「下帷」、《黄氏日鈔》作「于自」。

佚。

《姓譜》:「元祐字益之。通五經,尤長於

《易》,四方從學者衆,湯漢、李伯玉、饒魯

皆出其門,學者稱爲强恕先生。著《春 秋》《尚書》《論語解》、《易繫辭》、中庸》

《大學説》。」

舒氏滸《繋辭釋》●

一卷。

何氏基《繫辭發揮》

未見。

亡名氏《繫辭要旨》

《宋志》: 一卷。 胡氏《翼傳》:三卷。

佚。

《太學直講繫辭》

「釋」,四庫本作「説」。

齊氏履謙《繋辭旨略》

一卷。

未見。

劉氏因《易繫辭説》

胡

桂

日:

「三舍時學舍講義也。」

佚。

文靖。」 門生所録,惟《易繫辭説》乃先生病 徵,以疾固辭不起。 之,親授其徒者也。 皆有補於世教。 八年,復遣 拜承德郎、右贊善大夫,未幾辭歸。二十 之語,表所居曰静修。至元十有九年,徵 保定容城人。 蘇天爵作墓表曰: 士、資善大夫、上護軍,追封容城郡公,謚 使以集賢學士、嘉議大夫來 嘗愛諸葛孔明『静以修身』 其《小學四書語 「先生諱因,字夢吉, 先生於文不爲空言, 延祐中,贈 翰林學 録》皆 中 筆

倪氏復《易繋辭解》

未見。

陳氏仁錫《繋辭十篇書》

十卷。

一一七

張氏習孔《繋辭字訓》

李氏熹《易大傳雜説》

未見。

經義考卷六十九終

門人都陽陳詔覆校

經義考卷七十

易六十九

王氏景《大衍玄基》

男昆 田 校

秀水朱彝尊編

顔氏《周易大衍通統》「顔」或作「顧」。

唐孝明皇帝《周易大衍論》

《後漢書》:「王景,字仲通,樂浪調邯人。

佚。

廬江太守。少學《易》,遂廣闚衆書,又好

顧氏蒙《大衍圖》

作事舉止質於蓍龜,而衆書錯糅,吉凶相

反,乃參紀衆家數術、文書、冢宅、禁忌、

天文術數之事。以六經所載皆有卜筮,

玄基》云。」 堪輿、日相之屬適於事用者,集爲《大衍

經 義 考

終。蒙頗窮《易》象,著《大衍圖》三卷。文》授聾俗以换斗筲之資,未幾遘疾而間,後避地至廣州,困於旅食,書《千字王定保曰:「顧蒙,宛陵人。萍梗江浙

釋一行《大衍論》

《唐志》:二十卷。《舊史》本傳:三卷。

供

《大衍玄圖》

《唐志》:一卷。

供

《義決》

《唐志》:一卷。

佚。

策,則歷術本於《易》矣。」 《易》象推合。至唐一行,始專用大衍之 其法一本於律。其後劉歆又以《春秋》、 其法一本於律。其後劉歆又以《春秋》、

至鄭康成、姚信、董遇,皆取天地之數以后、二十八宿爲五十,馬融以太極、兩儀、后、二十八宿爲五十,馬融以太極、兩儀、后、二十八宿爲五十,馬融以太極、兩儀、三十八宿爲五十,馬融以太極、兩儀、三十八宿爲五十,馬融以太極、兩儀、

象

以

畫

奇

耦

不

復

問

其

數

此

與

擲

錢

六當 儒 天 爲 減 地 者 Ŧi. Ŧi. 之蔽 減 + 之數,所 六。 姚、 則 減 義 也 董 ,又何必 雖 賴 韓氏 謂 近 者 之, Ŧi. 畫 取 + 傅會五 減 而 Ŧ. 鄭 六 弼 夫 氏 爲 之言, 行六 何 謂 兀 賴 + 五. 畫? 焉 曰: 九 行 減 演 此 顧 Ŧi. Ŧi.

焉 歡 ? 云 夫數 立 本 此 於自然,數之 Ŧi. + 數 以 數 所 神 始, 0 又 聖 何 人 能 V.

皆 也 知 不 1 而 可 明 故 窮 之耳 大 其 衍 ·, 安 義。 之數 能 窮 五. 以 之愈 +, 私 是 意 切 爲 加 其 自 毫 失 然之 末 愈 於 遠 數 是

朴 册 之術皆 意 ,毋 必 出 於 斯 大 得 之矣。 衍《易》, 後 數 世 與 謂 歷 一行、 不 口

王

口

惟

爲 扐 論 ,以扐 也 爲 又 掛, 日 :「大衍 以 IE. 策 數 之數 爲 自 餘 數 唐 殆 以 奇 今

數 Ŧi. 尚 百 年矣。 未 失 也 雖 名之不正, 至 行 之 學, 義 亦 直 難 取 通 多 而 其

> 横 代 生 出 百 渠先生 世 蓍 蓍立法之意 愐 之下 無 後 以 其 出 異, 康 法 而 節 大 四 斯斯 後 先 備 + 道 生 明 九 不 學 出 Œ 蓍 可 者 奇 於 而 得 於 扐 後 是 而 是 9 明 絶 直 復 伊 言 矣。 可 知]1] 策 廢 聖 先 數 也 生

李氏 覺《大衍義

^ 通志 卷。

初, 姓 譜 舉 九 經 覺 字 爲 仲 秘 明 書 青州 派 校 人。 定 **元** 太 平. 經 興 E 或

義 **%**°

監 長 編 詔 \forall 講 端 周 拱 易 》之泰 元 年 Ŧī. 挂 月, 賜 帛 車 駕 百 疋。 幸 或 子

孔氏成《大衍説》

篇。

未見。

監直講,辭,乃除守光禄寺丞致仕。 年除守秘書省校書郎,四年召以爲 書,獨《大衍》一篇傳於世。」 太常丞。先生博學,尤喜《易》,未嘗 王安石作墓誌日 . 「旼字寧 極。 嘉 卒贈 或 祐 著 子

吴氏適《大衍圖》

卷。

《玉海》:「紹興十七年四月,左迪功郎吴 適進《大衍圖》,令秘省詳之。」

胡氏銓《大衍論》

篇。

載《澹庵集》。

耿氏格《大衍天心照》

(宋志》:

張氏行成《周易述衍》

存。

復變爲 坤 至 易 歸 又以《雜 坤 東 妹 乾之類 E 變屯、 變 未 卦 張 必必 濟、 屯 文 》乾變坤 變蒙 饒《 老少 未 濟 述衍 以 變 陰陽之策各 至 坤變比、比 夬, 離 以《 夬 變 序 復變乾 咸 卦》 變師 九 未 + 乾 濟

以

亦

老

少

陰陽之策各

九

十六,其數

同。

蔡 氏元定《大行詳説

未 見

韓 迪 訂、《啓蒙》 熹,并及元定,謫 造化微妙, 詩 宋史》:「蔡元定,字季通, 功郎、益 侂胄專政,設僞學之禁,言官 傳》、《 通 文 惟深 書 介節 鑑 綱 於 則 道 熹 目 理 屬 州 ×, 疏 者能 元 卒。 皆 釋 定 四 與 識 起 侂 書 建 元 之。 稟。 胄 州 ,及爲《易 定 既 建 往 疏 吾 嘗 誅 陽 詆 復 與 F 參 贈 朱 季

> 州, 室 思以 淳 安,遂 通言 三年 言,先生之言爲 劉 西 熙戊 爚 贈 Ш 律 志 而 年 師 曆 申,太常 不 得 將 事 迪 厭 薦 日 疾 老 功 焉。 也 於朝,先 . 郎 焉。 以 。」學者尊 少卿 殁。 先 多。 凡文 時 生 後 尤表、 僞 公敘 年 乾 生 九 黨 四四 道 以 之 年,侂 論 . 曰 十,不 次 間 秘 疾 興,先 伊 辭。 見 西 書少監 冑誅 洛 Щ 文 就 先 諸 生 公 Z 科 生 一調 未 楊 於 儒 舉 築 崇 又 道 遺 萬

者,蓋引以 端奥傳, 妙 衷折之。 真 曰 ,他弟子不得聞者 0 德 『季通 秀日 微 故嘗 吾 自 詞 聘 兀 邃 輯 老 也 君 旨 其 友 師 一, 必 問答之辭 也。」凡 事 必以 先令尋 朱 文公, 語 性 日 季 討 與 ^ 而 通 翁 天 文公 而 焉 季 道 後 ; 録 之 顧 親 異

羅 道 盛 大經日 矣, 因 數 濂 明 溪、 理 復 明 道 有 伊 邵 ĬΙΙ 康 横 節 渠之講 出 焉

發馬。

羅 氏 泌《歸 愚子大衍説》

卷。

於

存。 載 《路 史》。

史氏彌大《衍極圖

此

Ŧi.

爲

佚。

章氏如愚《大衍説

篇。 存。

二四四

1462

出 Ш 之講 焉 然孔 道 盛 孟 矣, 教人, 因 數

明

理

一,復有

蔡西

Ш

晦

庵

南

軒

東萊、

象

指間 趙 九 法 爲 用 言 六者各八,爲七、爲 矣。」 汝 少 以四十八策揲之,則有四 四十八蓍。 理 模 。餘三益四、餘 ,三變凡三掛,餘一 不言數 日 . 「蔡季通筮法初掛一 也。 於四 四益 八者各二十四。按 十八中 三爲多,爲 益一 别取 一、餘二 八而 一蓍掛 不用,止 九、 益 無

聞 李 士英曰: ,同輩不能 季通 及。 從 義 理、樂律、 晦 理 翁遊 大 原 最久, 固己心 曆數 精 之説。 通 識 意 博

凡古書盤錯 解,尤長於 天文、 肯綮,學者讀之不能以 地

句,

季

通 論《易》,推本《河 爬疏剖析,細入秋毫,莫不暢達。 圖》、《洛書》、邵氏《

經

世書》先天圖,往

往多與

季

通

往

復

而

有

皇

極

晦

庵

楊氏忠輔《大衍本原》

佚。

者 謂 謂 歸 成 奇 掛 奇。 趙 四十九蓍之中去其三十六策,則餘十三, 得謂之餘乎? 有二、有 揲 汝棋 ,本是左手之蓍,今歸之也。 揲 老陽之策四三也。 也,左手餘 之策,四三、四 以三,餘三則歸 不用 兩揲之數,然後置之於扐 ,必以右手之蓍隨其奇耦歸 老陽之數九,四其九爲三十六策,於 ,則餘十二,以 . 而 楊 一、餘二、餘三或 無 四 氏 四 四、四五、四六者謂之 九、四 筮 以 有 法 一,皆成 歸奇 几 揲 八、四七、四六 四揲之得三,是 則 四 於 爲 之餘 劫者,歸此 無 故 揲矣,豈 之,足 餘 揲之 所 餘 有一、 皆 謂 者 則 歸 成 未

所餘即 皆奇 先去 + 數 策,不知二篇之策 皆聖人所未言。 几 策之旁,四也。 爲八者各二十四,爲策萬有一千五百二 變皆耦,六也,是謂 四,少陰之奇也。 之奇也;三變而 兩 三變而 也; 六之爲奇,又以 而 揲 餘二 策 歸 按:其法 ,三也,是 之 古法 耦 數 之,三也; 爲 一奇二耦 則 數。 歸奇,今以三變六揲 反 歸 去 以 以 掛勃 新奇有四,揲 奇, 掛 謂 其 ,五也,是謂 扐 且. 川 他 爲九爲六者各八,爲 扐, 指間 非揲 耦二奇,四 以 爲 謂 四六,老陰之奇也 三,老陽 無 也 揲 如四三、 所 歸 餘 此 蓍 爲 餘 奇 耦 則 法合於二篇之 策 奇、 也 爲 歸 四之餘 數。 二也 四 之奇也; 兩揲 策 川 也 以 所餘 今以 也 四 數,今乃 是謂 Ŧi. 八, , 易 爲 無 四 揲 除 少 皆 爲 耦 四, Ŧi. 左 陽 正 掛 變 成 几

楊 特 爲 以 諸 丁易東曰: 陰陽均等。 氏 數 九六之變皆八,七八之變皆二十四 本之自然,不欲以私意損益之耳。」 隨 當 用 而 「揲蓍之法共有六家,惟河 殊 然以古聖才智,豈不能是? 贵 口 牽 他 數 以 强 合? 彼 南

丁氏易東《大衍索隱》

以 謂 几 大 易東自 不 ·過歸 邵 五 衍 十九之全者,予 子先天、兩儀、四象、八 乘 存。 Ŧi. 之虚 + 序 + Ż 日 先 説 三二天 而 儒 近 於 已,未有 之。 竊病焉。 地 此 之數五十有 至 每 失之 於 ?得夫 四 比 卦合四十九, + 鑿,獨 游 五 浙 有 十數 九,率 五. 朱 與 而 子

> 得, 河南 十五 所 之一二矣,而 《易》初意。 者 不 無 者,然後 十,非强合之也。 皆天地之數各再自乘 衍 又思之,一 然其爲數,必再自 過 虚 始 牽 之,其耦其奇 雖 動尚 楊 此 合傅 之一,是爲太極。 知四十九真 無 耳 氏《大衍本原》,謂 知 牽 ,徐而思之,則於《易》中天 會之病。❶ 有未合,固已疑之。 Ŧi. 日 强 嘗以管見求之,亦既 + 豁 猶 ,自然而 頗 以 然,若 四 爲四十九,五十真 非 噫 ! 爲未也。 十九皆天地之數合 簡 予始以 而 其説 有遭 又以 易, 成,至簡至易, 以 楊氏之説 中 四 未 中 雖異先儒 於神 思之 爲 數自 十九與 未幾,復 數除 必 大衍之 明 聖 思 得 乘除 似矣。 之 之 人 其 而 爲 五 地 後 通 説 作 之 + 而 而 Ŧi. 得 而 Ŧī.

⁰ 會 原作「言」,據四庫本、薈要本改。

呼 而 此,而古人曾未及之耶? 几 其 千五 象之奇之策,三百八十四 ! 説 何其 不傳 百二十之數,胥 ハ數之 耶 ? 神 是未 如 此 可 妙 此 知 抑嘗有 如 [爻,以 焉 也 此 出 契 知之者 或 至 也 合 日 萬 如 鳴 有

無所能 是,而 十之數,以 識見有限。 『若子之説 他說 逃,豈予之淺 神蓍卦之用,而 可廢 聖人作《易》,取此四十九、五 則 聖 耶?』曰:『《易》道 人作《易》之初 見 遽 可 天 以 地 盡聖人之 人物之 意 無 果 . 理 在

本心乎 除之 固 未 説 知 也, 以數乘除之説 且予方其得以五衍之之説 又未 知 有 合 也; 而 方其得以數乘 衍之之説 也, 也。

乎? 若但以先儒之説病予,則咎雖有所安知後之學者,其説有不出於予之上者

王弘撰曰:「丁氏萃五十七家説爲《不辭,理亦當仁不遜云。」」

稽

路 出 衍 者 於朱、蔡之外,爲 也。」 又自爲《原 衍 更 \wedge 備 翼 衍 亦 所 黄 謂 瑞 節 通 透 稱 其

鄭氏滁孫《述衍》

一卷。

存。

盧氏失名《校正耶律文獻公大衍揲**蓍**説》

一卷。

佚。

難 許 則 齊之,而不合乾、坤六子之率; 有 深 衡 日 甚 解 口 意 「盧 疑 隱 者。 君狡 晦 如 及 定 舊 探 耶 説 其 律 所以 公《蓍説》,曲 爻變,究以 去取之由 及自 爲 折 四

背 一百 實 陽 蔡氏 傳 千,爲坤而静者二萬一千九百五十二,爲 説 南 時 爻、二爻變者次之,三爻俱變爲 震、爲坎、爲艮而静者皆一萬五千六百八 爲 十,爲巽、爲離、爲兑 是分二之後,不掛一 見静變往來之實, 口 三陰 不相 已甚 演 可 不 春夏秋 》,又悖先 乃 可見 曰:『一奇一 見,人之瞻視 八卦静變往來之數:爲乾而静者八 以 諸 似 可 八齊之,一 9 也。 生物,而 卦之數,大率静者最多,而 也 儒 饒一乏者,陰陽之用。 况 不然; 且初 其 四 耦對待者,❷陰陽之體 雖能 亦 冬不 齊、八 不 法 而 揲必令多少之數均, 則 口 而静者皆 敢 掛 荷 而 與 生物 以 以 合其 兩 一也。 齊 左 四 爲 其 之 十九 天地, 右 然 八率,而 後 數, 可 一萬 也 既違《大 尤 見 最 耆 其 審 少。 虚 6 故 東 爲 不 不 矣。 千 知 能 兀 西 而 不

> 則盧 分二、 家 體 不及此,而其取 少陰得二十四,不亦善乎? 而 數常 塾,用驗他日學之進否云。」 老陽得 君之得失可 掛 均, 八,老 揲 用 數 儿 此不取彼者,誠以 則 陰 見。 則 陽 得 爲 戊申八 八,少陽得二十四, 奇者二,爲 而 陰 聖人之智豈 月 也 庚 偶者 陰陽之 辰 識 觀 於 此

陳氏失名《大行易數》

一卷。

未見。

●「少」,原無,據薈要本、許衡《重刻許魯齋先生全集

❷ 「耦」下,原衍「對」字,據《重刻許魯齋先生全集》卷六

③ 「亦可」、《補正》:「當作『亦面』。」《重刻許魯齋先生全

之五 吴萊 喋 哉 吾 長 是。 實 天 存 跡 爻六變而 少之變,七八九六之策。 後 衍之數 卦,考象數 有 者 聖人 本 () 所該 地 有 象 1然哉 自 欲 虚 有 十者總之,則又合於太極之一, 後 漢 Ħ. 何 固 求 然 Ŧi. 序 象 可 無 則 大 . 十,其 未 其 之運,又豈待於 成 以 而 儒 形 ? 而 應 者奇,一 肯 極 : 位 數 自 後 ; 建 林 乃 則 輕 莖之蓍參 凡 秦 有 未始有 1 用 傳 有 定者,理 爲 滅 此 數 天 筮 天 四 V 理 之説 一者耦 六經 聖 下 地 者 + 在 孔子 之 人 數 之 有 也 定者, 是, 也 兩 開 策三 ,而後 物 始 所 人力之 九。」自 也 六六經 易》 是 ^ 於 闢 而 數 以 必 易》 事 變 盡 雖 亦 觀 人物 何 有 有 以 至 也, 而 決之者。 其 不 强 其 變 世 陰 有 1 理 成 之 之消 雖 體 大 而 菑 外 爲 是 陽 統 而 爻, 喋 者 皆 大 甚 衍 7 老 111 故 平 其 後 而

受學 焉,必 卦之主 於風 技 能 爲 乎 肇 者 聖 故 女子 蒼 7 \blacksquare 易 之流 世 陳 發 能 體 乎 爲 世 人 何 周、孔 之 生 應 所 應 之 始 外 , , 五 探 雨 以 嘗 周 遺 黄 雖 河、 ,世之所 稽 獻 易 者爲世,對 ,與《易》大 配 屋 行、納甲之變 名 然 而 **参** 焦 出《大衍 意 吉 牆 乎内 洛《圖 爻象之藴 道 理 陰陽 是 延 哉 之間 X • 説 一論《易 大 壽 ? 外,終 又 位 刺 興 終 不 *\ \!\ 易 可 相 而 待 卦 0 他 休 不 京房之説 ×, 數 得 。 餘 陰 與 ×, 咎者 遠 以 則 魏 書》之賾 無 終 脱 陽 蓋與《 而 何 世 郡 矣。 進 而 則 始 不 其 之所 盡 同 或 微 具者 而 退 太 卷, 或 始 本者 先 廢 不 爲 以 焉 守 人 老 家 耳. 間 而 肆 者 漢 以 其 京 IF. 爲伏。 幾 於 子》 爲予 者爲 相 後 哉 初 主 象 是果 蓋 自 人自 房 淫 而 動 出 一之相 數 同 有 瞽 以 爲 則 河 飛 以 起 吾 括 論 見 方 藏 爲 内 又

考其

法,

則

曰:『聖人之立卦者八,故

天

右見《紹興書目

所處,定其

八坐作

動

静

之殊;

或

以

字之所

畫,測其向背

俯

仰之異。

八

而

已矣。

自

八而六十有四,自六十有

四

Щ

四千九十

其所值之數,

輒

以

八乘除之。

或以

身之

下之物,苟囿

於數者亦不過八。吾則

本

《易數大略》

佚。

衍之數 按: 之正 卦之衍 屢引其文,不著撰人姓氏 爻亦四十 重之則四十八,又每 是書專説大衍。 數, 衍其 數 五 也。 八。是四 十」釋 八卦經畫二十四, Œ 日 數,是謂大衍。 十八者,八卦 卦各八變,其 「大衍者,八 趙氏《筮宗》 。於「大

生者希夷

又曰

心 也,生盍歸 氏之遺裔歟? 先 有六,用此道也。」嗚呼! 『是固本之希夷氏者也。』豈彼 上經綸盡在是矣。」 要之,特京房之法耳。 而 務 求其 天 要 四 歟 圖 ? 生之於《易》勤 吾聖人之學 生則

中造化,

亡名氏《大衍五行數》

爲

五十之成數。」「其用

四十有九」

曰 :

<u>一</u>五

+ 除

者,

無

也。

衍,羡也。

以四十八而羨其二,則

佚。

右握之一算,一策爲一算。

掛

於左手

掛

以

象三」釋

曰:「以

左手

取

手第二 陽 論 其傅 手第二 以 坤 止 再 少陽,巽、離、兑 并在第二指間。」其言是也。 其以衍爲羨,謂所羨之二,趙 者立,成卦則外卦之爲悔者備 即 之一爲小成。 小指間 再扐 扐 象閏 甪 以 存 其 撰法,有曰:「乾用九爲老陽, 掛 畫爲 六爲老陰,震、坎、艮 會,又:「兩餘當分扐,不應 前 而 八卦 後 指之扐 指間,右手所餘歸 後 掛 一於格上。 釋 一,所 掛 足 日: 兩揲不掛。」「歸 而 四營之數 釋 小成 間 小成」釋 「左手所 用八爲少陰。 謂 日 五五 一變之後, 則内 重 後兩揲不掛, 也 歲 曰:「八卦 而謂之。」 餘 ,少陰其 卦之爲 再閏,故 之於 用七爲 扐 奇 至於 於扐 氏 於 譏 貞 左 左 老 0

也。 主;五爻變以不變爻占;六爻變; 爻變以本卦及之卦彖辭占; 四爻 本卦二變爻占,仍以上爻爲主;三 所謂單也; 老陰其畫爲X,所謂 畫 **彖辭。**」其大略可見矣。 乾占爲九 變以二卦二不變爻占,仍以下爻爲 爲一,所謂 一爻變以變爻占; 二爻變以 ,坤占用六,餘卦占之卦 拆也;少陽其

畫爲一,

交

程氏□□《大衍説》❶

卷。

據《(同治)蘇州府志》(清光緒九年刊本)卷一一二,當 四四四 庫 本、 文津閣本作「雲莊」、薈要本作「失名」。

存。

全後明曰:「雲莊先生闡《大易》象數之 學於吴門,艾莊何正榘立方師事之,得其 學於吴門,艾莊何正榘立方師事之,得其 傳》。艾莊得其傳,述蓍法十章以明之。 (場)學,演蓍策以觀變化,一準夫子《易 傳》。艾莊得其傳,述蓍法十章以明之。

蘇氏軾《四營十八變解

以人門焉。」

篇

存。

經義考卷七十終

門人豐城余長庚覆校

1470

經義考卷七十一

秀水朱彝尊編

易七十

周子敦颐《太極圖説》

《宋志》:一卷。

朱震 范 河圖 曰:「陳摶以《先天圖 存。 一》、《洛 修傳李之才,之才傳 諤昌 書》傳· 傳 劉 牧。 李 溉 修 溉 以《 傳 傳 邵 太 种放 許 雍 極 堅 啚 堅 放 放 傳 傳 傳 以

乎? 溪周子 明萬 張 几 立 命」,則是本體之流 無 焉。』夫曰『聖人之本』、『誠之源』者,蓋 之源也。乾道變化,各正 者,聖人之本。 説,大抵 圖》 以 周 即《易》之所謂『密』、《中庸》之所謂『無 義微,自孟氏 焉 手 時 臭』者也。 杜 敦 於穆 運 化之一源 授二程先生者。 序 頤 此 行, 敦 ,而《太極圖》乃濂溪自得之妙, 其 皆發 非諸子所得 修,修之學 篇 頭傳 萬 云: 明 以 物終始 至於『乾道 也,以 程先 大哉 此 程顥、程 來 意。 未 五 行發見者,故 而 混 乾 之有 出 見聖人之精藴 生道學之傳 行 或 知 故其首 元,萬 頭 陰 於 兮闢 日 也。 陽,陰 也。 變化,各 陳 性 濂 命 摶, 兮,其 物 溪 章 其言約,其 《通書》之 誠 資始 傳《太 陽 曰『誠 EI: 世 發於 太極 Œ 其 無 斯 性 此 誠 然 深 立 誠 極 濂 窮 斯 聲

兮。 」 問 後 學 矣。 發 圕 大 感 事 辭 啚 也 胸 也 端 中 於隱 於敬 明 見 程 序 之見於《 傳 程 何 於《中 先 道 試 矣 默 嗟 不 日 也 與 先 邪 生 ",真積 然 學 詳 ? 朋 乎 微 會 不 牛 ? 而 者也 之傳 可或 之 友 考之,當 1 然 其 遺書》者, 先生之意 雖 庸 而 何 以 指 共 間 謂 力 **>**′</br> 先 日 不 獨 縦 爲 歸, 議 久, 實 \sim 及 口 生 秘 而 今二 使 易 未 焉 以 此 於 太 要當 在 自 是 則 辨 誠 • 叮 大略 乎 圖 方所求之哉?」 此 極 , 特 圖 繫》者 夫 可 程 説 遽 通 雖 然 此 邪 圖 得 之妙 見 先 動 之 示 假 然 ? 可 》,周 之言 生之 静 其 詳 圖 睹 先 愚 誠 學 則 太 可 説 之 杜 以 不 先 猶 者 聖 所 意 極 復』 機 以 生 獨 古 應 立 敏 之 贵 爲 生 人 講 嘿 將 誠 古 多 未 之 一之論 義 所 表 之 無 多 口 得 深 能 本 及 論 輒 日 微 授 之 益 於 有 從 所 此 答 又 使 以 舉 可

之意 來, 時 動 先 節 E 此 就 不 道 言之, 復 其 内 顔 於《復》 子『不 儒 於 乃 發 所 處 至 天 爾 合 看 而 未 與 地 見 以 竊 言之, 以 可 矣 通 其 又就 人 之本 此 天 於『 乎 掛 發 是 爲静見天 序 恐差 遠 ^ 與 地 發 此 人 中 \exists 復』 恐 在 動 源 合 與 天 出 理。 分身上 了。 庸 聖 便 天 發 而 與 鬼 其 爲 理 此 人 是 地 生 處 人 德 之,此 地 神 此 以 ^ 推 與 陽 只 物物 看 復》卦『見 也, 段 之心 動 理 喜怒哀樂 合 尋 與 天 是 Ŀ 就 示 耐 難 即 其 至於見得 H 就 只 理 地 推 一,伊 生 爲 人 吉 人 何 月 要 此 同 也 來, 身 陽 緣 合 X 示 理 又 ĴΠ 以 天 用 Ŀ 未 不得不 知 其 之 喜怒 E 於 先 今 地 X 推 之? 發 通 明 皆 皆 無 生 之心 大 欲 初 理 尋 而 \exists 其 以 作 本 收 爻 哀 間 與 異。 復 然 度 攝 斷 以 爲 兩 樂 達 發 几

陸九韶曰:「《太極圖説》與《通書》不類,

疑非周子所爲。」

朱子 之號。 也。 Ш 作《太極圖》、《 通書》之言,皆此 之麓 先生家 日 . 先生之學,其妙具於《太 有溪焉 太 世 先生 通 極 道 書》、《 圖》者,濂溪先生之所 州 圖 營道 之蘊 易 縣 通 , 濂溪之上 數數 大 極 寓 十篇 以 濂 言 圖 作 溪 廬

子往 按: 具載 來 無 辨 極 論 而 太 亦 極 至 之義,朱 詳 矣, 兹 陸 不

所謂 廢 度 其 啚 卷 説 者 動 IE. 常 其後十 静 Ŀ 跋 》,莫得 之 既 日 在 . 分 平 正 有餘 其義 陰 卷 其 中 者, 始 陽 年,讀 然 煮 既 讀 太 形 時 晦 極 本 之既 庵 時 本 然之妙 而 先 覽 然之妙 其 生 久,然後 而 所 所 思 未 謂 釋《太 之, 始 也 F. 始 相 之 不 敢 極 及 知

> 哉? 臭之 之 也。 然 行 天 萬 火、木、 而 金 也 四者以 一太極 太極 地之 太 物 、土各具 金,復會於一圈者,所謂合而言之,五 極 又其 卷 可 至於 亦求之此 閒 太 金 本 爲 也。 該 議,學者之求之,其 陰 ·然之妙 下 之,兩 也 者 極 乾 而 之 不 陽 男坤 水 也 無 卷 及 然其 變 而 心而 乎不 者 儀 土 ,初無方 卷 合 以 女者 木,木而 生 者 指 而 爲 見 所 已矣。 在 四 蓋 五行之合也,總水、 生 太 所 萬 謂 象 五. 極 物 分而 而 所 土行四氣 火,火 謂 之 行,水、火、木、 化生者 無 之妙,流行 之 學 將 男 義 物 言之,一 미 者 何 女 也 加 名 不 以 誠 土,土 然 舉 所 太 能 求 其 無 也 物 是 之 於 聲 自 極 F

0

嬰而幹と」。「□□」,四庫本作「居之」,《晦庵集》卷九十八作「濯

三六

之用 體 者 者 理 極 行 矣。 真 或 其 然 也 識 極 日 加 者 己 此 生 以 本 言 口 ПП 口 其 二乾 感 於 所 IF. 先 爲 然 聞 默 聞 發 心 不 而 心之體 當 陰 生 之 者 識 而 無 知 以 以 而 道 太 反 之,因 妙 遂 陽 嘗 前 致 夫 時 推 口 然、 未 而 成 極 聞 通 陰 語 可 其 察 見 寂 以 求 發 男, 之, 本 乎 求 名 不 ,喜怒哀樂之既 而 IE. 然 陽 爲 之 其 者 而 然 可 太 之 此 日 不 坤 心 周 日 生 而 可 未 不 之 聞 極 動 道 所 於 見 用 中 子立言之病,失之遠 心 而 可 發 本然之妙 妙 萬 釋 成 以 之 太 庶 以 極 於 喜 聞 者 於 女 然 物 推 間 立 極 亦 乎 所 怒 不 是 若 其 生 庶 其 融 者。 學 謂 哀 可 則 發者 於 而 何 乎 不 會 無 者 於是 樂 有 理 見 將 流 也? 五 貫 可 可 先 於 之 極 至 以 ; 有 行,五 見 此 立 行 通 生 見 此 己 乎 未 此 云 口 矣。 也 者 在 此 又 夫 太 大 深 發 心 發 得 而

散 亦 損 + 之 恙 其 謝 孫 哉 之合 裹洞 之道 間 即 程 而 益、益、 先 無 应 而 接 逸 所 太 其 而 子 亦 所 卦 生 所 其 於 然 極 寄 也 所 求 遂 周子之《易》 謂 家 議 多 疑 寄 道 事 動 謂 其 此 改 寍 今之《 矣, 《姤 皆 静 人、睽、復、无妄、蒙、艮等説 遺 論 又 天 者 訂《 傅 海 姤 理 有其 生 文 日 地 説 耆伯 俱 E 可 説 亦 同 陰 焉 先生 人 通 融 無 ×, 不 無 説 陽之義。」 物 成 生天 人 惜 書》 説 其 同 説 不 凡 之始 聞 在 未 之 後 哉 則 今考 諸 **%** 察, 之,當 本 吾 第 境 生 在 説 不 子 名《 鄉 時 况 但 禮 可 地 蓋 》者 其 永 百 而 夫 時 嘗 聖 易 傅 ***** 復 州 書 家 先 家 人 成 太 則 門 之 傅 正 從 一言 生 通 又 所 忽 見 極 鬼 獨 之 其書 書 訪 有 嘗 周 晚 耳 謂 生 者, 有 成 要 其 則 稾 書 子 年 有 感 乎 行 之 聞 出 所 六 謝 子 游 其 無 表 # 而

啓 加 悟 無 萬 極 111 或 而 以 義 訓 ^ 易 詁 文義名之,失 奥 台 益 著 夫子之 或 謂 妄

旨 屠 或 其 穆 劉 袁 伯 遠 下二 桷 又 實 因 傳 謂 矣。 穆 長 日 日 其《易 周 死 . : 一空圈 而 = \sim 子 於 胡 太 明 書 太 與 乃 道 極 胡 極 成 仲 圖 此 元 宿 啚 人 大 \leq 又 年 成 之, 邵 淺 朱 的 仙 周 吉 薄 子 確 陸 之説 子 口 不 發 自 子 時 事 根 謂 陳 静 年 之説 潤 周 希 + 亦 州 子 夷 川 大 也 得 傳 爾 浮 於

誤 時 時 動 火 動 何 静 乎 瑭 動 而 無 自 生 日: 極 極 愚 今 陽 而 而 蓋 智 觀 動 静 周子之《太 天 皆 動 乎 之, 乎? 地 極 知 ? 之, 則 而 水 天 天 静 地 火 乃 不 9 極 陽 陰 雖 謂 静 能 圖》, 之 之 渾 陰 而 牛 静 然 陽 動 生 地 其 者 者 陰 不 相 ,水不 説 也 生 也 口 静 謂 不 離 能 果 果 太 極 亦 復 生 何 何 極

説 葉 附 者 者 深 以 以 慮 是 也 游 濂 陳 通 無 之 太 9 九 淳 至 句 發 發 紹 溪 義 極 雖 於此 方 矣。 極 翁 周 解 今先生既 明 明 爲道 而 理之微 其 也 云 子 : 日 太 此 日 何 無 見 : 未 學者 輒 寂 出 極 心 始 昔夫子 復 也 焉 欲 發 不 之 然 之 於 始 ? 慈 口 密, 己 知 自 始 易 無 妙 其 太 妙 發 疑 而 湖 太 反 知 量,併 人 有 用 思 極 者 有 明 亦 之道 用 楊 此 極 復 肖 夫 熟復 孔 非 也 太 而 氏 世 心 其 先 萬 論 天 子 極 E 子《易》道 後 不 昭 以 所 辯 善 其 地 ^ 發 而 -識 學 然 信 其 然 通 以 未 精 深 明 究 吾 其 試 濂 元 口 聞 書 望 發 味之哉 造 靈 微 心 極 言 公 之先 以 即 溪 w 於 之蕴 在《易 者 化 澄 源 其 是 辭 無 後 夫 驟 吾 之 不 説 神端 生 之 之 無 子 而 心 極 又 · 藴 昧 驗 加 **%** 高 之 學 所 極 章 窺

得 間《易》 篇 楊 則 以 未 燦 極 首言『太 極 不 爲 察 時 再 啚 啚 然 有 其 有 易 可 喬 陰之與 而 此 即 説 説 理 日 不 不 極 圖 此 乎 . . 即 口 口 即 圖 陽 或謂 亂 此《圖 亂 末 ? 潘 有 也 易説 謂 此 清 言『《易》其 先 别 故 之相 説 逸 説 儒 有《 》發明 誌 立 所 即 但 依 易説 墓,言先 論 以 見 無 則 渾 至矣』,蓋 明《易》 殆 其 極 可 **%** 而 不 盡 而 謂 無 生作《 考之《 此 相 太 之相 理 别 離 極 外 天 0 太 太 安 地 觀 生 竊 而

手授 \sim 《太 作《太 《元公年表》,書 公特 説 按 乎 聞 薦 聞 + 生 興 元 啚 太 · 云 ? 焉 五 一爲 國 公 南 與 移 極》一圖 伊伊 極 元 未 而 知 縣 友,令二子 元 伊 極 無 此 攷是 圖 公之學, 郴 程 程 公 之 抉 ĴΠ 圖]1] 闡 極 縣 公珦 覿 其 先 見 撰 乃 圖 Ŧ 年 年元公以轉 自 秘矣。 + 面 生 濂 爾 明 獨手授之,他 聖 曾 假 於 道 者 是 溪 慶曆 不 文公謂 然 師 四 刊 倅 自 是學 行 而 南 傳 之。 則 爾 南 南 石 得 狀 後 山 軒 從 0 六 之 渡 華 安, 之妙 云: 陽 者 張 年 時 其 其 秘 何 運 偏 Ш 推 度 氏 後 明 因 知 妙 莫 地 程 使 一先 安, 業 具 先 與 虔 蓋 然 手 子 得 道 IE 謂 演 干 授 生 先 州 作 文 先 於 未 逵 生 年 以 陳 其 而

邵

氏

則

傳

自

希

夷

周

氏《

太

極

啚

亦

傳

自

希

夷

仙

家

遂

謂

彼

道

爲

我

宗

祖

不

知

傳

口

而

見

各殊,見殊

而

學術

分矣。

詹

景

鳳

曰:「今之《易》圖

皆

邵

氏

所

傳

也

有

太

極」之旨微差

線。」

錢

本

日

周

子《

太

極

圖

説

>

於

孔

子

『易

之志 呼 官 孔 惟 叙 知 業於元 入於 爲 周 吕 范淳夫、朱公掞、邢和 遊 興 而 論 子問 於 劉 其 事 嗣 其 後 道 茂 與 其字者,而《遺書》凡及元公,必 學,自十五六時, 一,遂厭 叔 叔 郯 行 得 老 要,復出 斯 志 禮 釋者 子云然,蓋 事,皆不言其 公者。 之。」繹其文,若 未知其要,泛濫 之 立 明道之卒,其弟子 元公墓,亦不 東見 於老子、問樂於萇弘、問 謂 科舉之業 語 從周 幾 人於老釋也邪 録 然 不然,何以 + 》則 年,返 弟 茂 與受業有間 聞 子 有 叔 以 慨 · 及 二 汝 稱 問 叔、游定 於諸 「昔受學於 元 似 求 然 南 學,斯 師,無 公爲 女朋 一程子 求 乎未 諸 有 周 道 求 茂 六 矣。 師 從 直 猶 夫 若 潘 未 受 出 叔 經 道

> 者也。 其父而 名而 夫既 實 出 非 IF. 直 思墓 人,後避 弟子義 呼其字,至以窮禪客目元公,尤 正 伊 以 思 更焉。 學]1[,稱其名下字同周,程 下哉? 英宗藩 所當 亦不引避。 傳 伊 孰 出 JII 邸 謂二 此 矣, 嫌 且 皆 昔朱 不 名 程子 元公初名惇 事 應下 改惇 之 子 而 可 智 表 同 呕 頤 請 程 其 疑 反

《太極 絶倒。 集》者附 又按:二程子《 一篇,文末 圖 録 ***** 一語 伊 有]11 陸 遺書》畢生 而 無 象 近 極 Ш 代 而 字,可爲 編 太 極 不 濂 辨 道 溪

三力

晁氏說之《周易太極傳外傳因説

《通考》:八卷。

贵 説 知 説 房、 非 之後也,從 家 去 朝 王 科舉 其黨 散 果 無 章 不 之自序 氏 鄭 而又 句 賢 合 得 古 則 佚。 康 (寶,語) 活者莫 也 有 事業,決意爲 日 人之 否 日 成、虞 之, 其後曰: 而 有 是時 師 逮紹 能 容 1 新説 及《易》而異之,良非 其於 翻、關 乎 也 嚮 子 聖 ? 王氏之説列於學 邇 文 至自 聖人制 戊 雖 務 以 子 果 僕年二十 五經之學,不專 寅 然,因 明 一言 於《 爲 金陵、學者耻 之徒,使 新異之説 《易》得 邂 作 也 是 之 逅 有四 洛 本 數 僕 孟 家 僕 意 小王 官 陽 恨 喜、京 平 異 寒土 者 偶 楊 又 其 爲 之 乎 得 生 老 既 脱

之,服 悉以 於二 所 傳 子 如 是 楊 僕 無 康 所 何 『吾昏病 在 而 其 伯 初 嘗 爲 獨 楊 節 四 且. 四 由 授 灰 種 卦 中 指 温 圖 敬 詰 聞 行 先 商 康 勤 燼 則 名 之之言 乾、坤、坎、離 此 也 楊 問 年 生 游 可 瞿 不 而忘之已久,今日因子之言 元 。」越明 。二三年 之老 將七十, 自 啚 指 傳》者 日《商 年 見伏羲之《易》矣,而 知 得 既 爲 時 循 書 丙 先 而 《易》 也 也。」自 而 環 午 夜,二十年 生 瞿傳 避難 H, 與與 尊 冬, 無 中風, 少 之 平 懇 圖 如迷 其 四 方 在 高 遺 是 從 金 生 掛 圖 體 旁,雖 郵 視 編 楊 賊 人 語 人識 衣 爲 從 其 也 間 殘 洛 謂 音 老 猖 僕言 雖 冠 有 稟, 與先生 歸路, 必 輹 有 親 清 狂 以 輒 楊 Ŧi. 師 文王《易 可 至 朋 濁 求 其 輪 日 世 作《 寶 老 也 之請 南 人 哂 不 俱 圖 有 而 日 『得 也。 端 京 感 得 無 藏 則

四

晚

年

復爲此書。」

《易》

傳,

名

日

《商

牛氏思純《太極寶局》

作。

起是年四月十八日辛未,迄七

月

《易》則日

不

能

,可乎?

益

爲

親

朋

以

追

者,幸也

乃

避

地

海

陵,病能

飲食,

而

於

復灰燼

是時老病之軀存

於灰燼

之

外

戊

申正月,真

州

E

寇

遽至,而高郵

之傳

追

作《易》傳數帙,未有條

理。

建

炎二

年

牛 學傳授,邵 編《象數鈎 按:思純,師德之子,見趙 師 德 師德傳子思純 深 雍 圖》。 傳之司 其述古今《易》 馬光,光傳之 元 輔 所

彭氏與《太極歌》

其亦艱

哉

其亦艱哉

恐未必以僕

言爲妄作

也

嗚

呼

吾道

《易》一家之書。後有好古識變之君子,

傳》,又有《外傳》一卷,《因説》一卷,備爲

其舊,或得厥新,凡六卷,名之曰《

太極

或忘

日癸未,凡用七十有二日,稾艸具。

陳

振

孫

日

二、「其

自言

《易》,紹聖間

遇

圖,

又

從

其

學本康節。 洛 子 瞿 伯 陽楊賢 傳 温 **%** 得 兵 其 寶,得康 遺 火後失之。 學京 節 氏

四

存。

盛

氏璲《太極

城 《南昌府志 人。淳熙中領鄉薦 温 如,名璲,以字行 ,授奉節 郎。

氏淵《太極

之昏晦 邪 也。 疑者 是 心 於林栗之章,而 不知皆取於《易》之大意,而學者不深 之分不當反其類者。諸説紛紛不一,殊 統,不可偏指 言『各具一太極』者; 仁 陰陽,或以 翁 可言「體立 之説 精 昏 而 酉 義中正不當分體用。 階 何 序 迷 至文公朱先生屢爲之辨明,尚 見其言約 妙 阻之 其 也。 也 日 而 著 多 甚矣。如《太極圖》之説,世之 :「道學之失傳 图 太極 而 乎! 書 也。 覺。 則 爲陽動者; 後 兩 夫道之不明、不行也,姦 而 陳、賈 用 陰陽不 然是 卷, 先 道大,文質 或以 行』者 師 酉 有謂 理 節 偽學禁之請 繼善成性不當 因 當 微 有 齋 有謂 9 侍 也 分道器,或 妙 體用一原,不 先 有 謂 立 而義精 久矣,人 而 謂 生 仁 得 難 物 乃 義中 不 能 亦 爲 而 見 意 由 考 Œ 劾 以 可

得 生 名數 者 之 紛 太 則 非 人察理未精,講 由 氣之所由 太 極 有 淡 云 所以 理。 此 附 極 周、朱之言何由 充 極 周 ,是有二本 得 而 無 前 朱 者 也。 和 書之明且盡者也。 於 於 味 極 非 即 盡 ,以誤天下後世者多矣,未見若 聖 變易之中 遠 而傳 不思無 用之精,本無 而 先 始 不 其本,而 世之言 賢 太極 生 且 미 也。 之心 授,周、朱 窮 不 比 加 極 論 深 <u>_</u>, 觀 之 次 學者不觀太極,無 一物各 者乃至極之得 取信於 而 未 者 謂太極之上别 探 於體 至 無 整 有 明,徒務 0 微 極 理。 極 齊, 不 之太極 然則 孔 得 具 之間 也 人哉 易之 無 子 條 老 其旨 以 。聖賢 無 謂 太極 理 新 師 ? 而 得 知 妙 極之真 詳 奇,泥 宿 名,不 趣之大, 有 易 之心 况時之 先 理 爲 ; 者, 密 儒 之所 至 周 有 生 以 無 法 於 中 子 先 紛 知 即 太 真 而 知 極 古

之盛 不 益 失作書之本意也。」 細 顯 其 前 光紹 使學者有 酉 不敏 前緒、 日 不 揭 就 足 示後學 月將之功,是 以 表 暴先 也

生

著

述

亦

不

厥

功

蓋

《太極 通旨》

戴 氏亨《太極

卷。

佚。

謝 鐸 日 二《太 極 圖 説 》,臨 海 戴 亨著。

0 有「用」字。 黄宗 《宋 元 清 道 光刻 本)卷 六 **八十二**

八,以毋自欺爲第一義。」]字子元,•師事木居先生丘漸。 其教

余氏童《太極圖説》

八卷。

佚。

王氏萬《太極圖説》

田氏君右《太極説》

卷。

朱氏中《太極演説》

佚。

0 「□□」,薈要本作「按亨」。

佚。

心理學,著《太極演説》、《經世補遺》。」 應廷育曰:「中,義烏人。 從徐僑游,究

謝氏升賢《太極説》

四四四

孫氏羲《太極圖説》

卷。

《南昌府志》:「孫羲,字伯隆,豐城人。」

程氏若庸《太極圖説》

《徽州府志》:「程若庸,字達原,休寧人。 淳祐中爲安定、臨汝兩書院山長,咸淳戊

辰登進士第,主武夷書院,學者稱徽庵

先生。」

饒氏魯《太極三圖》

卷。

何氏基《太極圖

卷。

未見。

四 Ti.

1483

徐氏霖《太極圖説》

卷。

《姓譜》:「霖字景説,西安人。 ,授沅州教授,後知汀 淳祐初試

王氏柏《太極衍義》

劉氏黻《太極説》

卷。

王氏幼孫《太極圖説》

佚。

佚。

程氏時登《太極圖

存。 載《蒙川集》。

薨,弟子稱曰蒙川先生。」 館 其後由昭慶軍節度使掌書記除學官,使 學,率同舍伏闕論丁大全,安置南安軍。 鄭滁孫曰:「公字升伯,樂清人。 泛海,陳宜中迎黻共政事。 中書舍人、吏部尚書、端明 職,●擢御史,遷諫 省,歷集英殿 殿學士。 及羅浮,以疾 修撰、 三王 在太

一使」,據《宋史》卷四百五,當作「試」。

四六

胡氏希是《太極圖

卷。

未見。

疑》、《太極圖説》。」 《姓譜》:「希是,仲雲之子。元革命,家 居著述,所著有《洪範考訂》、《大學稽

李氏道純《太極圖解》

存。

朱一 是曰:「羽士也、《道藏》有之。」

郝氏經《太極傳》

《太極演》

以爲道,所以爲易,所以爲神。 顯。 乎其間,妙萬物而爲神。 天下之理無滯無弊,道之大用全體旁行 出也,其終也,皆自夫顯 矣。故其間有開闔之幾、總萃之體、變 經自序曰:「天下之理,一隱一顯 物,至今而不窮,至今而冥冥也,至今而 萬物無不隱;闢焉而生,天地萬物無不 之用、布散之跡焉。其始也,皆自夫隱 而不流,確乎其不可拔 一翕一闢,一生一藏,一隱一顯,所 而不易。而易 翕然而藏,天 而 返也。 天地 於是 加 地 動 萬 而

存。

四

羲之 《易》者衆 隱 隱 《易》者必 《象》,皆自太極推 顯 神 也 爲 底 爲 昭 羲、文,莫不怳惚茫漠,以爲高 故『易有太極』,而太極、《易》之本也。 室 之藴 者,而 顯 前 賾 辭 而 、變動之用 昭 攝 者 圖 爲説 爲 無 也 太 止於 網者必 上,反 奥皆具 必 爲 極 文王 是以 先 矣。 由 圖 太 亦 爲 則 求 也、布散之迹 其 極。 窮 爲 而 出 其 提 之卦 聖人作《 其 於 開 户 原 畫,爲卦爲爻,爲象爲數 爲 爲深,爲 其 開 太 本,本得 卷 故《易》之爲書,本末 築底而無上 顯 出 也。 闔 綱 極 而 ,於是爲太極 前 周 之幾也、 易》, 便 衣裘者必 由 圃 公之爻、孔子之 孔子獨 幾 及 而《易》道 孔 伏羲發之。 也。 爲 推 乾、 子 微 深 復 其 總萃之體 故道、易、 坤,直 ௱ 挈其 窮 爲言之, 出到 隱 反 遠,至 來,言 者 可 推 原 而 學 伏 造 求 其 爲 築 而

《説 《易》之序也。 《彖》、《象》、《文言》、《説卦》、《序卦》、《雜 卦,既 推 單 業,其扶示道本,挈舉《易》 聖。後世之言《易》也,則在夫孔子之後 知孔子之《易》,則 『易有太極』之一言,固 辭》上、下 卦》,皆所以承三聖擴 自 矣,故當由 圖 几 簡 之師 流徂源 出 至 》,文王演 聖人之手 卦》、《序卦》、《雜卦》,其次讀 一易者 兩儀、四象,造 精 ,讀《易》者當 且熟, ,由末及本也。 愐 探索羲、文之前, 孔子之《易》以求三聖之《易 ,莫不 以 伏羲,周公演文王,孔子演 爲 蓋 然 至 意言象數之本,皆 後 先 知三聖之《易》矣。 煩 起 讀 後 至 先讀《繫辭》,其 天地 而充 | 當 相 屯 難 孔子之《易》,其 即 大 蒙蒙 紐 萬 之也;其《 此 包 轉 夫《易 諸 物,則 伏 以 舉 卦, 乾、坤 斡 義 爲 萬 學也 神 演 在 此 世 成 **河**河 嘗 夫 於 學 次 之 於

道 太極 『易道 焉。 是矣。 爲 義 《易》,觀道、易、神之髣髴,不失吾身之極 《象》之名義,探諸太極之前而 秋》、《論語》、《大學》、《中庸》、《孟子》名 序而各爲之説 取太極等六條 洛,遍參諸 諸太極之後而演其顯,問津洙泗以 標準,類《繫 分《易》爲四,爲伏羲《易》、文王《易》、周 合爲一圖,以示其序 建極」,合隱顯 ·□□、皇極等凡二十四條 故取道、易、神等二十三條爲 圖,以示其序,而 也;其 益 故取『太極』一章,以爲學《易》之 極」,演諸 儒 次取《易》、《書》、《詩》、《春 辭》、《文言》、《説卦》、《彖》、 庶 爲 ,謂爲『易有太極』,所以 耐 一類,合爲 幾數 太極之前者也; 立 極 各爲之説,謂爲『人 而各爲之説,謂 年之後, 成《易》也;其 一圖 爲 演其隱,徵 一類 以以 可 其 以 及 示 類, 次 演 其 次 爲 學 河

流 《易》、孔子《易》,合爲『四聖易圖』, 類,六十篇,總謂之《太極演》云。 極 擬《易》』、『傳注疏釋』等類,以爲《易》之支 成《易》者也,其次爲『孔門言《易》』、『諸 序而各爲之説、爲之圖,演 神而明之, 餘裔,見太極 存乎其 爲《易》之用,□□ 人焉爾矣。 太極之後

以

示

其

所

以

儒

劉 氏因《太極圖後記》

存。

0 作「以 □□」,據《陵川集》卷二十九,當作「人輿」。 及」。 薈 要本

0 作「也進」。 」,據《陵川集》卷二十九,當作 極 盡」。 薈 要本

四 九

凡

耐

無

劉氏霖《太極圖

佚。

盛如梓 《太極辨》,不遠數百里,訪而投之。」 院,講太極,立説頗異。 重名,初立 : 朝便 衢 州 有 徐 氣概。 經畈 番士齊德 歸 科 柯 第 Ш 道 勝 創 學 著 負 書

齊氏德勝《太極辨》

卷。

佚。

《江西通志》: 「劉霖,字□□,●安福人。

從虞集學。 至正丙申舉於鄉,不仕。」

吕氏洙《太極

卷。

程氏存《太極

圖說

卷。

佚。

佚。

應廷 育 日 : 「吕洙,字宗 魯 永 康 與

弟 溥從許謙遊,著《太極 圖 説 《大學辨

《休寧名族志》:「存,陳櫟弟子。」

0 書》本)卷七十六,當作「雲章」。 據《(康熙)江西通志》(影印文淵閣《四庫 薈要本作「雨蒼」。 全

Ŧī.

載《峴泉集》、《道藏》亦有之。

解》

朱氏本《太極圖

佚。

《南昌府志》:「本字致真,富州人。 至正

間,用薦授福州路儒學提舉。」

未見。

卷。

周氏是修《廣演太極圖》

卷。

佚。

陳氏樵《太極圖

卷。

佚。

自經死。」 紀善,改衡府。 初爲霍丘學訓導,高 錢謙益曰:「是修名德,以字行,泰和人。 靖難 師 廟 擢 渡江,人應天府學 周府奉祠正,陞

張氏字初《太極圖釋》

五.

卷。

極焉 太極 則 是生 端自序略曰 具 兩 之稱 儀 兩 儀 蓋 推 爲太極。 孔子而後,論 則 而至於六十四卦,生之者皆太 形 : 太極固太極。 器 「太極者, 已具 四象生八 而 太極者皆以氣言。 象數 其 理 卦,則四象爲 兩 未形 無 儀生四 朕 耐 之目 其 象, 理

《老子》道生一,而後乃生二。莊子師之, 曰:『道在太極之先。』《列子》渾 論之。

微周 子啓千載不傳之秘,則孰知太極之

理 而 非 氣 也哉?」

陸 樂戊子舉人,署霍州學正,學者稱月 元 輔 日 「曹端,字正 一夫,澠 池 人。 川 永

> 張氏 元禎《太極 説

卷。

未見。

卷。

戴氏號《太極

몲

説》

未見。

葉氏應《太極 -説》

卷。 佚。

<u>Ті.</u>

一卷。

存。

勢固 變 易 也。 也。 流 無 在 水 有 也,必合而 之遠 於於 也 時 乎,源出 濂 而 中序 無 載道莫 溪 羲、文、周、孔之相 白 無二也。 是 有以 而 周 今學道者委棄 而 日 : 氏、伊 不 後 於 以爲有二水焉,亦 可 備 委之去源之遠 途 有 一而 由漢逮宋,爲《易》之言者 量 於經、《易》者,五 道之在 異 所]1] 極 派 止。 其 程 一,其 流 其 氏、考亭朱氏之學, 不循 然則 於世 必分,至其流 承,源 所謂 分多矣。 前 也,疑 也,猶 是 源 所從來,至 水 必 不 者 也, 源之得 察 最後乃 經 源之不 固 行 之過 之源 之委 未 雖 地 嘗 其 之

《易》者何其衆 學,其 合異 合而 奥義,以 《易》,究《 孔之旨 於《易》爲大。 之暇,盡心於朱子之學者,我 後之志,沉涵浸漬 生,天挺其資,神授之識,卓然 羲、文、周、孔 精焉,將 羲、文、周、孔之言者,不盡心 無所不究,而於《易》爲深 剥乎文字之際,窮其平生之力 爲 蓋朱子之盡 止者,固 何 醇 同 統 何 所 圖 如 承乎畫 統 以 循 也 **>**′< 殊 之言哉? 論 沿 故 在是矣。嗟乎! 今之治 也 書》之微旨,會《易傳》之 歸 於畫 士之有志於《易》 以 心於孔子,無 虚 ,於朱子之學莫能 於義 卦生爻之初 上遡乎? 齋 卦 之盡 卒 理之中, 生爻之 肆我 極 於 此 心於朱子,亦 所謂 圖 所 羲、文、周 於 蔡 朝 有 朱子之於 而 而 初, 之解 不 朱 虚 追 而 無 分 該 子之 齋 委之 須 前 而 專 欲 析 前 而 臾 先 明 開 明 而 解

1491

我考

以 已矣。 見 以 挾 悚 往 雖 門,士之在門者以百數,先 之既得 衍 者果有志於羲、文、周、孔之言以得 之,使知斯道之委蓋 而 而 文,梁木其壞,時 乎廣大,孜孜然惟委之循,沿而 隕越, 而繹 而 於精 無 日之所待。 《圖》、《書》,探索卦、疇,人於精微而 傳之,以與同 無所啓發,遂終爲顓愚之人,大負先生 爲可語以斯言。 所資 人頌之,此編乃其著述之大者,士 矣。 惟先生之學,著而 藴 之於退 如不 未 於時文,莫肯盡 時 能 能生, 每一 中 庶幾,隱 私 志者共,且 中獨 少 者 忘其 臨 而知 顧 蓋 在 抱遺 今日 文 於此。 亦 詞 顓愚, 黽勉朝夕, 學,即 展卷,未嘗 一僭述其 爲書者既 顯 心。 有 編,不敢棄頹 生獨 就 義 年。 荒 嗟乎! 遊先 故 聞 不 落, 加器待, 之於 時 天 概 止 其 生之 喪 已 恐 中 不 以 源 或 家 斯 進 終 告 媿 學 刻 源 極

者,其可忽焉而不盡心哉!

Ti.

四

左氏輔《太極後圖説

一篇。

存。

右載廖道南《楚紀》

楊氏廉《太極圖纂要》

一卷。

未見。

孔子之言。 所以明《易》,觀其本號《易 矣!』至於《通書》,雖所 其《説》之終篇 廉自序曰: 「周子太極之説,出於《易大傳》 其爲 日 圖 . 一, 正 『大哉《易》也 所以 以 明《太 通》可見矣。 明《易》爾。 極 斯斯 圖 其 故 即 要 至

Ŧi.

Ŧī.

辨此,則於《圖》所見無全牛矣。」 體玩三四十年,庶得其旨。』有志於學者須 《易》。斯圖也,斯理也,實四方上下、古 今來衆理之會。本朝薛文清公謂:『細心 知《易》之兩儀、四象、八卦,乃有畫之太極 《圖》之陰陽、五行、男女、萬物,乃無畫 往 之

周 氏山《太極圖 解

卷。

佚。

化庚子舉人,知保德州。」

《紹興府志》:

周

Ш

,字静之,嵊

成

王氏承裕《太極動静圖

卷。

許氏譜《太極

康僖。」

太常寺

卿,

後

至

南

京

户

部

尚

書。

存。

背經之説,其所究深 之義,撰圖著論 仰遠近,參驗 何景明序曰:「昔者聖人之作《易》也 曰:『《易》與天地 ,蓋玩《易》 有 而稽 得 其 準。」函谷子發 而 合,其言廣大弗 思精,其辨皙, 矣。 作 者 也 或 曰 : 罔 明太 有 貳,故 繆 其指 太極 悠 極

未見。

端毅公恕第七子。 陝西通志》: 「王承裕,字天宇,三原人, 弘治癸丑進士,歷兵、

刑、吏三科給事中,陞太僕

少卿,

轉南京

Ŧī.

莫違 爲 谷子 苟 啚 人之道,貴相 尊尚 徒 説 襲 也 乃 其説 也 置 儒 荷 異 先 發明 同 之論定 同 發 其 其旨 不 矣, 間 貴襲,貴相明不貴同 矣, 雖異 而 何 靡 學者尊尚之。 也 同 有 ? 其 發 間 明 予曰:『聖 其 無 害 道 其 終 函

乎 誥 舍經 假 多 經 則 破 至 ? ,其言皆緯 欲 瑣 誠 欲 聖 自 也 一,妄以 序 碎, 無妄,天 而 觀 人 以 聖人之言謂之經,經者猶 日 事 經之外, 而言,是聖人之言,天之言也 天道者,舍聖人之言,將 明道 背 :「聖人者克全天德。 緯 有 戾 前 也。 下 無 可 聖 雖 ·實有 乎? 爲 道 經 千萬 然 言,復分 愈 則 之道。 不 傳 故夫六經所載 欲 世之久、千萬 可 習 觀 明。 既 理 聖人之道 彼好高 久, 氣之論 蓋 布 天無 牢 何 帛 皆 所 不 喜 之有 不 人之 皆 者, 言, 穿 本 誕 然 本 可

> 德 尚 已久。 貴 下,不有同 道 於經 本 之安,安計 何 吾道之不明,吾心之不安也。 藴 於經, 天 冀 所言 幅, 言 Z 耳 亥 同 而 下一 爲 而 八 吾 雖 賤 乎? 出 徒 論 而 月。」 目 心 有 以 П 吾心 心 + 背 他人之言乎? 者 , 矧 辨 私 章 安知 經 雖 指 必 析 意 淺 一而是 然, 者 將 而 精 家之説 測之也。 群 不 正之,吾之幸也。 哂 微之士 四 心 吾言者 嗤 與 可 者 海 而 既 存 鄙 之中、 道之所 共 灼見 嗚 焉。 謬 行,百家 故吾之言 乎 斥之矣, 呼 吾求吾心 戾 白 1 千 斯道之 在 孔 世 古 爲 之 X 也 尚 IE 啚 之 廢 情

王 氏 廷相《太 極

篇。

談氏經《太極圖説》

弘治

壬戌進士,歷官兵部尚書,提督團營,掌 錢謙益曰:「廷相字子衡,儀封人。 存。

都察院事,加太子太保。」

何氏維柏《太極圖 解》

卷。

未見。

沈氏賓國《太極圖衍》

卷。

未見。

《兩浙名賢録》:「賓國字用之,義烏人。」

卷。

未見。

嚴繩孫曰: 「縉字朝章 無錫人。 自號荷

橋子,隱居不仕。」

俞氏昆《太極圖

卷。

未見。

學者稱爲裕齋先生,時號湖東四齋。」 《廣信永豐縣志》: 康齋、胡敬齋、婁一齋爲友,講性命之學, 「俞昆,字佑英。與吴

一五七

龐氏嵩《太極解

一卷。

未見。

鄭氏守道《太極圖説》

未見。

舒氏芬《太極繹義》

一卷。

存。

二《伏羲則圖畫卦》,起下文也。其三《伏疏爲八圖。其一《河圖》,數著原也。其崔桐論曰:「舒子之爲《太極圖繹義》也,

以

作圖》,《太極圖》。

以《

河

圖》

側

而

觀之,

合也。 三女生於坤之老陰,亦合。』參之生蓍倚數、揲蓍 以一、二、三、四爲五、六、七、八、九者,四 求爻,皆合也。 艮生焉; 爲坤焉;七數一奇兩偶,少陽爲震、兑、 九數三奇,老陽爲乾焉;六數三偶,老陰 也,次六、七、八、九者,成數分八卦也。 舒子云: 『中五者,太極也。次十者,分 四隅之空以爲兑、震、巽、艮者,八卦也。』 象也。折四方之合以爲乾、坤、離、坎,補 極也。奇數二十、偶數二十者,兩儀也。 朱子者。按:朱子云:『虚五與十者,太 兩儀也。次一、二、三、四者,生數分四象 羲成卦 偶兩奇,少陰爲巽、離、兑生焉。 其四 》,成卦不著畫,直分陰陽,見 以後天三男生於乾之老陽,亦合。 別擬《伏羲則 其五圖《 濂溪 圖 畫 則 卦》,若 圖 **河** 以後天 八數 與 圖》。 異 圖

至於屬 子 所 也。 子 道 冬春之交者。』 之大全。 禀於有生之初之天命也。』實有 理 命 太 根 七《 口 太 見太 於 也。 胎 男 由 極圖 卦 極、 ,太極全體本然之妙昭然矣。 天太 日 秦漢 者。』 此 》 論 日 女 陰 氣 其 氣、 出 \approx 論 太 極 1 陽 極 其曰 以 以 日 Ŧi. 極 日 兼 之全 日 圖 來之諸 寄 理 Ŧi. 性 質 之 質,性 氣 |: 『秋 『土之寄王 本陰 王 而 行 之位,五 説 質 男 禮 寓 之 日 論 無 女 焉 而 辨 **河** 儒 數。 陽 混 冬非 相 餘 言 既 日 0 也 至 闢 可 近之性 欠 : 圖 生, 也。」實有 夫 行 啚 以 『人之生 理 肅 也 惟 而 理,性 其 其 之數 以 之德,立人之 與 而 殺 非 推 左 夏 言 形 天 其 也 有 乃 以 其八《 券 Ŧi. 秋 陰 六 相 地參矣。 善之性 補 而 異 闡 行 百 世 之交、 者 \sim 禪 日 於邵 陽 於 有 後 不 物 性 性 荷 之 命 朱 則 日 Ħ. 其 天

> 水下 應,《 者 相 之後,繭 論 Ŧī. 窮 窮 不齊,命之所 木 人心,前乎 而 有 者,不 柔 理 理 值 前 行之序 不 德 怠 盡 ,習之所 性 Œ 有 也 哲 蔡 性, 蒙 也 如 在 義 絲 未 之 氏 》所 是 發之 述事 所 4 百千萬年 兹乎 有 之 也 至 也。 毛, 以 以 以 未 生 羽 於 繼 ? 相 相 及 藴 有 翼 然 叢 嗚 五. 志,道、 遠 定 也。 近 成。 也 則 後 呼 見 行 之前,後 也 9 抑 而 9 舒 之學者 百 ! 在 火 火 亦 是 其 之所 無 子 出 天, 散 烈 厥 皆 我 論 可 移 所 有禀受,厚薄 心 道 見 窮 者付 潮 乎 有 以 金 金 以 要 之 理 百 天 責 沙 自 深 遒、木上、 氣 剛 未 知 信 所 理 之天 千 極 於 與 有 水 之 微 月 其 始 成 於 同 萬 質 然 相 所 無 不 年 在 之 己 ,

⁰ 王, 文鈔》本)卷首附崔 據舒芬《太極釋 桐《太極 義》(明 繹 萬 義 論》, 曆 四 當作「土」。 + 八年刻《梓 溪

一六〇

以 異,又知其所以同 ·; 斯 可 以論《太極繹

義》矣。」

唐氏樞《太極枝詞》

存。

程氏霆《太極圖説》

未見。

《徽 嘉靖 州府志》: 丙戌進士,官户部郎中。」 「程霆,字 仲復,婺源 人。

陸氏堺《太極存疑》

篇。

卷。

周氏原誠《太極圖論》

佚。

徽州府志》:「歙縣人,字彦明。」

存。

置喙。 求異也,姑存所疑爲論,尚請正於君子。」 都御史陸公垹,字秀卿,别字簣齋。 徐文貞公志墓曰:「巡撫河南都察院右僉 绑自序曰:「太極之辨,自朱陸後若不可 (元末徙嘉興。中嘉靖丙戌進士。) 客有以爲問者,予疏答之,然非敢 其先潁

會,不可訓理。」

錢德震曰:「其言太極、儀、象、卦、爻之

孔氏學周《太極辨疑》

八卷。

翕 氣 又加 意旨 四 閩 年 啚 葉春及序曰 而《易》行乎其中矣。』天地之始,一易耳。 块然太 造 象、八卦之本,謂之太極。 而 中, 也。 而 化矣。 慘謂之陰。 以『無極』之文。 未見 濂 孔 余爲 易無 自象 溪 憲 虚 緣 之序。 卿 『易 極 : 山、紫陽 混 爲《 是 「昔者聖人畫 淪 復 有 變易 辨 《傳》曰: 圖 太 而 推 疑 有所 極 盪 交錯 太極,直 蓋造化、卦 4 **%** 舒 相 數言 極, 隆 生 譏 而 卦 慶辛 『天地設 駁 指造: 流 燠 是 陰 立象 闡 謂 行 生 生 畫 垂 未示 發 不窮, 兩 之 其 陽 四 掛 則 位 致 H 而

《老》、《莊》、《列》書,而『易本 極; 乎謝 其 捋 若 合。 即 行 既本《易傳》,其説自合。 本 已有此,故曰 九。』易加於一之上,何其累哉? 謂之道 極,陰陽變易,眇無定極,而 爲文,無傷 河 易 中。』《易》 易變而爲 其 此 體。」又曰:『於陰 圖 ^ 於變易之無 類,夫子具言之。 汝慎先生之言 中,一易耳。 也。』有味 圖 説 無方無在,合一不 也 》、《易通 在 書》,聖人作《易》則之,周 ・「乾、 陰陽 周 其言之哉 極,見其爲太 圖 變而 ※出 之 陽之變易, 曰:『易 坤 列 原本《易傳》,其 生天生地 中、蓋 成 子 爲 憲卿 列,而《易》立 **>** 人,其 七,七變 日 測 有 無 救 無 皆 無 太 見 極 之 極 極」借 説自合。 姤 謂之神。 類成書 極 易 其 極 也 夫子 而 雖 而 無 太 有 爲 有 而 圖 乎 復 自 以 極 太 之 時 形 見 太 爲 善

一卷。

未見。

舉人,梓潼知縣。」《南海縣志》:「劉模,字叔憲。嘉靖辛卯

彭氏良臣《太極答問》

一卷。

未見。

《衡州府志》:「彭良臣,字時卿。嘉靖壬

子舉人,歸善知縣。」

沈氏亨《太極圖解

陸氏山《太極解》

一卷。

老

《平湖縣志》:「山字子周。未見。

清州判官,陞阜平知縣,調夏津,入爲光《平湖縣志》:「山字子周。太學生,除臨

黄氏宗炎《太極圖説辨》

禄署正。」

一卷。

存。

公,傳自陳圖南,名爲《無極圖》,乃方士宗炎自序曰:「《太極圖》者,創於河上

六

失茂

叔之故我矣,其病

可復

耶

爲

元

晦

混

四

爲

雖

極

其

推

崇

分

析

辨

解

之,

則

更

雜

以

釋

矣。

茂

叔

造化

也。

兩者本不同道。朱元晦

又

以

明《易》也

茂叔

之言太極

則

空

以

儒

其

病

更

人甚矣。

蓋

夫子之言太

極

來學

,借《大易》以

伸

其

意

混

二術

而

矣。

又懼老

氏

非

孔

孟之正道,不

可

藴

但

綴

説

於

圖,合二

途爲

門,其

得

圖

於

葛

長

庚

得

偈

於道

謙

而

欲

會

於

儒

日

「包義、

文王未嘗言

太

極

得

圖

[於方

土

得偈

於

釋

心證

於老;

所

莫

者

圖

有

旁門岐

路

也

老

莊

以

虚

無

爲

宗

無

榜

極

修

煉

之

術

也

與

老

莊

之

長

生

久

視

篤

遠矣。

周茂叔得之,

更爲《太

極

圖

窮

其本而

反

於

老

莊

可

謂

拾

瓦

礫

而

用

方士

以

逆

成丹,多

所造

作

去

致

夫

元

茂

極圖説辯》。」

存。

陸元輔曰: 景鳳字東圖,徽州人。」

王氏嗣槐《太極圖説論》

存。

徐釚曰:「爲《太極圖》説者,從前 不過

卷,凡七十九篇,三十餘萬言。 二卷而止。桂山下筆不休,成書 秦延君

《堯典》而後,僅見此書。」

經義考卷七十一終

門人臨川鄉權覆校

六四

1502

經義考卷七十二

《孝經緯》曰:「三皇無文,有文字之後,

仰録三皇時事。」

秀水朱彝尊

典,鎮也。

制法所以鎮定上下,其等有

Ŧi.

分,天地人之治,其體有三也。

^

五典》,

劉熙曰:「《三墳》,墳,分也。論三才之

男昆 田 校

也。

今皆亡,惟《堯典》存。」

爲琴筝。」

葛洪曰:「隱士以《三墳》爲金玉、《五典》

劉勰曰:

李先日 : 「三皇五帝之典,可以補王者 「皇世《三墳》,帝代《五典》。」

三皇五帝之書

神智。」

墳》、《五典》。《周禮》曰:❷『外史掌三皇 劉知幾曰:「《春秋傳》載楚左史能讀《三 五帝之書。』由斯而言,則《墳》、《典》文

五. 帝之書。」

典

鄭

康成

日 :

「楚靈王所謂《三墳》、《五

《周官·外史》:「掌三皇五帝之書。」

佚。《虞書》存。僞《三墳書》存。

賈逵曰:「《三墳》,三皇之書。●《五典》,

皇」,原作「王」,據四庫本、薈要本、《補正》改。

周」,原脱、據四庫本、薈要本、《補正》補。

一六五

體 葉夢 虞以 古河 其 非 楊 以 甚 聖人所以去之也。 農之言,及陰陽、醫方稱 義 易,太易之數三。•]是以形數名易也,其 倣古之爲 可 程子曰:「孔子討論《墳》、《典》,斷自唐、 稱述當時之事 識 非也 三五五 義 也。 爲變詐之用,豈上古至淳之道耶?」 時 得曰: 曰 : 又曰:『生生之謂易。』則易之爲易, 下。 置 深矣,始 ,了不知其何語,其妄可知也。」 其 代 典策,春秋之時猶大行於世。」 使誠 辭 此 乎? 「《三墳》, 姓 「《古三墳書》爲古文,奇險不 出戦 簡 紀》 不 有所謂 ,失其義 而質,遠 可 孔子曰:『神 國 以 或疑《陰符》之類是, 權變之術,竊 世傳以爲 形 羲、農之書,乃後 博 數 而 理,如許行所 黄帝之説 名 無 厚 也 統,其有意於 耐 無方,易 古三皇書, 濁 窺 是書《太 謂 機要, 爾,此 之太 謂 無 神 世

一六六

《易》,曰《坤乾》。 所謂 山》。 卦爻、大象。 鄭樵曰:「三皇太古書,亦謂之《三墳》: 於比陽民家。 天皇伏羲氏 晁公武曰:「《古三墳書》,張天覺言得之 臣、民、物、陰、陽、兵、象,而統 志》皆無之,世以爲天覺僞撰。」 一曰《山墳》,二曰《氣墳》,三曰《形墳》。 歸 藏 三墳者,山、氣、 人皇神農氏 **%** 地 《 連 本《山 皇 《墳》皆古文,而 黄 山》之大象有 雖 本《氣墳》而 帝 墳》而 不畫 形 氏 也。 本 卦,而 作《易》, ^ 形 七略 傳 以 作《易》, 八,日 墳 其名皆 乃 Щ \forall × E 隸 丽 《隋 歸 連 作

^{■「}三」,據《古三墳書》(宋紹與沈斐婺州州學刻本),當

家 形。 緯 其 不 藏 於近代,亦不 止、殺,而統以 至晋始 E 錯 傳, 書 世疑僞 天、地、 》之大象有八,日 皆八而 猶 綜 至元豐 出 見 有 取於前世 經 日、 《連山》至 書。 緯 八之,爲六十四。 爲 月、 中,始出於唐州 恐 氣。 異 然其文古 事 Ш 非 歸、藏、生、動、長、育、 ,况此乎? 《坤乾》之大象有八, 也。」 唐 後)ıl 始 人 雲、 之 能 其 出。 氣, 辭 比 其 然則始出 且 爲 質 而 書 陽之民 ^ 也 歸 而 漢 統 野 藏 以 魏 如

乾》,與先儒 之《連山》;《氣墳》,《歸 卷、皆依託也。」 漢志》不載。 中興書目》: 篇、《皇策》一篇、《政典》 其書以 言三《易》異。 「《三墳》之目見 山、氣、形爲别、《 元豐七年,毛 藏 ×; 其中 篇,●合爲二 漸 《形墳》,《 於《 有《姓 奉 Ш 孔 使 墳 京 序》, 紀 坤 謂 西

> 書也。 甚。 以 出 西 陳 時固已影響不存,去之二千載 子革之言。 典》,皆古史也,不當 下,前乎唐虞無徵不信,不復采 振 ,得之唐州民舍。 何 人之好奇,有如此 孫 可 《三墳》之名,惟 曰:「元 信也 蓋自孔子定《書》,斷自 ? 豐中,毛 况皇謂之《墳 其辭 其解 如 見於《左 毛 漸正 詭 所 者 誕 録, 不 一仲奉 ×, 而 氏 經,蓋 其 帝 其 取。於 ~右 唐 使京 謂 書 僞 之 忽 虞 明 尹 僞

子亦 不 口 書」,周公所録,必非僞妄。 朱子曰:「《周禮 可 通 不 知 曉 耳。 應悉 或或 是孔子所 删 去之。 · 外史》『掌三皇五帝之 見止是 或其 簡 若果全備,孔 唐、虞以下, 編 脱 落,不

羅璧曰:「《典》有五而逸其三,《墳》有三

一「一」,據《古三墳書》,當作「二」。

六八

而不存其一。

典》是 之紀 引 序 所 其 帝 源 歲 爲 無 義 矣,爰有大 王 Ŧi. 口 以 黄 意 帝之書』,《 讀 行 猶 在 民父母。』不韋《十二紀》成 書 應 不 Ŧ 端端 官,夫子 涒 产 可 無 帝 遺 可 口 理 也。 致 灘 絻 易 書 止 讀 日 宣 . 東 猶 . ,上古之書猶 也 哉? 也 圜 未 黄 『道 顓 有 面 嘗 前 在 然。 帝 春 所 存 而 頊 功 得 賢 E 若 以 秋 受於 者 又 莫 日 顓 學黄 謂 ^ ,大矩在 JII 見 又 傳》所 周 美 日 頊 臯 谷之水 日 郯 ^ 官 : 師 於 之 賈 存,前 至 帝 子 : 尚 夔、稷、 . 去 道 道 漢 誼 謂《三 之 \sim 外 而 下, 父也 惡 在 初 不 書 所 吕 學 聖傳 史》『掌 其 於秦 丹 汝 而 去 口 . 以 氏 也 契 一墳》、《 出 聖 書 爲 修 能 调 春 道 誨 少 有 八年 善 未 法之, 政 無 力 之淵 皥 武 顓 秋 孰 何 遠 語 罪 謂 頊 至 Ŧ 五 書 Æ

> 馬 學 帝 莫 吾 莫 謂 帝 我 民 痛 高 也 之器 爲 大 忠 寒 пV 堯 於 日 ,善緣 大 舜 萬 於信 馬。 慎 吾 之 博 饑 姓 巧,行仁 於 日 日 之罹罪, 愛 . 盡 : 也 以 去 善 吾 治 修 ; 日 吾 人, 一吾存 善 吾 此 也 「。」帝 其 盡 敬 吾饑 莫 盡 而 者之操 耐 非 民 吾 財 以 大 爲 吾 憂衆 心 政 敬 惡 有 嚳 使 於仁 惡 之 敬 於 莫 加 惡 罪 以 日 吾 也 生 先 而 高 身 而 而 接 . 下 故 之不 以 古 吾 於 專 與 己 \neg 吾 非 事 此 緣 其 博 爲 慎 也 故 加 敵 民或寒 吾 吾 遂 仁 巧 我 美 此 利 見 志 惡 善 者 L 也。 故 陷 矣。 也 而 謂 於 緣 0 之 之 善 見 已矣。 窮民 惡 故 事 謂 故 也 故 德 故 日 而 也 信 此 莫 見 政 節 而 E

^{● 「}而」,據《新書·修政語上》(《四部叢刊》景明正徳

以《形 者。 乾 也 者 吾 天皇伏羲 安毛漸 黄 蕭 大 有《易》 不待辨 典 古三墳 三墳》,而斷 震 必 訓 取 相 而指 之《易》。 今其 之以 不 之 國 夫《三墳》雖 墳》又次之, 則 〉,神農 而 墜 存 能 IF. 爲 書》 孔 載 氏 書 矣。」 於 知 仲 收 敬 人 事 ◎連 乃 秦 漢 於 也 乃 安國 皇 特 自 有《 之 愚 者 以《 博 唐 稱 唐、虞二《典》爲書。今信 神 山》之《易》; 其 五 書,後 本草 又曰: 按 一,若高 不 州 士官之書,則 元 作《書序》, 而 農 Ш 所 得 口 豐 比 指 墳 以 之以 氏《 伏 》,黄帝 復 陽 七 爲 世 帝 V 爲 「三皇之書, 羲 爲 年 歸 知 道 能 地 所 僞 敬 畫 第 奉 藏》之《易》; 民 皇 除 謂 以《氣 概 有 也 明言孔子 有《素問 八 間 使 軒 挾 史 以 不 倚 卦,歷 京 轅 書 册 爲 此 而 相 今之二 容 墳》次 西 之律 之 指 伏 僞 所 帝 不 **%** 類 坤 辨 去 得 讀 文 爲 古 Ŧ

> 之篇,亦 實 天 否 空 無 劉 此 法,非《三墳 墳》綴以《皇策》之篇,《形 E 政 氣墳 皆 耶 談 元孔 地 歆 稽 外 典 ? 無 况 意 始 日 前 無 \langle **%**言 子 理 月 餘 ^ 皆 於 謂 有 好 而 指 Ш 歸 Ш 藴 竊 異 念 山 成 無 夏、商之世各 爲 》書 連 藏 III 墳》言君 取 者喜 理。 今之《易》, 證 ^ 雲 生 山》、《歸 「墳》綴 也。 其名爲《三 周 據 動 氣 毛 言之,自 禮》六典 不 長 漸 以《姓 臣 育 知 藏 乃 民 字 自 三才 止 墳》綴以《政典》 以 ×, 墳》之書 政 物 各 謂 殺 有《易》,於 晚 紀》之篇 典 陰 胤 , 周 之 釋 博 出 **>** 易》三 爲 陽 古, 道 征 形 於 夏 | | | | | 墳 兵 備 Ŧ 氏 ·, E 事 || || || || 莽 焉 者 氣 乎 成 或 引

秦 馬 何 端 語 火 矣。 前 臨 日 漢 况《三墳》已 世 按 所 夫子 不 復 所定之《 見 見削 者 蓋 於 書》,其 杳 夫子 不 知 亡 其 而 於 謂 爲

漈好奇而尊信之,過矣。况又詳孔安國其書忽出於元豐間,其爲繆妄可知。夾

書序》所言, 好 奇 而 尊 信之,過 則《墳》、《 矣 《典》,《 况 書》也 又 詳 孔 一、蓋 安 或

篇之類也。《八索》,《易》也,蓋《彖》

《象》、《文言》之類也。今所謂《三墳》者《

山》、《歸藏》、《坤乾》之所由作,而又各有曰《山墳》、《氣墳》、《形墳》,而以爲《連

所謂大象六十四卦,則亦是《易》書,而與

百篇之義不類矣,豈得與《五典》並

稱

乎?

帝 稱《三墳》、《 金 之書 履祥 日 ,未聞《墳 \sim 五典》、《 周 官 × 外史》固 八 典》之名 索》、《 九九丘 也 有 《左氏 一》之書 三皇五

未知何書也,或當時別有異書,倚相讀之

引《三 定《 以 爲 書》之原,反滋紛紛。 博 一墳》、《五 耳 《書序》以 典》以 西己 堯、舜 皇 近 有 Ŧi. 世 帝 一《典》,遂 有《三 之 數 墳

> 《易》既 龜 Ш 有《 嘗 云 辨 有 得 Ш 其 六 墳 於 非 + \ll 青 ,今婺有版 四 城 氣 卦,安得 Щ 墳 其 書 形 本,蓋《書序 又有《三墳》? 始 墳》之名。 出 於 張 天 覺

啓其僞也。」

吴萊 《易》自三《易》, 荷言 典》, 之書謂 也。 Ш 加 誠 五帝之書」,楚左史 形 》,神 義 不 墳 大道 孔 雅 陋 日 太史公 》異焉。 農 之《三墳 安國《書序 馴 而 ,孔子 「《三墳書》, 作 本 其言伏羲 矣。 \wedge 所 坤 氣 又《周、 謂 且 不 墳》 》,墳 亦 乾 删。 》始 ×, 無緣合 一倚 縉 而 本《 官 與《 者大也, 言大道 相 以 紳 墳 近 作 孔子删 • 外史》『掌三 伏 能讀《三墳》、《五 先 出 周 Щ 歸 自 而 羲 生 官》太 僞 墳 藏 爲 難 神農、黄帝 書 之,此 愐 言之。 也 墳》, 也。 1 黄 作 其 所 帝 也。 皇 文 者 掌 連 鄙 外 本

掩其僞 《易經》之列 漢 有《紀: 於 頗 諸 讖 加 儒 乎 采 姓》者, 尚 用 喜 以以 73 以以 識 叙 引 著《路史》。 《三墳書》雖 上 爲非後世所 柴 古古帝 霖 之傳, 王 一之世 莆 近 可及,終不能 而 H 出 E 鄭 襄 庸 真 樵 陽 諸 不 謂 羅 古 愈 東 泌

也。

墳》也。 農《 家。 吴 存。 帝 也。 墳》,以 有 一墳書 介師道 定不可易之論,可乎?」 《書序》之文,先儒頗 歸 紹興 孔 予從 又 藏 Ш 氏 曰:「外史掌三皇之書,不言《三 有《姓紀 左史倚 》、軒轅《 張 中,沈斐刻 宋元豐中毛 、氣、形 以《三墳》《五 子 長 相能 坤 爲 》、《皇策》、《政典》之篇 假 乾 别 其 於婺學,近歲 讀《三墳》,不云三皇 漸 易》合其目 以 書 得之唐 典》合之三皇 疑之,遂以 伏羲《連 讀 之,所 又曰 州 ,《墳》各 二、云古 比 火 山》、神 謂 是 板 陽 爲 五. 不 民

易,爲 文志》 父母。 卷,題 儀,陰 撰者之謬。 既 按: 晁公武 同 何 後 謂 太 不 兩 混 一千年, 亦非 儀 序 明 人 知先天之義,故多誤 初之數 之太素,爲三才之始。 沌 其 亦 稱 爲太始 陽之形,謂之太初, 天 己 天高 日 兩儀 天 僞 炫所 可 地之 旦 無 ^ 復 四, 連 疑矣。 固 一云張 傳、《隋史》 《大傳》曰: 中青 明 生四象,四 撰 復出,裂 其 Щ 不 四 變。 而 易》, 者。 足 爲 商 數 清 城 按: 深 易 太易之數二,二爲 英僞 Ш 天復 子 地 辨 四 石 裂 博 載 長 略 選,蓋 象 象生八卦。』先儒 易 所 解。 太素之數三、三 石 爲 厚 乃唐 劉 謂 變 得, 爲天 墳 舉 中 有 太 而 炫 今其言 此 太極 一得其 所 而 濁, 極 尤 末 撰 書 得, 地之交。 天 涉 成 號,去之 卷 書 漢 謂 一,是 實 怪 萬 百 題 之太 以 不 地 H 矣。 誕。 物 數 兩 云 之 生 見 不

知哉 之。 統 爲 獨信之,亦好奇之過 典』云云,先儒皆以爲指羲和 足,此乃戒吏士之辭,故金先生《表注》因 前 文『邦有常刑』、『干先王之誅』文意 ,天地之備也。」其 易天地 其説 自 且諸儒皆不信其書 比 孕 Œ 於《易 矣,豈區 而 生男女,謂之三才。 爾。」 言 可 品 · 顛倒 乎 摹 ? 擬 而毛 錯戾,漫 傅 夏 會 林 漸、沈斐 者 書 氏 所 獨 無 E 謂 政 能 紀

信 吾丘 也」字,此書有之。」 言 衍曰:《三墳 資辛 俗 繆,字 法 書》,此僞 非 古。 本 ^ 尚 大不 書 無 口

方孝 盛 從 俗作之字引脚。 八戈,此從 熙明 而 孺 信之哉? 曰:「《三墳》乃僞 : 心加 書 之名真而實僞者多矣,何 亦在慎辨之爾。 其謬 筆。 甚多。」 走之合從是,此 書。 必字 辨之法 合從 隨

《歸藏易》。 《姓紀》、《皇策》之篇附焉。 言大道。 之淺深, 之交,太素者三才之始。 則不合,質諸道 神農之書 稱 墳書》者,則又凡鄙而易見者也。 觀天下之書,蓋十不失一焉。 名,以求 女,謂之三才。』頗剽莊、列之餘 地之父母 紀》篇 曰: 目 有 言君臣 伏羲、 = 而 傳以申之。 味其 民物陰陽兵象,謂之《連山易》,而 神農、 其 而 今此 ,太易者天地之變,太初 了,言歸 太 真 事之是 一辭,以 以《 僞 始者 書以《山 黄帝之書謂之《三墳》,其 形 無 考其 則淺 藏 非,質諸 墳》 望其世之先 所 生 元 匿 動 胎 陋 爲 辭 矣。 墳》爲伏羲之書 長 之 黄 則 而 天地 萌 育 帝 無 不 以《氣墳》爲 道,以索 吾嘗 1 稽 類 若世傳《二 之書,言 太 孕 後 Œ 殺 孔安國 , 執 脯 極 者 其《 者 其 謂 其 IE. 而造 是 生 天 姓 其 之 其 男 地 以 天

之,

其《

浮

謬者 合者 光 峰』、『 於衰 命 ? · 乎 義 後 則 異 日 一爲神 政 如 ? 周 也 策 婦 之時 説 世 日 典 論 日 H 世 禮 「木 曆 Щ () 篇 川雲散彩』、 農 爲 祭 此 雲 民 惟 一》始 策始 其 曷 生 耐 天 黄 其 氏 日 氣 爲 月 天 辭 往 有 之常 有 謂 之 帝 道 地 流 升 於漢 金 生 皆 往 四 之, 之事 書 之 於 民 霞 騰」、 所 竊 後 聖 四 民 談 淺 景 而 尅 世 人 民 之 取 0 口 惟 而 陋 謂 皆 丘 服 以 之物 俚 名 伏 乎 可 君 Щ III 謂 書 無 大 , 唐 野 ? 形 乎 乎 奉 天 伏 羲 氣 月 * 稽 之談 辨 ? ? 人 天」、『民 羲 專 籠 地 之 夫 此 陽 以 者 易》 爲 貴 浮 烟 氏 裂 之 時 其 謂 臣 相 貨 也 賤, 詩 丘 有 妻 而 曾 名 X + 封 而 爲 之 策 之 惟 損 川 Щ 其 之 拜 有 其 IE. 本 幹 語 尤 賢 術 恩 之 0 之 邦 益 氣 雲 不 命 論 0

及

起

婦

叮

伏

辭

乎

此

物

爲

否

之 中 序,不 者 西 取 漢 稱 其 作 本 時 也 所 之人 贵 者。 經 黄 亦 謂 殺 有 惟 其 大 食 《三墳書》, 猶 帝 異 變, 『政 著其 惟 即 風 文 故故 此 皆 H 哉 典 青 1 民 雨 絶 書 汲 月 是 天』、 姓 其 統 城 石 與 然 則 IE 也 然 冢 名 裂 書 惟 隱 此 又僞 本 書 世 孔子 其 雖 占」、「・ 者 自 出 書 諸 或 中 之 道 僞 所 稱 言 謂 此 者 僞 類 於 有 古 猶 周 僞 惟 天 近 書 未 先 石 而 而 不 天 耶 復 辭 天 代 衆 之 皆 時 匣 其 定 得 ? 地 中 復 察, 者 矣 者 文 出 爲 制 而 得 隱 也 近 殺 删 雖 於 器 上古之書 顧 唐 如 此 於 古 戰 不 然 惟 ^ 謂 使 昭 存 其 書 青 内 或 象, 孔 宗 其 聖 於 後 有 及 城 書 名 子 時 有 秦 時 匣 動 口

本) 據《遜 當爲「霰」。 志齋集》卷四《讀 Ξ 墳 書》(明崇 植十 六

七四

者 耜、 黄 《周易》不 耶 《易》,但云 者,亦可 以 F 黄帝者故曰 Ш 墳 而 日月也,其 一,是猶 三四回 亡其 因 ? 》、《歸藏》之名,以 其言, 帝垂 然則 也 書 俚野之文,而 瞽夫 以 可襲,則以《歸 ,孔子猶 知愧矣。」 亦惑之甚 衣裳,未嘗言三皇有所謂《三 安國之言亦妄矣。 孔 而 伏 《坤乾》,其 八懸破 子 復僭襲《周禮》三《易》《連 羲 不言,安國 氏 鏡 嘗言之。 畫 耶。 於空中,而欲自 欲托於三代唐虞之 爲伏羲、神農之書。 八卦、神農氏 藏 亦妄之妄者耶。 於乎, 》
先
坤 何 今孔子 據 彼 世之擬 後乾,名 僞 而 爲 言 爲 之繫 比 於 之 經 書

嘗讀 淺 胡 詩》,而《三 應 陃 弗根 E 麟 屬 曰: 心,惡覩 可 墳》不經見,則《春秋 疑。 「仲尼 所謂《三墳》者乎?」 况 費《 劉 炫所 易》、序《 上 毛 》倚 書 漸 所 相 傳 删 所

> 墳》爲 許行 博洽,獨信之不疑,毋乃過 按: 之書,足 杜氏注《左傳》墳、典、丘、索,第云 書,本於僞 以《三墳》、《五典》實三皇 書皆是,豈必《三墳》、《五典》哉。 皆古書名」,未嘗定爲三皇五帝 爲 外 書,人 神農之言、列子稱黄帝之 史所掌三皇五帝之書, 以 孔安國《書序》也。 證 知其謬,以 其 非 矣。 鄭漁仲 至於《三 與? 五帝 之 之 觀

經義考卷七十二終

弟子吴縣張孝楊覆校

經義考卷七十三

揚雄

日 :

「昔之説《書》者序以百,虞、夏

之《書》渾渾爾、《商書》灝灝爾、《周書

冊

篇

也。」

象二十八

宿,

謂

爲

信然,

不

知其

有

百

秀水朱彝尊

噩

爾。

男昆

百篇《尚書》

闕。

舜之道,下有三王之義。」 之代明,離 商 曰:「《書》之論 離然若星辰之錯行,上有堯 事也,昭 昭然若日月

墨翟 孔 臧 日 曰:「昔周公旦朝讀《書》百篇。」 時 人惟聞《尚書》二十八篇取

> 之。 好者,義之證也。」 劉歆曰:「《尚書》直言也,始歐陽氏先名 又曰:「《書》以決好,或作「斷」,下

鄭康成曰:「《虞夏書》二十篇,《商書 十篇、《周書》四十篇。」 几

功,凡百二十篇,第次委曲。 際。《書》之言信而明,天 迹,三王之義,所以 上世帝王之遺書也。」 春秋說題辭》曰:「《尚書》者,二帝之 推 其期運,明授命之 地之情,帝王之 尚者上也

孫帝魁之書,迄於秦穆公,凡三千二百四 尚書璇璣鈴》曰:「孔子求書,得黄帝玄

一七五

書 篇 度 + 候》,去三千一百二 『》篇題 以 篇 書 斷 也 白 號尚 ,如天行 遠 取 篇 者, 近 爲 定 也 Ł \wedge 尚 一十篇 也 可 書 Ŀ, 以 ×, 爲 天 世 + 垂文 法 又 八 者 篇 日 象 百二 爲 布 ^ 中 + 尚 節

始 劉 熙 加 日 書 其 ^ 時 尚 事 也 \leq 尚 E 也 以 堯 爲 上

葛 乎《 尋 昭 劉 昭 灼 勰 洪 理 爾 昭 則 也 日 日 若 雅 暢 H \approx 「《尚 月 則 書 又曰 之 文 書》者 **》**實 明 意 . 紀 離 曉 \sim 言 政 然。 尚 離 事 書》覽 如 而 之 故 訓 星辰之行』,言 集 子 誥 文如 也 夏 茫 嘆《 昧 詭 而 通

孔 穎 故 達 日 : 尚 尚 書》。 者 也 書 『》之體 言 此 例 上 代 有 以 + 來 .

篇 計 篇 誓 之。 之命》、《蔡仲 伊 禹 而 命》、《文侯之命 Z 湯 言 征 貢 謨 範。 日 訓 亦 計 「不言誥 其《 ^ ×, ^ 典 訓 **×** 曰 也。 泰 也。 洛 × 秦 \wedge ^ 益 臯 堯 盐 誓》三篇、《湯 之 太 誓》 篇 大 《洪範 七日 《五子之歌 稷》亦 陶 典 類 甲 日 **∀**, 誥 八篇 之 × 何 謨 **>**′</br> 訓 謨 命 康 × 也 党九 W 也 $\stackrel{\vee}{\sim}$ 訓 舜 謨 盤 咸 ^ 王 誓 篇,範 篇 八 篇 康 典》二 也, 庚 有 《説 日 之 誥》八篇, 顧 取 也。 計 》一篇 誓 貢 謨 因 日 命 命 亦 其 命》三篇 × 德 *\ \!\ 其 篇 命 也 世 巾 *\ \!\ 計 徙 几 \wedge \leq 仲 人 酒 牧誓》、 也 而 歌 九 日 畢命 典 《胤 ^ 伊 虺 稱 此 計 V. 禹 歌 也 也 日 之 故 尹 各隨 言 \approx 誥 貢 功, 征 **∀**, 征 計 五. 訓 微 以 **>** 也 甘 冏 費 子 召 非 肅 道 别 事 日

篇

計

凡三

一十八

篇,正

八,

攝

三十

誓凡十篇

j.

八,攝二,一篇亡。

訓

凡十六篇,正二,一篇亡;

攝十

四

陸

德

明

日

:「典凡十五

篇,

正

典二,攝

+

三,十一篇亡。

謨

凡三篇,

Œ

攝

例,隨 計 周 誥於下,亦誥 然誥也。 縢 奔 語》 分出 事」,亦誥 旧 公》之類,●亦命 亦 告 公誥召公,亦誥 当自 訓 録 也。《書》篇之名, 於受」, 其 辭 爲 便爲文。」 許 П 亦 **《**無 也。 知 體 **№** 也 誥 祝 也 逸》 高 《旅獒》戒 也 宗 也 ^ 戒 也。 0 常君 也。 西 彤 《多 王 ^ 伯 H 因 日 辭 ^ 陳》、《君 《多方》、《周官》上 戡 武 亦 1: **>** 王 事 刑 也 與《 黎 成》云 訓 **>** 亦 》陳 0 耐 以 尝云 ^ 也 訓 7 Ŧ 梓 訓 刑 牙 『識 告 命 序 祖 材 也 ^ 既 V 與 君 譜 ×, 伊 連 E 無 其 亦 奭 恐, 文, 金 體 畢 自 酒 政

> 篇亡。」 命凡十八篇,正十二,三篇亡,攝六,四

夫行 書》百 劉 商 之襟袖。 知 周 幾 不 篇 四代 由 日 徑 學 之典, 「孔子觀 非 者必先精 尚 書》者 所聞 乃 馬。」 删 書於周室,得虞、夏、 此 七 其 書,次覽 經 善者,定爲《尚 之冠 冕,百 群 籍 氏

復 吴秘 得 書》, 知。」 古 文 日 存 又 :「《書》百篇,漢存 多 百 篇 十六篇, 之義 其 而 亡 其 過 者二十 書 半。 Ļ, 孔子 九篇 不 序 口

道 務 口 也 馬 盡 光曰: 在 其 中, $\overline{ }$ 尚 爲 書》者,二帝三王 政 之成 規, 稽 古 嘉 之先 言 要

朱子曰:「《尚書》有不必解者,有須著意

1 「公」,據《尚書正義》,當爲「命」。

七八

明 得 説 只 是 虺 且 解 如 解 $\overline{ }$ 盤 矣。」 從 書》中 得 看 難 典、 是穿鑿 之誥》、《 者 庚 何竢 易 他 曉 出 謨 有 ,若要 諸篇 説 曉 於 諸 不 恐 略 終 處 又 太 解 可 未 篇 須 日 已 添 甲 ? 恐 曉 其 解 必 難 辭 :「《盤 減 諸 無 者 處 是 不 如《洪 解 稍 字 益 當 可 篇 , , 先 有 雅 硬 爾 曉 時 儒 庚 康 説 奥, 不 範 只 者 本 ×, 既 誥 是 可 將 亦 意 不 五譜 如 学之 去, 解 熟 則 又 要 須 此 須 讀 者。 日 屬 强 略 之 解, 儘 著 則 義 説 又 解 類 如《 $\overline{ }$ 得 意 理 不 H. 日 書》 解 仲 然 實 只 縱 自 可 如

程 大 良 氣 中 經 臣 去 華 大 碩 行 唐、虞 法 輔 H 者 精 : 神 盡 讀 君 唐、虞、三代 心 在 臣 尚 術 於《 一交相 之妙, 書 書》。 儆 當 聖 推 識 戒,夏、商 帝 唐、 天 明 虞、 下 王 以 以 與 代 後 爲 其

> 夏,白《 四言 平之目,即《堯典》已 夏、 則 要 其 所 後 帝者爲三 董 己 武 忍爲。 心 人 鼎 惟 也 乎三王 王 四言 書》之中,其 商 道之門 伐 所 不 臣 日 以 明 湯 他 . 紂 戒 以示 所 後 皇,世 「
> 響
>
> 、
> 《
>
> 」 故 者 略 如 帝 君 則 則 爲 自 以 齊 博 王之書,歷代 爾 無 事 歷 唐 開 爲 Ŧi. 天 約 湯 於明德 口 一尚 歷 形 迄 覇 知 運 治 之義 語》外 護 禹、 洪荒 陳 而 周 行之端 則 則《 意矣。」 盡 習 布 後 泉 有 尚 其 而 新 洪 救 未 戒 羲 非 惟 要。 務 民 百 權 範 所寶。 E , 君 和 後 之 篇 嘗 學 恐 譎 ***** 之。 之曆 儆 則《 È 綱 之 世 紂 數 而 其 又 惡 於 善協 一危 修 所 桀之惡。 説 非 湯之伐 經 前 書》定。 未 口 不 定 微 世 齊 聖人 乎 命 考 É, 然 治 地 之 精 五

^{■「}減」、原脱、據四庫本、薈要本、《補正》補

者

無

其

名

而

附

其

義

IE

三十

四,攝

六

熊 帝 禮 有 也 稽 各 辭 書。 之 盡 Ŧī. 緇 玾 春 書 主 始 制 朋 在 王 經 疑 則 IF 實 秋 設 政 各 來 於 於 煨 度 與 也 有 詩 用 官, 》褒貶,即《 事 此 事 主 文 易》 燼 修 攝 日 尚 禹 主 之 帝 壞 之分,正 而 ,學者其 王 即 禮》 己 雖 貢 如 咏 作、 全體 爛之餘 王 爾 典 ^ 任 令之 始 周 歌 此 主 建 (謨 人則 於 《易》主 官》六 即即 節 臯謨》命德討罪之權 六經 篇 修 置之一端,《 者 訓 可 伏 故 百篇 文,即 不盡 有《無 譜 有 后 羲, 齊治平之規 正 嘗 莫 夔之樂 其 誓 卜筮,即《洪範》之 卿 官 謂 然 心焉 備 命 義 僅 〈虞 率 僚 逸 於《 六 有 存 凡 而 屬 則 ×, 書》之 書》 卦 百 教 經 其 īF. 之事 書》 有 篇 未 V. 其 也; 半, 莫 模 則 有 周 政 古 五. 五. 注 事 備 而 也 ^ 》諸 也 官 周 者 業 禮 經 於 宏 攝 紀

計 之訓 誥 告》、《釐 黎 稷 作》、《九 典. 六。 居》、《徂 三篇、《咸有一德》、《高宗肜日》、《旅獒》、 疑 多 無逸 原 */« *****; × \forall 命 至 士 令大 ^ *; 典 酒誥 攝 ×, × 》、《多 微 攝 仲 訓 × + 攝 者 禹 者 子 虺 后》、《沃 共》九篇、《稾 ^ 沃》、《汝 仲丁》、 臣 者 Ŧi. 周 六 謨 + \equiv × 》、《召 扈》、 十四:《五子 篇 篇 方 官》、《 *\ \!\ + \equiv ^ 武 × Ē, : T IE. ^ 泉 誥 鳩》、《汝方》、《夏 成》、 《盤 ^ ^ 河 咸 * 者 君 日 陶 者 禹 湯 》、《洛 亶 飫》。 义》 庚》三 謨 奭 刑 貢 ^ 誥 語 三十八 甲 金 × × × . 》、《大誥 四 × 之歌》、《太甲 9 縢》、 語》、《康 伊 ^ ^ 謨三篇 篇 篇 ^ 攝 典 洪 堯 祖 訓 者 典 政 ^ ^ 寶》、 範 篇 \approx 乙》、《分 伊 梓 西 ×, \approx ^ , 社 陟 王 高 材 伯 Œ Ē ^ ^ ^ 帝 之 康 宗 益 舜 戡 者 明 汩

姑》。 ○ 語》、《 牙》、 誓》、《 誓》、《湯 黄 子之命》、《蔡仲之命》、 之命》、《費誓》、《秦誓 戡黎》、《微 命十八篇,正 大 無 賄 鎮 浩 命》、《文侯之命》、《肆 逸 肅 篇 成 ~ 秦 湯 洛 將 歸 慎 日 誓 誓》、《盤 誓》、 誥 ^ 之命 蒲 ^ 禾》、《 君 康 堯 子 姑 奭 典》、《 伏生 誥 》、《牧誓》、《洪 《泰 者 **%** \approx 攝者 多 \approx + =: 庚》、《 嘉禾》、《 《顧 一所授《 誓 方》、《 攝 誓 ^ 泉 酒 者 + 》三篇、《 命)陶 誥 高宗 六 《顧 篇 ^ ^ 謨 今文尚書》, 多 漢武 説 嗣 × 命》、《 : *\ \!\ 成 士 吕 Œ 命 命 彤 ^ 範 征 梓 Ŧ. 牧誓 君 ~》、《畢 者 一》、《湯 刑》、《文 日》、《 》、《金 禹 時,又人僞 旅巢 政 ^ 材 陳 八 貢 一篇、《 7 * × × **※**、
一
甘 凡二 命 政 縢 西 命 征 《費 《君 ^ 微 召 伯 甘

《夏社 《君陳 告》、《 語》、《 篇 居》、《 篇 尚書》 之誥》,通今古五十八篇。 獒》、《微子之命》、《蔡仲之命》、《周 分《盤庚》一篇爲三篇,分《 祖 説 堯典》爲《舜典》,分《皋陶 五子 歸禾》、《嘉禾》、《成王政》、《將蒲 泰誓》 命 伊 一》、《疑 釐 汩 伊 肆 之 》三篇、《 增 》、《畢命》、《君 陟 沃》、《 訓 作 命》、《徂 歌 多 篇,爲二十九篇 高宗之訓》、《分器》、 *\ ~ **∀** ×, × 伏生二十五篇 至 原 太甲》三篇、《咸 九 一》、《臣 湯 命 泰誓》三篇、《武 胤 共 后》、《沃 征 征 ×, 一》、《汝 \forall 一》、《仲 九篇 牙 仲 扈》、《典 × Ţ 丁》、《咸 逸《書》四 顧 謨 ^ 鳩》、 虺 × :《大禹 孔 冏 命》爲《 》爲《益 稾 安國《 命 河 旅 有 寶》、《 **%**汝 飫 成》、 曺 巢 姑》、 德 命 官 甲 方 康 稷 又 謨 《帝 明 分 旅 湯 Ŧ 文 川

賄 肅 慎 之命 》、《亳 姑 **%** 又 白 篇 之序

篇 夏商周之書。」 君告民者。 告誡之言,有 有當紀載 何 異孫曰:「書者,古之史也。 通 前 今古文合百篇之數。」 者,史官書之簡策。 孔子定《書》百篇,名之曰 君命臣 者 1,有臣 告君 有 當 時 君 者 臣 事 虞 實 有 相

《書》之後乃有《易》彖象辭及諸經書。 薛 賢發明性理之名,雖有淺深不同 言道、言中、言性、言天、言命、●言 善、言一、言斆、言學之類,多見於《 瑄 「經凡言德、言聖、言神、言 實實 「誠、言 皆 心 原 聖

孫宜 玄孫帝魁之書,迄秦穆公,凡三千二 於《書》也。」 一千年, 篇。 曰:「《尚書緯》言孔子求書,得 黄 書至三千二百 帝 至 堯舜不遠,堯舜至 四十 篇,不 秦 過 白 黄 穆 帝 几

> 篇 可信。」 沈 耶 嗣 ? 夏 選 斯 止 日 漢 DП 儒 篇 序 侈大之言,無 稱 耐 百篇 虞 反 商、 + 足 Ŧi. 信 周 皆三十九 篇 也 此

不

國,舉 之。 好。 聞 按: 聞 Ŧi. 是説,而 書》百篇今尚 吾 月, 其 詞 歐 鄭麟 或 前 或 藻。 世 李資 陽 朝 書 居 葉 無 永叔《 趾 貢 籍 大 徐 少 人識 義 多 獻 海 高 藴 福 還 存。 屢 好本,命館 日 9 麗 疑之,馬 行 古文。」永 自宋,奏云: 往 本刀 史》: 令嚴 土 時 來,士 壤 書 歌 沃 宣宗 不 未 翔 *\frac{\times}{\times} 伴書 許傳 人往 叔 饒 仲 焚, 八 風 亦 雖 年 所 帝 往 傳 逸 俗 疑 有 中

言命」之「言」,原脱, 據薈要本、《 補 IE 一》補。

⁰ 海」、《補正》: 「當作『島』」。

高麗 宣宗 郎 日: 注《孝 開百篇《尚書》,而高麗未之有也 云 方索之以歸,真無異癡 無之,况日本乎? 國之《書》耳。 不殊。」然則高麗之《書》,猶 海外異書。」答曰:「與中國《書》 王惲《中堂事紀》載 不足者 求 又按:《白 是咸平中,日 書 葉春及上書,請命封 「答四 世子 八年者,實 「傅聞 目録授之,且 經》來獻,不言 ,亦須傳寫附 祖來朝 虎 岳 汝邦 通 本 百篇《尚書》高 日裕汝衆,或有 德 有《古文尚書》及 僧 宋 ,宴於中 論 日 : 乃萬 奝 元 》引《尚書》文 :中統二年, 來。二月 然以鄭 祐六年。先 有《尚 人説夢矣。 倭使臣多 曆 雖 書省,問 初 有 康 夫中 尚 麗 録 卷 成 書 且 第

百 《大傳》文也。 文皆逸,未審是百篇《書》中語, 惟梓,西社惟 云:「太社惟松,東社 又云"「必立賞罰,以定厥功。」又 人王者。」又云:「不施予一人。」

栗,北

社

惟

槐。」今其

抑

惟柏,南

社

篇 之 序

卷。

存。

事 傳》,上紀唐、虞之際,下至秦繆,編次 廢、《詩》、《書》缺,追跡三代之禮 口 ,故《書傳》、《禮記》自孔氏。」 馬 遷日 :「孔子之時 周 室 微 序。 而 禮 其 書 樂

班 固 日 「《書》之所起遠矣,至孔子篡

劉

歆

曰 :

「孔子修《易》序《書》。

序,言其作意。」 焉,上斷於堯,下訖於秦,凡百篇,而爲之

序,各陳作者所由。」《隋‧經籍志》曰:「孔子删《書》,别爲之

第二 序。 《蔡仲之命》次《君奭》後,第八十三, 九。 孔 在《立 同 前,第八十六。 爲在《費誓》前 九 命》後,第九 十,鄭以爲在《湯誥》後,第三十二。 云孔子所作 穎 孔以《咸 達 十六,鄭 孔以《湯誓》在《夏社》前,於百 政》後,第八十八,鄭以 曰 又曰:「百篇 不同 + 有 依緯文 以 書序》, 九 者 第 孔以《費誓》在《文侯之 一德》次《太甲》後,第 爲在 鄭 孔 九十六。 以 依 次第,於序孔、鄭 也。 鄭 爲 玄、 壁内篇次及序 在《 扈》後,第二 百篇 馬 孔以《周 吕 爲 融 凡六 在《立 刑 王 》前 孔 篇 + 鄭 肅 官 爲 以 + 不 兀 爲 以 並

文,鄭依賈氏所奏别録爲次。」

卷,孔 陸 明 以 日 各冠 其篇 馬 、鄭之徒 首,而 亡篇之序 百篇之序 即 總 爲 隨 其

次第,居見存者之間

序,敷 若 劉 知 不先序其意 幾 暢 日 厥 義。 $\overline{\wedge}$ 難 書》 以 列 曲 典 得 (謨,《 其 情,故每 詩 *含 比 篇 興 有

朱子 《書》之總目 林光 夫子之言。」 朝 曰 : 日 : 書序》恐 ,猶《詩》之有《小序》也。 「序 又曰: 乃 歷代史官相 即 \sim 是 小序》決 經師 所作 傳,以 非 決 孔 非 爲

董銖 言《書》之所起遠矣,至孔子篡時,上斷 觀《書》得 日 :「《書序》之作,出 其 序 則 思過 於聖人 半 矣。 無 班 疑 於 古

DA

作。 意 堯 相 下訖 授 今玩 受,以 而 林 於秦 少 其 爲《 穎 語 凡 乃 《書》之 意 謂 百 非 ~書 篇 總 聖 序 而 一人其 目 爲之序 乃歷 者 孰 非 代 言 能 孔 史 與 子 官 其 所 作 於 轉

先 葉 王 班 言 適 世 古 . 倚 的 日 固 傳 相 大 「以《書序》爲 事 止 司 爾 據 馬 前 遷 遷 後浮稱,兼《左 因 孔 孔 子作,其 安國 氏 安 説 楚 或 本 靈 出 無

此

哉

語》、今本闕焉。」
王應麟曰:「《大傳》之序有《嘉禾》、《揜

之 傳 成 舜 馬 在 廷 辭 側 帝 厥 亦自爲 功」。 微 鸞 堯 如 此 』,接《禹 日 起 : 益 蓋 於 $\overline{\ }$ 足 篇 史 書 證 謨 首, 氏 序 》則 古序 舊 学自 後 文 日 接《舜 自 爲 也 爲 泉 陶 編 典 今《史記 篇 矢 則 故 厥 而 謨 日 以 相 》序 昔 禹 虞 續

> 作 類 初 序》之僞 金 而 書序》作《 詩序》。 有 時 作 履 序 ·, 祥 且 所 可 孔 泰 \Box 矣,❶獨《書序 不 衛宏之云,朱子嘗引之以 誓》 傳 知 免。 書》首尾 $\overline{ }$ 古 也 H. 前 文, 其 有 漢 爲 其 書 僞 , 齊 影言 書 出 》疑 後 魯 最 漢 張 何 諸 而 後 書》言: 覇 况 儒 未 采《 則 次 斷 書 附 第 左 衛 序 證 附 會 方 宏 傳 之 之 漢 書 作 會 ×

之篇 篇 發 陳 加 書》。 爲 明 櫟 則 之序 雖 日 其 依 班 . 間 頗 311 言其 固 簡 依 漢 至 日 略 有 文 劉 . 作 立 與 歆 尤 意。」今考序 孔 義 經 無 日 子 前 相 . 所 篡 戾 \neg 補 識 孔 者。 ^ 書 見 子 其 淺 文 修 於 非 陋 凡 於 ^ 已亡 孔 易 百 子 見 無 V 篇 之 序 所 存 所

⁰ 四 書 序 庫 全書》本) 據 金 履 當 祥 爲「詩 通 鑒 前 編 》卷 七(影 印 文 淵 閣

作 與 作 或 但 雖 明 甚 云 論 謂 顧 得 《墳 《書序》, 之 世 壁中 代 (典》 久 八遠,不 序 而 等 所 亦 語 以 未 可 隔 爲 嘗 復 越不屬,意 作 以 知 者 爲 之 孔 然孔 意 子 安 亦 所

者 諸 時 鄒 引《小序》,雖亡篇之序 口 亦 篇 見。 自 經 季 及僞《 見之,非專出 有 ,是太史公未見孔壁書明矣,然却 友 百篇之序,故太史公見之,造僞 日 : 泰誓》 $\overline{ }$ 史記 於 篇,並 孔 盡 壁 亦有之。 引《今文書 也。 不引孔 意 壁 所 西 + 書 增 漢 多

商 辨 出 樊 良 其 辟 直 僞。 中 樞 以 日 簡 蓋 由 「《書序》在 序 是篇以 序 述 周 一帝 讀經文,乃 之德 五. 疑 十八篇之外,云 顯 非 聖 得 而 微 其 人 序 義 不 夏 能 兼

孫寶侗曰:「《書序》爲後人僞作,逸《書

作

也。」

佗告萇 之命 之名 百篇 篇亡,爲《書序》者不知 口 而 而 康誥 命以《唐誥 疑 孔 封 之内, 子 於 ,并百篇之名亦 亦多不典。 \vee , 所必 《康 弘 少昊之虚 耐 其言 誥 疏 封 録 \forall 漏 ×, 於 也 而 魯 顯 至 殷 。」其言 唐 封 也 然。 如《 虚。」 今獨 誥 於 未 日 》,《周 夏 信 其篇名, 左氏 是則 其言 衛 矣。 虚 康 也 《傳》定 命 不 許 書》之三篇 一是則《 晋 以《 日 但《書序 》存,而 而不列於 也 伯 四 命 伯 年 禽 日 禽 以 祝

按: 傅 鄭 紀 之,此史公據 小序》有 西晋諸儒均 注 加 《書小序》西 若孔壁《 周 百篇之序次 注,見於陸 官 一学引《 未 古文 以 之見 書 作 漢孝武 第 尚 前 夏、 序》文以證 氏《釋文》。 與 書》,漢、魏 孔 馬 殷、周 時 融於《 不同 當即 書 本 保 見 又 有

於《正 保 無聞 傳 堯。」「伊 時,百篇之序先著於漢代,初 傳注本漆書古文,是孔 氏,皆大夫官。」「作《成王政》」,傳 言,故號曰受也。」「殷始錯天命」, 湯爲謚,或爲號。 見古文,而見百篇之序。」攷馬、 傳本下 云 周者,爲周 堯」,傳云: 安國之傳 書小序傳》附紀於後。「昔在 周 EI: 「受讀 焉。」「殷始咎周」,傳云:「咎 義》。 公爲 一錯 有「不豫」二字。 尹 同 相湯 廢 所咎。」「奔告于受」,傳 H 師」,傳云:「保氏、 時 一益 許謙 紂。 而出也。今以 也。」「武 」,傳 也。 亦云: 然不在謚法,故 或曰受婦人之 云:「俗儒 翼 善傅聖 王有疾」, 傳未上 「鄭 「召公爲 氏 馬 不 師 以 帝 氏 與 之 鄭 不 日

官 姑」,傳本「蒲」作「薄」。 本「 所以達四方者,其由來古矣。 文,而并疑古文之有《小序》。 瓚」,傳本無「平」字,「錫」作「賜 崩」三字。「平王錫晋文侯秬鬯圭 既尸天子」,傳本此 傳云:「成王將崩,顧念康 必有序。 百篇之序,實自漢 又按: 朱子疑《詩 召公、畢公率諸侯輔相之。」「康 伯作《賄肅 書小序》。 東郊不開」,傳本「開」作 辦」,「肅」作「息」。 • 外史》「達書名於四 政」作「征 而 慎之命》」,傳本「俾」作 今百篇之序,即 疑孔安國 0 將 有之。 小 句 「作《顧 序》, 遷 上有 所 其君 「王俾 方」,此 竊 闢 傳之古 而 王,命 「成 命》, 謂 外 并 于 然 . 榮 蒲 周 疑 Ŧ 書 王 史

又按:《伯禽》、《唐誥》,王伯厚云《揜誥》,《史記‧殷本紀》有《太戊》一篇,《孟子注》云「逸《書》有《洲洲》之序」,《歷志》引古文《月采》篇,俱不入百篇之目。是則書名尚多,其篇目偶逸者與?

弟子宜興萬廷詔覆校

經義考卷七十四

秀水朱彝尊

王充曰:「《尚書》本百篇,遭秦用李斯之

一十九篇,即以教於齊、魯之間

漢定,伏生求

其書,亡數十篇

得

男昆 田 校

孝景皇帝時

,始存《尚

書》,伏

生

E

燒五經,濟

南伏生抱百篇

藏

於

Ш

寬。 篇。 中。 議 各益一篇,而《尚書》二十九篇始定矣。」 宣帝下示博士,然後《易》、《禮》、《尚書》 得逸《易》、《禮》、《尚 Ш 中,景帝遣鼂錯往從受《尚書》二十八 燔 至孝宣皇帝之時,河内女子發老屋

《今文尚書》

子得《泰誓》 隋書》:「伏生口傳二十八篇,又河内女 篇獻之。」

《漢書》:「

伏生,濟

南

人,故

爲

秦

博

士。

存。

漢志》: 經二十九卷。

伏生治之,欲召。

時伏生年

九十餘,老不

能行,於是詔太常,使掌故

晁錯往受之。

孝文時,求能

治《尚書》者,天下亡

有

聞

正言,言不可曉,使其女傳言教錯。 衛宏定《古文尚書序》云:『伏生老,不能 顔師古曰:「此二十九篇,伏生傳授者。 齊人

秦時

禁書

一,伏

生壁藏之,其後大兵

起,

流

伏生老死、《書》殘不竟, 量錯傳於倪

書》各

一篇,奏之。

語多與潁川異,錯所不知凡十二三,略以

其意屬讀而已。」」

陸德明曰:「即馬、鄭所注二十九篇。

行,史因以入於伏生所傳之內,故曰二十《泰誓》本非伏生所傳,武帝世始出而得

九篇。」

孔穎達曰:「《今文尚書》,劉向《五行

傳》、蔡邕勒石經皆其本。」

文句上,为省诗语 J 南 见。 葉夢得曰:「《尚書》文皆奇澀,非作文者

故欲如此,乃當時語自爾也。」

八百字。」

鄭

耕老

日

:「《尚書》今古文,合二萬五千

孔氏《古文尚書》乃有此篇。今顏氏注劉朱子曰:「伏生《今文尚書》無《武成》,獨

歆所引,見其與古文不同,遂皆以爲《

文尚書》,不知何所考也。」

王應麟曰:「二十九篇是計卷,若計篇則

《大誥》、《君

奭

《多

方》、《

多

士》、《梓

誓》、《洪

範

* \ \

康

誥

×

《酒

誥

金

縢

邕 三 十 傳 石 謂 經是也 之今文,則 四,去《 泰 誓 歐 陽、夏侯三 猶 有 三十 一家所 傳及蔡 伏 生所

必兼 以古文多平易,今文多艱澀。」 考古文,不能復以古文之《書》訂今文,是 金 履 祥 有今文諸篇。 日 一. 孔 壁 中 安國 不惟有古文諸篇 雖 以 伏生之《 計

伯 熊朋 伏生二十八篇者,《虞書》則《舜典》合於 之,故曰今文,凡二十八篇。 書》則《湯 僞《泰誓》一篇,故《藝文志》稱二十九篇 夏書 堯典》、《益稷》合於《皋陶 戡黎》、《微子》,凡五 來 w 則《禹貢》、《甘誓》,凡二篇; 曰:「晁錯 誓》、《盤 庚》、《高宗肜日》、《 所受伏 篇 生, 謨》,凡二篇 《周 及武 以 書》則《 一帝時 漢 隸 《商 西 得 牧 寫

一九〇

之命》、《費誓》、《秦誓》,凡 材 康王之誥》合於《顧 ^ 召 誥 ×, 洛誥》、《立 命》、《 政》、 十九篇 吕 刑》、《 ^ 無 9 文 通 逸 侯 爲

莫或 蓋 然 錯 也。 儒 吴澂曰:「《書》二十八篇,伏生口授 曰 一十八篇。」 不知二十八篇之外猶有《書》也。」 所 不害其 以 辨 「伏生所 治 意 東晋後以增多之書 别 屬 不 爲 過 闇 讀 古 者 此 亦 授二十八 書 爾。 也。 甚 也。 哉。」 當 其間 漢、 時 篇 以 雜之,今之儒 闕 魏 誤 應二十八 兀 真 百 顛 上世 年 倒 間 古 遺 而 諸 宿, 多 者 又 晁 書

崔 生二十八篇, ,傳疑可也 銑 日 孔 子删《書》爲 傳信 可 也。 百篇, 若晋人晚 今存 出 者 之 伏

神,其辭簡樸無枝葉,詰屈少便利。其更郝敬曰:「伏生《書》二十八篇,與古人傳

《臯陶謨》合《益稷》,《盤庚》合一 乎? 端 沈 篇之數者,乃强分之,非 續 王之誥》合於《顧 嗣 前 層 選曰: 畳, 真 悠 足爲 是古 遠 條 「伏《書》以《堯典》合《舜 萬 人真 暢 世 命》,皆 非 國史之宗矣。」 意,委婉 聖人之言 也。 不可 周 易。 至 而 篇,《 能 欲合 氣 典》, 若 若 康 是 斷

序,故 《泰誓》雜之其 惟 所教二十九篇,其 氏古之良 十九篇教於齊魯之間 然《史記 十八篇,故 按:《今文尚書》,伏生所授 太誓》近得 ·緣《藝文志》云「經二十九卷」, 馬、 *\ ~ 史,不應以 鄭 漢 漢 因之, 非 儒 中 書 其 以 也 **>** 俱 一篇 本 亦總 擬 經。」 非生所授之 稱 故 二十八宿 司馬 乃百 伏生以 Ŧ 爲 竊 肅 一卷。 氏、班 疑 云: 生

《太誓》。

惟因董仲舒對策引《書

所傳,頒之學官,掌之博士,本無

晁錯

所受,濟南張生、千乘歐陽

生

又按:伏生授《書

|| 在

孝文帝時,

疑者,今文豈有是乎? と繫日,律以《召誥》、《顧命》,•書 之繫日,律以《召誥》、《顧命》,•書 之繫日,律以《召誥》、《顧命》,•書 法不同,在《古文尚書》中最爲可 法不同,在《古文尚書》中最爲可

其一是序也 《小序》分冠各篇之首。 傳訓皆有之矣。 氏序傳並出,不知《别録》暨馬、 之序總爲一卷,至孔氏傳出,始 不察,遂謂伏生今文無序,序與孔 於後,故陸德明稱馬、鄭之徒 又按:古者《書序》自爲 予故疑二十九篇 後人習 篇, 百篇 鄭 引 而 列

故趙 鄭 誓》,得以充學。」合之王充、馬 使讀 《太誓》書於壁内者獻之,與博士 哉。』」與僞《太誓》文偶 况劉向《别録》明言武帝末民有 復哉」,特讚嘆之語,非 知董生所引祗稱「《書》曰」,不言 屋,流爲 有 而必屬《太誓》之辭乎? 會以武帝初即有《太誓》一篇。不 曰:「白魚入于王舟,有火復于王 「《太誓》曰」,安見非逸《書》之文, 康 不同,而要爲後得之書,非伏生 岐 成、房宏、王肅諸家之説, 説 注《孟 之,數 鳥 周 月 子》云:「今之《太 公日 皆 起 : 傳以 合, 『復哉, 誓辭 且「復哉 因而 教 融 也 雖 得 傅 復

■「誥」,原作「韶」,據四庫本、薈要本改。

九篇之數者,妄也。」
九篇之數者,妄也。」
九篇之數者,妄也。」

要》二十九篇者,法曰斗七宿也。 書》二十九篇者,法曰斗七宿也。 四七二十八篇,其一曰斗矣,故二 十九篇之數。陸德明則云:「漢 十九篇之數。陸德明則云:「漢 一篇獻之,與伏生所誦合三十篇, 一篇獻之,與伏生所誦合三十篇,

> 疑之矣。甚矣, 説經者之紛綸也。 是焉者。至程正叔疑《金縢》之文 是焉者。至程正叔疑《金縢》之文 是焉者。至程正叔疑《金縢》之文

九二

《古文尚書》

《漢志》:古經四十六卷。

存。

十八篇。」 桓譚曰:「《古文尚書》舊有四十五卷,爲

《漢書》:「《古文尚書》者,出孔子壁中。

五十七篇』五字。」 「古經四十六卷」,四庫本、薈要本「古」下皆有「文」

古,後晋古文今。

若論伏勝功,遺

像當鑄金。」故所述《纂言》有今文

而無古文。

蓋古文出於東晋、宋、

伏生二十九篇之外矣。

又按:吴文正詩云:「前漢

今文

宅,聞 壞。 經》凡 考二十九篇 武 而 得《 帝 孔 末, 古 鼓琴瑟鐘磬之音,於是 數 安國 十篇 魯 文 尚 共 者,孔 ,得多十六篇。 書 E 皆古字也。 壞 及《 子 孔子 後 禮 也, 宅, 記 ×, 悉 欲 安國獻之, 共 得 懼,乃止 論 以 Ŧ. 其 語 廣 往 ×, 其 宫 其 孝 遭 以 不

巫

事

未

列於學官。

篇 《隋書》:「漢 生 又 第,以隸 與 誦 安國以今文校之,得二十五篇 宅,得其末孫 一授胡 有五 ,私傳其業於 河 簡 五 錯 内 常,謂之《尚書》古文之學。」 十八篇作 亂,不可 女子所獻 篇 古字寫之,合成 相合。 惠 武 復讀,並 都 所 傳, 帝時,魯 安國 不同。又 藏 尉 會巫 之書,字皆古文,孔 朝 並 送之官府。 Ŧi. 朝 蠱 依古文,開 共 十八篇 授 事起,不得 濟 王. 膠 ,其《泰誓》 壞 南 東庸 孔子 伏 生 安 其 其 舊 或 餘 所

壁中 荀悦《漢紀》曰:「孔鮒藏之。」 家 尚 語 書 0 ≫; × 孔 ^ 孝 騰, 經 × 字子 ^ 論 襄 語 畏 於 秦 夫 法

峻

急,

藏

子

舊

九篇 陸德 《太甲》三篇 篇十三、《泰誓》三篇十六、《武成》十七, 者:《大禹謨》 其篇首,定 顔 注同,二十五 孔穎達曰:「按壁内 Ŧi. 三、《仲虺之誥》四、《湯誥》五、《伊訓》六, 五十八篇,爲四 後又亡其一篇。」故五十七。」 師 七篇。 古 明日 ,爲四十六卷。 五. 「孔子之末 孔 「《尚書》古文經 九 十八篇。」鄭 ~ 篇 安 一、《五子之歌》二、《胤征 十六卷。三十三篇 咸 〈國《書 增 有 多鄭 承詔作傳,引序各冠 所得,孔爲傳者,凡 孫 序》云:『凡五 德》十,《説 惠 注。 玄《 壁藏 四十六卷,爲 序贊》云 二十五五 命》三 與 篇 鄭

九

四

篇 《畢命》二十三,《君牙》二十四,《冏 誥 九篇 序 伏 十五。 作 僞 有 諸 几 Ŧī. 庚》二篇、《 二十四篇 命》二十、《周官》二十一、《君陳》二十二, 旅 》二、《九共》九篇十一、《大禹謨》十二, 篇 篇 尚二十八篇,分出《舜典》、《益稷》、《盤 張 儒 書二十四篇 》,又《泰誓》三篇 生所傳二十九篇內,無古文《泰誓 獒》十八、《微子之命》十九、《 者 其數 爲 之内,分 覇之徒於鄭注之外,僞造《尚 知孔本有 但孔 則 五 雖 以 鄭 康王之誥 十八篇。 君所 與與 足鄭 注 出 爲五 孔 一書 五十八篇,不見 傳 同,其篇 注三十四篇,爲 值 ,爲三十 序》: 》,爲三十三,增二十 鄭玄則於伏生二 十八。 庚》二篇、《 巫蠱 ^ 有異 舜 四篇 不 所 典》 行,終前 增 孔 康 孔 更增 蔡仲之 益 Ŧi. 一、河汩 書》凡 ,傳,遂 命》二 王 則 》,除 + + 之 + 益 於 漢 八

子,咸 烏一, 傳 師 六。 論 文志》,並 卷,以《九共》九篇共卷,除八篇,故 三、《冏命》二十四。 寶》十八、《伊訓》十九、《 Ŧi. 二十四篇 古文又多十六篇。』篇即 命》二十一,《武成》二十二,《旅獒》二 逸 益稷》十三,《五子之歌》十 所 也 武 《湯誥》十六、《咸 十六篇絶無 《藝文志》云: 是 引《泰 Ŧ 又引《武 劉 與 後 伐 商王受」,並不與孔同,亦 漢 孔 也。 紂, 不見孔 誓 亦 初,賈逵《奏尚 成》『越若 引今文《泰 劉向 異 師説」,是融 泰 傳 也。 『孔安國 作《别 誓 以此二十四爲 有一 馬 劉 並 融 來,三月五 肆命》二十、《 歆作《三統 卷 録 誓》云『 無 書 德》十七 也 × 四 悉 書 此 疏》云『流 即即 亦不見也。 班 得 序》云『 文』,又云 胤征 其書, 古 不 丙 是 作《 ~, ~ 爲 + 見 日 午 曆 僞 × + + 典 Ť 經 藝 原 孔 甲 逮 爲

晋 勝、夏 三篇 伏 庸 末 見 注《旅 桀 訓》云『載孚在亳』,又曰『征是三朡』。 服 又古文有《仲虺之誥》、《太甲》、《説命》等 云 云『胤 Ŧi. 厥 太保鄭 · 蔡 邕 生所 生 在 時 虔、 篚 伊 子之歌》云『避 見 前 《侯建、歐 劉 獒》云『獒讀 征 服 杜 玄黄,昭我 注《書序》《舜 陟、 所 傳 亡 云亡,其《汩作》、《典寶》之等 歆 臣 臣 虔 預 勒 ௱ 冲 \equiv 臣 杜 注 + 以 賈 名』,又注《禹 云已逸,是不見古文也。 石 扈 陽和 匹 預 左 逵、馬 古文授扶 經 周 皆 傳 是 篇 日 亂於洛汭』,注《 伯等三家所傳及 王」、又注《 典》云『人麓 $\stackrel{\sim}{=}$ 不 也。 者謂之今文,則 豪 融 又 見 亂 ,謂是酋豪之長」。 〈注《典 等 其 也 孔 風 貢》引《胤 所 紀 所 蘇 傳 鄭 緇 傳者 愉 咸 寶 是 伐 玄 有 ***** 愉 也 木』, 並 亦 引 胤 征 膠 字 後 夏侯 一 十 不 云 按, 德》 * 征 又 漢 伊 至 東 注 見 夏

> 晋末 字 乃 罪 建 其 陽 議 預 ,仲真。 得 ",事 者 武 書 0 臧 其篇 范 加 曹 預 以 四 亦 授 年 甯 ,字彦始 爲 隨 施 焉 真 天 爲 孔 行焉。 姚 寢 爲豫 水 解 安 至 方 時 梁 或 興 隋 章 柳 之 時已亡失《舜 始 於 已 開 内 授 所 不 大 柳 史,遂 皇二 郡 注 航 得 字 守子 也 頭 焉 洪 年 於 得 季 購 汝 值 前 而 至 典》 募 南 獻 齊 晋奏上 方 季 遺 梅 之, 興 蕭 授 篇 典 有 总 城

采其 之本 以 孔 劉 安 知 隸 遂 國 事 古 幾 絶,其 字 日 ,故遷多 以 挍 寫 . 《古文尚 伏 之, 有見於經 生所 有 編 古説 爲 誦 四 書》得之壁 ,增多二十 典 十六 人者,諸 至 於後 卷。 儒 中,博 漢 五. 司 皆 謂 孔 馬 士 之 屢 氏 更

事》改『舫」。」
書》改『舫」。
「抗」、《補正》云:「丁杰據《經典釋文·序録》及《字

九

逸《書》。」

字之本 傅 文,由 之書,蓋 王 迄唐,行 晁公武 口 釋文》而 仲 會穿鑿者所能 而 至 大體 是 也 티 : 家, 古 於 以 己。 隸 相 學 文 孔 以 官 類。 寫 遂 校 皇朝 籀 安 孝 絶 陸 到,學者考之,可 觀 國 陸 故 吕 氏 明 其 以隸古定 大防 謂 不 作字奇 德 釋 隸 喜 文》, 明 得 古 古 獨 本 文, 古, 存 於 雖 Ŧi. 其 + 宋次 改 非 以 有 書 九 得 字 小 從 自 道 於 制 書 異 漢 今

然也 先 爲 朱 文,而謂 色之雅 則今文多 子曰 秦古 今文 自 詞 或 書 安國 易 者 艱 伏 所 按 好,故 以 生 引 澀 之《 . 前 之 女子 爲 漢 《書》爲 記 文 儒 訓 古文反 皆 口 録 計 以 之 授 E 古 伏 誓 實 如 晁 文。 平易。 生 命 始 語 此 之《 有 時 以 難 恐 難 書》爲 失之, 今考之, 或者 易 其 之 未 而 以 不 則 潤 今 必

> 書,兼《 滅之餘 章。 者。」 授 序 觕 見,可 况 其 陳 非 口 至 書序 此 都 》恐 處 安國 所 東 振 孔《書》是東晋 安國 都 尉 孫 難 爲 不 決 疑之甚。」 所 書 朝 細 又 則 日 近之。 是 不 反 而 漢 日 : 注 第一弟子 序 膩 賈 安國 孔 如 專 武 蓋 只 **>** 逵 考之《儒 亦 安 此 得 時 作訓 文字 然伏 是 某嘗 [考定 國 可 相 固 其 人,文章 方出 魏、晋、六 又曰 疑 做 善 所 承, 固 生背 疑 於科 漢 馬 林 也。 易 , 前 却 善,不是 以 孔 傳 融 文 孔 似晋 文暗 贵 及 則 斗 此 安 》,安國 朝 觕 如 鄭 塗 諸 或 又 古 氏《書》 又曰: 《 枝 宋 文字。」 此 誦 玄作傳 惲、 有 書 儒 西 書 大 但 間 皆 錯 不 乃 漢 以古文 桑 葉 文章 是 有 注 不 亂 可 偏 X 欽 注 曾 假 今 書 磨 太 文 疑 曉 得

業 也 或云 文。 謨 實 也 女子 Ŧ. 解 (書》。 見 雖 應 凡杜征 《説 蓋 麟 然則 得之,所 武帝末 \wedge 孔氏古文也。 而 日 》,言性之始 Ŧi. 其 日 伏生《書》無《泰誓》,《泰誓 逵父徽 遠 命 子之歌 馬、鄭 援《泰誓 有 》,言學之始 || 仲 南以 民有獻 源 載 實受《 所解 流 × 白 前 虺之誥》,言仁之始 也。 然 魚 豈惟 者,或云宣帝 所 , 豈真古文哉?」 胤 則 而 火烏之祥, 《太甲》,言誠之始 注 云 征 於 也。 兩 一經傳 兩 今《泰 **>** 漢 塗 諸 漢 名 惲 皆見於《 篇 有 ? 儒 誓》 0 援《大 皆 實 時 魏 》後 皆 逵 僞 晋 無 河 未 傳 也。 商 内 書 禹 嘗 父 此 逸 猶

按:四篇皆古文。

馬 古文尚書》,孔安國 端 臨 按:《 漢 以 . 儒 今文讀之。 林 傳 | | | | | 孔 ^ 唐 氏 有

> 者 習,至 之俗 之所 半 字 尚 得 蓋安 變 唐之 視之,繕寫 詔 藝文志》有《今文 書 ,所 也 立 是安國 而 集賢學士衛 於學官 学 所 謂 或 爲 雖 隋 存 也 謂 噫, 所 俗 古 傳 唐 者 得 書 古文者 所定之隸 文者 間 而字實不諧 傳授者 白 Ŧī. 1,東京 孔壁之《書 矣, 隸 篇 方顯,人往往 十八 包改 書 科 何《 之《 尚 秦 隸 斗 而 少,故 篇 古文從今文。 書》十三卷,注 書, 尚 漢 書,今文者 書 後, 書,今文者 間 書 於俗 *****, 而 而 雖 所存 通行 雖 其 遭 未 猶 名 爲 傳 間 秦 嘗 存 以 儒 者皆 之傳 世 火 至 改 於 僻 古 亦 隸 + 漢 唐 而 以 然 Ì 書 未 所 文 古 書 者 五. 亡 從 奥 嘗 乎 則 通 則 玄宗 而 物 也 篇 其 傳 漢 爲 俗 傳 ? 久 用 未

類

⁰ 受」,原作「授」,據 清武英殿聚 珍 版叢 陳 振孫 本)改 《直 齋 書 録 解 題 》卷二 書

古矣。」 罕 書》二 書 熊 年 科 傳 始 者,遂皆 有 以爲 朋 張 斗 而 覇之徒 書 來 十五 學者始 至 真。 蓋 曰 有 傳 晋豫 出 又 其 於 篇 僞 然 自 日 孔 得 唐 書 章 作二十四 所 孔 : 壁 者 凡 以 内史 又并 $\overline{ }$ 謂 壁之 真 家 漢 爲 古 古 傳 古文之《書》 隸 儒 梅 有 文尚 文者 後, 人 書 注 篇 孔 賾 誦 經 又 皆 安國 别 書》 不 也 亦名《古文尚 指 復 當 得《 爲 至 如 晦 傳 時 不 古文 逸《 隋 之人 序 今文之 昧 傳 開 數 世 皇 尚 所 後

文。 伏 奏 吴 作《 故 Ê 澂 備 生 舜典》、《 今文。 者 孔 日 《書》以 壁 . 所 $\overline{ }$ 真 謂 書 汩 隸 孔 古 古文《書》也 》增 作》等二十 寫之,隸 文《 辟 所 書》 多二十五 藏 不 皆 者當 傳 科 四四 篇,目 後 斗 世 篇 蓋 書 通 有 晁 晋 行之字, 故 錯 爲 張 梅 古文 所 覇 日 賾 僞 古 受 所

增 辨 伏 篇 遺 引《 侯 或 及 辭 僞《書》 廢 初 而 書 い、 歐陽 氏 ? 諸 傳 并《 既 梅 辭 義 十三, 二十五 不復行 書 及序 賾 義 共二 古 儒 ^ 有證 竊嘗 書 《書序》 遼絶 奥 從 蕪 漢 語 氏 雜 **>** + 篇 其 世 儒 + 鄙 而 既 惟 讀 驗, 所 注 以 矣。 Ŧi. 所 九 爲 不足 體 之 與 此 傳 遂 爲 家 新 治, 之疏 而 篇 篇之《 孔 製 上古 梅 以爲 篇,凡五十 指 出 析 伏 尚 其 爾 傳 不 取 如 賾 之《 伏 爲 言 氏 書》 義 過 五. 書》出 之 真 重 出 所 氏《 逸《 率 張 + 伏 書》, 孔 於世 書 自 書 增 止 依於理 覇 生 八篇 書》二十 書》 手,采 是 有 壁 無 混 九 僞 雖 通 漢 所 則 疑 書》 者 淆 篇 古 難 以 孤 爲 + 世 藏 凡 集 售 文 及 盡 行 誰 比 收 九 有 梅 五. 大 傳 世 1 補 於世 其 僞 雖 通 復 篇 小 + 篇 張 拾 記 孔 賾 欺 在 然 能 者 無 泰 安 所 夏 唐 爲 覇 所

字 體 之 輕 孔 儒 也 損 讀 乎 以 生 何 順 書 雖 日 書,作 皆 非 時 其 門 伏 者皆古文, 豈有 ? 略 前 無 未見, 之文。 又 又 字者。』又曰 無 無 之 生 先漢 (似後 若 亦 吴才老曰:『增多之《書》皆文 字 日 日 脱 之, 一偏 舊,安國 難言矣。』 者 伏 . 誤、文勢略 無 記 生之《 漢 不 文字重 其 可疑之甚。』 『孔《書》 《尚 夫千 所 其 末 一,乃至二人之手 文 本 人。」又 所 甚 年 書》 : 《書》結 序 數百 朱 而 『伏 厚, 難 弱 古 亦 至 仲 無 平. 孔 書, 今《 非 又曰 東 而 生 年 亦 龃 緩 安國 日 晦 曲 晋 西 易 所 壁 监 最 卑 不 日 聱 大序》 =傳 不 方 中之物,不 漢 者 . 晚 弱 序 是 牙。 小序》決 出 皆 乃 全 文 前 是 亦 而 殊 《書序》 書》凡 難 章 不 格 漢 魏 夫 前 大 定 不 讀 ____ 能 晋 致 從 四 此 爲 口 類 m 易 間 非 文 訛 又 伏 諸 記 代 字 疑 漢 極 如 字

> 皆 敢 疑 不 多 出 信 者 手 作 口 不 僞 得 此 如 類 託 小爾 此 書。 而 西 安 昧 + 漢 顧 雅 或 也 蓋 文 Ŧi. 澂 **>** 爲 篇 其 也。」夫以 章 何 名 之爲 言 氣 敢 耳 多 象 質 古 相 斯 與《 又 吴氏及朱子 書 表 疑 日 裹 孔 . 而 則 叢 斷 而 是 孔 子 之, 非 訓 傳 之 然 詁 디 并 所 不 是 序 亦

陶》、《 疑 叚 只 紀 慎 謨 有《大禹謨》一 王 事 乃 元 如 相 ,當名之以 在 益 不 蓋 照 耘 益 益稷》篇 費 位」,此 禹 日 , 稷》 堯 獨 與 而 泉陶 ^ 「古文《禹 雖 典。 禹 段 篇 先 即 各 中 謨 安安 後 ? 自 禹 舜 禹 如 **>** 布 陳 答辭 所 得 且《 征 置 篇 子 説 陳 謨 苗 爲 堯 皆 之謨 思 雜 自 ***** 謨 而 典》、《舜 有 亂 日 叚,當名之以 具. 篇 首 次 孜 無 矣,安得 見 舜 尾 孜」、『 序 序 於《 深 答 讓 典》 其 問 泉 有 禹 ^ 間 泉 又 帝 雖 陶 口

0

0

者 之書 謂 體 抵 梅 方 勵 舜 帝 句 不 而 古文只是 字 爲 鷟 必 授 而 依 口 精 又 13 其 製 約 真 其 授 安 成 緣 名 爲 禹 禀 誕 今 日 不 諸 皆 $\check{+}$ 治 ,古文出 禹 能 禹 舜 文。 飾 敷 類 征 ~ 克己 矣 誕 經、《 之 混 『文明』、 之。 以 文 安得 出 苗 尚 敷 耄期 命 德 又 而 其 於 一之事 故嘗 書 爲 論 説 其 作 孔 恐 舍 布 而 × w 補 者 之餘 -, 手 壁 朝 非 惟 政 語 其 亦 間《禹 大 詩 ^ 以 掇 中 廷 名 老 舜 今 末 孟 禹 学 不 使 征 者 之 之 前 年 典》二 文 拾 夫 有 > 可 謨 中 苗 所 誕 盡 謨 事 E _ 所 傳 舜 禹 信 傅 》,『后 温 語 爲 敷 後 爲 謨 能 而 自 會 必 以 恭 并竊 十八 班 有 文 攝 儒 親 伏 耄 殊 漢 德 師 位 僞 果 加 征 克 生 期 儒 與 又 字 允 於 能 ? 後 作 振 有 艱 其 倦 口 傅 餘 H 塞 之 前 苗 旅 事 必 字 大 會 篇 誦 厥 則 勒

書豈 篇 文。 是 在予一 語 歌 壞 爲 旅 北 中 難 征 后 太甲 胤 孔 , 誓 苗 何 ,文多淺 爲 征 亦 臣 人作 子 泰誓》二 其外《五 命還 僞作 能 苗 則 誓 × 克 × 竊 臣 人』、『若 宅, 竊 支 師 ^ ^ ~ 不 艱 與 ? 兵、『 者 數 咸 仲 孟 欲 陋 易 贊 厥 論 『竄 徒 有 百 子 虺 乃獻 篇 子之 臣 以 禹 語 成 必 見《舜 有 年 **>** 宣等句 爲 崩 取 \equiv 還 》元允 非 文。 苗 德 之久 歌 手 苗 書者之飾 宫 厥 《語》、《 師 商 格』 × 》竊《 足」、 × 而 角 典》 於 「惟 等 執 周 ? ^ 得 ^ 稽 則 \equiv 傅 諸 其 之作 原 湯 有 之,不 孟 首』之文。 孟 危」, 精 竊 説 中」等 壁 語 無 誥 腹 辭 此 * 子 惟 × 間 此 論 × 文,遂 耳 心 百 × ^ ^ 已 絲 事 知 相 語 武 益 姓 語 忸 伊 等 傳 竹 無 竹 \cong 允 舜 成 稷 成文。 有 怩 恭 訓 其 句 模 爲 簡 煩 執 過 之 諸 外 成 賡 倣 分 君 漆 × 厥 王 師

虞

淳

熙

日

「古文

八避

秦

而

藏之,禁弛

而

不

要 鄭 然古文中 文,吴氏《纂言》獨 非 公曉 -聖賢 日 不能 論 : 學 「蔡氏 作 論 故故 政 ^ 釋 (精密 寧存 集 今文 傳》 而 廣 並 不 不 大之 存 廢 可 今文、古 處 謂 甚 無

知

務

金

平易 作傳。 鄭 無 儒 疑 比之《周 商《詩》比 加 而 《孝經》 書》與《孝經》皆 後 篇 瑗 ,尚有突兀 出 中 觀 如 日 惟《孟 古文《 未 商 平 至 古 書》, 之周《詩》,自是奥古, 周 隋 坦 「古文《 文之易 必 遺 劉 子 整 真 書》 不 乃反 器 シ所 炫 齊 孔 可 其 至 有 書》 始 如 壁 曉 解處, 引二言 平易,豈有 東 孔 顯 此 所 銘 者。 雖 皆沉 晋 壁 ? 藏之舊矣。」 識 有 豈有 梅 古文,皆 皆 ^ 如《 獨 禮記 格言 賾 類 没六七 艱 伊 始 四 今文《 是 而《商 深 訓》全 ※出 代 顯 丽 有 理 古書, 於 古 大 百 哉 H 書 安 文 篇 漢 或 以 口 年

文天

壤

懸隔

鳥

可

相

亂

也

0

實之時 字 訓》 郝 絲 能 即 弼、《君陳》、《畢命》不 是三代 敬 終 言 出 不切放 涉 日 律,或先賢 能 ,似不 :「孔《 神怪 以 知 可 下 獨 疑 桐 語 宜 壁 也。 書》二十五 復亳,《 安 , 其 有 中 紀 或 蝌 ,三可疑也。」 聞 世 辭 蚪 莫 説 義 切尹東郊 或 遠 能 可 皆 命》 後 篇 沿羲皇 言,人 疑 浮 人依 邊 不 也 泛。 幅 切 託 一,同 無 整 帝 堂 川 如 能 齊, 代 賚 與 文 内 ^

伊

自

良

言出 始 陳 誓》、《湯誓》、《 爲 今文自殷《盤 牧誓》、《洪範》、《無 僞 顯 第 者。 ,唐人疏之,始大行於世,未 ,疑古文者紛 曰 . 孔 宋吴才老、朱考亭、元吴草 安國 **>** 高 周 宗 古文二十五 紛 形日 逸 》外 矣, × *\ \!\ 愚竊 ^ ,若《堯 顧 西伯 命 篇,至 以 典》、《 爲 有 戡 何嘗 過 黎》、 廬 議 東 也 甘 晋 其

文

奇正異 平 枝 嘉定 文從 出 孔 樊 故 出 事 學之命,孰從 榛莽數千年 謂作古文者采掇 未見,而 禮記》諸書稱引二十五篇,彬彬 良樞 復 ,深沉 葉作 安國 ,晚始得行,其辭 緩卑弱 則 論》 而 字 而 精 始露 根 也。 以 不厭,久而 日 順 不 調作 而切至,高 乎? 乎? 榦 今文譯 得 之旨 昔大禹 矣。 明 韓昌 與《 而 壁《書》後出, 禹 聞之。 碑者 嘉 孔穎達云 恒性之告、 繋 必 爲之,是倒 且 之。 黎刻 靖 愈亮。」可 計 治水 富 朗 辭 其 [爲 而 曲 而 \forall 紀 而 也? 假 始 意 並 聱 備 矯 綱 勒 傳 求 令壁 行 牙 謂知言已。 道 率科斗古文, 『古文經 健,又安見其 置 之 其 詎 碑 《左》、《國 矣。 德,經 而 義 勿 本 德之訓 南 中 可 後 末 其 得 弘 嶽 之藏 何 以 至宋 前 在 可 而 緯 前 翳 也 雖 雅 典 以 於 早 今 則

然其 紀》載《 文説。 朝。 官, 按: 故 子》、《洪範》文。 《甘誓》文,於《殷本紀》載《湯誓》、 紀》載《禹 班 **奭》文,於《宋微子** 周 費誓》文,於《燕召公世 魯周公世家》載《 高宗肜日》、《西伯 洪範》、《微子》、《金縢》諸篇 固 而 本紀》載《牧誓》、《甫刑》文,於 惟孔安 古文 於時 所 傳之者,乃孔 謂 堯典》、《舜典》文,於《 載 攷諸《史記》,於《五 遷 出 貢》、《皋陶 司 不 書 或 於孔 馬 出 載 爲 遷 伏 凡 堯 博 、壁,未 亦 生 壁之真古文也。 金縢》、《無逸 此 士,以 典 從 世家》 謨》、《益稷 П 戡黎》文,於 皆從安國 安國 授二十八 得 家》載《 授 禹 列 載《 問 都 夏 帝 多 貢 於 故 君 古 微 本 本 尉 學

篇

語》載 載 「維三月,王自至於東郊

乃大罰殛,女毋予怨。」曰:『古禹 告諸侯群后: 『毋不有功於民,勤力乃事,予 泉 陶 久勞

於外,其有功於民,民乃有安。 東爲 江、北

濟 西西 南 爲 淮 四四 賣已修 ,萬民乃 有

居

有立(一作 后稷降播 農殖 土 百穀。 昔蚩 尤與其 三公咸有功於民 大夫作亂 白 姓

帝乃弗子,有狀。 ,毋之(一作政)在國,女毋 先王言不可不勉。』曰 我怨。」是則

湯誥》之真古文也。 又於《泰誓

自絶於天,毀壞其三正,離逷 載其辭,曰:「今殷王紂,乃用其婦人之言 其 王父母弟,乃

棄其先祖之樂,乃爲淫聲,用變 亂 Œ 聲,怡

悦婦人。 故今予發維共行天罰,勉哉夫子,不

也 再 ,不可三。」是則《泰 合之安國作傳之《書》,其 誓》之真古 文

> 疑矣。 者 诇 各 别 異 何 其 以 辭 安 ? 或 作 宜 傳 其 與 滋 授 後 之史 儒 公

漢鼎 繆加 文尚 排擊 《讀書譜》、羅氏之《尚 牧之金 逸《書》成文,無大悖理,譬諸 見,是書久頒於學官,其言 説 復作《古文尚 子大疑之。 王 有 又按:《古文尚書》,晋、唐以 與 疑 無 雖 焉 密,而蕭 書冤詞》以雪之。 亦多術矣。 耕輩群疑之,至明而 異 者,疑之自吴才老始, 則 非 輸 黄 亦 攻 其後吴幼清、趙子昂 帝 聽之。 山毛大可氏特著《 書 而 所鑄 疏 近 墨守也。 證 111 或 且如 》,其 書 陽 合兩 指 閻 是 梅氏 小戴 愚闇 吹 多綴 E 以 百 家 疵 汾 詩 來 爲 而 古 之 之 未 氏 九 陰 之 輯 摘 氏 則

7 四 然

弟子嘉善柯煜覆校

異議。 説《春秋》,而其妄立見矣。其猶 以過信,斯則學者所當審也。 聚訟不已者,皆由《伊訓》「十有二 然此不待博稽群籍,即以《 之論,於是衆説紛綸,遂同疑獄 氏傳》益以周字,改時改月。其義 臣、朱翌、王申子皆疑焉,要不得 明知作者有人,參出於漢儒,非 禮《王制 月」之文亂之,不知《古文尚書》難 本明,故自漢迄於汴宋,説者初 已。《春秋》經書「春王正月」,《左 而去也。惟是最 惟元祀十有二月乙丑」之文是 禮》之舊,顧士子誦 至於《易》之《序卦傳》,李清 乃胡安國忽主夏時冠周 》、《月令》、《緇衣》諸篇 誤人者、《伊訓》 習,守 《春秋》 而 月

二〇四

之餘。」

顔

師古曰:「蓋孔子所論百篇之餘,今所

《隋

志

:

 \sim

汲

冢

書

似

仲尼

删

^

書

劉

向日:「

周

時誥誓號令也。」

闕。

《漢志》:七十一篇。《隋》唐志》:十卷。

經義考卷七十五

秀水朱彝尊

淺末常説

, 始似後之好事者所增益也。

高

義,亦有

即

孔

男昆 田 校

服裝 信。 圖》, 體 洪邁曰:「《周書》今七十篇,殊與《尚書》 傳》同得,蓋孔子删采之餘,凡七十篇。」 晁公武曰:「晋太康中,汲郡與《穆天子 反受其咎』、『毋爲權首,將受其咎』,以爲 逸周書》,此亦無之,然則非全書也。」 不 相類 詭 蓋 唐太宗時,遠方諸國來朝貢者甚衆, 取 異,顔師古請 諸 所 此。 載事物 《漢書》所引『天予不取, 圖以示後,作《王會 亦多過實,無 所質

劉 氏刊約百篇之外,凡爲七十一章,上自 文、武,下終靈、景。其有典雅 存者四十五篇。」 知 幾 日 一:「《周書》與《尚書》相類

一 二 五 五

書,五經之别録也。」

訓》之説,比《月令》多同。

斯百王之正

至若《職方》之言,與《周官》無異,《時

《周

書四

者 合 削 所 按 書 李 繫之汲 比 注 不道 之餘 漢但 此 録 得 燾 贵 解 於晋 並 則晋以 或或 日 西 闕 著《 塚 及 漢 而 稱 太 隋 失其 周 盗 世 司 + 爾 前 康 書》七 發 已 馬 卷, 唐《 初 中 本矣。 必 遷記 得 塚 未 汲 經 或 班 人 有 十 乃幸 郡 籍 劉、司 稱 中 武 此 魏 秘 王克 八 也, 篇 〈藝文 復 安 卷, 其 釐 然 出 馬 殷 且 大 志 後 劉 所 耶 王 事 謂 抵 冢 一》皆 見 ? 稍 向 蓋 孔 者 隱 不 與 篇 子 班 孔 稱 也 目 學 此 删 晁 古 此

篇 不 子 塚 陳 所 删《 篇 振 蓋 得 在 孫 書 以 竹 其 日 戰 倣 簡 . 之餘 末。 孔 晋 書 安 今京 此 太 人依 國《 未 康 其 必 尚 中 П 然 書 刊 也 爲之。」 也 汲 本 郡 凡 以 文 相 發 七十篇 序 體 傳 魏 散 與 以 安釐 在 古 爲 文 孔 諸 叙 \pm

王

楙

日

 $\overline{\ }$

汲塚

書》出於魏安釐

王墓

中,

類

似

或

後

倣

堂。」 之所 禮 遺 間 於《武 天子 其言大率與 武、周公之事 多誇詡之辭, 語 T 王 殷,益干啓位 Ŧ. 日 者 制 畏 近於 一壽 黼 殺 也 \sim 其 事 之所 援 尚 跋 白 季 天敬民、尊 成》 周 非二 語 多 漢 據 誇 歲 歷 日 志》有 有之。 採 取 蕭 今見之篇 也 ; 9 是 八今經 録 自 幽 何 其二三 夫子定《書》爲 相 ,而 且 蓋 啓 9 今所 周 王 云 之 共 賢尚德 一雜以 有 《克殷》、《 史相 至於《時 孔、 殺 受 既 和之類。」 不 策, 之; 命 中, 謂 Ļ, 勇 孟 詭 口 反。 周 至 方古先 則 之所 有 此 謂 盡 譎 汲 太 穆 書》云: 害 訓 之説 共 吾 冢 度 甲 廢 如 血 王 *\ \!\ 上,不 白 取 夫子 周 伯 邑》, 者。 聖 殺 云 百 流 篇 哉 此 書》 明 和 Ŧ 夏 伊 漂 矣, 年 天予 晋 之格 者 堂 年 未 登 司 尹 贵 件し 者, 定 然 孟 於 馬 攝 非 多 狼 , 文、 等 其 類 遷 記 子 明 行 穆 文 於 瞫

辭。

駁

與

有

+

萬

爲

刻

可

用

於

世

推

所

句

讀

無

此

古

取

間」, 注《論 備 子所 + 暈雉」,又引『豲 漢已有《周 冢 誕,不近人情,非 『千里百 杜 邑》,鄭 王應麟曰:「《 又謂『凡 一二云云,紂 十』,暴於秦皇、漢武矣。 『狩擒虎二十有 然汲冢 元凱 焉 篇。」 許 論 則 語 叔 康 解 此 注 白 縣 俘 成 劉向云: 重《説文》引《逸周 引 篇 書 得 』、『轡之柔矣』,皆以 書》矣。太史公引《克殷》、《度 左 儀 商 注《周 囿 之餘。』《隋》《 竹簡 非 漢 傳 周 禮 寶 雖 有爪 》時 始 書 . 止 大,安得 玉 \forall 書 禮》云《周 云《周 『周時誓誥 藝文志》:『《周書》 於駁 出 億 在晋咸 《汲冢書》 而 於 有 月令》,皆 不 而已。」 百 汲 熊羆 敢 書 唐 萬 寧 冢 以撅」, 書》『大翰 **>** 志 書 五. 號 如 也 《周 未 在 令,蓋 年 是之衆 ・王會 北 繫 荒 前 書》爲 出 漢 唐 按 馬 之 唐 也 世 融 以 汲 孔 夸 兩

益 謚 既 無《周 州 遂 龍 望 七十 三月,既 明 八 引王隱《晋書》云: 『竹書七十五卷,六十 Ŧi. 有 年,《左傳後序 ご所 矣。」 卷有名題,七卷不可 事 周 開 賦 。」今所傳《周 虞氏、平林、質 》云『賦 林氏、曲 五篇 之 書 嗣 憲,受臚于牧之野,將 書》。 束 載 要 Ŧ. 生魄,周公旦、太師 哲 文戒,言· 史記 業 憲 不同,蓋 傳》: 又 然 其 建 》云太康元年,當考。 之謚 集、有巢、有鄶、共工、上衡 日 》篇: 目 則 皮氏、 書》云:『維 功于牧之野 (沙、三苗、**扈** 繁《周 不 太 $\overline{\ }$ 」,出於 今本 康二 言《周書 穆 周 華氏、夏后、殷 E 書 名 書》於汲 闕 年, 召 此。」 題。」其目 誤。 周 左史 望相 謚 汲 氏、義 ,終葬, ^ 葬,乃 公旦、太 左 郡 法 《紀》云 **文** 戎 冢 傳 嗣 得 又曰 渠、平 夫,取 \pm IE 制 心 乃 録 竹 則 商 發, 義 咸 公 惟 雕 制 作 亦 書 .

> 謂 氏、 泉、縣宗、玄都、西 記》所謂 之左、殷公、夏公立焉。」唐公、虞公、《樂 名多傳記 二代』,其説 『堂下之右,唐公、虞公南 杞、 南氏、有果氏、 宋 也。 祝、 所 非矣。」 未見。」 陳 然則《郊特牲》云『尊賢不 也、殷公、夏公、《樂記 畢 夏、 ·程氏、 又 績陽、有洛之亡, 日 面 陽氏、穀平 「《王會》 V. 焉 堂下 日 》所 過 阪 或

《成開 줊 周 事 商 黄震曰:「《汲冢周書》七十篇,自《度訓 至《小開 了,多類 公相 事 權》二十三篇 ,其文間 解》至《王 成 兵書,而 解》凡二十三篇,皆載 \pm 事 有明白者,或類 間 會 文澀 載 解》十三篇 亦有 文王薨、武 難 明白 曉。 周《誥 載 自《文做》至 者,多 文王 王繼之代 武 Ξ 類 遇 崩 自 周 紂

0

[「]則」、《補正》云:「當作『其』。」

暨 禮 祝 誥 政 》之《 戒 解 之 臣之書也 》至《銓 解 職 自 書 是有《 方 也 而 氏 法 器 , 解 服 蔡公解》、《 相 職 Ξ ×, 之名 類 方 佩 不 氏 解 ^ 知 多 芮 》亦 不 其 繼 史記 良 口 所 相 之, 夫 指 句 類 解 解 與 終之以 》,訓 \leq 今《 自《 穆 周 周 王 \pm

俘 者? 方孝 者 燾 或 武 日 器 以 謂 之多若是, 有九,俘人三 非 汲 》篇乃曰 王之伐殷 服 晋 漢 孺 冢 也 即 其 太 司 孔 事 此 馬 康 . 論 子 有 古 遷 ~ 誅 中 『馘 載 删 雖 口 是 汲 出 劉 其 周 定之 億 楚 疑 魔 矣。 冢 於 君 向 事 漢 萬 也 億 周 汲 嘗稱之,謂 之 有 餘 劉 有 弔 故 略 郡 書》十卷, 際 + 向 其 者 日 舉 魏 亂 白 萬 ^ 民 謂 其 安釐 周 則 賊 三十 七 而 其 大 書 非 之暴 千 晋 已 者言 書 七十 王 _____ 其 七百 也 時 爲 冢 不 夫 始 宋 之。 解 世 若 殺 故 七 何 周 出 李

之世 之以 是 賂 甚 夏 以 酒 備 計 是 痛 良 義 不 荒 以觀 之 食其 耐 乎 以 焉 此 於一 天下 維 心 爲 酷 ? 縦 0 利 者 美 ? 取 爲 此 本 生 人, 穀, ,其《 以 是 樂, 所不 女。 横 稍 人 其《大明》篇 以 其恭。 其 尚 而 乎? 言 詐 權 知 秋 樂 爲 觀 謂 其 有 忍 不 乎 道 數 大 術 取 文王 其 維 武 ^ X ? 者 義 之 爲 啗 武 王 縦 官 其 不 王 生 平 孰甚 》篇 徒 所不言 人而 者之師 之以 人》 XIJ 貪。 有 其《文傳》篇 禮 一之言 曾 ? 所 是 禮 謂 則 冬凍 則 篇 周 焉 不 責 濫 色, 乎 王 日 日 日 乃 公 維 爲 曾 ? 人 之以 禁 ? 者 . . 以觀 其 . 曾 之 以 E 生 亂 謂 之 此 所 葆。」不仁孰 : 用 利 委 義 春 正 樂 除 日 謂 用 後 文 其 誅 以 維 違 暴 醉 義 世 周 常 王 兵 雖 以 以 淫 其 生 之 有 大 維 乃 稍 以 戰 公 觀 不 億 農, 樂 若 聖 求 + 或 其 臨 以 萬 生 有 而

0

之 積 者 王 有 \equiv 年 之 積 者 覇 覇 之 道 名

年 德 起 於 而 在 世 乎 周 積 初 穀 未嘗有 之多, 是商 之, 謂 鞅 Ŧ 之 者 徒 不 所 以

言,而 以 爲 文 王之言,可 乎? 其 他 若 是 不

者 甚衆。 及載 武 王 伐 商 之事 往 往 謬 誕

與《 書》不合。 由 此 觀 之,決非 書 [》,謂

孔子删定之餘 者 非也。 其中若《謚 法 ×

雅》、《 周 月》、 《月令》 ^ 時 間 訓 有 × 合者 職 方》之篇 竊 意 漢 初 又 書 與 隱 爾

遷 士 縉 不 察 紳 之流 故 引 所 而 僞 用 著 之, 以 爲 劉 向 周 大 書 以 \leq 爲 而 古 司 書 馬

以

耳 除 民 其 害 中 不 芮 惟 良 民 夫》篇 害。 害民 最 雅 非 馴 后 其 惟 日 其 后

民 至 億 兆 后 而 已,寡不敵 衆,后 其 危

哉 嗚 呼 君 子之言, 復 其 篇 爲 之

出 涕

謂

周 洪 謨 日 0 $\overline{\wedge}$ 汲 冢 周 書》文體淺 露 詞 意

> 賢者 王之事 擊 懸 燔 其 室 爲 唐 踈 諸 文 最 以 時 迁 ,武王乃 武之道未 害 東 識 誓 太白之旗 無 理者, 其 誥 而 古 百 小者 號 ,射之, 西 篇 非 令, 土 如 渾 常 墜 ; 蓋 逸 孔 厚 二女 武 於地 而 時 周 民 子 沉 擊 王 左 私 東 删 既 雄 以 伐 右 ,賢者識其大者 遷 爲 録 氣 縊 輕 商 史 之後 此 · 王 之 象 之所 吕 之 書,以 餘 H 史官: 又 斬 劉 記 ッ 紂 射之,而 以 識 愚 白 者 黄 既 隨 則 周 謂 不不 鉞 也 自 先 又 以 是 王

讐 不 又 廟 有 已 取《泰誓》、《武 雖 倒 也 先 以 武 自 武 馘 輕 \pm 戈之勢,其 伍 燔 爲 吕 X 員 王 之乎 燎 ,斬以 矣, 奉 執 於周 乃 仇 行 ? 玄鉞 士 擊 於 天 成》之言,而 廟。 昔 女 其 罰 楚 司 有 不不 P 懸諸 爲 夫 玄黄 馬 ,泉 商 如 民 遷 小白之旗。 是 之 其 除 之 之 乃 . 與 之慘 首 作 迎 暴 有 周, 前 以 其 周 取 也 非 乎 紀 燔 其 前 其 而 於 世 君 徒

言以 備 貢 甚 又《王 不 尹 以 産 説 多。 策耳 亦亦 爲 口 觀 ,畢集於庭,而 非 覽 四 也 及之乎? 此 會》篇言 可 夫 方 所當受。 何 可 使 謂 獻 西 也 理 其 哂 令,使 旅 也 矣。 見 若 ? 貢 成 至於篇 此 今乃殫 獒 是 周 取之以實先王之事 學者 夷 孟 時 未 之 則 戎 子 爲 召公猶 會, 末, 以 將 蠻 於《 四表 奇也 其 何 貊 四 又謂 武 先 悉 夷 如 八荒 在 成 秦 以 取 貢 而 成 古 方 獻 乃 召 惟 之 湯 珍 書 物 公 怪 哉 異 命 無 取 則 致 猶 伊 之 物 而

篇 準 楊 卦》二篇,《下易 紀年》十三篇、《易 , 《公孫段與 私 慎 楚事名三篇 發 序 魏 日 安 晋 釐 Ŧ 太 ,似《 邵 經 冢 康 陟 ***** 得 經》二篇,《易 爾 論 年, 雅 易 篇、《公孫 竹 或 書 汲 《論語 語 數 郡 》三篇。 + 人 繇 》,又似 車 段 不 陰 音 彪 陽 其

> 復詮 凡 傳》 列 皆科斗文字 篇,論弋射法。《生封》一篇,帝 或 解 分釋,皆有 魏之世數,次言丘 荀勗》《束哲傳》文也 大歷》二篇,鄒 禮 在 夢 後序》亦云: 七十五 記 Ŧī. 秘 次。 1 篇 書。 妖 《圖 ^ 武 篇 相 師 義 多多 著作 帝 書 春 七篇 證 詩 詔 也 『汲冢古文七十五卷 × 燼 生 荀 V 郎 此《 談 簡 簡 藏 勗 篇 束 ^ 篇,又 。 **③** 斷 書 天 梁 金 撰 晋 哲 札,文 類 折 丘 玉 瑣 次 又杜 書 得 壞, 也 事。 藏 之, 語 雜 觀 . > 既 書 武 2 預《春 竹 以 名 *\ -^ 帝 繳 篇 殘 + 書 題 王 爲 穆天子 缺,不 九篇 所封 篇 紀》 先 隨 中 漆 多 秋 諸 集 及 叙 疑

^{■「}二」,原作「上」,據四庫本、薈要本、《補正》改。

③ 「及荀勗」,原作「荀勗及」,據四庫本、薈要本、《補正》

篇 篇 年》 無《 按 悉 合 伊 事 别 七 也 寅 也 口 師 陟 此 年 之月爲 也 具 至魏 訓 彖 春 蓋 以 起 於此 一、伊 太 李 觀之,汲 文大似《春 惟 下 漢 漢 自 *\ \!\ ^ \forall 今 善 厝 、甲潛 奮 特記 哀王之二 夏、殷、周,皆三 以 所 注 卷, 歲首 象》、《文言 易》 曾 與 藝 謂 來 令復其 晋 文選》 無 冢 則 出 今正 文 及《 元 汲 秋 或 所 純 自 志 編 有 語 Ŧ 紀年 得 經 起 冢 集《 桐 同 此 年 w 父之田 日 ×, 自 有 及 書 唐 》、《繫 年 相 書 月 殺 左 别 所 又 殤 雖 書 × 次, 逸 遠 代 最 伊 有 謂 氏 稱 叔 不 蓋 不 周 校 在 宅 爲 尹 《周 ,皆用 傳 王 伊 大 口 晋 魏 辭 陰 一晋後 之, 書》 分 事 見 而 尹 發 或 滅 **%** 書 陽 1 乃立其子 T 中分之。 放 之 七 止 冢 一》者 獨 夏 無 説 統 而 其 + 太 史記 始 紀 諸 缺 其 事 而 IE ^ 甲 世 魏 建 紀 其 得 目 周 川 或 而

> 篇 嘉 适 此 周 有 惟 所 余 一、高 靖 書 故 十 引 氏 宋 充之矣。 《汲冢周 述《晋 洪 Ħ. <u>Ŧ</u>: 也 太 亦 氏 午 當 宗 謨 篇 稱 似 八 復 時 而 ^ 書》之名。 書 號 孫、黄氏 月 逸 其 晁 不 修《太平 W 通 望 周 舊 得,遂 及《 氏 知 名 書 日 公武、 左 古今者,皆 \leq 震、李氏 傳 題 以 御 蓋 不 日 後 ^ 覽》, 當 陳 逸 ^ 序》文 逸 時 ^ 氏 唐 汲 燾、 首 周 儒 振 未 書 卷 冢 臣 書 於 孫 暇 吴 半七 書 求 引 此 深 氏 口 洪 + 目 汲 > 澄 考, 也 也 則 氏 始 冢

篇 皆 訓 太 劉 郭 IF. 康 棐 》篇 向 權 文、武、周 日 : 中 日 輕 班 日 盗 美 重 : 古 古 發 男 以 所 公 天 汲 破老,美 極 書 録 及 郡 生 自 穆、宣 明 民 魏 則 六 本 而 安 有 籍 女 末 釐 制 周 外 破 幽 以 其 \pm 舌 書》 立 傳 度 靈 冢 中 者 得 之事 淫 七 度 之, 啚 + 蓋 1 篇 破 武 少 大 所 ^ 矣。 或 稱 晋 以 度

痛

痛

維

生

哀

哀

維

生

禮

禮

維

#

義

義

維

則非

文

王

一之謨

也

射

之三

口

觀

他

篇

蓋

多

誇

詡

詭

譎

如『利

維

生

利

民

不

過

在

敬

施

子

在

平

11

不

幸

在

不

聞

调

福

在

受

諫

基

在

愛民

古

在

親

賢

至

哉

斯

數

言

者,

即

壁

中

^

書

W

奚

加

焉

?

益

法

解

則

周

公之所

制

,

時

訓

×

明

乃《禮記

所

采

·

王

會

解

博

於

鳥獸

草

木

史記

解

》明

於

治

亂

興

亡之迹

卓

有

哉

王珮》篇

日

.

『王者

所

佩

在

德

德

在

篇

民

歸

於

德

德

則

民

戴

否

則

民

售

民

至

億

兆,后

而

已,寡

不

勝

衆

后

其

危

莫

卹

於

外

尚

以

時

中

X

萬

或

芮

良

夫

御

士

疾

大

夫

卿

士

汝

無

以

家

相

亂

 \pm

室

而

公》篇

汝

無

以

小

謀

改

大

作

汝

無

以

嬖

武

》篇

日

其

惟

天

命

王

其

敬

命

祭

淫

巧

破

時

淫

樂

破

正

淫

言

破

義

^

大

開

四

篇 《九開》、 外 等篇,録於《禮記 而《王 紀 胡 也 文,所存 目 几 度邑 綱制 蓋 + 並 應 過《王會》,其 惟 存 麟 Ŧī. 」》等篇 箕 會》 非 又曰 E 篇。 度, E 完 Ŧi. 子 **劉** 而 . 會 雜 書 + × 闕 「《逸 叙事之文極 一》、《職 今《周 ,采於史遷; : 「《汲 以 法》、 也。」 九 《耆 怪誕之文、《職 程 篇 規模體制,足以置之 周 德 **文** 寤 書》十卷,其 冢 方》二 書》七 并 又曰 \approx ×, 蓋或仲尼删 周 後序 開 ^ 書》所載《克 少,《 月 秦陰》、《九 解 \approx + : 時 $\overline{ }$ 令》十一 皆 \wedge 訓 保開》、《 克 方》叙 周 篇,共六 典 七十 漢 殷 書》多 削之餘 則 時 明 有 數篇 篇 篇之 夏商 政 述 僅 殷 堂 法 + 嚴 論 之 存

> 戰 晋,實當靈 合, 此 毋 謬,近於孫、吴變詐矣。 篇首也。 作 其餘篇至汲 若子長所采,蓋 云『今存者四 惑也 周 書《漢 國 蓋戦 前 書》 文士 本 或 卷首 解 ·藝文志》七十 綴 至《大武》、《武 纂 絶 王之世,其爲周 輯遺亡 冢之發 集 十五篇』, 無 十數 存 此 明 書者 於 據。 篇 , 益 而 四 復完 則當 所作 十五 後序 以 考《周 且 稱》等篇,尤 縱 語 也。 篇 末策士之言 攙 篇 横 時 皆以 與《書》 官》終太子 之中 脱 夸 注 人之冠 佚 誕 爲 引 又 幾 而 文 劉 爲 體 日 半。 成 乖 於 王 而 向

謂 劉 周 文酌》、《允文》、《大武 元非《 大謨 度 周 邑 可 . 乎? 書 「若《 **学**,可 時 度 若《 訓 乎? 訓 \approx 和 》、《命 、》等解 明 寤 六經 堂 ×, 訓 克 》、《常 等 而 丽 下 寤 解 盡 求 謂 訓 而 商 之 其

者,恐無以 文字近 古 而 踰 有 於此 裨於 性 命 道 德、 文 武 政 教

蓋 衰周 殷與 上。 古 有 陳 傳》、《柔武》、《和寤》、《大聚》、《度邑》、 繫之汲冢。 書》篡自孔子 在,無所謂《周書》。 自晋太康二年,得書七十五篇 姜士昌 時訓》、《官人》、《王會》、《職方》諸 七略》、班史《藝文志》已有之,而 文、武、周公所 典常,垂法戒,辨析 不徒以 非叔季之主、淺聞 戰 克殷俘馘 若《酆謀》、《世俘》諸篇 國之士以 曰:「《周書》七十一篇, 事 其文辭 與 前 甚衆,往往 辭 爲 此 勝 意參人之。 政 逸《 湛深質古,出《左氏》 此書當仍舊名,不得 而 教 之士 幾微,銓 已 書》者 號令,概 也 一誇 一所能 記武 誕 然吾觀《文 説 不雅 叙 劉 者 見 彷彿者。 名物,亦 自 向 其 王謀 汲 謂 此 篇 馴 劉 以 目 冢 其 疑 尚 爲 伐 具 發 歆

> 遠矣。 作者 語 猶 知當 孔子 其事則文、武、周公,其文辭 自六藝以下,文辭 辭,盡疑其爲孔子所詘,遂寘不復道 周髀》、《穆天 足傳 有 存 不 孔子删 所論之餘,若 者,謂《 逮 於經,吾 也。 與 尚 否,其 蓋 子 書》 不 不 最質古者,無如 傳》 疑之,安得 離 〉百篇 指 足 屬 誠 存。 諸 辭 不 而 篇, 紀 外,是 得 嗟 則 事 乎,是 而 與 以 東 經 是 周 是 一二駁 書 加 並 書 書 道 以 書 無 哉 一,然 深 法 後 與 不

謂闕其一,誤也。篇,適如《漢志》。李仁父、劉后村按:《周書》篇目七十,合以序一

經義考卷七十五終

弟子無錫高洪覆校

經義考卷七十六

秀水朱彝 尊

男昆 田 校

句。

又特

撰

其

大

義,

因

經

屬

指

,名之日

子各論所聞,以己

意

彌縫

其

闕

而

别

作

章

歲

,歐陽

生、

張

生從學焉。

伏

生

終

數

鄭

康

成序曰:「伏生至孝

文時,

年

且.

百

篇。」

傳。

劉子

政校中書,奏此

目

録,凡四十

書五

[《]晋書 • 五. 行 志》: 漢文帝時處 生 創 紀

《大傳》。

伏氏勝《尚書大傳》

漢志

*****:

傳 四

篇。

《隋志》

酈道元日 : 「文帝撰五 經《尚書大傳》。」

顔之推 即 虚 犧之後。 日 「孔子弟子 兖州 永 昌 虚 郡 子 城,舊單 賤 爲單父宰, 父地

也 生即子賤之後,是知『處』之與『伏』古來 東門有子賤碑,漢 世 所立,云濟 南 伏

通字。」

隋志》: 「伏生作 \wedge 尚 書傳》, 授 同 郡 張

卷。

1554

《尚 [暢訓》

^ 舊 唐 書 志

三卷。

《新唐

書

志》:

生,張生授千乘歐陽生。」

意

益

遠

故 計 子 以 生 有 也 洞 堯 遺失。 遍 大 歲 時 誦 П 冥 舜 傳 則 十 少 而 尚 記 從秦始皇 而 授 誦 歲 結 書》可 之,常 伏子 伏 好學,爲 就 繩 典》闕 子, 李 克 今所 數 結 以 登 克 兀 石 萬 漏 秦博 細 會 者 代 壁 尤多 傳 遍 十尋之繩 繩 稽 ,馮 之 Ш 百 但 + 士 Ш 0 事 中 翊 餘 卷 食 略 門 以 人 受《 得 尋 穀 . 徒 也 無 望 皆 其 損 以 尚 遺 萬 江 成 縛 人 書》, 脱 漢 自 人。 結 精 腰 之 言 爾 慧 矣。 誦 伏 流 乃 伏

> 陽 闕 猶 凡 終之後 本 名之日 晁 四十 公武 四 有差舛,重以篆隸 生 别 一、張生 卷 作 傳。 が首尾 日 數 章 篇 : 一從學 句。 子 後 不 勝 康 各 劉 焉 倫 至 成 又 論 向 特 銓 孝文時 校 所 音聲 之殊,不 撰 次 書 聞 爲八十三篇。 口,得了 大 猶 以 義 年 有 而 己 能 上之, 因 H. 譌 意 無 經 誤 百 彌 失。 屬 先 歲 目 縫 勝 今 録 其 後 歐

書 陽、張生之徒雜 陳 也 振 孫 曰:「凡 記 八 十 所 聞, 有 然亦未 篇 當 必 是 當 其 時 徒 本 歐

載 或 成 王 也 周,天 楙 不 大 同。 梅 日 恐, 福 . 乃 \sim ^ 雷電 張 Ŧ 大傳》謂 尚 奂等皆引以 乃 書 以 葬 大 風 周 傳》 周 禾盡 公於畢, 公死 與《 爲言。 偃,大木斯拔 古 王 王 文 示 誦 尚 據今《尚 不 欲 書 敢 葬 臣 於 所

雅

馴[

至

以

天地

人四

時

爲

七

政

謂

<u>~</u>

金

縢

於周

公

一殁

後

何

可

盡

據

其

流

爲

劉

山

 $\overline{\mathcal{H}}$

行

傳》、

夏侯

氏

灾異之説

失孔

子

本

葉夢

一得

伏

生《大傳》首尾

不倫

言

不

西伯

戡

黎》作『耆』。」

陸

德

明

曰

 $\overline{\ }$

尚

書

大

傳》

卷,

伏

生

作

一二 七

而 書》,言大 非 其 死 葬 雷 之時 電 以 風 以 見於 此 周 事 公 居 觀 之,則 東之日 知

則伏 《大傳》與經 刑 日 下。』豈伏 王 辯下土,使民平平,使民無 大傳》虞傳有《九共》篇,引《書》曰 冏 帝告》篇,引《書》曰:『施 應 《大傳》以《西伯 生不 麟 甫 日 刑 以 :「《大傳》説《堯典》謂 生 是 牴牾多矣。」 亦見 爲《虞書》。」 古文逸 戡 黎》爲《戗 篇 章 傲。」殷 邪? 又 乃 曰 服 之唐 明明 耆 傳 「《書 子子 傳, 1 有 又

按: 逸 民獻 德 《大傳》引經文異者,《大 上有「俊」字。 惟 又引《盤庚》云「若德明哉 有十夫」,「獻」作「儀」。 乃 丕 顯 考文王 無 克 逸 明 作 德 《康 計 毋

歐陽生《尚書章句》

《漢志》:三十一卷。

佚。

或 陽 石渠 士。 伏 子 陽、大小夏侯氏學皆出 生子,世世 漢書》:「歐陽 生,授 都。」 龔 有 影勝。 平、 授 林尊長 平陵 陳 倪 當授九江朱普公文、上黨鮑 之學。 相 寬。 で質 平. 傳,至 濟 生, 當、 寬 南 翁 字 又 梁 曾 人 生 受 和 陳 事 於寬 孫 授 業 伯 翁 高 瑯 高 于 孔 生。 子陽,爲 琊 爲 寬授 安 乘 殷 博 由 或 人。 崇、 是 歐 楚 宣 歐 論 博 陽 歐 事

圭

引《

酒

璧」,今無其文。

大小夏侯《解故》

《尚書説義》

陽氏。」 葉適曰:「自漢迄西晋,言《書》者惟祖歐

大小夏侯氏《章句》

漢志》: 各二十九卷。

作者。 按: 義》二篇, 漢歐 陽氏 未 經 世傳《 前 儒 書》學。 注 明, 不 《説 知

> 《漢志》: 二十九篇。

諸儒 《漢書》:「夏侯勝,字長公,東平人。其 句,具文飾説。 自師事勝及歐陽高,左右采獲,又從五經 説》,賜黄金百斤。勝從父子建,字長卿, 博士、光禄大夫、遷長信少府、賜 先夏侯都尉,從濟南張生受《尚書》,以 小儒,破碎大道。」建亦非勝爲學 侯,遷太子太傅。 氏問。爲學精熟,所問非一 族子始昌。 五行傳》,説灾異。後事蕳卿,又從歐 問 與《尚書》相出入者,牽引以次章 勝從始昌受《尚書》及《洪 勝非之曰: 『建所謂章句 受韶撰《尚書》《論 師也。 爵 疏略。 徵 關 語 爲 陽 範 内

建 卒 自 顓 名 經 9 爲 議 郎 博 士,

至

太

子

口

班 少 百有餘,脱字數十。」 侯三家經文、《酒 一十二字者,脱亦二十二字,文字異者七 傅。」 古 率簡二十五字者,脱 曰 . 劉 向以中古文校歐陽、大 語》脱 簡 亦二十五 、《召誥》脱 字 小 簡 夏 簡

乘 《後漢書》曰:「孝明皇帝永平二年, 侯氏説。」 司采《周官》、《禮記》、《尚 輿 服從歐 陽氏説,公卿 以下 書 . -從大 臯 陶 小小夏 詔有

葛洪 賜 百萬 勝 日 黄 ,爲勝素服 金 「昔漢 百 斤。 太太后 一百日。 及勝死,又送勝家 從 夏 侯 勝受《 尚 錢

《隋志 》:「晋永 嘉之亂,歐陽、大小夏侯

尚

吕 祖 謙 日 「夏侯 勝 守 所學,不苟合,

爲

孔 氏安國《尚書傳

隋志

存。

籍 畫 土 秋 墳》,言大道也。 志,謂之《九丘》。丘,聚也,言九州 之説,謂之《 之書,謂之《五典》,言常道也。至 安國序曰:「古者伏羲氏之王天下也,始 商、周之書,雖設教不倫, 揆。 生焉。 地 左 八卦,造書契,以代結繩 所 氏 是故 生, 傳》 伏羲、神農、黄帝之書,謂之《三 風 日 歷 八索》,求其義 氣 代寶之,以 少昊、顓 『楚 所 宜 左史倚 皆 聚 雅 頭、高辛、唐、虞 爲 之政,由是文 此 語 大訓。 也。 相 書 奥義,其歸 能 也 九 讀 一於夏、 所有 州之 卦

授

裁

十餘

篇

以

其

上

古

之

書

謂

之

尚

百篇

之義,世

一莫得

聞

至

魯

恭

濟

南

伏

生,

年

過

九

十,失

其

本

經

口

以

傳

龍

興

開

設

學

校

(),旁求

儒

雅

以

闡

大猷

解

散

我

先

人

用

藏

其

家

書

於

屋

壁。

漢

室

然義 於將 是 錯 典》,《 者。 書還孔 立訓 府 篇并序,凡五十九篇,爲四十六卷。 子堂,聞金 中 E 合爲一,《康王之誥》合於《顧 可 生二十五 論語》、《孝 遂 知 ·得 以 亂 好 者爲 見 來。 傳,約文申 研 摩 先 治宫 以 待能 益稷》合於《皋陶 宜 滅 所 精 氏 人所 ^ 篇。 覃思, 隸 聞 室 者 石絲 書序》,序 相 弗 古定,更以竹簡 科 經》,皆科斗文字。 藏古文虞夏 伏 壞 附 復 伏生又以《舜 斗 生之《書》考 承 孔 博 義 可 竹之音,乃不壞宅, 近 書 子 詔 考經 知 敷 故引之各冠其篇 所 舊 爲 暢 悉 以 宅 Ŧi. 謨 籍 商周之《書》 人,時 厥 Ŀ + 以 爲 **>**, 旨 采 送官,藏 論文義,定 九 作 寫之,增多 廣 典》合於《堯 命》,復 盤 ,庶幾有 摭 篇 者 其 王又 之意 庚》三篇 群 作 居 無 傳 之 其 悉 出 能 升 及 於 首 其 餘 補 於 伏 以 孔 傳 此 知 壁

訓

語

誓命

之文凡

百篇,所以

恢

弘

至

道

示示

主

以

軌

範

也

帝

王之制

坦

然

明

白

口

其

宏

綱

撮

其

機

要,足

以

垂

世

V.

教

典

謨

以

下,訖

於周

芟

夷

煩

亂

翦

截

浮

辭

舉

以

除《九

丘》。

討

論《墳》、《典》,斷

自

唐

虞

明

舊

章

删《詩》爲三百篇,約史記

而

修

春秋》,讚《易》道以

黜《

八索》,

述《職

方

籍之煩

文

,懼覽者之不一,遂

乃定

禮

帝

王

遺

書

也。

先

君

孔

子,

生

於

周

末

覩

史

墳

Ŧi.

典》、

^

索

》、《九

丘

»°

即

謂

1

世

舉

而

行。

三千之徒,並受其義。

及

秦

始

皇

滅

先

代

典

籍,焚書坑

儒,天

下

學

土

逃

難

.

隱 世。 道 定 也。」 息 Ŧi. 用用 若好古博雅 十八篇 不 復 以 既 君 聞 畢 子 會 ,與 傳 或 之子 八我同 有 瓜 孫 志 蠱 亦 事 以 所 貽 經 後 不 籍

授膠 孔 + 事 隋 起,不 五 穎 志 東 達 **▽** 庸 增 日 得 多 生 :「孔傳三十三篇與鄭注同, 安 奏 鄭注 ,謂之《尚 或 £ 爲 私 五 傳 + 書》古文之學。」 其 八 業 篇 於 作 都 傳 尉 會 朝 瓜 朝 蠱

篇 梅 陸 徒 徽 遂 賾 德 Ŧi. 購 盛 典 明 奏上孔傳《古文尚 不 日 以 能 得 下 江 乃 分爲《舜 左中興,元 取 E 肅 書》。 典》篇 注《堯 帝 亡《舜 時 以 典》,從『慎 豫 續 章内 之,學 典》 史

四卷。」 古 册 府元 文 尚 龜》 書》 十 三 孔 安 卷, 或 《今字 爲 臨 淮 尚 太 書 守 **>** + 傳

月

不

與

序

相

應

又

不

與《左傳

×

或

語

帝 證 勸 者斥,在 死 廉 惡 上 图 注 不 洪 歐 而 而 云《泰誓》曰 ,附上 舉 位 ,今之《 諸 善 也 下 爲 列於學官,故《左氏傳》所引者 邁 時 孔 陽 ·者刑 孝, 朏 河 家 而 逸《書》。 傳 日 修 漢 不 惡 内 : 注 獨 上位 罔下者刑,與 有 孔 能 泰 武 與與 行 女 也 釋 司)° 子 誓 帝 進賢者 0 至 安國《古文尚書》,自 聞 陳 而 奏 劉 其 得《 》初 元 於 國 附 隋 不 議 向《 朔 語 下 顔 政 泰 之 未 能 逐。 日 與《 元 説 加 而 師 間 誓 嘗 進 聞 年 罔 古 無 苑 説 **>** 賢 有 國 此 9 伏 益 F 夫 皆 0 詔 苑 者 此 政 所 篇 生 者 於民 臣 附 不 語 責 退。 以 而 之 獻 所 死 術 能 F 中 勸 也 無 學 之, 者退 載 附 》篇 援 图 此 益 外 杜 善 漢 廢 IE 以 Ŀ 然 漢 所 於 不 E 以 而 預 同 絶 宣 在 者 章 來 年 爲 以 民 興 朏 而 輒

之所以 《藁飫》略之可也。』其説最 少穎言: 孔 肅 『咎單作土地之官,●作《明居民 名或存,既亡其辭 『言其治 孟子》衆書 安國 諸 儒 注 可 皆疑之。」 民之功。』咎單作《明 『知之爲 必欲强爲 言 也。 所引《泰誓》同,故 不 知之,《 之説 則 又曰 知 其 爲 義 ・「逸《 堯 不 純 不 知,《 汩 明 典》、《舜 (居)注 可 作 可 馬、 書 復 法》。』林 学注 喜 九 考, W 鄭、 共》、 雖 云: 云: 篇 王 丽

然終

有

宋 今此 最 託安國 間 又曰 亂 文章。」 道 却 :「孔氏《書序》不類漢文,疑 看得只是《孔叢子》等做 爲 盡 名。 釋之。」 漢 儒 訓 又曰 釋 . 文字有 孔 安 疑 或 出 則 是 來 解 闕 晋 經

朱子曰:「安國《書傳》恐是魏晋間

人作,

葉 夏、商、 適 周誥義 . 安 國 奥 雅 書 序》言《 歷代以爲大訓,旋復 典 墳》 至

> 言討 并 大 訓 論《墳》、《典》,芟繁翦浮。 亦去取也 ,豈有是哉?」 則是孔

得 陳 存 振 者,雖 孫 可疑者。 日 不 「孔注 列學官 歷 漢 而 末 散 無 在 為,而 民 間 晋 故 初 猶

常 商 三日 《三墳》言大道,《五典》言常道。 王柏 者之言,不過欲 其説之不可 久,時人無 不可常、《典》之道未至於大,豈 何自 . 補 ,考驗偏旁, 孔壁之書皆科斗文字。 鬲盤匜之類,舉 曰:「《古文尚書序》可疑者三:一曰 而 分别 能 通 知者。」又不 也? 而 也。 耀 更爲隸古哉,於是遁 孔 既 壁 無所謂 如其言, 日 一所 . 藏 知 之古耳,不 科斗之形,序 科 何 以世所傳夏 則《墳》之 斗 以 不悖哉? 夫 書 參 伍 廢 大 其 點 與

0 據《尚書正義》,當作「主」。

DL

之艱 今亦 疑。 載 翼、《 所 較 所 實 下 解 何 有 至 反 口 辭 数。竊 恐孔 一今,初 以 $\dot{+}$ 於《 賴 者 陋 以 增之篇 知 日 論 從 篇 今文 澀 異 言之? 古 者 ,惟《盤 書大序》,其張皇妄誕 曰 語 文 於 而 加 壁亦 不 以 而 意 》、《大學》、《中 固 增多伏生之《書 則 已 也 艱 而 伏 聞 非 所 所 伏 是 ,今古文乃亦 澀 庚》三篇與《 成 生 伏 聞 伏 有 增 未 生之 古 之 且 一者,以 書。 科斗 伏 生之訛 生之《 必 者 如 孔 文 生 盡 未)所無 之 氏 本 此 一之字於 之 存。 其 書》最 必果二十 遺 欲 書 書 也。 則 庸》之屬 所 尊 周 也, 書,如《周易》十 初 一十五 考 若 有之。 是 載 書 、欺惑 古文,而 他 無 論 以 然伏 艱 以 原 之平易也 補 愚 書 文 本已 有 澀 $\overline{\mathcal{H}}$ 一,而 皆 於 義 觀之,伏 古文之 生之 無 篇 後 而 篇 今文 如 不 互. 世 獨 流 不 定 》以 也 所 知 其 此 口 相 其 傳 無 紀

> 文也。」 生於 伏生之數 實 無 恐此十三篇之艱 此 (,伏生之耄,口 十三 所 參正 此 一篇之中 十三篇 掩 而 今文而 艱 之 未 澀 澀 授之訛 外 嘗 自 未 盡有 孔 不 若。 嘗 壁 艱 自 之,反 不 未必有也, 安 澀 平 或 不 也 易 能 但 有 若 欲 以 免 安 累 增 是 論 或 古 多 故 其 於 竊

除、張 文體 後 行 西 順 金 金 論 漢 漢 其言 石 此 履 語序》魏 一之異 人 祥 爲 文 可 伯 字 見 語 日 東 孔 藏 : 矣 前 漢 無 子 璧 人 履 傳 朱子 舊 疑 所 所 祥 也。 謂 古文者 居 之 作 疑 聞 事 曰:『安國之序 類 東 蓋 金 亦言壞宅事 多 , 若 漢之人 涉 後 石 託 此 怪 漢 絲竹之音,端 之可 附 如如 之 、爲之, 會 時 知 闕 多 讖 即 也。 絶 里 有 緯 不 不 草 不 之, 惟 如 自 盛 類 爲

熊朋來曰:「孔壁二十五篇,東漢諸儒解

經者皆未見,故先儒疑孔安國傳亦

僞也。」

以前 與都尉 皇帝 《藝文志》,於《古文尚書》云: 距 然遷述《孔 書》,司 氏、仁山 按: 述古文所以不列學官之故 太初而訖。」是安國之卒本在太初 録之,世皆篤信,惟朱子謂其不類 从 自序》則云:「予述黄帝以來,至 蠱事,未 安國之殁當已久矣。 漢文字,疑後 若 孔安國《書序》,《昭明 博士,至臨 朝 馬 巫 金氏 同受《書》於安國者也。 遷當從安國問故 子世家》,稱「安國爲今 列 蠱 事 於學官。」乃史氏 亦疑 人所託 發,乃征 淮 之。 太守,早卒」。 · 而 致之《 和二年, 班 魯齋 文選》 爾, 。遷蓋 固 一遭 漢 追 叙 王 而

> 耶? 或 僞 其本末,安國《書序》之僞,不待攻 經》云:「武帝時孔 漢之後孔 讓太常 不亦刺謬甚乎。 事 而自破矣。 會巫蠱 同,於《古文尚 三年,備述劉 文選》,稱「古文《書》十六篇,天 ,經籍道 作 已逝而 安國 日 事,未列於學官。」則知 博士,其文載於《漢 : 流傳,脱去「家」字爾。按 其家 序者 荀 安國獻之」,此 息」,竟出 悦 向 獻之。《漢書》、《文 乃云「會 《漢紀》於孝成 書》、《 典校經傳,考集異 或曰 安國 自 論 安 劉 或 語》、《孝 家獻之, 或 不足信 歆 有 書》、 遺 巫 中 安 帝 蠱

然《自序》又云「論次其文,七年而或曰:《史記》雖云「訖於太初」,

傳》載: 國策 業 乎? 荀悦《漢紀》亦云: 遭 或 年 謂 安國受《書》於伏生,生故 事 奴,皆直 載李廣 迄於天漢。」《漢書》或作「大漢」。 氏 至文帝時年已九十,安國 李廣傳》 安安 最 年 安 春 李 六十卒於家。 秋 ***** 十五計之,則其卒當 國早卒、《家 陵之禍」,實天 幼年 日: 見孔 公孫賀、公孫 利 逮《 書 事 附 楚漢 或 安國 家 已十五六矣。 巫 文, 載 語 語 蠱 陵 如《 春秋》 》附 今就 不卒於 獄,多係 語後 事 採《 一司 敖 衛 漢三年 ,於《大宛傳》 録安國 、韓説、 文帝 將 序 世 接 馬遷據《左 天 軍驃 其 家 秦博 征 漢 在 稱 從 也。 末 司 後 傳,稱 今於 而 之 和 趙 元 年 馬 騎 安 《戦 鼎 後 問 或 年 故 安 遷 破 列

> 間 爲是。 早卒乎? 年 發,安國年七十有七矣,尚 誅之,管、蔡是也。 」,孔氏注 已七十二,迨 若 《論 天漢之後改元 語 當 云 依《漢 雖 征和 有 親 紀》增「家」字 周 二年 而 太始, 親 不 人 賢 不 巫 得 謂 安 不 如 謂 蠱 忠 或 箕 之 事

又按: 則 疑 誓》若此。」亦與《書傳》相戾,此 又《論 少仁人。」一人 則云:「紂至 子、微子,來則用之。」於《尚書傳 此伐桀告天之文、《墨子》引《湯 也 語》「予小子 親 而 雖 兩 多 履」 處 ,不如周家之 説 經 節云 互異。

亂不止,微子數諫不聽,與太師、又按:司馬遷《殷本紀》云:「紂淫

者 又囚之。殷之太師、少師 比干心。 少 不得 師 謀, 不以 遂 箕子懼,乃佯狂 去。 死 争。」 比 干 乃 日 强 『爲 爲 諫 乃持 約 奴, 人 其 臣 剖

子被髮 其心。 其樂器 未能 也。」夫三仁皆殷 公,箕子也。 乃今安國 子數諫,紂 比干,囚 祭器奔周。」《周本紀》云:「紂 行。」則《今文尚書 書》於安國,其説 父師、少師」者 自 1決,乃 太師、少師乃勸 佯 奔周。」《宋世家》云: 箕子,太師 狂 傳云: 弗聽。 爲 問 少 奴。 於 自 「父師、太 師 王子,父師若 欲死之,及去, 必本於安國 太師、少師。 . 有 疵 微子》篇所 比 其 孤 少少 干諫,紂 微 人。 卿, 子去,遂 師 師,三 遷受 比 强 也 干 箕 微 剖 抱 殺 云

> 露矣。 梅賾 加質驗 太師疵、少師 其名,惟出 箕子,殷人 王子」也。 昧 史公説《書》本於安國,不 而 巧爲之辭,僞托之迹 尚質,其語兄之子 於疵之口 班氏《古今人表》亦 强姓名,流傳 故 稱微 有 必 子 自。 畢 日 呼

又按: 驪、扶 略 建 王克商之日乎。 餘之名。 濊良而已,此時未必 之屬,武王 命》注云:「東 同書 昭二年 餘之稱尚 安國承 王會》篇 安國《 且 始 克 一駒驪 建 詔 書傳》於《 海 商 或 作《書傳》時,恐 未通於上國,况武 此 主朱 駒 北有稷慎, 皆 號 又一 驪、 即 通 蒙 載《 扶 有 疑 道 賄 以 "駒驪、 餘 也 東 焉。」攷 肅 漢 慎 或 東 馯 元 之 駒 帝 扶 史 貊 則

當矣。 當時 甚相 又按: 何獨 僞者 藉 經》悉蝌 石》、《岐陽獵 禹 孔壁所藏《書》與《論 誦習授受,未必用蝌蚪之文, 遠 》,奇古 古文之存於今者, 此 蚪 竊 欺人,魯齋 文字? 意 碣 難 孔 》,皆與大小篆 識。 子雅言者 安國《書序》作 餘 Ŧ. 如《 氏疑之, 惟《 語 》、《孝 壇 岣 Ш 嶁

莫有 之,未 也。 增多之書,終漢之世 又按:西漢之古文,孔安國 文、杜林得之西州、賈逵、衛宏、 誘注《吕覽》,杜 鄭 當時 見 康 列於學官者也 之者。 成輩 止有杜林漆書,若 爲之作訓 故 が趙岐 預 釋《左傳》,凡 下 注《 及 傳 東 魏、 漢 孟 注 家 孔 之 子 西 解 獻 馬 晋 氏 者

融、

高

許氏 方鳩 孔 作「泉咎繇 作「救」;「有能俾乂」,作「俾嬖」; 作「豑」;「鳥獸氄毛」,作「華髦」; 中所引《尚書》字句異者,如「格于 以賈、衛、馬、 孟 惟 上下」,「格」作「假 愻」; 三苗」,「竄」作「寂」; 帝曰疇咨」、「疇」作「弓」、「共工 春三百有六旬」,「春」作「稘」; 嵎」作「堣」; 肆類于上帝」,「肆」作「쒊」;「竄 氏,《 許 氏增多篇内文,皆 僝功」,作「旁逑孱功」,「鳩」又 何由 氏《説文序》者謂 書》孔氏、《詩》毛氏」。 教胄子」,「胄」作「育」; 獨 得之? 鄭諸大儒均未之見, 「平秩 一 五 」,「宅嵎 밆 日 東作」,「秩 今考《説文》 暨 其「《易》稱 「逸《書》」。 不 遜」,作 泉 陶 夫

剛 而 塞」,「塞」作「寒」; 「濬 米」, 畎

作「蘨」;「草木漸包」,作「蔪苞」; 傲」,「朱」作「絑」,「傲」作「奡」 懖」;「予亦拙 木」,「刊」作「栞」;「 叢脞哉」,「脞」作「睉」;「隨 記之」,「撻」作「遱」,「無若丹朱 簵楛」,作「簬楛」,又作「輅枯」; 澮」,「濬」作「屠」,「藻火粉 蘖」又作「枿」;「王播告之」, 若顛木之有由 天用勦 朋淫于家」,「朋」作「堋」,「元 藻」作「璪」,「粉」作「黺」,「撻以 西 播」作「譒」;「今汝話話」,作「懖 瑶琨篠簜」,「篠」作「筱」,「惟箘 [伯既戡黎」,「戡」作「咸」,「黎」 絶 其 命」,「剿」作「劓」; 謀」,「拙」作 糵」,作「皀 厥草惟 畑, 欁 Ш 首 刊

作「睝」; 民」,「丕」作「不」 雘」,「塗」作「敷」,「丕能 句;「盡執拘」,作「抲」;「至于屬 不憝」,上有「凡民」字,同《孟 生魄」,作「覇」,「罔弗憝」,作「罔 作「無」;「王有 疑」,「稽」作「卟」; 有作好」,「好」作「妞」;「七稽 于匪」;「彝倫攸斁」,作「嬕」;「無 婦」,「屬」作「媰」,「惟其 悉」;「我之弗辟」,作「不擘」;「哉 頒」,作「攽」,「惟兹四人 子」,「勗」作「勖 我興受其敗」,作「退」,「勗哉夫 狟狟」,「篚厥玄黄」,作「實玄黄 燮」;「予顛 一大命 隮」,「隮」作「躋」 」;「尚桓 疾弗豫」,作「不 不摯」,「摯」作 9 「庶草繁廡」 「乃惟 昭 誠 桓 塗 武 孺 于小 子》 王 丹 子

黥」,作「刖劓 叨慣」,「夏」字下有「氏」字,「慣」 惟 作「訧」;「扞 稽」,「貌」作 寶」,作「寀」;「一 作「墾」,「常伯常任」,「伯」作 諅」; 敀; 鈗」;「三咤」,作「託」;「劓刵 用 焯」,「勿以儉人」,「儉」作「譣 爾 」,「杌」作「阢 蒯 斷 尚 <u></u>, 相 猗 截 「灼 「其 「峙乃糗 不 我 截 忌 見三有俊心」「灼」 國家」,作「邦家」,「陳 在受德暋」,作「忞」; 作「韶 睸 善 于 紺 -, 論言」,作「截 我 蜀纹 X 糧 于 「亦 ; 黥」;「 人冕執鋭」,作 凡此 韶 德」,「忌」作 」,作「峙 報 製」,「 • 惟 以 所引 有夏之民 惟貌 邦 庶尤 扞 戳 乃餱 之 皆 ______**;** 作 作 在 杌 有 椓

> 西 所引 伏 子》爲《 撅」、「以相陵懱」、「祖 句 見孔氏古文,則於增多篇 不知許 孜無怠」、「戔戔巧言」、「我有覯 之詗」、「師乃搯」、「來就 半有半無」、「洪水浩浩」、「在夏后 及之矣。至於「若藥 宫中之冗食」、「豲 雖 生 而 則孔 口 屬《説命》之文,殆因《孟子》 氏 周 及之爾。 傳 何所本也 書 氏 二十八篇, **>**, 傳 亦無之。又以《微 又如 洪範》爲《商 有 使 爪 累 不 甲返」、「 許 而 眄 睪 惎 基 、 内亦 氏 不 眩 1升雲, 敢 果 孜 必 以 得

見 孟 義 又按"許氏《說文序》云"「《易》 沙,恒 孔 氏,《 氏 書》孔氏、《詩》毛氏」,似 取諸家之説折衷之。 古文者。 然其 八撰《五 五 經 其 於 異 稱 乎

孔

傳

無之,則

允

南

亦

未

見

孔

氏

古

文

也

^

Œ

義

》謂

王

肅

注《

書

義,亦

必

舉

之矣,乃

僅

述

歐

陽、

夏

古文也。

譙允

南《五

一經然

否

論

援

古文《書》説以

證

成

王

冠

期

攷

今

侯、賈氏

之説

則

叔

重

實

未見孔

氏

氏書,則

四

時

寒暑日

月星水旱之

説者

賈

逵

之

説

也

使

叔

重

學

孔

宗,

河

海

爲

水

宗。」

所謂《古

尚

書

爲

陰陽宗,北辰

爲星宗,岱山

爲

Ш

也;

地宗,岱山

、河、海

也

日

月

宗三,地宗三。

天宗,日、月、北

辰

歐

陽

生、大小

夏

侯

氏

説

也

云:

《古尚

書》説:

六宗者,

謂

天

几

[方,居-

中恍惚,

助陰陽變化。」此

舜

典》「

禋

于六宗」,

云 :

六

不

謂

天,下不

謂

地,

旁不

謂

車

,備極榮

、遇,其

與孔邕、曹羲、荀

何獨孔《書》止以授蘇愉,秘

語

訓訓

注,則奏之

又《論語》解雖

列何

晏

後官

至太

傅,禄

比郡公,几杖

安

得孔氏增多之書,何難

經進?

其

政,攝 時 尚 密 謂 冲 孔氏古文也。 傳》多不同,竊疑士安亦未必真見 紀》則云「吕侯爲相」。 《吕刑》吕侯爲天子司 夏伯,故謂之伯禹」。《孔傳 爲崇伯 鳴條,年百 梧之野而 云「足文履 而 業 書》鄭 十三而薦禹,九十 執 「外布文德教命」,而《世紀》則 世紀》則云「舜年八十一即真, 經親授,與鄭 拜 《孔傳》釋「伯 五 司 」,而《世紀》則 冲 年 空,高 葬焉,壽 歲 有 所 己, 0 苗 授。 《正義》又云《古文 貴 故 氏 《孔傳》釋「文命」 小同 鄉 白 冲 叛 禹 名文命,字 公講《 ()南征 一十二歲」; 五而 在高 云 謂 俱被賜,使 所述與《 寇 《尚 「禹 堯封 貴 使禹攝 而 崩 鄉公 代 ^ 孔 世 高 于 釋 爲 鯀

矣。 説, 以《君 於朝, 文也。 則「或謂 之名,冲實主之,若孔《 顗、何晏共集《論 而不進? 謂

竊

疑冲

亦未必真見孔氏古

《尚書音》

佚。 卷。

陳》之句,不當復用包咸之

孔

子」章引《書

 \leq

即

應證

書》既得

「孝乎惟孝,美大孝之辭

或 陸 「鄭康 德 人所托。」 明曰:「爲《 成、李軌、徐邈 尚 書音》者四人,孔安 案漢人不作音,

後

歐 陽 氏地餘等《尚書議奏》

漢志》: 四十二篇。

佚。

王應麟曰: 漢書注》: 「宣帝時石渠論。」 論 石渠者 歐歐 陽地 餘、林尊、

周堪、張山拊、假倉。」

牟氏卿《尚書章句》

夏侯勝,堪論於石渠,經爲 漢書》:「周堪,字少卿,●與孔覇俱 最 高 堪 授 事 牟 大

> 之學。」 《後漢書注》:「牟卿受《書》於周堪,爲博 《後漢書》:「牟氏《章句》浮辭繁多,有 卿 十五萬餘言,張奂減爲九萬言。」 子光,亦事 士,故有《牟氏章句》。」 及長安許商長伯, 牟卿。 由 牟卿 是 大夏侯 爲博士。 有孔、 霸傳 許 四

秦氏恭《尚書説》

《漢書》:「張山拊長賓,平陵人。事小夏 君、陳留假倉子驕。 寬中少君、山 侯建,爲博士 一陽張 論 石渠。 無故 無故善修章句,守小 子儒、信都秦恭延 授同縣李尋、鄭

0 字」, 原 脱,據四庫本、薈要本、《補 iΕ 補

二三四

經義考卷七十六終

弟子金壇馮昕覆校

子

逃匿

Ш

經義考卷七十七

秀水朱彝 尊 校

書六

桓君榮《大小太常章句》

佚。

《後漢書》:「桓榮,字春卿,沛郡龍亢人。 教授。 莽敗,天 少學長安,習歐陽《尚書》,事博士九江 普卒,榮 一谷,雖 奔 常常 喪 下 亂 饑 九江,負土 樂 木 前 抱 其 講 一成 論 經 墳 書 不 一,與 因 輟 後 朱 弟 留 舉楊賜,乃侍講 通《尚書 || 桓

宗,減爲二十三萬言。 始辟 封關 擢榮弟子豫章何湯爲虎賁中郎將,以《尚 萬言,浮辭繁長,多過其實。 年,爲大常。初,榮受朱普學,章句四十 書》教授門徒,常數百人。 自執業。永平二年,三雍成,拜爲 善之,拜議郎。顯宗即位,尊以 書》授太子。 復客授江 人授皇太子經,父子給事禁省。永元 一萬言。由是有桓君《大小太常章句》。」 沛國桓榮。帝即召榮,令説《尚 又曰:「靈帝當受學,詔太傅、三公選 大司 内侯。子郁,字仲恩,傅父業,以《尚 徒 淮 間。 世祖從容問 府 君《章句》宿 於華光殿中。」 建武 時 顯 十九 宗始立爲皇太子, 郁復删省,定成十 有 湯 年,年 永平十五年, 重 本 及榮人 名者,三公 師 師 爲 六十餘 又曰: 書》 ir禮,親 五 誰 /授顯 更, ,甚 對 四

《尚 王良習小夏侯《尚 中 興, 北 海 榮世習相傳授,東京最 牟 融習大夏侯《尚 書》,沛國 桓 書》, 樂習歐 盛。」 東 陽 海

武

時

以以

明

經舉

孝廉,拜

郎

中。

撰《尚

書

師

事徐州

刺

史蓋豫,受《古文尚

書

建

後漢書》:

「周防,字偉公,汝

南

汝

陽

牟氏長《尚書章句》

佚。

拜博士,遷 少習歐陽《尚書》,不仕王莽。 本之歐陽氏,俗號爲《牟氏章 餘人,著録前 後漢書》:「牟長,字君 河 後 内太守。 萬 人。 著《尚 諸生講學者常千 高 樂安 一句》。 書 建武二年, 章句》,皆 臨 濟人。

杜氏林《漆書古文尚

補博士,稍遷陳留太守。」

雜記》三十二篇,四

十萬言。

太

尉

張

禹

薦

卷。

宏、濟 陵人。 《後漢書》本傳 離 地 握持不離身。 漆書《古文尚書》,嘗寶愛之,雖遭 也。 兵 亂, 佚。 南徐生巡 光武徵拜 古文雖不合時務,然願諸 常恐 斯 出 :「杜林, 復能 侍御 經 以示 將 傳之,是道 史。 衛宏等,曰:『林 絶, 字伯 何 林前 意 Ш 東 竟 於 海 生 西 扶 不 艱困 無 墜 衛 州 風 於 悔 流 得 茂 子

周

氏防《尚書雜記》

佚。

所學。』於是古文遂行。」

解,由是《古文尚書》遂顯於世。」同郡賈逵爲之作訓,馬融作傳,鄭玄注同郡賈逵爲之作訓,馬融作傳,鄭玄注

按: 馬、鄭 者不一家,有蓋 誦 明又云:「馬、鄭所注,並 授裁二十餘篇」,德明謂 文》采馬氏注甚多,然惟今文及 書無之也。 今文二十八篇而已,孔氏增多之 十八篇,益以小序合二十九。 所注二十九篇是也」。 序有注,而孔氏增多二十五篇 一語及焉。 ,非古文也。」然則漆 漆 所注 書古文雖 安國序中 夫東漢爲《古文尚書》 實依是 豫所傳,有杜林所 不詳 書。 其 稱伏生「 蓋今文二 書 陸氏 即 篇 伏生 亦 數, 馬、 止 有 所 德 鄭 П 無 小 釋 而

> 皆是。 得,初 義》謬 爲安國所傳,亦粗踈甚矣。 稱 不本於安國。 世儒 孔 所傳 不察,見古文字即 者 賈逵、 而 孔 親達《 馬 融 以 Œ 等

賈氏逵《尚書古文同異》

三卷。

佚。

帝善之。」 《後漢書》:「賈逵,字景伯 與經傳《爾雅》訓詁相應,詔令撰歐陽、大 與班固並校秘書。 小夏侯《尚書》古文同異。 好《古文尚書》。 逵數爲帝言《古文尚 肅宗立 ··; 扶 降 逵集爲三卷, 意 風 平 儒 陵 術 特

衛氏宏《尚書訓旨》

佚。

大司空杜林受《古文尚書》,爲作訓旨。」《後漢書》:「衛宏,字敬仲,東海人。從

劉氏陶《中文尚書》①

佚。

馬氏融《尚書注》

隋志》:十一卷。

佚。

簾,《七經小傳》用其說。」 王應麟曰:「『鳥獸蹌蹌』,馬融注以爲筍

穀」 典」,「有」作「五」,「天明畏」,作 岳,如西禮」,作「如初」; 書,故多與今文異。 按: 馬氏《尚書注》本於杜林 會」,「會」作 艱」作「根」,云「根生之食謂 一威」,「暨稷播,奏庶艱 「日月 星辰 繪 9 Ш 如「至 「作十有三 龍 食鮮 華 「天叙· 蟲, 食」, 于北 作 白 有 漆

中國民」,「付」作「附」,「非我 噫」,作「懿」,云「猶 辟」,作「避」,謂「避 作「單」,「用乂讐斂」,「讐」 作「均」;「祭波既 爾多邦」,作「大 獨」,作「亡侮煢獨」,「我之 命」,「勦」作「巢」; 岐」,「岍」作「開」; 載」,「載」作「年」; 迓」作「禦」,云「禁也」; 稠」,云「數也」;「自靖」,作 降割」,作「害」,《酒誥》「王若 播」,云「滎播,澤名」;「導岍 清」,云「潔也」;「弗迓 琨」作「瑻」;「沿于江 」,作「成王若曰」,「皇天 語 億 居 繇 「天用 「誕 豬」,「波」 瑶 也; 東都」;「 爾 告用 海 琨 多 無 克 勦 篠 邦」; 「大誥 既 奔」, 虐 亶 絶 沿 作 付 信 弗 榮 及 作 其

淫泆 貢」,作「勗贛」,云「陷 或 後之侗」,作「詷」,云「共 克臬」,作「劓」;「王不懌」,作 崩」,作「成 也」;「譸張爲幻」,「譸」作「輈」; 充 文王卑服」,「卑」作「俾」,云「使 釋」,云「不釋,疾不解也」,「在 迪」作「攸」,云「所 宫」作「君」,「迪 道」作「迪」;「有 其終出于不祥」、「終」作「崇」、云 敢 也」;「我道 有 t 嚴恭寅畏」,「嚴」作 殷 辭 」,「泆」作「屑」,云「過 命」,「弋」作「翼」;「大 王崩」,注「安民立 惟 也; 若 寧 簡 也」;●「王 王 南 在 也; 爾爾 德 宫 王 括 延」, 罔 庭 政 不

● 「陷」上、《補正》云:「當再補一『轒」字。」

經 義 考

尚 訖」,云「無所省録之貌」,「 請財 明,大辨佞之人」。 「于」,「惟來」,作「求」,云「有求 悊」,云「智也」;「王曰 騏 存,此陸氏《釋文》采之。 」,作「偏」,云「少 成 」,云「青 也」;「仡 ; 折 ; 四 民 黑 人 佐勇夫」,作「 惟 色」,「三咤」,作 綦 刑」,「折」 弁一, 也。 蓋 其 辭約 書 吁」,作 唐 作 訖 作 損 諞 初

張氏楷《尚書注》

佚。

裴優 尉詔 就。 所居成 《古文尚書》,隱 注》,後以 賊,事覺被考,引 之,楷避 後漢書》:「楷字公超,通嚴 亦能 獄 性好道 市。 不肯見。 事無驗 積二年 爲 五府 術,能 三里霧,自 居 見原 楷言從學 桓帝即 連辟, 弘農 恒 作 誳 五. 誦 里霧。 Ш 以 舉 位、優遂行 經籍,作《 中,學者隨之, 賢 術 不 如 楷坐 良方正,不 氏《春秋 時 楷 觸 從 尚 繫 霧 西 作 書 學 廷

張

氏兵《尚書記難》

年

,拜大司農。

建寧元

年,遷少府。

尋

以

師

事太尉

朱寵

學

歐

陽

尚

書

延熹九

《後漢書》:「張奂,字然明,敦煌酒泉人。

佚。

四 0

黨罪

禁錮

歸

田 里

閉

門

不

出,養

徒

千

著《尚

書記

難

》,三十餘萬言。」

鄭氏玄《尚書注》

《隋志》:九卷

《尚書大傳注》

《隋志》:三卷

佚。

按:梁劉昭注《續漢書·五行志》 引《尚書大傳》文曰:「凡六沴之 作,歲之朝、月之朝、日之朝,則后 主受之,歲之中、月之中、日之 中,則正卿受之,歲之夕、月之 中,則正卿受之,歲之夕、月之 方之句,則底民受之。」鄭注

> 《大傳》文云:「其二辰以次相將, 則悉矣。」此外所引尚多,不録。 下士受之。其餘差以尊卑多少, 之,日月夕則大夫受之,歲之夕 之,歲之中也,日月朝則 則上公受之,日月夕則 日、月也。假令歲之朝也,日月中 其次受之。」鄭注 日之夕。受之,受其凶 至日昳爲日之中,晡時至黄昏爲 夕。平旦至食時爲日之朝, 朝,中旬爲月之中,下 五月盡八月爲歲之中,自 也,日月朝則上士受之,日月中則 十二月爲 歲之夕。 曰:「二辰,謂 上 - 旬爲 旬 咎也。」又 下 爲 孤 九月盡 公受 月之 卿 隅 月之 受 中

《尚書音》

《七録》:一卷。

《書贊》

佚

字虚 既 康 虞 字,又訓北言『北猶别 木 뻬 卯』也,讀當爲『柳』,古『柳』、『卯』同字, 以 翻 憑 王執瑁,古『月』似『同』,從誤 不覺定,復訓 更作 為『昧 曰:「北海鄭玄注《尚書》,以《 几 洮 頮 『濯』,以 爲 『分北三苗』,『北』古『别』 濯,以 爲杯,謂之酒 從其非。 也」。 爲 濟衣 若此之類,誠 杯。成王 成 又古大篆 事 作『同』。 沙洲 顧 命 疾

> 孔 行,而鄭 鄭二家,齊 口 隋書 穎 怪 達 也 . 曰 : 氏 經籍 甚微。」 代 避序名,故謂之贊。」 惟 志 傳鄭義。 **>** 日: 「梁、陳 至隋,孔、鄭並 所 講 有

李延壽 及。 間 徐遵 Ш 王 傳授浮 云: 以自廣。」鄭蓋 乾圖》云: 『移河爲界在 如作服十二章、州十二師,孔注皆 「齊桓 應 川嘗圯焉。 權 **型祖** 麟 會 明兼通之。 公塞之,同 又曰:「康成注《禹貢》『 티 : 並 陽李周仁及渤 曰:「齊時 Z 居 鄭康 「鄭康 耿 至陽甲立 據 後 成所注,非古文也。」 爲 遵明受業於屯留王 此文。」 儒 成《書注》間見於疏 奢侈 一。』按《春 士罕傳《尚書》之業 海 踰 盤 張文敬、李鉉、河 齊吕,填 禮 又 庚 爲 土 曰:「康成 九 秋 之臣,乃 地 河二日 閼 緯 迫近, I 所 不 八流 聰

謀 爲謬妄,《書裨傳》云:『鄭大儒,必有 中篇、下 徙 居湯 篇是盤 舊都 庚 上篇是盤 爲君 時事。』《 庚 爲 E 臣 義 時 事 \forall 所 以

據而言。」

有其書,而未嘗亡也。」 載於《舊唐書·經籍志》,❶則開元之時尚顧炎武曰:「馬融、鄭玄注《古文尚書》,

盧氏植《尚書章句》

佚。

九江太守,以疾去官,作《尚書章句》。」與鄭玄俱事馬融。建寧中徵爲博士,拜與鄭玄俱事馬融。建寧中徵爲博士,拜

荀氏爽《尚書正經》

佚。

勳。 《後漢書》: 傳》、《詩傳》、《尚 獻帝即位,徵之,拜平 年,舉至孝,拜郎 又作《公羊問》。」 上,又南遁漢濱,積十餘年, 視事三日,進拜司空。 「爽字慈明, 中。 正 血經》、《 原 後遭黨錮 相 名諝。 以 春秋條 著《禮》《易 復追爲光禄 著述 隱 延熹九 爲事 例 於海

亡名氏《書傳略説》

佚。

●「舊唐書」,原作「唐舊書」,據四庫本、薈要本、《補正

四三三

四 DЦ

《春秋公羊傳疏》俱引是書,未詳 按: 作者名氏。 曲禮》《檀弓》《王制》《玉 《周禮 ·大行人》疏、《禮記 一藻》疏、

劉知幾曰:

「王肅注《今文尚書》,大與古文

以續孔傳。

徐仙民亦音此本。」

《孔傳》相類,或肅私見其本而獨秘之乎?」

王氏肅《尚書駁議》《唐志》作「釋駁」。

隋志》:五卷。

《古文尚書注》

卷。 新舊《唐書·志》: 十卷。

佚。

亡《舜典》 故取王注從『慎徽五典』以下爲《舜典》, 陸德明曰: 一篇。● 「梅賾上孔氏傳《古文尚書》, 時以王肅注頗類孔氏,

王氏粲《尚書釋問》

康成及肅,參以己見者也。

當即《隋志》「《義問》」,孔晁采鄭

按:《唐志》有《尚書答問》三卷,

《七録》: 四卷。

佚。

太祖辟爲丞相掾,賜爵關内侯,後遷軍謀 魏志》: 唐書》注: 「王粲,字 「王粲問 田 仲 瓊、韓益正。」 宣 Ш 陽 高平人。

0 (宋刊本)改。 「亡」,原作「云」,據薈要本、 陸德明《經典釋文》卷三

程氏秉《尚書駁》

佚。

范氏順、劉氏毅《尚書義》

李氏克《尚書注》

《隋志》注:「范順問,吴太尉劉毅答。」

伊氏説《尚書義疏》《唐志》作「釋義」。

《七録》:四卷。

阮孝緒曰:「説爲晋樂安王友。」

孔氏晁《尚書義問》

范氏 電《尚書注》《經典序録》作「集解」。

十卷。 《隋志》止《古文尚書·舜典》

注一卷。

二四五

《隋志》注 鄭玄、王肅及晋五經博 士孔

晁撰。」

《册府元龜》:「晁爲五經博士,撰《尚 義問》三卷,又注《春秋外傳國語》。」 書

《周書注》

徐氏邈《古文尚書音》

《尚書逸篇注》

新唐志》:三卷。

謝氏沈《尚書》

《隋志》:十五卷。《唐志》:十三卷。

陸德明曰: 佚。 「沈字行思、會稽人。 東晋尚

書郎,領著作。

録一卷。」

李氏顯《集解尚書》

《隋志》:十一卷。《經典序録》、《唐志》作「集

佚。

孫奭曰:「《尚書逸篇》,唐有三卷,徐邈

爲之注焉。」

佚。

吕氏文優《尚書義注》

《尚書新釋》

《隋志》:二卷。

《尚書要略》

《新唐志》:二卷。

僞書作傳,不知顒何由爲此言。」 誓》篇每引孔安國 日。 計安國必不爲彼 孔穎達曰:「李顒集注《尚書》,於僞《泰

李氏軟《古文尚書音》

《七録》: 一卷。

《隋志》:三卷。

姜氏道盛《集釋尚書》 《經典序録》作「集解」。

《隋志》:十一卷。《經典序録》:十卷。

《隋志》:「宋給事中姜道盛注。」

陸德明曰:「天水人。」

《册府元龜》:「姜道盛爲給事中,注《集

釋尚書》十一卷。一云注《古尚書》。」

王 氏 儉《尚書音義

唐志 ₩. 四

佚。

吏部 子舍 年 任 爲 初 右 遷秘 六 長 義 昉 人,以 歲 郎 興 日 史,俄遷 襲 恭 太守、還 : 書 選 公諱 封 選 派 一、俄遷 左長 豫 0 尚 儉,字 除 寧侯。 服 公主 史。 給 侍 翼 事 中 拜 ,仲寶, 拜 齊 初 黄 駙 辭 司 臺 門 拜 馬 徒 不 初 侍 秘 瑯 都 拜 右 建 郎 書 琊 尉 郎 遷 長 臨 補 以 史, 遷 沂 元 太 尚 公 爲 尉 出 徽 太

> 顧 氏 歡《尚書百 問》

書監

,薨,追贈

太尉

益

日

文憲。」

正。

頃之,以本號

開

府

儀

同

三司

詔

加

中

解丹

陽

尹

河,領

太子

少傅,

又

領

本

州

大

中

以

本

官領

分丹陽

尹

復以本

官

領

國

子

祭

酒

爲

侍

中

尚

書

令、

鎮

或

將

軍

進

號

衛

將

軍

隋志 佚。 卷。

隋 志》: 齊太學 博 士 顧 歡 撰

姚 氏 方興《 舜 典 孔

篇

選

加

侍

中

,又授太

子

詹

事

侍

中

僕

射

存

如

故

改授

散

騎常侍。

太祖

崩

遺

詔

以 公

尚

書

右

僕

射,領

吏

部。

太祖

受

命

以

佐

命

功

封

南

縣

開

國公,

食邑二千户

建

元

年

遷

尚

書

左僕

射,

領

選

如

故

尋

表

解

陸 德 明 \Box : 齊 明 帝 建 武 中 吴 興 姚 方 興

四 八 劉

知

幾

日

姚

方

興

採

馬、王之義,以

造

至

隋

開

皇初

購

求

遺典,始得之。

聞 接,所 此 本無。 采 于帝』,此十二字是姚方興所 大 生雖昬耄,何容合之?』遂不行用。」 日 曰 記孔 ,乃命以位」,凡二十八字異。」 一下更有『濬哲文明,温恭允塞,玄德 舫 馬、王之注 「《舜典》『曰若稽古,帝舜 頭 以 阮孝緒《七録》亦云然。 致誤。 序 買得上之。❶ 稱 ,造孔傳《舜典》一篇,云於 伏生誤 《舜典》首有曰 合五篇 梁武 時 ,皆文相 爲 上,孔氏 若稽古 日 方興本 博 重華,協 ±, 伏伏 升 或 又 傳 承 議

孔穎 乃 至 頭 孔氏傳,猶闕『乃命以位』已上二十八字。 得 表 齊 蕭 達曰:「東晋之初,豫章内史梅 上 孔氏傳古文《舜 續 之。 建 武 事 四 未 年,吴興姚 施 行, 典》,亦類太康 方興 方興 以 罪 於大航 致 中書,

> 北 取 舉 孔 此 朝 人 傳《舜典》,云於大航購得,詣 中原 集議,咸以 篇列諸本第。」 ,學者得 爲 而異之,隋學士劉 非。 及江 陵 板 闕 蕩 以獻 炫遂 其文

掠《淮 + 鄭公曉 發》,『文明』掠《乾·文言》,『温恭』掠 興 夷傳》。 頌·那》,『允塞』掠《雅·常武》,『玄德 重華』句襲諸《史記》,『濬哲』掠《詩・長 以 八字,蓋 伸 南子鴻烈》、『乃試以位』掠《史・伯 曰: 其 正見其蒐竊之踪。」 歲 隋 「《舜典》『日若稽古帝舜』二 月爾。 開皇時人僞爲之,假設姚方 日 若』句襲 諸 篇 首

經義考卷七十七終

弟子秀水陶越覆校

「上」,原脱,據四庫本、薈要本補。

21

《尚書新集序》

秀水朱彝尊編

男昆田校

一卷。

《尚書亡篇序》

一卷。

佚。

《隋志》:「梁五經博士劉叔 前注。」

《册府元龜》: 劉 叔嗣 爲 Ŧī. 經 博 士,注

書亡篇序》,又注《尚 書》二十

尚

五一五〇

1588

佚。

《七録》:二十一卷。

劉氏叔嗣《尚書注》

孔氏子祛《尚書義》

《集注尚書》

任氏孝恭《古文尚書大義》

(唐志》:二十卷。

佚。

《南史》:「任孝恭,字孝恭,臨淮人。 帝召人西省,初爲奉朝請,進直壽光省, 武

蔡氏大寶《尚書義疏》

因走入東府,城陷,景剉斬之。」

獲之,使作檄,求還私第檢討,景許之。

爲司文侍郎,俄兼中書通事舍人。

侯景

《隋志》:三十卷。

佚。

《隋志》:「大寶,蕭詧司徒。」

孔穎達曰:「古文近至隋初始流河朔,其

爲正義者,蔡大寶、巢猗、費甝、顧彪、劉

焯、劉炫。」

巢氏猗《尚書義》

、隋志》:三卷。 新、舊《唐志》作「義疏」,十卷。

佚。

《尚書百釋》

《隋志》:

佚。

《隋志》:「梁國子助教巢猗撰。」

費氏甝《尚書義疏》

《隋志》: 十卷。

佚。

陸德明曰: 「梁國子助教江夏費甝作《尚

書義疏》,行於世。」

武平末,劉光伯、劉 李延壽曰: 「齊時諸生略不見孔傳注 士元始得費甝《義 解,

疏》,乃留意焉。」

《尚書廣疏》

《崇文總目》:十八卷。

佚。

劉氏焯《尚書義疏》

《唐志》:

佚。

「二十」、《補正》云:「當作『三十』。」

0

張氏譏《尚書

十五卷。

佚。

二 五 三

少與河間劉炫結盟爲友,同受《詩》於同 北史》:「劉焯,字士元,信都昌亭人。

《禮》於阜城熊安生。開皇中,舉秀才射 郡劉軌思,受《左傳》於廣平郭懋常,●問

策,同修國史,直門下省。 俄除員外將

軍,於秘書省考定群言。假還復入京,爲

述教授爲務,賈、馬、王、鄭所傳章句,多 飛章所謗,除名。於是優游鄉里,專以著

所是非。煬帝即位,遷太學博士。」

《儒林傳》:「信都劉士元、 拔萃出類,學通南北,博極古今,後生鑽 河間 劉光伯,

仰。

所製諸經義疏

,縉紳咸師宗之。」

劉氏炫《尚書述義》

《尚書百篇義》

通志》:

《尚書孔傳目》

通志》:

《尚書略義》

通志》:

常」,原脱, 據四庫本、薈要本、《

五五三

策 能 史,内 煬 妙。』吏部竟不詳試,在 詩 不 兼 隋 嘉言故 人,保明炫 三家,雖 論 北 儀禮》、《穀梁》, 炫 高 帝 得 於内 開 語 史》 第 即 官, 皇中,奉勑同 尚 自 史 ×, 事 除 位 史省考定 義 爲 送 孔 書 爲 一,納言是 ,咸誦 太學博 所 狀 有 詣 劉 **≫**′ 縣 鄭、 精 陳 日 炫 吏 司 公羊》、《 楊 於 粗 王 不謬,於是除 部 責 用功 群 字 達 心 士 修 尚 其 並 何、 言。 舉炫 國 周 光 賦 堪 天文律 差 史。 禮 書 伯 朝 服、 左 役, 博學 講 雖 少。 韋 × 知 傳 杜 授。 河 遍 俄 炫 名之士 世 等 × 禮 間 殿 歷 有文章 子史文集 直三省 直 康 自 **《孝** 《周 記》、《 内將 注, 窮 門下 景 問 陳 城 一十餘 凡十 易 經 其 於 覈 軍 省 人。 毛 微 竟 所 内

> 貴,教 日 宣 一德先 授不行 生。」 因 凍 餒 而 死 其 後 門 人 謚

先 闕 按 非 目 生《尚 一》、《略》 光伯 書 劉 目》 光 即 義 書義》三卷,不詳 俱 伯《 士元所著也 有之。 尚 書 百 又《隋 紹 篇 興 義 四 志 其名 ×, 庫 \Rightarrow 載 孔 續 度 劉 傳 到

王氏孝籍《尚書注》

佚。

業,終於 秘 北 書 史》: 助 修 家 王 或 孝籍 史。 注 ^ 尚 平 後 書 原 歸 鄉 \forall 及《 里 開 詩 以 皇 教 中 遭 授 召 亂 爲

去任

歸

於

河

間

時

盗

賊

蠭

起

穀

食

踊

册

府

元

龜

劉

炫

爲

太學

博

1:

以

品品

卑

顧氏彪《尚書疏》

《唐志》:五卷。

《尚書大傳音》

《尚書文外義》

《隋志》:二卷。

佚。

《册府元龜》:「彪撰《古文尚書義疏》二 《北史》:「顧彪,字仲文,餘杭人。 《古文尚書義疏》二十卷,行於世。」 書》、《春秋》。煬帝時爲秘書學士。 明《尚 撰

《今文尚書音》

卷、《尚書文外義》一卷。」 十卷、《今文尚書音》一卷、《大傳音》一

鄭樵曰:「《古文尚書音》,唐世與宋朝並

二五五五

無,今出於漳州之吴氏。」

虞氏失名《尚書釋問》

《尚書逸篇》

王氏失名《尚書傳問》

孫奭曰:「《隋·經籍志》:『《尚書逸篇》, 出於齊梁之間,考其篇目,似孔氏壁中書 之殘缺者,故附《尚書》之末。』」

唐孝明皇帝《今文尚書》

亡名氏《尚書閏義》

《隋志》:

《新唐志》:十三卷。

二二五六

存。

天寶三載 新 無 唐志 偏 無 頗 又詔集賢 聲 開 不 元十 協 學 詔 四 土 年, 改 爲 衛包,改古文從 玄宗 『無 以 偏 無 洪 陂 範

宜。 浸譌 莫越 猶 惟 百 册府元龜 篇 載 在 於 籍 奥 尚 有疑 但以 義 唐 ,討論《墳》、《 書》 前 虞,上古遺書,實稱於訓誥。 *: 於後學。 古先所制 應 代或亡, 是 唐天寶三載, 古 體文字,並依 典》,以 有 永言 而 六 異 刊革,必 體 於 爲先王 詔 奇 當 日 今,傳 文, . 今字 一令範 『朕: 在 舊 規 繕 從 雖 寫 欽

理 Z 刊,文字 寫 唐 夜 施 大韶 觀 行 每 讀 其 或 令》 舊 訛 尚 匪 勑 本 贵 書 徒 仍 日 閲 必 藏 :「典謨 洪 於 相 之書府。』」 範 微 襲。 言 至『無 既 朕 實 作, 聽 欲 偏 政 雖 暢 之暇 無 於 頗 精 不

> 其 庶 兼 又《周 書 相 由 别,爲陂則亦 下 遵 云『陂』字亦有頗 魚 使 訪 沿 煨 文 王 . 先 之 魯。 洪 諸 並 ,原始要終,須 燼之餘 易 儒 義 範 儒 皆 • 之義 仍宣示國學,主者 · 》 『 無 協 愈以 泰 編 會 韻 卦 去彼 偏 復 意,爲 爲然, 簡 》中『无平不陂』,《 唯 音。 無 兹 墜 有 頗 句, 膏 頗 缺 頗 終 刊 陂之與頗,訓 肓 常 則聲 傳 字 非 革。 有 字 授之際,差 施 宜 獨 後學之徒,正 所 不成文。 實 行。 朕 改 斷 疑 爲 雖 則 『陂』。 其《 先 釋 不 誥 據 文》 倫 尚 舛 其 應 無

按: 《文苑英 華 W 亦 載 此 勑,云 是

孫 逖 代草

得 鄭 朝 古文,自漢以 屋壁之書,依古文而 樵 朝 日 授膠東庸生,謂之《尚書》古文之 : 「《易》、《詩》、《書》、《春秋 來 盡 易以 隸之,安國 今文。 惟 孔 授 皆 都 安 尉 有 或

Ŧī.

八

之俗字 之所 唐之 詔 馬 藝文志》有《 古文尚書》,孔安國以今文讀 端端 集賢 謂 所 臨 (學士 謂 古 也 曰:「按《漢 古 文 衛 今文尚 文者隸 者 包改 科 斗書,今文者 古文從今文。 書》十三卷,注 儒 書,今文者世 林 傳 》言孔 之。 隸 所 然 言 ^ 書 氏 玄 通 則 唐 也 宗 有 用 漢

以 莪 顧 乙 凱 隸 心以 佐 義 炎 釋》 風》 宗 武 讀 以 日 伯」,注 今考之,《 云: 爲 惆 儀 $\overline{\ }$ 憀,惟《蓼 周 周 : 古 禮注 禮 漢 者 故 孔 書 書 一》儀、 儀》以愴恨。』《 肆 耽 儀 儀 師 神 但 義 爲 **>** 二治 爲 祠 義 碑 義 字 其 古 鄭 禮 平. 皆 洪 日日 儀, 都 農 音 竭 适

> 者莪 其 俄。』《 嘉。 之《凱 儀 又『飲 儀 何, 相 兩 慎 辟 儀 峻 儀 髦 爲 蔣 0 爾 爾 籩 碑 牛 並 其 莪 君 0 詩 實 爲 在 風 出 豆 酒 *****: 碑》: ^ 何 以 也 **>** 德 静 彼 新 惟 *****: 穆 話 孔 反。 義 『悲 悼《蓼 孔 我 嘉 天 中 嘉 俾 \neg ^ 敬 爲 \neg 嘉 汎 別 儀 衛 子 臧 朋 感 ^ 蓼 莪 爾 維 周 ,之死 彼 尉 傳 其 義 慕 俾 友 義 既 威 其 也。 禮 栢 ***** 嘉 攸 卿 詩 》之劬 舊 見君 之不報, 令儀』。 儀 注》儀 舟 衡 攝 1 如之何」。 矢 =淑 吴才 蓼 方 無 子, 靡 黄 在 勞。』《 慎 攝 碑 蓼 澤 不 他 彼 作 爾 以 老 痛 樂 *****: 者 又 柔 義 謡 中 止 威 H 昊 儀 司 _ 方皆 韻 嘉』。 又 不 河 又『菁菁 儀 其 天 有 _ 隸 感 補 黄 愆 告 九 髡 之 儀 並 挍 衛 **>** 音 之 靡 維 + 彼 于 又 又 尉 以 : 人

^{● 「}愆」,原作「衍」,據四庫本、薈要本、《補正》改

《孔廟 等於二儀』,始與『枝』、『雌』、『知』、『斯 不偏 苑》:『食則 職 陁 自中山王《文木賦》『載重雪而梢勁,風將 來則有嘉。』楊雄《太玄經》:『陽氣 下合聖制,事得禮儀。』『儀』皆作『俄』音。 韻。」 ,其馬歕 不 禮器 頗 相 切 沙, 碑 物 有 相 *****: 與 節 皇人威 磋 争訟,各遵 飲飲 『上合紫臺,稽之中和 各 則 長 儀。』《管子·弟子 有儀, 其 儀 其儀。』 往 劉 則 向《説 氾施, 有 一韓 文, 勑

者矣。 又按: 韻。 按: 大害,然亦當復古本爲是。 不成文,遂改 通「儀」,又音「俄」,正與「頗」 明 顧氏所詮最爲詳確。「義」既 王氏《困學記 竊謂經文一字之改,雖 皇不 曉 爲 事,謂 「陂」,徒見嗤於學 聞》謂 從「頗」 泰 則 誓 無 聲 同

文宗皇帝《尚書君臣事迹圖》

畏,自我民明畏。」今「大」作

古文本作《

大誓》,

故

孔

氏注

云

大會以

誓衆。」《泉

陶

謨

「天明

匪特《洪範》之取「頗」爲「陂

畏」作「威」,皆衛包所改。

乃知

佚。

命工圖寫於太液亭,朝夕觀覽。」和二年五月,帝纂集《尚書》中君臣事跡,

孔氏穎達等《尚書正義》

存。二十卷

一二五九

機

(,發號

出令,義非

揆,

或

設

教

以

馭

下

之

則

Ŧ.

或

敷

和

助 約、 輔 寧 都 博 王 館 彦、范義 館 几 王 中 新 真 教 直 督 門 士 德 學士谷 刀 吏部 ·興 右 唐 鄭 學 長 朱 韶 儒 助 書 門 僕 書 土 與 教 祖 孫 長 *****: 博 目 頵 尚 四 射 王 薛 王 才、 那 無 門 W 士趙君 、齊威、太常博 書 張 德韶、隋德素等刊定。」 士雄 伯珍、國子 忌、 國子 律、 助 蘇 周玄達、 褚 行 $\overline{\ }$ 教 德 遂 尚 劉 司 成 祭酒 趙弘智覆 贊、右内 李子雲等 良、 融 空李 書 伯 吏 正 莊 中 太 四 助 孔 部 二、太學 ,勣、左 學 書 門 教 穎 士柳士宣 尚 率 令柳 助 史士 助 達、 奉 審 書 府 教 教 詔 太 博 僕 侍 太 長史 李 隋 弘 爽、 撰 射 士 學 中 尉 ,玄植 德 孔 賈 太學 弘 弘 高 于 揚 博 四 素 文 志 公 志 文 州 門 季 +

書》 刊 古之王者, 定。」 義》二 者,人君 + 卷 事 辭 誥 總 永徽 萬 之 之后 書、欲 乎 斯 蕩 連 毛 秦 浮 漸 動 里 或 而 而 베 誓語 功拔 七 基. 不,不 斯 乃 蕩 城 魯 辭 散 展 無 雄已 禮 前 至 謬 風 舉 時 犀象之牙角 於 其 無 可 言 窮漢 位 興。 勳、 以 R 經 宏 出 不慎。 得 昭 事 し戦,五 往 樞 修聖 Ŧi. 綱 華 震 而 法 Ŀ 先君宣父,生於周 行,足 得 水之濱 機 心之君 代 揖 而 稱 誡 ,或宣 之則 之 書總 道 撮 讓 精 9 所以 發, 慎 以 9 郁 機 以 而 未 百 罄荆 言 威 黼 顯 所 要, 典 郁 垂 聚 百篇 辭 榮 度 聖 藻 以 行 求 謨 紛 法 儒 辱 不 惟 E 人 斯 肅 山之石 紛 者 起, 也 將 之主, 苟 斷 貞 ,
芟煩 彰 震 雅 來 照 采翡翠之 出 於 末 湯、 唐 郁 曜

四

年

長

孫

無忌

等承

詔

孔

穎

達

序

日

夫《

.

右史記

言之策。

與

深

穽

同

者

也

暨

斯

爲

乘。

巍

巍

1,所得

者

虞

下

終

羽

蜀

M

剪

有

至

德

武

革

命

平

如

雲

其

泉

原

所

君

舉

必

絲

綸

之

生

義

竊

以

古

X

言

誥

惟

在

達

情

雖

復

時

見

異

彼

前

儒

非

險

而

更

爲

險

無

義

而

更

雅

,然焯

乃

織

綜

經

文

穿

整

孔

穴,

詭

其

新

釋

注文,義

皆

淺

略

惟

劉

焯

劉

炫

最

爲

詳

焯

劉

炫

等。

其

諸

公旨

趣

多多

或

大

循

帖

者

悉

祖

焉

近

至

隋

初

,始流

河

朔

其

爲

E

義

者

蔡

大

寶

巢

猗

費

甝

顧

彪

劉

弘

而

雅

故

復

而

不

厭

久

而

愈

亮

江

左

學

雖

然早

出,

晚

始

得

行

其

辭

富

而

備,

其

義

也。 後 调 静 存 所 非 義 經 朱 前 子 行 亦 或 蘇 而 雲等 其 聞 悉 德 修 太 非 生 開 更 删 猶 樹 取 長 太 使教 一,若爲 學 是 今奉 焉 對 象 融 才 見 獎之路。 疏 敢 不及,良 略 謹 覽 文 不 博 臆 而 給 登 八及通 一明勑, 雖 去 説 士 斯 共 領 辭 者 必 仕 事 古人之傳 復 其 臣 銓 爲 必 乃 辭 袖 又 煩 郎 郎 微 直 義 非 王 鼓 叙。 考定 此 皆 過 守 守 據 而 既 郎 稍 此 德 怒 也 有 多 削 華 太 四 舊 無 省 行 乃 韶 浪 至 意 ",雖 惑 學 記 是 門 其 聞 義,文 要, 四 炫 炫 於 + 前 質 助 博 非 煩 門 學 之 爲 嫌 平 若 又 教 四 謹 士 博 而 所 者 近 謹 文 又 年 流 其 好 焯 雲 門 H 士 與 增 筆 失,未 代 非 之 勞 罄 改 言 震 騎 朝 騎 驍 助 其 又 之善 之異 文,欲 庸 而 張 煩 必 驚 散 簡 尉 都 騎 奉 教 愚 少 雜 托 前 爲 大 飊 尉 臣 尉 勑 臣 功。 同 義 數 使 就 於 此 得 乃 李 竭 夫 臣 臣 與 隨

稍

圃

故

馬

鄭

諸

儒

莫

覩

其

學

所

注

經

傳

時

或

異

同。

晋

世

皇

甫

謐

獨

得

其

載

於

帝紀》,其

後

傳

授

乃

可

詳

焉

但古

文

經

實

遭

巫

蠱

遂

寢

而

不

用

歷

及

魏

晋

一方始

刻

之。

古文則兩

漢

亦

所

不行,

安國註之,

其

文

則

歐

陽、夏侯

二家之所

説

,蔡邕

碑

石

求

遺

逸

採

古

文

於

金

石

得

今書

於

齊

魯

埋

經

典

共

積

薪

俱

燎

漢

氏

大

濟

品

宇

廣

於童 雄等、對勑 義》,凡二十 德素、 儒 一雅。 林 略 使 郎 陳其 卷。 趙 守 四 弘 事,叙之云爾。」 庶對 智覆 門 助教雲騎尉臣 揚 更詳 於聖 審,爲之《 範 冀 王 有 益 Œ 士

與 加增 失。 博 記 氏 無 融、隨 義贊, 詔 晁公武 才章、王恭、王琰撰 唐 李 然其 ,往往不同 忌 事多參差,此 儒學傳》稱 子 損,始布天下。』《藝文志》云: 、李勣等二 永徽中,于志寧、張 徳素、 雲、王 日: 中 改 不 爲 ~ Ŧ. 能 正 德 穎 + 爲 士 義 無 部等 達 尤 四 雄 云。 謬 Ŧi. 穎 因 甚。 人刊 冗 趙 經 撰,朱長才、 達 梁 雖 行 義 弘 與顛 馬 所記 定。」 包 費 智 成、 訓 嘉 貢 甝 審 白 師 撰著 運 異 唐 高 疏 覆 餘篇 古、 駁 家 史 季 廣 蘇 人 志 長 穎 輔 司 IF. 爲 之, 姓 其 馬 傳 孫 達 詳 德 就 號

陸氏德明《尚書釋文》

宋志》:一卷。

存。

《崇文總目》: 尚 刊定。 音切彌省。」 定其文,改從隸 書 始開 與唐 寶 明 「皇朝 中 皇 書。 所定今文駁 詔 蓋 太子 以 德 今文自曉者多 明 中 所 舍陳鄂 異 釋 令鄂 乃《古 奉韶 放故 删 文

定,自 於《釋文》。 文,由是古文遂絶。 晁公武 漢 E : 迄 唐,行於學官。 《古文尚 陸 書》, 德 明 孔 明 獨 安 皇 存 國 其 改 以 從 隸 今 古

王應麟曰:「唐陸德明《釋文》用古文,後

重修。 年九月,雕《新定釋文》。」 義》,與《新定釋文》並行,從之。 校定上之, 詔名《開 周 咸平二年十月,孫 釋文》刻板 顯 德 開寶五 六 年 郭 太 年二月,韶 祖 忠 奭 恕 命 請 寶新 判 定《古文 摹 國 印《古文尚 定尚 翰 子監 林 書 尚 學 周 天 釋 士 惟 聖 李 文 書 簡 音音 并 昉 等

振

滯》二十卷、《禮記

繩

愆》三十卷

并

所

注《孝經》、《史記》藁草,請官給紙

筆

寫

年,表上

其

、所撰《尚書糾謬》十卷、《春

秋

事

兼

直

弘

文館

轉轉

几

門門

博

+

長

安

經

補

博

城

縣

丞。

天

授

中

遷

左

衛

率

府

録

^

舊

唐

書

 \forall

王元

感

濼

州

鄄

城

人。

舉

明

王氏玄度《注尚書》

《新唐志》:十三卷。

的

王氏元感《尚書糾繆》

《新唐志》:十卷。

佚。

掎 李 温 義 人 右史張思敬 舊義,元感隨方應答,竟不之屈 口 前達之失,究先聖之旨 多 敏 連 魏知古、司 憲等皆專守先儒章 湾博 魏知古嘗稱 得。 表薦之。 聞 可 强記,手不釋卷,老 太子 雅 封 尋下 好 郎 其 異 司 中徐堅、左史劉 所 聞 詔 議 句, 撰 每 日 郎 書 : 深譏 ,是謂儒 爲元感申 兼 日 王元感 崇 元 「信 加 賢 感 鳳 宗, 彌 知幾 館 質 理 閣 掎 可 不 性 其 謂 舍 摭

二六三

均博士詳

其

可

否,學

士祝

欽

明、

郭

Ц

惲

Ŀ

一秘閣

韶令弘文、崇賢兩館

學士及成

成氏伯與《尚書斷章》

《授經圖

略序衆篇大旨。」

馮氏繼先《尚書廣疏》

達《正義》爲本,小加己意。」

《崇文總目》:「僞蜀馮繼先撰。

以孔穎

佚。

佚。

《崇文總目》:「不著撰人姓氏。 案,其書

經義考卷七十八終

弟子丹徒霍秉仁覆校

《尚書小疏》

一二六四

1602

秀水朱彝尊編 男昆田校

《姓譜》:「忠恕字恕先,洛陽人。

仕周,

佚。

簿,令刊定《古今尚書》。」 爲《周易》博士。宋太宗召爲國子監主

胡氏旦《尚書演聖通論》

七卷。

宋真宗皇帝《尚書圖詩》

卷。

王氏曙《周書音訓》

《玉海》:「景德四年,崇和殿壁挂《尚書

圖》。祥符七年,作《尚書詩》三章。」

佚。

第。 後。 下平章事。 書侍郎參 宋史》: 咸 世 平 居 知 中,舉賢 「王曙,字晦叔,隋 河汾,後爲 卒贈太保、中書令,謚文康。」 政事,進 良 方 樞密使,拜 正 河 科,後 南 人。 東泉子 同 以 中 中 Τ. 績 進 書 部 門 尚 士 之

楊氏繪《書九意》

《通考》:一卷。

晁公武曰:「皇朝楊繪元素撰。 佚。

其序云:

堯》《虞書》《夏書》《禪讓》《稽古》《商書》儒皆言之,《書》獨無其法耶?故作《斷删或修,莫不有筆法焉。《詩》、《春秋》先

《東都事略》:「楊繪,字元素,漢州綿竹《周書》、費誓》、秦誓意》,凡九篇。」」

胡氏暖《尚書全解》

《宋志》:二十八卷。

佚。

引東坡説,東坡不及見安定,必是僞書。」注。蓋專破古説,不似胡平日意。又間朱子曰:「胡安定《書解》,未必是安定所

張氏景《書説》

未見。

董鼎曰:「景字晦叔。」

● 「隋」,原脱,據四庫本、薈要本、《補正》補

人。

舉進士,再知

諫院,擢翰林學士、

御

史中丞。」

《姓譜》:「公安人。」

袁氏默《尚書解》

佚。

《姓譜》:「袁默,字思 進士,官至湖北轉運判官。」 正,無 錫 嘉祐

范氏雍《尚書四代圖》

佚。

王應麟曰:「仁宗時, 樞 副范雍繪《尚 書

四代圖》進之,以備中覽。」

《東都事略》:「范雍,字伯仁,河陽

舉進士,官至資政殿大學士、禮部尚書。 卒贈太子太師, 謚忠獻。」

經義考卷七十九

謝氏景平《書傳説》

《姓譜》: 景平,皇祐中進士,仕終 秘

樂氏敦逸《尚書 『略義》

《通志》:

黄氏君俞《尚書關言》

通志》: 三卷。

《閩書》:「黄君俞,字廷愈,莆田人。 治

平四年進士,歷官崇文院校書,改館閣

校勘。」

尹氏恭初《尚書新修義疏》

《宋志》:二十六卷。

化

吴氏改《尚書大義》

《宋志》:三卷。

佚。

瑗學,馳名嘉祐、治平間。」《浙江通志》:「吴孜,會稽人。從安定胡

按:《紹興四庫續到闕書目》有之。

顧氏臨等《尚書集解》

《通考》:十四卷。

未見。

書也。」 表、吴孜所撰,後人集之爲一編,然非完 武仲、劉敞、王會之、周範、蘇子才、朱正 武仲、劉敞、王會之、周範、蘇子才、朱正

學士。」
學士。」
一,爲國子直講。元祐初,拜天章閣待中,爲國子直講。元祐初,拜天章閣待中,爲國子直講。元祐初,拜天章閣待

文氏彦博《尚書解》

一卷。

存。

範也。 德日新,比隆堯舜。 莫不祖述,寶爲大訓。 之書,謂之《尚書》。』然則後代聖帝明王 訖於周。舉其宏綱,撮其機要,典謨訓誥 彦博進表曰:「臣伏讀《尚書序》云:『孔 方命講官講解《尚書》,孜孜不倦,所 明文思,稽考古道,日 之文凡百篇,所以恢宏至道,示人主 子生於周末,覩史籍之煩文,懼覽之者不 尚 一,遂乃討論《墳》、《典》,斷自唐虞以下, 書》三十二篇,采其切於資益聖治、宜 帝王之制,坦然明白。 臣以 御 恭以皇帝陛 邇 叨侍經筵,輒於 英,延訪經義 以其 下聰 上古 以 以 聖 軌

> 宗,位至丞相,除太尉,以太師致仕。」字,所以發明本篇之大旨,所冀便於乙夜之觀。」 《宋名臣言行録》:「文彦博,字寬夫,汾《宋名臣言行録》:「文彦博,字寬夫,汾於重複温故者,凡十篇録進。篇别有後於重複温故者,凡十篇録進。篇别有後

逸》、《立政》、《周官》,凡十篇。典》、《益稷》、《伊訓》、《洪範》、《皋陶典》、《大禹謨》、《皋陶按:潞公《尚書解》附載集中、《堯

范氏鎮《正書》

佚。

以銀青光禄大夫致仕,封蜀郡公,謚舉進士,禮部奏名第一。歷端明殿學士,《宋史》:「范鎮,字景仁,成都華陽人。

孔氏武仲《書説》

《宋志》:十三卷。

未見。

院,擢給事中,遷禮部侍郎,坐元祐黨奪進士,爲禮部第一。歷中書舍人,直學士《東都事略》:「武仲字常父,新淦人。舉

孫氏覺《書義十述》

《通志》:一卷

《尚書解》

《通考》:十三卷。

佚。

晁公武曰:「覺仕元祐,謂康王以喪服見

職。著《詩》《書》《論語説》。

字,不知,無從訪獲,爲之惘然。 書賈目中有抄本二册,亟索之,云 其佚久矣。康熙乙亥三月,西吴 按:是編諸家藏書目均無之,疑

一二七〇

諸侯爲非禮,蘇氏之説本此。」

范氏純仁《尚書解》

一卷。

君臣 不同 純 之後輒有解釋,或用孔氏注意,或與 浩博,采掇未能遽就,而君 之言關於治道者,録爲三十章,仍 堯舜三代,故取《尚書》自古君 仁經進序曰:「臣近奉德音,俾將 但取 一議論諫争之言編次進呈。 存。 理當義 通 一,以伸 裨 臣之際 補 之 臣 臣 誠 於 相 莫 以 孔 每 飭 盛 史 前 説 戒 於 籍 幸 世

常寺太祝,中進士第。元祐三年,拜右僕《東都事略》:「純仁字堯夫,以父任爲太

陛下

赦其愚

而少

垂采擇,亦聖人不以

廢言之義也。」

蘇氏軾《書傳》

忠宣。

射,兼中書

侍

郎

卒

贈

開

府儀

同三

司

謚

《宋志》:十三卷。《萬卷堂目》:

存。

簡。 莫是東坡? 《左氏》爲證,與諸儒之説 晁公武曰: 朱子《語録》:「或問諸家《書》 退多士,此 征》爲羿篡位時,◐《康王之誥》爲失禮 日: 亦有只消如 書駁異其説 「熙寧以後,專用王 日 : 然。 此 又問: 解者。 爲 不同。」 多 但若失之太 解 氏之説 又以《 又曰:於 誰 最 好, 引 胤 進

●「胤」,原避宋太祖趙匡胤諱作「嗣」,今回改。下同,

東

日

坡《 東坡 書 **>** 解 解《吕刑》『 却 好 他 看 王 得 一享國 文 勢 百 好 年耄』作 又

冕爲 羿 周 與平康 耻 後 陳 而 者。 之不 哀痛 猶存 而 振 句,『荒度作刑』作一 非 忠 孫 禮,曰 之世 復興 者有二」,可謂卓然獨見於千 於夏,於《康王之誥》,以 之語,平王當 曰:「傳於《胤征》,以 又言昭王南 也。 無 『予於《書》見聖人之所 異,有以知周德之衰 嗚呼,其論偉矣。」 征 傾 句,甚有理 不復,穆 覆禍敗之極,其 爲 王初 義 釋 和 載之 而 無 衰 貮 不 書 東 憤 取 服 於

然所 職 馬 唐 九 澤底定」,謂三江爲 峰 中錫 許敬 則 謂 示 能 宗 取 日 以 辨 日 其 . 味 味 别 説,且謂 東 與 古 水者 坡傳《 色。 Ŧi. 南 行皆 潛 非 其 江 書》『三江既 中 而 東 爲 有 時 味别 坡之臆 官 江 出 水官 北江 一合而 者非是。 説 人, 不 也。 失 震 更

俟聖人可也。」 瀦,三江人於 之考也。 水之所鍾 東南皆海,豈復 分,皆能 識之。』是先已 至其 獨,震澤 海 所謂:『堯之洪 ,則吴越 有吴 而 己 越哉? 有 。』斯言也 始有 此 言矣,九 可宅之土, 水未治也 及彭 ,百世以 峯未

既

程子頭《

宋志》:

晁公武曰 ·餘篇。」 . 伊 ĬΙ 之門人記 其 師 所 談 四

+

王氏安石、子雱《新 經尚書

通 考》: 十三卷。《宋志 》卷同, 書 其父安

石名。

佚。

義 漢 媿與。」 命之重大而承 承乏與榮焉。 實始操之以 而 惟虞、夏、 爲之説以 書》入侍,遂與政 安石序日 兼 世 而 主莫 僅存,賴學士大夫 明天下後世 : 或知其 商、周之遺文,更秦 獻 驗物,考之以 「熙寧二年,●臣 以 然言之淵 八年,下 輕 (可用。 ,而臣父子以 而 眇,兹榮 子雱實嗣 誦説 其 懿 決 天縱皇帝 説 而 事 以以 也祇所以 安石 釋以 又命 太 講 而 品 故 學 幾亡 事 品 以 大知 有旨 淺 頒 不 訓 所 焉 陋 泯 爲 聞 遭 尚 其

更不 安石、雱皆不悦 經義吕升卿言《尚 長編紀事 删改,從之。 本 末 ***** ,故有是言。」 時升 書》 「熙寧 有 卿 王 八 輒 雱所 年 删 六 改《詩義 月,同 進 義,乞 修

> 開 以 日 於世六十年,而 E 晁 黨 取 安 惠 公武曰:「王 士。 石 禁,世人罕稱 卿 提 兼 或 舉 修 或 少違異,輒 耐 子監 雾元澤撰。 天下學者喜攻其 雱 焉。」 成 經 是 義 不中 經, Ŧ, 頒 程 雱 熙 於學 曲 兼 寧六年, 同 是 短 官 修 獨 自 行 用 命

者也。 乃已。」 按其 以 經義 吕 之士熟於此 年,安石復 陳 惠卿 安石子雱、 振 、形模 》,此其 孫 王氏 充修撰經義,以安石提舉修定,又 曰 : 而 入相,新 「雱蓋 學 乃合程度,前輩 一也。 出 惠 一之爾。 獨 卿 行 述其父之學,王 弟 於世 傳 熙寧六年,命 升卿 士 乃 習 成 者六十年,科 爲 膠 謂 ,雱蓋 修撰 固 如 更喪亂 脱墼然 知制 主 官。 氏 是 舉 經 誥

□「二」、《補正》云:「當作『三』」。

煞 朱 後來人解《書》,却須 之。」今人多説荆公穿鑿,他 可 有 揜 子 處 日 不 可 王 荆 强 公不 氏説傷於鑿, 通 處,今姑 解《洛 盡 語 要解。」 擇 然其 却有 其 但 可 云:『其 善 如 曉 又曰: 亦 此 者 有 釋 間 不

止 此却是穿鑿。 荆公解 ,或聖或否。 『聰明 文思」,牽合《洪 如《小旻》詩 民雖 靡膴,或哲 云 範 或謀,或 國 ₩ <u>Fi</u>. 雖 事 靡

且 肅 如「矧 或艾。』却合《洪範 八説荆 惟 公穿鑿 若疇 ,只是 圻父薄 × 五. 好 違農父若 事。」 又曰: 處 句,荆 亦 用 還 保 他 宏

之表。」 保 絶 王 應 宏父定辟』,荆公以『違』、『保』、『辟』 句,朱文公以爲复出諸儒之表。 日 : 酒 誥》『圻父 薄 違農 父若

就「違」、「保」、「辟」絶

句

9

出

諸

儒

父定辟』,古注從『父』字

絶

公

則

 語 》『 於 洗 矣。」 众成王 復子明辟」, 也 漢 儒 居 荆公謂 攝 還政之説 周 公得 1 於 復

曾氏肇《尚書講

《宋志》:

楊 閣 舉 子 士、知 學 縣 即 中太乙宫。 時作《行述》曰 士。 位 權 盡還 制 中 紹興二年 **誥**,兼侍 書舍人, 進 元 元符 ±, 祐 :「肇字子開,建昌 貶 益 累 哲宗 讀 末,汀州 死 遷 文昭。 以 朝 嗣 八官職 龍 散 位 安 啚 大夫、 ,復公龍 擢 置 閣 學 起 今天 士 翰 軍 居 提 南 啚 林 舍

命

吕氏大臨《書傳》

京、章惇之罪

薦蘇軾

、蘇轍之賢,忤執政

右正言。

訟

司馬光、吕公著之冤,論

蔡

意,謫官卒。

贈直徽猷閣、謚忠愍。」

于氏世封《書傳》

《金華府志》:「世封,浦江人。 舉進

撰《書》《易》、詩傳》,共四十卷。」

張氏庭堅《書

佚。

董鼎曰: 「張庭堅,字才叔。」

姓譜》: 「庭堅,廣安人。元祐進士,官

楊氏時《書義辨疑》

通考》: 卷。

未見。

晁公武曰:「其書專攻王雱之失。」

《書》者,記言之史也。上自唐虞,下迄於 在 今其存者五十有九篇,予竊以一言蔽之, 善政可傳於後世者,具載於百篇之《書》。 周,更千有餘年,聖賢之君繼作,其流風 時自序曰:「古者左史記言,右史記動。 曰中而已矣。堯之咨舜曰: 『天之曆數 爾 躬,允執 其中。 四 海 木 窮,天禄永

二二七五

終。』舜亦以命禹。 夫三聖相授,蓋一道

也。 泰; 帝,王之所以爲 湯曰:『建中于民。』箕子爲武 夫,而受人之天 也 安爲之而不疑者,蓋當其可也。 是數者。 兄,非逆也。《書》之所載大倫大要,不 至爲臣 其可之謂 言蔽之,日中 範》曰:『皇 不重哉? 而 之謂哉? 湯放桀,武王伐紂,取而 蓋苟當其可,雖以 貴爲天子, 後 讓 而 以其事觀之,豈不 世 舜 也。 放其君,非篡也; 而所言止此。 主建其 味 而 丽 亦貴乎時中也。 堯授舜,舜授 執 作,而 已矣夫。 王,率此 下, 而 有極。」然則帝之所以 中之權,而 以天 其 其 相 天 名謂之典,言大常 道也。 下與 所謂 與 <u>~</u> 下與人,猶 仲 授受之際, 異 禹,受而不 爲 不 不 時中者,當 虺之誥》 人, 窮 哉? 中者,豈 知時 弟而誅 爲 予故以 是《堯典》 王 貪。 陳 措之 聖人 爲 爲 《洪 爲 越 執 稱 贵 其 以 爲 兀

> 肖,豈敢自謂足以 非 與論聖人之中道哉? 爲忠,小不可忍而爲仁,皆失是也,又烏 争 宜 然默會於言意之表,則庶乎有得矣。」 論,而意不能致者也。 以行其 師儒之官,蓋將講明先王之道,以善天下, 一, 故 徒爲浮文,以誇耀之也。 , 自取絶滅者有之矣。 狗名失實,流而爲子噲之讓、白公之 八職耳。 然聖言之奥,蓋 充其任哉 諸君其慎思之,超 國家開設學校,建 至或臨之以兵 以予之昏懦 以,姑誦 有言不 所聞 能 足 而

《尚書講義》

一卷。

存。載《龜山集》

▶ 「聞」,原作「間」,據四庫本、文津閣本、薈要本改

《宋志》:十卷。

未見。《一齋書目》有之。

十二萬有餘言。」 究,折衷其是非,頗自紀輯,爲書二十卷, 治,論其世,察其人,以質其所言,更相研 思,余竊悲之。因參總數家,推原帝王之 者,十常三四,然第守一説,莫能自致其 夢得自序曰:「自世尚經術,博士業《書》

陳振孫曰:「少藴博極群書,强記絶人, 書》與《春秋》之學,視諸儒爲最精。」

曾氏政等《尚書講義》

史,以直忤蔡京,貶卒。」

王圻曰:「預字幾先,龍溪人。

爲監察御

《宋志》:三十卷。

朱子曰:「曾彦和説《書》精博,其解《禹

貢》,林少穎、吳才老甚取之。」

文公、吕成公皆取之。《館閣 王應麟曰:「曾旼,字彦和,爲《書》解,朱 書目》:

『《書講義》,博士曾肢等解。』蓋誤以『旼」

卞氏大亨《尚書類數》

黄氏預《書解》

《宋志》:二十卷。

經義考卷七十九

佚。

佚。

蔡氏卞《尚書解》

佚。

辭 《東都事略》:「卞字元度,仙游人。 等,斥逐元祐之臣,禁錮其子孫,時號二 起 府儀同三司。 書左丞。兄京爲相,拜知樞密院事,遷 拜中書舍人,遷翰林學士,兼侍講,拜尚 京同舉進士,王安石以女妻之。 同文獄 史禍 辨貌 恭順 以 以 中范 陷劉摯、梁燾、王巖叟、劉安世 而 卒贈太傅,謚文正。卞省 祖 中 禹、趙彦若、黄庭堅,興 險,與章惇、安惇締交, 紹聖初, 與兄 開

胡氏伸《尚書解義》

佚。

知無爲軍。」
《姓譜》:「伸字彦時,婺源人。入太學,與汪藻齊名。登第,試學官,教授潁川。與汪藻齊名。登第,試學官,教授潁川。

薛氏肇朗《尚書解》

佚。

雷氏度《書口義》

佚。

上官氏公裕《尚書解説》

未見。

亡名氏《尚書要記名數》

《通志》:

《尚書義宗》

《通志》:三卷。

按:以上二書、《紹興四庫續到闕

書目》有之。

《尚書會解》

與《尚書》參會也。」

《通志》:十三卷。《紹興書目》:三卷。

佚。

鄭樵曰:「載《四庫書目》。」

《尚書治要圖》

《宋志》:五卷。《通志》:一卷。

《中興書目》:「不知作者,有《月令》、《後 漢制中星圖》、《周官九禮圖》等篇,取其 佚。

一二七九

卷。

佚。

晁公武曰:「不載撰人、蓋爲程正叔之學

者,疑諸吕所著也。」

《尚書新篇》

卷。

以下俱佚。

《尚書解題》

《宋志》: 一卷。

卷。

《古文尚書字》

卷。

按:以上五部俱見《紹 興續 到 闕

書目》,則爲北宋人所撰也。

經義考卷七十九終

《尚書新編目》

五卷。

弟子海寧王世奇覆校

《尚書血脈》

二八〇

書九

男昆 田 校

秀水朱彝尊

王氏居正《尚書辨學》

未見。

故蜀 吕祖謙作《行狀》曰: 人, 徙江 都。 初, 「居正· 熙 寧 中,王 字剛中,上 安

新義》 頒天下,其 後章 、蔡更用 事 概 石 以 以

王氏説 律天下士,盡 名老師宿儒之緒言

經

義考卷八十

程氏瑪《尚書説》

世

《宋史》:「程瑀,字伯寓,浮梁人。政和進

氏説 史館: 迷。 以崇是闢 身。紹興元年,除禮部員外郎,進太常少 世 官 餘 十三卷、《周禮辨學》五卷上之。」 卿,除起居舍人。數月,除中書舍人,兼 士語,流落不偶。 命,屈意塲屋,心獨非之,未嘗 論 通行者,或不能舉其篇帙。公勉 非《三經義》、《字説》不登几案,他 爲《毛詩辨學》二十卷、《尚 所 修撰。公之學根極 爲 傾動,慨然欲黜 曲學,學輒擯斥。 非爲己任,自其少年已不爲王 宣和 六藝,深醇宏肆, 其不臧,以覺世 三年,賜 當是 時, 肯 書辨學》 上舍出 作 内 新 以 外 書 親 校 進 雖

佚。

尚書。 宗召赴行在,除江 士 論語》,至『弋不射宿』,言孔子不 ,累官校書郎。 所著有《周禮義》、《尚書説 秦檜忌之,出 欽宗即位 東提刑,轉侍讀,進 知信 州,罷 ,擢右正言。 祠 欲 陰 瑀 兵 説 部 中 高

上官氏暗《尚 書小傳》

劍州。 進士。 閩書》: 建炎中, 悟字仲雍,邵武人。 累除 吏部員外 郎 政和二 出 知南 年

揚州 府志》:「愔、儀真人。」

張 氏 綱《尚 **|講義|**

宋志》:三十卷。

董銖曰:「世所傳張綱《書》解,只是祖述

説 於 洪 其言『無 法術之説 安石訓識 之,諸家之説雖充棟汗牛,東之高閣矣。」 人,疑誤學者?」 掇拾安石緒餘,敷 類,皆害理 乃以乂民; 不與聖人契,世 尤精於《書》,著爲 汪應辰曰:「《綱行狀》云: 『公講 與聖人契。 五 ,皆探微 蔵作《行狀》曰:「 經 尤精於《 一不 經義,穿鑿傅會,專以濟其刑名 教,不可以 索隱,倫 忍威不 自是後學潛心此經者争傳頌 如《書義》中 與 號張 聖 書 衍 論 人契」,此豈 可訖,凶惡 》,每 類 氏《 綱字彦正,金壇人。 説,探微索 而 訓。 通 潤 所 因 書》 貫,其言 飾 謂『敢 綱作《 講 解。』竊 之。 解,著 不 不 隱, 可忌之 於殄戮, 論 今乃 厚 書》解 無 經旨 爲 誣 以 無 謂 義 聖 王

荆公所説。或云是閩中林子和作。」

蔡京 陳 末 振 小與政。 孫 王黼 日 此 秦 綱 書爲學官時 檜三權 政 和 時 臣 及第 所 乃 作。」 不爲 , 仕三朝 屈 紹 歷

林氏之奇《尚書集解》

《宋志》:五十八卷。

存。

己。 説 天地 也。 先 比 子之於天下 之奇自序曰:「理義者,人心之所 。」竊謂學者之於經 ,非吾聖人之所謂道也。 V 苟不出於人心之所同 而 適莫於胸 聖人之於經 無 耻 也, 者 中,或以甲之説 蓋 無 ,所以開 出 適 於 也 荷 人心之 無 不 百 然, 莫 知 孔子 世 也, 爲 義 而 所 則 之與 可從,以 不 義 異 同 慚 同 之與 論 然 比 君 然 曲 而 蔽

惡関 以 班 亦 乙之説爲不 書》七十一 此説不然。 凡三千二百四十篇,爲《尚 見。《書緯》云:『孔子得黄帝玄孫 定凡百篇,孔子之前書之多寡不可得 聖人之經旨將 所 主 司 孔子所論百篇之餘。』於周 近,定其可爲世法者百二十篇,爲簡 而 在所 去取之。 一,無適 不 然哉 孟堅《藝文志》於古今《書》外,又有《周 甲之説爲不可從,如 取 然 取。 ? ,將不勝其惑矣,安能合人心之所 無莫,平心定氣,博 如 苟欲· 篇,劉 苟合於義,雖 古書簡質,必不若是之多也 苟 此 可從; 焕 不合於義,雖 則 合人心之所同 然 將 向云: 或以 而 卓 明矣。 然 此 不 乙之説爲 則私 近世學者之説 周 時 書》。 牽 先儒 《書》孔子所 採諸 時 所 於 然,以 議 號 删 好惡 蠭 之説,亦 去者 斷 令。 儒 帝 起,好 可 書。』 遠 之説 義 纔 取 而 爲 而

皆指 謂 出《舜 既 漢 餘 博 也 尚 以 不 共 預 西 孟 泰 注《左 篇 漢 其 出 + 書 爲 出 之《古文尚 時 士 張 子 誓》 甚力。 之末 \leq 爲 霸 五 孔 伏 ,漢儒聞 》,凡 非 實 典》、《益稷》、《盤 篇 之徒 十八 逸《 生 一篇,爲 安國定其可 也 未 氏 兩 口 自 所 欲立古文《書》學官 書 · 嘗 見 漢 傳》、章 然歆之所見,皆霸僞本 篇 造 授, 舉《 孔 周 孔氏之《書》有 書》。 \forall 儒 爲《書》二十 以 子 其 得二 二十九 真《古文 者 書 其 前 百 實 之所 影出 昭 此 文 數者二 疑 篇 未 + 注 書之 以 庚》、 愈少 於二十五 篇 嘗 傳, 八 隸 尚 遭 或 逸 篇 秦 成 四 書 十五篇,又 《康王之誥 矣,謂有 書》 Ŧi. 大 語 孔壁之《 也 篇 1,移書 十八 遭 存 火 影、趙 抵 後 也 古 爲《古 無 篇 劉 霸 又 巫 亦亦 篇 文, 之中 存 岐 蠱 得 歆 故 僞 三千 責 書 至 非 故 諸 當 注 杜 本 文 遂 别 僞 而

典》, 改古 皇二 亦皆 艱深 者 得 隱 謂 後 真 高 均 王 有 寶所定之本 書》始· 孔 必 宗 成 所 傳 多 其 古文《書》也。 而 年,凡 壁續 聱 定 文從 厄 然 湯 欲 時 不 書 於 不見古文《 後其 之《 時 芽 矣。 出皆用 知《書》之本末 出 語 漸 學 誥 今文《 而 出之《書》。 言 出 者 書 六 令, 也。 書 遭 自 難 \leq 百 而 及 如《蔡 隸 秦 大 漢 曉 如《説 有 七 書》。 書》。 大 此蓋 備 開 以 書,至唐 者 武 火 + 坦 備 皇 至 失 帝 然 餘 仲之命》、《微 蓋 《書》之始末 賈、 命 嗚 其 夫 如 今之所 巫 至於晋 是 明 年 》、《高 呼,聖人 半,其 年 Ŧī. ,然後 蠱 有伏 馬、 白 天寶間 可 湯 求 十八篇,皆 事 而 歎 誓 鄭、 遺 傳 齊 起 宗 易 生之《書 半 ×, 也 五. 書 之間 之 彤 曉 服 存 至 乃 詔 + 巾 經 得 湯 之 日 者 子之 者 孔 唐 衛 八 隋 誥 舜 均 有 帝 篇 然 學 天 句 開 又 氏 口

古文尚書》,言伏生老,不能正言,使其

女

急於 訛 者 矣。 益 志 孫 慮 取 舛 舍,郡齋修 木 绿绿 其 甚 苦 莫 或 畊 間 解》,今傳 /償 ? 鋟梓 後 得全 先君 全本 蓋是 周 悉。 如是者三十餘年。 公、 序 汩 猶記 書 一文,及歸 以 畊 汩 暇 日 誠 不復 刊 科 早 歸 初 日 齋 禮 舉業 於世者 孤 諸 鄉 成 大 楊 畊 多訂 樂書 曲 稍 與 先 方尋 生 門人 自 故 傳 言 生 由 知 兒時侍 自 家及嘗從先 訛 先君 讀 録 書 鄉 東 日 訪 以 淳 選 書 + 問 . 萊 傳訛 實 未 祐 無二三 吾 往 吕 先君 則 獲, 董 辛丑 太 來 家 祖 日 學 其 先 旴 不 謙 以 訂 非 夕 拙 書 事 幸 後 拙 江. 在 伯 齋 IE 倖 涉 念 訛 官 此 遊 日 坊 恭 齋 與

齊人

也

,齊人之語多艱

深難

曉

如公羊

亦

通

伏生之《書》所

以

艱

深

不

可

通

者

伏

生

餘

乃

伏

生之《

書》,多

艱

深

聱

牙,不可

易

命

》,此二十五篇

皆

孔

壁續出,其文易曉。

周

官》、《

君

陳》、《

畢

命

*\ \!\

君牙》、《

冏

誥

湯誥》、《伊

訓

》、《太甲》三篇、《

咸

有

大馬

以謨》、《

胤

征

》、 五

子之歌

*

仲

虺

之

其文易

曉

不

煩

訓

詁

口

通

如

然不同者,蓋

有

伏

生之《書》,有

孔

壁

續

出

命

《康

誥

皆周公誥

命,

然艱

易

顯

晦

迥

成

旅

獒》、《微子之命

蔡仲之命

德》、《説

命》三篇、《泰

誓》三篇、《

武

以

是

知

齊

X

語

多

難

曉

者。

伏

生

編

此

往

此

乎」、『登來之也』,何休

注

『齊人

語

齊

人也,故傳《春

秋

》語

亦

艱深。

如『昉

於

往

雜

齊

X

語

於其中,故

有難

曉

者

衛

宏

序

二八六

坊 也。 家 義 侍 陳 子 難 拙 居 趨 觀 末 材 友 公辨安國《 7、尤加 親官 官婺 人人陳 其 齋授《 請 之本誤 第 文陳公、 蠧 間 其集 蓋 與 遂以 益 召 閒 蝕 於閩 女 宇文之先 鋟 元 意 書》之 誥 其 居 凡 鋟 從 抑 矣。 H 本 鳳 於 虚 書 ×, 表 諸 需 本參校 從 齋 從 異 儀 康誥》 林 齋 [》,著《 次 皆 家 當 其 東 蠅 出 叔 林 日 由 今文昌趙 同 講 令兒 曾 得 萊 頭 攜 示 少 詳 鋟 解 [之學。 本旨 至 從 北 理 細 先 ^ 穎 時 搜 倍 本 康 書説 輩 拙 書 生 故 山 先 抑 君 之。 誥 作 自《 齋 訪 **%** 學, 先 書, 生學, 公參考講 齋 陳 影《酒 云 虚 拾 大字 學 生 無 洛 方 \leq 畊 東 至 得 日 齋 遺 手 遺 閲 此 之 是 誥 親 萊 得 與 且 亦 ,本謄 **>** 蹟 誥 後 宇 益 **※**至 傳 六 言 抑 具 耳. 倣 求 集 信 相 朱 經 知 吾 具 齋 又 之 文 出 梓 藁 故 書 君 無 示 詰 文 疏 先 掘 今 少

書者。 以元 較 世 觀 本 以 題 青 集 又一 寫 板 本,謂之三山 人 録 顧 氊 門, 以 蓋 亦 葉 所 ,書坊果建安 本 本 之首尾 命》以 白《 朩 朋 矣。』開 集 林 從 君 謄 得 爲 喜 友 歸 真 存 洛 其 拙 本 乙巳春 得 甚 並 後 真。 云建安書坊余氏 矣。 之,然猶 許 齋 參校,自《洛 二先 所 里之 同, 至 視 學 揖 未 林 以 卷 刊 仲,一老丈鶉 余亦 余 余氏 少穎 蓋 果 生《 見。 耆 與 後 終, 成 而 得 新 未 東 儒 果 書 僅 未之信 言 此 既 皆 有 先 板 嘗 僞 萊 數 解 真本 生《尚 本 他 誥 即 日 ,以《尚 而 矣。 同 月 從 . 倍 及《詩 本 而 畊 \forall 時 數 至《 吾 为 因 勉 向向 益 暫 其 衣 而 可 朋 年 書 有 齋 攝 價 書 銜 書 以 君 遍索 爲 又 説 友 者 前 全 證 全 袖 坊 遊 以鬻之, 參 鄉 陳 君 轉 出 解 新 麻 火 訂 驗矣。 相 校, 解 其 諸 刻 家 相 沙 求 踉 示 也 及 標 先 學 借 之 此 藏 蹡 今 得

二八七

誤

後學

無

從

考

證

更

極

意

搜

訪

竟

勤

用

力

如

此

之

深

始

拙

齋

裒

集

該

括

自

壯

夫

書》自

安

國

而

後

他

未

之詳

東

萊

非

隱

己

解

者

東

萊

不

復

解

訛

東

萊

解

只

於《

禹

則

略

之,僅

有

語

柯

Ш

夏

氏

解

多

引

林

氏

及

蜀

中

皆

有

本

然

承

本

多較

真

贋

曉

然

信

無

疑

矣。

^

書

解

》自

麻

我 襲 貢》 粹之, 不 及 著 無 如 而 亦 克 説 其 有 沙 而 先 舛 之 從 出 耄 知 惟 成 引 從 他 有 君 師 初 自《 訛 得 其 條 時 徵 之 書 林 舊 刻 該 務 家 用 手 幾 暢 説 洛 \equiv 本 竟 括 不 庭授受, 每 心 繼 口 畊 家 而 其 誥 莫 詳 Ш 輟 往 蓋 日 傳 如 以 今 恪 而 義 數 能 盡 此 拙 往 遵 襲 我 以 婺 傳 以 貫 誦 段, 不 中 之 先 傳 先 嗟 齋 後 女 而 諸 穿 IE.

諸

家

,旁搜

遠

紹

會

耐

經

首

至

尾

遍

雖

嗟

夫

此

書

先

拙

齋

初

應

於《

浴

誥

以

後

詳

略

學教 哉 後 凡 + 用 T. 而 學。 是 畢 良,板 卷。 以 授 正 舊 此 兼 本 始 淳 七 是書之傳 以 全 手 多 于 祐 石 干 書 鼓 訛 E 庚 餘 計 吸 書 戌 畊 酉 字。 鋟 院 夏 也 之 字 偕 諸 亦 Ш Ŧi. 今爲 孟 以 梓。 次 長 嗣 冬, 五 兒 難 畊 孫 善本 + 矣 駿 字 迨 謹 迪 萬 哉 伯 稍 明 書 功 計 重 加 年 庶 亦 郎 加 大, 有 釐 夏 贵 衡 點 補 荷 匠 州 五 爲 於 然 月 州 兀 必

恨。 實 知 齋 書 鄧 尤 洛 簿 親 始 注 始 均 陳 語》 於 末 先 承 先 意 E 生之 以 紫薇 嘗分教旴 0 生 心 即 兩 後 學。 爲 觀 世 少 猶 吕 僕 傳 林 穎 訪 子 拙 言 公 者 君 先 求 江 諱 載 齋 閩 失 畊 生《 再 子 著 學 道 志 真 叟序 冲 書 書 亦 源 轉 而 世不 解 多 南 流 苦 登 爲 述 矣。 癸 開 丞 其 得 是 而 而 教 一,僕頃 **H**. 於 先 拙 其 忧 先是, 甚 科 \pm 齋 全 尚 悉 父 在 爲 書 然 先 庠 自 生 乃 抑 全 南 爲

> 公尅 淳 聖 據 序 往 教 久 全 訪 古 而 書 賣 尚尚 祐 授 加 自 先 勘 行 求 之心 生之 十年 ,暨先 益 始 志 遺 有 好 而 及識 昌 文多矣, 世 未 修 出 時 七 其 孫 以 壽 耶 得 者 何 縣 生 月既 學, 傳 畊 ? 也 庸 斯 丞 甫 不 始 0 獨 一公於 文 拙 繪 而 幸 望。 惟 克 入之 脈 君子 畫 齋 於 略 世 齎 摹 拙 丈 雖 拙 不 志 就 齋之學 其 日 畊 席 其 不 齋 獲 以 . 孜 字 克 豊 施 全 殁。 功大矣。 孜 耕 竟 書 於 其 縣 無 問 叟, 卓 用 其 散 書 丞 又 忝 學 之 公在 然 用 佚之餘 數 爲 至 厥 泰 光 祖 多 衡 畊 縣 而 明 阨 盱 識 傳 年 州 派 而

朱子 但 少 放 自 穎 比 日 解 洛 之程 一放 盐 \equiv 勳 以 Ш 氏 後 林 説 之 少 放 爲 非 穎《 優 即 其 書 所 推 >解 説 而 放 亦 之四 多 又 口 海 取

陳

振

孫

E -

少穎從呂紫薇本中居仁學,而

派 苟合於義,雖近世學者之説,亦在 輟。『平心定氣,博採諸儒之説而 時,每日誦 王圻曰:「林之奇,侯官人。累官中正 不合於義,雖先儒之説,亦所不取』。」 太史吕祖謙則其門人也。 ,辭禄家居。 正經自首至尾一遍,雖 吕祖謙嘗師之。」 其自序謂 有他務不 所取 去取之。 初著之 节 荷

范氏後《書論》

篇

存。

吴氏棫《書裨傳》

未見。《一齋書目》有之。

《孔傳》,凡八篇,考據詳博。」 王 所牽,殊覺費力耳。」 征》、《康誥》、《梓材》等篇,辨證極好。 誥》中書,甚好。」 不仔細。」 老於考究上極有功夫,只是義理上看 朱子曰:「吴才老《書》解,徽州刻之。才 辨》,曰《考異》,曰《詁訓 陳 已看破小序之失,而不敢勇決,復爲序文 曰《總説》,曰《書序》,曰《君辨》,曰《臣 一明清 振 孫 曰 : E. 又曰:「才老説《梓材》是《洛 太常 吴棫才老,舒 丞吴棫撰。 又曰:「吴才老説《胤 》,•曰《差牙》,曰 州 人。 首卷舉要, 但 得

之。五刑,才老亦説是五典之刑,如所謂禮,唐虞時未有吉凶軍賓嘉,至周時方有董銖曰:「才老以『修五禮』只是五典之

❶「詁訓」,原作「訓詁」,據薈要本、《補正》乙正。

二八九

義 考

不孝之刑、不悌之刑也。」

儀」爲簫聲之和 王應麟曰:「吳才老《書裨傳》以『鳳凰來 ,訓『説築傅巖之野』,以

築爲居。」

《閩書》:「吴棫、字才老、建安 傳,馴致後宋時,則有若吴棫、趙汝談、陳 傳》、《詩補音》、《論語指掌考異續解 丞,忤時宰,出通判 和元年進士,召試館職,不就。 袁桷曰:「《書》别於今文、古文,晋世相 振孫疑焉,有考過千百年而能獨明者。 泉州。 所著有《 除太 書裨 舉 常 重

按: 其書《菉竹堂目》尚存。 説《書》疑古文者自才老始,

胡氏鈴《書解

宋志》:四卷。

未見。

鄭氏樵《書辨訛》或作

《通考》:七卷。

存。

其目曰 遺逸召用,博物洽聞,然近迂僻。 陳振孫曰 糾 繆四 樞密院 闕 疑 編修官鄭樵 ,復古二。 漁 仲 樵 以

朱氏弁《書解

使,至雲中,黏罕使就館,守之以兵,和議 《宋史》:「朱弁,字少章 初,補修武 郎,借吉州 專 陳使。 十,婺源 爲 通 問 建炎 副

著《書解》十卷。」成,得歸。以宣教郎直秘閣,轉奉議郎。

陳氏鵬飛《書解》

《宋志》:三十卷。

既 諸 葉適 也。 飛 陳 趨於深厚。今世所刊曰《詩》《 君父人倫世變風俗之際,必 中興藝文志》:「 爲 死 牛 振 不泯 數 志 佚。 孫 晚 自爲布衣,以經術文辭名當世 博士、發明 而 白 墓 日 : 滅 始得仕用之,未及而 人。 曰 : 而 秦 「少 其 南 理學,爲《陳博 檜 於經不爲 紹 方學者尤思之。」 子熺當從之游。 南 興 諱 時 鵬 太 飛,温 章 反 學 斥逐 復詳 句 士 始 書傳》者是 書 新 建 州 解 至,而 説 以死, 永 在 陳 至 禮 學 嘉 鵬

> 《浙江 償恕; 博士 部時 登紹 申 呼,其得罪於檜者,豈一 《文侯之命》,具言驪山之禍申侯啓之,平 王感申侯之立己,而不知其德之不足以 州以殁。今觀其書,紹興十三年所序, 母以子貴,言《公羊》説非是。 『天王來歸惠公仲子之賵』,因論《春秋 還之, 熺 君 興 ,改秩兼崇政殿説書,遷禮部郎。」 通 臣 熺 鄭 如 志》:「 爲 寖 桓 心此,而 侍 不 進士 公友死 郎, 平。 鵬 一,調 望其 文書 飛 鵬 於難 鄞 兩 飛 振國 不應令,鵬 縣 端 舉 説 簿, 而 於 而 書崇政 耻 武 鄉 已哉。」 召 難矣。 檜怒,謫 ,俱第一。 公復娶 對爲太學 飛 殿 輒 於 於 講 批 惠 嗚

趙氏敦臨《尚書解》

佚。

二二九

義 考

《姓譜》:「敦臨字芘民,鄞人。 紹興初進

士,官湖州教授。」

洪氏興祖《尚書口義發題》

晁氏公武《尚書詁訓傳》

《宋志》:四十六卷。

徐氏椿年《尚書本義》

佚。

《江西通志》:「徐椿年,字壽卿,永豐人。登

史氏浩《尚書講義》

《宋志》:二十二卷。

未見。《一齋書目》有。

《中興書目》:「淳熙十六年正月,太傅史

後之意。」 浩進《尚書講義》二十二卷,藏秘府。」 後』,史云『成王既歸,命周公在後』。看 朱子曰:「史丞相説《書》,亦有好處。如 『公定,予往矣』一言,便見得是周公且在 『命公後』,衆説皆云『命伯禽爲周公之

李氏舜臣《尚書小傳》

《宋志》:四卷。

二九二

紹興十二年進士,主宜黄簿,從張九成學。」

陳氏長方《尚書傳》

佚。

佚。

授江陰教授。有《春秋》《禮記》《尚書人,從王蘋遊,家震澤。紹興中,舉進士,徐師曾曰:「陳長方,字齊之。其先長樂

傳》。」

劉氏安世《尚書解》

二十卷。

佚。

雩都縣,轉朝奉郎致仕。有《論語》《尚書紹興十八年登進士第,以宣教郎知贑州王庭珪志墓曰:「安世字世臣,安福人。

《書傳統論》

六 存。卷。

者,亦往往有得焉。」横,文意瀾翻,似乎少簡嚴,而務欲開廣博,文意瀾翻,似乎少簡嚴,而務欲開廣陳振孫曰:「無垢諸經解,大抵援引詳

《冏命》、《文侯之命》,其言峻厲激發,讀王應麟曰:「張子韶《書説》,於《君牙》、

二九三

張氏九成《尚書詳説》

宋志》:五十卷。

未見。《一齋書目》有之。

1631

之使 憤 按 論一篇 集》中,自《堯 惋 張子 以其有 韶《 感 於 書 典 靖 》至《秦誓》,各 傳 康之變 統 論 》載《横 乎。」 爲 浦

程氏大昌《書譜》

《宋志》:二十卷。

佚。

發明,則篇爲一論。」陳振孫曰:「本以解經,而不盡解,有

所

鄭氏伯熊《書説》

一卷。

存

陳亮序曰:「余聞諸張横渠曰:『尚書

學,而 終泯, 充棟, 機,雖 奥旨 僅 説 鄭 以 餘家 證 雲谷胡氏序 則 最 傳注於漢, 大,則公之所自知與 余則姑與從事 至 其 綱 不 難 百篇,帝王之軌範悉備,不幸火於秦 公景望,與 ,隨文釋義,人有 理 難。」自 看 老師 與夫 曾 亦異乎諸儒 敷 自 於今千有餘歲矣。 世變者,蓋 難 文 伊 不 泉 得 鄭 而 能 宿儒皓首 洛 孔安 日 、益、伊、傅、周、召警戒 堯、舜、 公得 胸 髣髴 其 諸 乎科 臆 先 徒 「《書》自孔子刊定,所存 國 如 其 未 之説矣。 生 其 舉者誦之而 讀 以 窮經 此 禹、湯、文、武傳授之 明目者之所能知, 傳 萬 知 《書》之餘, 取焉。凡帝 力 下,爲之解 之大,若 焉。 其 尋 一,而 枝枝 心 何 墜緒 本 至其 解 探聖賢 如 同 世 蔓 秖 也 然,理 遠 無 胸 因 者 説 Ė 解 之心 一之所 之微 臆 爲 殆 紹 所 汗 永 文 嘉 Œ 考 之 之 牛 義 不 百 而

鄭氏東卿《尚

於千載之上, 識孔子之意於百篇之中,

雖

藴

,深切極至,要皆諸儒議論之所未及,

不章解句釋,而

抽關啓鑰,發其精微之

存。

味之,則思過半矣。嘉定癸未四月。」

姓譜》:「鄭伯熊,字景望,永嘉人。紹

亦可謂深於《書》者歟。

學者於此優游

玩

按: 《璿璣玉衡》,十三《律度 置 夏商 著撰 《書篇名》,二《逸書篇名》,三《作 畢 圖》,十六《日月冬夏圖》,十七《箕 圖》,十《七政》,十一《五辰》,十二 永日短圖》,九《閏 書時世》,四《君臣名號》,五《唐 四《時月 風雨圖》,十八《九族圖》,十九 合沙鄭 七《堯典 周 人名。 譜 日 系 圖 氏《尚 圖 四仲中 圖 》,十五《 凡七十 \forall 書 六《曆 上 屋 圖 月定時成 圖 明魄 有 量 》,八《 象 七 宋刻 一衡》, 授 朔 歲 望 日 時 虞 不

1633

汪氏革《尚

文肅

宗正少卿,以直龍圖閣

,知寧國府。

卒謚

興十五年

登第,歷

吏部郎,兼太子侍讀、

四十一卷。

姓譜》:「 臨 川人,字信民,分教長沙。」

二九五

九六

弼五 + + 境 啚 四 九《導江 啚 十一《隨 樂器圖》,三十《東坡 章服圖》,二十七《五 十五《諸 域》,二十四《六年五 二十八《六律六吕圖》,二十九《韶 導水圖》,三十八《導 圖 四《 *,三十 四 服説》,二十三《歷 **>**,三十三《 導 弼 别 圖 + 圖説 淮 山濬 侯 \leq 成 州圖 通 五《任 六《導 圖 Ŧi. 一十 玉帛圖 冀 服圖 Ш 説 啚 圖 四 四 鄭 土圖 Ш 堯 *, 三 十 + 十二《導 》,二十六《十一 *, -: + ->, 三十二 | 氏 置 几 制 説 説 别 禹 服 導 聲八音圖 江 + 五. 朝 代九 州 迹 河 |圖 *, 三 十 五《 服 四 圖 四 濟 圖 圖 圖 ~ 置 導 州 + 九 疏 任 \approx \approx 圖 Ш 家 州 刀 封

説》, 《老泉先生洪 先 條 數圖》,六十一《洪 圖 Ŧi. 本大衍數圖 十八《皇極本 五十四《濬 五十一《舜十二州説》,五十二《三 商 洛書自然數》,五十六《 禹 諸 事 生 五 **>**, 四 數》,五十七《洛書本 乘四 七廟 篇 圖》, 洪 岳説》,五 内 + 範 + 載圖》,五十《 劉 圖》,六十 地 七《 論 八《 六十六《潁 向 畎 名 》,六十五《 》,六十《九 數 範 澮距 商遷 九州 洪 ***** 十三 圖 圖 範 四 》,六十四《 範 都 傳 111 JII 九《 + 五十九《 濱 圖 聶 九 名 啚 圖 東坡 七 周 潁 疇 文圖 洪 >, 五 氏 \approx 疇 九 ^ 營 六 濱 相 辨 九 範 總 疇 河 四 洛 + 洪 老 + + 水》, 十九 Ŧi. 圖 乘 九 本 議 州 泉 园 事 五. 五. 節 得 疇 河 Ш

朱子曰:「李

經

叔異,伯紀丞

一相弟,

解

李氏經《尚書解》

孫氏懲《書解》

佚。

右見《朱子語類》。

經義考卷八十終

陳氏知柔《尚書古學并圖》

十五《牧誓兵器》,七十六《費誓兵 三《太常圖》,七十四《圭瓚圖》,七 《干羽圖》,七十二《周彝圖

圖》,七十《召誥土中圖》,七十一

器》,七十七《諸儒傳授書學圖》。

所稱聶氏,謂麟也。

合沙漁父,鄭

東卿自號,當即其所著書。

弟子丹陽吴荃覆校

致仕。」

經義考卷八十

秀水朱彝 尊

先生之學邃於經。

宣德

庚戌,

出

守 温

求得先生文集,而缺注釋經傳之言。」

王

十朋,字龜

齡,樂清人。

瑞」、『昭德之致

於

異

姓之邦』諸篇

而

知

何文淵曰:「少

時

讀

王

先

生註釋『

輯

Ŧi.

男昆 田校

紹興中,舉進士第 浙江通志》:

何氏逢原《書 解》

王

氏

十朋《尚

樊氏光遠《尚書 解》

黄

淮

日

「梅

溪先生以

斯

道

自任,

紹

興 間

未見。《一齋書目》有

對

策

大

廷,

日

盈 萬 言

援

經

證

據

切

中

時

汪逢辰曰: 光遠字茂實、錢唐人。 紹 興

佚。

府。

自後歷官侍從臺諫,

出

知

饒、夔、湖

泉

四大郡,人爲太子詹事,以龍圖閣學士

病

高宗

親擢首選,試

以

民

事 ,

愈 判

紹

興

王氏大寶《書解

張氏淑堅《尚書

佚。

自開 解 》,合三十卷。」 祖謙作墓志 封遷於衢。 曰:「淑堅 官止承節郎 字正卿。 有《詩 其先

陳 氏舜申《渾灝發旨》

唐氏仲友《書解》

哉。天文地理、王霸兵農、禮樂刑政、陰 主一説,不務爲苟同,隱之於心,稽之於 封、其兄饒 蘇伯衡曰:「説齋唐公與其父侍御史堯 陽術數、郊 言視之,所以治不如古。此其志爲何 法悉載於經,灼然可見諸行事,後世以 聖人,合者取之,疑者闕之。又謂三 惟史學絕精,而尤邃於諸經。 皆紹興名進士。 州 廟學校、井野畿甸,莫不 教 授仲温 家庭之間,自相師授,不 、樂平主簿仲義 自謂不專 · 窮 探 一代治 如 空

親見之,上下古今,和齊斟酌之,以綜世

力索於遺編之中,而會通

其故,不啻若身

其

書

又如

《六經 惟 集 府 此 欲 多 天性 法 哉 人復覩 四 辨》各三卷,《故 難答》、《孝經 義》百卷,《帝 ,謗讟 》四 群書 發 卷、陸宣 君子之所 於千載 經 使得 廉 而 十卷。 亦 解》百五 麓 世 直 唐 新録》八 措 攸歸 無幾矣。 本末,兼該 啚 之後 志 利 諸 虞三代之盛 譜 以 而 一公奏議詳 事 今去公垂 , 仕未通 王 不能 ×, 解 輔 追 一十卷 大行 業者 經 十三卷,《 事 愚書》各一卷、《諸 恨 諸 成一 楊 世 ,備要》、《詞 回,勢不能 並舉。 而 焉, 圖 史 雄 深惜 顯,而 僅 九經發題 解》十卷 王之治 , 夫何難 精 譜 二百年,行乎 舉 有 推 》十卷,《 一帝王 義 天文》《 其所 言:『存則 者 而 遽自引退,其 也。 耳, 科 託 撓, 忤物 , 俾天下 ,《説 之大 之有。 造 雜 之論 其 地 乾 所著 又 録》 世 經 經 史 齋 理 道 何 述。 詳 既 傳 文 各 秘 精 史 書 然 如 大

《金華志》:「仲友字與政,金華 Ľ 登進士第,復中宏詞 此,不愈大可惜哉。」 則書。』欲求公於公之書, 科。 仕至江西提刑。 人。 而

紹興中

王氏炎《尚書小傳》

宋志》:

十八卷。

於平王 失其 安國 訓 弱 所傳授,纔二十餘篇 炎自序曰:「夫子定《書》,始自堯舜,訖 齊 〈真者。 未見。 手所校定,止於五 行 昔人有言,孔安國説《書》不如毛公 語之訛 凡 於 今者, 百篇。 西 脱 漢 惟 簡 諸 秦火煨 蝌 毛 儒 蚪,秦隸之變,必 氏 經 漢壁腐壞之餘, 十八篇。 學 ^ 燼 詩 各自 之後 孔 名 伏生 老翁 氏 家,其 尚 有 幼 孔 П

之。 尹 成 權 爲 爲 爲 也。 不 堯、舜、禹、啓、盤庚、高宗、成、康、穆王 皆君臣之格言至論,蓋古今之所 見於《禹 緝 日 : 説 先 、箕子、周公進 君,泉 ,正權舉而 臣 其 同,變之正 堯舜言動,載於二《典》; 詩 天下 下, 正 既 其説 緝 儒 炎不 周公遭變,其要見於《金縢 終篇, 之遺 衆腋 陶、益、傅説 貢 也。 毛公 誠 足 無粹白之狐,而 *; 論 然 而 以 也。 聖賢之道盡矣。」」 湯 因序其 時 間 成之也。」今所 然 武 知《書》之大義,古 武 退 發 王武 章 有未安者 正者道之經,變者道之 征 去 大義, 句 召 大略 就 伐 功, 所 與 與 公、君牙之徒 以 孔 臯 其略 堯 有 三二四 可或 訓 安 陶 解 舜 禹之治水, 粹白之裘, 故 國 益 以 亦不 不 見於《武 **%** 不 章 己 記 司 一、傅 代 其餘 語 意 過 可 句 也。 説 之 之 之 伊 發 會 有 略 而

> 時,同 懽 爲 者 期 百世 以學行 而 定,則亘古之遠,窮天地之廣,家 之人至以爲不知禮。 戴 文公既殁,而 由 徒,雖達 哉 然 異 表 人習其道,此豈人情 陳 師 則 無 元 能 里開 亢 序日 徽 道 ,西家之鄰夫 失 爲 猶 使 如 士大夫嘗爲余言,朱文公無 可 諸 有 原 而 人 因 . 或愕 諸 儒 無 壤,賢. 雙溪 初 人 宗, 公方脱 異 古之君子 不 而 前 耐 王先 能 兩 明 如 猶不知其 疑 以 嘗惡 故舊交游門 家 晏嬰, 黨禍 之。 眉 荷 生炎,字 相 議 睫 欲 發。 同 人 論 及 親 之 明道 日 起 之 時 賢, 暮 乎 故 情 而 荷 Ħ. 晦 相 之 尊 傳 事 弟 以 於 久 雖 而 口 糾 叔 獎。 所 仲 天 其 子 久 如 鄉 亦亦 切 之 時 下 恙 論 尼 仲 或 以 書 口

●「尊獎」,二字原爲墨丁,據《剡源戴先生文集》卷上

大抵訓 雙溪 之論 既 末 經釐 得存 暇 先 自 鄉 遜 京 與 相 餘 自吾先君子遭喪亂 樂。當 加 隙 口 論 其 漢以 晚 説 久,假令尚 避,若有所待。 前 爲 稍 來 其 贵 出,各立名字,驟 IF. 先 非 板 來, 取 朱 ,不遺餘 詁 何 生 ,以《尚 人,後生輩不及盡 復 行於嘉定 此書儼然獨存,竊自喜幸。 有莫逆於言辭文字之間者。 問習,●其發蒙之義,破的之辭 氏者皆廢 如 家 所 專 也。 著, 所未及。 門 在 書 力,而 盡 尚 必必 而 小傳》五十八卷 己亥之夏,有 出 初,於時文公易簣之 先生此 不 於君 格不 ,遷徙不一,舊物 相與 其 相 獨《尚書》及《春秋》 文公居閒,多於諸 分門户 師 爲 用。 一,惟其 綢 知 意 書 四 繆桑梓, 以爲惜 耶 稿 世矣。 王先), 遂 ? 王 脱於開 不 相 君 生之 生 H 相 示,蓋 余以 傳 皆不 異 雅 余不 經 日 殊 日 禧 自 書 舊 同 師

> 天下 上下經解》六卷、《易繫 余次第將盡求而學之。」 而 真 -之耳 是 出 自 焉。 無 加 是理 今人謂 也。 辭 獨 王先生又有《易 總 視 説 單 》若干卷, 聽 口 以 盡

張 氏斌《書説

佚。

其 乃并天之降命者去之。 身,即天之降威 之降命也。 葉紹翁曰 酒之爲物 降 威者 加 本以 而 己。 南 人以 也 軒《 奉 降 祭祀,供賓客 威者 書説 酒之故,至於失 釋 氏 吾儒 去,而天之降 \Rightarrow 本惡天降威者, 解 則不然,去 酒 此 誥 德 即 日 命 喪 天

小

傳序

⁰ 問 原爲 墨 T 據《剡源戴先生文集》卷七《尚

百年 酌。 矣。 淫慝 己。 者自 而窒之以 昭然矣。 公者而去之。 之,必欲衣壞色之衣,吾儒則去其 殄而已。 惡之,而 至於惡 吾儒不然,澄其泥沙, 而 在。 儒者所不及。」 此儒釋之分也。」考亭先 己。 譬如水焉,釋氏惡其泥沙之濁 必欲食蔬 衣服而至於窮 如 土,不知 釋 淫 飲 吾儒 氏 慝 食 本 而 加 茹果 土 惡 絶 至 去人欲,所謂 既 人欲 夫 於 吾 極 室, 婦 暴 而 奢侈,●釋 儒 併 吾 殄 則 生謂 水之 則 天 無 與 儒 不 物 水 清 天 是 天 則 奢 至 者 理 可 理 侈 解 氏 釋 去 於 可 飲 其 惡 而 暴 氏

時

瀾

序

「有唐、虞、三代之議

論

有叔

夏氏僎《尚書解》

膚見 其 《典》三《謨》之書,當思堯、舜授受於上, 當思命諸侯、命大臣 咈」者何味。 訓 曲,通其話言而 皋、夔、稷、契接武於下,『都』、『俞』、『吁 典謨,夏啓、湯、武之誓命,周公、成、康之 之爲書,斷自唐虞,迄於秦穆。凡堯舜之 人君布告於上,臣民聽命於 於唐、虞、三代之用心而後 虞、三代之書,難乎而得其藴 季 誥 之 不服者 而 議 ,悉備於是。 臆度之哉。 何 当。 居 讀三《盤》五《誥》之書,當思 制其 叔季之世,而 讀 讀是 要必 九《命》七《誓》之書, 心 者何道 腹,開其利益以 書,而其 深究詳 ,誓師旅誓 可。故讀 也。 下,叮 求 可以 繹,求 譯 夫《書》 於 嚀 後 唐 柔 悔 見 委 世

0 服」,原作「食」,據四庫本、文津閣本、薈要本、《補正》改。

代之用 暇 僎 議 悟 論 日 者 少業是經 又 可 何 心 見 研 以 庶 精 心 妙 以。 乎 覃 通 其 是 年 思 而 有 心 擷 意 丽 得 讀 其 爲之 解 是 英 矣。 而 書 以 釋。 唐 掇 柯 、虞、三代 則 魏 今觀 Щ 唐 第 夏 虞、 先 平 其 之 生 議 居

旨 氏 酷 氏 氏 著者,不 世,自二孔 虞、三代之氣象也。 不 於前 少南、 謂先生居今之世 博 温 嗜 ,皆有以發其 而 而 膽,張 邃,蘇 則 今先 林 過 有 氏 河 而 生繼 光 氏 下,無 少 氏 南 前 機 該 穎、張 奇 程 此 而 顧 圃 而 氏、 慮 而 嗚 而 啓 於 華,皆近世學者之所 當 釋 氏 眉 數 呼, 後 言 其 是 子 陳 Ш + 則 論 秘 書 韶 家, 而 蘇 氏 書 於千載之下。 絁 風 而 簡 氏 觀 旨 配 説 己 夫豈 藹 其 而 與 其 之行 議 明 乎 然 夫 中 唐、 論 林 一荷 陳 顯 於

> 故 余既 用 欲 心 秘 書 以 非 喜 爲 歸 柯 己 私 Ш 私 心 之學有傳於 町 命 畦者之比 T. 鎸 木 世 以 也 與 而 學者 求予 嘉劉 爲敘 共 氏之 之。

於舉子。」 陳 蘇、陳、林、程 振 孫 E . 柯 頤 Ш 張 夏僎 九成及諸儒之説, 八撰。 集二孔、 王 便

論

淵

解

氣

超

邁

,唐、虞、三代之深

意

奥

楊慎 夏氏 、蔡氏 日 伏 兩 讀 傳 高 皇 帝 科 舉 之詔 , , 書》 從

《兩浙名賢録》:「夏僎,字元肅,龍

游

羅氏惟一《尚書集説》

佚。

楊 書 集 萬 説 里序 略 集 説 日 者,集 吾 友 諸 羅 家之説 惟 允 也 中 撰《 自 尚 孔

作

云乎

哉

麻

沙

劉

君

智

明

得

其

繕

本,不

於此

,未或不亡』之説,謂譬之一身,五

臟

以

歸

故夫子序《書》不

i i

思

庸

復

歸

干

而

曰『復歸于亳,思庸

如

論

「有

之有錯 賦之有九等者,以 ,易其説以 文義自 者,以四州 精 而 相 微 下,八九家與焉, 一、去其 矛盾者 達 其 意。 牴 相 九 推 則 牾 州 如 又 比 相 而 論 言 出己見以 合 推 大 正 其 也。 比言 抵 錯之説 通 存 如論 達 也 其 補 大 ŝ 九 謂 賦 其 概 六腑 儒 以 死 所

缺

於

氏

疏

義

而

通

其

其 其 陰 江之説 如 君 論 本 陽 伊 也 , 曰放者, 使君居憂於外, 也; 尹放太甲之説,謂伊 ,陰陽散於五 ↑間天下之物皆 其本既一,其 一行,五 末 Ŧi. 行散 豈 行 尹 古無 有不合哉。 也 初未 -, 五. 於 萬 是禮 嘗放 物,

以 度,女子小人之道也,居憂於 不得以熒惑之矣。三年喪 明天下之大法也。 蓋太甲之 畢 桐,女子 縦 則奉之 欲 敗

> 允中 愛之,可以 敢多遜哉。 而 受 臟之病爲未必 ,一心之病亦 事之失爲未 中 其一 自序謂 未有之説, 秉 受病 彝 爲有 去古雖遠,前聖賢 根 士友皆謂其言信而 則 於 猶 國者之上藥已。 而 必亡 死 心 Ŧi. 是焉。 允中之所 者 耐 六相傳,五 而 不 不 不憂。 一懼,愛 可 愛身 泯 自 雖 也 非 或 者 此 六 得 不 矜云。」 是 者 惟 説 皆 不 者也 可 皆先 余 不 可 傳 尤 可 則

李氏熹《尚書大傳雜説》

0 九江」,楊萬里《誠

三〇六

《尚書百篇圖》

宋志》:

吕氏祖謙《書説》

讀書附志》: 宋志》:三十五卷。 《通考》: 十卷。 《趙氏

存。

説 説 趙 《誥》中有 朱子曰:「伯恭 一希弁曰:「《書説》六卷,吕成公祖謙 向 先生之説始於《秦誓》,上至《洛 ,自《洛誥》至《秦誓》,凡一十七 解 去,故微有尖巧之病。」 解説 不通 直 是説得《 處,只須闕 書》好, 疑,伯 篇 恭 但 語》 或 之 却 周

> 習既 間 從 也。 爲 則 訓授學者,俾其有以自得 續成之,非東萊本書也。」 陳 而 里中之日,居多以《詩》、《書》、《禮》、《樂》 大愚叟書後 至《洛誥》凡十八篇,伯氏 口 其 書 日,客有來告者曰:『記録之易差,固 ,而爲之説。先之《秦誓》、《費誓》者 [而信之?]於是然其言,取《尚 授諸生而筆之册者也。 止 振孫曰:「今世有别本全書者,其門人 差爲 也。 各述其所聞 廣,而漫不可 然聽之有淺深,記 甚矣。 曰:「《尚書説》,❶自《秦誓》 而 非 收拾,伯 有 復有詳 以 審 乎此,初未嘗喜 惟 太史己亥之冬 其 氏 之有 略 念伯 蓋深病之。 是,學者 得失之異, 工拙 書》置几 氏 退休 傳 何

0 「説」, 原脱,據薈要本、《補正》補

《書》則 得 歲 絶筆 篇、《書》及三 所 取而刊之學宫,●書來求記 夫世之筆録,蓋 欲自其流 ,伯氏 解 而 發 者,以夫精 也,因 不 有以舍其 猶 能 下世。 П 而上诉於唐、虞之際 書其所 不 授 敷 禮, 舊 而 義無 暢 非 整 非 也。 知 詳 皆 所以言夫經 次 傳聞 ,以附於卷末。」 窮,今姑欲 至者,欲學 《讀 未及 訖於《洛 詩 次第 南 其 紀》, 康 本末,義 語 史君 者 也 以 也。 考 猶 是 而 易 論 曾 未 未 辭 ൬ 遂 於 不 侯 終 再 旨 以 覽 而 廢

始自《 居 徐 而 時 乾 止 學 秦 嘗 以《 誓 . ×, 「《東萊 書》 追 教授 遡 書 而 弟子,因 説 》十卷,祖 9 僅 及《洛 加 筆之。 謙 語 》 里

著《書集解》,朱子謂《洛 按 非 其 吕成公爲林少穎門人,少 所 解。 蓋 出於他 人手,成 語 災以 後 穎

門人不知微 終《秦誓》, 之本懷矣。 意未安,故其《 以 意 乃 書 補 師 説》始《洛誥 增修之,失成公 説之未

及

爾

 \forall

而

時氏瀾《增 修 東萊書説》

存。

時 瀾 以育,以立人 虞夏殷周之《書》作, 小紀,公卿大夫士 三常五,以 有先後,道有 自序曰: 範 生蒸 (極,天 人 升降,是以 事 民 加 君 平地 等 經生襲陋 而 師 級 理之,皆天 贊焉,出 維之,然後以化 成,而位三才。 爲二帝三王 ,病不能 爲 也 大 窺 而 綱 緇

0 宫」, 原作「官」,據四庫本、 薈要本改。

三〇七

夫子 恐後 耶 錯 陶 以 學人三山 之行於世 於《洛誥 徂 政 如 修 藴 也 而 E 奥,以 於風 出 猶 新 接 0 而 ,門人寶之,片言隻字 定之。 之理 謂 仲 典 唐、虞、 東 也 可 有 亟 尼 萊 氣之 俚 謨 '以覩 造 存 以 監 一,終狐 定《 一,辨 夫子 解 訓 耐 周 者 帝 板 瀾 丞,全州鄭公肇之臭味 餘 三代之 室 間 誥 I 者 純 禹 書》,歷代 行, 前 執 講 夫之不 之 之,繁亂 既 於 派 裘 湯 於 經左右 道 精 東 家 横 讀 疵 文武 而 而 氣 於金華,首 微 是 藏 流 識 羔 求 王 象 繼 0 書 肆 人 袖 復 之大全矣。 之變具 之,於《秦誓 迹 真 不 生 退 行 面 誦 雜 無 幾 著 悲夫 於 於異,此 之中 承 而 瀾 義 怪 熄, 百 於 不 修 識 、焉。 攄 以 平白 吾 世 定 其 可 録 流 有 是 西 之下, 書 傾 之旨 隱 禁 心 邸 自 由 其 間 見者 書 V 風 頭 説 始 禦。 蓋 乎, 堂 門 何 之 是 見 善 而

呼,上 以 澐 名 來 其 説 説 率 吴 取 『子師之書 謂 至 是?」記 (俚辭 識 一,若瀾 鑄 者 師 一於旨 其 未 猶 東 平 字 家 自《 至 道 不 子 萊 修之書 録之陋 昔 帝 壽 韙 千 意所 ,芟夷繁 群 盍 説 H 秦 憶 所 若 臨 卿 餘 乎 從 經 舊聞 補 聞 誓》 女,此 ,異焉 涇 者 出 耳 非 弟 其 人,而 其 東 合 纂 1,公同 尤 ,毫髮己 派 子 子 純 萊 而 亂 餘 而 如 成之,今所 誰 義 + 不 時 吕 觀 者 後 浴 Ι. 莫 剪 對 責 餘 口 可 年 成 日 師 氏 乃 盛 誥 截 ? 夫子,伏 瀾 得 不 進士, 之秀。 一安用 之説 公倡 免 人,悉從 見, 》,未 於婺。 複 存 謝 而 H. 罔 雜 耶? 見 明 是。 明 不 所 畢 與 敢 俾 行《 者 成 而 子 正 欲 敢 清 公 弟 耐 參 公輯 學 莫 修 就 讀之,清 僭 或察焉 遊 卒。 與 何 鋹 江 口 書 者 如 雅 焉 時 嫌 長 四 日 傳 馴 瀾 書 若 者 氏 方 嗚 門 書 卿 於

是 也。」

按: 院宗學教授,見《周益 瀾 官 從 政 郎 差 充 公集 西 》附 外 睦 録 宗

陳氏傅良《書抄》

未見。

黄氏度《書説》

《宋志》: 七卷。

晨 年 陳 夜 制 振孫曰 叩書 閫 江 淮 塾,爲 「度篤學 著 述 友朋道之。」 不 窮 輟 經,老 時 得 而 新 不 意,往 倦。 往 晚

吕光 於 武 部吕 洵 序 日 江峯氏,與太史唐 一一河 得黄氏《尚書説》 荆 川氏校 Ł 其 卷

取士。 子相 《書》益難言矣。 學官。 訛 黄先生,與紫陽朱子、 數十餘家,吴氏、王氏、吕氏、蘇氏最著。 之要也。 敘之曰: 行之,其餘或不 百餘卷。《周禮》《詩説》,水心葉子序 於世,好學之士無 者尤宗之。 九峰蔡氏得紫陽朱子之學,作《集傳》,學 之矣。 受而注焉,未立學官,然學士諸生多 十六卷,傅四百一十二篇,凡九家, 認,以 友善,著《詩》《 宋諸儒治《尚書》者,言人人殊,蓋 後魯恭王得孔壁《尚書》,孔安 至唐孔穎達疏,益加詳,並 授黄氏子孫,刻諸家塾。 《漢 夫《尚書》,帝王經 於是諸家言《尚書》者不復行 • 藝文志 ※ 古文尚 宋禮 復存。 書》 所參互以求自得,而 部尚書宣獻公遂 止 幸而 周禮説》諸書,共 齊 陳 世 存者《尚 之書 子、水心 書》經 列於官 1,傳心 刻成 列 誦 而 葉 或 於 初 習 四

説 貸 侂 聞 其 然 先 不 李 重 必 諫 起 其所契悟 衰 反 、建中建極之旨,皆 心道 饑 胄 輔 過 官 家文學,因 詩 成 治 ×, 生 報 平盗 華宮 其 置 讀 雖 或 人行 忽之端 已果 抗 即 家 誅 心、精 訓 其書 論 制 極 解 流 斥 國 言 注 詁 陷 言 時 而 江 官 ,諸儒 與與 子 而釋之。 多 蜀 離 横 内 政 是 去 心孝友,筮 淮 韓 監 取 侍楊舜 挑 夫 歸 執 侂 以 如 無 簿 諸 典 業 强 莫 至 中 胄 由 論 先 憚 孔 謨 者 尚 胡之禍 即 誤 是 生言。 正 明 其 其 逆 安 卿、 氏 + 焉 訓 罷 黨 或 色直 諸 世 鱗 解 仕 止 誥 萬 气 科 論 也 陳 約 心 愐 巗 惟 餘 成矣,乃 孟 微 言 。」。」史 起 推 累 源 策 建 邑 家,不 糴 幾 其 研 辭 子 蜀 論 疏 邪 、綏 或 諸慮 市 量 義 眇 日 廉 稱 歷 請 帥 佞 是 轉 精 義 朝 終 猷 代 再 御 惠 先 罪 光 旲 以以 乖 歲 皆 曦 誦 粲 起 浮 史 彰 生 協 如 興

> 天人 學 以 章 ± 先 悔 繫 侃 日 行 而 姓 於論 一,爲 吝 閣 幾 主 心 蹙 忠 侃 行 東 譜 上下 憂虞 學士。」 觖 之 廊 厚 ,終始典學。」 正 南 顧 御 \forall `: ___ 際 言 述,政 立 望 廟 千 史, 言 進 年 或 焉。 里 不 詡 度 退 文德 書 以 劾 宴 用 詡 溺 餘 字 存亡之故,究 經 未 韓 水 然 遂 七十 於 而 文 術 訖 侂 心 口 請 不 優 治 叔, 經 胄 簡 葉 所 謂 老 知 游 天 作《 世 謂 而 子 知 新 以 恤 綱 下 者 寧宗 言 先 誦 質 歸 昌 周 生 紀 及 也 非 有 之 化理之原, 先 易 己。 時 其 没,天下 H 日 身 生 其 耶 傳 隳 久 文 獨 在 ? ×, 累 紹 封 憂之, 也, Ш 明 以 興 言 夫 林 焕 之 疆 宋 進 哲 極 明 文 顧

馬氏之純《尚書説》

佚。

薛氏季宣《書古文訓》

十六卷。

乎? 其門 觀 可以 以填然正直。一時三語,若不相侔,然則 於商之《書》謂之表,所以語回謂之義,自 戒。通斯七者、《書》之大義舉矣。』夫子 謨》、《禹貢》可以觀事、《皋陶謨》、《益稷》 直而已矣。 其裏也。』顏淵曰:『何謂也?』子曰: 『闚 與言《書》矣。雖然,其亦 與死也。』夫子愀然變容曰:『嘻,子殆可 有人亦樂之,無人亦樂之,而忽不知憂患 先王之風,則可 深山之中,作壤 者,志之於心弗敢忘,退 入其中,則前有高岸,後有大谿,填填 義,五《誥》可以觀仁,《甫刑》可以 觀政、《洪範》可以觀度,六《誓》可 而不入其中,烏 然藏 又非難 是故《帝典》可以觀美、《大禹 室,編 以發憤慨喟,忘己貧賤 也。 蓬户,彈琴瑟 。丘嘗悉心 親其奥藏之所在 而窮居河濟之間 表之而已,未覩 盡 一、歌咏 志 觀 Ē 以

者,而 其仁 不 遺 不 固 之博厚,而 帝 發 宗肜日》,見 出 見 迫,志盡 之也、《書》之於事 論古之人? 河 可, 察 乎 乎 已 ,未足與於《書》之旨。 Ш Ŧ 遺《書》學《書》,非《書》矣。不以 知之。 一之流 中 乎 爾 之書,其不 子之不忍言人之惡,而 則遠 後 或 近 者 而見乎外,以成文者,其惟《洪範》 庶幾 可 而 峙 孰 方歸 其 以言《書》。 不怨 人之靈於萬 德 所以 至於 是故以《書》學《書》、《書》 静 明 乎《書》之大義 有 志 辨 乎 其 可識 報 風 而 遠 作 也,遠而 知之蓋鮮。 之 霆 順 致敬 ? 疾 矣? 今夫天之昭 則 雨 而 物,匹夫匹 也 不 或 霽之迭 以 不 焉。 得 不闊 諂 自 質 而 君子 苟 云 於《洪 乎 遺之,從之 知之不暇 人之美 喜怒哀樂 爾。 由 〕興,海 吾 近 身,何以 察 婦婦 其 於《 明, 而 於 子言 範 道 無 也。 致 高 岳 不 不 而 地 不

昔孔 乎? 不 序》出 駁。 焉 乎。 音 將 者 子 於虞夏商周之《 語之不切,見諸言外,斯言之辨, 皇帝更以 人之心,無 書》最古,孔氏文義多本伏生之説,唐 以 其 不 而 讀《詩》、《書》、《易》、《春秋 則 知 子 歸 古文是 堯舜之命受於人,湯武之命受於天 於孔 如子 故 庶 將 其 學 於古學。 序 乎 何 國 琴操 Œ 篇端。論以 子,旨自有在,詮次 以 以 所 夏 一之政 隸 訓 《書》觀 觀 别 取 改定,而 而 堯 IE. 焉 不 書》矣。走之於《書》 得 好古之僻 ? 何 舜 · 勞 乎 讀 文王 之禪、湯 讀《書》之法。」 其 述 書》者矣。 敢 俗 書,不知其 是 之形,季 望 而 儒 正之 藏 口 承 》,則不知聖 走 之, ? 武 詔 百篇之後 何 之伐也 也。 文 隸 子 以 世 可 辭 多多 以 聞 待 古 無 焉 書 樂 學 踳 能 觀 明 定 孔 口

朱子曰:「薛士龍《書解》,其學問多於地

謝氏諤《書解》

名上著功夫。」

一十卷。

未見。

周必大曰:「諤字昌國,新喻人。 官朝議

大夫,直學士。」

艮齋、定齋二先生《書説》

三十卷。

未見。

按:艮齋者,薛氏季宣。定齋者,

謝氏諤。不知何人合刻。

陳氏聚《尚書考》

九卷。

二卷。

《姓譜》:「陳騤,字叔通,臨 海 寧宗

傅、謚文簡。」 時,知樞密院事,兼參知政事。

卒贈少

宋氏若水《書小傳》

十卷。

朱子志墓曰:「公諱若水,字子淵,雙流

經義考卷八十一終 縣人。江南西路轉運判官。」

弟子無錫華宗源覆校

經義考卷八十一

秀水朱彝尊 男昆 田 校

存。

《宋志》:七卷。

皆文集、語録中摘出。」 惟二《典》、《禹謨》、《召誥》、《洛誥》、《金 陳 《謨》二篇, 説得已甚明白親 縢》有解,及九江彭蠡、皇極有辨。 訓傳,每謂錯簡脱文處多,不可强通 之遺,以爲 博物治聞、理明義精不及此。」 陳淳曰:「《書》 振 孫 日: 此 書。 晦 庵 無文公解,然 晦 門人黄士毅集 庵於《書》 切精當。 有 經 其 ^ 其他 典》、 獨 師 今 非 説 無

朱子熹《尚書古經》

通考》: 五卷。

未見。

陳振孫

日 : 「

晦庵所録,分經與序,仍爲

五十九篇,以存古也。」

全也。 書》則否。 都穆曰:「朱子於經傳多有訓釋,惟《尚 蔡氏《書傳序》云『二《典》、《禹 蓋 以其多錯 簡脱文,非古文之

Ŧī.

録、文集中語以成之、非朱子意也。」世所傳有朱子《書説》、蓋當時門人取語世所傳有朱子《書説》、蓋當時門人取語

有湯氏中所輯,今不傳。按:文公《書説》,黄氏所録外,又

蔡氏沈《書傳》

《宋志》:六卷。

哉。 於數千載之下, 書,而淺見薄識,豈足 克成編,總若干萬言。 作《書集傳》。 亦已難矣。 沈自序曰: 二帝三王治天下之大經大法皆 然二帝三王之治本於道,二 「慶元己未冬,先生文公命沈 明年,先生殁。 而欲 講明 以 嗚呼、《書》豈易言 盡發 於數千載之前 藴 又十年,始 奥。 載 且 4 此

衆説 心 何以 之治 帝、三王,存此 典 其 至 相 禹 平,心之推也。心之德,其盛 之道,不可不求其 存則治,亡則亂,治亂之分,顧其心之存 雖 可 帝三王之道本於心, 者也 心心之 一於言 殊 得 存何如耳。 章文物,心之著也; 傳之心 相 哉。 融 而 授 而 言矣。 之心 所 理 天 可 會貫通,迺敢 沈自受讀以 則 法 則 太甲、成王,困 由 不 也 法 嚴其心之所自 一,無非所以明此 施 求 後世人主有志於二帝三王 心者 何者? 也 其 禮樂 心。 道。 也。 德 建 得其心, 來,沉 折衷,微辭 中 日 教 求心之要,舍是書 精 家 有 建 夏桀、商受,亡此 而 化,心 齊 志於二帝三王 極 存 出 潛其義,參考 執 日 或 則道 此 言民 敬 中, 商 心之妙也。 治 矣乎。一 之發 湯 奥旨,多 心者也 日 堯、舜 與治 而 誠,言 天下 則謹 周 也 武 古

以

失

真

孔

註

疏

雖

存

諸

家

箋

釋

愈

無

非

載

道

及

更

劉

班

賈

馬

鄭

服

之手,寝

9

黨

百

伐

異

己

乖

平.

平

蕩

蕩

之風

厭

常

喜

敬

効

涓

埃

臣

切

考

典

謨

訓

誥

誓

命之文,

繹

於

師

承

遺

帙

初

明

於

宗旨。

恭

逢

~~~

偏

而

建

極」,蓋

白

王立治之大經

先

臣

親

以

執

中一,

乃三聖傳授之心

法

9

無

黨

無

是

訓

詁,亦可

以

得

其

指

意之大

略

矣。」

於堯、舜、禹、湯、文、武、周公之《書》,

子杭《上

書集

傳

表

₩ El

伏

以

「惟

精

惟

非

精深不

能

識

也

是

傳

也

,於堯、舜、

禹

湯、文、武

周

公之心,雖

未

必

能

造其

微

大

聖人之心

見於《書》,猶

化

工之妙著於

物

書》,分爲六卷。

文以

時

異,

治

以

道

同

所

命

故

凡

引

用

師

説

不

復

識

别

几

代

之

IE.

,手澤

尚

新

嗚

呼惜

哉

集

傳

本

先

#

述

舊

聞

~

典》、

^

禹

謨

 $\approx$ 

先

生

蓋

嘗

是

É 終始 危。 智 六 大要 尤 之特 自 疑。 具 最 重 揮之志。 新 而 不 揣 一,亦 在 切 卷 純 永 由天錫, 久,見道 又 聖賢 宏綱 歎 既 於討論,工 蓋 出 章 著 而 删 失 熙緝之一 思 從 ,經皆 暨 句 念 研 潤之 渾 望 之言, 君道 之徒 民 微 皇 學。 覃 宸 德 E 渾 盡 情 辭 啚 墨 爲 之 灝 闕 與 授 深 之克 而 奥 赤 臣 之訓 助。 猶 灝 一夫未 莫 炳 思 日 以 以 图 台 俾 伏 誤 之 若 新 効 冒 新 述 艱 咈 之中 既 加 蒙 兹 氣 傳, 丹 逮。 陳 帝 作 絲 探 任 雖 制 蓋 半生殫 拔 青 之 毫 得 王 義 賢 興 索之功, 恭 訛 治 擢 聰 意。 於講 謂 倘 之 之 理 勿 遇 明 以 未 使 先 獲 報 有 制 洞 獲 之 貮 皇 採 亂 相 澄 清 往 臣 習 大 明 玷 憲 帝 摭之勞 襲 徹 坦 復 抱 保 去 之 以 閑 沈 儒 班 陛 天 然 邪 之緘 Z 父 邦 於 餘 遂 從 朱 雜 猶 行。 F 書 未 九 熹 勿 明 發 遊 而

卷,《 克 之俯 成 右 常聞 寬克仁之治 + 小序》一卷,《 臨 9 册 無 豈 怠 但 用 無 疇 黄 荒 昔 所有 羅 之 朱 辛 裝 規 熹 勤 先 褙 之不 問 臣 措諸 答 護 沈《 朽。 封 書 海 , 卷 集 隅 謹 置 傳 隨 咸 繕 之 仰 座 表 寫

之要。 數 諸 徒 興 往 年 氏 真 徒 E 進。」 文公以 有 儒 生 訓 西西 德 步 步 先 之説 護 數 车 傳 求 秀 Щ 《洪範 千 然 諸 柩 儒 表 先 口 里 經 以 所 墓 付者 黨 後 生 以 以 略 歸 未 日 \*\ \!\ 克 季 魁 發 備 從 , 及 . 黜 子 就 明 遂以 獨《 洛 者。 聘 聘 其 也 居 君 語 君 書 一帝 九峯。 諱 屬 書 君 三》、《泰 慶 從文 不 三王 沈 宗未 君 亦 元 幸 攷 遠 へ公遊 初 字 及爲 没 序文之誤 當 群 誓》諸篇 君沉 謫 仲 貶 聖賢 世 僞 學 之 春 整 文 默 所 名 潛 陵 用 公 君 環 卿 反 姓 物 論 往 訂 覆 視 晚 君 蔡 復 心

> 朝。 院 沈《集 趙 色 秘書省著作 編 希 求 修官、 弁 訪 沈,字仲 得》 티 : 將 也 薦 兼 右 佐 默 用 諸 郎 沈 號 晦 君 E 兼 自 庵 一宫大 九 序 不 先 權 層 峰 於前 生訂 右 小 先 就 侍 學 生 也 郎 其 IE 教 官 子 9 授 而 奉 杭 兼 武 議 夷蔡 樞 進 郎 於 密

朱升日 蔡 的。 合諸 授 之各冠篇首 黄 義 之旨 既 氏 震 删 視 儒 日 書經》至 之 . 漢 : 要 也 「古文《 而 唐 説 經 置於後,以 ,序文與《書》本 爲 嘗 解 是 精 惟 經 書 而 ,其發指 朱 序 書 大 文公 明 学自 影最 存 其 多, 爲 如 趣 訂 自 揭 舊 又 IE 至 蓋 篇 日月矣。」 往 視 蔡 往 孔 諸 朱子 其 九 不 注 家 釋 峰 協 移 所 爲 參 文

度。 或 何 之 喬 新 朱子所取 注 9 日 類 . 多 自 四 穿 漢 家, 鑿 以 而 來 穎 , 王安石 達 書 之 傳 疏 傷 非 於鑿 惟 0 詳 吕 制 安 附會。」

字。

今必欲以常

理恒言釋之,故多勉强

知

况秦火之後,又多

斷 簡 殘

編,脱

文 譌 蓋殷《盤》周《誥》,詰屈詭晦,已自不

可

黄氏翰《尚書説》

祖謙

傷

於巧,蘇

軾傷

於略,林之奇傷於

至

蔡氏《集傳》出,别今古文之有無

改

桂萼日

「《書》《典》、《謨》注雖經朱子

經大法,粲然於世焉。」

辨大序、小序之訛舛,而後二帝三王之大

潘氏柄《尚書 解

與

輔氏廣《尚書

趙樞

生曰:「昔人言明經者諸儒,害經者

亦諸儒。

以今觀之、《書蔡氏傳》爲尤甚。

鄒季友所論,亦有未安者。」

朱子《詩傳》不同。及其他注説,

與鄱

陽

何孟春曰:「蔡氏《書傳》日月五星運,

者,不可强

也。」

詳,亦多贅鑿。

務在反之於心,其不

可通

定,尚有冗處。其《夏書》以

後,蔡傳

雖

奉祠。 《浙 師 事朱子及東萊吕 江通志》:「輔 學者稱傳貽先生。」 廣, 氏。 字漢 嘉定間 卿,崇德 入仕

1657

經義考卷八十二

### 董氏錄《尚書注》

文公以

掃

墓

一歸婺

源,曾大父上所著《

書

説》,文公深嘉之。」

曾孫

龍

翰

曰:「先曾大父從游朱子之門,

佚。

李氏相祖《

三十卷。 佚。

《閩書》:「李相 朱文公學。 曾 祖,字時 以文公命編 可,光澤 ^ 書 説》 從

吴氏昶《書説

四十卷。 佚。

《書説》四十卷,《易論》四十卷。」 殘。 博 籍燈 堂翁,硯影雙鬢寒。 蓋宋季書雖僅存,未曾刊行者也。 自序云:「友堂遺文,今所存者, 按:龍翰,字式賢,有《古梅 官。 照夜闌。冤哉命壓頭,那復 江東兵燹餘,白璧喜重完。 其《讀家集詩》云:「吾家友 友堂紛遺藁,幾成汲冢 刻志鑽書史, 吟

陳氏文蔚《尚書 類

佚。

黻

然且下採

芻蕘之論,上

裨

旒冕之聰

如

太

華之微

塵

不

遺

,若日月之容光

必

照。

間

玩意

篇

章

之末。

蓋

將

以

彌

淪

天

地

酢古今,無

非

帝學之淵

源

**岩** 

生學士,

窮年

既日、苦志疲

精

溺

情

傳注

於宸衷,大義宏綱、悉關

於天理。

非

如

傳,書究虞

夏

商

周

之藴

微言

奥旨,

默

下,英資

天縱

,聖敬

日躋

道

得

堯

禹

湯

文

但雲章之黼 下及 之 直 伏 酬 契 身 經 陛 竊 竊 膚 臣 公孤 獻 巖 揖遜 疇。 聖 心。 盛 非 湎 而 之旨,首傳於二聖 育之恩,得 베 之賤。 其 狎 0 分 見如臣 而 ,則召公之戒 **無** 殊。 征誅 天文稽七 師 鼎 益 邪 人 何 保 聖,新 所 耳 逸》俾 以 官制 拔伊 惟其 心 雉 盡 者老於草澤, 繫 經 鳴, 鑽 非 同 於又新。 邦 知 尹 刑 政之齊, 人,微 陳。 研之力。 於耕 而 輕 則 於 前 以 迹異 ; 艱 祖 儆 論 誠 彝 以 則 野之微 道 己 難 有 宜 侍御 至 倫 地 ; 幼 **\*** 不 一之訓 幸 位 竊 图 之叙 用 侯 理 酒 若 德 玩 以 謂《 忽。 僕 盡 人建官,大 語》 甸 人; 簡 愚 好 相 正 從 男 備 九 書》 編 臣 深懲 傅 未 生 罔 衛 州之貢 西 凡 生 闡 説 者 免 以 久 理 非正。 此 蒙 逢 旅 於築 於九 親 於 洽 精 則 皆 沈 佞 獒 教 明 民

之餘。

自昔講

求

,具有本末。

伏

惟

皇

帝

是急。

必探賾

於精微之地,乃收

功於

土

聞

帝

Ė

出

治

稽

古爲

先;

聖哲

胎謀,

修

纖

微。

臣

一文蔚

惶

懼

惶

懼

頓

首頓

首。

臣

淺,不

自

揆

度

,妄意纂輯

得

罪

聖門、

方

所著

尚

書

類編》者。

臣

介庸

愚

識

見

州送

到

七月五

H

尚

書

省劄

子

取

索

文

蔚

進

表

:

「臣文蔚言,七月

+

Ŧi.

日

自訟

,豈謂聖朝不棄涓埃

兼收

並

取

0 書編表》《影印文淵閣 宜 图 一字原爲 墨 T 《 四 庫 據 陳 全書》本)補 文蔚 《克齊 六《 進

理 願皇帝陛下加日就月將之志,進日升 要之,典學之一言,是乃尊經之明法。 或 安民之要, 亦 豈 無 統 宗會元之 方。 伏 月

至之功,用舜之中,建武之極,以是陶

萬化,鼓舞群生,還 風 俗 於 邃 古之初 示示 成

法則於將來之永。 槧自娱,雖居曠野之遐,若對 則臣 得 漁 清光之近。 樵同樂,鉛

書編凡一 宋鑑》: 十三卷,謹隨表投進 「端平二年二月,都省言進 以 聞。」 1: 陳

功郎。」 文蔚所著《尚 解注》有益治道、詔 補 迪

集》中。 按: 空本是 忘三月味,囊 ^ 類 吾家 編 成 **>** 己 事,嬴 時 中 佚, 賦 真 詩云: 乏 其 得 表 閒 錢儲 載 身且 水 克 飲 著 屢

戴氏蒙《書説

佚。

馮 氏椅《尚

未見。

孫氏調《龍坡

五十卷。 佚。

《尚書發題》

佚。

書。」洵有道之言也。

## 林氏變孫《尚書本義》

佚。

公游。嘉定中,特奏名爲縣尉。」《閩書》:「變孫字子武,福州人。從朱文

## 徐氏儒《尚書括旨》

十卷。

之班 獨 姚 凝 左 於文章之觀者哉? 至。 希 神之説 聖門 得 ,此二子者,非 存。 序 如 丘 良不 日 辭藻首重ト 「凡物 明擅良史之譽,子夏 誣 也 所稱五官不 有所 而《春 商,乃知 婺州文清公徐先 不至者,必 秋 W 古 叙 · 具 列 無 事 用 文 有 獨 以 學 見 所 志 與

爲世 詩記 尤所 商 者,始信先生之學 呈皇朝,存於青宫閣 學,豈不賴 書之宗旨, 帙,注解詳密,毫無滲漏。 曲 書之冠,而虞周二 其潛心究學,輯 士。 生原稿 並 洞 之旨,又爲五經之冠。 諱 》、《諸、 究 胸 其 所 垂於天壤矣。 僑,字崇父,號毅齋,淳熙十 傳誦。 吐 心。 理,安能妄措一 因 詞 有 默 重録寶藏,允留家塾。 咏雜説》、《文素》等書行於世 故先生著述有《讀易記 峰,心吞學海 此 識 若此虞周二 耶 加 心 ? 書皆聖訓 問 通 景定 成帙者。 秘本。 其 淵 先生暮年以 源 四年三月。」 於繼 詞? 一,而於一 苟 ,當與左氏、 乃知先生於此 書《括旨》,尤 客秋,余 非 典謨, 夫五 往 深 今諦 五經宗旨 聖、 明 經 惟 讀是書 此 其奥 》、《讀 爲諸 開 觀 得 精 年 書 進 先 是 進 來 惟

許氏奕《尚

十卷。

佚。

侍郎。 著作 興郡 遷 侍 府。 官 居舍人。 嘉泰四年,授秘書省正字,遷校書郎 士第一,授宣義 魏了翁撰 Ŧi. 郎, 起居郎 年,除知夔州 郎 王府教授。 八年,進龍 命 俄 三年,兼修 兼 兼侍 兼 (碑曰: 明年 權 兼權給 權 考 講 功郎 改元嘉定,爲 除 圖 府。 郎,簽書 尋遷秘 陞 事 顯 奕字成子 閣 玉 侍 中。 官。 待制。 表辭 謨 牒官,又以 讀。 閣 書郎、著作佐郎 開 使還,除權 劍南節 不行,改知遂 待 ,慶元 二年, 禧 通 九年,加寶謨 制,知 謝使聘金, 三年,遷起 給 度 遷 事 Ŧi. 判官。 瀘 兼吴 年 禮 吏 中 州。 部 進 部 闕 寧

> 閣直 書。 卷、《論語 其 學 所 士 || || || || || 致 裒 仕 稡 書》周 斷 公詞 藁 0 禮講 章 僅 雅 得 義》十卷,所 健, 毛 兼 詩 通 説 篆 逸 籀

四

《姓譜》:「奕,簡州人。」

鄒氏補之《書説》

佚。

經義考卷八十二終

弟子全壇于舜枚覆校

■「秤」,原作「粹」,據薈要本、《補正》改。

## 經義考卷八十三

者稱曰

潔齋先生。」

陳

振孫曰:「其子喬崇謙録其家庭所聞

至《君奭》而

岸。

秀水朱彝尊 校

男昆 田

格焉。 惟見苗民之作慝,所以逆命。 以底豫。及其征苗也,自省未嘗有過,而 父,惟知己之有罪,而 自滿哉?」 後,誕敷文德,無 旬有苗格』云: 『舜耕 盛之時矣。 朝,是年元后生成帝,新都篡漢已兆於極 安之時,危亂之萌已兆。 王應麟 滿損謙 曰:「潔齋解『儆戒無虞』云:『治 無虞豈可不儆戒與?』解『七 益,捷於影響,人心豈可 異負罪引慝之心,而遂 歷 不見父之爲頑,所 Ш 漢宣帝渭上之 之時,祗見 至班師之 以 厥

尚存。 按: 是 葉文莊編《菉竹堂目》

# 袁氏變《潔齋家塾書鈔》

宋志》:十卷。

自鄭 真德秀狀曰:「變字 等致仕,贈龍 未見。 縣男再進 淳熙辛丑 爲 進士,官 圖 伯,以 閣 學士、光禄大夫,學 和 顯謨 至 叔 太 慶 閣 中 學 元 大 府鄞 `士加 夫。 秩 縣 爵

#### 袁氏覺《讀書記》

《宋志》:二十三卷。

供

於後,當是潔齋之族。」大略倣吕氏《讀詩記》,集諸説,或述己意陳振孫曰:「題四明袁覺集,未詳何人。

# 趙氏汝談《南塘書説》

《宋志》:二卷。

未見。

過甚。」 生所傳諸篇,亦多所掊擊觚排,則似文公嘗疑之,而未若此之決也。然於伏陳振孫曰:「汝談疑古文非真者五條,朱

王氏日休《書

黄氏倫《尚書精義》

佚。

戴氏溪《書説》

坊所託。」

陳振孫曰:

「三山黄倫彝卿編次。

或書

佚。

宋志》:六十卷。

佚。

三二六

五十卷。

佚。

魏了翁誌曰:「彭山宋元發名藴,淳熙五

年進士,終流溪令。遺文有《論語略解 一十卷、《尚書講義》五十卷。」

余氏權《尚書

五卷。

姜氏得平《尚書遺意》

佚。

卷。

張氏派《書説》

佚。

丁氏錄《書辨疑》

馮氏誠之《書傳》

佚。

### 董氏琛《尚書集義》

佚。

《姓譜》:「復齋慶元中進士,任龍陽簿。」董鼎曰:「琮字玉振、號復齋、鄱陽人。」

史氏孟傳《書略》

十卷。

佚。

同進士出身,授迪功郎致仕。」名,將入對,忽以疾卒。詔附劉渭榜,賜魏了翁志曰:「丹稜史孟傳守道,既奏

柴氏中行《書集傳》

佚。

應氏鏞《尚書約義》

《宋志》:二十五卷。

未見。

吴師 衛 湜 道曰: 集  $\sim$ 禮 應 記》 鏞、 解 邵 間 **凼皆邃** 見 稱 引, 經學, 而 他 今惟 書

無聞。」

### 陳氏振孫《尚書説》

佚。

援據,確然明白。」 袁桷曰:「《書》有今文古文,陳振孫掇拾

周密曰:「直齊有《書説》二册行世。」

### 陳氏經《尚書詳解》

《宋志》:五十卷。

皆知 能 帝王之行事,帝王之心也。 經自序日 之。 其要領者 行事,而 存。 至於皓首 :「帝王之書,帝王之行事 載諸 ,往往得裏遺 典謨訓誥 第年 研研 精 表,見其異不 誓 帝王 極 命,夫人能 思 以 ~率不 是 也 心

所統紀 於影 典謨 見 非三篇之所能變移; 戒,九官分職,初 時 卑,貴賤 煩 器械弓矢之微,纖悉具備 國,死生患難之變,下而 嘗觀授受之秘,危微精 之頑,若非干羽之所能格 幾數百言,安在 方》,乃諄復而 該之,至易曉也。 金騰者之所能 也耶。 其 不疑,後世 響。 訓誥誓命 同 者 則 位矣。 與賢 汎 ,然旁通 典謨 觀 稱聖。 感 不已;《君陳》、《畢命》,亦 而 帝 與子,各因其時,天尊 訓譜 其 革命之際,湯 動哉 已,於己何有哉 王之行 無 乃若立 曲 爲 費辭。 誓 暢, 同 ? 天 於變之民,不煩 命 條 ,片辭隻語 無 事 雨 至 然 之所 何 綱陳紀,綏 共貫也。 幾 一於軍 反 不各得其宜 此 《多士》、《多 太甲不明,若 如是之不 武 舉 風,亦豈 載者 於 旅 行之,當 彼應,捷 、散漫 行 苗 昔者 民 足 是 陣 告 懂 民 地 靖 以 直

備 也 無 矣。 隘 成 也。 天 聖人之道,雖 心之狹隘 所有,亦吾日用之所能行,則 下能言之士,蓋有彰之愈晦 人之心求古人之心,吾心與是書 間 卒非 也。 止 務,亦無所 ,悠久無 地之間 精粗 今日 致。 諸友其毋忽。」 其 然後知 用 所 寂 者欲 得其所謂一 語諸友以讀此書之法, 心 滅 一理,古今一時,物我 疆,卓然常存,而未始 散 於寂 此豈 也 典謨 在 千百載 而 以 萬 非 是 觀 滅者欲以觀 無 訓 物, 一之所 雖 自 此書,而 則 誥 之遠,猶 諸 萃 而 誓 儒 於 然 應變酬 寓 命皆 之訓 哉 此 加 也 心, 此 ? 書卒 日 帝 吾 即 釋 酢 一機,天 當 須臾 暮 之 道 相 故 胸 廣 開 遇 王 以 愈 非 中 契 盡 而 凡 大 行 一群 遠 之 之 求 此 狹 用 物 悉 而 於 天

> **錢氏時《尚書演義》** 士,官終奉議郎、泉州泊幹。」

八卷。

未見。

按:葉氏《菉竹堂目》載有是書。

胡氏誼《尚書釋疑》

十卷。

佚。

與兄謙師事袁爕,自號觀省佚翁。」《寧波府志》:「胡誼,字正之,奉化人。

姓

譜

》:「經字正甫,安福

人。

慶

元

中

進

時氏少章《尚書大義

鄭氏思忱《尚書

佚。

賢,言於太守,復得仕,知南恩州,爲浙東縣,左遷浦城丞。真文忠公與語,知其數。嘉定三年詞賦首鄉薦中第,知崇安數。嘉定三年詞賦首鄉薦中第,知崇安

戴氏侗《尚書家説》

佚。

佚。

滕氏鈆《尚書大意》

佚。

之子,爲安仁令。」《姓譜》:「鈆字和叔,婺源人。合肥令珙

爲最。以《書》名家者加多矣,滕爲最。方岳序曰:「吾州以經名家者多矣,《書》

書》自程大昌、王大監皆有所論著,天下

也。 讀 藪。 諸 請 叔 所 子,先君子聞之紫陽翁 意,則一中而 猶之水焉,原 訪予崖底 同 傳》者也。 始,咸中有慶、《書》所 大意乎? 登晦 日。 漸 謂 此 老,而 曰:『以中爲《書》之大意,吾未之前 子於何有所聞?』曰:『予聞 蓋 涵 萬言,教予曰: 程泰之《禹貢圖志》、王晦 自 書,迎刃解矣。」予受而讀之,❷ 於 翁之門,學者謂 予發其 與予别,三十有 至溪 二父之淵 出其所著書曰《尚書大意》者, 猶之木 릲 愐 公齋 先 非 秘者 焉 允執 派 源, 『子亦知 生與 本 别也。 也。」實 紫陽翁 以 披 之 厥 而 其弟合肥令君 新 終。 五. 剥 中,《書》所以 非 若《書》之大 年矣。 於 安 夫凡書之有 節 叔《尚 祐 以 百 聞 兩 目 乙卯 此 之先 家之林 之 滕。 也; 濂 書 日日 字 洛 君 聞 既 重 小 和

#### 真氏 德秀《書説

三卷。

未見。

趙希弁日 . 「右西 山先生真文忠德秀之

説也。」

魏氏了翁《尚書要義》

宋志》: 二十卷。 《序説 卷。

本」,原作「木」,據四庫

陽

受」,原作「授」,據四庫本、薈要本、《補正

進

士

由

從

仕

郎

歷

六部架閣

《宋

史》

張雲章曰:

「大猷,東陽

人,登

興二

年

# 陳氏大猷《東齋書傳會通》

十一卷。

#### 治書集 県 支 問

土

志 率意極言,無復 妄,因自訟 而 有 大猷自序曰 問 亦 難、記 不 家 可遺者 駁 難 以其去取 於篇首云。」 一:「大猷 已盡 ,并附見之,以備遺 涵 及 曲 蓄 既集《書傳》,復因 所説 折 明辨論 ,以爲《或問》。 不載 前 畫 於《集 一,有犯 忘 傳 僭 然 其 口

東陽 大猷 季。 外别爲《或問》 考其所作之旨,亦猶紫陽《四 傳,《藝文志》亦不載 通》,仕爲黄州 號 陳氏實爲兩人,學者勿混 今《集傳》不可得見,而《或問》猶存 與? 猷《尚 氏 孫《 東 用 失,或尚存人間,未知其爲東 按: 葉文莊《菉竹堂書目 東齋,饒 之書 齋 姓 而 萬 非 字 氏 攷 書 卷堂 , 正 都昌 軍 與? 於 鄱 一書也。 集 州判官,乃陳 雙峯弟子 陽 陳 未 傳》 陳 目》亦有之。 此 氏《書 董 可 氏 抑 十四四 書 定 氏 所 又同 都 然 ^ 撰 爲 昌 集 書 \*, 東陽 也 時 頗 册 傳 纂 書集注》之 陳 而 澔 有都 盛 「》有陳 之父, 注 之。 氏 其 書 陳 特 西 一行於宋 之 傳 氏之 書 亭 昌 注 列 陽 與 書 會 陳 明 引 陳 Ŧ. 大 雖

得朱子之學於黄勉齋。

登開禧進士,官

朝議大夫,知欽州。」

## 張氏孝直《尚書口義

佚。

劉 一氏 欽《 書經衍義》

佚。

《閩書》:「欽字子時,建安人。 以蔭補官,轉朝奉大夫,陞殿 從蔡沈 中 侍 御

壺散人。終朝請大夫,卒謚忠簡。」 史, 仝知樞密諫院事。 歸隱武夷,自 號冰

董氏夢程《尚書訓釋》

佚。

《江西通志》: 「董夢程,字萬里,號介軒。

王氏宗道《書説》

六卷。

佚。

柴氏元祐《尚書

洪氏咨夔《尚書注》

佚。

佚。

《兩浙名賢録》:「舒津,字通叟,奉化人。 景定三年進士,官太學博士,知平江。」

章氏元崇《尚書演義》

王氏萬《書説》

佚。

佚。

孫氏巡《尚書解》

《宋志》:五十二卷。

潘氏衡《書説》

未見。

康氏聖任《尚書解》

未見。

### 張氏震《尚書小傳》

未見。

董鼎曰:「震字真父。」

姜氏如晦《尚書小傳》

未見。

董鼎曰:「如晦字彌明,號月谿。」

史氏仲午《書説》

未見。

董鼎曰:「仲午字正父。」

史氏漸《書説》

未見。

董鼎曰:「漸字鴻漸。」

劉氏貞《横舟尚書講業》

佚。

楊氏明復《尚書暢旨》

佚。

謝鐸曰:「《尚書暢旨》,楊明復

著,

熊氏子真《山齊書解》

楊氏炎正《書辨》

徐氏菜《尚書申義》

五十八卷。

卷。

吴氏時可《樵坡書説》

六卷。

姚氏三錫《書鈔》

佚。

按:三錫,餘干人。 劉克莊《後村

集》有《讀書鈔詩》。

經義考卷八十三

1675

倉使王伯大序其書。」

《徽州府志》:「休寧人。

著《書約義》。

經義考卷八十三終

弟子宜興湯汝諧覆校

陳氏梅叟《書説》

未見。

董鼎曰:「梅叟、永嘉人。」

張氏模舒《書蔡傳訂誤》

《江西通志》:「葆舒號虛緣,德興人。」

紹定進

1677

經義考卷八十四

秀水朱彝尊編 男昆田校

成氏申之《四百家尚書集解》

《四川總志》:「成申之,眉州人。 《宋志》:五十八卷。 佚。

士,紹興初隆慶知府。」

## 李氏守鏞《尚書家説》

黄氏 震《讀

[日鈔]

供

馬氏廷鸞《尚書蔡傳會編》

佚。

似 祐間進士,累官右丞相,兼樞 姓譜》: 道不合, 「馬 以 廷鸞,字翔 觀文殿大學 仲,樂平人。 密 士 使。 提 舉 與 洞 賈 淳

方氏逢辰《尚書釋傳》

四 未 見。

存。

卷。

氏元剛《尚書演義

佚。

劉

啻父兄之遇子弟。 吉水縣人。嘉定十六年,登進 執經問字,相繼 語》《孟子演義》若干卷。 至郡守,家無餘貲,蕭然環堵。 文天祥志墓曰:「先生字南夫,世爲吉州 、孝經》《論語》《孟子演義》上進,有旨 於門,先生誘掖懇懇,不 遺 墨有《詩》《書》《論 任左藏日, 士第。 四方學者 官 降 以

王圻曰:「焕,豐城人。」

未見。

佚。

周氏敬孫《尚書補遺》

謝鐸曰: 《尚 補 遺》,

周敬孫著,

胡氏士行《初學尚書

佚。

《書傳補遺》

三四

存。

**趙氏**若燭**《書經箋註觕通》**《姓譜》作「趙嗣誠」。 軍軍學教授」。 按:士行,廬陵人。題云「前臨江

丘氏葵《書解》

佚。

王氏柏《書疑》

《宋志》:九卷。又《讀書記》:十卷。

《袁州府志》:「趙若燭,字竹逸,宜春人。

佚。

寶慶二年進士,知光澤縣事。

存。

宋亡不仕,

《書經章句》

佚。

《尚書附傳》

《宋志》:四十卷。

何氏逢原《尚書通旨》

教授於鄉。」

佚。

之朝,授福建儒學提舉,辭不赴。」咸淳間,官中書舍人。至元中,程文海薦《嚴州府志》:「何逢原,字文瀾,分水人。

文 解 及 所 也。 帝 如《 手筆,密行細 成》,凡四篇 又 紬繹之,無 要,疏瀹其 更,孰能保 柏 書》者? 更定。 見其全書 有《 字、《書》止解《典》、《謨》三篇而 三王 也 自序《書 《書》, 朱子 金縢》《 或謂 朱子嘗謂 治 而 其 於 湮 天 復 最 失之簡 奈 疑 其 諸 用 孰 塞 字, 遺 下 召誥》《洛誥説 難 何 予嘗  $\forall$ 無 力 經 티 : -而 之大 恨 知 讀 伏 誤 眉 精 東 莫 貫 · 日 者 多幸, 此《 生之口 Ш 勤 卷 書》之果 不 通之,縷 聖人之經 獨於《春秋》 經 亦 蘇 二二如 探 如 西 莫 氏《書 大 書》之所 此 其 補 得 如《 授,科 法 淵 觀《典》、《謨 不 是 學 蓋 》及《考定武 析 書》。 源 説 亦 孰 者 非 最 可 其 斗 古 以 有 猶 不 發 口 善 得 己。 錯 日 矣。 敢 之 者 得 難 以 而 恨 其 加 揉 之 後 莫 其 著 讀 於 全 不 簡 變 Mi

> 支離 易 後 ^ 不 古 甚矣,《書》之難 説者。」 謂 中,今亦可辨。 朱子之遺 二年 穿鑿 已 曉,而姑後 金 」。● 帝王之詞與 有考訂平易者 甚明矣,大序、小序之可疑,今已 有 陵 而 至於朱子 亦 復 不 王氏 於簡 規 見 可 稱之也。 乃 斟 解者否? 獨 其 潔。 不 有害 酌 讀 贅訛,此 日: 教門 解《 群言 , 亦引而進之。 也。 如今文、古文之當考, 理 史氏之詞參錯 又嘗 洛 人, 誠 傷 而 今九峰蔡 日 計 固 如 道 斷 問 則俾之先  $\approx$ 者,又 所 不得已之詞 以 亦 東 猶 喻 義 萊 能 無 理,洗滌 氏 辭 是 先 於 如 口 讀 乎其 祖 天 缺 生 此 而 亦 文 甚 其 述 於 闢 難 而

通,當有訛脱。 序》(影印文淵閣《四庫全書》本)此處作「於」,文義「□□」,二字原爲墨丁。王柏《魯齋集》卷五《書

0

疑 之嫌 傳 存 簡 綴 通 於 章 難 地 暇 見 敢 通 在 之 先 者 昔 之。 中 絶句 傅 已 疑 疑 ,朱子曰 理 思 也 成成 哉? 之 先 經 經 經 先 所 會, 王 寧曲 後生 所不 編 精 况 之難、朱子不 如如 儒 也 疑 全 王 文 屈 讀《 後 者 覈 之大 經 篤 經 未詳 ... 諸 此 曲 讀《書 爲 能 非 也。 厚 也 《書》至 學 歲 以 儒 則 學,所 將 信 通 體 求 之所 可 月 疑 惟 經 E 迎 不 古 謂 先 通 先 雖 間 其 盡 者 幸 拙 脱 以 然 後 王之經 當 諸 大 能 肯句 有 不全,固 秦 可 往 簡 而 如 幸 之 爲 亦 確 疑 儒 解 疑 往 火 子 者 不 審 先王 觀《 子 終 守先 讀者 者 既 極 者,豈 敢 因 固 然 定 也 未 書》 又 於訓 融 輕議 焰 固 不 疑 自 , 能 化 儒之訓 後 用 一之經 幸 深 疑 亦 미 能 若 義 不 之妙 盡 詁 以 T. 因 未 避 闕 伏 得 世 可 也 澽 明 勤 求 得 能 文之 改 無 以 豁 而 牛 不 而 支 苦 是 也。 分 得 復 脱 然 盡 經 何 而 П 不 不

自己。 乎? 後學 與天 舛。 缺 大 惟 年 敢 護 或 人之經。』然伏生女子之口 夫 IE. 體 聖 Ź, 錯 短 庶 折 而 則 、堅不 不 後 非 人 聖人之經 地 簡繁多, 衷 幾乎得 糾其謬 是 訓 漢唐 之書 定,今訓 以 喪 始 動 亦 詁 理 心 終,不 斤 可 先 復聖 不 諸 孰 萬 間 而 開 極 斧 待 儒 儒 不 刊 世 有 註 敢 以 問 惟 費 凡 人之舊 改,伏 之大 其 智不 删 逮 鑿 多 號 玩 例 詞 不 贅 改 己 至 索 於 當 兀 之 0 譏 訓 足而 本 詳 衆 氣 訂 生 此 若 疑 所 口 也 朝 日 明 傳 其 之 議 詳 稍 不 以 有識 亦 守 <u>=</u> 孰 : 言 與 而 雜 喧 益 也 加 口 有 吾吾 本 猶 豚 H 而 亦 者之 轉 簡 强 不 餘,泥 大儒 無 合其 口 猶 月 欲 不 移 知 元 通 m 略 口 並 體 者 數 不 可 其 改 益 以 離 疑 明 也 古 訛 苟 方 容 聖 73 復 IF. 明

1 「詁」,原作「誥」,據四庫本、薈要本、《補正》

念武 繼是 守其 按: 之,多有更易。 也。 遂分爲 二程子,始更定《大學》篇,而朱子 爾躬,允執 堯作帝 舜讓 成》、《洪範》者,餘 魯齋王氏於《詩》、《書》 漢儒 師 有 於德,弗 曰 : 更定《 傳,不敢 經傳,又 於經文遇 其中, 雜 嗣 ^ 爾舜,天之曆數 更易次第。 卦傳》者,有更定 取《孝經》攷定。 書》 下 四 海困窮,天禄 有錯簡,斤斤 補 則於《舜 亦 不 論 數見 皆 至宋 語 在 疑

> 永終」二十四字,於「敬敷五教,在 寬」下補入《孟子》「勞之來之, 定直之,輔之翼之,使自得之,又 從而振德之」二十二字。餘若《 。 《多方》、《多士》、《立政》、皆更易 經文先後而次第之。觀者未嘗不 經文先後而次第之。觀者未嘗不

### 金氏履祥《尚書注》

十二卷。

按 先 張雲章日 注 生本 《尚書》,章釋句解』,蓋指《書注》十二 柳文肅 存。 傳 :「《尚 貫 而 撰《 無 所 行狀》云『先生早歲所 表注》 謂 書 四卷,見於仁山 注》十二卷者

卷 而 而 言 爲《 此 表 書 注 爲 》也。」 先 生 早 年 所 成 晚 復 掇

#### 《尚書表注》

老

大之 察言 施 臣 履 蓋 失 論 又 顧 其 祥自序曰 自 命之文 之心,所 不 周 以 所 精 幸 幸 用 求 有 不 衰 以言之意 則 天 其 也 差 得見帝王之全書,幸 下 而 失其 以 帝 誤 心,以 國家,小之爲 運  $\overline{\ }$ 君子 Ė 異 事 量警省、經綸 書》者,二帝三王聖賢 一之典 ,此《書》 同 迹之實; 誠諸身, 於此,考迹 附附 籍 會 不 所 破 天 以 存,學 字 以 碎之失。 下 措 辭 變 未 而 以 或 不辨 諸 通 易 觀 僅 校之 家 存 其 其 敷 用 用 也 則 考 君 教 政

儒

爲之疏。

夫古文比今文

固

多

且

Œ

但

安國 艱 中 觀 後 伏 至 IF. 文 文之書 生者,漢謂今文; 伏生之耄言僅傳,孔氏 楚,鉗於 而 書》焉 各 生 文字 澀 木 、悉屏 漢 俱 蕭 不 惟 不 齊 齊 傳 雖 劉 廢 以 始 今文雖立學官,而 語 於 七 同 訂今文,是以 以 有古文諸篇,計 陶 諸 斯 百餘 備 世。 獨 7、不幸古文竟 易 伏生之書考古文,不能復 夫 詔 家 推 訛,而安國 何 子 後 至 事 獨 今文三家 偶 至 觀 世 蕭 號 東 V. 語 孔壁者 唐 梁 晋 孔 挾 日《 古文多平易,今文多 不 始 歷 傳 而 書 幸 必兼有今文諸篇 討 之壁藏 行 中 漢世 聘 與 一之律。 古 漢 大 而 且 北 ·文尚 論 文孔 古 諸 小 燼 方。 未 命 謂 文 不 或 夏侯、歐 於 孔 盡 復 書》,不幸 古 列 異 久之, 傳 秦 至 露。 穎 歸 學官。 同,定 復出 灰灰 以 達 唐 夫 베 貞 古 壁 伏 顧 而 於 定

字、長 聖 書 子 子 之 間 唐 後 傳 其 而 京 而 石 小序 傳 典 成 爲 相 用 漢 儒 E 述 出 則 前 之 於 注 始 望 乎 後之學者 今 誣 附 曲 最 ×, 命 謂 集 興之板 ? 朱 繼 暢 諸 心 世 爲 孔 後 會 或 傳 辨 出 子 注 訓 作 子 經 傳 文 子 安 經 幸 IE. 説 解 既 略 可 字 監 本 或 諸 師 疑 雖 而 所 前 没 備 窺 改 守 0 板 無 私 誤 説 天 而 訓 謂 果 漢 之 ^ 漢 易 謂 行 相 開 所 獨 帝 至 傳 小 以 傳 指 大 儒 古 訓 傳 辨 Ŧi. <u>~</u> 此 王 未 斯 爲 序 授 書》 其 之 傳 序 授 經 文。 IF. 門 之 備 有 文 帝 V 師 要 專 事 盡 ×, 最 未 作 所 王一 X 説 而 領 周、 門、 而 意 至 出 久 至 文 及 語 折 用 孟 義 開 安 不 多 體 後 以 程 字 易 開 其 録 衷 蜀 謬 理 或 爲 元 一、張 唐 嘗 未 矣 授 見 不 不 間 元 V 今文 之 大 間 訓 萃 之 蔡 長 類 别 口 勒 贵 明 手 解 之 朱 朱 俗 諸 興 但 氏 出 刊 則 两 無

> 之縕 柏 略 雅 外 遂 其 事 意 枝 翫 亦 前 姓 隱 ,然荷 以示 疑 之 爲 . 正 葉 味 有 爾 譜 君子 ,則亦 之概 則 宋 與 居 年 \*: 古 句 夫 著 末 履 畫 子 得 見 在 書,以 若 譌 祥 以 履 此 姓 段 其 夫 其 考 史 謬 H 繙 祥 書之幸 或見之,赦 節 自 綱 館 IE. 提 間 擺 閱 字 淑 得 要 次 文 其 諸 編 以 脱 後 吉 之 明 字 易 修 章 衆 家 視 無 進 也 父, 者 整 召 之誤 旨 之 見 朋 説 0 所 其 何 説 蘭 從之士 脈 願 疑 不 與 獨 如 谿 僭 大 絡 礙 及 竊 夫 章 抱 表 耳 人。 推 有 補 用 貫 義 遺 解 諸 則 本 請 通 其 理 巡 旬 而 四 好 其 雖 父 師 焉 之微 缺 或 釋 闌 師 古 精 復 中 事 爲 之 間 王 蓋 辨 博 詳 讀 疎

獨 柳 解 抱 既 貫 遺 日 成 經 書 復讀 先 矣。 生 早 玩 日 味 歲 超 所 則 然 著 其 自 節 尚 悟 目 擺 明 **>** 整 脱 章 衆 脈 説 絡 旬

義 考

闌之外,曰《尚書表注》,而自序之。」 通 理之微,事爲之概,考正字文之誤,表諸 本父師之意,正句畫段,提其章指,與其義 貫 了中間枝葉與夫訛謬一一易見。 因 推 四

室遺 及宋改物,儒者率俛焉北 趨 罔措,先生獨進奇策,請以舟師由海道直 趙崇善曰: 叙洋島 燕薊 民,高蹈 俾 險易,歷 搗 「宋季國勢阽危,在事者東手 不屈 虚 牽 歷 制 有 著作 以以 據 ,而宋竟莫之用。 解襄樊之圍 面 止書甲子 ,先生獨以宋 ,而 其

徐乾學 其作《通鑑前 日 : 「《表 注》引 編 》,即自采用其説。」 據 精確, 可 裨蔡

及年號,自署

止

稱

前

聘

士云。

#### 熊氏禾《尚書 集 疏》

佚。

#### 黄氏景昌《尚 書蔡氏傳正誤》

佚。

號田居子。」 兩 浙名賢録 從方鳳、吴思 \* 心齊、謝 黄 景昌,字 翺 游,通 清遠, 五經,自 浦江

梅教授《書集解》

《通考》: 三册

未詳何人。」

陳

振孫曰:「其書三册,不分卷,不著名

趙氏失名《尚 百篇 解

佚。

四 八

蓋鮮。 末,使夫人一 者能之乎?」 縷析,孰不知之,而 而 林希逸曰:「余讀 日 《書》自諸傳既 今君篇篇 一覽而 有 延 大略皆 解 每篇之要領,則得 平趙 鋪 行,句句字字,毫 具,非 君《百篇講 叙 發明 用 功 該 深 解 貫 密 首 者 分

#### 亡名氏《尚書名數 至》

未見。

凡 家。 題以『索至』,舊出於賢關纂集,獨詳於諸 法,允執厥中、建其 方 日 洪 儀 誠,先賢之集傳,發 、時發序曰:「孔壁之 公範》五 章 如《堯典》之天文、《禹 制 行之次序、《大誥》諸 度、服食器用,辨之必 有 揮 極 書, 無 日 餘藴矣。 德 載 貢》之地制 篇之官名 日 聖人 一明,確 之 此 日 乎 心 編 敬

> 當世 嘉惠 付之 惟 其 旁魄,未易悉通; 荄滋魯 於疏通知遠之學。余自潮歸隱,温 熟之,義理渾然之中,條目燦然,誠 此 證 後學,尤賢於著述也。」 一有行秘書,覩其違闕,儻改 剞劂。 編 也,語之必詳,炳乎其文也。 江 廣 其貫穿六經 罕得其傳。 出 由 豕,未易 是 載 諸 而 加 子, 苞羅 悉辨。 考訂, IE. 舊 復 有 補 而

按: 三家書目均有之。 是書菉竹堂、萬卷堂、澹生

經 義考卷八十四終

弟子金壇蔡鏞 覆

校

三四四 九

## 經義考卷八十五

男昆田 校

秀水朱彝尊編

# 趙氏孟頫《書今古文集注》

書十四

王氏若虚《尚

未見。

載之。

按:

是

天

閣、

萬 卷

堂

目

均

未見。

《書》、《禮》、《春秋》,由漢以來諸 惟《易》僅全,而《樂》遂無復存。《詩》、 《春秋》,皆經孔子删定筆削,後世尊之以 孟頫自序曰: 爲尤甚。學者不察,尊僞爲真,俾得並行 復古、殷勤收拾、而作僞者出焉、在《書》 爲經,以其爲天下之大經也。秦火之後, 「《詩》、《書》、《禮》、《樂》、 儒 有意

### 吕氏造《尚書要略

佚。

賢院吕造進。」 王圻曰:「金哀宗正大間萬壽節,同知集 序

者

口

子

以

不

《古文尚書》; 於世 幸之中,幸而 以爲孔子所定 子雲,必愛之矣。」 書之作 又幸而 三王之道於是 雲作《 注 世 得 下 難 志者哉? 但天下之知我者易,知《 與 而 其旨。 知者道 常受其 ,晁錯、 也。 ,越二十餘 討 覺其 若 論 法 知之者 張 ^ 未精 言 書》之爲 難 霸 倪寬、夏侯 僞, 忍無 孔 欺 有  $\leq$ 小 之膚 乎 安 耶? 與俗 年 存者 . 寡 時 在 序之舛訛,大悖 嗟 國 ,再 蔡邕 庸 無 而 夫,《書》之爲 陋,二十四篇 ,不幸而 雖 道 1, 忍使 述焉以明之,使天 人言也。 詎 孟 知 不知者之衆 爲 誠 勝 才堪釐 頫 知今之世 訂 者, 曰: 之注,多 邃 皆 覈 正 僞 矣,漢 專 至於亡,於不 其 亂其 手録 噫,余恐 正 治 真 經旨 前 書 惑 後 間 自 無 也 而 亦 書 成書, 一二帝 其 世 伏 爲 以 於 與 耶 説 是 之 下 亦 有 爲 生 僞 我 而 沈

集

口

後

考摭. 履祥 衷。 大德 不若 不 夜不寢。 文中子尚 天下之精 不 《書》 集注》始於至元十六年, 篇 能 盡 過 之道 角童 他 懲之 至宋 傳。 謹 元年,今又二十餘年矣。 不自愛也 而 經之傳注審之熟而言之確 而 傳 時 而 孔 嗟 續 朱 也 失 注 乎,惟 ,今至於白首,得意 失 八之繁, 穎 書 子 於 口 於簡 因 達 留 百五十篇,今正書 中者 使 之 毫之過 心 之不 重 精 亦爲 疏 雖 亦以 輯 而 惟 曲 久 確 與之 而 一、允執 才 未 暢 同 爲 中更 乎? 精力之所 識 附 之序 於 語 之 遑 衰貌 作 不 會, 所 成 處 孟 書 厥 輟 及,安得 止五 或至 也。 書 無 頫 限; 中者 頹然 成於 拘 )哉? 所 繙 終終 終 + 折 閱

按: 黑 一跡 是 録 其 序 集 中 所 載 係節文,今依

男雍 跋 日 一、「先君於六經子 ,史靡 不討究

己卯。 部《 《古今文辨》,後 宫爲『光天』二字,以書質之,中留一本, 楷細書,毫髮不苟。 復輯是册,已精而 而 在《 論語》佐太平,吾先 書 經 尤 三人 爲 留 益 及仁宗朝 京 意 精 師 君 者 而 自 有焉。 也。 三易稿 蚤 議改隆 年 古人以半 創 至元 皆 草 後 爲

經術也。」書畫,不知其文章,知其文章,而不知其楊載曰:「公治《尚書》,爲之注。人知其

事參軍。 郎,累官翰林學士承旨。 兩 浙名賢録》:「趙 宋之宗室也,以胄監 至元 間 以以 孟 薦 頫 人 卒謚 入仕 字子昂,吴 朝 文敏 一,爲潤 拜 兵 追 部 州 封 侍 興 録

國公。」

### 吴氏澄《書經纂言

四卷。

聿從曰 之簡 其 死。 堯舜 濟 自 黄帝時蒼 澄自序曰 謂之史。 家 南 堯 元舜以 傳 册 伏 文帝 漢興,禁猶未除,舊學之士皆已 以 授,僅 前 者, 生 人君 時 後,史所 :「《書》者,史之所紀録也。 ,世質事簡 頡始制文字,凡通文字能 日書者,諧聲。 聿古筆字,以筆畫 詔 初蓋 得二十八篇。 左右有史,以書其 求 年九十 百篇,遭秦焚滅,挾 夫 下 紀録,定爲虞夏 莫可詳考。 能 餘 遺掌 治《書》者 伏羲始畫 适 成文字。 帝 故 孔子 時 鼂 商 八言動。 書者 惟 河 錯 書 周 老 斷 内 有 即 有 几

生《書》二十五篇,又於二十八篇 氏、大小夏侯氏三家所治 唐初尊信承用,命儒 伏生二十八篇之經 ,而三家之《書 章内 舜 送於官,遂 十八 典 史 八》等 梅 臣 篇 伏 爲 賾 之 其言可傳。 事 正 以 君 起 臨 夫自古帝王之治天下,必 其譌 堯 代,得百篇。 ,必有言以發之號令,於是 惠 廢 111 滇 再撫 時 得 之, 見 舛,屬雲南 士? 乃 唐虞以 而悦之,曰:『滇 南 藏 孔子删《書》, 中 之 秦燔 命郡文學偕治《 篋 前 偶 守陳 笥 攜 六籍,煨 渾 久 以 君 渾 矣。 隨 上自 光 有 噩 苦無 華刻 史以 乎 督 乃 噩 燼 唐虞,下迄 學 有典 嘉 無 書》諸 其 書, 以 紀 憲 餘 靖 傳焉 事 其行 盍 謨 副 戊

生

刻

胡

申

儒 尤 氏 疏 王 禕 足 嘗 又分今文、古文,各自爲書,不相 今文古文有無,既 深疑 以 曰:「今文多艱澀,古文多平易,先 釋後世之疑矣。」 之。 宋蔡沈 爲 氏《 明 白 集 傳》於每篇各 而 近時 **看雜** 吴澂

能

詔

太常遣掌故

鼂

錯

即

其

家受之,是

授

齊魯間。

文帝求治《書》者

伏

生老,不

興,除挾書令,濟南伏生始以

其所藏者教

漢

謂《今文

一尚

書

後

魯恭

王治宫室,壞

孔

廢。

今澄

所注

一,止以

爲

正

Ŧi.

+

八篇

作

疏

因

此

大

顯

與

漢

儒

歐

陽

生之《書》並

内

分

出

五.

篇,共一

Ŧi.

+

八篇

Ŀ

增

多伏

+

川

篇

其

書

不

行。

東

晋

豫

列

元

成

間

東

萊

張

霸

作

爲《

女子

獻

僞

泰

誓

篇

得

附

顧 IE 應 公之 祥 序 所 日 著 : 「《書纂言》者 也 應祥 按察江 元元 儒 右 草 時 廬 過 吴

斗文字,無 子宅,得 之《書》考論文義,而 壁中 有 所藏虞 知 者 夏 博 爲 之傳, 商周之《書》,皆 士 孔 安 是 國 謂 取 古 伏 科 文 生

三五三

簡

訓

之意 間 篇 傳 伏 安國 耳 之學者 謂 出 章 尚 反 爲三篇,又伏生 泰 <del>-</del> 平易 析伏 矣。 於伏 共五 所 不 生 内 誓 Ħ. 類 承 加 所 史 文經 謂 w 0 篇 知 西漢 詔 然 ,故先儒往 授 生二十八篇 生者皆艱 梅 斷然以二十八篇 十九篇 歐 會 上古 則 篇 竊 者 爲 賾 四 陽、 巫 文字。 自 有 始 也 傳。』『經 + 或 蠱 所 爲 疑 大小 奏 所 六 分 事 以 卷表, 焉 傳之書所 澀 伏 上 往致 無者二十二篇 卷 爲後 文正公是 爲 生 夏 列 未 難 爲三十三篇 二 十 ^ 四 《侯《尚 讀 疑 及 漢 以 顔 於 書》二十 十六 人 以 而 真諸 爲 師 出 所 學 九 口 聞 藝文 伏 古 書》之學, 於古 增。 官 信者惟 文公 卷。 卷』,注 編 後 生 注 至 蓋 一之舊 《泰 九篇 公, 欲 志 并 E 朱子 安 文 漢 祖 但 東 者 或 晋 使 朱 其 序 魏 此 日 餘 亦 間 皆 孔 焉 之 尚 後 子 辭 所 内 豫

無『曰 遷 首 愚 編 則 分《 梅 私 或 爲 時 生《 有 興 即 之《 授《 始 添 相 武 簡 斷 所 賾 因 日 堯 書 伏 傳 帝 蓋 刻 自 名『放 所 簡 書》 若 書》 以《 典》 生 》二十九 馬 增 録 時 是 訂 稽 不 所授者 今觀 於安 或 泰 書 「慎 雖 千 自 勳 贵 增 古帝 噫 誓》爲 未 載 知 以 其 徽 而 損 國 篇 太史公《五帝 嘗 之 其 士 帝 爲 然 附 并 舜』二十八字, Ŧi. 列 僭安 上 生 舜 乎? 宣 典 會 班 以 教 河 史記 於學官 之 千 則 帝 容 典. 内 授 古 以 云。 是 載 時 日 籍 女 以 齊 又謂 或有 下 之下, 名『重 . 非, 之所 之而 子 魯 殆 爲 儒 紀》, 然 所 間 梅 不 蓋 之, ^ 林 以 舜 見者附 史 人 獻 華 賾 而 口 亦 傳 爲 若 於 稱 典 志 考。 至 欲 所 難 **>** 隋 帝 概 姚 以 恐 F. 可 或 矣。 於 其 以 伏 殘 亦 堯 書 謂 馬 唐 安 方 初

佚。

胡氏一桂《書説

供

程氏直方《蔡傳辨疑》

・巻。

未見。

陳氏機《書解折衷》

佚。

櫟自序曰:「《周禮·外史》:『掌三皇五

耶? 詔 不可 書也。 言教,晁以意屬 羲 其家壁中者,至漢景帝子魯共王壞 先是孔子遠孫有犯秦禁,密 能讀之,生時年九十餘,欲召之,不能行 無敢藏者。 豈《三墳》、《五典》簡編 典》,所定者二帝三王《書》,凡百篇焉 書,是爲《五典》,此五帝書也。 舊宅,又於壁中得《尚書》數十篇,皆科 斷自唐虞以 帝之書。』楚左 晁錯往受。 、神農、黄帝之書 考矣。 後世遂目出於孔壁者爲古文,出 抑孔子所見,但始 少昊、顓 漢孝文時,聞 及秦坑 下,訖 生又老,不能正言,其女傳 一史倚 讀,所得僅二十餘篇 頭、高辛、唐堯、虞舜 於周,去《三墳》、《五 相亦 焚禍 ,是爲《三墳》,此 能 脱落,而 作 於唐 濟 讀 百 藏 南有伏生勝 此 虞耶? 至孔子始 竹簡 篇之《書》 不可 孔 書 蓋 於 子 於 通 斗 伏

言矣。 旨哉 德》、《 與 伏 小 所 不 傳《書》 征 命 而 有 多 盤 》,誓體 謂 生 己 是 序 此 經 庚 方 矣。 ? 失 序 戾 於 者 也 可 小 × × 旅 今所 》,安國 世 序? 爲 其 見 百 非 獒》、《 ^ 篇各有序,或 今篇 書》 者 無 焉 今文,合古今文 也 君 西 而 序 孔 存 一帝 是 此 伯 奭 亡《書》四十二篇之名, 始 體 共 子 ^ 三皇 名 五 六 也。 三王之《 無 分序 戡 君 有六, 作 爲 字 元 十八篇,學者可 逸》、《 黎 陳 也 周 如《 外 有 五. 各冠 × 小、《君 篇 官 帝之 此 四 典、謨、 日 《書》, 自 立 微 **>** 太 孔子作 + 六 共 每篇之首 武 孔 子 牙》、 政 字 誥 甲 書 Ŧi. 遭 帝 壁 × ×, ×, 篇 體 者 訓 + 自 初 詔 嬴 ~ 多 合吕 訓 也 八 咸 計 然序 自 孔 古 不 秦 孔 藏 體 篇 尚 士 知 有 安 時 此 氏 子 即 刑 不 也 胤 待 其 多 或 即 時 賴 今 時 而

習此 罕闕 全體 矣。 馬,下 《易》之用 之舛 予 汗 其 付 該禮之名。 六典之綱 子之歌,三百篇 經之體 初,二千餘年之事 命 體 因 託 4 可 經,老 諸經各得其 訓 訛 焉 通 "惜 ,治經 也 喙 逮周 子, 多 宗 親 喙 毋 然 雖 也。 已見於《 遂 訂 矣 不 强 心 師 平王、秦穆 《舜 L 其 自 盡 僅 心 掇 猶 説 自 诵 《洪範》之占用二, 間 虞 三篇。 祖 孰 典》、《臯謨》之五 Ľ 朱 者 其 心 堯 迄 不 一體,而《書》 猶 於 也 子 書 醉 古 難 爲 舜 周 無 此 大旨及諸家之得 焉 多 通 真 賴 之 朱子 公,正 ,二千年之史筆 中。 簡 ^ 的。 周 非 此 盛 異 編 諸 而 知 官》六卿 可 下 之者 ,説《書 舜 之 蔡 家 與《春秋》 考焉 蔡 本 殘 臯 逮 具 之 氏 氏 者 之 斷 亦 禮 可 諸 受朱 東 於 解 太太 歌 不 周 謂 充 子 經 可 以 兼 字 難 少 之 見 平. 之 語 經 棟 幼 接 在 通 以 Ŧi. 通

主, 衷之。 又自 灝 始 未 蔡,采諸家,附己 欲序之,未遑 舊嘗述《尚 本 取《大旨》略改 盡之藴 意者,句 噐 述 而 毫穿鑿 《語 至 曰: 此,亦勞矣, 書大旨》,繼 釋 録 皆列於是。 「予編《 也 奇 》所 於下, 異 冠 見,大 載 大德 悉去之。 及 異 書 於篇端 他 同 爾小子其尚 癸卯十二月五 成《書解折衷》,屢 略 解 惟 之説 可 折 與 以正大 採 云。 噫 衷》,●宗 深 之説 低低 講 Ш 明 董 姚 懋之。 字 氏 白 與 姒 朱、 日 相 折 覈 夫 爲

類 ,第不盡載蔡傳於前 爾

#### 集傳纂 疏

六卷。

存。

櫟 自 序 日 : □戦 帝王之治,而治本於

> 櫟不 是以 當 所 矣。 雖 在 道 三篇而 家,朱子晚年始命門人集傳之,惜所 是經奚先哉? 於道之中,詳 雖 二帝三王之淵懿,皆在 書解 一,道本 存 疑 不 ? 不 闕 况諸 揆晚學,三十年前 同 朱 同 折衷》,將以 E 岸 子 者何限。 於心。 漢 在 而 而 經全體,上下數千百年之治迹 爲宗,《 儒 敬 司 同 聖 説 於敬 於 口 朝 授、 反約 道 孔子所定半已逸遺,厥今 揖 中 科 自 書 羽翼蔡傳。 讓 安 9 舉 有 孔宅壁藏 放伐、 在 求道 、《書》之大旨不外是 欽 宗蔡 興 註 時 ? 於《書》,稽古者舍 恭 行 解 於心之敬 科 寅 傳, 制 諸 日 以 舉 祇 在 錯 度 亡友胡庭芳 來,三 固 未 經 畏 詳 中。 亦 簡 興 慎 略 四 7,求治 了當編 宜 斷 等 等 心 訂 書 几 然。 編 字 事 安 IE. 白

0 解 原 作 傳 據四 庫本、薈要本、《補正》改。

册,元新 見 吾外氏有《書傳會通》,尤詳備 楊士奇 邢張子禹命工刊刻,以與四方學者共之。」 多未及見。 今讀《書傳》者,率資此書及董鼎《纂注》。 加博采精究,方克成編。 而 許 可 : 可之,又勉以 安 陳櫟輯。 余雖見之,亦未及録 「《書傳 纂 即 櫟字 蔡傳 疏》六卷,分爲三 今謀板行,幸遇 壽翁,號定宇。 而 纂 ,而今學者 也。」 疏之, 遂

# 劉氏莊孫《書傳上下篇》

十岩

佚。

胡氏炳文《書集解》

未見。

# 董氏鼎《尚書輯録纂注》

六卷。

乎哉? 可追 爾 善也,人心之所同也。 作,有聖賢而道不行者,帝王不用也。 帝王而 帝王之道,必聖賢而後行,攷之古可見 子知百世可繼周,言豈苟乎哉? 所致也。 噫,虞、夏、殷、周之盛,非適然也,人事之 鼎自序曰:「生民之類,必帝王 也。 黄虞遠矣,蒼姬訖矣。 而及之哉? 存。 民不治者,聖賢 然則是書也,惟聖賢能盡之,惟聖 蓋於百篇之《書》的 堯、舜、禹、湯、文、武之聖,非獨 孟子言必 高 未遇也。 風 遐 三代以降,有 然 稱堯、舜,孔 躅,豈遂 有 而後治 見 事豈 孔 孟 而 虚 総 不 云

以

成

朱

子之一

經

可

無

參

稽

相

發

明

者

并

間

綴

鄙

見

於

其

末

有

統

會

元

之極

則

亦

不

無

小

互考之勞 嘗 補矣。 庶 家 傳 之 表 事 焉 管 帝 》 爲 文 至 齋 於 之 親 之 公 宋 章 帝 幾 傳 窺  $\equiv$ 之宗, 黄 注 道 釋 訂 功 朱 諸 之  $\pm$ 會 E 天 不 氏 未 經 定 未 有 子 而 第 粹 儒 群 無 mi ൬ 先 子真 以 舜 抉 中 胡 氏 大 是 才 棄 顧 并 而 命 固 書若 君子 幸 不遺 民 刻此書 傳 繙 先 JL 又 不 玉 奄 因 塗人可以 代 ·徒 有 生 尤 也 或或 卿 生之所 閲 得 有 爲經· 帝 用 克 遇 ,闕者補之,以備 傳 미 跋 所 刊 几 桂 至大 力 承 王 致之權 注 行 真 雖 海 不 示家學, 退退 焉。 一自許 係 生學士設。 0 9 爲禹 先 卿 有 書之幸,實天下 盈 戊 能 君 齋 歸 諸 先 大德 申 免 溢 能 熊 所 而 口 復 儒 世 而 充 而 也 十二月已未 致 著 先 以 私 以 之 顧 甲 斥, 以 之資, 况聰明首 多孝 生禾讀《易》武 請 論 乃 千 辰 淑朱子緒 臨 惟 來,多習《 噫, 衆寶 先 謙 古 經大 命 口 政 於君 聖 人 堪 讓 居 願 君 萬 真 眩 序 賢 皆 警策 義 未 得 出 治之 乃 世 心 卿 瞀 自 可 論 遑 致之勢, 日 ,受天之 王

槃

澗

董

氏

故

再

傳

而

鼎

獲

私

淑

書

經

從

雙

湖

夷

Ш

時

欲

有

於

蔡

聞

賴

族

兄

介

軒

夢

程

親

受學於

勉

緒

論

多

出

朱子

",迺

以

訂

定《

集

傳

而

蒐

輯

語

録

於

其

次

又增

輯

諸

之,

則

猶

其

自

著

也

鼎

生

也

晚

竟

而

委

之門

人

九

峰

蔡

氏

既

有

以

折

其

衷

而

悉合於

古

雖

集

聖

人

八之用

ريار ب

獨

決

於

夫之見

口

疑

而

穎

達

之

疏

惟

詳

制

度,二

觀

者

摭

政

遺

珠

爲

堯

漢

興

往

者

口

鹽

矣。

惜

乎

安國

事

者

何

如

耳

焚

滅

之而秦亡

賢

能

行

之,

顧

其

、學聖

一賢之學而

測

海

党足

以

得

其

奥蘊

哉?

數

+

家

而

後

其

説

漸

備

又

得

也

哉

期

口

生

民

三六〇

其 君之囑 當世 乎 暇 備。 朱 質之同 行 乙。 生芑舒,多得 旦 棄藐孤之三年, 煩 ? ,吾老矣,當不及見,傳之者汝 H 敬壽 儒 也 者惟 尚 延 〉湖 蓋 祐 先與 月. 志 而 須校定。』 胡先生、定字 先 師 梓閩 而 欲 戊午十 蔡 在 君 以 先 未 簡 傳 前 所討論,於朱、蔡此 欽 此 遂。 君之舊交,如 是從, 坊, 是宗。 編 書懼 會聖天子興賢 承 月 且 以 明 朔 真 謂 集 其 廣 晚 詔 卿 ·陳先生櫟、息 日 其 真 斯 遺 其 雖 仰 ,尊崇朱學 卿 口 文 傳, 也 遵 重 苟 日 葵初 開 加 先 而 乎 . 非 有 運 『是 訓 校 靡 徒 書 也 E 定 不 求 其 。」及 之萬 似 韶 書 吾餘 不 齋 先 尚 録 余先 負 命 爲 在 將 生 IE. 欲 習 先 悼 盛 於 兹 龄

與? 耶? 然 縢 書 弗 作《 王 自 不 之初」而 後 具 如 都之説自相 謂 用 果。 在 此 室 擇 **\*** 0 而 者 洪 何 ,則又同 鴟 弗辟」,鄭非 殆 抑 訂 説 而 得 鴞 有 範 非 哉? 草 定 ×, 傳 與 止 非 取 焉 蔡氏之手筆 w 藁 朱子《 蔡 弗 不 以 讀之 卵 反。 於《詩 初 氏《書傳》, 果 祖 他篇文 《召》、《洛》二誥, 後 贵 破 成 襲 浸 著 有 門 詩 巢 孔 之。 傳》, 簡之内, 而 覺 述 所 比 傳 是 人 義 未 也 未 武 》、《文集》 疑 嘗 疎 故 雖 昭 及 而 竟 僅 庚 請 脱 切 承 昭 愐 修 與 鄱 之 至『 斷 疑 而 爲 而 師 E 也。 改 師 陽 敗 百官 書》 授 之 朱子 前 文 與 X 説 董 管 洪 不 前 既 不 後 避 ? 爲 鼎 甚 範 相 句 之説 蔡 迷 若 牴 增 敢 居 季 明 ^ ^ 同 及 於 周 亨 金 補 帝 東 易 牾 而 亦

■「切」, 薈要本作「竊」。

吴澄

序

「自《樂經》亡,

加

經

之

行

於

世

者

惟

Ŧi.

詩

禮》、《易》、

~春

秋

雖

不

無

闕

誤

而

不若《書經》之甚

也

朱子

嘗

欲

亦嘗因 之黎。 誥 問 注 先 不 亨父之有 以蔡之從 周 注》引陳櫟壽翁之説,以 邦伯,《多士》篇即 黎 旁采諸 父治 而 録 能 公至洛之年。 謂 戡 》三月甲子,周 云《多士》作於祀洛 遂 悉 黎 其 注 聖人之經,學朱 吴 先 與 前 武 家 或 楚 才老 舊 儒 後至紂 功《 鄭 王 蓋 有 境 ,附於蔡氏 所 説 爲 伐 同 在 也 書 以 疑 有異, 合。 然也 商 黎 經經 周公居東,二説兼 戡 都 公用書命庶殷侯、甸、 一、兵渡 陽 ^ 其 而 **\*** 如齊 輯 黎 觀 多 之地,而 推 命庶殷之書也 俱有 各條之左,名 子之學,詳 録 爲 略舉 所 矣。 次年之三月。 究 孟 此三月誥商 伐 輯 其 桓伐楚,先潰 引董 所裨。 津 纂 紂 澄 所 工,必過 非 不, 其 於《 時 口 銖 上 一端, **一**西 事 知 稽 間 書 叔 黨 存,不 前 0 黎 日 遺 乃 則 往 重 經 士 壺 伯 ^  $\wedge$ 陽 語 蔡 季 爲 纂 之 往  $\approx$ 舊 召 歸 男 戡 輯

> 弊,於是爲識 以示,嘉其 六十八而終。 與予不 ·異者。 へ窮 ?經有 其卷 子真 季亨父 特見 末 卿 篤 來 而 遊 行 無黨 京 信 師 於 同 鄉 出 護闕之 里, 父 書 年

《江西通志》:「董鼎,字季亨,德興人。」朱子語録,增諸家注解,間以己見發明之。」陳櫟曰:「鄱陽深山董公宗蔡氏《書傳》,輯

### 何氏中《書傳補遺》

十卷。

失。

余氏芑舒《讀蔡傳疑》

卷。

佚。

三六

#### 《書傳解》

失。

#### 嚴氏嚴《書説》

佚。

吴澂 屈 之文明白易 未底渾全,然嘗鼎 於《書》有 難 讀。 日 :「《書經》惟後晋增多二十五 章貢嚴 説, 曉 略述 ,其先漢伏生所傳者則詰 鬾 梗概 篤 臠,已可知矣。」 志 如如 嗜 經 金 屑 博覽 花片,雖 深 探

## 張氏仲實《尚書講義》

一卷。●

佚。

疑,而 也。 義者復何異? 就其中尤猥多焉。 言,亦既多矣。 辭之徒費,雖多奚以爲? 伏生《書》僅 牟巘序曰: 十九篇, 史稱秦恭增其家法, 至百 目二字十萬言,但『曰若稽古』 二三萬言 」,不惟 烏乎,《 務碎 切 「講學所 書 義 中 當 逃 班 出 論 時 難 屋壁,簡脱字訛 固 度與 之病 衡》又稱説《堯典》篇 以明理,理之不明 便 以 詞 、近世所謂時文大 爲『不思 , 殆若 巧 説 爲 破 多 時 尚 萬 聞 壞 文 發 闕 而 難 形 餘

數篇 求其 之法。 慚 在江 究 於言聖人矣。 於《大學》,危微 明俊德,親九族,平章百姓,協 書、散於語 朱子之説。 之説,辨其是否,暢其同異。大抵 解,毫分粒 句》,授業者萬人,顧予皓首不名一藝,甚 悉 無以發之,然深喜其 陰 坦 講 不 示予。● 異時 理 時 蓋先攷音義 然 説 於 愈 ,當爲諸 亦 明白者, 者,固當 析,求 録者,往 分 失 朱子 一時 外 仲 終 精 汎 實 其 雖 生 其 文 庶 濫 吾家君高 名物 幼 往 至 不 一講《尚 執中合於《中 身 義 幾 洗 牽 能 當 采 立 不 聖 無 此 耳。 引 而 訓 度 刻苦力學,通 用 爲 賢之意 所 哂 書 文數,次 傳 焉 游 重 予倩 悉從 見 》,其 有《 和 自 詞 皆訂 其 如 萬 得講 미 纏 牟氏 庸 見於他 隨 徒 張 或 列 「邦」合 以『克 簡 哀 繞 得 之 文 諸 仲 裒 己。 以以 直 章 於 取 辭 儒 經 實 Ŧi.

> 規切 者當自得之。」 也。 此 經 義 尚 理 術 無 孔安國 益 徒 古 窮 勉 稱 學問 不 其 其 · 得 始 未至 詩 雷 注《尚書》,其 文, 亦 同 無 盡 未 相 窮 爲 私 畢 所當 深 餘 過 知 義 族 有 講 仲 成 稱 兄 者 實 道 臧 者 似 9 家 貽 未 夫 書 止 可

#### 程 氏 龍《書傳釋

經 義考卷八十五 終

弟子武 進 劉 國 定 覆

集》卷十七《書尚書 作 講 義後》(民國吳興叢書本)改、 原 爲 墨 T 並 據

0 0 過」,原爲墨 據牟巘 《陵陽 集 尚

#### 經義考卷八十六

秀水朱彝尊編

男昆 田校

許氏

黄溍曰:「先生《書》説,時有與蔡氏不能 盡 合者,要歸 於是而

謙 元 自 年至襄二十八年,歷年一千七百三十 序 曰:「自堯 至 襄王 六十 Ŧi. 君。 堯

使人知 其餘 也。 褒甚 子所芟夷者。 之世有書十篇耳。 自此二十三君之外, 湯、武、周公之作爲,非欲 有聖人誅鉏其暴虐,消弭其禍 貶之辭,使人知所懼,於《書》獨存其善 愚嘗謂聖人欲納天下於善,無他道焉 迄於秦穆,凡三千二百四十篇。 雖其言 亦惟沃丁、太戊、仲丁、河亶甲、祖乙五君 四,而惟十八君之世有書。 示之觀戒而已。故孔子於《春秋》嚴其褒 未必實,然有書者不止二十三君則明矣。 至於羿、浞之篡夏,幽、厲 觀此,則聖人之心可見矣。」 寡,《 贵 雖桀、紂、管、蔡之事,猶存於篇,蓋 所法。 無出號令、紀政事之言? 蓋皆孔 書》 則全去其不善,獨 緯書謂孔子求帝魁之書, 是故《春秋》之貶辭多,而 徒 之滅周 紀 以亡書攷之, 其 亂 ,略不及 獨取 不善也 存其 惟 善善 乎

蓋

皆

有

所

裁

定

而

畢

致

其

意

非

徒

隨

文

援

采

掇

其

詞

而

易

置

其

次

不

必

盡

如

舊

也。

知

焉

叢

一説

 $\forall$ 

中

所

引傳

疏

諸

家之説

或

求

其

説

爲

之圖

説

以

示

學

者

使

人人人

易

不

杰

則

學者

無

所

折

衷,

乃

研

精覃

思,

博

經之傳出於朱子之門人,苟一毫之 其大要卒不 先生受學之久,聞 經,於《書》屬之門人蔡氏 ,然非若《易》、《詩》之有 孔 猶 編 達 Ш 取 ,見於著 安 撰 先 以 士 引《 國 並 朱子故 生文安金 正 始 書》 義 爲 絀衆説, 録者數十百家 能 語 出 以 書 也。 中 夫二家之説 推 傳 公於《書 義之邃, 既 蔡氏 ×, 而 衍 剖 之。 專 辭 之説 晰 全 義 用 間 獨 表 古 固 書 其 簡 而 六年 篇、《 言立 刊行 版 讒賊 者 引 聖人之意,而 爲 爾 日 與 新 :『在吾言之則 所 以 而 要歸 奇,不 門 一,其施 其僚 四書叢説》十二篇 傳。 以 믄 先生不 爲 大梁 於 雖 同 於 求 南 於 其説 是 也 人者溥矣。」 近名 會 臺 是 幸無

楊

公

惠

移

浙

東

廉

訪

使,

鋟

監

察

御

史

白

野

普

花

帖

睦

而

已。」豈

不

信

哉。

至

IE

爲

忠臣,在

人言之則

爲

先

生

嘗

誦

金

先

生

之

之

時

少

異

於

蔡

氏

而

異

先

生所

著《

詩

名物

鈔》

與《

讀

書

叢

説

皆

卒 位 俞 而 士之爲 一,退 以 失之愈遠,言之 實 京字曰 救 而 往説之偏,得聖人之意,而 經者之所 求之於經 . 私 以 不爲 愈 同 求聖人之意 病 廣 而 也。 新 襲 奇,不爲 之愈 先 ,求之 生 晦 不 會夫大 近名 幸 此 愈 無 世 深

患是

著明之矣。

夫

大中之歸

既

没

而

其

卒、

以救

往

説

之偏

得

位

退

而

求

之

於

經

不

注

《通

鑑

前

或

有

未

備,仁

注,

書》蔡氏

也

本

朝

設

科

嘗

質

疑

問

難

焉

朱子

爲

有

所

明,而

質

唐

孔

穎

後《書》

説

浸

廣

張

樞

序

日

专、世系、言行本末具今翰林直學士烏陽 字、世系、言行本末具今翰林直學士烏陽 字、世系、言行本末具今翰林直學士烏陽 字、世系、言行本末具今翰林直學士烏陽 等、世系、言行本末具今翰林直學士烏陽

十卷、《或問》二卷。」

徙長洲。通蔡氏傳,博采群説,著《集傳》

張景春曰:「元爕字邦亮,其先建

寧

## 俞氏元獎《尚書集傳》

十卷。

《或問》

二卷。

未見。

#### 吴氏萊《尚書標説》

六卷。

未見。

元氏明善《尚書節文》

佚。

文》以進,每奏一篇,必稱善。」 文宗於東宫,陞翰林直學士。 譯《尚書節陸元輔曰:「元明善復初以太子文學事

三六六

#### 王氏充耘《讀書管見》

一卷。

於子 經。 登二 也? 也。 爲 徒 爲 事 理,靡不 亡名子序曰 蔡 專 臆 説 自微 一甲進 氏 門名家黨 先 先生當 長 存。 耕野 凡 呵 之忠臣 生棄官養 也。 爲 究竟,辨 附 辭 士 吾 王先生考訂 奥旨、名物訓 前 第 先 徒 其 同 代 者 生 不 授 書》 伐 用 母,著書授 析 科 易 啻 須 異 功 承 目 必 有《管見》,曷 簣 蘇 者之爲哉 精深,造詣 務 人 鼎 公是之從 蔡傳,而 之際 黄門古史之 録 郎 計 盛 時 以 徒 同 編 益 書 用《 知 至 誌 微 其 以 永 此 而 潛 其 爲 山 書 密 有 卷 新 的 其 不 Ш 1 所 而 經 端 功 能 贵 荷 疆 是 見 作 本 州

> 書 缺,以 置 與 藏 先 先生之學, 付 諸 是編俱存,惜哉。」 書 生 别有《管見》若干卷,多所 吾 逐遭 没 兒 複壁中 付先 未 0 焚盪 幾 其 生之 而 ·, 僅 而 惓 不 元 惓 失其 子吉。 免於燬 是編 綱 遺 板 後 本 賴 蕩 之意 - 者矣。 光 乃 先 Ш 薦 以 生 發 棚 其 别 從 爲 明, 搆 先 子 本 可 何 孽 生 訂 光 謂 而 世 如 於 善 其 薦 不 耶 訛 家 學 獲 密 川

堂也 草 吁 臨 梅 , 前 鶚 寫 惜 本, 日 其末尤 吾 :「此書得之西 生之晚 m 甚。 以 意 當 不得 Œ 時 若 恐 泉 摳 干 失 王 衣 · 字 其 氏,寫 於 真, 略 耕 輒 者 可 埜 甚 以 讀 之 草 紙

失傳。 官 黄 元 虞 歸 統 稷 甲 著 日 戌 二、「充 是 進 書外, 士 授 耘; 有《 永 字 州 與 四 、耕、吉 同 書 知 經 疑 以 水 貫 母 人。 通 老 棄

#### 《書義主意》

六卷。

之道 梓 經傳, 得 也。 得 劉 既 前 之所未言者歟。 而 致君澤民 望。」 實 其《經義主 於朱子 景文序 ,附《群英書》於其後。 以 有 存。 ,自有以 王君與耕以 因 廣 得乎傳注之外,又可謂 是 贵 心 曰:「四代之《書》,蔡氏 其 推 傳之妙,宜今日科舉之所 傳 得 小 廣 意》,語雖 其 云。 補哉。 而 是編輯《作義要訣》於 是經拾巍科,愚嘗 講 藴 矣。 明之,則於二帝 時 不敢 不 至 離 學優而 學者苟先 正 私 乎傳注之中 戊子七 秘 能 用用 仕,其 發 訓 『購求 熟乎 蔡氏 詁 刻  $\equiv$ 其 月 於 王 尚 深

#### 書義矜式》

六卷。

存。

講 既 製。 式 法 舉 奉 爲 大 題 題、小講 張雲章日 ·爲 也 概 經 久,冗長繁複 下有原 法,罷詩 一經,此經義之始。 又有原經,亦曰 鴻 充 有冒題、原 義,名曰《矜式》,存此 充耘 耘 寶 ,謂之冒子; 名進 哉。 題,有大講 賦 宋 主張 以以 士,是 今雖 題 熙 可 經義 題 寧 講 厭, 流 意 編 四四 考經,有結尾。 題、結 其格 有餘 冒子後 傳於後,孰 率本功令, 之出 則 論策試 年,王安石始 不盡 律 題 操 猶見 意 拘格 此 有破題、 士,士各 觚 官題, 亦曰 當 而 取 經 家 承 時 義 詎 更 而 又 科 自 從 接 占 定 然 襲 官 寓 不

## 王氏天與《尚書纂傳》

#### 李氏天篪《書經疏》

目

佚。

修道學之傳。」《江西通志》:「李天篪,吉水人。得劉静

### 陳氏悦道《書義斷法》

六卷。

存。

輯也。」
起,所以其流傳久存張雲章曰:「此亦科舉書,以其流傳久存

四十六卷。

存。

浮 之, 先 先 積 意 其 焉 先 昭 切 + 亥 大 則 晦 振 冬,攜 要期 雲,不 生 磋 生 見 引 條 據 鋟 如 四 H 生 庵 説 之 之。 首 累 去 諸 所 H Ŧī. 例 ?』乃本二先生遺 而 先 俱 梓 載 肯 取 與二 月 家 則 望 月 生 愈 鄙 是 通 先 哉 先二 增增 説 明 折 於 而 編 愚父子 末 且 者 生以 後 平 先生合 衷 編 偕 廣 學, 並 慫 孔 且 傳 之, 來 學 始 振 校 存之, 慂 愚之 氏 者 是 是 者 就 之幸 定 求 書》 流 有 説 講 經 不 而 是 凡若 其 未 布 編 者,崇古 間 於二 擢 者 是 就 르, 意 正 也 庶幾 以 備 此 之 迪 矣 或 巍 干 於 作 則引 愚 與 一, 使 先 是 科 未 以 二、尚 特 條 集 晦 亦 四 乎 齋 生 臆 非 敢 庵 示 也 安敢 帝 諸 視 方 往 書 彭 自 乎 兒 見按之。 家 庸 復 有 E 富 同 纂 至 西 安、乙 據 先 振 以 説 傳 是 遺 貴 志 究 未 西 111 生, 耳 私 竟 足 俾 當 將 書 共 如 Ш

> 數 成 使業 於 深 賸 集 劉 仕 思 自 有 由 目 浦 + 善評 甘 博 之。 立 得 私 今而 齋 籍 坦 輒 無 舉 之。 大 先 籍 序 微 借 淑 采 不意 與 梅浦 紫陽 觀 子 + 有 生 云 諸 草 詳 顯 斯 聲 年 時 爲 發 言 木 説 滿 人 闡 塲 以 於 之序 謂 梅 俱 百篇之 挂 龍 出 屋 長, 垂 纂 是 而 浦 腐 其 躍 名 有 息 訓 猿 爲 居 王 者 Ш 而 傳 虎 先 意 來 臂 此 奥 時 君 林之日 相 末。 變, V 又孰 儒 世 科 數 書 紅蘊 從 立 鄰 俾 一,勤 舉 奇, 所 未 大《 集 之 世 若 其 余 爲 之學, 未 必 遊 長 衆 其 視 亦 贅 書 四 相 得 到 有 者 猶 傳 學 夫 至 纂 白 失 好 暇 問問 覽 矣。 研 中 傳 收 氏 以 膏 語。 巾 也 著 者 科 之大 精 之 晚 殘 大 述 成 宜 義 器 功 膴 向 余 覃 馥 梅 近

聞 劉 辰 翁 序 解 近 日 年 : 至四 聞 若 百 家 稽 使 古 説 X 茫  $\equiv$ 然 萬 言 孰 何 又

學 紫 習 遡 遠 多 莫 其 用 開 學,又至矣乎。 親 自 伊 内 口 矣, 用用 淵 陽 摭 有 繹 切 伊 讀 探 111 ]1] 干 之而 爲 能 洛 伏 源 的 發 之考釋記 時 討 在 眩 I 西 考 當 生、 是 明 尤 E 焉 而 Ŧi. 於 於是經者 Ш 後讀《 欽 未竟 出伊 竭 而 見 白 故 處 愛鞏 多 字 會之 舍 其 餘 者, 也 先 孔 而 衍 聞 微言 洛之正 義 年 惜其 生 書》者 氏 之訓 是 諸 莫 見 ^ 所 有 抄 雖 以 書 加 宜 家 0 適 心 未 考 聖 其説之散 年 粹旨之别 爲 東 詁 何 説  $\approx$ 梅 % 思 爲 藴 賢 成 釋 理 萊 如 在 義 折 之 間 浦 之 經 學 奥 全書,於百 説 心 與 欲 衷。 焉 疏 力 決 與 王 精微 難 至 義 所 求《 故 余言 立 開 擇 近 見 一今猶 見者 在 考 理 記 久之 大 也 卷 書》旨 諸 9 據 文 衍 當 則 今 專 惠 而 初 紫 集、語 衆 在 篇 將 又 解 勤 庶 世 竊 年 首 如 淑 陽 説 焉 余 幾 者 力 亦 讀 引 或 後 知 到 闡

是

之,幾

以

是

論

去。

又

數

+

年

過

金

陵

人

明

道

書

院

讀

真

西

Ш

所

爲

記

記

首

間

世

,故危

概

以

爲

恶

則

過

矣,

亦

何

所

附

也

余歎

H

『有

是

哉

?

以

其

在

理

慾

之

筵

義

論

心

道

心

以

爲

人

心

惡

幾

麗

以

爲道

心

哉

?

侍

御

史

陳

千

峰

聞

吾

是

口

嘉

也

每

憶

咸

淳

初

諸

老

薦

徐

幾

經

不

識

其

所

謂

得

王

君

^

纂

傳

 $\approx$ 

如

遠

游

半

F

首

路

以

歸

如

觀

樂

請

止

不

願

更有

彭 至 近 應 龍 博 序 矣。 日 0 唐、 書 虞、三代 繇 伏 傳 遼 孔 哉 注 貌 若 乎,上 疏

復

遺

此

耶

?

或

謂

君

有

功

於

纂

擇

政

在

此

膾

不

厭

細

君

纂

傳

多

西

Щ

氏

已

得

彼

出

於

金

口

木

舌

之外

者

故

知

食

不

厭

精

而

是

幾

亦

有

所

本

也

懼

哉

以

此

明

民

猶

有

語

則

亦幾

説説

也

蓋

駭

然

爲

之愧

悔

自失

去古 甚 訓 謂 抑 以 代 弗 往 布 獲 附之,及 志 嘉 崔 而 録 其 往 君 ? 就 浙 窺 而 畔 者 而 余復 與 聖 舉 適 此 上 編 既 思 經 者 以 未 與 靡 四 書人 其 有 世 遠 賢用心之萬 摩 後 償 大 古 管 爲之悠 其 方 不 諗 褊 世 者 之力匪 義 序 準 會 運 見 藏 人之巍 司 且 人玩 梅 至 日 粹 遂 此 迹 \_\_\_ 諸 志 薄 是 浦 . 慂 無 於 陳 類 以 之 家 者 味 一易,足 益 刻 其 唐、虞、三 六 冠 余 取 叙 塾 揣 士 諸 以 而 以 無 中 講 焉 初 其 經 之 切 梓 得 備 彪 臆 不 慰 論 與 説 思,孰 可 惟 磋 而 其 然 以 商 其 切 炳 余 幸 於 事 兒 ^ 諸 之, 傳 説 後 寬 確 代 己 書 帙 也已。 曹 夙 家 付 大忠 者, 者 者 蓋 由 聖 以 若 V 之 昔 録 説 最 賢 之 猶 斯 嗟 嘗 博 初 之 無 廣 意 前 有 厚 難 平 讀 歸 11 所 媺 言 運 忘 大 輩 而 合 慨 故故 讀 之, 胸 約 益 會 是 有 説 往 何 流 百 而

習舛 傳 發其 之不 建太 受十 合 經 外 此 準 晦 黎 + 四 之於心 非 小巴 析 牧 》,晚又得 H. 無 + 自 也 庵 惟 **冷學**,百 及。 白 繋累,蕩 秘 六字 年 而 不 文 = 不 目 精 事 數 惟 首 無 義 爾。 能 理 而 由 他 場 所 盤 數 明 小 因 於 以 今逆 年 得 亦 忌 \*, « 屋之士 鄉 如「 經 後 爾。 通 毫 陳 句 間 慨 徐 然 先 來 矣。 然 釐 行 誥 數 皇 獨 景 悼 失 句 陳、徐 生 余 諸 之間 之 亦 不 説 極』二字,先 於 不 讀 其 以 彭 猶 吾 而 決 儒 時 世 演 爲 所 聱 亦 集 作 及 友 IE. 得 出 有 明之; 代 是 二上舍始 牙 未 挾, 齋 大 記 釋 梅 先 近 失 新 人物 完 易 長 往 中 者之誤 者 於 浦 試 則 意 書。 近 曉 訓 老言, 復 党 Ŧ. 科 於 使 之不 儒 代 考 詁 夫 君 舜、 舉 箋 П 發 意 古 大 自 政》 訂 特 纂 廢 誦 解 才 已 先 渡 禹 可 者 承 儒 韓 書 之 訛 强 本 儒 授 江 如 任 返 昌 朱 無

生、

夏侯勝之列,亦

萬萬幸

也。

宜 世 率 復遺 風 鞠 家 道 + 謀 行 义,共工 (在朝 藏 銷 憾,首尾十餘 您必具 而 方來而 君 人誦之也 廷必 必 必 訓, 執 流 可明目 救 典 六 必 禮 年 Ē 卿 娅 達 命 而 往 九 馬 聰,在 討 後就。 一,淵哉 牧必阜成。 牛必 爲 臣必 四方必棐 放必 百世之澤, 嗟乎 2辨貨 , 是 歸, 其於 寶 彝 書

月既 朝 思 江 年 心 訓 子 聞,先父遂繇 振 聖 憲使魯 傳浩繁, 蕴義滋晦。 ,復唐、虞、三代之 路儒學教授。 纂要,書成流 澤, 跋 久,字畫缺 日 倩工 Ш 「帝王之學,莫先《尚 臧 贑 補 漫。 公夢 州 葺 恩 布, 路先 命 遺 解 庶幾 幸 風 IE. 孤 保申 際明 先父皓首 賢 隆 振泣抱父書,深 先 書院 永 一,餘齡 臺省 父 時 傳 臣 Ш 忽殞, 窮經, 書 大德 得 欽 長 迺 附 惟 授 得 伏 歲 臨 上 自

> 王氏希旦《尚書 通 解》

李氏恕《書旁注

韓氏 信同《書經講義》 日《集

未見。

普之門。 經 杜門不出 閩 書》:「信同 義》、《三禮》《易經旁注 延祐 弟子請教 四 字伯循,寧 年, 應 屨 江 滿户外。 浙 德 舉,不合歸 受業陳

#### 吕氏椿《尚書直解》

佚。

《閩 磯學,貧 詩》《書直解》、《禮記 書》:「椿字之壽, 隱 授徒。 所 晋 解 著 **%** 江 有 人。 ^ 春 秋 初從 精 義 丘 釣

### 黄氏鎮成《尚書通考》

十卷。

存。

者,心 脗 帝 於心,制 鎮 合無二,達於事者,儀章器物 成自序 王之政 與 作 事 、備矣。 曰 : 名物 之 所 達 形 書》載 然統 於事 也 乎心者,先後 ,内外之道 是故道 帝三王之政, 德仁 因 古 聖 革 今 而 政 無 統

學 徵隆古之舊,斯益難矣。 存 有 末 歲 不 述 圖 究者會萃抄 通,乃學者之當 須一一理會令透。 禮六樂、《禹 子之教,必語 矧 堯》《舜典》曆 書》,間 後 ·復 臆 以 本末,道無精粗 月 ,周典亦多殘缺,迺 ,以便尋考,名 示之。 積累, 寖成 贅 見 儒 故求帝王之心 以 稽 出 或有問,不 附 古,不 ) 貢》山 至衆家之説 撮。 於 其 象 學 下 有 過 卷帙,兒輩 E H 者以 或 務 未 ,禮樂官名, 二、尚 蓋 川、《洪 易,而考帝 月 以 容 不 如 也 盡 周 一讀 星辰、律 可言 欲 立答 舊 有 書 則 書 爲 有 余 啚 以不完之文, 通 業 然昔者紫陽 範》九疇之類 據,而 隨 所 曉 窮 考 舊 方 乃 次。 則 者,規 條 理 説 不 度 聖人猶 授 王之事 請 取 辨 通 即即  $\exists$ 量 兒 如 秦人 次 歸 竊 晰 備 衡、五 器 所 其 輩 則 畫 涉 問 難 間 滅 謂 夫 以 學 顛 考 會 以

之助 則 IE. 於 讀 博學君子,然後 ,亦庶乎紫陽夫子之教云爾。 是 經 者, 安得 不 退 求 授於家,俾得 其 故 哉 方 格 將 致 就

## 陳氏師凱《書蔡傳旁通》

六 巻

存。

黄 出 此 ,有功蔡傳甚大。」 書,凡傳 虞稷曰 : 中 師 所 凱 引 彭 名 物 蠡 度 人。 數 至 必 治 詳 辛 究 西 所 爲

則。 下道 爲。 心 師 也 Tri 凱自序 惟其 行 無 此二帝三王之所 爲 而 既有矣,凡一 無 日 世 . 惟 爲 「天道 爲天下 其 而 無 有 不 心 無 法, 爲,故 也 動 以 1/2 言 而 不 故 行 成 能 而 動 無 化, 一言,雖千 世 不 而 爲 有 爲 世 聖 而 天下 爲 人 無 書 有 天 不

《旁通》之所以 此 行 不爲 明 弟子之所以 前 傳,如堂之階,如室之户,未有不由 以後之事, 畔岸,吾誰 問答之多端,纂注 氏之所以有《輯 萬 隻字之隱 口 領蔡氏之所受,又不能 後之讀《書》將 以 ,苟本傳尚 ,則雖有傳,猶未能 一言,又烏 世 而《 造其 無矣 而 《書》讀: 地也。 况 呻 日 適 殆 不 矣。 有 其 從。 未 於千萬 未 得 贅 能 不 録 所爲天文、 佔畢之際,囁 曉 而備 口 然傳文之中,片言之嘖 能 出 不 然《 纂注》也 是董氏 又專門之獨 晰 由 究 有 也。 世之後 , 知之? 此 備知 書》 傳也。 而 朱子之所 以 如其行輩 嗟 乃 所纂 出 地 通 也 夫,《 覽博? 於 本 然其 嚅 此朱、蔡 則 理 傳既 乃 見,初 千 一、律 傳 此 其 前 書》 傳 則 之 萬 通 鄱 占图 也 輯 歷、 不 出 之有 本 所 此 茫 學 龉 陽 動 世 録 禮 者 此 能 師 而 傳 講 之 於 無 特 董

諸 詳 説 當 言 暢 期 能 而 以 融 轉 於 官 夫二帝三王之所以爲天下道、爲天下法、 旁通》之筆,不 道 乘 前 會 儒 中 穷 矖 至 尋繹、所當考訓 效《正義》之具 T 本傳 德 貫 之本旨 不 所 加 于 或於名物度數之末,無乃太簡 刑 置《 迎刃之勢,求指掌 封建之 摇 通 通 取之左右 出 性 之期, 旁通 次次 龜 命 而 權 以 遠遠 之際, 後 策 屬 及《輯 度 致 》於 止。 可 在 未 厭 弗 無 河 「庶幾 學,但 以 我 者 瑣 側 圖 明 文理 囁 録 可 俾 而 會朱、蔡之授受。若 或或 碎, 弗 嚅 纂 以 初學 必旁搜 洛 外 微 一之歸。 值片言隻字 注 措之意 齟 己 專務 一言 疑 有 書 不惑,近 一》,則 占 明 之 易 所 之患 盡 者, 釋傳 未 士 而 釋,大義 焉 吾見其 先 也 了者, 對 備録之, 略爲 入者 矣。 可 者, 由 之所 本 是以 以 古 定 · 傳 易 即 是 其 得 則 衍 有 不

道 德 性 命 謏聞 人道 愚之所 爲 天下 乎。 也 而 則者 陳 爲 以 云 姑藏之以俟知者。」 之通人之前 初學 則 云 而 又 小子費 不 存 避 乎 僭 其 寧 師 越 人 不

説

者

設

也

以

詒

玉

巵

無

當

者

非

敢

爲

通

而

己。

雖

# 倪氏士毅《尚書作義要訣》

几 卷。

存。

寧 是 事 趙 H 師 有 先 故黟 親 輟 朱 不 汸 其 子 取 目 至孝,接 生諱 (業以 : 者 ,非仁義 人信其言 「先生 不 士毅,仲弘 嬉,終其身人不 以 物 教 道 守 以 而 人。 德之説 誠。 身制 尊 其字。 其 雖 非 行 行。 大 嘗 其 ,不爲名 寒暑 見疾 人不交,非 其 倪 論定 師 氏 言遽色。 未 於 世 日 家 嘗 郡 陳 休 先 其 而

翁。 藁刻之。嘗别爲纂釋之例,甚精,書未脱 所著書曰《四書輯釋》,閩坊 購 其 初

又將以次及他經,皆未就而卒。」

按: 是書乃元時舉子兔園册。 東

皆未就,度此必書坊僞托也。

山趙氏作仲弘改葬誌,稱於他

經

吴氏師道《書雜説

六卷。

未見。

李氏公凱《纂集柯山尚書句解》

按:仲容於《詩》取東萊吕氏,於

吴氏迁《書編大旨》

主一家者。

《書》則舍吕氏

而從夏氏,蓋

不偏

未見。

吾丘氏衍《尚書要略》

未見。

周氏聞孫《尚書

未見。

《吉水縣志》:「周 巳舉於鄉,赴春官,中乙榜,薦入史館,修 聞孫,字以立。至正辛

宋、遼、金三史。時當事多遼、金故臣子

一三七七

考

序説》。」
「京、不肯以正統予宋、聞孫具疏争之、不孫、不肯以正統予宋、聞孫具疏争之、不

### 余氏日强《尚書補注》

佚。

朱氏祖義《尚書句解》

黄虞稷曰:

「日强本福建吉田,流寓太倉。」

十三卷。

黄虞稷曰:「祖義字子由,廬陵人。」存。

馬氏道貫《尚書疏義》

六卷。

未見。

師事許謙,自號一得叟。」 黄虞稷曰:「道貫字德珍,金華東陽

丘氏迪《尚書辨疑》

佚。

著《書辨疑》。」《姑蘇志》:「迪字彦啓。從熊朋來學。

一三七八

先生。」

公琦後。

辟

薦皆不就,卒

賜

謚

莊

節

《紹興府志》:

「韓性,字明善,會稽人,魏

卷。

# 鄒氏季友《尚書蔡傳音釋》

王氏文澤《尚書制度圖

其墓。」 《松江府志》:「王文澤,字伯雨,别號梅 爲府學訓導。 泉,家風涇,遷上海鹹魚港。 卒葬横雲山,秦裕伯銘 累舉不第,

六卷。

存。

黄虞稷曰:「季友字晋昭,鄱 傳會選》多采用其書。」 陽

~ 書

邵氏光祖《尚書集義》

1717

六卷。

韓氏性《尚書辨疑》

未見。

赴,遂以布衣終其身。」 吴,因家焉。 張景春曰:「邵光祖,字弘道。 書之旨。張士誠據吴,授湖 博通好 古,研精 州學正,不 經 父宣 傳 第 第 六 遊 來

| 甘      | E          |
|--------|------------|
| 黄田     | E T        |
| 黄田士    | LW (13 h   |
| 黄円へ    | HIN CIS WI |
| 黄氏大《治  | しことの       |
| 黄尺大《尚書 | 上していりま     |

方氏傳《書蔡氏傳考》

佚。

鄭氏彦明《尚書説》

陳氏研《尚書

佚。

黄氏力行《書傳》

方氏公權《尚書審是》

佚。

鄭氏翔《尚書注》

方氏通《尚書義解》

佚。

佚。

佚。

佚。

#### 趙氏紀《尚書辨疑

未見。

一册,無卷數。按:葉氏《菉竹堂目》載之,止云

季氏仁壽《春谷讀書記》

佚。

元末,用薦教諭慈谿,改松陽,轉婺州《括蒼彙記》:「季仁壽,字山甫,龍泉人。

弟子嘉興陳卜遊覆校

經義考卷八十六終

1719

#### 經義考卷八十七

秀水朱彝尊編

劉氏三吾等《書傳會

六卷。

對。 與 實録》:「洪武十 、考功監 日月五星之行,翰林 曰:『天左旋,日 臣郭傅,皆以蔡氏左旋之説爲 年 三 月,上 應 月 奉 五 傅藻 與 星皆右旋。 群 典 臣 籍 論 黄 天

等舉 徵 説 五. 致 乎?』二十七年四月 等不断 星,緯乎天者也。 傅子裕、周 正 宋儒蔡氏《書傳》,上觀 步者仰觀天象,二十有三年矣。 西,相去丈許,盡一夜則太陰 氣清爽之夜,指一 一十八宿,經也,附天體 星運 仕 天 王 與 蔡氏 由此觀之,則是右旋,歷 子謙、教諭 錢 翰 下儒 鄱 宰 陽 行 林 而 謂 編 臣定正之。 鄒 與朱子《詩傳 論之, 豈 助 惟 修 季 爲左旋 善、 教 致 友所論 張 致 仕張 訓導唐棐、周寬、趙信 宿爲主,太陰居 朕自起兵以來,與 士 仕 所謂 此 丙戌,詔徵儒臣 諤、 俞友仁、 何 於是太子少保唐鐸 靳 間 美和、國子監 家不 觀 蔡氏《書傳》 則 而 有未安者,遂 格 儒 、教授高 同 物 動。 家 乃及其 致 家 漸 之説 知之 亦嘗 過 是 嘗 日 原銘 讓、學 博 他 定 宿 月 日 而 於 詔 學 論 注 Œ 東 之 Ŧi. 月 推 士 爾

旨

儒

有

年

老

願

歸

者

先

遣

之,

衆

皆

願

詩

謝

E

大

悦

復

遣

禮

部

尚

書任

亨

泰

諭

坐

一殿

中

時

酒

樓

成

賜

鈔

宴其上,各

獻

儒

宴及鈔

俾

驛

徴之。

九月己

升

文翰

、張思哲

解

震

熊

釗

揭

軌

蕭

尚

洪

初

萬

鈞

王

賓

謝

子

氏

集

傳

得

者

存

之,

説

足

其

未

備

日

書傳

會選》,命

詔

徴

國

子

博

士

錢

傳》之意

且

日

「爾等知

天

象乎

?』皆

對

以

不知。

上

**⊟**:

朕

每觀

天象,

自

洪

武

凡 許 連 教 麟 靳 按 録 右 酒 類 高 觀 春 胡 觀 、張顯宗、景清、戴德 . ^ 、吴子 以 + 耀、王英、定公静、 、張信、編修 坊 而 季安、左春 書傳 右贊 删 許觀、景清 Ŧi. 去之也 人。 恭、宋 會 善 選 王 坊 蓋 **>** 馬 麟 載 俊 左贊 等 永 京、 華 纂 皆 加 樂 翰翰 修 (善門· 坐 儒 彝 盧 有 中 諸 逆 原質、 、國子助 土 林修 或 修 黨 克 靳 子祭 權 新 實 齊 撰 無 大

1721

意。」

一乃命

翰

林

院學士

劉二

吾

董

其

事

開

矣。

爾等宜考古

正今,有

所

述

作

以以

稱

朕

異

焉。

今年春暮

丁,其

間

黑

氣

始

消

文

運

興

初,有黑氣凝於

奎璧,乃文章之

府,朕

甚

各

賜

以

綺

繒

衣被等物,又

御

製

詩

命

次

韻

局

翰

林

院

,正定是書。

時

禮

遇

諸

儒

其

厚

和

之。

朝

參

則

班

於

侍

衛之前

宴

亭

則

次

口 倫 吾 序 當 日 大德 今天 聖人 在 下 天子 車 同 軌 位 書 同 議 文 禮 行 制

三八四

吾備 旋、 蔡氏 誤 氏 賜 之,旁采 殆 祝 召 有 不 度 百 答 嘗問 定爲 校定之。 下 考 天 未 能 盡 允明日 名曰《 . 義 下 篇,諸 當者 洪 ·之大法 文之典 本其 無 矣。 員 和 範 儒 翰 可 群 凡 諸 書 士,倣 宜 議 師 》『相協厥居』爲天之陰隲 然 林 臣 例 儒 一高 家之説, 傳 凡蔡氏 者 惟 其 朱子之命,作爲《 莫 謂 七 考正 屢 訓 會 列之於後云。」 書 備於《書》,今所存 天 皇 政 六 嘗 註 石 選 如《堯 成 陰 一帝聖學 左旋 一其説 書 源、虎 以 又各異同 之得 於 隲 足 莫古於《 其 朱 其 然 下 開 典》天與 今 説 者 子既 民 觀 乎 超 所 所 聞 示 故 存之,失者 編 傑 未 引 方來。 集 書 事 上允請 殁之後 備 用 至 節 修 傳 S, 以 日月皆左 先 宋 與 ×, 者 答 蔡 帝 下民。 尚 儒 臣三 臣 發 九 僅 禄 沈 Ŧ 有 成, Ē 乃 姓 與 註 峰 治 明 Ŧi.

之説 謬,謂 爲 下 也 專 權 民 時 天之陰隲下民者 相 文爲是。 迄 安之自若,奉 不 民」乃天之事 大 學者。 協厥 得 命 今, Ŧi. 以 仍 不然,當依朱 明 穀 蔡 諸 君 以 則 以 未嘗 日月 五 居二一 暴 之 傳 儒 結 蔡 刑 相 又如《 寡 相 爲 其 臣 實, 氏 隨 協 置 而 改 協 略 主 新 夫 節 ,,「相 厥 天 弼 步 而 立 日 IF. 厥 説 勤 洪 ) 覽,焉 耐 居 教 俱 子《詩傳》『十月之交』注 各 蒸 何 考 爲 : 居 對 民 7,使强 左旋 事 範》内『 安其 協 以 ? 民 凡 其 ~ 書 者 之政 皆 天 厥 之命 天 前 何 付 風 口 E 言 傳 居 居 ? 文 元 狥 不 今仰 略 霜 惟 日 之 也。 會選》,劄 得 科 乃 於 儒 不 . 不 天 雨 此 敷 節 舉 以 知 人 天 陰 觀 相 生 露 若 天 朕 Ŧi. ,《尚 凌 君之事 與 陰 腐 乾 均 隲 之 已自 如 教 自 而 义 弱 象,甚 調 下民 談 蔡 以 陰 隲 示 起 君 ? 差 天 教 旧 氏 下 隲 兵 几

渭汭 貞」, 氏。 氏。 《高宗肜 之下繫以 周 年」,謂 氏 旋,日月五 顧 義辨之甚詳。 「不克開于民之麗」,●主葉氏。《 洛誥》又取 周公居東」, 天祐下民,作君 履祥。 炎武 有終』,主金氏,謂 ,必具出 皆不易之論 主蘇 洛誥》『惟 主 周 日: 日 **一**西 孔 氏 經文及 公輔成 」處,兼 星違 》謂祖庚繹于高宗之 軾 傳 東 按 伯 謂 其傳 征之 『水 謂 周 天 戡 孔 亦 作師」之意哉? 傳音釋,於字音字 王 此 公誕 賦 黎》 而 北 考 中 氏 説 一之七 書若《 又 與 周 右 證 用 E 以 謂是 保文武 如 轉,主 當 田 汭 自相 古 典 爲 正 年 作君。《多 ^ 故。 人姓 東 武 堯 禹 相 主張氏、 牴牾。 ^ 典》謂 征 王 陳 貢》『 受 太 氏 蓋 非 个命,惟 廟,主 氏 亦 浮涇 甲》『自 宋元 古 金 是 祥道 厥 體 主 天左 書 每 縢 方》 名 傳 至 屬 金 以 字 賦 陳

> 八股 并音 至 幼 洪武、永樂之間 至永樂中修《尚書大全》,不惟删去異説 著之書 來 有 諸 爲 釋亦 明 儒 務 行 之規 之 雖 本之學,非 而 不存矣。 不 初年,經 古 模 及先 學 猶 ,亦世道升降之一會矣。」 棄、《大全》出 在 儒 由 術 愚嘗謂自宋之末造以 前 而 人 股 其 材 尚 發 爲 於 有 身之人 此 斯 而 功 書者, 爲 經 於後學。 説亡。 ()故所 皆自 自

#### 梁氏寅《書纂義》

十卷。

未見。

寅 氏 自 傳 述曰: 之詳 明 歸 而 老之後,於《 姑釋 其 略, 謂 之《 也 書 以

●「于」,原作「千」,據四庫本、薈要本改。

朱氏升《尚書旁注》

卷。

未見。

然往 是以 《書》未暇及 升自序曰:「朱子 朱子既殁之後,門人語録未輯之前。 領要,以授蔡氏 往 來,諸儒 不 與 嘗别出 經 繼 傳 作 而 講 相 爲《集 傳 附 小 註 明 序 著 諸 而 傳》。 辨 述 繙 經 IE. , 補 閲 略 疑 惜其 之難 備 誤 益 宏 成 指 獨 多, 也。 自 於 於 其

> 繁。若欲求其發明旨 升不 年矣。今爲此編 正訛之文,僅使傳 爲《傳輯》,補缺正 已,庶幾文字簡 《旁註》 Щ 中,題以 揆 》,綱 愚 時 哂 至 目 授子 正 有 蒐 庚 統 潔 輯 不 同。」 寅二 離 訛,發明旨趣,亦 文周 見 而 過約 聞 合 月壬辰, 書成於石 學 趣之詳 密 成章,又 章 既 取《傳 誦 經 爲 ",则 習 讀 意 輯 不 爲 經 通 有《 憚 既 讀 者 補 暢 傳 其 有 作 傳 缺 而

陳 氏謨《書 經會通》

未見。

爲 京 《人物考》:「陳謨,字一德,又字 和人。學者 國 師 議 子 禮 師 引引 學 稱海 土 疾辭 宋 桑先 濂 歸 家 待制 生。 居 王 洪武 教授,屢 禕 交章 初,徵 心 吾,泰 應 請 至 聘 留

爲 江 廣 考試 官。 所 著 有 書 經 會 通  $\approx$ ^ 詩

演

疏

#### 朱氏 右《書

未見。

子 真,幾何不爲異 之道不能明 《書》、《詩》、《 右自 於天下, 貿貿 義,布諸 臣父子之道 序 雖 及觀 自 日 方策 不 成 ·得司 : 也 漢 康 以 春秋 焉 唐 愚 王 ,尊尊親 其 端功利之歸矣乎? 棄 淑 道 諸 澤 讀 典 学,而 本 夫後之人。 不行 儒 禮 孔 熄,五 而 傳 命討之權 子 深 1,猶得 親之懿,莫 逐 疏 歎 所 末, 白 又 夫 删 趨 年 以 以 聖 道 述 猶 僞 之 明 痛 而 ^ 詳 之 易 其 聖 我 竊 而 不 道 夫 於 厭 明 理 以

學所 信習 父師 奚可 始。 孔 也。 能 數 者 能 有 以 其 則道之行當自明 集傳 圖》 明 典 未 氏 朱 大 百 I 是經 達其 以 删 子訂 遺 禮 敢妄議 道 經 天 之教,則不 年 有不 發 間 相 者 定之《書》,將 經 而 命 卷、《通證 揮》六卷、《 積 辭 傳 以 大 討 觀 不得以 也 元 察其 爲主 德 禮 以 ,當參諸當代名儒,質以 闡 之 哉 有年矣。 知其 ,崇信 泯 其 具。 ? 古 無 辭 經經 絶。 經 行 教,其功 一》二卷,凡一十卷,藏之 有 右 相 而 心,即其心 綱 始,經之 道者,未有 奈 生 涌 行於今矣。 五. 生 發 能 至宋 領 何 經,詔 其 學子尤知 也 明者。 知 集傳》之作 遭 始 辭 固 其 晚,於道 程、朱諸 焚 末 通 而 不 心 取 以行· 滅 於是 當 不 經 者 在 士 之 噫,世 嚮 卷,《 得 自 不 漢 科 世 夫道 禍 非 未聞 方 儒 達 唐 謹 其 明 所 于 始 下 聞 辭 然 則 述 後 10 圃 古

今, 士 綱 何 於 病 口 然 家 云 也 如一 具 尋 耳。 在 謂 心 以 綠翠 是 H 之 詒 理 荷 之繁, 經 也。 所 也 子 得 。 安 孫 義 同 其 嗟 或 然 敢 所 忧 蓋 夫, 庶 以 同 以 耳 聖 然 覬 免 君 世 雖 人 其 於 心 心 有 先 萬 之要, 紛 古今, 越 之 得 天 紜 0 所 我 地 眩 E 初 時 心 口 惑 政 學 > 然 有 日 之 之 之 所 古 者 先

矣哉 所 微 則 是 漢 李 解 在 非 祁 辭 以 所 長 而 芝 :: 隱 下 不 而 帝 諸 九峰 雜 遺 采 義 H 家 文 三王之 矣。 之。 諸 有 之 =蔡 如 家 古今之殊 説 書》 使當 氏 是 自《 或 道 始 親 而 經孔 所 集 亦 有 時 授 求 未 傳》 既 折 朱 復 夫 發, 子 3 廓 衷, 子 既 有 精 之手 自 蔡 然 行 他 指 義 唐 學 氏 明 之後 説 畫 之 而 以 者 矣 亦 歸 定 來 始 作 則 11-諸 有 傳 然 亦 據 然 爲 難 儒 必 其 其 進 集 自 有

> 之講 皆 伯 也 采 平 理 即 闕 蓋 隱 口 所 賢 擇 是 有 , 非 長 則 犁 而 而 諸 之 嗚 補 詳 雖 丰 必 全 然 以 闡 論 附 之 所 家 之 呼 於 有 求 審 非 當 其 益 以 學 之説 是 難 也。 微 精 合。 異 出 於 安得 己見,編 哉。 書 辨 乎蔡 考訂 至 於 人 予嘗 於 其 哉 其 雖 心 起 有 是 ? 綱 氏 理 非 時 蔡 益密 功 天台 得 領、 而 之傳 出 於 口 伯 然 氏 而 而 爲 於 則 學 於 圖 睯 後 皆 會 讀 朱 集 其 者 九 説 用 知二 之於 乃 之, 名 君 足 人, 道 京 ,是 力 音 所 伯 以 精 同 開 日 帝 道 而 以 而 釋 發 賢 亦 卷 深  $\equiv$ 又 揆 則 補 發 與 不 復 是 數 通 之 王 之 其 可 故 何 無 揮 會 書 節 論 之 少 其 其 之 疑 於 遺 不

虞。 修 錢 謙 日 益 兀 曆 末 F 、累舉不 除 「右字 翰 就 林 伯 院 洪 賢 編 武 臨 修 初 海 召 擢 修 晋 元 後 史, 相 徙 府 再 F

#### 冉氏庸《尚 精

佚。

定蠡 桂林。 歸 判官,不就,尋改長信寺知 例徙南京,上欲授以官,辭之甚力,遂謫 陳璉志墓 縣 永樂初,應 曰:「先生諱 登至正 韶至南京, 丙 午進 事。 克常其字,保 士第,授完州 以老 洪武初, 疾 辭

,年九十六卒。」

#### 

未見。

黄虞稷曰: 蘭字與善,浙江開化人。 洪

義考卷八十七

陳氏雅言《尚書卓躍》

於朝。」

武

初,官

助

教。

門

歐

陽

齊

進

其

書

六卷。

未見。

志行,受《書》於徐復。 鄒緝表墓曰:「永豐陳雅言受《詩》於傅 明興,首起典教縣

《大學管闚》、《中庸類編》、《書經卓躍》行 其著述多所發 明,有《四 書 覽》、

於世。」

楊士奇曰:「《書卓躍》二册,永豐 雅言之孫彝訓,今爲中書舍人。」 著,專爲科舉設。今南昌有刻 板,余得之 陳雅言

黄虞稷曰:「雅言,永豐人。洪武中, 病不赴薦,嘗領永豐縣教事。」

稱

#### 鄭氏濟《書經講解》

未見。

黄虞稷曰:「濟,閩縣人。洪武中,儋州

學正。」

林氏遜《尚書經義

未見。

黄虞稷曰:「遜、廣東潮陽人。洪武乙丑

進士,授閩縣丞。」

黄氏紹烈《書經主意》

未見。

黄虞稷曰:「紹烈,臨川人。洪武二十七

郭氏元亮《尚書該義

年進士,官瑞安知縣。」

一二卷。

佚。

《台州府志》:「元亮,仙居人,樌從子,以

儒士任新昌訓導。」

謝鐸曰:「《尚書該義》,黄巖郭元亮著,

今亡。」

詹氏鳳翔《書經釋義旁通撮要》

未見。

以薦任府學訓導。」《江西通志》:「詹鳳翔,字道存,樂安人。

#### 劉氏朴《書義精要》

供。

紅 洪 也,解 武 西通 中舉 縉表其 志 明 經 墓。」 就試 劉 於京 朴, 師 字 ,授學官。 子素, 古 水人。 其卒

### 胡氏廣等《書傳大全》

十卷。

奉 院學士兼左春坊大學士奉政 吴任臣 卷,大旨本二陳氏。 政大夫右春 榮,奉直大夫右 存。 曰 .  $\overline{ }$ 書 坊 右 傳 春 庶 坊 纂 舊 子 右 修 爲 兼 諭 諸 六 翰 德 卷, 臣 大夫胡 林 兼 則 今 院 翰 分 侍 翰 林 廣 院 講 林 +

功 裳 仲,翰 刑 功 黄 儒 士 事 周 訓 郎 升,文林 著,翰林 全、林 中 侍 佐 黄 ,承 學 忱、 大夫 部 中王 郎 壽 郎大理寺評 講 陳 郎 福 員 生、陳 教  $\pm$ 金 林院 吾 德 誌 循 北京 禮 外 修 授 羽,奉議大夫兵部郎 進,翰 幼 郎 郎 院檢討從仕郎 紳 ,翰林院編修 郎 部 曾 翰 孜 用 職 庶 廣 刑部主事 國子 吴 員 振 承直 林 郎 吉 東 林 嘉 事 外 陳 翰 常常 院 道 土 太醫院 監 院 王 静 郎 林 燧 郎 編 監 涂 翰翰 博 選 吴福 州 典 院 承直 刑部 修 段 順,奉 察 文 土 承事 府 籍 修 林 余學變、劉 文 民 御 御 王 儒 修 撰 院 林郎太常寺 郎 奉直大夫北 主 醫 林 史 、章敞、楊 復 郎李 學 職 議 承 禮 Ŧi. 事 趙 陳 中 郎 原,泉州 教 佐 務 大夫 經 部 洪 童謨 友同 道 貞 周 授 郎 博 郎 主 順、沈 潛 永清 述 廖 禮 事 黄 土 陳 蕭 思 府 迪 博 承 黄 京 奉 部 約 迪 景 陳 時

三九二

敬 季安,凡四十二人。」 府儒學訓導彭子斐,鎮江府儒學訓導留 教諭杜觀,善化縣儒學教諭顔敬守,常州 ,蘄 州 府儒學學正傅舟,●濟陽縣 儒學

#### 王氏達《書經心法》

佚。

法,學者多傳之。」 王孚曰:「耐軒先生有《詩》、《書》二經心

舉明經,除國子助教。 錢謙益曰:「達字達善,無錫人。洪武中 永樂中 -, 擢 翰 林 編

修,遷侍讀學士。」

張氏洪《尚書補傳》

王氏原《書傳補遺》

未見。

未見。

黄虞稷曰:「原,龍巖人。 士,官潮州知府。」 永樂甲申

進

彭氏墨《書傳通釋》

六卷。

存。

嘗推所得以淑諸人,而其中微辭 勗自述曰 : 一愚 讀是經 傳, 叨 中 甲 奥義,有 科,且

0 諸臣職名補、 府」,原爲空格,據《書傳大全》(高麗刻本)卷首編

傳通 之咎,摘取其切要者附載 藏 弗能辨析者尤多。 於學校 釋》,繕寫 ,間巷未易得覩,是以忘其 成 編、歸貽家塾、庶與吾 比伏覩 下方,名曰 頒降《 書 不韙 傳 ^ 書 鄙

《人物考》:「彭勗,字祖期,吉安永豐人。 黄虞稷 考功郎中,出 永樂乙未進士。 之士共焉。」 巳曾刻於建陽。」 :「是書錢 爲 山東按察副 正統 塘董 初,拜監察御 鏞 使。」 音點,宣德乙 史,改

徐氏善述《尚書直指》

六卷。

存。

以薦授桂陽州學正。仁宗爲皇太子,簡《人物考》:「徐善述,字好古,天台人。

標出 進,未曾刊行,亦 按:是書徐文肅爲東宫講官時所 跋之,皆不 鏤 其後中璫錢能 百 版 里 於時錢 曹 侍 知 郎 爲 溥、 溶 從宫中攜 文 不 劉 家 加肅 列撰 宣 見之,因 所著。 序之,童 出 書姓名。 遂爲 予從 爲 軒

陳氏濟《書傳補注》

一卷。

未見。

一三九三

#### 《書傳通證

未見。

證》、《書傳補注》。」書成,授右春坊右贊善。所著有《書傳通初,以布衣召修《永樂大典》,爲總裁官,被譜》:「陳濟,字伯載,武進人。永樂

何氏文淵《書義庭訓》

未見。

戌進士,晚號鈍庵。」 尚書廣昌何文淵巨川撰。文淵中永樂戊陸元輔曰:「《書義庭訓》,太子太保吏部

經義考卷八十七終

弟子寶應鄉何求覆校

三九四

《書》之要也。

然天文之度數或未易析,

地

理之沿革或有不同。

至於圖書、律吕,

要』。若天文、地理、圖書、律吕四者,皆

陬自序曰:「韓子有言,『記事者必提其

#### 經義考卷八十八

先儒

固

有成説,而散見他書,未有萃

於

者

,故學經之士得

其

或遺其二。

愚竊

四

間以一

得之愚附焉,其具於蔡傳者

不複

篇,名以《提要》。

或爲之圖,或述其義

病焉,輒不自揆,用摭先儒之説,爲書

出。

庶幾其説簡明易見,不假

他

水而

得

秀水朱彝尊 男昆 田 校

《台州府志》: 其要矣。」 「章陬,字仲寅,黄巖人。

正統丙辰進士,官至兵部主事。」

按: 章氏書載西亭王孫《萬卷堂

章氏剛《書經提要》

四卷。

未見。

張氏瀾《書 經集説》

未見。

蔣 方馨 日 「張 瀾 字道本, 潼川人。

正

統己未進士。」

三九 Ŧi.

#### 黄氏諫《書傳集

未見

道卒。」 講 《人物考》: 兼翰林院 左春坊左中允。 統壬戌賜進士第三人,授翰林院編修,轉 學 編 謫 修 「黄諫,字廷臣,蘭州人。 判 陞 廣 天順 尚 州 寶司 府。 初, 改尚 卿,進 尋 被 寶司 逮 翰林院侍 至京, 丞 仍 Œ

費氏希冉《尚書本旨》

未見。

南海縣志 ₩: 費希冉, 字師敬,正統間

諸生。」

劉 氏聚《尚書句

未見。

楊廉 南京翰林院孔目。」 領景泰庚午鄉薦, 狀 日 . 公諱 司 斆,字于學,吉安 訓 武昌,調 武進,

陞

楊氏守陳《書 私 抄》

卷。

一三九六

1734

未見。

夏氏寅《尚

錢 謙 年進士,除 益 日 寅字 南 京 吏部主事,歷 正夫,華亭人。 郎 中 正 統 + +

年,爲副使十六年,終山東右布政使。」

之口 文字 多 經 傳 孔 守 亦 誦 至 而 如 梓材 武 康 一瞬 後 孟 强 世 陳 漢 E 子 無 語 成 授, 蕩 自序 唐 與 非 子 既 所 爲 人 **%**  $\approx$ 之説 然 録 諸 錯 修 時 久 盡 元 皆明 荆公之於《武 亡矣。 時 本 儒 訛 H 潤 已 出 則 何 王 乃 文 : 時 且 然。 其 爲 書 故 於 其 魯 盡 宋 諸 孟 錯 不 而 有 先 **>** 鮮 錯 信 齋當作《 漢世旁求,一 儒 蓋 家 秦 子 當 簡 可 重 錯 世之壁藏 力解 傳 始疑 人 唐 日 缺 盡 時傳言後 而 一複 訛 、焚之, . 注 虞三代之史所記 文 信 成 晦 盡 之,若 滋 往 沁 書 至 耶 庵 口 不 疑 有 ? 字 信《書》, 吴 先 則 授 往 可 世 所 浸浸多有 生 才 得 東 併其 者 壁 有 蓋古之書 盡 謄 謂 難 老 一藏 又 坡 蓋 於 愈 信 《泉 寫 涌 重 之 之 者 女 簡 則不 其 於 矣。 益 定 於 於 子 漢 則 所 己 編 陶

典》以 陽子 其 後頗 稍 也。 非 必 明 謨 移之,而 俟後聖之生也。』其言至矣。 雖 日 書》,每遇 立政》六篇多錯簡訛 二、此 備 未 勝 所 不 長 覺蔡 者 日 乎舊 日之 必 移 聽講,苦 釋。 使學者各極 下 説 采 盡 者 先 其 經 命 傳 傳似欠明 失 既 合於古,然合者 及 得 闕 諸 傳 今文,腐唇 × 7,徒 未 也。 得 我 訛 手 心 ^ 家補之, 必 心 武 魯 重 爲紛更, 焦 其 自抄 刊 合於古 之所 複 世之書 成 齋 思 備 所 正 者 ^ 而 見, 字 乃 弊舌 丽 書 補 録 明 同 不 洪 以 經 或 凡 疑 輯 者。』於 取 而 自 言之,蔡 能 亦 也,其傳之謬 範 取 以 而 以  $\approx$ 諸 明者擇焉, 所 經 非 蒙自童時 不鮮矣。 以 私 僭 其 家 不 則 補 有 通 ^ 説附 能 是 竊 徧 意更定 躍 人之能 者 傳 錯 多 也 之罪 閲 以 取《 然 又未 簡 方 有 媳 歐 喜 其 受 欠 者 堯 疑

理之在人心者,則無古今聖愚之異也。 然飽食終日而於此乎用心,差賢於博奕 雖然,世有古今,人有聖愚,而 黄虞稷曰:「瑜,香山人。 人,官長樂知縣。」 未見。 景泰丙子舉

劉氏經《書經講義》

後之君

未見。

《分水縣志》: 舉人,知武昌縣事。」 劉縉,字大紳。 天順己卯

黄氏仲昭《讀尚

篇。

存。

館章懋、莊泉諫鰲山煙火詩,予杖,謫湘 成化丙戌進士 繆泳 曰: 一件 昭 ,改庶吉士,授編修。 名 潛, 以 字行,莆 田 與 同

張氏業《書經節傳》

用心矣。」

子,倘有取其一字一言之合,則亦不枉其

之所在,亦豈無一二其庶幾乎?

以今窺古,以

愚測聖,雖不能盡

合,而理

者而已。

未見。

紅 景泰辛未進士,歷官國子監司業。」 西通志》: 「張業,字振烈,安福人。

黄氏

瑜《書經旁通

一三九八

化己丑進士,官工部 郎 中。

#### 姚 氏 誠《 [經義》

休。

弘治初、起江西提學僉事。」

潭知

縣,遷南

京

大

理

寺

評

事,

進

寺 副

气

佚。

成化乙酉舉人,知聞喜、新鄭二縣。」 陝西通志》: 姚 誠, 字 通 夫, 蘭州

羅 氏倫《書義旁通》

佚。

鮑 氏麒《壁經要略》

佚。

温 州府志》: 麒 字 仲瑞,平陽 縣 成

吴氏寬《書經正蒙》

未見。

文定。」 至掌 錢 年 謙 詹 會 益 禮 曰: 試、廷試 部 尚 寬 書。 字原博、長洲 俱 第 卒 一,人翰 贈 太子少保,謚 林,累遷 成化

林氏俊《尚書

未見。

化戊戌 保。 陸 元 贈少保,謚貞肅。」 輔 進 日 士,歷官刑部尚 林俊,字見 え素, 莆 書, 加 田 太子太 成

一三九九

### 吕氏獻《書經定説》

未見。

辰進士,累官南京工部右侍郎。」 黄虞稷曰:「獻字丕文,新昌人。成化甲

李氏承恩《書經拾蔡》

一卷。

未見。

黄虞稷曰:「承恩、嘉魚人。成化甲

進士。」

錢氏福《尚書叢説》

未見。

尹氏洪《尚書章句訓解》

賜進士第一,官止修撰。」

《姓譜》:「

福字與謙,華亭人。

弘治

庚戌

十卷。

未見。

進士。書載西亭王孫《萬卷堂按:尹洪,錦衣衛人。弘治庚戌

目》。

黄氏瀾《尚書資講

辰

未見。

鍾嶔立曰:「黄瀾、號壺陰、莆田人。 弘

治癸丑進士,歷官南京翰林院侍講

四〇〇

卷。

未見。

陸元輔曰:「王大用,號蘗谷,上海人。

《姓譜》:「穆孔暉,字伯潛,堂邑人。弘治乙

未見。

丑進士,歷官禮部左侍郎兼學士,謚文簡。」

弘治癸丑進士。」

趙氏鶴《書經會注》

丙辰進士,歷山東按察副使。」

張氏邦奇《書説

經義考卷八十八

卷。

未見。

汪楫

E : 「趙鶴,字叔鳴,江都人。 弘治

周氏源《尚書口

一卷。

未見。

包氏沐《尚書

佚。

《寧波府志》:「包沐,字民新,鄞人。以

存。

穆氏孔暉《尚書困學》

四〇一

貢授石埭訓導。」

應氏璋《尚書要略》

未見。

先生。」《金華府新志》:「應璋,字德夫,永康人。

揭氏其大《尚書世義》

未見。

黄虞稷曰:「廣昌人,隱居不仕。」

蕭氏孟景《尚書説》

佚。

濟南太守。 小也。」」 蜼,蓋謂虎 李舜臣日 海、衡至恒皆三千里。云三千里者,周尺 面一千二百二十五里。 而二之矣。 乙亥,余從先生於崇文門外草塲巷,後 『弼成五服,至於五千。 . . 彝與 其説《書》曰:『宗彝,蔡傳虎 「先生三河人,字時 夫宗彝者,宗廟之常尊 蜼 彝 爾。 故《王 五千者,五 若然,是以 一制》流 泰。 沙 也。」 服 正 至 章 爲 每 德

馬氏明衡《尚書疑義》

一卷。

存。

訓 其 明 於大道 衡 ,義理大有發明,然愚從 自 序 概 日 未 : 有聞 孔 安國、 蔡氏 穎 仲默承文公之 而 達 求之,謂其 用 意 雖 勤 五卷。

吕氏

村《尚

則 不

氏,其有所疑於心而不敢苟從者,輒 可以得聖人之心而達聖人之道 故凡於所明而無疑者從 疑以引其端,將來 也,萬古 顧 先 至 儒 大 録 君 之 或 靖己亥曾鏤版,其門人汪尚庭序之。」 師者,舉而筆之於編。 張雲章曰:「此涇野門人因 (授經圖》所載《因 存。 按: 吕氏《書説》, 吾鄉項鼎鉉孟 問問 録》,疑即其 焦氏《經籍 扣擊而得之其 書 志

》、朱氏

也。

篇

聖人之行事

非

細

故

公案,予何人哉,謂足以辨之。

敢

以

自詭也。

悉

璜曾刻之家塾。

韓氏邦奇《書説》

是編亦止見抄本,顧未詳其出處。」

明嘉善袁氏仁有《砭蔡編》,今其書不盡傳。

舒、程氏葆舒著《讀蔡傳疑》、《蔡傳訂誤》,

新安程氏直方著《蔡傳辨正》,鄱陽余氏芑

張雲章曰:「治《書》之家,其與蔡氏異者,元

之心也。

嘉靖壬寅。」

子其毋以爲妄與

層而不之正,則予今日

有未論者,予特發其

汪氏玉《尚書存疑録》

未見。

74 0

1741

正 寧 一德戊 波 府 辰進士,歷 志 汪 巡 玉, 撫順天都御 字 汝 成 史。」 鄞 縣

### 王氏崇慶《書經説略》

一卷。

存。

崇慶自序曰:「五經莫古於《易》,其次 四 後,再取讀之,始若 夫《書》先人之家傳,慶讀有年矣,五十而 也,主夫道也,非三王比也。 天下,古未有也,故其書皆曰 奉天時」,其致一也。然二帝以 天弗違』;《書》以道道之用,所謂 可爲後世之法,故曰 代而撮其要,斷其義,因 《易》以道道之體,所謂『先 粗 一典,失傳經之大旨矣。 有得焉。 名 先 日《説 典。 於是 儒 揖 『後 以 讓 典,主 其 乃 略 而 天 天 述 莫 事 官 而 而

> 禪繼也。《湯誥》、《牧誓》,弔伐也,《太甲》, 之誥》,始也。 遷也;《大誥》,攝也;《顧命》,終也;《康 蔣 聊 讀王先生《説略》,而益信所聞 焉,其間小節目不論也。 復以 葵曰:「蓋聞尼父序《書》,篇有 備自考,且爲家塾童蒙之地云 他篇準是、蓋 是故《典》、《謨》, 無無義者。 也。 爾。 大義 余

### 王氏道《書億》

四卷。

未見。

梅氏鶯《讀書譜》

存。卷。

卷。

存。

經之正 景帝 鷟 孔子時 武 世 棄 東晋,有 古文,文帝求能治《尚 魯之間 有八篇,序 一,不稽其 世 自序曰: 時 ,延七八十年間,聖孫 不 謂 亦無 如如 也。 不言古文,惠帝 省惜 高 以 士 今文讀 人,惟怪之從。 日月之行天,人皆仰之, 若乃孔壁所藏,高 「甚矣,儒之好怪也。 一人言孔氏有古文者。 篇,共二十九篇 日 ,造《書》二十五篇、大序及 皇 之,因 甫 謐者,見安國《書》 書》時不言古文,雖 除 以 當伏 挾 起 孔安國者專治 書 其 以以 一令時 祖 家 生 過 不 教 傳 至 論 降 是 不 魯 於 經 及 孝 聖 祀 齊 廿 其

建武 信 唐 爲 典 響。 Ļ 載 傳 無 儒皆未之見。』豈不 臧 霸前漢人,皆未 玄、趙岐、馬 預 一十八字,伏法未上 ()使聖 晋 以 爲 曹 冒 有,將以誰 》篇首『慎徽』突出 人爲聖經之忠臣義士者, 豈不痛哉 來千 朱子曰:『古文東晋 四年吴興 《史》、《漢》所 1,曹授 其 真 初 稱 安國《 日 安國古文,以 餘 鄭 梅 正 鄭 年,自 融、班 冲、 欺 書 經 頤 冲、 姚方興於金 見,不 ? 遂 反 蘇愉,皆誣 **%** 吴先生《纂言》之外,曾 固 何 附 安國 痛 載 前 獻 好好 隋 後 晏、 僞 絶 授 切 日逸《 F 漢 此 開 事者遂造 外弟梁 而 韋 書》以 不 諸 而 時 無 一陵大 皇 明 之耳。 言、《史記 昭 施 始 儒 書》, 二十五篇 快哉 時 劉  $\equiv$ 如 行 出 行世。 航 始 向、 柳。 或 王 焉 前 則 爲 購 頭 又《 歆、張 肅 此 日 偶 南 無 柳 求 杜 不 諸 舜 今 遂 隋 影 鄭 授 得 而 見 齊

義考卷八十八

古文 暢。 若 吴 修 子 之『謙尊 能 陳 如 詞 殊 伐』,謂本《老子》之『夫惟 語》之『爲 補 荀子》曰: 『舜之治天下,不以事 人心』『道 先 彼 第 之 綴 指 飾 時 與争」; 在 此 謂皇甫 爲之。 生之志云。 相 今如《禹 日 諸 嚴 而 ,使古文 掌,庶 陵 :「近世 瞻 近 而光, 卑 理 時 君 顧 也 滿 心」,則 一,聖賢 不 難,爲 謐 E 幾 廢 謨》『克 勉 知 而 招 僞 旌 作 裨《纂言》之所未 興 强 文 遽 損 作 而 此譜, ][[ 異 之由 謂 臣 本 牽 謙 謂 梅 不 世 集合諸 製二二 本之《道 不易」;『不矜』『 合 於意,意達 其 口 鷟 濤 गां 受益 草創 先 瑜。 相 同 不争,故 則 後 襲 張立 語 心 詞 傳 未 義 乎? 經 謂 謂 必 記 不 安 備 論 備 僭 而 有 治 知 所 得 本《易》 天 本《 之辨 以 文 下莫 所 其 今加 宇 引 嘗 而 X 以 成 論 不 承 如 宙 斷 萬 考 其 而

> 焚」, 驚 指 德 取 之微。」』 物 諸 忆』,謂『鬱· 遐 口 道經 詩》。 五子之歌 天降衷於吴』。 實」。 成。 諸 • 班 彪 取 爲 取 季 - $\leq$ 之『從 《胤 П ^ 諸 諸 《湯 札 道 蓋 註 故《道 實 日 陶  $\equiv$ 中 者 征 經 有  $\stackrel{\checkmark}{=}$ 語 》之 『 取 諫 『聖人 庸 或 道 》之『火 取 日 鬱 經 諸 如 之 **伊** 志 》之『行 \諸《孟 贵 \* 陶 流 \_  $\pm$ 日 **%** 經 别 降 之 乎 訓 此 -0 : 孫 有 人 衷』, 即 炎 余  $\sim$  $\cong$ 弘 子》,『顔 仲 遠 幸  $\wedge$ 所 虞 ^ 太 從 崑 也 心, Á 虺 日 虞 據 心之危 書 取 甲 諫 岡 **>** 邇 書 耶 顔 之二 諸 以 加 弗  $\forall$ 語 厚」取  $\forall$ ? 玉 厚 猶 寡 夫 也 登 升 咈 慚 有 高 差 有 石 偂 道 君 又 高 諸 云 如 今 心 取 俱 自 陟 爲 慚 忸

0

本),當作「韶」。

室,王

於是乎

殺

管

叔

加

蔡

蔡

叔

 $\wedge$ 

唐

官》『致治于未

亂,保邦于未危」,

取

陳》『勿辟』、『勿

宥」,

取

諸《

文

Ŧ

世

子

老子》『爲之未有

· 圖之于

未

亂

君

公日

宥之,有

司

日

在

辟

畢

命

山收

德

《蔡仲之命》『

致辟管叔

于

商

人

蔡

仞」,謂 『爲

Ш

取

諸《論

語

》,元九

仞

取

諸

放牛」,

取

諸《樂記

**%** 

《旅獒》『爲

Ш

九

孟子》。

 $\wedge$ 

微子之命》『余嘉

乃德」,

取

諸

左氏》王

命管仲日

『余嘉

乃

勳,

應

乃

懿

百

即

異

9

是

謂

離

德」。

《武

成影

歸

馬

叔

于郭

鄰

取

諸

祝

鮀

云

「管、

蔡惎

間

Ŧ

觀怪。

萬夫之長,

可以

生謀

《説

命

建邦

設

都

取

諸《墨子

尚

同

学之

篇

泰誓

離

心

離

德」,取諸

子太

叔

『棄

諸《吕

氏春秋》之引

三五五

世

一之廟

口

卑」。

^

咸

有

德 》之『

觀

德

二觀

政」,

取

0 爲之于未有」。 爲之未有」,據陳 第《尚 疏衍 》卷 《古文辨》,

四

〇七

### 馬氏理《尚書疏義

未見。

霍氏韜《書解》

未見。

舒氏芬《書論》

存卷。

王氏漸逵《讀書記》

未見。言言

異,孔壁僞《書》之辨,平易艱澁之證,殘

篇斷簡之考,此其末焉

而已矣。予之所

微 漸 也。 能 其德,崇其德然後能 得此學然後能大其心,大其 之始終典學,成王之緝 戒,得於此者也。 H 又所以維持此心,令其自作主宰, 夫心也者,天人相禪之機也。 相授受日 地,學者而 而 書》者之首務也。 逵自 惟 成其治。 躋,文王之緝 不息焉者也。 下至桀、紂、幽、厲 精惟 序日 『允執 非 : 帝 」,然後 此 王 予讀《書》 其 則 熙敬止,武 三代盛 而 太甲之仁義懲艾,高宗 中,人心惟 無 外此而今文古文之 非 廣其業,廣 以 知聖學之大要也。 熙光明,勉乎此 此 ,昧乎此 齊 王,如湯 則 至堯、舜、禹 乎 王之敬 無 心 聖賢, 危,道 而學也者, 然後 以 其業然後 者 之 同 無間 也 此 能 義 聖 心惟 乎 之 斷 讀 天 者 敬 故 警

經義考卷八十八終經義考卷八十八終經義考卷八十八終

₹ / - / <del>\*</del>

門弟子長洲汪士鋐覆校

### 經義考卷八十九

秀水朱彝尊編

### 書十八

### 鄭公曉《尚書考》

一卷

闕。

第 議 號淡泉,海 徐文貞公志墓曰:「公諱曉,字室 大禮杖闕 一,明年中會試 . 9 下, 人。 起考功郎 ,授兵 嘉靖壬午舉浙 部 中。 職 方 嚴 主 世 江 事 一前 鄉 蕃 以 試 别 以

> 遷 宜得 治 賜 侍郎,尋遷南京 陽,選民兵,集鹽場壯勇禦倭於通、泰 常卿,遷刑 和 書。分宜 兵,留爲右都 之於狼 之於如皋,擊之於 南 州 中 祭葬,贈太子少保,謚端簡。」 尚 罪去,世宗詔復公職。 判 求 Ш 爲 寶卿,歷南太僕少卿、鴻臚 T, 斬首 尚 譖公自專,落公職,及公卒,分 部右侍郎。 爲太僕丞,遷 寶丞 御 史,協理戎 吏部尚書。 九百餘 公公 海 門,搗 謂 級。 非 改兵部,出 爲考功 故 今皇帝嗣統 之於吕泗, 政,改刑部 人爲 世宗以 事 不 郎 吏部 光禄太 聽 中 公知 撫 尚 左 韋 襲 鳳 貶 又

## 林氏雲同《尚書正宗》

未見。

尚書。贈太子少保,謚端簡。」 嘉靖癸未進士,改庶吉士,累官南京刑部 盛子鄴曰:「林雲同,號退齋,莆田人。

葉氏良珮《讀書記》

未見。

豐氏坊《古書世學》

六卷。

存。

顧炎武曰:「五經得於秦火之餘,其中固

是説,而葉少藴固已疑之。 按:宋歐陽永叔《日本刀歌》:『徐福 大父河南 典》至《微子》止,後附《洪範》一篇。 焉。鄞人言出其子坊僞撰。 之遠古。又不足,則舍中國之文,而求之 家之書。 莫病乎好異。以其説之異於人,而不足以 不能無錯誤,學者不幸而生乎二千餘載之 書未焚,逸《書》百篇今尚存。』 蓋昔時 國,即今日本是也。 生,託言入海求仙,盡載古書至島上,立倭 市倭國本者,徐市爲秦博士,因李斯坑殺儒 本者,箕子封於朝鮮,傳《書》古文,自《帝 取信,於是舍本經之訓詁,而求之諸 後,信而闕疑,乃其分也。 四海之外。如豐熙之《古書世本》,尤可怪 猶未足也,則舍近代之文,而求 布 政使 慶 二國所譯《書》,其曾 録得 近世之説經者 之,以藏於家 夫詩人寄興之 日箕子朝鮮 行 子百 日 徐 時

所傳。 都 也。 得 朝廷 移 篇逸《書》, 在 何 書》止今文三十四篇 其不叶,而改之曰『可不敬乎』,謂 知王者周 古文,自《帝典》至《微子》,則不 詞 一千載之後慶乃得之,其得之又不 左氏傳》三引《洪 四夷 謂 矣,自唐及宋,歷代求書之詔不能 以 石 於九州之前,此不 贵 不 經。 商 必 五子之歌》『爲 而藏之家 考而 ,使果有殘編 人之《書》也。 其 真 據《正 日 人之稱,十 而 有 後 妄言之也? 其 附 一盡 何 義 事 《洪 我》 言蔡 範》皆謂之《商書》,而 哉? 也? 無《 人上 知 斷 有三者周 同於伏生、孔 範 《禹 古 簡  $\forall$ 邕 日 者 五 至 人先 貢》以 可以裨經文而 夫天子失 所 子之歌 本之職 奈 日 篇者, 書石 算子 何 經 史之記,不 應 道山道 後 不 本之鴻 安國 蓋 貢 》,熙又 經 敬」, 别 傳《書》 緯 以 官,學 得 一之義 獻 於 徒 無 尚 水 之 見 唐 不 而

> 之孫 不能 官。 敢輒 也。 家 嚴 自 其篇目之次元無 駁,謂章句 著《類禮 之君子遵 其於學也,亦謂之異端 助 多有獨 聖 用 也 炎 改。 道 夫《禮記》二戴 若乃無益 如 奪經生之所守。 名學」, ,以累代名儒 此。 》撰 固 故 守經文, 得,而 隔 君子之所求之,而 爲 故啖 元 謂 絶,有乖 疏 行 於經,而 後 史氏 深 義 冲 生詭 助之於《春秋》,卓越三 雖 奉明 義 成 所 之作,申之以 猶機 章 蓋唐 前 書 舊本,竟不得立 録 辨, 而 徒 句 皇之旨 E 非 魏徵 己。 先 爲 其『一 進,而 人之於經傳, 爲 夫子 後之間 異 助 愚因 惟 所著 以 所 本 恐 爲 用 所 惑 詔旨 所 階 則 歎 不 張 魏 删 人,則 承 立於學 夫 微 得 猶 又 説 , 乃 其 本 昔 者 况 所 所 不 而

<sup>0</sup> 清 道 據黄 光西谿 汝 草 人成 《日 廬刻本) 知 録 當作「不」。 釋 豐 熙 傷 尚

章

句

未已

也

進

而改文字矣。

此

陸

游

所

致

慨

於

宋

而

今且

彌

甚。

徐

防

有

言

作

刊

.'傅

記

未

己

也

進

而

議

聖

經

矣

更

ŝ

遠

甚。

又

無

先

儒

爲

之

據

依

而

師

心

妄

沂

代

之人,

其

於

讀

經

鹵

莽

滅

裂

不

及

昔

因

召

與

經 陸 不 足 列 元 於 輔 論 前 E 也 . 而 「古書 後以 三云者, 楷 書 以 釋之,且 今文、古文、石 一采朝 鮮、

呼

,此學者

所

宜

深

戒。

若豐坊之徒,

又

意

説

爲

得

理

輕

侮

道

桁

寢

以

成

俗。

嗚

不

依

章

句

妄

生穿

鑿

以

遵

師

爲

非

義

學云 道 稷 多 倭 京 為《正 生 國 異 師 者 聞 爲《考補 二本 朝 1,豐氏 新 鮮 音》,慶 以 説 使 合於古本, 臣 》,故 其 自宋 嬀文 爲《續音》,熙 序 云: 迄 日 卿 世 明 學也。 二 正 · 四 故 日 日 本 統 世 古書 使臣 學 爲《集説 ^ 續 年 古《 徐 也 音 書 睿 慶 官 世 中

語》、《 文卿 許傳 九官 所傳 僅 再三, 之事、《汨作》紀 典》,至《洪範》 植之法,序皆不 經之舊。 又笑官本錯 音》之下,俾讀是經者 泰 經 録 字入中國者夷 誓 中 十二牧考績 ,起《虞 曰 遺兵 顧 亹 》、《武成》、《康 國者  $\sim$ 命》 亹 典》、二《 如《虞 吾先 衛之出 出 7,不信: 誤 書 見 示。 知。 九族。 謨》、《 然歟 境。 謹 吾國之法,有傳 尚 録 許 則六 有 禹 使臣 附  $\approx$ 古 考 貢 先  $\sim$ 請 於 酒 清 將行,搜 訂 翁令嚴 麟 誥 敏 其 盤 角 **∀**, 錯誤 鳳 庚 古 洛 檢 E 不 經 毛

之遺 名《堯 顯 文、鴻都古經、魏三體石經合爲一篇,止 典》、《舜典》爲二篇,伏生今文、孔安國 上,立倭國,即 坑殺儒生,託言入海 附《洪範》一篇。 傳《書》古文,自《政典》至《微子》而 事篡主蕭衍,以罪見誅。箕子封於朝鮮, 其文,分爲二《典》,於建武二年上之,後 若稽古帝舜曰」七字於「重華」之上,變亂 深寧皆以爲最是,今從之。』《考補》云: 作《帝典》,與子思《大學》合。 『姚方興本齊篡主 然。 録得,以 雋 》,先 典》。 鄞 云。」又 人萬斯大 藏 曾 箕子朝鮮 於家。」 祖 曰 今日 通 徐市爲 . 一蕭道成之臣,僞增「曰 奉 『梁 曰:「此 求 觀 本 府 本、徐市倭國 仙 其序説, 是 君 姚 秦博 盡 也。 與 方興妄 吾鄉 人楊 載古 王魯齋、王 士 依 文 因 豐禮 懿 或 書 託 分《 止,後 所 李 本 之 公 至 迹 皆 島 繹 斯 總 堯 部

古《書》也。』吁,可怪哉。」學,其實一手所爲。五經皆有僞撰,不獨廢棄於家,窮愁著書而僞託者。名爲世

## 黄氏光昇《讀書愚管》

未見。

靖己丑進士,歷刑部尚書。」《姓譜》:「黄光昇,字明舉,晋江人。嘉

黄氏靉《書經便註》❶

十三卷。《萬卷堂目》十卷。

0 黄氏」,當爲「蔡氏」。 明萬曆刻本)作 書目叢刊本)、黄虞稷《千頃堂書 經便 「蔡靉」, 凌 朱睦檸 迪 知 《萬 《萬卷 姓 目 統 堂 》皆 譜 目 卷 録 九 觀 靉 古 七

未見。

繫獄,罷歸,教授鄉里。人稱洨濱先生。」進士,授行人,選御史。以言事與楊爵等《姓譜》:「靉字天章,寧晋人。嘉靖己丑

## 沈氏朝宣《書經發隱》

未見。

繆泳曰:「朝宣字三吾,仁和人。嘉靖辛

卯舉人。」

## 錢氏應揚《尚書説意》

未見。

蔣方馨曰:「後楓錢氏應揚,餘姚人,嘉

靖壬辰進士。」

### 王氏問《書經日抄》

未見。

事 錢謙益曰: 辰進士,歸 . 歷 廣東按察司 里 「問字子裕, 一六年 : 僉事。」 然後殿 無 錫人。 試 除 户 嘉 部 靖 壬

## 蔣氏騰蛟《書傳折衷》

六卷。

未見。

李因篤曰:「渭南人,嘉靖乙未進士。」

### 胡氏賓《書經全圖》

一卷。

四五五

未規。

書載山陰祁氏《澹生堂目》。按"寶,光州人,嘉靖乙未進士。

### 馬氏森《書傳敷言》

十卷。

督學邵 農 説 於火,收拾 習之,延莆田林公學道受業,先公師 所著也。 子歘曰: 後,方付梓 ,鑽研敷 公鋭 「《書傳敷言》, 先恭敏爲諸 三山故鮮習是經者,嘉靖乙酉, 衍 煨燼之餘,得《敷言》若干版 拔 行於世 ,浹期成 取 進 士,内二十有 帙,及官大司 崇禎丙子 ",鄰 八 人改 徒 生 弗 承 其 時 戒 明

> 《春秋: 付 者之敦尚云爾。」 宗》、《文集》若干卷,惟《文集》版 目 際明收 孫 輯禮》、《書傳敷 擊 際 際 ·殘缺,隨拮據次第編補,亦以質 明 明 伸義 一藏之。 藏 日 無 ₹»、《春· 「先恭 恙。 際明 頃 秋辨 敏 言》、《奏疏 蒐 見《 所 補 疑》、《易 著 書傳》數版 有 復爲完書。 巡四 ×, 經 書 地 説 係 П 奚忍 同 理 義 義 不 Œ 肖

張雲 其 蔡 重刊,沈履祥序之。」 書 有 章 違 嘉靖癸亥門人張 言 日 森 者,觀 亦守心學之説, 其 疏 科 虞廷十六字 序之,其孫際明 而 可見。 與 朱

### 陳氏言《書疑》

未見。

言自序曰:「經之行於世者,未有若《書》

馬,然而 之闕誤 也 者 何詰 也。 吾衡觀 曲 上下 也。 於二帝三王之異代焉, Ŧī. 吾讀古文焉,然 十九篇,吾讀 今文 而 何

萎繭 姑 然而 就 所 其 傳 文 述 何 以 較 若 體 也。 吾兹 惑 馬 而

同 也 合異 同 而 會通之,吾將 以 蔡氏

歸 而 焉 折 前 疑且殆者 何蝟毛起也。 遡授 受

止 也。吾又以質之繼紫陽而興者,若慈

業 已則研精覃 日記 思 而持衡 其 間 本以 家 所 世

以 傳,比而同之不爲黨,攛 成紫陽之遺而 暢未 盡之旨,命其草 而正之不爲嫌

書疑》。 疑之者,翼之也。 噫,業蔡 而 疑

蔡,又安知後之疑吾,不尤甚於今之疑

湖、文正諸君子焉,而疑義 書》注之弗果,即所訂定者僅 衷之,吾必以 篇額者,參伍 考釋 紫陽 之, 而 則 裁酌 氏 諸 何 爲 之。 儒 / 縷縷 宗 訓 焉 其於蔡 注 也。 典》 而 何 無 何 爲 異 而

# 莫氏如忠《尚書訓詁大旨》

未見。

錢 嘉靖戊戌進士,歷浙江布政使。」 謙 益 日 莫如 忠,字子良,華 亭人。

### 陸氏 穏《書 經便蒙詳節》

未見。

甲 蔣 辰 方馨曰: 進士,累官兵部侍 北 ]]] 陸 氏 郎。 穏,歸 安人。

譚氏綸《書 經詳 節》

未見。

几 七

進 姓 敏 歷 官 綸 太 字 其 子 理, 少 保、 宜黄 兵 人 部 嘉 尚 靖 甲 謚 辰

## 吴氏文光《尚書審是》

未見。

張氏居正《書經直解》

八卷。

存。

明 壹 錢 以 經 是 與 垂 世 哉 皆 暎 立 序 以 修 日 教,又莫要於典謨訓 六經之道 身 爲 傳 本。」 H : 同 修 歸 自 身之道 天 而 子 宏 至 誥 綱 孰 於 誓 大 庶 命之 要 要 於 足

> 成 文。 庚 授 雅 存 備 陵 師 帝 書》; 書》 ~,暎不 家 是 公 制 寅 睿 弟 覽 倡 秋 庭, 萬 去 講 科 至紫陽 , ; 爲 融 爲 九 非 率 自 曆 明 取 爲 人 佞略 兒 月 丙 儒 篇 士,詔 漢 人 庶 君 古 削 周 戌 朱先生 術, 興 臣 章 繁 人 序 而 刊 不 立 而 益 而 其端 之傳 輯 增 遵 行 建 在學官,諸家 爲 衍 其 遵 佞 簡 爲 一獨授 極 傳 偕 記 説,著 德 如 由 詞 今上 馭 之 計 質 編 此 爲 道 蔡氏 富 通 民 得 近 既 爲 冲 而 都 萬 之京 資 功 爲 備 日 不 年 不 不 曆 大 註 令, 之異 傳 義 日 嗣 可 可 十八 可 邑。 耳. 邸 講 位 不 不 高 弘 相 不 同 年 歸 江 皇 知 知 刊 而 同 知

院 丁未 錢 謙 隆 進 益 慶 士 初 改 居 以 庶 禮部侍 Œ 吉 字 士; 時 郎 大,江 由 召 編 人 修 陵 内 歷 人。 閣,官 宫 坊 嘉 至 靖

卒 太 師 謚 左柱 文 忠, 國、 追 吏 論 部 削 尚 籍 中 極 禎 殿 中, 大 學 有 士。 詔

### 王氏樵《尚書日記》

追

復。

十六卷。

其 是 陳 罕 樵 心 事 生《集傳》宗本程、朱、義 日 以 自 窮其 在 人 即 非 之實 序 論 我 於 存。 誦 不 之 己 其 歸 日 其 該 心,然 . 世 趣 詩 讀 則 不 也 傳《尚 我 其 何 讀 徧 之心 後 書 也 其書,不 蓋 之學 如 所 ? 書》者 以《詩》、《書》 身 即 謂 經 輒 古 在 知 ·知其 文 始 非 其 能 人之心,古 其 簡 益 時 一家,至 人人者 通 論 要, 精 貫 미 所 可 事 而 其 學 得 乎? 載 人 孟 # 理 者 皆 子 先 如 兼 而

> 所 次之。 遠 崕 契 記之法,但 得 求 幾 為馬 共, 有 前 前 也 而 者乎 反 有願 不 其 不 初不 吁 求 敢 心 贵 不 則 未 觀 以 不 古 敢 可 以 者 自 求 易言哉。 在,故居 以 有 者。」 是 則 驗 者 求 傳之人人,然此 爲 所 出 也 而 適國 之。 進, 無 千載之下 今去聖 敬 得 日 一之舟 倘 援 者 久成 横 讀 也 車 人 渠 而 帙 之 學 張 子 叮 送 頗 世 人之 者 遂 子 未 仰 亦 自 劄 編 有 有 雖 ൬

之解《 李維 主 全》布 義 嘗御注《洪範 會選》,其後有《直 纂義》、《疏意 一蔡氏 前 禎 在 經 書》者, 序曰: 而 學官 生 爲之説者 科 舉 ×, 又 獨 「《書》有 ×, 之文 命學 有 重 古 書繹 指 一蔡氏 ,坊肆所 不 義 士 \*\ \!\ 盡 劉 古文、今文, **>** 注 時 輯 數 用 義。 + 注 一吾等爲《 盛 經 家 \*\ \!\ 自《 行 生習之, 明高 亦 書 是 會 數 書 經 爲 皇 丽 通 其 傳 大 古 帝 今

尹談理之宗、《召誥》、《周官》之義、微、箕 發明,而 皆便科舉之文,是爲 於經不小也。」 術,窮究性命,昭揭 抱器受封,周公居 丞公《日記》,裒録百家訓詁 協一、建中建極,禹、箕衍疇之法,湯、 亦可 用於科舉之文。 東致辟之辨,本原 倫常,破除誣 時 義。 於 惟 其中若精 金 經 問,有 旨 壇 王 多 功 學 所 中

黄之紀,泊於稗官,即 張萱曰:「萬曆間 者絶少,而異説雜出,若梅鷟之流,狂悖尤 得其依據。 至當之歸,而於曆象璣衡地里,皆詳 討論折衷,或並存衆説,或定從一家,必求 張雲章曰:「方麓先生《日記》,字比句櫛, 有當於《尚書》者,皆參收之,凡十六卷。」 有明 代,以《尚書》之學著 金 壇 今士大夫譚議,凡 Ŧ. 樵 著。 上自羲、 稽 聞 而

### 帷 别 記》

四卷。

存。

六月自爲之序行之。」 張雲章日 「此亦爲舉業 而作 萬萬 層甲

申

## 俞氏時及《蔡傳説意

未見。

蔣 靖 方馨 未進士。」  $\Xi$ :「濛泉俞氏時及,新昌人,嘉

## 李氏儒烈《尚書啓蒙》

未見。

甚。

朱、蔡之傳,賴先生以不墜云。」

蔣方馨曰:「見川李氏儒烈,海鹽人,嘉 靖癸丑進士。」 蔣方馨曰:「含齋曹氏大章,金壇人,嘉

靖丁未進士。」

湯氏日新《尚書録》

未見。

蔣方馨曰:「練川湯氏 日新,秀水人,嘉

靖庚戌進士。」

吕氏穆《書經講意》

未見。

蔣方馨曰:「字岡吕氏穆,秀水人,嘉靖

癸丑進士。」

曹氏大章《書經疎見》

未見。

陳氏錫《尚書經傳别解》

卷。

存。

張雲章曰:「臨海陳氏所撰。」

吴氏福《書傳》

十卷。

未見。

陸氏相儒《尚書 正説》

未見。

一 四 三

靖 蔣 己 方 未進 馨  $\exists$ 士 雨 樓 陸 氏 相 儒 嘉 则 人,

### 陳氏言《尚書講義》

六卷。

未見。

未進士,廉州知府。」 黄虞稷曰:「言字宜易,莆田人。嘉靖己

# 申氏時行《書經講義會編》

十二卷。

既 時 幄 中 解 以 訓 大 行自序 ,所進《尚 師 詞 義 臣 治 手 久 H 尚 自 書 次 採 直 横經 余覊 解》 録 者 少 丱 雖 勸 積 受《尚 講 分 數 乃 日 日 年 從 更撰,而 至若干卷。 書 書 侍今上 肆 是 中 余以 於 求 時 帷 疏 吴

徐乾學

曰:「長洲申文定公以

舉子

時

所

侍 聰 直 靖 書》大 邸 尋章 是 錢 輯 獨 簡 專 有 極 一。合余 第得 是 以 殿 郎 1 謙 土 敷敷 已。 經 切 大學 年 戌狀 書 闡 摘 删 大夫罕獲覩 明 益 人 義 陳 直 藏 訂 蓋 暢 句 發 日 而讀之, 前 理 論説衍 士,爲 於禁中 余向 一,時 東 元 爲 大旨,剖析微言,要 道,不 拘牽 八十、考終於 所採 有 以 閣 多,今内府 不 所 一藝文。 修 官 行,字汝默,長洲 録 元 釋,粲 採録 因 惟 待 焉 爲箋 撰 至 共 輔 與 深 閣 歷 小 九 余甥李漸 懋、 思 爲 疏 然備 官 而 第 臣 所 里 師 年 强 制 講 廣 詹 嘉 以 刊 第 而 編。 索 吏 矣。」 義 翰,以 寮乃 厦 舉 兩 歸 部 書 所 而 細 業 在 兒 卿 蒙宣 尚 於 昭 束 旃 從 經 啓沃 共 鴻 歸 吏部 是 縛,其 然 之上, 直 事 加 從 賜 解 + 左 尚 裒 聖 中

其書。」 業及講筵所進合輯成編,今博士家多習

### 歸氏有光《尚書叙録》

存。

得其 諸 典。 也 以 究《 格製之不 如禹之治水,信矣。 文、古文之説。 有光自序曰:「有光 儒 爲 · 而 書》之文義,益信吴公所著爲 萬 所 有當於心。 因念聖人之書存者年代久遠, 己亥之歲,讀書於鄧尉 不 亂 惑於異 之似。 同,後之人雖 ,其可賴以 後見吴文正公叙 説 學者由 揭 漫碩 少讀《尚書 别其 自是數訪 今伏生《書 悉力模 其 稱 真偽、惟 辭 其 Щ 可 其書 中, 擬 綱 即即 以 || || || || || 明 録 其 不 頗 達 終 未 目 忻 孔 多 刊 得 疑 於 無 文 之 解 得 深 然 聖 壁 以

> 公書 此, 世 絶。 篇,古經十六卷。 知 學者蹈常習故 於經,不 其叙録於前 百年雜亂之書,表章於一代大儒之手,而 令,縉紳 實有以成之。 之書定爲義 所傳,其 亦莫能尊信之,可 而 昔班 朱子蓋有 乃 唐初諸 依倣其 先生莫 以 辭 固 相 之 ,以俟他 疏 臣 混 不 藝文志》 沙漫不 所不安, 加 而 知 不能深 義 同 今列 蓋 古經 漢魏 廣 釐 日 當 固 嘆 復 石 爲 得公書參考焉。」 考,猥 有《尚 時 於學官者既 而未及是正,吴公 不 ,漢世之僞書 專門之學遂 也 有 渠、白虎之異 今文 待 儒 己。 所尋省。 者之慎 於 以 書》二 如 别 余未見 晚 左, 白 晋 以 + 有 以 雜 重 丽 耐 義 存 吴 數 著 九 别 廢 亂 如 可

經義考卷八十九終

門人平湖趙光緒覆校

### 經義考卷九十

暑,今亦有年。蓋嘗三復舊説,博採

師

友

之聞見,如屠道南《研幾録》,張潤江

二。錦

刻諸書之外者。

賓幼受讀是經,閱

歷

寒

於典謨訓誥之奥,得其肯綮,殆有

超

於

閩

秀水朱彝尊編

男昆 田校

孟春。」

自私,鳩工梓之,以畀同

志。

嘉靖甲子

衷之,積以歲時,集成《尚

書講

義》。

不欲

囊録》,沈虹野、徐瑶泉諸

講説

聚

而

折

蔣方馨曰 鍾山程氏著《尚書講義》。」

袁氏仁《尚書砭蔡篇》●

程氏弘賓《書經虹臺

十二卷。

存。

卷。

未見。

仁自序曰:「 襄兒就塾師習《尚書》,專求

0 篇 」、《補正》云:「當作『編』。」

四二四四

觚之士,各出意見,辭與理融,義與經合, 》諸家之説,歷時既 中所刻《心法》、《正宗》、《資 久,海. 内操

講》、《精藴

傳外,率祖閩

弘賓自序曰:「今之經生治《書》者,自蔡

爾

世有

一蔡,即

有砭蔡者,道

無

涯

也。」

之學官。

蔡何砭也?

非

蔡

淺

書》

固

真

杜氏偉《尚

未見。

蔣 方馨日 . 静 臺 杜 氏 著《 説 意》。

俞氏鯤《百家尚書 解》

未見。

陸 元 輔 日 : 鯤字之鵬。」

世習《

書》者爲舉業地,彼其意在魚兔,而

編

《書》自伏生之女句讀

而授之鼂錯

儒,耻舉業而

托之醫,於《尚

書》有《砭

蔡

又奚筌蹄爲?

吾舅袁葠波先生世爲

鉅

其後孔安國、鄭

康

成諸

人爲

之詮解,凡百

有三十家,至宋

而

衷於

蔡

仲默,吾明

遂

布

繩竟,

而

誦習

不已,要亦尋繹

其義耳。

近

書》,以

繩

繞

於腰領,一

誦

結,十尋

之

沈道

原序曰:「昔伏生從

負

圖

先

生

受

蔡氏

閲之,則悖理者

種

種

也。

因

博

考

先

儒舊説,參以己意,正其謬誤,揭之家

塾。」

以注

疏

繁

而

難

閲,遂棄

不

觀

然

而

非

制

余弱

冠

時

曾

誦

壁經

IE.

文,至

是

始

取

主古

疏

兼

蔡

傳

初

未嘗專主蔡也。

學

者

通

蔡

氏

傳

爲

案

據。

余考國

朝

典令,《

書

林氏鴻儒《書 經日 録

未見。

関 尚 .書》,郡人士治《書》者皆從之。」 書》:「鴻 儒 字允德,安溪諸生。 精治

書説意》

四 三 五

屠氏本畯《尚書别録》

授臨湘教諭。」

鄧氏元錫《尚書繹》

一卷。

韓綱,字正夫,以歲貢

未見。

《廣信永豐志》:

陳氏第《尚書疏衍》

四卷。

存。

磨滅,默誦嘗不遺一字,口誦心維,得其 注,讀愈專,篋中積至十餘册,無不字句 第自序曰:「少受《尚書》,讀經 不 讀 傳

劉氏文卿《尚書便蒙纂註》

未見。

章氏潢《尚書圖

之,句 僞 治 著之,間 悉讀之,意 義 作 於 人者,實 深思者頗多。 讀 著 又 未是者 一發 有取 **I辨論數** 所 揮 是者標之,意未安 於經 於 正之,其素 言外, (篇,因 近 微諸 因 以 宋 復取 行事 得 竢 元 後 於 諸 古今注 而 世 深 儒 已矣。 者 冀 思 疑 修己 微 者 古 疏 附 釋 詳 文

### 羅氏敦仁《尚書是正》

一十卷

以 夏書》二十篇 子 生壁藏之,禁 十篇、《書序》是也。 十 喻義 隸 古, 八篇,以 存。 序 是爲 日 . 教 解 今文。 於齊 商 求 書 書》 其 秦時 時 魯之間 百篇,尼父所定,《 書 几 人惟 了**,** 十篇 禁挾 數十篇 掌 知《尚 《周 書,博士 ·故晁 錯 獨 伏 得 虞 寫 几

字讀 於世 者。 序作 邕 中 篇、蓋《尚 行。 既 非 欲名家,至有行金易中書漆經以合其私 凡百二篇。 東萊張覇 今,蓋傷之也。 而 一所勒 廢。 八 也,多亦奚爲? 而 不 辭。 篇取象 而人主以《尚 何 之, 僞 首 惟孔氏有古文《尚書》學,安國以今文 汾陰 夫其是也,二十八篇已足矣, 以 石經仍今文,而古文至東晋始盛 《泰誓》、百兩篇之屬 尾 因 ,採《左氏傳》、《書序》爲 安國《書》未上,不列學官, 有僞 書》滋多於是 猶 以 孔 寶 二十八宿 起 百 氏 鼎, 也 先君贈公家世受《書》,補 其 兩 古文吾不能 ? 周 書》爲 家。 王通 也 漢 曰 : 不 孰 庸 矣。 逸《 氏言《書》殘於古 樸學,不好, 漢 . 知 辨,是以 瘉 書》得二十五 時 百 稍 其 乎? 知 有 兩篇 出 有 經學, 作 百 而 趨 然 或 篇 首 者 採 故 懼 不大 如 爲 日 尾 也 其 説 蔡 僞 Ħ.

成書 静 博 者附録焉。 之,而散見《論語》、《左》、《國》、《孟》、《荀 首列書序,次載本書,次下己意。 不敢不正。 土 中有獲,時著筆札。 弟子 ,是爲《尚書是正》。 ,已乃棄去,不交人事者二十年, 非是族也,雖世所稱十六字, 『翦却梧桐枝 小子謹 大率原本今文 消 湖方可窺」, 識之,鈔集 亡者闕

其 字、正句、正 張雲章曰:「是正云者,正 理 之書,非道政事之書也。」信如此言,則 常主,標萬 惟微,分形氣義理之名; ~ 與 中 書》者,道政事 可持,其中安在? 政 補 事 書》之亡,而日 果 殊 可 術也。其正 一本之目。 判 者也。 而 爲二 中 乎? 人心惟危,道 執之何法? 德無常 此 術 經、正 之言空也 則 之説 又以 講堂義 師 傳、正 允 善 E 就 執 義 無 心 理

> 惟精 兩端 之至賾也,不言精也。』其意以人心道心、 者,天下之至虚 家機鋒 令執之,當其 之書,而一旦欲滅裂之,可乎?」 天下之至化也,不言一也。 惟一 用其中 語説《書》矣。 爲非經語,以千 舍時,頓 於民』釋之, 也,不言心 又舉《中庸》『執 放 何 百年聖作明述 而日 處? 也。 用 也者,天下 :『中也 兩 此 也者, 以 其 禪

陳氏履祥《尚書極》

先君

誦之云爾,予小子承厥

志

也

一 未 見。

余氏懋學《尚書折衷》

未見。

慶 繆 戊 泳 辰 日 進 0 士 余 一,歷 懋 户部 學, 字 侍郎 行 之, 贈 婺 I 部 源 尚 書 隆

### 張氏位《尚書講略》

未見。

閣 進 王 猷 士 定日 ,改庶吉 南昌 士 累官禮部 洪 陽 張 公, 尚 中 書 隆 兼 慶 文淵 戊 辰

# 鍾氏庚陽《尚書傳心録》

七卷。

存。

蓋 得 王 一難言之。 樵序曰: 其文義, 晚 「六經中惟《 余家世業是 而 味之,乃始 書》最古 經 少少 有 悟 嘗 受讀 博 時 時 土 家 爲 粗

以 心者成 學山 子弟説 生日: 也 也。 難 者,莫盛於檇李。 途 有 事,如《詩》之於性 王肯堂跋曰: 出之以 養之以鎮 愛民作士,有古循良風 生《書》説 名儒 者常數 不得於心,而能 可無顛躓之虞矣。 一公之訓 學者得此篝火明 先生父子自 《書》以 爲 之, 一家言,會通 明易,使人如見, 、静、湛 一人。 斯 然 則 ,而筆之簡者也 文盟 「大江之南 其 約 恩 道 詞 而 隆 主,綴學之士 相 當嘉靖中,學 神明其 濊澤,淪洽 政 一情 不 該 慶之初, 其聱 師 事。』夫《 能 ,皆在我 燭 萬 承, 贍 ,而出之以真 不 ,以《尚 曆辛巳 迹,以見於 牙難解之語 而 蓋 耐 而 多。 覈 長 吾 又 行 於四 書》之於政 而 先生守鎮 於 乎 以 師 執 Ш 盡 今 Ŧi. 已,故 . 書》 經學 屈 其 觀 鍾 境。 述 西 經 月 曲 用 先 起 所 其 星 而 鍾 誠 先 家 之 者 莊 父 未 先 質 牛 會 而

四三〇

之腴 久之。 受 屠 劉 先 爲 蓋 乃 傳之,四 户 則吾師之所 先生者,可 小 生 出 而 命 一始 受 氏 公見 不及 生 而 明 退 不 ,足集其 之《 學 適 璽 不 時 來 九 而 登 以 爲 歎 爲 春 也 而 倚 ,則召肯堂診,始 書 噫,先生之所養 研 閲 有 悦之, 仰 潤 謂 身効。 儒 重 官 封 幾》, 知 成 月 宿 趨庭 宗, 者累 州 ,發抒先生蓄積 高 如 哉。」 見 而 是 也 牧 第 子 書 鄭氏之《 莫遇 T. 以 日 嗣 而 每 官 則迎 足 成 已 而 金 得 是 以 焉。 IIII 堂賞音, 先 爲指南 壇 者儼然在 吾 而 語 又 與與 養 吾邑諸 牛 之治 師 後 題旨》, 肯 得 + 於 亦 檇 、吾師 寥 既 堂 即 郡 前 餘 李之説 將 顧 以 尚 列 望 齋 年 生得 貢 輒 皆 諸 焉。 之所 焉 又 良 書 職 見 時 京 能 時 不 二千 而 生 眉宇 經者  $\forall$ 郎 師 者 邑 怡 時 吾 是 挍 起 味 以 編 一侯 事 右 編 經 + 者 居 念 師 而 己

> 寺評 張 名 鎮 降 者 解 相 庚 俞 陽 也 天 之 雲 慶 汝 師 江 才 辭 爲 事 戊 章 府 言 承,又以 ",陞 鎮 調 辰 日 H 老 而 江 進 . 於 出 I 廣 守,王 士 經學 其 此 以 德 部 鍾 除 得之心者,會通 明 知 主 雖 庚 方麓 太平 易,使 州 帖 事 陽 口 遷 括 授 歷 序 府 字 之 刑 庚 人 員 其 推 西 書 部 陽 如 外郎中, 書 官 員外卒。 星 見 而 然猶 調調 其 述 秀 之爲 聱 爲 其父子 庚 足録 水 陽 一牙難 出 大 理 知 父

### 沈氏位《尚書筆記》

未見。

俞 蔣 士: 方馨 汝 ,改庶吉士,授檢討 言 曰 E 虹 位 沈 吴 氏 江 者 卒於邳 尚 隆 書 州 慶 戊 記 辰 進

### 龔氏勉《書義卓見》

未見。

辰進士,官至浙江右布政使。」嚴繩孫曰:「勉號毅所,無錫人。隆慶戊

汪氏在前《讀書拙見》

未見。

慶戊辰進士。」蔣方馨曰:「雅堂汪氏在前,歙縣人,隆

陸氏光宅《尚書主説》

未見。

蔣方馨曰:「雲臺陸氏有《主説》。」

張氏元作《讀尚書考》

鍾

一嶔立

曰:「光宅,平湖

隆

慶

庚午

未見。

考》、《讀詩考》。」 《人物考》:「張元忭,字子蓋,號陽和,山《人物考》:「張元忭,字子蓋,號陽和,山

王氏祖嫡《書疏叢抄》

卷

存。

德州人。隆慶辛未進士,改庶吉士,授檢 黄虞稷曰:「祖嫡字師竹,信陽州人。 一云

四三

右

### 方氏揚《尚書集解》

未見。

進士,杭州知府。」吴璵曰:「揚字初庵,歙縣人。隆慶辛未

# 瞿氏九思《書經以俟録》

六卷。

學與 道、君道、臣道、世道 史學遷序 一尚 (韋布 存。 異 然 日 门以 今 觀 故 曩 其 瞿 行 子 所 年 、治道釐 且 以 論 書 六十,終不敢 著, 來 爲六部。 以天道、 謂 帝 Ŧ. 談 之 論

> 果犂 君臣 徐觀 篇章 慆 治 則 反若 無 而 不得無此篇名,而參考於無篇名之君臣 名,則以爲待人而 《尚書》 尚書》之篇章果秩然不可移易。 稍 淫匪 皎 此 道之本,尤爲卓有綱 其 皎 篇 然 次第 樹 取考亭《綱 不當覽觀前 彝 聯絡之勢,信纍 之 有 不 章 一若觀 諸 的 裨 可增損 則 運 所行 君 以 而 在 火,●然後知《尚 德、 爲 目》所紀 此 久 事,令後世臣主 史,恐前史有 成,有聖君 世 將 臣 且 則 運 道 漸 其 篇 纍 相 六治 漬 維 以 載 章 如 遞 而 道 係 洪 亦 貫 而 而 從 有聖臣 於其 諸 敗 範》 當 下, 珠 書》之篇名 又 之。 語 覽 度 在 其論 然後 謂 爲 自不 下, 敗 此 觀 爲 乃 後 範 禮 自 後 綱 使 摘 世 篇 得 韋 知 而

萬 則吉 其 慆 亭之書法 敢復敗度敗禮、慆淫 人 敗 世 但 淫 一君臣 度 匪 見 如 敗 其 彝 此 之實。 八綱,而 禮 可, 則 謂 、慆淫匪彝之實 勝道説哉? X 如 時 此 不能遽 及其 則 必 是, 匪 有 以紀傳爲質, 覩 一 彝者 惕 如 其敗度敗 吾是以令有 然 此 而又已 深 則 其 省 非 有 禮、 功 見 既 必 如 於 不 考 見 此 司

**卦**》、《 作《 獄 麓 高 哀 歲 從學羅洪先、耿定向 正 考》、《 一》諸 世 給米六 中 得 泰 古樂 鼓 書 解 庸 日 六 爲 四書院。 十石, : 徴授 民 經 測》、《孔 授 還 瞿 以 里, 翰林院 俟 九 以 中 中 録 資著述。 思,字睿夫,黄 尋論學於河南 廟 庸 歷主 萬曆癸酉舉人,罹 × 禮 位 待 ^ 洪 樂考》、《 育圖》、《 詔 一鹿洞 範 謝 乃撰 衍 、濂溪、岳 不 義 至 中 赴。 ^ × 梅 廣東 庸 明 聖 榮 曆 運 冤 詔

居之。」
居之。」
展支為是江漢書院
擬》、《萬曆武功録》,長吏爲起江漢書院

蔡氏

立身《

删

補

未見。

陽人。 温 州府志 萬曆癸酉舉 **\***: 蔡立身, 高 字 唐 師 知 曾, 州 0 浙 江. 平.

趣

刻

之。」

姚氏舜牧《書經疑問》

十二卷。

存。

殆盡,將安所置疑,又安所致問哉? 蓋舜牧自序曰:「《書》教至有宋諸儒闡發

■「敗度」,原脱,據四庫本、薈要本補

四三

此 故也 共疑者,未必非聖賢之所與矣。 曆甲辰四月。」 於無疑,與天下 疑,未嘗求異於 書》無 可傳之學究哉? 則 口 管 疑,而所以説《書》者,或稍 窺蠡測之説,苟有可 萬 傳注,惟 世 共知 藏之名山 必求 共由之耳。 其是,終 可也。 余今所 與天 失 歸 其 然 萬

### 孫氏繼泉《尚書 意解

未見。

嚴 萬 曆 繩 审 孫 戌進 曰 : 士第 孫繼 一,歷官吏部左侍郎。」 泉,字 · 無 錫

### 馮 氏夢禎《尚書大意》

未見。

### 沈氏自然《尚書 [衷引》

萬

曆

丁丑進士

,歷官國子監祭酒。」

俞汝言

日

「馮

夢

未見。

俞汝言曰: 沈 自邠, 號 几 軒, 秀 水

修撰。」

萬

曆

丁丑

進

士;

改

庶

吉

士,授

檢

討

歷

### 楊氏起元《書

未見。

姚瀚 日 . 「起元字復所, 歸善人。 萬曆丁

0 四庫全書》本),孫繼卑字以德。 」,據俞汝楫《禮部志稿》卷四十二(影印文淵閣

禎, 字開 之,秀水人。

四三四四

侍讀學士。 丑進士,改庶吉士, 歷官吏部右侍郎,兼

陳氏泰來《尚書注考》1

卷。

未見。

説,意深遠矣。 後乎?《大全》首經文,次傳注,後附諸 疏,不知罷於何年,豈自文皇纂修《大全》 項臯謨曰:「高皇帝明經比士,詔用古注 士,歷禮部精膳司員外,降饒平縣典史。」 俞汝言曰:「陳泰來,號長水,平湖人。 丁丑進士,由順天府儒學教授陞國子監博 同倩治《尚書》,編《注 萬曆

未見。

鍾氏化民《尚書臆見》

鄒氏龍光《書經約言》

未見。

蔣 方馨 日 「斗墟 鄒氏龍光,長洲

.

曆庚辰進士。」

劉 氏應秋《尚書旨

存。

考》,其嘉惠學者,豈小補耶。」

0 泰來」,四庫本作「泰交」。下同。

四 三 五

人,萬

萬 蔣 曆 方 馨 癸 未 티 : 「 進 士 兑 第 陽 劉  $\equiv$ 氏 應 歷官國子監 秋,吉水人。

祭酒。」

# 湯氏顯祖《玉茗堂尚書兒訓》

未見。

未進士,除南太常博士,稍遷南祠郎。 錢謙益曰: 劾政府,謫徐聞典史,量移知遂昌縣。」 「顯祖字義仍,臨川人。 萬曆 抗疏 癸

潘氏士藻《尚書心鏡》

未見。

徐氏即登《書説》

十卷。

未見。

陸元輔曰: 著《書説》,凡四册。」 癸未進士,除 「即登號 工 一部主 )匡岳, 事 9 歷 豐 河 城 南 左參政。 萬曆

郭氏正域《東宫進講尚書義》

卷。

存。

姜氏鏡《書經見解》

未見。

四三六

#### 何氏香遠《書經釋》

卷。

未見。

沈氏瓚《尚書大義》

未見。

潘耒曰:「瓚字□□,吴江人,萬曆丙戌

進士。」

袁氏宗道《尚書纂注》

四卷。

經義考卷九十終

門人吴江周景妮覆校

存。

錢謙益曰:「宗道字伯修,公安人。萬曆

丙戌會元,選庶吉士,授編修,歷官春坊 有二弟,

中允,至右庶子,贈禮部侍郎。 日 稽 勳宏道、儀 部 中 道,所謂公安三

袁也。」

四三七

#### 經義考卷九十

男昆 田 校

#### 秀水朱彝尊

#### 吴氏烱《書經 疑》

卷。

存。

董氏其昌《書經原旨》

言

,令觀者

劃

然

解 頤

也

昔鄭

寬

中

説

旨

疏

義

箋

解

皆

虚

心 闡

繹

勒

爲

間

董玄宰氏,以《尚書》起家,

獨

深得

其

傅

會,又或標奇逞臆,經學之厄甚

矣。

卞洪勳序曰

:「今之治《書》者,率多

承

襲

未見

居多 《尚書》。 談 有關 也。 《詩》、《春秋》有《質疑》,《禮》有《孝經》以 炯自跋 輯其遺逸,有《大學》以訂其章句,而 直截,故 經 者 於四代者 今採叢語所載,及閒居酬 雖 失 日 未能 無辨難 嘗曰:帝王之大經大法,義 其 :「余於六籍、《易》有《繹 統 章分節 1,輯成 緒 之辭。 互 有 解 編。 牴 雖 庶幾 牾。 然,終 自古文後出 應之言,凡 少 故於 補 未卒業 其 傳注 獨 当 缺 本 缺

渥,以其剖析經義 玄宰氏,固已詣古人之奥室矣。」 成帝韶班 ,不昧作者之旨耳。 若

一尚

書》於金華,

伯受之,賞齊

甚

#### 云。 萬曆庚申秋七月。」

孔傳爲非。

且以周公未嘗有東征殺管叔

張雲章曰:「京山郝氏專信今文,而力辨

## 王氏肯堂《尚書要旨》

三十一卷。

檢討。 藴序之。蓋原本家學,而爲學 祝守滄州,爲之鋟版,天津兵備 子,萬曆己丑進士,改庶吉士,除 張雲章曰:「金壇損齋王氏,中丞樵之次 《要旨》一書,館中所撰,其從 士家刺 副使張 翰 兄 林 汝 院 經 爾

訓故之用者也。」

郝氏敬《尚書辨解》

范氏應賓《壁業》

未見。

四三九

黄虞稷曰:「前八卷解今文二十八篇,後

二卷辨正古文。」

見,不過率其私智臆説,而本無所據也。」

吴幼清《纂言》,而郝氏於《纂言》又未之

《禮記》出於漢儒,俱不足信。

其旨似出

命,惟七年』之文。其意以孔《書》僞作,

諸侯』,誤解《洛誥》中『周公誕保文武受

之弗辟』一句。

《禮記·明堂位》『周公朝

之命》『致辟管叔』,乃誤解《金縢》中『我

之事,亦未嘗有踐阼朝諸侯之事,《蔡仲

曆壬辰進士,工部主事。」姚瀚曰:「范應賓,字光父,●秀水人。萬

## 鍾氏鳴陛《書經素言》

未見。

曆壬辰進士,刑部主事。」蔣方馨曰:「抱瑜鍾氏鳴陛,丹陽人。萬

# 盧氏廷選《尚書雅言》

六卷。

存。

高兆曰:「廷選字真常,莆田人。萬曆壬異同,有疏通知遠之益,蓋深於《書》者。」氏以後至宋蔡氏所詁,而折衷己意,存其氏以後至宋蔡氏所詁,而折衷己意,存其

### 曹氏學企《書傳會衷》

辰進士,歷官湖廣參政。」

十卷。

存。

死。此書大概即蔡傳而損益之。」民。崇禎中,復起廣西,疏辭家居,殉節議,魏忠賢黨摘其所撰爲謗書,除名爲張雲章曰:「天啓中,先生官廣西右參

#### 賀氏燦然《書略》

未見。

俞汝言曰:「燦然字伯闇,秀水人。萬曆乙

■ 「光父」,二字原爲空格,據四庫本、薈要本、《補正》補

# 洪氏翼型《尚書祕旨》

未進士,除行人,陞吏部主事,歷員外郎。」

胡氏瓚《尚書過庭雅言》

未見。

蔣 方馨曰: 南 池洪氏翼聖,歙縣 人,萬

曆戊戌進士。」

部

謝 氏廷讚《書

史

日

庵公

七卷。

存。

萬曆

乙未

戊戌進士,官尚寶司丞。」 俞汝言 E : 「廷讚字 日 可, 金谿人。 萬曆

王氏建中《尚書新説

史氏記事《尚書疑問》

五卷。

未見。

未見。

經義考卷九十

四 四

姚 士 ц, 瀚 E 陽 0 知 Ш 縣 陰 人, 字位字。 萬 曆 戊 戌 進

#### 趙氏維寰《尚書蠡》

四卷。

深於《 啻 董 歷 唐、虞、三代之史, 士葵陽、馮 下上三千年間 尚書》冠 尚書》 尚書》者 兵兵 天 其 球 (昌序 存。 《書》 刑、 名 弘 河渠、 者 北 世 璧 日 閩 司 闡 . 必 也 其 成 推 日 精 食 我 莆 開 所 余 吾 於 貨 取 明 之、 田 論 體 嘗 史。 友 其 諸 以 譔 兼 浙 陳 謂 趙 治 興 經 推 編 官 經 亡 無 無 術 典 書》道 檇 年 I詹孟 聲 聲 生 治 靡 取 李。 紀 歲歲 家 亂 向 士 不 傳,凡 常,皆 政 之故 奉 有 畢 若 庚 士 事 具 史 子 黄 之 癖 律 用 學 而 故 即 不 用

> 子 庚子 蠡 鍾 亥 讀 同 治 衷 監 淵 秋 以 是 舍 術 鄉試 一、出其 七 典 派 映 編 而 讀 月。 謨 日 者 史快 轉 之矣。 第 訓 八講義 毋 刑 語之 編》。 維 徒 部 署 寰字 付付 主 藉 理,淹 頃 海 事 爲 諸 無 無聲,平 寧 嫁 劂 聲 歷 儒 晰 衣 士 官 郎 學 貫 可 留 中。 教 題 串 湖 也 曹, 其 直 諭 人。 著 端 崇 與 遷 合 尚 禎 萬 余 經 南 兒 術 書 曆 Z 或

## 孫氏奇逢《書經近指》

未見。

東 居 曆 湯 庚子 原。 年 斌 志 九十 先 舉 墓 生幼 E 有 微 當 君 康 梁 孫 其冬十月 熙 谿 先 + 一言水 生 有 卒 四 於 年 講 葬 輝 四 學 於 縣 月 都 夏 夏 門 峰 峰 明 之 之 之 萬

許。 徵聘十一次 日 云。 與 先生字啓泰,號鍾元,容城人。」 忠 鹿 節 忠節公交修默 既 堅卧 殁,獨肩 不起,故天下稱爲徵 斯 道者四 證, 以 十載 聖 賢 相 兩 君 朝 期

斯

乎。

俞汝言

日

:

「黄景

星,號

若

頃,莆

田

將

來

而

發

皇

其 未 墜

者

其

在

斯

乎,

其

在

#### 黄氏景星《尚書解

未見。

裁,薈 陳 之暇,乃得 書》名家成進士,自赤 義者日繁,縱於訓詁不盡齟齬,可信爲定 是爲宗,人習專經,家 家,蔡註 則則未 加 萬言序曰: ,約文中義,大暢宗 成《尚書解》 也。 一出,頗爲簡備,昭代令甲 研精抽祕,博考故 吾師黄若頃先生,以莆 「自唐及宋,説《書》者 書, 城 無異説,顧 風 李 理 所 入儀 簡 義,參以 而 爲 該,詞 曹, 標詞 振 - , 中《 寅 起 不 於 弘 心 清 尚 立 以

#### 來氏宗道《尚 書祕省》

萬

曆辛丑進

士,歷官廣

東右布政

使。」

未見。

姚瀚曰 士 ,累官太子太保、禮 :「蕭山人,字路然。 部尚 書 萬 兼 曆 東 甲 閣 辰 大 進

樊氏良樞《書繹》

學士。」

存。

四

姚瀚

日

「平湖人,字開仲,

都御

史萬

垓

子。

萬曆丁未進士,建昌府推官。」

### 陳氏臣忠《書經集意》

二卷。

未見。

士。書載祁氏《澹生堂目》。按:臣忠,莆田人,萬曆甲辰進

#### 陸氏鍵《尚書傳翼》

十卷。

存。

所訂《尚書傳翼》,博而不泛,深而不僻,陳懿典曰:「邇來經生專務新説,實府氏

書,精研深入,多發金壇王氏所未逮。」蔣方馨曰:「長水先生陸實府《傳翼》之其見卓,其心苦矣。」

### 秦氏繼宗《書經彙解》

四十六卷。

未見。

姚瀚曰:「蘄水人,萬曆庚戌進士。」

### 張氏爾嘉《尚書貫言》

二卷。

存。

課 陳懿典曰: 最 之眼, 淺 佘峰張 言彌深, 明 府《貫 簡 言 彌 (言)脱 廣 淡 稿 於

彌旨。」

高層雲曰:「佘峰張氏爾嘉,青浦人。萬

# 萬曆丙辰進士,官都水司主事。」

曆癸丑進士,官至浙江右布政使。」

# 朱氏道行《尚書集思通》

繆泳曰:「朱道行,字簡修,海寧人。 萬

曆乙卯舉人。其書自爲之序。」

# 史氏惟堡《尚書晚訂》

存。

父子,所著《日記》、《要旨》,有功來學。 姜逢元曰:「金沙肄《尚書》者,推王中丞

今得水部史心南《晚訂》,攷證尤詳。」

姚瀚曰:「惟堡字心南,仁和籍,金壇人。

錢氏大復《尚書旨授》

未見。

姚瀚曰:「大復,華亭人。 大學 士龍

錫

之父。」

# 項氏儒《書經大全纂》

未見。

蔣方馨曰:「珍亭項氏,名儒。」

鄭氏若曾《尚書集義》

六卷。

未見。

四 四 Ŧī.

#### 吴氏從周《書疑》

四卷。

未見。

黄虞稷曰:「甌寧人,字世憲,萬曆中

海

鹽縣儒學訓導。」

# 徐氏允禄《勉思齋尚書解

未見。

陸元輔曰:「明嘉定徐允禄汝廉撰。允

介 禄博學有文名, 不 苟 取子, 經 屢 試 史 不遇, 皆 有論 厄 窮無 説,著 悶, 述

頗多。」

黄氏佗《尚書精義》

六卷。

佚。

《台州府志》:「黄巗人。」

吴氏桂森《書説》

未見。

汪氏應魁《尚書句讀

六 存。 卷。

顧錫疇曰:「《尚書》蔡傳,邇來坊刻亥豕

混淆。

汪玄杓,余通家子,從余遊,遵京

本精校,詳其句讀 令窮 經者 f 有指 南,有

志翼 經者也。」

## 楊氏肇芳《尚書副墨》

六卷。

存。

生處之怡然也。 式,而以苜蓿老,不知者或爲扼腕,而先 使者首拔之,上其卷於部,至頒 成於其長君公才氏。 馬世奇曰:「斯編創於金沙楊葆元先生, 本凡五易,草 先生爲諸生 創始就 爲天下 一時,學

亮,疎而密,微而不 才補其滲漏。其言約 施,樸 加 該,精 而不俚,所謂集 而 覈,深而

經出仕,嘗注經解 張明弼曰:「葆元先生治《尚書》,僅 未成而 殁。 厥 嗣公才 以 明

《尚書》之大成者非歟。」

能 世 其 八學,取 先生之書, 彌綸 而銓叙之,

以 傳 於世

在目。」 楊廷樞 公才、公穎苦研經術、《 「楊葆元振鐸婁江 副墨》 ,率其兩子 典 型

洪氏禹功《尚書揀珠》

未見。

《壽昌縣志 貢生,考授州同知。」 馬 功字懋卿,天啓元年拔

張氏睿卿《書

未見。

鄭 元慶日: 睿卿字稚通,歸安人。」

四 DП 七

### 潘氏士遊《尚書

五十卷。

存。

道御史,尋謫官福建鹽運司知事,稍遷大 天啓壬戌進士,授行人。崇禎初,擢雲南 泰序之。」 理寺副。著《尚書葦籥》,錫 鍾嶔立曰:「青蓮潘氏,字叔獻,烏程 Щ 一高 僉事 世

徐氏大儀《書經補註》

六卷。

存。

曹溶曰:「大儀字象卿,貴溪人。

戍進士,歷官雲南按察副使。

崇禎壬申

天啓

壬

經義考卷九十一 自序。」

終

門人海鹽沈曾懋覆校

1786

史,改刑部主事,終員外郎。」

華府新志》:「徐可期,字烜父,永康

未見。

崇禎戊辰進士,除行人,擢福建道

御

#### 傅氏元初《尚書 撮

經義考卷九十二

秀水朱彝尊

田

四

卷。

論賞 復以一 典 渼溪 來而 共工,爲千古朋比之祖。 林胤昌序曰:「吾郡襟江 每念二祖列宗用人行政之大,克媲美於 知人之哲,獨推聖帝,然四岳舉舜,未嘗 放齊舉胤子,爲千古諂媚之祖 者。渼溪傅子既 下,可以遡洄,然郡士大夫鮮有爲此 謨,因撮史合經,名爲《撮義》,夫猶是 八萬縣 省視焉。余問 曰:『吾幼從父祖讀《尚書》,開卷見 葉作江上站 不效,未嘗議 卜其尊 廬 舟中往來所讀何書, 風 罪。 當時未設諫官 人宅兆 朝 帶海,扁舟上 月夕,乘潮往 吾忝諫官, 於美溪 驩兠薦 遊 具

徐氏可期《書經貫言》

四 四九

勝,訪 帙 榼 幼 刊 從父 舟 中 傳 曾 祖 海 與 子 所 内 渼 霖 讀《尚 矣。 溪 寰 於法 汎 余既羨渼溪之思 遊 書》也。」一 筍江、浯 石 則《撮 H 溪 義 溜 林 w 奇 已 塔 子 成 攜 而 諸

之章,爲坎坎河干之具, 才敏,志孝 而願忠,顧竊嘆以 因 爲 其娘 朗 誦 烺 説 天 命

楫,亦惟代言納誨,啓沃乃心。 三篇,拜手 颺 言 티 : 君 家 傅 嚴 今《撮義 濟 ĴΙΪ 作

筵啓沃之資。 稱引古昔,揚 日者聖天子 代,閑邪 轉 陳 景 義,足爲講 從 諫 側

席旁求,吾子其以《尚 稽古訓之一助,巨 川之濟, 書》進 有 ,爲恭默遜 如 此 舟, 贵 志

爲《撮義 序

獨

得帖

廬於江

上哉。」曾子

日

善,請書

序之。」

温 濟 元 初自 一尚 而 訓詁 跋 曰 : 舊 經生之習,愧未免 聞,參合經 齋 頭索居,餘 史,要求 焉。 忠 耿 真 集 耿, 實 中 · 掛 經 輒

球 俞汝言曰 付之剞 漏 辰進士,官給 尚 可 劂 續 增 無 渼溪 事 乃 因 中。」 示璞 就 傅 Œ 愚 氏 一有道 陃 ,晋江人。 滋 恧 繕 矣。」 寫 爲 崇禎

戊

#### 袁氏 八 儼 《 尚· 百家 解

六卷。

進 曹溶曰 士, 存。 高 : 要 儼 知 字 若思, 縣

嘉

善

人。

崇禎

戊

辰

其

書

董

尚

書

其

昌

孫氏承澤《尚書 集 解

存。

四 Ŧī. 0

難

遂

麗

府

君

口

授《

周

易》,

比

長

兼

習

《尚

尚

獨

治

統

所屬

道

統

寄

焉

,言心言

世

者

獨

孔

安

或

傳

而

余

垂

髫

先

人

家、《詩》分爲

四

春

秋》分

爲

Ŧi.

獨

以

書》爲樸學,不

好

,馬、鄭

諸

家

俱

失

傳

合朱子之意

乎

且

漢

X

表

章

, ,

易》有

數

?

謨》,遽捐

館

舍

其

餘

未

經訂

正

者

果

盡

篇,

輒請

Œ

朱

子,

然止

訂

二《典》、《

禹

傳》,大儒

著

述,

確

乎

可

循。

程、朱俱

註

書》,朱子

僅屬

之蔡

仲

默

氏。

仲

默

每

註

秋》有程子之《傳》,《詩》

有朱子之《

集

者果

盡

出

於夫子之所序

定

者

乎?

且

易》有

程子之《傳》、朱子之《本義》、《

春

承澤

自

序

日

:

註

經

難

註

尚

書

尤

難

尚

乃

夫

子

之所序定者,今傳

世

有

古

文今文之不

同

,有艱澁

平易之互異。

漢

人言《書》有百

篇

,今存者僅

及

其

(半,所

存

— 四 五

雲兩 珠; 之。今乃弁於每篇之首,以補蔡傳之缺。 《書》之有序,其言簡古, 傳,乃俱以爲箕子之言。此其失之大者, 其考證失真,如璿璣之璿,玉也,誤以 旋之説其實不誤,此不足爲蔡傳病。 學士劉三吾修《會選》 又蔡傳中有日月隨天左旋之説,明初命 或出於當日之史官,故程子、吕子皆尊信 余故曰註《尚書》尤難也。」 又《洪範》一篇,有禹之經,有箕子之 簡、潔,二河也,誤以 先生, 要 歸之明 顯 一書,改正其失,左 暢 即 爲一。 達 不出於孔子, 而 。如此 止 至於 尚 爲 若

史氏煒《尚書纂要》

《廣平府志》:「史煒,成安人。崇禎癸酉

未見

舉人,知縣。」

朱氏朝瑛《讀書略記

二卷。

未見。

江氏旭奇《尚書傳翼》

存。卷。

矣。 儒 益 旭 縣二公爲最著。 全》,於以 明 疏 奇自述曰 説,其不 迄今又二百餘 邇 者 嘉 經 惠 . 詭 筵 來 於經者,業已收之 他 進 學 或 如莫中 年,重 講 甚 家 厚。 命 則 儒 張 熙累洽,經 江 自 臣 江 氏、吕宇 元 收 陵、申 以 輯 無 前 出 教 大 遺

鄒氏期植《尚書揆一》

漏,名曰《傳翼》,又五年而始成編。 説,皆不可磨。 涇陽氏、 氏、黄葵 陽氏、 張 侗 初氏、 袁了 旭奇研 凡氏、孫 周 索十 玉 繩 年 氏 柏潭 -,删 諸 氏、 繁 所 時 補 詮 顧

陸 元 輔 日 :「旭奇字舜升,婺源 以

萬

曆戊午歲。」

貢入太學,授安岳簿,移台州衛經 歷。」

未見。

嚴繩 御史祁彪佳舉賢良方正,不就。 孫 曰 : 「字公寧,無錫人。 崇禎中, 學者稱

經畬先生。」

鄒氏期相《尚書 「筆指》

顧 氏

懋樊《桂林

未見。

孫氏弘祖《尚書詮註》

未見。

冲、文德翼爲之序。

其曰書響者,取孔壁

金絲之義也。」

繆泳曰:「錢唐

顧

懋

樊《

書響》十卷,吴太

存。

嘉興縣志 **\***: 孫 弘 祖,字令弘,簡肅公

植孫。」

四 五三

# 陸氏又機《尚書集解》

未見。

《平湖縣志》: 「陸又機,字衡 如, 由選貢

知日照縣事。」

陳氏弘緒《尚書廣録》

未見。

陸氏萬達《尚書講略》

未見。

《平湖縣志》:「萬達字天相,諸生。」

龐氏招俊《書經正旨》

六卷。

存。

陳忱曰:「任丘龐招俊脩予輯,其孫塏知

建寧府事刊行之。」

唐氏達《尚書臆解》

未見。

私謚淵靖先生。」 鄭元慶曰: 「達字灝如,德清貢士。 里人

沈氏辯《尚書印》

六卷。

四 五四

朱氏鶴齡《尚書裨傳》

十卷。

存。

姚氏之鳳《尚書定解》

繆泳曰:

「澣字則新、嘉興人。

舉業書也。」

存。

未見。

平湖縣志》:「姚之鳳,字叔瞻,諸生。」

金氏鏡《尚書評注》

未見。

莊氏日思《尚書説準》

未見。

興縣志》: 「莊日 思,字汝立,國 子

《攷異》

卷。

存。

之文爲斷,義解一訛,貽害非眇。 典章大政事,儒者朝堂集議,多引《尚書》 者,帝王之心法治法所總而萃也,後世大 駁,他經皆然,《尚書》爲甚。蓋《尚 然有訓詁不能無異同,有異同不能無踳 鶴齡自序曰:「古經之學,非訓 用牲于郊牛二」,而世遂有主合祭天地 詁不明, 如誤解

四五五五

之,遂 者矣。 者。 誤 誤 世 群 傳 以《 正 Ŧ. 西 及《書序》『 致辟,『居東』爲 及 不白矣。 罪 言 肅 北 遂 南 晚 解 解 洪 劉之 出 之徒 金金 以 但 郊 一謂 以 隋 範 臣 闡 其 誤 ~ 放 北 族」, 唐 妾 天 作 明 書》 誤 意 失, 解 君、 郊 開 之 成 變 逋 奥 贖 解 主 行牽 之 義 桐 遂 闢 未 越 不 王 逃, 旨 負 刑一, 一於 弱 説 官居 有 草 稍 東 海 愜 足畏矣。 伐 展 水 撥 合庶徵 信 者 萊 征 旁 學 顯 征 東 始 在 始 真 棄 前 憂』、『復子 及 矣。 無 者 夷 遼 以 甚 條 爲 以 注 母 孔 之心。 逾 東。 婦 一爲 伊、周 支,崑 黄 疏 「公孫 福 穎 族 於 誤 誤 而 簡 女 金 達 極 仲 解 以 故 馬 漢 妻 從 略 易黄鉄 爲 崙 碩 之 默 求 武 一弗 名 明辟 融 而 軍 族 九 之 膚』之美 即 物 之窮 事 其 鄭 介甫 矣。 古文孔 而 集 辟 族 疏 河 矣。 制 條 坐 傳 玄 矣。 源 兵 之 爲 誤 雖 度 文 貫 而 與

> 訂 之屬 夫推 念記 哉 準 精 傳 氏 令甲 此 風 全》 踵 今,坐 以 0 哂 亦 名《書 行 命 而《大全》亦置 -本宗 之時 余竊 攻 陳 多 不 日 儒 加 經 能 讀 不 洪 而 此 臣 生 無 用 ^ 傳 注 務 逮 疏 論 範 禹 劉 書 章 愍 訛 疏 會選》, 通 而 識 》者,九 貢 遂 嘆 句 察 作 知 筆 有 吾 者 **>** 廢, 而 遠 此 猶 傳 者 力 高 宜 等博 不 行,卓 頒 《裨 隔 閣 又其 附之,後 視 而 有 數 能 河 諸 不 紫陽《易》、《詩 重 不 傳》之 相 無 渠 採 學官。 誣 Ш 白 宜 後 然 乘 憾 遷 諸 . 首 ~ ~ 不 科 迷 稱 况 焉 又 説 改 書 所 窮 舉 有 望 以 可 其 如 經 由 眩 專 用 其 考 蔡 教 謂 後《 辨 作 若 仍 之 明 酌 取 傳 互. 也。 通  $\cong$ 也 儒 古 大 考 進 蔡 訛 未 初

文

<sup>0</sup> 淵閣《 真 四四 原 爲 庫 全書 空 格 據 朱 鶴 龄 尚 埤 傳 原 序 印

未 見。

禧序曰:

「楊子《書繹》既成,以

授其門

來崇· 沈磨 史家 默之後者哉。」 作傳,已不 之學,庶幾孔 事之體。 試之異代,而 應 鴻臚 筵 功廣 輒 滅 進 有 云 群 業 講,必 余之 異 爾。 盡 疑 詞 咸 同 或 堂之金 而 輯 出 則 若以仲默之書群然尸 斷 首 驗 紫陽之説,何 其 是 以 及《尚書》,誠 或不驗,不 余橋 八中,非 書 臆 石絲竹,不盡 也, 説 舌 務 徒 主 而 詁 古史記言 退。 獨 爲 可 疑 通 義 謂 以 於生仲 夫仲 至於銷 今適 三五 而 遠。 兼 祝 . 默 記 用 及 以 列 魏

不

閉 潘 刊 户 行 耒 《禹貢長箋》尚未雕印。 著 曰:「先生字 書 撰 述 甚 長 富 孺 居 所有《書裨傳 吴 江 之 北 郭 Ě

#### 楊 氏 文彩《

於章 禦寒 天; 其道 違天 舉 其 以 是 鳴 夫二帝三王之言天也,傳註 人 天之神化不借助於曆 而 何爲其然也?」禧 )魏禧 前 呼 切 經 而 知後世之必可 其確乎不 ,有王 ,故其大義之昭 近 去其 世 而 句 措之已矣。」 其不可見不可 於身心 應 無 文字之外, 禧再拜 事 紕 以 一者起 也, 駁,殫五 前 可 也 民 前 如 易 如如 稽首 以 用。 楊子 欲 舟 也,如華嶽之峙 恍 日 復三代矣。』楊 復 菽 之利 十年之神 :『吾以是書知之。 象,然曆象失占, 惚 明也,如 聞 作 是 斯民 粟之療饑,布帛之 日 乎古聖人之心。 書 也,則冥心力索 水,車 而 也,綜 於三代,則直 百 三代 歎 家曆象 曰: 日月之 明 之濟 百 而 地 子曰 『吾今 而後, 家之 會 陸 9 也 其 麗 則 通

措 以人 之爲 與 唐、 漢 加。 以 周 之化俗 雍。』《舜 湯、文、武 下之亂。 三代之治 下 衰 不 关 寸之間 唐文帝、太宗 ,幾至於三代矣。 虞其可 君,益、 未遠 當此 1,其間 可 之變,無 事救之。 無 復爲 所及。 間 典》 皆大聖 故 之時,有聖 人事 復 弑 而 伊伊 無 唐 日 日 ^ 不能 逆蒸 弗 矣 蓋自夏、商之季,浸淫 堯 虞。 聖 四四 三代 故 尹 有 開 乎 爲 人,其 人以 其後 典》 報 ? 者 躋三代 而 治 周、吕之爲 必 然其立身致治之道 若夫三代之治 ,故其 · 区 人出焉 天 方 日 禧對 救之, 萬 雖 可 去 氣 風 . 慝 里 有 復 於唐、虞。 堯 未 「黎 動。 、勢已 女好 日 昇 禹 也。 以 漓 、舜 則 完,如 . 平,四 臣 救之,則 民 有 湯、文、武 爲三代以 『唐、 極於 故 不過 且 加 於 非三代 其 夫禹 漢、 聖 變 海 嘗 幾 無 至 天 虞 治 刑 觀 微 唐 於 F 時 去 人 爲 化 口

其勢必 文彩 是爲 問 去三 生。 以 絶 其 作《尚書繹 説、周公之學,苟 可 鳴 唯唯,再拜 庶幾得三代之所以 是予之志 天下 井 於 日 呼 禹、湯、文、武 崇禎 字治文, 三代 年未二十, 王者師 地,孟 代聖人,蓋已千 天 是必 ·亦第 F 有 戊 所 不 也 ※
必 而 其 世 子曰 也。天生聖人,爲 辰 如 可 變,三代 退 ,汝其以是言弁諸 勢 有 晚 復耳。 漢 馬、 浣 用 自 0 亦 即 號 取 唐 有王者 宜 手 登 期 教 是書 極 湯、文、 百 又墓 復。』楊 極 執 其 有 極 授 水,學者 今天下之亂 盛之治 蓓 身, 筆 恩 所 盛之治已 弟 而 蓰 表 選 起,必來 復。 子, 下 武 法 日 日 : 而 子聞 貢 之, 志 之 斯 而 昔滕 不 多 稱 册 士: 『 吾 伊 民 止 爲 口 至 數 先 "。』禧 愚 之 主,上 已極 然 取 尹 數 君 水 文公 方 先 數 生 以 干 日 、、傅 計 先 声 年 對 生 後 百 爲 而

禧手謂曰:『《尚書》三吾一人書,●當見 於天下後世。』書凡十二卷。」 火,器服盡燬,惟《書繹》存。 一帝三王,奈何不敬。』書未成,先生之屋 病將革,執

### 黄氏宗羲《書經筆授》

### 錢氏肅潤《尚書

存。

先生弟子,隱 繆泳曰:「肅潤字礎日, 居十峰 十艸堂。 無 錫 人。 其説《書》 馬素修

本於馬。」

沈氏嗣選《尚書傳》

四 卷。

存。

傳》,友人勸併及全書,予謝未遑。今歲 者,潛心弋獲,不可使之埋没。 更爲蛇足,惟是微言大旨,前賢所未 之也。予意因文釋義,蔡傳已明者,不必 見近世大儒如鄧潛谷、郝京山之書,非無 稍多暇晷,欲思著述以自見,遂有事焉 可觀,然覺功多而用少者,由於句句而 嗣選自序曰:「乙酉避亂葭川,作《洪範 乃每篇各 發 疏

0 八《楊一水先生墓表》(清 尚書繹非吾一人書」。 尚書三吾一人書」, 據魏禧《魏叔子文集外篇》卷 《寧都三魏全集》本),當作

作一 論,其章句之間有獨得者,亦疏 而記

存。

右山陽閻百詩、錢塘姚善夫、桐鄉

錢曉城三家,皆攻《古文尚書》者。

之云。」

繆泳曰:「嗣選字仁舉,嘉興貢士。」

閻氏若璩《尚書古文疏證》

姚氏際恒《古文尚書通論别僞例》

錢氏煌《壁書辨疑》

六卷。

毛氏奇齡《古文尚書冤詞》

八卷。

存。

尚書》之僞,作此爲孔安國、梅 右蕭山毛氏見説經者多攻《古文 賾

訟冤。

經義考卷九十二終

門人武定李姓麟覆校

#### 經義考卷九十三

秀水朱彝尊 田 校

世宗皇帝《書經三要》

明

未見。

**無** 黄虞稷曰:「三要者、《皋陶謨》、《伊 逸》三篇也。 嘉靖 四 年 + 一月,帝 訓

周 書 ・無逸》 篇,與 聖 祖 御 注《 洪

篇,皆治天下大法,因 命 輔 臣 撰序刊

文氏彦博《尚書二典義》

卷。

存。

尼討 彦博進表日 論《墳》、《典》,斷 一一一一 伏 覩 《尚 自唐、虞以下,訖 書序》曰: 一一一

《洪範》雖演於箕子,而原出夏禹,且注自 《洪範》居首,次《伊訓》,次《無逸》。以 《洪範》體式,因經分注,直解肯綮,繕寫 布。 等篇通加注釋,名曰《書經三要》。」 略》一篇,後將《臯陶 與聖祖同心一德,兹欲刊布 聖祖,序之先後宜然。 及二書,分爲三册,共爲一書。 成書,以備觀覽。 大學士費宏等言皇上勵精圖 已復有旨,再注《伊訓 謨》、《伊訓》、《無逸 已乃帝製《洪範 ,亦宜依御 宏等請以 治, 序 注 真

以訓 篇 或 稽 能 並 制 於 道,固其宜矣。 揆,輒於二《典》之中,采掇事義數條,兼 於安天下之民,天下幸甚。 勉進之。 忝位保傅,得侍經閣,爲幸已深,又不自 説《尚書》,蓋聰明文思,稽考古道,垂意 義附之,庶幾 一,而孟 周。」 古。 云曰若稽古帝堯、帝舜,以謂二帝並 垂 順考古道 ,坦然明白,可舉而行。 傳,或理有切近治體,亦 世立教,示人主以 所以 恭惟皇帝陛下日御經筵,集講 今臣 軻陳堯、舜之道於齊王之前,欲 而行之,乃知人主之聖必 堯、 粗 遭堯、舜之時,陳堯、舜 臣 舜二《 有 愚不勝區 所 備 典》 0 軌 堯、舜二《典》 夫以 爲《 臣以衰殘 範,帝王之 區之誠, 謹 以 書》之首 齊之霸 愚 短 之 官 由

程子頤《堯典舜典

《宋志》:

陸氏佃《二典義》

《通考》: 未見。

陳振 孫 **E** 陸 佃 農 師 撰。 佃 爲 Ŧ. 氏 學,

長於考訂。」

范氏後《堯典論

存。

録

以上進。」

四 六二

羅氏欽順《堯典説》

陳氏櫟《堯典中星考》

篇。

存。

篇。

汪氏疏《九族考》

**晁氏** 說之《堯典星日歲考》

卷。

存。

載《嵩山集》。

存。

貝氏瓊《中星考》

篇。

存。

德人。 錢謙益曰:「瓊字廷臣,一字廷琚,崇 領 鄉 薦,張 士誠 據 吴,隱於殳

六年,除國子助教,遷中都國子學助教

山,累徵不就。

洪武三年,徵修元史。

致仕。」

1801

程氏廷策《中星圖説》

一卷。

未見。

吴氏觀萬《閏月定四時成歲講義

佚。

《徽州府志》:「休寧人,字亨壽,篤尚考

亭之學。」

來氏汝賢《虞書解》

未見。

袁氏黄《虞書大旨》

未見。

茅氏瑞徵《虞書箋》

二卷。

存。

瑞徵自序曰:「古稱極治,唐、虞尚矣。 造動色相戒,一則曰『無怠無荒』,再則曰 是動色相戒,一則曰『無怠無荒』,再則曰 原無若丹朱傲』,曾未嘗以神聖諛其君,而 其君亦不敢寬然以神聖自命,兢兢業業, 其廷 於書,亦烏覩所謂泰寧之象哉? 其廷 之干羽,尚煩訓定,而猾夏震師,紀述不 其君亦不敢寬然以神聖自命,兢兢業業, 大句

沈氏顏《象刑解》

契、臯、夔之後。 頃歲邊庭告警,水旱時

聞,大似唐、虞儆予之日,惟諸臣共以堯、

舜事君,而無虚以堯、舜頌君,此

亦千載

堯、舜,而廷臣

將順不遑,卒遜處於稷、

此帝王相傳之治脈也。

今主上每事誦法

.堯、舜其猶病諸。』只此一念,便足千古,

存。 載《唐文粹》。

程氏大昌《象刑説

帙,漫題

日

《虞書箋》,

蓋

日

此其

最

淺

淺

,予未有知云爾。

崇禎壬申。

讀之,意有所會,輒次數語簡端,

久 便

成成

時矣。南局多暇,日取唐、虞論治之書

羅氏巡《六宗論》

存。

載《路史·餘論

篇。

四六五

# 戴氏亨《人心道心説》

篇

供

倪氏思《昆命元龜説》

老

宗 倪 翰 葉 爲 時 拜 得 董 文節 臣 父 林 紹 老 一賢 思 權 佚。 翁 一時恭聽王言 公 爲 直 疏 流 日 思 大 陳 甚 涕 帥 司 晦 駭 寧 謂 馬 福 偶 宣 皇 漢 閫 有『允執 用 嘉 示 帝 ,不暇指摘,乞下思 即 昆 右 定 將 束裝 命 初 相 禪 於 右 位 其 拜 奏疏 元 大 中一之詞 相拜 右 龜 司馬 相 謂 事 表 制 哀 麻 疏 以 當 帝 時 盛

僻 辨 舜 州 此 至 朝 知 非三公故事 周 敢 以 元 相 中」之詞 云『允執其 而 詞臣 書也 特 自 相 密 明 議 龜 示 再 禹 即 故 辨 出 七。 趙 日  $\pm$ 晦 麻翰 揖 具 使宅百揆』之語 何從 典,頗 普 免 制 於 遜授 何 申 據《漢 H. 晦 而 中一, 嘉定 所居 林 朝 不懲無 以 而 謂 日 下 翼 質於文忠云。」 受之語, 權 異? 省 今『昆 援引此言? 臣 私 日 官。 || 書》董| 初 蕭 調調 直 凡拜 一嘗詞 除 憤 咸 陳晦 元,史忠 以 若 -御 謂 陳與真文忠最厚,蓋 命 示 遂 相 科 一賢爲 見於《 聖 史, 此 元 昆 之 後。 麻 忘 時 放 Ŀ 乃 龜 筆 命 遂 詞 倪 獻 故 思 大司 受此 初 堯 大禹 也,有 文節 用 文節 E 元 彌 典。 與 無 禪 思 章 元 龜 遠 『允執 是 馬,册文 非 麻者,豈 舜之文 遂 徧 謨 思 拜 以 意,不 見 龜 不 此 知 不 藩 舉 右 其 福 復 事 本 非 乃 派 臣

之 備褒譽 趙 其 合取 奏,且 比 清 适 乃 揆 侍 稱 黨 得 論 不 0 事 語 上 一師 以 相 , 乞行貼 辨 制 鼎 御 安 聖之和 下 史,遂 白 爲 會 制 顧 然 云 謂 錫 此 在 文顯 昔 詞 蘇 云 人臣 此 而 帝 蓋 無 當 爲 歐 臣 事 師 不 用 異 演 時 麻 具奏之,其 褒 日 河 不當 合 陽 乎 自 是揖 日 符 亶 述陛 惟 於象賢,『昆 譽 北 與 修 ? 明 史相 知 由 師 舜 然 韓 用 轉 不 論 乎 遜授受之語 下 恭 竊 錫 師 亦 侂 之 合 ? 運 韓 與『乃言底 卜相 聽 得之甚駭,遂 見 之公。』陳 錫之公。」 胄 未 語 詞 貼 琦 使 王言 曩 給 9 敢 内云 麻 時 以 之意 命元 富 之 舍 用 臣 有 詞 所 弼 臺 故 人 觀 時 文 甚 龜 臣 諫 誠 蔣 敢 臣 滋 而 口 范 陳 有 尚 事 明 之 芾 績 孫 援 使 仲 不 以 方 制 拜 晦 又 書 宅 此 當 有 近 艱 聖 豈 行 表 而 己 詞 淹 沈 行 所 於 之 洪 思 用 百 除 繳 爲 武 會 得 V.

段 違,既 茂 台路之先。」 膺 營 愈言 見祥、端扆 虚 以 謀 韋 禹 官占惟先蔽 禹 禹 該 中 質枚 枚 求 本 拜 謨 位 僉 日 制 素相 語 被 · 龜 方獲, 朝 稽 1 》之文: 同 云: 驗 枚ト功臣 實 首 宰相制詞 鬼 自 詢 1 筮 言言 此 制 以 協 或 神 謀 契 朕 而 古 志,昆 陳 類 其 之協 謀。」 愈 具 枚 志。」 定 辭。 皆 惟 甚 執 依 同 瞻 1 制 可 國爾 考之,吕 多 中 艿 無 曾公亮 命元 帝 惟吉之從。 績 龜 出 稽用 不不 惟 制 從。」 趙 王 陳 日 非 統 好 僉 不 日 龜。 鼎 欽 康 用 敢 興 協 師 『考嘉 矜 毋, E 若 富 夷簡 制 伯 制 盡 從, 戎 大禹 言之錫, 汝 朕 制 弼 日 制 惟 朕 舉 : 諧 卜不 朕 志先定 帝 制 日 制 日 志 汝諧 謨》 言 日 日 : 日 唐 拂 先 績 龜 習 從 不 . 定。 人作 此 詢 弗 進 廟 龜 而 一大 古古。 再 禹 今 克 堂 遂 或 詢 於 惟 居 而

裴 作 合 《左傳》皆 舜 凡 大 昆 龜 龜 試 此 日 兩 可 「允執 臣 小, 事 待 貼 命 度 歷 詔 官 的 兩 書, 改 所 拜 證 元 全 亦 選 字, 朕 其 未 軾 陳 倪 龜 其 相 句 E 中 群 命 日《 嘗 或 皆 爱 後 然 於 思 事 繼 可 后 不 制 不 昆 爲 初 文 輕 用 得 理 臣 吕 攷 立 0 再 蔽 命 甚 命 侮 比 旨 趙 禹 節 大 不 也 作 又 自 --以以 龜 明 元 朝 普 事 至 作 敢 防 人 有 0 相 朕 龜 廷, 拜 於歷 陳 辨 援 所 聖 甚 具 今 云 如 志 胡宗 説 相 本 晦 析 此 肆 E 的 ~ 有 思 爾 ×, 云 朝 洪 援 試 爲 言 同 切 己 制 乃 瞻 賜 備 蘇 愈 狀 範 例 諸 證 之 者 誣 降 以 E 文 古 載 天方 × 詔 軾 其 難 明 漢 图 相 董 彦 恐 人 唐 始 草 ^ 屢 可 哀 麻 舉 賢 周 詢 元 博 未 末 賜 賚 用 蓋 云云 册 事 詔 又 特 禮 和 是 無 即 於 范 -子。 歷 然 專 降 文 罪 不 無 中 元 命 亦 純

> 激 佳 世 時 而 公 陳 論 之 論 多 辨 以 雖 文 詳 節 出 終 位 不 而 若 言 不 用 近 之 於

爲

忿

王氏惲《百獸率舞説》

一篇。

存。

《漢禹貢圖》

一卷。

佚

儀 汴 利 後 渠,乃 功 害 漢 書 業 應 引 有 0 對 見景 王 成 敏 景 給 乃 傳 賜 帝 問 景 善 以 ^ 理 永 之。 Ш 水 平 海 形 + 又 經 便,景 以  $\approx$ 年 嘗 ^ 河 修 陳 議 渠 浚 其

立

垂

制

加

賴

其

用。

三代置其官

或

中

厥

職

暨

漢

屠

成陽,

丞相

蕭

何

盡

收

秦

秀自序

日

圖書之設,由來尚矣。

自古

# 書》、《禹貢圖》及錢帛衣物。」

# 裴氏秀《禹貢地域圖》

十八篇。

事注列 《禹貢》山川 以 藏 世說者或彊 武帝受禪,官尚書令、左光 舊文,疑者 於秘 爲 書》:「裴秀,字季彦,河 司 佚。 府。 ,作《禹貢 空。 則 地名從來久遠,多有變易,後 牽引,漸以暗昧。 秀儒 闕 ,古有名 地域 學治聞 圖》十八篇,奏之, 而 禄大夫,久之, 職 今無者 東 在 於是 聞 地 一,皆隨 喜 官 甄 以以 摘

之圖 吴、蜀 或荒外 路 遠 大川 定所由之數也 望,所以正彼此之體也。 邑 陂澤,古之九州,及今之十六州 蜀、深入其 大晋龍興,混一六合,以清宇 不設分率,又不考正 何 或有差。 迂直 疆 近,山 所 日分率,所 得 界鄉 地圖 地 迁 雖 ,此三者,各因 惟 圖 川險易,征路迂 今上考《禹貢》山 誕 有 今秘 陬,及古國盟 有 + 岨。 魔廳 之言,不合事 漢 以 八篇。 蜀 形 書 時 辨 土既定,六 文皇帝乃 四 皆 既 輿 廣 日 無 準望,亦不備載名山 地 不精 制 輪之度也。 高 地 古 及 啚 直,校 下,五 會 之 而过 三日道 括 實,於 審,不可 之體有 命 舊 軍 海 地 制 地 名 所 有 宙,始 Ш 諸 圖 宜 驗 E 司 郡 義 所 流 經 雜圖 方 圖 里,所以 水 又 六焉 依 邪,六 無 記 於庸 以 撰 無 陸 或 原 日 地 取 校 訪 徑 縣 準 隰 光 域 蕭

曲 因 鉅 矣。 路之數必 有 里,則施於山 於一隅,必失之於他方。 夷 定於高下、方邪、迂直之算。 定於分率,彼此之實定於道 道 遠 直遠近無所隱其形也。」 ,皆可得舉而定者。 險 海之隔,絶 故以 之異 里 近之差。 而 此六者參而攷之,然遠近之實 與 無 也 遠 高 海絕隔之地,不能以 域 有圖 下、 有分率 近之實相違,失準望之正 殊方之迥, 方邪、迂直之校,則 象 而 而 準望之法既正, 無 無 有準望 準 分 里,度數之實 登 故雖 望, 率, 降 詭 而 雖 有 則 相通。 曲 無 得 峻 無 之 徑 則 Ш 道 之 以

無名氏《禹貢圖》

府所藏,有《夏禹治水圖

頭

無無

錫

義

熙中,爲散騎常侍。

今御

宣

和

畫譜

\*

顧愷之,字長

康,小

字

虎

一卷。

佚。

右見唐裴孝源《貞觀公私畫史》。

孔氏武仲《禹貢論》

存篇

毛氏晃《禹貢指南

顧氏愷之《夏

禹治水圖

卷。

佚。

二卷。

未見。

未見。

昆山葉氏《菉竹堂目》亦有之。 册,不著撰 《文淵閣書目》有《禹貢指 人姓名,疑即晃 南

#### 程氏大昌《禹貢論》

五卷。 《萬卷堂目》:二卷。

#### 《禹貢論圖》

宋志》:五卷。《萬卷堂目》:二卷。

未見。

#### 《禹貢後論

宋志》:

諸 同 輒闕 諸 彭 子文字,未暇究竟也。 日 侍從講《尚書》禁中,門下省頒行其奏劄 守程公偕冠而中弟子員,俱業《書》,又適 先生難言之。 載之《禹貢》者,僅餘千言。 其六。』予聞之有會於心, 有圖,其已久矣。予嘗恨古圖不存,歷世 悠遠,功緒汗漫,故圖以著之。 而賜以《禹貢圖》。 而書法嚴簡,絕非一見可以 :『《禹貢》大川七,而諸 儒 椿 儒之説未能通貫。 一舍,每相與談經,至不安處,輒 然不滿。 耳受臆決,無所稽據,每對《禹 年序日 : 漢水平間 紹興 馬 迹 初,肇復大學,與 日 所及, 時 圖 淳熙四 詔 方事 云者,爲其道 而 其施 儒 周 遽解 遣 疑其是 沿 塲 遍天下,而 年,程公以 王景治汴 則《禹貢》 襲,乃譌 屋 ,故薦紳 置閎大, 正之 作 共 、今泉 貢 里 舉 嘆

未 篇 夏 辨 予 以 公 稽 協 爲 事 本 論 論 難 而 有 之 嘗 以 乃 禹 爲 嘗 IE. 取 文 程 案 垂 巾 加 證 數 之 指 經 後 奏 見 始 公以 一見 以 經 語 因 源 千 圖 皆 指 E 語 歸 以 事 俾 流 請 上見之大加 措 其 子 年 説 者 敷 其 爲 mi 之 圖 本 熟 觀 而 間 書 聞 理 聞 之 所 文 出 而 著 之, 來 執 而 E 州 也。 宗 諸 閣 據 + 其 此 而 之 復 規 F 御 域 程 直 學 謂 救 經 當 有 於 之, 矩 耐 六年, 講 更 公 學 士 是 者 褒勞 證 正 論 程 以 後 革 殿 大 欣 則 士 者 0 前 以 公 采 格 則 夫 其 然 論 來 詔 出 問 人違悮 至 Ш Ш 具 方圓 必 取 又爲《 稱 鎮 管 書 出 其 凡 黑 ][[ 111 其 歷 以 付 其 條 泉 Ŧi. 副 閩 事 雷 水 迹 其 協 世 秘 後 + 精 理 本 者 道 南 舶 其 不 地 其 諸 所 載 書 論 有 博 詳 隸 者 其 相 不 暇 明 知 亦 經 籍 率 省 備 虞 示 合 皆 皆 則 H 年 實 藏 爲 ௱ 以 知

之於 求其 誤 若 語、 别 溢 經 據 者 南 是 子之言 棄 水 禹 禹 之既 爲 九 爲 不 ,貢 口 奇 有 實 漸 貢》,若合符 貢 故 祭 取 傳 地 西 河 》以 聞 道 被 狀 惟 有 于 漢 之 理 西 日 世 聲 而 異 輿 而 其 淪 出 禹 嗚 黑 教 歲 河 濟 而 教、 圖 指 地 迹 於海 子 且 呼 之 漢 水 之爲 天 史 自 人菏 皆 荒 其 之人 日 之 節 中 甫 志 乃 口 出 亦 自 忽 奏 之漢 謂 知 以 之 至 高 濟 若 之誤 勤 無 此 誕 御 南 衆 江 立 所 求 也 語 口 矣, 規 所 謾 之 實 之 之 載 本 稱 辨 也 摹 坐 歷 差 星 不 語 非 當 兵 而 無 精 以 耐 爽。 以 世 加 辰 潛 可 爲 知 博 H 其 無 至 至 致 出 禹 師 之遠 案 派 其 者 行 言 於 子 於 也 使 河 核 地 故 不 語 稗 」。」程 則 始 嘉 東 而 濟 驛 執 漢 也 也矣 下 誣 不 説 其 念 質 水 陵 之 西 河 以 也 從 荷 之 之 通 悉 怪 所 爲 朔 江

所

進

禹

貢

論

圖

也

,子見之乎?」

大

再

拜

疑

之

餘

出

示

書

編

日

此

程

之

舊

得

其

副

本。

應

行

日

樞

衣

彭

公

之

温

陵

而

編

修

彭

公提

舶

於

此

與

公

有

口

舍

見

mi

不

可

得

歲

在

庚

子,公

以

法

從

出

守

大

哉

言

乎。

其

本

藏

之

秘

館

天

下

學

者

欲

暨

朔

南

爲

惓

惓

之忠

盡

在

於

此

鳴

呼

爲

論

爲

圖

啓沃

帝

心,

且

以

東

漸

西

被

教

筵

,進黑水之説

E

一動

天

聽

大

以《

禹

貢

陳

應

行

後

序

日

閣

學

尚

書

程

公曩

在

經

.

陳

君

應

行

請

以

其

著

刻

木

郡

庠,布之學者

而

求

予

文爲

表

子

不

容

辭

故

爲之書

所

得

褒

寵

亦

不

止

義

訓

之

近

也

郡

博

士

禹

貢

 $\leq$ 

於

古今山

]1]

地

理

無

不

該

貫

最

9

爲

難

明

卿

著

論

以

要

其

歸

爲

功

甚

大

則

既

知

其

志

之不

狹

矣,

從

而

褒

諭

之,

日

拳

不

獨

爲

夏世

故

書

發

語

而

已

聖

天

子

亦

大 海 昌 九 自 州 之 序 面 日 「勢,名 臣 惟 Ш 大 帝 ĴΙΪ 王 之 臨 向 御 天 下 九 夷 凡 兀

●「與」,原作「爲」,據四庫本、薈要本、《補正》改。

之地 役 天下 唐、 道 自 濟、 矣。 也。 地 大 大 大 蠻 不 也 禹 ][[ ][ 其 大 平 略 之 蹟 世 官 黑 虞,其 而 孔子 哉? 然 爲 得 品 傳 天 前 巾 不 禹 所 水 是 品 成 迷 以 始 域 失 而 遭 不 功不 處 書 不 弱 今具 審 採 遺 實 極 得 必 大有 則 者 夷 也 所 水 天 録 範 蓋 愆 先 能 濬 水 七者之真,正 夏, 七 施 載 高 所 F 而 此 即 究 於 外 爲 也 距 繆 置 之《 紀 詔 播 Ш 大 之以 素 其 禹 之 有 七 其六。 故 而 之 ][[ 蓋 敷 既 者 主 知 曲 白 連 禹 其 效之於 書, 政 奠 自 將 所 折 地 帝 貢 宇 如 經 教, 指 是 表 7/ 人 圖 贵 **>** 則 王 猶 宙 江 陟 畫 以 裹 主 志 必 直 使 禹 雖 避 惠 必 事 而 不 而 淮 功 之行 當 苟 而 措 然 爲 能 四 以 其 E 礙 洂 力 名 行 取 海 主 之 奠 後 欲 河 口 禹 以 有 越 所 罄 之 之 高 水 稽 法 得 爲 宅 追 方 稱 河 方 漢 高 者 者 者 行 會 洂 爲 水 無 出 111 撫

茫 書 準 情 辨 待 據 察 其 則 訓 賴 經 但 Ш 經 之 者 而 該 主 言 傳 ? 文 有 以 大 無 IF. ,於是躍 病 而 之外, 者 迹 實 矣 ||不 合 以 其 所 或 爲 臣 獨 字之間 簡 難 者之 可 其 焉 爲 ,見於千 不 施 ,質之旁史 經 爲 該 言外 然 以 據 置 猶 然喜 文 此 説 採 去 如 一之序 亟 顧 未 而 如 故 而 成 古 有 擇 人 見, 覺 奠 熟復 輒 餘 即 益 有 而 益 涣 方 也 一而 其 推 而 無 言 其 然 加 者, 遠 脈 經 然 其 ? 之。 簡 意 諸 信 欲 餘 後 參 縣 亦 不 疑 悟 簡 指 見 經 世 行 而 知 校 然 稽 既 應, 牾 研 必必 其 緜 口 得 文 編 務 聖經 則 知 諸 無 古 若 荒 其 雖 以 味 則 不 暨 且 士 其 宜 所 Y 説 存 總 既 該 簡 與 度 於 之 其 簡 而 情 越 無 乏 括 久, 禹 異 稽 則 考 之 通 要 而 則 而 少 則 可 物 後 接 之 古 中 忽於 據 於 於 盡 求 於 以 雖 將 理 若 其 精 凡 有 何 茫 事 此 以 屏 何 而

其

經

啓

功

用

日

東

漸

于

海

西

被

于

流

之傳

貢》,未始

非

臣

之

之愚

或

於天

矣。』

貫

最

爲

曰

~

禹

.

明

盡

下

爾

臣

近

不

知

止

睿

訓

贵

寫

塵

獻

而

討

究前

篇

0

贵

史

也

積

費 道 代 周 前 汴 Ш 知 萬 有 又 也 著 暨 不 自序 監 世 始 不啻 11 所 渠 肉 汴 之。 能 聲教。」 則 曲 措 刑 二代, 若 時 規 若 縷 雖 而 折 也 夫 模 ^ 千. 而 大 苟 陳 聖 臣 後 百 Ш 不 臣 敵 河 其 百 蒙 於是念河、汴二水本 人 뻬 以 論 臣 出 其 ]1] 惓 世 特 文 或 方 亦 是 采 **>** 本 方 於 變, 遂 然 日 鄉 惓 物 不 無 知 擇 爲稽 禹 : 域 輟 位 所 不 郁 天 臣 所 而 散 願 可 爲 庶 置 郁 臣 感 所 致《禹 下 而 民 治 易 在 效 幾 惟 著 發 事 轉 則 漢 又 忠 世之患 几 便 禹 蓋 輸 未 論 以 其 别 創 貢 海 者 之水 嘗 於 之 笞 出 洂 撮 見 爲 9 省 狀 利 得 之 E 朝 其 杖 其 總 而 而

0 原作「 一」,據薈要本、《補正 》改。

之 誠 爲 比 極 云 當 辭 大 有 嘗 也 然 奏對 之, 關 謹 意 則 輒 此 忝 事 録 隨 而 至 其 進 見 睿 而 間 記 旨 策 夫 録 應 宣 畫 事 講 以 取 審 未 求 臣 爲 定 至 以 禹 而 備 不 此 逆 貢 臣 敢 稽 品 後 知 用 以 其 者 愚 區 論 愚 理 陋 實

篇 卷,專 載 黑、 改 見, 陳 五. 無 中 易 卷 牴牾 振 而 幅 淳 弱 興 圖 孫 以 因 論 書 欲 熙 水 員 三十 ,然要爲 日 唐 河、 目 數 決 几 七 . 禹 世 於 萬 年 大 汴二水之 貢 凡 地 ]1] L 里,身不 「《禹 0 心,定 卓然不詭 書 進 論 備 其 以 爲 五. 論 貢 於 爲 宇宙 正 于 二 歷 患。 論 江 於 親 舊 代 歷,耳 傳 五 隨 廣 篇 河、 Ш 又《 失實, 傳 説, 卷 矣, JII 0《後 淮 禹 注 烏 郡 目 上下 者 後 貢 漢、 皆 不 縣 保 論 也 論 論 辨 親 數 名 其 濟 置 證 八 皆 聞 稱

詔 或 周 大 Ŧ. 禹 昌 密 付 應 出 貢 祕 上 麟 曰 奥  $\leq$ 閣 . 曰 地 闕 禹 理 程 貢 文 論 淳 泰 疑  $\forall$ 巸 阜 義 之 五 儿 陵 以 + 疏 年 頗 天 説 七 厭 篇 官 其 月 之, , , 兼 詳 後 刑 經 宣 且. 論 部 筵 諭 多 》八篇 侍 宰 進 引 郎 執 程 講 外

身所 圖 魏 歸 一,世 恭 有 皆 履 簡 光 稱 跋 淳 公, 終 其 日 熙 精 無 而 0 辛 博 以 亡友  $\overline{\ }$ 然 H. 得 禹 泉 其 吴 予 貢 州 真。 論 以 純 舊 爲 甫 Ŧi. 刻 太史公言 家 十 二 Ш 也 藏 ]1] 有《 篇 土 泰 地 張 之 禹 得 此 貢 非 騫

説 ?

且

地

理

既

非

親

歷

雖

聖

賢

有

所

不

云

六

經

斷

簡

闕

疑

口

也

何

必

强

爲

之

也

]

既

而

補

外

知

朕

殊

不

曉

其

説

想

其

治

銓

曹

亦

如

此

0

宇宙間無所不有,不可以臆斷也。」十七年,使驛治運河土番朶甘思西鄙星 一十七年,使驛治運河土番朶甘思西鄙星 一十七年,使驛治運河土番朶甘思西鄙星 都太僕常親至其山,見鳥鼠來同穴,乃知 都太僕常親至其山,見鳥鼠來同穴,乃知 不可源,烏覩所謂崑崙者。元世祖至元

王氏炎《禹貢辨》

卷。

未見。

經義考卷九十三終

門人代州劉愫覆校

## 經義考卷九十四

秀水朱彝尊

男昆 田 校

余氏嘉《禹貢考》

陳氏垣《禹貢

佚。

《浙

江通志》:「陳

埴,字器之,

永嘉

未見。

卷。

者稱潛室先生。」

從學朱文公,舉進

士,以通直郎

致仕,學

《禹貢考》、《春秋地例增釋》。」 《閩書》:「嚞字若蒙,龍 改通直郎,主管嶽 一州教授,差浙 西 倉幹, 祠。 所著《周 谿 書 人。任 論 韓 禮 惠、 侂 解 胄, 潯

## 李氏方子《禹貢解》

未見。

《邵武府志》:「李方子,字公晦,光澤人。 特授朝奉郎。」 年,真德秀、袁甫 朱子高弟,自號果齋。 三人,累官國子録,通 取所著《 判 嘉定七年進士第 禹 辰 州。 貢 解 寶慶一 》以進

## 黄氏千能《禹貢圖

近古。

文詞

之習

回興,而

義

疏

之學泯矣。

同叔家故

害之也。

明經記

誦固不足以言古,然猶

貧,亦以教舉子爲業,乃能取古書天官

地

利所不在,誰復睥目視之乎?

又謂 刻 故 五. 《江西通志》: 道 事 意 讀 配 蕪没而難考,作《禹貢圖説》。 古今地 書 六 極 謂皇極 理無 「,則失之妄,作《皇 「黄千能,字必强,豐 一定之形神,禹 九 疇之統,漢 極 儒 疏 舉以 要 城人。 河之 論

### 孟 氏先《禹貢治水圖》

傅氏寅《禹貢

其 矣。 勒 同 而 曩得同 其名,黑水弗知所入,諸 斷以己意,名曰《群書百考》,《禹貢説 書則多方從人借之,月累歲積,而其學 杪忽之説,究觀篤攷,窮日夜 志、律歷權度、井田兵制、分寸零整、乘 一也。 叔 成 未 遂取其書,事爲之圖,條列諸説, 決 Ľ 矣。 者 家之言,是固 叔此書讀之,蓋躍如也,然間有疑 夫説《禹 方圖與之講 以 同 叔之 貢》者多家,三江莫定 不 用 切, 可 如此類甚衆。 Ι. 使之 如 會 此 加 不惕,無 無 其 之,而 傳也。 至,既 余 成 蓋 而 除 是

闕。

存。

喬

行簡序日

:「今學之不古若,科舉之習

晚 有取焉。 貢説》出之,庶幾留 百攷》文多,欲鋟之板 而 同 叔 姓 傅 意 ,名寅,烏 此學 未 辦 將 傷 求 姑 人 證 摭 也 於 其 是 蓋 者 禹

之屬

世

儒

置

不講

者,

靡

不

窮 究

訂

其

譌

學者稱之曰杏溪先生。」

天文、

地

理、

明堂

封

建

井

田

律

歷

兵 制

吕 祖 儉 日 同 叔《禹貢圖考》,可 謂 先

儒之大成

益友 問 葉適 曰: 黄溍曰 難 『職 也。」及聞其 皆 日 : 方輿 有援 同 鄉先生傅公,從説齋唐公質疑 叔博通古書,特有隱趣。」 地 據 盡 可 升陑、分陝之説,語 在 反復,説齋喜曰 同 叔 腹 中矣。」大 門 愚 吾

諸 先儒之大成矣。』揭其圖,請 能者受教於人,理之所 生 以 聽 月 且 曰 : 『以 所能 在 初 者教 申言之, 無 彼 人,所 此。」先 而 不 坐

生亦樂爲之盡

,亹亹不

.倦

金華志》:「傅寅

(,字同

叔,義烏

於

徙居 與余爲同里云。」

### 易氏炭《禹 | 貢疆 理記》

戴氏蒙《禹貢

卷。

集

吕公閱其《禹貢圖考》,曰:『是書可謂

鄒氏近仁《禹貢

未見。

先生。」

胡

石塘學,隱

居

教授,學者稱爲潛

齋

温州府志》:

「剛字公潛,平陽縣人。

從

朱氏右《禹貢凡例》

林氏洪《禹貢節要》

卷。

王氏柏《禹貢圖》

卷。

未見。

按: 西亭王孫《

萬卷堂藏

書目》

陽丞

,嘗問學於楊簡,著《歸軒集》。

陸

元輔曰:

「近仁字魯卿,鄱

陽

官龍

佚。

張氏性善《禹貢沿革圖》

佚。

王氏禕《禹貢山川名急就章》

陳氏剛《禹貢手抄》

篇。

存。

卷。

四八一

1819

兀

存。

其 謂 行 生 夭,上 青 及 法 致 原 右 逾 日 日 下濕 水 謹 之人,二水勢均 而 黑 土 丘 字之間 貢 自 從 功 謂之同。 涯 色 再 稹 日 賦 序 日 而 得 亂 竦 黎 無 績 封 日 日 有 日 其 日 日 成 1沿,舟 苞。❷ ?,含蓄. 玄 塊 辨 大水合 域之事 隰 喬,繇言 Œ 可 日 其治 也 日 愚 ·山 日 種 而 陶 壤 讀 行水上 其水道 殷, 無 E 疏 其 功 南 小水 高 相 土 言 藝 盡 日 除 載 禹 日 其茂 經 平. 人 黏 簡 壚 陽 木 九 貢 始 謂 可 日 日 因 日 如 義 州  $\forall$  $\Box$ 日 治 治 過, 浮 水 之會,會 水 條 陸 埴 其 書 刊, 密 而 Ш 之謂 日 , 絶水 入水日 北 言 小 草 Ш III 知 义,順 瀦 祭山 脈 詞 日 其 水合 木 ]1] 聖 地 之載 起 水 嚴 汭 長 少 廣 而 而 人 理 達 日 日 意 日 0 叢 其道 之 長 平. 合之 大 渡 曲 地 旅 墳 澤。 周 水 循 已 高 書 曰 折 日 日

> 詮 四 盡 日  $\exists$ 次 + 包 錯 平. 以 治 其 待 而 便覽者。」 謂 干 貢 命 之 ·萬 賦 E 既 錫 常 世之豐 非 獻 其 日 賦 功盛 貢 物 法 日 最 德 器 錯 薄 盡 盛 在 日  $\Box$ 凡 貞 是 篚 例 矣, 包 雜 不 大 调 裹 出

# 郭氏餘《禹貢傳注詳節》

一卷。

佚。

府 楊 記 經 士 誦 奇 者 歷 E 郭 也 慶 :  $\overline{\wedge}$ 先 宜 禹 生 先 貢 生 治《書》,當從 傳 删 注 節 詳 傳 節 注 **\***, 爲之, 元 先 進 友 1 以 湖 戴 便 州

0

<sup>●「</sup>條言其長」,原作「條無甚長」,據四庫本、薈要十

邁養高講習,●其授受有自云。」

《江西通志》:「郭餘,字慶宜,泰和人。 洪武中,徵授廣東按察司僉事。」

## 葛氏大紀《禹貢要略》

卷。

未見。

鄭氏瑶《禹治水譜》

卷。

未見。

夏氏寅《禹貢詳節》

張氏吉《禹貢疑誤辨》

學副使,終山東右布政使。」

十三年進士,歷南京吏部郎中,陞江

一西提

正統

篇。

存。

楊廉撰碑曰:「公諱吉,字克修,餘干人。 成化辛丑進士,仕至貴州左布政使。」

劉氏龍、徐氏縉等《禹貢注解》

未見。

貢傳注詳節》(影印文淵閣《四庫全書》本)補。 戴」,原空一格,據楊士奇《東里續集》卷十六《書禹

一四八三

未見。

《姓譜》:「夏寅,字正夫,華亭人。

尚 龍 乙丑進士,歷禮部侍郎,謚文愍。」 陸 字 元 舜 益 輔 卿 曰 文安。 8 弘 治 明 縉字子容,吴縣 己未 世 宗 進 命 士第三人 劉 龍 徐 人,弘 歷 縉 撰 禮 進 治 部

### 韓 氏 /邦奇《禹貢詳略

存。

邦奇 公心 歐 也 進 思 而 自序 得之學傳之家 誠 復講 有 所 後 序 考 説 日 者 也 日 . . 「略者,爲吾家 舉業也。詳釋之者,俟  $\overline{ }$ 弘治丁巳。」 **塾者**。 禹 貢 分詳節 往 歲 ×, 初學 愚 迺 苑 承 子 王 洛 朝 其 弟 韓

適

公奉命總

理

河道

於濟

寧

愚復備屬

東

而 後

繼之以物土宜,定

田

制

經

賦

法

通

子弟者,非敢傳之人人也。」嘉靖

乙巳春,

Ш

111

以

緯

之,每

州

之下

奠

Ш

川

豬

藪

知而

求傳之,公辭曰:『此特

以

教

我

臣謂《

禹貢》大旨,分叙九

州

以

經

之,總叙

撰

成《

禹

貢注

解》,

以供

覽

觀

用

意

勤矣。

### 桂氏導《禹 跡 九州圖

几 幅

未見

不傳。 繪《禹 圖 陸 左書,未 元 輔 跡 E. 頃者陛 九 嘗 州 偏 嘉 圖 下 一以以 靖 廢 命 四 禮 進,言:古人之學,右 後 年 部 世 十二月,吏部 侍 書 郎 籍 劉 繁,而 龍、徐 圖 桂 縉

學

讀 後學,不爲小補云。」 源 委,庶知公用心之勤 是經者本 獲 伸 前 請 其 、説以 公諾 研 愚 經 析 歸 義 郡 理之精 攷其 壽 諸 圖 有 梓 以 裨 窮 俾

兿

省覽。」

有

裨

益

大

命

左

右

揭

之

御

屏,

以

便

法

象《禹貢》之意

者舉在目前矣。

上曰

0

觀所

繪

置

具

知

忠愛,以

是開

發朕學,深

圖

卷。

義 彼 疆 子 西 於諸條之下, 玩 州 界於各州之中, 履 更附 荆 恍 治 淳 分南北, 如身歷 日 而 以 : 此 昭 功 家翁《禹 九有。」 加 代之地 亦 或 州 成。 地 境 而 雖 益 貢 貢 制 本 小 道 明。 圖 諸 愐 使觀 以 經 紀 并著之説, 至若 别 文,質 之必備, 者 開 列 河 卷 諸 Ш 表 披 傳 東 JII 或

劉 氏天民《禹 溯 洄》 之制

經

理

分明,本

末

具備

皇

E

誠

於

清閒之燕

展玩之,則不

·煩訓

詁

而

所

以

載《禹

貢》九州之域,其一

列《

(禹貢》

五.

服

而《禹

貢》

田

制

貢

賦

之略

焉

其

圖

重

爲

兀

幅

其

别

禹

九

州之限

而

禹

貢

 $\forall$ 

導

水之略

書

焉。

其

列

Ш

111

原

龍

縉

取

前

代

方

輿

形

制

合今日一統

地

經

生學

士徒

爲

考索

記

問

加

己。

臣

輒

於

施

教之次第,而

求

所以

『祗台

德先」,

非

若

存。

貢》以

考地

理之遠

近,

見

貢

賦

之難

易,

禹先後經理之本

末

總

成

功

定

対

建,

别

職

貢。

其

總

敘

於

後

卷。

未見。

兀 八 Ŧi.

## 曾氏于乾《禹貢簡傳》

卷。

佚。

《吉安府志》:「曾于乾,字思健,泰和人。 邑諸生,從羅洪先學。」

張氏朝瑞《禹貢本末》

一卷。

未見。

戊辰進士,歷官鴻臚寺卿。」 陸元輔曰: 「朝瑞字鳳梧,海州人。

隆慶

《禹貢辨》

卷。一云《禹貢解》,一

未見。

全氏天叙《禹貢略》

卷。

未見。

丙戌進士,歷官少詹事。」 陸元輔曰: 「天叙號玄州,鄞 縣 人。

> 萬 曆

> > 1824

三卷。

徐氏常吉《禹貢注》

未見。

何氏機《禹貢解》

焦氏或《禹貢解》

戚氏里貴《禹貢瑶琨》

卷。

未見。

蔣方馨曰:「戚里貴,字良父。」

卷。 未見。

卷。

陸氏大初《禹貢華末》

未見。

按:二書載山陰祁氏《澹生堂書

姜氏逢元《禹貢詳節》

卷。

存。

一四八七

萬曆癸丑進士,歷官禮部尚書。」沈蕙纕曰:「姜逢元,字□□,●餘姚人。

## 茅氏瑞徵《禹貢滙疏》

十二者

爰採 訂 屬 胼 誦 參以《大全》,諸 曲 疏 瑞徵自序 影響。 原本 脈 暢 定 讀 間 之餘 多多 猶 群 存。 起昏墊 在 碎 Щ 考蘇端 出 至宋 天 日 إال 先 彙 凡 壤 關 儒 爲 而登之袵席矣, 蔡 間 頗  $\sim$ 全書 儒 明《書傳》,意解各殊。 意 氏 禹 得 禹 也。 表。 論著,問 其 捃 貢》 貢 概 鴻 摭 而  $\Rightarrow$ 然 疑 一書 水 諸家之説 益 援 義 而三江 難 懷 神 引證 信 鋒 襄 禹 而 兩 起,因 之 手 九 孔 規 禹 據 明 摘 畫 氏 未 深 不 江 德 録 從 及 能 悉 註 封 辭 心

> 堂 聖 經 轉 於量衡貢 疆 木 知當若 窮 海 口 庶 111 可 吾民 内 人 制 漕 ,蒿目之憂,使 鄉 無 ,物土之宜 商 則 而 非有 逆 飛 方 無 窮 先事 可 淆,適 何底 寧 乎? 之 輓 苦 知 供 歲 (賦,差 九年之洪水,而 之宜; 累。 後 加 曲 聚 慎, 世 派 爲之防,計深 以 讀《 而布之利, 米 頃 故 暴 起 之畫 等 而尚 神 者 繼 察東 禹 其 君 異 Ē 邊 禹 以 言 貢》者 日 污 一錯 。 習 忍 鄙 持 南 水 日: 無 吏 以無名之箕 曾不 籌 時 早 之物 辨 漕 瀕河 藝之征 必 慮遠 詳 間 渠 晰主名, 則 有 底 遺餘力。 力,則 作, 之 壤 流 戈矛竊 九州 慎 以 老此 岐 定賦 離 · 前 每 財 財 穿渠 當 之 斂 來 賦 惟 賦 貽 不不 Ш 藉 恐 其 念 重 廟 黎 則

0

文淵閣《四庫全書》本),姜逢元字仲訒。「□□」,據陳鼎《東林列傳》卷十八《姜逢元傳》(影印

之利 漢 浩繁,可以一言以蔽之。 亦 黑水梁雍之辨 執今圖制疑古山 杼軸之空 九 何益孔、蔡之舊聞乎。」 河,源流 而 挈要於『底慎 , 攷甸 靡訂,此不離 三條 川,索碣 服之遺 四 列 財 制 石 如必字 () 人 經生之耳 地 左 則 派 右 當 臚 之端 語 比 興 分,兩 句 疏 樹 滋 櫛 藝 解

篇

,製木方丈,

圖

Ш

]1]

土

地

各有

分理,

離

庭,如掌見指,

此

亦

括

地之珠

囊

治

水

之

桑、酈經注,古今水道,條

分理

解

如

堂

一觀

金鏡也。

昔謝

莊

分《左氏》經傳,隨

或

立

之,以爲絶學。今平子殆可

以

語此。

平.

列

之則州别縣殊,合之則寓内爲

一,予每

嘆

子其勉之,更與玄子努力遺經,兄弟並

## 何氏模《禹貢圖注》

一卷。

未見。

有熊 服膺 弟 錢 寥寥乏人。 謙 益 以 南 沙。 日 爲 . 禹 可 「往余搜采國 近 或 貢 與二公接 見 初 解 則 何玄子之注《易 》,上自《山 有趙子常,嘉 踵者也。 史,獨 海 經 儒 》, 下 玄子 靖 林 私 中 傳 則 心

## 鄭氏學《禹貢注》

儒

林,豈非

本朝

盛

事哉。」

卷

存。

艾氏南英《禹貢圖注》

老。

四八九

若 疑 者 者 不 汶 之 孰 疆 外 右 目 所 南 皆 記 E 祖 之 優 注 口 英 書 重 加 域之下 秋 易 也 自 意 誦 存 出前 并 非 故 咸 而 馬者 學 序 也 耳 至 諸 分 吾 河、 收 蕭 是 者 日 形 儒 内 河 黨 之, 何 儒之論 編 非 其 : 淮、 而 窮 之旨 勝 道 事 X 所 内 所 又 以 經 贅 表 之 汶、 秦 不 禹 注 删 删 何 備 也。 裹之獨 取 遷 精 可 無 將 貢》 濟 繁 口 有 參攷。 圖 徙 核 不 遵 敢 以 之間 就 皓 不 形 籍 足 講 蔡氏 師 經 轉 簡 首 書, 口 勢 詳 與 也。 心 者,以 而 世 運 廢 要害,守國 ,古今都 間 又今 傳 妄用 古今地 漢 定於 之 者 經 有 古 注 則 業 難 國 訂 仍 便 聽 仰 耳 人 旋 功令, 易 童 家 若 訛 會 相 録 其 觀 左 理 定 一蒙 蒿 啚 之 猶 之 乃 發 爲 汶 志 釋 俯

> 之形 特 方 讀 不 詳 面 書 出 之縱 而 户, 與 而 廢 經 謂 知 圖 横 傳 知 天 讀 其 下 如 字 一。」或 X 者 欲 也 不 開 聞 迕,凡 者 卷 可 亦 瞭 乎 之言 有於斯 然 ? 脉 矣。 絡 是 不 之紆 圖 欲 語 一考正 見 Z 曲 人

## 王氏綱振《禹貢逆志》

一卷。

存。

芥拾 我 綱 解 取 不 口 能 郡 求 振 禹 而 青紫 賈 掇 自 童 貢 杜 逵 蒙 青 序 常,既 宜 爲 以 遂 日 孤 作 . 告, 行 用 務 訓 大 明 顯 積 自 既 昔 經,不 夏 棄 而 杜 侯 又 僕 諸 成 林 馬 氏 帙 生 誠 明 傳 融 有 不 不 又 古 將 作 云 若 能 退 以 傳 尚 歸 問 耕 無 書 諸 康 耕 世 無 意 成 生 地 其 僕 注 有 欲

馬

援

聚

米

爲

Ш

谷

而

敵

在

目

中。

今人徒

卷而已,有朱廷旦、莊奇顯二序。」

著《尚書述解》,今行世者《禹貢注删》

沈蕙纕曰:「黄翼登,字學衡,晋江

### 人也。」

## 張氏能恭《禹貢訂傳

卷。

鄉試第一人。」

黄氏翼登《禹貢注删

卷。

存。

### 蔣 垣 曰 : 存。

「福寧州人,字禮言。 崇禎庚午

卷。

蔣氏之縣《禹貢注》

黄宗羲曰:「之驎字龍友,鄞縣 未見。

崇禎

戊寅行保舉法,掌院徐蓼莪以君應詔,授 順天儒學訓導。」

## 高氏秉葉《禹貢通考》

四卷。

未見。

錢金 崇禎中貢士。」 甫 日 一高 秉 蕖, 字 映甫,華亭人。

四 九

# 孫氏承澤《禹貢九州山水考》

三卷。

有絡 之治 篇 貮 於 遊 也。 柔 调 承 所 彌 前 不 者 前 於 澤 綸 4 湧 水以 但 自 古今山 ,有分有 Ш 存。 獨 指 水 加 俱 序 狎 水 之所 紀 分考之於後 在 H 先儒 爲 E 其 焉 水 載 經 . 耳 證 故《 奔 以 合, 成 水 謂 目 實之。 粤 余反 功,造 中 志 理 Ш 有 蓋 稽 無 庸 之 \_\_\_ 性 Ш 搜 覆 天 足 分 > 言 所 化 有 水 夫山 奇者失之荒 孟 讀之,乃 地 取 殊 百 之功 情 有 子 間 天 也。 前 言性 原 之所墳 形 動 地 用 有 静 勢, 理 ^ 之 著其 其 禹 之 委 相 爲 神 而 闊 理 妙妙 水水 唐, 貢 牛 聖 總 物 無 有 大 舉 之 莫 剛 之 紀 脉 不 H 盡 禹

> 夏,三 於 以 水之 興 也 也 春 能 至 讀 爲 云 不 水 ? 攸 今 害 以 注 已 者 焉 爾 Ш 潤 實 性 者,今之無水 叙 水 世 在 灌 爲 以 推 洪 易 與 下 也。 益 及水土平, 也 是 天 不 溉 禹 範 ^ 稿 見 行 汩 求之,禹 洪 之澤 之心也。 禹 吾夫 而 乎 子 之數 成 範 所 而 行 書 普馬 復 Ŧi. 子 其 成 以 相 不 溝 注 之 日 獨 行 迴 無 表 又 于 爲 ^ 功 禹 之 洫 由 費 環 事 夫《 禹 裹。 日 利 之 出 性 至 載 己 其 是 9 . 貢 也。 禹 以 時 編 今 饑 盡 俱 水 白 余 貢》 水 洪 在 利 懷 順 力 之 至 經 運 由 於 治 溝 之 Ш 範 紀 禹 輸 次 年 無 己 彝 丙 經 襄 水 洫 之 之 成 水 溺 年 午 倫 而 日 也 陵 也 心 政 之 之 不 功 何 所 不 中

# 夏氏允彝《禹貢古今合注》

五卷。

尤 自 則 也 防 陂 靡 修 陳 所 而 所 加; 甚 以 九 忧 或 子 稱 患 不 一,惟是 一之所 龍序 壤 澤 周 成 以 深 存。 H 其 度 驅 利 者, 也 昔者夏 : 究 成 由 者 害 E 濬 爲 九 莫 賦 日 :「今天下之大 在 貧者,田 者 而 : Ш 畎 黄 務 中 后 漢 。」以是 於 在 澮 邦 河 庶 氏 司 然 距 若 治 於 。』言治 土 馬 隨 河 功之不治,水利之不 溝 治 一交正 也 遷 Ш 111 菑 知 洫 江 刊 曰 衍  $\wedge$ 禹 之 賦 河 木, 由 禹 底 溢 患 之用 小 之 也。 是觀 慎 貢》言 害 薄 在 禹 水 大 財 於國 海 通 即 功 中 水 也 之, 賦 内 九 禹 治 多 或 道 外, 貧 其 之 自 禹 咸 水 而 也

之荒 關 H 媮 凉 歸 則 河 出 商 邊 萬之資 濼之制 遂、列、澮之屬 也。 品 河 賈 決 惰 部,大約三十 通 浮 居 萬 以 失 民 自 故 庸 所 餘 蕪 不 北 或 河 褒 若 加 其 秦 治 自 里 漕 者半天下 浮 販 道 斜 由 履 南 一,皆仰 生 渭 漳 直 廢 荆、揚、 道 自 龍 人亡 日 冰 與 業 沽 阡 或 京 以 衛 古 以 淮 而 走 蕩 陌 灌 鍾 此 達 自 以 而 横 師 同 處 遼 之粟 然 度太行 致 輸 嗣 至 武 其 給宣雲。 而 事 決 而 碣 無 蓋 兖、 於 於 大 中, 牢、 東 亦 ^ 以給 石。 餘 而 内 周 數 稍 或 患 旋 豫 遠 洛 則 冀 禮 千 達 北 即 家 也 廢 之 轉 京 口 循 民 凡 百 晋 稍 歲 豫 則 後 矣 地 瀦 師 北 灤 既 轉 年 黄 或 4 費 世 陽 西 徐、 恃 河, 運 被 而 薊 防 河 南 則 車 數 陂 而 故 漕 所 靡定 兖之 禍 既 西 自 西 池 由 又 負 抵 西 辇 北 益 益 至 武 西 大 載 榆 白 北 塘 E

之 治 或 主 治 時 河 治 也 東 病 出 不 口 也 11-漕 一之所 益 省 矣。 於是 省 患 水。 恃 黄 其 九 ,欲富國莫先於 口 河 又 大 既 轉 病 得 州 不 漕 河 於 惟 急 治 必 者 治 絶 耳 隱 運 矣 而 同 不 也 有 假 伏 贵 河 溢 治 水之道,古 莫大於 而 因 能 縱 而 可 道 始 而 而 然 矣。 田 非 治 後 患其泛 省 免 其 北 於 不 西 也 功 溝 盡 河 於 所 河 爲 北 故 勢 因 强 益 又竭 盡 失 而 澮 決 如 人 之 日 不 兵, 田 廢 古 溢 滯 堤 地 可 今則 用 而 今 得 田 使 功 之 泉 成 利 運 而 人之意哉? 其 欲 其 Ħ 中 還 功 廢 源 防 不 無 强 初 有 卒 盡 田 之治 不 用 州 之, 故 淫 以 而 所 異 兵 大 V 賦 地 立 恃 徐 充 道 河 溢 歸 莫 轉 矣。 大 利 口 水 轉 會 爲 淮 先 則 而 定。 故 莫 運 使 轉 而 災者, 通 運 必 禹 今人 之 漕 必 先 於 > 河 運 而 東 先 既 圃 民 先 今 於 必 終 之 富 不 急 南 而

哉 以 荆 迹 博 貢》 之書儒 治 險 其大端,不 竹 商 地 方今士大夫襲從容, 夏子嘗憤 水 石 揚 訪 則 南衣食天下, ,物産方俗之異 要之區 莫大於江 其 加 則 小 之微,骨 公卿,山 今夏子之書, 之田 以 觀 税 聖 者 者不道,而 爲 其 灩 人 國家之貧 、泉澤之 泛迂遠 .過 賦 制 而 爵, 治 革 河 下 水之 日 州 後 天 『烝民 雖 於諸 禹 不 不近 丛 列 大 下 無不 利 復 服,任 毛之細 引 曰 經 者 弱 之 之 情實。 安苟 天 州 無 顧 伸 旦事 治 乃粒 口 郡 書 記 思 時 不 其 觸 理 河 而 土作 或 贵 直 大 載 ,皆附見於經 也 後。 類 萬 也 靡 後 也 急 一之志 有 又 ,言及務農 非 世 探 不 管、 貢, 窮 或 以 勞於 邦 嗟 則 詳 人功 夫 每 奇 覽 無 以 作 振 商 乎 鑄 凡 藉 天 覽 貫 之, 治江 不 管、 义而 史 ·, 勝之 夭 哉 下 大 云 Ш 採 傳 之 喬 江 文 平 禹 要 権 商 任 而

舉。

大

都

方之注

疏、

大全》,

何

敢

比

肩

粤、滇、

黔

未

À

九

州

不

能

贅

附

餘

E

包

舉

其

大

略

爲《禹

貢

古今合註

**%** 

惟

閩

尤

加詳焉。

其説

閎

遠

非

數年

木

能

竣

介,先

説

前

於用

兵險要、水

利

屯

田

城

池

賦

税,

朱

思

本

意

爲之,益

增

其

所

未

備

兼

爲

之

而

後

己。

因念即

此是學,欲

作

地

理

圖

仿

詢

,凡水泉之曲

折,塗

徑

之分岐

必

明

晰

迷

往

來。

長

偕

陳

卧

子

出

人,見其

留

意

博

允

彝

自

序

日

「余少恫

愚

每行

道

輒

之覽

者

有

所本焉。」

其

事

之

最

大

爲

當

世

所急者著於篇,

使

世

以

貴

於

通

才

也

夏子

·之書

備

矣

子

獨

論

以

爲

用

世

一之助

亦

庶

幾

云。

張 氏 睿卿《 禹 貢 便

學者

狃

於誦習,不能損

益

以

合於時勢,所

不

知古,則

以

爲古人之事

皆

不

可

可

謂

宏

博

而

核

矣。

夫

縉

紳

先

生

知

卷。

朱氏 鶴 齡 禹

卷

存。

異代 遠。 文焉 方、地 舊 鶴 貢》,蓋 聞 龄 夫 自 而 或 理、 經 推 序 已 不 加 河 或 之 日 驗 即 深 渠、 鴻 : 時 9 考, 哆 非 | 記 規 務 口 田 莫備 遠 安 有 自 賦 也 望 不 命 稱《 諸 於 其 宜 專 書,其文皆 此 逖 書 棋 門 非 覽 ~ 者 酌 教 後之人 通 史 曩 類 爲 也 籍 亦 疏 祖 以 荷 凡 試 坐 通 安 職 爲 禹 知 而

存。

四 九 Ŧī.

莪 考

禹 幸 論 條 譌 之,然而考今正古,析同合異,亦存其人。 居無事,爰取注疏、《大全》與百氏之説, 若復矜一家之言,狗千載之惑,襲舛成 圖 史家,求 ,曷可殫詰,予竊愍焉。 經約略可據,雖 而漢唐以來,諸儒辨論各出,以及 迄今,陵谷代變,山 作 貫而衷斷之。大約體宗詁訓 耐 爲 行,卓然稱 通 經 適 其間甲乙粗牾往往 用之學。 有用之儒 川往 蹟,難以 兵火餘生,屏 所愧 哉? ,而旁及 身 深求 乘志 未 夫自 履 有

陸氏
敷樹《禹貢注

一卷。

存。

陳忱曰:「字賁庵,嘉善人。」

邵氏璜《禹貢通解》

一卷。

存。

崇禎壬午鄉試,知大姚縣事。」 陸葇曰:「璜字魯重,秀水新塍里人。

中

必無

?

惟

望博

雅

君子論定

而是正

焉。

乎方州,力

止

憑

乎書卷,支離

紕繆,敢

謂

嚴氏觀《禹貢輯要》

一卷。

意

庶

幾

宛

委

遺文,

猶

不

至

磨

滅

天

壤

哉。」

慕

古,寬平休息,以上合於底

慎

成

賦

之

括

頻

此

世

變之所以

益

亟

也

有

能

慨

然

嗟

乎

農

政

不

修

漕

渠

日

壞

轉

運

木

而

搜

胡氏渭生《禹貢錐指》 趙氏溫《禹貢新書》 《平湖縣志》:「趙沺、字天來、諸生。」 《嘉興縣志》: 弟進士勳、舍人臨並負才名,稱爲禾中 未見。 未見。 「嚴觀,字質人,貢生。 與 朱氏鶴齡《禹貢三江辨》 羅氏巡《三江詳證》 存。

朱子熹《九江彭蠡辨》

## 羅氏巡《九江詳證》

篇

存

薛氏應族《甘誓論

篇

存。

同谷子《五子之歌詩》

五首。

存。

祖與秦王茂貞羽檄交馳,欲迎車駕。何何光遠曰:「天復中,昭宗播岐,時梁太

經

義考卷九十四

終

門人都陽周道復覆校

成州同 誅之,其事未行,預已奔去。」 康失政之詩,何皇后慮失恩旨,潛令秦 膳,宣王驃騎 事,叙四方理亂之源。 袋酒壺,俱在牛上,自稱同谷子,不顯 名,直詣行朝,上書兩卷,論十代興亡之 牧於兩舍之外,踐踏苗稼,百里飛埃。 皇后恃其深寵,不顧 谷山 逸人,戴 賜之酒 食。 阽危,酷 一巨笠,跨青牛,琴 帝覽其書,數日 同 谷子 好遊 唯 一 畋,放 吟太 姓 減 有

秀水朱彝尊編

男昆田校

篇。

存。

《伊訓論》

楊氏簡《書五誥解》

册。

未見。

按:《文淵閣書目》有之,不載慈

《太甲三篇論》

存。

一四九九

成 有 德 論

存。

張氏九成《咸 有 德論》

未見。

按: 横 浦 之論,當是 爲 秦 相 建

德格 天閣 有激 而作。

顏氏復、范氏祖禹《説命講義》

佚。

篇。

祖禹 宗皇帝嘗曰:《尚書》王言治世之道,●《説 備尋繹,或賜 聞,講解於前,謹輒記録所言,繕寫成册,以 深思,必有啓迪聖學之益。 道,備在此書,誠能法之,可爲堯、舜。 家,欽天稽古,修身務學,任賢立政,至德 近進講《尚書 其《説命講義》三册,謹具上進。」 命》最備。』特詔孫奭講此三篇,望陛下詳覽 同崇政殿説書顔復進劄子曰: 顧問,庶幾少 説命》,竊以 助聰明之萬 臣等雖罄竭謏 爲君治 天 臣 昔太 下 國 等 要

范氏後《説命三篇論》

篇。

0 劄子》(影印文淵閣《四庫全書》本),當作「主」。 王」,據范祖禹《范太史集》卷十四 《進 尚 書 説 命 義

Ŧi. 00

金氏履祥《西伯戡黎辨》

存。

胡氏洵直《攷正武成》

卷。

存。

傳失其次序,王氏《新義》嘗加攷正,説 洵直自序曰: 「按《武成》之書,自伏生口

《書》者愈疑。且以式者在車所行之禮也, 式商容間,豈當在歸至於豐之後? 洵直

以《樂記》考之,孔子告賓牟賈以《大武》遲

則庶邦冢君受伐商之命於周,乃其時也。 久之意、首言『久立于綴,以待諸侯之至』, 篇。

歐陽氏修《泰誓論

王氏十朋《泰誓論》

五. 〇

義

革之射息也; 其終也,『左射《貍首》,右射《騶虞》,而貫 孔子之言而次第之, 庶有所本云。」 則《武成》之次序可概見矣。 以此五者爲天下之教,其先後有倫 知所以臣,耕籍,然後諸侯知所以敬』。 也, 祀乎明堂, 而民知孝, 朝覲, 然後諸侯 車而爲之者,有濟河而西然後爲之者。 故其克商也,有未及下車而爲之者,有下 裨冕搢笏,而虎賁之士説 是以驗之以 如 此, 劍 至

科仕至别乘。」 劉昌詩曰:「洵直字次魚,清江前輩。 登

《江西通志》: 紹興己丑進士,累官湖南提刑司幹官。」 「胡洵直,字次魚,新喻人。

# 朱子熹《攷正武成次序月日譜》

卷。

牟氏楷《定武成錯簡》

卷。

《台州府 刻意誠正之學,以 徒,學者稱之曰静正先生。」 志 **∀** 年 侍母疾不仕,教授生 楷,字仲 黄 、巖人。

張氏日炳《武成考》

卷。

未見。

五. 〇 二.

### 歸 氏有光《攷定武成》

吉

少音爲

政事,齊炔

欽 幼 卿

爲文學。王

高

爲

德行,平陵

吴章:

偉君爲言語,

重

泉

主

存。

置 卿嘗 以下 可 有光自述曰:「余所考定,只移『厥 疑 閏 也。」 在 疑甲子失序,蓋 一段,文勢既順,亦無闕 二月,故四月 先儒 有丁未、庚戌,本無 以漢志推此 文矣。 四月』 汪 年 玉

## 許氏商《五行傳記》

漢志》:

佚。

漢書》: 論歷》。 長安許 四至九卿,號其門人沛唐林子 商 長 伯 善爲算, 五

> 《晋書》:「孝武時,夏侯始昌 商,皆以教所賢弟子,其傳與劉向同。」 莽時,林、吉爲九卿,自表上師冢,大夫博 推《五行傳》,以傳族子夏侯勝,下及許 士郎吏爲許氏學者,各從門人,會車數百 兩,儒者榮之。」 通

五經,善

# 劉氏向《洪範五行傳記》

漢志》:十一 卷。 隋、

宗正給事 《漢書》:「向字子政,本名更生,爲散騎 中郎,使領護三輔都水,遷光禄 方精於《詩》、《書》,觀古文,詔 中。 成帝即位,以故 向 大夫。 九 領校 卿 召 上 中 拜

宗。 之 其 仲 傳 推 來 王 日 從,各有條目,凡 Ŧi. 應 福 : 舒 論》,奏之。」 迹 陳 經 歷 行 春 Ŧi. 秘 福 宣、元之後, 治《公羊 劉 事 書 秋 行 向《 傳 陰 六 以《洪 連 洪 向 陽 或 傳 範 春 見《尚 休 又 禍 至 論 秋 十一篇, 劉 咎之應,乃 範 秦、 福 ×, 向 發 日 書 ×, 著 治《穀 始 漢 : 明《 與 . 推 「景、武 其 符 號 洪範》箕子爲 仲 大傳》,著 陰 瑞 占 日 舒錯 梁 集合上古以 1《洪範 陽 災 驗 春 之世 異 \_0 比 秋 爲 之記, 儒 天人 類 Ŧi. 武 又 數 者 董 行 相

大 有 王 向 洪 老 嘉 以 쁄 範》之文,恐 見 人 中 日 著 向 : 獨 「向 説 黄 坐 衣, 誦 開 校 書。 辭 闢 植 書 説繁廣 以 天 青 老父 前 禄 藜 閣 杖 乃 志 向 9 專 扣 吹 之,乃裂裳及 因 精 杖 閣 受《 端 覃 而 Ŧi. 思 淮 烟 行 然 見 夜

紳

以記其言。」

附,至 政、五 爲《五 歐 權 高 詳。 曲 類 沈 非之者。 範》、《春秋》灾異報應者 五行,以 歸 約 别 陽修日 允 取 外 劉 而 日 日 行 其 俾《洪範》之書 紀 「伏 遷 戚 0 向 爲 説 傳 一就 . 廣 漢 八八事 爲 屢 演《洪 其 德 生 箕子 光 九章 乃 陳 、説也。 ,皆屬 創紀《大傳》,五行之體 禄 取 妖 稽 陳《 考 大 範》,休咎之文益 告 Ŧi. 疑 夫 失 五 事 而 洪 其 然自 其 劉 行 工、皇極 福 不 而 範 説 向 倫 與 極 見 爲 **\***, 不 漢 見漢 ? 理 之 其 納 相 條 以 所 類 傳。」 則 庶 附 其 來,未 祚 遂 徵 謂 又 事 至 屬 備 因 將 旁 不 於 附 爲 ~ 危 洪 始 有 引 能 向 九 於

純 吕 其 祖 謙 原 曰 出 . 於 伏 劉 生 向 大 灾 傳 異 五 行 學 博 而 未

傳》,歸 葉 適 日 於切 : 劉 劘 向 當 爲 世, 王氏 而 漢儒之言陰 考灾異, 著《 陽者 Ŧi. 行

庶徵所 學 矣。」 其 裂 則委巷小夫巫瞽之事,夫豈 剥 事 (使經 聯 學亦各有所主。 好 解 附 門 古 爲 指 又曰 類而 自 \_\_\_\_ 世之成 明 名 有效驗, 户分之。 春秋以 | | | | | | | 如 法,降 仲舒、 (範》 然《洪範》之説 而學者乃以 來,凡有變兆,離 以 初 爲 向、歆者,亦當 是爲 不 灾 不然, 爲 異 灾 格 陰 王 異 陽 五行 由 而 而 IE 謂 之 此 事 析 五. 隳 篤

法 向 趙 而 見於班 也 樞 遂著爲《洪 生 日 古 . 自 範 漢 大 五 書 小 行傳論》,其書 • 夏侯 Ŧi. 行志》者,皆其遺 明 <u>Ŧ</u>i. 行之後, 示 可 劉

爾

與?」

鑿,固 講 言視聽思《洪 朱 朝 而 瑛 謂 不足信 日 切 事 劉 範》 應 雨 向 則 暘 俱 父 有 燠 屬 子《 謬妄哉? 明文,豈 寒風 Ŧi. 行 之分 傳 可 **>** 附 若 概 應 以 置 會 於 貌 不 穿 雨

也。箕子之言,不若是之固也。」 雖復起朱子而質之,將亦有所不能區別 雖復起朱子而質之,將亦有所不能區別

受福 曰:「月 按:許商、劉 後漢 重華留之。」當屬 行 郎 中 顗 向 道 傳 皆有《五行傳記 **>** 移 引《 節 洪 劉 應 範 氏 期 記 書 德 也 **>** 厚 辭

王氏名未詳《洪範讜義》一作《皇極讜義》,今從

《中説·問易篇

九篇。

佚。

九篇,其言三才之去就深矣。」 孫通曰:「安康獻公之述曰:《皇極灣

## 亡名氏《洪範占》

## 《洪範日月變》

一卷。

## 《洪範五行星歷》

四卷。

## 穆氏元休《洪範外傳》

《新唐志》:

師丞。」 傳》十篇。 三十卷,穆元休上《洪範外傳》十卷。」 封演曰:「開元中,有唐頻上《啓典》一百 王應麟曰:「元休,穆寧之父,撰《洪範外 開元 中獻之,賜帛,授偃

崔氏良佐《尚書演範》

《新唐志》:卷亡。

佚。

歷衛州汲縣尉、號州湖城縣主簿,親没遂 權德輿曰: 博陵崔 君元翰考某,以 明 經

五〇六

《周易忘象》及《三國春秋》。門人易其名不復仕。探古先微言,著《尚書演範》、

采

五行六泠

及前代

庶應

成

此

上自

曰貞文孝父。」

子濟州 其父諱。攷《新 按:權文公爲元翰文集序,不書 部郎中元翰。 搆,承搆子湖城簿良佐,良佐子比 系》,博陵崔氏 刺 史潛,潛子鳳閣 第三房祁 唐 書 0 宰 陽令抗 舍人承 相 世

# 宋仁宗皇帝《洪範政鑒》

十二卷。

佚。

以皇極爲本,上與王洙論五行五事之證,範政鑒》十二卷。一云二十四卷。《政鑒書》王應麟曰:「康定元年十一月,御撰《洪

爲序。」

《洛書五事圖》

卷。

佚。

變異,恐懼修省,必求其端。」

范祖禹曰:「仁宗最深《洪範》之學,每有

胡氏瑗《洪範口義》《通考》作《洪範解》。

《宋志》:一卷

未見。

所録,無銓次首尾。」 晁公武曰:「胡翼之《洪範解》,皆其門人

五〇七

### 徐氏復《洪範

## 張氏景《洪範解》

通考》: 卷。

晁公武曰:「皇朝張 未見。 景晦之撰。●

祐三年爲房州參軍,著論七篇。」 景當景

# 劉氏羲叟《洪範灾異論》

佚。

長編》: 一慶曆 五年六月,以 澤州 進 士 劉

0

撰」,原作「編」,據薈要本、《補正》改。

#### 蘇 氏洵《 《洪範

宋志》:

未見。

作三論,大抵斥末 畏也,夫《洪範》亦猶是耳。 之多,而行者之寡也? 避矣,及吏胥舞之,則千機 譬諸律令,其始作者,非不欲 洵自序曰:「《洪範》其不可 而 歸 本, 日 諸 褒 百穽。 吁,可 行歟,何説者 吾病其然,因 人難犯而易 經 儒 使然 而 擊 傳, 也。

有是命。」 範灾異 大衍諸 羲叟爲試大理評 論》,歐陽修薦之,召試學士院,而 歷 "曾注 可 事 馬遷《天官書》及著《洪 羲叟精 算術 兼 通

五〇八

指

而

言

也

且

聖

人之作

可

知

也

今指

X

而

謂

之日

爾

爲

某

事

明

日

必

有

某

福

爾

求

之,人事

而

揆之,庶

驗

之

通

於

Ŧi.

事

口

眊

與

陰

不

可

廢。

是皆一

不然。

夫福

極

一之於

五

事

非

若

庶

驗

也

陰

陽

而

推

之,律

曆

而

侯勝

之言

日 :

『天久陰

不

雨

臣

1

將

有

謀

上者。』已而

果

然。

以

劉

向

之説

則

皇

極

建,不可系以六極

以

夏侯勝之説

之增

眊

與

陰

或或

者

.猶

以

劉

向

夏

侯

勝

之説

六

極

系

皇

極

之

建

與

不

建

而

且

不

與

劉

也

0

又

後

序

日

吾

論

深洪

範

×,

以

Ŧī.

福

吾

知

其

謂

吾

求

異

夫

先

儒

而

以

爲

新

奇

極

之不

建

不

能主

五.

事

下

與

Ŧi.

事

丛

而

均

爲

惑

劉

向

之言皇

極

之建

總

爲

Ŧi.

福

皇

獲

極

猶

平王之詩

降

而

爲

^

或

風

夏

其

謬

以

形

吾

意。

噫,

人

吾

知

乎

不

多川

磨

瑕

垢

以

見

聖秘

0

復

列

啚

以

指

一五〇九

德 漢 以 以 此 陰哉 爲 也 以 者言也。 所 大 弱 福 常雨」也 耶 别 兼 爲 概 之 乃 漢 雨 力分其 與 必 火德 験者 ? 爲 應 雨 者 耳。 極 固 極 土 ? 與 且經之庶驗有曰陽矣,而豈 五. 止 不 應 必不可 蓋陰之極盛於雨 也。 德 然 陰,何也? 吾觀二 於 ,乃言雷電、 多矣,聖人 一端以爲二,而 夫天地之間,非人力 日 而使其 乃引平 而 也 Ŧi. 事 黄 口 與六而 也。 H. 固 以 龍當見 劉之傳『金不從革』與 彼 餘者 Ė 有 聖人者,豈 其所 取 一之詩 黄龍 幸 然則夏侯勝之言 雨雪皆 已哉? 其 可 黄龍 而 謂 必曰 ,而聖人 尤 中 以 以 而 眊 者。 大 遂 爲 必 在 者蒙矣,胡 則 陰爲陰, 而 所 蓋 謂漢爲 見 説 以 見矣, 公孫 而 舉 焉 爲 亦 可 天 獨 獨 舉 其 下 平 以 而 傳 遺 其 土 臣 何 於 今 有 之 而 極 雨 王 口

> 晁公武 斥末 以 以 形 其意。 日 歸 本。 是書三 或云非洵 一圖 論 以 作。 皆 指 援 歆 經 以 向 繫 之謬 傳 0

Ŧī.

0

## 劉氏彝《洪範解》

《宋志》:六卷。

佚。

經中 蔣 從 胡胡 垣 缓學 義》、《古禮經傳續 曰 : 著《洪 劉 彝, 範 字 解 執 ×, < 通 中, 解 周 福 **%** 禮 州 中 懷 義》、《七 安

1848

### 廖氏偁《洪範論》

一篇。

1 「繋」,原爲空格,據四庫本、薈要本補

復多言哉?」

存。

朱子曰:「廖氏論《洪範》,大段闢《河 圖》、《洛書》,以此見知於歐陽公,蓋歐公 進士,著《洪範論》。」 有無祥瑞之論。歐公只見五代有僞作祥 湖廣總志》:「廖偁,衡山人。 如《河圖》、《洛書》 天禧中 舉

屏,又有一等石上分明有如枯樹者,亦不 如今世間有石頭上出日月者,人取爲石 瑞,併不信此,而云《繫辭》亦不足信。且 之事、《論語》自有此説,而歐公不信祥 瑞,故併與古而不信。 足怪也、《河圖》、《洛書》亦何足怪?」

孫氏諤《洪範會傳》

未見。

通考》: 一卷。

曾氏鞏《洪範論》

先儒,●頗攻王氏之失。」

晁公武曰:「諤,元祐中博士,其説多本

一卷。

朱子曰: 「《洪範》曾子固 説 得 勝 如

他人。」

經義考卷九十五終

門人蕭山毛遠宗覆校

先」,原作「漢」,據薈要本改。

Ŧi.

## 經義考卷九十六

秀水朱彝尊編

王氏安石《洪範傳》

古成己,然後以所嘗學措之事業,爲天下人之道。天命聖人以叙之,而聖人必考小有彝,後先有倫。序者天之道,叙之者安石《進洪範表》曰:「臣聞天下之物,大安石《進洪範表》曰:「臣聞天下之物,大

者,而 切,則 煩,而 潤 海 啓,不悱不發,舉一隅不 利。 之不固,不 復也。』夫孔子豈 跋 効, 俛仰甚 故 當考箕子之所述,以 心,雖聽 勸講之官,擢 高,術智之明,足以 Ħ [繕寫,輒以草芥之微,求裕 也 傑,以圖 内未服, 苟非其時,道不虚行。 其 學 不使其蚤 臣嘗以 「古之學者 、聽之 者 以 專不 「堯、禹· 慚。 耳,而 綱 有 不 與大政, 紀憲令尚 得 蕪 有 謹 固 專 也。 太平之治,而 敢 其 廢 知 取 河 其 雖 黜天下之嵬瑣 、受以 愛其 腐 舊 平 深發獨智,趨 問 孔 可 思 又彌 ? 餘之學,得 所著《洪 或紛如 以 子 之不 以 道 意 以入者,口 以 曰:『不 寒暑, 口 故 三隅反, 驁 天地。」 謂 深, 朝 天下 爲師 下德 加 其 範 廷 則 問問 其 勳 備 時 意者殆 傳》,删 而 未化, 耳 ·之學 則不 其 憤 者 傳 論 應 興其 義 績 又 而 取 不 思 物 不 以 不

當

其時,欲其思之深,

問之切,而

後復焉

知古之所以教

而

蔽於傳注之學也久矣。

則

吾

將

孰

待

而

言

耶

孔子

日

『予欲

無

也

,於是爲作傳

以

通

其意。

嗚呼,學者不

武

王之所以

虚

心

而問,與箕子之所

以

悉

意

而

言,

爲

傳

注

者

汩

之,

以至於

今

冥

冥

資

其言以

施

於

世

也。

予悲夫《洪

範

千

數

,而聖人之經卒

於不

明

而

學

者

莫能

足善其心

,況其

有

不

善

乎

?

宜其

歷

年

以

注者皆已善矣,固

足以善學者之口

耳,不

矣,吾

可

以

無

思

而

得

也

夫如

此,

使其

傳

於此

矣,吾

可

無問

偂

得

也

豈特

無問

又

讀

而

無

問。

非

不欲

問

也,以經之意

爲

盡

作,爲

師

則

有講

而

無

應

,爲弟子

則

有

將

無

思

非

不

欲

思

也

以以

經之意爲

盡

於

此

子没

道

H

以

衰

熄

浸

淫

至

於

漢

而

傳

注

矣,

吾

所

以

教者

非

將

善其

П

耳

也

孔

言言 辯 行 焉 所 是,不足與 哉 以 作 教 ? 前 然未 孟 子 子 孔子之道 而 則 嘗 重 不 有 無言 天 爲 得 明 下 此 也 E 也,其言 固 · 曉 幾於熄焉,孟 也 以 )° 故 爲 哉 夫予 孟 好 也,蓋 ? 子 辨 曰 : 豈. 其 樂 蓋 亦 子 有 子 反 者 不 邪 不 古之 得 贵 説 得 不 E 好 如 暴 E

黄 徵 之五 取 陳 言天人不相干,雖有變異,不足畏也 舒、伏生明灾異 Z 金性 者。」 震 善 所謂『若』者,不當訓 『能 事 日 日 能從 ',如天之雨 . 從能革  $\overline{\ }$ ,惟革者之所化。二一 荆公《洪範 洪 ·°」而 範 爲  $\stackrel{\cdot}{\approx}$ 蔽 暘 荆 金 燠 而 公《洪範 傳》,其字義多足 日 順 寒 别 從 風 當 著 革。 而 訓 此 義 傳》 른 傳。 如 向 不同。」 《新 以

焉 晁公武曰:「王 者 也 介甫撰。 以 劉 文云: 大意 董 義 君 庶 仲

Ŧi.

## 余氏熹《改正洪

卷。

存。

遷至正郎。 之『四,五紀: 省惟歲」至『月之從星,則以 龔明之曰:「余燾,字元 四曰星辰,五曰曆數』之下, 行,上書引成周事力贊之,因 後復上書,改《洪範》篇自『王 一曰歲,二曰月,三曰日, 輔。 風 謂凡九疇皆 命以官, 方舍 雨」,乃屬 法 欲

> 孔氏武仲《洪範五 福 論》

篇。

存。

篇。

蘇氏轍《洪範

五事説

存。

**晁氏**補之《洪範五行説》

篇。 存。

若』,意已斷矣,而又加『王省惟歲』已

之文,則近於贅。或者是其説,然爲臺諫

所彈,不果施行。」

徵』之後,既言『肅時

雨若」,止『蒙

恒

風

有衍文,惟『

几

五紀』無之。

至於『八

庶

Ŧi. 四

## 曾氏致《洪範傳》

篇。

晁氏說之《洪**範**小

傳》

存。

景發之云。」 次序則本泰山姜至之論 方抱病,於冬至前一日作此《小傳》,其 於本書,予見之欣然,如觀 陵,遇東里好學後生,標記予傳之五 遇金兵於睢陽,五世圖書悉已灰燼,寧 不敢遺也,爲傳數千言。靖康丙午冬, 學,本諸伏生、劉向、一行,而古今之説 説之跋曰: 論《洪範》之傳。 「説之二十年前 今年戊申冬,漂 ,五行則張 再生之物也。 爲《洪範》之 流 廷評 行 金

盧氏碩《洪範圖章

一篇。

存。

頭自序曰:「予以《尚書·洪範》篇書於 墓能盡心於是也。苟將諸吾君,列乎鳳 蓋能盡心於是也。苟將諸吾君,列乎鳳 處之右,足以興三代之理。」予乃條其事, 原章以奏之。」

五五五五

## 《四先生洪範解要》

六卷。

蘇氏轍、吕氏吉甫也。

四先生者,劉氏 曾氏鞏、

孟氏先《尚書洪範五行記》

高層雲曰:

「伯達《翼範》,有九圖九説。」

王圻曰:「伯達,紹興中進士。」

吴氏仁傑《尚書洪範辨圖》

范氏後《洪範論》

《宋志》: 一卷。

未見。

新圖,辨歐陽修、蘇洵、轍所論。」 王應麟曰: 「仁傑撰《洪範辨》一卷,增立

陳氏伯達《翼範》

《宋志》: 未見。

鄭氏耕老《洪範訓釋》

蔡氏元定《洪範解》

-モ 着 1.

未見。

鄭氏思孟《洪範解義》

佚。

文公之門,著《洪範解義》,以發明文公《閩書》:「思孟字齊卿,寧德人。受業朱

《皇極辨》之藴。」

一卷。

未見。

林氏維屏《洪範論》

一卷。

未見。

趙氏善湘《洪範統紀》《宋史》列傳作《統論》。

一卷。

未見。

張萱曰:「宋開禧間,宗室濮園善湘著。」

按:葉氏《菉竹堂目》有之。

五七

《閩書》:「元鼎,漳浦人。不登宦籍,以 論

馮氏去非《洪範補傳》

卷。

未見。

文自豪。 所著有《中庸》《大學解》、《

語》《孟子講義》、《洪範會元》。」

五卷。

鄒氏元佐《洪範福極奧旨》

陳氏剛《洪範手抄》

卷。

劉 氏漢傳《洪範奥旨》

佚。

《姓譜》:「去非,都昌人。椅之子,淳祐

初進士。」

按:葉氏《菉竹堂目》有之。

《兩浙名賢録》:「劉漢傳,字習甫,上虞 司農卿。 寶祐四年進士,累遷兩浙 臨終,書『生爲宋民,死爲宋鬼』 轉 運 使,進

Ŧī.

#### 之后、一

## 胡氏希是《洪範考訂》

佚。

守,一介不苟取予。」 《江西通志》:「胡希是,字則翁,高安人。

## 趙氏孟頫《洪範圖》

一卷。

未見。

胡氏一中《定正洪範集説》

一卷。

存。

大 貢師 歲之下,辨議紛紜 之正,是學者不能無惑焉。 傳,錯出乎五皇極之下,蔡氏著書,竟莫 大儒之論,猶莫知所適從也。 似皆爲畫卦出,而叙疇若無與焉。 中,深有得王、文、吴三先生之説,摭其所 「河出圖,洛出書,聖人則之」。 龜 泰序 書而 曰:「伏羲觀 叙 疇。 至我夫子繫《易》,乃謂 ,雖更周、邵、程、朱諸 馬圖 而畫卦, 會稽胡君 况九疇之 則圖、書 此千 神

注,今獨書此篇,不可謂無意也。」引以自蓋乎? 公素精《尚書》,當爲之集道,千載之下,不以爲非。然則公獨不得

河

圖

V

九

數

爲

綱

以

^

洛

書》十

數

爲

潤

也。

三五

大

禹

之

)經、箕

文

則

因

三先

而

八

政

Ŧi.

非

自

敢

出

於

其 天合 其 象 + 指 白 未 古 長 孰 卓 諸 脉 嘗易置 叙 爲 而 能 變通 掌。 也 ,使 然 書 訂 絡 名 0 有見 與 正 龜 貫 之日 而 於斯 感麟 交互 其 之, 夫 通 畫 龍 者哉 名,今胡 龜 分經 卦者 不 ^ 而 書 而 定 理 出 作《 馬 神 無 E 兼 别 於 雖 啚 禹 君 春 洪 不 河 取 傳 然,神 叙 秋》, 直 在 之, 範 洛 9 自 疇 以 0 以 ₩, 周 則 以 之 傳 觀 非 聖 員 然後 程、 義 深 掛 分 附 九 免 有 先 於 古 爲 經 而 作 朱 粲 義 後 道 動 圖 知 書 子 妖 理 自 方方 者, 天, 易 疇 與 古 明 如 成

《》之論 之於《範》,則 疇之經,大禹 有 洪 草 得 廬 範 以 失。  $\forall$ 吴 竹 先生 簡 史 竊 篇 本 氏 每 大 皆 魯 文 之 行 括 有 齋 敘 + 也。 蒼 考  $\equiv$ 鮑 王 Ŧi. 字 定 以 行 先 H 之説 字 平 家 下以 以 註 每 每 臆 生 紀 子之傳,支分節 至 所 塾,時出 以 節 ·, 其 見 福 》皆出於上世,伏羲 同 Œ 行十三字,今詳 Ŧi. 一个路 之上。 著 定 西 傳 極 定 、脱簡 下, 行 五 徐 皆然。 九章之旨。 各 蒙》之誤 九 取 則 氏 以 偶 摭 數 繆 福 而質之同 箕 道 於是作 下 因 所 爲 妄僭 六 子 泰 九章 文義 長 解, 極 亦 所 河 著 以 亦 踰之罪 禹 其 其言 脉 釋 皆 圖 圖 然 斷 Œ 志 然。 河 字 所授之章,『水曰 絡 之 則 當  $\sim$ 亦 以 處 之, 云。 洛 數 傳 貫 日 析 之以造《易》, + 不 明 而 其 本 也 初 通

生、本

心

文先

生、

中

自

序

티 :

~

有

定

正《武

成

數

爲

洛

書

始

 $\approx$ 

集

先

儒

^

河

圖

×

洛

因

敢

自

是,

藏

之

又

日

延

Ŧi.

行

之配,

集

差

人,今疏

於

而

定

其

差,

推

初

以

下

爲

本

所

見

不

同,互

甚

一嚴,不

空

意

者

竹

簡

之綱 韓 也。 逆 皆萃先儒之論,以 範》定正之文,取芹 作《範》一言之誤,而 與角東王太古氏所著《易説問答》之書若 書》水木火土金順生之序畫 其叙九功,則以《河圖》 合符契。 具載《本始》之書,一中嘗 之以作《範》,以《河 河 啓蒙》之疑積有年, 之旨,俾可行於天下 尅之序爲 明善先 流 圖 嘗謂 行之位 **>** 以《洛書》十數爲 對待之位 生性 圖 蓋 書 六 以天下之理無 而 府。 深 之疑,因漢儒《洛書》 畫 以 派旗其 而 後 其 西之説 此 畫先天八卦,因《 啓千載之惑。 天 治 一》九數 一旦涣然冰釋, 言 所 Ŧi. 用 八 水 爲 所謂 長 卦 别 行 ,叙九疇之目 爲之校 然。 不 爲 ,而合禹 而爲之釋 九 州 水火金木土 同,所 『爲天 體 州。 大 則 今因《 叙 禹 正 以《 地 越 止 其 以 經 九 復 前 洪 洛 箕 合 Ē 説 疇 上 以 則

開太平」,初非區區之臆説也。」心,爲生民立極,爲去聖繼絶學,爲萬世

允文獨 非 繹 推 也 錫 詳 氏 復 而 復詳考,爲《定正洪範》一編,其用 承,由漢以來未 陳 一,解 也,至 且 之壁藏 遺 獨 顯 編 以詳之者傳也,史 也,致詳 密矣。 使 曾 憾,允文蓋 簡錯亂,不能 以 學者易 因王、文、吴三先生所訂之旨, 跋 發 理 與伏生之所口授,故 日 以 其 寓 竊嘗論之,九數之列,天之所 . 究 、理馬; 焉;  $\overline{ }$ 於觀 其 有功於《洪範》者矣。 有更定之者。 書》經秦火而後,出 無舛。 義 九疇之目,禹之所叙 覽,而於聖賢之旨無 繹 焉。 臣 而 列之,始必不紊 序 廣之,箕子之所 允文定而正之, 而 辭者經 會稽胡 或 舛 心 訛 미 於 也 謂 公 更 相 孔

) 「涣」,原作「焕」,據四庫本、薈要本、《補正》改。

從 説 以 黄 嘉 之令子 興 今刻之三 九 路 虞 尊 世 稷 道 録 爲 允文宗之,其 事 請 温 《圖》,以 示 其 Ш 僕 字 要 郡 尊 識 領 庠 道 其 中 + 後 字 庶 是 必 襲 爲《書》, 謹 允 相 亦 有 藏 大,諸暨人。 與 善 書 所 惟 懋明之。」 繼 見 以 久 人之志 則劉 矣。 歸 不 之。 敢 牧 他 失 若 元 氏 爲 H 隊 紹 之 夫 請 口

## 謝氏章《洪範衍義》

佚。

吴 中 言,有箕子之言,自 威 又頗 注 師 用 一者昧 道 後 有錯簡 極 序 焉。 日 爲 孔 先 禹 氏 儒 所 爲 洪 以 或 第 紀 範 是正 叙 初 傳 而 其 書, 日 不 文 有 及 五. 甚 而 大 行上 未 其 明 禹 餘 究 之 而

之而 其言 之 義》, 説 間 證 則 莫 事 甘。 次 九 謂 但 故 福 非 八 其 精 若《 讀 若 功 威 亦 數 箕子則 範 政 三事 叙以 五. 繼 開 要 考 日 用 千 合 異 易》先後 書》 無無 圖 行之順 端之説 以 而 六極」。 爲 符 矣。 百年習 六府繼 爲 衍 數之 發 戒 箕子 專言 者 契。 非 疇 爲 休 明 不 竊 利 引《 若 逆。 錯 Ŧi. 董威, 其 天 所 而 夫 用 五. 能 有 以 禹 事 綜 遺 不察 行 Ŧi. 自 以二 之不同。 厚生之本; 疑 馬 至其 無 列 而 行 焉 Ē 陳 事 謨 而 穀 九 疑 口 推 Ŧi. 篇 、次序 德 五 五 謝 於 光九 以 疇 謂 神 因 極 事 相 衍 金 氏 稼 謝 終 龜 九 用 其 行 功 其 望 爲 蓋 獨 穡 木 氏 以 志 變 負 或 五. 功 即 繼 言 於  $\equiv$ 水 歸 E 能 章 文 於 有 紀 以 而 爲 灼 繒 萃經 次第 德。 簡 之 舉 火 作 此 庶 差 演 九 Ŧi. 土之 有 土之 禹 册 用 以 徴 ^ 者 疇 4. 事 説 之 Ŧi. 爲 明 五. 則 衍 加

定,每 是則 與『作 範》曰 八政 使 福 董 Ì 氏 體段固大於《謨》,彼所云功者,指其 愐 養之事 而 而 洪範》有 謝 威 図 言 降 事 亦 極 日 不深 乃質 嘗 亦 蓋 ,義主勸督九功之 火』之類 氏 疇 疇 福作威」者類,此指君之所得 可言順 調 有 疇 若六極者,亦 《範》著天道人爲之藴 出 愐 之下 ,二字未嘗 考禹 君所 《謨 數 日 於《範》,互相 獨 子 無 缺 加 釋 》言六府 皆 不 禹 經 詞 又 爾。 不可言 經 因 得 條 ,大經大法皆出於《謨 箕傳之過 禹 而 九 爲 互 陳 本 且《禹 可 爲傳,餘 數 見。 其 文, 事 耐 以 逆,可言吉而 則《範》言五行,六 發 心,故 目 多 言 自『水 則 也。 謨 係 謨》 功 功 曰 若『一 可。 W 疇 休 乎? 亦 於 日 陳 皆然 天者 E 以 日 《範》 功,《 直 南 德 潤 九名, 爲,而 威 日 豐曾 以 戒 成 不 政 水 矣。 F 洪 爲 休 績 之 雖 教 口

> 字,辨 見 者 其 休 府 有功云。」 述、特辨其大旨、又使學者知《表注》之爲 Ш 之比矣。 不合,不合則又何 善其説而攷證疎,攷證 與? 道 董 於《書表注》,今亦頗 金氏嘗深究《洪 次 未嘗 以 威 述 作, 則 故 謝 不同 事 九 凡 氏 而 一時言庶徵 讀 則 其 後 書者 Ŧi. 嗚呼,爲 義 勦 足以 範 行 以 理 》之説 次 必 爲 미 福 以 爲善邪 疎 行 己説 先 尋。 是説者 極 Ŧi. 於時。 則 畫 帝 加 事 乖 句 定 不 ? 刺 而 王 九 然, 段 著 牴 愚 故 吾 非 治 功 · 正 經傳 不復 牾 則 異 言 鄉 謝 天 文 下 雖 氏 戒 而

## 陳氏樵《洪範傳》

一卷。

未見。

田氏澤《洪範洛書辨》

卷。

未見。

總管府推官。」

黄虞稷曰: 「澤,居延人。 延祐中常德路

陳氏希聖《洪範述》

按:葉氏《菉竹堂目》有之。

門人澤州田光復覆校

經義考卷九十六終

未見。

## 經義考卷九十七

極,保

萬

民,

叙

四

[時,成

百穀

原

於

天道

篇,帝王爲治之道也。

所以叙

彝倫,正皇

水 朱彝 尊

旨,爲朝夕省觀。』三吾對

日

『陛

下留

心

是書,上明聖道,下福生民,爲萬

世

開

太

帝之道,我未能焉。

朕每爲惕然,遂

疏

其

而驗於人事。

箕子爲武王猶自謙

日

Ŧi.

平者也。」」

秀 男 昆 田 校

則即 明,大哉聖訓,於世詎 撥機冗爲之注釋,於是九疇大範 右 諸 於文字,非善學者也。 備於《書》,讀《書》弗本其 學,以爲六經莫古於《書》,帝 劉三吾後序曰:「皇上宵旰圖治,留 義,爲書若干篇矣。 天道 朝夕顧 變輿 ,體之人君,驗之民 日 提,一旦心 所戾止, 勑 載惟《洪範》大法,本 小 領神 既厪睿思,發其 補 寫 行事,而 哉。 生,未易推測 是 會 王政 編,揭 有 臣 得焉,乃 如 燦然復 徒 事 之座 孫嘗 求 心 亦 奥 經

### 卷。

明太祖皇帝《御注洪範

未見。

是 揭 實録》:「洪武二十年二月 成 於 ·洪範》成。 ,召贊善劉 御座之右, 朝夕 三吾曰:『朕 上嘗 觀 命 覽 儒 为 臣 觀 自 甲 書 泛洪 爲 辰, 洪 注。 範 範 御 至 注

習是書,叨忝近侍,日獲與聞,敢僭序

其後。」

黄虞稷曰:「帝嘗命儒臣書《洪範》,揭於

御座之右,因自爲注,洪武二十年二月

成書。」

宣宗皇帝《序洪範》

一篇。

存。

7

世宗皇帝《洪範序略》

一篇。

存。

二册,當合景、永二陵序爲一按"《文淵閣書目》,《御注洪範

王氏禕《洛書非洪範辨》

篇。

存。

葉氏世奇《範通》

二卷。

未見。

傅氏淳《洪範敷

未見。

徵士,鄉人稱退密先生。」 黄虞稷曰:「淳字伯厚,慈谿人。洪武

中

編也。

一五二六

俞氏深《範疇

解》

教授。」 洪武中以鄉貢入太學,歷建寧府儒學《嚴州府志》:「俞深,字景淵,桐廬人。

考すし

徐氏驥《洪範解訂正》

一卷。

未見。

黄虞稷曰:「驥字尚德,浦城人。永樂中

國子生, 仕府經歷。」

未見。

《括蒼彙紀》:「盧璣,字舜用,松陽人。

天順甲申進士。」

熊氏宗立《洪範九疇數解》

八卷。

未見。

按:范氏《天一閣》、黄虞稷曰:「建陽人。」

西亭《萬卷

堂》均載是書。

五二七

五二八

#### 氏 範 正

卷。

未見。

謪 化 制 陸 普安 戊 司 元 戊戌進 郎 輔 中,出 州 日 士 判官,轉 . 除 丁 爲 廣東提學副使, 中書舍人。 璣 | 廣 字玉夫,丹 西 通 判 以 星變言事 溺死。」 起 徒 禮 部儀 成

楊 氏 廉《洪範纂要》

卷。

存。

父子《五行傳》,於五者 天下平,聖神 廉自序曰 . 「《尚 功化之極,盡 洪 增 範》所陳,篤 而爲六。 在 是矣。 夏 劉 恭 侯 氏 而

> 抗 中,從而張之,使其爲説,遂與聖人之經 《範》出 指 勝 之説哉。」 之應昭 範》本篇沉 歆之學。 文、周、孔,其 及,豈亦未之見邪? 大傳》,大略如向、歆之説,而蘇氏曾無 而 世 久 衡於世,豈 其謬,當矣。 遂 陰謀上之言 然可見,又何必牽合補 於大禹 有 而淫 兩 潛 玩 洪範 不 後 巫瞽史,往往幸其 、箕子,其後乃 味 然向、歆以 可 乃有 則 憾  $\approx$ 偶 哉? 六 爾 五行 京 噫,《易》出 Ŧi. 而 房、郭 中, 前 行 五. 學者誠 事 有劉 綴 人愈神之, 已有《尚 宋蘇 休咎 璞 以 一言之 於義、 之學。 取 向 明允 曲 福 爲 洪 劉 極

六之説。」

黄虞稷

日

專

闢

劉

向

Ŧi.

行

傳

增

而

爲

.

## 吴氏世忠《洪範攷疑

存。

**紅西** 弘 治庚戌進 通志》: ±; 「 吴世 歷 忠,字 官 延 綏 懋貞,金谿人。 巡 撫、 愈 都

御史。」

顧

氏鼎臣《洪範

鄭氏善夫《洪範

劉

氏天民《洪範辨疑

未見。

改四 選郎中, 甲 錢 十,改吏部。 謙益 戌進士,除户部 川 日 調 :「天民字希尹,濟 壽 泣諫 州 知 主 大禮,又答三十。 州 事。 累遷至河南副使 諫南巡,廷笞三 南人。 歷文 Œ 德

存。

Η.

英殿大學士,卒謚文康。《洪範講章》一

賜進士第一,累官少保兼太子太傅、武

卷,嘉靖七年四月奉上諭草進

鍾

淵映曰:「公字九和,崑

Ш

弘治乙

五二九

隱居鵝峰,有《洪範解》。」

潘氏葵《洪範本傳》

未見。

盧氏鴻《君道洪範》

八卷。

未見。

訓導。著《君道洪範》八卷。」《贑州府志》:「盧鴻、寧都人、湖廣臨

吕氏賢《洪範解》

一卷。

未見。

張雲章曰:「吕賢,字宗器,永豐諸生。

曾氏俊《洪範圖輯

未見。

黄虞稷曰:「南海人。正德中官知縣。」

一卷。

葉氏良珮《洪範圖解》

武

未見。

徐氏獻忠《洪範或問》

一卷。

未見。

獻忠自序曰:「聖人列天地自然之利可

也

顧

傳注之行已久,後生末學,不

敢

以

蔡子傳其學,著《洪範皇 也 以 有 而 養 劉 生 民 吉 者 向《五行 X 日 此 此 Ŧi. 行 7傳》始 Ŧi. 物 後 者 世 窮其 司 譎 極 之,甚 其 義 内篇 義 ,以通常 》,以 一矣其 謂 造 變化 儒 過 化 者 論 群

之道 緣 之。 厥 後 作 書 集 傳 遂旨 趣 Ŧi.

行,綜其餘 夫天地之道,有 論,不 自 知 象 其 有 陷 數 於 9 有 緯 體 説 有 之 用 家

故孔 《洛書》 子 者 謂《易》有君 其 精 行 鬼 子之道 神 ,其變參卦 四焉。 圖 至 丁,其 於

之爲 數 窮物 道,廣 理、 大 通 悉 治 備 軌 者 也 推 箕子 移 ",猶 陳《範 夫《 学之 易》

闔

闢

其 本 數。 意 純乎 後 世 理 儒 而 者 不 没 窮 於劉 其 變,則其 向 之過 象 論 而 既 不 昧 衍

地 十 之數 不 可 通 於《洛 書》之九,又 不 知

五行 ,使聖 一疇 不 人之教 可 通 於 不 八疇之義,徒 白 於天 下,是 泥 固 異 口 端 惜

> 竢 悟學之士 得之見 遽 云。 綴 其 間 聊 即 問 難 語

#### 游 氏 日章《洪範

未 見

黄 人虞稷 進士 日 歷官廉 日 章 字 州 學侗 府 知 莆田 府 嘉 靖

歸 氏 有光《洪範

存。

有光自 洪 範傳》, 因折衷之,復 然予以 述 日 其 爲 一昔王 論 先 精 儒 爲 美,遠 此 之 荆 説 傳 公、曾文定公皆有 出 亦 若 時 皇極言『予 劉二孔之 有 不 可 廢

爲序。

金先於木,是以

金爲重,故

金

能

生

攸 因文求義,必於予言有取焉矣。」 有得箕子之心於千載之下,然世 爲深切,古今注家未之及也。 福者,錫 好 德」,即 此 而 五福之『攸好德』,而所謂 己。 箕子丁寧反覆之意, 不敢自 之君子 謂 最 錫

以底績。

夫《範》之言五行,乃天

地

生

物

爲重,木能生

火,火自

能

克

水,此

神

禹

所

水,此伯鯀

所以罔

功。

木先於

金,是

以

木

自然之序,禹之成功,豈在以木爲

重於

金

## 瞿氏九思《洪範衍義》

五卷。

存。

夢至一 以 張雲章曰:「九思,萬 禹都安邑,故托之夢見爲辭,而 其説以《洪範》非 之曰:『此爲安邑。』覺而 範》,數 水火金木土爲序,《範》以水火木金土 璇宫,如萬 月 而 成 衍於箕子,而 ]頃碧琉 子 視其 層間 大有所悟,遂 璃,見一巨 書 江漢人。 真 作 謂 囈 于 《禹 語 神 人告 自言 謨 禹 也 衍

而能克火故耶?

其説謬戾可笑。

鍾

氏化民《敷言大旨》

一卷。

未見。

錢氏一本《範衍》

十 存。卷。

一本自序曰:「揚子雲《太玄》根據《洛

書》,非 則 荷 以 作 者。 揚氏《太玄》、關氏《洞 朱子謂 其零星 補 極 凑。 蔡 司 兆 即 日

馬 西 氏 Ш 氏 潛 虚 》,皆 以 不 知 而 作目 之。 愚 不

揆量 竊 謂 龜 惟 求 洛 之舊, 契 原 數 以 爲

兆 宗綜 九 章 以考占,以 見占五 行, 以

見占五事,以三見占八政,以四見 占 Ŧi.

紀,以 五見占皇極,以 六見占三德 以

福 見占稽疑,以八見占庶徵,以九 極 蓋 龜從洛出 能 知 天道 其 見 自 與 隱 至 占

文,一 九四十五畫,見於龜 一皆有 吉 可 貞 背,皆神明自然之拆 問 禹 九 章 即

X 疇

爲龜 禹 疇之卜,因數成變,因變考占,因占 卜全書之實 據。 求《洛書》之舊 設 稽

教 为 事示戒 蓋 卦 以 兩 畫 成 於 疇

兩 畫 成 於九,卦之六 + 四 以 乘 之 爲 Ŧi.

六十四, 百 + 龜 疇 疇 數 灼 既 盡 符 於八,其六十 掛 數 蓍 掛 匹 揲 1 法 於

> 無 而 爲 影 蒙,四九兆驛 古 揲法。 響 X X 疑 與 似 民 且 使 一六 同 五 患之一 難 兆 兆克,又一一 曉 雨 助云。」 ,二七兆霽 庶 幾 耆 確 龜 實,略 並

徐氏常吉《洪範則洛書辨》

卷。

羅氏喻義《洪 範

存。

不 喻 求 義 》,無字者 甚 自 序 解 日 讀《 : 範》恐 雒之《 凡 書 不然。 書》, 讀一 顧 解 有 ^ 字 書 或 者 日 W 則 商 讀 失

五三三

五三

DЦ

辛巳。」 讀,又 是也。 顧 天下大經大法,是 每 範》流 範 母, 奏 》,顧《範》則失《書》。 (通其 是謂得之。 篇 《書》、《範》 爲 數。 如 解,名曰《直解》。 在 顧《 上前 惟 相 範》失《書》,今之注 金華殿中 義 著, 講筵進講,既 依而 取 顧《 無 語 書》失《 隱 無 今用其體 也 失, 亦 崇禎 以 範 如 治 其 子 疏

《讀範内篇》

一卷。

存。

喻 出 圖 圖》、《洛書》, 義 七,凡十有 自序 古云『疇 EI : 其 舊 ,首《繋辭 爵 圖 範 邑」,謂 也, 置 初 》焉,備 一次 卷, 通前後爵 九、從 舊 圖 矣。 几 此 邑 疇 翻 河 新

> 似者 乎? 習其讀,又通其解,名曰《直解》。』又謂昔 上 張雲章曰: 也 又作《讀範内篇》。」 乎其中矣。 也 一以歸 以《老》準《易》,不如以《範》準《易》,故 奇 故 進反者,禮樂也。 ,《範》之圖 或稱縱五 偶 書 五行,六以下以歸四克,文不在 進 散 反 「喻義之言曰:『講筵進講,既 錯綜其數,參伍 而 圖 從 横 也 整 此 一,晦 也 翻 姑舍是。」 出 天 翁 陽 地 所謂 奇 以 設位 陰 變,分 偶 打 四 者 禮樂 馬 子相 五 舊 天 兹 以 行 地 圖

羅氏輔《洪範彙義》

未見。

### 鄒 氏元佐《洪範福極奥旨》

五卷。

未見。

建昌府志》: 《洪範 福 極 奥旨》五卷, 鄒

元佐撰。」

包氏萬有《範數贊詞》

四卷。

未見。

黄氏道周《洪範明

四卷。

言錯 而在後,威福建極敷言錯而在前

簡 爲 道 字如『晨』爲『農』、『弌』爲『忒』、『殛』爲 定,後人不以爲非。 出,然皆史家記述之言,雖巔末稍殊,無 因伏、量以 也。漢興、伏、鼂口 書,爲堯、舜所授於禹、湯,周公所得於箕 使禹、箕之結撰與史記同觀,神聖之微言 義古奥,條貫 傷大義。 倫脊,五十九篇之中,時 羲、文之道在箕子,非他作者之所敢望 子者。《易》於《明夷》之卦推崇箕子,明 在《易象》,自《易象》而外,惟有《洪範》一 耄 者三, 訛字者 周進上序曰 口所亂 如《武成》、《雒誥》先儒之所 證古簡,是以 良 錯 :「臣觀五帝三王之道,備 綜,沿二千年未之有改 可 惜 授不真,厥後諸 獨《洪範》一書,以理 錯 也 簡 有依 譌 如 臣攷篇中有錯 舛 Ŧi. 相 託,先後間 紀三德敷 沿, 儒 失其 IE. 皆

有 言。 務。 召 揣,爲《明義》 幸 厥 説 言陰隲 以及聖神授受之統。 易象》、《 極 ·; 性 逢 緒 過於斯書者也 臣 初終 聖 宋元諸 之類,皆伏、量之所不稽 命相符,及好德用 相協 下 主 臣 下愚迂 愚 春 兩 留 儒稍 秋 迁 彝 卷,乃正 神 四卷。 味、私  $\forall$ 倫條 經 耐 昧 發 籍, 外 其端 繹 貫,旁及陰陽曆數之 所 定篇章,分别 意 其上卷皆言天人感 凡八萬七千六百餘 奉 思 以 人 · 旨 可 此 明興,諸賢未竟 八之方。 爲 纂 敦崇紬 義 古今典 鄭、孔 輯, 近 二十年, 乃復 下卷皆 繹,未 倫序 籍自 所 未

# 鄒氏期禎《洪範經世要語》

未見。

# 孫氏承澤《洪範經傳集義

一卷。

存。

疇 按: 也 無 約 如 生 曾 傳 Ŧi. 多依宋元 以『水 箕傳,以 取取 退谷先生《洪 紀、皇極 親 山 見 朝 金 日 朝 鮮 諸 潤 氏言之。」 五. 鮮 本 儒 下 一實之。 本 五. 福 範 否? 行 惟『三八政』向 以 集義 下爲 極等傳,大 後 以 余嘗 曰 : 下爲 得 箕 加 分 傳。 未 禹 先 Ш 禹

進

黄

(虞稷

日

「崇禎十

年

道

周

爲

經

筵

H

講

官、左春坊

左論

德

掌

司

經

局

事

時

編

纂

《圖書作範宗旨》

注,初無此文,然先生豈欺我者, 或其所藏本與余所見有不同爾。

夏氏唐老《九疇圖》

佚。

亡名氏《福極對義圖》

一卷。

未見。

朱子曰:「三衢夏唐老作《九疇圖》。」

册。

未見。 按:是書載范氏《天一閣目》,未

詳姓氏。

篇。

貢氏師泰《題旅獒圖》

存。

李氏郡《旅獒圖》

《洪範集説》

册。

未見。

卷。

未見。

五三七

王世貞曰: 「郡字士牧。」

樓氏鑰《金縢圖説》

篇。

存。

甥祖皐申之攜圖見示,雖出臨摹,而古意 鑰自述曰:「《金縢》之説,不明久矣。 盧

具在,遂爲之説。」

顏氏直之《金縢圖》

卷。

佚。

按: 金華黄文獻公溍有跋。

王氏廉《金縢辨》

篇。

存。

《左氏鈎玄》,總若干卷。」 著而爲書,有《書海通辨》、《三體纂要》、1 經諸史百家之書而大肆其力,推其所得 天趣先生游,聞見之際所得者多,復即 王禕曰: 縉雲王熙陽氏早歲從 永嘉 群 Ŧ.

張氏孚敬《金騰辨疑》

卷。

0 序》(影印文淵閣《四庫全書》本),當作「三禮纂要」。 「三體纂要」,據王禕《王忠文公集》卷七《王氏迂論 宋氏璟《無逸圖》

經義考卷九十七

多方論》 存。

> 逸》一 《唐國史》: 觀省。」 篇,爲圖以獻,玄宗置之内殿 存之。 逸圖》、當日進獻皆有表奏、 按:唐之紫宸、宋之邇英所設《無 「紫宸殿設《無逸圖》。」 出人 故

汪氏叡《周公居東二年辨》

未見。

崔植

티 :

「開元初,

宋璟爲相,手寫《無

王氏洙、蔡氏襄《無逸圖》

佚。

文彦博曰:「 洙所寫《無逸圖》。」 邇英北壁有仁宗朝講官王

《無逸》於屏間,其後歲久 語察襄書之。 之至戒。 范祖禹劄子曰:「臣竊以《無逸》者,周公 昔仁宗皇帝初建邇英閣 仁宗尊崇經訓如此 而 弊,又命知制 ",陛下 即 書

### 宜以爲法。」

## 吴氏安詩等《無

卷。 宋志》二卷,《通考》三卷,俱合《説 命講

義》言之。

進講説也。」 康,元祐中侍講筵顔 晁公武曰:「 皇朝吴安詩、 復説 書崇政 范祖 禹、 殿 日 司 所 馬

進講 終篇,侍講司 (中興 〈書目》:「元祐五年二月,講 卷。」 馬康、吴安詩、范祖 禹 無 等 逸》 録

義

奉官 祖 逸》義,令詳備録進。 禹 李 進劄子曰:「臣今年七月準 偁傳聖旨,今日邇 臣今寫録進呈。」 英 閣 講 人 過 内, ^ 無 供

### 胡氏寅《無逸

卷。

未見。

警戒。 觀陛 之座隅 分章訓釋。 海,或得涯 再至三、雖聖言宏深、未 寅進表曰: 下親御 臣退而 ,聖心憂 涘,不俟揆度,輒 翰墨, 「臣頃任記注,立侍經筵,竊 古今相去已數千年,至於人 取《無逸》篇,誦 勤 書周公《無逸》 圖治 『清毫』 易 窺測,譬如涉 以 灑 讀 淺 牘,不 研究,至 陋之學, 篇, 忘

### 司 馬 氏光等《無逸講

宋志》:

未見。

Ŧi.

四

0

輩 載 恭 隕 所 事 心 道。 ·, 何 惟 未 越之至。」 ,螢爝之照,呈輝大明,僭易 唑 談 嘗 能 下聖學緝 經尚論 有 仰 言有補 異, 望 臣 清 而 臣 光。 無 所 熙, 益 以 不虚 草 高 於 本 芥 今, 出 原 生,臣無任納 賤 古 則 世, 微 訓 伏 腐 誅 儒 如 求 貫 ,誠 而已。 臣 以 裕 等 覆 時 忠 無

#### 張 氏 村《無逸 解

卷。

未見。

程 氏 鳴鳳《 無逸

佚。

^ 徽 州府 志 鳴 鳳 字 朝 陽,祁門人。 寶

> 趙 氏 乗文《無逸直 解》

州

進《無法

逸説

**%** 

祐

癸丑

射

策

第

,

知

德

慶

府

後

知

南

雄

佚。

帝時 年而 獻《 篤 壽 若周公者也。 胤長遠,又 文王皆以憂勤得壽考之福,其意欲使祚 秉文自序 無逸》一篇,以伸勸戒,舉殷三賢王及周 考無 實愛君之力也。 無 ,崔植 不用,至今稱爲賢王之首,此皆周 逸 窮,以至成 圖 日 「》,帝 、欲其 又請 : 以成王年幼,恐其荒怠,作 伏觀 列 君 以《無 王亨 爲 憂勤 其 屏 自古忠之大者,未 後 逸》 國 風 無 唐明皇時,宋 長 ,置之左右。 逸,頤 爲 久,刑措四十 元 龜。 愛精 然 神 公 有 相 則

Ŧī. 四

恩,無以圖報,謹依注疏,撰《無逸直解》《無逸》一篇,乃萬世之龜鏡也。蒙國厚

因以獻,仰視無疆。」

程氏大昌《三宅三俊説》

倉

存

滕氏仲禮《周官吕刑講義》

老

佚。

官滕仲禮會府尹史子華等講《周官》、《吕王惲曰:「至元十六年十二月,中山府教

刑》篇於明新堂。」

胡氏銓《君陳辨》

篇。

存。

方氏回《顧命朝會考》

一篇。

存。

汪氏琬《顧命説》

存篇。

1880

王氏炎《康王之誥論

方氏孝孺《畢命論》

董氏斯張《周書克殷度邑解

范氏後《君牙冏命吕刑論》

存。

存。

《書》,非後儒竄入者。 《克殷》、《度邑》 斯張序曰:「世儒謂《周書》出汲冢,乃 解載《史記》,確 太史公去伏生不 爲

逸

録。 二解補伏生今文《書》,而以古文别爲一 熙甫、弱侯而在,必有賞余言者。賈

遠,其辭亦近之。

余意以史載《湯誥》及

生書云紂已死玉門之上,武王使人帷而

五四三

草、《索隱》、《正義》亦多秕僻,間 《金罍子》已有辨。余録《克殷解》,依《史 弑乎疇手刃之謂哉。」」 弑其君,何居?」應之曰:『發伐辛焚,非 見,所以便觀者也。 文字異同者疏其下。 守之。大白小白,千古厚誣,《升庵 書》。有一二未安者,酌二書參用之,以 記》自武王既入始,《度邑解》依《汲冢 或曰:『齊宣王曰 孔晁注《周書》殊草 綴 集》及 以 臣 鄙

陶氏弘景《注尚書序》

一卷。

佚。

士劉大彬《茅山志》。 按:貞白注《詩》、《書》序,見元道

經義考卷九十七終

門人江都許迎年覆校

不足故嗟嘆之,嗟嘆之不足故永歌之,永

志,發言爲詩。

情 動

於中

而形於言,言之

秀水朱彝尊

田

二日

賦,三曰比,四

日

興,五曰雅,六曰

化,移風俗。故《詩》有六義焉:一曰風,

先王以是經夫婦,成孝敬,厚人倫

美教

歌之不足,不知手之舞之、足之蹈之也

之形容,以其成功告於神明者也。 有《小雅》焉,有《大雅》焉。 也,言王政之所由廢興也。 政有小大,故 天下之事形四方之風謂之雅。 頌。以一國之事繫一人之本謂之風,言

詩

墨翟曰:「誦《詩》三百,歌《詩》三百

四始、《詩》之至也。」

《詩》三百。」

荀卿曰:「詩者,中聲之所止也。」 司馬遷曰:「古者《詩》三千餘篇,及至孔

《周禮》:「太師教六詩:曰

風,曰

賦,

日

今存三百五篇。

比,曰興,曰雅,曰頌。」

卜子曰:「詩者,志之所之也。

在

心爲

席,故曰: 稷,中述殷周之盛,至幽 子,去其重,取可施於禮義,上采契、后 《關雎》之亂以爲《風》始、《鹿 、厲之缺,始於衽

Ŧi. 四 Ŧi.

是謂

頌者,美盛

德

雅者,正

曰: 以 廟 自 鳴》爲《 求合《韶》、《武》、《雅》、《 此 「《詩》三百篇,大抵賢聖發憤之所 可 得 小 頌》始。 而 雅》始、《文王》爲《大雅》始、《清 述,以 三百 備 Ħ. 王 道、成六藝。」 篇孔子皆絃歌之, 頌》之音,禮樂 爲 又

《詩含神 作也。」 劉 在 兀 版,藏之金府,集微揆著,上統元皇,下序 之祖,百 扶持邦家者 於敦 始 歆曰 羅 . 厚之教 列 霧 「詩 福之宗,萬物之户 五 也。」 以言情。 際。 自 持 詩者,天地之心, 其心, 又曰 情者,性之符 1: 「詩 諷 也。 刺之道可 者,持也。 刻之 也。 君 以 玉 德

卯 父》也,午、《采芑》也,亥、《大明》也。然 詩 詩推度災》曰 酉之際爲 氾 歷 樞》 革 日 政 午 建 卯、《天保》也; 几 亥之際 始 Ŧi. 爲 際 革 而 命 八節 西、《祈 通

> 《春秋》 義也 火始也 五 午爲 也; 候 則亥爲革命,一 際 聽 陽 ,二際也 也 四牡》在寅、木始 演孔圖》曰: 」;《鴻雁》在 謝 陰 興, 又 9 卯爲 日 四 際 : 際 也 「詩含五際六情。」 中,金始  $\sim$ 陰 也 , 也 大 陽交際,三 亥 明 , 酉 又 也。」 《嘉魚》在巳, 爲 **>** 爲 在 陰 天門 亥,水始 盛 際也 陽微 出 即 六

《春秋説 志 謀,恬憺 辰之度,人心之操也。 也 爲 題辭》曰:「詩 心,思 慮 爲志 在事 者,天文之精, 故故 爲 詩 詩 ,未發爲 之爲言 星

者,以 班 俗、知得 上采殷,下 固日 其 . 誳 失、自考正 「古有采詩之官,王者所以 取 誦 不 魯,凡三百 獨 在 也。 竹帛故 Ŧi. 孔 子 也 純 遭 取 秦 周 觀 而 全 風

翼奉曰:「詩有五際:君臣,父子,兄弟,

夫婦,朋友。」

鄭 陽 孟 而 終始 康 讚 康 咏 成 日 之, 日 際 會之歲,於此則有變改之政。」 :「詩者,承也。 Ŧi. 政惡則諷 際,卯、 刺之。」 酉、午、戌、亥 政善則下 也。 民 承 陰

謂 頌 而 劉 隨 之比,言王政 作 熙 謂 作 之興,敷布其 者之志 詩 ,之也,志之所之也。 事 而 謂 别名之者也 之雅 義謂之賦 稱 頌 \_0 成 事 功謂 類 相 興 之 物 似

《大雅》之材三十一人。」 張揖曰:「《詩·小雅》之材七十四人,

考之 物 周 則 續 禮 謂 之 教 日 按: 之《 ,其歸不殊也 . 風 揖之言以一篇爲一  $\overline{ }$  $\forall$ 風 物 》、《雅 由 我 IE. 體 則 可 謂 而 由 雅 我 化

梁 在 簡 心 謂 文 之 帝 思,言! E 詩 見 者 其 懷 思思 抱 也 者 辭 也 也 在 辭 發 慮 爲

詩,在樂爲歌,其本一也。」

之。 其 德, 不存。 百篇 烈,太王肇 克平殷亂 隋 後 踵 書 孔子删《詩 E 武 一澤竭 周 經 相 氏 成 基 籍 繼 而《 始 王 E 志 自 周 》,上采商 詩》亡,魯 迹,文王 出 后 日 公化 厲 稷, 「夏、 板 光 致 而 蕩 太 · 太 昭 公 殷 師 怨 取 平 前 劉 以 摯次 刺 魯,凡 緒, 克 Ŀ 誦 並 篤 詩 而 美 武 興 録 盛 前 多  $\pm$ 

始。 按: 始 王 加 ×, 録 關 闘 如《 之者,故 頌》始《 雎 雎 隋 ×, 》之亂」 志 ^ 清 雅  $\forall$ 所 論 是也 **>** 廟 云, 始《 語 ×, > 皆 則 鹿 日 魯 鳴 師 太 》、《文 南》 師 摰 之 次

亡失者少,不容孔子十去其九。」 孔穎達曰:「經傳所引諸詩,見存者多,

李行修曰:「夫《詩》者,其辭主文譎諫而

合 不 而 許 去。」 三百 其 五. 教 篇 温 柔 善者 敦 厚 全 而 不愚。 而 用, 不 仲 尼 善者全 采之,

詩 《文王》『受命』至《卷阿》,爲《大雅》之正 鳴》 獻 刊 成 之,或曰 義 李清臣 始;《清廟》至《般》,爲《頌》之正始。」 亡六篇,比 而 《詩》有四始。 周》、《召》二《 伯 者,古人樂曲,故 不甚 Ē ,出自 詩》仝樂章,布 至《菁菁者莪 無 瑜 日 相 孔 裨 百家,辭生鄙 \* . 絶, 諸 或 子分之,是皆未 《國 「《詩》者,四 風。 典 而 南》,《 始者,正詩 籍,未爲 分 風 》,爲《 於 别若 》、《雅》、《頌》美 可 文遭暴秦,並 或 人口,三百之外,惟 俚,豈能 以 風》之 殘 此 歌 小雅》之正 或 爲 滅。」 也,謂之正 或或 可 所 知《詩》。 陳,臣 正 盡 以被於 又曰: 善若 始;《鹿 爲 太 煨 師 下 刺 始 始 金 所 夫 分 之

> 者所 其義 《雅》,《 《大雅》、爲《頌 石 不同,而 與孔子而後分也。 詩人作之之始固 鐘鼓之節。 不 爾。 能易 雅》之聲不可以 辭之不相人,亦作者爲之,後 亦猶今之樂 也。」 其聲之曲折,其氣之高 **%**0 E ^ 爲《風》、爲《小雅》、爲 太 風》之聲 曲 師 入《頌》,不待 有 知 其 小 八聲,孔 有 不 大,聲 可 子 太 以 F 來 知 師

字。 歐 删 夫子謂其以室爲遠,害於兄弟之義,故篇 思,室是遠 也 或篇 其 陽修日 う章 如 也;『衣錦 删 唐 :「删《詩》云者,非止全篇 其 而」,此《小雅· 棣 章,或 之華,偏 尚 章 絅,文之著也」,邶 删 其 其 反 唐棣》之詩也, 句, 而 或 贵 句 不 删 删 爾 去 其

<sup>●「</sup>裨」,原作「稗」,據四庫本、薈要本、成伯璵《毛詩比

篇 有 有 也 陳 作,夫子併得之於魯太師,編 鄭 以爲絢兮』一句,則知孔子時《詩》亡矣。」 之。且以《論語》考之,今《碩人》之詩無『素 劉安世曰: 俾滂沱矣。 周子醇曰: 姓』,此《小雅·節南山》之詩也,夫子以 飾 『能』之一字爲意之害 驪駒》是也 鄘 删一 有更十 樵日 之過,②恐 意於删 鵬 風 『誰 飛 . 句者,『素以爲絢兮』是也。」 日 君子偕老》之詩 能 也 Ŀ 君 秉 「孔子時《詩》,今不可得 月離于箕,風揚沙矣』是也 「孔子删《詩 9 春秋之亡以禮廢,秦之亡以 其 下千餘 而 或 有删 删《詩》之説 流 取 成,不自爲 加 兩句者,『月離 篇者 不 故句 年,《詩》纔三百 返,故章 也,更夫子 》,有 ,漢儒倡之。」 皆 删其字也。 政,卒勞 全篇 而録之,非 商 删 周 謂 删者 于 其 而 其 畢, 所 Ŧī. 百 見 盡 句

詩》廢。」

也。」 唐仲 孔邇』、《周南》已有《雅 風」、《大雅》亦有《風》; 則《春秋》 故《風》猶 於《雅》乎! 具見矣。 謗之際、《風》降於東遷之餘,道之汙隆 其衰也、《頌》息於南征之後、《雅》變於監 南》,由《周 不可諼兮」、《變風》 友 又 日 可 群叔之流 可 . 日 南》 以 正 . 周之興 洛邑之遷、《頌》未 無 而進於《雅》也。 而《雅 作 其 言、《風》猶將變,而 猶 奈 風 也,由《召 》,由《雅》而 有《 》,『有匪 肆 何 雖 頌》。 變 好 則 而 如 南 遂 『穆 《雅 可遽 《采蘩》 君子,終 燬,父母 至 《頌 而 於亡 : 》在 如 清 況 周

2

印萬有文庫十通本)卷一七八,當作「此」。 印萬有文庫十通本)卷一七八,當作「此」。

<sup>「</sup>夫」,原作「君」,據四庫本、《文獻通考》卷一七八改。

ħ.

ħ.

0

己。 興 編 得 朱 句 以 賦 鶴 、之屬 許 次 之 子 而 爲 鳴》 多 曰:「人言夫子删《 屬 二意者,『王室如 但經孔 雅 又曰 詩 專 也 也 × 於 , 夫子不 ^ :「當時 興 有 頌 子 賦 也 時 **%** 斯 9 E **>** 其 比、 曾 經 比 史官 燬」,比 意 删 篇 興 之屬 散 詩 達 去, 以 而 失,故 收 》,看 於 爲《 只 也 詩 而《雅 風 義 9 是 風》, 時 孔 來 矣 者 刊 只 闘 子 E 。》也。」 有 重 有 各 定 是 亦 雕 之, 采 有 新 有 而

戴 整 類 類 命 葛覃 齊》於詩 取 取 埴 理 則 章 合 其 日 十》之類 取 中 末 番,未見 而 章 亦  $\overline{\wedge}$ 章 成 詩 中 無 取 事 《召旻》、《韓 文、《氓 取。 》篇 ·, 其首章 得 句, 維 名之例 删 》、《丰》、《蕩》、《 天之命 與 惟 亦有 《權 不 雨 删 奕》之類取 例 不 輿》、《翳 無 》、《昊天有 同 IE. 0 而名異者, 關 縣》之 虞》之 酌 雎 章 成

> ^ ^ 則《 雅 太王 奕》、《烝民》、《江 縣』之義,一 不 正、變以治言。 與『交交黄 車 節 黄鳥』爲名。」 緜 爾 豩 民勞》至《 若 **≫**? 爾 攻》、《 南 緜 治 頌 求《詩》於樂。 何 》何 Ш 瓜  $\sim$ 爾 以 謂 周 **>** 瓞 以 有《雅 斯 至《 鳥 言 禮 桑柔》治固 風 以『葛藟』 干》 有《頌》? 與 天  $\leq$ 魚 化 同 籥 自《 下之事 **≫**? 諸 緜 藻 所 漢 章 又 詩 邶 基 緜  $\forall$ 夫 》諸 歌 取 治 日 謂 何 爲 葛 子自 變矣,《 然則求《詩》於詩 至《曹》治 亦 . 美盛 形 古 以 緜 描 詩 名 爾  $\overline{\ }$ 何言 變 言變《 蠻 9 何 衛 四 風 同 德, 矣、《六月》、 松松 反魯, 以言變《大 方 之 緜  $\approx$ 變《風 ^ 小雅 告 之 高 蠻 固  $\wedge$ 栩 雅 成 風 黄 多 取 》之 功 以 韓 緜 則

<sup>●「</sup>齊」,原作「賣」,據四庫本、薈要本、《補正》改。

歌 然其 正變、 小者 小 頌 之,其於《雅》亦然。 之亂,洋洋 今之樂章至 之大者爲大樂章 之正、變復析 雅》 頌》,周之《頌》簡 風》,歌之變爲 》敬 曲之異。 IE ,播之金石,安得 》與《 音 故《國 爲 《雅》、《頌》各得 懼 小大 而以樂 荷 小樂章,小燕 頌 而 合, 謙 少以 風》十 盈 與三《頌 不 恭 爲《 何 風 求《詩》,始 耳 足 聲 商、 變《 ×, 往 道 大大 小 五. 而 ,商、魯之《頌 以 非《 猶 别 雅 不别 或 風 雅 、》之殊 魯《 瞽 樂正《詩》, 燕享用 ,樂有 頌 **∀**′ **%** 其所,及言《 之歌,歌之正 × 有 享用之。 誦 頌》侈麗 其聲之小大、正 **%** 《頌 知《風》、《雅》之 正 工 采 大 塗 歌 IE 調 雅 風 人不 之; 》 既 而 既 聲, 轉 者以 ×, 》繁 以言 則《 同 别 調 而夸大。 被 ·以詩 雅 以 必 闘 大 歸 之 音 聲 雅 其 風 爲 有 雎 曲 求 周 之 絃 乎 别 音 聲 戀 IE

> 《簡 之。 變哉 意 後 所 孔子生數 風 本 采定,就 樂章,●今載於《 餘篇,孔子取三 日 詩》爲三百篇。 陳 删 教之詩删 謂古人已具之詩,不 兮》之思 周 故《 + 於 然則《詩》不 取 太 匪 以 葉 有 也。 百 師 ^ 風 逸詩 適 詩 落 年 西方 》之思周 日 其 》 爲 後 高 殊 百五 :「《史記》『古《詩》三千 左 所 因 下 又《論 按《詩 美 教 無 氏 去 孔 少矣, 十不存 位 人,皆自周言之也。 篇』, 道 傳》者,皆 置 取 氏 於 語 ×, 應指其 學立 《下泉》之思治 皆當 而 王 疑 **>** 周 孔安國 後 稱《 朝 不 及 删 師 ,爲皆出 時 自 詩 待 史 諸 矣。」 耐 朝 删 官 亦 》 百 百 孔 諸 以 侯 者言 廷之 言 一代 侯 子 先 用 删 其 之 又 而 所 爲

0 詩 年瑞安黄體芳刻本)卷六乙正 周 原 作 周 詩 據 葉 適 《習 記 》(清 光緒 +

非

爲

子

謂

者

乎? 所 旨 觀 其 自删 非 獲 不 三百 史 手 諂 詩 詩》者自《邶 克 矣。」 孔 Œ 其 可可 至 IF. 刺刺 篇,孔子 之 作頌,則 爲 子之所 者 群 發 未嘗及變; 非 而 而 有 三百 \_\_\_\_\_ 學 非 可 又 也殊,要以 以 者 許 日 怨,亦 能 正 南 》、《鄘 篇,大妄 是 之 後之學《詩》者 舉 怨 裁定 變 以 隨 其 而 而 季 孔 天子 强 聲 未嘗 在 ※ 而 非 己。 孫 也 子教 承 歸 分之, 者 憤 也。」 行 之命 下 誤 於 及 也 父請 然 皆 哀 小 Œ 變。 失 則 樂 子 季 Ħ 又 列 不 爾 後 於 又曰 命 有 以 爲 日 於《頌》也 札 而 極 夫 人 考訂 : 於 變《風 可 非 觀 蔽 言 美 謂 其 言言 |《詩 興 周 私 樂 而 者 孔子 志 而 而 之 論 之 非 無 何 然 口 而

章

如

愚

日

三王

之《

風

>

非

貶

王

也

風》

也

魯

之《頌》非褒

魯

也

體

詩

外

宫

飛

惟

驪

;

本 體 頌 本 詩 歌 得 自 以 羅 駒 是 王 觀 始於孔子自 夏、毛萇。 也 無 雅 斯干》也; 采薺》、《河 ~頌。』《 序曰 辭 應 《風 定。 》、《祈招》、《轡之柔矣》,皆 此 其 遺王,名之曰《鴟 璧曰:「詩名之説, 所 麟 重 則《雅》、《 詩 『季 或 至分爲《風》、《雅》、《頌 於《風》、《頌》高 歌《雅 史記》:『微子 謂 然 體 而《 《鳩 水》、《新宫》、《茅 河 吴 衛 有 孫 逸 頌 書 》、歌《頌》矣。 季 反 ^ 行 飛 水 風 詩篇名,若《 家亦 札 魯、樂正、《 \*, « 父請 》,《沔水 ×, 金 聘 鴞 作 小 縢 或 魯, **%** 雅 者 於《雅 命於周 過 宛》也。  $\stackrel{>}{Z}$ 謂 ×, 自 殷 魯 則 **>** 或 别 也 雅 鴟 墟 太 詩 业也 頌 也史,或 貍 有 前 魯頌 忧 9 》,説 師 》、《頌》 名 \* 公乃 而 首 其 之 史克 韓 已 乃 作 新 殊 鳩 辭 作 謂 者 雅 爲

駉

札

作

已矣。」 之語 輕 劉 傳 句 重 汲 影 無定字,字無定音,大小、長短、險易 惟 ,與聖賢相 日 逸 意 詩 所 尤多 適。 百 一,其 雜 篇什 雖役 而 孔 無媿,亦各言其 無定章,章 筆 夫、室妾悲憤 所 删 與 ? 無 定句 感激 志 也

邪。』未嘗言删《詩》也。 蘇天爵曰:「太史公云古《詩》三千餘篇 文乎? 引逸詩,是皆孔子所 孔子删之,存者三百一十一篇。 火之餘、《詩》亦 書序》亦言删《詩》爲 》,始有删《詩》之説,而晉世 然後樂正 《詩》三百, 今考之孔子之言曰:『吾自 夫以周之列國 ~《雅 爲完書矣。 》、《頌》各 言 删二千七百 三百篇 以 至 若滕、薛、許、 蔽 趙 得 而 之, 氏《 皆 所 其 凡 日 是則 傳 孟 餘 出 所 經 孔 思 衛 篇 傳 子 太 史 秦 無 之 氏 題 又 反 所

之與? 所 觀 《王制》『天子五年一 無加 無 邾、 黄 陳、檜、曹十一國,皆春秋時詩,其 於經者,惟邶、 百 子取三百五篇』,孔穎達以 盧格曰 朱右曰:「古《詩》三百篇,以《風》、《雅 十五《國 夫子未删《詩》也,自《雅》、《頌》之外,其 頌》爲三經,賦、比、興 淳 録。 國,使各陳 民 莒, 其 耀 詩之存, 風」,西周 損也,其謂夫子删《詩》,其可信乎 孟子《詩》亡之論 :「《史記》『古《詩》三千 日 風 當季札之聘魯,請 與 》盡歌之,今三百篇及魯人所 陳、 何 孔子 盛 鄘、衛、鄭、 詩,亦千八百篇矣。 也? 魏、曹、檜 時 有正 巡狩,命太師 環海 將 爲三緯。」 ,其有慨於此 樂之 有其 地 齊、魏、唐、秦、 内 爲未可 觀 醜 而 詩 功 周 德 封 而 餘篇 樂,於 齊 者 耐 信。 夫子 他 陳 乎。 今載 千八 詩 無 亦 而 無 以 按 孔 存 删 時 删 獨

汪. 口 詩》之事 一碗日 據依 :「删《詩》之説昉於史遷 蓋 删《詩》者,漢儒之説也。」 ,其言不

仲、蘇 定而 孔子 謂 按: 莫之有異。 學、大學之所諷 陶 不删,又謂孔子不 列 以《詩》者掌之王朝,班之侯服,小 而 長,歷代儒生莫敢 菴 國之大夫 無 經孔子重 孔 黄 而 己。 删《詩》之事,愚心韙之。 伯 子删《詩》之説 使孔子以一人之見取 删,誠千古卓見也。 氏 修 水心葉氏 亦 亦 賦 故 謂 新 嘗 盟 詩 孔 整 疑 誦,冬夏之所 會、 子 理 見志,不盡 ·曾删 異 之。 亦謂 有 赤 聘問、 議 倡 正樂之 去,只 見 近 《詩 自 惟朱 時 得 司 燕 影不 摻 嘉 鄭 是 馬 删 功 教, 竊 子 其 定 漁 因 刊 與 子

> 有儀 者? 爲節 施於 孔子於《騶虞》、《采蘩》、《采蘋 之,王朝、列 王 齊》,樂 燕禮升歌《鹿鳴》,下管《新宮》,大 夫、士有節 存之,於《貍首》獨 有《貍首》之辭,未嘗與禮義悖 采蘋》爲節。❷ 以《騶虞》 禮 ,大夫以《采蘩》 耐 且 義 門 師 如行 河, 外 所 而 國之臣其孰信而從之 爲 教之 無 諸 孔 以《 節,諸 儀 子必 侯 今大、小《戴記》載 肆 樂 無節 何 去之,俾王 夏》, 儀 删之,俾堂上 爲 侯 也? 又 也 節 以《貍首 趨 士以 何 何 凡射 以《采 與 也 不 大 可 ? 則 而

土

風。

而

删

0

<sup>0</sup> 蘋」。 補 IE ×: 當 作『蘋』。」《周禮 注 疏》卷三十

<sup>「</sup>蘩」。 蘋」、《 補 IE **\***: 作『蘩』。」《 周 禮 注 》卷 三十 作

删 其 太 E 此又何不 禮,賓出奏《陔》; 射 夏》,牲出人奏《昭夏》; 遏 管無詩,又何也?《肆夏》、《繁 之,於《新宫》則去之,俾歌有詩 宫》三終, 奏《陔》;大射之儀,公升即 「王出入奏《王夏》,尸出入奏《 肆》,の賓 九夏》掌 師 反 考父校商之名《頌》十二篇於 之,俾禮 》、《渠》,天子所以 七 儀 以先 篇 ,歸以祀其先王,孔子殷 乃 歌 而 世 可 於鐘 醉 而 鹿 止 之 廢 施 奏《陔》,公人《 孔 所 存 鳴 而 於 師。 子 校 其 樂 **>** 禮 於《 鄉射之禮 = 歸 五 缺, 義,而 享元 終, 而《大司 祀 鹿 又 鄉飲酒之 又何 其 鳴 乃 侯者,故 孔 祖 何 管 賓 子 驁 席 也 者 也 則 删 周 必 肆 奏 新 ? 興 存 mi

者,非 其義 餘篇 删 穆 叟安能 再 所歌《風》詩 之王朝、班之侯服者,亦止於三百 又子所雅言,一 止於十三國矣,而 至於三千篇 合乎禮 父作《祈 或章删其 則  $\dot{\Xi}$ 後之言。 而 曰「誦《詩》三百」,未必定屬 而又删之,又何也? 且《詩 欲 止 已。 遍 義者莫此若矣,孔 肆 全篇删 招》 句,或句 爲 其 至歐 况多至三千,樂師、朦 則 之詩 誳 無 心 出 誦 周 則曰「《詩》三百」, 輶 去,或篇 陽子謂 ? + = 以 行 季札觀樂於魯 删其字,此又不 軒之所 止 天 竊 國之外者 Ŧ. 下,祭公謀 疑當 删《詩 删 心, 子 采定不 其章, 既 日 詩 尝云 掌 之

❶ 「肆」,原作「陔」,據四庫本、薈要本、《補正》改

之語 惟 《詩》於孔子矣,其稱《詩》曰 鑒 秉國 也 詩孔 之、《詩》之逸也、非孔子删之可信 受之《詩》存其 笑倩兮,美目 思 也 久,偶脱 而 呕 于」字,非孔子去之也, 子舉 产 其 不 豈不 子未 有 其 句 遠 成」,今本 惟 詩 詩》云 害於義 而 其 可 孔 在 去 爾 子亦 嘗 與 詩 述之也。《詩》云「誰 日 于 爾。 言《 思, 孔子 删 「唐棣 「衣 **盻兮**,素以 夏 無「能」字,猶夫「 而 辭 未 詩》, 室是遠 故爲弟子雅 錦 斥 后之世」今本 昔者 嘗删 以 亦 之 之華 未嘗 尚 相 初 也。 絅 質 故 子 未 而 爲 删 夏 流 文 偏 子 而 絢 由 以 親 夏 故 之 言之 傳 惟 其 素 孔 兮。」 是 受 既 著 絢 所 巧 無 子 其 觀 子 殷 能 反

之乎? 者偶 壞 噫 其 制 官 而亡 也 比 已。 放失,而 短 首》、《繁遏》、《渠》、《九夏》暨笙詩 則 樂不 義 氏 而 不 ! . 上其辭。 則僅 大 齊 遺 秦火之後 然 齊之,於句 衰 則樂 此 司 忘 則《詩》 考求 期 且夫《采齊》、《新宫》、《 周之際, 而 記 樂 樂 也 於崩 後之 其鏗 竇公之於樂 師 章之 **>** 9 之不暇 0 ()竹帛 一篇,而 、矇叟止 何 而 之從 爲 鏘 禮 以 則作 崩 所 章 鼓 無 逸 孔 不 缺 出 句 又豊 舞 其 存, 期 也 記 之學 者 者 子 ,惟記《周 獨 而 餘 ? 於 其 章 忍 方 去之故 不能言 而 多 不 壞 音 者 句 删 憂 口 也 知 其 節 必 長 貍 去 誦 而

經義考卷九十八終 完養者,信如子長之言,則删 所被於樂者,信如子長之言,則删 是祖之過與? 是有以斷其必不然矣。

弟子溧陽黄夢麟覆校

《小序》子夏、毛公合作。」

沈重曰:「按鄭《詩譜》、《大序》子夏作,

《隋志》:「先儒相承,謂《毛詩序》子夏所

## 經義考卷九十九

秀水朱彝尊編

陸德明曰:「孔子最先删《詩》,以授於子

口以相傳,未有章

創,毛公及衛敬仲又加潤益。」

男昆 田 校

作、《小序》是子夏、毛公合作。 序》,此以下則《小序》也。《大序》是子夏 句。」 又曰:「『《關雎》,后妃之德也』至 夏,子夏遂作序焉。 『用之邦國焉』,名《關雎序》,謂之《大

詩二

ト子商《詩序》

孔穎達曰:「《詩》三百一十一篇,子夏作

未盡,毛更足成之。」

《序》。」

韓愈曰:「子夏不序《詩》。」

尾相結,冠東二《南》,故昭明太子亦云 夏所作,未能 成伯瑜曰:「學者以《詩》大、小《序》皆子 無惑。 如《關雎》之《序》首

《唐志》:二卷。

存。

《雅》之旨,於今傳於世。」 曼卿 《後漢書》:「衛宏,字敬仲,東海 九江謝曼卿善《毛詩 受學,因作《毛詩序》,善得 迺 爲 其 訓 風》、 宏從

ト商意有

夏

(所作,

或

日

毛

萇

所

作。

明

E

非

毛

長

.

E.

光庭

曰:「先儒

言《

詩

序》并《

小序》子

詩

推

其

所説《詩》義,與《序

》文意

多

所

作

也

何

以

知之?

按:

鄭

風

出

未 宣 得措其 傳之日,●漢興已亡其六篇 箋,於毛公《序》末 咋 之《小序》,子夏惟裁 《大序》是子夏全制,編入文什,其餘 公,非子夏明矣。」 尸」,子夏無爲取引。 夏之後,當子夏之世祭皆有尸,『靈 公自以詩中之意 下有注,又曰 小序》,惟有 爲允當,當是 《 葛覃》,后妃之本 也」,如此 辭 也。 東 之類 又高子 鄭 句,毛既 海 而 玄 略 衛 繋其 是也 初 於 宏 而 是 句 毛 爲注 所 解 句之下,多是毛 也」,『《鴻雁》, 戦 不 耳 公 作 也。 其下皆是大毛 或 見 ,至『也』字 傳 耳。 但據亡 詩 事 時 下 後人見序 體 雖 毛 即 兩 一篇之 公 衆篇 星之 在 得 無 存 子 作 由 稱 美 而

《序》意相違,故 乃思 是又 家得 如 東門 歐陽修 傳之時,何 實繁,不可 他 綦巾』是作詩者之妻 者皆男女相棄,不能保其室家,即『縞衣 縞衣 序》文明白 此 人之女,願爲 則與《序》合。 念之,言願 相樂也」,據 0 禁巾 取 序》云『民人 日 - : - ] 孟 義 具 不 聊 也。 無 舉。 解 樂 煩解也。」 子去《詩 知《序》非 更 其《 室 何者? 此 我 或 今毛 得 傳意,與《序》不 家, 員」,毛 思 序 (也,既 聊 保其 得 以 且 也 既 以『有  $\forall$ 毛 與 「縞 世 與 ? 傳 不 非 室家』, 作 相 近 我 能 毛作 衣 答 也。 樂, 女 爲 保 綦 最 日 願 如雲 毛 樂 巾 其 同 此 善 經 此 其 自 也 爲 類 與 爲 室 日

❶ 「日」,四庫本、薈要本作「目」。《補正》:「當作『目』。」

也。 《春秋》皆有《序》而著其名氏,故 《序》,卜 文以 學没不復見,而《韓詩》遺説往往見於他 之學分爲數家,不勝 氏之《詩》始出,久之,三家之學皆廢,而 此言也。自聖人没,六經多失其傳,一家 繫之周公、召公,使子夏而 知之乎 同 初、《詩》之説 (毛詩)獨行,以至於今不絶。 風》、《雅》有變、正,而 於 故後 曰:何以知之? 孔子,宜其得《詩》之大旨, 則作者其 《詩》之《序》不 證 商 時 作 雖然,非子夏之作則 異 分爲齊、魯、韓 乎? 説 又 誰 爲《詩》 日 乎? 衛 其異説 應之曰:子夏 著其姓 宏 論《 作 害者,當賴《序 應之日 或 關 序《詩 乎? 問 三家,晚 也。 雎 氏 今齊、魯之 ×, 安 .  $\sim$ 當 可 》,不爲 可 非二人 詩 鵲巢》 其 漢 書》、 親 以 得 知 而 之 其 之 言 毛 受 知 而

> 以察焉。 非。 至其 多歟? 今考《毛詩》諸《序》,與孟 從毛公者,蓋以 之類是也 書,至其經文亦 召南》失者類多,吾固已論之矣,學者 詩》多合,故吾於《詩》常以《序》爲 時 自漢以來,學者多矣,其卒舍 有 小失,隨 然 不 其 不同 見其 源 而 ,如『逶迤』、『 流所自得聖人之旨 正之。 終始, 亦 惟《周 莫 知 三家 郁 證 子説 南 其 也。 夷 是 可 而

推 推之。 《易》之端,未嘗詳言之也。 蘇轍 者見之謂之知。』 夫惟不詳,故學者 爲詳之則隘,是以常舉其略 王安石曰:「《詩序》,詩 書》之故;其贊《易》也,發其 而自得之。今《毛詩》之《序》,何其詳 曰:「孔子之序《書》也,舉 故其言曰:『仁者見之謂之仁,知 人所 非不能 ,以待學者自 自 製。」 其所 可 詳 有 以 爲 以 推 作 以

言

曰是詩言是事也,而盡去其餘

仲

又加

潤

益

一。」古説

本

如此,故予

存其

相

承

謂《毛詩序》子夏所

創

,毛公及

衛

敬

至今傳於世。』《隋

經

籍

志》

日

:『先儒

(著其失,以爲此孔氏之舊也。」 采其可者見於今《傳》,其尤不可者皆

人所作?」曰:「但 非子夏所能言也,分明是聖人作此以教 「序》中分明言國史明乎得失之迹 小《序》,雖聖人 [雎》以示之。學《詩》而不求《序》,猶欲 Ĭ 蓋夫子慮後世之不知《詩》也,故 不 「《詩大序》,其文似《繫辭 ·由户 知其所美所刺之人? 也。」 亦辨不得。」 看《大序》,即可 安節問: [《小 ,如非國 使當 》, 其 見矣。 · 序》何 序 時 義 學

后 孔子 惡、日 删 王得臣曰: 句孔子所題,其下乃毛公發明之。」 妃之德也」,『《葛覃》,后妃之本也』,此 次《風》、《雅》、《頌》,其曰美、曰 非 規、 門 日 弟子 「《詩 誨、 所能 日 序》非出於子夏。 誘、 與 日懼 也。 之類 蓋 關 刺、 聖人 雎 出 於 日

焉、《詩》之《序》未嘗詳也。 子夏嘗言《詩》於仲尼 不得見矣,雖欲詳之而 解之,故從而 世傳以爲出於子夏,予竊疑之。 三百十一篇,今其亡者六 氏也,則 或弟子之知《詩》者與? 反覆 之學 要之, 豈必子夏爲之, 附益之, ,仲尼稱之,故後世 煩 而 不若是詳矣。孔 重 衛 《詩》之亡者, 類 宏 無 一之所 以自 非 曲。 人之 信 其存 集 録 其 《關 者。 程子 無 明 獨 史,則何以 入室而

然使

談

出

於孔

子删《詩》

而

取

其

亦

出

於

**光孔子** 

之爲《詩》者附之。

之甚也。

説

,是以其言

時

有

辭

者,凡此皆毛氏

也。

東漢《

儒

林傳》曰:

『衛宏

從

謝

曼

卿

受學,作《毛詩序》,善得《風》、《雅》之旨

經師

者將以

所作。」

『説《毛詩》者,謂其《序》子夏

葉夢 四 此 深 蔡卞曰 宛 有 不 衛宏之所爲 文全出於《金縢》;『高克好利 王 足,故嗟嘆之』,其文全出於《禮記 且宏《詩序》有 周 一未知周公之志,公乃爲 能 通 詩》有 日 殊 轉 雜 官 」 興, 得 於法言,莫之能 取 不 附 使宏誦 然。 諸 日 經 五 「作《序》者不 書 義 情 日 而 ,則疑 所 使宏鑿 世 雅 動 成 師 專 説 人 六 於中 其 説 取 日 而 其 疑《詩序》非 空爲 書 爲之,則 諸 重 不能爲 日 風 爲 而 者, 複 書之文 二 曰 知 也 頌」,其文全出 形 之乎,雖孔 互 自 詩 不 於言, 見 也。」 雖 或以 於 以 賦 可 者 而爲之者, 宏有 何 衛 遺 三日 而 不 有 宏所 爲子夏、 人,然非 不顧其 言之不 Ξ, 》,『成 論 餘矣。 委曲 子亦 比, 也 爲 其 於

宗 言也。 詩 《左傳》;『微 取 辭 於《公孫 君,文公惡而 騶虞,則王道成』;《行葦》之詩,先言『周 文王之化」,而復繼之以『蒐田 滅 服不貳,從容有常,以 壞」,其文全出於《國語》,『古者長民, 日 書既傳之後明矣。 不召,衆散 而禦狄於境 諸 ,先言『人倫既 美意,併録 『靈星之尸』,此蓋衆説並 或 書 《絲衣》之詩,既 顛 《載馳》之詩,許穆 之説 覆 尼子》。 矣,又曰 而 而 歸 陳 欲遠之,不能, 而 子 重 高 不 其 至 Œ 則《詩序》之作, 複 此吾所謂專取諸 忍棄之。 於戴 師 克 朝廷 \_ 互 旅 齊其 奔 衛 日 見也 陳 公, 「辉 翺 懿 既 夫人作也,閔 民」,其文全出 傳,衛 翔 治 ,其文全 公爲 其間 使高 賓 此 天下 於 以 户 吾 騶 、時,仁 L, 矣』, 狄 禮 克 實 氏 所 虞》 純 謂 得 書 在 樂 出 將 久 如 被 之 善 其 雜 又 數 於 所 衣 兵 所 廢 mi

觀之,《 謂 族 家 序》至此 未 君子、近小人之説,蓋魏後於漢,宏之《詩 外尊 有 委曲 忠厚,仁及艸木』,然後繼之以『内 引《詩 (序)果 婉 始 事 轉 行也。」 序》者, 黄耉,養老乞言』。 附 非 經 宏之 而 惟 成 所 黄 其 初 作 義 四 乎。 也 年 此 有 漢 即 共公遠 世 又 吾 文 者 睦 章 所 九 而

不自爲 曹 也。 羔裘 傳 食」 子偕老,副 而《序》云『 在 謂 粹 ,乃宜居尊位 爲 位皆節 中 以 『古者素絲以英裘,不失其 維 節 巢、居 居」,其 鵲 儉 笄 德 有 ",其説 儉 「『羔羊之皮,素絲 六 1, 集,維 如 鵲之成 IE. 説 珈』,毛傳云『能 鳲 直 服盛服」,而《序》云『故 起 鳩 如 ,德如羔羊』,且 鳩居之」,毛傳 於康 巢』,其説 乃 此 呵 可 成, 电毛 己。 以 西己 如 而《 五紽 與 焉 制,大夫 此 Ä; 無 君子偕 〈序》 謂 以 而 三,毛 此 『君 『鳩 云 意 退

> 之時 以 夏,其後門人互相傳授,各記其師 亦安 則 陳 宏而遂著之,後人又復增 人之手。 爲衛 與 人君之德,服飾之盛,宜與君子偕老」。 得 傳 猶 宏 自 意 未 先 ,其勢然也。」 則或以爲子夏,或以爲毛公,或 相 有《序》也。 後 違 戾 顛 倒 如 此? 矣。 意 《序》若出於毛 加,殆非 要 毛公既 知 毛 成於 傳 託之子 説,至 初 行

所自 不知 是。 詩人所自製。 晁公武曰: 夫也」,《 作,韓愈以三事疑其 製。《 介甫 况文意繁雜,其 漢廣 何以言之,殆臆論 毛 「《詩序》 詩 **>** 按《韓詩 日 猶《 「悦 不出 韓 非。 蕭 人 詩 》序《芣苢》曰 統 也」、《序》若 一人之手甚明 至 以 》,不應 也。」 王介甫,獨 爲 ト子 不 夏 同 詩 若 所 傷 謂

■ 「起」,原無,據四庫本、薈要本、《補正》補

文全出 之。 壞」,其文全出 公乃 知 農桑之事 其説 數書既傳之後明矣。 服 縢》;『自微子至 於中而 者,有委曲 至 鄭 易曉者若不用《序》,則更茫然矣。」 朱 於《公孫 動句 樵 不貳,從容有常,以 篇爲何 日 且如《 ,尚解不行,乃去而 爲 曰 者,有 : 於《樂記 形於言,言之不 詩 尼子》。 蘇 以 衛宏之《序》,有專 婉轉附 而作。 七月》, 子由 與《序》合。 貽 雜 於《 》,『成 取 E 則《詩 「解《詩》不 國 於戴 經 諸 」, 其文全 陳王 此猶易曉者 以 語 家 齊 所謂取諸書之文有 王  $\approx$ 公,其 足,故嗟嘆之』,其 成其義者。 之説 序》之作 其 業也」, 不用,以自己 若不用《序 未 『古者長民, 用《詩序》,今用 民」,其文全 知周 而 取 間 其 辭 諸 出 故 實 公之志 禮 不 他 其 書 於《 『情 樂 堅 在 之文 》,不 詩 意 金 決 出 衣 動 於 廢 未 陳 解

> 至治 也。 説 至數 『繹賓尸矣』, 風 棄之,所謂 亦足矣,又 『風之始也 田 許穆公夫人閔 衛懿公爲 人之本謂之風」; 並 化下,下以 以 傳,衛氏得 時,仁 ,天下純被文王之化』, 句者, 騶虞》之詩,先言『人 一,所 狄 雜 如 日 此 所 風 取 又曰 騶 也。 以 風 刺 滅 虞,則 諸 其美辭 其 風 ; <u>F</u> 八宗國 『靈 家之説 《關 風 天 《載 ^ 也 下 王道 絲 星之尸』。 美意 又曰 雎》之《序 顛 而 衣》之詩,❷ 風 馳》之詩 覆 而 正夫婦 倫 以 成 併 『一國之事 而 辭 而 <u>,</u> 後 既 動之,上 作一, 不 録 繼 īE. ·堅決 ^ 此 也 而 行 既 之『蒐 朝 蓋 又 既 既 不 葦 廷 忍 衆 日 繫 以 意 日 E 日

0

<sup>1 「</sup>詩」,原作「書」,據四庫本、鄭樵《六經輿論》(清康昭

图16 TC。 「絲衣」,原作「緑衣」,據四庫本、薈要本、《補正》、《六

胃委由宛專付巠以成其義皆也。」以『内睦九族,外尊黄耆,養老乞言』,所之詩,先言『國家忠厚,●仁及艸木』,然後

李樗日 之子夏,故 乙。 意 《家語》云『子夏習於《詩》而 謂 矣。』王氏則以 之私,不是六經之志,若 子夏作、《小序》是子夏、毛公合作。 也。』沈重云:『按鄭《詩譜》意、《大序》是 詳,先儒 序議》,則謂:『《詩》之《序》,明作之所以 肅注云:『子夏所序《詩》,今之《毛詩》是 下爲《小序》。 詩序》,其漢之學者欲自顯 未盡 委曲 其辭不諱 : ,毛公更足成之。」韓退之作《詩之 婉轉附 以謂《 「《詩》皆有《序》,獨《關雎》爲最 其 序大國詳 闘 經以 君上,顯暴醜 而作《序》之人,説者不同 爲:『世傳以 雎》爲《大序》,《葛覃》以 成其義者也。」 小國 人云 爲言其義者 立 亂之迹、 通於義』,王 略,斯 哉 其傳,因 帷 1 可 察 夫 藉 商 箔

> 不 傳 程 則 莫能 煩 尼 之爲祀高宗,方其作時, 汜》之爲美媵、《那》之爲祀成 子夏也。 而 每篇指趨何自 詩》上及於文王、 風》、《雅》之旨,至今傳於世。」《隋 衛宏從謝 所 衛宏之所集録也。 重 ,國史明乎得失之迹是也。 説 雖 一,惟 作,其 一,類 孔 亦 與於此。 如 子亦不可 非 蘇 觀其文辭,自秦漢以  $\pm$ 黄 餘 一人之辭者,凡此皆毛氏 曼卿受學,作《毛詩 氏 門之説 則 然傳 而知焉?《大序》則是 未必 得 而 高宗、成湯, 詩序》必是當 以爲子夏,臣 曰:『其 然。」凡此諸 東漢《儒 知 况 無義 於子夏乎?』 文 不得此 湯、《 以示後世 來,諸 林傳》 時 序》,善得 如《江 竊 時 家 有 殷武 疑之。 之學 反覆 紛 人所 儒 日 則 有 仲 經 紜

● 「國」,據《毛詩正義》卷十七,當作「周」。

之《毛 學者 説 蓋 黄 傳 籍 譜》意、《大序》是子夏所作。』是 世 所 立 通 而 其《序》 亦 文公辨之詳 其 其 之 授 云 凡 櫄 本 創 志 傅會之,説終莫之統一,是其 有《序 傳 疑 義』,王氏注 日 如 毛 不 不 詩》是也。』沈 目 :「《書》、《易》、《春秋》皆有《序》, 疑, 同 也 而 解 此 因 公及衛 . 衛 故其 不著其 者 7》者必 藉 而《 宏 先 《家語》云『子夏習 矣。 此 有 之子 從 説 儒 詩》之《大序》,學者 四 説 敬 韓以 云: 謝 人,或 家 深 相 著其姓 不 仲又 夏。 得之。 曼 承 齊、魯、 重 子 爲漢 也。 卿受學,作《毛 云 雜 加加 謂 而 氏, 夏所 : 《毛 東 出 潤 之學者欲 蓋 『按 毛、 漢 而《詩 益 於 序《詩》 詩 Á 《儒 於《 所 百 一。」大 鄭 序》子 説 韓 漢 家傳 以 氏 詩》 业也 皆 疑之。 以來, 林 世 抵古 滋 自 傳 詩 詩 記 有 夏 韓 後 以 顯 今 而

并無 辭。 説 詩》,宏從 蔚宗之傳 道 鄭 近 如 箋》也,其《叙 程大昌日 竊 序》,至今傳於世。』近 之《序》爲 氣象,彼漢儒 、序》非 雅》之旨 以 世 玄 =以爲『其文反 闘 大儒 别 爲《大序》之文 李迂仲 疑 蕭 雎 然 宏 其 統 . 宏所 也 》,后妃之德也」,世人之謂《小 ,於今傳於世 受學,作 衛宏 也。 爲 有 輩 前 者疇能 漢儒 可 謂《詩 以蘇 》著 也。 作 古《序》之與 考者。 日 又 傳 何 : 九 以 之説 附 覆 ^ 謂 序》爲一 毛詩 温 授 疑 及 託 爲 子 煩 世 哉 明 此 厚 凡詩 者 非 爲 夏 重 如 江 哉? ? 審 序 純 漢 而 韓 當 有 子 蘇 謝 宏《序 粹 鄭 如 發《序》 儒 類 然《詩》之古 夏 不 愈 潁 曼 善 此 玄 之 且 序《詩 非 有《 者, 是 濱 卿 得 作《毛 程、王 所 則 一人之 亦 也。 善 繋 毛 能 网 今混 今 風 本 ^ 辭 公、 爲 傳 范 Ž 詩 盡 毛

之。 者 以 非 哉 本意 矣。 明 近 作《毛詩序》,今傳 而 前其傳已久,宏 編,毛公始分以寘諸篇之首,則是毛公之 世諸 文可 尚 其 亦 經本文,故且自爲 然鄭氏又以 然計 下 有 有 而 但今考其首句,則已有 考。 以 肆 推 齊、魯、韓氏之說並傳 儒 知其 其 説 多 爲 初 惟《 妄説 以《序》之首 云云者爲後 薄, 出 後 特 於後 者矣,况 爲諸《序》本 於 漢 必自謂 增增 世 廣 人之手,不 編 一,則 儒 而 句 人所益,理 出 林 ,别附經後。 沿襲云云之誤 潤 爲 序 傳 於臆度之私 不得詩 色之耳。 於 毛公所分, 影 自 以 、世,故 盡 合爲 宏 爲 信 人之 或 作 衛 也 故 又 有 宏 明

或

至秦,而《南陔》六詩亡。

毛公作傳,各

引其《序》冠之篇首

故

詩

雖亡

而

義

猶

在

陔 》 曰

『子夏序《詩》,篇義合編

遭

戰

世

一謂《

大序》者,宏

語

也

鄭

玄之

釋

南

序》者,古《序》也

9

兩

語

以

外,

續

而

申之,

爲孔子,或以爲子夏,或以爲國史,皆無朱子曰:「《詩序》之作,説者不同。或以

爲

決

辭。

其後三家之傳

又

絶

而

毛

説

孤

行

則

其

牴牾之迹無復可

見。

故此

《序

篇端,不爲注而直作經字,不爲

疑

辭

而

遂

百

五篇《序》語,則古《序》、宏《序》

昭

昭

然

及至毛公引以

人經,乃不綴篇

後

· 而

超

冠

黑分矣。」

先秦故有之《序》,以六《序》綴

語

而

例

義,非宏而孰爲之也? 以鄭玄親

見

而

證

一五六七

《序》而不見詩者所爲

也。

毛公於《詩》

第

之下明言有義

亡辭

知其

爲秦火之後

見

語

爲之傳,不爲之《序》,

則

其申釋先

序

時

者,玄之在漢,蓋親見也。今六《序》兩

六詩發《序》兩

語

古嘗

合編,至毛公分冠

也。」玄謂《序》出

子

夏,失其

傳

矣。

至

謂

穿鑿 議 《詩序》,以爲 《詩》,不必信《序》。」 編 漢 不 者 廢 來 亦疑之,因質之《史記 不足信。 日 序》 詩序》之果不足信。」 以 成 者 儒 也遠,其間容或真 遂 也 文 至 而 以 爲 還 故 詩 理 附合之,寧使經之本文繚 於有所不 作 詩 其 既 向 序》 愚之病 ,而終不 於於 人 頗 舊 見 先 皆 采 自 是 鄭 因 是 所 通 讀 以 是 此 漁 以 - 忍 村野 命 附 則 者 仲 兩 久矣,然 論 明 有傳授 題 傳 轉 **>**′ 有《 三人作。 必 又曰:「《詩序》實 其 以《 妄 中 戸爲 相 而 國 詩 得 人 小 尊 之委曲遷 詩 失 辨 猶 語 所 而 證 信 序 文 妄》, 云。 復 驗 以 》,然後 作。 戾 今但 併 其 爲 無 反 而 破 力 始 爲 爲 不 所 出 敢 就 碎, 者 詆 信 從 知 又 口 於 擬 大

范

處

義

日

:「《詩》有《小

序

 $\approx$ 

有《

大

序》。

小序》一

言國

史記

作詩者之本義

也。

著其 傳》; 又曰 道,二也; 也。 間 自 夏。』且子夏 及,一也;暴 乾》《坤》之《文言》,故 惑於傳記 而 繋解 文言》爲聖人之贊《易》,而 小序》之下皆《大序》也 而 不 經之首,併論三百篇之大旨 有聖人之遺言可考 『漢 授經 由 迹。 知之? 日 又謂  $\forall$ . 户 爲《易大傳》,《詩 『子夏不序《 至謂 於 也。 而 學《詩》而 諸 之學 猶 丘 疑之。 謂《 揚 侯 明,經 言諸 知 異 猶 中 者 不及,漢去《詩 哉 春 侯 世,不 · 冓 先儒 欲 猶 所 秋》所不道」,是不 不 顯 之私、《春秋》 而 詩》 求《序》,猶 世,不敢以云」,此 不 唐 特 知 其 敢 有 欲言、《傳 亦 詳 有三焉: 人之議《詩序 傳, 序》 知 以 或 於《 焉 惟 其 云,三 史之 因 《關 》益遠, 爲 説 猶《 詩 藉 世 欲 ○詩 者 序 所 雎 )所不 易 也。 之子 知 則 古 述 大 不 爲 明 知 謂 何 乃 以

殺

州

《序》於篇首,而備帝王之制;於《詩》

明其邪正之迹;

於《書》則定之,又各冠

删之,苟不據《序》之所存,亦何自

一而見

其

則

興衰之由,而

知其美刺之當否哉?

今觀

《書》,帝王之制備;述《詩》,興衰之由

其官守哉?

《序》雖不作於子夏,議

則

疎

文中子曰:

『聖人述史有三焉

述

氏

猶

執

簡以

往,是豈計死生禍福

而

廢

棄

聖人於《春秋》則修之,既因魯史之舊,而

顯;述《春秋》,邪正之迹明。』信如其説

猶

云

不敢

,則古之國史其賢矣乎?

昔者

Œ

一爲史官懼天禍人刑者之見也。

至子

夏

齊太史書崔氏之大惡,兄弟幾盡

前

南

史

「吁」,曰『鄭忽出奔』,此書名之例,而《春秋》書曰『蔡人殺陳陀』,曰『衛人如陳陀、如衛州吁、如鄭忽,皆已爲

《春秋》之褒貶,與《詩序》相應者蓋

多

有

字 周 衛 秋 無 滅 書『荒淫』、書『大亂』、書『大壞』之類 子』、書『忠臣』、書『孝子』、書『仁人』、書 書『自警』,此《春 書『閔』, 之』,豈非《春 而 勉, 責」, 善人』、書『小人』、書『讒 」, 餘 》雖 之君臣,惟文、武、周公 其 曲 筆, 也。 辭 書『誓』,書『救亂」,此《春秋》反 嚴 皆 書『誘』, 春秋》 言 直 前 宜 不 滅 傷 以 爲 與 其 也 著 -, 止, 秋》貶惡 止書『城楚 聖 風。 焉。 辭 書『箴』, 人之 ・秋》責 深 詩 如 書『悔』,書 書 如 憂 而 序 ^ 之意 所 春 書 \_ 婉 備 勸 書『規』,書 取 則 丘 秋 書 9 賊」、書『播惡 之意 賢 加以『聖』之 歟 也 」,不言封 E **>** 詩 者』、書『 書 ? 止 懼 衛 序》 也。 一戒 書 大 書『思』, 絶 爲 抵 書 雖 『誨 狄 狄 如 也 涌 春 皆 君 書 īΕ 書 所 去

之嚴 成之。 夏作 經。 以 秋》不 不 選 梁 序》,餘 沈 始 人之善道,並行 雖 非 詩 詩序》則 并 昭 重 義 書 爲 武公納實賂 序 《詩序》則 而立 美事 晉 題 謂 曲 明 而 以《 與 國。 蓋 要君 皆 鄭 則 以 遂 沃 夷 亦亦 伯 氏譜 信 其 小序》爲 日 日 一王之法,以《詩》之 卜子夏。 爲《小序》, 狄 写頌 爲 之,取《 9 説 ^ 爲國 齊 之滅 春 以 並 晉 而 以《 而不相悖,其斯之謂 桓 詩》之意 僖公能修泮宫」。 秋》不書魯僖公修泮宫, 兼宗 侯 記 僖 者 1 公救 或 《詩 關 其 公因 歸 所當 商 後漢 不 實。 或 雕 既已考之不審 雎 意 而 **>** 序》則 一,雖 \* \* 其 許 然,是 有 封 以《大序》 聖 書》乃 諸 舊 未 請 之 〈序》編 人 (序) 而 盡 侯之專封 日  $\pm$ 通 以 以《春秋 , 修 命 ,毛公足 曰:『衛 不書 美武 而 爲 學校 蓋 實以 春 爲 不 歟 文 · 忘 於 子

及衛敬 信 宏 子》記夫子之讀《詩》曰:『於《周南》、《召 之言也,而 記《禮》者稱 貳,從容有常 之《序》同。《緇 是富。』此 以 潤色者,何足信也。 乃以爲今之《詩序》則 其義,未嘗言作《序》也。 籍,惟《孔子家語》言子夏習於《詩》,能 譜《詩》之意 「先儒 風》、《雅》之旨。』《隋 爲信 矣。 從 謝 相 子夏尚未必爲《詩序》,則謂 ? 仲 曼 承,謂《毛詩序》子 夫子記周家之政 更 ^ 與《都人士》之《序》同。 卿學, 論 耳。 加 子 ,以齊 潤 語 , 巨 以 衣》 他 色。」の所謂相 ¥ ⊟ 因 非 其 曰:『長民者衣服 作 . 孰若求諸夫子之言 有 民 所謂子夏者,未 實之,蓋 一周 0 《毛 根據。 經 則 王肅 也 有 夏 詩 籍 民 · 而 大齊,善人 所 序》, 注《家 志 承 今博 以 德 創 》亦 與《齊》 爲 歸 即 毛、衛 善 孔 夫子 考 壹。」 語 鄭 毛 F 經 通 得 口 氏 0

亂 《鹿鳴》見 《蟋蟀》見 賢之心至也,於《 祭也,於《裳裳者華》見賢者世保其禄也 見孝子之思養 於《節南 功之必報也,於《羔羊》見善政 於《狼跋》見周公之遠志所以爲聖 造周也,於《 敬也,於《伐檀》見賢者先事後食也,於 《木瓜》見苞苴之禮 子也,於《考槃》見遁世之士而不 志之不可易也,於《淇澳》見學之可 南》見周道所以盛也,於《柏舟》見匹 世之思明 山》見忠臣之憂世也,於《蓼莪 君 陶 東山》見周 君 唐 臣之有禮也,於《彤弓》見有 也,於《楚茨》見孝子之思 也 儉 雞 ,於《七月》見豳 德之大也,於《下泉》見 鳴》見君子之不忘其 行 也,於《緇 公先公而後私 之有應也 衣》 悶 公所以 也,於 也,於 一夫執 爲 見 也, 好

「色」,薈要本、《隋書》卷三十二作「益」。

音,同 興,曰 與 説 詩 甫 師 諸夫子之遺言也。 爲夫子之所録 魚》、《崇丘》之後 月》之《序》,《 爲『嘉樂』,豈嘗見今之《詩序》耶? 字,而子思《中庸》、《左氏傳》皆以『假樂』 由是言之,使《詩序》作於夫子之前,則是 序》言『情動 《序》曰 可可 ,與《清人》之《序》同;《國語 今《序》同 得《 以遺王,名之曰《鴟鴞》」,同 /· 菽》見 商頌 雅,曰頌』,同於《周官》;『公乃 於《樂記 明《詩 『嘉 》,與《那》之《序》同。 成 其義。 明王 於 序》  $\pm$ 由 ,作於夫子之後,則 »: □ □ 中』與治世、亂世、亡國之 也」,經文初 所 繼 其 庚》之後 以 庸 又《左氏傳》載 以《南 來 敬諸 風,曰 可 也 廢耶? 遠 Ш 繼 侯 無 賦,日比,日 有臺》,皆古 以 也。」其言 於《金  $\sim$ 『嘉』之一 ^ 假樂》之 至如《大 復有 南 高 《六 是 騰 有 正 克 爲 皆 考 取 帥

> 惑矣。」 《詩》之次第也。 信,乃欲以無根相承之説爲六經之疵,亦 月》之《序》哉? 毛、衛之徒 亡詩之次第矣。 衛之徒,則二人者皆生於秦火之後,當如 生爲之也。使《六月》之《序》果作於毛 庚》、《崇丘》、《由儀》爲一,此秦火之後經 何由 學者捨經籍明據 知古《詩》之次第,爲《六 且其詩既亡,其次 今亡詩之篇次,乃合《 而不知 既亂 由

東適曰:「《詩序》隨文發明,或紀本事, 葉適曰:「《詩序》隨文發明,或紀本事,

秋》存、《詩序》之壞《詩》而《詩》亡。三傳之壞《春秋》。然三傳之壞《春秋》而《春章如愚曰:「《詩序》之壞《詩》,無異三傳

之則

爲《

召

南

周、

召,皆

周

地

也

地

風

雍

縣

東

北

有

周

城,

東

南

有

召

城

南

,得之則

爲

《周

南

》,採詩

於

召

之南

得

周

南》、《召南》,此

蓋

古人採詩

於周之

其

不愈

甚乎!

且

如二《南》之詩,謂之

《春秋》之教,或不

待聖人復生

可以

行於

肌

骨

矣。

嗚

呼

!

《詩》

安得

不亡

乎?

學者自兒

童

時讀《詩》,即先

讀《序》,已人

聖

知

求

其

義,又只就《序》中

求之。

俗

學相

傳

以

爲

出於子夏,妄者又直以爲

既

無學三

一家者以攻之,又無先儒以言之,

也

,是以《春秋》猶

存。

乃若《詩序》之作

以

辨

其

非

故世

人

頗

知

三傳之非《春

秋

家之

學自

相

彈

射

後儒

又有

啖、趙之徒能

好

爲

巧説

以

壞《春秋》,非不

酷

也,然其

後;

詩人之旨,雖吾夫子復出,不

可

與世

八辨也。

然則《詩序》之爲害,比之三傳,

Ŧi.

七三

得 未 禂 牀 禂 征 也。 之男侵陵貞女,而 化』、《兔罝》之武 見君子之辭 日 於此, 豈不 盡 惠其賤妾,進 日 不憚勞役之意,豈非命之不均乎 實 『有女懷春』而『吉士誘之』,如《野 見其可 帳, 』、『夙夜在公』爲哉? 其心矣。』不知進 而 命不猶」,此無 今其《序》乃曰 振 既 往 當抱衾褥 進 振 見 乎? 御 也。 君 君子,不 之次 貽有言者之笑 子,歸哉 而勉之以 御於君 注 既 而 序。」 云:『諸妾夜 夫皆好 曰『召南之國被文王 致《行露》之訟? 往。』學經 疑 御 :『夫人無妬忌之行, 我 知知 其爲 於君 歸 疏 遐 正, 勸之以 哉。」皆 云: 又何 其 德,又安 棄。』《 使臣勤 命 ! 何 不知理,乃至 用『肅 用 有 行,抱 雖 其室家 殷 ? 貴賤,能 地 得 君 勞之詩 其 義,吾 有死 所 又安 强 被 衾 肅 故 墳 之 思 與 與 宵 暴 有 H

> 穠 惟 必 齊 姬 侯之子」,考《春秋 二《南》之詩雖大概 禮」,委 乃云『被文王之化,雖 無 亦如漢上之女不可 不及男子,已非 麢》之辭? 或 矣》 襄 欲 歸於齊」,此乃桓 使尨吠』之語? 西周之詩 . 風 》 以 公、非平王孫、齊侯子 曲 無 爲 詩 以 諱 四 미 異 謂文王、太姒之化只 護, 周之詩,於時 知 也 而《漢廣》之遊女 也。 矣。 亦 何以 以 美詩,而 《序》於此 犯,安有 王女、平王 况 莊 其 勞 婦 公元年 日 平 王 當 辨之? 矣。 人果皆 亂 未 而 亦 有平 世 子 有 無 何 爲 孫 ? 書 之孫 不 謂 感 及婦婦 據《何 貞潔 刺 説 猶 下 可 不然 曰 不 我 嫁 恶 説 求 則 行 帨 者 於 齊 王 無 齊 彼

<sup>●「</sup>言」,四庫本、薈要本、章如愚《山堂考索・别集》(影

不

哀

或日

《何

彼

而

文

也與?」今人爲二《

南

【人而

不

爲《

周

南

召

南

》,其

猶

IE

牆

面

序》,暗

昧

磨

滅

禮

義

殆

盡

矣。

夫

子

日

義

,則二《南》之詩與

夫三百

Ŧi.

篇壞

於《詩

德。」 變白

爲黑,於理

安乎?

觀

此

一篇

之

今其《序》反

日

0

-

猶

執

婦

道

以

成

肅

雍

之

車。

詩

人若

日

: 言其容

色固

如

棠

/棣矣,

汝

Ŧ

姬

之

車

何

不

肅

雍

乎?

是

譏

之也。

彼

穠

矣,

棠棣

之

華

曷

不

肅

雍

于 王

姬

之

無

肅

雍

之

德

何

以

使

人

化

之,

故

日

何

H.

其

詩

刺

詩

也

以

王

姬

徒

以

容

色之

盛

而

指

其

人之子

孫

則

必

直

言之,

如

稱

衛

莊

姜,云『東宫之妹,邢

侯之姨」,頌

魯僖:

云『周公之孫,莊公之子』,又何

疑

乎?

侯

與與

一書『寧

王

同

義

此

妄

也

據

詩

X

明

侯

乃

以

平王

一爲

平正之王,齊侯

爲

齊

\_\_\_

之

**穠矣》之詩若** 影而 反 面 是 口

乎? 甚,世 之霸 頗驚 黄震 以 德」。 矣》云 《序》言《詩》,❷與 《詩》義 日 或 嗚 生因鄭公之説 以譏之,彼則云『齊桓公攘夷狄 則 《序》莫 盡去自昔相 弑 刺 呼 人思厚報之」。 正譏 俗 鄭 夫 日 淺 「曷 人乃 知 雖 無自 然此 滅 忽 : 齊女文姜嫁于魯,鳥 陋 其 ,云『齊女賢 國、《春秋》屢 不 其無救衛之功 之見 東 雪 前 酷信 所 無 肅 萊 Щ 盡 見、《詩序》無 自 傳之説,别求其説於茫 他,學者不深於《春秋》,故 雍」, 不 王 止 パ諸 作,去之千載之下 去美刺,探求古始,其 之,《 若此 能 質、夾漈 如 家之説不同 無 則 此 之類 而不娶』; 詩》 、疑焉。 書,爲 군 국 ,惟書『城楚丘 他 烏 背 由知謬 以 鄭 何 戒 獸之行,終 得 樵 成 所 夫《詩》 理 而 萬 始皆 而 齊 肅 見 亂 晦 也 封之, 世,彼 欲 不 桓 乎 雍 教 庵 非 説 冥 爲 先 去 公 之

之中,誠難事矣。」

Ŧi.

之, 《序》不 不能 篇之《序》詆 可 亦不過能發明其所已言之事 已、《序》者後人之作,藉令其 미 至 馬 雅》、《頌》之《序》可 也 朱 端 廢,而《詩序》不可 其 明 臨 而備 文公之 《詩》則異於《書》矣,然《雅》、《頌 其 可 日 辭易知 廢。 論 爲 「《詩》、《書》之《序》,自史傳 斥尤多。 其 解 何人所作,而先儒多疑之。 何也? 得 ,其意易明。 經 失,而 則 廢, 而 廢 以 依 ; ^ 於《詩 書》 愚觀之,《 就《詩》而論之, 古今文 十五 直 故讀《文王 深 而 陳 | 國 或 得 已,不作 析 其 書序》 經意 風》之 風 事 而 》諸 而

别

<sup>● 「</sup>漈」,原作「際」,據四庫本、薈要本、《補正》改。 集》卷七改。
集》卷七改。

③ 「今」,據《文獻通考》卷一七八,當作「經」。 ② 「漈」,原作「際」,據四庫本、薈要本、《補正》改

辭

至

意

述,風

諭之意

浮於指斥。

蓋有反覆

詠

歎

《詩》也

蓋

風

之爲體

,比、興之辭多於叙

聯章累

句,而

無

一言叙

作之之意

者

而

其

養疣

而

己。

至於讀《

或

[風》諸

篇

而

後

知《詩》之不

可

無《序》,而《序》之有

功

於

略

前

敷

衍

附

會之間

語

稍

煩

則

衹

見

贅

矣。

蓋

作

者之意已

明,

則

序者之

爵辛

口

味『於穆清廟』之一章,則『祀文王』之語

王受命作周』之語

贅矣;

讀《清廟》者

,深味『文

王在

上以

下之七

章,

則

文

傳授之有 以以 指 者 之,且於《桑中》、《溱洧》諸 意之所 乃一言以 爲 陷 詩 三宝安 於所刺 之解 源、探 歸 有 蔽 如 以示 之地 索之無 刺 之,日 彼 人之惡 Ŧ 而 而《序》之説 載 舛 爲 不自知 乎? 則 某 而 事 自 孰 也,苟 者 篇 能 而 爲 如 哉?」 辨 文 彼 臆 此 析 公 非 料 其 之 尤 深 當 則 其

時

叙

詆

勞苦之 洧》何 狀 臣 以 則 之不可 語 也 不 求 IE 几 正《雅》矣。 《序》以 風》也 一

雅 明 袁 之 ; 删 民 ,憂孝養之不 詩之旨 風 ^ 者 耳。 之乎 宏 亦 四 ×, 則 × 嫌 爲 九 詞 廢 怨其 也 牡 知 其 ^ 而 均 此《詩》之辭 勞使臣 也 錫之文耳 序 則 四 出 爲 《序》不 即 上 若捨《序》 ^ 嘆 W 詩 一淫 於 出 刺 前 采 以 是 鴇 行 遂 於 也, 木 奔 遣 洪之詞 薇 數 爲 羽 役之勞苦 役 叙 乎 四 戍役 》之詩 是贵 可 端 悼 ×, 非 征 傷 情 ? 牡 廢 同 子 以 歸 而 役 陟 閔 財 》、《采 ௱ 八,則《 雲《 也 觀 求 意 休 蓋 者 見 者 勞 岵 可 作 之,則 嘗 之, 異 Ż 不 出 之 者 美 V 以 叙 也 之詩 論 桑 無 於 薇 堪 新》之 於 之 則 口 而 訓 饑 中 之, 期 IE 命 奔 賴 則 知《 不 文 口 渴 而 而 × 者 王 ^ 雅 則 均 其 深 夫 爲 得 之 而 見 ^ 序 序 賦 之 爲 溱 爲 之 辭 情 味 子 變 作 於

使聖 説 者 出 泆 淫 翫 也 今以文公《 所 方之日 几  $\Box$  $\Box$ 詩 鄭 四牡 如《 謂 奔 求 索詩 9 耳, 則 之 》,則《序》以爲 則 》矣,其 \*\ \!\ 均 經 誘 **\*** 口 可 可 作詩之意 則 》、《采薇》之辭 桑 衛》諸 叔 ×, 辭 則 録 爲 偂 删 夫《 愛 于田 中 也 可 録 自 詩 别 東門 所 戴 删 ×, < 而 淫 作 詩》之可 取 自 篇 傳》考之, 之解 》、《揚 夫《芣 出 辭 詩 之池 於《 而 於 爲 東 而 於 刺淫,而文公以爲淫 之 詩 以 必 説 出 門之墠 關 也 具 刺 以 辭 前 首》、 叙 於 同 × 之水》之反 出 雎 删 乎 奔 爲 刺 (東 之外矣? 其 變《風》,文公胡 則 》者 卒 孰 ? 於 奔 者 鄭 事 ^ 指 如《序》者之 門 黍 有 愛 者 之 莊 者 以 謂 且 之楊 大 溱 離》之不 叔 所自作, 凡二 П 爲男 夫 晉 其 於 辭 洧 段、 則 子 樂 昭 何 淫 以 + 女 嘗 獨 者 桓 而 口 諷 舊 月 東 淫 删 於 不 而 叔 録 不

淫

哇

不

經

者直

爲

削之而

已,而

夫子

猶

存

録

文

武

而

棄

出

厲

也。

至於

文

辭

則

其

也。

愚

以

爲

未

然。

夫《

春

秋》,

史

也

;

詩》,文

詞

也

史

所

以

紀

事

世

一之有

治

能

無

亂

則

古

不

容

存

禹、

湯

而

廢

桀、紂

世

故

不

得

E

而

存之,所謂

並

行

௱

不

相

悖

如

是,

無

以

見

當

時

事

變

之實

而

垂

鹽

於

後

謂

秋

》所

記

無

非

亂

臣

賊

子

之事

蓋

不

知

所

删

何

等

\_\_\_.

篇

也

或

日

:文公之説

以

淫

昏

不

檢之人,發

而

爲

放

蕩

無

恥

之辭,

而

其

詩

篇

之煩多如

此,夫子

猶

存之,則不

他

事

而

文公亦以

爲

淫

者

所

自

作

也

夫

出

其東門》、《野

有

蔓草

》,則《序》本

别

指

之 未聞 之地 羞惡 者之序《詩》 遽 始 其 於爲惡,其於此等之詩,計 也。 之外,文公求詩意於辭 作詩之人親 中 且 有與之語者,能道 不 所 可 夫 知 有 而 П 則必 以 人之爲惡也,禁之使 對人言者。 之心 懲 其 出 或又曰:文公又嘗 其 使之自 ,則未有 爲 創 如 揚 而 其 閔 人皆 言 此,亦復畏 無 之心耶 意 傳 惜 與 知 慚 於 不出於此,而《序》者之説 不 懲 面 其 文公之釋《詩 矣,又何 人 有 面 命也。 創 市 ? 不可爲,此 之,而 日 其 頸 之 井 宣 我 吾之 發 愚 至 之中, 小人至不才 淫之狀,指其行淫 能 待 《序》求 赤 云: 又 况 也 不得 奸、 憫 吾之 以 其 0 淫 且 『此等之人 惜 鋪 而 洪 爲 平. 或 我 爲,不 慚 張 鋪 子 詩 俱 之 日 不 而 H 善 且 揄 行 遂 何 意 非 然。 陳 古 也 淫 諱 《序》 揚之 於 若 所 幡 以 得 己 而 者 也 愧 定 辭 謂 自 安 於 夫 然 後

裳》、《

丰

×

風

雨

》、《子

衿》、

、《揚

之水

디

車

\*/ \*

Ш

有

扶

蘇

》、《蘀兮》、《

(狡童

寒

丘

中有麻

》、《將

仲子》、《遵大路》、《

有

女

所

自

作

也

;

如

静

女》、《

木瓜》、《采

葛

Ŧi.

0

燕 説《 妄 而 上下 男女夫婦之間多憂 也 也 以 其 所 孟 而 或 風 南》之 誦《詩》三百 私 作 子 擬 以 辭 文公之説 是 《詩》 》之首 風》, 而 而 之説 者 之 誨 害意 之 先 非 情 戒 間 男 邪 者讀《詩 儒 事 詩 平 爲 之所 其 以 日 ? 也 耳。 不 巾 女 如 詩 然 害 能 多 相 意 發,其 百 0 其 而 意 關 蓋 漢 説《詩》者不以文害辭,不 悦 無 逆志? **>** Ŧi. 可 . 戒 所 言以 雎 嘗 儒 之 怨 + 疑 愚 而 其 反 何 \*\ ~ 思 辭 以 嘗 辭 有 懟 後 也 非 復 無 是爲 也 感 不 蔽 孔 以《 七 知《 幾及其半 激 敢 咏 桃 邪 ? 能 傷之意 之, 子、 篇 孔 發 荷 歎 夭 序》説之不 9 得之。」夫 闘 無 前 之 詩 子 八》諸 者 辭 孟 同 日 雎 過 發 之説 辭 不 所 思 子 其 **>** 序 之 爲 篇 故 乎 而 以 過 雖 無 爲 所 情 經 + 刺 爲 君 其 達 情 以 婦 邪 説 目 意 以 正 Ŧi. 於 者 非 詩 慾 臣 0 而

> 之訓 不得 旨 免 矣 能 乎 使 人之 揄 曠 也  $\mathbf{I}$ 之意 篇 一,易以 ? 河面 之悲、 揚 不 此 而 意者 之 其 篇 則 焉 戾 是 其 皆 况 則 奚 意 如《 辭 其 動 志 郷郷 以 昧 遇 則 意之 者 莫 意 而 有 文 盪 切 非 合之喜 於 以 × 序 也 害意  $\pm$ 人之 7,其 亦 以 無 其 如 難 ^ 淫 **>**′</br> 莫 邪 孔 爲 鄘 辭 明 辭 泆 邪 使 之戒 之 如 孟 是 乎? 大明  $\Rightarrow$ 之 哀, 之 章 流 雖 情 訓 孔 , 而 不 末 蕩 焉 章 泆 有 習 慮 勸 孟 而  $\leq$ 能 之行 以 流 志 如 學 人 其 之 以 則 則 不 是 乎 心 者 是 也 讀 辭 以 奚 而 清 鄰 乎 觀 者 讀 以 邪 而 害 其 况 廟 平. 之, 有 之可 所 辭 蓋 不 故 意 以 詩 邪 則 之 無 然 知 之 知 不 其 鋪 ^ 也 詩 其 能 知 臣 邪 而 詩 張 怨 调

<sup>0</sup> 補 IE 當作『議』。」《文獻通考》卷 七

邪

所

用

則

周

樂

安

得有之?

周

樂

而

所

歌者《邶

×, <

鄘

在

焉

則

諸

詩

古

雅

樂

矣。

以

爲

未

然。

夫《

左傳

》言季

乎

?

左

知

鄭

取

義

有

賦

鶉

及穆

叔

蓋

有

判

是觀之,

興

、《緇衣》以下二十一篇 用之於何等之賓客乎 欲從 者,二《 ×, < 使 所 立 於鄭 將 鄭 札 鄭、 是 是 其 而 其 自 以 而 衛 而 來 衛 南 也。 也 詞 雅 夫 爲 奏之宗 賦 魯之樂工 薦之於 衛桑、濮 聘 ?!』愚 衛 》、《雅》、 子所 於《詩》 里 > 世 蓋深 是 桑 衛 鄭 巷 請 濮之 間 也 或 狹 皆 廟 觀 又 何 不 傳》載 然不 之事 論 其歌 歌 蓋 亦 其 周 情之正 侯歌之;《文王 遏》、《渠》,宗廟配天之詩也, 主祭之詩也,而 儀禮》、《左傳》所載古人歌 衛 之詩 之 (太不 安能 有不可 ,不過求 奔》, 后 諸 相 詩 列 ^ 耳。 倫 也 歌 之用與詩 合者,不 詩 (采蘋 妃 或 曉者。 前 者 異 楚令尹 不 夫人 其文意之指 聘 至於被之絃 亦 口 或 兩 》、《采蘩》, 享 以 用 淫 之詩 君 × 夫《關 可 賦 射禮歌之,《肆夏》、《 子 來 之於 邪之詩乎? 人作詩之本 相 《大明》、《綿》,文王 强 詩 譏 韋 見歌之。 忧 通 誚 燕 固 賦 歸 雎》、《 也 歌 享 夫 《大 多 而 如 之 而 ,合之音樂, 則 斷 人、大夫 鄉 詩合樂之意 鄭 明》, 鵲巢》,閨 際 知 而天子享元 意 章 鳥 飲 伯 以

絶其

聲於樂以

爲

法,

而嚴

里巷俠邪之所

作

也。

夫子

頌》,祭祀

朝

聘

之所

用

也。

衛》之一篇《桑中》是也。

之中

朝廷之上,則未

知

其

實

而

文以

雅

樂之名

又

以

爲

戒

今乃

欲

爲之諱

其

等之鬼神,

鄭者

邶》、《鄘

》、《衛》

三十九篇

删

者

其詩

決

非

淫泆之人

其

得

於

性

則

然

愚

之

所

又

日

文公嘗言

:

『雅

刺

奔

果出

於作

詩者之本意

酒、

燕

禮

門

妻

能

繁

以 六詩 所 伯 蓋 雖 謂 有 賦《褰裳 卿 如文公之説 百 也 不 鄭 I 鄙 於 斥 作 明 享 拜 車 餞 不 ×, < 者 之旨 然鄭 矣 淺 以 趙 口 叔 韓 不 肆 序》之人,或以 衛 廢 附 爲 子 耳 宣 孟 向 夏》、 讀 而 者 》之詩 會 意 淫 柳 子 伯 子 子 趙 子 可 ,子齹 至《 訓 如 居 也 奔之人所作也,然 賦《籜兮》。 游 謂《 太 甯 信 武、 也 晉 詁 然 未 詩》之所已言, 賦 叔 武 之, 詩》之所 或 當 韓 可 况 嘗 賦《 子 賦 子 風 見 日 如《 起 何邪 其 不 展 不 野 爲 野 者 雨 施 鄙 不 序》者之説 拜 賦 《序》者之 有蔓草》,子 孔 》, 子 ? 此六詩 有 之於 淺 不 先 聞 子 蔓 彤 將 言 附 儒 被 旗 燕 草 仲 弓 或 則《序 所 而 疵 譏 會 賦《 学之  $\stackrel{\cdot}{st}$ 享 子 以 賴 賦 皆 愚 議 者 辭 不 之 爲 之 皆 文 鄭 有 太 乎 乃 而 類 序 **>** 所 公 子 語 非 當 見 叔 固 此 知 是 女 鄭

雎 詩 疣、片 然《列女傳》出 毛《序》以爲仁 者 爲 爲 索 載 謂 夏, 不 意 師 人之作 》之《序》獨 傷之訓 也 衛 而 傳 衰 前 而 毛公始 韓 夫子未 或 授 武 周 爲 下 辭 以 詩 得 之訓 之 其 公 加 學者 而 之淺 爲 其 飲 刺 以 也 韓 有 、去作 是決 或 引《 庶 置諸 詩 釋 酒 **→** 論 詩 所當 史 陋 不 幾 於劉 列 也 人 悔 , 9 初 説 》説 可 不 詩 皆  $\wedge$ 0 不 過 詩 女 而 筵》 古 賓之 遵 也 之時 可 信乎? 《關 向 無 之詩 夫《關 之首 傳 遇 欲 守 不 從 之《 則 明 》 爲 而作,文公以 雎 宜 體 向 初 蓋 者 詆 文 切 認 E 序 因 證 皆 筵 雎 未 則 也 則 口 毛 廢 封 | | 》,《韓 **>**, 其 非 邶 與 違 以 其 自 攷 而 之, 事 《初筵》之 毛《 遠 漢 求 從 夫子不 信 韓 論 臆 語 鑿 柏 韓。 詩 世 以 然 序 詩 詩 而 恭 説 爲 之 舟 空 人 前 鄭 矣。  $\forall$ 之 婦 關 顯 淫 以 探 以 經 反 氏

不

之意 書,而 之語,而 序説之明白而旨意之可 攷者也;其 則《詩序》之不可 也」,又曰『多聞闕疑』。 不作』,又曰『蓋有不知而作之者,我 》之説 哉 指 孟 陷 愚所以 正毛《序》之意矣。 而後究極夫古今詩人所以諷咏之意, 蓋 摘 前 説《詩》之旨,參之以詩中諸《序》之 正人,引是詩『憂心悄悄,愠 不 ,必其序説之無傳、旨意之難 可 似 欲 歎 可信,而封事之説獨不可 繼 見矣。 爲 疑文公惡《序》之意太過 又曰 遽 世 之日『小人 未當,此 道 E : 之不古; 前史之缺誤。 廢 蓋《詩》之見録者,必 「昔夫子之言曰 也審矣。 類 夫一 成 是 異時嘗舉 群 存夏五 劉 也。 愚豈 向 亦 然 足 夫本之以 也 于群小 則 郭 史 一好爲 信 愠 前 公之 闕 述 軼 聖 列 致 無 乎 也 引 其 女 文 異 ? 是 前 面 而 0

論

例

孔

援

此

則

傾

説 言,則 不欲 其 尋 蓋 傳》,所紀皆 《碩人》、《載馳》、《清人》之《序》見於《左 意、清人》終章 已有之矣。 自毛、衛 迹,●後人讀之,當不能曉 口 序》,世 則《 也。 人不可攷,其意不 ,則夫子録之,殆『述 嘗妄爲之説,日 臆 E 鴟 若序説之意 説者 諸 出 以 場。湯湯諸 於夫 爲 公而傳,其意旨則 《鴟 與 也。 衛 作 子之前乎? 鳴》之《序》見於《尚 宏、毛公所作 章初不言成 亦不 詩者同 或日 作詩之人 不出於當 可 見 . 而 尋 時 鄭 今三百 則 不 非 其 可 伯 作』之意也; Ŧ. 時 自有 耳 曰 爲 攷,其 夫子删之, 惡 疑 後 作 何語矣。 高 Ŧi. 周 其 如 詩 人之臆 此 篇之 克之 公之 書 意 者 詩 説 子所 可 之 雖 而

章」、《補 IE 當作『篇』。」《文獻 通 七八作

者,雖 者 其 其 於 不 何 恤 如 不 不 亦 殆 日 如《芣苢》、《鶴 出 得 ? 一周 删 欲 世 可 不 于 所 其 雖 雖 果 往 不 失,或有 者 知 人言。之 後 道 則 詞 詞 東 比 如《 聞 畏 可 者 録 是 之 挺 意 門》 意 興 闕 知 何 ? 桑 也 學 白 挺 莊 我 流 深 如 者 疑』之意 之類 中 者 之矣。 我 友 重 五 泆 遠、 類 鳴》、《 翹 × 歐 雖 朋』之類是 篇 不 則 是 心 因 詞旨 陽 翹 出 《溱 是 直 之《 能 諸 也。 扃 迹 車 兼 公《 於 逸詩 陳 若使 也 也 不 扃」、『 (序》意 洧 前 乘 迁 義 其 葭》之類 然 , 類 詩 **>**,</br> 世 晦 理 於 事 是 徒 之不以《序》 於 招 則 也 譜 之 者 禮 者亦 其 野 狹 以 抱焚 其 是 我 文義 補 所 亦 義 所 於 有 邪 所 於 也 以 是 Ľ 傳 所 不 不 不 其 餘 者 其 口 蔓 弓。 明白 也 後 愆 果 不 其 草 殘 知 口 亦 而 口 口 , 序 録 廢 於 行 者 脱 所 贵. 者 所 × 較 何 知 知 知

吴澂 哉? 反若 哉 至朱 置 之 洗 序》、《序》乃有 非 編 毛公分以置諸篇之首。 儒 儒 詩 序》之中, 本《詩 ? 經 T 諸 經 也 從 中 子始 因《 』此説得 倀 本 篇 ᆐ 曰 間之説 載 宋儒 則 詩》自《詩》,《序》自《序》。《序》之 增益 . 旨者,學者 之首 之 序 倀 雖 序》 深 謬 **%** 由 然 不 頗 而 斥 前 之。 也 之。 煩 於 漢 有 而 誰 ^ 其 似 欲 訓 澂 去 覺 詩 作 復 以 則 鄭 詩 失 聖 特 詁 序 其 敢 猶 來 嘗 氏 而 於 未 人 7 干 非 索 可 而 大 説 謂 去之,然 所 讀 不 是 百 '考見。 者 詩 夫其初之自爲一 是 意 命 《序》自 知 家 經 讀 年 於《序》之外 自 舍 之題, 百 之論 始 而莫能 文,先 之 者 明 ^ 篇 於 後 必 及其分以 後 序 爲 之 何 果 不 索 足 而 又 讀 義 去也 詩 詩 嘗 以 而 有 見 ^ 者 詩 後 讀 於 先 爲 文 能

其 之,已 複 學 雖 朱子 陳 之書,其本文史臣 蔣 文之中 依文求義,自能通之,無所賴於《小序》之 其作者之由 子之歌》、《太甲 可 皆昔 所 功 悌 》以 出 政 無 作 之有 事 也 效 生 極詳 難 識 之由 或或 大 人 日 其 而 若《詩》之作 序 功 不 0 概 稱 所 明 皆  $\overline{ }$ 於《詩》爲甚大也 與其 篇中 侔。 作 由 頌 論 "雖《小 含 書 者之意,然二《 × 功德,又多比、興之辭, 也 於言 ^ 則 ・小序》 所指之實,多不具 已序作者之意。 書序 更 説 後之讀者貿 蓋《 序》不 端 或或 詩 命》等篇,史 處 > 書》者,當 之 可 歌 史氏 與《 外。 作,後 無 咏 詩 序》 性 質 又 苟 詩 信情 • 世 以 關 臣 時 然 小 無 如《 序 或或 於 讀 於後 語 紀 又 既 序 ^ V 詩 故 者 Ŧi. 孰 小 貫 載 不 鋪 序

累,而 學,故 作《詩 間 太 傳 乎 子 子 作,又以 哉 緝 但 與《書序》並 知 讀 過 及 戦 ? 其 《書》、《詩》,頗有惑於此,今細 耳。 Ē 問辨之 删《詩》既定,子夏以文學名 一,使 爲 國之末遭秦焚坑,漢 一經尚 然 而 類 力排 意 集傳》,見其穿鑿紕謬,恐 漢興文教之後 惟 何等之言 受漢 其 者 人 爲子夏所作 則《詩序》之有功 其 頃 於 中 錯 孔 之,以爲 贵 論 或有出 排 儒 有 亂 子、子夏 也。 磨滅 之 斥之 可 無 存録 誣 而 先儒 一言及此 不足信 於漢儒 例,則 ,誠 ,多出於漢儒 不得其全,况《序》文 雖 述 亦 者,亦 何 謂《詩 爲 必 不 初鹵 於 人 其 未 之手,及 有 可 後 何 以 妥 間 然 爲 盡 作 序》孔 學 平 詔 時 或 謬 排 其 信, 推 但 之 愚 之 有 百 後 有 日 古 陋 附 之, 失 聖賢 恐 誤 朱 世 然 何 自 者 會 餘 子 師 不 誠 有 後 子 其 夫 所 幼 所 補 年 ? 事 弟 可

酌 焉。」 之,又 崔 詩 其 故 然,則矇 理 恐後學遂 必以實著,况千載之下乎。《大序》淵粹, 言《春秋 有 字之失,固爲 銑日 然後 之時 餘 無 不能 若 ,則凡文書皆當 不 家朦 全篇絶 得 可 何 可議 皆 疑 作,今細玩 又 不 轉 從 》,必荒謬 誦《詩》,朱《傳》據 乃 「去《 者 輕《 日 授 詳 總 者 知 無 似 小 其 瞽矇,使 非 辨 諸 ,惟『國史』二字尚 序 目之人, 若非 聖人之言。 允當。 序》而 日 條 論 於 或 > 矣。 而 類 敢 之,議 者謂《詩 史,條 屬 左 言 義 僭議朱《傳》之得 史氏 誦 忽易之, 然細推之,史掌文 以 《詩 理 蓋 於王之左右。 其 論 道 而 俟 所掌。 》,背《 此 又案古者史掌 篇 誦之邪 推 0 미 後 他 以 大 類 以 原 亦非 之 人相 明 序》 左 各 在 智 君 意者 明 ? 「國史」 操議 氏 所宜 窮 子 而 有 非 其 事 失, 采 義 聖 棋 詔 不 Œ 而

> 廢之也 古未 之徒 方鵬 非 卜子夏不能作 遠 曰:「《詩 不 ,得詩人肯綮者實多 能 作 也。 ·大序》皆格言 未可詆之爲 ^ 小 序 沙時 或 固 有 誣 也 不 也 非 可 聖人 以 然 盡 去

文公因 未必 楊 孔子 盧格 孫宜 李 蓋 遂 群、怨兼 作 今讀其文,包含該貫,涵泳 斷 矯 慎 詩之由,咸歸之其人,是不可廢者也。」 非 、臣曰:「《詩序》其始一言而已,餘蓋 枉 其 不 日 : 「 曰 曰:「《詩》者,孔子授之,子夏序之,述 日 也。 非。 過 :「去《序》言《 能 而 Œ 成 作 程子謂《詩 有之,實三 學者因之廢 公太尊《小序 然《詩》掌之國 也。 非平心 朱子 折 百篇 • 大序》是仲尼作 只 詩 衷之 而 因 ×, 不 史,播之學官 論 從 自 之 遂 或 讀,何哉?」 綱 朱 也 盡 容,興、觀 史』一句 一變其 文公始 領,蓋非 説

群、

可怨,邇之事父,遠之事君

,有益於人

思

当

出

於

性

情

之正

故

叮

興、

口

觀

口

思

無

邪

」,必此三百

篇

皆

本於

無

邪之

倫

有

裨於風化,不可不學也。

《史記》蓋

爲 於懲 鄭 以 音 施 得 《韶》、《武》、《雅 始。 志」,彼惡者 미 思 謂 感發 於禮樂,合於《韶》、《武》、《雅》、《頌》之 而 聲之亂 邦,曰: ,其必無邪 無 三百 此 創 述。』由是觀之,孔子删定詩篇 邪 足 人之善 安得 五篇, 雅樂 一放 蔽 言 既 三百 思可 遽 鄭聲,鄭聲淫。」又曰 也。』《樂記》之言曰: 思邪矣,讀《詩》 心 mi 》、《頌》之音 謂 悪 篇 屬 知 之無 望 義 者 讀 也 可 邪 ? 以懲 詩 思 孔子告顔淵 》之人,又 耶 者即 創 ? 人 . 之逸 且. 有 『悪 安 以 意

至宋則

愈遠矣,此皆未敢

盡信者也。」

許

浮遠

曰

「《詩》三百,而

約之以一言

然漢

時

去

春

秋

尚

近,經師

傳授

猶

有

影

恐非

夫子删

述本旨。

《序》説

固

未

必

盡

是,

以《風

RI

》、《鷄

鳴》、《丘

中有

麻

》、《木瓜》、

采葛》、《扶蘇》、《子衿》之類悉改《序》説

鄭聲淫,亦未

必

淫

奔之淫。

説

者據此,遂

志

,使皆淫辭,豈肯引以

自

况!

夫子

雖

謂

秋列

國大夫會盟

,多賦《鄭》、《衛》詩以

見

是。

《鄭》雖譏其細

,亦不及於淫

也。

及

春

雎》之亂

以

後

人所

述,不應作者自爲釋也。」

薛

應

旂

季

子

觀

周

樂,

爲之歌

衛

其

施

於禮

義,上采

日

:『古者詩三千餘篇,

孔子去其

重,

取

鄭

》,皆曰

『美哉

月

謂

康叔、武

公之德

如

盛

至幽

五八七

作 序 弟 序》以 者 僻 濮 衛 思 不 盡 《小序》傳自 女私 風 之發乎 誣 古 忍 学中 不存 録其 恶 上行 之音 叔 大國之正 無 上之音 謂 之,然 失道 以 據 相 爲 褰裳》,《 鄭 但辭 矣。 情 私 贈 致 也 醇 刺 亂 公子 答。 而 ,亡國之音也,其政散,其 而 亂 而公弗制 莊 世之音 雅 而 漢 己 不可 有 朱子 止乎 如 大謀焉。 列 其 公也,不勝其 小 忽 初,中 也。 不 及 ^ 或 序》以 鄭 純 止 辭 人考《毛 於《國 主 禮 君 也 17,祭仲 風》 者,即 昏 ^ 也。」鄭、衛之音 義 間 淫 臣 風 於 自在 《有 雖有 之間 比於慢 之《 爲 慢 詩 雨 風》,所 齊 諫 之説 釋 狂 》,《小序》以 母 女同 將 孔 附 童 爲 代 而 小序》 祭 仲 矣。 公弗 以 有仁 恣 淫 會增益 仲 於二《 謂 子 車》,《 子 害其 奔、 行 諫 删 淫 不然。 一賢,詩 聽 民 ,孔子 桑 或 爲 之 其 與 《小 未 流 間 小 爲 男 慢 邪 而 或

> 於淫 當時 序》以 又考《 亂 子太叔賦《褰裳》、子游 似皆可 宣子嘗賦《 有女同車 將仲子》諷 世 諸 慢之辭 思 左傳 爲 卿 信, 君子不 刺 各賦 》、子柳賦《籜兮》餞 木瓜》答北宫文子矣,子展 》,春秋諸 學校之 而 晉侯 耶? 朱 詩見志、義 改 注 矣,子齹 其 廢 概 賢 弛 度 目 賦《風 每 焉 爲 今以 有 賦 賦《野有蔓 淫 取 詩 ^ 国 青 慢, 詩 爾 韓 相 衿 也 贈 義 宣 子 何與 肯 **\***, 求之, 一子矣 答, 草 旗 小 ? 賦 韓 取 賦

之聽 之所 其疑 沈 同 而 而 鯉 已 泯 矣。 信 訟於人也,非 述 無 日 則 與 :「古人之書,有 口 則 其 之同 前乎此者, 據之迹者,欲從 安所 説 可 焉 取 信 家至 衷哉 也 則 有賢者之所 其 而 ? 後乎此 説 出 人覩之也,而 而 可 曰 : 於千百 訂 信 者, 其 信之 也 是非 見 有 載 以以 與 賢 之上 君 之 者 子 理 明

之渾 者,然 往 事 雜 其作,未有 方《詩》之未出 而 之有《序》, 雖 之《禮》辭多繁複,或足以漢 故 彼 有 而 吾心之見,懸 而 非 群 不 引《詩》,如《柏 據,吾不能無疑 載 或云子夏、或云 出 日 爲 籍可 能決者,何啻《毛詩》也耶。 於 籍 直 厚、《易》之精微、《 則《毛詩》之《序》當 聖人不能作 信 煨 之 爲 知 燼 於 無 曲 其 如今之 也,獨 理 之餘,其錯 據 作 斷於茫昧 且 也,在《左氏》説《 而 ,孰與夫人心之難 ...傳 判 已 舟》、《清人》等篇 也。 雖 ~ 衛 辭 耐 然 矣。 宏之作者 其《序》 賦 毛詩 無 如蒼 執此義以 不可知之鄉,卒之 亂 先以名 據 春 秦漢 逸失啓人之疑 》哉 曷 亦 秋 素之在 儒之附會 不與之俱 疑。 以》之屬 並 而 1 皆 篇 春 傳 後 折 蓋 然《書》 而 而 測 雅 無 秋 非 是 目矣。 詩 辭 後 二戴 六 乎 1,雖 疑。 非 也 傳 經 與 往 有 比 1

> 乎? 也,而 未 後三 也。 《序》合,則前 名彦其博 聞 其後 家 有 則後 奚其疑哉! 廢 訾 有齊、魯、毛、韓 古 而《毛詩》獨 且 乎此者,信之以當世之傳 通 議 乎此者,信之以《左 經之識 之者, 者,0 謂 存 非 四 豈其 當其 家《詩》,又其 人 心之公是 、時,碩 乏 氏》 可 儒 而 口

郝敬 掌故記 約、蓋古人 夏,餘皆毛公增補。 今按各《序》首 申明首句之意,❷故先儒謂首《序》作自子  $\tilde{\Box}$ 識 0 「《詩序》相 曾 有詩 [經聖 即 句 一人删 有 爲 傳 今觀首《序》,簡當 題 各詩 Œ 子 少,或國 夏 一, 決 根 與 非 柢 史標注 毛 一苟作。 ,下文皆 公合作 或 精 而

<sup>「</sup>明」,原作「命」,據四庫本、薈要本、《補正》、《談經」「其」,四庫本、薈要本作「具」。《補正》:「當作『具』。」

有首句 若《 蓋 沈 大 秖 朱子乃以 臆 領 毛 意,自『志之所至』至『莫近乎詩』,非  $\Box$ (字) 大雅》謂之政 風 能道 據詩 公發 已有之,豈惟後之不能 堯中日 之,予未敢信 袖 而 或得 總序》一 序之? 也。 且《詩》有 變《 至宋 明 中文字,斷以己意 則 或失,不 六義 微 演文之故 蘇 雅 以 「《詩序》每篇 儒 顯 篇 子 其下演文乃 後 有 尤 詳 以 師 由 其爲 四 儒 可 下,似 心薄古 相傳 大小,先儒皆 無 家 僅 略 不 盡 所 而并斥首 然 而 曲 存 見詩 信 出 指 亦演 毛 也 首 盡 於子 獨 即即 創 句, 出 首 辭 爲 又如六亡 又 概 文,况 傳 故 後 句 孔 爲 Ŧ 夏,玩 以 乃 句,不已甚 示 詆 ,以其有 世 當 子 新 餘 爲 ·以爲 不能 爲妄作 講 小 亦 采 所 年 説。今 得 雅 謂 其 師 詩 詩 大 安 之。 演 賢 辭 此 之 能 止 家 戀 時

莊

姜失位

而

作、《燕燕》,送

歸

妾作

者矣。」 作 亦未 廢《 傳據之久則不 胡 也 鴦 并《楚茨 王之詩也 顧 愚 出 瞻 外傳》耳 齊詩》亡 恐恐 》、《魚 炎 紹 前 謂 王之詩 彼 小序》,此 武 必 曾 此 次 洛 不 皆 日 皆 日 於後 然 藻》、《采菽》十詩皆爲 矣》、《 也,而 一於魏 . 前 漢 孔 故 也 「《詩》之世  $\sim$ 儒 子所 信 次 世 亦 之言 · • 詩 可 裳裳 又如《 南 次 於 獨 緑衣》、《日 越 韓 誣。 序》之作 IE 於前 後。 Ш 稱《毛 裳 詩》亡於五 \*\ \!\ 者華》、《桑 而 碩 歸 且 况《魯詩》亡於晉 次 序者 非子 ,『召伯營之』,宣 人》,莊 甫 周 詩》。 如 不 終 『褒姒 田 可信, 夏之言 月 不 却 一》、《大 難 得其説,遂 季 周 説《 刺 姜 扈》、《 的 僅 滅之」 今《詩 公之車 終 出出 初 ( 詩 》 也 指 存 風 王 田 歸 鴛 前 之 者 而

也」、「《 離》爲 《二子乘 蝀 公夫人及其傅母作、《大車》爲息 燕》爲定姜送 實爲《魯詩》。 受《詩》於浮丘伯,劉向元王之孫 也」,此《韓詩》之《序》也 苡》,傷夫有惡疾也」、「《漢廣》,悦 夫人作,此皆本於《魯詩》之《序 南大夫妻作,《行露》爲 人也」、「《 邶 芣苡》爲 雨 (学)刺 之 無 壽 柏 鷄 奔女也」、「《黍 初 極 閔其 舟》 舟 鳴》,讒 蔡人妻作,《汝墳》爲周 >, 正 筵 汝 **>** 墳 婦婦 爲 爲 兄 其 作。 衛 大 S, 伋 衛 作 所 之 夫 作「悦 辭 宣 武 撰《新 式微》爲 傅 刺  $\wedge$ 夫 家 公 離 列 申人女作 X 母 飲 出到 也、 学,伯 女傳》 作,《 作,《 王 序》,以 楚元 酒 人也」、 也、 黎莊 悔 封 黍 作 燕 過 以  $\pm$ 

維求定』,其六曰『綏萬

邦,屢

豐

年」,

詩》但以『耆

定爾

功二

章爲《武》,而其

『耆定爾功』,其三曰

「敷

時繹思,我

徂

》楚莊

王之言曰

.

武

Ŧ.

作《武》,其卒章

三爲《齊》其次爲《桓》,章次

復

相

隔

越

儀禮》歌《召南》三篇,越《草蟲》而

取

《采

詩

漢

興

(之初,

經師

移

其

第

耳。

而《左

氏

FI

無

正》、《小旻》、《小宛》皆

刺

厲

王之

經

有

明

文可

據。

故鄭

氏

謂《十月之交》、

陽

康

公爲

太子

時

作

也

间

次

於

後

黄鳥》,穆公薨

後

事

也

而

次

公於前

此皆

鼓

》,國

人怨州

吁而作也,而

次於前。

《渭

《序》。如「《關雎》,刺時也」、「《芣然,説《韓詩》、《魯詩》者亦莫不有按:《詩》之有《序》,不特毛傳爲

前

,知今日之《詩》已失古人之次矣。」

蘋

(正義)

以爲《采蘋》舊在《草蟲》

五九二

推原 者,據子夏之《序》也,而論者多謂 則出自毛公足成之。 所未及,毛公因而存之不廢。若 注有孟仲子之言。皆以補師説之 高子之言。又子夏授曾申,申授 《詩》於高行子,此《絲衣·序》有 也。 出,學者舍齊、魯、韓三家而從之, 傳、《孟子》,其説無不合。《毛詩》 之《尚書》、《儀禮》、《左氏》内外 子夏,子夏習《詩》而明其義,又能 必有《序》。 夫《南陔》六詩,有其義而亡其辭, 李克,克授孟仲子,此《維 以其有子夏之《序》,不同乎三家 也。 惟其《序》作於子夏,子夏授 國史,明乎得失之故。 齊詩》雖亡,度當 惟《毛詩》之《序》本乎 所謂 日 天之命》 經 有其義 試 師 稽 亦

> 同,而 其《序》與《毛詩》 按:蔡邕 宏之《序》以爲《序》乎? 《序》作於衛宏。 則同耶? 詩》豈獨無《序》,直至東漢之世俟 後可授受,韓、魯皆有《序》,《毛 出,亦在漢武時、《詩》必有《序》而 今《獨斷》所載《周頌》三十一章, 毛詩》《風》之《序》有别,而《頌 其 義 書石 則 \_\_\_\_ 經,悉本《魯詩》。 夫《毛詩 雖 意者 繁簡微有不 魯 》 雖 1詩》、 後 又

經 義考卷九十九終

弟子武進王瑋覆校

豐道生之家。

取子夏所序三百十

者不著於録。

嘉靖中,忽出於鄞人

秀水朱彝尊編

男昆 田

端木子賜《詩傳》僞本

存。

貢《傳》者 何楷曰: ,其意覬 近 世 有 與 僞 毛傳並行,然掇拾淺 爲 《魯詩 而 託 之子

哂 ,有識哂焉。」

按:《子貢詩傳》自漢迄宋,志藝文

《頌》,於是六義亂矣。至於列國之 《南》也,而人之《風》,《黄鳥》、《我 有死 《嶃嶃之石》、《苕之華》、《何草不 鳴》,於是四始亂矣。 《營》,《盧令令》曰《盧》,《遵大路 兮》,《東門之墠》曰《唐棣》,《還》 雅》;《定之方中》,《風》也,而入之 黄》,《雅》也,而人之《風》;《小 曰《大路》,《大叔于田》曰《太叔》, 又删去笙詩六篇之目,而且更《野 弁》、《抑》,《大雅》也,而入之《小 行其野》、《無將》、《大車》、《采菉》、 風》,移易錯雜、雅》、《頌》亦然。 篇,悉紊其次。 磨》曰《野磨》,《簡兮》曰《柬 以《鶴鳴》先《鹿 《何彼穠矣》,

一五九三

Ti.

九

四

誣先賢,

本

君子

詩。 《邶》爲管叔時詩、《 乎 叔、武 《小東》,《信南山》曰《南山》。 家有 以説《小正》,竊《大學》「心正 雅》爲《大正》。❷ 然延州來季子觀 者、《邶》、《鄘》、《衛》詩雖分爲三, 於子夏所序之《詩》乎? 華》、《圻父》曰《圻招》、《大東》曰 者莪》曰《菁莪》,《皇皇者華》曰《煌 曰《東門》、《兔爰》曰《有兔》、《菁菁 而子貢反襲其言,竊「凡爲 有何關係,曾是子貢之《傳》必求 Ш ·!則同 有 又以《小雅》爲《小正》,●《大 ·九經,修身則道立」以下十 扶蘇》曰《扶胥》,《出其東門》 公之德 爲《 如 衛》 是, 樂 中庸》子思所作, 詩矣, 《鄘》爲 是其 日 尤 而 霍 天下 衛 此 一而身 乃 聞 可 叔 風》 或 怪 句 時 亦 以 康

弗信。 修 門傳詩嫡冢》,真堪失笑。 誣 毛大可作《詩傳詩 傳》與子夏《詩序》合刻之,目曰《聖 欲伸己之詖 可謂妄人也已矣。 可謂 四句 乃烏 助我張目者也。 以傳《關 辭 程凌濛初取《子貢詩 邪 雎 説 説駁義 無稽之言 》,陋矣哉。 而 厚

近

蕭

Ш

力

辨

其

## 漢楚王交《詩傳》

佚。

漢書》:「楚元王交,字游, 高祖同父少

<sup>0</sup> 同。 小正, 據本卷「詩説爲本」條,當作「小足」。下「小正

<sup>2</sup> 「大正」,據本卷「詩説僞本」條,當作「大疋」。

《詩傳》,號曰《元 弟 公俱卒業。元王好《詩》,諸子皆讀《詩 《詩》於浮 申公始爲《詩傳》,號《魯詩》,元王亦次之 后時,浮丘伯在長安,元王遣子郢 也 少時 丘 嘗與 伯。 王詩》,世或有之。」 魯穆生、 伯 者, 孫 白 卿 生、 門 人 申 客 公俱 也 與 申 受 高

説尤乖 《碩人》之詩謂莊姜始至,操作衰惰 仮傅母恐其 作之。《新序》謂 苢》《柏舟》《大車》之類,與今序《詩》者之 弊』、《説苑》引『蔽芾甘棠』,傳 之詩、《黍離》之詩是也。 之詩是也;壽閔 露》謂申女作、《式微》一 王應麟 棠之下 異。 加 《汝墳》謂 死 聽 劉向《列女傳》稱《詩 也 斷 関 其兄,兄且 衛宣公子伋方乘 焉 而 周 作詩 南大夫妻作、《行 封 篇謂二人之作, 鳲 事 鳩 見害,作 《二子乘 引聞飴 在 日 桑」, 1,傅母 舟 舍於 憂思 我 時 舟》 釐 傳

> 漢間 劉城 田治 白生、申公輩 非豪傑之士無待 矣,交何所見 之孫,所著蓋《魯詩》也。 子之所以 急攻 『尸鳩之所 生産矣,季 曰:「楚元王,高祖同父兄弟也。 〈戰、燔 理 萬 游 而早毅然學古,獨 物 以 墳 ,同受《詩》於浮丘 則 而 者 養七子者,一 籍 好 興者哉。 酒 儀也。」向 及 家之内, 色,嫚 然則交固 心 與 駡 乃元 仲 世 伯 穆生、 儒 則 ; 漢 生 力 君 王

# 《詩經》魯、齊、韓三家

儒

林之首也。」

(漢志》:二十八卷。

佚。

詩》,韓嬰作《韓詩》。」 應劭曰:「申公作《魯詩》,后蒼作《

齊

Ŧi.

九

六

隋

經

籍

於浮丘伯,作訓詁,●是爲《魯詩》。齊人

轅固生亦傳《詩》,是爲《齊詩》。燕人韓

嬰亦傳《詩》,是爲《韓詩》。終於後漢,三

家並立。《齊詩》魏代已亡、《魯詩》亡於

西晉、《韓詩》雖存,無傳之者。」

諫 王 應鱗 夫 者 日 夫婦榮恥 : | ☆ 白 虎 共之。 通 . 諫静》篇: 相 鼠  $\forall$ 妻 諫 妻 得

朱倬曰:「《魯詩》起於申公,而盛於之詩也。」其齊、魯、韓之説與?」

詩》始於韓嬰,而盛於王吉。」

賢

齊

詩

》始

於

轅

固

加

盛

於

匡

衡

韓

韋

古 彭 行己,觀其言 俊民日 ,得《詩》之直者 . 「申公,得《詩》之約 以 察其 也。 所 以 行 約 信 窮 有 理 者 異 而 也 於 以 直 毛 轅

公、韓嬰之所聞也。」

陸釴曰:「三家之《詩》至唐已失其傳,雖

有存焉者, 譌矣。」

伯 爲 者。」則魯之説《詩》者不 仲子,孟 註 時,在毛公前。』」又《維 時 IF. 注 源 按 極 靈星之尸也。』」趙 、齊人,則齊之說《詩》者不 也 於 義 人,答 而 《魯詩 二孟 轅 仲 美周 「《鄭志 《絲絲 梁 固 仲子曰:『大哉天命之 子之從昆 日 子 之禮 生。 》源 衣 : 日 **▽**: . 先 於浮丘 然 序》: 也 張 師 弟 如《定之方 初 岐注《孟子》以 逸問 一、從學 魯 趙岐 立楚宫也 一高 伯, 人,當 始 仲梁子 天之命 云: 於 於浮 子 齊 始 孟 日 中 詩 丘 無 或 於 孟 何 子

補

<sup>■「</sup>訓詁」、薈要本、《隋書》卷三十二作「詁訓」。《

#### 轅固生也。

《漢志》:二十五卷。

申

公培《魯故》

佚。

近之。」 王交俱 夫。 駕 采 生、 武 祖 齊轅固 漢 過 帝 雜説 駟 書》: 徐 孔安國、 病 魯 迎 初 偃 申 免 事 咸 ,申公以弟子從師 使 燕 歸 公至,時 又 齊人浮丘伯受《詩》。 使東 非 漢 鄒 韓 周 數數 日 其本義。 生 興,魯申 霸 : 年 帛 皆爲之傳,或取《春 闕 卒。 已八十餘 申 夏寬 加 門 公,魯 壁 公爲《詩》 慶 與不得已, 弟子 碭 安 忌。 人見於魯南宫。 魯 車 人,少從 爲 以 賜 以 申 博 爲 漢興, 訓 蒲 公 巓 士 大 魯 故 裹 卒 楚 陵 + 中 最 秋 輪 以 繆 高 餘 大 元 爲 而

> 《詩 晏,由 游 是《魯詩》有張、唐、褚氏之學。 長 師 王 渠,後亦至丞 治《詩》 及魯許 八賓、沛 卿 式翁 **>**∕ 爲諫大夫,其門人 Щ 是張家有 春 陽 思 至 生、免中 褚 張 事 秋》 丞相,子玄成 少 長 免 相 孫 授, 中 安 許 曲 亦 徐 幼 徐 而 氏 來 公皆 君 是《魯詩 瑕 學。」 公及許 事 先 丘 琅琊王 式,皆 以 守 事 江 學 淮 式,後 生,爲 公盡 》有 陽 教 一扶、陳 爲 張生兄子 中 授。 章氏 博 能 昌 東 尉 傳之, ±, 留 平 邑王 論 韋賢 學。 唐 由 石

安國 偃 海 郎 傳 以《詩經》爲訓故以教,無傳,疑者則闕 陸 中 太守魯賜、 德明日 膠東内史闕 號 令王 膠 日《 西内 一臧、御 . 魯詩》。 「 魯 長 史 門 沙 史 人申公受《詩》於浮丘伯 周 , 慶忌 大夫 弟子 内史繆 霸 城 皆申 趙 爲 陽内 生、 博 綰 臨 士者十餘 公弟子 膠西中尉 史夏寬、東 淮 太守 也。 徐 孔

Ŧi.

九八

#### 《詩説》僞本

卷。

亡於 著。 陳 經籍志》云: 僞 於浮丘 續》,日《大正 小《雅》曰大、小《正》,●於變《雅》曰《小正 《鄭》、《 周 小雅》,而以《秦 魯頌》,其説 弘 南》、《召南》之後,取《曹》、《檜》列 取《豳 紹緒跋 西 存。 或曰: 伯,作詁 齊》之前,取《 日 此 風 『漢 本 多與 0 宋董 續》,有《 「《詩 不 訓 鴟鴞》諸 《風》殿 初, 知 韓、 説影》一 道 是爲《魯詩》。』《魯詩 傳 有魯人申公受《詩 謂 獬 周 毛 自 於十 班固言《魯詩 篇與《魯 風 卷,漢 抵牾。 頌 何 \*\ \!\ 七月》置之 人,疑爲後代 五國,於大 商 魯人申 按《 頌 頌 》綴 隋 》, 無 最 於 於 培

> 諸篇 混。❷ 愕, 焉 《雅》、《頌》之體 雖 南 補足之,未 近 風 加 應有《頌》,朱子 魯頌》於《國風》,學士大 亡,猶 ?,今徒 》安得 以 爲《 星 不 日 《駉》與《駜》置之《邶 尚 其未爲天子也。 風》矣,魯安得 知 散 於 有此 相 ||《 || 關 實 見 他 彷 可 本 體 書 雜 彿 知 雎 申 耶 出 固 0 時 ; 不 文 ? 公之 於 得 《泮水》、《閟 嘗 是 同 群 之, 1致疑。 亦 是不 , 譬 王 有《 帙 周 説 之 是 後 如黔 夫聞 自 説 可 頌 也。 詩 則 ×, **%**! 以 東遷 近高 也 申 X 猶 宫》,❸《 不辨。」 鄘 皙之不 輯 而 公之《 然 毅 後 稱 魯 》、《衛 共 邑 録 ^ 趙公公 之不 風 然 爲 且 耐 風 或 容 降 降 稍 駭

6

泮」,原作「洋」,

據四庫本、薈要本、《補

正》改。

<sup>● 「</sup>正」、「大正」同。

<sup>「</sup>如」,原作「知」,據四庫本改。

版。君子可欺以其方,難罔以非存《詩説》及《子貢詩傳》皆出於鄞存《詩説》及《子貢詩傳》皆出於鄞按:申公《魯故》至晉已亡,今所

《魯説》

其道也。

《漢志》:二十八卷。

轅氏圖《齊詩傳》

佚。

《漢紀》:「齊人轅固生爲景帝博士,作

《詩》外、内傳。」

陸德明曰:「齊人轅固生作《詩傳》,號

《齊詩》。」

后氏蒼《齊故》

《漢志》:二十卷。

佚。

《漢書》:「轅固、齊人、以治《詩》孝景時為博士。諸齊以《詩》、《禮》、爲博士、至君、東海郯人、通《詩》、《禮》、爲博士、至君、東海郯人、通《詩》、《禮》、爲博士、至即丹、伏理、游君、潁川滿昌、君都。由是師丹、伏理、游君、潁川滿昌、君都。由是《齊詩》有翼、匡、師、伏之學。」

《齊詩傳》

《漢志》:三十九卷。

一五九九

孫氏失名《齊故》 佚。

《漢志》:二十八卷。

佚。

《齊雜記》

《漢志》:十八卷。

佚。

鄭樵曰:「后孫之傳,其亡已久,今存其

韓氏嬰《韓故》

《漢志》:二十六卷。《新唐書志》:「《韓詩》,

卜商序,韓嬰注,二十二卷。」

《詩内傳》

《漢志》:四卷。

佚。

《詩外傳》

〈漢志》: 六卷。《隋》《唐志》: 十卷。 存。

名,使學者知傳注之門户也。」

一六〇〇

《風》、《雅》之正

變,

以

知

王政之興

(衰,其

不

信。

去

聖

既

遠,

誦

習

各

殊,

至

於

考

遺

心説

時見於他

與毛之義絕異,而

人

亦

存

其《外傳》,非

嬰傳《詩》之詳者。

耐

其

歐

陽修曰:「

韓嬰之書至唐猶

在,今其

存

者十篇

而

已。

^

漢志》嬰書

五十篇

今但

《漢志》:四十一卷。

佚。

之學。」 豐授 海 韓 也。 司 傳》數萬言,其 漢書》:「 生,河 髮 郡食子公與王吉,食生授 Ш 淮南賁生受之,燕、趙間言《詩》者 福 陽 内趙子事生,授同 張就,吉授淄 由 嬰推 是 語 ^ 詩 韓 頗 人之意 與齊、魯間 詩》 ĴΙΪ 有 長 而作《内》《 Ξ, 郡 孫 泰 蔡 順 Ш 殊,然歸 食、 一栗 豐, 誼 順 誼 長 授 孫 外 東 由 栗 授

> 云雨 所 其德』。 無 劉安世日 善惡美刺 謂 極》篇,《序》云『正 正大夫乎?」 無其極,傷我 詩中云『正大夫離居』,豈非《序》 不可不察焉。」 嘗記 少年讀《韓 稼 大夫 穡 ,浩浩昊天,不駿 刺刺 幺 詩》, 王也」,首 有《 雨

范 《頌》,見之《詩序》。 夫刺 之,未必其 極 離居』之語 極,傷我稼穡」八字。 魯頌》」, 魯靈光殿賦 處 》,正大夫刺 幽王,似不可信。」 義 日 而班 真, ,故加二句,且牽合以  $\sim$ 或後 固《 幺幺 雨 序》皆 E 無 西 人見詩 也」,篇首多『 Œ 都 韓 竊謂《韓詩》世 云『奚 》,韓 賦 氏 又曰:「史克 乃曰『奚 中有 氏 序 斯 作 頌 正 ~ 王 爲 雨 魯」,楊 斯 延 罕 Œ 大 無 雨 作 作 大 夫 其 無

考父、奚斯效之。 雄《 頌》也。 奕,奚斯所 斯當晞 法言》 韓 亦 IE 氏 作」,是奚斯 考父』,意謂 之傳授妄矣。」 IE. 殊不考是 考 父 嘗 作 尹 睎 新 吉 詩 尹 廟 甫 吉 非 「新 頌 甫 作 周 公子 廟 IE 魯 奕

迤、郁 經蓋 傳》六,隋止 有先秦風。」 晁公武 外傳 寡 》,雖 夷 日 之 而 類 非 其 存《外傳》,析十篇。 其 解 遺 漢志》十篇,《内 經之深 説 義 與 往 《毛 往 者,然文辭 見 詩 於他 **>** 不同。 傳 書, 其 四 清 及 如 此 婉 逶 稱 於 外

惟 洪邁 李用章序之,命工刊 韓故》、《 存《 日 外傳》十卷。 内傳 漢 **∀**, 0 藝文 外 慶 傳》、《 刻於杭 志 曆 **>** 中, 有 韓 韓 將 説 家 作 Ť. 監 詩 主 經 簿 今

不專解《詩》,不知果當時本書否也。」陳振孫曰:「《外傳》多於舊,蓋多雜説,

微矣。」

牽

合可笑之語

蓋

馳

騁

勝

而

説《詩》之旨

信後 言 薛 其 思 子 與 事 逆 陳 E 云十子 「荀卿《非 而 Ŧ. ? 前 應族 世 志 師 不得 孟子, 思 應 與 而《 貞 以 妻之讒 麟 E 諸 非 而 毁聖賢,當以《韓詩》 韓 而 植 日 作《黍 日 日 變 春 引 又 蓋 詩 . 無 十二子》、《韓 秋 動 令禽 事 曰  $\overline{ }$ 「韓嬰《外 外 其 子 耐 戰國之説,大抵 不居 以 韓 韓 門 思、 離》之詩。」其《韓詩》之説 殺孝子伯奇,其弟 傳》多引 「申、毛之《詩 悪 明《詩》,故多浮 詩 詩 人如 猶 孟 鳥 序 外 子。 論》 尝云 有 傳》 傳》 韓 詩 荀 古之遺 非、 ^ 日 外傳 雜 愚 雖未盡 書。」 黍 爲 記 李 謂 引《詩》以 離 》皆 IF. 夫子 斯 焉 荀 昔 》引之,止 》伯 泛 能 之 出 伯 卿 又曰 尹 不切 封 吉 之 流 以 非 荀 封 緒 意 托 子 卿 甫 求 .

子升泰山 斯 人,不得 《文選》李 張 日 9 . 觀 而 世 數 易 善注 者 姓 萬 數 Ŧ. 也。」又:『鄭交甫 得 七

餘

書。

董

將 珠 南 大如 適楚, 荆雞之卵。』《藝文類聚》引《 遵 彼 漢 泉 臺 下, 乃遇二女, 佩

兩 外

傳》文云:『凡艸木花多五 出 者,陰極 一之數。 雪花 日 霙, 出 雪花 雪雲 獨 日 同

雲。』又曰: 「自上 ൬ 下 日 闯 雪。」 又 .

之上招魂續魄,拂不祥也。』《太平御 漆與 洧, 謂 鄭 國之俗,三月上巳於 兩 水

引《外傳》文云:『 精氣 歸 於天,肉 歸 於

,膏歸於露,髮歸 一老 筐 一爲萑 老 於艸。」 蒲 爲葦。」今本 佛 典 引《外傳 皆

按: 白 虎虎 ^ 通》所 韓 詩 引 惟 日 外 「太子生,以 傳 僅 存。 若 桑

無之。」

脱 先 歸 子三 沉 者謂之宴,能飲者飲之、不能 注 璜。』《大 生,孔子渡江 所引曰 曰 初學記 舜 . 謂 所引 誅 即 屨 覇,魯臣者亡。」又曰 閉 漁 「天子奉 位 年喪畢,上受爵 之醧 少正 而 矢 門 者帝,交友受臣者 : 雷澤。」《三禮 一。又曰 六; 即 日 不 》所 戴 序者 卯。一《 珮 禮 出 射上 齊 引 玉 見 玉 注 者謂之湎 顔 編 日 : 謂之禮,跣 上 升柴。」《 孔 下 色、 風 在 而異之。」《禮記 所 有 四 俗 衡 引 夫飲之禮 葱 子 均 命 方 義宗》所引 通》 鴻 衡 ·爲 [: | 諸 衆 於天子,乃 和 周 Ē 下 下 魯司寇 所引 寡 而 在 故 又 禮 君 軾。」 謂 飲 L 鴿 有 侯 臣  $\vdash$ 不不 注 之 者 坐 胎 雙 世 臣

義 考

以 皆《内傳》之文也。 則群廟之主悉升於太祖廟。」凡此 取毁廟之主,皆升合食於太祖,給 可 以 湎。」杜佑《通 (宴,可 以 醧,不可 典》所引曰 以沉,不 可 禘

# 毛氏亨《詩故訓傳》

《漢志》:三十卷。●《釋文序録》:二十卷

其家,河間獻王得而獻之。」 鄭康成曰:「魯人大毛公爲《詁訓傳》 於

徐整 間大毛公,爲《詩故訓傳》於家,以授趙人 授薛蒼子,薛蒼子授帛妙子,帛妙子授 小毛公。」 曰:「子夏授《詩》於高行子,高行子 河

申公,誤。」 魏了翁曰:「大毛公學於荀卿。」 省學者兩讀,故具載本文焉。」 《故訓》亦與經别。 孔穎達曰:「漢初爲傳訓者,皆與經別 授孫卿,卿傳毛亨,亨授毛萇。」 王應麟曰 行,故石經書《公羊傳》並無經文,毛亨爲 李克授孟仲子,孟仲子授根牟子,根 高子,齊人。二 詩序》及《孟子》所謂高 :「徐整謂子夏授高行子,即 又曰:「陸璣以曾申爲 至馬 子也。 融注《周 趙岐 禮》,欲

《崇文總目》載之,則宋初猶存也。 按:大毛公《詩故訓傳》二十卷,

陸德明日

:「子夏授曾申,曾申授李克,

云:

漢志 **▽**: 二十九卷。 (唐志》: 十卷。

卿,長 河間 詩》者,本之敖。」 治《詩》,爲河間 漢書》:「毛公之學,自謂子夏所傳,而 獻王好之。」 存。 卿授解延 年,延 獻 王博 又曰 年授徐敖。 士。 :「毛公,趙 授同 或 言《毛 貫 長

曼 陸 卿。」 德 明 曰 . 「敖授 九江 陳 俠, 俠 傳 謝

孔 於河間 穎 達曰: 貫長卿傳之於前,鄭 「申公騰芳於鄢郢,毛氏光價 康 成箋之

説 李清臣 而 日: 深,此河間獻 釋《詩》者莫若毛、鄭。 王所以高其學也。」 毛之

義

考

卷

百

於後。

吾不得 《孟子》合,釋《昊天有成命》與《國 博見 源 推 近 歐 釋《碩人》、《清人》、《皇矣》、《黄鳥》與《左 葉夢得曰:「漢武帝時《毛詩》始出, 氏》合,而序《由庚》六篇與《儀禮》合。 毛公,學者 衛宏、賈逵、馬 學官,獨毛氏 而 毛公時,《左氏 鴟鴞》與《金縢》合,釋《北 儀禮》未甚行,而毛公之説先與之合,不 流 陽修 理 推 ,後二百年 不 異書,深知其精。 出 理 於子夏。 티 : 不舍鄭 然,又以似是之疑 爲 得,從 翕然稱 不 而 毛公當漢 融 傳》未出、《孟 而從毛也。」 之可 得立,惟 鄭 時 、鄭衆、鄭 氏 之。 齊、魯、韓 矣; 出。 中興後,謝 今觀 初興,去《詩》 河 爲必然之論 若其 使其 康 山》、《烝民》與 間 子》、《國語》、 成之徒皆宗 三家皆立於 其 獻 説 説 書,所釋 王好古 無 有 語》合, 曼卿 自以 據 미 當 據 猶 則 而

合。 於晉、韓詩 子》、《國語》諸 毛 謂 説,則二《南》、《商 前 毛氏之説 之 從毛氏 最 後 源 此 所 出 流 韓。 子 以《毛詩 世 ,則《禮記》、《左氏 》雖 故《 夏, 迨 人 書證之,然後學者舍三家 未 齊 至 存 可 》獨 無 魏 知 乎 頌》皆非治世之音; 詩》亡於魏 毛 ? 晉,有《左氏 存 傳 公之密 於世 之者。 漢 興 也 | | | | | | 《魯 其説 從韓 家 往 》、《孟 詩》 盛 氏 而 多 行 從 從 不 之

四字。」 《毛詩》三萬九千二百二十

手。 李 上治 王之詩也。 閔管、蔡之失道 樗 内、《采 矣;而《棠 日 如《魚麗 : 「《毛 非一人所作甚明。」 不薇》以 心》之詩 詩》 棣》之詩又曰『宴兄弟也, 故 下治外』,既以 日 所 作《棠棣》焉』,此又成 傳, 了文、武 非 成 以《天 於 爲 一人之 保》以 文、武

莫之慨也。」

毛 惟 范 出於子夏,淵 秋》左氏 可 初傳《詩》者,齊、魯、韓三家,毛最晚 傳既 識 其 處 矣。」 義 實 日 行,三氏 博士,其 理 . 求 昔 源 其 河 有 俱 去取 是, 間 自 廢 獨 獻 諸 得聖人之宗旨 立 王 先 家 德 ^ 儒 可 詩 修 謂 謂 學 毛 毛 審矣。 好 氏、《 氏《 詩 出 春 漢 斷 事

獨《毛 之; 陸釴 吕 子夏, 王柏 《毛詩》之義最得其真 之首,三家者乃 不 同 祖 日 謙 曰:「毛傳 集 詩》 而與《釋文》無 以 日 傳》出 適 齊、 : 陸 與 璣 魯、 魯、 經 而 行 以 雖 韓 齊、 毛氏之學 寖微, 傳 而 爲 撰 之義 合。 三家 刺,餘 一人合,其 韓、 毛公相 也。」  $\wedge$ 尚 毛 廢 關 可 師 君子 可 傳 知 雎 見 讀 僞 之序 》,正《風 矣。 異,義 者 既 可 又奚爲 較之, 知 是 E 惜 接 則 亦

九篇。

伏氏黯《齊詩章句解説》

#### 吕氏叔玉《詩説》

佚。

# 薛氏漢《韓詩章句》

至光禄勳。」

《隋志》:二十二卷。

佚。

《後漢書》:「薛漢、字公子、淮陽人。世《後漢書》:「薛漢、字公子、淮陽人。世書武初爲博士、受詔校定圖讖、當世言建武初爲博士、受詔校定圖讖、當世言弟子犍爲杜撫、會稽澹臺敬伯、鉅鹿韓伯弟子犍爲杜撫、會稽澹臺敬伯、鉅鹿韓伯弟子犍爲杜撫、會稽澹臺敬伯、鉅鹿韓伯弟子犍爲杜撫、會稽澹臺敬伯、鉅鹿韓伯弟子犍爲杜撫、會稽澹臺敬伯、鉅鹿韓伯高最知名。」

王應麟曰:「薛漢世習《韓詩》,父子以

佚。

《後漢書》:「黯字稚文,瑯琊東武人。

以

明《齊詩》改定章句,作《解

説》九篇。

位

一六〇七

《章句》著名。《馮衍傳》注引薛夫子《韓 詩章句》,即漢也。」

佚。

句》」,則當時韋氏父子亦有《章 碑》云「治魯《詩經》,韋君《章 按:《魯詩》有韋氏學,而《章句》 不載於《漢志》。攷《執金吾武榮

經義考卷一百終

弟子仁和吴檀覆校

初,父黯章句繁多,恭乃省減浮詞,定爲

劇令,遷常山太守,永平四年拜司空。

詩四

景氏鸞《齊詩解》

秀水朱彝尊編 男昆田 校

杜氏撫《詩題約義通》

通》,學者傳之,曰『杜君法』。」 建初中爲公車令。 教授弟子千餘人。東平王蒼辟爲大夫, 受業於薛漢,定《韓詩章句》。後歸鄉里, 《後漢書》:「杜撫,字叔和,犍爲武陽人。 其所作《詩 題 約義

賈氏逵《毛詩雜義難》

伏氏恭《齊詩章句》

佚。

佚。

建武四年除

經義考卷一百

後漢書》:「伏恭,字叔齊。

佚。

一六〇九

佚。

六一〇

蔡邕

至

會

稽

讀

《詩》與毛氏異同。 高才生,受《左氏》《穀梁春秋》、《古文尚 書》、《毛詩》,由是四經遂行於世。」 後漢書》:「永平中,帝令逵撰齊、魯、 八年, 迺詔諸 儒各選 韓

趙氏曄《詩細》《七録》作「詩譜

歷 神泉》《後漢書 神

《後漢書》:「 詣 事,不就,舉有道,卒於家。 杜撫,受《韓詩》,卒業迺 佚。 趙曄 字長君,會 歸。 曄著《吴越春 稽 州 Ш 召 陰 補 從

> 虞翻 《詩細》而嘆息,以爲長於《論衡》。 繹百篇,釋經傳之宿疑,解當世之盤結, 充,各洪才淵懿,學究道源,著書 京師,傳之,學者咸誦習焉。」 秋》、《詩細》、《歷神淵 上窮陰陽之奧秘,下據人情之歸極。」 曰:「有道 Ш 陰 趙 一 曄, 徴 ± 垂 E 藻,絡 虞 邕 王

張氏匡《韓詩章句》

佚。

《後漢書 就。 詩》,作《章 卒於家。」 **\***: 句 Ш \* 陽 後 張 舉 王 有道 字 文 博士徵,不 通 習《 韓

## 馬氏融《毛詩注》

柳

開

日

剪

氏

箋《

詩》,務異毛公,

徒欲

.

《七録》:十卷。

佚。

陸德明曰:「無下帙。」

## 鄭氏玄《毛詩箋》

《隋志》:二十卷。

存。

之釋題已如此,又恐非雷之題也。」 之與雷次宗仝受慧遠 題。承用既 陸德明日 家,於是三家遂 公、馬、鄭、王肅等題,相傳云是雷 : 久,未敢爲異。 鄭氏作 廢。 箋, 日 法 申 鄭 師 明 氏 《詩》義 又按: 毛義以 箋 者 周 次 非 而 難 續 毛 續

> 其大義· 歐 之《金縢》,其作詩之本意最可據 據《序》以爲義,惟《鴟鴞》一 自爲之説。」 泥《序》文;或《序》與詩皆所無者,時 不取《序》文,致乖詩義;或遠棄詩義,專 强 乃康成之箋與《金縢》之《書》特異,此失 陽 己 修 也。」 曰:「鄭氏於《詩》,其失非一: 時之名,非能 又曰:「《詩》三百五篇,皆 通先 師之旨。」 篇見於《書》 而易明。 時 或

不知其世者,然猶欲必知焉。其出於毛蘇轍曰:「《詩》至於漢,儒者之傳,容有

鄭 者 而 朱子曰:「《詩》自齊、魯、韓之説 也 Æ 氏 者 天下之學者盡宗毛氏。 亦衆,而今皆 之箋而 傳之,猶可 其 傳之 己。 也; 信 不 存。 也 其 出 意之,疎矣。」 則推 於 鄭 毛氏 衍 氏 人者,其 其 説 不得 之學,傳 者 意 傳, 獨 之

《商 注 詩 乎 詩 王 也。」 駒 應麟 以 禮》之時 虞』爲 二生 宋詩。 日 :「鄭康成注《 甫 嘆仁人,以《燕 及 未 康 申 成從張 得 爲 毛 仲 傳,所 禮記》,以『于 恭 Ш 祖受《 燕》爲定姜之 甫、 述皆 申 韓 伯 詩 ^ 韓 嗟 以

黄震 列 王 弊,然亦有足以 禮 學官,惟 柏 》說《詩》,於人情或不通,及多改字之 日 日  $\overline{\wedge}$ 漢 毛 毛 長 初 詩 最後 ,齊、魯、韓三家之《詩》並 裨《毛詩》之所未及者。」 **>** 注 出。 釋 簡 鄭康成爲之箋 古, 鄭 氏 雖 以

> 於世 其異 参伍 學者篤 〈矣。」 錯 毛、鄭 綜 信 康 以訂其是非,學者惑於同而忘 成,《 既 孤 毛 行, 詩 》假 而三家 康 成 遂 爲 絶,不 重 盛 · 得 行

鄭 按: 當作「延」矣。 泉流」今誤「流泉」,鄭箋云「如 身化其臣 鄭箋云「口 作「烈」,鄭箋云 泉之流」,則「流泉」非矣。《旱麓 酋矣」,今作「似先公酋矣」,鄭 又「古之人無擇」,「擇」今作「斁」, 延。 口「延蔓于木之枚木而茂盛」,則 延于條枚」,「延」今作「施 箋 《毛詩 可 《思齊》「厲 證其 下。 無擇言,身無 非。 經文 《吕覽》、《韓 「厲、假 卷 假 久 若《小旻》「如 不 阿 而 瑕 滋 詩外傳》亦 皆 嗣 」,「厲」今 誤 擇行,以 病也」。 先 」,鄭箋 者 公爾 箞 原 彼 大 作

世,謂 厚《 失「近」字,鄭箋云「近在夏后之 云一嗣 殷 鹽 詩攷》之闕 湯誅 不遠,近在夏后之世」,今本 先公之功 桀也」。 而 終成之」。 凡此可補 《蕩 王伯

#### 《毛詩譜》

《新唐志》:三卷

存

晁公武曰:「鄭康成撰,歐陽永叔補

完之。」 諒 詩之道 其時有亡 康成自序曰 詩言志 不於上皇之世。大庭、軒轅 昉於此 ,歌永言,聲依永,律 載 : 或作「宋均」。 「曰 籍 亦亦 乎! 篾云焉。《虞 有 夏 承 和聲。」然則 之,篇章 詩之興 速於 書》 高 日 辛, 也 泯

> 《周南》 之屬。 所以 者 棄,靡 德光 財。 顯 正經。 父母,使民有政 唐之末,中葉公劉 民 而 風》、《雅 ? 有《 阳 ,爲戒者著明。 熙前緒,以 饑 至於太王、王 匡救其惡,各於其黨,則 》、《召南》、《 論 有 頌》聲興焉,盛之至也。 及成 ☆兹時乃 後王稍更陵遲,懿王始受譖亨齊 功 子 》而來,故皆録之,謂之《詩》之 頌 遺 王、周 德所以將順其美,刺 有居。 集大命於厥身,遂爲天下 邇 粒 亦世修其業,以明民 周自后稷播種百穀,黎 公致太 雅》有《鹿鳴》、《文王 季克堪 及商 一,自傳 其時《詩》,《風》有 王,不風不 平, 顧天,文、武之 於 此 制 爲法 本之由 名也 禮 過 作樂 雅 者 譏 此 彰 共 陶 失 何

<sup>●「</sup>饑」、原作「譏」、據四庫本、薈要本、《補正》、《毛詩正

六

79

紀 則 聲 作,衆國 下, 哀 歷 禍 於 無 緇 在 雅》。 譜 十月之交》、《 宣 F. 弘 綱 傍 斯 天 而 而 如 陳 厲 絶 子 幽 省 歲 此 足 萬 行 福 靈 夷 也、 矣。 下 之; 以 欲 如 Ħ 而 平 公 一紛然, 身 數 作 吉 爲 觀 知 彼 張 失 淫 無 组 後 不 故 Ė X 勤 欲 之。 源 9 禮 方 明 也 王 亂 解 之 一前 若 民 孔 刺 民 知 流 伯 之後 ,太史《年 之鑒,於是 之 所 子 恤 勞》、 違 此 風 怨 清 政 得《 卷 由 事 録 善 功、  $\wedge$ 化 濁 而 相 教 《詩》之 春秋 9 者 . 憂 懿 而 邶 芳 《板 之 弗 尋。 尤 昭 謂 衆 王 誰 臭 不 所 用 娱 事 衰 表》自 之 》次 賞 尊 篇 大 Ŧi. 氣 止 之 處 上帝 夷 則 戀 賢 周 明 澤 則 覇 蕩 矣。 萌 綱 第 惡 Ŧ. 被 ^ 之末 室 之所 共 漸 》勃 以 時 也 者 風 於 循 刼 則 自 大 夷、 誰 詩 和 × 力 舉 受 其 殺 V. 昭 爾 是 及 壞 罰 則 厲 變 斯 頌 E 昭 大 俱 mi

若 歐 易者 先 熄 千 是 迹 於 逸 詩 家 儒 一發明 使 前 於 陽 百 今 而 與 》,其 悖禮 之學 之論 者 戰 修 年 徒 世 何 後 贵 或 日 抱 之 學 遺 以 不 0 荷 者,果有 焚 止 而 所 亦 義 徒 餘 焚 昔者 害 傳 非 見 E 爲 人 而 於 殘 經 博 詳 先 異 而 正 之 秦。 之 脱 聖 儒 較 矣。 論 其 能 其 甚 之 力 人已 終 中間 以 其 哉 譌謬, 自 經,倀 哉 子 始 相 得 ? 有 漢 嘗 之説 没,六經 訾 而 失, 不 吾 得 以 依 牴 也 得 倀 後 或有 前 來, 未之信 其 牾 以 之學 E 於 箋、 毛 粗 質 去聖人 欲 收 之 而 之矣。 備 傳 特 者 拾 道 諸 鄭 後 也 攷 傳 於 改 聖 大 Ľ 幾

0

集•居士集》(宋慶元二年刻本)卷四十一作「理」。「禮」、《補正》:「當作『理』。」歐陽修《歐陽文忠公、

得

其

文

有

注

而

不

見名氏

然首

尾

碰

缺

自

周

公致

太

平』已上皆亡之,其

國

之曲

直

其

能

果於

自

決

乎?

其

能

使

之自

欲

折

其

是

非

猶

不

盡

人

之

辨

而

欲

斷

其

訟

服

乎?

世

言

鄭

氏

^

詩

譜

最

詳

求

之

矣,不可

得

雖《崇文總

目》

秘

書

所

藏

亦

無

慶

曆

几

年

奉

使

河

東,

至

於

絳

州

偶

之書、未能

遍

通

其

旨

夫不

盡

見

其

書

而

爲

説

不止

於箋

傳

而

已

恨

不

得

盡

見

毛

、鄭之失既

多

然

不

敢

輕爲

改

易者

意

其

所

不

載

然則

孰

能

無

失於其

間

哉

子

疑

善

惡、方言訓

討

治

亂、美刺之由

無

封

域

啚

牒、

鳥

獸

艸

木蟲魚之名

「,與

其

風

俗

歲

之間

旁

及

列

或

君

臣

世次

或

地

Ш

III

鳥

\*, 上

陳

稷、

契,下

迄

陳

靈

公,千五

六

百

頗

多。

蓋

^

詩

**>** 

述

商

周

自

^

生

民》、《

玄

之於經

而

證

以《序》、《譜

影,惜:

其

不合者

義 考

爾。 豈好爲異論哉 文字二百七,增損塗乙改正者八百八 存其圖,庶幾一見予於鄭氏之學盡 後甚備,因據而 鄭《譜》之亡者,足以 鄭之説,爲《詩圖》十四 秋》、《史記》本紀、世家、年表,而合以毛 三,而鄭氏之《譜》復完矣。」 夫盡 其説 而 求其 不通 凡補《譜》十有五,補其 得 見二家所 然後 失較然 篇。今因 得以論 説 矣。 世 取 正,予 心焉 次 以 ൬ 仍 先 補

#### 《毛詩音》

佚。

徐 陸德明日 、李軌。」 貌 、蔡氏、孔氏、阮侃、王 爲《詩》音者九人: 一肅 、江惇、干 鄭 康 成

#### 荀氏爽《詩傳》

佚。

皆附正義,無 然希得立於學官也。」 荀悦曰:「臣悦叔父故 他說,通 人學者多好尚之, 司 徒 爽 著《詩傳》,

### 侯氏包《韓詩翼要》

隋志》:

義》。 王應 《抑》詩,使人日誦於其側,朱子謂不知 卷,侯包撰。』然則 出在何處。 麟 隋 日 愚按:侯包之説,見於《詩正 經 董氏 籍 包學《韓詩》者也。」 志 舉侯 **\***: 《韓 包言衛 詩 翼要》 武 公作 此

内學無傳業者。」

### 王氏肅《毛詩注》

行年九十有五,猶使臣日誦是詩

而不離於其側。」

云:

「衛武公刺王室,亦以自戒。

按:孔氏《正義》於《抑》詩引侯包

《毛詩義駁》

《隋志》:八卷。

佚。

臚、太常。

少受學於任安,精究其

術。

譙

周問當塗高之讖,答曰:『魏闕名也。

塗而高,聖人取類而言耳。』周未達。

《蜀志》:「瓊字伯瑜,成都人。

仕至大鴻

佚。

當

《隋志》:二十卷。

杜氏瓊《韓詩章句》

《毛詩奏事》

瓊

佚。

官盡言曹,吏言屬曹,卒言侍曹,殆天意

又曰: 『古者名官職不言曹, 自漢以來名

也。」著《韓詩章句》十餘萬言,不教諸子,

六一七

#### 《毛詩問

佚。

歐陽 偕老 陸 言。 别之辭,而 三章,王 爲是。」 德 於軍 修 夫衛 明 肅 中 . X 鄭 以 ? 暫 魏太常 爲 氏 擊鼓》五章,自『爰居』 出 此 衛人 以 從 非 爲 王肅 軍 人情 從 軍 其  $\dot{+}$ 軍 述毛 也,當以 卒 土 者與其室 伍 伍 非鄭 贵 相 宜 約 王 家 誓 肅 而 相 決 之 約 之 下

説

### 劉氏楨《毛詩義問

隋志》:

佚。

《册府元龜》:「劉楨爲太子文學,撰《毛 詩義問》九卷。」 王應麟曰:「《正義》於《七月》詩引之。」 典略》:「劉楨,字公幹,東平寧陽人。」

其中。 也。 《毛詩義問》云: 按: 世人皆名 爲名。」又云: 義問》云: 屋,謂之衡門。」徐堅《初學記 歐 貉子曰 陽詢《藝文類聚》引《毛 菜爲其形象可食,因 貆。 「横一木作門,而上無 貆 貆 「狐之類 貉 「鉶羹,有菜 子 形 似貍。」又《太 狀 貉、貒、 與貉 類 以 鹽 貍 鉶 豉 引

矢也,謂箭筒蓋也。」「蠨蛸,長脚平御覽》引《義問》云:「總所以覆

蜘蛛也。」

#### 王氏基《毛詩駁》

《隋志》:一卷。《七録》:五卷。

佚。

《駁譜》,合八卷。」撰。殘缺。梁五卷。又有《毛詩答問》、撰。殘缺。梁五卷。又有《毛詩答問》、

茂人。爻王腈,申郭嵬。 又曰:「《山每陸德明曰:「魏荆州刺史王基,字伯輿,東

似李,食之宜子,出於西戎。』衛氏傳及許經》及《周書・王會》皆云:『芣苡,木也,實萊人。駁王肅,申鄭義。」 又曰:「《山海

慎並同,王肅亦同。基已有駁難也。」

王應麟曰:「王肅引《周書》云:『芣苡如

### 劉氏璠《毛詩義》

《七録》:四卷。

《毛詩箋傳是非》

《七録》:二卷

佚。

《隋志注》:「劉璠,魏秘書郎。」

徐氏整《毛詩譜》

《隋志》:三卷。

非周婦人所得采。』」李,出於西戎。』王基駁云:『遠國異物,

六一九

隋志》: 佚

「吴太常卿 徐整撰。」

太叔氏裘《毛詩譜注》

整暢、太叔裘隱」, 注,不在秘府。』《經典釋文叙録 王 應麟曰:「《國史志》:『《詩譜》太叔求 蓋整既 暢演 而 》所 裘隱 稱 括

韋氏昭等《毛詩答雜問》

之。『求』字譌也。」

七録》:四卷。

隋志注》: 佚。 「《毛詩答雜問》,吴侍中韋

> 昭、 朱育等所撰。」

覽》引之。 草而爲淫佚之行。 男,故出游於洧之外,託采芬香之 供役,男女怨曠,於是女感傷而 又《野有蔓草》,《問答》曰: 何草? 答曰:『今之狗尾 記》引之。又:「《甫田》『維莠』今 詩,巡狩、告祭、柴望也。」《初學 按:章氏《詩答問》曰: 又云:「旱鬼眼在頭上。」《太平御 云『蔓』者,女情 亟欲以促 時草始生,而 《時 時 或 邁》之 也。」 也。 多 思

陸氏璣《毛詩草木鳥獸蟲魚疏

隋志》:二卷。

存。

郡

陸

璣

元

恪

撰。

凡草之類八

十,木之類

有

四

,鳥之類二十有三,獸之類九,

疏》一

卷,題曰吴太子中庶子、烏

程令吴

姚

士

粦曰:「予篋中有《毛詩

草木

蟲

魚

議

其

略。」

幾撰。 《崇文總目》:「吴太子 《詩》釋義,窘於采 不治《詩》,今應以『璣』爲正。 世或以『璣』爲『機』,非 獲,似非通 中庶子、 儒 然書但附 也 烏 所 程 爲者 機 **\$** 本 陸

晁公武 曰:「璣仕吴至烏程令,或題曰陸

將後世

失傳,不得其真

與?

必吴 郡 曹學佺 陳 機,非也。」 書引郭璞注《爾雅》,則當在郭之後,亦未 振孫曰 人。 時人也。 據陸 . 「《詩》之疏也自陸璣始,而 氏《 孔疏、吕《記》多引之。」 釋文》,非晉之士 閣 書 目》 稱 幾字 元 一衡 恪,吴 ,而其

> 予所藏 傳》相 齊、韓、毛四《詩》 録 魚之類 解 題 爲表裏。」 未 十,蟲 》謂 嘗 此書多引郭氏,似非 之 一條引及 類 授受,與《漢書 + 有 八。 郭氏,且後有魯、 按: 吴人。 陳 ・儒林 氏 若 書

經 義考卷一百一終

弟子嘉興顧仲清覆 校

也。

鄭云:『蒲柳也。』孫毓評云:『蒲

草

之聲不與「戍許」

相協,箋義爲長。」今則

一蒲之音,未詳其異。」

王應麟曰:

「《正義》引之。」

## 百二

秀水朱彝尊編

男 昆 田 校

爲豫州刺史,未審孰是。

以爲長沙守,一以爲汝南守,一以

守《孫毓集》六卷。

一孫毓

也,

按:《隋志·别集類》有晉汝南太

陳氏統《難孫氏毛詩評》

四卷。

佚。

《毛詩表隱》

又

七録》:二卷。

孫氏毓《毛詩異同

詩五

隋志》:十卷。

佚。

《隋志》: 「孫毓,晉長沙太守。」

評毛、鄭、王肅三家同異,朋於王。」 陸德明曰:「晉豫州刺史孫毓爲《詩評》,

:「『揚之水,不流束蒲。』毛云:

1960

七録》:五卷。

干氏實《毛詩音》《七録》作「音隱」。

中鄭。」 陸德明日 :「晉徐州從事陳統元方難孫

楊氏义《毛詩辨異》

李氏軌《毛詩音》

佚。

《毛詩異義》

謝氏沈《毛詩釋義》

《毛詩雜義》

《隋志》:二卷。

六三三

#### 《毛詩義疏》

七録》:十卷。

佚。

#### 《毛詩注》

七録》:二十卷。

佚。

郎。 《晉書》:「沈字行思,會稽山陰人。著作 著《毛詩外傳》行於世。」

#### 阮氏侃《毛詩音》

佚。

陸德明日 :「侃字德恕,陳留 人。 河内

#### 徐氏邈《毛詩音》 太守。」

鄭樵曰:「徐氏音今雖亡,然陸音所引多

本於此。」

遘、《左傳音》切椽爲徒緣,不可依信。」 顔之推曰:「徐仙民《毛詩音》反驟爲在

#### 袁氏喬《詩注》

佚。

夏、隨、義陽三郡事,建武 引爲司馬,領廣陵相,尋督 《晉書》:「喬字彦叔。 初拜著作郎,桓 將軍,江夏相。 沔中諸 戍 江 温

七録》:

四卷。

博學有文才,注《論語》及《詩》,并諸文筆 勸温伐蜀,李勢既降,進號龍驤將軍。 喬

皆行於世。」

隋志》: 卷。

佚。

晏兮,●三英粲兮」曰:「三英,三 按:郭氏《毛詩拾遺》,其釋「羔裘

德也。英謂古者以素絲英飾裘,

引之。 即 『素絲 五. 紽』也。」《初學記》 郭氏璞《毛詩拾遺》

殷氏仲堪《毛詩雜義》 佚。

七録》: 四卷。

蔡氏謨《毛詩疑字》❷

佚。

記》引之,其辭曰:「佩者,服用之 稱, 珮者, 玉器之名。 按:蔡謨《毛詩疑字議》,《初學 稱其服用,

十六改。

0

[羔],原作「高」,

據徐堅《初學記》(南宋初建本)卷二

《毛詩略》

0 卷二十六所引有「議」字。 字」下,據朱彝尊按語,當有「議」字。 徐堅《初學記

一六二五

# 則字從人;名其器,則字從王。」

#### 江氏熙《毛詩注》

佚。

陸德明曰:「 熙字太和,濟陽人。 東晉兖

州别駕。」

### 江氏惇《毛詩音》

佚。

陸 德明日 :「惇字思俊,河内人。 東晉

徴士。」

### 虞氏喜《毛詩略》

佚。

起。 《晉書》:「虞喜,字仲寧,會稽餘 注《孝經》。」 皆不就。咸康初,以散騎常侍徵之,又不 孝廉、州舉秀才、司徒辟、公車徵拜博士, 博學好古。諸葛恢臨郡,屈爲功曹。 專心經傳,兼覽讖 緯, 釋《毛詩略》, 姚 察

### 蔡氏失名《毛詩音》

佚。

### 孔氏失名《毛詩音》

佚。

陸德明曰:「蔡氏、孔氏,不詳何人。」

徐氏廣《毛詩背隱義》

《隋志》:「宋中散大夫徐廣撰。」「別集類」作

「太中大夫」。1

雷氏次宗《毛詩義》

一卷。

佚。

孫氏暢之《毛詩引辨》

《隋志》:「宋奉朝請孫暢之撰。」

0 類」,原無,據薈要本、《補正》補。

《隋志》:「宋通直郎雷次宗撰。」「别集類」作

通直郎,不起。」

陸德明曰:「次宗字仲倫,豫章人。宋徵 「徴土」。

徐氏爰《毛詩音》

《七録》:一卷

佚。

類」作「吏部尚書」。《隋志》:「宋金紫光禄大夫何偃撰。」「別集

劉氏孝孫《毛詩正論》

《宋志》:十卷。

佚。

之簡,破鄭之怪。」王應麟曰:「劉孝孫爲《毛詩正論》,演毛

業氏遵《業詩》

《隋志》:二十卷。

佚。

梁武帝《毛詩大義》

《隋志》:十一卷。

供

劉氏職《毛詩篇次義》

佚。 一卷。

六二八

催氏靈恩《集注毛詩》

### 何氏胤《毛詩總集》

胤撰,亡。」

謝氏曇濟《毛詩檢漏義》

《毛詩隱義》

《隋志》:「《詩總集》、隱義》,並梁處士何

《七録》:十卷。

顧氏越《毛詩義疏》

佚。

舒氏援《毛詩義疏》

佚。

六二九

衆解爲《毛詩集注》,探三家之本。」

陸德明曰:「梁桂州刺史清河崔靈恩集

《隋志》:二十四卷。本傳:二十二卷。

### 沈氏重《毛詩義疏

《隋志》:二十八卷。

佚。

陸德明曰:「吳興沈重撰《詩音義》。」《隋志》:「沈重,蕭巋散騎常侍。」

浙

江

通志》:「沈重,字德厚,武

康

人。

大將 凡七部,其著撰 按 軍 《隋 開府 . 儀 經 同三司 籍志》載《毛詩 人姓氏者二家,舒 露門! 博 ± 義 疏

詮「栗」云:「栗五方皆有,周、秦、今見於徐氏《初學記》所引者,其援、沈重是也。《七録》又有張氏。

大如 長 吴、揚特饒,惟漁陽、范 味 一,他方 雞 子, 不及 亦 短 也。 味 不美。 倭、韓 陽 栗甜 桂 或 陽 + 有 栗 美

> 栗叢 理微 耳。 柳 柳生水旁,樹 皮 以香口。」其詮「椅」云:「梓實 水旁,❷魯國 白,葉皆長 爲布。」其詮 桐、青桐、赤桐,雲南 二種,一種皮正青,一 梅, 日 也。」其詮 赤,故 椅, 暴乾爲腊,羹臛 杏類 生, 大 今人云梧 也 今人 廣。 如 泰山 「麟」云 如 樹 杼 柳」云: 0 以 柳 柳 及 汶水邊路,純杞 葉 葉 可 其 爲 桐 韲 牂 皆 詮 車 爲 也 觕 「麟,馬足, 中 種 蒲 轂。 箭 牁 如 0 梅」云 而 皮 竿。 又 杏 柳 X 白, 紅 其 之 績 有 可 加 淇 Œ 木 白 桐 黑 以

0

其」、《初學記》卷二十八作「今」。

<sup>1 「</sup>云」,原作「之」,據四庫本、薈要本、《補正》、《初學

黄 尖, 如鐵 穴與江 縣 之,雞鳴 里。吴人園中及士大夫家皆 頰,常夜半鳴,其鳴 亦有蒼色。 餘,赤頰赤目,喙長四寸,多純白, 大如鵝,長三尺,脚青黑,高三尺 竹實不食。」其詮「鶴」云:「鶴,形 八尺,益州 王者至仁則出。」●其詮「鳳」云 鮪魚出 鳳 色圓 河。 東洛 ,小者叔鮪,一名曆,肉色白,今 凰 鮪 名鸑 度北 河 蹄,角端有肉,音中黄鐘 海 時 似 兜鍪 通 人謂之鮪。 ,三月從河 亦鳴。」其詮「魚」云: 崖 , 3 蒼色者,今人謂之赤 驚,❷非 鱣 鱣 上 而 Ш 鮪 在額 色 梧 青 腹穴,舊説 高朗,聞 從北穴而 上來。 鱨,大者王 黑 桐 下 不 ,大者七 頭 - 棲,非 今鞏 小而 八 九 養 北

茹。 也,似 者, 仲 黄頰骨正 此 東萊、遼 魚貍,背 名重脣蘥 魚。 明者 故 鯽 徐 語 鱮 樂 魚狹 東人 上有斑文,腹 州 似 日 黄 浪 謂 魴 買 謂之尉魚。 尉 小,常張 鯊鱨 之 魚 耐 魚 之 鰱。 溺 大 魚,一 得 大 死 頭 鯊,魚 鱮 下純 而 海 П 魚之

中,

化

爲

不

美

或謂之

不

如

噉

0

青,今

有

力者。

名揚

合,

吹沙也

吹

沙

九改。 王」,原作「主」,據四庫本、薈要本、《 初學 記

<sup>0</sup> 學記》卷三十改。 鸑薦」, 原作 鷲」 下「驚驚」同 據四庫本、 薈要本、《 補 IE 初

<sup>3</sup> 記》卷三十改。 説」,原作 「有」, 據四庫本、 薈要本、《 補 正 初

<sup>4</sup> 頭」,原重文,據四 庫本、 補 正》、《初 學 記

天將雨,毛皆起; 《正義》,又陸氏《釋文》每采沈 伏,常千里外知海潮 似龍,鋭頭,口在頷下,背上腹 之説,疑徐氏所引亦沈氏書也。 有甲,大者千餘斤。」 致貞觀中作 以飾弓鞬步丈也。● 潮還天晴,毛則 也 海水將潮及 鱣 9 氏 下

疑滯 稱。 多所論釋。」 徵通直郎,不就。 爲《毛詩義》,經籍

經義考卷一百二終

弟子青浦王原覆校

佚。

張氏譏《毛詩義》

關氏康之《毛詩義》

佚。

《册府元龜》:「康之世居京口,以文義見

記》卷三十改。 鱣」,原作「鯉」, 「丈」,據《補正》、《初學記》卷三十,當作「叉」。 據四庫本、薈要本、《補正》、《初學

男昆 田 校

秀水朱彝尊

隋志》:

《隋志》:「劉芳,後魏太常卿。」

按: 字義云: 劉氏《詩箋音證》,其 「轡是御者所執,不 詮

詩六

元氏延明《毛詩誼府》

隋志》:

《隋志》:「延明,後魏安豐王。」

而以 證。《詩》稱『執轡如組』,又曰『六 避石勒名也。今南人皆云馬勒, 轡爲勒。 輕爲轡,反覆推之,此 以勒爲轡者,蓋是北人 爲明 ·得以

轡在手」,以所執爲轡審矣。俗儒

咸以轡爲勒,而曾無寤者。」其詮

蟋蟀」云:「蟋蟀,今促織

也,

名蜻蛚, 楚謂

之蟋蟀,或謂

之 蛬,

南楚謂之王孫也。」其詮「蠨蛸」

張氏思伯《毛詩章句》 魯氏世達《毛詩章句義疏》 佚。 俗呼之爲喜子。」見《太平御覽》。 云: '蠨蛸,長蜻,小蜘蛛長脚者, 全氏緩《毛詩義疏》

佚。

佚。

劉氏醜《毛詩義疏》

隋志》:四十卷。

佚。

《毛詩注》并《音》

劉氏焯《毛詩義疏》

佚。

《隋志》:「世達,秘書學士。」

隋志》:八卷。

佚。

劉氏炫《毛詩述義》

《隋志》:四十卷。

佚。

一卷。

佚。

張氏《毛詩義疏》

《毛詩譜注》

《隋志》:二卷。

佚。

《七録》:五卷。

亡名氏《毛詩義注》

王氏伯興《毛詩駁》

《舊唐志》:五卷。

佚。

《七録》:四卷。

1973

#### 《毛詩雜義注》

《七録》:三卷。

#### 《毛詩義疏》

十卷。 又十一卷。 又二十八卷。《隋志》:二十卷。 又二十九卷。 又

《毛詩釋疑》

《隋志》:一卷。

《毛詩圖》

《七録》:三卷。

### 《毛詩孔子經圖》

《七録》:十二卷。

### 《毛詩古聖賢圖》

《七録》:二卷。

俱佚。

鄭樵曰:「以上三書皆蕭梁人作,已亡。」

#### 《毛詩諸家音》

《唐志》:十五卷。

佚。

劉昫曰:「鄭玄等注。」

十四卷。

佚。

右見張彦遠《名畫記

闢

詩迹所用隨運

而

移

上

皇道質,故

佚。

《毛詩草蟲經》

按: 驚。 其詮 捷 謂之沐猴,老者爲 日 也,其 是書 「猱」曰: 或 雄 日 鳴  $\exists$ 徐 曒 鳳 鳳 堅《 噭 凰 「猱,獮 雌 初 而 日 學記 悲。」 獑 凰,其 名 猢。 猴 其 鸑 》嘗引之。 也。 詮 雛 獑 驚, 猢 楚人 「鳳 爲 鸑 駿

《唐志》:四十卷。

存。

朝野; 地 正。 靈。 鳳 其利大矣。 動 僻防邪之訓,雖無爲而自發,乃有益 穎達序日 怒之端非由 之者所以 物感情遷。 有歌 ,動鬼神,莫近於詩。」此 發諸情 六情静 時當慘黷,亦 舞之容。 楊懷 人事,故燕雀 「夫詩者,論功頌德之歌,止 若夫哀樂之起冥於自然,喜 性,諧於律吕。 於 舒憤,聞之者足以 中,百物盪 若政遇 然 則 怨刺 詩 醇 表 和 理 形 於外, 乃詩之爲用, 故曰 啁噍之感,鸞 之先 於 則 咏 歡 『感天 同 情 塞違從 歌。 娱 . 緣 於 被 開 作 於 生 物

一六三七

焯、炫 業 暨 遺 寢 今奉 兹 卿 申 時 胤 與 H 諭 文,緝 下 風 蕭 傳 魯僖 時 公 陳、靈 經 烟 之 一之無 之世 騰 勑 ,聘 不 之 五 情 塵 瑗 乃 並 頌 删 墜 於 芳 四四 一代,篇 共 寡 其 絶 與 聰 見 劉 定 雙。 於 興 前 盡 ; 轡 白 精 金 穎 其 其 放據 其 軌 鄢 而 中 年 華 於 石 特 道 有三千,成、 鄭 初 近 於 思 郢 漢氏 變《風》息。 古 間 千 達 同 大 代 康 毛 褫 其 羲、 劉 以 六 政 里,固 文 和 行 爲義 成箋之於後。 其 所 之初,《 醜 氏 爲 繁 9 軒 , 作 詩 煩 而 秦 光價 本。 齊、魏 莫 劉 備 疏 重 疏 亦 諸 又 Ē 先君 康 測 者 焯、 矣。 内, 謳 儒 儒 詩》分爲 然 燎 於 没 其 兩 一從周 歌 之 有 河 特 劉 其 焯、炫等 擢 宣 而 始 之 所 全緩 間 書 炫 爲 河之間 晉、 父釐 秀 商 等, 始 頌 理 揖 殊 榦 於 貫長 簡 闡 川 宋 讓 切 絶 下 負 於 然 何 聲 其 贖 IE. 後

> 等對 等撰 序其 勑 士: 爲 尉 墨 臣 非 則 或 恃 唐 一,差忒 賈 臣 臣 有 削 應 四 與 才 + 普曜 前 共 其 略 趙 氣 心 所見,載之於卷首 王 趙 藝 卷。 討 於 德 所 乾 修 而 乾 未 輕 文志》: 等,對 愛憎 疏 煩,增 論 叶 韶 反 免; 叶 鄙 庶 辨 詳 人及給 徵 登 先 以 或或 四 詳 勘 勑 達 仕 其 事 對 謹 「孔穎 門 使 其 得 所簡 郎 郎 宜 事 揚 與 同 助 趙 會 失。 守 守 詳 聖 郎 朝 其 教 云 同 弘 惟 達、 四 几 範 守 散 而 所 賈 爾 時時 智 至十六年 門 門 太 大 更 異 普 垂 意 王 覆 學 博 夫行 助 有 略 曜 德 存 訓 異 更 助 教 士 顛 於 幼 詳 韶 其 趙 雲 教 太學 臣 準 躓 曲 IE. 所 弘 騎 雲 义 其 齊 齊 直 口 智 凡 騎 今 尉 奉 威 博 威 故 繩

等覆 正

崇文總目 \* 唐國 子祭酒 孔 穎達撰,太

經文失其舊,學者不復措意矣。

長孫無忌同諸儒刊定。 子司業 孔淮等奉 韶是正。 國朝端拱 《詩》學之 初,

或

尉

家,此 最 爲 詳

删其所 豐以來,廢 學有南北之異: 廟,細而冠昏喪祭,其儀法莫不本此。 度數亦已詳矣。 南北之異,雖 學深博,窮其 晁公武 煩 日 「穎達 而 而 增其所簡。 未 枝 不行,甚無謂 必盡 葉。 南學簡約,得其英華; 自兹以後,大而郊社 據劉 至穎 得聖人之意,而 炫、 云自晉室 達 也。 劉 始著義 焯疏 東 爲 疏 刑 遷 混 本 元 宗 北 名

按: 下言『太叔于田』。」今西安唐刻 去《序》言《詩》,舍《正義》弗習,而 經第二篇首章猶冠以「太」字。 故孔氏正義云:「此言『叔于田』, 二篇《小序》特加「太」字以别之, 《鄭》詩《叔于田》二篇,其第 自 石

#### 陸氏 德明《毛詩

許氏叔牙《毛詩纂義》

新唐志》:十卷。

《舊唐書》:「許叔牙,潤 學兼侍讀,尋遷太常博士,升春官,加朝 於《毛詩》、《禮記》。 貞觀初,累授晉 州句容人。 王文 少精

0 目》卷一改。 據四 庫 本、 要本、《補正》、《崇文總

者,必須先讀此書。』」

世,我有問題問言謂人曰:●『凡欲言《詩》
是大夫高智周嘗謂人曰:●『凡欲言《詩》
是大夫高智周嘗謂人曰:●『凡欲言《詩》
者,必須先讀此書。』」

王氏玄度《毛詩注》

《南畿志》:「叔牙字延基。」

《新唐志》:二十卷。

佚。

施氏士丐《詩説》

佚。

秋左氏傳》,善講説,朝之賢士大夫從而韓子志墓曰:「先生明毛、鄭《詩》,通《春

梁 王讜 學者十九年,由 《詩》、《春秋左氏傳》者皆其弟子。 無 無草木日 取 丐,❷聽《毛詩》。 者,如鵜 助 執 又説《甘棠》之詩『勿翦勿拜,召伯所 教 上取其魚,譬之人自無善事、攘人之美 可怙也。❸ 魚之梁也。 經 爲 日 考疑 博 : 在 士。」 岵」:『所以言 劉 者繼 人之梁。 以岵之無草木,故以譬之。』 禹 言鵜自合求魚,不合於人 四門 錫 於門, 説 與 『維 毛注 助教爲太學助教,由 柳八、 鵜 太 一陟 失之。」又説『山 在 學 |梁|: 韓七 彼岵兮」,言 生 習 詣施 『梁, 毛、 在太 士 鄭

■ 「周」,原作「同」,據四庫本、薈要本、《補正》、《舊唐

● 「士」、原作「氏」、據四庫本、薈要本、《補正》、王讜《唐

怙」,原作「岵」,據王讜《唐語林》卷上改。

8

言:『維北有 言「勿翦」,終言「勿拜」,明召伯漸遠, 得其人也。 思不可得也。《毛詩》拜猶伐,非也。』又 憇』: 『拜,言如人身之拜,小低屈也。 毛都不注。」」 斗,不可以 挹酒漿」,言不 E

## 成氏伯與《毛詩斷章》

《唐志》:二卷。

佚。

《崇文總目》:「唐成 出之。」 秋》賦《詩》斷章之義,鈔 伯 璵撰。 取 詩 大抵取《春 語,彙 而

#### 《毛詩指説

唐志》: 一卷。

《崇文總目》:「成伯璵撰,略序作詩大旨

存。

《斷章》『大抵取《春秋》賦《詩》斷章之義 久而未獲,乃先刊《指説》於泮林,庶與 子順見之,欲更訪《斷章》,合爲一帙,蓋 説》,會分教京口,一日,同官毘陵沈必豫 謂《指説》『略述作詩大旨及師承次序』, 熊克跋曰:「唐成伯璵有《毛詩指説》一 及師承次序。」 方好古之士共焉。」 擷詩語彙而出之』。 克先世藏書偶存《指 卷、、斷章》二卷、載於本志。 《崇文總目》 四

都 Ŧ 讜《唐語林》(清惜陰軒叢書本)卷二作「鄭」。

0

#### 楊 氏 嗣復等《毛詩草木蟲 魚圖

唐志》:二十卷。

佚。

宗上之。」 《新唐書》:「 撰,并繪物象,大學士楊嗣復、學士張次 開成中,文宗 命集賢 院 修

《名賢畫録》: 皆據經定名,任意採掇,由 以晉明帝朝衛協畫《毛詩圖》,草木鳥獸、 生植之姿遠無不詳,幽 古賢君臣之像不得其真,召程修己圖之, 「太和中,文宗好古重 無 不 顯 是冠冕之製 道

張氏訴《毛詩别録》

宋志》:

撰。 《中興書目》: 而廣之。」 凡三十二篇,毛、鄭箋注取其長者述 「《毛詩别録》一卷,張訢

令狐氏 名未詳《毛詩音義》

佚。

闕《毛詩音義》,其本乃會昌三年所寫。」 王禹偁曰:「頃年謫宦解梁,收得令狐補 按:《小畜集》中 有《還工部畢侍

不詳其名。 攷新、舊《唐書》,令狐

郎毛詩音義》詩,第言令狐

補闕

其圖

可

圖

也。

《疏》而

爲

圖,今雖亡,有陸璣《疏》在,則

鄭

人樵日

「《毛詩

蟲 魚

草木圖》蓋

本陸璣

氏止綯曾官左補闕,然歷相位,元

之不應仍以補闕稱之也。

### 亡名氏《毛詩提綱》

《宋志》:一卷

潤 萬, 萬生河滸邊也。」其詮《南山有臺 以前書也。 按:《毛詩 自 Ш 子孫。今王無澤於族人,不如 云 志》,而《太平御覽》引之,當爲 而 尊也。」其詮《白 生臺及莎 「臺,一名夫須,莎草 長,喻王九族蒙王恩 名燕薁,好生河滸邊,得 提 其詮《葛藟》云:「葛 自 綱 蔭,喻 》一卷,載 華》云:「白華, 人君 也。 惠 得賢以 於 以 ^ 葛 育 水 唐 宋

經義考卷一百三終

弟子武進徐永宣覆校

蝑, 野 孫衆多。」 股而鳴。 白 其詮《螽斯》云:「螽 姒所代,惡人蒙善,好人見棄也。」 菅 華,而將白茅束之,喻申后 艸也,其性 名春黍,似蝗而小,青色,長 喻后妃之性不妬忌,子 柔 刺堪 斯 用。 名 被 取 蜙 此 褒

一六四三

### 經義考卷一百四

秀水朱彝尊編

《宋志》:三卷。

男昆 田校

《毛詩外義》

詩七

宋徽宗皇帝《詩解》

九卷。

佚。

《宋志》:二卷。

佚。

《雅》正變之類。又《外義》二卷。」 《中興書目》:「《毛詩正紀》三卷,天禧中 宋咸撰。 四十四篇,論詩名篇數、《風》

胡氏旦《毛詩演聖論》

《宋志》:二十卷。

宋氏咸《毛詩正紀》

佚。

一六四四

## 歐陽氏修《毛詩本義》

《宋志》:十六卷。

存。

《宋志》:二十卷。

劉氏字《詩折衷》

毛、鄭異義折衷從一,蓋倣唐陳岳《三傳 折衷論》之例。 凡一百六十八篇。」

陳振孫曰:「皇祐中,莆田劉宇撰。 凡

蘇氏子材《毛詩大義》

《通志》:三卷。

《序》兼論四詩之大旨,此獨著其數語,何 也?明《關雎》之義者也。 得之,則歐陽之書不作矣。《關 義」,一如是也。 之『論』以辨之,曰是不然也,其詩之『本 篇,何也? 毛、鄭二家之學,其三百五篇 鄭之《詩》三百五篇,而歐陽乃百一 張爟序曰:「《毛詩》有《詁訓傳》,鄭《詩》 有本書,亦猶三百五篇之文自有本書也。 因『論』而義見者也。如毛、鄭之所注皆 中不得古人之意者百十四篇,歐陽公爲 有箋、歐陽《詩》有『論』、有『本義』。 有『論』而無『本義』者, 一篇之文自 雎》之 十四四

《譜》、孔疏僅二百條,分爲三卷。」

王應麟曰:「皇祐中,武功蘇子材采鄭

泛論 是 《易》之 也 非 之作爲 頌》皆作於文王之時 卦》也。 商 ? 缺 爲 頌 也 不 有 明 同 有《繫 分類,有 《詩 全之書,其 乎 統 大 得 學《 於正 儒 譜 解』十附之《本 辭 著作之體 W 詩》 無 》、《説 異 考父,無待 同 者 知者 , 所 而後 頌 卦 魯 當 如 **≫**, 頌 爲 講 有《譜 此 何 於《譜 義》之下, 序 究 不 歐 爲一 也 卦 之 ? 陽 知 僖 事 而 氏 者 ^ 《周 譜 明, 公 雜 全 以 如 何

於人 易》 家 善者 晁 書 民》、《玄 『帝王之興,其受命之符,卓然見於《詩》、 公武 最 也。」 情 河 多。 因之不改,至於質諸先聖則悖理、攷 則 固 日 鳥 但 不 . **∀**, 》之詩 平. 可 「歐公解《詩》,毛、鄭 洛 自 行,然後易之,故所得 書》 不 爲怪 信 爲 符命 説 妖妄,今又 常著 蘇 子 書 瞻 之説 以 以 比 日 生 周 諸 E

> 陳 附於卷末 而 緣此作 失,然後斷以己見。 IE 之太詳,流入讖 《序》三 取舍義》、《時世》《本末》二論、《 書》者多矣。 生民》之詩,豈 歸 一,舉從而 振 罪三代受命之符,亦過矣。」」 孫 問 亂。 日 : 廢之,以 使漢 而《補亡 「其書 緯 可 河 不 謂 圖》、《洛書》,《玄 先 末二卷爲《一義 而 鄭譜》及《詩圖 失德,莽、述何 爲王莽、公孫 誣 爲 後 也 之君子 論 哉 以辨 ? 亦 恨 毛、 翢 述之流 學 矯 自 總 \* 鄭之 解 者 鳥 枉 序 魯 起 推 過

惟歐 樓鑰 達之 E 者皆曲 爲 書 通 陽公《本義》之作,始有 所 疏 經者,不 曰:「由 引《菁菁者莪 不 爲 説 敢 以 以 過 漢以 通之。 經 語 述 至本朝,千餘年 》,猶規 違 毛、鄭 韓文公,大儒 忤二家,自 真詳 規 以開百世之 然守 於 不 間 其説 也 孔 相 其 侔 穎 號

愈益 惑 定公、伊川 然,以深持詩人之意。 心,曾不 昭著,其實自歐陽氏發之。 輕 程 議二家之短長,而 先生各著其説 其後王文公、蘇文 更 能 和發 指 其 明 不

#### 《詩譜補闕》

《通志》:三卷。

存。

共 其 周 諸 明。 得 修序曰:「鄭氏《譜》序云: 有 上 和 太 以以 或 一君之世 史《年 而省其下及旁行而考之之説 得 前,餘皆宣王以 今《詩》諸國 111: 封,而止於《詩》止之君,旁繫於 相 當 表》,接於《春 當周 而 數 詩 惟《衛》、《齊》變《風》在 Ŧ 列 後。 右 者,則考其詩當在 方 予之舊圖,起 秋 力,依鄭 自共和以後  $\forall$ 而次 所 也 謂 序乃 然 自 循

> 之,亦可據以見其失,在予之别論 著焉。」 次者多,今爲鄭補《譜》,且 君,而略其上下,不復次之,而 之類是也。 惠、襄、頃三世之王,其詩 數之王,●則皆列於最後,如曹 王之世。 乃武公即位之初年,當在宣王之世;《洪 滅於後,以見其終始。若周之詩,失其 澳》美其 某王之世,隨事 衛 • 淇澳》皆衛武公之詩、《柏舟》之作 入相,當 其詩 今既補之,鄭 不 而 口 在 列之。 知 平王之時 其 早晚,其 如《鄘 四篇,頃 則 一從其 第 共 粗 取 則繫之平 柏柏 説 述 君  $\Xi$ 公身歷 有 其 之世 又當 舟》、 詩 此 圃 次 世 之 圃

「數」下,四庫本、薈要本有「世」字。《補正》:「脱『世

0

## 梅氏堯臣《毛詩小傳》

佚。

城、河南、河陽三縣主簿,以德興 四 歐陽修志墓曰:「嘉祐五年,京師大疫。 子監直講,累官至尚 建德縣,又知 臣,宣州人。 長於毛氏《詩》,爲《小傳》二十卷。 忠武、鎮安 年, 聖俞得疫卒。 兩 以從父蔭補太廟齋郎,歷 軍 襄 節 城縣、監湖 度 書都官員外郎。 判官、監 聖俞 州鹽 姓 永 梅氏、名堯 濟 税、簽署 縣令知 學 或 桐

周氏堯卿《詩説》

行薦補州學教授。

有《周詩義》二十卷。」

山,以六經教授鄉

里。

景祐

中,

龐

籍

以德

三十卷。

佚。

《春秋説》各三十 《隆平集》:「周堯卿,字子俞,初名奭,今 第,積官至太常博士,通判饒州。 名及字夢人授之也。天聖二年登進士 注,問辨思索以通 爲期。 卷。 堯卿 其學《詩》,以孔 之學 不 有《詩》 惑傳

0 月」。 年」, 據《歐陽文忠公文集·居士集》卷三十三、當作 茅氏知至《周詩義》

(宋志》:二十卷。

《姓譜》:「茅知至,仙遊人。

隱於縣之西

六四八

學長於毛、鄭《詩》、《左氏春秋》。」 歐陽修表墓曰:「堯卿,道州永寧縣人。 意逆志者也。是可以無去取乎!」 之者也,鄭之箋欲詳,或遠於情性,非以 之」考經指歸,而見毛、鄭之得失,曰 邪」、孟子所謂『説詩者以意逆志、是爲 子所謂《詩》三百,一言以蔽之,曰 『毛之傳欲簡,或寡於義理,非一言以蔽 思 得 . 無

魯氏有開《詩集》

宋志》:十卷。

李氏常《詩傳》

《宋志》:十卷。

佚。

黄氏君俞《毛詩關言》

《通志》:二十三卷。

周氏軾《毛詩箋傳辨誤》《紹興書目》「軾」作「式」。

《宋志》:八卷。《紹興書目》:二十卷。

邱氏鑄《周詩集解》

(宋志》:二十卷。

佚。

鄭樵曰:「宋朝丘鑄注,只取《序》中第

一六四九

#### 經 義 考

句 以 爲子夏作,後句則削之。」

在下。

及其

極也,乃適

歸

乎其

所

出

矣。」

## 王氏安石《新經毛詩義》

二十卷。

### 《舒王詩義外傳》

宋志》:十二卷。

佚。

其辭,復命安石訓其義。書成,以賜太 義》,皆本王安石説。 晁公武曰:「熙寧中,置經義局,撰《三 《毛詩》先命王雱訓 經

學,布之天下,以取士云。」

王應麟曰:「《詩》

一亂

離

瘼矣,

爰 其 適

歸』,《新經義》云:『亂出乎上,而受患常

謂也。」

與?

言

與行違,心與迹異,荆舒之

噫!

宣、靖之際,其言驗矣,而

兆

亂

者誰

十卷。

佚。

#### 范氏 百禄《詩傳 注》

一十卷。

佚。

撰成《詩傳 哲宗《獎諭 蓋温柔敦厚之教,四家之説,有訓故傳 詔 補 注》二十卷。 日 勅 百 禄: 夫 六義之文, 省所上表,

沈氏季長《詩講義》

1988

箋之殊。 王應麟曰:「元祐四年六月,吏部侍郎范 來上,講解甚明,研味之餘,嘉嘆無已。」 書,真得作者之微,頗助學官之闕。 盛衰, 攷毛、鄭之得失, 補注其略, 紬次成 經術,討論之外,尤深於《詩》。 是使後學各務名家。 百禄進《補注》二十卷,詔付秘省。」 雖同出於先儒,或有非其本義, 卿 博識洽聞 鑑商周之 留留 奏篇 心

李氏清臣《詩論》

一篇。

存。

張氏方平《詩正變論

鮮于氏然《詩傳》

《宋志》:六十卷。 未見。

按:鮮于氏《詩傳》,范鎮作墓志 秦觀撰行狀,俱云二十卷。 《文淵

閣書目》暨葉氏《菉竹堂目》

均載

有是書。

存。

朱氏長文《詩説》

佚。

六五

經 義 考

孔氏武仲《詩説》

《宋志》:二十卷。

宋志》: 一卷。

王氏巖叟《詩傳》

佚。

范氏祖禹《詩解》

未見。

蘇氏轍《詩解集傳》

《宋志》:二十卷。

者,不得不存其首之一言也。」 非孔氏之舊,止存其首一言,餘皆删去。 《序》不觀,則《詩》之辭有溟涬而不可知 則知《序》非孔子之舊明矣。雖然,若去 雎》作乎上。』與今《毛詩序》之意絕不同, 雄曰:『周康之時、《頌》聲作乎下、《關 按司馬遷曰:『周道缺而《關雎》作。』楊 晁公武曰:「其説以《毛詩序》爲衛宏作,

彭氏汝礪《詩義》

《宋志》:二十卷。

六五二

## 程子頤《伊川詩説》

佚。

《通考》:二卷。

存。

晁公武曰:「伊川門人記其師所談之

經也。」

張子載《詩説》

《宋志》:一卷

有

字。

喬氏執中《毛詩講義》

《宋志》:十卷。

郭氏友直《毛詩統論》

夫。

長撰,銖續成之。」

#### 張氏耒《詩説》

一卷。

存。

閱邊斥竟之舉而爲之也與?」 觀所論『土宇版章』一則,其有感於熙寧成德曰:「文潛《詩説》一卷,僅十二條。

沈氏錄《詩傳》

《宋志》:二十卷。

閣待制知宣州卒。●《詩傳》二十卷,沈季人,徙真州。少從王介甫學。舉熙寧癸人,徙真州。少從王介甫學。舉熙寧癸

毛氏漸《詩集》

《宋志》:十卷。

佚。

趙氏令胥《毛詩講義》

《宋志》:二十卷。

佚

李氏撰《毛詩訓解》

二十卷。

1 「制」,原作「判」,據四庫本、薈要本、《補正》改。

佚。

福建之連江,今爲蘇人。登進士第,以 楊時志墓曰:「撰字子約,世居陳留, 朝 遷

奉大夫通判袁州。」

張泉曰:「撰,唐宗室也。 士,爲江州彭澤令,仕終朝奉 熙寧六年 大大夫。 有 進

《毛詩訓 解 》二十卷,《孟子講 義》 +

趙氏仲鋭《詩義》

《宋志》:三卷。

劉氏泉《毛詩判篇》

宋志》: 卷。 《紹興書目》:二卷。

吴氏駿《詩解

吴氏良輔《詩重文説》

元豐

《閩書》:「吴駿,字晞遠,浦城

佚。

八年進士,政和初通判饒州。」

0 此條上,原空缺三行,今删

六五五五

洪氏林範《毛詩義方》

吴氏純《三十家毛詩會解》

弟子嘉興戴鍈覆校

經義考卷一百四終

秀水朱彝尊

田 校

周

氏紫芝《毛詩講義》

紫芝自序曰:「孔子之言六藝多矣,而尤 詳於《詩》。 於禮,成於樂」,既 書者,可考 無 以言」,又以 當時問答之辭,見於《論語 而 知 以 也。 是告其門人;『不學 是 故『興於《詩》, 加 告其子。其言 立

口 焉 其 作、雖出 許之以可以言《詩》爾。 《詩》之爲 曲 奈何後之學者雖專門之學,終身玩其辭, 必始於《詩》,則自幼學之時固已習之矣, 列於文學之科,賜之達可以從政,孔子姑 以言《詩》見取於聖人者,商、賜二人。商 群、可以觀 『人莫不飲食也,鮮 而白首不能 是始焉。 君,又多識乎禽獸草木之名,故學者必以 之之詳,至於再、至於三而 解致 ,則《詩》之説又何難明若此。 而 類皆托於鳥獸 盡 高 情 於國史、賤 然而登孔子之門者,其徒三千, 遠 優游 經 所以 可以 也,誦 窺 其奥,何哉? 而 感 怨,邇之事父,遠之事 草 不 其辭 人 木 隸 能 ·迫, 以 心 以 與 知 其他 者 脯 吟咏 夫 味 미 不 格天 閨 先王之澤猶 也。』《詩》之 蓋 已者, 以 其 門婦女之 孔子曰 未 意者, 興、 性情,觀 以 有 謂 可 豊 所 委 學 以 非 罪

經義考卷

百

Ŧī.

至,則、 其然哉 之義 以 也 旨 道 影 謂 明 琢 人之道 蔽之,曰 在 《詩》爲 詩》之志 也 響之捷? 其 難 如 非 禮 \_ 而 子夏、子 説 矣。 者 磨 亦 是 義 『巧笑 之爲 一,思 子夏言禮 數 倡 也 思 則 之 何 自孔 前 者 也。 而 風 能 無 删 於 孔 難 子 也 信 邪 孟 貢 未 故 正 知 而 子 無 子而 孔 貢言 , 也。 泯 去 子 則 得 日 兮, 日 《詩》之學者 邪 後 漢 子 之矣 是以 蓋 失、 學 . 則 : 則 聖 於質;『 美目 魯申 下,深 嗚 有其 誠 惟 乎 《詩》三百 誠 與 動 人, 呼 此 者天之道 孔 之至 孔 孔 言 天 公、楚元 **盻**兮,素 質 明 子 子 於《 皆 子 地 後之學 如 者 學《 能 乎《 也。 也。 而 合 口 詩 切 感 不 知 明 於 道 《詩》之 詩》 》者 如 鬼 可 乎 以 非 王 者 聖 思 何 詩 神 磋 以 言 明 誠 交 者 爲 人 以 蓋 誠 所 道 之 以 乎 之 無 之 以 如 紬 如 者 知 口 口 以

者 焉。 早 民,靡· 學。 訓 者 惟 質 故 略 志。 離 久 E E 詩 矣。 其 也 其 子 章 魃之虐 相 E 》之學寖 其 『説《 若 亡秦之餘 解 以意 二者 爲 析 夏、 所 有 後 魯 漢興,惟 漢 惟 先 以 句 知 子 子 鄭 白 申 求 而 詩》者 後 非 逆志 孟 遺 古 其 公、 己 貢 辨 氏 武 質 深 興 子 自 六 志, 果 之詩 能 帝 其 爲 於《 是 焉 能 楚 魯 有 與 不 崇 之 名 知 申 籍 則 黎 元 知 學 詩 淺 以 爲 尚 笺、 然 ^ 物 公、 煨 ^ 干 深 民 未 相 則 > 詩 得 文 詩》 之義 儒 而 交 以 燼 有 之 爲 孔 要皆 知 楚 **>** 之。」 害 術 是 則 不 學 名 無 之 終 之 詩 元 氏 辭 數 以 遺 家 志 義 始 始 知 者 有 何 人之意 王交始爲 不 爲 觀 子者,不 也 辭害志者 變高 也 《詩》之 而 得 也。 以 不 之 哉 以 周 見 於《 知 故 疏 是 辭 祖 全 在 孟 餘 禮 H 詩 學 之 過 數 故 經 非 害 馬 憫 子 黎 而 與

或。 學之不善,其禍 子夏、子貢爲之師,以求詩人之大體,而 其本旨者甚多,比古人之學最爲疎繆。 更以荀卿爲戒焉,則庶乎其有得也。」 諸君子有意於學《詩》,願以孔子、孟子、 李斯學荀卿,用以相秦,至一世而遂亡其 著書,輒時取 《詩》飾其儒雅者也,其去孔子之學蓋 於《詩》者首推 上之風,宰臣 荀卿號爲知信六經、尊孔氏者,觀 蓋以經術而 詩人之辭以證其説,卒致失 多 匡 用儒 一至於此 斷國 衡、蕭望之之徒,則 生。 論,要在觀經之審, 元、成以 可 不慎 哉! 來,長 其 遠 以

陸氏個《詩物性門類》

通考》:八卷。

### 楊氏時《詩辨疑》

祝穆曰:「陸農師受經於王介甫,而不以

新法爲是。」

陳

振

孫曰:

「不著

姓

氏,多取《説文》。

攷之,蓋陸農

師 所

作《埤

雅

》藁也。」

宋志》:

蔡氏下《毛詩名物解》

0 芝《太倉稊米集》(影印文淵閣《四庫全書》本)卷五 慎」,原避宋孝宗諱作「今上御名」,據薈要本、周紫

回改。

壻 鑿,於經 陳 雜」,凡十類,大略 振 ,故多用《字説 孫 日 無 補 也。 蔡 下 似《爾 元度 其目自『 撰。 雅 釋 卞, 而 天』至『 瑣 王 碎 介 穿 釋 甫

陸元 卷、《釋天》一卷、《 一卷,《 卷,《 卷、《釋木》一卷、《 輔 釋 雜釋》一 日 蟲》二卷,《 蔡元度《名物 卷、《雜解》 釋百穀》一 釋 釋鳥》二 魚 解 卷。」 一卷,《 》,《目 卷,《 一卷,《 釋 釋 釋 録 草 馬 獸 **>** 

董氏道《廣川詩故》

《宋志》:四十卷。

佚。

中 魯 詩 · 興 藝 最 文志 近,今徒 董 於 逌 他 撰 書 時 逌 得 謂 之 班 古 ^ 齊

> 炎中, 道 以人廢也。」 於三家,且 備、以最後出 《外傳》及《章 詩 有自立處,此 》所 存 載 不 全, 是 論 不可 故 書 《詩 句》猶存 或 而 公獨 傳。 序》決 疑 易 南 後 者 其 人 ; 非 乃據 託 志公學博,不 ^ ^ 子夏 韓 毛 爲, 毛氏 詩 詩 》雖 所 然 訓 作。 以 章 攷 故 句 闕 爲 間 可 IE 建

謂《齊 者,亦足以 尚 陳 後世依托爲之,然則安得 亦已亡久矣,不知今所傳何所從來,或 齊詩》六卷,今館閣 存 振 也 孫 詩 曰:「逌説 》尚 然其所 廣見 存可 聞 援 據。 續 兼 引 取三 無之。 微 諸 按: 絶 家 家,不專毛、 道《藏 便 云。 文義 以 道自言隋 爲《齊詩 與毛氏 書 志 》有 鄭 異 疑 唐

難曉。」

義,

自

謂

暗

與

程

先生合,但

其

文

晦

澁

朱子曰

「董彦遠《詩

解

》,其論

關

雎》

之

## 曹氏粹中《放齋詩説》

二十卷。

王氏居正《毛詩辨學》

供

廖氏剛《詩經講義》

一卷

存。載《高峰集》。

陳瓘、楊時學。崇寧五年進士,紹興七年《宋史》:「廖剛,字用中,順昌人。少從

學士提舉明道宫致仕。」

拜御史中丞,尋改工部尚

書,以徽猷閣直

《宋志》:三十卷。

未見。

羅氏從彦《詩解》

佚。

《閩書》:「從彦字仲素,延平人。紹興二

一六六一

年,以 先生。」 特 科 授博 羅 主 簿。 學者 稱豫 章

#### 丘氏税《詩解

《江西通志》:「丘税,字爲高,南豐人。 以圖恢復。 人太學,建炎初伏闕上書,乞徙都 佚。 所著有《詩解義》。」 金陵,

#### 陳氏鵬飛《詩解》

《通考》:二十卷。

未見。

陳 振孫曰:「不解商、魯二《頌》,以 商

頌 》當闕 ,而《魯頌 影可 廢。

王應麟 曰:「陳 少南不取《魯頌》,然則

## 李氏樗《毛詩詳解》

檢處極多,不足據。」

朱子曰:「陳少南於經旨既疏略,不通點

『思無邪』

言亦在所去乎?」

《宋志》:三十六卷。

存。

《閩書》:「樗字若林、閩縣人。受業於吕 迂齋先生。」 本中,後領鄉貢。 儒,於林少穎爲外兄。林,李出也。」 意,末用己意爲論以斷之。 陳振孫曰: 「博取諸家之説,訓釋名物文 有《毛詩注解》,學者稱 樗,閩之名

第

召試

館

職

不

就

除

太常丞,

忤

時

其

祖

後

家

同

安。

才

老

登

宣

和

六

年

進

徐

蔵

序

Ħ:

吴才

老

棫

與

蕆

爲

同

里

有

連

# 吴氏棫《毛詩叶韻補音》

《宋志》:十卷。

字。

成 證。 氏。 雖 明 所 而 棫自序略曰 之,庶斯道之不 見 補 條 注 以 其用 爲 釋 韻 之音 若謬誤,若未盡,皆俟後之君子正 己 證 書 未 見 ,或二義、三義,即 韻 收 而 ,皆陸氏 定 者 訓 已見《集韻》諸書者皆不 爲 「《詩》 義 載 之。 不同 墜也 家之 未叶者,已 音舊 ,或諸書當作 凡字有 學 有 九家, 以 釋 一叶者悉從陸 文》 義 唐 是 條 此 即 陸 也 讀 德 爲 以 而

陽 音 奥。 戮 斷。 前 侃 前 求 邪 冠 宰 退 人 佐 見 釋音》、《 才老 泉,著 於 斥 賢 大 後 謝 ×, 數人立定,蓋 官, 侃然,常若遊珠 而 一才老從 色, 平生 嘆 曰: 帶 悍卒謀 也 否 論 築室 通 外 優 所 韻 判 事 語 進 能 則其 多 劣 凝 義道德 從 補》,皆淵 泉 指掌》《考異 止  $\equiv$ 名 亂 著 容爲 古所 州 造 閒 如 間 貌之可 , 書 神 剛 出 官 暇 與 静 之旨 直 泗 中 於談笑 郡 蔵言 謂 之 中 紹 識 若 慮 間 設 源 興戊 洶 而 君 並 之。 敬 以 和 藹 精 書 而 夫子 7, 擢 有 子 \* 時 洶 愛 温 也。 揖 然 確 裨 謀 儒 味 辰 大 長 續 固 第 厚 率 形 遜乎聖賢之 傳 像 恐, 者 歲 解 古 髯 有 明 之氣 後 能 其評 於言 而 **>** 非 × 豐 所自 訓 恕 古 數 才 蕆 歉 察 ^ 頰 寓 其 是 年 斯 睟 楚 詩 論 老 前 書 身 不 緼 古 能 莆 詞 補 命 陳 人 蕆 然 危

切」, 者 音》所 莫 其見於《詩》者 韻 得 見 以 切」,而當 如『霾』 敢 蒲 洧 坡」、『頗』、『跛』皆 之正 爲 不字 爲 矣。 自 禾切』矣。 」、『鮪』 由 矣 『有』爲『云九切』, 韻 詩 而無與『房六』叶者 矜 據 其 一,本諸 爲『亡 不 從 順 自《 多  $\Box$ 以 爲『美辨 音 當當 皮」 一皆 補 出 而考古銘 裨 叶。 以 貍 以『有』得聲, 字之詩 音》之書 於《 皆 又如 凡 爲 日 是韻《 切」,而 + 爲 詩 補 而 切』者,由 蒲 『服』之爲『房六 以『皮』得 有 聲 》後 腐 箴、誦歌 聲, 詩》也。』殆 成 曰 麋 六,皆當 儒 , 續 ;『友』之爲『云 而 然 當 之言 切 殆 有不可易者。 云 則當 浼 『賄』、『病 爲『陵 後 其 後 者 聲 謡 人 曰 以『免』 ௱ 爲 爲 爲 諺之類 因 不 百 其 則 之切」 「蒲 每 · 知音 切, 波 當 羽 篇 謙 詩 得 補 罪 北 軌 始 口

> 得 年 以 間 最 懼 復 用 推之,雖 几 九 羽軌 古者 切」, 年 其 譊 增 壬 或 論 而 四 損 略 繁 申 譊 語 才 切 中, 月 遠 其 行 爲? 歲 重 老 毋 續 見 出 而舉近,非 不 古者、近古者 死 遽 解 以 而 於《 能 閩 《補 久 不 他 無 **>** 於 别 行 矣。 暇 詩 與 書 音 遠 延 出 云 》者 爲 時  $\forall$ 陵 訪 有 於 引 謂 證 九 凡 胡 諸 獨 所 證 是 蕆 各 可 有 穎 不 其 藏 叶 也 稍 初 日 存 + 氏 知 家 者。 舊 甚 削 三二條, 腐 云。 不 也。 吾吾 一博 去 儒 以 皆 獲,僅 才老 書 獨 乾 又三 才 是 尚 當 一後 其 道 老 安 於 類 作

才老 朱子 不 去者 無 Ħ 尋 . 吴 處 如 外 才老《補 却 禦 云『務』字古 其 侮 音》甚 叶 『烝 詳, 人讀 然 也 做 無 亦 戎」, 有 推

打 讀《楚 問》才老 字,乃知 「下民 我六師,以修我 協音『汝』也 不 嚴」爲 過去 知『戎,汝 有 • 也 『莊』,云避 是 天問》,●見一『嚴』字乃押從 贵 嚴 叶 不 ,如『南仲太祖,大 也」,汝、戎二字 叶 讀 韻、『嚴』 不不 戎』,亦是叶音『汝』也 往往 漢 敢 諱 讀 無 迨 却 甚 作『昂』也。 遑」,才老 無 意 古 道 入義,只 師 人 理 通 皇父,整 用 欲 恁 · 莊 某 **《**天 後 地 音 是

過差。」 楊簡曰:「《詩補音》考究精博,然亦有

始定 沈 爲 無 陳 韻 姥 緩 重 不 振 爲《釋 之類。 讀 叶 孫 不 者 『南』作『尼 日 煩 : 文》。 如 改字』。 《詩》音舊有 吴 來 之爲 棫 《燕燕》 心 撰。 切, 釐 揚 其説 之水》 、慶之爲羗、馬 德明 以『南』韻 九家,唐陸 以爲 則謂 以 『沃』 詩 心 古古 德 **>** 之 韻 明 韻

> 『吉曜 載。 不 最 用 精博,信 樂」, 穰』有『而 爲 棫 專爲《詩》作也。 確 例 顔 切」。 徐 皆叶 論,不必一一 氏 貌 而 ^ 成 有 讀 糺 今之所作 其 證 繆正 切』,張衡《 『沃 韻 朱 鬱 俗 改字。」 要之,古人韻緩之説 棫 晦 縛 又有《 大 以 翁 切 東 略 傅 注 京 倣 毅 德 韻 楚 此 賦 明 補》 辭 郊 其 》『激』有 亦 \*, @ 祀 援 所 書, 賦 不 亦 據

始 魏 斷 T 翁 然言之。」 日 .  $\overline{\wedge}$ 詩 》、《易》叶 韻 自 吴 才 老

之號令、風 陳 有聲,乃自然之理 鳳 梧序曰:「盈 R 之吹 嘘 也 天 地 9 俯 仰 間 觀 察 物、凡有形、 於地 於天 ,若江 7,若雷 必 河

0

<sup>●「</sup>楚」下,據黎靖德《朱子語類》(明成化九年陳煒刻

<sup>「</sup>注」,原作「著」,據薈要本改。

宋 皆 聲 楊 及《 賡 矣。 史 於 繇 口 古 出 有 有 動 協 旁 自 儒 脗合。 辭 歌 以 聖 偶 以 天 韻 衝 韓 或 吴 通 歌 ·, 地 被 激 若夫《易》之爻象彖繫 也 韻 雖 中 語 之管 歐 儀 制 况 才老博學 諺 感鬼 分爲 假 Ħ. 鳥 讀 **>**′</br> 諸 世 **^** 禮》之祀醮 爲 人 借 聲 獸 詩 句 其 變 子,其 絃 律 靈 史》、 之嘷 前 四 語 神 書 於 日 而 既 用之家 聲,各釋其音 短 而 好 文 實 萬 以 遠 而 叙 鳴 長,率皆協 不 字 古 諧 漢》 物 合乎音 篇 致 嘏 述之詞 經 知 又聲之精者 五 之 雍 參乎 迺 辭, 鄉 生學 諸 無 其 一聲,使 有 熙 采 邦 不 書 韻 律 , 韻 泰 三才 間 春 輯 或 有 子 之自 書》之 義 老、 韻 成咸 識 和之盛 其 古 出 秋 聲 役 固 者 協 ·, 其 韻 左傳》 經 莊 於 雖 不 然。 極 亦 傳 病 語 音 成 明 待 言 或 故 詞 至 無 子子 良 韻 之。 荀 下 亦 出 ž 良 言 於 E 賦 不

之暇 至錢 伯 卯 信 當 覲 副 其 爲 歲 集 書 辭 如 中 口 子 於大 傳》, 不 何 外 音 長 久 誠 獲 今 未 館 名 獲,迺 公道 物,是 拱 塘 光 漫 及 胡 而 以 往 迺 有 日 漶 梓, 壁。 首 禄 儒 悉本其 世 不 服 往 功 成  $\wedge$ 劉 亨 及 臣 蓋 韻 以以 毁 求 述 於文字之學。 訪 翼 厥 頃 公因 公德 購 藏 悉 不 補 諸 無 志 而 擢 北 何公,遂 韻 韻 得 其 苟 有 **%** 焉 縉 傳 未 大 Ŀ 囑 夫 補 善 義 也。 完, 紳 焉 以 中丞 本 子 其 論 道 学之 本 協三 伻 間 久 序之。 嘗 援 假 及 而 經 嘉 子 未 來 源 而 習舉 欲刻之 書 引 巡 其 三衢 興 晦 假 讀 白 以 流 T 得 籍 該 郡 書閱之,不 篇之旨 撫 書 書 庵 而 暨 既 失。 也 業者復視之 會 博 舊 録 先 河 中 速 重 以 德 而 有 南 之,僅 秘 生 序 考 公以 提 後 刻 傳 夫 IE 其 作《 時, 刻 子 之 保 學 德 宦 據 日 板 見 憲 見 詩 顛 既 釐 啻 游 精 方 得 比 己

學稽古,汲汲不倦 士。 易 末 志之所存矣。」 天 衢 得 以 不可 引諸篇端 歷官中外, ,楚之道 以 州 忽 風 人, 焉 使 節 四 而 與 才望 觀 方學者知是書之不 不 子 於斯 之 同 推 究 舉 刻,足以 重 心 弘 同 治 也 時 丙 公名 見 而 辰 其 力 進

絃之所 僕 韻 協 儀 九 之抄本 全闕,讀之滋惑焉 補》者, 許宗魯曰 所 不 ,失其本真, 部所 ,支、真 竊 獲 - 知所 自 藏 · 然又簡略過 力求 嘉 被也,豈 疑, 参伍 二韻 禾 本 「余少授《詩》於 舊 罕 謂《 復 以 又 刻 值 續 宜 詩》者宫徵之所 復 校 不 歲 檢 乖 錯錯 可 比習業 間 及按吴中,乃從 心它書, 遠 剌若是。 讀 簡 甚,字存 有 褚 不 補 蠧 分。 乃又屬 翰 知 裨 家 · + 其音 館 有 庭 乃 而 而 諧 所 , 見 附 僅 誦 校 書 重 謂 也 於 載 都 假 引 同 存 人 而 吴 脱 其 太 館 韻 叶 管 據 楊 不

> 之韻以 基,昧 至龢 乖。 覆 也; 於余心。 城 之害義者, 何 者,韻之原 士皇甫 校、於 用耶? 謀 基 宰焉。 夫字不 不 於 諸 復古也, 生, ·可講 是 同 理 魯嘗聞 於是頗 稽 年 亦 而《 也。 徒作,至 荷 而 將 諸 有 梅 事 韻 弗 乃 載 氏 反 龢 矩 之 其 探 補 顧 原六書本文,以正 梅梅 籍 正 敗 其 》稍 其 龢 理 載 韻者 耐 聽,先蒙 則 殫 氏 文 以 而 寄 可 未完也。 物 弗 神 力贊之, 焉 俗文,俾理 觀 弗 廢 詩之矩 基 讎 矣。 理 諸 其 韻 IE 原 也。 、視焉 理 不 别 然 猶 遂 及 世 荷 傳 俗 今 弗 則 按 龢 相 未 9 叶 體 宣 録 兹 派 字 所 龢 慊 與 此

2

<sup>●「</sup>之」,許宗魯《少華山人文集》(明嘉靖二十六年刻

<sup>「</sup>褚」、《少華山人文集》卷三作「楮」。

紿取 寶。 物 藏 乃卒。 易 轉 的。 龢 憂 援 讀 好者、惡 是則是,非 今人誦《詩》讀《書》, 二,輕重在 騷》矣,而 吴氏 氏 瓿 聲 有定質,人鮮至情,苟溺所 ,播於律吕, 引 蘭 吴氏《 指 以 悲 覆, 蒙於乃心, 瑩瑩荆 0 厥書 馬 書 學 證 相 者、幸 相 見 朗 叶 土 固 去 韻 人,遇棄有時,亦何怪哉。凡 如至於欲與 則 各不同。 一觀復,●乃鋟 既 然 迨其終 唇 非 取 補 非 大備,使古人韻 者 出 無 鑿 猶異焉,又何 》,文公固 齒、喉、舌準 非 無 或 空 以 也,趙 非 忤 臆 授於人,人乃 者紛若聚訟 取 許 趨 首 違,吴氏之功 爲者,音本 璧 於木 子 向 俱 E 人 楚 用 日 大賢以 碎。 獲 庭 工,凡 於朱子, 以 故 偏 舊 . 語 韻《詩 之, 燕 不 弗 邪? 鏗鏘 嗟 璧豈 售, 諸 更, 秦 於 爲 石 兮 再 而 母, 有 欲 是 亦 余 準 且 襲 月 而 日 而

多哉

經 義 考卷 百 五

弟子泰興陸遐昌覆 校

僞 觀復」《少華山人文集》卷三作「艱得」。 據《少 華山 人文集 三當 作

秀水朱彝尊編 男昆 田

詩九

鄭氏樵《詩傳》

《宋志》:二十卷。

未見。

校 隋、唐之世,猶有《韓詩》可據,迨五代之 後《韓詩》亦亡,致今學者只憑毛氏,且以

廢。

《齊詩》亡於魏、《魯詩》亡於西晉、

而學者篤信康成,故此《詩》專行,三家遂

樵自序略曰:「《毛詩》自鄭氏既箋之後,

未見。

妄》六卷,可以見其得失。」

兩造之辭,則獄有偏聽之惑。

今作《詩辨

《序》爲子夏所作,更不敢擬議。蓋事無

成一家,而其師心自是,殆孔子所謂不知 謂《小序》非子夏所作,可也; 而以己意爲之《序》,可乎? 陳振孫曰:「《辨妄》者,專指毛、鄭之妄。 樵之學雖自 盡削去之,

而作者也。」

馬端臨 説 惑』者,大意謂毛《序》不可偏 所謂 曰:「夾漈專詆《詩序》,晦 事 無 兩造之辭, 則獄 信 也。 有 偏 庵 然愚 聽之 從 其

經義考卷 百 六

宋志》: 六卷。

六六九

七〇

韓 以 毛 則證 驗之人也 ^ 毛詩》本

明 流 ,具有本末者也; 傳 甚久, 譬如 其 齊、 親 魯、韓三家,本 身到 官,供指

立,於 他 書 中 間 見一二, 而 真僞 未 口

知 ,譬如其 人元 不到官,又已身亡, 無 口

者也。 追 對,●徒得之風聞道聽,以爲其說 今舍《毛 詩》 而 求 證 於齊、 魯 如 此

猶 聽訟 者以親身到 官 所供之案牘 爲 其 不 可 事

信 也 ,豈不誤哉 ,乃採之於旁人傳 説 而 欲 以 斷

宋儒 漈 朱 潤 在 德 . 閩 先 讀 之。 之所 潤 生《詩 傳之幽 中 序曰:「 紬 未 愚 傳 繹 按 隱 發者。』於是 訓 之暇, ,辨事物之名義 莆 詁 慈溪黄氏  $\forall$ 田 集 謂 林 爲 德 子 以 潤 發 此 謂文公朱 校 氏 書。 īE. 真 攜 是 一先 其 宋 木 所 間 氏 謂 俾 牛 鄭 昔 德 摘 大 發 夾

> 者以 發 《詩》傳自 出 《詩》,又 隱、嚴華 有 宗其宗,而不能參會折 者咸宗朱氏者,豈 南渡後 經之本文亦 經之旨 詩 補 Ш 然後諸經之旨 備《集傳》矣。 於 Ŧ. 比興 李 迂 揚 學 公 嘗 谷諸先 ,者。❷ 伊 鑣 質、 於 之旨 分路 ĴΠ 乖 鄭《 仲、 夾 戾 生又各自名家, 歐、蘇 噫 6 傳》 趣 破 漈 張 **「**粲然 非 ! 獨惜 解 碎。 使 鄭 南 以 取 後 諸 漢 明 公 衷之,以見口 軒、 其 簡 其 當 儒 世 先 白 至宋,濂洛諸 樵 義 意 切 時 吕 學 生 專 去 備 明 於《 門 者莫 東 門 發 今考載 美 足 理 人學子各 而 〈詩》 萊、 訓 其 刺 以 暢 方 適 理 書之 今學 戴 之 足 廣 以 趣 以 要 岷 而

6 0

」,原作「鏕」,

據四庫

<sup>0</sup> 七九改。 對」, 作 據四 庫本 薈要本、 《文獻 通

四庫 本作 「此」,薈 要本作

茅」非 乎? 之學 頌者 詳 之。』德潤於朱、鄭之學有 合。 豕; 角 微 誠 木、蟲 文害辭,不 度數,毫分釐 之體製 之音樂者 賦 辭 ,以『龍盾之合』爲二盾之衛;『露 可 《豳》之風、雅、頌 其他 淳,故其理暢 學者不可不 奥 以 詠 ,聲音部分之名; 善乎 魚之辨,五音、六律、六吕之所 雨 之性 發 也。 義 露之露,『有 如《國風》、二《 仍 者 揮後學之未究,而 以 ! 今觀 也。 情 接《周 辭 析, 孟 乎? 害志 子曰 兼 鄭 如 豈非《詩》傳之大備 禮 該 鄭 以『雀 氏《傳》,引 至 爲 豕白 . 賦、比、興者 而 氏 以意逆志 於 太 『説《詩》者 雅》、三《頌》名 四器十二器 並 之學 得焉。 詩 . 蹢』爲 無 師 進 篇 涣明千 角』 也 博 之 謂 Щ 9 是 蓋 爲 江 理 故 口 風 川、草 1,作詩 之聲 被 雀 載 以 朱 豚 其 爲 不 以 之 氏 者 之 菅 之 以 被 物 得 明 理

> 諷 之,義以 咏之,兹 析 亦後 之, 則 學之 斯 傳 所 也 深 願 當 與。」 相 爲 引 用 而

恐 是 歎 變 有 意 志 戾 其 虞 誦之,使人自解。 也 如 也 矣。孔子説《烝民》之詩曰:『爲此詩者 化 未 淫 "不以文害辭,不 履 故 知 集 助。」其意 趣,必不樂學。 以程子之於《詩》也,嘗點 ,是爲得之」,孟 天,魚躍于淵』,子思之所以 序 其 易 洪,使有 薄冰」,曾子之所 道 好是懿德。』『戰戰 曉; 氣 日 乎 質 :「聖人之教 ! 欲别作詩,令朝夕歌之,似當 一也 :得焉 涵 故有 養 欲以三百篇教之歌舞 又曰:『今之學者未見 其 物 子之所 聖賢之於《詩》,將 則 德 以 必 以 人,蓋以《詩》爲學 性 所 辭 兢 有 終 優 謂 兢 害 以 則, 身 掇 温 志 如如 游 説 也 民 柔 ^ 饜飫 臨 明 詩 之秉彝 敦 兩 以 『鳶 深淵 厚之 道 字 ≫也 意 詠 而 飛 以 體 逆

六七

先 亦 譬 蘇 至宋 獨 説 失。 有 之言《詩》者合, 也。 於言者 教 者從之, 大、小《序》,别 於《詩》也 微 諸 欒 自 保 習 而 存,言《詩》之家千 即 歐陽 至於 廓 見 Ш 有 儒先君子知豈不足以 存 城 經 與 矣, 下之泉,其初出 贵 所 遺 之, 亦 性 國家 以 朱子《 不 疑 經之功,而 非 子 成 求 漸 而 得 齊、魯、韓《詩》 定以 而 有 疑《詩序 其 而 水 爲 庶 行 得 去之,不 詩傳》之出 故 清 而學者有 之 幾 乎。 於 爲 自 編,存 通 源 學《詩》之道 是, 此 亦 》之非 數百 流 諸 爲 沛 也 不 然後 則 免猶 遠 之説 經 如 而 , 壅塞底 ·無專 所 彼 然後 知之, 矣, 皆 年 不 江 不 而 用 其 穿鑿 守 存 傳, 廢,以 河 然 著《 亦 門 而 功 説 忧 其 此 矣。 悉 有 滯 而 蓋 而 訓 後 本義 天 纏 與 首 而 待 毛 罕 詁 聖 其 因 下 屏 不 繞 漢 而 句。 氏 端 止 見 集 賢 考  $\forall$ 學 去 於 之 時 儒

哉 之,欲 之所 蓋 之幼 去,而 剖 拾 賦 得 之鄉若 名、天文地理之説,或踈 有 人,學者老於山 頌》之分,蓋 大序》不出 學 其 衛宏 ? 晰 傅 也 311 者 謂 訓 會 訓 魯 也 録 雖 水其 不 是 詁 纏 所 里 灰 以 本 各 得終卷 詁 嘗 其 之 繞 爲 閈 愚惑 叔 而 多 全 自 從《詩》 舊, 穿鑿者 於子夏、《小序》不 近, 仲 丽 讀之。 相 書 不 本 爲 自守 康 錯 得 林,當 乎後之人。 不 以年 也。 痛 諸音節 説 成之爲 可 興之説,而 快 而 而 幸 見其 師 泉南 得。 蓋 計之,不 決 多 不 得 有 快焉。 竊 裂, 之異 或繆,非 通 其 同 鄭 説 人 中 説《 感鄭 説 者 見 氏 無 朝 如 歲 鳥 爲《 風》、 未達 於 甚 經 爲 復 出 此,心竊異 備 贵 獸 氏 於比 恨 相遠 説 同 遺 序》者掇 於毛公, 員 艸 去朱 閩 未 一端也。 於外, 時 《雅》、 官,始 藴 勸 、興 木 久 以 散 子 門 何 爲 向

而

兩

家

各

有

所

采

乎。

將

氏

之卓

小,亦

不

克

如

能

承

其

市

成

邑,

將

刻

而

傳

周氏孚《非鄭樵詩辨妄》

存。

故 孚自序曰 急於警天下之方悟者,故 反 日 則不復 :『不憤 . 也。」自聖人没 「古之教人者未嘗 不 啓,不 悱 不發。 而 即 異端 六 有 經之書 不以三 起,先 訓 詁 也 隅 而

章之。 間 公剔 於 其 以 如 馬 漈之手 自 其 遠 以 補程朱之遺、診於集也、序 示,且曰: 説 鄭 博 其 公伯 地 南 度 禮經》舉進 其 氏 如 贍 廣 釐 越 行 |無名家舊學,諮詢之暇 予因及鄭氏之《詩》,即使録 筆 愈 疑 清 此 庸延祐 臺 ,未之有攷也 前 而 得 要,出 猶 憲 殁。 人,不 而 果 不敢 + 有 淮 貮 又 可 數 書 士 泰定 西也 末 日 閩 傳 取 種 待 人臺 Ŧi. 奉旨閱 . 憲 也 以 如 於 + 求 以以 耐 中,故太史齊公履 也,以 略 去, 左 省,席 相 朝 餘 諸 一榜漢 項氏《易 謀 西夏斡公克莊 將 爲 廷 種 海 鄭 爲 知 刻 我序之。 而 不 貨 其 氏之子孫, 生者,考官 故 閩 其爲 有 愐 暇 於 説 思有 傳之。 在 合 御史中 泉南 玩 暖 而刻之。 明經 山 乎 未 故 以 以 海 及 之 馬 夾 著 來 表 丞

經 義 考

六

七

JЦ

之所 之,雖聖 訓 其害理之甚者見於予書,而其爲 漢以來,六經之綱 二事 則有先儒之傳在。 廢之,此予 人惡之,安知不 詁 不暇 之, ,爲一卷。」 人 雖其 恤也。 所以不得 起,未易 教與古異,而意 -有以 於是 維具矣, 嗚呼 廢 是規 已 也。 總 ! 而 而 子 學者 有 而 次之,凡 者哉? 聚訟之學, 言 鄭 則 世 也 子 也 詩之義 相 乃 四 然予 故 欲 傳 + 撮 自 杰 守

顧  $\Box$ 湄 淳 日 熙初,真州學教授。 . 「周孚,字 信 道 9 濟 自 北 號蠧齋。 居京

王氏質《詩總聞》

《宋志》:二十卷。

存。

陳振孫曰:「質自序云: 『研精覃思於此

舊 雅 共 事 凡 獸 訓 幾 謂 傳。」 + 草 在 句 謂字 聞 處 木 讀 十年。」其 謂 聞 每篇 , 凡 Щ 頌』等。 義 事 聞 聞字」, JII 類 用一, 爲 土 書有『聞音』,謂音 聞 ; — 『總聞 壤、 章」, 謂 謂 其 聞 州 凡 字 説 人, 縣 器 畫 謂 多 又 鄉 物 分段 9 出 有 謂 『聞 落之類 9 『聞 新 凡 『聞 物 意,不 人 風 韻 聞 跡 姓 ; 謂 句 「聞 \_ 號 循 聞 謂 聞 鳥

實 符 前輩 者。 + 陳 書,鋟梓以 此 與文公朱先生合,至於 卷 家,真能寤寐詩人之意於千載之上,斯 H 著 來,公餘 臨 强 述不 111 其 跋 貮 家 日 廣 可 車 櫝 : 因 其 湮 或 藏 取 傳。 右 没 Œ 且 讀 雪 韓 Ŧi. 之。 命 Ш 迺從其孫宗旦 公攝 + I 王 年, 經始 以意 其 先 守是 删 未 生《 逆志 除《詩 有 而 郑,慨 詩 發 H 説》二 自 序 求 揮 强 之 成 分 此 念

後 可 謂之窮經矣。 竣 事 使 斯 文 趨使鑱刻,凡三閱 顯 行於 世, 後學 月 之 耐

幸

也

# 晁氏公武《毛詩詁訓傳》

《宋志》:二十卷。

程氏大昌《詩議》

一卷。

經,而獨尊信漢説者,意其近古,或有所大昌自序曰:「三代以下,儒者孰不談

《雅》、 《風》不得抗《雅》; 逸詩 出於衛宏;十一辯《序》不可廢;十二據 品目,五論《國風》之名出於《左》、《荀》; 此《詩議》之所爲作也。」 背古聖人而 以其所當據 師承者哉 援證之數,則其審的可據,豈不愈於 未作之前,而經文之在古簡 本也。若夫古語之可以證經者遠 九辯《詩序》不出子夏,十辯《小序》綴語 六證《左》、《荀》創標《風》名之誤;七論 有二《南》而 陸元輔曰:「程氏《詩議》十七篇:一 南》、《雅》、《頌》之爲樂無疑 有《豳 《頌》爲樂詩 ! 》雅、《豳 不敢於是正漢儒也。 而格其所不當據,是敢 無《國風》之名;二論《南》、 而世人苟循習傳之舊, > 頌 ,諸國爲徒詩 八論豳詩非《七月》; 而 無《豳 者 親 四 ; 在 論 嗚 預 以 論古 三論 於違 無能 聖人 六經 四 或 呼 證 始 有

據,亦難乎免於穿鑿之譏矣。」 《荀子》有之,季札亦言之,而程氏 詩樂及商、魯二《頌》。 樂名; 《毛詩》有古《序》,所 蔚然,繹其論議,洵多 論采詩、序詩因乎其地; 季札序《詩》篇 風》、《雅》、《頌》之名,《周禮》、《 一《南》而無《國風》,憑臆妄決, 十六論《關雎》爲文王詩 次知 無《風》名 以勝於三家; 唐應德稱 獨 十五論《南》 得之見。 , , 左傳 其文 無 十七 + 必 所 謂 +  $\equiv$ 入義 然 論 論 有 爲 稱 四

鄭氏諤《毛詩解義》

宋志》:三十卷。

佚。

范氏處義《詩學》

《宋志》:一卷。

佚。

解頤新語》

風》,此不然。《樂記》曰:『正

直面而

静

廉

而謙者,宜歌《風》。』《表記》引《

或

風

日

我躬不閱,皇恤我後』,又引《

或

風

 $\forall$ 

日

毛奇齡曰:「程大昌謂《詩》有《南》

無《

或

《宋志》:十四

佚。

『心之憂矣,於我

歸説」,此不

稱

或

風

而何?」

《解頤新語》取之,鑿矣。」又曰:「晁景王應麟曰:「鼉鳴如鼓,《新經》之説也。

世。」《解頭新語》亦云:『文王之《風》終於《寫》 之。」《風》其爲《雅》與?《序》以爲「可告塵》,可以告神明。」《雅》其爲《頌》與?』 文王之《雅》終於《魚麗》,《序》以爲「可告文王之《風》終於《寫神明。」《雅》其爲《頌》與?』 神明」,則近於《頌》矣。』」

#### 《詩補傳》

《宋志》:三十卷。

爲名。 訓 依倣《左氏》、《國 逸齋自序曰:「經以 詩傳》,●先儒比之《易·繫辭》,謂之《詩 則詳,於文義則 存。 毛氏《詩》謂之《詁訓 略。 語  $\approx$ 經世爲義,傳以 韓氏 非《 (詩) 傳 有《外傳》,乃 傳》,故 也。 於 傳業 詁 惟

> 大傳》。 乎? 文》。 補以 物理,以平易求古詩人之意。文義有闕, 序》爲據,兼取諸家之長,揆之情性,參之 衍者削之,而意之所自得者亦錯出其間 礙者通之,乖離者合之,謬誤者正之,曼 就己説 文義互有得失,其不通者輒 注記、類説、論 書序》也 補傳》大略如此。 六經、史 篇韻 E : ,學者病之。《補傳》之作,以《詩 近世諸儒或爲小傳、集説、疏義 一獨 聖人删《詩》定《書》,《詩序》猶 異 可 同者 (傳 解,②其名不一,既於詁訓 廢乎! 一之,隱奥者明之,窒 詁訓 或曰: 况《詩序》有聖人 有 《詩 闕,補 欲 序》可 廢《序》以 以《 盡信 説

2

<sup>●「</sup>傳」,據范處義《逸齋詩補傳・序》(清康熙十九年

<sup>「</sup>集説」,據《逸齋詩補傳·序》,當作「集傳」。

趙氏敦臨《詩説》

李氏熹《詩譜》

《宋志》:三卷。

佚。

余氏端禮《毛詩説略

按:《詩補傳》抄本但題逸齋,而

不著名。 致《宋·藝文志》有范

處

義《詩補傳》三十卷,卷數與逸

齋

佚。

羅氏維藩《詩解

書處義名,當有

證

據。

處義,金華

人,紹興中登張孝祥榜進士。

本相符,西亭王孫《聚樂堂目》直

一六七八

爲之潤色者,如《都人士》之《序》,記《禮》者以爲夫子之言,《賚》之《序》與《論語》合,《孔叢子》所記夫子讀二《南》及《柏舟》諸篇,其説皆與今《序》義相應。以是知《詩序》曾經聖人筆削之手,不然則取信六經也,尊聖人也。若夫聞見單淺,古書之存於世者力不能盡得,未敢以今日之言爲然。博雅君子儻嗣而修之,使為》之一經無所闕疑,不亦善乎!」

林氏品《毛詩講義》

楊萬里志墓曰:「羅价卿,諱維藩,廬陵

擢進士第,授迪功郎,●南雄州保昌

《宋志》:五卷。

縣尉,陞從政郎。著《詩解》二卷。」

王氏大寶《詩解》

胡氏維寧《詩集善》❷

佚。

張氏淑堅《詩解》

謝氏諤《詩解》

黄氏邦彦《毛詩講義》

0 集》(《四部叢刊初編》影宋鈔本)卷一二九補。 郎」,原無,據四庫本、薈要本、《補正》、楊萬里《誠齊

此條上,原空缺三行,今删。

一六七九

佚。

潘氏好古《詩説》 佚。

《孟》、中庸説》,合五十一卷。」 御、松陽人。 吕祖謙作墓志曰:「好古字敬修,一 喜著書,有《詩》《春秋》《語 一字伯

吴氏曾《毛詩辨疑》

佚。

《撫州府志》:「吴曾,字虎臣,崇仁人。 高宗時 孝宗朝,出知嚴 以獻 書 州致仕。」 得官,累遷至吏部 郎 中。

陳氏知柔《詩聲譜》

黄氏度《詩説》

《宋志》:三十卷。

未見。

嗚呼! 始 與王氏《新經》參論,夜率踰丙,晝漏未 有學者自金陵至,言公常用《周 經解,書略具矣,時公未四十也。 葉適序曰:「往年徐居厚言文叔 上,輒叩門曰『已悟』。 得 其《詩 斯 可謂 説》三十卷。 以學始終 於是公七十五矣。 歟 自文字以來, 公既殁, 禮注疏 蚤爲諸 頃歲 每

六八〇

隨 蓋 情,詩歌不異故也。 程 善,博厚慘怛 爲之説,形 守文,僅或求之人之材品高 有新美,❸仁政舉 書而徒以訓義相宗者乎! 復興,而宜 所至,時或驗之。然性情愈昏惑,而各意 雖其遺餘猶髣髴未泯,而 以其治考之,人和之感至於與 可 序》倫紀,致忠達敬,②篤信古文,旁録 雅》、《頌》已先息,又 詩》最先立教,而 時 已教之《詩》,性情益 以 張 春秋》有胡 復明,公其 弛。 其 摘 然則性情不蔽,而《詩》之教 而 (遂亡 裂以 有志於是歟 無迂 ,而《詩》集傳之善者亦數 而 文、武、周 也哉。 從所近, 應 重之累,輯緒悠 及教 甚則 事 明,而 膚 霸强 况執秦漢之殘 公於《詩》,尊 鋭 風 公用之尤詳。 下與 衰性蔽, 則《詩》安 Ŧ, 謡 迭勝 天同 既明之性 按《易》有 亦 其 制 舊 德者 盡 識 定 久 矣。 得 而 衆 而 或 而 慮

知也。」 並 教矣,未 家,大抵 〈詩》 一行,讀 復, 欲 知 者 則 性 收 誠 庶 情 拾 思 幾 群 其 何 得之。 義 如 教 爾。 存 酌 耐 其 不然,非 今公之書 性 中 明、 平.

性

明

而

既

將

余

所

以

存

世

#### 馬 氏和之《毛詩圖》

闕

務去華 第。 夏文彦曰 善畫 藻 「馬 自 人物、山 成 一家。 和之,錢唐 水,傚吴裝,筆 高、孝兩朝深 人。 紹興 法 飄 重其 中 逸 登

8

<sup>0</sup> 黑口本)卷十二有「似 形」下,葉適《水心先生文集》(《四部 刊 初 編 影

<sup>0</sup> 生文集》卷十二改。 達」,原作「遠」,據四庫本、薈要本、《補正》、《水心

新美」下、《水心先生文集》卷十二有「之益」二字。

古法。 蒼莽 文徵 猶 故 前 見 子 徙 樹 鶉 宿 風 汪 畫 毛詩 之狀 作 衛 孑干旄建於車後 雅 奔》 ,是欲以畀之之氣 在 珂 每 不 石 許 作 中 大夫見賢之勤 攸鬱則 樹 動合程法,覽之冲然,由 玉 明 部 也。 》,虚 章不寫 書《 驅 ,於以作室, 子 曰 侍 大夫來告 日 載 • 《 定 毛 馬 郎 . 來趨 其後,令和之爲 馳 詩 悠 「思 馬 中 圖》 宣 悠  $\stackrel{>}{=}$ 之榛 圖》登 和之《毛 姜 事 陵 則 惟 以 白 (妷事 尤 可 得 許 栗 篇 以 指 象 兩服 而 想見 愛馬 丘 穆公本 或 是 其 耳 彼 椅 令和 詩 但 相 衣褶 夫 憂 人 兩 姝 圖 矣。 桐 和 悦 寫 圖 度,得文公營 人 心 驂 者 之圖 梓 其 之 無 **>**, 鶉 意 服之象, 焉 而 <del></del>干 作 子 漆 胸 畫 唁 維 雀 中 而 罄 衛 馬 中 寫 一,每 之, 旄 也 事 衛 E 奔 Á 蝗 折 風 置 疆 定 其 故 且 有 官 描 IE 書

> 不 几 妨 册 象 藏 外 項 摹 又新 寫 家 落 筆 飄 逸 仿 吴裝 法 也

駒 芑》、《鴻 按 瓜 者,有《 莪》、《大東》、《四月》、《北 棣》、《天保 旄》、《載 何 小 鶉 桃 正月》、《十月之交》、《 采蘋》、《 》、《伐檀 夭》、《 人斯 旻》、《小宛》、《小弁》、《 之奔 馬 鳲 黄 和之《 歸 鳩 馳》、《 》、《巷 雁 鳥 奔 漢 甘棠》、《騶虞》、《 雎 》、《沔水》、《 》、《斯干 廣》、《采蘩》、《 《采 毛 兼 淇 九 《定之方中》、 伯》、《谷 罭 薇 葭 詩 澳》、《考槃》、《 葛 **× ∀** 覃 圖 × **≫** ^ 蓼 鶴 鹿 晨 流 節 雨 風》、 蕭 風》、 鳴 山》、《小 鳴》、《白 **验** 傳 南 草 巧言》、 無 北 \*  $\approx$ 於 蟲 斯 風 正 Ш ^ 《采  $\wedge$  $\wedge$ 木 干 常 衡 世

弟子婁縣張起麟覆校

經義考卷一百六終 諸篇,然多係摹本,真蹟罕存矣。 《雲漢》、《崧高》、《韓奕》、《江漢》、 《白華》、《棫樸》、《旱麓》、《靈臺》、 《振鷺》、《豐年》、《潛》、《酌》、《駉》

《桑扈》、《鴛鴦》、《魚藻》、《隰桑》、

明》、《鼓鐘》、《信南山》、《大田》、

## 經義考卷一百七

秀水 朱彝尊

男昆 田 校

楊氏簡《詩解》

詩十

佚。

成於樂。』又曰: 『《詩》三百, 一言以蔽 草木之名。』又曰:『興於《詩》,立於禮 以怨,邇之事父,遠之事君,多識於鳥獸 簡自序曰 《詩》? 《詩》可以興、可 . 孔 子曰: 『小子何 以觀、可 以 莫學 夫 口

昏。不起不昏,直而達之,則《關 淑女以事君子』,本心也;《鵲巢》『昬禮 心,孰非是正。 邪,自廣大,自神明,自無所不通。 樂之所至,哀亦至焉。』嗚呼至哉 《召南》,其猶正牆面 心也。』變化云爲,興、觀、群、怨,孰非是 在心,奚必遠求。 所至,禮亦至焉。 又曰:『志之所至、《詩》亦至焉。《詩》之 六,其道則一,故曰:『吾道一以貫之。』 《詩》、《書》、《禮》、《樂》、《春秋》,其文則 方,不能專對。 曰:『心之精神是謂聖。』孟子曰:『仁,人 『誦《詩》三百,授之以政,不達。使於四 南》、《 日 思 召 無 南 邪。」 矣乎? 人心本正,起而爲 雖多,亦奚以 又謂 人心自善,自正,自 禮之所至,樂亦至焉。 伯魚 而立也 人 而 曰 : 不 爲?』《易》、 與。」又曰 爲 《周 汝 雎》『求 意 爲《 孔 至道 而 南 後 子 無 周 .

言靡 中 謂 曲 而求深 所不一,無 有自信 之,其本有之善心亦未始不興起也。4 而學。 天 心雖興,而 不失其正」,●本心也 易》也; 書》也。 禮》也 可 無 者之異。 禮三千』,皆我 立。 地之大義』,本心 也 他」,●本心也。 爲而 學者取三百篇中之詩 一,有 至於緝 其 遠,舍我 , 本有 迹夫 是非,《 其 不自知、不自信者矣, 6舍平 所觀 成, 所 知吾心 和樂,《樂》也 不 熙純 雖學 也學禮焉,6則『經禮 動 所自 於 通 春秋》也 所 乎 萬 自有 意 所自有之六 有三者之序,而 一,粹 也 有所 9 物 有 由 而 ^ ; 而 不 鄘 <sup>《</sup>柏 是 昏 耐 然 ; 可 感 求諸彼。 得 6 心 • 不 和 達之於 勝 興 舟》『憂鬱 柏 加 可 樂 而 昏 窮之 而 舟》『之矢 歌之、 失吉 經, 品節 不不 亂也,是 而 曲 三百, 政 木 學者 形 則 折 心 勉 [X] 焉 事 詠 色 常常 善 萬 無 無 木 而 而

> 隔 謂 《召南》者,自其首篇言之,亦 也 之間,退 曾子數子夏日 爲君子儒,無 使於四方可 事父可也,遠事 口 毛公之學,自謂 不 爲 也, 道 面 相 哀、爲樂、爲 無一 牆 而老於西河之上。 與 , 一道 群 也。 有所不通,有所 爲 居 Ē, . 君可 小 本諸子夏,而 無所 相 \_ 喜、 吾與 無二正 人 親 也,授 儒』,蓋謂子夏。 爲 不通,無 相 女事 怒、 愛、 之 不 爲 獨 相 夫 使 孔子曰 其 以 所 一,則 怨 日 子 臨 西 一人周 不雜 政 不一,是 可 於洙 相 河之民 可 也 阻則 治 南 二 女 ,邇 泗 又 口

8

0 0

E,

原無,

據楊簡《慈湖遺

書》卷

一之死

矢靡

<sup>「</sup>迹」,據《慈湖遺書》卷一,當作「逮」。他」。

<sup>「</sup>者」下,據《慈湖遺書》卷一,當有「多」字。「心」,原作「之」,據薈要本、《慈湖遺書》卷

<sup>「</sup>也」、《慈湖遺書》卷一作「而」。

以 爾罪 未 疑 今間取焉。」 句,徒傳其説, 詩》今亡,韓有其説。 弗問 女於 有 聞 三也。」夫子夏之胸 夫子 而 焉, 知。 爾罪二也 爾罪 加 轉 況於子夏初未 而 至 也; 韓與毛亦有善者, 於 喪爾 中若是,其 毛乎? 喪爾 子, 親 喪 嘗 使民 學 有 章 可

樓鑰 如此 序》多失經意、《釋文》多好異音,詩人諷詠 《爾雅》亦多誤、《大學》所引亦有牽合、《詩 或有戾於事實,制度名數不盡合於禮典。 古説難盡信,雖載之《左傳》者亦不可 類未易概舉,皆前輩所未發。」 曰:「敬仲《詩解》發明無邪之思,謂

助辭 自比 《小宛》、《何人斯》、《巷伯》、《北 其於「聊樂我員」,謂「員」是姓,大 凡二十二條,要之不取《小序》者。 《吉日》、《庭 《狼跋》、《棠棣》、《六月》、《車 防非之,以「員」本彭城劉 東門》、《候人》、《七月》、《東 伍員,更姓,古無 則其解亦太穿鑿矣。 燎》、《斯干》、《小旻》、 此 姓,員

薛氏季宣《反古詩説》一作「詩性情説

佚。

季宣自序 日 . 紹 興 己卯冬, 走 初 本之

當日

樓

大防

遺書論

辨,存其

説

於

按

湖

詩

解

**>** 

不傳,亡其卷目。

《攻媿集》中、《葛覃》、《鵲巢》、《簡

兮》、《氓》、《兔爰》、《蘀兮》、《出其

Ш

Щ

氏

奔魏

八乃語

<sup>0</sup> 改。 原 作「上」,據薈要本、《補正》、《慈湖 遺書》卷

鄂,始 焉 ! 乎? 説》。 《詩序》備矣。由七十子之徒没,經教汩 古,宜未免乎胸臆之私。人之性情,古猶 《詩序》述廣序。 又何疑爲? 莊姜之詩不云乎: 『我思古 也,反古之説,於是以戾。然則反古之道 之於《序》,是猶古之道也,先儒於此 來,於今已一千祀矣。❷ 今之説而謂之 於異端,高、魯、毛、韓家自爲説。❶ 盡掊先儒之説而自爲之説,真古之遺説 今也,可以今不如古乎? 求之於心,本 風》之義,自孟軻氏已失其傳,由 一固也古之無《詩》説也。 ,實獲我心。』言志同也。 或者尤之曰:『《詩》古無説。 抑亦未能脱於胸臆之私乎?」曰: 棄《序》而概之,先儒宜今之不如古 因其 説 耐 越四歲,癸未,解官自 次第之,名之《反 三百五篇之義 志同 .而事 孟 古詩 何加 軻 《凱 東 而

《序》,則反古之説,其殆庶幾乎。」⑥ 哉! 言蔽物也,有己而 之初,得心之正,6豁蔽以 有之曰:『人莫知苗之碩,莫知子之惡。』 則古今一道爾。天命之謂 今先儒之説,❸未知其能通。❹ 是則《反古詩説》未 蔽於物,則古人情性與 明物,因詩 爲 性 戾 信 庸 己。 能 有二理 念記

以求

復 性

0

6

書》本)卷三十,當作「齊」。 高」,據薛季宣《浪語集》(清光緒瑞安孫 氏《永嘉

今已一千」、《浪語集》卷三十作「今又二千」。

人」、《浪語集》卷三十作「之」。

三十作「孰」。 「能通」下,薈要本有「否也」二字。「能」,《 浪語 集》卷

<sup>6</sup> 語集》卷三十删 得」上,原空二格 四庫 本作「以自」,據薈要本、《浪

殆」,原作「始」,據四庫本、薈要本、《浪語集》卷三十

### 陳氏傅良《毛詩解詁

於世。」 蓋 陸子 《序》文,以彤管爲 過與門人爲 嘗移書求其《詩》説,止齋答以:『公近與 其説,不與考亭先生辨。考亭微知其然, 淫奔之具、偷期之所,竊有所未安,獨藏 千七百年女史之彤管與三代之學校以 期之所。止齋陳氏得其説而病之,謂 葉紹翁曰:「考亭先生晚注《毛詩 不 静互 欲滋朱之辨也。 且某未嘗注《詩 辨 舉子 無 **、極,又** 講義,今皆毁棄之矣。』 淫 一奔之具 》,所以説《詩》者,不 與 今止齋《詩》傳方行 陳 同 ,以城闕 甫 争 》,盡 論 Ŧ 爲 爲 以 去 偷

> 亡? 陳埴曰 之末,即其思周 變,非謂由此二國致禍 聖人繫《詩》、作《春秋》,每於小國觀 小國滅亡最先,故小國 檜之亡? 而春秋之終,豈專係於一曹之 無霸之驗。 爲春秋之終,聖人繫曹、檜之詩於《國風 止齋之言,或以 :「止齋以檜亡爲東周之始,曹亡 愚謂周之東遷,豈專關 道、思治之語,爲 無 也。 思患 王 無 最 霸之時,惟 切。 傷 是 於 無王 以 世

# 吕氏祖謙《家塾讀詩記》

傳,而天下之學者盡宗毛氏。 傳者亦衆,而王述之類今皆不存,則推衍 朱子序曰:「《詩》自齊、魯、韓氏之説不 毛氏之學,

專見 齊、魯、 説 之 横 事 細 斷 徹 夫 爲 讓 深 讀 有 爲 毛 同 微 之義 祖 者愈多,同異紛 得 渠 説 渾 病。 歐歐 以 作 不 以 Z 遺 於 詞 :然若· 異 失 張 出 者 述之意 疏 陽公、 意,雖 有 之争,而 亦 韓 奥 乎二氏 今觀吕氏家塾之書 毛 氏 ,絜領持綱 義 又 出 義 不 獨 鄭 氏 始 未嘗 因 於 之傳 能同,然自是之後,三百 鄭 乃 出  $\pm$ 則學 或 語 矣。 可 己 丞 之 氏 超 其 不 家 踵 ]意,有 之箋 品 得 相 然 首尾 者無 謹 及 陋 紜,争立門户,無復 述作之體 而 之言, 而 域。 出於前人意慮之表 其 學者 其 蘇 白 尋繹,蓋 而 所 既 説之 所 黄 兼 千 至 己 而 適 久,求 已 發 門、 貫。 於 萬 兼 從 )所自。 則 知《 明。 字之訓 本 總衆 言 河 唐 雖 不 既 而 者益 詩》之不 朝 南 初 · 待 而 融 雖 足 或 説 程 及其 講 劉 會 以 諸 Ŧi. 其 不 反 氏 推 篇 侍 能 通 息 於 淺 以 儒 巨

> 誤有取 乎 其間 之 勢 呼 求 所 敦厚之教矣。 嗚 免有所更定,則伯恭 可 而 朱氏』者,實熹 友 1 怨之旨,其 謙 又安能復有 真 未安,如《 呼 、熹竊惑之。 丘 讓 1 是 伯 伯恭父之弟 侯宗 退託 焉。 之 恭 如 歸 伯 父已矣。 雅 未 卿, 其 恭父者, 庶 學者以 所進 而 ×, 後 嘗敢 少 而 幾 歷 伯 方將 時 《鄭》邪 宗 子 乎 時 恭 有 淺 熹之 卿 約 以 父反不能不置 ! 是 真 既 輕 父 相 陋 既 將 獨 讀 可 久,自 Œ 雖 之説 議 與 已 衰 爲 以 決 Ź, 謂 然 之云者, 反 前人之心 是 下 版 此 頹 有 覆其説 則於可 此 世 本 論 書 汩 知 意乎温 而 没, 其 之 矣。 以 授 書 伯 疑 傳 其 或 説 所 恭 是 也 永 柔 兄 非 有 父 爲 其 嗚 於

讀詩記》(《四部叢刊續編》影宋本)卷首朱序删。「頹」,原重文,據四庫本、薈要本、《補正》、《吕氏家塾

0

以 於 知。 魏了 諼」,❷日 説,凡以厚於美化 思 嘗有厲聲 之士共之,而 天下之事、美盛德之形容,則又不待言 人道之常者,固 不寧惟是,今觀 切己省察,以克其 東萊吕公嘗讀 爲之説 久,且以 其 哀怨之中,則 義言之:《考槃》、《小宛》,臣之不 若 至於處乎人之不幸者,其言發乎憂 翁後序曰: 君者也,曰 凝 因 書屬 一。明 然 疾呼,是知 併 以 發不 又 附 熹叙之。 思,由 必 書 以 有 其 其 「予昔東 「獨 偏 識 有以考其性情,參總 者,尤切切致意 以 所 至『躬自厚, 所 寐,有 得 前輩 予之悲 疑 非以資 編《讀詩記》,於其 是 寐 其 者 熹不得辭 雖 寤言,●永矢 游 懷二人』;《小 講學大要,惟 ,以與 性情之正 於僮 恨 ,聞諸友 口耳也。 云爾 僕 而 四 也, 間 薄 方同 焉。 立,其言 加 責 亦 迺 勿 得 衆 處 姑 蓋 在 未 於 志 而 略 日

> 其心孔難,●而 其夫者也,曰『先君之思,以 無令人』;《燕 浪笑傲,而 『何辜于天,我 弁》、《凱 『不念昔者,伊余來暨』。❸《終風》之子謔 静言思之,不能 柏舟》之兄弟 風》,子之不得於 母 日 罪 燕 遭說者則曰『及爾如貫、圖 不 『莫往莫來,悠悠我思』; 伊 》、《谷風》,婦 奮 可 何」, 飛」; 以 據 曰 前 ^ 母母 其 何人斯》之 不 勗 親者 氏 遇 寡人』, 之不得 聖 者 也 則 . 友 我 於  $\Box$

<sup>「</sup>勿」、據《鶴山先生大全文集》卷五十一、《毛詩正義山先生大全文集》卷五十一、《毛詩正義》卷三改。「寐寤」、原作「寤寐」、據四庫本、薈要本、《補正》、《報本、「中華」、

<sup>● 「</sup>暨」,據《鶴山先生大全文集》卷五十一、《毛詩正章卷三,當作「弗」。

⑤「説」, 薈要本作「讒」。匪》、《鶴山先生大全文集》卷五十一改。正》、《鶴山先生大全文集》卷五十一改。

學 然以 已 觸 肫 舞 也。 也 此 周 諒 思之,除其害以持養之』者,殆 有以反求於己,如荀 要,深切著明已矣。 悻然忿忮鄙吝,發於辭 有 也,是不殆於棄言也。 悔 有 類 9 切 反 不可者, 不 因 不我以 ~ 覆 悟 盡得於興、觀、群、怨之言,而 以 不 我 雖然,是特詩 眉 而 怨 能 究 知 長之,又不 Ш 不忮 幡 而 已已者矣。 圖,●所以 賀 吾 不 然 也 春 怒 知 也。 鳴 惟 ,我固若是小丈夫哉? 悻 卿 也 盡 呼 善 欲 iŁ. 中 蓋 道 吾 其 刻 卿氏 爲學者求 不 誠 是。 分焉 之歸 某非 凡以天理、 其 待 此 色,去之惟恐不急 義 能 E 忠 書 所 X 今東 是 耳,而 耳 味 能之, 厚 輕 謂 以 則 Ė 亦不 其 約 和 廣 『爲 端 固 萊 將 所 是義 平. 其 於此 用 我 可 方將 怡 使 責 歆 以 民 其 傳 所 力 言 以 然 其 彝 動 人 己 優 也 之 皆 欲 鼓 泮 以 自 重 柔 而 由 願 而

> 進 屬 焉 余序之,姑 ,❷則斯序也猶 以 所 聞 在 見 所 識 削 謂 末 自 今或

黄佐 其 訓 未 意 陳 編纂已備 主《小序》,與《集傳》不 推 詁 有 有 振 孫 日 逾 所 遜之也至矣。」 ,後陳文義 : 發 曰 : 於 「吕氏《讀詩記》最爲 が明,則 而條 此 「博采諸家,存 書者也。 例未竟,學者惜之。」3 别 剪 出 截貫 之。 然自《公劉》以 同 穿如出一手。 《詩》學之詳正 其名氏,先 然朱子序之, 精 確 第專 己 列

陸釴序曰:「予嘗讀吕氏《讀書記》、《大

<sup>■「</sup>究」,原作「定」,據薈要本、《鶴山先生大全文集》卷

文集》卷五十一改。 文集》卷五十一改。 「今」,原作「人」,據四庫本、薈要本、《鶴山先生大全》 「謂」,四庫本、薈要本作「諸」,則「諸末」二字當屬上。

題》卷二删。
題》卷二删。
一格,據薈要本、陳振孫《直齋書録

九

宗 宗 郡 手 辨 訓 蓋 韓 白 謂 所 會 事 疏 集傳》矣,刻 傳》亦采之,二子蓋 有 考注 海釋, 豐存 朱 篇 名 記 毛 灼 》所 刻 甚愛焉。 朱、吕異説 氏 則 Ī 微 而 迷 由 成,或問 司 蹊 義 未 叔 盡 詞 而 有 馬 以 疏 導諸 徑 睹 棄 奥義 取 有 杜 讀 子 適 以 一之始 吕 《讀 迺 召氏 長 三家 ,懼學者之多 鄭 元 也 纂 而 耶 往 子 柱 詩 貫穿 愛之。 凱 漁 , 譬 邈哉遐矣! 言 ? 分 日 也 史 記 真 仲 何居?』 也,其 」,譬則 古 則 : 應 朱 同 之妙 **>** 積 考據 剪綴 『今《詩》學宗 也 各 轍 臺傅 志 説 之 其 有 《記》 友也,非若 適 悟 也 9 之精。 炬 書宗毛 近 諸 攸 岐 余 研 ; 公刻 則 5 與 得 家 指 朱 耶 緣 應 精 采之,吕 齊、魯、 百 幟 宋 矣, 氏、吕 ? 物 殫 也 於 兹余 如 氏 也 本 醜 歲 ; 夫立 南 出 安 朱 以 於 ☆
注 類 説 得 氏 子 氏 昌 之 融 <u>\</u> 友

禮 易淆。 善學 鳥 毛氏 氏 家 後 雖 天成命》合《 者,言雖賾 亡之毛氏直如弁履,何哉? 是 翼 異 之學寖微,又奚 金縢》,釋《北 》,其 殆 世 説 有 竊 朱,求合經以 》、《皇矣》合《 廢,君子 |經生,尋墜緒之三家不 疑焉。 ,者反 存 未 以 可乎?」 故曰 可尊 求 可 焉者, 譌矣; 《毛詩 同 輕 勝 既 耐 . 三家之《詩》, 以 國 信,視三家 訾 也 『冢尺 似 E 求 曰 : 山》、《蒸民》合《 語 左傳 也。 致同 爲 真;離 惜 異。 》,《碩 善 莫之慨 之 『余 學 或 雖 而 是故刻吕氏 者 日 聖遠 斷 已矣。」 觀 ^ 人》、《 獨 由 集 審 . 唐 也 其 多。 可定 庚 傳 異 者 ? 啻 固 人 釋 然 毛 清 **>** 諸 孟 以 説 珠 未 已 雖然,余於 故 則 出 氏 鐘 夫 人》、《 鴟 子》,《 嘗 致 篇 璧,棄未 失 吕 將 律。」 去 雖 而 行 以 鴞》 合《 Ľ 其 同 氏 盡 詳 近 存 毛 而 也 儀 信 古 毛 氏 而 不

以 子亦 言 廢 斯文之遺 劉 者。」 致同 》以 日 後 是  $\overline{\wedge}$ 而已矣。』吕氏凡二十二卷,乃《公 編 毛 憾云。」 則刻吕氏 其從 纂未就 一詩》與 來 也 經 ,其門人續成之,兹又 以 遠,有 傳 存毛翼朱,求合經 合, 傳 最 據 得 證 其 驗 真 (。) 朱 不 口

焉: 好 罷 屬 誳 記 味,參諸往志,得 行於世。 顧 士所受以 之,而 斥毛 勿肄。 焉 》,舊南 起 余以序。 文公取夾 謀於 元 鄭 序 不 紫陽《 故 雍 余家有 日 而 寮蘇 獲與 余維國家功令,立《詩》學宫 成 、蜀 :「東萊先生吕成公《讀 以己意爲之序,成公則尊用 漈 公所記,雖學士 君、程 省皆有 紫陽偶。 集傳》爲宗,一 其説與文公異 鄭 藏 氏 本,南 詆 君授諸 刻,歲久夷漫,罕 棋《 考功 余間 小序》之説 梓。 陳 一者凡 嘗 大 切 反 夫 古 君取 既 有四 注 覆 心 成 詩 疏 而 知 研

> 其 其 鄭 其 成公則直謂詩人以 也 世 神、御賓客,成公則謂 並 善懲惡,究乃歸 祭祀聘享皆用之,惟桑、濮鄭、衛之音,乃 廟之樂、《桑中》、《溱洧》之倫 大、小《 詩 小序 (真,其 俗 是雅聲,彼桑間、濮上,聖人固已放之, 衛 異二也; 異三也;文公以二《南》房中之樂,正 序》自毛萇、鄭玄、沈重、蕭 所 余 》, 且 ,二《雅》 雅》朝廷之樂、《 又嘗因 用,元不列於三百 異 謂《毛詩》率 文公以《桑中 也 此 乃名爲雅,成 正,非 攷之,而覺成 文公釋 無邪之思作之云耳 凡《詩》皆 作詩之人皆 ·與 商 『思無邪』, 經 頌》、《周 篇 傳 不可 公則謂 溱 數,其異 公之説長 合, 統皆以爲 洧 雅樂也 爲 以薦鬼 領》宗 無邪, 即 謂 獨 一詩 是 勸 得

之,依 段 邪 證 定 大昌 於 = 有 古 卿 世《子夜》之歌 用 子 自 書 之論 論 當 己 驗 夏 爾 河 則 間 見 也 又 時 作 疑 揚 范 毛 故 刺 然《詩 是且 辨 作 獻 隃 或 , 漢 叔 之水》本 均 曄 氏 奔 韓 度《静 者  $\Xi$ 證 史, 儒 于 之源 者 迺 小 文 之志 已深 驗 所 淫佚之辭 H 衛 之 奚 学之 序 而 公 附 必 宏 思 據 估客之樂者 流 女》、《采葛 謂 刺 知 本 有《序 非 大 古 托 於 所 哉 子 則 其 子 晉 刺 美 序 序 其 綴 夏 正 伊 夏 精 昭 鄭 善 V 也 也 人 **×** 非 有 者 也 111 莊 則 有 貫 也 與 諸 今第 一,而 聖 兩 斷 書 猶 不 也 刺 善 》諸 穿 説 世 猶 語 奔 以《 人 序 惡 鄭 先 有 辭 不 棼 一之近 詩 聽 者 以 不 而 外 小 詩 惡 樵 足信 秦 棼 乃 辭 爲 訟 之 能 爵辛 何 續 序 戴 古 学之 者 若 詩 章 之 思 邪 乃 汔 ௱ ; 而 武 求 愛 之 俊 後 有 作 則 詞 今 無 程 消 邪 申

辭 學 觀 之 皆 者 穢 知 狄 生 衛 取 是 而 在 高 直 樂 語 其 焉 非 成、 淫 地 焉 登 必 謂 以 風 也 桑 爲 也 良 乎. 以 滌 鄭 迺 分 則 間 爲 刺 雨 近 後 洒 1 所 存 或 古 諸 濫 是以《 **岁**安 代 淫 婚 世 憋 之 聖 濮 歌 作樂之 詩 已 之音 昏不檢之人自道 博 美 真 者《邶 人 爲 知 上之 晰 古 遵 南 新 此 所 亂 非 樂記 雅 矣。 作, 大 勸 也 删 聲 以 賊 阻 樂 新 路》安  $\approx$ ? 晉 者 思賢 而 调  $\wedge$ 鄭 **>** 矣。 男女 青衿》 之 鄘 又 於 實 民 著 左 嚆 . 何 知 ~ ×, < 淫 哉 淫 使 録 氏 亟 等 矢 非 有 ? 亂 其 安 言 其 鄭 流 非 》記 聚 篇 矣, 以 女 爲 知 僻 謔 ×, 謂 會 鄭 漢 留 同 夫 聖 里 季 曾 浪 非 聲 聲 邪 鄭 志 車 君 衛 聲 巷 札 是 啁 以 X 淫 散 安 詩 色 狹 之 與 載 奚 斥 刺 哳

哉? 衷 臨 狹邪 贵 嘗 子旗 自取 自 廢 見 蔓草》; 邪 口 蔓草》,子太叔賦《褰裳》,子游 後》、《 將仲子》; 美於 者 輩 有 未 較 所 不 **燃賦**《有 易 若 異 用 理 可 所論著,錯以古今諸賢之言 之 兩 必不然矣。 指 國 而 施 國淫邪 周 淫 士君子生千 叔 武 鄭 掌,而 詩》 君、 向、趙 是,質諸 於 辭 六 樂惡得有之? 女同 間 鄭 燕亨。 卿 卿 又多 以 伯 也 之辭,肄之於《韶》、《 成公之説,其理似 大夫相 餞 孟 車 ? 贖 享 蓋 韓 心 微 》,子柳 載之後,讀 媟 趙 假令盡 韓起,然 H. 徧 辭,尤 而 宣子, 孟 俎 鄭 放宋 見,乃自歌 安耳 一,子太 豆 伯 賦 魯之樂工 難 子 爲 如 儒 下 則《 ^ 淫 蘀 齹 臆 晉 古 賦 叔 方 伍 荷 鄭》詩 決, 一書 奔 賦 X 回 賦 兮 其 伶 子 有 其 風 所 書 有 要 夏 里 野 野 又何 不 馬 諢 雨 展 得 在 政 端 巷 異 者 未 皆 ×, 有 有 賦 口

> 有宗。 各習其 衷焉 忽諸 涣 論 故 然 於 古 可 然冰 詳 則讀 。」夫攷 棄 0 心與理 个、况於 次 確 釋 昔 碩學之徒,莫之或徙 師。」范 文公《 有 抑 IE. 師 人 古 又 賢 即 亡 承 所 聞 集 璅 通 人 曄 逸、稽覈 評 傳 經 揚 君 語稗説, 可 亦云:『書理 雄 者 俟百 博古者之大 子之言、重 爲 有 讀一 異 於 言 世 持之有故, 同 成 而 . 一家《 故故 使 公 不 嘵 無二,義 席 快 惑 所 積 通 詩 曉之學, 解 記 者 也 人 滯 備 鄙 惡 哉 猶 頤 群 其 之 折 歸 余 可 不 疑

### 項氏安世《毛詩前説》

宋志》:一卷。

● 上「之」字、原無、據薈要本補。

故也。」

説。

其曰『前説』者,末年之論有少不同

陳

振孫曰:

「攷定《風》、《雅》篇次而爲之

佚。

唐氏仲友《詩解》

佚。

明。 戚雄曰: 如以《碩鼠》爲愛君之至,真有精思 「唐説齋讀經、於《詩》最有發

卓識。」

經義考卷一百七終

弟子高郵吴世燾覆校

### 經義考卷一百八

秀水朱彝尊編

н

朱子熹《毛詩集傳》

存。

性也; 欲 朱子自序曰:「或有問於余曰 而作也?』余應之曰: 『人生而 矣,則不能 感於物而動,性之欲也。 無 思 ; 既有思矣,則 一詩 静,天之 夫既 不 能 何 有 無

咨嗟咏 之典。 詩, 言 不得位,無以行 東遷,而遂 人,用之邦國, 出於正者,聖人固已協之聲律,而 朝廷,而下達於鄉 是亦所以爲 上之人必思所以自反,而 其或感之之雜,而所發不能 則其所感者無不正,而其言皆足以 邪正,故言之所形有是非。 心之感物而形於言之餘也。心之所感有 愐 『然則其所以教者何也?』曰:『詩者,人 不 則天子巡狩 既有言矣,則言之所不能盡 能 降自昭、穆 已焉。 嘆之餘 一廢不 教也。 者,必 講矣。 此詩之所 以 帝王勸 亦 黨間 必 化 而 昔周 天下。 陳 有自 後, 寖以陵夷, 至於 孔子生於其時,既 懲 而 巷,其言粹然無不 盛時,上自 黜 因 觀之,以 以作 然 有 無 至於 惟聖人在上, 陟之政,於是 之音響節 以勸懲之, 可擇者,則 也。」曰 列 用之鄉 而 爲教。 國之 發於 黜 郊 陟 廟

六九八

之而 亦異 者 聞 戒 特 傷, 發 以 爲 亂 歌謡之作 使夫學者 而 邶 頌》之體,其 於言 時 者, 舉 成 前 也 之,凡《詩》之所 所 崇而 是以二篇 者然 ,而其 謂 德 其 惡者改焉。 其所 則 其 前 者,樂 惟《 籍 先生之《風》者於此 下 亦 善之不足以 -,所謂 即 也。」曰 而 (教實被於萬世,是則詩 刊 感 則 周 人皆有 是 討論之,●去其重復,正 其 示 而 南 而 而 獨 而 男 發 國 同 去之,以 × 不過於淫,哀 是以其 爲 有 女相 以 者 一之治 謂《風》者 若 ^ 召 以 ^ 爲法、惡之不足以 得 有 「然則《 是, 風 考 南 其 邪 與 亂 政 從簡 何 其 》親 詠 Œ 性 詩 不 雖 乎變矣。 也? 或 得 是 同 ,多出於 情之正 歌、各言 之 被 不足以 約、示久遠 風 失,善者 非之不齊 ,人之賢否 IE. 而 文王  $\approx$ Ħ 不 經 之所以 故 若夫 過 之 其情 雅 里 其 行 化 爲 自 其 巷 吾 於 於 × 師 紛

> 作者往 旨也。 ^ 爲 取 當奈何?』曰 無 尤 樂歌之詞,其語 諷 規,和之於《頌》以 參之列 而 雅》、《頌》之篇 礼非後世能言之士所能及之也。 經 咏以 時 之,其忠厚惻 不 , 所以 賢 可 理之不 國以 昌之,涵 往 於是乎章句 人 易 君 者 聖人之徒, 人事 盡 具 子 也 . 憫 也。」日 其變,正之於《雅 『本之二《 濡 和 浹於下,天道備 怛之心、陳 則皆成 時 至 以 要其止,此學《詩》之大 而 以綱之,訓詁 一於《雅 病 體之,察之情 固 莊 俗 : 其 所 周之世 之所 南》 然 以 》之變者 善 義 則 爲 1閉 寬 以 爲 其學之也 萬 朝 》以 於 耐 求 以 邪之意 《詩》之 性 世 廷 而 紀之, · 其端 Ŀ 密 大其 聖人 亦 法 隱 郊 前 微 皆 其 程 廟

<sup>0</sup> 特 作 時 據 · 要本、《晦庵先生朱文公文集

經,得詩人吟咏性情之意。」 陳文蔚曰:「先生於《詩》,去《小序》之亂

康 年 辨 陳 有 云。 其 振 胡 淺 所更定。 孫 是 陋之説 泳 日: 非。 伯 量,校之建安本,更定幾 今江 「以大、小《序》自爲一 久而 其序《吕 西 知 所刻 其 1氏讀 有 晚 所未 詩 年 記》, 本,得 安,或 自 編 於 謂 不 什 南 免 少 而

注 灰 郝 首,三代之學幾 注之學未有也。 斷 之學興 燼 章爲 經序 ,墾荒闢 曰 : 賦 焉 而 「古之爲《詩 已矣。 原,續 秦 於墜 焚《詩 秦焚《詩》、《書》以愚 六經 傳 没。 其 》、《書》尤重 之絶 義 漢興 也, 者 緒 則 歌 諸 於於 誦 П 儒 故故 授 絃 是 掇 傳 拾 黔

> 者 得 於世 雖 則 之德,風之始」。 韓 所見、所 之者鮮。 和 性情之正,義理之萃,已發之中,中節之 有三代儒者之風,非三家所及也。 學異,更 魯、毛、韓 三家之説 云勤 以 氏 則 也。文、武、周、召之遺烈,治亂之本 ,聖人所 紛更之也。 云 ,惜其闊 以爲康王政衰之詩,毛 備 ,而義猶 相 聞 ^ 四 不行、《毛詩》之《詁訓 書》則僅 以□天下之書 矛 而 家 所 略 盾 理 而 傳 簡古, 未備 蓋毛氏之學規模 故滋 猶 如 已。 聞 《關 未 有濟南伏生、《詩》之 者頗 9 明。 蔓於鄭 不竟其説 而 總萃於 雎 源 也 爲  $\forall$ 嗚 ¬,•其 遠末分, 氏 加 呼 氏之箋, 篇 孔氏之疏 則 多, ! 使後 傳 齊、 義 謂『后妃 有 Œ 大矣。 《詩 卒之 獨 師 魯、 異

0

<sup>「□」,</sup>據《郝文忠公陵川文集》卷三十,當作「泰」。

七00

無間 氏、王 宋,歐 教 贊 原 張 道,著於人心,膏 與之際,物 夫 草木之名,拘 未嘗火之也。 渥浸,浹於萬 正、《易》之象也。 存者神 司 春秋》之義 化 王 王 設 開 東 氏 育、 、先王以之審情僞、在治忽、事鬼神 萊吕 規 氏 陽 邪 政 西 7,父師 聖之 子始 之大 奠天 父子 都 存 伯恭父,集諸 欲 邵 誠 也。 拘 世。 綱,中聲之所 聖 位 相 繼 爲 氏 用 垂 顧 屑 圖 而 遠 錯之間,欣 踵 也。 於肌 訓 贵 雖 故《詩》之爲 之功也。 一説 屑 美而 馳 全天 探 崎 火於秦,而 莫 而 説 ,出二氏之區 力 膚, 正 嶇 敢 得 河 德 稱 窮 適 家之説 訓 藏 盡 誰 者也。 誦, 而 止 於 所過 應 南 辭, 於骨 之哉 何。 張 也。 變, 翕 義 程 刺 鳥 皇之。 在 爲《讀 者化 3合,純 氏、横 髓 根 而 變適 以 獣 觀 天 人 一域,蘇 譏 龙 心 民 及 蟲 於 人 而 貶 澤 於 設 詩 渠 於 所 相 逮 有 魚 天 而

> 孔 横 著以冠諸端。」 弊,定章句音 記》,未成而 與學者之幸,且 下 論 爲《詩》作傳,近 侯得善本,命工板行,以 而北方之學者未之聞也。大行臺 序》之重復,而三百篇之微意,思 風》、《雅》之正 言,焕乎白日之正中也。 瀾 屬 ,其旨微矣。 孟及宋諸公格言具載之,毛、鄭 ,折聖學 經 爲 序。 卒。 而 韻 是書行於江漢之間 嘉 經 一,端 歸 時 之 出 侯用 喜 衷,集 晦 短 刺 己 於文公之《傳 庵 美 意 長 心之仁,故推 先 傳永久。 傳 之本,糞 差舛 遠 生方收伊洛 注 其 規漢 之大 辨 自 書走 訓詁 一尚 以 序 無 大、小 唐,復 成成 久矣, 本論 之行 則自 邪之 書 下 保 田 之 之

以《周禮》之六義三經而三緯之,賦、比、旨而去《序》文,明吴才老之説而叶音韻,朱升曰:「朱子之於《詩》也,本歐陽氏之

興各得其所,可謂無憾也已。」

遺憾。 何喬 自謂 於《詩》皆 鄭 Ŧ 讀詩 前 禕 新 於《詩》獨 日 記 叶 自朱子之《傳》出,三百篇之旨 日 》,最爲 韻 「朱 有 . 則本吴才老之説。 訓 宋歐 子《集 釋,雖 無 精 遗憾。 陽 密 傳 各有 氏、 ,朱子實兼 當時 王氏、蘇氏 其 發明,而 訓 東萊 詁 其釋 取 多 之。 日氏 未 用 諸 吕 能 毛 有 粲 氏 無

詳,不 焉 桂 後 緒』,朱《傳》取 經 物,不讀《注 注 以以 一導 ,一本《注疏》之訓釋, 人不考,遂以 近疏》而 Ĭ 求 免 作者之志。 穿  $\overline{ }$ 不觀。 鑿 詩 流 而 》,無 集傳》極 鄭 孟 失 試舉 一二: 司 子 其 由 農『三農之事』訓之, 不謂後之學者 所謂上、中、下農之 本 而 詳,然其間 意 但 知 以 於於 當 諸 如『三事 是 儒 時 取 朱 制 解 遂 子 度 而 經 就 傳 名 太 廢 傳

鄭人 《蘀兮》。 子太叔 伯 刺 有 尤 穀 説 男女字, 憲講學東林,有執《木瓜》詩問 之辭也, 游賦《風 子齹賦《 或以結構之密當之, 豈不可笑。」 又 人如《閟· 投我 淫 盡收 如晉 侗 别 注 稱《鄭》詩,豈自暴 可 日 處 中 以 賦《野 ,子展賦《將仲子》; 矣,不應取淫人自作之詩 淫 F 然叔 野 宮》注 何以 雨》,子旗賦《有女同車》,子柳 所 此六詩者,皆朱子之所爲淫 木 詞之理? 「《詩》三百,以 方, 有蔓草》,子太叔 謂 瓜,報 向、趙武、韓起莫不善之,以 知 有 高 不 中『礱密』之説,讀《詩 其 蔓草 原、下 知 (爲淫 之以 本《 即《詩》有 **\***; 隰、 其 周 奔? 瓊 六 思 醜 禮 琚 平陽之 卿 無邪 乎? 鄭伯享 賦《褰裳》,子  $\forall$ 餞 美 坐皆默 難者,謂 其 韓 蔽 刺 中 近高 農 也。 農 宣 趙 之, 並 生九 爾 然 賦 鄭 無 忠 爲 安 奔

然復

明

經 義 考

讀 所 以 惟 黍 不 刀 淫  $\Box$ 日 『・『美 謂 何 狡 爲 油 箕 爲 奔 蕭 童 受 是也。』吾不知朱子 油 子《麥秀歌 淫 淫 Ш 以 辛 兮, 來 淫 奔 人 奔 報 張 風 者 也。 否?」 彼狡 之 也 古 衡 季 也 . 英 通 ^ 1?」忠 受辛, 日 四 瓊 言 童兮,不 日 稱 w . 乎? 愁 瑶 : 若「彼 未 -詩 即 既 君 憲 亦 「麥 明 有 W 也 聞之以 遽 與 何 有 明 男 美 狡 起 我 秀 必 而 女字, 有 拂 童 人 好兮」,箕子 狡童 漸 淫 揖 美 贈 爲 一分」, 然 人人字, 漸 奔, 日 何如 而 我 亦 『先 之, 兮, 子 起 得 金 何 然 誰 禾 不 者 不 錯 小小

# 朱氏鑑《文公詩傳遺説》

六卷。

存。

鑑後序曰:「先文公《詩集傳》,豫章、長

之隱 容增 焉 説 載 沙、后 序 見 以 疑 刻 舊 初 解 來 》之法 學 **%** 遺 **真學**宫 富 版 脱 於其言矣。 而 則 無 後 , 反覆 益 藁 丘 者相與 ]1] 葺 無 後之讀《詩》者 慮 Ш 己。 爲 郡 欲 時 子 皆 異 數 全書 以 因附於後 服 於 著 問 音 事 有 + 今文 講 者,尚 親 傳永久。 答, 餘 補 訓 本 ·百條, 若《七月》、《 論 承 補 暇 脱 間 集、《 而 是書,凡一 切 誨 綴 終 有 0 可 后 磋 輒 彚 攢 誘 能 未 考 書 弗克 Ш 研 取 抑 那 次 兼 問 備 見 口 讎 究,必令心 鑑 家 成 攷 ×, « 斯 以 久 去取 校 就 字之疑、一 刻 昔 本 編 乎 干》二 得 將 爲 語録 未 親 版 在 此 漫 其 最 位 題 E 侍 加 免仍 而 精 意 漶 真《 旁, 詩 H 》所 是 通 盡 ൬ ^ E 遺 小 記 每 用 第 朅 書 無 心 意

知 成 興 德 或 日 軍 事 端 所 平. 成 乙未,子 也。 子 明 明 有 官 子 承 浚 議 郎 尚 權 理

中 兵 婦 室 宗公主,官 稱萬拜,誠詆誣不足道也。」 仰 王 人建寧,浚 以 F藥 死。 娅 城 降 ,吾大儒 於阿 兩 小説或譏其 浙 與公主走福 刺罕,後謂 轉運 世胄,不可辱人主。』●夫 使兼吏部侍 作 公主 州。 書 與 日 知府 一賈 郎 (似道, 君 王 元 帝 剛

### 輔氏廣《詩童子問》

二十卷。

經,微 之門,❷深造自得於問答之際,尊其師説, 貽 胡一中序曰:「《詩童子問》者,潛 六義之不明 自三百五篇穿鑿於《小序》、傅會於諸儒, 先生所著,羽翼 存。 詞與旨昭若日星。 久矣。 朱子之《集傳》者 至朱子一正聖人之 先生親 庵輔 炙朱子 也 傳

> 學 昉得 説 意。 具載《師 退然弗敢自專,故謙之曰『童子問』。 拜 至實,傳是書 彝倫也哉 趣,而鼓舞鳶飛魚躍之天,豈不 日 而 盤 者 》於後,俾讀《詩》者優 附《童子問》於下,粲然明白,作而 昔私於家傳者,今公於天下後世矣, 是書而 抑 手 今閱建陽 而 何 友粹言》於前,復備 幸 敬書之。 焉 鋟諸梓,且載文公《傳》於上, 曩於檇李聞 如 ! 書 秘術 市,至余 志安徵序其端,敢不再 殊有 柔聖 君 士 負著述之本 一夫藏 志安勤 論 經 大 《詩 賢 有 是 序 有 書 傳 功 喜 如 於 之 辨 既

王禕曰:「輔氏《童子問》,其説多補朱

<sup>●「</sup>主」,據朱鑑《詩傳遺説》、(清康熙十九年《通志堂經

② 「炙」,原作「灸」,據四庫本、薈要本改、

許氏奕《毛詩説》

《宋志》:三卷。

爲大冶丞,從

佚。

《閩書》:「陳駿,字敏仲。 游朱文公之門。」

孫氏調《詩口義》

五十卷。

佚。

陳氏駁《毛詩筆義》

徐氏僑《讀詩記》

佚。

馮氏誠之《詩解》

佚。

劉氏爚《東宫詩解》

佚。

弟, 仕至工部尚書, 謚文簡。著有《東宫 陸元輔曰:「建陽劉爚與弟炳皆朱子高

詩解》。」

七〇四

撫使。

有《詩傳》,刊於平江。」

《總論》一卷。

舍選入對,升進士丙科,調 南劍教授,終

宣教郎。」

林氏拱辰《詩傳》

淳熙中 以

《閩書》:「櫄字實夫,龍谿

佚。

《寧波府志》:「舒璘,字元質,奉化人。

中,謚文靖。」

乾道中爲徽州

教授,終宜州通判。

淳祐

高氏頤《詩集傳解》

佚。

《閩書》:「高頤,字元齡。 慶元進士,知

《温州府志》:「拱辰字巖起,平陽縣

佚。

淳熙戊戌,武舉换文登第,歷廣東經略安

永州東安縣。」

七〇五

佚。

楊氏泰之《詩名物編》

《詩類》

三卷。

俱佚。

陳氏謙《詩解詁》

佚。

王瓚曰:「宋乾道中永嘉陳謙益之撰。」

戴氏溪《續讀詩記》●

《宋志》:三卷。 未見。

同。

「記」,原作「紀」,據薈要本、《補正》改。下三「記」字

0

時氏少章《詩大義》、《贅説》

佚。

張氏孝直《毛詩口義》

佚。

七〇六

宋志》:

一卷。

高氏元之《詩説》

起,不易斯言矣。」

佚。

於字訓 爲 陳 名。 振 孫 章已 曰:「其書出於吕氏之後,謂吕氏 其 實 悉而篇意未貫,故以『續記 自 述 己意, 亦 多不 用《小

序》。

行,岷隱戴氏遂爲《續詩記》。 取者,視李氏 之辨而去取之。 黄震曰:「南渡後,李迂仲集諸家《詩》爲 爲徑。 南軒、 而 東 東萊之《詩記 萊 止集諸 家 可 獨

戚雄曰 志; 士」乃擇壻之辭。 夫,則表國人之仁心,固勝於彰寡 其謂《摽有梅》父母之心也,『求我庶 :「戴岷隱謂《有狐》爲國 至哉言乎! 恐聖人復 婦 人 憫 之 淫 鰥

柴氏中行《詩講

李氏心傳《誦 佚。 詩訓

五卷。

佚。

趙氏汝談《詩注》

七〇七

### 錢氏時《學詩管見》

佚。

王氏宗道《讀詩臆説》

楊氏明復《詩學發微

佚。

謝 鐸 日 : 詩學 發 微 楊 明 復

著,

今亡。」

### 張氏貴謨《詩説》

《宋志》:三十卷。

《括蒼彙記》:「張貴謨,字子智,遂昌人。 由進士主吴縣簿,教授撫州,宰江山縣,

官至朝議大夫。」

黄氏應春《詩説》

佚。

詳,除國子學録。」 説》,内翰應屬、左史黄自然繳進,送監看 年進士,官至朝散 寧波府志》:「黄應春,奉化人。 郎, 知處 州。 著有《詩 嘉熙二

七〇八

#### 陳氏寅《詩傳》

《宋志》:十卷。

### 史氏守道《詩略》

《四川總志》:「史守道,字孟傳,眉州人。 紹定進士,迪功郎。」

十卷。

劉氏應登《詩經訓注》

翼漢儒。」

補官,凡五薦漕臺,三爲舉首。

《詩傳》羽

陸元輔曰:「茶陵譚世選初以尚書獻策

佚。

《江西通志》:「劉應登,字堯咨,安城人。

景定間漕貢進士。 宋社將危,隱居不仕。」

趙氏若燭《毛詩粗通》

佚。

韓氏謹《詩義解》

譚氏世選《毛詩傳》

佚。

一七〇九

義 考

舉學事。 解》上之,召爲國子博士,遷廣南 尉改宣義郎,除處州教授。著《詩》,禮義 陸元輔曰: 自巡尉 「晉江韓謹,字去華。 未 再期擁使節 東路 以南 方,前 提 海

未有也。」

湯氏建《詩衍義》

佚。

陸元輔日 . 樂清人,字達可,學者稱藝

堂先生。」

吕氏椿《詩直解》

佚。

韓氏惇《詩義解》 佚。

劉氏垕《毛詩解》

佚。

《閩書》:「垕字伯醇,建陽人。 知江寧,以收李全功轉朝請大夫,知常 寶慶三年

州、衡州、移南劍州。 學者稱静齋先生。」

董氏夢程《詩訓釋》

佚。

弟子武進錢

名世覆校

謝氏升孫《詩義斷法》 佚。

先生。」 《江西通志》: 士,爲翰林編修官。 「謝升孫,南城 朝士稱之曰 南 舉 牕 進

王氏萬《詩説》

佚。

焦氏異之《詩總》

### 經義考卷一百九

秀水朱彝尊編

男昆 田 校

事變,不啻自其口出。

大抵作者本諸性

之不合者,蓋十六七。而貫融精粗,耦合

書,與今之爲《詩》事實、文義、音韻、章句

於《魯論》、《左傳》及《子思》、《孟子》諸

魏了翁序曰:「古之言《詩》以見志者,載

存。

詩十二

魏氏了翁《毛詩要義》

宋志》:二十卷。

未見。

皆去籍焚書之餘、編殘簡脱、師異指殊。 情之正,而説者亦以發其性情之實,不拘 歷漢、魏、晉、隋,久而無所統 拘於文辭也。自孔孟氏没,遺言僅存,乃

思所以救之,於是《尚書》存孔,三禮存 上之人

《詩》專取毛、鄭。士豈無耳目肺腸,而不 鄭、《易》非王氏不宗、《春秋》惟優左、杜,

能以自信也,則寧倍往聖不刊之經,毋違

七二二

0 「三」、《宋史》卷二百二作「一」,據四庫本、薈要本,當 作「二」。《補正》:「『三』當作『二』。」

錢氏文子《白石詩傳》

宋志》:三十卷。

以

聖

賢之意是

E

其説。

人知末師之

不

口

盡

信

則

相

與

辨《序》文,正古音,

破改字

流

及

後

世

則

皆

推

之以

爲

不

可

遷

之宗。

迨

我國朝之盛

,然後歐、蘇、程、張諸

儒

昉

舊

聞

開

來

哲。

至

鄭

氏

惟《序》是信

則

往

往

遷就

迎合,傅以三

禮,彼其於《詩》

於

禮》

文同

而

釋

異,己且

不

能

以

自信

也

M

説

無

改字

,於《序》文

無

所

與,

猶

足

以

存

行

前

人

不

·以爲

疑。

毛傳

簡

要平

實

無

臆

之專

於毛

鄭

其

來已久,舍是

誠

無

所宗。

也

以

他

書且

不可,况言《詩》乎?

詩

佔

畢

訓

故

悉惟

其

意

,違之則

日

是

非

經

指

耳

而

時

好

尚

遂

定

爲

學者之

IE.

鵠

時

 $\pm$ 

所

主

一之傳。

所

謂

傳

者,千

白

家

中

然其

間

有

淺

闇

拘

迫

之説,非

皆

毛

鄭

之

過。

《序》文自一言

加

下,皆

歷

世

講

師

大

文起義、傅會穿鑿之説,

乃敢

與

經

文

錯

百九

七

之説 時 之《詩 於《詩 道 憂 仰 庠 其 其 彼 前 優 喬 而 而 (詩》, 之 樂 爲 , , 柔 序 適 後 意 云 行 古 後 隆 怨慕 講 發 簡 《詩》之病 或 詩》之與《序》混 以 視 自 而 仕 傳 乃有 》,其説 主 替 者 之 師 求 達 序 紊 至 於 皆 各 詩 之功 之所形見、言《詩》者必 亂 其 也 日 宗 亦 削 内 出 經 微 0 詩 固 獨 人之情 正 去 己見, 故《國 月 且 痼矣。 人之 也 有 少卿,學 未必皆不然 詩 則 而 泥 將 取 者 不 其 諸 迨 意 間 性 牽 然 風 於篇首之一言 存者。今白 義 志於 儒 夫 人 ·合詩 於 **>**′<</td><</td> 不 乎 而索之,斯足 隱 術 八心之 稍 雜 句 0 免 矣。 雅 行 傳 出 於 也 意 通 讀 士 誼 之説 所 授 大 自 前 誦 以 方  $\wedge$ 爲 小 頌 存 解 義 就 習之初 相背戾, 人 石 自 輩 士人宗 序 惑 之,此 小小學 先 之 以 贵 夫 莫 而 有 序 **\*** 非 生 傳 之 得 治 非 無 感

生姓 先 志者 尤致意。 朏 使之 苟 以 無 游 咎於己,或委順 廢 乎禮義』者,固已爲之焕然。 也 口 日 源言 篇之後贊 、人情之懷 門 生 見 涯 不 異 吾 以以 其 錢氏,諱文子,字文季,永嘉 贵 至 尊 爲之拔 之 也 湯 於 學 經 詩 用 於《 尹 必 論 他 今是 然 之 求《詩》 功之不已, 自 一待辭 程 詩 以 意 其 亦 所 如 博 舊 嘗 傳 數 發 書 本 引 不 於天 而 費 而 爲 故 **\*** 辭 乃 岷 過 明 根 而 哉? 之 愴 雖 余 尚 謹 如如 江 自 而 約, 新 而 若 所 述 而 名 章 嚴 下三 去 有 無 詣 世 所謂『發 失之易 行簡 或 欲 先 歲 之中 其 簡 惡於 所 一變之 之益 致愛於君 有 生 殊 峽 要 所 得 昔嘗 所 善逆詩 病 而 如 釋 先 哉 人者,先 自 滔 而 深 更 革 月 此, 乎 以 滔 從 定。」又 興 不 也。 異 情 時 數 先 則 乎 人 暇 安 此 而 mi 言 矣。 之 先 知 其 生 生 殆 能 止 問 引 趨

此 是 淳諸 孫 號之也。没今二十餘年,司 刻諸郡齋云。 太學,以 書 述自 ,乃訪求於湯尹之姪時大,俾偕《 而 老之後,歸 未 尚 兩優 廣 書 也 郎 解 紹定六年六月朔。」 ,又知郡 出守永嘉 然後學宗師 褐、仕 至宗 太守之賢 行,行 Œ 簡 馬文正 少 白石,其徒 知 卿。 先 可 話釋 公之 生有 屬 乾、 以

#### 《詩訓詁》

《宋志》:三卷

存。

所居白石巖,因以爲號。」 陳振孫曰:「宗正少卿樂清錢文子撰。

言 徐 日 釋 秉 H 義 地 日 禮 日 釋 E 錢氏《詩詁》三卷, Ш 釋 樂, 日 釋 日 水 釋 宫, 日 釋 釋 日 釋 日 天, 釋

段氏昌武《叢桂毛詩集解》

九門。」

釋

車,

日

釋

服

日

釋

食,

釋

禽

釋獸

E

釋

蟲

曰

釋魚,曰

釋草

', 曰

釋木,凡一十

三十卷。

闕。

寺忽允

讀詩總説》

一卷。

經》而 詩 Ш 段維清《狀略》曰:「先叔朝奉昌武以《詩 羅 П 使 存。 講 兩 君 魁秋 指 瀛 畫 嘗 )貢,以 争 遣 其 以 子姪 累舉 成 編 來 间 ,本之東萊《詩 學,先叔以《毛 擢 第春官。 印

一七一五

説 言,苟足 多以 晦 庵《詩 發 明, 傳》, 率以 以 録 至近 焉。 世諸 名 日 儒 一《叢 話 桂

毛詩集解》。」

倒 請 所 此 焦 而 《商頌》,引先儒之説,依詩之章 風》、《小雅》、《大雅》、《周 體》、《詩之派》。餘三十卷,分十五《國 《詩之世》、《詩之次》、《詩之序》、《詩之 樂》、《讀詩之法》;次載《論詩總説》, 載《學詩總 陸元輔 而 其 較 間附以己意。 見 書 弱 給 名 一,而 侯《經 北 據 明暢,前後 平. 爲 曰:「宋廬陵段昌武子武輯。 狀。 焦氏以 孫 段 籍 説》,分《作詩之理》、《寓 氏抄本,孫 武 段氏 志 一昌,俱 段 無序跋,但有其從子維清 × 大抵如東萊《讀詩記 昌 有 朱 武爲段文昌,朱氏 叢 似 西 桂 侍 未 亭《授經圖》 堂,故 郎 見此 頌》、《魯頌》、 耳 伯 書者。 取 次 知祥符 解之, 以 皆載 詩 》例 首 又

#### 《詩義指南》

一卷。

字。

黄震曰:「建昌段氏用《詩紀》之法爲《集

解》。」

### 嚴氏粲《詩緝》●

三十六卷。

存。

林希逸序曰:「六經皆厄於傳疏、《詩》爲

● 「緝」,原作「輯」,據四庫本、薈要本、《補正》改。

其

要以

發

昔

人

人優柔

温

厚之意

而

L°I

甲辰

余抵

京

以

同

舍

生

見。

時

出

| 詩

緝

語

我

其

説

大

抵

與艾老合,

且日

我

用

0

力於此有年

非

敢

有

以臆決,摭諸

家

而

求

者。

華

谷

嚴

君

坦

叔

早有

詩名

江

湖

間

以

禮

之學

箋

傳

古《

詩

**>** 

難

與

論

外

之

之明經家。

艾軒

林

先生嘗曰:『鄭

康

成

觀

群怨」、孟子

所

謂

以以

意

逆志』者,

悉

付

可尋

逐

非

若

他

經。

然

其

流

爲

^

騷

詩》

於人,學自

一爲一

宗,筆

一意

蹊徑,或

不

選》,爲

唐

古

律

而

吾聖人

所

謂

司可

以

興

詩

趣

味

然疎

缺

涣散,

要未爲全書。

東

萊

吕

氏

始

集

百家

所長

極意

條

理

頗

見

毛

鄭

説

争

出

新

意

而

得

失

互有

甚。

我

朝歐、蘇、

王

劉

諸

鉅

儒

雖

擺

落

旨矣。」

艾軒終

身不

著書,

遺言間

得

於

前

輩

鄉

長

老,

客遊二十年,未

有

印

此

語

《易》 代 情 其 言 越諸 庸 不 箋 獨 出 瞭 章 余 今吾知此 布 見 傳 得《風 深 之後 截 既 》、《大學 然。 鈎 。」故不自揆而 而 性於數千載之上 或發 子。」 得 所 其 夭矯,意具言外, 子若是哉? 盡 貫 竦然起敬 が前 之。 以 幅尺,辭 於 烏 根 其 × 書與並 膛 君 伊 葉 乎 微 **∀**, 制 至於音訓 雅》餘味, 乎 日 ]1[ ! 度 於 疏 語 其 遂就 9 之纖 錯 析 爲之叙 行 ^ 》、《孟 後 了子又 余嘗得其 字,出 春 詩 而 也 前 條 也。 求全 秋 悉 理, 蓋嘗  $\Rightarrow$ 疑 緒 故能 興寄 於 **\*** 爾 然則 似, 訂 贵 意 盡 人窮 余 盡 書 是乎 或 窮 證精 曲 容 日 以 於考亭, 所 舊藁五七言 名 而 會 於文定,《 諸 華谷何 詩 讀之, 物 在 其 :「艾軒 而 遺 其旨 家閩 盡之矣。 言詩, 一,若見 機 密 通 異 文軒 同 綜, 繼 於 奥 以 逆 開 乃 之 中 惜 度 自 其 此 而 求 知 排 時 數

所 例》曰 情 能 劄 受東 粲 T 之興,幾千年於此矣。 句 性 要在以意逆志,優而柔之,以求吟咏之情 善者不必求異,有所未安,乃參以己説 且 而 而 從。 點 而 背 析 自 以 東之高閣 ,則悠然見詩人言外之趣。毛、鄭以下 會孟氏説《詩》之法,涵泳三百 友朋訓其子若弟者,競傳寫之,困於筆 己。 掇 其 萊 序 便家之童習爾 命鋟之木。 乃錯 之,使詩 訓,章括其旨,使之瞭然易見。既 義 日 字訓 集 ,誦之不 綜 諸家之説 此 二兒 句 新 人紆徐 書 義,插注經文之下, 舊 能習。 此書便童習耳。 初 覆 説 爲 瓿 爲《詩緝》, 以 古今性情 涵泳之趣 可 周 爲章指 余爲 也。」 南  $\approx$ 輯 順順 ^ 諸 一也 舊 篇之性 召 又《 家 見 説 經 以 南 文 口

> 有旨 意。 記》爲主 黄佐曰:「華谷嚴氏《詩緝》以吕氏《讀詩 葛 描》 其 趣,可與言《詩》也已矣。」 他 不 ,而集諸家之説以發明之。」 用 章 舊 説 句 獨 時 能 出 探 新 得 意 詩 大 人 抵 優 宛 柔 轉

七

八

#### 劉氏克《詩説》

十二卷。

闕

廣 皆聖賢之盛 者,必待《詩》而後發耶? 學》義理之精微 世,未嘗不援《詩》以 之道皆有得於《詩》,所以 克自序曰:「吾夫子發明至 其義,宏遠精微 耶 ? 必必 又况 ,皆《詩》旨之所未及。 以《 爲 詩 聖 證 》發之。 抑其作《詩》者 人因《詩》以推 垂之天下 令中 理以 庸》、《大 垂訓 贵 萬 聖 世 萬

袁

甫

曰:「坦叔

於《黍離

》、《中谷

有

蓷

説

者

亦

不

少

且

以

漢魏

文章之盛

名

演

而

爲

義

者

多

矣

八,揣《

詩

》之義

臆

與《詩》,文體

升降

,遼不相

侔,託《

知

乃

如

此。

然

則

詩

人之託

物

致

意

爾

聖人蓋

予人以

共學,而

不

子

人

出

遠

解

其

解

加

求之於《序》。

徒

可與言而終不與之言者,賜與

商

草木之名』者,特學《詩》之細

事

古

以

爲

多

一,而

有

餘

用

所謂

多多

識

於

洙

泗

之

間

諄

諄

爲

學

者言

未

嘗

不

以《

爲

先

彼

春

秋

諸

賢

執《詩》以

助

其

説

其

哲

又

IE.

則《

書》

藏

於

史,《禮》、《樂》藏

於

名

詩》

而止爾。

故不學《詩》、不爲《

周

召

南》者,皆

不足以

爲

士。

誦《詩

易》

爲

1

筮,其公於上下之所

通

習

也

似若六經出於聖人之暮

年,前

乎

何

啻

干

里之繆,然後

知《詩》之果爲難 三千 》三百 《詩》之 〈序》之 解 , 情 鳥 以 而 而 此 南 者 數 詩 獸 IF 爲 共 卿 焉。 否也。 《詩》,似若於《序》無 詩。 法。 顧 可 淹 僖公薨 卒,不以 不可知,况於《詩》乎? 大、小毛公,皆莫得 多依倣《序》意,竟亦 補 猕 之 乃請 知,况 洽 聖人豈欺我哉 Ļ 近 按《左 頌 右 儒先有 未 然《序》之出 年纔 世 命 模 見於籥 哉 嘗 壽 其旨乎? 場 於 傚《 聞 氏 有 欲 屋 周, + 者 傳 ^ 援《 (序)意 去《詩序》者,至其 有一 命 章 豩 也。 用 》,季 所 詩序 題,乃以《詩序》同 ! 前代 籥 而 掌 歲,安有 然 於詩 晉、 姑 預 孫 不 其間 準。 一,説 学之 固 以七十歲 則言《詩》之難 未 行 能 《詩》之言辭 豩 唐 人,或卜商 者 有 父 《序》之名 辭 亦 去 未 詩、《 之典 四 八九 以 乃 眼論 也。 有 者。 言 襄 謂 甚 訓 爲 歲之兒 皆 豩 出 可 盡 公 克之學 惟 其合與 準,在 於諸 Ŧi. 疑 於 猶 循 束 該 氏

雅、

於

不

其

年

或

猶

七

 $\overline{\circ}$ 

於其 諸 之前 子 乎. 招 之詩言之, 親 禮義之大權  $\pm$ 辭 傳 二十 不 審 詩》 七月》之詩,其 沙之詩 坦 編 家 1 有 見之盛,抑 無 如 間 跋 有 耶? 解 絲 耶 退之所謂『孔子 牴 嗟乎 黍離》降於《國 纖 加 毫 六 也 牾 悉 年 少 聖人嘗爲之折衷矣, 繋己 季札 則 則 ! 抑 必 非《雅 彼 矣, 異,是吾 家 是 逸 删 亦不 盡 後 所 意 君 於 經豈非聖人之全書乎 觀 其 義 然 而 死 謂 於後。 所著《 既 於 去之。 先 乎? 知 **∀** 者之於斯文,欲 有 逸詩者, 周 西 删 風》,皆訓典之大法 量 夫 後 未 之 頌》各得其所之謂 樂 行 也已。 子 次 詩説》,每 的 其所 後 周 時 不 終 第 四始 宣 則 到 耶 則 其 未 與 纂輯 裁 ? 秦 石 逸 嘗 如 今 何 孔 主於《文 鼓 而 」,則《祈 所 篇 以 聖人 於 毛 真 子 之 家 Œ 之 戾 如 未 繩 條 ļ 援 氏 之, 歌 身 於 證 删 例 生 而 尺 所

> 繋於『 集。 授 師 或 己 視 詩 詩 説 劉 儒 補 東 記 解 萊 與 坦 坦 爲完書,以 朱曰』之次。 0 淳祐 書 浸 成 所編《詩》 詩 説 迫 時,吕成 記 對刊, 六年人日 終更,日 淑 加 解 詳 後學 仍 公已下世,更别 若全以 乃文公初 録 力 迪 亦 ,則有望 有 全本之副 互 功 限 有 郎 鋟 兹 去 郴 梓 筆 州 於將來之 Ħ. 取 於學宫 未易 其 州 以 爲目 學 家 晚 又 教 君 以 遽 年

載。 先 都 宋 按 經 生 闕 時 籍志 通 劉 崑 雕 識 氏 刻 前 Ш 》、朱 《詩 尚 惜 徐 有 存。 ^ 氏 氏 説 第 總 傳 **≫**, 説 克,信安人。 是 授 》,楮尾吴 宋 第 經 樓 志 圖 九 有 **>**  $\forall$ 藏 第 均 及 本 匏 未 + 焦 Ż 卷 庵 乃 氏

## 王氏應麟《詩地理考》

《宋志》:五卷。

天地 深識 異制 之音曰《頌》,其生於心 風土之音曰《風》,朝廷之音曰《雅》,郊廟 也」,於魯曰『洙泗之間,●斷 應麟自序曰:「《詩》 叙變《風》十三國,而不及二《南》,豈 是觀之。太史公講業 詩》之本原者哉! 夫《詩》由人心生也, 世家》,於齊曰『洋洋 夫子『一變』之意。 Ш ,民生其間者異俗,剛柔、輕重、 存。 聲音之道與政通矣,延陵 ]1] 流 通,發於聲,見於辭,莫不 可 齊、魯之都,其 一也。 乎,固 以觀。 班孟堅志 断如也」,蓋 大國 人之 廣 季 谷 地 心 之 子 遲 大 理, 知 風 與 作 以 111 速

> 助 理 爲 情古 盛衰 求其 文》、《地志》、《水經 以諸儒之説,列鄭氏《譜》十首,爲《詩 其推本之也。 疆 水 禹貢》、《職方》、《春 考》。 云。 君子九能之一,毛公取 域云爾。 土之風 猶今也,今其不古乎? ,感發善心,而 地 之所 讀《詩》者觀乎此,亦升高自下之 而 世變日降,今非 在 屬 是用據傳、箋、義 稽 三光 風 Ŧi. 》,罔羅遺文 得性情之正 俗之薄厚,見 嶽 秋》、《爾雅》、《説 之氣 丽 載 古矣,人之性 <del>П</del> 於傳 因《詩 八古事 匪 疏 ]1] 政 多之 有 能 徒 化之 意 辨 地 傅 以

考·序》(元刻明正德補修本)改。 「洙」,原作「沫」,據四庫本、薈要本、王應麟《詩地

#### 《詩考》

《宋志》:五卷。今六卷。

諸 行 殊。 辭 則 或 舟》婦人之詩, 千載之上。 三家者。 應麟自序曰:「漢言《詩》者四家,師 靈恩采三家 抑 韓韓 取《 ,則取《儀禮 儒説《詩》,一以毛、鄭爲宗,未有參考 策 : 》戒自 賈逵 僅 或 存《外傳》,而 語 撰 警、《昊天有 獨 何 **>**; 本 朱公《集傳》閎 齊、魯、 言《關 以 爲  $\approx$ 恤 則 陟降庭止」,則 集注,今惟 我 取 『上天甚 雎 韓 劉 成  $\approx$ 魯、齊《詩》亡久矣。 與 則 向; 命》道 則 毛 取 神。 取 意 氏 笙詩 毛 ^ 左 眇 王 異 傳 成 取 指 則取《 衡 氏 鄭 同, 王 《漢 有 傳 之 卓 聲 異指 箋 梁 書 德 孤 崔 戰 無 柏 ;

夫人 爲 應 諸 云爾。 網 者諷咏涵 岐」,皆從《韓詩》; 序》;『不可休思』、『是用 注 人》、息夫人作《大車》,《新序》謂 女傳》謂蔡人妻作《芣苢》、周 見於《釋文》, 又後序曰 人《文選》注 邶 汝墳》、申人女作《行露》、 《楚辭 羅 麟 篇,以 《賓之 及其傅母 遺 竊 柏舟》、定姜送 軼 讀《集傳》者,或有攷於斯。」 觀 **%** : 傅 傳記 濡 扶微 初筵》  $\overline{ }$ 而 多《韓詩章 以《説 《詩》四 而魯、齊 作《式微》、莊姜傅母 自得之躍 洗 所 學、廣異義,亦文公之義 末 述三家 飲 『禹 師 家 文》、《爾 婦 酒 無 異 專己守殘之陋, 作《 悔 敷下土方」,又 如 句》,嘗欲寫 緒言尚多 不就 所 同 過 燕 也。 考。 衛 惟《韓 雅 南 燕 則 了、『彼 宣 文公語門  $\approx$ 大 取 劉 諸 夫 夫 伋之傅 黎 ^ 書 有 向 詩 莊 人 妻 岨 韓 學 作 證 粹 詩 碩 公 列

爲仲山 梁』以 苗 蓋 祖 讀 康 伯 詩 詩 合。 語 虞,虞官也」,歐陽子從之; 栽,『至于湯齊』讀爲躋; 13: 人,以《燕燕》爲定姜之詩,以『生甫及申』 出 成注 作《二子乘舟》, 》道召伯述職 》,謂《采菽 與『惟禹敶之』之『敶』 爲《韓詩》,注《禮》之時 向 車彭彭,❷城彼 韓 班 太史公以『薄 黍離》是 不濡 乃元 固 詩》也。 甫 《禮記 謂 、申伯,以《商》爲宋詩 王之孫 其 》,以『于嗟 靡 也 **※** 王 翼 勞 賈 室 爲 來 賜 所 靡 楚元 誼 伐 朔 才,『上天之載』 諸 諸 壽 家』之詩 謂『翳, 述 方』爲周 獫 侯 関 侯 王受《詩》於 同。 蓋 乎,翳虞』爲 狁 注《周禮》,云 與與 未 命 其兄作憂思 至 《魯詩》也 得 服之樂,《 朱 韋昭注 康 文王 懿 毛 一于太 襄 成從 『維 子《集傳》 王 傳 E 之 時 所 時之 原』、 讀 張 嘆仁 浮 鵜 ^ 有 之 黍 或 述 恭 甸 鄭 丘 在 日

> 皆先 矣。」 頌》; 鳴 甫常晞尹吉甫矣,公子奚斯常 《關雎》,正《風》之始也,魯、齊、韓 伯奇之詩。 正《雅》之始也,太史公云『仁義 王政衰之詩,楊子云『傷始亂』;《鹿 詩》 相 風》、《雅》之首哉? 城 鼠 彼朔方』之詩宣王時作。 刺 儒 E 毛氏,皆古文也,而字多與今《詩》 奚斯 》 爲 焉」。 考 所 妻諫 不取。 作 甫 漢儒 聖 新 得 夫 廟,而 人删《詩》,豈 ^ 言《詩》,其 之詩 商 許 叔 頌 以 楊子又云:『 重《説文》謂 ×, 趙 爲 岐 而 作《 説 以 合白 以 魯 不一 以 晞 陵 爲 小 虎 頌》。 刺 IE. 遲 以 作 弁》爲 如 通》以 其 考甫 詩 鳴 爲 Œ ^ 此 康 鹿 稱 商 冠 此 考

考》及《史記》作『輿』。」

<sup>2</sup> 0 考·後序》、元至元慶元路 母」, 車」,薈要本、《詩考· 原無, 據 四庫本、薈要 後 序》作「輿」。 儒學 本、《補 刻 明遞 正》、 修本) 《補正》: 王 應 麟《 「《詩

七三

四

異,豈《詩》之文亦如《書》之有古今歟?

句。 併 《水經注 詩外傳》。 身行之,君子其孰能與之哉』! 作『有』。 流既清,本立 未盡者。 口 董斯張曰:「伯厚《詩考》引諸書字義 天子是庳,卑民不迷。』『庳』今作『毘』, 《詩》: 云:「有美一人,清風 "卑"|今作"俾"。《子華子》引《野有蔓草》 '揚』。《説苑》引《黍苗》:『原 及薛君《韓詩章句》,極其詳覈 掇而録之。」● 騶虞》、《文選》注。 『彼其之子 ❷『永矢不 『和 》引《魯頌》『保 《韓詩》: 如《荀子》引《節 樂且 而道生。』漢穎《薛君碑 『使我心毒』。《伯兮》,《文 ,碩大且篤」,非良篤 湛」,薛君:「樂之甚 恒。」《考 『于嗟,嘆辭。』《薛君章 婉兮。』『風』今作 其 南 **見釋」,『其』今** 槃》今作『弗諼』。 山 崇云: 隰既 《椒聊》、《韓 ,然猶 平,泉 引 維 異 修 有

> 選》注。 奢節 《文選》注。『對彼雲漢』,薛君曰 《釋》。 聲》、《釋文》。 《外傳》。 伯厚引作『張張』,誤。《釋文》。 也。」』《常棣》、《文選》注。 愛臣者王,臣臣者霸,臣不行者亡』。《韓詩 亂仰天 子所予」,言必交吾志然然予。』❸《采菽》, 幹, 儉。』《商頌》,《文選》注。 正也,謂以其義 伯厚引此缺下句。 『刑于寡妻」,刑,正 『蒸,美也』。 也。」《雲漢》、《文選》注。 薛君 曰:『亹,水流貌。』《凫鷖》, 非而正之。』《韓奕》、《文 薛君 『濯,美也』。 檀車 『彼交庶舒,天 曰:『宋襄公去 師 縒 也。 三宣宣 臣者帝,交 続。』《杕 薛 君 《文 王 《思 日 王 齊》, 杜 遭

4

<sup>0</sup> 掇」,據 《詩考·後序》,當作「綴」。

<sup>0</sup> 二年韓昌箕刻本)卷八作「隸 穎 」、《補正》: 「當作『隸」。」董斯張

<sup>6</sup> 釋」下,據《吹景集》卷八,當有「文」字。 然然」,據《吹景集》卷八、當作「然後」。

内傳》,伯厚《詩》引此亦缺下句。又姜后曰:『雎

據此番本三家《詩》說。此皆困學翁之所 鳩之鳥,猶未見其乘居而匹遊。』《文選》注。

逸也。」

《毛詩草木鳥獸蟲魚廣疏》

六 未 見。

經義考卷一百九終

弟子無爲謝舉安覆校

## 經義考卷一百十

秀水朱彝尊編

男昆田校

顧氏文英《詩傳演説》

詩十三

洪氏咨夔《詩注》

佚。

佚。

劉克莊曰 . 顧貢士《詩傳》,大略如鄭

夾漈。」

董氏鼎《詩傳》

熊氏剛大《詩經注解》

佚。

陸元輔曰:「建陽熊剛大,從蔡淵、黄榦

佚。

古溪先生。」 游,爲建安教授。 有《詩經注解》,學者稱

高氏斯得《詩膚説》

佚。

### 李氏彖《詩講義》

佚。

鄭氏犀《詩古音辨》「犀」或作「庠」。

《宋志》:一卷。

佚。

劉氏元剛《詩演義》

佚。

章氏叔平《讀詩私記》

佚。

朱晦 且要。 歎不忍去手,方欲從之面請 自信之意,果何 莫適從。 之舊説,未及成書,公已下世。 之自然而折衷之,所以開示後學者已 精,而《詩》之所以作則世遠未必 往往憑之以説《詩》,隨其所發,理 黄震序曰:「《詩》自衛宏作《小序》,諸儒 語隨人之後,其用功之精勤與謙虚 諸説之詳,斷以己見,名以『私記』,無 言《詩》,朱晦庵因夾漈而酌以人情、天 然否也。 庵之説異 東萊吕氏讀《詩》,時嘗雜記諸 臨 王雪山、 川章君叔平因 而與舊傳之諸説 如哉 鄭 夾漈始各捨《序》 ! 余得而讀之,三 兩家之異,參 則已拜予祠 同 學者以 知其 也,可或 不 趣 敢 其 儒 明 理 果 雖 而

●「其」下,黄震《黄氏日鈔》卷九十有「與」字。

韋齋輯聞》,中有《詩説》一十三條。」

會云。」 之命東歸矣。始志篇端歸之,●尚俟後

#### 蔡氏夢説《詩箋》

八卷。

書多散亡,獨箋《詩》八卷藏於家。」《赤城新志》:「蔡夢説,字起巖,黄巖人。從車敬齋游,究心濂洛之學,開門授徒,從車敬齋游,究心濂洛之學,開門授徒,供。

# 俞氏德鄰《佩韋齋輯聞詩説》

一卷。

存。

曹溶曰:「宋季俞德鄰、永嘉人、著有《佩

#### 姚氏隆《詩解》

佚。

豈可 黄淵 矣。 耳。 猶無所與,鄭康成惟《序》是信,叔世講師 洙泗言《詩》,特子貢、子夏見於《魯論 又出入毛、鄭間 夫子絃歌 思無邪』一語,即詩論《詩》,他無文字。 《序》文不知果誰 以言 序日 齊、魯、毛、韓 而 語 心 取 求 三百十有一篇,2斷之以 哉 動 跛 物 四家出 眇相迓,笑者孩之。 也,《詩》 惟 所作,毛茛 不 説 傳 者爲 亦 興 動 於《序 耐 上矣。 物 經廢 也,

- ❶「始」,據《黄氏日鈔》卷九十,當作「姑」。
- ❷「一」,原作「三」,據四庫本、薈要本、《補正》改。

妙? 小、 參之李迂仲, 姚姓隆名 於《文王》,謂《 之,否則正之。 雖 (王風) 然,語初學者不爲詁釋,彼豈知或大 謂二《 或 此 博 迺 無變《雅》,譚詩平易如此。 野 或 《雅》聲· ,贈朝散大夫,蕭之韶溪人。」 王城之聲,謂《國 庵《詩 約、或 訂之張敬夫、《序》之可 風 謂《 有 解》所 顯 大 弱 風》、《雅》、《頌》 小, 或 雎》《鵲巢》迺 以 晦、 非 作 風》無變《風 政 也 或 有 抑 大 是解 或 小 野庵, 揚 應 皆始 者從 也 謂 之 或 其

## 黄氏震《讀詩一得》

一卷。

存。

《禮》説《詩》,於人情或不通,及多改字之震自序曰:「《毛詩》注釋簡古,鄭氏雖以

晦 《詩緝》。 戴 焕 伊 之本説也。 弊,然亦多有足以 始,其説頗驚俗,雖東萊不能 皆去《序》而 記》之法爲《集解》,華谷嚴氏 視李氏爲徑,而東萊之《詩記》獨行 而 至孔氏 於茫冥之中,誠 下,欲一旦盡 溱洧》爲鄭、衛之音, 然矣。 氏 庵先生因鄭公之説,盡去美刺 ]1] 去取之,南軒、東萊止集諸 與 遂 非《序》英 歐 疏 爲《續詩 諸家之要者多 義出 南 、蘇諸公又爲發其理趣、《 雪山王公質、夾漈鄭 渡後,李迂仲集諸家 言《 去自昔相傳 知其所 亦 而二家之説 記 詩 難 》,建昌 裨《毛詩》之未 》,與諸家之説 事 則其辭 0 自作,去之千載之 在焉,此讀《詩 之説 然其指《桑中》、 段 遂 又用其 無疑焉。 氏 曉然, 家可 別求 明。 又 探求古 公樵始 爲之辨 及者。 用 取者, 不 詩》益 本朝 諸儒 其説 岷隱 法 同。 詩 夫

説 爲周 安得 之,庶乎得之矣。」 學者當以 若其發理之精到,措辭之簡潔,讀之使人 之曉然者。 瞭然,亦孰 治世之音。 大田》諸篇皆非刺詩,自今讀之,皆藹 間 成王,則其説實出 口 有於意未能 護 晦 而 有加 其餘改易,固不可一一 若謂『成王 庵《 謂 之雅音? 於晦 詩傳》爲主,至其 遽 庵之《詩傳》者 曉者,則 於《國語》,亦文義 不敢康』之『成王』 若謂《 以諸 甫 改 盡知 易古 家 哉 田 然

#### 謝 氏枋得《詩傳注疏》

詩。

陸元 《大全》中所採頗 輔 曰 . 疊 多。」 Ш 詩 傳 疏  $\forall$ 發 明 透 暢

屏

山、潘默成、吕紫微、曾文清、文公、宣

公、成公、黄谷城

、黄

勉齋、程蒙

齋、徐毅

劉篁嵊、劉漫塘

附

見者五人,日

劉静

徐逸平、胡文定、致堂、五

峰

朱

幸齋、

劉

人,曰濂溪、横渠、

龜

山、羅

豫

章、李延平、

#### Ŧ 氏柏《詩 可言

宋志》:二十卷。

未見。

《詩》之教、之體、之學,而 《語録》等所論三百五篇 《詩》,故曰『可言』。 取文公所論漢以來至宋及題跋 方回序曰 齋 後集各專一 王公柏之所 : 「《可言集》前 類,而 著 前集 也。 論其詩者二十二 後二十卷,金 及於《騷 之所以作,及 取文公文集、 此 集 近世諸公 專 **\*** 以 次

2068

之約 惡 思 詩 邪 之 作 逸 則 第七十卷《 邪』各 可 然。《論語 古及今,皆謂作詩者思無邪,文公獨 春 **《詩》三百,一** X 其 立 口、曾景-稱 詩 志 以 十三卷專 人以 也 雖 心。」觀 而 思 感 。」今攷東 之人不皆思 其 盡 發 爲 論 無 無 、要歸 建、趙昌 者 邪 邪 此 人之 口 文公則 集 讀 爾 固 謂 取 之 也, 説 注 無 東 萊 言 嚴 漢 善 已 思 一》謂 不出於正,然未 以 萊 非以作詩之人 所説 矣。 前 父、方伯 作 以 唐 辨之曰:『彼 心 爲《詩》之言 無邪矣。猶未 爲《詩》三百 詩記》乃有 :『凡《詩》之言,善者 悪 蔽 Ш 之,學者當 輩 文公、成公於『思無 ,見《桑中 之,日 夫人《房 謂 者 E 謨、李 之未 可 以懲 思 ·有善· 云 雖 篇 中 以 無 果齋 · 》 詩 所思皆 有若 了 也 樂》, 創 以 無 勸 邪 公 文集 有惡 後 。」自 邪 孔 有 人之 善 不 此 之 懲 子 謂 然 其 謂 邪 無

謂《桑 以 薄 贵 見 之説 議 録二先生異 是雅聲 之思作之,而我 盡夫子之三百 紀文公之説 雅》 讀詩記》 條不 之口 獨 足 魯齋《詩 数、《 欲 全 不 乃 中》、《溱 一、彼桑 削去 同 録, 雅 漢 如此 小序》又文以 竊 所説 也 説 儒 無 涇 意 ,而不紀成公之説 説於『思 9 間 病 乃 删 Ŧi. 成 奔之詩三十 + 其 濮 洧》 以 則謂: 篇 以文公之説 又『雅』、『鄭』二字,文公 去之詩 公謂 有三條,而《桑 亡 無 上已放之矣。予嘗 即 無 逸 0 邪之思讀之。」二公 他 是 一、概 桑 今之三百 容有 邪』章,今魯 秦法嚴密、詩 解 鄭聲、 中 有二,以合聖 謂 ×, 爲 存於 加 古《詩 雖 後 是 衛 中 溱 Ŧī. 里 耶 引 儒 樂,二 洧 巷 篇 詩 成 齋 不 敢 取 浮 非 别 公 亦 後 但

0

<sup>「□」,</sup>據方回《桐江集》(宛委别藏清鈔本)卷七,當刪

之? 不信 公以 贵 故 淫 爲 近於 子與 亦 亦 如 無 人放 止 桑中》、《 致疑 恥 史 淫 形 奔 乎 者有 禮義 《詩 戲 也 爲 好 者自爲之乎? 淫之大 矣,惡 奔 淫奔之詩 其所 小序》,而《 連篇累牘形容狹邪之語 者自 狎 焉 歌 事 鄭 》雅樂也 溱洧 此 也。 ,蓋謂《桑中》、《溱洧 詠 者 以 而 訓。 人之尤 爲 事 衛 以 察 歌 實 是詩 予妄 之淫 影非 出 刺 見 而 咏 亦 子 一,祭祀、朝聘之所用也 大序》『止乎禮 譏 於 其 旁觀之人有羞惡之心, 足以 之, 淫 也, 晚 ,則其 意 淫 風 醜 人 旁觀者爲之也。 奔者自 進、未敢遽從、竊 蓋將 以 盛 奔者之口,故 聖 惡,若今鄙 情 爲 人 矣, 爲採詩 人亦 狀 戒 何 以 故 其 也。文公以 爲之詩。 揚 録 至 無 》等作未 從 國 其惡, 觀 焉 義』之言 所不 不肖、大 贵 俚 而 風, 不 歌 如 無 至 文 彼 嘗 成 詩 惟 賺 雖 咏 君 謂

鄭 何 中 樂也 《鄭風》、《衛風》若干 六 衰,雖 用 桑間 雅》、《小 用爲樂,三節 邪,文公糾 公應麟與予一商略之矣。 『鄭』二字,而 日 雅》 風》,房中之樂也。 八聲, 豈. 藝乎? 等之賓客耶? 此 》、《溱洧》之屬 也 百篇皆 濮上之音,鄭、 無 Ė **《桑** 商、周之《 施 有 煩 雅》若干 於事變,特里巷之歌 中》、《 刑《詩 此 趣 成 祭祀 猶 不同,所以謂之未了公案 説 及於三百篇 公之説 不爲 朝聘 溱洧 止 當以 篇 頌》,宗廟之樂 示萬 於 即 衛 二《雅》之正 二説 也, 無理。 篇即 中聲。 学諸篇: 之所用 之樂 薦 是雅 世,乃收鄭 因 何等之鬼神、 者, 或 作詩 是 是 也 用 作 孔 則 而 内翰尚 鄭、衛,《 遂 爲 文公 謡 於 子嘗 世 不皆 辨 樂 未 周 南 也 聲 俗 耳。 朝 知 列則 雅 廷 以 欲 道 之所 思 大 之 無 接 桑 必 Œ 謂 備 放 王 戀

話 學者不可 欲學《詩》者觀是足矣。」 於 胡 不細 苕 溪 考 博 也。 也,終於王魯 予考十家所 齋 評 約 詩 也,

《詩辨説》或作「詩疑」。

一卷。

著,雖 後 有 教 而傳, 爲 柏 筆 化隆 體 自 時 而 之功大矣。 於 序曰 晦。 而廢,道之托於人者始不 存。 又曰 無書可也。 言、存 盛,學 然載道之全者莫如書。 夫天高 : 以是而 「聖人之道, 於簡 及其 校修 地下,萬物 惟教化 晦 册 明,聖人之道 專門之學 一,何也 以 以 開 有時而 ? 後 書 散 興而各主 之學者 殊,皆 加 得其傳,然 在昔上古 既曰 衰,學 傳, 流 行 以 與 亦 校 其 而 宣 是 以 道

> 之淵 受以 積 道 惑 則 聖經於晦 也。 故 者有之,襲其 陋 傳 妄,力不足以 0 之 之道 掇 或 日 訓 紫陽朱夫子出,而 明晦 去《小 以 藪,於《易》則分還三聖之舊,於《詩》 飾私,駕古以 日 鶩 詁 集其成者 反晦 書 於高 汛掃平 之義 蝕殘毀之中,專以四書爲義 而 也 序》之失。 蝕殘毁,卒不得大明於天下。 晦 排其非 皆 訛 遠 作 援 蕩,其功 有 而 不能無賴於其始,則前 耐 此 借重 誣其 其 據 各 無 ,後世任道者之通 漸 傅 是 他, 義者有之,遂使聖 推伊洛之精藴 ,執其詞而害於意 此皆千 蓋 八過孟 其 會,穿鑿支離 識 説, 非 不 氏 有 或 足以 遠 餘 矣。 膠 日之 年 於 破 之 然 理 其 病 淺 取 詭

<sup>● 「□」,</sup>據王柏《詩疑》、(清康熙十九年《通志堂經本)卷二,當删。

乎 討 之 敢 世 以 疑 其 而 辨》,四 不容無所辨。 加 毛 爾 ? ×, 固 狗 已 復 小 妄 疑 功 詩 風 古 實者,不 九 益 破裂不完之 擬 有 予因 學者之 則 辨》, 辨》,二 贵 日 不 多,不揆 聖 後 口 人 讀《詩》 詩 先 學 七日 廢 雅 之 能 亡 之 儒 可 荷 日 ; 辨 經 辨 淺 無 所望 罪 責 輕 ^ ^ IE 經 **※**, 五. 而 風 所 ×, 風 陋 也 3 有 於 其 薄 疑; 以 紐 序 雅 於 + 改 不 大 作《 直 有 日《賦 壞 後 於 辨 辨 日 口 著 而 有是 欲 疑 詩 明 之 舊  $\leq$ 辭 ×, 不 者 經 辨 學 白 + 知 詩 而 既 八 不 傳 非之見者 後 辨 不 者 不 大 能 存古以 辨》,六 而 日 辨 世 磨 抵 思 知 無 ^ ^ 之 魯 之 王 益 按 有 何 遺 經 非 頌 後 缺 探 風 久 理 理 於

之書

論

説

最

富,《詩》

則

有《讀

詩

記

成

德

序

日

金

華

王

文

憲

公於

六

經

四

卷、 子 於 諸 奔者 《詩辨説 則《行 嘗 此 舊,容或有 部 朱子之門,宜 師 國之《風》多指爲男女期 同 序》,自晦 野 詩 南 ○ 王 語 儒 則 事何文定,文定學於黄文肅 之 É 有 口 公矣: 漢 各 所 傳《 各 也。 言 死 實》未載,卷 風 作。 唐 出 + 屬》 節 》,因公於《 以 **%** 所 有 删 古 庵朱子去《序》言《 録 + 來 「諸經 記 且 其 之 去之詩 行 其 篇 群 卷、 疑 篇 以《 以 説 實 自 儒 既 三白 退《 補 学中 帙 鄭》、《 書》有《書疑》, 詩 莫之敢爲 信 兩 經 詩 存 其 不 何 辨 之堅 兩 朱子訂 於閭 五. 缺 × 分,繹 彼 會贈答之作 説 者, 相 今 衛》諸 篇 佚 穠 西己 所 巷之口, 贵 者。 過 矣 詩》, 者 率 定,且 文 傳 其 卷 於 盡 》、《甘棠 詩 於 本大 也 辭, 又 夫 是 肅 遂以 遂比 詩 信 見 朱 以 當謹 文定 漢 子 受業 削 殆 爲 疑 吴 子 之 去 淫 列 初 即 禮 而

謹之又謹可也。』昔賢之善誨人如此。」守,不必又多起疑論。有欲爲後學言者,

之詩 《南》之不可移於《風》,猶《風》之 語》:「《雅》、《頌》各得其所」, 詩,有《豳》雅,有《豳》頌。 按:《詩》有《南》有《風》,有《雅》 夫以孔子之所不敢删者,魯齋毅 專主去《序》言《詩》,而 不可雜於《雅》、《頌》也。 然削之; 孔子之所 退《何彼穠矣》、《甘棠》於《王風》。 齋王氏遂删去其三十二篇,●且 而不可紊。故一《豳》也,有《豳》 有《頌》,用之鄉人邦國,秩然一定 (風》皆指爲淫奔之作,數傳 |《南》删去《野有死麕》|篇,而 曰「以《雅》 以《南》, 不敢變易者, 鄭、衛之 《鼓鐘 自 朱子 而 《論 於 魯

> 敢議,則亦無是非之心者也。 世之儒者以其淵源出於朱子而不 魯齋毅然移之。噫! 亦甚矣。

## 戴氏亨《朱子詩傳辨正》

佚。

## 江氏愷《詩經講義》

佚。

❶「二」、《補正》:「當作『一』。」

一七三五

陳氏深《清全齋讀詩編》

丘氏葵《詩正義》或作「口義」。

未見。

陳氏煥《詩傳微》

佚。

黄虞稷曰: 「字時 可,豐城人。 宋末兩預

漕薦,入元不仕。」

陳氏普《詩講義》

俞氏琰《絃歌毛詩譜》

佚。

卷。

未見。

何氏逢原《毛詩通旨》

佚。

李德恢《嚴州府志》: 「逢原字文瀾,分水

人。咸淳間,官中書舍人。人元,被薦

不起。」

### 趙氏德《詩辨説》

七卷。

闕。

章東湖,自號鐵峰。 黄虞稷曰:「德,宋宗室。 録朱氏《疑問》,後者其撮要也。」 《詩辨疑》本七卷,附 人元,隱居 豫

熊氏乐《毛詩集疏》

佚。

吴氏失名《詩本義補遺》

《宋志》:二卷。

亡名氏《毛詩小疏》

遺》否也。

《宋志》:二十卷。

《崇文總目》:「不著撰人名氏。 爲本,删取要義,輔益經注云。」 因孔疏

未詳其名,其書出於朱子《集傳》

直而興微、比顯而興隱也。」吴氏

雅》四十、《大雅》四、《頌》二,注曰

十六篇首繫之興、《風》七十、《小

『興也』,而比、賦不稱焉,蓋謂賦

之善心。毛氏自《關雎》而

下總百

論《詩》曰:「興之體,足以

感

發人

按: 王氏《困學紀聞》載鶴

林吴氏

之前、未審即《宋志》所載《本義補

#### 《毛詩餘辨》

《通志》:四卷。

《毛詩别集正義》

《通志》:

《毛詩釋題》《崇文目》「釋」作「解」。

《宋志》:二十卷。

佚。

叙《詩》義,次述章旨,蓋近儒之爲 《崇文總目》:「不著撰人名氏。 篇端總

《毛詩釋篇目疏》

《宋志》:十卷。

《詩疏要義》

《宋志》:一卷。 佚。

者與?」

《毛詩正數》

《宋志》:二十卷。

《毛詩玄談》

《宋志》:

《纂圖互注毛詩》

《毛詩章疏》

宋志》:三卷。

《紹興書目》:二卷。

存。

田祈社稷圖》,曰《巡守柴望祭告圖》,曰 王考室圖》、曰《文武豐鎬之圖》,曰《春藉 五國風地理圖》,曰《太王胥字圖》,曰《宣 精。首之以《毛詩舉要圖》二十五,曰《十 陸元輔曰:「此書不知何人編輯, 鋟刻甚

《毛詩通義》

《宋志》:二十卷。

《宋志》:十卷。

一七三九

《我將明堂之圖》,曰《諸侯泮宫之圖》,曰

《靈臺辟雜之圖》,曰《閟宫路寢之圖》,曰

七 四〇

啚 之圖》,曰《冠冕弁圖》,曰《帶佩芾圖 圖》,●曰《朝服之圖》,曰《后夫人婦 衣裘幣帛之圖》,曰《祭器之圖 兵器之圖 》,曰《有瞽始作樂圖 日 周周 元 戎圖 日《 絲 日《 衣繹賓 秦 日 人服 小 樂 戎 日 P

《詩義斷法》

佚。

右見《菉竹堂書目》。

圖》。

上下各圖或引注疏,或引禮書,詳

舞器圖》,曰《器物之圖》,曰《四

詩傳校

傳》、三禮有及於《詩》者爲互注,又標詩

句之同者爲重言,詩意之同者爲重意,蓋

唐宋人帖括之書也。」

《序》及毛傳、鄭箋、陸氏《釋文》,而采《左

詩》首句注之。其卷一至終則全録大、小

也,次之以《毛詩》篇目,每詩

題

下采《毛

注其下。《傳校圖》則按漢三史而爲之者

經義考卷一百十終

弟子慈谿李夢本覆 校

0 繹」,原作「釋」,據四庫本、薈要本、《補正》改。

秀水朱彝尊編 男昆田校

胡氏一桂《詩傳纂疏附録》

八卷。

詩十四

李氏簡《詩學備忘》

一十四卷。

未見。

劉氏莊孫《詩傳音指補》

雷氏光霆《詩義指南》

十七卷。

經義考卷一百十一

佚。

鉅夫嘗從受業。至元間遣使徵之,未至

而卒。學者稱龍光先生。」

《南昌府志》:「光霆字友光,寧州人。程

七四

程氏直方《學詩筆記》

未見。

胡氏炳文《詩集解

未見。

程氏 龍《詩傳釋疑

佚。

安氏黑《詩傳精

佚。

蘇 天爵 狀 日 :「先生諱 熙,字 敬仲 姓 安

> 不幸以 百人。 心 析, 本,讀 然,科條纖 士舉貳其學事。 定風土 氏 開 融 太 目 ^ 會 書 原 統 明, 憲司數以 家焉。 疾卒,年 貫 以 離 皇 經術 釋然無疑。 悉,皆有法度,入學以 通,俾學者 石 極 人 經 爲先; 試中選,占 也。 先生之教人也,師 四 其行薦於朝,卒無 世 + 書》、 金亡, 有 如親 其講説 弟子去來者常至 <u></u>  $\wedge$ 四 儒 徙 聞聖人之言, 有《 籍 書 Ш 也,毫分縷 東, 精 詩 居敬 所就 要 傳 道 郡 愛 精 考 爲 卓 博 真

陳 氏櫟《詩 經 句 解

未 見。

櫟 日 自 頌 序 所以 日 「《詩 作風 、雅、頌之體 部 分有 = 亦 日 有 風 日 雅 日

賤

隸,或

出

於

婦

人女子,乃

人

自

然之

詩

也

直

陳

其

事

日

賦

以

彼

喻

此

日

比

物

興

辭

曰

興

六

義

之

略

如

此

而

己。

詩》之作

或或

出

於公卿大夫

或或

出

於

小

夫

樂

歌

之詩

世

頌

美

也,宗

廟

祭

祀

樂

歌

之

俗

歌

謡

之詩

也

雅,正

也

朝

廷

讌

饗

朝

會

周

頌

魯頌

《》、《商

頌

》也

風

風

也

民

民勞》至《召旻》,變《大雅》也。

三《頌

也;

自《文王》至《卷阿》,正《大雅》也

自

也

自《六月》

至

一《何

草

不

黄》,

變《

小

雅

胄子 孔 矣。 於列 盛 音, 爲《 南 何 以爲教人之先 風》,已有進 也; E 雅 興 書 莫學 風、日 子删《詩》爲三百篇,始列 》、《召南》矣乎』,他 ; 於《 國風》 商 自 \*, · · · · « 念 王 《五子之歌 . 日 : 以《詩》爲教,自古已 國之《風》, 江頌》五 古有之, 如 大《詩 詩 雅 『詩言志。』《周 舜、 而《詩》亡、《詩》亡 頌 黍 篇 日 而 **>** 臯 日 離 皆 頌、 乃 務 爲  $\approx$ 康 喜 見周 周 未 不 視 誦《 謂 衢 則夏詩也; 日 雅》之漸 起 詩 復 盡 風 子 之謡 一詩 之所 他 明 亡者。 也。 爲《 H 伯 經 良之 禮 日 過 魚 然。 是 猶 雅 以 》 太 比 見周 百二、 庭 於 日 而《春 諄 **>** 也 外此 衰 歌 商 所 師 六 日 一汝 南 諄 舜命夔 乃 聞 日 教 經 興 詩多亡, 即 今 之 焉 降 王 雖 爲 小 是 秋 六 見 詩 所 風 亦 而 ൬ 也 周 子 教 尤 作 以 於 降 或 儕

鄭、

齊、魏、唐、秦、陳、檜、

曹、

楙

+

 $\dot{\equiv}$ 

國之

風》,變《風》也。

《雅》之大、小亦

有

IE.

有

自《鹿

鳴》

至《菁

菁者莪

正

小

雅

南

召

南

正

風

也

邶

鄘

衛

 $\pm$ 

9

頌

則

=

頌

也

^

風》

有

Œ

有

變

周

風

則

有

+

 $\overline{H}$ 

或

風

 $\leq$ 

雅

則

有

大、小《

雅

賦

日

比

日

興。

^

《詩》有

六義,此

之謂

世

七

四

74

思者。 所作 根據 爲 問 皆無明文可考,惟《後漢書 焉,則《詩》之一經 懲創吾之逸志。 大要不出美善刺惡二者。 之,曰思無邪。』蓋以《詩》雖三百篇之多, 或以爲孔子,或以 可以感 《詩》之法,則曰:『《詩》三百,一言 詩》 雅》、《頌》之詩,而一以無邪之思 書》、禮之先。 衛 『學《詩》乎』。 編 加 而 牴 宏作《詩序》傳於後。 至毛氏爲《詩》訓傳,始引《序》人 學者識賦、比、興之體,以讀《風》、 爲宏所 得《詩》意者恒少,其非孔子、子夏 悟,臆度傅會、繆妄淺陋常多 發吾之善 作明矣。 子所雅言,《 皆所以正吾心而使無 而 心 可學矣。 爲子夏,或以爲 提 , 綱 讀刺 諸《序》本自合爲 絜領,教 今致《小 儒 《詩序》之作 惡之詩 讀美善之詩, 《詩》亦 林傳 國史, 可, 序》與 爲主 以 必 以 》以 以 蔽 讀 在 邪

> 《序》之得失開 《序》與詩異處不便觀覽,乃依毛氏、《序 信者取之,其繆妄者正之,而 以《小序》爲 字,於是讀者轉相 經 於推尋云。」 列各篇之首,但高下其 傳》始去《小序》,别 經之本文繚戾破碎,不成文理,而終不敢 不通,必爲之委曲遷 述文公之《傳》爲《句解》,以授幼學,又以 小序》之非,聞正大之旨至矣、盡矣。今 ,分置各篇之首,不爲注 出 卷了然,而《詩》之意義易 於漢儒 尊信 爲 就,穿鑿 也。 無 行以别之,庶使 編,《序》説之可 獨朱文公《詩 敢 文 附 擬 後學者 而 合,寧 議,至 直 作 使 知 有 經

## 吴氏迁《詩傳衆説》

佚。

李氏恕《毛詩音訓》

未見。

《毛詩詁訓》

四卷。

未見。

《毛詩旁注》

未見。

佚。

奏。基章之勇惡,下疰"痔"焉动人。于吴澂跋曰:「朱子之注經,《詩傳》爲最

善。學者之窮經,亦惟《詩》爲易人。 盱

下,或有所釋,或有所廣。年未二十而專江朱近禮喜讀《詩》,隨己所知,具疏其

攻一經,志可尚已。」

蔣氏宗簡《詩答》

佚。

周氏聞孫《學詩舟楫》

佚。

一七四五

2083

## 劉氏瑾《詩傳通釋》

攘其

成書爲《大全》,惟於原書「愚

按」二字更作「安成劉氏」而已。

按:

劉

氏

《通

釋》,永樂中

胡

廣

等

二十卷。

至明且備,蓋會通之書也。」 經傳及諸儒所發要義,又考求世次源流,輯,凡二十卷,余家所有四册。其采録各輯,凡二十卷,余家所有四册。其采録各

《詩傳通釋》一書,能闡發朱子之藴。」《詩》,其説宗朱子,而間出其所自得。又《詩》,其説宗朱子,而間出其所自得。又《詩》,其説宗朱子,而間出其所自得。又

及諸儒所發要義,并考其世次源流焉。」史,隱居不仕。其書宗朱子,而録各經傳黄虞稷曰:「瑾字公瑾,安城人。博通經

## 梁氏益《詩傳旁通》

十五卷。

存。

義以 也。 也。 言之美惡,勸焉懲焉,使人各正其 翟思忠序曰: 日 該之,曰風、賦、比、興、雅、頌。 三百篇,一言以 自聖人删之,後分而 韓,曰 毛。校之三代, 面獨毛與 「夫《詩》,六經中之一 蔽之, 曰 爲 四三日 思 無 邪 齊, 性 蓋 9 其 經 經 情 日

<sup>●「</sup>代」、據梁益《詩傳旁通》(影印文淵閣《四庫全書)

徙

江

陰。

其

教

以

變化

氣

質

爲

先

務

焉 捷 唐 生爲之《集傳》,闡聖人之微言,指學者之 ,徑,上 同焉 諸大名 學者 各成 以 多 正 儒 宗 一家。 | 國 有傳、 之,故 風 》,下以 有箋、有 至於有宋,文公朱先 日 《毛 詩 明 疏 人倫 有注 由 贵 漢 但 異 而

庸 塲屋 之 資 齋 , 滑滑於此, 昧必欲聞 而已哉 1 三山 一梁先 懵 必欲 生友直 解 號

諸 先正 ,問之老宿, 遇 有 所 得 手纂 成 帙

詩》説,不 詩 傳 旁通 泥 不 僻 旁 通 如《易》六爻發 者 引用 群 經 兼 揮 旁 輯

嗚 通、周 呼 流 先生 該 貫 可謂 也。 温柔敦厚,深於《詩》之 用功 懋矣,淑人多矣。

教 者 與 !

黄 陸 江 (虞稷 浙 鄉 輔 試 其書 梁 益 益 本閩人,隨父家江 車 字 發 友直 明朱子之《傳》。 其 先 福 陰, 州

學 通 太 而 平 徒 》 診 目 西 亭 路 不 主 總 遠 一孫《授 管 干 府 里 因 從 推 此 經 官濱 之。 序 圖 而 所 調 州 列『思忠《詩傳旁 著《詩 翟 也 思 忠爲之序,

傳

旁通》,

#### 《詩緒餘》

未見

許氏謙《詩集傳名物鈔》

書 吴 成 日 . 和道序 叢 存。 説 先 生 聞 曰:「白雲先生許公益之《讀 所 師 屢 論 以 道 示 既 子,而 獨《 爲之序, 詩 集 傳 其 説 名 徒 亦 物 復 厠 金少 子名 有 爲 請 四

七

四

八

公取 於其 至宋 不察。 典。 始定 公之 反魯 頌 初 之後,王國 俱 公卿大夫之作則 合於周公之所 南》之風,在 詩》之興 考其 變,夫子於諸 成公猶 經 樂正 則 不 於 以 間 幸 因 由 周 殘 列之經。 遺 子 其 漢 主《序》説 厄於秦火 闕 一大 公, 尚 , , 失,又 並 盍 所 以 失 矣, 雅》、《頌》各得其 Ė 儒 再定 有 列 用之樂 取 來,毛、 次 國之《 則 始 於 取 當 以 得 者 出 有《雅 略 中 而 於 其 周 播 爾 或 商 厲 爲 ·, 可 歌 出 風 夫 可 其 鄭 子朱子 盛 風》, 三百 之後,《 己意 頌 爲 以 》則 子, 時 是《 之學專 説 疑 学之 訓 著其實。 ? 者 删 遂 在 詩 頌 篇。 而 戒 所 灼 多 類。 然 其 爲 於 、》之作 風 師 下 者。 ,則稽 之 見 程 行 前 淫 不刊 商 若 \*\ \!\ 則 道 爲 其 至《 純 邪 自 周 歷 以 東 諸 有 竊 雅 經 於 公、 之 之 遷 唐 儒 是 魯 周 唐 衛 惟

> 見 者 朱子 釋 物 序》及鄭 無 Ш 勉 鳴 柔 以 作 汛 要皆 旁 敦 復古 間 金 齋 鈔》之所 呼 ,而使人 掃 每 先 黄公淵源之傳, 而 ! 厚、平易老成之舊 廓 搜 益 章 一, ●用 生 義 清 ^ 氏 精 則 博 大 一履 詩 明 自悟,破 約 義 以 爲 采 本 ,朱子之功, 祥 歐 **>** 吟哦上下、不加 以 作也。 微 尊。 授受 義 陽 正 賦 而 自 顯 氏 多 於夫子 公念 相 拘攣,發蒙 比 白 前 引 而 譜 自 承 所 魯齋 興 王**、** 自 每 **>** 朱 北 萬 。逮公四 世 未 之分,口 而 篇 ^ Ш 世 次 金 傳 發 謂  $\pm$ 制 則 何 永 氏 多 先 無 蔀 定 字之 定 猶 先 賴 又以 舛,一從 傳 生柏、仁 復 附 此《 復還 有 生 叶 其 再 有 遺 基 以 法 音 未 人 正 ^ 小 名 之 備 己 衍 温 韻 得 於 略

0

堂經解》本)卷首吴師 許 謙 詩 傳 道 名 序 物 當 清 康 熙 九 通

與? 得 神 固 具。 管絃之濫 子三百篇之數而不全,則以世俗之流傳、 劉歆言《詩》始出時,一人不能獨 嘗謂今之三百篇 於《詩》尤重者,不 於無窮,豈特小補 或爲《雅》,或爲《頌》,相合而成。蓋聞 朱子補 而 貍首》、《轡柔》、《先正》等篇 詩》無一篇之失? 如《素 詩》、《書》同 已,則 使 嘗疑《桑中》、《溱洧》諸篇,用之祀何 ,享何賓客,何詞之諷,何禮義之正,不 其 後 而已放之鄭聲,何爲尚存 世 定。 有功前 取 在者足之, 知 曾氏 IE. 其 音 禍、《書》亡缺 儒 非,所 所以 釋,考名物 嘉 而已哉! 非 可 惠後學 論《 以 默 盡 而不辨 放之之意。 夫 而 國策》者,謂存之 佛言。 子之 絢》、《唐 度 其非。 然有 羽 如 數 何 翼 而 。王先 舊 此 盡其經 以 朱《傳 粲 不 朱子 皆 秦 事 削 棣 何 金 然 先 夫 示 鬼 獨 生 歸 火 畢

> 究焉。」 篇 復 寤 可作 慮 麢》,則公固 矣》、《甘棠》於《王風》, 師 生 生所定者,蓋合各十有一篇,退《何 而 屢 疑辨惑,如王先生之言,使淫邪三十餘 生,必以爲然也。 取 道嘗舉以告公,公方遵用全經,宜不 悉從屏黜之例,豈非千古 」啓夫 也。 矣,姑識於序篇之末,以俟後之君子 載 於《 今《鈔》中《二南 末 論 有 流破壞之弊, 如然卓然有見, 語 取於斯矣。 考證 惜斯 》,謂 而 論未究,而 相配 削 諸 以公之謹重 ···· 快! 去《 儒 圖 皆然之。 野  $\mathbb{F}$ 彼 公不 有 朱子 得 先 死

采遠 度數,以 黄 溍 援 日 前 . 補 以 先 先 Ē 生 儒 是 意終之。 之未 書 備 正其 仍 音釋, 攷其名物 存其逸義,旁

「□」,據《詩集傳名物鈔·吴序》,當删

0

## 羅氏復《詩集傳音釋》

二十卷。

存。

黄虞稷曰:「字中行,廬陵人。」

雲許氏《名物鈔》而音釋之。按:曹氏静惕堂有藏本,乃合白

朱氏公遷《詩傳疏義》

二十卷。

詳,於《詩》則病甚。 勞之意,而 子説《烝民》 公遷自序曰 存。 後 懿德之旨,孟 :「説《詩》之難久矣。 世 難 其 繼之者説愈煩,意愈 漢 子 説 儒 念北 章 句 Ш 自 訓 孔 詁 賢

傳》文以達經旨,而於未發者必究其蕴

者,且 俱微 論,惟 程子 足 《詩》者又當 年 賴焉,而多冗長不修,亦時 之心焉,未必不以易而 間,似輕 朱子取法孔子,又取法於孟子,又取法於 而 不同,辭若 雉》二章,得孔孟説《詩》之法。 室。遼遠乎千四百年,至明道先 自明,三百篇 與 辭 ,得朱子 言 ,少以虚辭 ,猶若未能 若 或《傳》之約者與之俱約,微者與之 輔 甚倨也,是則説《詩》者之難 而 氏 間 重,似 重複 前 羽翼《傳》説,條 知 因 備 可 其 輔 盡 而 焉 助字發之,而其 以 難 汎 意實 也。 氏 讀矣。 也 而 蓋詩 説 切,苟有 相 小子魯鈍 而 諸家自 視之也 承 主 然 擴 理 也 咏歌 時 虚 充之,剖 意意 通 有相 鹵 辭 脉 立異 是是 暢,甚 又數 膚 生説《 與與 莽 助 則 絡 末, 字之 則讀 矛 滅 委婉 文體 者 較 也 盾 析 有 雄 何 不

大過 未 若 語 矣 而 E 而 敢 待持 有 因《 與之周 助之聲 發者不羨其辭, 於兹。 以 默 其 傳》 契焉。 爲 無 是 旋 隨 求 敢 閱而教之,則幸矣。 也 也 而 經 慢之心, 此 ,優游饜飫, 爲之上下也,立言之趣 不 夫惟 不敏之資,困學之方, 庶幾乎 難 也。 堅 以 意 其 顯微 抑 逆志 欲自得之志 積日累月, 嘗 闡 從 者,必 幽之意 事 於斯 從 有 而

傳》下 受讀 洪先 與 所 復 頌 何 庠 ?!! 時 未 請 英 . 日 發, 維 生 後 日 訓 天 序 初 百 先 以 釋其義,發言外之意,瞭 月 『於《集 從遊 之命》一章之旨。 日 Ŧi. 生以 注 惠 :「先師 篇之《詩 天下 先正 以 特恩授校官 傳》 成 朱 學者, 其 皆得 松隝 氏公遷 書 贵 如 先生嘗 名 先生 日, 非 先 此 得 日 斯 章 正 生之門, 請 然 詩 文 以 謂 金 一於《 説 明 華 之 發 傳 野 ^ 幸 集 郡 谷 其 周 疏

> 來,囑 稿,謹 其 之説 閱 先 悦 義 之士,屢 體之作, 愛之仁,故 竊 鋟 師 詩 、藁數 河四 慕,雖 館 慮 刻,先生還 師宗兄 傳 其 於葉 節 黄文 録 疏 英 書通旨》 所遺 卷 致書 其切 語 補 日 義 相 氏 世 不 獻 遺 詳 意 . 不 傳 忘,恐, 載 廣 存 斾考終。 要者録 重 來 呼 公溍一 釋 録 揆 勤堂,參 游 而 所傳《詩 9 請 ,終亦 應 發 願 淺 加 書林, 語及《疏 成湮 尤 梓 明 爲 陋 增 傳 而 見,深 》,質諸 補 釋, 切 罕覩 没,况 正統 附 校 至 敬 傳 葺 究 足成 是書 葉 之。 歲 義 取 疏 而 心 加 君 庚申,景達 T 先 同 義 壽 景 焉 嘆 景達 永 藁成, 是 酉 師 門 景達 輯 諸 旁取 達 樂 賞, 英 編 所 録 然 友 梓。」 欲 家 Z 京 受餘 名 未 諸 侍 尚 學者 凡 廣 兆 英 惠 遺 書 先 德 因 興 就 儒

●「門」,原作「間」,據四庫本、薈要本改。

七五二

所願也。」 代文明之治,尚得與四方諸君子共之,是 劉 逃,庶乎有以表述先正斯文之德、昭際盛 剡,以卒先師之志。狂僭之咎固不可

學於同郡吴中行,以遺逸徵,授翰林直學 《江西通志》:「朱公遷,字克升,樂平人。 徙婺源。」 士,章七上,力辭,乃出爲處州學正,兵亂

《樂平縣志》:「公遷以 明之所」,學者稱陽所先 鄉試,教婺州,改處州。 至正辛巳領浙 生。」 嘗題其室 日 陽 江.

## 李氏公凱《毛詩句解》

存。

黄虞稷曰:「公凱,宜春人,字仲容。

其

書專取吕氏《讀詩記》而櫽括之。」●

## 曹氏居貞《詩義發揮》

未見。

《江西通志》:「曹居貞,廬陵人。著《詩 義發揮》,永樂中修《大全》,多采之。」

### 焦氏悦《詩講疑》

佚。

子和。 蘇 其學行可爲人師,授真定郡學官。 諸儒之訓 一天爵表墓曰:「先生姓焦氏,諱悦,字 與同郡安熙講説六經之旨、伊洛 ,莫不究其精微。 中臺御 史表 號其

#### 居曰兑齋。 有《詩講疑》 編藏於家。」

## 顏氏達《詩經講説》

未見。

陸元輔曰:「江陵人。」

## 夏氏泰亨《詩經音考》

佚。

《紹興府志》:「夏泰亨,字叔通,會稽人。 領鄉薦,官翰林院編修。」

## 吴氏師道《詩雜説》

未見。

一卷。

### 盧氏觀《詩集説》

未見。

黄虞稷曰:「字彦達,崑山人,熊之父。」

## 楊氏璲《詩傳名物類考》

未見。

歷寧海、縉雲及本州學官。」 《詩傳名物類考》,侍御史姚黻上於朝。 《兩浙名賢録》:「璲字元度,餘姚人。 注

## 俞氏遠《詩學管見》

未見。

七五三

## 蘇氏天爵《讀詩疑問》

叟之爲《詩》也』。」 之,蓋將就有道而正焉,非 傳》、吕氏《讀詩記》,偶有 天爵自述曰:「戊辰之冬,閱朱子《詩 存。 所 願學『固哉高 疑,輒

筆 録

集

《湖廣總志》:

「楊舟,字梓夫,慈利人。

吴氏簡《詩義》

佚。

《紹興府志》:「吴簡,字仲廣,吴江 以薦入官,歷紹興學録。」

## 楊氏舟《詩經發揮》

《江西通志》:「楊舟,字道濟,吉水人。」

登進士,任茶陵同知,歷遷翰林待制。」

韓氏性《詩音釋》

卷。

佚。

性明善撰。」 陸元輔日: 「元慈湖書院 山長會稽人韓

七五四

二十卷。

貢氏師泰《詩補注》

佚。

林氏泉生《詩義矜式》

子二

按:泉生行狀、墓志俱吴海作,平繆泳曰:「此專爲科舉而設,無足存也。」

生著述秪載《春秋論斷》,而無《詩

義矜式》一書,殆書賈所托也。

佚。

楊維楨志墓曰:「先生諱玉,字德卿,姓秦

倉,家焉。通五經,尤邃於《詩》。教授鄉氏,其先鹽城人,徙居崇明,又徙崑之太

里二十年,既没,其徒私謚曰孝友先生。」

余氏希聲《詩説》

四卷。

佚。

《括蒼彙記》:「余希聲,青田人。」

一七五五

六

## 周氏鼎《詩經辨正

佚。

若虚 古,必 疑滯 雖非 可執 成 肇於漢儒,然而正中 非空言比 從其類,然後可辨世道升降之由。 宋濂志墓 有托焉。先王以禮樂化成天下,而 久,多超特之見。謂《詩》分正、變之説 詩》之用見之,其效至於協 徙 廬 盛時之作,其 心玩之,策書紊亂,瞭然可見,必各 一而求。 縱横 附小、大《雅》之正者,勸懲之 陵。 也。 日 扣 從湜 • ,擊,惟 况其體製、音節复然 君於六經皆有 周 溪 鼎 人既 郭 恐其弗明。 有變,變中有正,不 字 Œ 賢,其書猶 表 仲 游 恒 和 論 神人之應, 六 先 著,未及 積 經 世 不侔 義 其詩 近 功 有 自 於 庶 於 古 既 安 所

### 方氏道整《詩記》

完,獨《

詩經辨

正》若干卷藏於家。」

佚。

^ 州判官 第,授翰林編修官 人,蛟峰 兩 浙名賢 引 先生之曾孫。 疾歸。 録》: 洪武初兩 方道 調 嘉興 登 壡,字以 至順二年 被 推官,再 召 ,不赴。」 思, 調杭 進 淳 安

朱氏倬《詩疑問》

存着

所 擬 劉 辨 錦文跋曰:「《詩經疑問》,朱君 以 淑 難 誠 人者 足以發朱子之藴 也。 朱君 以 明 經 ,而無高 取 科第 孟章所 叟之 凡

哉

在

乎

學

者

深

思

古

然其

間

有

有

問

後

無緒,今特

之東 辨 名建 水。』 倬 者 第 所 新 灘 皆作六卷,今本七卷,末附 孟 成 志》,豫章郡 説 德序 中 鎮 大 見 城 章 昌 著。 置 境 有 人 也 知 得 圖經》云 一卷。 倬 縣 江 0 有 日 以 爲 暇 姓 及考 新 朱氏《授 亦名 耳. 因 何  $\sim$ 城 名 F 讀 觀 余始得 號 詩 如 縣 有 近 載 盱 焉 新 黎 三在 疑 立於 人。 南 所 其 江. ار 安文 經 問 城 爲 縣 . ° ] « 是 爲 圖 考之《 》七卷,元 縣,注云: 東二百一 遂 宋 書 然後 [》、焦 獻 建 名勝志》云: 昌 紹 志 昌 稱 南 興 漢 尹 氏《 志 知 盱 昌 而 書 載 倬 ×, 進 黎 十步 經 趙 年 E 僅 爲 明 縣 士 . 進 德 籍 他 就 朱 於 建 有 地 初 士 詩 縣 倬 無 科 昌 黎 肝 里

宗紀 帝 辛 薦 吏卒 如 不可 於仲魯者 郎,遂安縣 初 王 哀辭 志》載 哀辭》亦有 其 至 辰 Ė 『授某 ,登壬午 逃 爲 數 間 解 Œ 元 歲歲 倬以 言 二年 倬 ,則《志》所 順 州 豊 Ē 帝 第 口 自言登 在 尹 《辭》言 兩 登 壬 『十年未禄,奚命之 遂 倬大書於 至 所 至 知 庚 任 爲 譌 順 科 Œ 考襲 而 午 辰 則 皆 以 而 元 第 + 元 倬與 云 秋 七 已 憂家 試 倬以辛 年 爲 仲魯之交倬當辛 年,未 至 + 年 艮 哀 爲 職 座 登 寇 至 年 馬 順 ^ 官 辭 居 歷 壬 第 由 順 者 ·, 壬 故 有  $\leq$ 沾 矣。 因 代 一午其 開 旦 考至順 耶? 誤 服 不 午至 蓋 寸 甲子 得 生 化 翼 也 授 , 屯」語 領 禄 而 據 録 爲 趨 贵 《解 禄 倬 授 辛 編 江 其 元 年 元 遂 仲 之言 文林 卯 爲 以 耶 季 西 年 卯 殊 言 恰 文 鄉 守 順 而

七

Ŧī.

八

哉 吏,不 黄 考 興 大 竟 賊 未 卷 仲 非 事 至 爲之立傳,郡人亦不載其 舍,乃赴水死。』遂安爲嚴 死 浙 ? 亂 Œ 一,則 魯《詩》 仲 學 無 餘 爲 犯 而 縣 傳 黨 江 省臣 晃 十二年,考《元史》,是年七月,饒、徽 魯是《辭 誦 元 不 僅 誠 其著是書 鄉試 嶺 鬼」語 其 尹之前。 鳴於 由 》義 以 口 詩 關 事 衢 以 哀 一死自了者。 防,陷杭 始識 而惜 者 朝 而 失陷 也 ,遂坐公所 民 ×, 至 耶 己。 無 煕 其 不 其 ? 贵 嚴 郡 仲 疑 州路,當是其 化 不 論 幾 非 者 . 魯於 ^ 邑 ^ 辭 遇。 治 哀 經 自自 其 與 以 也 以 蓋 義 辭 邑 葛 行 爲 荒 飾 州 稱 而《元 蓋倬 待 大抵 小 屬 元哲 是 歲 事於《志 不遑,遂掩 燃 哀辭 倬 又 職 邑、壬 書 庚 野 固 稱 以同 史》既 卑,時 時 家 寅 也 蔓 當 發 其 寇 因 朱 同 時 當 ×, 倬 下 辰 經 焚 子 見 荷 良 其 方 後 蘄 在 閱 盡 不 車 爲 廨 口

> 章章 以 説 妙 蓋 元 , 義 高 不 欲 傳》之蕴 若是 仕 隱 詩》 也。 使學者 稱 其 隱 乎 趙 雖 居 ! 德者,故宋宗室 心 往 耳 無 豫 思 是不 往 經 章 自 微 學,皆 嗟 東 得,不 可 啓 嗟, 湖 以 其 倬 無 可 端 於諸 欲 傳 表 以 一,舉進 베 遽 也 見,况著 義 不 經皆有 告以微 烈著, 竟 士; 其 説 述 德 辨 辭

義 考 卷 百十一 終

經

弟子青浦 陳維鏞覆

男昆田校

詩十五

梁氏寅《詩演義》

陳氏謨《詩經演疏》

未見。

朱氏升《詩旁注》

八卷。

汪氏克寬《詩集傳音義會通》

《詩考》

未見。

四卷。

經義考卷一百十二

未見。

未見。

其義而申之,謂之《詩演義》。」

寅自述曰:「於《詩》也,因朱子之《傳》演

一七五九

六〇

宋濂 邇 吴先 音義 索,具 德 唐 父東 宣 能 至 久 或 正 望於來學。 危 明 矣。 引 於《詩傳 孔 素 家 詳 貯 序 會通》,其 證 序 穎 君 生 Ш 而 (見成 經 間、《易》、《禮 受 議 年 祁 達 群 讀 日 口 E 典 理 者 學 門 高 書、 復 翁 釋 書,分 者  $\leq$ 所 尚尚 「漢晉諸 德邵 盛哉,君之 於 爲《正 汪 人 時 文》之書遂 新 爲 當 兩 自 有 君 饒 熟 有 安 明 爲 先 序 凡 爲三十卷,名 謂 仲 先 所 涌 朱 義 則 例 生 **≫** 生 孔之繁 裕 儒 士林之蓍龜 訓 未 子 聲 以 十有 俱 伯 什 甫 既 用 ? 春秋 通 ^ 與 · 字 興《詩》成 鄱 詩 輿,君 蚤貢 傳 造 心 之 故 之 蕪、陸之疎 傳 傳 而 ! 窮 》各 兼 學者之患 訛 條 於鄉  $\forall$ 使 鄉 以 日 距 之學 蓋 行 之 釋 云。 有著述 下 或 理 祁 幽 其 樂 詩 教 六 邑, 文 明 門 從 之效 所 蓋 得 探 集 經 當 大 授 贵 漏 名 於 傳 甚 此 陸 徧

> 慨 多 第 子 親 得 者。 若干卷, 生 不 事 己之志哉 正 得 春秋》中 尊 弟子 浙 不 得 然 新 證 爲 鵠之中 失固 事 得 之 當是 其 音 然 以 安人,其從 之。 注 黄文肅公之學 門 義 者 也,其授受淵源 致 命 引古今之書 時, !」於 ,其大義 君 而 有 矣。 前選,已 也。 抑 先生幼 所 澤 欲 伊洛之學 亦 未 民 閫 三百篇之《詩 明 是 難矣。 大父 喻 爲 奥之人, 諸 固 而 作《 即從之游, 己 輒 經 已 上 文文 東 凡 詩 任 最 未 昧 昭 以 春 前 Ш 百 集 淑 爲 興 昧 如 官 不 鄉 肅 君 餘 傳 應 親 後 日 而 不  $\approx$ 調 貢 則 嘗 則 家, 音 言之, 世 學遂大 切 書 星 利 自子 其 進 子 從 其 義 有 疑 士 弓 不 故 讀 朱 失 雙 嘆 會 司 學者 朱 猶 汪 譬 子 峰 者 而 有 日 通 辨 行 高 先 猶 於 子 思 饒 不

者矣。 私。 爲 從 要》、《經禮補逸》、《周禮類要》、《四書音 先生飄然東歸,因 是與先生談經,其深詣遠到,殆非當世之 嘗一會之,迄今三十餘年。先生以修《元 詳、聲字之訛 之,闕者補之,朱子之欲更定 士所可及。 史》被召至京師,會濂亦來總裁史事 不屑爲,没溺辭章者 一》、《通 有 而簡 何如哉? 而 疏 Œ 益於世 先生所著,有《易傳義音考》、《春 嗚呼 》、《春秋左傳分紀》、《春秋諸傳提 而弗繁,精 之。 鑑綱目考異 稽 非 方欲執弟子禮而請業焉,而 多 濂少先 其用心,固 忽 但今所序之書而已,因 自經學湮微,其於名物之 而 加 爲叙其書,以志歆艷 生七 不 不講 》、《六書本義》等 有不暇爲,其視先生 疎,則有大過於人 高 歲,應書武林 欲孔、陸無 談性 而未及者 命 者 於於 異 秋 之 有 亦

> 谷先生云。」 谷先生云。」 一次之。先生名克寬,字德輔,學者尊爲

# 曾氏堅《詩疑大鳴録》

一卷。

未見。

雲南左布政使。」 揭軍門,太祖仍命原官。後宣德初,歷官外郎。徐達克元都,堅同學士危素等出黄虞稷曰:「堅,吴江人,仕元爲禮部員

别有 出 曾堅」。 Ш 俞邰謂 按:堅嘗序薛毅夫《 慶元 圖 所 詠 據 是吴江 洋」、蓋猶 集 序有云「余再以 》,自 其書葉氏《 人,宣 一稱「滄 屬至正年間 德 海 菉竹堂目 初 明洞 使事 逸 尚 吏 存 航海 臨 天 ",度 事 丹 111

有之。

范氏祖幹《讀詩記》

未見。

辟爲 受業白雲許先生之門。 金華府志》: 諮議 以 親 范祖幹, 老辭。 字景先,金華人。 太祖 鄉 人 帥 稱 師下婺, 爲 純孝

何氏淑《詩義權輿》

先生。」

未見。

朱氏善《詩解頤》

四卷。

□」, 薈要本作「明」。

存。

七六二

是愈議 學者,但歲久不能 其子叔□既鋟諸梓,❷遠邇讀《詩》之士往 得家學之傳,經籍無不考賾,至古《詩》三 淵閣大學士 析類,正其譌 承乏南昌司訓,上下亦莫不重是編之便 往稱之,不啻良金美玉之重焉。 生遂取『匡説《詩》,解人頤』之語以名之。 集,俾誦之者不待玩諸 肯綮處,輒録之。 百篇,尤博極其趣。 丁隆題後日 命工重刊,以 . 誤,以 齋朱先生之所述也。 |《詩經解 時愚 無亥豕魯魚之難辨,於 便觀覽,亦未必無小 每授諸弟子,於發明 廣 心 亦 其 頤 而 在門,不數年 傳。 喜形於色,先 編,先師 愚僭 比年愚 先生 分章 成 文

0 孝」,原作「老」,據四庫本改。

補 云。

楊 《江西通志》:「善字備萬,號一齋, 部侍郎盧淵,凡二册。 大學士朱善著。 人,隱老之子。洪武 士奇曰:「《詩解頤》四卷,國朝文淵閣 南昌有刻板,余得之兵 初,官至文淵閣大 盧,朱之同郡人。」 豐城

學士。」

王氏禕《詩艸木鳥獸名急就章》

篇。

存。

高氏頤《詩集傳解》

一十卷。

未見。

十五卷。 未見。

張氏洪《詩正義》

蔣垣曰:「字應昌,福寧州人。」

廉,任海鹽知縣。」

黄虞稷曰:

呵,

福安人。

洪武

中舉孝

何氏英《詩經詳釋》 一作「增釋」。

未見。

按:是書當即朱公遷《疏 義》增

### 楊氏禹錫《詩義》

二卷。

供

間,以經明行修辟授本縣學訓導。」《雲南通志》:「楊禹錫,太和人。洪武

### 瞿氏佑《詩經正葩》

佚。

熙乙巳,英國公奏請赦還,令主家塾。」
右長史。永樂間,下詔獄,謫戍保安。洪中,以薦歷仁和、臨安、宜陽訓導,陞周府與,以薦歷仁和、臨安、宜陽訓導,陞周府

### 鄭氏旭《詩經總旨》

一卷。

佚。

黄虞稷曰:「旭,閩縣人。建文中,官儒

學訓導。」

彭氏奇《詩經主意》

未見。

胡氏廣等《詩集傳大全》

二十卷。

七六四

清、黄 謨 禮 黄 吴任 直 部 士、迪 景 陳 蕭 翰 院侍講 夫 夫、北京 人,翰林院學士 初 奉訓 約 部 著 全、林 郎 主 時 林 事 仲 郎 翰 中、陳循、翰林院 院 廣 臣 刑部 功 壽 黄 侍講 楊 奉 日 中 郎 刑 翰 林 誌 大夫、禮 生、 裳 榮,奉直大夫、 : 王 主 輸輸 政 部 院 林 王 金幼  $\overline{ }$ 羽, 陳 事 大夫、右春 承 進 院 檢 員 林 詩大全》纂修官亦 用、 洪順 兼左春坊大學士、 翰翰 討 德 外 庶 奉 院 孜,翰林院修撰、承 部員 郎 吉 郎 議 陳 編 從 林 吴嘉 1: 沈 編修、文林 大 璲 修、 外 院 刑 仕 涂 升,承 右春 i 坊右 大、兵 郎 部 典 郎 承 翰 静 順 籍 吴福,奉直 主 余學 事 林 坊 庶 奉議 承 德 事 郎 部 院 修 右 子 夔、 直 郎 段 李 郎 職 郎 Ŧi. 兼 奉 四 諭 郎 民 大 周 貞 中 佐 經 劉 刑 德 + 務 翰 政 夫、 述、 禮 大 童 永 承 郎 博 陳 郎 大 兼 部 林

> 思敬 郎 安。 者。 書, 儒 諭 或 事 各篇之下 東 主 學訓 杜觀 道 子 王選,文林郎、太常寺博士 事 太醫 僅删去 監 按: 要之,當日 蘄 監 章 導 察御 博 ,善化縣 敞、 州 院 是 ·, 是 彭子 1: 數 儒學學正 御 楊 書 史陳 王 條 書 醫 勉、 止 ,斐,鎮 復原, 前 儒 則 元 趙 抄 道 周 學教 别 未嘗纂修也。」 友 襲 劉 潛, 忱 爲 傅 常 安安 同 江 本 舟,濟 承 諭顏敬守,常 吴 府 州 成 以《詩・ 編,若似乎不 迪 事 紳, 府 儒 劉 功 郎 學 瑾《 陽 儒 一黄福 佐 大大理 文林 學 訓 縣 小序》 通 郎 教 導 儒 郎、 釋 修 寺 州 授 北 留 學 **>** 隸 教 廖 評 職 府 日 季 京 廣

### 魯氏穆《葩經或問》

未見。

陸元輔曰:「穆,天台人。永樂丙戌進

士,累官都察院右僉都御史,理院事。」

劉氏翔《詩口義》

未見。

黄虞稷曰: ,官翰林院檢討。」 翔,清江人。 宣德己 酉 舉

范氏理《詩經集解》

三十卷。 楊守陳志墓云"三卷。

未見。

《台州府志》:范理,字道濟 德庚戌進士,官至南京吏部左侍郎。」 ,天台人。 宣

王氏逢《詩經講説》

《樂平縣志》:「王逢,字原夫。 薦授富陽學訓導,尋以明經召見,放歸 杜門講學,鄉里稱曰松隖先生。」 宣德初,

李氏賢《讀詩記》

未見。

孫氏鼎《詩義集説》

四卷。

七六六

未見。

黄虞稷曰:「書成於正統十二年。」 史,提督南畿學政。」 永樂間 江 西 通 領 志 鄉 **▽**: 薦 任 孫 松江 鼎,字宜鉉,廬 教授, 擢監 陵 察 人。 御

### 陳氏濟《詩傳通證》

佚。

楊氏守陳《詩私抄》

四卷。

存。

或以爲子夏、毛公,或以爲衛宏,莫能定世無異論矣。其《序》或謂作於孔子,又守陳自序曰:「《詩》三百篇皆孔子所録,

説之; 其間 而 因 謬妄淺拙,實漢儒所作,不當分冠諸篇 《集傳》,多主夾漈之説,且斷然以《序》説 晦 説 漈 潁 《讀詩記》皆從之,他 也 濱,始皆疑《序》而嫌傳、箋,各出其所見。 經,無敢有議而違者。至歐陽文忠、蘇潁 之箋從之,唐孔祭酒之《疏》、宋吕 遵之。 併 深闢 庵朱夫子博考諸家,深探古始 ,或謂其私心自是,●殆於不知而作者。 濱則例 爲 有 然自漢毛公據《序》作傳, 文忠則於傳、箋之善者皆從之,而 悖 傳、箋之妄,盡去《序》而自爲之 編,而詳 理咈 取《序》之首句,盡去其下文而 奮千古之卓見,以掃百代之陋 情者,始易之耳。 論其得失,學者莫不信 儒亦莫不尊《序》如 而 獨鄭 東萊之 鄭 以 康 爲 夾 成

■「私」,據《楊文懿公文集》卷五,當作「師」。

之道 蒙 信之, 從 家  $\exists$ 詩 聞 其 嗟 經 久, 辨 理 詩 益 爲 乎 傳 厭 之,今雖 則 其主 少 精 非 因 疑 從 《集 學 者 則 到 ! 淫 箋,或 猶 . 詳 東 歷 詳 命 夾 專 先 無 徒 詩 數 萊 《序》説 措 未 考 味 傳》 世 漈 抄《 愧 祖 之 之 以 能 固 百 各 專 辭 之 栖 聖 繁 也 易 集 嘗 年 釋 而 其 門 家 簡 大 則 芸先生授《詩 賢, 多 也。 之 以 議 托 而 傳 與 傳 舉子,尚 明 貫 儒 所 謬 之, 7,諸家 他 疑 鄭 **>** 久, 名 穿 何 注 疑亦不 今居 妄 於 之矣。 説 獨 其 古 啻 其 衛 無 擇 聖 淺 於 孰 今,折 百 後 諸 敢 或 莫 或 賢 拙 疑 而 閒 能 世 馬 更 止 寫 有 有  $\forall$ 風 抄 處 信 未 其 一之山 與 者 故 氏 此 能 愚 之 衷 疑 釋 静 僅 後 端 於 盡 世 有 見 於 百 者 以 逮之者。 日 聞 徧 斗。 歷 况 臨 此 斷行 儒 如 附 此 大旨 氏 誦 或仍 考 味 朱 朱 歲 哉 尊 亦 爲 者。 子 諸 諸 嘗 發 洊 子 IIII 涇 而

> 冬十二 焉 言之,不自 亦 經 香 而 講 斯 始 愚 初 月。」 多疑 學 僭 道 可 妄之 皆 小 以 而 生 知 驗 由 終信者。 極 乃 其説之謬甚 學之進 粗 者 敢 以造 哉 私 竊 矣。 精 今蒙學 去 雖 而 取 也 然 天 於 於 順 俟 未 自 前 其 昔 元 至 他 言 間 年 而 儒 H 往 1 贵 改 輕 生 H. 據 非 IE

之,未 授之政 自 詩 子 簡 戚 人 而 Ŧ. . ∃ 作 雄 切 而 或 鏊 ,不然其 詩 易 爲 與《 Ė 日 : 敢 . 曉 之説,卓 而 必 : 盡 詩》 =文王 西 自 屏 可 人去之千古,安 鏡 詩 土 詞 命 謂 川《 服 舉 題 不 至 哉 有 閎 小序》序 應。 詩 朱 或 其 功 此 夭、 抄 子 史採 於 爲 説 自 泰 **>**  $\equiv$ 見 有據 於《 宋 所以 切 顛 之亦 白 也 知 刮 以 於 兔罝 篇 微 置 來 作者之意 去 必 視 矣。 意 罔 **>** 著 古 自 之中 引 所 多 其 注 但 諷 屬 古 疑 墨 所 亦 其

多失,然去古未遠,其説亦或有自。朱子不沉《序》説,獨味《詩》之本旨。毛、鄭固不沉《序》说,獨味《詩》之本旨。毛、鄭泥於不知果誰能得作者之心也。毛、鄭泥於使今人爲詩不自命題,則釋之者人人殊,

鳴》、《丘中有麻》之類、《序》以爲思賢; 夫會盟,多賦《詩》以見志,使皆淫辭,焉 生矣,何取於多若是?如《風雨》、《鷄 大會盟,多賦《詩》以見志,使皆淫辭,焉 指爲淫奔。楊文懿公守陳謂春秋列國大

泰甲

·戌進士,官至辰

州知

府。」

姑從其舊,未爲不可也。」《青青子衿》,以爲刺學校廢。如此之類,《木瓜》,以爲報功,《采葛》,以爲懼讒,

誤收以備三百之數,故其所著《私抄》删者,近世四明楊氏直以爲秦火之後,漢儒黄佐曰:「朱子所指淫詩與《小序》説異

者,諸淫詩具在,誤收之説,豈其然乎?」削而改編之。愚謂《左傳》載列國所賦

### 易氏貴《詩經直指》

十五卷。

以夫子『鄭聲淫』之説,於鄭、衛之《風》多

郭子章曰:「易貴,字天爵,吉水人。佚。

黄氏仲昭《讀毛詩》

一篇。

存。

一七六九

景

李氏承恩《詩大義》

未見。

程氏楷《詩經講説》

二十卷。

未見。

樂平人,成化丁未進士,一合肥人,天啓高佑釲曰:「攷《登科録》,程楷二人:一

乙丑進士。《詩説》未詳誰作。」

劉氏銓《詩經發鑰》

佚。

《寧波府志》:「劉銓,字世衡,慈谿人。

王氏彦文《詩傳旁通》

以貢爲丹徒訓導。」

未見。

錢金甫曰:「華亭人,號益齋。

官嘉興縣

儒學教諭。」

丁氏徵《詩解》

佚。

鄭氏滿《詩經講義

未見。

壬子舉人,濮州知州。」 《浙江新志》:「滿字守謙,慈谿人。弘治

#### 陳 氏 鳳 格《毛 詩 解

未見。

無容議 不宜 至晦 及程 家, 日 諸公世次可攷,而 箋之,孔穎達疏之。迨宋,劉、歐、王、蘇 而 鳳 什爲秦漢諸 一《南》多閨 邶》、《鄘》之後,列國之《風》,註疏 梧 毛氏獨著。 庵朱子作爲《集 一子、張子各有《詩》説,而 正 無 自序曰 齊、魯、韓、毛,厥後三家之説 變, 矣。 别 , 門之詩, 暨商 鳳 : 儒 ^ 毛之注多近古,而鄭康 王 梧 所 秦 風》宜 亂 嘗反覆考究、《詩》之篇 先後 周 漢 ,往往失其次序。 傳》,固 而美大夫、賢 ^ 以 混 頌》各有世次,而 首 來,說 淆;大、小《雅 列國,不當 E 家 未 ^ 詩》者 叶 傳 土 於 人誦 不傳 之篇 明 如 有 居 成 兀

> 於有道 本詠 悉以 焉,名曰《毛詩集解》,凡若干卷,將以求正 箋、孔氏之疏,稽諸 訓釋之不可不更者也。 也。 及余别著篇 川之《詩抄》,面間 東萊之《讀詩記》、嚴華谷之《詩緝 次考定其篇什,爰取諸毛氏之註、鄭氏 戾於思無邪之旨,而 言,且過懲《小序》之失,有可 亦 相 如《桑中》、《溱洧》諸詩本刺 他 至 雜 爲淫者所作 也。 事 於 於 其 也 註 若 什致定一 前 釋, 中。 馬 則《集 亦 番 "《静女》、《木瓜》諸 此 以 朱子之《語類》,參之吕 陽 篇 有 亦 爲 之論、 卷,悉具列篇端,庶 傳 竊不 什 一得之愚,亦 非所以 淫者 》泥 之不 楊鏡 自揆,悉據 於 所作。 因 垂訓 可 放 者 淫 ]1] 不 鄭 亦 》、楊鏡 之辨, 也 不 正 附 聲 輒 一,而 之 詩 者 見 此 無 世 改

0 詩緝」 原作「詩輯」,據本書卷 百九改

七七二

以 解學《詩》者之疑云爾。」

許氏語《詩考》

未見。

陸 氏深《儼山詩微》

一卷。 存《嚴 Ш 》中

闕。

深自序 間 疑,輒 亦 誦 未 於僚 習。 敢 用劄記。 日 中歲業舉,反覆諷咏之餘,竊有所 遽 友間稍 "「深承父兄之訓,於《詩》自少 以 爲 出 是也。 迨通 一二質之,頗有 籍禁林,獲交賢俊, 今六十年矣,雖於 合焉,而

> 焉爾。 多仍 罪,安所於逃! 爲朱子之忠臣而後已。 存焉,其闕者後焉 序》,兼 乎 舊 採 衆 是 長 以以 編 前 **觕令後世知予之苦心** 也 明 詩 因 蓋 嗚 人之旨 以附 欲 呼! 折 見鄙説,求 衷 其 僭妄之 ^ 傳 疑 者

《南》、《邶風》而已。 擕人京師,爲 按:《詩微》業有成書,公子楫 有錯簡而更正之。 朝 士 存《儼山集》中。 其於《大序》,疑 竊 去,僅 存 稱

張氏邦奇《詩説》

卷。

四十一作「擬」。 後」,陸深《儼 Ш 集》(影印文淵閣《四庫全書》本)卷

經

術

終

身難聞

前

一得之愚不忍自棄,聊

存 藁

以

示子孫,目曰《詩微》,其章句篇什

《小序》何也?』曰:『《小序》者,如今人

### 湛氏若水《詩釐正》

二十卷。

國馬。 取 之,獨存三百篇也。 十一篇者,非夫子所删淫詩,好事之儒 邦國乎? 大不可也。此夫子之所以去 章也,奏之鄉黨焉,奏之閨門焉,奏之邦 思無邪。」無邪者,正也。夫古之詩皆樂 人焉者也。「《詩》三百,一言以蔽之,曰 存於經也,此必夫子已删,後儒復取 甘泉子曰:『釐 若水自序曰:「『《詩》何爲 而混之爲三百十一者乎?』『其釐 存。 淫奔之詞,果可奏之鄉黨、閨門、 Œ 夫淫詩 今乃三百十一篇,其 也。 而釐正也?」 淫詩 而 不 E 復 可 雜

> 《詩》正矣。』」 後之生乎千百年之後而臆計乎千百年之 《詩》之《大序》,孔子弟子子夏以夫子之 之,使《序》純 正,然其中有數字 前者異矣。 史謂小史也,其時近,故其記事也切, 意爲之。 作詩必先有序於前,爲某人 其曰「國史明乎得失之迹」,國 故論《詩》者必以《小序》爲 乎古則《序》正、《序》 後 儒雜人者,釐 某事 爾 也。 正則 加 E 與

經義考卷一百十二終

弟子武進薛景瑄覆校

下「某」字,原作「其」,據薈要本、《湛甘泉先生文集下「某」字,原作「其」,據薈要本、《湛甘泉先生文集

0

# 王氏崇慶《詩經衍義》

秀水朱彝尊

男昆

田

詩十六

韓氏邦奇《毛詩末喻》

未見。

卷。 存。

《詩》奈何? 崇慶自序曰:「《詩》三百,周詩也。 作《詩經衍義 學莫大乎性情,《風》所以風此也,《雅》所 思康、微子也,周先王之用心篤矣。 志,反之無聲 之事物以觀其變,弘之學問 以雅此也,《頌》所 人爲之也。 夫上公之封,禮樂之備,所以 頌》十二,得之周太師氏,而亡其七,亦周 曰:本之吾心以審其幾,參  $^{\circ}$ 無臭以 以頌此 會其 極 也。然則學 ,其庶幾哉 思辨以廣其 是故 商

經義考卷一百十二

胡氏續宗《胡氏詩識

存。

未見。

# 馬氏理《詩經册義》

未見。

丁氏奉《詩經臆言》

錢金甫曰: 正德戊辰

進士。」

楊氏慎《四詩表傳》

卷。

未見。

「丁奉,嘗熟人。

李氏淮《詩經童訓辯疑》

未見。

未見。

黄虞稷曰:「淮字巨川,聞喜人。正德甲

戌進士,歷官都察院右僉都御史,巡撫

延綏。」

霍氏韜《詩經注解》

王氏道《詩億》

未見。

一七七五

### 舒氏芬《詩碑説》

三十篇。

未見。

高氏尚賢《詩經摘玉》

佚。

錢金甫曰:「尚賢,新鄭人。正德丁丑

進士。」

王氏漸逵《讀詩記》

未見。

可以興。』故大樂正以絃歌爲教,令入學漸逵自序曰:「予聞夫子之教曰:『《詩》

免於 雖 師 人而猶恐其不順,而况乎以邪感之,其能 曰:『正聲感人而 也 之典。至於夫子之删之也,則 之官,凡關於政治者悉采,以行 先王以政治得失原於風俗,故設 以《小序》之所記者皆以 萊講解,皆主夫《小序》,晚年乃盡變之, 興』者,正在於此。 賓客之所酬答,罔不賦以示意。 至春秋,《詩》學盛 者習之,而聖門閒居雅言亦爲首務。 己意逆料之於千百載之下,盡《小序》、講 而削其邪,蓋爲庶民 然,以 訓 , 豈復有淫邪者與於其間哉? 詁 諷 而 一而勸 刺幽、厲之詩而加之宣王,以正 廢之,此予之所深惜而悵歎也。 百 乎? 和 嘗嘆夫朱子初與吕東 行,其君臣之所宴 小子、後世學者而設 氣應之。」夫以正 不 爲淫 知朱子何爲 一歸 "賞罰 風。 其一可以 《樂記 爲 於正 黜 采風 感 及 以 陟

黄氏佐《詩傳通解》

《雅》之什而入於亂世,此又《小序》之失也。非朱子,其孰能辨而正之哉? 予因故為訂正《小雅》之圖,猶欲盡其章旨而改正之未暇也,姑識於篇端,以求正於有改正之未暇也,姑識於篇端,以求正於有道之士焉。」

### 季氏本《詩説解頤》

八卷。又《總論》二卷。

存。

後學。」 其志 於 徐渭曰:「會稽季先生所著《詩説 舊 IF. 聞 一,其見 深 有 遠 得於孔氏之遺旨, 一,其意 悉本 於經, 而 解 有 不 頤 泥 裨

二十五卷。

存。

佐自序曰:「《史志》謂:『漢興,魯申公始 子之言矣;又曰『騶虞,掌鳥獸官。 雎》嘆之」,以爲刺康 世。』或泥於『魯最爲近之』語,必欲宗之。 莨善《詩》,自云子夏所傳,是爲《毛詩》, 爲近之。 傳,或取《春秋》、采雜説,皆非本義,魯最 爲《詩》訓詁,而齊轅固、燕韓 然《魯詩》今可攷者,有曰『佩 而未得立。其後三家廢而《毛詩》獨行 三家列於學官。 王而作,固 獨漢初趙 玉晏鳴、《關 嬰皆爲之 已異於孔 古有 人毛

一七七七

已謬 焉 懲 所 宏而 以言 世 梁 詩 猶 也 於唐宋,解之者亡慮百家,子朱子 或 天子言哉? 三家也。 集傳》,其學大行,然後 創 刺刺 劉 疑 記 病其違毛氏 一傳,皆 至此。 皆斷 盡 佐 逸 經文之誤 植、王 詩》,樵則 有意於會萃所 0 復主 少 削 志 天子 去之,遂以己意爲之序,凡詩 誦《 惜夫鄭 施 以 非 一毛《序 他 之田 爲 肅 於 本義。 其爲 詩》, 加 ",或訂 多 禮 淫 如《齊詩》之五 斥《序》之妄,以爲 宗鄭 玄、 所 義 奔 也」,文王  $\stackrel{\checkmark}{>}$ 周 大 難 者 者 長 子朱子 孔 此《毛詩》所 本 樵。 旁 南 所自 駁 矣。 ()則其 傳 穎 及《 聽 **×**< ,紛若聚 之失。 達 蓋 作,則 事 吕 者專矣,論 見 所 召南 心 毛 注 際、《 殷, 氏 謂 而 未 氏 疏 祖 深 主 以 嘗 非 訟。 魏 箋、 贵 出 \* 韓 謙 始 於 善於 自 有 晉之 首 所 可 詩 疏 者 滿 讀 爲 迄 以 玉 謂 衛 取 尾

> 其 道 是 更 而病 海 病,不克終試 命 下, 而 日 ×, 間 正云。 加删 首明《 日《 命 得 詩 潤 || 詩 嚴 集 經 , 癸酉 氏 加 傳》之意 通 傳 歸, 粲《 解 旁通 罹憂廢 詩 乃復修 緝 **%** 藏 而 》,復采人焉 諸 棄。 IE. 附 改,并及禮樂, 篋 德 諸 笥 丁丑北 庚 説 以 午 異 俟 領 同 有 自 薦 於

### 趙氏鼒《詩經會意》

佚。

鄭 貢 (生任户 玥 日 . 「趙 部司 鼒 務 ", 陞南 雞澤人。 刑部員外 弘、 īE 郎 間 由

●「梁」,原作「良」,據四庫本、薈要本、《補正》改

朱《傳 不 或 説 宗《序》説,分置 雖 之學寢亡 儒繼興,各以己意發 韓、毛,後 公自序曰:「兩漢言《詩》者四 集傳》成,立之學官, 出 其 卜子夏所創,毛公、衛敬 可 舛 盡 於國史之采録,或出於講 存 影以 誤 廢 博 矣。 毛 不 科試 ·類間 氏 信 昔人謂《序》非 獨 哉 諸 ,於古之注 亦 存, 言 篇 有之,而要之古《序》 矣 (明經 之首 三家先 大行 1 世 指 仲 於 疏 一之經 先 潤 後 時, 家, 一人之言 不 師之傳授, 儒 色之。 並 迨朱文公 復過目 生 耐 謂 廢。 齊、 宗法 毛

氏

詳 其 覽 粹 所 蓋 愚 義 者 説 録 朱《傳》之旨 存 獵 或 日 口 所以 以 興 有 成 以 明, 立 諸 月 月 偶 朱氏所定傳序,次 》符合訓詁 雖 鄭 又 得 帙 玩 訓 羽 説 可觀 契於、 可 思 未 笺、 觀 纂言 夫 翼 焉。 助 名曰 就 裨朱《傳》,遂牽 協 朱 温 朱氏, 博 觀 孔 衷 厥 正 克 口 吕 爲詳 物 以《序》説録 柔敦厚之教,庶 疏。 有 ,則於篇 ,其標識賦、比、興諸體 ^ 中, 兼 群、 升《 東萊氏《讀詩記》而善之, 輯 治 道。 而 總 説 聞, 亦 且 其 可怨之指,亦 疏 非 古注 ×, 詮 盡 微 録 蘄 義 以 而 末 次 録 言 於 經文,次則雜 牴 非 連采 書 冠各 而 置 不 予乃合 朝 緒 而 牾 以 附 家 廢。 善 夕吟 論 毛 幾 儒 鈎 以 掇 之, 塾 詩之前,次 氏 孔 可 可以 先 奇 乃若《 集是 備 咏之時 之説 其 子 廣 庸 也。 獵 遺亡。 得之 )所謂 弗 見 發 便 尤 采 異 始 觀 疏 聞 明 號 毛 會 畔

序》

毛

七七九

寧

非

闕

典

乎

哉?

予幼

肄習是經

既

而

涉

義

考

卷

白

干三

七八〇

#### 矣夫。」

### 豐氏坊《魯詩世學》

三十六卷。一作十二卷。

存。

書 而 稷,然實自撰。 黄虞稷曰: 也。 同時又有作《詩説》託之申培者,皆僞 「坊言家有《魯詩》,傳自遠祖 又作《詩傳》,託之子貢,

之《序》。 按: 慶,以《補音》歸之耘,以《正 音》歸之遠 疋」,●「大雅」爲「大疋」,盡反子夏 詩傳》於前, 豐氏《魯詩世學》列僞《子貢 謂 祖稷,以《續音》歸之 之「世學」者,以《 而 更「小 雅 爲「小 立説》歸 Œ

> 公若 以象 皆坊 皆信之。 審」,見《漢書注》。 處」作「閻妻」、「中冓之言」作「中 作「陽」,見《爾雅注》;「豔 樞」作「蓲」。 飲」,「三歲貫女」作「宦女」,「山 穡」作「嗇」,「坎坎伐輪兮」作「飲 适《隸釋》所載蔡邕 得見之? 知《魯詩》亡於西晉,自晉以後 綃」,見《儀禮注》,「傷如之何 河水清且漣漪」作「兮」,「不稼不 泰 隸 一手所 和 體 而 其僅 郭 僞 製 此外,「素衣朱薄」作 又爲此 爲 子章、京山李維 Œ 也。 存 始 可證者,洪丞 而豐氏本則仍 坊恃其 書以欺世,不 石 殘碑數 經 妻扇方 版, 能 時 楨 有 一相 孰 鉅 輩 如

0 「疋」,原作「正」,據薈要本、《補正》改。下「疋」字同。

之其父熙,而己爲之《考補》,其實

欲申魯説

而

改易毛

文裕之言。

排

之言。且慮己之作僞未能取

人,則又假託黄文裕佐作序

遑家矣」,肆逞其臆

見,狎侮

麗

于箕,風

揚

沙矣。

武

之辭曰「馬

鳴

蕭

蕭

頌

×;

又移

逸詩

唐棣

之華

於《東門之墠

》二章之前,而

名爲《唐棣》;

又增益《漸

與

毛傳不

同

而

豐氏

本

無

與

合,是未詳《魯詩》之義

也。

也。

楚

元王受《詩》於浮

丘

向元王之後,故《新

序》、《説

列女傳》説《

詩》皆

依

魯,故

獨

欲

同

毛

傳之文,是未

覩

《魯詩

行於

七八一

有

南

是觀

子之言

爲 刺

七八二

惑 稽 魏 經 今文淵 之言, 時 也。 爲 石 坊 經,目 僞 閣 稍 人撰,乃 之 有 書 中豈不 知 目 誣文 識 録 者,當 登 具 裕得之中祕 在 載 使 不爲所 果 洵 有 無

陳氏 褒《毛詩緒説》

未 見。

黄 虞 稷 日 : 福建 寧 德 縣 人。 嘉 靖 癸未

進 士。

陸 氏 堺《詩傳

卷。

存。

垹 自序曰 . 「《毛詩 》注釋簡 古。 鄭

氏

雖

孔穎 晦 之要多在焉。 詩紀》,建昌段氏 然。 與 之弊,然亦有 始,其説頗驚俗,雖東萊不能無疑焉。夫 始皆去《序》而 而 軒、東萊止集 以《禮》説《詩》,於人情 解》,華谷嚴氏又用其法爲《詩緝》,●諸 詩》非《序》莫 欲 東萊之《詩紀》獨 歐、蘇諸公又爲發 庵先生因鄭氏之説,盡 達疏出, 李迂仲集諸家爲之辨 旦盡 去古昔相傳之説,别求其説 可以 諸 而二家之説 言《詩》,與諸家之説 知 雪山王公質、夾漈鄭公樵 家可 其 又用《詩紀》之法爲《 裨毛氏 行 所自作,去之千載之 取者, ,岷隱 其理 或不通, 去美刺,探求 之未 遂 趣,《詩》益 而 視 戴 明。 李 去 氏 及者 及多改 取之,南 氏 遂 程 不同 爲 爲 伊 徑 集 續 古 字 家 焕 111

0 緝」,原作「 輯」,據四庫本、薈要本、《補正》改。

曉者 之『成王』爲周成王,則其説的 《大田》諸篇爲治世之音,『成 是爲主。 有加於晦 發理精到,措辭簡潔,讀之使人瞭然,孰 於茫冥之中,誠亦難矣。 ,則以諸家參之,庶乎得之矣。」 至其改易古説,間 庵之《詩傳》者哉 然其指《甫田》、 有 王不敢 有根據,且 意未能遽 學者當以 康』

黄氏光昇《演詩蠡測》

未見。

張氏忠《詩辨疑》

未見。

薛氏應族《方山詩説》

八卷。

夢 存。 子 :

王夢得序曰:「我師方山公五經罔不淹

❶ 「□□」,據本書卷五十四,當作「信卿」。

黄虞稷曰:「任丘人。嘉靖己丑進士,官

光禄少卿。」

吕氏光洵《詩箋》

未見。

靖壬辰進士,歷官兵部尚書兼副都御史,俞汝言曰:「光洵字□□,●新昌人。嘉

巡撫雲南,改南京工部。」

按:《簣齋詩説》至《衛》詩而

止

今附集中,未成之書也。」

一七八三

經 義 考

七八四

協其 貫 自得之。 博其趣,察之性 **鋟諸梓**,始經義 前 中 尤長於《詩》。 ,真 嘉靖癸卯序。」 可 輔 翼 情 理 乎 以 以 經 īĒ 求 以 其 而 其 幼 意 並 趣,參之古今以 時 行 ,訂之得失以 所録《詩説 者,學者當

## 薛氏騰蛟《毛詩附説》

十卷。 未見。

陳氏言《詩疑

未 見。

言自序 乎 時。 存 乎音,美刺 得其意,故時可見也,得其感,故 日 「《詩 勸 戒存乎意 也 者,正 一變存 ,升降理亂 乎感,哀 存

> 衛宏潤色之。 《詩》尚近,必耳目有逮焉者,而以數千載 音可審也; 編曰《詩疑》。」 者。朱子以爲非,而我疑其是也,故命其 之後臆而破之,豈不遠 爲子夏、毛公合作,或 序》之作,或以爲孔子,或以爲子夏,或以 者,以序乎先王之詩世也,觀 乎《詩》次可序也,則序 原乎《詩》之意,而《詩》無證 夏、毛公者也。 有恍焉者矣,是故序《詩》也。 得其音,故 潤色者, 孔子、子夏、毛公,其 以 哉? 之可 政可 潤 爲 色乎 國史,或以 乎其 乎《序》之辭 知 也 是故《序》有 也 孔子、子 世 序之也 於 而 去 爲 樂 是

《詩序傳》

未見。

《雅》。 《雅》,觀其所變,而詩之情見矣。 也 故次《鄭》。 成王之弟也,故次《唐》。以其厲王之後, 之子也,故次《邶》、《鄘》、《衛》。 也,而無風,故次《魯頌》。 弑、平王東而不復雅,故次《王風》。 之興,幽、厲之衰,故次幽、宣、厲王之變 也,故次二王之《頌》。二王之後,有宣 治定功成,制禮作樂而備矣,故次之正 也。武王成之,故次武王之《頌》。 王,故次二《南》,文王未王,二《南》未 言自述曰 而下無詩矣,於是有諸侯之詩。 豳》之變《風》。承成王者,康王、昭 ,故次《齊》、次《魏》。 日《 成王有疑 :「先王之詩,孔子得宋 商 異姓 頌》。 於周公、未純 而大功者,太公、畢公 繼之者周 秦,諸侯而狄者 康叔者,武 也,周宗 魯,宗 也,故 唐叔者 大 成 平王 出 夫之 王 國 次 文 王 Ŧ. Ŧ 雅 王

> 也 君子有未濟之思,故次之以《 ,故次《秦 或 小 而 極 亂 陳》、《檜》、 亂 極 必治,

### 袁氏煒《毛詩定見》

戌會 太傅,建極殿大學士,贈少師,謚文榮。」 錢謙益 元,廷 未見。 曰:「煒字懋中,慈谿 試第三人。 累官少傅兼太子 人。 嘉靖戊

### 何氏宗魯《詩辯

四卷。

未見。

癸卯舉人,惠州府 黄虞稷曰: 「宗魯字 同 知。 可言,福清人。

七八五

# 李氏先芳《毛詩考正》

未見。

王氏樵《詩考》

未見。

陳氏錫《詩辨

卷。 存。

勞氏堪《詩林伐柯》

四卷。

先生之善訓

,其尚於先生所以爲身教者

而撓。 以示 温 生所 形,好惡不作,覬 寬,出之以色笑匪怒,其校士也,喜怒 篇既合而 謝 德行以爲本,篤實以爲文,行之以敬敷在 此學《詩》之則也。 則不遠矣乎? 雖然,所謂則者,不在 之也明。 而在人,不在人而 思無邪」,曰『温 柔敦厚, 説之長,小而一 東 東山 爲 Ш 存 所以薰陶變化之者,其 序 説 學《詩》者讀之,不猶伐柯者 統論之,又析 《詩》者也。 ,由是讀之卒業。 則 《詩林 而已矣。今諸 覦 柔敦厚、《詩》之教也』, 在我。 詁之善,取之也博,辨 先生在蜀,其教人也 莫 伐柯》者,道亭勞先 得 先生按潼川暇, 而詳言之。大而 而倖,毀譽莫得 聖門説《詩 先生於三百 生 爲 既 無 親 邪 不 承 其 與

生,歷官副都御史,協理院事。」 然泳曰:「堪,江西德化人。嘉靖丙辰進先生之志矣。隆慶庚午序。」 出现則焉。不然,苟徒讀先生之書,固非

許氏天贈《詩經正義》

未見。

黄虞稷曰:「天贈字德夫、黟縣人。嘉靖

乙丑進士,山東參政。」

經義考卷一百十三終

弟子婺源朱逢源覆校

秀水朱彝尊編

男昆田校

詩十七

沈氏一貫《詩經纂注》

郭氏子章《詩傳書例》

四卷。

存。

佚。

黄氏洪憲《學詩多識》

存。

馮氏時可《詩臆》

二卷。

存。

四卷。

殷氏子義《詩經疏解》

未見。

一七八八

## 李氏澤民《詩集傳》

未見。

歐氏志學《毛詩見小録》

黄虞稷曰:「志學字須静,莆田人。嘉靖

中,官知縣。」

陸氏奎章《陸詩别傳》

未見。

黄虞稷曰:「武進人,學士簡之子。」

**東**屋移日

郭氏金臺《毛詩辨》

佚。

高佑釲曰:「長沙人。」

佚。

母,號北山樵子。著《詩集傳》。」 《廣信府志》:「李澤民,貴溪人。隱居事

易氏貴《詩經直指》①

十五卷。

佚。

書。以《詩》義奥深,作《直指》。今逸。」司人。淹貫載籍,歸田十餘年,杜門較郭子章《黔記》:「知府易貴撰。貴,宣慰

□、書名、卷數、作者、姓氏皆同。 □ 易氏貴詩經直指」,據《補正》,此條又見於卷一百十

一七九〇

### 朱氏得之《印古詩説

卷。

哭盡 師 錢金甫日 事陽明,陽明殁於粤,走數千里迎之, 格致叢書》。 哀。 存。 命印 :「朱得之,字本思,靖江 古詩説》 卷,錢塘胡氏刻

李氏經綸《詩教考》、《詩經面牆解》

未見。

黄宗羲曰: 黄虞稷曰 天德王治之粹者削之,作《詩教考》。 漢儒 雜取 「大經以《詩》三百篇 經綸字大經,南豐諸生。」 逸詩以 足 其數 故 非 無 夫子 益 於

> 本無邪,而 取删去之詩足數,此支離之説也 奔之詩。數傳 無邪之思讀之」,是作詩者不 日 蔽以一言曰「思無邪」。 之於後,亦異於孔子之旨矣。 大經《詩教考》蓋本諸王氏、《詩》 之舊,秦火後《詩》不能獨全,漢儒 會宴饗所賦,百世之後盡定 無邪矣,因以 按:《詩》三百十一篇,孔子所定, 三十二篇,謂今三百五 「彼雖以有邪之思作之,而我以 Ŧ. 氏删之於前,李氏削 春 而 秋 魯齋王 列國 篇 卿 氏竟删去 而朱子則 非 大 夫 夫 皆思 爲 子 盟 淫

袁氏仁《毛詩或問》

一卷。

之父。」

黄虞稷曰:「

朝榮,福清人,大學士向高

未見。

我也。 之表。其求之而未得也,若魚銜鈎,及 《序》説,而以意自爲之解。盲人摸象,豈 瞿然有得也,不知我之爲古人、古人之爲 神,逆之以志,反之性情之微,窺之美刺 不廢《序》説,亦不純主《序》説,會之以 不揣其一端,然而去象遠矣。余讀《詩》 仁自序曰:「朱元晦於《詩》,盡去孔門 舉其所服膺者,設爲或問以發

屠氏本畯《毛詩鄭箋》

一十卷。

未見。

林氏世陞《毛詩人物志》

三十四卷。

未見。

黄虞稷曰:「禮部尚書 燫子,本王應

麟

詩傳圖要》而作。」

葉氏朝榮《詩經存固》

八卷。一作十卷。

鄧氏元錫《詩繹》

三卷。

存。

七九

### 章氏潢《詩原始》

未見。

李氏鼎《編詩經古注》

未見。

王氏大覺《詩解》

未見。

黄虞稷曰: 「福州人。」

林氏甫任《詩經翼傳》

未見。

未見。

蔣垣曰:「三陽字元泰,建陽人。」

陳氏第《毛詩古音攷》

四卷。

存。

乃以今韻讀古詩,有不合,輒歸之於叶, 焦竑序曰:「《詩》必有韻,夫人而知之。

習而不察,所從來久矣。吴才老、楊用修

功

口

勝

道

哉

世

有

通

神

之教

或

幾

於

廢

此

不

可

謂

之

細

契

古

惟

取

家

讀

,

《詩》不

可

讀

前

正

得

失、動

天

所

關

若

淺

鮮,然

古韻

不

明

噫

季

文

之用

心

可

謂

勤

矣。

韻

之

1

乃

寥

寥

千

古

至

季

文

始

有

歸

之

論

好

異

目

經學古之士 ,至使《詩》不 今異 者不 地、感 立 取《詩 就 卷 ^ 前 必必 於 明 此 過 事 待 其 老 如 軸 余, 經 也 也 不 鬼 其 古 × 爲 口 以 寖 斯其 音 心 歌 第 讀《 悉 韻 自 三百篇 庭,竊嘗留 今之音讀 字有更革 而 君 之意 節,田 知 自序 委之叶,豈其 獨 不 可 詩》洩之。 則 且 諧 所以爲《詩》也。 以 無 將 咏、可 不學之過 然可 日 日 韻 從 野 則 感 音有 古之作,不 夕讀之, 乎 容 俚 心於此,晚年 文 竦 長 「夫《詩 欣 以 曲 而 其 又懼子 言 可 紬 矣 轉 亦 蓋 已矣。 然 興 嗟 各諧 喜 移 繹 雖 時 哉? 觀 嘆 免 亦亦 夫 **>** 有 不 姪 口 以 群 聲,豈 若其意深長, 乖 鳥 故 能 古 至 之學《詩》不 戚 勢所必至。 聲 怨、 獨 獸 刺 愚 手 今,地 士 手 口 教 居 草木之名 少 而 事 舞 人篇章 舞 以 悲 也 海 受《 不 父 足 足 之 古人之詩 有 上 Ż 事 懷 蹈 蹈 取 詩》 於是 南

之同

韻

者

臚

列

之爲

本

證

E

取

易》、《太玄》、

騒

人賦、《

参同

× <

急

之難信何?』遂作《古音攷》

書

爲

叶

者

謬

耳

故

《 筆

乘

中

間

論

及

多

一,彼此

互證

因

知

古韻

自

與

謂

季

V.

俯

與

余

同

也

甲

辰

歲,季

君

之

其

口

而

不

日

三子言

古詩

無

叶

音,千

載

篤

論

著

書,

始

及

之,

猶

未

斷

然

盡

以

爲

古

也。

余少

讀《詩》,每

深

疑

之,

迨

見

詩

謡之類

臚

列之爲旁證

令讀

畢

將啞

然失笑之不

暇

而

古

意

可

知

於

必

而

於

故

以

北

書也。 請 矣。 音 意 音 今一意,古今一聲,以吾之意而逆古人之 讀古之詩,古韻可 以諧其韻,無非欲便於歌咏, 本證者、《 而 已矣。 也 正 ,其理不遠也。 則支離 一明達 愚 於 也 二者俱 是 君子。」 聞 詩》自 蓋爲今之詩,古 和稍 日 見 爲 甚, 無,則 孤 考 相 陋 孔 據 患在是今非古,執字泥 證 不察 致 宛 子 也 列 所 轉 究未詳,姑 乎? 本 旁證 以 删 韻 證 審其音,參錯 幾 可 可長言 嗟夫! 者 旁 於 不 證 ,采之他 不 藉之以 用 兩 嗟 可 巾 條 古 讀 嘆 ;

### 朱氏謀偉《詩故》

十卷。

存。

黄汝亨序曰:「仲尼述六經,删《詩》以垂

通

夫毛、韓、齊、

魯之固

也。

蓋

自東

髪

誦

《詩》者,吾今見鬱 至意。 人,而 《國》之事 隘 其 謀 序》,按文、武、周 非 九 不 之。』又曰:『誦 互異,非 而 鄭 朽。 師 埠 考亭訓 詩》也。 》、《衛》之《詩》 風》多離 毛、韓 授,竊竊然 自 以意 孟 予之説 序 子 夏 日: 注,大略 軻 而 傳 通 魯、 親 氏 次第 之, 「説《詩》者,毛、韓、齊、 承 非 儀 其 日 自以 如 齊 説 集諸 其 敢 · 以 説 儀氏 詩,論其世。』此 其 公以來《春 概 執 於《雅》、《頌》多 遞 可 盡 訓 《詩》,大都 從淫 二放 爲知《詩》,其 世,考其習俗, 得 爲之説 《詩》之用 家之成 故 而 意 鄭 邪 概 小 逆志,是 不 聲』一語, 各 也 秋》、《左》、 無 序》 知 原 有 也, 真 失 得 愚 用 夫聲之 合,於 本《 師 (善説 作者 爲 將 陿 者 論 者什 膠 得 其 以 且 而

《詩》,迄今五十餘年,所見諸家義疏,率 言《詩》者自得之,奚俟是哉?」 以極乎《詩》之能事,則三百五篇具在,能 教,止於不愚之地,達乎可興、可怨之情, 先儒之未發矣。若夫進於温 名之曰《詩故》。 失,三百五篇篇各爲之説,次爲十卷,仍 研究物理,會通訓詁,集其神明而酌其 不大乖刺,亦有當於人心矣。爰以 吴中,好事者頗采用其言,乃後知予説之 往往鬱而未章。 多牽於舊説,其於比、興之際,微辭妙旨, 嘗爲《詩故》一卷,傳之 雖非告往知 來,亦頗發 柔敦厚之 暇 得 日

### 朱氏統鐺《詩解頤録

未見。

黄虞稷曰:「新建奉國中尉。」

# 凌氏濛初《聖門傳詩嫡冢》

十 存 。 卷。

《詩逆》

四卷。

存。

者所笑矣。 傳》,遂合子夏《詩序》刊行之,題 傳》,遂合子夏《詩序》刊行之,題

一七九五

#### 七九六

# 徐氏奮鵬《詩經毛朱二傳删補》

罪。 朱《傳》繁簡 黄虞稷曰:「奮鵬,臨 功於毛貸之。 比、興之旨。 懋德將獻於朝,不果。」 今道脉》等書,崇禎中,督學使駱日升、蔡 神宗取其書閱之,以其不悖朱子、有 不一,乃爲是 人或 奮鵬復著《古今治統》、《古 劾其 ][ 擅改 人。以《毛 書 經 ,令學者 傳,請 詩 治 味

未見。

程氏朝光《詩講義》

八卷。 未見。

#### 鄒氏泉《詩經折 衷》

未見。

高佑釲曰: 「泉字嶧 Ш

薛氏志學《毛詩傳旨一

未見

皆以 明 《詩》以前《詩》也。 隸於經焉。 五篇,皆以合《韶》、《武》之音,而《詩》乃 未删《詩》以前《詩》也。 何三畏序曰 韓詩》、《毛詩》諸家之學矣,此朱子 經 取 朏 士,士業 ,而《詩傳》乃隸於學官焉。 《詩》蓋有《魯詩》、 「《詩》蓋三千篇矣,此 經者輒令取衷傳注,必 傳之後,凡數萬 删之後,得三百 齊 餘 詩 未傳 孔子 或 家

錢

金

甫日

:「志學字希之,常熟人。」

袖後進,而爲紫陽氏之忠臣已。」

發義 《雅》、《頌》三經之章章各有體,賦、比、興 發 句 服其多通,推其淵 都以傳譯經,以意逆傳,於諸家之説 年,而《傳旨一貫》之編成矣。是編也,大 廷、忠臣孝子、烈士貞女一唱三嘆之歌 《詩傳》討論加 所安,不爲持 旰忘食,夜分廢寢,不對客、不闚門者經 各有指。乃爲提綱挈領,覃思殫精,或 望,凡百家諸子之籍靡所不 可勝言矣。薛子希之少負才名,長爲士 三緯之義義各有宜,間閻里巷、郊廟 明聖經之宗旨, 釋而字解之,此雖訓詁之家,而亦足以 無所與展,而甚則離 兩 可。 詳焉。 匪 識,可以掩映先達,領 是 以故强記博綜之彦 則 其言曰 談 經畔聖,其害不 理 窺,而 無 . 所與 風 獨於 務擇 陳 歌 日 朝

#### 吴氏瑞登《詩經引躍》

未見。

繆泳曰:「瑞登字雲卿。」

#### 陳氏推《毛詩正宗》

未見。

俞汝言曰:「推字行之,福建人。」

楊氏文奎《詩經定》

未見。

一七九七

# 陶氏其情《詩經注疏大全纂》

十二卷。

存。

唐汝諤曰:「其情字逸則。」

趙氏一元《詩經理解》

十四卷。

存。

書成於萬曆乙未,駱日升爲之序。」高佑釲曰:「趙一元,字士會,山陰人。

程氏元初《詩經叶韻》

四卷。

《詩經音釋》

一卷。

俱未見。

堵氏維常《詩箋》

未見。

先生因之輯《三經澤書》。」 於《詩》、《禮》、《春秋》皆有箋,其子牧遊陸元輔曰:「堵維常,字冲宇,宜興人。

黄氏一正《詩經埤傳》

八 表 見。

一七九八

## 江氏彦明《詩經箋疏》

十五 是。

徐氏熙《詩説闕

陸氏曾畢《詩經内傳》

三十二卷。

《外傳》

俱未見。 二十卷。

黄虞稷曰:「字章之,會稽人。」

陸元輔曰:

「彦明字晏其、婺源人。」

馮氏復京《六家詩名物疏》

五十五卷。

存。

葉向高序曰:「稱名物者,莫詳於《詩》。 要之概乎天,江淮河海、川原陵谷之包 要之概乎天,江淮河海、川原陵谷之包 要之概乎天,江淮河海、川原陵谷之包 要之概乎天,江淮河海、川原陵谷之包 水之道,有一之不列於《詩》者乎。 大子曰:『多識於鳥獸草木之名。』夫寧 本之道,有一之不列於《詩》者子之包 大之道,有一之不列於《詩》者子之包 本之道,有一之不列於《詩》者子。

八〇〇

非 富 景 門 馮 義 其 皆 蔦 者 體 廣 緯 必 Œ 封 文之《 所 精 ? 物 蘿 深 肆 醫 史 非 有 其 疆 生 别 顯 之親 其義 覈 肆 物 採 1 以 類 泛 詩》之旨 於《詩》者 而 而 窮 寄情 然 纖 ,各從其 不啻倍之。 力是經, 比 義 産之不齊, 至諸子 變 天文 總 戚、蜉 漫爲之説 口 極 悉 如 聞 興 或 知 曆 幽 之 不 日 關 × 深 思思 百家、稗 也 數諸 遺 摭 微 蝣之娛樂、 體 雎 方  $\pm$ 於 以視 其 之 0 微 名 而 俗 古 應 賦 書 書,無 不 名 西己 其 性 稱 列 麟 以 成 李 故 故《 辨 耦、 所 物 情 俗 形 或 之《 官 而 善 樗之《詳 ,示余問 其 採 ,詳爲之疏,分 詩》之爲 H 之 尚 之 小 鴇 常 比 説 不 詩 失矣。 物 集, 之 歌 説 所 蒐 《詩》者, 棣之兄弟、 羽之憂勞, 致》, 興 加 互. 咏 陳 自 列, 、之物 與 强 序 解 異, 六 比 其 太 夫 繹 其  $\approx$ 海 連 經 彼 舉 其 X 間 師 余 宏 王 讖 虞 類 圃

> 窮 馮 其 足 此 在 之藪 形 跡 生 大 不 此 多 江 能 象 ,是大有 編 所 之 9 相 以 未 北 通 棋 遠 涉 9 今文 酌 訂 而 功於《詩 於 亦 作 其 不 何 人 者 所 竭 學 從 於 載 之淵 》教者 1: 愐 千 之 辨 載 五. 其 産 之上 也 游 或 物 於 者 衍 宜 南 於 乎 又 者 徵 皆 ? 無

# 吴氏雨《毛詩鳥獸草木疏》●

二十卷。

存。

疏》,鄭夾漈以爲晉陸機撰,《通考》據《崇曹學佺序曰:「《詩》有《草木鳥獸蟲魚

●「疏」、《校記》:「《四庫存目》『疏』作『考』。」

凌奪。 用之。 撰。 文 繗 者,如草木之外而 之篇也。 蓋夫子標多識之目,而《國 葨大、小《序》也。 其先鳥獸而後草木者 考》焉。其曰『毛詩』者,本文之下仍用 但二卷,今爲二十,名曰《毛詩鳥獸 之譏。友人吴君引而伸之,推而廣之,昔 當在郭之後,亦未必吴時人也。』『陸氏 晉之士衡。 鹿鳴』次及《小雅》是也。 書,多所采獲矣。 日 總目》, 者,唐陸德 介是也; 陳 至孔 如『野有 振 以爲吴太子中庶子鳥 其次則《 孫 如馬 而 疏、 明 日 其 死 吕《記 也,有《莊 之類則 書引郭璞 但書止二卷,不 鹿」先 「按 有竹穀 風 》、《雅 陸 》、《太平御 舉《國 有 氏 羽 其類則 子音釋》,間 《釋 騏 \*\ \!\ 注《 風》首《關 毛之外 駵, 犬之類 [風》,『 頌 爾雅 文》, 程 **》**,不 ·無漏 有 **令 覽** 草 呦 陸 當 斷 而 雎》 毛 木 諸 相 則 有 亦 廣 呦 萬 非 璣

> 矣! 於禮 之也。 草 草 《詩》,則毛萇謂『《詩序》爲子夏所作』者 言亦近之。 以蔽,曰 後之學者何所 家,仍存名氏,則本吕 人不可攷、其意不 近之;述而 而 『其人可攷、其 木 證類》、諸儒 有 疏 盧 義』者近之; 《詩》三百篇,古今説 書成,愚 厖 思無邪,則太史公所謂 而 是 爲 不作,多聞 大抵必會乎删之意,而 也 之 折 注 意 也, 得 衷? 疏 其 可 ·可尋 寓 而 其 體 尋者 語 伯恭《讀詩 目焉 爲之也。 用 則 愚 者,夫子删 闕 往 本 則 不 疑 夫子 知 ; 曰 吴仁 者紛紛 本 敏 則 來, 五. 竊 馬 録 今博采 取取 雅 傑《 記 可 焉 端 謂 焉 不 噫, 及《 與 其 二,其 離 臨 而 言 本 口 其 憊 謂 施 爲 騷

① 「令」,原無,據四庫本、薈要本、《補正》、曹學佺《石

八〇二

閩 《序》者即欲 作《人物志》三十卷,陳參戎第 林宗伯少子世陞本王 言疏。今吴君 與言《序》; 補音》作《 郡人、爲一時之盛云。」 詩經古音》四 强 必會乎《序》之意, 解 之疏 逸 詩 必 應麟之《詩傳圖 本諸《序 篇 一卷, 不可 與吴 本 而 得 君雨 吴棫之 後 猶 也 乎 口 作 皆 近 與

#### 唐氏汝諤《毛詩微言》

二十卷。

存。

亡,獨 序》,而後 鄭之説又東之高 萊《讀詩記》、嚴華谷《詩緝》先後 汝諤自序曰 存毛、鄭。 人復左 : 「《詩》 自 袒 閣 朱子《集傳 漢 矣。 有 儒 齊、 又一 顧 晦 魯、 翁 当出 時 韓 掊 互出 如 擊《 베 家 吕 0 盡 小 東

> 之説 篇 以 綜 發 矯 總 與 所 生《翼説》 而 而 而 大全》所未 中 明。 之皆 臆 輯 以 屹 與 枉 附 朱《傳》抗 既 説 所 前 概 首 朱《傳》相 或 會 臆 載 未 過。 研 又高 不 人 不 雖 兩 説 盡 收 與 摩 而 少 不敢 備 (吾鄉 善也。 或 也。 ,皆其 ; 明之士視 超 録,而諸家之論亦不 衡。 公居 謂 朝 也 然 矛盾者輒爲 謂 宋 纂修《大全》,裨 謂 獨 玄扈徐公《六帖》, 余以 多, 庸 與 儒 余生平最喜徐 漢 解,絶 庸者 朱《傳 儒 爲筌蹄,不復 明 爲苟 而 理 近 又 耳。 無 , 疑 古, 非 廣 棄去,故注 穢 有 出 以 無 度 此《 雜。 裨 自 箋 益 有 曲 甚 做 詩 染 後學, 師 詩 説 疏 聊 以 弦 有 余 W 承 故 附 其 先 解 所 疏 補 而

錢金甫曰:「安慶教授華亭唐汝諤士

王氏志長《毛詩删翼》

雅撰。」

經義考卷一百十四終

弟子海寧王槐覆校

2141

八〇四

## 經義考卷一百十五

秀水朱彝尊 男昆 田 校

瞿氏九思《詩經以俟録》

詩十八

一卷。❶

存。

樂章。 孔子謂『吾自 九思自序曰 頌》各得其所」, 至於二《南》,未嘗非樂,然《南》自 :「説經當以孔子之言爲主。 衛反魯,然後樂正、《雅》、 可見《詩》惟 流雅 領》是

> 《雅》? 樂。 爲 王禮 《雅》、《頌》?若《賓之初筵》,是衛武公悔 二《頌》外,將《大雅》、《小雅》、《周頌》混 列國聲詩之理。今除十三《國風》及魯、商 只當與《淇澳》同 過飲酒之詩,『抑抑威儀』,衛武自儆之詩 譬如衛國,武 周制所在 删述六經,凡關涉三代者,皆以從周 夏《小序》。 而有是樂者,亦未有有此禮! 爲《南》,不當與《雅》、《頌》並 一,不敢拘定漢宋舊説 而《詩經》諸詩即所謂樂,決未有無禮 與魯國 蓋《雅》是天子之樂,斷未 即是禮之所在,有此禮即 又除凶禮,如『國有大故,旅上 王、周公原未嘗許康叔得用 「原是 在《衛風》, 不同,衛 ,亦不敢 或 而無是樂者。 贵 論 可 如 也。 何當 参用 列 有 爲主, 在一 有此 雜 孔子 子 以 有 而

白文。 當 禮。 詩 禮、賓禮 樂、忌日不樂者,齋不 者,弛架者、徹架者、厥樂器者、藏樂器者 帝 廷所奏之樂、所歌之詩,方與 必如此,然後二《雅》、《周頌》皆是宗廟 下復開 者, 而不必開列,其餘將周家吉禮、凶禮、軍 殯葬不舉樂、祥禫不作樂、上陵 陳樂器者、厥筍器者、 大災,類社稷,類宗廟』。 正」之説相合。 禮,不使其有有禮 旅 ,使周家有 以 使經禮之三百與《詩》之三百 四 何禮 以 細 一、嘉禮 望」、『 何詩歸於何禮,即定爲 目 歸 ,粘於壁間 或 盡 於何詩,即定爲此某 禮必 初欲以 數 有 開 大旱,舞雩』、『有 而 有 列 舉樂、服 厥 舞 無樂、有樂而 諸詩篇名爲目, 條 日 詩,有一詩 凡去樂者、去籥 目。 夜紬繹《詩經 器 夫子『然後 者,弔日不 不舉樂者 於每 此某禮之 不作 無禮。 一禮之 一相 詩 必 天 之 樂 有 樂 地 朝 而

> 與其使 見。 難討 詩。 以 則 下, 故遂決意先以諸禮爲 名附於其下,恐天下疑惑,或以爲猶有 爲 知二《雅》、《周頌》已盡 猶 Ŧi. 又復以諸詩爲目,而以諸禮附於其下, 禮便有 有遺禮 一禮附 使天下後 究 其後再三審處,謂 人知 若諸 於其下,恐天下後世 無遺 ;若以五禮爲 詩,一 世 詩 因 則 禮,不若使人知 聚在 禮考詩, 詩 目 無 諸 便有 一篇閑詩矣。」 而以諸詩附於其 禮散在各經,人 目 部,可 因 前 禮 一疑 詩考禮,即 以 惑,或以 以 ,曉然易 無遺詩。 諸 考驗。 詩 遺

#### 姚氏舜牧《詩經疑問》

十二卷。

● 「殯」,原作「嬪」,據四庫本、薈要本改。

舜 牧 自序 日 嘗讀 經 緯

緯 疑 ·, 曰 焉 賦, 日比 經 風》、《雅》、《 日 一興。 蓋 通 融 頌》是已; 取義,謂 所

賦

之有比、

有興

耳

非

截

然

謂

此

爲

賦

此

爲 求之不得其説 而比又興 比、此爲興 也, 也 而 則將爲 寖 惟截 失 其 然分 賦 義 而 矣。 興 而 又比 爲 此三緯之 三,於 也,賦 是

説 定不易者。 義,凡詩皆可 之可 疑 者, 倘以意逆詩 通用矣,而 而 猶 其 小 者 作者之志則 人之志於千 也 若 斷 載之 章 有 取

湮 有足啓萬世之咀嚼者。 上,則一字各函一 而 莫識 也,又奈之何 義,而 陳説 其 奈之何《詩 中傷永之味真 汩没於 》義之 所習

所

誤

解者

. 亟與

辨正,蓋

心獨苦矣,而

安得

爾雅

》者

近是。

若紀其變,則《列子

• 天

所

疑

,凡經數十年

且重

加

訂

問

矣。

若前

必

檢攝

其體

統

,歸諸訓

詁

總

之不離《詩》、

而

即

有

能

探其旨者,付之勿問

也。

今余

存

之説, 竊 有 藏 高

## 林氏兆珂《毛詩多識篇》

七 卷。

存。

慨 非名。 雅 怪 以 之不辨 理,豈可 方承章序日 也。 :>與? 物,固 爲 恥,寧存 則無 以先生之學之博, 混乎? 付之聖人 而 夫附 格致 論 : 而 益《詩》、《爾雅》者,其 不 萬物備 於何有? 《繁露》稱 名數物、 論者 所 不 也。 矣,一 知 而猶慮失其真 名生於真,不 是先生之所爲 而 物數 Ш 不 在《 海 知 名, 詩》、《 經 而 》所 即 名 君 真 其 爾 子 有

所

謂

之名

Щ

前

明

君

子

虚

卷。

存。

?

忠孝恭 《雅》,以 乎興觀群怨、事父事君則備矣。 諸侯、卿大夫聘會燕饗,猶 應蛟自序曰:「先王於《詩》教豈不重 三千餘篇,夫子僅存其什 其 於 以 朝 無 諷 廷宫 言蔽 順 諭 邪也,兹《略》已多乎哉! 涵 禮 婉 詠 而 下 日 義 性情,而約之至 感 迨 思無邪。 廉 人深 或 恥 都間 之節 也 巷、皆絃 夫學《詩》者誠 森 相 一,篇 説 然悉具, IĘ. 與賦詩見志 者 什 子謂《詩 謂 誦 雖簡 春秋 古《詩 《風》、 以言 哉 時 求

而

蓋

自

甲 錢 篇》,材 郭 識 無 瑞》之篇; 安 之本在也。 草木之真,然後傳《詩》』,則以《詩》家 故是編之難,如畫 使鳥獸草木之學不傳。 先生嘗嘆儒生家多不識 三百篇名物 又不識《詩》、《書》之旨,二者無 有《昆蟲草木志略》。 而今有林孟 ·戌進 耶有耶 金 喬泰序曰:「吾鄉 要之一 甫 一府事 士 人之窮觀 日 貫,將 究其源,則《淮 蓋 由 鳴先生,撰《多識篇 標曰『志略』,精核 ,其三百記 兆 亦付 刑 珂 部 ·詩人之逸趣,具是矣。」 以 犬馬者也 字 郎 之所不 博 曩有鄭漁仲先生,撰 孟鳴,莆 其自叙云『已得鳥獸 中 而 事 歷  $\mathbb{H}$ 不 南 試讀先生《多 之珠 野 知 知 越 ·地形》之訓 之物 耳。 廉 其 田 由 與 爲諸家 州 常常 人。 1參合, ? 農圃 要之多 篇 者 衡州 萬曆 漁 中 發 乎 最 識 遂 仲 主 興 X

八〇七

端

可

吴

周

瑾

日

:

澄

源汪氏

應蛟,婺源

人。

萬

曆

甲

戌

進士,歷官右

愈都

御

史,

經

理

朝

鮮 巡 撫 天津。 後死於難。」

謝氏台卿《詩經課子衍義》

未見。

錢 庚辰進士。」 金甫曰: 台卿字韋仲,晉江人。 萬

曆

徐氏常吉《毛詩翼

存。

徐氏即登《詩説》

五卷。 未見。

卷。

存。

若毛氏 四 有可 傳亦未可盡掃。 於千百世之下大破漢儒之彀,然漢儒 異 日 讀之,考亭無可疑者不復搜剔訓詁, 引《詩》辭,確有證據,而 炯自序曰:「余少讀《左氏春秋》,見其援 同。 月。 解 疑者則取節《序》、傳,兼附己意。 頤 長 近古有 聊 而聞之長 存 管見云 師 余取《序》、傳、考亭比 傳 者謂 也。 耳。 比 考亭以意逆志 考亭信理,不 諸考亭,疑有 萬 曆 丙午夏 考亭 贵 師 而

吴氏炯《詩經質疑》

八〇八

#### 方氏大鎮《詩意

未見。

#### 三十六卷。

郝氏敬《毛詩原解》

存。

廢也。」 論之精醇者,足以發明朱《傳》,不可 立意與《集傳》相反,不得其平。至於議 委曲生解,未免有以經就傳之弊。而 序》,拘定《序》説。《序》有難通者,輒 錢澂之曰:「京山郝氏説《詩》專依《小 爲 又

存。

蔽三百,乃夫子代爲詩人原也。而最可 之公忠,悉入妖女狡童之案,不其冤乎! 安得概以淫斥? 舉仁人義士感時憂國 武、士有《淄衣》之好、女有《鷄鳴》之風 原者、尤莫如《鄭風》。鄭亦 五篇,而撮其要曰『思無邪』。 夫以無邪 風、正人心,弗納於邪也。故夫子存三百 陳此心序曰:「《詩》之爲教,原以維世 世漸於桓、

《序説》

張氏彩《詩原》

一八〇九

緩; 旨微 精意 聖賢 其偏 各覩 省名 人心 意 呱 三白 古獲知心 如 則 義 説《 與之言《詩》 鄭 公原 1,其旨 所 駁 加 ,默受推原者多矣。 所 兩 元,淹貫 詩 風 藉 顯 班、公直因 未 而 미 影而 **>** 邪 矣。 維 會之大 一篇 發, 顯 邪 諸 持 以 不善原者之過 而 百 正 也已! 而於聖 歸 儒 者 由 原 微;公原 相 家,沉酣六藝,凡《 示 此 正 刺 淫 通。 其 隣者、《序》、傳、 小也。 以 其 邪 人 天然 一經賢 貞 以懲邪 又間 推 功 三百 作者深情、 而 尼聖以 約 ௱ 也。 傳毫不 出 尼 衷之正 鄭之士 而 聖 獨 以 其 捷。 張公爲 解 口 無 無 功 相 詩 作 直 直 邪 疏 的 一女千 博 邪 删者 世 戾 道 發 其 原 箋 中 東 融 而

#### 徐氏必達《南州詩説》

六卷。

存。

年 存 輩 景躍 焉。 説》。 稍 舍 時 説,亦時附 必達自序日 大夫質焉。 姓 之而 所 長 聚而教之,群從子弟亦時時過 稱 名,出自己者,即標曰『 間 ,繙閱 然,不忍棄去者。 專以 種 標 説 有 種 前 稍 E 諸 先大夫爲宗,而 矣。 以 異 己丑 : 默 再 先 己 「必 時 詳 想作者之意 輩 生男 意 説 春,謝客 達 説 務 而 幼從先大夫受《詩 八 今去曩 有 出自 揣 奇 人 異 摩 而 扃 同 似未 先 作 爲 愚 旁 不 户,作爲《 時 者, 輩 者 意 採 軌 築 已三十 必 即 三; 其 心 者 諸 南 從 又 事 先 州 標 盡 從 抄 書 餘 則 爲 先 情 輩 先 黜

郎

中。

縣

萬

曆

辛

卯

鄉

試

第

官

至

刑

部

錢

金

甫

張彩

,字還白

字斂之,

滕

傳孔艱,遂災及木,其於教誨爾子倘 庶 幾

焉。 天啓辛酉。」

爲舉子業而作,李少卿日華序之。 壬辰進士,歷官南京兵部右侍郎。 俞汝言曰:「必達字德夫,嘉興人。 其 萬 書 曆

#### 劉氏憲寵《詩經會説》

八卷。

存。

錢金甫曰:「慈谿人,字行素。 萬曆壬辰

進士,南太僕卿。」

曹氏學俗《詩經質疑》一名《合論》。

六卷。

沈氏萬鈳《詩經類考》

三十卷。

存。

沈蕙纕 十,而卷亦同焉,誠《詩》家巨觀也。」 攷》,旁引博稽,别門相 沈思孝曰: 丁酉舉人,官知縣。」 日 」:「萬 武武 鈳字仲容,嘉善人。 塘沈仲容做王伯厚《詩 附 ,凡攷之類三 萬 曆

顧氏起元《爾雅堂詩説》

四卷。

存。

起元自序曰:「先大夫以《詩》起家,隆慶初

讀書永慶山房,當手録諸家《詩》說藏諸笥

編也,吾敢遂謂足當帳中秘哉? 要以挾筴 諸篇闕弗載。比長,而諸家之説觕所涉覽, 乃竊取其義續之,已又與諸弟參訂,别爲一 行之,余不能止也。昔趙曅作《詩細》,蔡中 行之,余不能止也。昔趙畢作《詩細》,蔡中 問過會稽,讀之而歎,以爲長於《論衡》。是 即過會稽,讀之而數,以爲長於《論衡》。是

戌賜進士第三,歷官吏部右侍郎。」 倪燦曰:「起元字隣初,江寧人。萬曆戊

筌蹄云爾。

萬曆丙午夏日。」

而哦者得是説

而存之,或亦可以備魚兔之

### 蔡氏毅中《詩經補傳》

四卷。

未見。

錢金甫曰:「中山蔡氏毅中,光山人。

萬

侍讀學士。」 唇至禮部右侍郎,兼翰林院

#### 瞿氏汝説《詩經世業》

未見。

錢金 參議。」 子。 中萬曆 甫 日 : 辛丑進 汝説,常 士,官至 熟人,侍 江 西 郎 布 景 淳之 政 司

沈氏守正《詩經説通》

十四卷。

存。

之序,其説存《小序》首句,與蘇子由同。」人。先生中萬曆癸卯舉人,《詩説通》自爲諸九鼎曰:「吾杭沈無回先生《詩》義妙絶時

#### 樊氏良樞《詩商》

《平湖縣志》:「琮字伯裕,中萬曆己酉舉

未見。

人,署高陽教諭。」

五卷。

存

### 徐氏光啓《毛詩六帖》

存。

辰進士,累官太子太保、文淵閣大學士。」俞汝言曰:「光啓字子先,上海人。 萬曆甲

《存古》,三曰《廣義》,四曰《擥

按:「六帖」者,一曰《翼傳》,二曰

藻》,五曰《博物》,六曰《正叶》。

趙氏琛《葩經約説》

十卷。

莊氏廷臣《詩經逢源》

八卷。

存。

萬曆庚戌進士,官至太僕少卿。」陸元輔曰:「莊廷臣,字寧宇,武進人。

卓氏爾康《詩學全書》

四十 未 見。

八二

#### 鄒氏忠胤《詩傳闡》

一十四卷。

存。

按:鄒氏誤信石經、《子貢傳》,而 反斥毛傳之非,此無異癡兒 説

夢矣。

陸氏化熙《詩通》

四卷。

存。

胡氏胤嘉《讀詩録》

二卷。

存。

萬曆癸丑進士,改庶吉士。」

錢金甫曰:「胡胤嘉,字休復,仁和人。

朱氏道行《詩經集思通》

十二卷。

存。

經義考卷一百十五終

弟子武進 孫 振 覆校

之序,舉業本也。」

曆癸丑進士,官至湖廣參政。

其書自爲

鄭玥曰:「陸化熙,字濬源,常熟人。

萬

八 四

## 經義考卷一百十六

秀水朱彝尊編

男昆 田

詩十九

黄氏道周《詩晷正》

未見。

吴周瑾 人者而授之,并與同好者商焉。」 璜兒頗能言《詩》,因取其大指不謬於聖 諸家之説,變《風》非淫,變《雅》非美。 情之間而已。余少受《詩》先民部,汎濫 《詩》之用不廢。 壬戌進士,歷官廣西按察副使。」 之變,簡帙漫漶,不復倫次。 奉先子之訓,不敢盡是己見。 以聲感者於性近,牖民孔易,亦求之於性 顰有爲顰,笑有爲笑。故他經可以詁解, 云乎:『本之《詩》以求其情。』情至之語 天錫自序曰:「春秋名卿大夫盟會聘饗, 而《詩》當以聲論。 見,則宫商之乖調亦已久矣。 稱《詩》言志,各有懷來,使人感動,而 曰:「天錫字公永,沔陽人。 奈何字櫛句 夫以義求者離性遠 越數年,所 比,偏 柳柳州不 嗣遭先子 天啓 逐 既 所

經義考卷 一百十六 錢氏天錫《詩牖》

五卷。

未見。

## 何氏楷《毛詩世本古義》

二十八卷。

性情 之所 遷 尚 《商》、《 格,天子之事 《書》必論其世,又曰『《詩》亡而 范景文序 宋人之議論哉? 播之聲歌,被之管絃,神人以 所以亡;不論作《詩》之世,又安識《詩》 未易測其用意 以 由作 後, 然則不明《春秋》之義,安識《詩》之 魯 豈 **%** 也 王 遂 優譏 ,孰有大於《詩》者哉? 雖 故夫四始、六義 無 一昔 復 所在 詩 ? 然則未删之詩,亡於王 及門 大 子 法於此 ,况乎漢 輿 西 尼 氏 河、端 父 言 寓 删 儒 和,上下 誦 焉 雖 後《 定,别存 木之徒, 爲 詩 春 用 吟 秋 是 東 咏 讀

孟子之言曰:『誦其詩,讀其書,不知其

功 何當 岐。 曹學佺序曰:「夫説《詩》者莫善於孟子 如 藝散失之後,能使代有言、人有咏,不至 而 Ŧī. 綦廣,遂令分體之什燦然。 聲,證之名物以資其博。 因人及事,義 之夏、商,使從 後,文王 深旨,見夫《詩》中 通卷讀之,其治亂所錯,直可上接乎《書 迹之既 比 ,於古之人何如 他 百年而後 時 馬 蓋 於《春秋》之史。 熄; ? 簡 不稽時代,以攷污隆,於論世之旨 而上,其諸 闊 吾友何 寥廓 ,何意復 已删之詩,併亡 如貫 其世。 之 耶 所 玄子家世 珠。 難 非 載 有 嗟乎! 至《風》、《雅》篇 尋, 廟祀追遠之作,斷 周 斯 登之音韻 人! 事爲多,后稷 抽繹既精,引 則 受《詩 一於論 何氏 編 吾人生六 學者 年之書千 翼 説 以 (經之 之多 和 獨 誠 其 觀 能 耐

乎世 譬若 純 之者,曹氏學佺也。」 何氏 即 論 其爲子若 古,乃古人之志 人,可乎? 古義』,義即 以世 後 其 一,亦惟 研 觀 世之爲説、爲箋、爲疏、爲故,皆 世不可。 其 爲主而《風》、《雅》、《頌》隨之者。 窮於 譜牒 孫之賢、不 據其 是以 此,七年之久 志 孔門 也。」何氏, 篇什而筌注之,●未聞 而 也。 論其世也。』故説《詩》非 其祖宗功德之近遠 説《詩》,有《序》有 一肖,具 何氏 玄子楷也 曰 在 而 非 始 尺 成, 幅 中矣。 我 名 不 作 與與 序 有 越 日

書,如《周 楷自序曰:「昔者孔子之教,不外乎六 史,皆述也 之損益 經,而禮樂爲王者之事,當世必皆各有 春秋》四者。《易》衍十翼,《春秋》修 其所手定,惟《易》、《書》、《 禮 一,而 》、《儀禮》之類,不容 有作焉;若《書》、《詩》,第 以 詩 意 成 爲

> 篇 人 諸聲律,下形 禮樂、類乎《春秋》,人猶信之;若《詩》, 以 存者也,故取公劉、王季、文王諸 府,幸不放失。 然亦必皆因 於一體中以《風》、《雅》、《頌 夏 則第以『道性情』一語蔽之足矣。嗟乎 詩》 詩》教失傳,莫大於是。今夫《詩》上播 商頌》之遺,其於二代蓋彬彬矣。 杞 而 明 商之文獻皆不足矣,宋 棄取見義 不 則 理 無 可 兼 一焉,惟 禮 以作詩。 樂 紀 而 一事而 諸 己。 事, 而 聖人以爲二 諷 有之。 周室 各自 咏,無 《易》、《春秋》之爲書 作, 由 其 一先祖 則 夫以《 孤 所從 地 其 猶 行 而 世固 之詩: 代文獻 存 》爲之標 來 不 書》爲 加 者異,故 商 有 可 藏 詠 詩, 知 頌 書》、 之猶 以 在 兼 書 É. 别 也。 廣 故 無 1

●「筌」,四庫本、薈要本作「詮」。《補正》:「當作『詮』。」

遷 者 出出 王者 至 也 時 世 秋 跡 斷 於《詩》 乎舉《詩》足以兼《書》,猶之舉禮足以兼 書》、 詩》以 詩 王者之迹 繁 蓋 》作。」 考之,《詩》亡於《下 聯 杳 於 下都,愈趨 起,特 若 秦 而 如 王之際,皆周 立 屬 至是而 執 穆 夫 存 不 中 也,舍《詩 諸 於禮 禮 典 禮 書》 口 者,犂然 儒 熄 舉 春秋》始於平,中間 亂 章文物、聲 樂 而 愈下,聖人所以投筆 周不復興矣。 成成 推 與《春 而 加 也。 不 測 《詩》亡、《詩》亡然 按之三禮 措 》將 於樂」,而 及 室 明 之耳,是又聖人之借 未有得 蓋 樂 秋》者也。 安 改革之大者, 備 昔 所 泉》, 至 容器數之盛 他 孔 徴之? 其 H 纖 平遷 不 子 無 正 解 又言 及《 雅 而 一不合, 當 岩属、 孟 者。今以 言 不 王 敬 書》, 而 故《 而 子 「興 後《 城 口 詩 散 王 其事 自 日 遺 宣 敬 之 於 春 有 見 廢 明

樂也 之點 不 莫解 斷章 以 勤 世 經 輕 以 視《詩》太淺,索《詩》太易 凡二十八,每篇倣古《序》體,更定小引以 古義》,伸子輿 實,既又尋之鳥獸草木以 文之在兹, 歎 春秋》並 矣。 爲 禮 以 以 廣 畫 求 術 樂 里 寝食都 人、若禮若樂俱 以 收 書成 取 先 巷 盡 形 其言《詩》、《書》 其驗,既 約 聲 謳 諸 垂者,其立教宜 其 取 循之行墨以 悉 吟 《詩》、《 變。 以 ,著之爲 忘 絶 氏 例之乎? Œ 依 閲 學之未 又考之 誦《詩》 諸 其 時 書》中 説 誤, 七 代 經, 載 兼 研 恒在禮樂之先 既 Ш 爲 墜 論 躍 手不 詳 蓋 通 凡 如 其 與《易 次, 也 又 |||而 世 其 余 出 義 何 譜 而 雜 一之指 亦 足 名 停披 意 説《詩 精 於 既 當 系 詩 引 思 也 日 嚴, 其 中 聖 既 以 是 賦 證 也 世 ·之爲 書 之他 斯 沉 喜 又訂 摭 人 後 而 詩 所 儒 本 其 思 斯 H 口

後,欲使觀者有所考鏡焉。崇禎十有冠其前。其諸義未安者則附見之章句之

撰頗 錢澂 繩 合者。 編 几 也。」 年 年。 之日 多。 ,混《風》、《雅 要之自成 . 至於考據精詳 一晉江 一家言,不 何氏《詩經世本》,以 》、《頌》爲一,其牽 有恰 必 以 與《詩》 經學 合 杜 相

其 但 吴應箕曰:「何玄子黄門作《詩經世本》, 中 更 易 疏 四始 論 有 爲 卓 然不 時 有 朽、 識 發前 所 X 非 未 發者

葦》也 年》也 月》也 按: 康之世詩 長 發》 何氏《世 也。 良 甫 次 八篇:《公劉》也,《七 耜 田 殷 高宗之世詩三篇 **>** 盤 本》,其序次 也 也 庚之世 · 大田 載 **芝** 詩 也 首 也 篇 夏 豐 少

之世 也。 露》也 置》也,《樛木》也,《 篇:《草蟲》也、《出 也、《殷其 苡》也,《野 也、《摽有梅》也、《漢 辛之世詩二十篇: 也、《杕杜》也、《皇皇者華》也。 臺》也、《伐木》也。 也,《卷耳》也,《鹿 也,《桃 庚之世詩 魚麗》也、《采蘋》也、《凫鷖》 羔羊》也,《小星》也,《江 那》也、《烈祖》也、《玄鳥》也。 詩 太丁之世 《菁菁者莪》也、《汝墳》也 天》也 Ŧi. 一篇 篇 (雷》 有 . ·, 死 也 ^ :《殷武》也。 詩 冬軸 關 麢 鳴》也,《 Ŧī. 《采蘩》也,《兔 斯 雎 南 帝 騶 車》也,《四 也 篇  $\forall$ **>** 有嘉魚》也 乙之世 虞》也,《行 廣》也,《芣 也,《 也 麟之趾 《采 南 (葛覃 有 鵲 詩 Щ 武 薇 巢 汜 牡 帝 Ŧi. 有 祖

《絲衣》也,《楚茨》也 《思文》也、《生民》也、《我將》也, 棣》也、《大明》也、《文王有聲》也, 山》也、《破斧》也、《泮水》也、《常 落》也、《小毖》也、《敬之》也、《東 樂》也、《載見》也、《烈文》也、《訪 跋》也、《伐柯》也、《九罭》也、《假 王之世詩 《天作》也、《既 周 也、《潛》也、《桑扈》也、《蓼蕭》也 也、《匏有苦葉》也、《 工》也、《白駒》也、《小宛》也。 齊》也、《棫樸》也、《靈臺》也、《臣 也、《縣》也、《旱麓》也、《皇矣》也 湛 吉日》也、《振鷺》也、《有瞽》也、 武 !露》也,《彤弓》也,《縣 王之世詩十三篇:《魚 五十 醉》也、《雝》也、《思 篇 鴟 《閔予小子》 )。《信 鴞》也、《狼 蠻》也 南 藻 Ш 成

> 《凱 也。 《斯干》,●《泂酌》也,《卷阿》也 世詩十篇 也、《北門》也、《北風》也。 繆》也。 鐘》也。 王之世 《采菽》也,《昊天 柔》也,《四 武》也,《噫嘻》也 廟》也、《維天之命》也、《維 王》也、《蟋蟀》也、《天保》也、《清 時 武》也、《酌》也、《贅》也、《般》也 邁》也、《桓》也、《有客》也、《文 風》也。 夷 王之世詩三篇 詩二篇:《執 懿 共王之世詩 月》也,《采緑》也,《民 王之世 康王之世 漸 漸之石》也、《桑 有 詩 成 甘棠》也。 競》也,《鼓 命》也,《下 一詩 篇 篇 : 《 柏 清》也 厲王之 Ŧī. 篇 《綢 舟》 還 昭

0 「干」下,依文例當有「也」字。

《白華》也、《車舝》也、《角弓》也 《汎彼柏舟》也、《庭燎》也、《雲漢 《烝民》也、《無羊》也、《車攻》也、 《無衣》也、《崧高》也、《黍苗》也、 《頍弁》也、《瓠葉》也、《小戎》也, 《大東》也、《巷伯》也、《鴛鴦》也、 《采芑》也、《常武》也、《江漢》也、 也、《鶴鳴》也。 也、《祈父》也、《沔水》也、《黄鳥》 也、《東門之枌》也、《衡門》也。宣 勞》也,《板》也,《蕩》也,《宛丘》 也、《小弁》、❷《蓼莪》也、《十月之 王之世詩二十篇:《都人士》也, 小旻》也、《青蠅》也、《我行其野 鴻鴈》也、《韓奕》也、《六月》也 正月》也、《瞻印》也、《召旻》也、 一篇:《無將大車》也、《隰桑》也、 幽王之世詩三十

> 《淇澳》,❸《終南》也,《蒹葭》 《緇衣》也、《車鄰》也、《裳裳者華》 《巧言》也、《苕之華》也。平王之 《何草不黄》也,《小明》也,《匪風 鐵》也、《賓之初筵》也、《抑》也 也、《溱洧》也、《東門之墠》也、《女 世詩三十四篇:《瞻彼洛矣》也, 麻》也、《隰有萇楚》也、《菀柳》也、 也、《素冠》也、《逍遥》也、《丘中有 也、《緑衣》也、《終風》也、《日月》 曰鷄鳴》也,《出其東門》也,《駟 交》也、《雨無正》也、《北山》也, 黍離》也、《中谷有蓷》也、《碩人》 也

<sup>「</sup>旻」,原作「昊」,據四庫本、薈要本、《補正

<sup>「</sup>弁」下,依文例當有「也

澳一下依文例當有「也」字。

《二子乘舟》也,《芄蘭 也 茨》也、《鶉之奔奔》也、《桑中》也、 車》也、《鴇羽》也、《山 《何人斯》也、《著》也、《敝笱》也 也、《相鼠》也、《谷風》也、《氓》也 也、《大叔于田 子于役》也、《葛藟》也、《叔于田 樞》也、《椒聊》也、《戍申》也、《君 也 也、《伯兮》也、《兔爰》也、《有女同 南山》也,《雄雉》也,《新 一篇:《燕 狡童》也、《蘀兮》也、《褰裳》也 葛屨》也、《墓門》也、《習習谷風》 蝃蝀》也、《君子偕老》也、《静 野有蔓草》也。 一、《遵大路》也、《白 《簡兮》也、《考槃》也、《采 燕》也 **>** 也,《 桓 、《擊鼓》也、《節 王之世詩三十 石》也,《 將仲子》也 有扶蘇》也 》也、《牆有 臺》也, Щ 葛》 女》 有

《何彼 《有杕之杜》也,《鳲 也。 《猗嗟》也,《甫田》也,《載驅》也 世詩十五 也、《十畝之間》也、《蜉蝣》也、《候 《木瓜》也,《定之方中》也,《采苓》 《泉水》也,《有狐》也,《清 《干旄》也,《竹竿》也,《載 檀》也,《園 子陽陽》也,《防 兮》也。 之世詩二篇:《大車》也、《無衣七 之世詩 雨》也、《南山》也、《東方之日》也 人》也、《渭陽》也、《羔裘豹袪 東 方 陟岵》也,《葛生》也。 未 穠矣》也,《 九 明》 惠王之世詩十六篇:《君 篇:《有杕》也、《權輿》 篇 有 也、《盧 桃 有鵲 揚 **>** 雞 也,《 之水》也,《 鳩》也、《羔裘 令》也。 鳴》也。 巢》也,《伐 河 人》也 、馳》也 廣 襄王之 业也 业也 僖 莊 風 Ŧ.  $\pm$ 

《雅》、《

頌》混

而

不分,其義專

主

孟

子所云「誦

其詩

,論其世」,故

其

世詩一篇:《下泉》也。

雖《

風

而

篇:《子衿》也,《丰》也。 敬王之

丘》也、《式微》也。景王之世

詩一

迄

亦有足取,非豐

氏《魯詩》徒變亂

經文者

比

也。

至若

以

《草蟲》爲

故

以衆論,

不

南陔》,《

著菁

者莪》

爲《由

儀》,

弋以己志。

緜蠻》爲《崇丘》,皆出於臆見,不

之所爲作 孫治序曰:「《詩記》者,鹽官 也。 先生以天啓辛酉舉於鄉 張 元 站先生

如濡》也,《閟宫》也,《 王之世詩一篇:《碩 風》也、《黄鳥》也 鼠》也 有駜》 定王 也, 頃 張氏次件《待軒詩記》

(駉》也

晨

六卷。

之世詩八篇:《彼汾沮洳》也

),《株

林》也、《東門之楊》也、《東門之

池》也、《月出》也、《澤陂

》也

旄

合於古人。 次仲自序曰:「《詩》自 域、形 陳靈 吾處數千年後,蠡測管窺,安必其皆有 存。 ,上下千五百年,治亂興亡、風俗 勢方言、物 商、周,溯稷、契, 『古韻自《詩》不 變, 無 派所不

載

2161

疆

几

紫陽 也 不 哉 贵 以 不 臣 雷 來 書 然。 屢 生 絶 如 木,莫不原原 一孝子、 先 忘 矜 及 近古 迹 其 謝 絶 同 上 於於 生者。 異聞 義 於 嗟 其 春 臯 人 年交十有 有 ITI 、箋注 羽、鄭 事 官不 口 有 乎 有未合,亦必 古今得 司 書之 良 異 明一 馬 朱墨 有 友貞婦 於後之耳 第 先生殁後,予閱其遺編 顧 儿 所南 本 不 名 先 一言之裨於道者,未之或遺 代,不敢 其 詩 0 失之林,歷 Ŧi. 本 不 口 生 Ш 年 大抵 遭 生 與夫 絶於手,吾未 ,曉暢意旨,不誇多識 之藴 廢 一之行 之念, 平, 嘗 時 確 者 食者。 變革 尋一 有 以《 義 經史淹 至 Щ 潔,先生之心 自 證 一齋中 代 桓 JII 而 《序》爲 \*,遂 在 先生之語 治 據,不 發 原 譚 囊 巾 貫 閉 揮 隰、 亂 必 括 見 見 之故, 户 於經 據 傳 ·敢苟 注 著 子 禽魚草 有 其 却 之 疏 謂 注 披 獲 述 好 掃 語 忠 斐 學 爲 即 以 其 先 吟

> 之意 朱 生《詩 該 觀 察 必 倦 明 經 即 不 足以 **興亡** 究 群 嘉 先 爲 傳 無 箋《詩 其 徴 生 流 而 史,旁及子 記》 不 治 情 此 涕 必 日 外、《史》、《 删 垂之天 書 根 亂 ,鳥獸草木 成 述成一 》以《 可 據經傳、三 其 之機,又於無言 待 大 以 孫 壤。 軒 集,定其 小 作 不 訒 家言。 《漢》、《 先生 序 - 朽矣。 數言 ,受業 必 **>** 爲 一疏其 禮 砥 《晉》、《 行指 於 歸 行 於 流 Œ 簡 趨 ·, 凡 其 著 義 余 覽 處 端 (唐》以 書, 者 典 於於 玩 深 託 語質 文 讀 字 知 物 髦 會 於 復 作 引 年 刻 未 迄 句 乎 而 先 嘗 參 者 意 喻 有 中 不

遺 次 陸 發,第亦 獲 >,不 之義 以 元 輔 分 日 先 有過 前 卷 後。 「初名《弋 有 帙 當當 處 同 總 但 邑 循 論 陸 志 風 冰 ^ 箋記 通 修 譜 稱 雅 **\***, **>** 其  $\ll$ 取《 後  $\wedge$ 議 頌 詩 有 論  $\forall$ 拾 英

所未發。

其詮《風雨》也,既見君子則應

陸嘉淑曰:「待軒先生善言《詩》,多前

經義考卷一百十六終

弟子當塗金一蘭覆校

喜矣,然君子雖處山澤,感時悼俗,偏覓喜矣,然君子雖處山澤,感時悼俗,偏覓

張氏睿卿《詩疏》

卷。

存。

唐氏達《毛詩古音考辨》

一卷。

存。

一八二

## 經義考卷一百十七

秀水朱彝尊編

男昆 田 校

### 存。

申氏住胤《詩經鐸》、《詩鏡》

俱未見。

詩二十

劉氏慶孫《詩經朱註考》

進士,官太僕寺丞。甲申死寇難。」 陸元輔曰:「字孔嘉,永年人。崇禎辛未

孫氏承澤《詩經朱傳翼》

三十卷。

存。

午舉人。」

《廣平府志》:「劉慶孫,永年人。

崇禎庚

未見。

散見於《語類》、文集諸書,詳細備具。而 承澤自序曰:「昔朱子於五經皆有著述,

張氏溥《詩經註疏大全合纂》

焉

者載焉

貞

者

載焉

淫

一者載

蓋

義

於聲韻之微

默

寓

夫勸懲之旨

一,大者

法

在

馬

詩》獨

本

於日

用,屬

於

人情

取

經

率

以

闡

理

道

紀

政

事、定

誅

賞

大經

大

舉

一之書

蓋《詩》

》在

Ŧi.

經

中

與

他

經

異

隆

而

後

士習日

趨

新

異,視《集傳》僅

爲

科

有

專

門,

畢

力於六義之旨

而

詩

明。

迨

其

重

也

故

當

時

治《

〈詩》者

師

無

異

定

科

舉之制

首

重

明

經

經

説

兼

主

之信之。

明洪武初,元之宿

儒多有存者

未大行於宋之世。

至元季,

經

學諸

儒

家

獨《

詩》主《集

傳》,

不

兼

他

説

永

樂

初,

命

儒

臣

修《五

經

大全》,《周

易》

並

列

義》,《詩

經》

獨詮《集傳》,若是

平.

其

成

書,於《易》有

《本義》,於《詩》有

傳

集傳》力正毛氏之失,而

不

甚

許

口

詩記

》,當時

駭

者

半、

信者半,

故《

集

傳

、授,學 1/《集 載 他 然也 達其 説 略爲 義」。 邪 性 諄 禮義,穿鑿迂滯 禮義者哉 不 嗟 古 是非,通章大義業已了然。 奇者喜焉,反 小序》與朱子之說並 詩》之要,非 之用 極乎事 乎 如 有 思由 推 解, 不 是,朱子之説 1 夫 衍 也 余 乃三百篇之旨,一夫障之,千有餘 費 止 Ŧi. 情 而 ? 注《 之變,不 辭 情 以 乎禮 經皆以 反 説 操説 至於 暢 以《集傳》爲 詩》 謂《詩》盡 性 其旨 義 變《 耐 之路 洞 有 垂教,聖人於《詩》尤諄 不 如 古 窮 足 如 然於 風》 是。 年, 通 以 ,俾學者觀《小 此,故篇 亦 而 也 立每 窮 0 有之,然豈 性 發 無 此 凡三 心 庸 惟 上合之於 人 見 邪 乎 而 篇之首 之情 又就《 常 其 矣,故 聖人 也 篇 情 易 無 穿鑿 無 必求 稿 疑 味 止 教 皆 毛 者 經文, 序》之 集傳 定 故 情 乎 氏 始 有 It 止 人 思 其 禮 學 嗜 乎 平 不 無 取 由

之罪,豈在 歲不明於天 易》,范甯斥之,謂罪 故翼朱者 輔 下。 嗣 ,翼經也 下? 昔王 輔嗣 朱子闢之,厥 深 於桀、紂。 以棄 象之説 功 毛 偉 氏 亂

此 按: 最 嗣下,毛氏較齊、魯、韓三家《詩 醇 由尊朱子之過 退谷孫 故 獨 氏謂 傳, 其 也 毛氏之罪豈 亦 ,未免失言矣。 何 罪之有? 在輔

# 高氏承獎《五十家詩義裁中》

十二卷。

撰,惟子夏之《序》授高行子,傳至大、小子夏兩賢而已。《子貢詩傳》出於近人僞子夏兩賢而已。《子貢詩傳》出於近人僞承埏自序曰:「孔氏之門,身通六藝者七存。

《詩 其世 之於 鄉試 家世 氏 諸 於《邶 奔 謂 明道 聲淫爲《鄭》詩淫也,於是《鄭》 伊 廢《序》言《詩》,朱子用之作《集傳》,以 而 毛公以及衛宏,宏學於謝 詩》爲未 國,靡 者最 遂 説 或 [1] 序》若 師 ,先子旋以《詩》舉萬曆朝鄉會試,弇 治《詩》,曾王父以《 則 史 程 者謂《序》出於宏,然則曼卿 數百 欲  $\approx$ 7得 多,且 者皆無《序》乎? 子謂《詩》學必於《大序》中 删去 云《大序》非聖人不能 不 盡 鄘 是。 詩必載其 有淫 年矣; 攷其 善 **>**′</br> 其三十二篇, 以 自雪 矣, 奔 鄭、 衛》,而《 毋乃賢知 之詩。 衛之音 Ш 事,然後其義 王氏、夾 人,十有一傳矣。 詩 王 理之所 數傳 曼卿 》舉 風 並 之過 是以 舉, 作 ×, 隆 而 詩 漈 者 ,其篤信 必 與? 而 孔 出 鄭 魯 推 以前受 也 求,又 齊、 可 無 子 一 齋 於 氏 而 知 也 卯 删 子 淫 陳 及 鄭 乃 論 王

錢

(謙益

日

「嘉興高

工部寓公以文學世

.

遺書 也。 以 爲 得之。』《集傳》去《序》言《詩》,求詩 鄙 教然爾。」 風》淫奔諸詩仍存舊《序》,其餘 子者也。 志於千載之上,以意逆志之説 乎孔子者也。孟子曰:『以意逆志,是爲 傳》廢《序》者十之九矣。 稍裒集 三百,一言以蔽之,曰思無邪。』《序》所 發乎情,止乎禮義」者,無邪之説 集傳》 為歸,而 如子, 前無舍《序》言《詩》者,淳熙而後遵《集 經經 竊取 亂散 ,言《詩》者得 五十家之義附之,非 亦以《詩》義 編 者二程子之言,亦孔子之《詩 吾因 失,亟 而 己。 二者而 割 自避兵竹 饘粥 五十家。 人彀。 裁 之産 孔子曰 其 中 敢異於朱子 然墨守者 林里,故家 以 也,本乎 焉,於《國 大約淳 則 購 : 以朱子 **《詩** 也,本 之,稍 人之 孟 云 熙

> 病而 才吏; 厭 爲矣。」 進士,慘憺表孤墳。』此 其家,爲文士;出令衝邊,乘城捍患, 酉兵後,悲歌 心,而以 病,祈 瀝 死 血 爲 死而 帶索,爲父訟冤,爲孝子。 可 炕 樂 慨 死, 也 低 庶 徊結 其 其 幾從容就義者之 詩 詩何詩也? 뺌 日 『惟 以 生爲 將 祈 爲 前 可 Z

+ 經亂遺失也。」 虞衡主事請 士,歷知遷安、寶坻、涇三縣 譚吉璁曰:「先生字澤外,中崇禎庚辰 家《詩》説 折衷之, 亟 還 里。 曰《詩義裁中》, 聚 書 1 事 十 ,以南 廚 惜 I 集 其 部 進 Ŧi.

朱氏朝瑛《讀詩略記》

一卷

存。

義 考

得之。 之物。 若 循法 時 節 黄 也 者之賦 於既亡之後明矣。 僅存首句,則首句作於未亡之前 夫 以 賦、比、 淫也,辭正 八宗義 明 此 蘋 也。』其指事也切,其取義也直 ,樂官備也; 信之將,非 蘩蕰藻之采、筐筥錡 也 以 又謂《鄭》詩 體 又謂 興。 日 婦 是 士 則聲正,辭 女之事 也。 作詩 先生言《小序》,觀亡 以《 射義 諸侯 興 『大夫以《采蘋》爲 采蘩》 有 》:『天子以《 乎? 喻 賦 子 不 以《貍首》爲節,樂 士大 淫 特 由 比、 爲 則 辭 獨 其 釜之器,感 節 夫,非 興,用 聲 不 取 折 淫 淫 初 衷 樂 騶 一,如作 辭 其 不 詩 非 聲 一詩六 比 詩 虞》 節 失 乎 相 頗 下 亦 亦 大 職 樂 詩 會 有 離 ? 爲 不 爲

#### 黄 氏 淳 耀《詩 劄

一卷。

輔 佚。 日

幾 儒 陸 禎癸未春,繕寫 書,遂至遺失。」 赴 之説 元 會試 爲 兩 . 成 造, 陶 進 一卷,至《王 庵 而 士,歸 先 以 生《 己 意 里 詩 加 殉 劄 風 讞 難 取 決 前 未 焉 漢 止 及成 宋 未 崇 諸

#### 萬 氏 時華《詩 經

未 見

時 既 有 所 華 久,忽復成書 見 自 序曰: 隨 手 識 一予家 之,義 ,題之曰《偶箋》。 世業《詩》。 類 不 能 深 也 《詩》之 閒 跧 居 伏 偶

陸

元輔曰:「時華字茂先,南昌人。」

周

所謂旦暮遇之者耶?」

或遇之。若是,予雖不能得其精微,豈莊 之中,作《詩》者之志與讀《詩》者之意偶 下,何從逆之? 大都古人妙理相 説《詩》以意逆志,夫千載之上,千載之 支派以爲斷,千年《風》《雅》幾爲迂拙 超忽,而 堂,轉轉訛謬。 傳而生訓詁,而 今之君子,因經有傳,而逐傳者遺經; 深,或隱之而 精微與他經異,或近之而遠,或淺之而 陋之書。嗟乎! 必欲固執其字句以爲綱、强 顯,或笑而嘆,或反而 夫古人之唱嘆淫佚,神 襲訓詁者迷傳。 其鄙甚矣。孟子之論 塾師 遭 無 疏 因 故 腐 境 其 講

馬氏元調《詩説》

張氏星懋《詩采》

八卷。

存。

年有『曹共公遠君子、近小人』之語,蓋魏《小序》爲祖,毛説爲宗。夫祖《小序》者似。 以《序》爲出卜商手,蓋自沈重之言始也。以《序》爲祖,毛説爲宗。夫祖《小序》者

文、武 合也。 然? 嘗以 其 所 康 萬 庚》 白 嘗登載 既没之後,在康王世也;《何彼穠  $\pm$ 爲 得不以『平王』爲『平正之王』,以《周頌 後於漢 小序 人人其 不言 功。 物 成 王 )則 華 以 Ŧ 得 命篇二字取 宗毛氏者,以毛 以爲 時 毛氏以《召南》爲文、武之詩,故不 一時作 前 極其 黍 後之詩,有平王 事 殊不 也; 則 再 叙 也。 古 萬 深 四 則 故 **>** 高 《甘棠》、《行露》之詩,召 知 至 物 繹 切 書又無明證 以 大。三百篇之《詩 如《 是而 書 各 不 明 爲 之,凡《左傳》、《 義,序《詩》者 得 中 著, 由 時 白 始行 此 不以『成王』爲 其道、《崇丘》則 和 氏 華 歷 類 歲 與 歷 以後之詩,不 V 則 甚多 也 豐宜 則 孟子 如 以 未 0 見 \_, 何 爲 黍 説《詩》 有 子 或 召 以 稷 孝 能 苟 嘗 矣》作 『成 語 南》 并未 知 ? 子 以 明 反 特 潔 指 公 有 此 多 其 由 書 覆 爲 所

> 於平 下 采 也 六 義 能 序》是當時 孰 美成 之詞,何 《緜》之『文王蹷厥生』,皆後世詩 文王』,《思齊》之『文王 『比於文王』、《靈 小序》不 考亭, 經皆 ×, 有 知 解 詩 大 王以後 或  $\pm$ 0 在 軋 宜 》獨 於此 斯言 亦 嘗 或 史也。 逢《 解 用,然程 或 無 雜 猶 作 , , 者 亦猶 未 史作,如 義 取 小 是 於 詩》獨 ! 必 文王 齊、 序 也 今吾 非 是 信 若 》,或 0 臺》之『王 伊 無 也。 魯、 乎 之世 不宜 毛氏 夫考亭,一 不作,則孔子亦 JII 義 友宅修之爲《 之母』、《皇矣》之 ? 韓 進 ^ 也 有 大明》之『維 解,非 佚 解 ? 退 ,義 云 故 説 毛 ^ ~, ~ 《周 在 六 詩》之失, 在 或或 解 經 詩 靈 意 不宜 人追咏 樂 頌》之 皆 · 小 沼」, 傅 排 或 也 詩 斥 有 不 上 解 此

列 ]1] 失其所以爲采詩而已矣。」 毛説、考亭,亦水乳矣。故《詩采》者,不 采,亦水乳矣;即更而敷之於《小序》、 之删,水乳矣;即因以求合於太師之 采,吾夫子盡悉乎采之意,而後能 之説也。古太師先得乎删之意,而後能 其意不可尋者,夫子删焉。』此求解於史 其意可尋者,夫子録焉,其人不可 於樂之說也。 焉,曰:『如賜者,宜何歌也?』此求義 予又安得贅一 廣 今宅修操孟 、國諸大夫賦《詩》本旨,而參以律吕, 以五雅百家,察以五方人物、風土、山 、遺蹟、悉以九州喚咻需於聲音氣息 子論世之旨,以求合於夫子 詞哉 馬端臨曰:『其人可攷、 子貢見師乙而問 致

高氏鼎熔《詩經存旨》

鄭氏若曾《重輯詩譜》

韋氏調鼎《詩經攷定》

一十四卷。

吴周瑾曰: 調鼎字玉鉉,蜀金川人。」

#### 趙氏起元《詩權

八卷。

存。

曹溶曰: 「起元字庶先。」

喬氏中和《葩經旁意》

卷。

存。

曹溶曰:「中和字公致。」

丘氏九奎《詩經弋獲解》

六卷。 未見。

胡氏紹曾《詩經胡傳》

十二卷。

存。

紹曾自序曰:「古經並

有竹簡

漆

書,

葭萋萋』之作『凄』也,『不可畏也』之作 真,不可枚列。 字與三家異者凡百數。迨東漢後而篆、 《詩》獨爲群儒口授,《毛詩》尤後出,其 『終焉』也,『不能辰夜』之作『晨』也,『蒹 彼襛矣』之作『穠』也、『終然允藏』之作 隸更爲正楷,點畫小譌,厥旨遂殊。 家《詩》亡,毛傳巋然獨存。乃字樣 猶或傳繕偶乖,至如『何 諸 失

《邵武府志》:「丘九奎,字子聚。諸生。」

羊』也,『大叔于田』之删『大』也,『隰 祀』之作『響』也,『天降滔德』之作『慆 君王』之爲『室家』也,『不憖遺一老』之 它』之爲『他』也,『羊牛下來』之爲『牛 夫『召伯所態』之爲『憇』也,『之死矢 作『于』也,俱明舛碍理,並 之作『痔』也,『言授之繋』之作『受』也 也,『彼徂矣』之作『岨』也,『庤乃錢 也,『爰其適歸』之作『奚其』也,『以享以 宰』之作『冢宰』也,『朔月』之作『朔日 也 六駁』之爲『駁』也,『取 ·其旂花花』之作『笩』也,『降予卿士』之 狸」也,『婦嘆平聲。 亦 『憋』也,『折薪拖矣』之爲『杝』也,❷ 『胡然厲矣』之作『胡 也、『鄂不韡韡』之爲『幹』也、『家室 可畏」也,●『求爾 于室』之爲『嘆』去 新特』之作『求 爲」也,『家伯維 彼 無他 狐 貍』之 據。 鎛 我 有 靡

> 與? 救』也,『不皇朝矣』之爲『遑』也,『洒埽庭 内』之爲『廷』也、《小旻》、《抑》詩兩『泉 塵雍兮』之爲『雝』也,『既匡既勑』之爲 何可忽也! 『享』也,此則互易倒 挃挃』之爲『桎』也,❸『亨祀不忒』之爲 流』之爲『流泉』也,『以篤 爲『箎』也,『潸焉出涕』之爲『潸』也,『維 『于』也,『不拆不副』之爲『坼』也,『穫之 『昊天大憮』之爲『泰』也,『仲氏 經何可 夫前古蟲鳥不 改 也! 不暇 揉。 于周 若是者改之 加 可追矣,秦 訂 祐』之删 與? 吹篪』之 經

② 「折」,據《詩經胡傳·序》、《毛詩正義》卷十二,當作胡傳·序》(明崇禎胡氏春煦堂刻本)補。 「作」,原無,據四庫本、薈要本、《補正》、胡紹曾《詩經

<sup>■ 「</sup>挃挃」、原作「挃之」、據四庫本、薈要本、《補正》、《詩

疏則用時畫,庶使學者得窺三才之奥,而待釋者。故經之正文皆當從大篆,其注稍近,古隸又次之,能通篆、隸,則義有不

止

金聲正希爲之序。」

諸儒之説而編次之,至陳際泰、

顧夢麟

而

經學用是可明矣。」

尚書錫衮序其書。」 吴周瑾曰:「胡紹曾,字宗一。舉人。王

### 顧氏秉禮《毛詩翼傳》

未見。

錢金甫曰:「華亭諸生顧秉禮育宇撰。」

范氏王孫《詩志》

二十六卷。

存。

陸元輔曰:「海陽范王孫輯。雜采古今

### 顧氏夢麟《詩經説約》

二十八卷。

存。

舉子兔園册也,然於經義頗有發明。」 吴周瑾曰:「夢麟字麟士,吴人。是書亦

陳氏弘緒《詩經群義》

未見。

八三六

五卷。

信。 以詳其制作,徵諸三傳以審其本末,稽之 衛宏所作,不可概從。 作解,泛濫無歸,非附會即穿鑿矣。《序》 錢金甫曰:「《田間詩學》一以《小序》爲 是古《序》,此下即其説而引伸之,乃東漢 之本也」、『《卷耳》,后妃之志』,只此一語 如『《關雎》,后妃之德也』、『《葛覃》,后妃 斷,其言曰 王大紀》以辨其時代之異 五雅以核其名物,博之以《竹書紀》、《皇 全據,要不甚謬。若舍《序》說《詩》,隨意 周之典禮,殷之宗祀,魯之郊稀,其 存。 :『《小序》去古未遠,雖 學者必考之三禮 同與情事之疑 未 可

陸氏圻《詩論》

苦心。

近代之説者,莫有過焉者也。」

蓋飲光於《詩》學,擇衆説

而和調之,頗具

源流度數具載於《詩》,宜爲之考詳定正。

五卷。

存。

家爲浮屠,居韶州之丹崖山。 士。甲申後,隱於醫,賣藥長安市。 繆泳曰: 士,遁去,不知所終。」 「圻字麗京,更字景宣,錢塘賈 繼又爲道 後棄

0 五卷」、《校記》:「四庫本十二卷。」

經義考卷

一百十七

### 顧氏炎武《詩本旨》1

三卷。

存。

《韻補》之謬。山陽張弨力臣刊行其書。」三百篇無叶韻,均是本旨,以闢吴才老李因篤曰:「亭林顧氏廣引古人韻語,謂

弟子宜興陳材覆校

經義考卷一百十七終

有《詩本音》十卷,爲《音學五書》之一。「旨」、《補正》:「當作『音』。」下「旨」字同。按顧炎武

0

據詳博、義論精核,可翼注、疏、《大全》之

説而折衷焉,亦名《詩劄》,凡十卷。其援

未及成書。

崑山朱商石倣之,會諸家之

陸元輔曰:

「先師黄陶

庵有《詩劄》二卷,

存。

十卷。

### 經義考卷一百十八

秀水朱彝尊編

男昆 田 校

《斷章别義》

三卷。

朱氏汝礪《詩劄》

俱未見。

毛氏晉《毛詩草木蟲魚疏廣要》

四卷。

存。

晉自序略曰 : 陸璣《草木鳥獸蟲魚疏

書。 發先儒所未發。」 商石又有《禮辨》十四篇,多出新意,

蔣氏之縣《詩經類疏》

一八三九

相

傳日

久,0

愈失其

真。

予爲

潤

其簡

略

董氏説《詩律

卷。

顏氏鼎受《誦詩弋獲》

四卷。

存。

錢氏龍珍《毛詩正義》

八卷。

未見。

其他

訪

逸

一典、搜

秘文,用

以

裨

輔

其

Œ

學,

世居虞山

東

湖。

以經史全書

勘

警流

布,

錢謙益

曰 :

「子晉初名鳳苞,

晚

更

名

僅效王景文『十聞』之一爾。」

鵲之類,循本經之章次

而

補遺

焉,命之日

廣要》。

雖不敢比於解頭

折角之倫,亦

正其淆譌,更有

陸

氏

所

未

載

如

葛、

桃、

燕

於是縹囊缃帙,毛氏之書走天下。」

杜濬曰 還。 游學桂陽, 《誦 : 詩弋獲》四卷、《六義辨》一卷、 遭亂 桐 鄉 顔 鼎受孝嘉 衡山爲道士,潔身而 倜 儻 士 也

本)改。 詩草木鳥獸蟲 璣」,原作[ 機」,據四 魚疏 廣 庫本、薈要本、《 要 序 略 》(明 補 正》、 禎 毛晉《毛 逮

0

存。

四 0

# 《國風演連珠》一卷,皆山中所撰也。」

#### □卷。●

朱氏鶴齡《毛詩通

存。

性情 廢。 《詩》家悉宗《小序》,鄭夾漈始著《辨妄》, 之首,王弼 多繫以序,孔安國移古文《書序》於各 朱紫陽從之,掊擊不遺餘力、《集傳》行 師 詰求也。 苑結,以微辭 鶴 詩序》幾與趙賓之《易》、張覇之《書》 齡自序 承,又非 雖 不存焉 然,烏 自 章句訓詁之不足以 可 移《易》彖、象、爻辭於各卦之 . 鑿空而 加 口 「《詩》之爲道,以 然而 托 廢 諷 也! 古人專家之學,代有 爲之説。 諭,此非 古人之書,卷 可 言《詩》,爲 漢唐以來, 以 依 章 永 而 句 末 而 訓 宣

> 明; 明矣。 以 或 《序》,止系以一言,則後《序》多漢儒 儒,首句則最古不易。 以增乎經與《序》所未有,支離膠 《序》之文最 根柢,以下則推 秋數百年間,陳 於毛公、衛宏, 《序》之出於孔子、子夏,出於國史,與出 中,毛公取《詩序》移至詩首,亦猶 序》説, 配《序》,或泥《序》以 子,其説必 鄭康成以三禮之學箋《詩》,或 觀 則 於毛公之傳《宛 首 古,毛 有 雖 句 而 所自。 之太師、肄之樂工、教之 無可考,然自成周 非 衍之,推衍者間 傳 毛公所 復 傳經,或贅辭 大約首句爲《詩》 觀於六亡詩之 稱 簡 丘 爲 ~,不 略 又明 固 無 出 是也。 所 同 於漢 至 舉詩 牽 所 曲 矣。 發 於 益 説 經

庫全書》本),當作「十二」。 「□」,據《校記》、朱鶴齡《毛詩通義》(影印文淵閣《四

0

武 諸 惟 者 取雲 之微 朏 幸 解。 則 仲 人言 目 廓 日 而 詩 之《 一, 此 冥決 夫 達 詩 矣。 ? 清 . 而 皆 孫 紫 文奥旨 較之漢唐諸 前 之 疏 或 抑》, 楚茨》、《 又 也 此 序 以 陽 吾 之 義 之 根 風 严 何 亦 **>** 後代之爰書 謦咳 指、言外 所 又 柢 不 異 雖 勢 集 幺 雅  $\exists$ 依 謂鑿空之説 <u>=</u> 聽 可 然,《 有 傳》之出 Ŧ 信 不 不 違 形 也, 訟 朏 必 世 南 儒 得 頌 可 容 兩 一之意 者 至 序》 詩 Ш 而《序》以  $\leq$ 不 朏 復 家 雖 而 去 也 也, 》至《采 ? 尋 舍《 識 ^ 明 果 追 當 序 大埽 而 無 文 此 而《序 求 簡 不 序 貌 時 雖 盡 以 揣 其 近 則 可 其 之 然 蒙 菽 何 爲 辨 汩 其 義 情 不 以 無 祖 口 契 異 翳 亂 其 刺 **×** 毛 無 爽 言《 以 券 先 斷 以 信 寫 而 之; 而 得 出出 隰 詩 之 鄭 必 爲 爲 乎 證 牛 以 詩 與 失 詩 矣 ? 衛 者 説 孔 刺 驗 臆 以 無 面 口

紫陽 家 將 定 錯 訛 篇 亂 以 厲 不 至 政 次,反魯始克 君 年 之燔 聖 特 謂 於 鍾 簡 者 子 可 舛 ,太史掌記未亡 ,於《序》之不可易 汩 之是 求 律。』《 存 哉 絃 凡 於 如 動 · 有 X 滅 若 E 所 康 序》已非 故 於 天 誦 不 正者 乎。 謂 地 成 佔 哉 足 此 未絶 楚漢 書 序》爲《詩》之冢尺也 主 之膠滯 ? 畢 類 疑 感鬼神 藏 Œ 一文譎 余不 也 者 諷 當 之戦 也、《雅 吾 之, 魯 實 誦之流 時 則 壁 孔 難 語云: 諫 敏,竊 矇 况經戰 者 再 之舊 而 鬭 一,猶亡 以《 子 免 瞍 其終 可信 × 厚 汩 時 於 能 楚茨》 傳, 律 於 此  $\wedge$ X 『冢尺 È 學 去 保 頌 佚 吕 國之雲擾、 者 倫 紫陽之斥 古 何 周 者 又深 晦 無 居 未 爲 猶 諸 獨 義 公將 美 簡 之 昧 艾, 半 雖 疏 ,尚矣。 殘 篇 能 教 編 疑 而 湮 有 明之, 斷 之淆 缺 賢 化 賴 定 没 Ŧī. 排 以 無 百 吾 失 百 而 X 口 於 屬

其 又不 引 朱氏云云,①皆奉古《序》爲 通 之學者,其毋以予爲輸攻紫陽斯可矣。」 之《詩》也,故參伍 否,綜覈異 詩》,又不 詩》特過信夾漈之故,初非 經之一 晦 牴牾不可信者則詳 庵 敢 新 以 助云 説 紫 同, 敢 亦多從《序》,然則廢《序》言 以 陽 耳 使 孔 之《詩 積 氏之《詩》 群説以折 抑 被蔽 觀 群 辨之,要以  $\forall$ 東萊《詩 疑 有 涣若 金 殊 紫陽本旨乎。 其 而 科 於 衷焉。 格 冰釋 記 孔 審定 夫紫 黄 》所 氏 東 世 陽 之 發 載 口 庶

### 陳氏啓源《毛詩稽古編

世卷。❷

存。

言曰『信而好古』。夫三皇五帝之事,若朱鶴齡序曰:「昔夫子删定六經,而其自

公亦 羊、 成 以 《洛書》出苞吐 亦 闕 考求詳 典、徵文獻、禀師傳,苟古人之所有, 瑣,夫子亦 天書何異 存若亡,蓋有不可深求者矣。 口 取其義 子 爲善 疑 解 罔 秦 夏之徒爲之。 之法,在今人 也 象、 漢 述 慎 前 間 也。 而爲箋, 汪 爾 時 而 人,詁 芒、 不 雅 時 《詩 夫子顧 符,天人相接, 敢  $\forall$ 述 僬 序》出 概黜 即 以 訓 書,古 而 僥 至六書必 不 私 志之。 視 信之不 之 見汩 爲 免踳駁,自有 他 於子 類, 郢 人 經 專 書 亂 尤 蓋其 最古。 疑 夏,大、 此 祖《説 如《 以 燕 其 爲 與與 説 間 釋《 學 矞 後 下 河 聖門 (詩》, 綜 宇 世之 此 鄭 小 此 無 圖 至 嵬 康 墳 商 所

0 0

<sup>「</sup>記」,原作「紀」,據四庫本、薈要本、《補正》改

書》本),當作「三十」。
「□」,據陳啓源《毛詩稽古編》(影印文淵閣《四庫△

義 考

四

川

説自 宣幽 學 爽 名 也 箋、傳,如今人之安於固 者之株守一家而盡 育」,仍不 賦》,中云『廣青衿之疑問,樂菁莪之長 미 X 求其是,必自信古始。夫《詩》之有《序》 余書猶參停今古之間,長 干卷,悉本《小序》、注疏,爲之交推 深服其援據 余向爲《通 然心 物 動 ,荒於執 者 解 以新 決滯 必 不 也。 不 開 可 稽陸《疏》,皆先儒説《詩》律令,今 敢 · 用己 義 欣 説 廢。」然 異 義 劈肌 精 者謂 掩古義、今音證古音,此又不 先 然 同。 》,多與陳子長發 博。 説。門人問之, 頤 中 生之言 則 考亭《集傳》頒諸 解。 理,即 然考亭嘗 近乃自成《稽 屏除漢唐以 考亭之意 嗚 而 考亭見之,亦當 一發則 呼 陋荒 不求其 1 爲《白 ,亦豈欲學 專宗古義 商 曰: 尽序 忽者 來 經學之荒 古編 権 是。 諸 功令, 旁 耐 鹿 哉 儒之 通 著 成 洞

> 觴於此 者,必 先河 壘 之而已。」 也 源 峽、分九 一,猶江 岷 過 而 Ш 能尊奉此書爲孔傳未墜,長 湔 使知 也,豈非《記》所云『先王祭川,必 後 道 之發源羊 塴 海』之義乎? 河,汩 耐 緣崕 下 汩 時 然莫知 數百、激湍 膊嶺也,毛、 也 後 所 世有 儒之説 極 萬 溯 鄭 今與 里之皆 源 則 則 發 其 之導 歷 出 俟 百 濫  $\equiv$ 玉

徐釚曰:「啓源字長發,吴江人。」

黄氏宗裔《毛 詩瑣言》

存。

繆 泳曰: 「黄宗裔字道 傳,餘姚

四卷。

己》之它抄寫舊文,西河説《毛詩》名以《寫官之官抄寫舊文,西河説《毛詩》名以《寫官吴農祥曰:「《漢·藝文志》武帝置寫書

記》本此。」

### 《白鷺洲主客説詩》

一卷。

葺白鷺洲書院講學,楚人楊恥菴偕其徒陸葇曰:「宣城施侍讀閏章參政湖西時,存。

爲

都講,大可與之辨淫奔詩并笙詩。」

《詩傳詩説駁義》

五卷。

存。

存。

八四

六

徒以 寧 儒 見。若申培,魯人,善説《詩》,故《漢 再人之《漢魏叢 於是《詩傳》、《詩 志》亦云『小學』有《石經魯詩》六卷,則申 而 言第有口授 故』,則申培説《詩》固 即古今《藝文志》目 不可去矣。 **云『申公獨以《詩經》爲** 魯故 藝文志》亦云『漢 小序》於其端共刻之,名曰《二賢言 無 則復合刻篆文、楷體於白 林傳》云『言《詩》,於 傳 論《詩》有 語,遂造此書,其識 \* + 文。 按: (),無 Ħ. 即《志》 卷、《魯説 『賜 傳 書》,而二書之名遂 從來說《詩》不及子貢 説》一人之《百家名 文 也,始 亦從 興,魯申公爲《詩》 又云 也 自有據。 訓 則 魯則 》二十八卷,《隋 「所載《 故以 趣 無《子貢詩傳》, 可 中公雖 弇 下,且加 與言《詩》 申 教, 陋 · 培 但《傳 魯詩》 公二, 説 無傳」, 即 子夏 書 相 詩 ◇ 詩 書 此 文 有 訓 沿 E 而 口

耶? 即《詩 《詩》不一,假 者 則 况《隋志》又云《魯詩》亡於西晉,則雖有 説 公説《詩》雖 此《魯詩》,而《詩説》反襲毛傳爲莊姜、戴 首,王化之基 所 雎》刺之』,註 安知西晉之所亡者不即 傳文,而 次,亦並 魯詩》亡於西晉 列女傳》云《 西 》、《魯詩 載 ,則必當 反剽 晉以 則又不然。 説 非二十八卷與二十五卷、六卷。 亦已亡之久矣。 》,然《詩説》私 前 竊 與 》,不名《詩説 有傳文,亦第名《魯故 凡 匡 燕燕 二,曾 如漢杜欽云 云『此《魯詩》也』,今《詩説 今説 漢 衡 ,則西晉後亡之固已然 魏 夫《魯詩》至西晉始亡 所 不一 相 》夫人定姜之詩,或云 説《 論 合。 云刺 詩 爲明代之所出者 如 二十四四 三佩 乃 乃或者又 **>** 云 有 即 漢 玉 從《魯 謂《 魏 宴 風 篇 如 鳴 以 魯 ×, 詩 來説 無 劉 日 詩 之 闘 卷 魯 向

手

者。

申

培《魯詩》宗,不聞受學

子貢

貢

亦

不

聞

授某某爲

魯學,兩

相

解後

比

書

自

爲

輔

行

爲

補

苴

彼

倡

此

和

如

出

9

而

外

此

無

相

合

也

獨《子

貢詩

傳

》與

此

兩

前

後

所

次

又

復

錯

雜

倒

置

與

舊

亚

反

然

爲

正、續爲傳

即《風》與《

雅》與《頌》

中,

風》,

雜人《小雅》,而

以《小雅》、《大雅

爲《魯》,且

又以《豳

》之《七

月》

詩

名《邠

耳。

今《詩

説》

悉與古異,有《魯風》,

無

栩

》、《王》之先後與《商》、《魯》之有

È

H

栩

)與《

魯頌

而

以《豳》

與《

魯頌》合之

傳《訓

詁傳》次第無

不脗合,此非

齊、

魯、

觀

樂,以

次相及,在孔子删定之前

與與

毛

第,見於《左傳》襄二十九年,其

時

吴

季

札

嬀

大歸之詩

如

此者

不

可

勝

數

則今之

説》全非

舊

之《詩

故

可

知

且

舊

詩

次

韓

家

所

得

異

者。

即

小

有

差

殊,

不

過

傳 月》爲 其 耳。 變焉,不以《王風》爲《魯詩》,而 則 韓 極 史記 詩》三千餘 韓詩》 詩》及亡詩六篇,凡 毛詩》不行,三家不見《詩序》,故 魯頌》爲《魯詩 極》詩矣。又《 既  $\equiv$ 正 傷 今兩 家 E 且 我 義 有《 以 邠 他 稼 》謂 昭 書以《 ^ 漢 風》, 書 韓 穡 鼓 雨 王 》』,今亦有《魯詩》,然又故 篇,孔 書》皆云三百 史 不 鐘》 無 三家皆 詩 八 經 使人《小 雨 遷之説 矣」; 史記 字,然 極》篇,篇 爲 見 無 子定 歐 昭 也 有三百 IE 無 陽 . 王 又云『三家 》詩 先 爲三 恐 爲 雅 孔子世 之。』今故 時 子 儒 謬, 亦 首 Ŧi. **%** 則 云: 詩 白 謂 好 有 篇 十一篇, 竟 且 劉 今《 事 Ŧi. 此 作《 家》謂 以《豳 云 因 元 不 篇 者 雨 書 以《 以 七月 鼓 據 知 漢 附 無 城 雨 世 ^ 鐘 六 孔 今 古 謂 世 其 更 Ŧ 而 無 會 無

今兩 篇 以《 詩 歌 異。 語 墠 原 逸詩『豈不爾 曰「子之營兮」, 不爾思,子不 秀》,《小雅》之《圻父》,以《國 齊家,則傾 (圻招 漢 魯詩》 不 》秦 亦 Ľ 》爲《唐 有云『彼狡童兮』與偶 書 小宛》爲《鳴 即 精 以 失 書 志》 伯  $\approx$ ; 如《 則 博 『圻』爲『圻 反不能襲, 亦 賦《鳩 又《鄭》詩《 日 棣 遂 鄭 謂 以 適  $\approx$ 無 思』句 齊 我 狗  $\equiv$ 足 詩《 飛》,或 六亡 即 之, 家不 又《 地 鳩 以 乃 臨 狡 偶 》;《齊》詩之《還》,以 與《論 父一, 間 又 彰 小 詩 即 以 淄 東門 童 拾 其 相 有 雅 H 矣。 六篇 即 以《還》爲《營 他 同 更易 淺 官 似,遂以《 即《小宛》 營丘 語 以《 之墠》有 書 也 陋 小 相 其 》所引《唐 見《 篇 所傳,或 故故 史記 宛 類 語 私 ,故《齊》詩 詩 名以 ×, 也 據 》、
圻招 或 東門之 序 云『豊 也 以 易 名《 》箕 古説 明 見 也 巧 見 或 則

又

八或者

分

雅

四

牡

或

語

戚

説

亦

明

勞》《桑柔 詳之《傳 詩《定之方 云兄弟, 又或者各得 凡若 遂以《定之方 遺 《四牡 日 缺 舉 + 自 》,則《説 此 以《國 此 》,《傳》 儆 Ŧi. 燕 美, 以《説 傳 者 云甥舅, 如《小 燕 矣, 也 中》以 E **>** 其 日 親 族」,必合觀 亦 語 半,合 猶 合之而 君之所以 既 戚 無 不 雅 中 章 補 遂 箴 仲 兄弟 左 無 所 可 而 之,《 使 亦 \* . 做 史 爲《 梁子 文, 而 解 悉 嘉 ^ 臣 以 後 於 倚 詩 傳 得 矣; 數 一楚宫 之 則《 魚 説 章 ^ 或 備 日 相 然 **>** 也 全 抑 勤 **\*** 》之既 使臣之勤 日一 説 《大 後 日 **>** 又或 於 故 魚 **>** 初 爲 如 得  $\forall$ 如《 燕 雅 是 昔 麗 則 詩 口 立 ^ ^ 備 全。 者 小 親 小 作 大 以 懿 楚 攷 衛 中 鑒 之餘 爲 忌 自 者 陽 也」,《 襲 所 短 憚 既 四 娱 ? 襲

既

民

戒》。

懿

戒

w

以

傳》之

所

傳》乃或

武

年數

九

抑

宫也」,

衛

焉

雅

.

頍

弁

之,乃始 下,上與子貢、申 好旁竊《小序》, 介,有以《 然亦十之八九矣。 者。 之,否則,依傍 長。 乃 辨 牡 子貢、 且 乃 老 説 且其 也,故從其 **\*** 續 至如 作 學 得  $\forall$ 詩 予恐 君 爲 日 此 備 究 申 大 所 記 \_ 義 此 欺 授 培 勞 概 世之終 以 世焉。 此 之,世之 相 又惟 窺 生 多 書 培 朱 使臣」, 勞 質 辨之,不甚辨 其 徒 則豈 不 子《傳 襲朱 暗 而 難 使 恐《小 私 可 惑 脗 其 市 者 私 智 臣 不 有朱子生於 門 子《集 説 其 合者? 庸 掩 蓋 則 也 攟 辨 而 序》 説 ^ 以 日 图 詩 摭 也 有 煩 故 **定**左 固 不 之爲 則 傳 因 者 不 **>** 爲 陋, 者 苦 以 子 豈 必 家 於 則 可 傳 小 口 辨 客 告 朱 間 朱 合 言 無 白 以 無 而 别 考 論 X 子 世 子 告 觀 乃 又 雜 江 日 所 少

## 一書皆係豐坊僞作。

### 胡氏渭《詩牋辨疑》

### 惠氏周惕《詩説》

之,而門弟子 孔子删定六經,教授弟子,於《詩》 田雯序曰:「甚哉 存。 中 如子貢、子夏者 !説《詩》之難也。 則 語 屢 自 會

心,

,則反

復興歎,以

爲

可與言《詩》,外

此

無聞焉。

其後子夏得孔子之傳,著爲《

小

序》,略言作詩之旨,而未有論説。

漢儒

《小序》,其論 呼 其 序》非 蓋 有宋儒之醇 類 《詩》而病之,因著《詩説》三卷,其旨本 臆 而爲孔子所深論者與! 證據,雖 後,學者厭常喜新,屏 子則加甚矣,然猶間 漈、王雪山 韓、歐異矣,然猶 至朱紫陽删去《小序》,另爲 始句解 公, 断 説 造,雖悖於經、畔 其授受有自也。 與漢儒異矣,然猶 《詩》學之廢 其是非, 子夏作,而歐 而字釋之,毛公最晚出 一字 各自立説,并傳 而 采於六經,旁搜博取 蓋 非 句 不 膠 有 久矣。 必 廢 執 漢 陽 至 有去取 於 求 去一切訓詁 注 庶幾得詩 儒 子 唐 道 所 疏 不 之博 因之著《詩》傳 韓 惠子通經績學, 惠子 自 也 廢《小序》也。 昌 注去之, 弗 也。 一編, 而 黎 加 而 元 顧 同 非 始疑《詩 傳於今, 自 考其 龍 . 人之意 也 而 附 疏 常 鑿空 又與 是 比 鄭 義 於 朱 以 讀 通 夾 鳴

石

詣

然 訟 或 無 也 秋 經 汪 美 而 , 者 琬序 罪 於 或 恒 涵 簡 詩 莫能 聞 顧 刺 泳 各 日 》獨 之足 策之間 **冷春** 抽 守 或似 彙 主志 秋 繹 其 戒 漢 於 美主 者 師 美 鼠 踰 所 則 1,其詞 蓋 説 矣 事 距 數 = 而 9 爲 + 凡 異 傳 無 孔 實 主 過 事 則 其 同 子 之得 刺 文 而 之是 隱 於《 離 既 往 誦 未 其旨 合, 遠 失 諫 詩》與《 悉 往 非 猶 紛 與 其 世 從 曲 則 言 若 易 之言 所 直 百 之 春 聚 世 辨 瞭

之而 意義 先 肄 齊、 林 然。 學 謂 明 所 摘 毛、鄭又雖 致 也 后 商 若高 ,其於諸 E 衛 之 由 句 者,朱氏 存之不廢者,欲 魯、韓 無 頌 韓 公子 晏 怳 壞 乖 即 不 保 V 道 若 叟之固 反, 詩 也。 起 如 也 悉有 殘 德 三家遂亡 壽 耐 有 存 經 視《春 一家 守 謂 又 ^ 我 作 閔 悟 依 也 同 亦亡。 關 陃 謂 婦 也。 門 其 據 風 必必 止 雎 間 人 潛 Œ 惠 秋》 兄伋 俗 以 耳。 w 傷 自 考父 非 出 思 ^ 自 9 也 之指 子 今令甲所 廣學者之見聞 黍 則 夫 遠 唐 如 己 明 此 元 愐 原 尤 離 有 引 專 世 意 美 世 魯 始, 然 龍 作 甚焉。 其 惡 盛 門之守 爲 宋 也 詩 盛 左右采獲, 好 9 此 初 行毛、 疾 而 襄 示、學、 行 爲 之 非 學 至 而 公而 詩 朱 齊 疏 淹 然 者 謂 其 不 作 芣苢 詩 注 鄭 博 教 合 宫 俾 通 尋 師 而 刺 ; 作 之 之 證 於 儒 至 章 説 耐 所 而 不 康

之,以

俟

焉

康

熙

癸亥七

月

於正 諍 發 否 而 一,然博 明 子矣。」 不 · 蜂 變者 一, 亦 可 未 而 也 謂 知 不 毛、 蕪 於孔子删《詩》之意果 其 質而 鄭之功臣,夾漈、紫陽之 所 著《詩 不 俚,善辨 説》先成, 而 合 多 不 所 與 詭

# 王氏夢白、陳氏曾《詩經廣大全》

二十卷。

無 自 也 見 以 韓 一菱序曰 如如 其 後 所 爲 也 受而 家 或或 存。 嗜昌歌、羊棗然,然可 愛之當 未 以 見 存 : 傳 云然,固 或亡。 存 之,其 漢 如 者之 初 湯 去聖未 吾 盤 可 弟 亦 甚 棄 有 子 孔 惜 不 説 也 鼎 遠 夫亡 爲 矣。 以 其 學 苟 而 辨 者 者 然 研 諸 同 其 之 之 而 而 經 於 真 不 數 悦 夫 師 贋 世 古 及 傳 各

基、王 者 之詳 明。 之長,斷 紛 有 《詩》尤 歸 説之詳而 則 劉 謂之注 夫學者之慎取 同 而後之爲其義 而嘗其旨 蓋 者則 於 如 據 不 軌 亦不 鮮 焯、炫 明 同 思 也。 肅諸 矣。 即 精 初 ; 而 兩申之,而 以 劉 而 因 謂 下己意 反約者 以 否。 後 偏 儒之説, 以 己意,以 醜 之箋。 自 然自 輯之 鄭 廢 爲 焯、 毛學 科舉之學興,朱子之説 疏者,有全緩 故聖人之教, 之 之於經 也。 本 即即 朱子之説出 爲《大全》, 也。 而 者 審 炫之屬。 其 或述毛,或 箋者,表 授諸 己。 蓋 牴牾於毛者亦多矣。 也,其 備 《集傳》者,集 間 收 也 所 其 朱子 遵 之一毋 勤矣,而 門人, 引 暢 於毛、鄭之不 ,何胤,舒瑗, 也 而 習讀 孔 在學博 於《詩 如 寧 申 厥 識 説 氏 孫 日 博 鄭 遞 也 詩 毓、 王 以以 Œ 颗 衆 其 故 相 而 義 散 鄭 説 然 箞 乃 亦 俟 雜 發 説 不

與之合也

夫『廣』之一言,近世

窮

經

者

石

也

由《詩》以及餘經,余於二

君

有

勸余凡宋元

説

經諸

書,毋

論當

否,

宜

悉

儲

余竊

韙

其言。

今二君何乃不

謀

而

志

1,當時

奉

詔

趣

成之書

也

殊

多闕

略

且.

我之懷者也與。

往顧

先生亭林嘗

語

余

·自五經有《大全》,而經學衰矣。《大全》

之於《詩

也

亦

勤

矣,其

於古·

人亦

善通

彼

或

未有折

衷,夫

是

以

廣之也。」噫

二君

而

或

割裂片語,未備本末,引諸家論

説

而

#### 謝 氏《詩經淺義》

未見。

資

(博覽。

其言

日

:《大全》一書,采

群

經

及《周

禮

》《儀禮注

疏

》及他名物諸

書,

以

以《集傳》爲主而

存毛、鄭之足存者,又間

青氊 得。 約 進 成 佞 而 纂玄久之,著成 先生於《詩》尤 佞獲侍先生臯 唐文恪公序曰 往 讀 不 ,其采摭 均,時温 蓋先 往 佞與之講 今之譚《詩》者必 之,其旨 ,蕭然吏 解 生苦心 頤 陵章 必彙 隱。 遠,其 : 業,津 比 稱 成 紳 諸家之粹,而 專門 十年,殺青乃 ,先生幸借交杵臼,時 均 編,曰 歲 先生據 謝 職 辭 津 乙酉,不 先 名家 折衷於考亭氏,考 事 乎有 文,其義 [《淺義 生 無 梧 一實 諸 他 味 絃, 司 佞 竟,斯! 龐 **%** 其言之也。 所指授,不 時 鐸 鼓 該,其言 誦 雜 攄 焉 不 槖 首 滴 所 佞 來 受 宿 時 不 勤 獨 游

甚

矣

其

陋

也

梁溪

王

金

孺、陳

依聖,志

!

記

者

於

先

賢

詳

審

持

擇

之

苦

心

亦

晦

矣。

見

於《大全》者,

亦

或

有

憚

其

繁

ᆐ

不復有

士

也

,通

經

好

古,有《詩

經廣大全》一書,

爲 亭 以 遠 就 《詩》也 訓 和 其 訓 鬯,使上 夫非 集 詁 傳 而 於《詩》教 ×, 復 必若先 智者循 舉 訓 子 詁 家 生 之,支 大有資 是 奉 斯 以 一之若 編 離 求 焉者乎 明 ,不及者亦 日 律 白 甚 式 典. 悪 焉 ! 雅 在 簡 其 然 口

#### 安氏《詩義纂》

未見。

之用 其 劉 義 年 醖 也 〈詩》 義 之後 藉 ,言之所 榛 前 與《春 序 愈 使諷 同 而 乎 晦 時 經 亡矣。 之者 之人 指 秋 蓋 六經 未 顧 V 亦 聖 未 必 涵 詩 然。 所 爲 且《易》 泳 必 人 **>** 也 以 之 盡 志 而 者 泥 之 明 自 所 知 其 隨 之,况 所 不 道 得 取 文 存 其 口 也 惟 感 自 性 而 爲 在 則 而 其 情 求 典 Ì 數 其 爲 止 之, 要, 之正 Ŧ 温 其 乎 帖 理 厚 志 則 括 而

其 抽 求 志 興 即 汲 誘 不 能 故 爲之纂。 吉者業《詩》,病 以言是循; 口 反之於性情 日 一:經 不 者 焉 絲 知 觀 品 不得不 以 天 興 古 謂 穿穴, 下 斯 懷 慨 群 人 品 也 而 以 之亡 道 之 怨 於 利 草 世 適 或曰 之存 明道,道亡 事 以 帖括之中,使之不 迨 學 木 變 以 以 以文爲業; 以 乎 至 之間 馳 矣。 鳥 不 爲 君 求 ? 言是 . 前 後 章句之末, 獸 心 奪 事 世之説《 明 經 世 之名 則 依 遺 志 雖 父之益 法 也。 不 循,不得 先 夫 賴 而 者 經 然 其 以 亦 爲 經 以 訓 將 也 王 吾 所 有 詩 帖 不 文爲 之學者 す,其 之 詁 哉 廢 而 何 美,戒 旦前 括 志 者 暇 棄 有 ,於是不得已 不字櫛 教澤既 希 謂 者 而 而 識 ? 業,不得 未 屣 T 輩 之亡 誠 古人 往 愈 其 遑 至 於文藝 圃 彼 安 應 明 往 大 所 句比 去也 也, 熄, 乎? (之言 問 君 夫 乎 是 大 刺 其 汲 不 所 而 而 履 之

經義考卷一百十八終

弟子秀水高宗濂覆校

一八五五

《姓譜》:「申字景山,甌寧人。皇祐進

佚。

士,爲國子監説書,神宗擢爲御史,尋知

### 經義考卷一百十九

秀水朱彝尊編

男昆田校

諫院,出知舒州。」

篇。

詩二十二

梁簡文帝《毛詩十五國風義》

存。

還居澉 湖,海鹽人,從吾先生澐子。 王文禄曰:「董子名穀,字實甫,初號兩 渡江從陽明先生游。 薦浙闈,屢試春官不第,退而耕於海上, 水。 澉有碧里山,故又稱碧里 初令安義,改漢陽, 正德丙子,

董氏穀《國風辨》

八五六

2194

吴氏申《十五國風咨解》

山樵。」

《宋志》:一卷。

林氏國華《十五國

風論》

未見。

顧氏
足徵《十五國 風 疏》

卷。

存。

繆泳曰: (國風 疏》説《 崇禎甲申後,棄諸生,閉户著書。 君諱玘徵,字文玉,嘉興梅 鄭》、《衛》詩不盡泥朱子

會

毛氏奇齡《國風省篇》

卷。

存。

聞 畢,去受他經,因受《詩》。 參博野稗,爰有舊義所未安者,爲合綜所 古燕、齊、韓、魯紛紛之説。 海,下及漢、魏、晉、唐、宋諸儒,以暨所爲 得竊聞時賢往來所論《詩》, 奇齡自述曰:「奇齡隨兄萬齡受《尚書 ,轉相論述,著聞《詩》說辭合如干篇 時避人 且旁極名物 自 河間、北 壁 中,

卷。 存。

一八五七

義 考

改今名者,臨安陸圻先生也。」 也。然而其名侈焉,因復改今名。 闕,補飾成文,合而計之,得如干 胠篋重以畀爨,辭中可記獨《國風》耳,餘 名《問答》,以其中起義多假諮 何有之矣。 友人張杉迫予記憶, 而惜乎亡之。涉江以後,頻行瀨中,注 諏 因漏 發 篇 其請 疑 文 就 初 經

黄氏祖舜《詩國風小雅説》

佚。

許氏懋《風雅比興義》

十五卷。 佚。

趙氏宣光《風雅合注》

三卷。

未見。

吴 周 瑾曰: 「宧光字凡夫,吴人。

隱居

寒山。」

亡名氏《比興窮源》

一卷。

顏氏鼎受《六義辨》

卷。 存。

八五八

篇。

存。

游氏酢《詩二南義》

未見。

張氏綱《周南講義》

卷。

按:《講義》載《華陽老人集》,始

存。

《詩序》,至《螽斯》章。

周氏紫芝《騶虞解》

篇。

存。

劉氏褒《北風 圖》

卷。

亡名氏《詩關雎義解》

佚。

佚。

張華曰: 見者皆熱;又畫《北風圖》,見者復寒。」 漢桓帝時,劉褒畫《雲漢圖》,

一八五九

#### 衛氏 協《北風

卷。

佚。

李嗣真曰: 顧 畫居 然虎頭 又服 衛

協畫《北風圖》。」

高似孫曰:「 隋朝官本有衛協 畫  $\wedge$ 出出 風

圖》 一卷。」

陸氏探微《毛詩新臺圖》

卷。

佚。

衛氏協《黍離圖

卷。

佚。

茅氏坤《鄭風 説》

篇。

存。

李氏公麟《緇衣圖》

陸

探

卷。

有《豳

風七月圖》。

昔戴安道作《南都

賦

微有《新臺圖》,衛協有《黍離

圖》,

司

馬

昭

高似孫曰:「古人多好以《詩》爲圖。

八六〇

圖

按:

探微所

畫《

新臺圖》,見《貞觀

公私畫史》。

人尚以爲有益,况以《詩》爲圖乎!」

佚。

佚。

《宣和畫譜》:「李公麟,字伯時,舒城人。 熙寧中登進士第,任大理寺丞。」

### 茅氏坤《秦風説》

篇。

存。

亡名氏《小戎圖》

《通志》:

李氏因篤《蒹葭説》

篇。

《蒹葭》三章,乃知周之遺民不忘 轔》、《駟鐵》、《小戎》諸詩。 遺俗宜有存者,何至一變而爲《車 按:李氏之説,大旨謂秦之封域 多,要不可問矣。惜哉 與余同被薦,授官檢討,未踰月即 生,更字孔德,又字子德,富平人。 也。此前人所未發。 方,溯洄、溯游者,皆指洛陽而言 故主,思乎王之在洛,所謂在 本周之舊都,周家積德累仁,流風 不出。終於家,無子。 上疏請終養其母。 母殁,仍堅卧 李氏字天 其著作甚 及讀 水一

胡氏銓《素冠説》

篇

存。

於便殿之壁,朝

夕在目,

有

所做勵

爾。」其

書於圖之右。」

晚之宜,以告成

王,使知稼

穡

艱

難,

萬

世

人君皆當鑑此。

朕愛斯圖,爲賦詩,欲

揭

周

公陳

后稷、公劉

致王業之由

與

民

事

早

詩

章,

召翰

林

詞

臣,示之日

鰯

司馬氏昭《豳風七月圖》

一卷。

佚。

趙氏孟頫《豳風圖》

一卷。

佚。

《宣德實録 畫 ,得元趙 》:「七. 孟 頫 年 所 七 繪 戸, 爾爾 風 圖 燕 間 閲 而 賦 内 長 庫

林氏子矣《豳風圖》

一卷。

未見。

子奂於書、 王 略 吴寬曰:「國 而 圖篆書其詩於後,學士解公又 世 古風宛然,必如是而後爲圖 而 貞 總題之。觀之者如生於周 日 畫史俱 初,林子奂作《 風 不載,而 圖》五幀,林 畫 豳 筆 畫 、處於 各疏其大 風 遊緊, 也。」 子 圖 奂 可 每

篇。

存。

方氏回《鹿鳴二十二篇樂歌考》

《彤弓考》

篇。

經義考卷

百十九

一卷。

唐無名氏《吉日圖》

文而以今本證之。前有壯士驅群醜而 必擇勇者爲右,此畫 之意。然御者當居中以執轡,主將居左, 前,以待王射,得『悉率左右,以燕天子』 右,殊未曉也。」 是時六經未板行,本各不同,故滄浪録舊 樓鑰跋曰:「此圖古矣。 一御者 意其出於唐人, 或在左、或在

汪氏廣洋《賓之初筵講義》

篇。

佚。

年,當有爲之時,何可不勉!』爰命臣 之初筵》一詩命臣講解,臣敬爲演繹。 暇,延訪遺老,從容賜坐,討論古今。 寫數十本,頒賜文武大臣,揭於堂壁。」 士梁貞輯《詩》三百篇進呈睿覽,上以《賓 廣洋自序曰 人作詩自做,朝夕諷 曰:『衛武公一諸侯,九十衰耋,尚能令 :「臣忝在諫垣上,於蒐武餘 咏。 矧今以 可 爲之 上 結 博

熊氏過《讀鳬鷖假樂篇》

一篇。

存。

鮮于氏衆《詩頌解》

《宋志》:三卷。

周氏續之《毛詩序義》供。

佚。

士,及雷次宗俱事廬山惠遠法師。」陸德明曰:「續之字道祖,雁門人。宋徵

雷氏次宗《毛詩序義》

《隋志》:二卷。

佚

孫氏暢之《毛詩序義》

《七録》:七卷。

### 陶氏弘景《毛詩序注》

《七録》:

阮氏珍之《毛詩序注》

佚。

《隋志》:「宋交州刺史阮珍之撰。」

顧氏歡《毛詩集解序義》

《隋志》:

梁武帝《毛詩發題序義》

《隋志》:

佚。

劉氏職《毛詩序義疏》

注,亡。

《隋志》:「《毛詩序》,梁隱居先生陶弘景

卷。

《隋志》: 卷。《唐志》同。《七録》:三卷。

佚。

劉氏獻之《毛詩序義注》

卷。

佚。

於世。」 秋》、《毛詩》,撰《毛詩序義》一卷行 《北史》: 劉獻之,博陵饒陽人。 善《春

劉氏炫《毛詩集小序注》

一卷。

韓子愈《詩之序義》

篇。

晁氏說之《詩之序論》

卷。

存。

范氏處義《毛詩明序篇》

存。

亡名氏《詩統解序》

存。

《通志》:

卷。

### 朱子熹《詩序辨説》

《宋志》:一卷。

存。

諸 説 則 敬 儒 毛 傳》之説 斷 序》是子夏、毛公合作。 輔 而 外分 廣曰: 以 其 無 見於《大序》 相 儒 更足成之。』《隋 之説 事 下 承 爲宏 所 更加 推 ,謂《毛詩序》子夏所創,毛公及衛 理 據依。 一而斷 「《釋文》載沈 以 説 特增 潤 云云 至 爲《序》之首句爲毛公所分, 一於首 以 與 色。』至於以 故 廣而 爲 爲 王 先 . 衛 句 後 氏 生 經 潤色之;又 宏作 之已 説,然皆 人 直 籍 重云: ト商 、所益 據《 志》 , 有 爲國史作者, 又 後 者 意 妄説者 亦 『按: 因 是 漢 1,皆曲 有 云 取 鄭 臆 未 . 近 度 儒 氏 「先 《大 則 盡 世 盡 之 懸 林

始 矣。 不謹 穿鑿 若毛公之作,則 不 其 尚 非 則 疑 至 何 廢 有 而 亦 於致 諸 敢 辭 超 情 有 論 先 不 尊 有 哉?」予應之 遷 自 信 미 冠 知 生 儒 而 而 哉 齊、魯、 之説 晦 追 篇端 閲 決, 遂爲 又論 就之失,以至於上誣 其 知格物 ? 而 序》本, 者矣。 出 翁先生又生於數千年後,乃盡 不 理 加 或 敢 韓氏 決解』云者 · 而 ,不爲注文 毛 於 之明、考義之精 日 有待 易視 自 後 公引以 遂 出於率易不思,遂啓後 日 而 :『子之責 嗚 爲 之説 人之手 斷《小序》爲 於後 至 呼! ,於己説 一於意 『不然。 編 並 而直作經字,不 X ,則可見古人於 人者 别 傳 經 而 可 誠 於 不 聖 則 附 夫 不 ,乃不綴 1,自有 不 心正。 先 盡 世 經,而 戒 謙 不足據者 經 毛公者 故故 能 生之學, 信, 後 哉 虚 及也 深 推 其於 篇 讀 其 亦 又 托 以以 經 爲 後 得 罪 口

红红 義 考

先 説 併 出 説 差無 言 驗 勿深考耳 未究者 疑,使聖人之經復 解 則 於 語 爲 釋 儒之穿鑿遷就 而 則 漢 有 細 經 不 其 其意之謹重不 編 可 能 則 儒 研 義 般 端端 廢者 以 蓋 遁 亦未嘗 窮 緒 而又以 還 觀 又 一言之善 夫至矣。 其 其 故故 其 其 皆 學 八終『既 者 舊, 誦 既 自 其 本 明 Ė 同 聖人之言都 荷 因 爲 頗 間 於 於 日 到 無 亦 臆説 以 采 容 已 先 後 必 語 至 可 論 有 以 明 或 儒 世。 盡 哉 處 見 附 也 或 其 之 真 知 取 矣,豈 得 傳 學 遺 能 所 諸 然 有 (小序) 失云 中 傳 者 嘗 細 破 似 儒 考其 字之 授 顧 之説 口 干 自 疑 而 第 證 復 古 與 己 而

千載 當 之。 糟 未遠 慝 言者。」 以言取 俗俗 時 粕 之下, 簡 猶 芻 夫《序》説 之隆 册之所存, 人,孔子猶 狗 有 與 汙 可 近 ^ 據 概 序》説 者 雖 可 取 不 乃 失之宰我。 信 而 必 미 等耳。 盡 時 · 遠 於吟 盡 删 之先 信, 其 者 哦 説 果 後 然 後、 咏 不 當 不 去 顧 嘆 人之淑 有 作 根 信 É 之間 是 據 者 乎 信 鄙 於 ? 於 尚

黄氏櫄《 詩 序 解

卷。 存。

段氏 昌武《詩序

卷。

惟

諷

誦

辭

氣

抑

揚

以

求

時

世,今人翕

然宗

孫

緒

Ħ

:「朱子

作《

詩

傳》,

盡

去《

序

**>** 

説

仲《詩

辨妄》。

E

應

麟

日

「朱子《

詩

序辨説

》多

取

鄭

漁

周氏是修《詩小序集成》

存。

王氏商範《毛詩序義索隱》

《宋志》:二卷。

包氏希魯《詩小序解》

卷。

未見。

陶氏安《詩小序論》

佚。

和人。初舉霍丘縣學訓導,擢周府奉祠 《江西通志》:「周是修,名德,以字行,泰 正,改衡府記善。 靖難師入金川門,自經

於應天府學。」

吕氏柟《毛詩序説》●

存。

0 「序説」、《補正》:「當作【説序】。」

## 李氏舜臣《詩序考》

陳氏頤正《詩序折衷》

未見。

黄虞稷曰: 「慈谿人。 嘉靖壬戌進士,官

按察使。」

邵氏弁《詩序解頤》

卷。

未見。

黄虞稷曰:「弁字偉元,太倉州人。

歲

貢生。」

郝氏敬《毛詩序説》

八卷。

存。

《序》 《序》者,《序》志而《詩》則辭也。孟子 《傳》爲猜。 朱《傳》,參兩 苦見,兩造具而後曲 敬自序曰:「《詩》自朱《傳》行而古《序》 下義理,訾量易而折衷難,兩物質而後 疑朱《傳》而不辨所以非,人誰適從? 天 塵庋閣矣。 爲鑿;既改古《序》之後,人疑朱 然譏古《序》而不求所以是, 朱子未改古《序》之先,譏古 爲《毛詩説》。 直 分。 余取古《序》、 舍《 / 詩 / 説 功

問之同學,可則與衆共之,若其否也,野 自異。 古《序》無一足解頤者矣。人非賜、商,未 朱《傳》主於切直,反以含蓄爲鑿空,三百 核、《詩》含蓄爲温厚。古《序》得其含蓄, 説《詩》與説他文字異,他文字切直爲精 志,是謂得之。」志得 人無知,博一笑而已,其敢有他!」 可與言《詩》。余幼承師説,守功令,何敢 云:『善《詩》者不以辭 偶閱古《序》,覺食芹美,人有心,❷ 而辭可旁通矣。 害志。● 以意 夫 逆

## 史氏記事《毛詩序考》

未見。

鍾氏淵映《詩序證》

佚。

《詩序證》一卷,又《左氏》内、外傳暨周、 繆泳曰: 可得矣。」 秦子書以證其非誣。 「廣漢以子夏《詩序》當信,作 惜其没後,草稟不

經義考卷一百十九終

弟子海門陳鳴皐覆校

- 0 善」,薈要本作「説」。
- 山草堂集内編》本),當有「各」字。 人」下,據郝敬《毛詩序說 . 題辭》(明萬曆崇禎間

# 經義考卷一百二十

秀水朱彝尊編

昆 校

《周 周

漢志》: 六篇。

存。 闕一篇。

記。 周禮》也,威儀則《儀禮》也。」 一禮》正 所謂 『禮經三百 義:「《周禮》、《儀禮 威 儀三千』,禮 並 周 經 公所 則

史克曰:「周公制周禮,曰『則以觀德』。」

南緱氏杜子春受業於歆,因以教授。」

禮》。」 禮》也 Ш 馬融 鄭 康成 巖屋壁。」 又曰 曰:「孝武開獻書之路、《周官》出於 :「周公居攝而作六職,謂之《周 曰:「《禮器》『經禮三百』,謂《周 《周禮》六篇,其官有三百六十。」

禮 荀悦 章昭曰:「『禮經三百』,《周禮》三百六十 王莽時, 歆奏以爲經, 置博士。」 :「劉歆以《周官》十六篇爲《 周

至王莽時,劉歆始置 取《考工記》以補 獨闕《冬官》一篇,獻王 蓋周公所制官政之法。上於河間 《隋志》:「漢時有李氏得《周官》,《 徐勉曰:「《周官》一書,實爲群經源 官也。三百、舉成數也。」 其 闕 博 購以千金不 士以行於世。 合成六篇奏之。 (周官》 - 得,遂 獻王, 本。」 河

陸 德明 日 . 王 莽 時 , 劉 歆 爲 國 師 始 建

V.

之故 具 獻 特 致 侯 非是,惟歆 著於《録》、《 府,五家之儒莫得見焉。 以 政 賈公彦日 才通人劉向、子歆校 《考工 疾惡 在 年 酷 政 隱 衛 書之路 於 救 成 也 藏 烈 記 官經》以 亂 斯 ,與《周 王, 白 ,欲滅絶之,搜求 年 》足之。 . 秦 年。 · 誉 獨識  $\overline{\sim}$ 略》。 既 自 所 年伐 成 周 官》相 爲《周 又曰 出 孝 孝 制之禮 知 周 禮》後 武 公 時 於 六年 然亡其《冬官》 商 衆 其 帝 已下 Ш 禮 反。 理秘 = 始 周公致太平之迹 儒 巖 按 出 **%** 即 制 年 並 除 焚 用 屋 者 至孝 故 書,始得列 今 壁,復 踐 《書傳》『周 出 禮 燒之獨 商 挾 始 以 作樂, 共 皇禁挾 奄 書之律 君 成皇帝 周 始 之 一篇, 禮 排 四 入於 皇 法 悉 **>** 七 以 年 特 世 公 是 建 爲 達 開 其 年 秘 惡

> 謂 以 之《周 設位言之,謂之《周官 禮 **%**  $\approx$ 以 制 作言之,

聖 災之抑 然 宋 孔 節 官》三百六十,舉 書 也 白, 之制,豆 《禮器》云『經禮 七者皆云『三百』,故知俱是《周官》。 七 禮儀三百」,三也;《春秋説》云『禮經 度數 靡 理宗 穎 處 人於此,豈 9 四也 所 達 藝文志》云《周 : 周 不載。 必 損 日 日 官外 孝 籩 : 9 . 加 亦 罍 經 | | | | | | | | ^  $\overline{ }$ 題 詳 禮 一徒從 莫 説 爵 周 玉 焉 説 不 之陳,鐘 **>** 三百」,二也; 禮》 謂 禮》爲書,大綱 其大數而 帛 云 隸 》云『有 事於文物 爲《 牲 至 見 經禮 之司,存 官經》六篇』,七也 器 於經 於象 周 之用 鼓 禮 正經三百」,五  $\equiv$ 云『三百』也 匏管之奏, 緯 籍  $\forall$ 典 白 車旗 而 之考察, 告 六 ^ 章之飾 其名異者 中 不 小紀,粲 也; 敢 庸 冕 也 影云 慢。 ^ 於 周 漢 服  $\equiv$ 

於秦, 其諸 爲 君 有 多。 爲 李 禁,示天下 外 然猶張官設職,奚聖人班 王 卿、大夫、士萬八千餘人,此大可怪。」 心 何 也。 禮 開 休 覯 亂 周官》六 者已 『周公致太平』者,信 周 至悉,非古聰明睿知,誰 祖曰 信然乎哉 如六鄉七萬 云 公致太平之迹, 曰:「昔劉子駿、鄭 出諸 經 見果周 六國 乎 無 有 禮 . -無禮 屬,其 季 方者 「吾讀《周 陰 無 要必 公之心 世,其存者寡矣。 君, ? 謀。 也 周周 五千家爾,自 職 有爲之本者矣。」 大亂 9 羅 竊 復讐 三百六十,而 乎? 耐 羽 公之志 禮》,終始 觀 林 刺 之 康成皆以《周禮 六 矣。」 班 碩 加 道 介, 削 典 能 義 與 謂 此 爲 於六國, 之文,其 是天 ? 比 及此? 末 率 微 不 其間,名 長 世 聖人不 天 又曰 奔者 員 少 以 之 事 下 數 下 矣。 書 也 上, 其 焚 無 示 則 用 而

作,孰從而取正哉?」

勿强爲之説,斯可矣。」言。合乎聖人而不悖者取之,其不合者徐積曰:「《周禮》不可全非,要須考其所

於《周 蘇轍 衆矣,非周公完書也。凡《周禮》之詭 遠於人情者,皆不足信 日 禮 :「世言周公之所以 **%** 然秦、漢諸 儒 以 治 意損 周者 益 一之者 莫詳 異

天下 范祖 萬 禹 事 曰 盡 万天 備 於此。 地 有 四 如 時 網 之 百 在 官 綱 有 六職

<sup>0</sup> 經禮有方」。 開 名 祖 有 《儒志編》( 禮 經 有 方者」, 影印文淵閣《四庫全書》本)作「名 四 庫 本 作 「名爲 禮 經 而 背於 王

以 挈 領 IE 名 雖 荷 百 舍 世 不 周 可 禮 易 》,未見 也 其 人 君 可 如 欲 稽 古

亦 程 者。」 伯 有 子 後 日 世 隨 ~ 周 時 禮》不全是周 添 人 者, 亦 有 公之禮 漢 儒 法 撰

從 者。 於六 者 者。 也。 范 此 爲 民 灰 物 決 經 洒 浚 舉 征 私 害也 之,則 非 又牡 道 官之屬 日 乎 周公驅 其貨 蟈氏》云 ? . 周 周 出 公相 乃 公法 繭焚灰, 避 周 死。 罰 猛 税 司 公 毒 瑣 成 其 獸 也 者 關 : 作 鼃 死 細 人。』説 王,去文王未 \* 之,似 六 黽 謂 悉 大類狡 掌 則 文王治 蟲 備 典 不 沿没其 去 -過 蛇 9 鼃 者 非 疑 謂 獪 凡 鳴 惡物,爲 財 黽 謂 君 其 之 岐 戲 聒 貨 不 子 而 不 焚 遠 術, 周 不 所 觸 撻 盡 、牡繭 禮 出 出 縱 其 豈 以 民 市 初 爲 於關 **%** 於 譏 所 物 古 愛 不 不 能 以 物 以 害 而 弱 爲 至 書

> 是 聚 刼 利 不 如 不 乎? 説 征 然 斂之臣如 天 叔 下 使 於 末 亦 之商 世 凡 周 設 何 貨之出 禮》, 桑弘羊 必必 爲 異 避 使 賤 託 税 從 於關 丈 輩 周 法 關 夫 公 欲 出 者征之足矣,何 没 登 以 興 哉? 其 壟 要 権 貨, 説 斷 利 此 其 撻 故 而 必 其 君 图 漢 附 耳 世 至 市

驗 鄭 是 九 書 會 聖人之智不及此。 制 州 之書。 書 同 樵 或謂 或謂 之 十二境, 閩蠻 E 而 . 事 加 漢 成  $\sim$ 了,皆 紛 文 周 儒 周 王 紜 理 附 非 禮 之説, 非 財 會 文 \* 之 之 愛文 王 夷 Ŧi. 説 書 書 時 無 貊 等之爵,九 王 所 政 或 或 或 ,祭天祀地 者 所 折 謂 謂 謂 也 衷 得 戰 文 末 及 王 或 世 畿之服 雖 予 治 陰 也 瀆 其 謂 岐 朝 謀 亂 覲 書 之 之 以 非

❶ 「境」,四庫本、薈要本作「壤」。《補正》謂當作「壤

禮》也。 語》、《 其 未嘗 周 未 畿 惟 使 使 謂 甚 年 爲之説, 不 古 孟子》合,設官之制,不 一之後。 之制 經 驗之書 戰 臨 公之爲《周禮 見 漢 厚 爲 詳 行 行 其 事 國 儒 於 理 洛誥》合 不 所 也。』是書之作於周 也 理 加 有 其 有 財 唐 日 傳 書 而 如 經 財 損 如 之 ·與《禹 人預爲之以待 惟 不知 益 成 不 是之法 是 書 人 然 其未 之。 歸 之學, 了,又非 也 》,亦 其 周禮》之作 封 ,故武 好 貢》合。 豐,而 若 規 也 國之制,不 經 故 猶 豐 書 則 行 尚 深 建 唐 也 實 帝 至後 戰 或 知 與《周官》合; 都 而 凡 故 他 之 似 未 視 或 爲 ^ 公, 之 奉 此 僅 日 巧 周 周 嘗 顯 世 爲 爲 制 漢 與《武 之 皆 述 禮》者 與 公居 行 孫 末 三代矣 慶》、開 而 儒 也 不 大 用 預 他 世 處 也 惠 與《 其 乎 甚 爲 略 攝 經 成 瀆 V F ? 也 約 九 不 召 實 蓋 六 獨 俟 亂 也 元 0

> 乎 聘 非 用 真 子 寥 間 過 類 官》是。」 周官禮 (聖作 淡 周 《周 居家 也 自 事 爲 0 曾 千 成 文、 禮 禮 禮 未 帝 白 襄 》, 王 其 未 記 不 嘗 載 時 又 唐 時 若 深 可 廢 間 ,雖著之《七略》,終漢 就 日 事 日 莽 知《周 《周禮》之純 行, ^ 於 ^ 敗 《月令》所 竟 周 周 漢 於前 禮 而 不 漢 禮 禮》者 儒  $\sim$ 不 置學官  $\approx$ H 善用 太 荆 則 推 ^ 周 宗 歟 乎 説 本 公敗於後, Ŧ. 官 讀 博 周 而 官 周 制 若 士。 言 名 典 禮》者 周 江 夫 也 爲 所 禮 迄 則《 左 後 文 戰 説 之 中 此 周 世 謂 或 朝 H

胡 官 司 空 宏 掌 日 未 . 邦 嘗 土 闕 周 居 也 官 四 乃《 民 司 徒 冬官 世 掌 傳 邦 教 事 周 禮 屬 敷 之《 Ŧī. 闕 典 冬 地 9 陳亮

日

:「《周

禮

》一書,先王之遺

制

具

在

有聖人,不能

加毫末於此

官》。」

乃周。」 羨數,凡百工之事  $\equiv$ 六十九、《秋官》六十六。 程大昌 地 官》七十八 曰 . 「五官各有羨數、《 《春官》 歸之《冬官》,其 蓋 斷 七十、《夏官 簡 天官》六十 失 次, 數 取

宫錡 使居 侯惡 迹。 出 無《 良 驗之書,何 晁公武 有以 ,論者不 周 問問 洛 其害己,皆去其 鄭氏則日 禮 邑, 也。」 E : 孟 》矣,况經 子周 休亦云六國 治 獨 秦火後 天 周公復辟 室班 下。 劉歆 秦 《周 爵禄之法,孟 林 籍 火 稱 乎 陰 孝 後 爲周公致太平之 禮 存 則 謀之説 以以 1  $\forall$ 自 謂 比他 漢儒 此授 之瀆 孟 子 子 經 非之, 成王 謂 時 昔 亂 最 已 諸 北 後 不

是 辨 也。 宅洛 言 作 董 成 鄭 之,各効其職也。 悉自教工」,『往新邑,伻嚮即 公全書 經之授田 不往洛邑,故《周 欲 王 六 鍔 方正位」之説 正治官,治以 曰『子齊 若如 典之職 故 齊整建官之法,使王 成 日 . 可, 王 有其 「以《洛 此 自 等事 以意曉也 百工, 伻從王於周」, 『乃汝 服 論 以 法制之文,終不 於 授之,使往 新 ,始有其歸。 則經之首篇『惟 今皆難 禮》雖 土中, 誥》考之,周公營洛 成 書從 王 事 滅 亂 成,終不盡用 信。 淮 往 爲 治於洛 四 夷 然只在豐, 新 正 其他 有僚』, 邑, 方 而 見行 由 新  $\pm$ 歸 邑。 自教 成 疑 建 辟 在 之實 蓋 王 非 國 豐, 不 率 其 其 及 故 周 而

無 孫 也 然明言 之宏曰: 不幸 ,孟軻之徒或未之見 劉 「《周官》在 歆 用之而 大壞, 「漢最 晚出,孔 疑 王 安 信 石 猶 用之 氏 未 決 既 之備 禮 其 或 民。 古 夫 而 措 去古 以 書 難 益 後所 ,捨此 藹 刑 以以 盡 壞 遼遠, 然 棄今之法 道制欲, 儒 能 尊 唐 書將焉取之?」 生 髣髴 虞 鬼 學 雖 三代 神 士 使 以 也。 而 真 敬 先 義 求 極盛之 以 學者欲 王 1 復 防 爲 筮 一之制 利 其 無 以以 初 時 親 用 爛 知 也 賓 德 於 然 非 先 客 勝 後 在 春 然 王 威 世 保 秋 究 目 經 矣。 戰 以 觀 制 小

禮 不以 掇拾 也。 於 也 休 幸 E 存 秘 炎 | | | 世 爲 於 六官 府 秦 日 其説 以 煨 漢 善,作《十 人 0 爲 既 所 燼 舉 不 立於學官。 掌 藏 周 除 竹 周 同 挾 公致 簡 官 於巖穴之間,其 綱 書之律,六典始 論》、《七 》六典,周 以畀炎 以 正 太 爲 圃 平 戦 東 目 之 火。 或 都 舉 難 迹 陰 諸 公經 **>** 漢 井 者 謀 以 儒 書已亡 之書, 井 排 出 興, 鄭 知 治 有 有 之, 康 武 諸 之 條 何 周 藏 法 成 帝 而 儒

鄭 而 詆 耕 之以 老 日 爲 . 戰  $\sim$ 或 周 陰 謀 禮 休 **>** 兀 謬 萬 矣 Ŧi. 千 八

百

六字。

之獄 之事 陳傅 之; 屬 謂 也。 邦 人,凡邦國 六鄉之獄,鄉士掌之; 六遂之獄,遂士 小 悉皆歸 國 ,凡朝廷之獄,大、小司寇、士師 其 都、大都,皆屬 甸、稍、縣、都之獄,縣 皆刑 其 之事, ,治官 良曰 ,方士掌之; 有 於大宰; 獄 截 . 掌 司馬掌之。 之事  $\overline{ }$ 一之事 然 之 周 皆 自國 禮 教官 定 故 邦畿 四 **>** 不 設 雖 屬 方 中以 可 9 今自朝 之事 官分職 自 之獄 司 圃 易者,若 鄉、遂之外,甸 馬 及 職 士掌之; 教 ,訝士掌之。 方、土方、 近郊、遠 廷以 此 官掌 大抵 其 掌之; 司 上 大 邦國 寇之 之; 朝 郊 纖 撢 廷

官》; 逆宜 官》掌 乃屬《 官》;自膳夫至腊 古 掌客宜屬《春官》乃屬《秋官》; 稍 徒之稍食,番 領於《天官》,至外朝 之矣,而 都邑、建社稷、設封 之位矣,則司士正朝儀之位,宜屬《天官 民之復逆矣,則太僕、小臣、 史掌六 屬 天官》乃屬《春官》,大、小行人、司儀 一、司 之司 縣、 |屬《天官》乃屬《夏官》; 夏官 自 財用之事,自大府至掌皮,既悉 險、掌疆、候 寇。 都、 典、八法、八 内 泉 邦 司 府、 其他 上 或 服 地 廩 宿 0 至 又 人不 人又見 官》 人、倉 衛 疆 四 屨 有 則、八 百官之廩 方,一 之廩給 既 不 人,凡王宫服飾 掌邦畿之事 過充君之庖者 然 人,又見於 於《夏官》;《天 悉掌之矣,而 者 柄之貳,宜 皆 御 ,乃見於《 宰 禄 聯 如 僕 夫掌 宰夫掌 大 絡 ,府史胥 之掌 凡 史、 治 而 悉 地 之 地 掌 造 復 屬 領 臣 朝 内 盡

> 子 廷尉。 必 之際,反不 兵 不 書 不 葬,季孫不從,杜洩 六官之設,雖 而 不見文移 巾 用 爲 相 事 可 服 敢 聘 車之屬,乃見於《春 ,悉領於《天官》, 嗣。 皆屬 曉者。 於王 司 逆 孟 徒 其分量 王 孫 春秋 い, 實書・ 命 將 П 免遺 爲 賜 自漢以 軍、光 而 復、職 各 司空, 時 復賜 之輅,復 職守,較然不紊。 闕。 名 有 叔叔 司 禄 事 來,凡禮 而 之,使三官 夫子 曰:『夫子受命 書勳。」夫諸 先王設官如 孫豹卒,杜 存 勳 侵 司 官》。 然錯 中 命 服 紊之 ,爲司 而 尉 事 司 此 致 患, 綜 刑 皆屬 常 馬,與工 書之。 其 之 洩 0 互 此,當 侯之國 然 君。 將 何 事 分 見, 太常 典瑞 職有 於 臨 皆 以 也 IE. 吾 君 屬 事 時 朝 輅 ? 事

<sup>■「</sup>邦」,原作「郡」,據薈要本改。

<sup>) 「</sup>司常」,原作「司裳」,據四庫本、薈要本、《補正》改

專 造 失,他官 也 惟 曰:「《周 治 次 =兵 後 卿 財財 世 耳 不 禮 ·, 一人 禮 官專 得 官 》,三代之法存焉,讀者 樽 專 受賜 治 節 治 財 禮 而 並 刑  $\equiv$ 廢 卿 不 官 曠 相 皆 專 多矣。」 關 與 治 雖 刑 從 未易 有 周 兵 遺 又 官 法

之内 卿、九 民 易,所以習民於尊卑等差階級之中 也 吕 從上之令。 逼 僭天子之制 侵官,后不敢 一,而 服 祖 E 一、志慮 踰 無 謙 事 牧相 尺 尊 其 等之心 日 寸 . 上 父韶 不易, 法 屬 「朝 公卿 舉 以干天子之權 而 度 而 一,而 不 世 下 聽 不 其子,兄授其弟,長 視 大夫不牟商賈之利, 混 無 寓 命 敢 之人皆安於 聽 市 以 其道 於三公。 踰 不二,易直 野不 覬 ,一毫分守 覦 德 ,諸侯不敢 之意。 賤 踰 彼皆民 法 不 或, 淳 度 元貴 消 是 不 分 率 龐 其 守 以 其 E 不 敢 以 而 九

> 必易車 哉 ? 不得。」 間 然 爲 屬 度 商 朱子曰: 周公之遺化固 財,使之澤 在 細 韋 民 無别焉 何 藩 碎 焉。 極 方位 往 哉? 服 處 木  $\sim$ 而 楗 又 後 於 雖 其 或 非 周 民 世 日 過 過 可 嘗 車 野 禮 隱 志之定 Ŧi. 皆 :「《周 疑 朝之際, 朝之事,以 讀《晉國 而 然在此 **>** 禮 以《周 設 ,其大體 華其 書 官 六樂、 而 禮》 分職 廣 禮 不 也。」 中道 服 語 大精 乃 直 敢 爲 》,每  $\equiv$ 非 非 周 是 與 之存 富商之饒 何 物、 聖 不足 微 家 非 士大夫混 嘆 往 人 + 聖人 盛 ,成王 周 絳 而 書, 也 時 家 之 非 做 聖 其 富 於 教 法 以 而

有是事 是周 禮》爲王莽令劉 賢 官》,據熹言,古人 制 公遺 作之書。」 他 典 便 也。」 立 此 歆撰,此 又曰 一官。 立法,無所不有。 又曰 :「胡氏 :「今人不 恐不然。 且 如 父子 女巫 信《周 一之職 周 以《 禮 周

人。如此,則便無後世巫蠱之事矣。」掌宫中巫祝之事,凡宫中所祝,皆在此

乃周公之大用流行處。| 陳淳曰:「《周禮》,周公經國規模在焉,

雖名爲 歆 聚 制 經 李 以《天官》考之,凡 官三百六十爲 者, 信之者以 陳 春 乃 考工記 代之書。 叔 "曾未若《周官》之純乎周 秋、戦 周 作,皆非 ,或政典、或九州、或司馬教戰之法、 ,《禮記》,禮之傳。 汲曰: 寶 公之大用 經,其實傳也。 日 : 國 「《周禮》一書,周家法令政事 也。」 間 後之作者纂其典章 有周公之舊章,有 「仲長 事 流 爲 額,然 不 行 周公作,不信者以 又曰: 卿大夫、命士,三百 統 純 處 以 職 唐、虞、夏、商、周 《禮記》作於漢儒 蓋《禮 爲 事 《周 《周 員 禮 記》所記,多 數 也。」 禮 禮》,禮之 後 - 法度 不 | | | | | | 來 止 爲 以 更 而 此 五 之 設 續 或 劉 成 所

> 兼。 間 鬬 + 職。 制 小 《夏》、《秋》三官,皆五 公,則是六卿 同 洛誥》云司徒、司 公兼宗伯,蘇忿生以公兼司寇,故《書。 卿必公一人,六卿 中,大略以《春》、《夏》、《秋》三官爲準 三公矣。 兼攝 ·餘人; 召 乘多,皆以 因事 司 太保 以三公六卿論之,如《周 而成王時 門不 者,必相半 而 由是推之,先王之制,其職則不 《地官》除鄉 奭、 命官。 可 Ŧi. 中,召公、畢公、毛公亦 芮 ,周公以公兼太宰,召公以 考 白 伯、 馬 者 也。 人爲 作史之人,因官而 各掌 司 彤 四 伯、畢 遂、山 空也。 何者? 額,凡三千人。 一百餘 百 其 餘 職,宜 虞、林 公、衛 人。凡六官 成王 禮》所云二 蓋 , 若 先王 侯、毛 一將崩, 衡、 上兼 不 其 口 分 之 司

●「續」上,原行「有」字,據四庫本、薈要本、《補正》删

八八二

多矣。 擇耳。 遠 謂 事 會 則 率 以 食養無用之官,待 右,有軍旅則用之; 角,羽人徵毛羽。 徴染草 訓 口 周 用之; 皆非 二載 兼 ,則用詛 方之民 職 廢 五鄉。❷ 誦 官 不 攝 其 在盟 訓 **>** 軍司 可 ,掌茶徵茶,●掌炭徵炭 又 爾 每 官 事 無 有喪紀 廢,故 六 鄉 未 實 视; 則 晉 他 府,太師 盟 馬、行司 卿 卿 必 也 景公命士會將 用 職 府,命士也,太公兼之,所 内 建 各 懷 事 人, 治 設 邦 則 齊 每官掌一事,無事之日 有事然後用之? 方 掌葛 職之』是也。 其 馬 有 桓 或 用夏采、 甸 氏 每官卿二人,若 官,外 官職,以待智者決 公令國 祝 輿 則用土方氏 徵 舉 先王 司 田 中軍 絺 其 馬、戎 喪祝 兼 僕,有田 角 子 絡 大 一豈能 作禮 ·, 且 略 人徵 掌 高 鄉 僕、 有 亦 染 以 則 , 太 是 臨 盟 者 禄 獵 戎 草 則 來 +

> 傅 惟 戾。 不 仰 不 則分散甸、稍、縣、都之内,與《尚書》 官中,大率在朝廷者,什之二三耳,其 若總千里之内,安能勝其 制 公令戎 Ŧī. 建官惟百,夏商官倍』者, 過 能 白 百人矣。 惟 也。 ; 遠過 命 七 前 或者又謂 萬 代 御 韓 夏、商官倍,亦克用乂。今予小子 或者以《書》爲『唐、虞稽古,建官 夏、商, 屬 五 時若,訓 厥 校 日有朝廷官、有田 千家,今設官至萬 將 鄉、遂設官最冗,六鄉 IE 新 司 與其 軍 迪 厥官」,則周之建官 右 且 有 屬 爲 兼 事哉? 司 僕 指 攝 士,皆古人之 大 在 相 野 八千 夫。 官,所謂 半,亦千 朝者也 今考六 九 之民 無 晉 白 甚 他 悼

<sup>2</sup> 0 桓 周 掌茶徵 出校 禮注 原 疏 茶」, 避 宋欽宗趙 》改。 作 下「掌茶」、「徵茶」、徑改、不再出校。 桓諱作「威」,今回改。 茶徵 四 下同者 本 及

幾何 則 則 知 九 亦 在 之人以 五. 三十人,爲大夫者百八十人, 他 朝 萬 不 各置焉 鄉、 十八人,爲大夫者 處,且 廷 過 家、大抵 遂 而足以養二萬三千官吏也。 七萬 兼之,以下大夫、命 賦 之官 官禄, 如 五千家,而 官 鄉、遂 吏皆 吏至 則十五 土 人數勢不 四 二萬三千人, 居 一十人。 設官 萬家之人 人,其大官 士之屬 乃三 可得兼者, 鄉、遂 六 所 干 遂 如 一分散 如 之民 九 殊 人 共 因 卿 不 能 百 民

寡 爲 亂 葉 不 陳 口 考不 之臣, 久於 者 適 ,治之者衆,行 振 日 孫 一:「謂 誣 今也包夷 古者天子自治止一 日 其 : 此 爲 官 周禮》之書一用 書多 先秦古書,似 耐 之 貊 不 以 之外以爲 古文奇字, 去, 誠 故 其 或 爲 米 無 域 可 鹽 地 又 名物 而 有 疑 反 事 狹 靡 雖 聖 至 密 而 度 於 毫 數 民 無

> 間 禮 聖賢 髮, 傳 然 僞 處 魏 之心。 所 附 T **>** 》,此人情 兩部,字字謹嚴,首尾 爲之臣,不久於其官 附 疑秦、漢 翁 會 自上出 會之書 曰 極 . 多 乃 不 ~ 0 欲 ,法嚴令具,不 初 安 周 靡 人所作,因 而 禮 《周 又 密 至 \*\ \!\ 日 禮 無 於 : 左氏》並 》亦 亂 不  $\overline{ }$ 前 如 也 盡 有聖賢 周 聖 得 又 以 禮 賢 摇 更 有 一爲秦、 求 遺言 > 無 荷 手。 合 與 禮 簡 疎 ^ ^ 足 左 漢 詐 周 漏 無

罰 乎 劉 察 没之。司 ? 炎日 也 其 人。 日 . 關凡貨之不 周 司司 或問 公於民之意慮,不若是之 門 . 譏 財 周 出 物 禮 於關 之犯禁者 》果 聖 者,舉其貨 人之全 舉 書 而

以施四事。其有不合者,仰而思之,夜以王與之曰:「《孟子》曰:『周公思兼三王,

成之。」

光。」 禮 諸 禮 猶 之 公授 書 周 周之所以 歸 图 侯 如之何 繼 孟 周 秉 侯 於太史氏 何 禮 E 不 甸 日 至 子 禮 悪 公曰 周 承 本旨 周 戰 而 学、北、北、 幸 口 四 盡 ? \_ 孟 其 德 禮 禮 或 不 去 動 而 在 征 也 害己也 於 王 之? 去慶父,魯 歸 已亡,蓋 得 也 弗 魯 ,見《易象》與《 周禮, 宫錡 成 也。」 魯 于宗周 之,坐以 子 矣。 庭  $\Rightarrow$ 王 書》 可 E 對 綏 問 也 而 取 吾乃 所 . 此 0 待 厥 乎? 日 皆 侯 以 難 見 董 待 **定** 其 0 兆 惟 漢 . 去 使 今知 本 未 日 Œ 周 詳 民 其 以 周 韓 周 已。」公曰 一傳》: 一。」此 也。 對 難 治 魯 禮 不 籍 後 宣  $\pm$ 室 周 官 未 春 日 六 至 口 子 撫 班 諸 魯不 公之德 論 秋 已,將 『齊 魯 得 來 服 萬 爵 儒 「不可 此 此 周 **>**, 猶 聘, 群 聞 邦 禄 棄周 仲 公作 而 論 見 辟 也。 存 也 自 若 始 觀 孫 巡 周 與 唐

> 校 氏 明 六篇』者也 王 理,始得 應 ,失《冬官》 也 0 麟 日 . 0 著  $\sim$ 録 周 篇 禮 漢 補  $\sim$ 志 漢 以 河 所 考 間 謂 Τ. 獻 記 Ŧ. 周 得 官 之 劉 經 歆 李

君汙 乎 工記》 火矣。 葉 必 損 天官》 禮經》乎? 周 補 , 乎。 時 禮 主吏惡: 也 日 地官》 以足  $\forall$ 《周 . 雖 , 不 有 《夏官》有 六六 其 無 全,不 染 禮》六官闕 其 有 害己 車 人,鐘 況《春 經 書 鼓 人, 無 可 ,曾是《考工 圃 而 全 獨 量 氏、 官 去 鮑 書, 巾 咎 人,匠 其 》有典 , 人、 車 慌 秦 籍 固 河 之 人 氏 韗 間 秦 瑞 其 職 也 記 雖 不 人 X 獻 酷 尚 闕 0 之 雖 必  $\pm$ 存 而 戰 玉  $\mathbb{E}$ 補 求《 罪 何 先 可 或 ; 也 不 害 秦 雖 何 補 考 暴 而

<sup>■「</sup>春官」,原作「秋官」,據《周禮注疏》改。

獻 掌 其 射人。❶ 之制已 無弓人,而司弓矢之職 皮之職乎。 王之見然爾。」 一, 見於遂人, 知韋氏、裘氏 攻皮之工五 以《考工記》補禮書之亡, 鼓 人射 既 豈非《天官》司裘、 猶 補 侯 在 以三, 之制 匠 人 而 E 溝 又 見 於 闕 洫

詳 焉 易 黄 論 謂 居 謂 謂 知 雖 漢 戰 略 周 》、作《春秋》,此 震 文 何 末 之 儒 或 王 樂記》等篇 人 如 世 七 治 制制 陰謀 所 主之身。 . 瀆 難 岐 度,而 夾 集,而孔門之《中庸》、《大學》在 一以以 亂 孔 之書 之制 漈 不驗之書。」林 子 排之。 鄭 亦多 不及道化 删《 或 後來求 氏 或 四 嘗謂: 詩 謂 書,正 謂 〉格言。 至 影、定《 漢 成 孫 其 儒 周 9 處 經 説 嚴於職 附 理 若《 又獨 孝 也 書》、 而 會之説 財 禮 存作 之書 不得 周 《禮 **>** 爲之説 禮 繋《 守 ^ 書, 米 記 + 或 居 或 或 而

> 是固 於王 漈 略 《周禮》 《武 歸 天下 制 而 爲之而未嘗行也。』愚恐亦意度之言。 合,九畿之制 日 尚 以 **%** 豐,而實未嘗行。 . 爲君之要,在六卿 不 成》、《孟子》合,設官之制 書 莽 與《 爲 輕試哉。」 然矣,然未 王 用《 而 實 莽 召誥》、《洛 周官》 禮》之作, 敗 漢 周 時 成帝 禮 不與《禹 再 劉 有用而 》者之過 用於 篇,各率 歆 又曰:「 時 周公居攝之後, 始 惟 得 Ŧ 劉 貢》合。 奏 其 人 效,恐亦未可再以 一安石 ,非《周 歆 置 而 、未行 其 周之建官,備於 始 博 止 屬 又 或 列之于《 不 凡 丁其詳 土 故建 聽之六 大 與《 之 禮》之過 此,皆預 敗 乃始 制 周 都 書 則自 不 官 卿。 七 之 成 用 按 與 夾

● 「鼓人」,按《周禮》,「鼓人」非《考工記》中職官,且文

其 載 耶 莽 徒 特 馬 有 制 冗 疑 列 奔 孟 命 可 周 ? 於經 用用 端 官 行 走不 規 事 者 六鄉、 官 至 子 官 名不 多 模 官 周 半。 於後世 臨 時 於安 雖 衣  $\forall$ 之瑣 暇 一萬 而 E 瑣 而 毋 然, 膳 襲六典之舊耳。 詳 六遂之地 其 不 篇 石 碎 足 盡 而 此  $\overline{\wedge}$ 歸之世 文 碎 泉 所 得 而 注 怪 皆 東 信 何 周 貨 以 聞 煩 則善爲《 經 物 者 疏 西 所 其 禮 亂 疑 俱 矣。 擾 措 胥 制 至 耳, 書 變不 能 天 有 **>** 有 之者,特 耳。 必古 周 手 會 之 幾 下,恐 如 大 司 必 書 朝 煩 周 足。 同 何 而 屬 閹 訓 然 如 密 禮 書 備 古 而 而 先 閽 夕 愚 何 今《 不 不 此 也 未見其爲行 謂 可 讀 儒 解 亦 自 嘗 過 在 可 書 1 有 養 周 者 復 漢 信 周 法 論 祝 病 亦 以 出 官 而 禮 也 之, 禮 者 如 以 事 其 其 名 不 各 於 民 司 **>** 此 來 半, w 官 設 必 不 經 過 名 胥 經 E 且 所

莽之 於 ^ 治 宇 也。 世 以 苗 與 食 則 亦 愚 爲 베 周 其 凡 悉 不 俱 爲 是 階 白 H 食 自 均 便 禮 夫 禄 能 民者,不 以 矯 三代之時,則非 以 疑 姓 用 無 百 亂 輸  $\leq$ 而 . 悉 行。 詐 亦 爲 交 邑, 里 封 ^ 其 是 以《 而 歸 ~ 涉 以 建 能 未 爲 E 介甫 也。 仰 分 亦 雎 周 其 之事 至 莽 ,天子所治 行 然。 歆 啻如祖父之於其子孫、家主 土 給 未 × 故何 Ŧi. 禮》之法 之。 之王 之執 後之儒 於 莽 見 而 ^ + 蓋《 疄 公上。 之僞 則 其 治 也? 連 三代 愎不 直 田 趾 家 周 異 後 ; 周 者見其效驗如 行之, 禮》者,三代之法 書 世 於 而 Ž 市 不 傳 而 蓋 可 公之聖可行, 而 惟 卿 過 而 易, 意 世 後 周 行 三代之時 上之人 必 以 不 大 千 守 則 禮 介 則 可 簡 夫 而 至 里; 不能 **>** 甫 民 又 非 行。 雖 於 易 也 公侯 之 所 各 賢 之 直 闊 厲 寰 此 服 或 有 雖 哲 以 民 王 略 獨

胥、比 之於 然其 旗致 其 此。 蓋 月 任 長 或 均 瘠、食指之衆寡,而 是 屬 泉府之官 乎 者 赊 平。 德藝,糾 以 則 則 歲終正 其 如如 民 或 有 事 司徒之任 私 雖 有 軍 長,自遂 貸, 此。 貨 鄉 雖 其 ,行其禁令, 臧 + 有 振 (財則 似 遂之官,又從 獲 時 子 其過 歲 而 又 旅 將 煩擾 上下蓋察察 所 人 、四時 從 俾之足用。 盈 ,則自鄉大夫、州長以至 田 謂 治 大 師 悪 而 痛 而 土 諸 夫、 兵、 有 前 而 補 孟 痒 斂 則 而 爲之斟 侯 帥、 不見其爲 茇 其 加 乏 縣 少 常 加 月,皆徵 卿 不 舍、 焉 而 而 以 以 卒 Œ 相 大 加 足、助 所 視 幾無 誅賞。 勸 授 以 有 關 夫 大 酌 散 以 其 懲。 閲 長 至 者 脉 品 法之弊者 召 老 ,於是乎 養之者 田 里宰、 其 之法, 未 其民, 畫 寧日矣。 而 業 四 絡 所以 司 俾 不 收 時 之 常 馬 必 有 肥 相 教 以 鄰 間 如 於 仲 考

> 生,而 賢 既 然 龔 守 郡 恩 則 鴻 之人,則 紀 不 而 而 縣令。 縣 視爲 然 意 事 受 土 如 黄之慈良、王趙 施 所 纔 成 爲 未 煩 梗。 於 人 以 良法 既 再 · 呼, 而 於 政 異 治 而 視其 世守 期 人君 境,積 吏手 令, 爲守令者,率三歲 體 其 政 發 可 而 必 民 政 官 往 其 者宰制六合,穹然 追 E 以世守矣。 擾, 者●, 既 施 而 往 如 地 呼之苛嬈 及 日 視 令,不 政 欲 逆旅傳舍,視其 期 累 之明 瓜 則諉之百 爲 世 月之 擾 以《周官》之法 月, 矣。 撫 耐 敏 過受 後,其 體 其 方能 民 自封 其 其 E 民 而 必病,教養之 則 極矣。 有 成於 始 諳 官 終 、善政 建 女妓 則 疲 更,雖 於其 有 其 至 民 懦 變 自 敝 吏手 行之, 也 土 司 貪 方 而 如 無 不 产 郡 飛 鄙 口 有 爲 容 由

● 「治」,原作「冶」,據四庫本改

者 必 日 事 簡 夫 以 ^ 周 禮

後 之言 書 園之, 善政 成 周 之 制 未 嘗 簡 也 自 土不

分胙、 官不 世守, 爲 吏 者 不 過 年 除 歲 遷

多 爲 便文自營之計 於是國家之法 制 率

甚之説 簡 易爲便,慎 遂 爲 經 無擾獄市之説 或 庇 民 之遠 猷 治 所 道 去 以 太 臨

以

乎其 民 者 未 嘗 有 以 養 之 也 ,苟使之 自 無

之自 失其 養 無失其 斯 可 教, 矣。 斯 未 口 矣。 嘗 有 蓋 以 壤 教之也 土 既 廣 苟 則 使

所 志 不 慮 及 有 竟 所 不 於 能 是 周 法 立 長 吏 而 女好 數 易 生 令下 則 設 而 施 詐 有

勝 起 。處 以 簡 靖 猶 或 庶 幾, 稍 涉 繁夥 則 不

介甫

是也。

介甫

所

行

變常

平

而

爲

青苗

諉

日

『此《

周

官

泉府》之法

也

當

時

諸

洫 施 廬 爲 者 井 日 有 伍 都 鄙 此 有 章 具《 周 上 官》 下 有 之法 服 也 田 有

年

而

輿

人

謗之

日

孰

殺

子

産

吾

其

與

三年

而

誦

之日『子

産

而

死,

誰

其

嗣

其 瀆 亂 矣。 昔子 産 聽 鄭 或 之 政 其 所 封

> 之。 苟 其 耳。 洞 精 究 夫以子 得 神 按鄭 失,決 必 足 國 産之賢 以 土 不 周 地 至 知情 褊 後 智 小, 世 僞 而 承 其 當 其 流 在 念 官 後 郡 化 慮 世 守之任 者 必 則 之 足 以 以 郡

賢 月 張 隳 然後 且 不及子産 則 但 從 未 亦 事 昔之謗 能 未 也。 悉 能 所 復 遽 而 涖 讟 先 當 周 不止 者 王 於 制 轉 之 人 在 舊 而 心 郡 當 爲 耳 必 時 且 謳 俟 亦 然 生 歌 未 平千 歷 稍 耳 以 至 欲 況 盡 載 歲 更

之後 不察時宜,不 先王之 恤 制 人言, 久 廢 9 而 而 其 必 欲 遺 行 書 僅 之乎,王 存 乃

等鞭 之人 許 賢 抑 極 家 撻 配 力 已急 ,若自 然 争之,蘇 其 則 有 間 贏 繼 長公之言曰 願 餘 之逃亡,逃亡之餘 請 何 之户 至 必 與 『青 皆 官交易。 孤 苗 貧 雖 不 Z 此 濟 則 不

周 或 便。 未 法 蓋 事 吏 擾 違 不 均 而 平之法始 反 取之,似實 左 矣』。 多緣 之鄰 公經 嘗 者 爲 也 免 賒 常平者,糶糴之法也; 限 人粟,户一鍾 氏傳》言 貸 繁擾 受 非 耶 賒 有 爲 之法 保』; 制 貸之法損錢以予民,●而以 以 ? 糶 姦,法不能禁。錢人民 責 理 是皆言官與民 於 利 糴 費 顧 有以 謂 之法 漢 則《周官 民,而以官法 不 然糶糴之説 如 用 . 蘇 宣帝,三代之時 此 鄭 爲 周 , 少公之言曰 濟民,而以官 饑,子 及其 以 其簡易者,而 禮 宋饑,司 則 錢與  $\forall$ •泉府》明言之,❷豈 鞭笞必 爲 納錢,雖 皮 不可 賒 始 粟 青苗者, 赊貸之 行 以子展之 城子罕請 貸之非 於 兩 之, 出 用 信 相 魏 法行之, 手 未嘗有 欲爲 富 而 則 之書 交易, 文 " 雖 納之際 時 民 反 州 侯 便 命 其 計 於 爲 良 縣 不 此 常常 也 平 似 民 餼 則 煩 則 息 簡 多 免

> 《左氏》所述鄭 逋則! 願貸 蓋 願貸 手相付,聽從民便之爲 賢皆言非病其取息之多也。 爲美談,未嘗見 未嘗取二分之息, 之時,官之於民 陳氏以家量貨,而 而 公,出公粟以貸,使大夫皆貸。 鄭、宋、齊, 不書,爲大夫之無者貸,宋無 ( 抑配 了,貸予之而 損民。❸ 予之, 兩 列 、宋、齊之事 無 其 古 或 不 而 如青苗之爲, 所益,固 能 有 有 也 責令 以公量 熙、 償 賒 0 其 簡 貸 保 則 豐之敝 (之事。 易 收 所任者,罕氏、 虧 任 不 謂之善政 兩 蓋 之。 若 貧 官 得之。 者代 以 然 饑 常平之交 司 , 何也 熙 富 爲 雖 則 城 人 償 者 春 氏 貧 寧 當 ? 然 所 者 貸 諸 秋 齊 時 不

0 0

<sup>●「</sup>損」、《文獻通考》卷一百八十(明馮天馭刻本)作

<sup>「</sup>周官」,原作「州官」,據四庫本、薈要本改。

<sup>「</sup>責令」。四庫本作「并責」。

禮 E 則 羅 時 利 親 也。 宋 縣 任 樂 病 封 疎 们 建之時 者 不 璧 識 》所 劉 民 則 民 則 1 治 氏 胡 齊之大 信 變者 蓋累 六六七 歆 也 情 利 吏,則皆干 者 E 載 陳 Ŧi. 暫 僞 爲 病 列 . 也 峰 凡 氏 前 焉 世 而 周 以 H 不 可 法 少 夫 後可 青 之私 禮 之 一之時 能 蘇 公 則 不可 以 介 制之瑣 年 盡 承 苗 記 周 皆 潁 洞 書。 甫 進 以 賢 賒 1 濱、 古 流 使 究 知 有 行之於郡縣之後。 所 徇 語 包、 子人 貸 宣 近代 者 世 宰 碎 時 而 晁説 今議 通 故 故 化 周 食 者 几 之徒 煩 介 經學古之説 法 事 者 法 者 司 密者, + 天 禄 甫 之、 其 孟 雖 觀 雖 馬 邑 餘 與 與 之 也 繁 子、 雜 之 F 簡 洪容齋, 温 輩 民 民 黨 可 與 而 也 而 張 公、 則 情 然非 情 盡 之 猶 亦 與 行之於 周 也 常 常 知 胡 林 必 足 不 分 懼 夫 其 禮 親 鄭 疎 肖 直 以 致 居 州 知 其 所 土 碩

之舊 於《周 之 禮 子 謂 王 抵 制 制 周 傳 制 制 不 若 已云 於禮 授 出 損 政 作 切 與 與《 與《 燦 周 事 典 虚 益 切 於 相 然完 禮 繫《 書 多從 禮 書 書 不 有 禮 日 公, 豈有言之與 之 於 劉 表 影,即 . 易》、 》獨 聞 裹 經 杞 辭 歆 備 周 洛 周 制 武 宋 其 也。 東萊 如 無 孟 官》 誥 詳 且 成 作《 求 蓋 使 又 意其 之。 此 子 》、《召 漢《 及《 始於 云 夏 歆 自 周 六 耶 春 而 時 佐 商 典 公禮 儒 果 或 ? 衛 謂 秋 上古 周 行 孟 遺 王. 誥 周 者 異 反 林 》,獨 秦 周 兼 室猶 自 禮 莽 子 書 》異 見 傳 魯 公之遺,不 火 禮》者 其 而 》異 相 其 周 如 之後 不 與 書 中言 9 叙 删 成 存 矛 之 詳 此 能 言 夫 與 諸 ^ 於周 盾 古帝 制 精 密 詩 設 逆 班 措 莽 封 建 經 乎. 乃 作 官 或 或 爵 × 爲 知 謂 皆 带 ? 之 周 故 之 之 之 辭 定 孔 聖 王 大 繼 有 碎

之於世 帝王之典乎?」 曰 周 禮 調調 之周 子 謂 禮 此 E 書 自 迁 不 可 闊 信 煩 瀆 又 可 不 謂 口 古 施

樂刑 書。 紀,萬 其 纖 陳 (要則 悉,靡 友仁 賞 世有國者之龜 畫 統於《天官》。 不 一井田 微 : 備載。 而 | | | | | | | | | | | | 立 服 御 一封建 官》 六官之屬,各從其長, 飲 鑑 大綱小目 食、醫 〉六典, 大 也 而 下工 軍 周 或 公經 截 藝,毫介 調 度、 然有 制 禮 之

屑 及施 《冬官》一篇。 何 公、三孤與《周 書,大綱小紀,詳略相因,其言人事悉矣。」 黄溍曰:「三代法制見於經者,惟《周官》一 大綱是周公作,書未 異孫 處 多漢 行 中 曰:「先儒 儒增 間 必 益 禮》不合,此 今攷《尚 有 疑《周 如盟詛之類,府史胥 末 全備 世 書 添 禮》 而 知六 0 人 非 公殁,故尚 周官》, 者 周公全書 典官制 繁 冗 其 闕 徒 瑣 未

之屬,叢雜可疑。」

《周 平. 乎? 編覽 流 周 禮》可疑者二,蘇 汪 迹,是則又明爲 三,是皆論 何休又云六國陰謀之書,歐陽文忠謂《周 周 志》,於《周官》未之見,②東漢《儒林傳》 之基 出 家 克 禮 禮》果 群 法 稱 寬 漢武嘗謂 **\***; 之; 經 本 度 日 知《 賈公彦《序 廣 稱之,又嘗以周公從 非 以 張 大精密言之,嘗  $\overline{\ }$ 周 爲 横 周 周 公所作乎? 《周禮》爲瀆 周 非 潁 渠謂 禮 禮 公所 周 濱謂《周 》者 周 V 公之遺 周 禮 作 乃 書,果 公治 廢 也。 周 興 禮 亂 以 朱 公致太 制 周 素  $\forall$ 不驗之書, 爲 廣 周 子 攷之西 又 也 莫 大 公 蓋 周公作 謂 可 不平之 詳 心 建 嘗 信 鄭 然 漢 玄 太 以 則 於 中

<sup>●「</sup>周官」與「周公」,原誤乙,據四庫本改。

② 「周官」,原作「周公」,據四庫本改。

器 之説 大 遂 篇奏之』。 教、曰政、曰刑,而《冬官》則掌邦土,或 散逸得之。 始 秦焰散佚之餘,與 制明矣。 經例置博 王 官》,上於河 乃 之商旅, 飭力以長地財, 謂之農夫, 治絲 而 隋 这盛行 一購 謂 夫 論 謂 謂 以 道 之 『《周官經》六篇』,本孔 經 之百工 一,謂 干 於 或 缺 是則《周 籍志》乃云『漢時 世,後 然《冬官》何 土耳。 金 審 也 孝武 之王公;或作而 間 夫五 不得,遂以《 曲 獻 通 何 面 禮》作於周 世 時,蓋· 至西漢 官所掌,日 王 以 勢,以 漢 四 因 獨 知 儒 方之珍異以 有《周 爲 有 其 編 闕《冬官》一 飭 考工 其 劉 而 然 録 公而 有李 Ŧi. 禮 書 ? 缺 歆始置博 行之,謂 附麗之誤, 治、 安國 材, 特 一記》補 》作 也? 愚 非 氏 資之, 日 以 因考 未 於 他 所 篇, 禮 得 辨 之 經 與 成 劉 人 獻 補 之 五 六 周 謂 民 歆 獻 坐 日 罹 而 9

> 中,如 是者 均、草 宰 稽 《夏官》之中,如司 也。 麻 土 於農、皆本屬《冬官》,因 本屬《冬官》而乃人之《夏官》。 中之職,本屬《天 之《春官》之中 皆工之事,而士 記 地人民者相類,乃以入之《地官》。 以成之,謂之婦功。 胥 调調 見《考工記》所載者,其屬二十有九 六官六屬各六十,致之《天官》,自太 人、稻· 師 司 非 市、 肆 編 長、泉、 人、塲 質人、廛 録 ', 如 與 附 官》 商 士、諸子,皆掌士之職 世 府 人、 麗 婦、 、農之職俱缺焉。 0 之誤 人、賈 而 司 此《冬官》之大較 其職與大司 此 乃 内宗、外宗、皆宫 稼 不 皆 等職 人之《春官》。 師 可 主 《地官》之 也 於 司 此 商 虣 況 徒 皆 若 掌 考 小 主 司 土

改。

<sup>●「</sup>司市」、「司號」、原作「司士」、「司號」、據《周禮注於

十五 寬 公制 止 屬 皆 宰 觀 官》之中掌士者、《地官》之中掌商、農者 禮》有嗇夫之官、《國 空之所 之工,總屬《冬官》,則不惟合於《周官》 與夫嗇夫、司商之數,并今《考工記 要之,見載於《考工記》者,固爲《冬官》之 不載諸《周 司 九 盈 其 此。 馬 大 ,然司空掌邦土,居四民,時地利,職 以 并 作之盛 ,何以《冬官》 以下六十九,《秋官》大司寇以下六 春官》大宗伯以 而 下六十二,《 當自大司空、小司空而 録 職 餘 通 卷末 數過之? 前 與 禮》,此亦《冬官》之脱簡 ●燦然溢著於篇 小宰六官六屬之目,而 爲 以以 太 地官》大司 俟博古君子正焉。」 獨 平. 無 缺 下七十一,《夏官》大 「語》有一 典 是 而 禮之全書 爲 理 司 也 數不及,五 徒 ,使人 商之官,皆 下,摭《夏 以 他 也 下七十 》所 如《儀 得 且 也。 以 克 載 官 周 司

> 薛瑄 禮。 朱升 易,可見爲聖人之書。」 其間 日 :  $\overline{\sim}$ 周 所載之禮,乃職掌之所 周禮》,後 公六典,本以 世 用 命官, 其制 及者 者 而 猶 非 爾。 不 以記 口

官。 事 以 義 道 日 不 極 何 化爲 夫,以 則 爲主,故 爲本也; 有義 其 喬 八日伯。 『冬官 周 新 政以 本也; 詳 日 帥 治 : 「《周 禮 刑 人爲義。 非 教 非 司者,何察之謂;氏者,世守 爲 日 聖人不 非 天 名曰 禮以仁爲本,故禮 「秋 本,故政曰『夏官』; 事 禮》規模 地 事 ,謂之『天官』者,治 官。 宰, 以 能 ,謂之『地官』者,教 Œ 以 作 事 極 人 制變爲 也 則 以智爲 其 日 廣 其名 大, 正,以 義 旦 主 刑 官 節 一,故 名 春 莫 目 以

■「周公」,原作「周官」,據汪克寬《環谷集》卷六(清

之稱 方氏 文雜 也; 也。 樂、諸子之類是也; 亦有他官之文雜 者,如御史、大小胥之類是也。 官》之文有雜 者,如内史、司士之類是也; 之旨益晦。 以論聖人之制作哉。 大,孰能與 而聖人之經 人之類是也 地官》者,如 有雜在 大綱小紀,莫不 亦有 、弁師之類是也。 0 在《天官》者, 地官》之文有雜在他官者,如 尊其智,故稱大夫;卑其任,故 他官之文雜 他官者,如 · 於斯 一,亦有他官之文雜在《春官》 是故《天官》之文有雜在 不全。 在 間 他官者,如封 師、柞氏之類 彼 如 附 不 銜 具載,非聖人心 甸 在《夏官》者, 會於漢 奈何煨燼 知 至如掌察之類, 枚氏、司 師、 而妄議者,烏足 世婦 亦有 儒 是 人、大小行 《夏官》之 隸之類是 也。 前 於秦火, 之 他官之 類 如 大 他 聖 胸 在 司 官 經 職 春 是 廣 稱

師之屬 吾知 遺》,草廬吴氏又從而考訂之,由是《 承訛 禮》一書,其 禮》六官始得爲 作《復古編》,東嘉 雜於大宰; 之,參諸經籍以證之,何疑之有。《冬官》 官以三百六十,其治天下以封建,其 雍氏、萍氏之屬則雜於司 不深,遂以《考工記》補之,豈知鄉 未嘗亡也,雜於五官之中耳。 吾知其非《秋官》之文,縣師、廛人之類 ,其教民以 其爲《冬官》之文。緣文尋意以考 踵謬,莫覺其 則雜於司徒; 獸人、 太人之屬 土方、形方之屬則雜於司 、兵、農 鄉 遂,其養士以學校,其 全書矣。」 非。 以 王次點又作《周 井田,其 至 寇。 臨 JII 又曰 鄭、 取 漢 俞 民 買諸 庭 儒考古 師、載 (威民 官 以  $\overline{ }$ 椿 馬 建 周 則 什 周 始 儒 補

0

皆

非

文

E

時

所

得

爲

也

雖

其

書

古

詳

於

畿

之

服

祭

天

祀

地

之

禮

朝

覲

會

口

之

或

以

爲

漢

儒

之

附

會

竊

謂

Ŧī.

等

之

爵

九

或

謂

成

周

理

財

之書,

或

謂

爲

戰

或

之

陰

謀

故

當

世

儒

者

共

疑

之,或

謂

文

Ŧ.

治

岐

之

書

劉

歆

始

列

其

書

於《

録

\*

略

**%** 

惟

其

晚

出

年

河河

間

獻

 $\pm$ 

始

Ŀ

其

書

於

祕

府

又

白

年

之諸

侯

再

毁

於

秦

坑

之烈

焰

漢

興

白

餘

明

智

孰

能

及

此

哉

奈

何

毁

於

戰

或

度

與

夫

畫

繢

刮

摩

搏

埴之法

;

又

其

細

則

及

於

登

魚

取

龍

擉

鱉之微

莫

不

備

具

如

天

焉

有

象

者

在

如

地

焉

有

形

者

載

非

聰

詳

9

下

至

於

車

旗

圭

璧之器

9

梓

厅

輪

連

之

祭

祀

朝

聘

冠

婚

喪

紀、

師

H

行

役

之

則

九

柄

九

貢

九

賦

九式

之

序

其

次

則

夜

講

求

IMI

增

益

之。

其

上

則

六

典、

法、

以

肉

刑

大

本

既

7

然

後

其

品

節

條

目

H

一八九五

筆 裹,蓋 武、 職 禮》一書,周公致太平之法也 爲 宰 法 堯、舜、禹、湯之法 法,乃文、武之法 白 Ŧ. 非 之習,是乃格 壺 統 書》載 哉 ,而冠之以『惟 作 ·, 則 於 非 兹非二 四十年之行 統 宫 周公,距 於冢 聖人之書者,謬矣。」 也 壼 | 周 用 今 其道 財 昔 度 可 禮 宰,則 故 用 盧 書之相 有 見 今數 治
天 **>** 之 爲 植 心之要務 周 節 者 事 宣《周 尊 事 身修 官》 而 , ~ 王』之一辭、《春秋》載 也,非 千載,其 0 也 王 下之本 而 爲 無 書 記 作 殊 首 家 表 泛 **>** 禮》 也 而《 堯、舜、禹 三百 不 惟 之 裹 齊 與 用 文 與《春 知 以 致 也 乎。 文、武之法 ^ 而 濫 春 周 六十 財 治之大本大 書 又曰 豊 9 無 賜 ,非周公之 秋 《周 禮》 『王』之特 用 然則 之 女 可 秋 》亦 、湯、文、 屬 輕 寵 統 弊 禮 而  $\overline{ }$ 詆 之 議 爲 相 壁 於 9 乃 載 周 尊 冢 以 表 其 倖 宫

之非; 年。 氏 散 然 簡 代 定 或 以 殘 其 記 儒 軼 列 官》未嘗亡 其 失 之盛 章 亦 其 羽 見於五 》補之。 諸 其 法 洞 各有考注。 以 翼 半,然 屬 於 論 斷 識 目 儒 治 永 介的氏 存 爲 聖 · E 彼, 其 者,舍二書 簡 論説 天 嘉 大旨 一官之中 四家 人之精 未 也, 舊 至 訛 乃 下 諸 之説 王 及考正 臨 以 何 重 之具 以 儒 氏 而 之説 何 參 喬 其紛 存 ][] 加 無 必 微 已 其 次點 作《復 一考也, 新 何 古 考訂 俞 異 也 心以千 一,微 備 後 自 以 然 以 也。 氏 論 君 矣, 亦 臨 辭 幼 爲 哉。 也 壽 次 有 金購之、以《考工 子 作《周 古 奥 讀 ][ 非  $\sim$ 惜 朏 每 翁 志 則 · 惜之。 編 周 吴 義 聖 獨 是 秦 篇 始 其 於 取 考 氏 禮 書 未 人 程、朱二大 火之餘, 禮 得 首 以 悟《冬官 唐、 几 Ĭ 及 不 依 訂 古 於 沉 清 正 家 記 夫《 能 論 虞、 此 多 鄭 漢 所 潛 注 源 久 論 本 者 有 儒 書 别 E.

以 太宗斟 禮 之過也 不 下 見 爲 軍、詰禁之法, 歆、王安石用之而 聖人之心行聖人之法,天下豈 可 國家者 作《集 》所載措諸用 卷,不敢 復哉。 彼彼 酌 蘇 ,以《書》之所載立 注》以 不 淆 世 綽 識聖心 聖經也。 之制 謂 而 孰 俟 貞 敗也。 周 後之君 謂 觀之治遠邁 以 前 禮》不可行者 唐、虞、三代之盛 參考諸 爲 徒泥 嗚呼 建 子 其 官、 擇 其 是非 説 本, 文也 焉 授 兩 有 附 漢,況 以《 田 不 聖 以 有 以 蒙 周 制 唐 經 劉 治 臆 天

嘉 者。 空》之復,而 儒 聖人之澤乎。」 丘 司 無間 濬曰 以《考工記 空》之篇 宋淳熙中,俞庭椿始著《復古編 主 《周 次 實 六官之 點 禮》出於漢,六官 雜 補《冬官》亡,未始 復作《 出 於五 譌 周 誤 官補 官之屬 亦 遂 遺 可 亡世其 月 月 以 元泰定 有 類 因 一, 世 異 司 謂 議

> 謂 他 内 在 治 立 模大節 王 字,及大司空、小司空之職 官》首章,所謂 是 中 二十字,及『乃立冬官司空』至『邦國』二十 教者 之類 乃 Ē 致。 鏊日 外 ,丘葵又參訂二家之説 以觀,則《冬官》本未嘗亡,所亡 六鄉、六遂,分掌郊里,征 史,乃屬之《 至獸 百 而其 詳 師 官 何 備 氏、司 瑣 人、燩 其 間 周 0 屑。 職 亦有 禮 催 有 陳、司 春官 也,而 ×, 能 王 而 미 周 舉 鼈 天 建國」至『以民爲 疑 公致 救 而 府 人、 宫禁婦 焉者: 行 以 五 外 司 二條 司 徒掌 之, 太平之 斂 六 府、大· 裘、 爲 財 員 爾 寺之屬 冢宰 則治 成 賦 邦 染 而 者 , 紀綱 書 小史、 已,其 教,所 人、屨 掌 效 , 極 冬 皆 邦 規 由 口

<sup>0</sup> 詳」,則「大」下斷句。 詳 備 E 整《震澤 長 語》卷 上(明 曆刻本)作

馬 官 氏、 宜 邦 記 居 而 地 法,不宜 民之數,與 也 市 分,而《冬官》亦完。 周 民 爲 土,居 混 **₹**? **₹**? 》補之,宋俞庭椿、 城 井 居民,量 官》 敢從 牧其 之 小 管 於五官之中耳。 方 《司空》一篇已亡, 事 司 粲 大小 爲司徒之職。 几 鑰 氏、 田 ,分屬之司空,則 ,何哉? 然 徒之職。 地 民,時 夫 門 野, 無缺,誠千古之一 遠 行 遂 闘 土會、土宜、土均、土圭 與 近 師 地 而 興 夫 之職, 之 日 如 謂 利」,則 起土役令賦之事 且合三百六十之數, 王次點獨謂 事 屬 Ŧi. 之 《王制》曰『司空度 《周 亂 任 教 官之中,凡掌 經。 贵 贵 官》 漢 力」,則經 土 何 五官各得 得 得 儒 地 日 哉 快也。 歸 歸 以 之圖 司司 ? 未當亡 《考工 之《 之《 職 空 土 不不 邦 其 之 春 司 地 掌 方 而

> 寂寥數 所事; 擴充以 文之於蘇綽 通篤好矣,而 乎文』者也。 宋 千載 致 神 周 宗刻 似矣,而 ,而莫有繼之者已。」 公廣大之治。 唐太宗深信矣,而 無 其 意矣, 時 其人品相 劉歆 而 失 無怪文、武之政 有 其 去复絶、安能 志矣, 八所任。 無其 而 輔 彼宇 昧 ; 於 王

聖人之制作。」
壁深曰:「《周禮》一書,●文密意詳,固是

陰謀; 惟 瑣 中 不然矣。 畫 王 屑 道 其 ,必簡易明達,決不至如《周禮 斥之以爲 病 曰:「文、武、周公,聖人也。 謂之附 以 ,而《周 然謂 爲治 末 禮 岐 會,則實片段不類乎附會 世 之陰謀,則 之制 》之不 黷 亂 理 不 足信也,的矣。」 驗 財 實 之書,庶爲 之書 迂謬 》之繁 斷 不 其所 類 斷 切 講 平. 其 TI.

張

詡曰:「文、武之政,布在方策,所謂

『郁郁

於學官 使 其 金 程 有 瑶 關 、朱二大 日 二、此 ,亂句之爲 於 治 道 儒 書周公治天 甚 不 大。 此 欲 書累甚矣。」 注 漢 而 人 下之大經 或 亂 家 以 大 僞 以 句 大 不 法 遂 列

闕 與 李 材日 Ŧi. 也 經 並 《周 傳, 今 禮 周 是周 禮》廢 公致 而 太平之書,當 不講,是經之

漢 爲 非 闕 郝 不知其同也,是書 考工》之文曲 之作,而《記》 儒 或 敬 闕 補,是書所以 《考工 補《記 日 而 處 六 使 0 經有 士 人疑  $\sim$ 之學,其 》,謂 記》 周 聖人治天下之道,是書 而奇,人疑其裁自 禮 其 非 奇 周 亦 影非 爲 補 也 公作 所以 非 縱 闕 也 漢 闕 横 五官, 五官 愈奇 非 儒 也,而 而 之言 補 所 世 之文直 也 能 夫 而 儒 乎。」 世 使 補 Ŧi. 以 兩 儒 世 官 人 爲 手 而 儒 疑 則 以 其 非 補 IE 其 後 諸 爲 聖 又 謂 而

> 禮 貴 世 可 以計 法 治 》之書,徒 故故 天 算 下之法。 孟 約 子 法 束 日 而 而 已矣。」 望 徒 天下 其 法 理 神器 不 也 能 以 口 聖 自 以 人貴 行」,《 道 御 道 不 周 不

謀 耳。 語 或 意皆 安石 莽 者 者 以 王 公,即聖人矣。」 應電 安在 動 無 爲 非 以『奔者不禁』、『王及 本 图 六 故 周 徒 放 效 法 林 ? 或 然 得 公所作,不知 也 曰 : 伐 先 陰謀 孝 也 其 聖以 玩其文義 贵 「世人 存 以 糟 夫後 堯、舜、 之書,今其 謂 粕 文 是 爲 以 世 、疑《周禮》者,率以 其 而 篡 黷 便其 、姦,奚 警聖 有 湯、武 此皆註家 奪 亂 能 后 術 者 不 作 書 經 止 世子 驗之書, · 中 之 祖 不 此 見 一於《周 故 揖 者 存 解釋 間 Ė 不會」等 哉 讓 良 雖 贖 異 ? 之誤 法 禮 戰 行 亂 何 哉 非 休 美 争 之 周 陰 王 ?

陳仁錫曰:「以《周官》全經言之,洵有可

義

朱朝 職,官 周 作。 周 地 伯 也。 以千八百國計之,公五百里,侯四 亦 亦右文母, 妣與 海,四望與 祀無分祭之文;《般》之詩,望祀四岳 愿, 吏横則欺 屨,交臂歷 宫辠五百』,太平之世,殘形 疑 公既没,遂不復行。 未聞 家祭祀,莫詳於《頌》,《昊天》之詩,郊 者 方千里者九,何以 瑛 周 : 『墨辠五百、劓辠五百、刖辠五百、 然其書殘闕錯亂,必草創 百里,子二百里,男百里,而 與民 有 西 日 用 都 (山川無異祭之文; 既右烈祖 指而 前。  $\overline{ }$ 歷 則 民,民 周 關 代之奏以分祀之禮,疑三 祖無各祭之文。其作樂, 吏不能皆才,民 塞路,疑 禮》一 中 封? 猾則欺吏,疑二也。 也,東都今洛陽也。 東遷 書,非聖人不能 疑 刻 也 四 而後復多散 膚 而未成者。 也 赭衣 不能 泉府 海 百里, 内之 河 皆 之 菲

> 譚吉 供,**●**戰國縱橫之士以意附益之。」 書 . 璁 周 日 官 一篇,即《周禮》之序矣。」 「《易》、《 詩 》、《書》皆有序,

九〇〇

#### 《周官傳》

漢志 四篇。

佚。

篇。 按: 相表裏,惜乎其皆亡也。 篇、《周法》九篇、《 《漢志·儒家》别有《周政》六 注 云 獻 王所 述,似 河 間 周 與《周官 制 》十八

經 義考卷一百二十終

弟子婁縣 姚 弘 緒覆校

0 東」,原作「宋」,據四庫本、《補正》改

# 經義考卷一百二十一

秀水朱彝尊編

陸德明曰:「河南緱氏杜子春,受業於劉

歆,還家以教門徒,好學之士鄭興父子等

平初,年且九十,家於南山,通《周官》説。」

賈公彦曰:「劉歆門徒河南緱氏杜子春,永

袁山松等書中語也。❶

男昆 田 校

晁公武曰:「《周官》,漢永平時,杜子春 多師事之。」

初能通其讀。」

周

禮二

杜氏子春《周官注》

鄭氏興《周官解詁》

佚。

《後漢書》:「杜子春,永平之初,年且九

十,能通其讀,頗識其説。

鄭衆、賈

(達往

受業焉。」

《後漢書》:「鄭興,字少贑 建武六年,徵爲大中大夫。」 ,河南開封人。

文,故范史無之,理所當然,朱彝尊誤解。 禮疏》所引,爲馬融《周官傳》文,非《後漢

按:《禮疏》所引《後漢·馬融傳》 中文、范史無之、當係謝承、華嶠 0

按 即興之《解詁》也 鄭康 成注稱爲「鄭大夫」者,

鄭氏衆《周官解詁》

佚。

於世, 其實。」 經書記轉 後漢書》: 衆《解》 相 證明杜氏爲《解》。 鄭 不 衆、賈 行,然衆所 逵 洪 雅 解 博 説,近 逵《 聞 《解》行 又 得 以

陸 德 明 按: 日 此《禮 . 河 疏》所 南 鄭 引, 衆, 范史 字 仲 (無之。 師, 大

也; 成引之以 晁公武曰: 『司農』者,衆也。 參 釋 鄭 異 興 同 鄭 衆 云『大夫』者 傳 授《

周

禮

 $\sim$ 

康

司農。」

按: 鄭康成注稱爲「鄭 司農」, 孔

賈氏逵《周官解故》

佚。

《後漢書 《詩》與毛氏異同,并作《周官解故》。」 之《解詁》五  $\forall$ + 逵明《左氏 篇。 帝復令撰 傳 × 或 齊、魯、 語  $\approx$ 韓 爲

衛氏宏《周官解 

佚。

張氏衡《周 官訓詁》

興

佚。

氏《正義》呼曰

「先鄭」,

圃

目

康

成

「後鄭」。

相,徵拜尚書。著《周官訓詁》,崔瑗以爲安帝徵拜郎中,再遷爲太史令,出爲河間安帝徵拜郎中,再遷爲太史令,出爲河間

## 馬氏融《周官禮注》

《隋志》:十二卷。

佚。

兩讀,故具載本文,後漢以來,始就經孔穎達曰:「馬融爲《周禮注》,欲省學者

爲注。」

## 鄭氏玄《周官禮注》

《隋志》:十二卷。

存。

《書述曰:「世祖以來,通人達士大中大 有中賈君景伯、南郡太守馬季長,●皆作 侍中賈君景伯、南郡太守馬季長,●皆作 得禮解詁》。玄竊觀二三君子之文章, 顧省竹帛之浮辭。其所變易,灼然如晦 之見明,其所彌縫,奄然如合符復析,斯 之見明,其所彌縫,奄然如合符復析,斯 一首雅達廣攬者也。二鄭者,同宗之大 個漢書:「玄從東郡張恭祖受《周官》、 後漢書:「玄從東郡張恭祖受《周官》、 《禮記》。」

■「長」,原作「良」,據《後漢書》改。

九〇三

唐

蓋偶有不照也。」

學 成 則 晦 然六官之制度以 王 之訓 蓋 一炎日 者 以 臆説 不 康成之於 : 「《 得 釋 不 也 汩之,《周官》之意晦矣。 疑。」 周 可 禮 經, 謂 康  $\forall$ 有 一則 成 書,今學者所傳 功 丽 於《 以 傳,亦以 緯 周 説汩之, 禮》矣。 康 是以 成 而 雖 康

類 兵制 以 大夫之職,謂 襲秦,今引漢官以 書,今以釋《周 王 微言》謂 臆説 應 ,其誤三。」 也,今以 麟 汩之,而 日 鄭 注 小 證 鄭 禮 誤 宰 康 又 田 聖人之微旨 》**,** 其 有 如 比周官 日 制,其誤二; 成注經, = 今 誤 「唐《禮 御 史中 ,小宰乃  $\Xi$ ; 以 制 晦 ^ 緯 志 丞 》,漢 焉。 漢 司 書 崇云 馬 如 漢 官 亂之, 儒 徐 此 御 制 法 之 之 氏 讖 皆 史

> 之説 之神 以 郊 白 魄 帝 祭天,而玄以 南 緯 后 郊、 招 寶 而 亂 後耕, 稷,因 此 也,玄以 也 經 拒、汁光 圜丘 顯 天也,玄以 鄭 兆 慶二年, 玄主 而 而 玄謂 爲 祈 紀 Ŧi. 爲祭太微五 也。 穀。 靈 者 其 帝 周 説 爲 威仰、赤熛怒、含樞紐 於 禮官 玄以爲二郊; Ŧi. 祭感 皆謬論 天 几 天 皇大 郊」,此五 以 議 也 生 帝 禋 六天 由 也 一帝 帝者,北 祀 啓 靈 是有六天 祀 出緯 1 蟄而 威 及明堂 行 昊 仰 精 辰 天 耀 氣 上

#### 《周禮音》

一卷。

佚。

率出 魏 了 泉,三代 翁 曰 : 安有 康 成 以 П 賦 漢 ? 制 解 王 經 介 甫 以 用 賦 之以 爲 П

九〇五

誤熙寧,皆鄭注啓之。」

## 王氏肅《周官禮注》

《隋志》:十二卷。

《唐志》作「懋約注」,

書以寧朔名,

書》八卷,晉燕王師

王

懋約

當從《唐志》。

#### 《周禮音》

卷。

佚。

録 陸德明日 》惟云撰《禮記音》。」 . 「肅著三禮《音》各一卷,《七

#### 司 馬氏仙《周官寧朔新書》

唐志》:八卷。王懋約注。

### 傅氏玄《周官論評》

唐志》:十二卷。

佚。

馬都尉。 僕,卒謚曰剛,追封清泉侯。」 弘農太守、典農校尉、封鶉觚男。武帝爲 《晉書》:「傅玄,字休奕,北地泥陽人。 晉王,以玄爲散騎常侍,進 泰始中年,爲御 史中丞, 遷太 爵 爲 子,加駙

佚。

《晉書》:「琅琊武王伷,字子將。

起家爲

寧朔將軍

,進封琅琊王,有平吴之功。」

按《隋志》:

「梁有《周官

寧

朔新

唐書》注:「陳邵駁。」

陳氏邵《周官禮異同評》

《隋志》:十二卷。

佚。

《晉書》:「陳邵,字節良,東海 ?襄賁

以儒學徵爲陳留内史,累遷燕王 師。 撰

《周禮評》,甚有條貫,行於世。」

徐氏邈《周禮音》

卷。

佚。

虞氏喜《周官駁難》

佚。

《七録》:三卷。

佚。

《隋志》:「孫琦問,干寶駁,虞喜撰。」

干氏資《周官禮注》

《隋志》:十二卷。《釋文·序録》:十三卷。 佚。

九〇六

李氏軟《周禮音》

《唐志》:五卷。 孫略撰。」《唐志》入干寶名,注云:「孫略問。」 《隋志》: [《周 官禮駁難

四

序 陸德明曰:「《宮正》以下,鄭總 ,干注則各於其職前列之。」 列六十 職

末 注《周官·籩人》之職「羞籩之實, 糗餌粉餈」,云:「糗餌者,豆未削 文》多引之。又《初學記》引干氏 按:干氏《周官禮注》,陸氏《釋 而 烝之以棗豆之味,今餌

鎚

隋志》:十二卷。《唐志》:十卷。

宋氏《周官音義》

佚。

世以儒學稱。 《晉書》:「韋逞母宋氏,不 龍徙之於山東,宋氏與夫在徙中, 天下喪亂,宋氏諷誦不輟。其後爲石 吾今無男可傳,汝可受之,勿令絕世。」屬 所制,經紀典誥,百官品物,備 之。及長,授以《周官音義》,謂之曰 『吾家世學《周官》,傳業相繼,此文周公 宋氏幼喪母,其父躬自養 知何郡 於此矣。 推鹿

經義考

一百二十

經 義 考

君。《周官》學復行 學家女,傳其父業,得《周官音義》,今年 樂遺闕, 立 母』焉。」 後生。』於是就宋氏家 注》未有其 傳零落,比 宋氏晝則 車 八十,視聽 一十人,隔絳紗 ,仕苻堅爲 背 負 博 父 樵采,夜 師 無 年綴撰,正經粗 士 所 闕,自 盧 太常。● 授 幔 竊見太常章逞母宋氏 壼 書, 而 對 則 非 到 於世,時 受業,號宋氏 曰:『廢學已久, 教逞,逞遂學 7 堅嘗幸太學, 憫 此 冀 一講堂 母, 州 集,惟《 無 稱『韋氏 逞 置 可 時 以 (周官 生 爲 年 成名 傳 員 宣 世 少 宋 授 禮 書 禮 文 百

劉氏昌宗《周禮音》

孫氏略《周官禮駁難》

用

乎?

非其音也。」

以

形

聲會意求之,實所未了,當是廢

而

不

字。

衆家亦不見有音者,惟昌宗音『廢』,

云

檢《字林》、《蒼雅》及《說文》,皆

無

此

陸德明曰:「《周官・巾車》『爲魏』,

戚衮

廣

,必須考校。」

顔

之推

曰

:

李

登《聲類》以『系』音『

羿,

劉昌宗《周

官音》讀『乘』若『承』,此例

甚

《隋志》:四卷。《唐志》:五卷。

佚。

「苻」,原作「符」,據四庫本、薈要本改。

0

一九〇八

崔氏靈恩《集注周官禮》

沈氏重《周官禮義疏》

聶氏《周官注》

《浙江通志》:「衮字公父,鹽官人。」

佚。

隋志》: 四十卷。

王氏曉《周禮音》

按:陸氏《釋文》引之云:「沈重依

佚。

亡名氏《周官禮義疏》

《隋志》:十九卷。

陸德明曰:「江南無此書,不詳何人。」

佚。

一九〇九

#### 《周官禮義疏》

#### 《周官禮義疏》

九卷。

#### 《周官分職》

四卷。

#### 賈氏公彦《周禮疏》

唐新、舊《志》:五十卷。今併爲十二卷。

存。

可略言之。 後代官況之。 鳩氏爲司徒者,本名祝鳩,言司徒者,以 徒、司馬之類是也。 若然,前少皞氏言祝 號因其地,百官之號因其事。 德,百官之號象其徵; 公彦序略曰: 顓頊氏有子曰犂,爲祝 「少皥以前,天下之號象其 顓頊及堯官數雖 顓 頭以來,天下之 事,即 無 明説, 融。 司

#### 《周官禮圖》

十四卷。

九一〇

官號 官。」天官,稷也; 顓 典》云『乃命 後」,重、犂之後,即 所居,是度 之。』故《傳》云:『遂 冬官爲水正,中官爲土正。高辛氏 IE 祀之,故《外傳》犂爲 自夏以上祀之;周 稷,田正也。 共工氏有子 舜,是以 頊,又事 春官爲 ,義氏、和氏之子賢者使掌舊職天地之 ,司天;犂爲火正,司地。重、犂事 頊 稍改、《楚語》云『堯復育重、犂之 時之官也。 木正,夏官爲火正,秋官爲金正 昭十七年服注『顓 高 顓 辛,若稷、契與 羲和』,注云:『堯 曰句龍,爲后土。后土爲社 有烈山 頊 至高辛 高辛氏之世,命重 地官 棄亦 濟 義、 高辛氏之火正,此 氏之子曰柱,爲稷 窮桑。』窮桑 也。 和 爲 司徒也。又云 也 稷,自 禹 項』之下云 至於堯、舜 事 育 堯, 是以《堯 重 商 一、犂之 顓 又事 爲 以 因 顓 皆 南 來 頊

> 者其曰 注 夏制。 十。不得如此記也。』●《昏義》云『三公, 共工。通 六十,夏百二十,殷二百四 殷二百,周三百。』鄭 堂位》云:『有虞氏官五 爲之官,掌四 羲、和之子。 『申命和叔』,使分主四方。 九卿,二十七大夫,八十一元士』,鄭云蓋 『分命羲仲』、『申 周官》云:『唐虞稽古,建官惟百。』《 云春爲秩宗,夏爲司馬,秋爲士,冬爲 1伯乎。 殷官二百四十雖未具顯,按《下曲 稷 與司徒,是六官之名見也。 堯既分陰陽四 時 是有六官。 者字 命羲叔』、『分命 注云: 日 仲、 + 按分命仲、叔 叔 十,周三百六 夏后 『有虞氏官蓋 注: 時,又命 り,則掌 仲、叔 氏 和 官百 仲一、 天 四 明 地 子 亦

疏》改。 「記」,原作「説」,據四庫本、薈要本、《補正》、《周禮注

0

但 則 芮伯爲司徒,彤伯 馬公、司空公各兼二卿。 禮》云六大五官六府六工之等,鄭皆云殷 領冢宰,畢公領司馬,毛公領 法,至於屬官之號,亦蔑云焉。 而官益備,此即官號沿革粗而 三公又下兼六卿,故《書傳》云司徒公、司 云『三公九卿』者,六卿并三孤 「周監 周時三公各兼一卿之職,與古異矣。 二代,郁郁乎文」,所以象天立官 爲宗伯,衛 按《顧命》,太保 言也。」 侯 司 而言九,其 按《昏義 爲 空,别有 司寇。

甚多。」

沈 董 太學博士。 晁公武 道 重《義》爲之,二書並見《唐 卷,世 日 :「公彦此 日 :「公彦,洺州 一稱其發揮鄭學最 史稱著此 疏 據 書 陳 五 人,永徽 邵 爲詳明。」 十卷,今并爲 《異同 藝文志》, 中 評 仕 及 至

今不復存。」

與《禮記》次之。」朱子曰:「五經中,《周禮疏》最好,《詩》

E 衆之説,未得 官》、《周官》舉其凡、《 類是則然矣。 爲《書·周官》即此《周官》失之。《書》止 陳振孫曰:「其序《周禮廢興》言鄭衆以 土、邦事之不同也。」 應鱗曰 篇、《周禮》乃六篇,文異 「公彦事張士衡,撰次章句 爲失。 但《周禮》六官實 周禮》詳 而 其 可 數萬,非《書 疑 其目,則 者 本於《周 則 邦 鄭

陸氏德明《周禮釋文》

二卷。

存。

王氏玄度《周禮義決》

經義考卷一百二十一終

弟子嘉興曹曰瑚覆校

經義考卷一百二十一

存。

集十卷。

秀水朱彝尊編 男昆 田

周

禮三

《教道》九篇終焉。 賢,教學爲先,經世軌俗,能事以畢,述 其代,非賢罔乂,述《官人》八篇;何以 《刑禁》六篇;綱紀既立,持之在人,天工 《國用》十六篇,備預不虞,兵不可闕,先 防姦、古今通義、惟其用之、有所不至、述 生,爲政之本,節以制度,乃無傷害,述 階禍,莫斯之甚,述《内治》七篇;利用 觏自序曰:「天下之理,由家道正,女色 王之制,則得其宜,述《軍衛》四篇,刑以 并序凡五十一篇,爲 得 厚

# 李氏覯《周禮致太平論》

九 四

王氏洙《周禮禮器圖》

《長編》:「至和元年九月,翰林學士王洙 成,上之。」 命畫車服、冠冕、籩豆、簠簋之制,及是圖 上《周禮禮器 圖 先是,洙讀《周 禮 一》,帝

衛 共爲十卷。」 Ŧi. 王 卷,0 應 十一篇,《内治》七,《國用》十六,《軍 河 麟 《刑禁》六、《官人》八、《教道》九、 日 命之曰《 李 泰 周 伯撰 禮 致 太平論 《周 禮致太平 論

## 楊氏杰《周禮講義》

供

刑 徒 宰 載於六典。 萬世之大法也。 志,成天下之務,故能作是經、述是禮,爲 也。公以聖人之德,輔相之尊,通天下之 杰自序曰:《周禮》者,周公致太平之書 以 以掌之;教 、事也。 掌之; 治 和 六典 無不統,天之道 無 豫 者 其略 不 者何? 禮 容 其序. 地地 見 之道 於《周官》,其詳 治、教、禮 春 也 也,天官冢 也 一,春官宗 地地 一、政、 官司

> 服 吉至於歲終,施爲 廟 衛 日 寇以掌之; 馬 伯 獸、草木,養之必 莫不有位; 後之序也。 言矣,禮則見於容矣,政 空以掌之。  $\pm$ 則見於威矣,事則見於物 、器用 道 至於百神、祀 、要、蕃,遠 以掌之; 也,自天子、諸侯至於公卿、大夫,貴賤 以 掌之; 備 無 ,制之必 治則 富有者事 肅 IE. 六官帥其屬三百六十,期之 自王 物不化而歲 近 嚴 大者政 享 莫 者刑 有其 有 不言 畿 莫不 不有 莫不有 其 至於侯、 其 ,其序冬也,冬官 法。 道 其 耐 有 制 , 則 化 序 矣,此其精粗 序 功成,此 時; 常 ; 自 無 見於令矣,刑 也,教則見 秋 夏 ; 宫 自天、地、宗 甸、男、采 也,秋 也,夏 自 自 職 室 人 所 正月之 不 至 至禽 以 修 官 官 於 致 先 於 而 車 司 司 可

● 「爲十卷」,原作「爲□十卷」,據《補正》删

經 義 考

俗學。 失,既 歸 典 盛 太 以 禮者之所蔽,惟 形器度數之學者,不知 道德性命之説者,不能考合以 於本朝,誠千百年 常常 平 歟 致 ,列之科選,使成周 知,上 耐 不獲其完書,士 出 聖上憐其若此,命儒 敵 自 天 以 Ш 命 副 巖, 也 不 朝 廷 執 遽 希 不幸 經 不 藏 闊 太平之迹焕 儒 術 泥,然後能 秘 制作 之 遭罹 相 造士之意,不 府。 遇 傳 臣 也 之所存 秦火, 適用,蓋 以 久已弊 冬官》 然著 訓 盡 然 釋 絶 變 • 而 其 學 泥 於 滅 通 執 明

劉氏彝《周禮中義》

《宋志》:十卷。《通考》:八卷

佚。

陳 振 孫 日 . 祠 部 員 外 郎 長 樂 劉 彝 執 中

撰,彝諸經皆有《中義》。」

數、《匠人》言方法。」 求合乎《遂  $\pm$ 應 麟 日 人》治野之 劉 氏《 中 義 制 以 謂 遂 匠 人》言積 溝 洫

劉氏恕《周禮記》

佚

周氏諝《周禮解》

佚。

其説 官。 第 衛 湜 嘗 入仕 日 而没其姓名,豈忘其人之有傳耶 注 . 周 值 延 禮 新 平 解 法 周  $\approx$ 行 諝 不忍 王文公《 希 聖, 詭 擢 新 隨 煕 傳 賦 寧 多采 進 詩 ? 去 士

九一六

焉。

所以自釋其義者,蓋以其所創新法盡

[理財者居半愛之,如行青苗之類皆稽

其

官義》十餘萬言,不解《考工記》。

安石

以

致大亂。

晁公武

曰:「《周禮》,王莽嘗取而行之,馴

熙寧中,設經義局,安石自爲《周

# 王氏安石《新經周禮義》

斜風 假 諸門弟子手,至若《周禮新義》,實 丞相介甫爲之提舉,蓋以相臣 閣,用是吾得見之。 爲之筆削者。政和時,朝廷悉命藏 蔡絛曰:「王元澤奉詔修《三經義》,時 命於其 細 未見。 雨,誠介甫親書。」 手 也。《詩》、《書》多 。《周禮新義》筆 一之尊 出 丞 元 諸 所 迹 相 澤 猶 以 王 秘 親 暨

> 且 陳 異,殆《書》所謂『與亂 蔡京紹述介甫,期盡 田皆是也。久之,禍 振孫 置之義解之首。」 曰:「熙寧八年 難 同 行《周禮》焉 並起,與莽曾無少 事』耶。」 韶頒之國子監 ,圜土方

傅著之,務塞異議者之口。

後其黨蔡卞、

存荆公《周禮義》三册。 按:萬曆中, 重編《 内閣

龔氏原《周禮圖》

《宋志》:十卷。

陳氏祥道《周

佚。

九一七

九

1

## 王氏昭禹《周禮詳解

《宋志》:四十卷

付

學皆宗 陳 解  $\pm$ 與 振 之 孫曰 用荆公而 Ė 日 : 氏 : 新 近 昭 説 加詳。」 世 也。」 禹 爲 字 舉 光遠,有《 子 業者多用 周 之, 禮 其 詳

至周 矣。 足以 實 成 者之世,物繁事衆,其制不得 之則存乎 昭 寓 具 禹 高高。 自序 增 故 任 不説之大法。 官 唐 而 虞稽古 日 爲 ,其官足 聖人循道之序以 法,推而 「道判 三百六十,非 建 以 行之則 爲萬 官 行 禮者, 惟 法 然 物 白 固 存乎人。 制 法 之 好 後禮之事 不然也。 夏、商官 禮 之 成 詳 大 制 理 也。 分, 其 理 而 倍倍 孔 Ŧ 舉 道 之 用

> 常 焉。 於仰 以 聖人 有之域 矣, 子 時 天 因 天 JL 周 道 之本宗,應帝王之興 下 無 川 時 觀 日 四 是固 合其 蓋言 之 時 觀 而 其 體道之常 之所任 周 道 之明 微 法 俯 有 古 監 (序,雖 其 爲 因 察 盛 治、 象 有 法 於二代, 天 然 矣。 萬 以 教 而 明 達而 物 地之大 精 無 致 先 ※後奉 爲 法 禮 然道之常 至 以 而 其 天 天 矣, 觀 有 於 爲禮 用者 而先且 其 政 地 郁 美,達 天 與 其 起 雖 時 郁 天 變 妙 刑 地 政 天 也 聖 哉 ~,體道 乎文哉, 無 通 弗 四 刑 地合其 人 事 而 地 下散 六官, 違 時 事 而 鳥 惟 爲 古 尚 爲 之常 聖 天 得 夫 治 有 然則 四 聖人 於常 五日 人 地 出 大 何 教 而 時 爲 與 有 從 四 違 美 神 事 9

0

<sup>「</sup>微」,四庫本、薈要本作「徼」、《補正》云:「『微』當作

乎? 闡 觀 任 烏知禮意乎哉。」 不知爲物之致,乃 爲之意 爲之制,曲 之理實隱於道德性命之微。 不爲,聖人立禮以爲體,行禮以 之私智哉。 即 ,則禮之事雖顯於形度數之粗,❶ 以致其 理而 夫神無在而無乎不在,無爲 也。 事者 顯 爲之防,亦神之無 彼 者微。 荀 實天理之所爲也。 也。 卿 日 噫 徒 『生於聖人之僞』,又 然則 ! 知 禮 六官之建, 豈聖 理 爲 其 即 道 不 神 事 爲 之華,而 在 之 由 而 而 翼,事 無無 所 幽 此 無 而 者 禮 爲 以 乎 不

張璪

曰:「章公《周官議》十六篇,非近世

積官至朝奉大夫。」

**仕爲尚書郎**,提點淮

南刑獄

權揚

州

師,秦國公諱楶之子也。

熙寧九

年

進士,

之文也。」

章

後徙建

安,

又徙

蘇

州

之吴

縣。

贈太

#### 章氏緯《周官議》

十六篇。

佚。

孫覿志墓曰:「公諱縡,字伯成。世家豫

徐氏庚《周禮講義》

佚。

士,歷 獄 樂平縣志》:「 歸歸 仕 ,自號寄傲老人。」 四十 年。 庚 字叔 建 炎 義, 初, 紹 提 聖 點 福 四 年 建 刑 進

● 「形」下,四庫本有「器」字、《補正》云:「『形』下或脱

九一九

九

\_\_

### 黄氏裳《周禮講義》

六卷。

《連山 耶? 未備。 道 夏之《禮》則立忠,商之《禮》則立質, 之理,於是乎作《易》; 邪正與之同患,以 M 邪以致亂,夫誰 正 裳自序曰 道寓之法而制之以上下之分,於是乎制 《禮》。 與與 、備是法耳。 一,天下後世 八之同 存。 適丁 》,商之《易》曰 夏、商之君豈不能一 三代之世皆有是書,夏之《易》 患,以 :「天理之有盈虚,人事之有 斯 時,人僞 ,類不及 不然。 故名《易》曰《連 義 寓之數 《歸藏 世習 此。務盈以邀 先王之於愚衆,吉 而 》,其道未 日 未 告之以禍 足以 一山 ※, 而預言 全 其 則象 全 之 邪 法 福

諸 其 人以 哉。二書之教不行, 不可戒也。 雅、頌之《詩》作,則聖人何俟於《春 勢,則循理 虧,作善以消譴,知有上下之分、高卑之 人知有消息之數、吉凶之象,則守謙以 患,至周然 體,文則剛柔乎此者也,故邪 然後《易》之書著。 《易》之道至焉。 已,未足以 以爲《易》也; 令者順,而典、謨之《 『周』者,以辨夏、商 用。 、顯諸 魯望周 仁所以 仁 , 以 爲《易》 後《禮》之書 周 名《易》 聖人始即《書》之後絶之以 避 闡幽 智足 低, 不可 故 由義 禮以 也。 建常,能常 古 以 焉耳。二書之效,使 日 然則三《頌》之次,聖 書》行,吟咏 望 顯 X 也 歸 以 仁智之道合, 忠爲 微 與 著。 3 歸 藏 民 適變,能 以 IĘ, 二書特 同 商 心 而 IE. 則 思,至 者樂,而 戒周 已,未足 一與民 以 然後 象 質 變 其 周 爲 號 防 口 周 則 而 藏

以 俗學止於區區之誦數,溺其才識,則 聖人以道寓之法,法之中微妙存焉,後世 序,緩急之勢,則《周官》之書豈可 之官,造成多士。 之文,始得先生巨 方今聖人立政造 秦誓》焉。 陰謀見待於或者,何其不幸也。」 然則《春秋》安得 事,追復成周之法 五經之教固 一儒訓 而發之,分布 而 有先後之 不作 緩 元 五 此 哉 儒 耶 林 ? 經 ?

# 聞人氏宏《周官通解》

佚。

士,判常州。」《姓譜》:「字君度,嘉興人。大觀三年進

林氏之奇《周禮講義》《訂義》作《全解》。

《玉海》:三十九卷。

未見。

數也。 時,人含其聰而天下不侵,人含其 禮之大體也。方其莫之爲 情, 衆人由之於外,足以觀性命之理,此 遲速有時,君子知之於内,足以安性命之 然。而聖人制禮,所以 《周禮全解》,祖荆公、昭禹所説。」 下不累,則禮亦何所用哉 而外必盡 夫禮自外作,本在於内,雖有不易之道 之奇自序曰:「無體之禮,冥於天地之自 王與之曰:「三山林氏之奇,字少穎,有 貴賤有位,先後有序,多寡有數, 其可陳之法,是以其法之在度 立 無體之用 而常自然之 此 莊 周 明 加 制 也 天

九

也。 力 革 疑 制 此 度於 接 地 憂,而聖人之德 聖人之不 於時當夏,乃 合 不 下 三代之禮 ·致其 哉 以 禮 爲交,往往 鐘鼓管籥之音, 仁之説。 ,分群偶 則禮 以 又 爲 者 雖 義 日之間 日 然, 殺  $\sim$ 便,則《 易》 之 雖 變 天 免 物,而 道 中 教 嘉 昔 禮 及 也 旦 萬 萬 有 處 道 其 之 會 周 者 以以 澡 物 緒 不 升 得 其 人 足 亨 所 不 禮》之爲書,豈 淳 雖 蓋 月逐 與 去本盛末之時 起 降 厚天下 中 事 E 失其统 以 者,嘉之會」,天之禮 與 散樸,去 己 聖 矣, 民 乎。 備 合禮」, 則 時 造 青 人 司 而 於 而 是 有 -之風 於 黄 患 之 今 聞 周, 是 也。 時 前 損 黼 性 神 或 之 故 非 也,崇 人之禮 益 俗 不 黻 而 制 特 日 而 周 大鵬之能 不 致 之美, 從 與 周 作 故 其 禮 公 後 至於紙 則禮者 其 心 天 以 制 人 公之 或 而 本 隆 也。 卑 因 義 日 不 如 法 與 耳

> 子曰 之德 其 音 賤 謹 天 大 於 短 高 則 周 周 者 ,各以 難 藻 其 斥 尊 至 下之本,卑近 經之大 禮 禮》爲全 大 色 横 艿 知 名 『禮,體也』,體 無 一》之所 鷃之能 患 略 之等威,皆 世 目之庶 逼 順 嚴其數 具矣。 體 於 下 受其正 有人 書 、卑近 0 載 之 小 人,其 惟 則 嫌 王 ,椿木 焉 所 ^ 則 業 狥 傳 贵 其 事 又 以 卑 不 常 乃 雖 傳 也 衣 w 贵 爲 一備,不口 盡 無 有 日 之能 貴 者 訓 裳 不 之 知 天 他 僭 禮 先 或 至 明 加 飲 下 夫 制 哉 Ŀ 發 文 戴 病 長 食 王 ,故學者 足以爲人,故 高 之 之 存 之, 曲 制 之 璧之天子, 其 事 闊 朝 後 失 於經 禮 爲 纖 高 而 歟 菌 所 世 者, 之 悉,聲 鱪 嘗 以 禮 之 必 防 憂 獨 乃 楊 立 能 好 昧

<sup>0</sup> 以爲「昧」字當在「禮」字上。 禮 昧 於 經 四四 庫 本、 薈要本 作 於 禮經 補 IE

## 董氏濬《周官辨疑》

主也,故以述而富學」,今既以其既學者

相與而學之,而未知者以俟切磋焉。」

楊氏時《周禮辨疑》

《宋志》:一卷。

有

晁公武曰:「此攻安石之書。」

黄氏穎《周禮解義》

佚。

五年進士,調崇德簿,歷中書舍人。」《閩書》:「黄穎,字秀實,龍谿人。崇寧

佚。

知興仁府。」 崇寧進士,歷秘書少監,出爲江西提刑,《江西通志》:「董濬,字禹川,德興人。

王氏居正《周禮辨學》

五卷。

佚。

因王安石新學爲士大夫心術之害,請以少年已不爲王氏説所傾動,慨然欲黜其藝,深醇閎肆,以崇是闢非爲己任。自其藝,深醇閎肆,以崇是闢非爲己任。自其

是孔孟之本指始明,天下遂不復宗王龜山楊先生《三經義辨》亦上於秘府,●於《辨學》爲獻,上許之。公既上《辨學》,而

氏學。」

程氏瑪《周禮

付

孫氏奇《周禮備檢》2

佚。

《南昌府志》:「奇字師穎,豐城人。」

徐氏焕《周官辨略》

《宋志》:十八卷。

經義考卷一百二十二終

弟子寶應中以

弟子寶應仲以嘉覆校

「奇」,四庫本作「琦」。

九二四

# 經義考卷一百二十三

秀水朱彝尊編

禮四

周

胡氏銓《周禮傳》或作《周官解》。

《宋志》:十二卷。

佚。

相氏之精,考《曾子問》、《雜記》及《間官之備,考《月令》而知太史、保章氏、馮相爲表裏,其來尚矣。考《王制》而知六銓自序曰:「臣聞六經之道同歸,而二禮

教 環 記》而知大胥、小胥之律,考《大記》而 考《玉藻》而知典瑞之則,考《明堂位》而 子》而知大胥之教,考《禮運》、《禮器 義 而 而 師六詩、六德之本,考《哀公問》、《昏義 知鬱人、鬯人典禮之經,考《經解》而知太 勸防之嚴,考《祭法》、《祭義》、《祭統》而 考《學記》而知大司樂、成均之法,考《樂 職,考《少儀》而知巾車、典路、車人之别, 知朝士、司儀之别,考《大傳》而知肆師之 人、牛人之分,考《内則》而知師氏之制, 知大宗伯之位,考《郊特牲》而 傳》、《四制》 而 知小宗伯之儀,考《孔子閑居》五至之 ,考《表記》卜筮而 人之衛,考《中庸》 知媒氏之源,考《仲尼燕居》社郊嘗禘 知樂師之意,考《坊記》而 而知司服之等,考《文王世 知龜 而知 大司徒中和之 人、筮人之敬 知封 知《秋官》 人、牧 知 而

塞,而 觀 諸 考《 表 儀 千,然後往 出 義》而知司 之等,●考《鄉 壺》之弦而知樂 考《深衣》規 南 而 而 白 溟、北 汶至 禮 知弓 知司 裏,端若脈絡交通、四 三千』之説 大川、小川 子之職,考《聘義》而 《緇 相 三千而已哉? 至 衣 人 諫 爲 於溝渠,所 一於九 》絲 海 表裏 無 德 '裘之鵠,考《燕義》而知《秋官》 司 而 矩 邪 行 綸之言 111 然二 味。 與 之説,生於『禮 飲》而 準繩 之論 道 也。 滌 師《貍首》之奏,考《儒行》 洞 藝之尊,考《大學》正 源, 又 庭、彭 并大 而 加 禮 前賢 ,考《冠義》 如 知 而 四 知 知 條 知 酒 禹 其旨 輪人之度,考《投 内 海 川三百,小 海 論 蠡 分貫别, 玉 治 正 會同 史、外史之書 學之 會 同 水 府之藏 經三 之德,考《 意 波 同 脗 而 者 知 源 而 百,❷威 下 亦 絡 知 合相爲 也 不殊 如如 故 ]1[ 弁師 贵 脉 而 江 射 止 開 心 與 竊

> 累 經,而 哉 臣 論 承 筵,屢蒙 於知己,臣 韓之業 經 僅成集解。 誠 下天縱之姿,聖學 禮記 、終莫: 王言 緯 有 糠 治 玉音,令臣 粃 味 道,有及於惟《禮》可 傳》, 邪 其 能 説 曷 非 獎 而 而 言之也。 又覃 諭 異 學 卒不 精 補 自 採 嘗以 端端 術 於《 萬 繕 受 賾 癸未夏迄辛卯秋, 故 能 思《 膚 寫 發潛。 禮》, 知 謂 ? 在。 淺 高 革 所 周 實 韓 臣 妙,卓 解 9 志苦 官》, 深。 殆 孰 既 臣 愈 歐 經 重念昔之賢 如 能 之 以 闢 爲 陽 進 心勞, 陛 無 冠 凡 與 品 已之之説 ^ 邪 修 呈。 易 榮 辭 十有 於斯 百 品 説 欲 \* 所云 之日, 王 欲 欲 伏 四侍 徒 删 頃 餘 春 卒歐 1 益 去九 尊六 惟 士 秋 年 經 伸 顧 大 陛 親 蕪

0

禮經」,

原作「曲禮」,

據四庫本、

薈要本改。

<sup>▶ 「</sup>弁」,原作「棄」,據四庫本、薈要本、《補正》改。

佚。

按: 清源丘氏引之。

尤氏家《周禮辨義》

#### 志願 畢矣。」

倘辱皇慈寬狂瞽之誅,略加屠覽,則臣之

吴氏流《周禮本制圖論》

佚。

#### 《六官析微論》

圖論》;深於《禮》,故又二年而著《周禮本

樓鑰曰:「環溪深於《易》,三十而著《璇璣

佚。

制圖論》、《六官析微論》,皆行於世。」

侍郎。」

《中興館閣

録》:

「尤袤,字延之,毘陵人。

佚。

王佐榜進士出身,淳熙十五年權禮部

王氏十朋《周禮詳説》

佚。

按: 清源丘氏引之。

鄭氏鍔《周禮解義》

周氏必大《周官講義》

《宋志》:二十二卷。

未 見

禮全解》,淳熙十年經進。」 王 與之曰: Ш 鄭 氏 鍔,字 剛 中 有 周

經旨 中興藝文志》:「《周 ,學者宗其 淳熙中, 鄭 書 鍔 爲《 禮》一 解義》,詳制 經,説者多穿 度,明

章; 王應麟 鐘 制 牲之疑,九畿之國 六鄉、六遂, 師都之異 、釜有多少之差; ,皆辨明使有條理。」 授田三等; 「鄭 治兵大閱,旗物之互 剛 有朝貢 中《 世室、重屋非 名; 解 義》,如 之惑 陰陽之祀有用 9 冕服 明堂之 园、园 建 九

#### 薛 氏季宣《周禮 辨疑

未見。

説

作 售富

强

之

經術舛駁

顧

多見於《周

禮

殆盡,而

天下

王 與之曰: 「永嘉薛季宣 字字 士隆,有《周

> 禮 釋 疑》。

陳氏 傅良《周禮説》

宋志》:

卷。

《讀

書

附志

未見。

曹叔 少監 趙 亦 傅良《進周 朱子曰 有 希弁曰: 杜撰 遠 陳傅良 别 錯説 爲 陳 所 「《周禮説》三卷,朝 君 處。」 書 進,舊刊於《止齋文集》中 舉 而刻之,且爲之説 推《周官》制度亦詳, 奉 郎 秘書 然

《正朝綱》、均國勢說》各四篇。」 力,幸以進士舉,猶列於學官。 至論王道 力,幸以進士舉,猶列於學官。 至論王道 雅咎,以是爲用《周禮》之禍,詆排不遺

三: 曰養君德,曰正朝綱,曰均國勢。」王應麟曰:「陳君舉説《周禮》,綱領有

## 《周官制度精華》●

《玉海》:二十卷。

未見。

朱子曰:「上半册陳君舉,下半册徐

元德。」

王應麟曰:「陳傅良、徐元德撰。」

## 易氏谈《周禮總義》

《宋志》:三十六卷。《讀書附志》:三十卷。

未見。

拔所著也,許儀爲之序,刻於衡陽。」趙希弁曰:「《周禮總義》三十卷,山齋易

補先儒傳記之所未及。」

魏了翁曰:「易彦章《周禮漢軍制端》,足

皆推廣諸家説。」 王與之曰:「長沙易彦祥有《周禮總義》,

十五員,内二千六百四十三人,外諸侯國人。愚考之《通典》,周六萬三千六百七人。愚考之《通典》,周六萬三千六百七十五王應麟曰:「易氏《總義》云:府史胥徒,

●「官」,四庫本作「禮」。

史胥徒也。」 官六萬一千三十二人,此乃官數,非謂府

胡氏維寧《周官類編

佚。

黄氏碩《周官講義》

佚。

俞氏庭椿《周官復古編》

《宋志》:

存。

復,然而多出於儒者記 庭椿自序曰:「六 經 厄於秦,至漢稍 誦傳授之學,不能 稍始

> 其故耶 别? 得而 自非 《周禮‧司空》之篇有可得言者,反覆之 也。 燼 之舊泯 師 以足正者。而《司空》之篇實雜出於五官 經,❶質之於《書》,驗之於《王制》,皆有 典》與《堯典》孰分、《益稷》與《皋陶謨》奚 爵禄之籍,已有亡失之漸,况一燔 之舊典禮經,然方諸侯惡其害己,而去班 無譌誤。 前 承之或有所自 孔 六經惟《詩》失其六,《書》逸其半,獨 殊體,信以傳信,未 《盤庚》不得而異篇、《康王之誥》不 堇堇出於口傳追記之餘,安能 ? 焉 壁 既成篇秩,相傳至今,世儒 不 所 伏生 可復 藏。 一年過 也,無 見。 古文出 九 《周 或疑議 +, 必不 而考證 禮》 口授《尚 至於今日 遂 書, 門則《 使 於煨 書 聖 皆 信 盡 舜 經 復 周 其 可

0 「之」,薈要本作「全」。

信 啻寶 之屬 學,項背 此《復古編》之所爲作也 於聖經之故 不 也 遂 而 漢儒 得罪於名教者幾 公其是非 可 雖 以 玉、大弓之得, Ħ 前 然, 類考,誠 相 因《司空》之復 望 不復攷之經 由 耶 ,以旁證 前 漢 ? 有犂然當於人心者,蓋 迄今,世 品 知 品 希。 我、罪我,所弗 於聖人之言, 而 末學,乃 耶 前 鄆、 代 嗚 ? 灌、 龜 五官之譌 貌 呼 無寧 遠 ! 爾 起 學 大 陰 觀 而 敢 者 之 其 幸 儒 誤 知 説 復 是 歸 寧 碩 不 亦

考 丘 古編》,新安朱氏 舍也。」 葵日 索 甚 :「宋淳 當, 鄭 熙間 賈 見,以 以 來 臨 皆 JII 爲《冬官》不亡, 當 俞 庭 斂 椿 袵 著《 退三 復

體 陳 職 深 而 日 自 虚 . 唐 其 周 虞 以 禮 已然。 待 》六職 用 先 故 故 禹 司 王 作 空 設 司 有 Ŧi. 空 官 職 平. 而 以 存 水 無

0

也。 亦命以 洛 土 邑, 臺 内 似者别 空不補何害? 不用之地 司 日 冬官》不亡,錯簡 空也。 盡 前 空與冬,聖人之意 9 無慮 而 仲 剔 董仲舒亦云『陰常居太冬,積於空虚 亦 司 誉 Ш 爲 其 以 至千,能 城子 甫 且其 謝 前 不 總 卷,以 以 類 時 罕 冢 百 宋皇國 命官則謂之『冬』,冬者,藏 者 宋俞 出 宰而 揆 以 者 以 Ŧī. 補《冬官》,又於 9 而 行 爲 庭 官之内,於是 見 佐 召 城 父以太宰爲 方。 各之其 之,亦 矣。 椿作《復古編》,謂 陽」,故謂之司空。 齊 康 公以 由 召穆公平淮 未 春 類。 此言之, 秋 太 有 築 保 專 取 平公築 Ŧī. 夫 一官之 屬 其 城 而 周 近 司 營 於 作

某 官》曷 持 俞 也 無主之田,而 損之,以 葵氏、吴澄 一者希矣。」 其 職某 之屬 氏 所 之 常有 復周 源之書、崇仁之書、椒丘之書,此 見,於 求 事 而 補 無 而 類 公之舊矣。 類 俞 氏、最後何喬 專責 所 也 其 氏之未 五人爲之耦也,其不墾而 是 不 有 而 精 通 官 臨 Ŧi. 神 備 非 脈 JII 官 也 其 如 之書, 絡 一,安用 大 新 後 此 後 環 亂 氏,相 Ŧi.  $\pm$ 世 流 次點 家者,人 類 有 以 某官 於三 爲 永 繼 古 氏、丘 嘉 百 本 而 而 之 傷 如 增 挍 自 任

道八年進士,仕至古田令。」《江西通志》:「庭椿,字壽翁,臨川人,乾

徐 超 即登日 越 於 漢 . 儒 「俞氏《復古》 之 見,而 有 功 編 於 儒 ^ 周 者 禮 稱 其

徐常吉曰:「《周禮》闕《冬官》,漢儒以

信

然。」

之屬 散 義 全經 補 闕 而 好 職 書,聖人用 綴緝之計 考工 見於 ,而 也 彼 用 而 即 實 虧 猶 匪 而 記 如 於其中任意割裂以 È 用 昔之《周 者,惟《冬官》之闕,而今則 爲 Ŧī. 頒 府 也 以 官 無害。 ,雖不免續貂之誚 補之,蓋惜其書之未完, 之末,分 史胥 意深遠 ,其爲聖經 之 補《冬官》之闕。 内 禮 徒 至宋俞 而 之賤,酒 布 精密,其 雖 未 聯 嘗 害 闕 庭椿 屬 闕 也大矣。」 而 相 猶 醴 補 ,而於聖人之 靡 設一官分一 遂 夫《周禮》 乃 全,今則 塞,則 鹽 不 掇 以《工官 醬之微 各 Ŧi. 取 而 有 官 此 Ŧi. 爲 意 官 俱 雖 足 是

人、追 按 獸人、 獻人、 人、舞師,改人《春官 俞氏《復古 師、 冬官》 屨 幣魚 , 以 人、 編 掌 》以《天官》之屬 皮、 獸 地 醫、 典 》,封人、載 官》之屬 絲、典枲 司 裘、染 鼓

師、閭師、縣

山虞、林衡、川衡、澤虞、艸人、角

人、羽人、掌葛、掌染艸、囿

人、場

六卷。

薛氏衡《周禮序官考》

未見。

序官考》。」 王與之曰: 「金華薛衡,字平仲,有《周禮

李氏叔寶《周禮精意》

未見。

官》。

客、掌訝、掌交、環人,改入《春

屬大行人、小行人、司儀、行夫、掌

**邍師,改入《冬官》**,以《秋官》之

氏、土方氏、形方氏、山師、

川師、

官》之屬弁師、司弓矢、稿人、職方

人、墓大夫,改人《冬官》;以《夏

官》,典瑞、典同、巾車、司常、

史、内史、外史、御史,改入《天

天府、世婦、内宗、外宗、太史、小

人,改入《冬官》;以《春官》之屬

禮精意》刊行。」 王與之曰:「莆陽李叔寶,字景齊,有《周

佚。

戴氏仔《周禮傳》

佚。

俞氏嘉《周禮釋》

佚。

高氏崇《周官解》

十二卷。

魏了翁狀曰:「崇,字西叔,世家邛之蒲 佚。

《周官解》十二卷。」

江,以進士出身知黎州,兼管内安府,有

史氏守道《周禮略》

十卷。

趙氏汝談《周禮注》

佚。

樂氏思忠《周禮攷疑》

讀書附志》:七卷。

馬氏之純《周禮隨釋類編》

佚。

九三四

佚。

余氏復《禮經類説

未見。

陸元輔曰:●「復,寧德人。光宗初,策士

大廷,擢第一,後入史館,兼實録檢討。」

劉德秀仲洪爲之序。」樂思忠仲恕所著也,永嘉戴溪肖望、豐城趙希弁曰:「《周禮攷疑》七卷,祝融居士

## 喬氏行簡《周禮總説》

佚。

# 葉氏秀發《周禮説》

佚。

祖謙,知高郵軍。」《姓譜》:「秀發,字茂叔,金華人,師事吕

徐氏筠《周禮微言》

《宋志》:十卷。

未見。

陳傅良,記所口授,成書十卷。自謂聞於《續中興館閣書目》:「徐筠學《周官》於

● 「曰」,原作「□」,據薈要本補。

一九三五

傅 官以比周官,其誤三也。」 也,今以證田制;漢官制皆襲秦,今引 儒之書,今以釋《周禮》; 綱、均國 良日《 勢。 周 禮 鄭氏注誤有三: **>** 綱 領有三: 《司馬法》, 養 君德、 《王制 兵 正 漢 制 紀 漢

之子。蚤歲擢第,初主攸縣簿,後知《江西通志》:「徐筠,字國堅,清江人,得

## 曹氏叔遠《周官講義》

金州。」

佚。

部侍郎,終徽猷閣待制。謚文肅。」少學於陳傅良,登紹熙元年進士第,歷禮《宋史》:「曹叔遠,字器遠,温州瑞安人,

## 林氏橋《周禮綱目》

宋志》:八卷。

供

《周禮摭説》

《宋志》:一卷。

佚。

初,上之朝。」卷,紹興府教授括蒼林椅奇卿撰,嘉定陳振孫曰:「《周禮綱目》八卷,《摭説》一

王與之曰:「林氏《周禮綱目》於開禧間

曾進。」

熙庚戌進士。以《周禮》爲周公經世之《括蒼彙紀》:「林椅,字奇卿,麗水人,紹

曰《周禮綱目》。翰林學士樓鑰、禮部尚莫不區别,纖悉畢備,乃隨類條列之,名書,凡民極所由立,日用之常,誠僞之變,

#### 陳氏兢《周禮解》

佚。

陸元輔曰:「漳州陳兢戒叔,紹熙進士,

撰《周禮解》。」

## 陳氏汪《周官小集》

佚。

丘葵曰:「汪,字藴之,永嘉人。」

孫氏之宏《周禮説》

佚。

書倪思表進,除工部架閣。」

丘葵曰:「之宏,字偉夫,山陰人。」

楊氏恪《周禮辨疑》

佚。

丘葵曰:「恪,字謹仲,永嘉人。」

陳氏淡《周禮辨疑》

佚。

丘葵曰:「汲,字及之,永嘉人。」

1 伊

#### 陳氏謙《周禮説》

佚。

副使。」 進士、歷官實謨閣待制、江西、湖北宣撫 王瓚曰:「謙,字益之,永嘉人,乾道壬辰

徐氏畸《周禮發微》

經義考卷一百二十三終

弟子山陽丘象艮覆校

一九三八

# 經義考卷一百二十四

朱彝尊

秀水 男昆 田

氏伯謙《太平經國之書統集》

周

Ŧi.

宋志》:七卷。今本十一卷。

者,所以寧天下也; 伯謙自序曰 生也。三代以還,人主始自私矣,以天下 一其子孫,故不得不爲久恃無恐之計,然 : 先王 存我者, 所以 無自私之心, 安 厚 蒼

惑 天下 以 其 作也。 孫相承 尤周 足 無窮也 至 盡 外不懼天下之謗而私其跡, 曰 積慮,上徹乎堯、舜,下及乎萬 物,所以本諸身而布諸天下者甚設也,而 獨惜夫愛己者之所以及民,亦褊迫 天下而至於不愛己,固無望其愛民矣,而 而 取 以 我 公其 ,則并與其自私之計而弗念矣。 學校,其建官以三百六十,其治天下以 於秦、隋、魏、晉、南、北之君,淫荒 ·猶因 民 精 密詳備於成王、周公之時,彼其 躋 時 神心 而宗祀不絶 是故兼三王,施 心, 曰必 以什一,其教民 三代聖人之紀綱法度、憲章文 其自私之心,而獲少安於 於小康,而不足以憑藉 力而爲之。 使我君 也;内實達天下之道 四 臣 以鄉、遂,其養士 其兵 事,夜 相 安而 農以井田 必使我子 世者也 以 維 禍 夫有 其間 繼 淺 持於 患不 處心 狂

公所 其子 其 之序 品 行役 苟 周 矣 政 辟 輪 六 始 封 典 前 有《下泉》之思治 夫 塊 細 輿  $\pm$ 節 建 ITI 猶 之詳 謂 之度, 周 然 者 其 孫 再 條 至 其 能 天 加 益 於 則  $\equiv$ 克 而 而 目 法、 皆 次 挾 威 下 下 下 爲 謬 處 申 勤 垂 與 及 賴 則 鼎 民 日 復 秦 戾 È 復 其 小 於 至 夫 璽 祭 以 前 夜 如 則 臨 乖 中 之,貽 物 法亡 於 登 書 肉 而 哲 祀 講 忤 故 絶 , 者 魚 繢 九 東。 以 車 刑 天 朝 求 之際 《匪 則 粧 免 柄 而 下 聘、 謀 周 刮 而 龍 取 當戰 周 弗 大 流 猶 燕 公 增 龍 摩 九 風》之思 漦 圭璧之器,梓 冠 本 Ľ 念 自 彘 尤 百 益 翼 貢 作 昏 擉 塼 國 既 之 厥 分 盡 之。 餘 孽 之 道之法 喪 難 鼈 九 立 天 紹 而 年 後 心 紀 周 下 相 共 之微 賦 故 爲 宗 其 而 世 焉 然 後 道 東 吞 宗主 豊 天下 周 E 師 和 九 後 一,則 世 又 畢 西 噬 匠 式 蓋 則 滅 攝 無 其 田

之正 智 深 以 矣。 校 都 鑵 慮 術 迹 能 恨 萬 田 或 陳 見 里 則 尉 令 古 也 耳 慮 惴惴 因 垂 漢 風 其 然 其 遠 裕 隸 也 淫 而 《》之末 建 惴 氏 軍 乍 太常 聖人 荷 識 封 盡 自 mi 淺 官 然 去 檜 旅 止 安 君 簡 傳 防 而 私 三代 徒 近 則 》亂 止 於 而 古 目 序《 後 範 有 之 也 惟 功 而 倣 於 議 前 忽 也 志 之 心 得 利 選 大 甚 詩 秦 京 名 危 於 其 秦 極 舉 失之 未 而 舊 止 抵 近 師 田 已 先王 當 9 幾亡 X 能 講 則 於 不 之 之 所 略 世 制 變 而 數 重 行 深長之思、 求 過 南 法 變 以 足 一之治 禮 去 古 敏 路 而 周 而 爲 推 寓 北 而 以 周 秀 則 不 僅 操 公 刑 恩之令 握 復 其 隨 鄉 軍 者 雜 道 奇 爲 存 心 致 持 法 見 意 世 里 1,或則 尤近, 秦 之危 傑之士 太平之 不足 經 天 終 郡 11: 於 則 m 儀 豩 下 不 或 於 ; + 及 煙 風 之 請 足 定 之 火 學 之 深 Ŧī. 民

縣

不

愛名

器

而

爲

墨

勅

斜

封

唐

之子

孫

古

非

善守

法

者

而

立

法

之

初

,亦不得不分

紀。

未幾

兼

并

不

禁,課役

不

均,更

租

調

爲

W

税

變

府

兵

而

爲

礦

騎

停

世

襲

而

爲

州

刺

史,

然

亦

雜

亂

而

不

純

粹,

疏

略

而

無

統

經、進

1:

官

爲

七

百

三十員,

天

下

爲

襲

封

庸

調

田

爲

口分、

世

業,兵

爲

府

選

士

爲

明

與

修

廢

起

墜

一於貞

觀

一二十年間

税

爲

租

先

王

一之治

而

補

漢

氏

之缺

收收

召

豪

傑

相

,太宗之所

以造

唐者

亦

慨

然

欲

庶

幾

井

田

肉刑,亦復講之未精

也

唐承

代

爲

治

之意,論甚

美矣。

至

一於請

廢封

建,復

税

法

更官

制

沛

然思

惟

善道,而

有

易

亂

萬

則

田

賦

鄉

里

刑

法等

制,益

知

其

荷

然

而

己。

仲長

統

欲

定吏禄,

重三公之權

改

策

觀

Ŧ.

符

論

漢

家

失業

之

民

歲

至

 $\equiv$ 

定

經

制

或

欲

退

而

更

化

或

願

建

萬

世

之

長

九四

禮 若 於治 之 見 講 餘 列 漢之末年, 貶 以 詳 無 備 止 亂 難 杜 駁 蟠結於人心 此 素 》, 而 之行事 後世 肆 曉 於 唐 道 不 酌 少,此豈 業 於漢 作 氏 里 驗之 之治爲 河 前 其 纖 品 留留 房、 ,不過能 爲 汾, 後 有 説之易 悉 訓 一皆 書 儒 也。 劉 雖 宿 杜 所 無 委 詁 好 頗 周之治 有 伏 中 人 持 歆 曲 所 魏 唐 深 而 征 書 通 藏 古 惑 秘 循, 而此書之宏博浩瀚 取 自哉? 太 己。 徵 識 天 有 其 府 如 泯 也 以 聚 宗 然徒 雖 其 以 武 滅 H 句讀,馬 下 輔 竟未 議 隋、 嘗 出 本 補 於 帝 彼 月 騷 王 數 與 載 世 王 末 山巗 反謂 其 可 前 唐之間 嘗 莽 然受其弊。 日 氏 群 變 之空言,不 煨 世 冀 以 鄭 之 臣 Ŧi. 不 之 竟 燼 也 屋壁之間 出而試之 爲 之末世瀆 均 古, 未 語 不 門,然 文 諸 於 經 而 讀之 能 秦火 及《 儒 六 備 中 功 制 僅 定 幹, 本 周 及 子 亦 其 大 利 以 則

魏徵 講 宏闊 渠諸 習周 禍 唐 簡 君 氏 焉 問 功 收者,大抵 天下之治,所以 周 明周 之謀 世 甚 用《 公之治 近 則 及 周禮》以 於劉歆 公者 主 之談 利 子 宋朝 禮 周禮 又 則 公之制者,學者所不 倘 樂, 就 悔 愧 則 厭 者 也 來, 矣, 王 其 可 薄 出 恨  $\leq$ 不 不 竟 了,學者可 氏 以 自 能 若 於是三者之間 善 儒 不 不 而 而 伊 嗟 駁 私 以 維 及 能 生 用。 用 計 孔 又 洛 乎 之心 雜 持 儒 一,姗 3 所 不 利 對 用 子、文中子 老 1 漢之劉氏、 學 ൬ 太卑, 自 , 及 不 師、横渠 笑王 大 世 加 難考、 起 千載之下, 房玄齡、杜 漢、 究 能 本 足矣,不 其 姑 而 相 能 求 制 唐 既 也。 弊壞 見 爲 志 熙 及 民 而 以至 張 失 悉 是 宋朝之王 也 辭 伊 夫子, 太 豐,又 意 是 暇 而 蓋 有 他 目 也 今日 洛 甚 如 能 前 於 以 自 及 有 何 不 一,其 晦 横 能 此 有 嘗 時 起 苟 淺 望 古 可

日

也

故周立

爲

天子

海

靡

然信從

事若

畫

明

或

以

爲

教、家以

爲

垂

一十餘

聖

后

繼

其

誠

敬之心

盤

行《周

禮》,能

乎

?

周

之

天下爲周

武王,李

斯

切焚去之,後世

以

爲

爲

耶

至荀

卿之徒

李

王

一當是

時

,不但其

籍

孔

子

尚

思

興

東周,孟

彼

所

稱

方

册

氏

始

言

「諸

侯

去先

禮

 $\sim$ 

明

後

世

也

後

世

直

可

盡

廢

耶

?

》,周

公所

在

方策,人

存

周

德

方衰,而

對

少

聞

其

概

因

高

叔

嗣

序

日

:

Œ

德

+

,以干戈爲

吞滅諸侯

被

試

策

問

~

周

禮

W

疑

信

政舉」之説,及周 與『籍』,豈 魯哀公以『文、武之政, 以意對 王之籍,不 作,禮 有周公之聖,其 學,漸 子則 斯 頒 不 四 罪 興 相 日 樂 其 佐 雖 年 謂 半 也,深仁 直 : 法 俟 秦,遂 被 政 有 然使 《周 昔孔子之時 之 得 余 度,莫 勸 强 式 陶 之, 益 聞 由 以 齊、 禮 勉 衰,孟 融 放 始 其 取 增 古 非 一厚澤 其 影耶 時 梁 詳 不 皇 於 余 經 不 廣 以 講 方 來 欲 并 ? 布 生 四 籍 軻 口 祗之間 之不 其隆 業 從 何爲 遠 神 事 有 親 用 居 而 而 内 而 况後 神 秦 外之辨, 道 不 示。 定 始 ,法令已成,習俗已定, 矣。 不 六合爲一也,雖有《 者 故下 薦 殺 備 設 在 其然也? 可 爲 教 有 故謂 曲 古 至 秦者乎? 是者,《 秦則不 示, 行 ^ 耳。 必 説 一秦始 崇卑之度,多寡之數,成周 觀 乎 盡 古 而 矣。 之禮,此其 其 顒若。』先 神祗字。 天下服矣。』今夫官名之設 而 文 | 云: 周 然,以 秦 三禮莫古於《儀 (意,於 化、故《傳》 滅 易 不 然 去, 何也? 復 . 戰 則 觀 周 禮之字,從 是 此 行 鬭 是 蓋 王 跡也。 禮》,將安施之? 》之《彖》曰 乎 其 方其 爲 書 先王 周 以 録 先王之法,至 會 曰:『聖人以 功

致

豆

從

曲

其升降,

等

先王之意

於

籩

豆

神

平經 年得 先 存之 治之 勤 故 翰 有 録 生 藏 林 甫 異 善 以 進 具 於 學 或 氏 本,不 督學,優之,其年叔 爲 刊於山西布政 考可 治者, 家 刊《周 士姚 書》, 也 憚 爲考功主 也。 維 後 可 而 禮 求 師 東 + 觀取 所 集説 之。 其 其 氏 年 以 意 略 云有之,傳以 ,恨不見其全。 致治 而 司 》,讀其中往往引《 事 同 而已,若《周 云耳。 爲 , 始 縣 嘉 嗣舉於鄉 **豊** 盡 靖 好 是時 按 丙 是 察 於是 書,聞 申 視 副 禮 南 後 叔 他 上冬 使 原 耶 嗣 太 H 王 ? 田

魏 氏 了翁《周禮

朔

日

未見。

#### 包氏 恢《六官疑辨》

先儒 主將 之禍 書 《天官》至『獻人』,奏曰:『《周 劉克莊曰: 宏齋柬 識 與臣意合,陛下試取 新室,再用於後周,三用 爲國師之書。 解 奏,未必留聖慮矣。 [奏御。] 見 義 下 高 疑是書者非 。臣舊疑其書,近見恢《疑 非 降講 可 謂 録 世 有 「宏齋包公著《六官 進 退,見 儒 旨 一日,克莊 呈』,宏齋 所及。」上 宣 一人,至宏齋 一論 箱篋 其 及還舍,坐未定, 劉 書觀之,便見其 於熙寧皆爲 塞 既 某 一額之。 於 殿 奉 奏 緝 廡 詔 卿 禮 熙 始 辨》,豁 疑辨》, 是 有《周 殿 遂 確 日, 意 抄 天 用 進 然 得 其 禮 講 以 所 於

九 四

必 吴澂 包説 逐 加 節 爲 ,不若吾 抵排 惑 所 日 之也 惑。 : 毁 鄉 如 近 法 宏 周 年 然 齋 吏定罪 禮 愚 科 包 \* 嘗 舉 非 恢 不 細 聖 之甚 卒 用 觀 經 難 ~ 周 深 在 解 毫分 嘆 禮 前 釋 其 古 縷 無 觀 亦 有 者 其 識 由

謚 年 江 進 文 西 肅 土 通 志 歷 官 > 愈 包恢 書 樞 密院 南城 事 人, , 卒贈少保 嘉定十二

## 王氏與之《周禮訂義》

《宋志》:八十卷。

存。

淳 臣 温 祐二年十二 準 州 軍 秘 省 州 公移 兼 管 月, 索 内 臣 勸 朝 所 農 奉 領 事 郎 樂 趙 直 清 汝 焕 縣管下 騰 章 奏 閣 士人 權 知

釋 精 闕 訓 近 布 益 真 澤 世 天  $\pm$ 自 亦 匠 大 先 下 學 粹 德 説之 臞 未 與 附 解 就 來 争 加 - , 學者 皆有 其家印 之 者之惑 儒 生尊信 周 假 欲 己 嘗 秀 儒 無 意 禮》 精 守 得 擊 見,剖 朱熹辨明甚 疵 乃 作 删 周 益 之, 或或 節 矣,上可 繁 爲 能 望 禮 又 先 是 此 寫 有 取 訓 編 與之刊 得 析 不 訂 而 儒 要,由 書 書 義 營 之於 義 幸 功 微 義 疑 折 本 以以 以裨聖明之治,下 爲 天下前後 僅有緒言見於語 之當 於 眇 之。 遭王 **>** 衷 至,皆有意 繳 以 之序。 於家。 》,是非 日 博 行 六 彙 納 俟 評 一安石 典 於世 得 雖 訖 集 蒐 聖 (甚多。 約 程 成 履 覽 審 獵 儒 臣 德 顥 不 臣 書 確 踐 嘗 無 表章之, 秀 先 今其 與之以 善用 臣 竊 没, 故 遺 講 頤 無 識 獨 縉 詳 即 解 録 玷 其 與 多 間 張 紳 可 書 諸 命 以 之 然 禮 韋 益 預 節 近 載 禍 以 Ш 經 Τ. 亦 或

其 學者 禮 薦 欲 粹。 都 十八 年正 以 奉聖旨: 姓名聞,欲望聖旨 也 守 窮 訂 特 書 備 之於朝 ,真經明 經 司 義》付 補 擬 日 月 ,守臣上 與之守志厲 ·幸 甚! 乙夜之觀,仍 渝 其書滿 E **奉聖旨** 初六日,奉聖旨下秘 皓 官, 王 秘 適 行修之士。 「照得 首 與 書 會 以 其名,與 著 家,若《周 謹 八之勅 降付 省。 秘 示 行,無求 書 録 温 少 省 下 旌 數 奏聞,伏 尚 加 秘 取 州 授賓 異。」 種 獻 省 布 書 其 旌 臣 9 禮 書 省 著 衣 索與之《訂 於世,今秘省取 異 職 州 四 訂 周 自鬻者不同 送 以以 書 王 在 文學,其《 月二十六日 候 義 書省宣 官 與 檢 師 勅 風 之,皓首 IE 帥 最 特 11。11 厲 用 都 爲 義 天下 敢 其 每 司 周 精 欲 以

真

德

秀

序日

禮

学之

難

行

於

後

世

也

矣,不惟

難

行

而

又

難

言,

然則

終

不

口

禮》, 聞 心,而 能 此 言《周禮》, 凡能導人主以侈欲者,一 疏 心 自古禍 之,坐以待旦。」公之心,禹、湯、文、武 行 有 孟 終不可言乎? 之心 子曰 縱 赦 逖 爲 不合者,仰 乎 於 成 ? 無 耐 耳目之近 其學,則禹、湯、文、武之學也。 : 布 逸 亂 周 周 在 日 一周 公之 位 樂 致 而 之 0 無周公之學而言之,則戾矣。 爲 非 原 太 圃 有 而 公思兼三王,以 政, 群 其 非 平, 心 曰 : 而 周 思 下 人 而 遠 • 以此之學著而 之,夜 公之心 而 不 也,元元元 有周公之學,然後 行之,則悖矣。 弗 爲 而 敢言也,賢 察 大 萬 以 以冢宰統之,三 也。 略 世 然 繼 愁 有 開 後 施 日 六官之屬 痛 四 太 爲書 能 四 才壅 幸 平。 而 焉 事 行 然 而 : ,其 於 君 之 蓋 故 能 得 則 周

先王 其能 之所 獨,無 行道 公之論 盗 政 沉 修 職 通 六服之遠,地之相 之本,而欲 周 斂 天 0 也 如 於家者, 禮》不 府 自 ,宇文狄 思 藝者,民自 之道者 行、非有公之學者其能言乎? 而 不樂其 官 民 家。 劉 直 而得者,畢萃於書 道 君 有 弗 歆 口 者立於無過之地 師 竊 規 制 莫不 私 莫 凡此皆禹 行 用之既 生者。 也 其 保 井 刑 與 也 其 如唐太宗,然 氏 田 興之,而 達 矣。 民 二以 之部 去 議 悖,儒 於 吁 所經營皆自 又自 有 或 朝 1 、湯、文、武之政,公 居 封 典 自 千 諫 民 廷,則 建, 舉天下 因 蓋 歆 者 非 萬 王畿之近,至 又皆 矣。 有 使長 之王 爾 譁 里,而情之相 宜 無 有公之心 法 ,安得累吾 而 人 其 端 私 士: 以 一、養 以與治 田 攻之, ·疲 才 卒 一之有 身刑 也。 輔 安石 英 無 新 癃 民 導 志 室 者 於 家 惸 爲 有 陸 德

> 世 禮 聖 既 明 經 關 功 也 戾 獨 謂 義 有 而 0 一之行《周禮》者,其 於 也 精 如 》常行 不 廢 幾 公之學,故能得公之心,而 中之張氏 經 而聖人微 鄭、 此,故 思《春秋》固出 孔 於 微之蕴 耶 古今諸 編 永嘉 非 子之《春秋 ? 賈諸 於天下, 聖無 用 彼 日 力甚 ,其所  $\Xi$ 儒 指 儒 何 『不 法 君 蓋 之説 休 ,析名物 終莫之覩。 則《春 至,然未 次 程、張之學,公之學也 》,用 論 而 指 於《 點,其 説 悖 莫 近 以 惟 世 不 如 周 劉 爲 秋 不 辨辨 難 過 彼 素 禮 歆 之 六 以爲足也,方將 深 學 行, 制 數 惟 之 闢 或 究,著爲《訂 本 是 作 耶 而 度,不 條 洛 荆 陰 而 於 書 周 言者 矣。 舒 謀 獨得聖 之程氏 又 禮》也 程 所賴以 使《周 者,又 之書, 爲 難 又 蓋 其 無 後

■「導」,薈要本作「道」。

明 抑 力 嘉 平之路 蚤 馬 次 夜 ,其遂大 又仁 點 以 上者以 之志 開 思 紹 定 禍 明 深 Ŧi. 故 以 矣。 周公之心行三王之事 原 亂 年 是 作 爲 之 閨 心 嗚 經 序於篇 源 九 而 呼 本 塞, 豈空言哉? 月。」 爲 指 是學 端 以 使是 曉 而 當 書 勉使益 周 世 而 禮 則 果 其 用 子 太 大 心

後 禮 文 卷 趙 相 平心思之,《周 周官六篇』是 野十 半, 真 遂 數數 汝 一説交馳 騰 勉 + 横 文忠公既序之矣,又拳拳俾 按 後 數不 爲 家説 渠 序 之言。 是序 氏 東以 日 學 獲 禮 遂 也 . 又 三》真 者 尊 一,獨 將行束 ^ 人載劉 敬 周 東 出 己見,爲《 不 周 巗 冥 之, 禮 幸 公書 爚《雲莊 而 **>** 王 擔 有三可憾 Ŧi. 图 書,先 君 弛 峰 知 次 訂 漢 氏 日 所 集 點 義 志 從 子 最 以 儒 》若 彙 在 贅 俟 所 擯 疑 成 謂 子 卷 信 周 抑 干

公書? 空,雖 書。 宰 景,尺 其 亦 位 乃 周 其六典,事 心 六官,太平之盛 國」,此演而 言宅洛建官之旨。 公佐成王宅洛之本 旦曰: 其 (屬」, 禮體 職》 也。 深 未 致 然向 能 「其自 或 不條 有五寸,謂之地 日 又《 其 大旨 爲 是 『掌 經野,設官分職 惋 成 使 作大邑,其自 陳 書 時 書之首曰『惟 制 伸其旨 惜 書 周 與 設 中 建 曲 . 嗟 公 六 - 义,萬 周 屬 在 典,以 邦之六 防 嘆 得 典 官》載 後 之間,文 之意 亦 心 也。 令司 (合, 所 輔 世 日 中 邦 中 成 不 典,以 徒 時中乂」,《洛誥 ^ 洛,天 六 咸 地 王 E 六 周 乃 得 以 職 以 卿 休二, 何 理 於 建 卿 書 行 建 爲 的 爲民 自 以 密 或 洛 盛 日 下之中地  $\pm$ 分 全 佐 0 知 冢 此 的 察之際 邑 職 召 典, 國」,《 極 王 爲 宰 日 辨 周公之 知 盐 治 推 周 此 至 方 各 至 爲 此 > 之 行 率 邦 大 긁 周 此 IF. 子 唐

燼 詔 官 禮 遺 周 備 惜 推 閒 足 補 能宗之,不復夢周 心 有 也 之餘 損 是 》於民間 矣, 者 以 有 居 也 世 猶 以 見 此 禮 爲 洛 有 可 討 使得 益 不 考 周 甚。 仲 可 伊 壞之歎 邑 所 安 憾 論 可 在 I 尼 公爲 未 憾 111 改 遂 ,比《詩》、《 知 潤 得 仲 記 慕周 漢 及 則 氏 定 是 其 色 句 也。 遷 武 尼 萬 所 八爲 益 也。 是書之存於天下 爲 乎 帝 世 謂 有 9 庶 顔 之歎 公者 東周 六典 至 之解 秦 ? 開 《禮經》多 時 幾 所 師 惜 於 火 《書》最 河 太平之大旨 爲 È 古 之志 方 也 明 有 横 大 是 後 有 成 謂 形 一,從 間 王 成 書 渠 也 所 書 T 經 六 獻 未 晚 不作,天 氏 周 出 備 而天 補 其《 籍 可 嘗 以 #  $\mp$ 謂 典 之歎 於 周 後 多 詔 憾 始得 行 故 冬官 非 復 仲 必 掇 公 殘 世 = 後 武 下 之 然 全 不 尼 見 發 拾 口 失 也 世 前 帝 莫 書 周 愸 繼 未 於 古 灰 於 慽

> 伏 端 成 未 幸 至 商 精 人 能 之 補 之 既 的 嘗 殁 其 以《 私 H 是 覃 不 深 亡 使 説 釋 未 而 確 思 考 故 成 恨 萬 爲 周 + 非 錯 I. 迎 子 先儒 王 公將 世 成 餘 記 合 見 其 特 不 而 年 ×, 於 賊 果遷 有 表 整 下 乃 後 而 則 Ŧi. 莽 發 出 齊 ^ 盡 之 官 抱 尤 不 規 先 訂 六 之。 又 歸 有 中 不 儒 典 義 摹 亦 咎 不 得 諸 見 所 嘉 甚 以 於 得 不 成 於 見 未 爲 乎 儒 劉 熈 獲 爲 周 是 發 顯 ? 宅 歆 不 究 T 全 書 公 洛 者 能 出出 書 酉 經 次 本 以 冬官 多 辨 計 闡 夏 末 點 制 爲 則 矣。 中 之 大 ПП 研 勦

獨 爲 成 有 宋史 詮 德 苗 解 日 而 藉 周 藝文志 己。 禮 東 口 ^ 巗  $\forall$ 周 蓋 者 ^ 官 寡 自 周 宋之群 王 ,見於《志 禮 泉府》之遺 安石 訂 義 儒 當 》者僅 或 經 + 義 變 作 卷, 最 常 三 十 新 載 經

九 Ŧi.

義 迹,●陸 言《周禮》者,鄭 殆攻王氏 而罷言《周禮》,若 不 立學官,於是 所 創 而 新 并及於《 法 與 康 盡傅著之,又廢《春秋》, 王氏異者,多説《 水成信 潁 周 濱 禮》者 蘇 爲 周公成太平之 氏、五峰 與? 春秋 胡 昔之 氏,

文學,終通判泗州,卒年九十有七。」

義考卷 百二十 四四 終

子嘉善孙雯鏡覆校

錯見於五 經制大備,朱子 名與之,字次 本鄭氏注 巗之説,謂 不能作,則 ,傳六典要旨。 集諸家 五家,可謂 而 陲 一官中? 之説 成王不果遷,規 而暢發之,至云《冬官》未嘗亡, 謂 周 爲 爲 先秦 公將整齊 點, 宋 亦 群 詳 則與臨 樂清 稱 且 古書,無可疑焉者。東 經 儒 其書淳祐 博 其 原 自 矣。 六典以 廣 本, 劉 ]1] 模不 大精密,非聖人 俞壽 仲 東巖姓王氏 從 王仲 初郡 原父以下凡 獲究,其説 爲宅洛計 松 翁合。其 守 溪 淹 趙 陳 美 汝 其 氏 0 經

不幸殁

2 倕」。 陸睡 成」, 薈要本作「致」,《補 四庫本、薈要本作「陸倕」、《補正》云當作 正》云當作「致」。

學

編

几

+

騰

進於朝

,付秘書省,特補

官,授賓

州

## 王氏奕《周禮答問》

經義考卷一百二十五

男昆 田

《温州府志》:「奕,字子陵,瑞安人。 祐間有旨索其所著書,郡守趙汝騰繕寫

以進,并薦之,不起。」

税氏與權《周禮折衷》

周

禮六

江氏致堯《周禮

《通考》:一卷。《宋志》作「魏了翁」。

陳 振孫曰:「《周禮折衷》二卷,樞密臨 所録,條列經文,附 邛

以傳注。 鶴 山或時有發明,止於《天官》,

餘未及。」

解》。」

奏任法曹,

通經學,

與丘密齊名,著《周

禮

魏

了翁之門人税與權

閩書》:「致堯,字聖俞,

惠安人。

以

未見。

與權後序曰:「右《周禮折衷》上下篇,本

淳

秀水朱彝尊編

一九五一

浮帝 之。」 知學 根於鄭 以官 先後 似泉 子高 腥 弗 決 Ш 義 Ŧi. 明,今附載於此:『連 諸説於是論 悮 會期 靈。 峰 江 竊嘗 宗 何 青。 蓋 胡 聯 鄭 歷 使、考功郎王辰 斯 陽 三過又不入, 子 未 傳 年百七十,●衆寐 事, 莽制 注 須 衜 康 萬籟 周 病 注 聞 因思 斷以爲 蒐 密,意其爲成王、周公遺制 成 禮記 或 以 前 先生謂 定,宜以《 録 不 服 來,數千百 Ш 敢聲。 以 爲《周日 相 聞 年 劉 見 承 中人, 昔者  $\forall$ 歆 此一 遊 章、 條,逮吾先生 歸,二篇 會 風 應氏,貽書云: 經 傅會 年 鶴 蔣 失 斷潢卷夕潦 雨盲 蔡後, **%** 未全醒 飲 經 Ш Ш 年 其 群公咸其 建鄴,寤 有 多 周 無 上篇 荆 其 始完。 相熙寧。 詩 禮 可 敢 九 程 舒 疑者 折衷》名 輒 州 尤 屢 禍天下  $\equiv$ 先 議 半 爲 經 别 寐 發 間 生 輔 著 其 至 鄭 猶 猶 膻 朝 北 自 巘 舉 不 亦

> 本道 涕零。 年 也,先生同 在 校 七月三日 轉 從祀 運 大 鈞 副 猶 産兄今禮部 也。」 高 使,領賓客群從行。 在 難 庭。 問 追 山 維 侍郎高定子,實 空水冷冷。」 禍之首,千 端 平三 是 古 爲 遊

### 黄氏鐘《周禮集解》

佚。

事參軍。」《閩書》:「鐘,字器之,興化人。漳州録

朱氏申《周禮句解》

十二卷。

● 「年」下,原空一格,據四庫本删。

存。

之而 者先 也 執 諸學宫。 督 章文物放諸 未之有得也。 薄 是故乃立六官,以象天地,以象四 庸以章志軌物,●立極宣 足以盡先王之大法也乎?』曰 見者,乃遂檄淮守蔡子揚 在 陳 撫 魯」, 是以求先王之治也,非與?』曰 ,治之具也,是編也者,先王經綸 海 儒 聖人神道設教,而天下服也,子知之 典則 淮 内 王之有天下也,體國經野,創制立 序曰:「周禮之行於天下也久矣, 豈其 外間 南,亟欲崇尚古訓,以爲保釐之圖 或問之曰: 『子之刻是編也 明備 然哉 有文獻 海 適有遺我《周禮句解》者, 字畫 内,郁郁 ? 不足者, 往歲 一精嚴 如 化,而 秋 金刊之,將以 ,宛若韓 也 或 八月,儒 一,洋洋 民 日 :『然。 一時 一周 用靡忒, 宣子 一法 前 如 之迹 禮 奉 也。 也 典 所 讀 謂 布 命 盡

> 間。 道 以興也,信矣! 要,得什一於千百,君子欲求帝王之治,其 業盡之矣。於戲盛哉! 莫之或忒者。 體信以達順,是故微 乎?』曰: 『未也。』曰: 『先王修禮以達義 手而言曰:『吾乃今知周公之德與周 尚毋忽於《關雎》、《麟趾》之意哉。』儒 而風霆流行,庶物露生,有 大道之行,天下爲公焉,譬諸 是故吾觀於六典,而 信矣!』乃次其説 而顯,深而 是集也 莫尸 通 一,删 茂 其 而 天 經綸之 之所 繁舉 序諸 乃拜 功 運 而 神 有 而

金氏叔明《周禮疑答》

佚。

❶ 「章」,薈要本作「明」。

一九五三

九

Ħ.

四

禮》十 車 其十,豈可謂《冬官》亡耶? 是、《周官》三百六十,今存三百五十,只亡 官之中 復古編》,叔明甚喜,云: 若水曰: 疑十答,用意甚勤。 而 「《周禮·冬官》不亡 地 官》尤多。 金 『《復古編》良 此説痛快。」 余授以 叔 明作 一,散在 俞 氏 諸 居

## 葉氏時《禮經會元》

四卷。

以 之書 潘 道千載不明。 《周禮》一經又得龍圖閣學士葉文康 出、《易》、《書》、《詩》、《春 元明序曰:「《周官》六典,周公致 也。 存。 然 汩 宋之文明,濂、 於漢儒之注 疏 洛諸 秋 使 》皆 聖 儒 太平 有 人之 相 成 繼

説

公《會元》而□□表章於世,●實可

緝

濂

其 陳 者 以 事 涖 陽 洛之未備矣。 禮》,有天下國家,舍是無以 裨於治化者。 書之傳,豈曰小補之哉?」 政之 莫 廣 書 漢、唐、考覈精詳,一洗漢儒 相 基序曰:「昔周公致太平之跡具載 而 友善 其 過 讀之。 暇 傳。 周 就其 「,則 公, 吁 講 其出 求周公之治,莫出 舊板之廢已久,因重鋟 文康公立朝 ! 六世 貫之素,有不 唐、虞遠矣,後之言治 人諸 孫 江 經 浙 "援引" Œ 法矣。 提 荷然 色, 之陋,誠 學 明贍 廣 者 與 於《 居 朱 則 比 周 梓 余 有 得 紫 是

别 樂 官,凡天地 刑 ,無不各得其 政之著,夷 日 月之遠,山 宜 狄 鳥 此 獸 聖人精 之微, JII 封域之近 皆 神 心 經 術 綸 一,禮 之 品

然」,清刻通志堂經解本作「大義」。 □□」,元修明刊本葉時《禮經會 元》 潘 元明 序 作

儒 己 陋 焉 所 焉 居,●奉遺稿獻之江浙行中書 石 暢旁達 經文之所 百世之下,而確 折 余於文康 公,公命刻諸 官》之闕,蓋亦 乎? 衷者 掇拾 ,譬之美 者 寓 篇,又皆 一耳,然皆 也 傳 幸 殘編 事 公 河間 諸 舉 其 存者, 無能 秦 蒙 前 裔 玉 以 萬 後 斷 X 理當 獻 百 梓,且 有 孫,今 世 經 焚之,其罪 有 陋矣。 爲 欲 簡於烈燄之中 孔 然有見於百世之上 王妄以《考工記 闕 會 所 補 役 肆 干 當 而 經 如 寓 其 浙 以 瘡 又 而 通之, 故宋葉文康公生 守 盡洗 指 書俾 暴, 玉 於《禮 嘉 卒 江 爲 諸掌。 補之, 可 潘 儒 律 而 未 蒐羅 勝 余序其篇 學 漢 公之樂 惡 \$ 有 业也 右丞祭 誅 副 不 儒 六 僅千百 其《補 以 而 櫽 哉? 而 傅 經 提 愈 理 則 不 括 乃 補《 會 善 舉 陽 於 爲 爲 口 願 之 之 冬 之 曲 取 乎 漢 潘 用 忽 不 學 廣 害

> 倦 乃不 辭 而 爲 之書

禮 聖人 贵 文, 篇 葉 則《 竄 畢、榮相 極、 毋 革命,僅自法從 公敦古尚 同父氏, 忽。」 ,躬負遺笈,得不失墜。 廣 徒 會 敦禮崇學之要,靡不 如 錯綜 居 之道具於六 資 先公以 立 元》之傳, 跋 學 自 唯 文、武、成、康之朝 六官, 治,命鋟 日 諾 翁 子 直 氏 也。 討 「《禮 出 氣 以俟 剖括 復 論 經,聖 正 梓 其書昔授 典外 歸 經 一學颺 之 後 以 群 家 會 益 聖 藩 不 務 櫝 人之治 歷 元 該 者 哉 一,而志 朽 江 清 其 **>** 比 門 洽 浙 以 ? 其 四 古 要,會權 於 年 右 人 與 傳。 實 卷 不 有 讀 兵 今 建 丹 丞 周 存 在 盡 邦 一祭 革 讀 Ш 凡 噫 ^ 矣, 召、 施 其 陽 其 立 周 翁 流 白

0 浙 江 補正 × : 「當作『江浙』。」

一六典

爾,

今

以

先

儒

致

訂

聊

筆

其

## 黄氏震《讀周禮日抄》

老

則最 相半。 得今所謂 意周公曾立下規模 之制已不 震自序曰: 擯抑之,至晦 如張横渠則最尊敬之,如胡五 可 周禮》六官之書,故後 得 「孟子生於 而 聞 庵朱先生折 劉 而 未及用。 周 歆 末,周 生 於漢末, 衷其 近世 室班 世 説 趙 疑 乃 爵

信

峰

陳氏普《周禮講義》

三篇。

禄

存。

反

丘氏葵《周禮全書》一曰《周禮補亡》。

矣,蘇綽又壞 水心謂《周 後世之君臣,每 心、爲生民 葵自序曰 . 禮 《周 立命、爲 》晚 矣,王安石又壞矣,千 病 禮》 出 於 加 萬 難 世 書,周公爲天 劉 行 開 歆 也,何 太 遽 平之書 行之,大壞 居? 四 地立 葉

有《關

雎》、《麟趾》之意,然後

可

以

行《

周

作洛後所爲,然亦不可考矣。

惟程子

謂

意周

公

存。

汝

六卷。

則

騰按『維王建國,以爲民極』數

乎此,則不

- 必泥

其紛紛者。

然

竊

意

周

官

法度在《尚

書

0

周官》一篇,而

未必

在此

官》之法度,此爲

於其本而言之,學者

明

得

聖經

精微之

藴

蓋程、張、朱氏

之學,

周

公之學也

), 故

能

得

周

公之心,而

是書

實

賴

明

矣。

今聖

朝

新

制

以

六經

取

+

乃

周

官》於

不

用

使天下之士習《

周

禮

氏

、新安之朱氏

其

所

論

説

不

過

數

條

獨

微

終莫之睹

惟

洛

之

程

氏

關

中

之

張

諸

儒

,析名物、辨制

度,不爲

無

功,

而聖

人

能

洗

滌

壞

之

腥

穢

前

以

性

命

道

德

起

天

下之公也

則

是

書

無

不

可

行矣。

賈

周

公之

心

而

欲

行之,適

所

以

壞之也。

有

爲

故

能

爲天

地立心,爲生民

立

命

爲

萬

世

開

太平

也。

歆也、綽也、安石

也,

無

也?

堯、舜、禹、湯、文、武之心

也,以

是

其

不

미

行

乎?

善

乎

真

西

Ш

之言

「有周

公之心,然後

能行《周

禮

一》,無

周

公

뻾

行之,則

悖

矣。」

周公之心

何

心

年

更

大

壞,

此

後

君

臣

病

於

難

行

然

則

一九五七

掌 徵 其官 是六 軍 羽 太保 伯 成 商 爲全書。」 有 參 夏官》之屬 地 「蘇忿 每 炭 王 七、《冬官》之屬 可 官倍,而 以 絲 官》之屬 甸 未必 馬、行司 卿 奭 時 絡 由 諸 官 徵 祝 是 周 中 家 生以 掌 炭 掌染草 推 一一皆有。 之説 召 田 伯 公以 又曰 五 Ŧi. 之,先王之制 周 僕,有田 公、畢公、毛公亦上 馬、戎僕、戎右 事 公兼司 角 、彤伯、畢公、衛侯、毛公, + 官》 + 公兼太宰,召公以公兼宗 人,徵 訂 有 :「唐、虞建官惟 無 有 五十有四,於是六官始 至於 定《天官》之屬六 七、《春官》之屬六十 是 寇。 九、《秋官》之屬 染草 舉其大略,如掌 獵則用之。 事 战 三百六十。 未 角 成王將崩,有 其 必 掌茶 有軍 羽 職 有 是 人,掌毛 微 雖 兼 有 旅 百 官 不 喪紀 三公 今觀 則 Ŧi. 茶 葛 十 廢, 也 則 用 召 +

得 後用 先王 來 贵 官》羨九、《秋官》羨六、計 十也。 則 秦火後 羨三,《地官》羨 籍多殘闕,《 或 七官,此豈 官》六十有六、《冬官》全無。 有九、《春官》七十、《夏官》六十有九、《 曰三百六十者,亦舉大數 冬官》。 以任 得 至《周 則 用 哉 有 贵 用 夏采、喪祝,有 ? 羨 能 土地之職歸之司徒? 今《天官》六十有三,《地官》七十 土 不 今據 ? 無 官》之書,皆日 以 方氏,來遠 亦 非 禮》尤甚,漢儒以《考工記 闕 禄 夫自: 臨 司空之屬官 殘,《冬官》豈 每 食 事 十九,《 官其 養 伯 兼 盟 無 方之民 禹 攝 會則 屬 用之官 作 耳。 春 六 司 而 司 雜 其 官 用 空掌 十,而《天 得 故《周 言,不必皆 則 空平 所 在 詛 待 秦火後, 職 全 用 羨 羨 Ŧi. 祝 方氏、形 邦土,豈 無 懷 水土 者 有事 官 十,《夏 官 方. 方氏 几 乎. 建 官 秋 官 補 邦 以 ? 經 然 雖

馬? 方 氏 Ш 大、小 師 IJ 行 師 人之 **邍師之屬** 職 豈 贵 得 歸 得 歸 之 之司 ^ 皆

官》? 似此之類頗多,俞 庭 椿、 王. 次 點

以爲《冬官》未嘗亡,錯見於五 官中。 齊

細考之,果未嘗亡也。 真西 Ш 趙 庸 皆

以 冬官》未嘗亡,諸 爲次點之《訂義》有 儒 不能辨,自 先儒之所 漢 未 以 發 謂

强以《考工記》補之、未有言其非者。 子

今以五官之屬其本文列 於前 ,以庭椿、次

點二先生之所删 補 者,參訂 定爲六官之

屬 書於後,則《周官》三百六十粲然在目

張萱曰: 而《冬官》未嘗亡,信然矣。」 「清源 丘 葵謂《周 禮 • 冬官

故

之,至宋 未嘗闕 臨 漢儒 JII 俞 考古不深,以《考工 庭椿始著《復古編 》,永 記 補

王次點又作《周官補 的 知《冬官》錯見於五官中,悉 遺》,葵 承其 意 采 加 出 以

> 以補《冬官》之屬,而《考工記》不 録

閽 按: 鄉 職 漿人、凌人、籩人、醢 饔、外饔、亨人、甸 服、典婦功、縫 屬六十: 比 史、外史、御 府、玉府、内府、外府、 御、内宗、外宗、女祝、女史、内 宮伯、宮人、内宰、九嬪、世婦、女 七:大司徒、小司徒、鄉 瘍醫、掌舍、幕 人、幂人、腊 内、 長、遂人、遂 大夫、州長、 人、寺人、内竪、膳 丘氏 職 歲、 太宰、小宰、宰夫、宫正 更定《周 人、醫 史。 職 師、遂 人、掌 黨 幣、太史、小史、内 人、夏采、内 《地官》之屬五十 正、 師、酒 師、 禮 大夫、 次、天 夫、庖 》,《天 族 人、醯 司 食醫、疾醫 會、司 正、酒 師、 師、 府、大 官》之 縣 間 鄉老、 人、内 小 正

九

六〇

質人、 氏、保 矇、眡 韎 樂 遺 節、間 典命、典祀、守祧、職 之屬六十: 稿人、掌炭、掌茶、掌 人、倉人、司 稽、胥、肆 氏 鄙 師、鬱人、鬯人、司 人、旅 師、 師、大胥、小胥、大 師 司 華氏、占人、簭人、占夢、眡浸、 舞 師、縣 廛 諫、司 章 旄 瞭、磬師、鐘 酇 師 師、委 氏 人、 長、 長、泉 鞮 師、稍 救、調 禄、司稼、春人、饎人、 胥 大 籥 大宗 里 鞻 1 人、迹 師、 師、籥 宰 府、司 氏 伯、 師、 人、 賈 1 尊 鄰 典 喪、大 師 章、司 彝、司 人、廪 師 門、司 師、 笙 蜃。《春 媒 長 小 土 庸 訓 師、 氏、 宗 器 1 小 司 師 、馮 司 伯 干、 几 人、舍 師 虣 司 鏄 誦 關 氏 筵、 官》 掌 訓 市 肆 師 龜 司 相 鼓 保

牧師、 相 氏 御 氏、匡人、撢 僕、馭夫、馬 道 古 司 子、虎賁氏、旅 司 十:大司馬、小司馬、軍 客、掌訝、掌交。 大行人、小行人、 巫、男巫、女巫、都宗 大 氏、 右、大馭、戎 馬 祝 掌 僕、 、司險、掌 戈盾、繕 司 、行司馬、都司馬、家司 司 畜 勳、懷 廋 隸 小 灌、候. 節 祝、 僕、服 質、校 人、環 疆 人、大僕、小臣、祭僕 服 幸 喪 方 人。 司 氏 師、 祝 氏、合 僕、齊僕、道 賁氏、司甲、 不 《夏官》之屬六 氏、射 人、趣 右 人、挈 司儀、行夫、掌 《秋官》之屬 小 幸 甸 子、羊 人、射 人、 戎 祝 方 馬、 右、 氏 鳥 壺 家宗 司馬、 詛 氏、羅 人、方 僕、田 司 人、司 氏 馬、諸 訓 巫 齊 祝 、掌 兵、 馬 右 方 Ŧi. 輿 司

《冬官》補亡五 澤虞、丱人、角人、羽 憲、禁 罪 均、草人、稻人、山虞、林衡、川 貨賄、朝大夫、都則、都士、家士。 銜枚氏、❷伊耆氏、象胥、掌察、掌 氏、赤友氏、蟈 氏、翨氏、柞氏、薙 條狼氏、修間氏、冥氏、庶氏、穴 氏、雍氏、萍氏、司寤 司空、載師、封 金、司厲、司 司民、司刑、 士、遂士、縣 隸、蠻隸、 囿人、場人、牧人、牛人、充 殺 大司寇、小司寇、士 戮、禁暴 圜、掌囚、掌戮、司 士、方士、訝 閩 司 「隸、夷 人、量 氏、壺 刺、 十四:大司空、小 氏、硩蔟氏、●剪 氏、野 司 一人、均 隸、貉 人、掌葛、掌 氏、 約、 涿氏、庭氏、 士、朝 司 廬 司 氏、蜡 隸、布 人、土 烜 盟 氏、 職

師 鄉 之説 **遵**師。 氏、土方氏、形方氏、山 弓矢、稿人、冢 典同、巾車、典路、車 枲、染人、弁師、 獸醫、司裘、掌 人、獸人、獻人、鼈人、鷄人、犬人、 而 蓋合俞壽翁、王次點兩家 損益之。

人、墓大夫、職

方

師、川

師、

僕、

司

常、司

皮、司

服、典

絲、典

追

師、

屨

人、典

胡氏 一桂《古周禮補正》

百卷。

佚。

王瓚《温 州 府志》:「胡一桂,字德夫,永

0 哲蔟」,原作「哲簇」,據《周禮注 七改。

衡」下,原空一格,據四庫本删。

九六一

義 考

度,參訂互考六官錯簡,一旦貫通,遂成 者稱人齋先生。」 《補正古周禮》一百卷,林千之爲之序,學 嘉人,咸淳庚午領鄉薦,研究姬公經國制

王氏失名《周禮詳説》

未見。

王與之曰:「未詳其名,建陽刊行王狀元

《詳説》。」

亡名氏《周禮類例義斷

《宋志》:二卷。

未見。

《周禮圖説》

佚。

王與之曰: 立新説, 攷證最明。」 自閩中,大概用《三禮圖》、《禮象圖》,或 「《圖説》,未詳誰氏所編,得

《禮庫》

未見。

王與之曰:「《禮庫》,未詳何氏。」

《周禮集説》

十二卷。

一九六二

諸 高 長,其 介纖 所爲與? 氣 禮樂刑 且 得古罍洗 説》於雪,手澤尚 有紀,萬世有國者之龜 陳 詩記》、東 儒 象 友仁 止 君 也 訓 不可 悉,靡 載 余友雲山沈則正 時 宿 要 釋 序 異 賞 畫 乃 酒 則 ,把玩 自 往 井 事 復見,愚於此 ,甲是乙 名氏 齋《書傳》 日 統 不 微 殊 田 於《天官》,大綱 . 備 「《周官》六典, 焉 而 則 不 立封. 載 服 禮 風 新 則 忍 未 非 御 經 雨 Œ 釋。 聞 相 建,大 謂 飲 編 六 瀟 無 樂 書 也 類 鏡也。 焉 官 食、醫 余 節 所 瀟 癸未 善 其 竊 用 日 之 條 折 而 人也 取 有 子 ? 周 博 屬 理 衷,學 秋 小 軍 而 志 1 「近 周家 之志 雅 公經制之 或 一,俞 與展 目 閲 İ 焉 各從 與 折 君 之, 藝 得《 調 東 者 太 截 子 揚 古 其 然 ~,毫 度 清 萊 集 其 善 樂 平. 然 病 如 而

> 於卷 特 明 未詳 亦志文中之所志 日 皇 以 者 華 末 者 廣 則 執 - >, • 未 1,益以 其 此 附 (傳,亦 以 以 必 往 賈 前 不 古 氏、王氏之疏 輩 余之夙 貽 也。」於 諸 非 笑 老之論 所 於 志 望 時 是 也。 居家 攜 人也。』余復之 議 説 以 姑 9 書 歸,訓 讀 辨析 叙 成, 梗 非 詁 未 概

之。 黄虞 注以 輯 内《地 行。」 稷 元 吴 興 : 官》二卷亡, 陳  $\overline{\ }$ 友 周 仁 禮 得之於 集 説 明關 》, 不 沈 中 則 知 劉 正 何 儲 秀 大 人 補 傳 所

楊氏雲翼《周禮辨》

一篇。

●「折」,原作「析」,據四庫本、薈要本、《補正》改

一九六三

未見。

平縣。 士 金史》: 禮 部尚 登明昌 楊 書。 雲翼 五. 卒謚 年 字之美, 進 文獻。」 士 第 家平 **拜** 翰 定之樂 林 學

## 吴氏澂《周禮考注》

十五卷。

《周 之,則 職 澂 皇 籍 於秘府。 購 得 禮 又 自 禮 悪 秦孝 述 《周 存。 樂 日 而 官》五 《周 政 公用 哀帝時,劉歆校理秘書,始著於 焚 周 . 事 之。 衰, 官 周 9 商 一篇,武  $\forall$ 粲 公 諸 鞅 9 至 然 相 侯 即 政 漢 大 成 帝 恶 其 河 與 備 求遺 Ŧ. 其 制 間 《周 害己,滅 作言之, 獻 建六官 即 書,得之,藏 官》背  $\mp$ 其 好 設 古 馳 去 位 分 則 學, 始 其 日

作,先 邦禮 之事, 補之。 則 也。 其 六 均 此以考《天官》之文,則其所載 以考《周禮》之六官 官》一篇,成 官亦錯 而考之乎? 本之《尚書》以考之也 可 録 地官》之文, 職 師 凡 徒 四 》、《略》,然《冬官》久亡, 掌邦 治 掌 也。 平 海 夫冢宰掌邦治 可以 儒 《考工 邦 雜 之事 邦 皆 神 禮 教 司 傳 或 知 以 人 寇掌邦禁,詰 、邦政者皆其 王董 可 則其 其 至於今,莫敢是正。 和 敷 爲 記 執此 非 非 五 以 V E Œ 乃前 所載: 典, 司 知 以 統 惟 下 治官之全書也,執 則 徒 考《春 其 擾 劉 非 世 百 不全者可 之職 非 司 職 兆 歆 敷 姦慝 官,均 能 冢 馬 獨 也 民 》、《夏》二官 五 識 以《考工 也 舍此 宰 掌 執 非 識 典、擾 刑 古 之 邦 統 之, 四 宗伯 制 坐 此 澄 暴 政,統 職 海 百 者 則非 以 亂 兆 而 何 而 記 官 也 周 掌 自 所 民 考 執 判 此 Ŧi.

其職 《夏官》者,如職方氏、弁師之類是也 之文 氏、司隸之類是也; 亦有他官之文雜 也。 封人、大小行人之類是也; 亦有他官之 類是也。《春官》之文有雜 他官之文雜在《地官》者,如間 他官者,如大司樂、諸子之類是也; 也; 文尋意以考之,參諸 師、廛人之類,吾知其爲《冬官》之文。 如掌察之類,●吾知其 文雜在《春官》者,如御史、大小胥之 師、世婦之類是也。《地官》之文有雜 司空掌邦土,居 秋》、《冬》二官,則凡掌邦 亦有 《夏官》之文有雜 有雜在 也,舍此則非其 他官之文雜在《天官》者, 他官者,如 四民,時 經籍以證之,何疑之 職 非《秋官》之文; 在他官者,如 内 焉。 地 史、司士之 禁、邦 利,執 在他官者,如 是故《天官》 師、柞氏 土 此 類 者 銜 類 亦 如 以 之 考 枚 在 至 在 是 有 甸

有? 此歐、蘇氏之所未悉也,可不

爲鏤版 禮考注》十五卷以 注》非公書也,江西書坊 其 惟《詩》及《周 按: 孫當補之,今世所 艸廬吴氏諸經皆有《纂言 ,蓋晏壁所爲 八禮》未 行,吴興閔氏 就 也。 傳《三 專 周 刊 禮》 禮 周 攷 則

#### 周禮經傳》

十卷。

存。

經傳》。康熙丁丑五月之望,西吴按:艸廬吴氏著書,不聞有《周禮

● 「察」,原作「祭」,據薈要本、《補正》改。

一九六六

字樣,但有『聞之師曰』之文,不審 疑是其孫伯尚之書,然無『先公』 簽,其議論序次均 爲誰所撰,姑附於此。 書賈以抄本求售, 吴澄著』,中間 多 不 有 紙墨甚舊, 同於《考注》, 改削 又 有 題 日

觀

光

裝

池

成卷、宋潛溪

題

而藏之。」

何

夢

中

與

弟

參

知

政

事夢

然

所

作

世

孫

五 五 王

圻

É

禮義》

卷,元東陽

内

舍

生

王氏申子《周禮正義》

佚。

氏,極爲平恕。」 吴澂曰:「巽卿《正義》,其言比之宏齋包

臧氏夢解《周官考》

三卷。

未見。

官 未仕 陸 至 元 輔 廣 而 東 國亡,至元中授婺州 日 廉 : 「臧夢 訪使。 解,鄞人。 博學治聞 路 宋末 , 士大夫稱 儒學提舉, 進士, 湯氏彌昌《周禮講義》

盧熊曰:「彌昌

丁卯進士,由崑山教諭歷瑞安州判官。」盧熊曰:「彌昌,字師言,號碧山。咸淳

一卷。

何氏夢中等《周禮義》

佚。

2304

# 吴氏當《周禮纂言》

## 毛氏應龍《周禮集傳》

『魯山先生』。」

一十四卷。

《周官或問》

五卷。

未見。

龍 張萱曰:「元大德間,澧州教授豫章毛應 十四卷。」 介石撰,總諸 儒訓 釋,斷 以己意,凡一

> 禮》、《儀禮》、《詩》未及作,當本大父之意 《書》、《春秋》、《禮記》皆有《纂言》,獨《周 黄虞稷曰:「當,澂之孫也。澂於《易》、 未見。

爲是書。」

半補《冬官》之缺、蓋取俞氏、丘氏之論 門著書。 諒已陷江西,當乃戴黄冠、著道士服,杜 韶拜江西行省參知政事,命未下而 撰,再遷翰林直學士,出爲江西廉訪使, 薦授國子助教,與修三史,成,遷翰林修 正公考《周官》以正六典,以《大司徒》之 隱居吉水之谷坪,卒。 陸元輔曰:「臨川吴當伯尚,至正二年以 明太祖至江州召見,長揖不屈, 羅一峰嘗言吴文 陳友

九六七

乎,抑遵乃祖所定之次也?」也。伯尚書余未得見,不審依古本爲注

鄭氏宗顔《周禮講義》

二卷。

未見。

按:宗顏,未詳何時人,見葉氏

《菉竹堂目》、焦氏《經籍志》及《授

經圖》。

俞氏言《周官禮圖》

十四卷。

未見。

按:俞氏,未詳何人,書見葉氏

《菉竹堂目》。

亡名氏《周禮通今續論》

一卷。

未見。

《周禮詳集》

佚。

《地官·司徒》至《考工記》。」 張萱曰:「止存一册,未詳撰人姓氏,自

《周禮附音重言重意互註》

十二卷。

繆泳曰:「此元人所輯書,弘治中,湖廣

存。

《纂圖》、《釋文》、《或問》、《講義》、《 張 廣 出示廣州守袁君景輝 考究之精,援引之當,於聖經 高第,比 之聞也。 其名,至於《重言重意互注》,則其名亦未 傳》、《註疏》則見之,若《纂 義》、《會元》、《復古》等編。 解》、《要義》、《解義》、《攷工總義 禮》有《句解》、《集傳》、《註疏》,又有所 道 詡 州 御 序 史上虞尹洪奉命清兩 府 略 袁景 奉命清 侍御上虞尹公德容以《禮 日 輝 : 「詡少 重刻,番禺 兩廣 一時関 件,俾刻 戎政,得是書,喜其 張詡 書目,見《周 圖》以下 廣戎政,屬 而傳焉, ^ 句 有所裨也, 爲之序。」 解 × 經》取 ×, 則 屬 詳 集 訂 官 聞 知

義考卷一百二十五終

經

弟子山陽張叶箕覆校

# 經義考卷一百二十六

汪氏克寬《周禮類要》

未見。

秀水朱彝尊編

男昆田校

宋氏濂《周禮集注》或作「集説」。

未見。

王氏禕《周官官名急就章》

篇。

存。

方氏孝孺《周禮考次目録》

周 禮七

梁氏寅《周禮考注》

未見。

其明暢,謂之《周禮考注》。」 寅自述曰: 「於《周官》也,删剔其注,使

卷。

存。

法,而 伯 卿 失序 其 定 奸,必 孝 以 制 不 經 而 尊上,此尤戰國諸 棄 众於諸 關 章 世 其 度 之職美矣,冢宰者,治之所從 略 孺 成 典 禮》未 詳 自 明 、誅賞、教 禮 政 淑 於 於 藏 矣,嚴 切 大 侯 序 漢 司 民之政少,周公之意不若是疏 治之得 雜 通 其 而 加 歷 要者,以不合於諸 H 儒 馬主兵,司寇掌禁,司空掌土 其 而 法 詳 秦火而先亡。 . 之所 民 不 上下之分,謹 意, 吏安得 ,俾民不得 失者 於 周 周 可 以 禮 細,煩碎不急之職多,而 補 室 侯 道,使民 省書之。 》獨 ,僅僅獲存 ,非周之全書 既 所深惡,蓋毀黜 爲 衰,聖人之經 而 諸侯之所惡 見。 吏將舞 以 朝 舞 ^ 侯見 周 然亦 義 聘之禮 之? 使家 恤 出 官》言六 也 法 削 也,宗 有 之餘 周 紛 鄰 皆 而 , 也。 之 故 是 其 見 亂 而 而 爲 而

> 官》職 官 以 職 膳 大 爲 屬 也。 皆聽於冢宰者也。 司 之大政皆已亡矣,其不亡者閒見於他官。 乎主教, 厨之賤 下 其餘 者,預 『》爲最 政宜見於冢 他官所掠,而禮之係乎邦國者亦亡,其 馬、司寇纂人者甚衆, 五 服固 則 典 而 也, 陋 施 自 事、攻醫、制 一冢宰之所宜 政之臣不 丽 多,蓋定其序者,不知《地官》在 皆《春》、《秋》二官之事,而《 且褻矣,此必非 教,其 鄉 何與乎教? 以 師 土官之事 宰,今《周 以 爲 過數 下, 近於教者 事 冢宰,治之本,天下之 至 知,然以 服 重,不 人,而 教之大 之淺技。 屬 周 惟宗 禮》列於冢 之。 公之意。 宜 是實家 六十屬 伯 法及冢宰 土 復 稍 止 地,《 夫王 預 存,多 辛之 宰之 皆 他 司 久 之 庖 久 徒

「鄉」,原作「卿」,據四庫本、薈要本、《補正》改

0

取 徒 歸焉。 之諸 功、日 空。 膳 亡 三十有一,司寇之存者二十有三,而 司 IE Ŧi. 考六卿之屬 之心不明於後 者,漢儒之謬也 Ŧī. 之司 · 有九 在 徒 ,自司馬 夫、 以下爲五,日宫正 + 者皆諸 地 去其非教事 子、訓方氏、匡人、撢人,司寇之掌交 土地不可無治之之道也,故有載師 司馬 内司 日 宗伯, 之事 虣、司 ,自司寇歸 醫 侯之所 歸 者 服 師 、財 自司 更次之,自宗伯 附 稽、 者三,自司 八,在司 世 日 賦 者八十,存者四,以司 於冢宰之左,重 ,以《書》周公之言爲準 徒 悪 司救、調 内 余喜 者 之則 歸 而去之也,而 + 宰、 歸歸 寇者 者 有二,司 讀《周禮》,憂周 在 日 寇歸 +, 以 人 司 + 司 司 自 徒 歸 歸於冢宰者 有三,爲 農、 者二,合宫 徒之舍,日 者 司 焉。 馬 變古也 日 Ŧi 馬 其 之 典 失序 + 存 歸 於 以 有 是 婦 公 司 者 馬 者 司

> 囿、塲 有 用 不 制 均; 酇 間 有 之所産也,故各有主之者,以 地 有 也 錫、石、角、羽、荼、炭、染草 所宜知也,故有土訓、誦 人、場 之實 者 可 稻 放故 人,肆有 也,故有廩 長、 師、縣 樹 生於 無 人焉,有 圃,鳥獸、草木所萃也,故有迹人、 里宰、 有遂人、遂師、遂大夫、縣 藝,地 恤 也 人;穀粟,土 師、均人; 也,故 放故 長 地 隣長、 人、倉 之 賈 司 而 有 所 取 稼 有 澤虞,有 有 之有 宜 遺 焉 人; 治民無法 旅 師 人以 先 , 一地所 師、 ,泉有府,質人、胥 節 也 地 民者,土地之本 訓 故市 稍 圖 |I|振 、葛、蜃 9 故 入,守之宜有 方 其 衡 Ш 不 致其用; 有 林、川澤, 可 M 正 委 有 志 草 元荒 0 金 以 王者 司, 人焉 人、土 鄙 玉 Щ 治 財 苑 澤 廛 地

言 奚 草 形 學焉,今之存者 爲 氏 蠲 公之經 敢 能皆六十者,亡者衆 黽 水 稱 師 口 必 寇歸 忽,安可 禁 方、 也 率 、赤发氏、蟈氏、壺 異 有作氏、 有冥氏、庶氏、穴氏、翨氏、硩蔟氏 有 计 皆止於六十乎? 也 也 有 野 求合於周 非周 Ш 門、 焉。 故 萍 廬 也 師 卿 氏 氏 司 疑 公之制 薙 自 求 、蜡 之所掌有 六卿 關 ]1[ , 其 氏, 司 周 師 除 3 此 氏 有 馬 公之意 公之意 職 之 亦皆 毒 邍 未 書 也。 而 方、 屬 蟲 掌 也 至 師 爾 涿 歸 小大 猛 繇 司 害 土方、 乎 周公之典,孔 謂六十 焉 所 氏、 而 學者宜 耐 而 稼 是 空 ? 後 鳥 以 庭 亦不必以 不 之 者 復 其 達 獸、蠧 己 然 懷 辯 氏 得 其 事 有 者 道 事 也 子 盡 土 9 方、合方、 雍 始 也 路 漢 有 故 攻 非 地 心 氏 物、 煩 0 六十 其 故 禾 辨 子 儒 除 夫 疑 而 而 簡 不 自 鼃 致 其 之 翦 唐 不 殺 掌 不

不爲哉?」 無何敢避亂經之名

而

學 成 謀 帝 生 夫 北 陳 陸 于 强 舒 座 先 之 之側 平 敗 電 爲 不 子 世 非 而 或 謀 生所 ? 難 龍 儀 難 品 專 能 掃 侵 信 日 夏 未 於 日 及 諫 中 以 而 削 . 者 而 必 泥 最好者《周 觀 乃 原 驟 諸 行 享太 盡 古 皆著 方正學人品學 或 先 虎虎 日 返 言 侯 用 疎 謂 治 生之著 之計, 也 聽 平 步 闊 即 論 先 儀 贵 江 而 而 知 禮 生 用 以 文,定 難 外,不 聽 矣,而 辨之, 中 以 盡 ×, 以 述, 行 黄 謀 朝 道 而 致 者 官 術 之 臣之過 輔 凡 而 真 能 齊 乃知 天方 矣。 弱 後 知 制 駁 主 人 出 興 其 而 世無 翔 先 欲 當 何 晁 藩 H 哉 未 非 生之 當 策 文皇 於 錯 ? 時 或 在 純 也 不 先 於 薊 之 黼 以 之

❶ 「蔟」,原作「簇」,據《周禮注疏》卷三十七改。

陸元 乎? 所得 群臣 安石 有《周 能 深 詩 申 爲 敬 極 論 與之、俞壽 爲古伊、周」,是當 非天理人心之正,且曰『安得申、韓氏,化 其 大司 董仲舒之才, 轉 不 》,其間多言當 服 輔日 而 欲 ,刑法太暴; 一辨殺群飲非過甚、媒 用 詳 但 齊、黄之謀,此其 官論 也 予於《詩鑑》中 國 主 徒、 也,特以 ; 削 服 : ,而啓沃之際,仁 及讀《遜志 奪諸 鄉大夫、州 翁諸 》二篇、《周 正 論《周 爲 息之謬。 學先生考次《周禮 職 而建晁錯之策,不無 王 時削 爲 時削奪之謀,孝孺之所 官》 八所訂 節,人 講 亦特表明之。 奪 齋全集》中 長、黨正 不 禮 所以不白於後 官 正更爲 諸 辨疑》 以 軍國之 辨條 Ē 柔之主 理 頗 傷 財 以 之法,慮 狼氏之誓 有 四篇: 爲疑, 有《勉 爲 殘骨 亦 務 理 先 較 未 類 非 Ŧ, 肉 民 世 必 其 於 以 學 Ŧ. 又

> 甚密 入鈞 於立異者。」 氏之奔者不禁爲非禮 金、束矢爲非 ,非周公之言。 法 皆有卓然之見,非 , 辨《周禮》言 辨 司 寇 聽 訟 荷 利 必

九

七四

### 丁氏禮《周禮補注》

未見。

成祖賞之。」以耆年辟知南陽府,入覲,進《周禮注》,《鎮江府志》:「丁禮,字思敬,丹徒人。

## 何氏喬新《周禮集注》

七卷。

存。

喬新自序略曰:「《周禮》多錯簡、《冬官》

吏部 臆 别 此 至 陸 論 本 氏 以 補 未嘗亡也。 見於五官之中 之非。 刑 見 爲 定 列 各 羽翼 元 者或失於彼,乃重加考訂,每篇首依 《其目,存舊以參考也,次則取 尚 輔 其 部尚書 ,作《集注》,以竢後之君子擇焉 卷,不敢 有考註,●四家之説備矣。 俞 書 日 屬 一喬 永嘉王氏次點亦作《周禮訂義 正 正 氏之説,其 文淵之子。 臨 ,贈太子少傅,謚文肅。」 淆 譌 川俞 ·,作《復古編》以 新,字廷秀,江 聖經也,參考諸説,附以 以 從 氏 後臨 古也 壽 景 翁始悟《冬官》散 泰辛未進士,仕 川吴氏、 ; 朏 西廣昌人, 惜其 正漢儒 考 四家 清 工記 得 源 妄 於 所 鄭 丘

#### 周 明

#### 黄氏潤玉《周禮題

未見。

未見。

帝時 之書 潤 其樂與佩用,皆去商 樂》之章,是戰國矇瞽已嘗習誦 無 大典,其間備著王 商聲乎? 王 而《荀子》所謂 、侯國 莽時書,漢 玉自序曰 無載 ,得魏侯斯樂人竇公獻《宗伯 爵 也。 禄之辭,故 宋 : 「《周 人 興《三禮》,立科取士,程子 李斯 『太師 安得 朝六 禮 亂 審詩 聲、蓋 天下 補之《考工 》一書,誠 紀, 卿 蕭 商 無 所 周 相 傳 是 屬 以 懵 職 周之經 也。 其 記》及去 木 而 經,至文 大司 説, 孔、孟 德 夫豈 Ŧ. 邦 初

註,四 庫本作「證」。

九七五

生,京 清 楊 究 相維 漢 體,兵農一途,王 傳,後學莫稽,遂 其官冗役繁,殊不 按 訓 北 者,標於經文之題,庶覽 不 不備、徒役有時之節 行《周官》之法度。』至 曰 知周 守陳 亦深可痛乎? 導 ,世爲鄞 以 湖 京,其父當行,先生請代,抵京 禮樂 來,其 改 廣, 有 闡 撰 曆綿遠之本在是而 陟 訓 鄉 闘 墓碣 人。 廣 南 試 刑 法 雎 西 昌 擢 政 一》、《麟 何 永樂改元,命 曰:「先生 按察司 之參屬 如 使周 道 拜 ^ 知 潤 禮 ? 交阯 昭 奏哉 綱 趾 玉 經 明,無 公之制 哉 僉事 奈王 舉 学之 兹舉官 與與 者易 道 魁 斯言 ? 目 神 不可不講 監 意 改湖、 授 張 凡 介 偏 然 江 潤 察御 得 泯 注 甫 建 職 然 無 南 而 玉 而 没 於 釋 廣按 昌 府 棄 後 黨,秦、 或者 補 富 宫 有 一,字孟 史,出 無 心目, 也。」 未定 府 藏 經 府 可 郡 民 兼 聞 察 學 實 之 任 官 謂 以 庠

> 有九。」 司,左遷 知含山 縣,請老致仕,卒年八十

九

七六

王氏啓《周禮疏 義》

未見。

桑氏烷《周禮義

未 見。

官; 外 悦 掌 庭 皮、 宗、太 棒 自 序曰: 删 ௱ 典絲、典枲、染人、追師、屨 出 王次 史、 獸 「《天官》之屬 人、鱉 小 點 史、内 補 以《 人、燩 春官》 史、外 凡 人、獸醫、司裘 六十有三,俞 史、 天府、内宗、 御

胥 考注 稻人、山虞、林衡、川衡、澤虞、丱人、角 鱉人、掌皮六官 官 鄉大夫、州長、黨正、族師、間 注》於七十七官中,止用大司徒、小司徒 官者六十六。《地官》之屬凡七十有七, 氏、占人、簭人、占夢、眡浸十二官,共爲 人、羽人、掌葛、掌染艸、 人、牛人、充人、載 俞庭椿、王次點删出封人、鼓 史、外史、御史、馮 服、追師、屢人、夏采十二官,而復 二官; 丘吉甫因定其 人、掌舍、幕人、掌次、職 地 、調人、媒人、司諫、 ; 丘吉甫因定其官爲六十; 艸廬《三禮 官》司 則 復 禄、司 進 以 一勳、司 典絲、典枲、 。 而 師、均 相 退 氏、太卜、龜 司 官 士三官、《春官》 以 救等十三官, 爲五 囿人、場人二十 人、土均、艸 歲、世 甸 師、 獸人、 人、舞 師、比長、間 十七;《考 一婦、 幂 師、牧 人、宫 歔 補 内 删 菙 内 以 司

> 删 宗、外宗、冢人、墓大夫、典同、太史、小 胥、小胥、大師、 掌客、掌訝、掌交七官;丘吉甫因定其官 官、《秋官》大行人、小行人、司儀、行夫、 司 六十九者,遺失樂章一官也。● 者三十五。 磬師、鐘 人、撢人三官,《 去六十九官, 史、内史、外史、御史、巾 師、籥章、鞮鞻氏、典庸器十九官,共爲官 常十九官,補 出雞人、天府、典瑞、❷司 師、笙 《春官》之屬凡七十,丘吉甫以 而 一師、鎛 小師、瞽蒙、 春 補 以《地官》鼓 官 以《夏官》訓 大 師、韎 車、典路、車僕、 俞庭椿、王次 司 服、世 師、旌 眡 人、舞師一 瞭、 樂 方 人、籥 氏、 婦、 典 師、大 同 内 點 王 爲

0

<sup>● 「</sup>丘吉甫」至「一官也」十六字,四庫本作正文。

庫本、薈要本删。 「典瑞」下,原有「典同」一職,與下「典同」重出,據四

僕、小臣、御僕、司權六官,共爲官 爲 職方氏、土方氏、形 六。《夏官》之屬六十有 幂人十二官,❸《夏官》節服 官、《天官》司裘、内司服、追 行夫、環人、掌交、掌訝、司烜氏、象胥九 充人四官、《秋官》大行人、小行人、司儀、 筵二十五官,而 祝、喪祝、甸祝、詛祝、司巫、男女巫、司几 宗人、家宗人、守祧、職喪、冢人、太祝、小 官,❷又用舊大宗伯、小宗伯、肆 天府、典瑞、典同、司服、車僕、司常十一 中, 進以 師、弁師、司弓矢、稾人九官;王次點 人、夏采、掌舍、幕 小史、典命、司尊彝、鬱人、鬯人、典祀、都 六 + , 《考注》於 雞人、世 補 以《 婦婦 人、掌次、 方氏 俞、 、内宗、外 地 官》封 九,俞 Ŧ. Ш 所 氏、弁 女祝、 師、夏 師 删 川 庭 人、牧人、 師、太史、 宗、巾車 十九官 椿 師、祭 師、屨 甸 師 六 删 師 + 又 邍 出

> 謂犬人一官當屬《冬官》,環人一官當與 儀、行夫、掌客、掌訝、掌交七官; 官》銜枚氏、司隸、罪隸、 出小子、羊人、司爟、掌畜、諸子、◆ 删出量人一官; 十有六,俞庭椿删 七官,6共爲官者五 氏、訓方氏、形方氏、 氏、小臣、祭僕、御僕、弁師 有九;《考注》則進以 司馬二十二官, 丘吉甫因定其 出大行人、小行人、 十五 Щ 司弓矢一官,而 師、川 閩隸、夷隸、貉 《秋官》之屬 職 師、 而 方氏 八官爲 補 邍 王次 以 土 師 節 Ŧi. 點 秋 隸 方 服 + 司 删 王

<sup>■「</sup>十九」,原作「十八」,據薈要本及上文改。

<sup>「</sup>典同」,薈要本無。「一」,原脱,據四庫本補。

到「夏師」, 首要本無。《補正》按"「《周禮》無夏師, 當

<sup>「</sup>貉隸」、「隸」字原脱、據薈要本補」「子」、原脱、據薈要本、《補正》補。

服、典 行 氏、萍 爲 隸 爲 澤虞、丱人、角人、羽人、掌葛、掌染 人、均 掌皮十一 醫、司裘、典絲、典枲、染人、追師、屢人、 冢 司 共爲官者五十七。《冬官》舊亡,俞 而 十官,●則取之《地 人、場人、牧人、牛人、充人、載 夏官》環人合而爲一;丘吉甫因定其 ·夫、環人、象胥、掌客、掌訝、掌交十官, 五十有 人、墓大夫十官,則取之《春官》者也 空、小司空外,曰鼈人、獸人、獻 不亡,丘吉甫因定其官爲五十四,除 補以《地官》胥師、司虣、司稽、胥四官 罪 氏 瑞 、人、土均、稻人、山虞、林衡、 隸 伊 典 官,則 七;《考注》又删出 蠻 耆氏、大行 同、 隸 貉 巾 取之《天官》者 車、 官 、隸、夷 》者 典 人、小 路、 也 隸 , 車 行 司 銜 日 師 僕、司 也 烜 枚 雞 、艸人二 氏、 人、司 艸、 ]1] 王 司 氏、 日 衡 儀 有 大 雍 封 官 以 司

官》者 人、掌 長、里 泉府、 人、均 邍 形 鄉 **艸人、稻** 十七,除大、小司 四官,取之《夏官》者 人、場人、廪人、舍 取之《夏官》者也;犬人一官,則取之《秋 日 秋官》者曰 方氏 職 師、載師、縣師、 師、司弓矢、弁師、槀人、量人十 方氏、土方氏、形方氏、山 葛、掌 字、鄰 人、司 司 也。 山山 人、土 門、 《考注》又定《冬官》之屬 師 市、質 長、旅 染艸、掌炭、掌茶、掌蜃、 司 司民、雍氏、萍氏、柞氏、薙 、川師、邍 訓、 關 空外,取之《地官》者 人、倉 間師、遂師、遂大夫、遂 師、稍 人、 迹 掌 日 節、 人、丱人、角 廛人、賈 師,凡六官,取之 職 人、 人、委 縣 方氏、土方氏、 司 IE. 稼 師、 師、 鄙 凡四 人、羽 土 官 ]1[ 師、 肆 爲 均、 長、 「則 師 7 有 酇 五. 日

「二十」,原作「二十八」,據薈要本改。

0

人《

考

見

其

官 職 之 官 也 角 雜 以 退 之於此者,人之於彼 氏 是 師 師 人 司 而定之,又不 法 受 聯 攷 説 爲 六官,意 觀 幣 ; X 以 而 ,散之則 盞 之,凡 定 於 治 作 秋 大 所 司 司 春官 Ŧi. 司 官 馬 之, 王 謂 空 歷 之,天官聯 論 官。 徒教 也 一之辟 喪 之法作之,地官 而 府,地官 哉? 聯於某官者,即 各專其 聯 見 春 皆 紀之事 知 大抵 天官也 官 不 司 民,附於 又蒞 飲 某官之人於某官 口 聯 嗚 常贊 之, 官 聯 夏 事 如 夏 呼 總 ,合之 宰 官 此 官 春 天 ! 匠 司 稍 以 三百 官 夫 刑者、歸於 9 也 官 也 師 馬, 《 周 復 愚 人 與 聯 也 可 9 聯 , 則 有 聽 觀 六十之數, 巾 廛 縣 地 夏 職 删 夏 9 禮》之設 之,諸 各 坤 於司 官 官 量 喪 車 人 師 官 人爲某官 有 也 廬 聯 皮 以 人與 帥 也 世 者 士, 馬 將 所 冬官 齎 毛 官 儒 司 9 縣 聯 鬱 筋 由 於 馬 地 有 出 出 鄉 何 進

不似 耶 爲 T. 下,庶遵吾夫子史闕文之遺意云。」 冬官》,不 記 ? 一卷,雖 也 》, 正 若夫漢儒以《冬官》之闕 故故 一如龍 有 敢 子 真 選 所 失 官 似《冬官》者,亦略辨 註 其 以 Ŧi. 尾 補 官, 粘 而 但 以 退《考工 因 蜃 其 脊 而 舊 多多 補

仍

闕

記》

自

論

其

# 陳氏鳳梧《周禮合訓》

六卷。

存。

官。」 撫 緯 鳳 六 服 萬 地 梧 之才 自 群 此 邦 《周 巡 序 辟 日 制 禮 档 侯 禮 不 甸  $\sim$ 所 作樂之學, 承 書 由 德 几 作 . 征 也。 周 歸 弗 官》 于 庭 蓋 篤棐成 宗 日 周 周 綏 公以 厥 董 惟 王 兆 經 Œ 周 民 以 天 治 王

以 焉 屬 卿 者。 誤人五官者,悉取而歸之《冬官》。 注,賈公彦之疏莫有是正者。宋、元 《冬官》獨缺,已非 棋 成 注《周禮》諸書。 儒,如王次點、吴草 於六經,戰國諸侯惡其害己而欲去之,而 之書也。孔子傳周公之道,以《周禮 方正學、何椒丘復 金弗得,以《考工記》補之,雖有 集注》傳於世,益加密矣,然尚有未盡合 酌 致治。❶ 舒國裳所著《 ,再加校正,以 ,天下之治如運諸掌,故曰 率 某蚤 損益 屬 如 歲 咸 身使 其建官也,稽唐、虞,参三代, 有志《禮 得 其 臂, 圖 類 反覆 中,統以六官 釋》 全經矣。 相從,間 加考訂,有《正 ·廬,乃擇《冬官》之文 如 經 臂 而 考究,久之若 》,及仕、訪先 使 采擇之,於是 指 有未瑩,則 漢 周 1, 庶幾 人購 鄭康 公致太平 而分於各 誤》 我 水成之 周 有 以 儒 諸 朝 千 列 參 暨 得 訂

> 後,而 聖 建官之初意矣。 而 朝 講 稽古制 究 注則 馬, 存 則 治 康 所 動 成之 仍以《考工 謂 循 如如 舊,不 六典,學者潛心 有 忘 用 我, 古 記 也 影附 執 此 於是 方今 於 其

#### 吴氏昂《周禮音釋》

往

」,其庶幾乎

未見。

人。弘治乙丑進士,官至福建布政司。」陸元輔曰:「吴昂字德翼,號南溪,海鹽

魏氏校《周禮沿革傳》

六卷。

● 「致」,四庫本作「至」。

九八一

存。

其 渾 舉 太宰 諸 代 則 法 亦 民 盡 爲 心 挍 何 m 道 焉。 先 惟 善古 乎 攝 自 上,天 法 天 所 集 天 下 天 焉 厥 而 序 建 口 建六官,大綱 也、太宰一天也。 厥 百六十屬備矣,吾由 使 聖人之心 之 地萬物 大 日 公,不敢 置 V. 乎 私 E 天地 極 是故其 成 政 孰 三百六十屬 爲 意 人,爲 者乎 也。 重 夫《 便 民 奠位 ? 少以 立君之意荒 安,命之日 生 體 何 統 周 ? 秦 格 民 心 定 ) 官 萬 紀 暴 其 王 五 開 安 也? 矣, 行之則奚先? 以 物 有 私 一六官也 何 爲 由 太 在 顛 各 病 不 乃萬 爲 是 **W**. 重 是 法 1 純 止 民 者 實 矣。 世 世 而 而 肆 也 其 也 乎天心也 日 巾 始 目 得 得 六 在 所 是 ? 棄 聖 次 其 聖 其 後 故 E 官 人之 人 第 其 條 稽 有 兹 故 X 古 聖 心 於 心 古 作 典 謂 由 法 以 厥 貫

> 公,厥 其 定,與 自 吁 儒 私 未 舊 者 德之下 可 H 宇 他 者 能 章 會 莫 績 1 其 聖人大明,秦 宙 與 或 是 通 頗 興 迁 民 心 知 ? 之度 也 衰久矣, 爲 耶 因 遠 休 其 迺 惟 僭 ,自秦限之。 發 ? 則莫 息 朔 克 心 而 爲《沿革傳》,推 愚 明, 越 哉 闊 天 E 造, 乃 皆 也。 之敢 皇 事 挍 將 於 稽 規 图 皇 以 卓 事 有 不 古 規 敢 故 敢 其 尚 有 敏 更 情 待 襲 則 知 獻 苛。 聖人至公,秦以 日 作 7 與? 耶 秦 不 古 聖 因 雖 聖 ? 暇 惟 故 學 E 古 其 太平之典,曷 以 常 티 : 宇宙 都 子 毋 古 口 典 天 暨 惟 或 行 禮 經 挺 於 乃言 吾 治 創 自 於 以 簡 也, 英 念 守 皇 亂 今。 聖 奥, 成 底 求 其 甫 匪

0 疏》卷 底 可 四 原作 底 據 四 庫 本、 補 IE 及《 尚 書 注

兹惟太平之基。」 對越上帝, 曰予一念或私, 帝震怒之, 一對越上帝, 曰予一念或私, 帝震怒之, 一

《官職會通》

老

存。

經義考卷一百二十六終

弟子無錫顧衡文覆校

一九八

兀

# 經義考卷一百二十七

秀水朱彝尊

男 昆 田 校

韓 氏邦 奇、 魏氏 校《周

周

得其 漢氏之書,有缺者、補者、删正者、疏其義 傳舊矣,是之者以爲周之書,疑之者 沈懋孝序曰:「《周禮義疏》者, 生、莊渠魏 、稟,按 未 見 先 而 生所手 傳 焉。 定, 叙之曰 駕 部 : 郎 苑洛 韓 周 君 禮 以 韓 凝  $\forall$ Ž 爲 先 甫

《 韶 事 稱焉? 取 者 宜 行之,可 禮》於三數千年之前 合,思以繼日,坐以 是其父兄家法也,以公才敏,猶有行之不 公兼三王者也,公去禹、湯未 經禮、曲 我,我其東周」,夢寐如將見之,當時 禮》,今用之。』灼然有此書矣。 公 而 人雅言,有不先執 施設 日 何 發之者,亦各一家之説 舞》。 非《周 一冕而 從 :『文、武之政,布 ? 方今,竊嘗深 後之儒者不遡其源,乃 謂 禮 可焉,此 此 禮》 不達 三千、三 請衷以孔 不 间 用 於 何? 周 不 此 論 百者, 樂明 京,求其 純 待旦,况 者乎 子之論 思而微 矣。 用 又曰 在 周 矣 ? 非 方策。」夫方策 耳。 孔 . 禮 周 故 遠 哂 欲 子 郁 矣,故能知 欲取 孔子 之禮 之。 其 必合而 如 也、文、武 如如 吾學《 日 追述《周 郁 欲 孫 文 告魯 樂 夫 與門 有 古 又 伋 用 則 周 何 用 周 必 遺 稱 之

之才,因時設教而後可也。」周公、孔子之微意者,必有待於準今酌古

#### 楊氏慎《周官音詁》

卷

存。

字之訛刊,亦古典之巋 之,爲《周官音詁》 表出之者,亦學山 於學官,幸未經學究金根之謬改、麻 陵公乘之裨矣。其書不用於科舉,不 存而論之,固可以補天禄校文之缺 受學於揚雄,其《訓纂》之遺 慎自序曰:「《周禮》瀆亂不經之書也,前 人論之詳矣。其中多奇字古音,蓋劉 一編。」 簣之 然 虧 靈 乎? 有 光 在 也 一,顧 於是者, 乃 ,爲召 沙俗 手 列 有

#### 余氏本《周禮考誤

馬氏理《周禮注解

未見。

舒氏芬《周禮定本》

十三卷。

宋不足徵也,吾學《周禮》,今用之,吾從之禮而損益之,郁郁乎其文也。仲尼方自序曰:「夫《周禮》者,周公監夏、商

不逮也 制作 夫進 庶 取 録 卷、《六官圖 也。 周 六卷,總之十 好是書, 迄 表章遺經、於此蓋闕如 儀禮》、《戴記 成 \_\_ 幾奉以周旋,不負習學之初心也。 耐 附 久矣! 講 蓋 正經,重 而 之,錯 一,乃隨 經 思 善之也。 筵,請 見其人也。 今班 釋》一卷、《剔 吾 ·有三 所 於 加 並 窺測,作爲《五 不 他 挍 白 立學官,以 公訂,其 復夢 又 一卷,題 官 懼 行。 日 1者,編 東漢 魄 也。 。 「基 宋興,大儒 見周公。」蓋 有逸於他書者, 氣 曰《周禮定 僞 傳弟子 而 衰 而 予自弱冠 》一卷;既 下,是 矣! IE 官叙辨》五 而 之,仍分 誦 輩 本 書 則 記 善 吾 若 乃 其 之 即 斯 衰 與

### 季氏本《讀禮疑圖》

六卷。

存。

者也。 得 亦以 何 世之制、迂儒之談,而非由大本 止 之征、力役之征,君子用其 玄以爲周公致太平之迹,而朱子深信之, 非,至林孝存則曰『末世瀆亂 本自序曰 三者之外,别 行』,又謂『周公晚年作此 此、蓋其 差,又謂 休則曰『六國 爲周公遺典, 當漢武時,其書始出,衆儒 :「孟子曰: 書成於戰國之士,中 無 禮 征焉。 陰謀之書」。 W 又以爲聖人所作必不 『有 書 《周禮》 亦 布縷之征、粟米 是起 ,小處或未及 一,緩其 不 惟 之征 以 間 驗之書」, 草, 劉 共排 行 多 歆、 未曾 則不 達 雜 鄭 其 道 邪

文之興,厥有

會也。」

爲主。 世乎? 明本原,下評歷代之事以備參攷云。」 見禮意 疑者爲圖,旁引以辨證之,而一以《孟子》 通之,亦近於遁 改」,則以《周禮》爲未定之書也。孔子 述六經 焉,其後三卷則上叙 ,以正人心,豈其存未定之禮 書凡六卷,其前三卷《疑 知《周禮》之不可 辭矣。予故即 通 而 孟子之言以 平日之所 强 圖》具在 以 以 一説 删 惑

### 陳氏深《周禮訓雋》

十卷。

存。

《周禮訓注》

十八卷。

興

人。

嘉靖

爲 爲 夏、殷則見唐、虞矣。故夏、殷者,吾之前 夏、殷、宗父也、舉唐、虞則失夏、殷、舉 事,宗父能道之。 損益之,不視唐、虞而視夏、殷者,以見聞 帝莫盛於唐、虞,夫子乃近取諸夏、 言,孔子之意也。 或繼周者,雖百世可 觀孔子之告子張:『殷因於夏禮,所損益 則於粲然者矣,後王是也。 深自序曰:「荀卿有言:『欲觀聖王之迹, 可知也,周因於殷禮,所損益可知也 師也。 之語,則子弟不 夫高曾之事杳而 且夫道莫盛於五帝,五 唐、虞者,高曾也,而 期 知也。」乃知荀卿之 而 事人之君也。」及 自 喻 難尋,以宗父 舍後王而道 ,故高曾之 殷 其 耐

一九八七

之國 夏、殷 殷 秦 也 道 其 九 損 從夏、殷 夏 行 百 而 殷之禮已不可考, 而 春 道 之 諸 益 ,是故之宋, 周 所 也 秋 而 湯之諸 周 以 禮 遺 僅十有 禹 大 侯 影,孔 之禮 是 周之諸 蓋 合塗 猶 繩 典 歸 所 而 故之杞,而 居 千 當世之諸 在魯也,孔 也 商 備 侯 損 子 從 禮 1 Ш 者 侯盡 於周 周 益 又失其 從 **\***, 一,未 百 0 而 自周 三千 者 以 周 周 或 玉 不足徵 ,從周 治 失 幾 1,孔子 公 而 而 帛 不 侯 公六百 矣。 子乃 民 而 監 半 而 禹 作 夫子欲 萬 足 者,皆周公之遺 合 之諸 ; 會 也 夏 臨 國 所 微 也。」當 所 爲 稱 所失者 及 凡 孟 以 諸 ,及湯之黜 也 以 餘 殷 七 春 從周  $\Box$ 津 侯 從夏、殷 侯 9 其 法 年至孔 或 而 者 己 秋 我 是 者 後王 所 作 号 止 失 我 矣。 卒 而 時 欲 皆 因 也 欲 其 於 獨 冠 觀 併 子, 也。 也。 夏 不 帶 典. 所 觀 凡 + 殷 其 於

去周 周 形 不 與 之返 諸 也。 嘗 治乎? 亡 師 天 周 下 、聖人 ? 之天 爲 不 矣 而 而 侯 禮》,周 存 有王 故故 後 意 也 禮 公二千五 ? 奚 乎歷 今之 之,勢未 世 亦 下 故孔子 其 固 而 併 者 亡 岢 慮 可謂 之聖 書 不 與 世 聖 起 視 變, 名 知 如 即 其 相 百 ^ 人作禮 而 也? X 極 目 日 是 周 治 極 而 周 沿 年 損 作 治 爲 公、 諸 而 而 周禮 禮 之 益 雖 矣,以 也 先 而《 後 宜 侯 内 執今之法以 不知 仲 之, 百 之, 於 之 以 王 猶 循 周 尼 世 治 何 法 制 周 而 周 有 官 聖 復 口 而 其 斯 世 變 之 非 而 之視 「》之遺 ^ 知 人 起 舉之,有 周 禍 也。 禮 而 世 失 已矣, 也」。 弗 禮 之 御 之。 治 不 不 世 唐、 爲 周 之禮 事 今之 能 意 **>** 至 周 也 也 虞 餘 未 今 之 之 未 此 固 使 唐

王氏樵《周官私録

未見。

王氏圻《續定周禮全經 集注》

十四卷。

存。

唐氏樞《周禮

因論》

得也。」

此如鍥舟而求劍,舟已行矣,而劍不

可

井田、不肉刑,終不足以治天下。』嗚呼

附於《冬官》之後。楊鶴、許樂善、錢龍錫 凡五官所載有關 黄虞稷曰:「因 而彙之爲《冬官》,以《考工記》三十一條 柯尚遷之書而重爲更定, 於工者四十有二,則擷

圻《自序》曰:「《冬官》雜見五官之説,所 倡之,而吴公澄、丘公葵、何公喬新、柯公 從來遠矣。自臨川俞壽翁、永嘉王次點

爲之序。」

得之矣。乃有儒者之言曰: 『不封建、不

弊隨之,其所因、其所損

益,當自宗父

而

也,世遠而莫稽,義深

而

難竟,一不當則

羅氏洪先《周禮疑》

九八九

按

兩 浙

屬有司

采瓊 尚 也。 儒 造作營繕 依注疏,章句仍 此懼,復就諸家 張太過,決擇未精,如改五物爲五典, 者,裒而歸之《冬官》,似 用禮者得 下系以注釋,則又全宗鄭、賈,而 下卷,庶幾可 乎有關 有二三,而《司徒》一官幾成缺典。 (冬官》上卷,而《考工記》三十一條 夏官》專職,而 一世婦、二環 論 遷各以己意考《司 Ш 説各以類附,不敢憑 迨明設官 邦土者四十有二, 丘 有所稽 所係,仍附於《冬官》之後 氏 所 人爲 稱 分職 條 所 本聖經,其五官 移屬《天官》,諸 六典全 據 奏 去 者 而 取 多與《周官》脗 目,司士、 空》 取 互見篇 重加訂正,官序 書。 則焉,即 亦詳矣,惜其 職 臆見 則 事 至於經文之 擷 末, 雜 司 而 而 所 如 俾後 淆聖 歷 禄 在 孔子從 彙之爲 載 此 列 合, 余爲 代 又皆 實 他 類 斷 經 諸 悉 + 官 之 乃 爲 斷 古 并 更

偶 湮没無聞,一 而 付之剞劂 周之遺意 俞、王、丘、何諸 閱是編 氏,不惟 ,謂足以信今而 也 何幸哉。」 弱水楊公奉 圻 君子删定之功,亦不致 補 葺微勞藉以表見, 傳後,因 命 來

# 何氏廷矩《禮意大全》

未見。

《存羊録》

十卷。 未見。

黄虞 公甫弟子。 稷 日 二書皆本之《周 廷 矩,字 時 振,番 禮》。」 国 禺 諸 陳

## 李氏如玉《周禮會注》

十五卷。

年 黄 ,遣其子 冠帶。」 虞稷曰: 存。 詣 如 闕 玉 進 同 安 詔 縣 有 儒 司 士。 以禮獎之, 嘉靖八

# 柯氏尚遷《周禮全經釋原》

十四卷。內《源流叙論》一卷,《通論》一卷。

存。

工記 玄更相發明,聖王之制復見於後世 尚遷《自序》曰 棄於秦,漸出於漢,惟 》,劉歆傳之,杜子春訓 . 周 禮》晦 存五官 蝕 之,鄭 而 於 補 戰 前 衆、 以《 或 考 卒 鄭 毁

者安石 遂、井 《冬官》未嘗亡也,何必購以千金,又何爲 椒 官》不亡,散於五官之中 補以《考工記》? 道、横渠又決欲 爲不明而果於非聖矣。 謀之書,又有 其所也 也,心與政離。 亂 不 職 伸其説,永嘉王氏、臨川吴氏、清源 就,故微辭奥義未及論著,君子惜焉。 識聖心之淵微 明不 以 丘 《司空》錯於他官 何氏咸宗之,各於五官之中雜 補《冬官》。人持所見,各自爲編, 田 乎? 行者何哉? 格於悖説,未之正也; 况於 漢、唐之儒 以 ,斷之以爲周公遺典, 假 既荒其原,不明不行,固 爲漢儒附會之説, 行之,以復三代,有 加 宋 用者王莽、誤 ,未之分 俞 其 固 不 -,作《 庭 獨程、朱大儒 有以 明 椿氏始 也 也 復古 爲 其不 簡 則 而 戰 謂《冬 丘 編 建、 取 志 札 而 用 或 又 氏、 夫 均 之 行 不 陰 淆 則 鄉 洞 明

月。 大端既 世太 之疑 俞 屬 古今相傳,漢 舉 知 觀 之,發鄙 以下皆 空》之職,則《冬官》復矣。 之同乎六十,取《地官》土地之事爲《大 度,乃分遂 五 周 庭 官之中,於是取四十九官以補《冬官》 俱 而 何 遂 禮》雖 ~,無乃 椿氏 人 平 雜於《大司徒》之中,遂起千古不 可 以 次 明 又曰 無 者 見以原之,庶幾聖人作經以 類 存 於掌節之後,而《大司空》之職 下《地官》之半,實《冬官》也 以爲《冬官》未嘗亡,實 府 爲 則 人以 戰 見 紛 史胥徒,而 本 封 國 不亡矣 | | | | | | | | | 矣,乃敢 建、井 猶在 諸 下爲《冬官》,而 紜舛錯 侯之所 禮》是周 ,不敢移易。 哉 田 集諸 與 ! 幾不 知 亂乎? 又以鄉遂大夫 夫賢 其 公之遺 嘉 儒 可 在 靖 之訓 能 證 讀 民 Z 雜 至 征 其 遷 矣。 之官 典 巳二 一税之 臨 開 序 不 出 以 也 司 官 於 釋 自 決 萬 今 111

於近 遺。 之職 之闕 嘉王 勛 《司空》。至本 臨 移易哉 事皆人《冬官》,則 職之前,以大司 置各職之首,大加 官之序,親 文逐句 十二教之上,并去序官之文,始以 周 、司士、太史之屬皆 川吴氏又於《大司徒》補《孟 禮 一次點 時有《周禮 ,著《復古編 至元泰定間 又分《大司  $\approx$ ,删合,分别真 聖 又 出 王 作 於周公之所裁定,豈容一 壞於諸侯害己之惡,遂合 朝椒丘何氏又復序官於諸 經 冷周 剔 樂 淡 ,清源丘吉甫 徒》之半以 世 更定,名以《全書》。 僞》之作,又於諸 略 爲 禮訂 大 僞,奪彼 伸其説。 倣我朝 《司徒》之教 典,諸 人《天官》,工作 義》以 爲《 制 與 職 子》 嘉 補 度矣。 又 此 之文, 大 熙 以 遂 俞 矣。 五 前 司 間 職 序官 典 氏 人 空》 毫 夫 之 於 之 之 而 永 至 司

數定 備 衆説 覃 禮 斂 位 儒 《冬官》於《地官》,使六典 肆 救之教 雍 미 逐 未嘗更也,至於《剔 王、丘、吴、何 之職 思,爲 法 句 師 塞。 爲 ; **》**雖 傳習尚 攷 法 書也 逐字皆可去取 9 而 而 存,不過古人之事料,隨人意見 鄉 取《司 軍 而 是故 折 與 明 日 師 遂 制 在 党先王 其衷,洗千年之晦 存古本也,至宋 學校舉 3 既 以 %復遂. 復 以 8 職 久,似 雖各自 馬 下 以 之 下 9 法》以 爲 九 辨 位 爲 人以下爲《冬官》 , 經 比 六十屬 九 鄉 爲》、《 而 表宰夫、鄉 有得其要領, 更易矣。 世之 爲 爲 功 官 封 明 書,然諸 非 九等之稽上、中、 建 井 而 典 圖 俞 淆 而 九職 定; 位 牧之 蝕,決諸 哉 闕 氏 三百六十之 釋》之書, 職 是今之《周 ? 0 師、遂 再亂 之税 推 職 明 制、 乃 之文 幸 師 而 愚 ; 矣, 簡 保 發 儒 敢 六 研 而 而 師 皆 稽 在 典 則 賦 之 會 精 則 漢 諫

> 義,則 於 氏 其 世 此 爲古《雲門》、《大韶》之樂,則 下 原》,前 陸 經之大旨敷暢闡 釋之後, 六官目 他 所未明者,敢竭 皆《周禮》之大綱,周公之精 辨天地分合祀之非 元 地 鄭氏 先儒 輔 有三 質之胡 曰 列《序》 之類, 與鄙 問》 之論 : 類,而授 晉 四 氏之論 能 原 有 篇、《 安 一篇 明焉 》相: 推 可 柯 鄙 田 明 采 尚 見作《原》以 全 , 征 錯, 爾。 大 以 遷 推 經 源 役之施舍審。 如 義 非 撰《 明郊社、禘嘗之 司 綱 流 嘉 葉 者 敢 樂 靖 氏 領》十二條、 序 周 聞 繁也, 意 三宫之制 丙午。」 論 俱 禮 丘 發 之 所 書  $\forall$ 全 河明之, 氏、李 在、後 師 於 經釋 俾 篇 説 所 至 聖

0

<sup>●「</sup>六」,原作「大」,據薈要本改

<sup>「</sup>俞」,原作「余」,據薈要本、《補正》改。

③ 「辨」,原作「辨」,據薈要本改。

官》二 Ш 黄虞稷 官》、《秋 同禮 原 一卷,《 通 凡 日 論 官 例 》、《周禮通令續論》各一卷。 地官》 **\*** 》共三卷、《冬官》 七條 一尚 遷 及《 一卷,《 字 先儒 喬 春官》三卷、《 可,長樂陽 姓 氏考》, 一卷,末 《天 附 夏 石

#### 金氏瑶《周禮述注》

六卷。

於夏。 也,因 蠢 天之所秩而 典禮,夷之禮 瑶自序曰:「《周禮》,周之禮乎? 蠕 存。 蠕 一於殷。 然則 若 不 見 性有之乎? 人之初生 夏 又 殷之禮乎? 所 之禮矣,曰 必 謂禮者,而禮之全體大 有 所因。 曰 : 虞之伯夷 求其端 非 日 也 也 其 非 E 大

莫 焉。 情 流 中、 也,而 覲 文,非 用 大 獻 情之發有不容已者。 焉,卒至於三百、三千 止、揖讓、登降、授受、拜答、問對,莫非 莫非人也,而莫不有禮也。 自王、后、公、孤、大夫、士,而下及衆庶 欲不尚之,不可得也。 如 非 行 情 貢、 已含於中。 四 其既 Ë 而 天 不能 郊 也。 莫 頫 同、賓客、軍 無微 家 地 聘 不 都鄙 所 而 也,文生 周焉 有禮 無 不 無 治 親 小 被。 所 地 蓋 疎、 也。 能尚之也, 而 遠 生不 不 也 旅、 縱横 焉 而 交際、辭令、送迎、進 厚 包, 近 而 六 薄 而 能 喪 如 今觀之《周禮》,上 加 周 莫 服 曲 又其 是 猶 紀 無 貴 宮寢、 匝 不 又遠 折 質 莫 説 性 賤 大而 不 如 有 田 既 敝 者 可已,是 泰 禮 役、燕射 性 而 ·相參涉 殿 也 祭祀、朝 而 而 和 不 也 禮 庭、 文興 四 文 元 周 能 從 氣 或 皆 盛 尚 事 牛 無 見

馬

卒不

. 得

小

試

有

遺

恨

也

遂

成

此

存

覺

有

見

大

抵

襲

得

漢

鄭

此

孔

子

所

以

有

郁

郁

乎

在

成

周

宇

宙

間

猗

與

盛

哉

猗

爲

博

1

弟子

嘗

剽《

 $\overline{\pi}$ 

經

一》之文

베

不

説

於《

禮

記

 $\leq$ 

又求

之《儀

文』之嘆 乎其 禮 設 草 以 舉 然 ; 者 與 1 畿 而 ×, 叙 無 資 於下 明 子 謂 浩 木 盛 而 而 而 世 五. 列 禮 亦 滲 進 哉 著 夢 有 乎 各 番 泰 典 人 或 漏 取 當 之 寐 治 其 皆 歲 易 聯 事 滴 和 如 業 之制 於 編 隨 鄭 氏 事 足 卷 逆 數 與 辭 於 雖 肵 於 元 是 遂 未 嚴 古 句 鄭 以 嘆 列 挂 其 慨 一索《周 非 建 别 能 及 時 作 嗟 所 日 沿 吴 然 則 而 此 者 也。 古 夫 3 . 見 鄭 官 氏 復 其 郡 見 亦 00 不溺 如 日 胸 因 其 禮 縣 疏 有 至 不 不 是 明 晚 亟 紀 中 ^ 志 念 哉 悖 求 官 易,聳 w 乎 周 何 在 欲 井 誦之,見其 之, 其 藴 焉 日 之, 於 文 有 情 禮 氏 林 吅 田 有 有 : 古 乎 定 積 H 其 然異 下  $\equiv$ 檢 而 本 天 ; 1 税 職 是 周 + 時 門 復 疏 之 下 乎 不 亦 畝 不 有 公 體 之日 事 舊 而 ? 不 狥 古今之 イ首 與 而 可 日 古 爲  $\equiv$ 備 笥 於 有 拂 諸 以 及 載 今不 周 維 定 文 乎 時 . 而 疏 子 不 漸 僅 省 大 之 度 周 情 制 王

者

皆

所

以

經

綸

其

間

以

翼

其

至

是

時

也

君

臣

1

F

合

爲

L)

Ŧ

爲

體

中

或

要

荒

混

爲

家

古

兵、

明

刑

興

事

攘

攘

籍

籍

雜

教

珰

爲

之本

其

他

若

設

官

職

其

性

一,各足

其

分,

而

莫

知

爲

之者

乾

坤

定

位

而

Ш

111

人物、

鳥

獸

無

畔

岸

茫

乎

其

無

端

緒

混

加

究

其

所

歸

不

外

乎

立

極

言,

簡

如如

日

月

之

懸

象

造

化

之顯

口

知

口

從

大綱正

於

E

萬

目

其

中

之

建

或

聖

൬

亦

不

不

襲

如

春

夏

秋

冬錯

行

而

各

有

所

歸

九 九 Ti.

同

베

書

也

阻

於

舉

者,

義

IF.

復

掩

姓

譚

禮

官 而 而 大 何也 生 爲 經 理 文, 大法 必 IE. 别 猶 千 漢 剪 古 ^ 人 周 裁 之 禮》之文,流 而 附 日 然天 · , 爲 會累 花 周 之 禮 質 也 與 自 不 色 心 列 夫 雖 胸 之 附 於 肖 隨 會 學

物

而

賦

濃

淡

繁

簡

渾

成;

附

會

句

存。

作 則 悉 〈禮》若· 者 出 乖 於 模 然 自 情 竊 而 己 揣 不 不 出 摩 乖 乖 於 之 耐 於 體 久 情 外 則 有 則 紬繹之深, 乖 所附 乖 於義,不 於辭 真 如 遂 子 乖 贅 於 雖 疣 此 非 義

禮 F 方 **₹**? 翹 首盛周 方今聖天 之治 子 瑶 在 Ŀ, 不 揣 以 禮 僭 治 天 是 下 編 請 天

經

吾

目

便

可

指

摘

如

之

何

可

以

亂

周

治 明 正 於 亦 於 君 世 未 子 必 則 無 倘 贵 小 大 惟 補 是 吾 云。 而 道 得 之幸 使 此 9 而 ^ 禮》 於 或 焕 家 然 復

之

黄 中 選 虞 貢 稷 生 日 官 廣 瑶 西 字 衛 德 經 温 歷 休休 寧 嘉

靖

至其

物

必有

則,事必

有司

其

作

止

有

#### 王 氏 應 電 周

若。 代,爰 應電 官共 多 周 者 如 王 損 來 者 難 不 益 公之時, Ŧi. 聞 今其 其 日 相 者 所 行 自 建 蓋 序 其 沿 所 之 乘 憂 六 政 樂 值 綱 之 氣 日 患 官 世 何 六 前 機 之 條 也 也 時 有 各 時 也 具. 深 職 其 天 也 升 率 也 H 在 修 地 所 ? 降 其 帝 月 其 之 其 以 而 防 當 之 屬 治 故 王 .道 貞 天 人存, 慮 殷 之 道 Ŧi. 法 下 夫 貞 以 也 之末 帝 不 道 貞 太 觀 倡 周 貞 與 者 不 明 焉 和 則 九 焉 造,成之 推 同 其 牧。六 監 則 萬 베 焉 禮 移 政 於 萬 而 變 物 也 古 舉 咸 易 往 m

之注 精 是 詆 者 自 見 政 E 名 爾 庶 其 前 内 時 毁,竊 乎 討 爲 前 作 密 書之罪人也。 ,分隸以 其異不見其 用 外之交際,禮之叙 其 治 書, 泥 後之學《禮》者 加 嗚 者莫之先,後作者莫之繼,時 措 釋 而 師 呼 有 質之經,久之若有 先王 其 至 置 先王之良 其 通 其 根 糟 之 於 有 名 意 補《冬官》之缺,紛 柢 制 粕 三百六十屬洋洋乎 鹵 以 所 不揆 不 同。 得 作幸 用濟 莽求之,不 盡 師 應電 君 以 法,知 利 諸 其 乃欲 ·而未 我 臣 取 ,樂之和,郁 其 道 迹 惑焉, 既 非 上下之交 衷,不失之太遠 墜者 私 析其合同 類 玩 其 英 所 用 卒 君 習 得 分不 會 其 以 誦 有 其 紛 有 歸 碩 通 意 當 其 知其 演 年,不 臆 輔 者 義 是 郁 廢 世 文 不 而化 安 經 見 乎文 敬 弛 之 不 焉 男女 用 大 孰 在 合, 云 質 生 弊 究 其 而 理 而

> 舊 爲 職 不 與 貞 家之情,養民、治兵、敷教、治賢之方, 子、廟朝、宮衛之式, ②君臣 夏之忠, 於此 遺 一爲 觀、 利 各正、六官聯 詳 新 日 ? 月 教 於 愚 百 所 共 兼 會 世 董 爲 傳 考 陳 子 可 者 貞 而 事 而 有 知矣。」乃若天王、后、 不 、明者 之 謹 不 言 悖,是 法 終 在 : 密 也。 如 兹 少 始,五 乎? 則 於 損 同體、宇宙 徵古驗今, 與天 理 周 常 財 之文, 地 並 而 共 V. 以 爲 百 世 推 耐 義 用

觀 秋,先 楊 公,尤嗜《周 豫孫 因 生 以 日 考互諸家之注 攜 : 其 禮 明 書 》,乃 齋 訪 王先生受業 余 以 神 其 疏 暇 鼉 作 其 Ш 《傳 同 中, 於魏 異 遂 恭 獲 較 **±** 縱 簡 相

<sup>●「</sup>詁」、原作「話」、據四庫本、王應電《周禮傳》序(清文

② 「式」、原作「失」、據王應電《周禮傳》序改。

聖人 聖 先 久 傳 蓋 狗。 官之相資, 時 半 考工》之不録,及不 矣,《 生 所 者 先 蓋 與與 急者 雖 汲 惟缺 至於 生之學, 先 周 汲 其 往 生未 禮》雖 肾能 六 臣 講 此 四民 而 求 飲、 民 嘗 其 得 耳。 \*,若 之心 心 以 九穀、 之相 泥 禮 在 猶 可 嗟 百姓之欲 注 之本 孰 相 運 可 乎 會 疏 轄 屋 得 見 掌 爲 國 1 也 , 粟、夫 劉、 融 於 也 而 服 冬官》之不 禮之不 日 液 用之哉? 破先儒之争 諸 其最要者,六 鄭 暮 篇 之所 征 而 者, 宛 虚 之 非 不 類 亦 然 行 有 補 以 能 爲 覩 也 所

所 月 言。 巧 暇 嘗 子 有 旋 鑱 獲 寅 之勤 言 所 辨 媿 前 秋 鏤 爲 卒 稱 訂 • 業 固 夫 刻 挾 更 古 舉 君 易 正哉 以 欲 僻 繡 師 古 已近近 見 册 亦 王君 或或 莫能 説 有異 色 時 其 南 播 矣。」 持 理 言 出 遷 遊 而 十數 煽 然欲 竟 敷 、同,宜· 詰 如 要其 俾予 摇 日 紛 戊 難 盤 寒暑 於 求 不 午 根 是 即 訂 在 中 聖人之旨者 解 耳. 夏, 樛 非 令白 之勤 IE. 所 有 而 ,凡三月 枝 不 凌 避 子, 異 斷 虎 屑 駕 附 暑 同 遭 而 諸 以 或言 也 其 麗 蓮 子 多故 己 而 儒 E 洞 宛 其 以 即 後 肆 也 轉 君 能 志 出 其 不 甲

事 黄 王 會 魏 虞 通》、 校 稷 日 善 《學周 釋 經 應電 翼 禮 傳者 法》、《治 字 昭 《冬官 明 地 崑 事 補 Ш 宜》、 義 ×, « ^ 握 天 師

釋

其

大

推

Ŧi.

官

離

合之故

黜

諸

家

脱

誤

之

利

害

乏

所

歸

因

顯

而

遂

探

其

微

即

細

愐

并

凡

爲言三十

· 餘 萬

其

間

原

制

度

之

由

起,究

注

未

盡

聖人

八之旨

乃

更

覃

研

累十

數

寒

羅

洪

先

日

崑

Ш

王

君

明

齋

病

^

周

禮

舊

疑

以

爲

白

世

繼

周

而

治者

必出

於此

雖

有七。應電又著《五經繹》,佚,不傳。」機經傳》、《非周禮辨》、《經傳正誤》,其目

#### 《周禮圖説》

一卷

存。

者 哉 廢 位 弊,皆不考經文之過 爲男女之形,而 能言者,非 應電自序曰 言所不能盡者,述之如左。 象。 也。 大方隔,而溝 亦非書 作者 舊嘗 道 行 不自 無 圖 : 有《 於 以 無 「古稱左圖右 地 知 洫 盡 周 章 以 里 其 仍 其 服 禮 彰 職方,統 非,而 不分,然則奚 意,此古 其形 仍 圖 也 不明 》矣, 子 , 觀 書,凡 紀 理 因 ; 如 圖 者 X 井 於 原 於 冕 所 所 亦 於 邑 六官分 經 莫 以 服 不 書 以 能 天 出 詰 啚 則 則 所 不 文 偏 畫 中 其 爲 類 類 不

> 昔人 貴,建 是 旂,討 心, 合, 未 經者 有 間 立 也 所 罪 極 學 井 觀 載 伍 有 於都宫朝堂。 立 子 覽 軍 兩,以 者幸或補其 師 而 旅、田 多 以 知 不 育 固 夫言外之意。 録 役,復系之以 才。 邦 也,今日所 本。 未備 郊社宗廟, 命 封 德 云。 土制 有 冕 載, 説,使治 嗚 以 禄 服 昔 萃 呼 以 皆 人 貴 車

#### 《學周禮法》

一卷。

存。

■「象」,原漫漶不清,據王應電《周禮傳》卷五《周禮圖

九九九九

#### 《非周禮辨》

一卷。

家; 辨 爲之更定,初若快意,似乎可觀,回 人之書本明也,而人自不明,各以其 辨》、《圖 決,雖欲自絶,於經 之人乍見不領略,遂置 善,其説淺陋,未見有的然不可破,才高 以愚觀之,胡氏謂太宰六十屬 若吴幼清、俞壽 何休輩不下 應電自序 析 參互演繹,集 精 存。 微 釋》、《剔僞》,繼之《定本》。 無 曰 數家,指 :「非《周 如季明德。 翁、王次點輩,亦不下數 成 何 摘瑕釁無 後出 損 禮》者, 哉 不復思,任 移易《周禮》者, ? 莫 如 若林孝存 舒 如 無一官完 氏 舒國裳。 胡 作《序 仁仲, 意 夫聖 視作 意 見 剖

> 害己 舊章。 移 古 《孟子》一書以爲權度,然孟子之學,識 於篇章,覽者自知 家之説爲之辨釋,因述 所通行,其籍藏於六官,孟子未嘗適 大者,使之當路,則其施爲必不泥周家之 者精義,其謬何啻千里。 而 不得 爲 而 况《周 魏,舊法豈 而 去其籍,齊之姜移 見。 禮》行乎王 其行於侯 所擇 有存者哉? 云。 所以差失之故,冠 國者,諸侯惡其 國,而非侯 而 季氏大旨,惟 爲 田,晉之姬 愚既取二 國之 周, 其

經義考卷一百二十七終

弟子吴縣吕戩穀覆校

秀水朱彝尊 男昆 田

徐氏即登《周禮説》

十四卷。

周

九

馮氏時可《周禮别説》

或謂 詆 即如議建都於《洛誥》,疑列爵於《周官》, 論宇文周、新莽、王安石竊附之而未効, 之大經大法,而何儒者之疑信參焉? 即登自序曰:「《周禮》一書,聖人治天下 而 闊 理財於太宰,或謂其略於大而詳於細, 略 其詳於制度而不及道化、嚴於職守 於人主之身,往往疑其非聖人之

施氏天麟《周禮通義

經義考卷

一百二十八

存。

陸 嘉淑 日 : 青陽人,字振 庵,隆 慶辛 未

黄虞 進 士。 稷

崇禎乙亥刊行,王

錫

衮

非能 惑已。 書,此 而 劉歆所 成法耶? 相成王 來,聖聖相承以治天下,而周公用之,輔 之爲民極,治之本也。 刑、事六典, ①分之爲各職, 治之法也, 合 職,以爲民極」乎? 是故治、教、禮、政 之書固在也,冠各官之篇首不曰『設官分 用敷錫厥庶民』者也。 『四方之極』,《洪範》所謂『皇建其有極 「在則人,亡則書」,今周公往矣,《周禮 周禮》爲聖人之書,不必考其六典之詳, 惟於『爲民極』之一言決之也。予之説 有加 ,則據兹經文,斷自己見,而 蓋 昔楊子以衆言之淆亂折 能、恐董、賈 ,以致太平。 外涉其藩 於訓詁之舊,而推信 若謂出於漢儒之附會,豈惟 耐 是書也,其公已試之 亦莫之能也,愚故斷 未入 極也者、《詩》所云 此自堯、舜執 其 扃, 其 其不 諸 不 爲周公 聖 敢 中以 知 而 狗 非 無 H

復古治者,其尚考信於斯。」諸儒疑似之論也。後之欲損益《周禮》以

#### 郝氏敬《周禮完解》

十二卷。

存。

氏應龍《考定古本周禮》

馬

六卷。

未見

曆壬辰進士,官禮部主事。」 黄虞稷曰:「應龍,字伯先,安丘人。萬

● 「治」,原脱,據薈要本補。

#### 周氏京《周禮句解》

未見。

黄虞稷曰:「沂州人,萬曆癸丑進士。」

# 陳氏林《周禮文物大全圖》

未見。

#### 郭 氏良翰《周 禮古本訂注》

六卷。

作而 良翰自序曰 周禮》獨不以秦而亡也,不用亡、用亦 嘆 存。 一六經 :「余既輯《周 何不 幸 一亡於 禮古本注》成 秦也,而

> 五官 《考工記》出 削乎? 文者近是。 以爲《冬官》,而五官亡矣; 謂《冬官》錯簡於五官,取其類《冬官》者 椿、王次點、丘葵、吴澄、何喬 亡、《周禮》之不幸也。 六官秦亡其一耳, 爰以弁《周禮》古本。」 五官,而六官俱亡矣。總之,五官 自漢李氏上之河間, 有錯簡,并取五官之肖五官者以參伍 無 加損 日: 或曰:然則《考工記》在所必 也。 節取其辭、《冬官》無庸贅, 而《冬官》亡矣。 吾之論《周禮》止於此 河間補以《考工》, 又謂五官 新五家,或 其後 不離 俞 於 庭 古 互.

最 輯 陸 不知《冬官》可以不補,五官必不可淆 今,無慮數十家,顧 後,而 元 其發凡云: 輔曰:「萬 紛割 爲尤甚,只爲缺 曆間, 莆中郭 《周禮》自漢、 五官補 本 少《冬官》, 良翰道 椒 唐 注 丘 何氏 疏 憲 至

成 Ŧī. 經 官自 乎? 存 冬官》 自 缺 何 必 强 臆 以 亂

#### 孫 氏攀《古周禮釋評》

六卷。

見得 竟 評 少 梅 有 本 遊 ,成《釋評 以證 鼎祚 論 窮 失,成一家之言,其用心良苦。 鄉 薦 戹 存。 者 以 校, 故 一可歎 老 聲著 有 》, 届 孫 疑 先 世 申公被徵之年 甚 則 校釋 於於 闕, 生 攀 載 要 以 以 籍 訓 一龍 靡 整 經 獲 所不 齊 卿卿 惟 異 周 善 大夫未 博, 禮 同, 先 則 生 擇 古 然 攷

其

則《周

禮

也。

六典

建

官

倫

要章

自

序

蓋先王制治之法

莫備

於

周

中

若

九

夫經野

則黄帝之井牧

9

九畿

分

荒 矣。 其 六官. 編 經 之 庭氏六官於《考工記》,而《 官》硩蔟氏、剪氏、赤菱氏、蟈氏、壺涿氏 又以《地官》遂人以下屬於《冬官》,黜 大 遂以《考工》補之。 官》五篇 鞠沈橭之屬 或 王次點因之,清源 書 微微 象 之,國朝旴 ,謂《冬官》不亡,雜出 則 則《禹 《考工 然鄉 無 刑 輪 而 缺, 昆 輿、陶冶、弓車、廬 得之煨燼 貢 大 記》特以 屬 蟲 而 亦亦不 美之 耐 江 艸 司 非 天 徒,而 木,無 何 弼 聖 丘 地 司 服 經 廢 之餘,失《冬官》一 記 臨 寇復 吉甫、臨川吴幼 焉。 , 之 語 ][ 幽 遂 不 Ŧi. 初 而諸 俞壽翁著《復古 而 屬 爲之經 五官之中,永嘉 加 刑 厄經秦 矣。 考工 梓 鬼 司 易 麗 君 諸 神 空 置, 民 晉 子 記》不入 畫 火, 遠 人 不 抑 安 雖 則 果 柯 清 即 附 若 又 而 虞 篇 周 秋 氏 可 於 於 又 焚 要 舜

還,納 乎? 未備。 即 《周禮》一道,獨不可欽遵德意 《周禮》非周公之書,豈非過歟? 《冬官》之逸與否,而周公之心法可覩矣。 皇帝當允輔臣之請,命天下棘闈 王介甫誤用以基宋禍,胡氏父子遂力詆 太平之跡,唐太宗以爲真聖人作,則 廢耶? 未能備 宋朱周翰氏依鄭本爲《句解》,猶有 者送之返,釋 竊自忘固 夫《周禮》者,鄭康成謂周公致 臠於周 陋 鼎,而愚者千慮,或有 , 偏閱諸家, 黜者逆之 而 評 之,便 而 考鏡 究 策 曩 心矣 世 無論 1 爾。 用 宗

## 應氏廷育《周禮輯説》

諒

焉。」

未見。

#### 袁氏表《周禮直解》

未見。

# 王氏志長《周禮注疏删翼》

三十卷。

存。

聖經羽翼。」書删節注疏之繁,而附以後儒之論,以備黄虞稷曰:「志長,字平仲,崑山人。其

承武烈者在於是。蓋用人理財之權,宫《周禮》,蔚然備一代之觀,所以顯文謨、葉培恕序略曰:「周公相孺子王,爰輯

● 「果」,薈要本作「俱」。

二〇〇五

000六

則《周 公之相 臂 例 之利哉? 相,宰相上之至尊,誰有不釐之弊、不播 府 官》籍,作《春 王 攷注》諸 使指 平仲先 而 教 藏 養 ·禮》一書,誠今日救時之策矣。」 諸 孺 禮樂 家、雖 子王也 生 讀《春秋 百執事上之六官,六官上之 第《補亡》、《 一有《周 兵 秋》 農,生殺之柄 有弋獲,終等説鈴。 ,昔孔子因諸侯之去《冬 以 》者,謂 禮 輔 删 之,裨 翼》一編,竊 復古》、《補 周 公之禮在是, 左 如 丘 身使臂 明 布凡 慕 遺 鹿 宰 乎 城

此以 鳥 意漫 可以 安萬 亦敬 之書,後世 民 拊乃古之雄 之譏,甚 之意以求之,則用意 金陵之禍 詞,不過摭拾餖 於成 能 其 禍 民 探精意於千載之上,舉 滅於語 六官之書不免纖 言蔽 天 周 爾 能 至 下 於宋也,悖其旨 太 生 恒挾之以 題 者多矣,夫新 也。 三代 萬 和 言文字之中 於殺人者,豈 以 間 民 飣以增華借 僞 妄 而 自 之所 哉? 爾 [經學 精 ; 殺 重 敬 屑,然荷 而 人, 或 失傳 -,於是 棄之,縱 **無** 群 也。 莽之禍 操 日 而 臣 可 潤 而 術 古古 0 有 哉 謂 岐 簡 措之,躋 而 古之人操 後 得 亦 過 岐 伯 已矣, 於漢 習 其 敬 聖 有 全 於 伯、俞 俞 其 故 瀆 E 經 重 民 其 也 又 之 拊 斯 文 亂 民 者 能 古 曰

然則

民

事

之外無

王事

矣。

古之王者以民

而

屏

於鄉,不啻己之探湯焉。

推而敬天,

爲

富

以

民之强

爲

强

一、民或

一不帥教

0

爲

萬

民

而作之君,君爲萬

民而設之六官

莫備

於周

之六官,今試考之。

太宰總掌

六典,其所治不出

邦國、官府、萬民。

天

志

長

自序

曰:「古先哲王治天下之規

模

禮注疏删翼》序(明崇禎十二年刻本)删。 [自]下,原有一空格,據四庫本、薈要本、王志長《周

必綴於後,非是勿取也。 旁及後儒諸書,苟足發明重民之微意者, 廢歸,讀是編凡再,録鄭、賈之文删之,又 "治術之卑,則經術之謬」也。予自甲戌 邑侯葉公見而

## 孫氏元化《周禮類編

四卷。

未見。

陸元 然在目,今抄本存余家。」 初陽撰,分類使人易覽,周家三百禮儀 河輔曰: 明 巡 漁無 都 御史嘉定孫 元化 粲

#### 張氏 睿卿《周禮約注》

陳氏仁錫《周禮 句

未見。

六卷。

稱善、書成、相釐正之、遂授之梓。」

諸家諸儒皆莫之見。 樂》章,景帝子河間獻王好古學,購得《周 帝召魏文侯時老樂工,因得《春官•大司 爲七,併於秦,周諸侯盡矣。 國,湯黜夏,歸商者三千,周蓋千八百國 仁錫自序日 秘書,始著於《録》,以《考工記》補《冬官》 官》五篇,武帝求 田説已不詳,幸其書出於文、景之代。文 亡,周亡禮亡。孟子,周末人也,公田、私 會孟津者八百,及春秋冠帶十二,未幾合 : 粤溯 遺書,上之,藏於秘府, 禹 哀帝時,劉歆校理 會 塗 諸侯盡 Щ, 玉 帛 而 周 萬

經 義 考

二00八

報 原》, 氏 官》之似以補《冬官》,《大司徒》之文十 隸 五 俞 補《冬官》者,凡 ,余乃 家 九,《 當 (何 某官,自 庭 尤謬。 1,故以 割遂 椿 香 氏 小 句 新 人 以《 司 何氏 本 爲 其 氏繼之,互有增損,大都 五家 以 徒 冬官 屬 之 後 下 ジ則 本行之,仍吴 作 解 王 目之下,各 本 四 自外 次點 外 盡 ·何氏 + 非 屬 去之。 職 闕 氏 最 屬 以 亦 而 丘 書 隸 後,爰書具 書 補《冬官》, 補 與《訓 柯氏 某 本 葵 之 舊 出 氏 者 隸 屬 作 一,而古 書舊 傷》之 剜《 吴 昉 釋 較 去 澄 宋 而 地

張氏采《周禮合解》

本

瞭然宜復。」

十八 存。卷。

亦豈盡 悠悠漫 啻斷 邪 自 用《周 《冬官》不亡、散見五官者 其後 采序 經 疏 鄭、杜,而今制 然使《冬官》既亡,守兹闕文,亦可 亦 而 小司 考工》可 周 IE 有 爲《 歲 ,嚴定取 禮義 鴻 治 月 陳、 日 (周官 禮》亂 周 徒》以補《冬官》。夫《冬官》即 否 大 無 漫, : 頸 禮 俞 寒,然: 仍 裨 》二十二卷, 剥 舍,其 判 辨 義》十餘萬言 諸 未 天下 周 忽 益 若 疑 琴紋, 家 得 不列 禮 使襞裂五官以示完備 蒼 復 則以 無過 專 取 後 **>** 素, 廢 不果,所 學官 大司 説 卷 儒 貽 興, 次 王 撰 得 以 熙寧中 議 輯 一安石 1,科舉 余 徒之半, 此 前 述 賈 攻 綴, 工其説 有 擬 以 雖 以 安 氏 識 楊中 合鄭 供採 設 序 石 彼 然 彙 意 之士 之詳 經 爲 嘗 者 爲 見 故 復 此 立先 注、 義 傳 録 注《新 從 全 紛 無 無 有 盡 局 編 紜, 書 賈 愧 謂 生 來 非 何 取 則

杳無 紫陽先生所謂 云 無 從 與 索 心 借 性 則 事」也。 『《周禮》 又 恥 乃家 爲 經 廣大精 生 乏藏 章 密,不 書 句 此 聊 可 爾 書 遂

置。 適 賈 人以 友 人所纂《 : 周 禮 注 疏 \* 相

爲諸儒襞裂,幾令人不及見古本節 示,余既卒業 而 嘆 日 『嗟夫 ! 《周 目。」 禮

今是 書也,行康 成 之學,將還 舊 觀 H. 其

於諸 益令正經顯白。 儒 移 置者, 但於漢、唐注疏 仍 爲標指, 以 著 外,有 訛 參 則

疏 考衆家、 因 題 釐 日 一人周 益 整 禮合 散 者, 解 ×, 則不得直名『 亟勸 廣 布 使 注 通

經之子知古本所繇。 曰 : 然則《 冬官》 其

遂亡乎? 政酷烈,與《周官》反,疾惡特 曰:『賈氏引: 秦禁挾 甚 八書,而以 欲 滅 其 絁

之,故《周官》最 今按《冬官》所屬 亡,又不盡 係秦禁,孟 後 ,皆應經理 出。 子曰 余以 諸 畝 爲《冬官》之 侯 澮 、度地量 去其籍

姑 今日 戰 居,則當井田不行,《冬官》已先漫没。 之《春秋》紀『夏五』,無怪也。」 國 乎?』故余謂 一時 固 不可詰,况於漢武之世,又况 闕《冬官》以安古本,猶

於

## 孫氏承澤《周禮

郎氏兆玉《注 釋 古周

六卷。

存。

他 觀 兆 H 玉 之用,雖 自 顯 序 慶 禮 日 也 一時經  $\sim$ 未 周 禮 見諸 制 w 者, 實 行 萬 猶 事 禩 唐 加 之有《 典衡 擬 貞 爲

義 考

天下 其 以 廣 率等於疣贅,莫之推考。余腐心久之,乃 學尚浮夸,設臯比、握鉛槧者,一 校 稽 書 亂」、『陰謀』之謗 往牒 事, 殺 直 青, 미 又烏 博 補 而 五 摭群 足 經 周 爲 爲 官》 説 周 六 無從置喙 ,命兒子 公病 威 也 儀 哉? 翼 不 矣。」 之星 善善 糾 今日 用 譌 切典禮 者 日 釐 者, 庶 蹶

#### 沈 氏 羽明《周禮

錢氏 駅《周禮説》

卷。 存。

#### 周禮答疑》

存。

瀆亂 哀帝 駅 自 序 日 雄 明於數千載之上,固 作也,非世俗之所行也,宜於古者 辭,幾不能自還以從實矣。 出於劉歆附益 棄之,何休以爲六國陰謀之書,或又謂 並出共排,自林孝 今,近於禮者遠於俗 ,故字多誕。 家之論,學者聽於其 時 不經之書,故作《十論 劉 歆始著於《録》、《略》,而諸 「《周禮》 以佐王莽, 歆學奇字於楊 而宋之儒 存 以 以爲武 已難 出最後,復藏秘府 辯、流於説 數 者並 矣。 千載 禮者,聖人之 帝 爲駁難 七難 仲尼 知 之下 其 而 》以 之作 盭 前 亂 末 於 於 成 排 之 世 儒

或以 傳者以 之作,奚可哉? 春秋》也,夏五 爲 無其 爲 闕文,故 義 而 郭公、 有其 故著數家之略以 疑 則 (辭,因 傳 甲 戌、 疑 以爲 蓋 己 <u>用</u>. 其 非聖人 中難 慎 之 屬 也

# 吴氏任臣《周禮大□》

凡所疑者就而答焉。

六卷。

未見。

### 吴氏治《周禮彙斷》

五卷。

存。

篇 治自序 則 河 日 間 獻 班 王 古 所 上五官 藝 文 志 而 || 周 附 以《考工 官》

編 闕 《周禮》六官,先王設五職以存體,而虚其 而無職 記 也,董仲舒亦云『陰常居大冬,積於空虚 國父以太宰爲平公築臺,而司城子罕 宰而城齊矣,召穆公平淮 空,召康公以太保而營洛矣,仲 爲之俯仰虞、周,歷 近似者補入《冬官》,又五官内剔其 日 不用之地,而時 在能者爲之,未有 行朴矣。凡《春秋》築城作邑,無慮數千 》也, 》,謂《冬官》錯簡 而不補, 『空』與『冬』,聖人之意見矣。《冬官》 職以待用耳。且命官而謂之冬,冬,藏 『《冬官》有 可 ,自昔已 知 何害? 五官爲 闕 出以 此 然。 專屬 晚宋俞庭椿作《復古 周 稽 全 五官之内,於是 佐陽」,故謂之司空。 溯大禹 公未 行 經 於司 事 亦命營謝矣,皇 成 非 相舜 知 之 有 空者也, 司 書 闕 Ш 猶 空 甫 也 也 不 有 繫 取 以 其 則 司 類 冢 官 或

者各 之,何 形 其 説 周 呼 絡 餘 顧 各異其 補 葵、吴澄,最 之,大非周公之舊矣。 自俞氏之求類也,而五官大亂 古本之不可不存也。」 大 乃 名 ! 環 年 E 亦 俞氏之未備 - , 豈能 不詳, 視 助 流 從 略」,蓋慎之也。 不 世遠 哉 源之書、崇仁之書、椒丘之書。 相中 其 也 爲 指,於是有臨川之書,有永嘉之 於 類 艸稟,人肆 三百六十之屬 有以 乃引《詩》 文 孟子, 孟子曰 後 者,作私 湮,即 何 夫《 信其必然哉? 此五家者,人 喬 周 周 : 新 有 而 官 况今去周二千五 末 「惟 其 論 相 懸 × 人 想像言之,日『 筆,舞 其 以 繼 列 助 疑,闕 也,公田 後 駁 而 職 而 爲 辨  $\pm$ 無 有 各持所見, 損 ,以古本校 智 其 吾是以 所 焉 次點、丘 之 益 公 加 精 可 之,以 不 미 田 私 紛 神 耳。 通 耳。 見 嗚 裂 此 百 田 雖 脉

> 繆 藏 泳 於家,未刊行。 日 : 吴治, 字 道 輿, 嘉 興 縣學生 其

#### 萬氏斯大《周官 辨非

存。

崇禎 有故 則。 學於黄梨洲,究心 陸 意晚年見此奇特。」 周公之書,舉其可疑者辨駁之,凡五十五 元 輔 ,言之成理,梨 或舉吴氏之説,或獨 丙子舉人,萬 . 四 明 經學。 泰履安之第 諸 洲 生 極 萬 稱許之,以 抒 以《周官》爲 斯 己見,皆持之 大 六子 充 宗 也 爲 非

學,湛 經 黄宗羲曰: 非 悟 思 傳、注 諸 經,以 「充宗生 之失則不能 爲 逢 非 通 喪亂,不 諸 通 經 經,非 不 爲 能 科舉之 以 通 經

經義考卷一百二十八終 商》二卷、《禮記偶箋》三卷、又輯《春秋》 禮質疑》二卷、《周官辨非》二卷、《儀禮 釋經則無由悟傳、注之失。所爲書曰《學 二百四十卷,燼於火。」

弟子嘉興馮鍈覆校

# 經義考卷一百二十九

秀水朱彝尊 男 昆 田 校 編

黄 周 氏 度《周 禮 五官説》

+

宋志》: 五卷。

葉 之,大壞矣,蘇 適序日 存。 :  $\overline{ }$ 綽又壞矣,王 周 官 晚 出 安石 面 劉 又壞矣, 歆 遽

行

千四百年更三大壞,而是書

所

存

無幾矣。

詩》、《書》、《春秋》皆孔子論定、孟

軻

諸

智也 均等, 足,而 至薄。 以己 理貫 故用 叔 也。 也; 藥、非黄帝、神農所名, 冽 儒 何使降爲度數事 而 子亦以爲不可 始 庸 於 相 周之道固莫聚 周之籍 雖 逵 形 事 公卿敬 與 ,設邦家非自尊 述五官 夫鄙夫妄咀 書 固文、武、周、召之實 有餘 者 衆 爲下甚逸 民者,必 弼 有餘 必必 承, 酌 固 而 群 ,而書不足也。 也。 相 飲 世 莫切 得聞,一 爲之説,亹 發 不 有 焉 相 ,爲上甚勞,洗滌三壞 吞之,不 物之學哉? 孔子 明 緯 司 能 於此 於此書,他 惟 廉,教 也 也 經 知 未當 其 旦 無 ; ,養民至厚,取之 也。 ൬ 書, 量 驟 惻 眩 亹 制 信 政 法 言《周 爾 使服 惻 乎 雖 亂 至,如奇方大 他 守天下 其 孔、孟、 在 齊 然 乎文、武 新 顛 經其 經 故 所 是 備 以 錯幾希 食之法 昌 其 官 從 治 義 也, [黄文 、緩者 散者 非 之以 余考 ×, 雖 之 之 孟 井 私 利 不

宋,沿

加

别之。

其叙

鄉遂、溝

洫

辨二

鄭

張萱

日

"「宋紹熙間,新昌黄文叔度著。

 $\pm$ 

與之

曰:「山陰黄文叔有《五官解

影,刊

在

浙

東

倉

司。

不

可損益

也。

洫

,辨二鄭是非,凡一字一語,細入毫芒,

始

述

五官

而爲之説,與孔、

、孟以理貫

事者

相

發

明。

又以

前準後,

由

春

秋

戰

或

至

#### 曹氏津《周禮五 官集傳》

五卷。

舉家宗尚。

君

舉素善文叔

議

論

頗

相

出

人,所以異者,

君舉以後準前

,由本朝至

存。

禮説》十二篇,蓋嘗獻之紹

熙

天

子

,爲

科

也

,其功大矣。

同 時

永嘉陳

君舉亦著《周

未能表是書而

獨行,猶將合他經而

共

存

腥

穢,而

以性命道德起後世之公心,雖

安府儒學教授。 嘉善縣志 **∀**: 「津,字元會,歲貢 《周禮集傳》五卷,闕《考 生,官南

# 史氏浩《周禮天地二官講義》

宋志》:十四卷。

闕。

《中興藝文志》:「孝宗爲建王,史浩分講《周 禮》,多啓發,孝宗稱之,然止於《司關》。」 王與之曰:「四明史直翁有《天地二官講

工記》不解。」

戰國

至本朝,沿而别之。

其序鄉

遂、溝

漢,遡而

通之; 文叔

以前

準後

由

春

秋

二〇五五

2353

一百二十

非,又與永嘉陳君舉《周禮説》相出人。

#### 義》。」

建王 王應麟曰: 府直講 完書,度儲藏者寡,不審海内尚 按: 半、《小司徒》之後皆無之。 《冢宰》至《司關》而 文淵閣殘本,係宋時雕板,第存 書》以前,《地官 七、八、九三卷而已,《天官》闕《司 史衛 「《周官講義》十四卷,史浩爲 時撰,止於《地官·司關 王《講義》 . 司徒》亦 止,余所抄者 十四卷, 此非 闕 有 其 自

# 周氏必大《周禮庖人講義》

一篇。

存。

按:益公於經筵進講,載《承

明

稟》。

# 曹氏叔遠《周禮地官講義》

佚。

官·遂人》至《稾人》講義。」 王與之曰:「永嘉曹叔遠,字器遠,有《地

二〇一六

2354

六 存。卷。 魏氏校《周禮天官沿革傳》

别本否也。

存。

江氏與山《周禮秋官講義》

尹氏躬《冬官解》

卷。

王氏應電《冬官補

存。

《冬官》則可,用之以補《冬官》則不可。 禮》之治,❷每事六官皆與,蓋自王身、王 歸之,以爲《冬官》未嘗亡也。不知《周 自宋以來,乃以五官之事聯職於司空者 空掌邦土,天下之治所由以成,故命名曰 誠《冬官》之事,但其一屬爾,故取之以入 『冬』。漢人以《考工記》補之,夫共工者 應電自序曰:「冬者,萬物之所終也。 司

有《周禮九拜解》一篇,似當據補。 九」下, 薈要本注「闕」。查《王氏家藏集》卷三十四

治」,四庫本作「法」,薈要本作「行」。

二〇一七

經義考卷一百二十九

之罪 爲 則 宫、王 傳者亦昭然可考。 而 見聖人之制作後天而 公設官,皆取法於天,五官歷 之,豈復得爲周公之《周禮》哉? 歸併,此説 六官皆有其責,非若後世之設官,截然各 而 前 一参互之,即炳然不磨,其於各 不悖也。 一事也。 1,損益 人 朝 是 王 非 而 畿、 故 不得此意,遂用其 不辨自 興,人各自以 折衷之,姑俟後之君子。」 以 四 天象之,有關 海,以及於昆 謹述之如 明, 奉 闕 夫 其文以 其 時 左 意 建諸 歷可考, 疑 職 於冬官 見 蟲、艸木, ,補其義 追續 見 愚 似 而 於 謂 天 更 以 此 定 經 者 相 經 地 周

《冬官考工記》

存篇。

二〇一八

其 闕 是 舊 蚪 《南齊書》: 皆滅去之。 賈公彦曰 尺,有得十餘簡,以示 王冢,獲竹簡書,青絲編簡 也。 以 人,又不 典、録此三十工以爲《考工記》,雖不知 書《考工記》,《周官》所闕 遭 秦 一一一周 滅 知 《司空》篇亡已久,有人尊集 「文惠太子鎮雍 作 典 衰,諸 在 籍 , ~ 何 日,要知 韋 王僧虔,曰:『是蝌 侯惡 氏》、《裘 廣 典籍之害己 文 州,有盜 へ也。」」 在 數分,長二 於秦前 氏》等 發楚

諸儒不及矣。」以爲周公之文,然乎? 亦三代之文,漢張舜民曰:「《考工記》之文可謂文矣,或

鄭鍔曰:「《司空》之職,用是以考百工之

得之,以備《司空》之闕。」事,其篇亡,其記存。漢儒劉歆校理秘書

意乎? 類 者 易被 土 金 人、輪 能,不必責之世守也。 之制, 眡周典, 大不類。」 必世習之爲貴也。 工有以人名者,有以氏 制,言旂、旗、旟、旐非大司馬、司 室、重屋之制,言溝、洫 惟 ,則以氏名之,謂官有世功,族有世業, 而有梓、匠之制,言周 貴乎世 塼埴無稱人者,●蓋制 日 畫 人之類,則 :「《考工記》非周 繢 習 職 寧 獨言 以 非 所 然 人名之,謂工 記 職 攻木 澮 者 之事 名者,有以 如築氏、冶氏 木必 書也,言周 人明堂 深 又曰:「三 無 门 , 得 稱 以 其 非 先王 氏 巧,而 常、 他 以 遂 而 者,攻 事 巧 巾 人 有 人 如 之 爲 名 之 世 金 輿 上 車

林希逸曰:「《周禮》六官闕其一,河間獻

官》 摩之工五也;陶 繢人、鍾氏、筐人、慌氏,此設色之工五 官 官》則有掌皮、司裘、《地官》則有鼓人、廛 也,以上共三十一人。又五官之中,《天 也,玉人、櫛人、雕人、矢 人、韋氏、裘氏,此攻皮之工五也,畫人、 桃氏,此攻金之工六也,函 弓人、廬人、匠人、車人、梓人, 此攻木之 書,似造物有意也。或曰:輪人、輿人、 文字俱同 王以《考工記》足之,《考工》之文自 人、掌節、丱人、角人、羽人、掌染艸 七也; 不 則 同,予嘗以此爲造物之巧,畢 有 典瑞、典 築氏、冶氏、鳥 律、《考工》之文又奇,足以此 人、施 同、磬師 人,此摶埴之工二 氏、 人、磬氏,此 鐘師、鎛師、 桌 人、鮑 氏、段氏 竟 五. 與 刮 Ŧi. 巾

●「塼」, 薈要本作「搏」。

字,非 禮 氏,以 代 事 漢 此 《考工 氏 出 制皆同,而《冬官》以《考工記》補之,又自 而 司 車 人以 **≫**° 射 故 體 闕 制度皆在此也,但書不全矣。此 考工記》不 經之妙也。 兵、 已,其先後次序亦自參錯不齊,如 未嘗 車 ,似造物之意,特亡 匠 略 E 鳥 僕 **>** 司 後世鉛 金帛 自是 人以 亡 不全,不止韋 又 氏,《 |共三十人,則是《冬官》之屬 戈 司 日 也 盾、 常 世室、 募書,多有 特 ^ 秋官》 其文簡當,非 槧書 司 ? 考工 . 為 此 弓 夏 周 周 説 重屋、明堂並言之,三 矢、 官》 生所及。」 制 則 禮》六官,其 亦 氏、裘氏、段 也,盡記 ^ (佳,但) 有 繕 則 僞作,如 周 彼 職 人、稟 有 漢 而 禮 金、柞氏、 射 以 存 文字之比  $\forall$ 古百 自 文論 人、服 此 此等文 氏 又 五. 是 司 以 官 等 書 日 攻 I 甲 木 之 六 續 成 周 則 不 官 體

> 篇,而 車 况 止 言,當 之工 全 車 日 見 人皆一官之名 一官非 曰畫繢之事,玉 『之事』者,皆總言之,其 之事, 也 在 其序亦自 輪 E 止 輿、 篇,今梓、廬、匠、 又有 爲 弓、 不同。 車 事 廬 而分主數事,惜乎其不 人亦然。 人爲某 如輪 匠 又畫 人、梓人、匠 車、 爲 列官自 意其全書 車、弓皆在 、績二官, 某 梓, 可 若 知 别 以 也 凡 序 下 而

俗 夫 則 鄭 揆 也 T. 以 之所 作 敬 者 至 而 I 然 而 朝 不 事 於農夫婦功,皆有職 仲 以 信 信 行 E 職 日 : 之 同 道 之,則下有法守而 無 度。三公坐 「《記》之所 此 所 也。 道 主 揆 道德之所以 故 則 先王之時,所以 下 列於 而 無 載,自王公士大 論 法 於國者也,而 事 道 守, 工信 明 官 也 則 朝 而 度, 同 E 爲 不 風 有 信 之 此 俗 大 屬 夫 道 道 白

也 尤 然 則 謹 其 於 可 白 不屬之《冬官》乎?」 以 其 衣 服 器 用 所 由 出

意 爲 據 後, 識 也? 之事 巧工 其旨 先 從 趙 空》篇亡,漢興,購 至冬官 六日冬官,其屬 但 溝 所 而 溥 其事者記 王 司 聞 於制 洫 也。 不止於制器,記者止謂之『考工』,何 察其善 制 日 空居 鄭 不若制器之爲詳, 者記 加 : 等事,尚有 器 注云 「先王建官,始於天官,掌邦治 工,百工也;考,察也。 器 經理之事終矣。名官以冬,此 之 四 故謂 之而 録 不善,故謂之考。 法 民 以 聞 \_ 此篇 己。 時 六十,掌邦事。』則冬官 備 之頗 求千 之工 居 地 大 四民、時 今觀 利 數 司空之官也,《 9 悉,故 世 金弗得。 之事 爾。」然秦 以其所 非 所 當 記 亡矣,先 記 地 《小宰 時 如如 此 之特 利 制 以 諸 之器 火 其 之 答 前 儒 之 備 遺 儒 精 於 或 可 世

> 理 歟 可 未 悉 ? 大戾,當尊經可 聞 至 於 則 間 有 自 一一可 爲 説 也 疑 以 者, 補 意 其 Ļ 其 爾 古 荷 制 不 於

之屬 屬 記 之中,先儒 所 何? 之,其實司 之屬六十有 商、 萊、溝洫、都邑者,非 王 秦火之餘 空掌邦土,居四民,時 攷之,司空未可以亡也。 各有六十,今治官之屬六十有三,教 生,非地利 》,司空果亡乎? 與之曰:「《冬官》亡,漢儒 賈、市、井、里、室、 七十有九,禮官之屬 桑、麻、穀、粟之所 簡編 空一官未嘗亡也。 莫之能 九,刑官之屬六十有 而 何? 脱落,司空之屬錯雜 辨 邦土 攷《小宰》言六官設 以《 ,遂以《考工記 地 廬 出 周 夫《周 七 加 利」,凡 者, 官》 何? + Ш 補 澤、林 有 非 官》言『司 司空之掌 夫《考工 以《 六, 農、工 居 經言 政 考工 意 民 Ŧi. 麓 補 官 者 官 官 之 而 H

世 述此 麻, 推 人之 用 遷貨賄、農功之飭 不 委,非 + 而 秘 商 知 唐 記 此 便 止於工上立説 之遺 室、重屋之制? 梓、上匠 索於制度之末 旅 I. 而 口 者有 一雖末 制 其 T. 行之,其 惟此 農婦,則 所 深於道者莫能之。 以 法也 何 也 材 以 補《 伎,非 | 當 巧 於 ; 等 一之制 取 業 言旂 周 何 獨 藝 議 獨《考工》之序,其 而 官》者,非三十工 知 立 而 則 固 王 論 ? 爲 前 取 I 於 公發 則 傳 力 近 不 旗、旗、旐 補 言溝、 給 論 天 雖 古, 論 地 於 能 本 亡 也? 周 地間 有 世 於王 財、 周 以 明 一之書 足以 人 巧, 守 夫 乎 人尚 自 洫 ? 婦工之化治絲 明 論 公士 是 創 成 非 非 也 發 功 澮、 堂, 輿,奚 下 理 此 百工之事 商 一之制 明 能 則 議 大夫, 司 Ш · 士 者 奚 聖 旅 使 歸 而 論 如 ; 非 馬 有 之貿 及 經 大 器 取 於 及 有 捨 有 知 之 夫 聖 於 合 於 遂 則 司 平 此 利 源

> 然乎 者 常 甚 巾 ? 多 車 之 概 制 以 也 0 爲 其 周 他 家 纖 之 悉 制 有 度 不 可 豈 盡 其 信

官》一 官》所 虔,僧 廣 州,有盜 不 時 補之。』《漢 而 王 壁中 應 數分,長二尺, 也。 見《冬官》一 《禮記正義》云:『孝文時 麟 篇,取《考工記》補之。』《六藝論 闕 虔 得 ^ 日 文也 序 發楚王冢,獲 六篇』,誤矣。 日 : 書 録 . 「《考工 」。』漢 [》謂 \* 篇,乃使博士作《考工記 是 . 河 科 時 有 記》, 間 斗 科 得 李 竹 獻 斗 書《 + 氏 齊文惠太子鎮 簡 或 書 已 王 餘 上 考工 書,青絲編 得之,非孝文 以 求 簡 五 爲 廢 得《 以 篇,失《 記 先秦書 示 則《 周官》,  $\approx$ 王 簡 周 事 雍 僧

0

刻通志堂經解本)補。「賄」,原脱,據薈要本、王與之《周禮訂義》卷七十(清

子 故 爲 以 於秦 矣, 火 猶 迭 不 心 雅 葉 之烈焰 下後世之人執經以議 而 已不 以 何心 口 猶 爲 時 至 口 起,人春秋 》亡六篇,不 獨 一孟子之時 秦 書》亡四十三篇,《 盡 미 火 日 求遂其 哉? . 得 咎秦人也。 之酷 漢 盡 見。 人之罪,而 ,使後世 室 其 傳 六 詳 龍 ? 戰 ; 經 己則 所 以 獨《 ^ 興, 或 戰 不及見全書,安得 更秦火,缺裂 周 來,周 井 雖 欲,惡其 不 周 或 暴 Щ 田 禮 然, 周 蓋 諸 君 禮 行先王之道 学之 巖 之問、 禮 公之 己,故 自 污 周雅》亡 侯之酷,蓋 》爲然。 屋 **>** (害己 經 經 王 吏 壁之間 禮 爵 道 雖 無 經 將 取聖 而 禄 雖 既 全 而 不 不 欲 一六篇 夫 不全者 之問 衰, 去 書 不 得 盡 肆 稍 已 不 經 秦 而 其 其 盡 行 其 覇 古 追 稍 先 恐 而 , 人 全 孟 秦 圖 仇 間 所 口 置 天 多 而

作 賤 《考工記》 爲 《考工記》以 文 出 補 補 補 缺,不知以《考工記》而補《周 璧,不吝千金重 而 可 不驗之書 周官》所 補《禮 ? 張伯 病。 醫之方以補 , · 口 口 亦幸矣。 適資 然全 周禮》六官缺 也 也 又 ; 僞《書》作,《詩》亡而束 五 况《秋官》有《典 識 經》乎? 《天官》有《染 可 「則武 官 書 一篇 者 夏官》有《量 無,而 尚 足 河 竟 盧 其 存 間 啓之也。 不 一賞 捧 帝之忽略聖 扁之書,庸人案之, 武 書 獻 募 可 腹 於《周官》設官之意 且. 王 而 耳 致 求全書,獻王之意 帝 謂 百 得之, 曾謂 五 人》,《 Ħ. I. 可 瑞》、《玉 獻 嗟夫!《書》 存,天之未 以 以 王 細 經,未必 不 備《周 爲 禮 悵 鍾 厅 考工 事 哲 末 啻 氏 一人》不 之, 耳 補《 世 何異 如 官》之 記 不 古 不 瀆 適足 乃 獲 喪 詩 必 必 求 自 亂 何 非 厚 圭 斯 而

\_

DП

制 三,而又闕其二,不知《韋氏》、《裘氏》 見於《射人》。 而《司弓矢》之職 人》,而《巾車》之職 氏 鮑 ,已見於《遂人》,《鼓 人》、《韗 人》雖 有如攻皮之工五,既 猶 亡 尚存 一,何損 在 人》射侯之制 ~ 匠 ; 乎 雖 人》 無《弓 雖 溝洫 人》, 0 補 贵 之 車 以

禮》無待於《考工記》,獻王以 非《天官·司皮》、《掌裘》之職乎?② 此 補之亦 ^ 陋 周

也。 矣。 工記》一篇欲 《樂記》一篇欲以備《樂書》之闕 夫抵獻王之補亡 以 補《禮》書之亡,獻王之見 也 漢 儒之習未 《考 脱

仲 然 孫 爾 湫 來 然而《周 省 魯 難 禮 退 廢 而 興 曰『魯秉周 有不係是。 禮 昔者 未

禮

者

也

然於

周

禮

雖

未

能

盡

用

荷

未

至

於

口

動

也,且

魯當

春秋之時,

非

能

盡

秉

居

盡

Ļ,

而

亦

可

以

立

或

《周

禮》六官

雖

缺

0

之事 空職 官之存 其 愚既 以 職 則 亡、《冬官》之意實未 司 亦曰『司空掌 官之意在《周 以 富 西 一,不 空之意 雖亡 同之美可尋矣。 富 亦不必問 以《考工記》爲 邦國,以 前 邦 猶 而 在 或, 講 愈 未 一人周 禮》可 求《 於 邦 以 任 嘗 也 盡 土,居 養 百 官 周禮》之遺 亡、《考工記》不 T 萬 官 考也。 不 可 乎 以以 民, 嘗亡也。 而况《冬官》之書 必 四 覆 ? 補 以 生 民,時地利」, 也 ^ 後 則 生百 萬 典 書》之《周官 世 觀 民, 太宰 而 品 誠 物 必 此 施 小 品 能 補 行 宰 事 則 則 百工 大 也 雖 則 事 典 司 事 Ŧī.

黄 日 「《考工記》本 一一尚 · | | | | | 空掌 邦

<sup>0</sup> 無射侯之制 司皮」、「掌裘」、據《周禮》,應作「司裘」、「掌皮」。 鼓 人」,按《周禮》,《鼓人》不在「考工記」中, ,疑當作「梓人」。 且文中

土 居 儒據 四 民,時 所聞記之。」王次 司 空》篇亡,漢 地 利」之説 而 興 點 , 購 名《冬官 Ŧ 金 以 弗

得,先 示其 能哉? 儒莫之能辨,此豈 《司空》一官未嘗亡也。』愚按:《周禮》出 工》三十之數目,可足本篇六十,而 恐未可信。 於漢末,鄭氏謂 先儒莫之能辨,遂以《考工記》補之,其實 九,刑官之屬六十有七,意者簡 有八,禮官之屬七十,政官之屬六十有 十,今治官之屬六十有三,教官之屬 爲亡也。 鄭注云: 不 周官• 倫 八爲 非特《司 古,未知 或 司 考《小宰》言六官設 疑 空》之掌攷之,《司 今以 此 空》 然 書 漢興 Ŧi. 否 難見之事 一官而已也。」 IE 官 ,然五官之屬 因 購求《司 晚 所 出 餘 ,而先 故 之數,合《 空》篇 空》未 屬各 爲 編 皆差 儒 錯 錯 不得, 莫之 七十 謂 有 可 脱 雜 考 六 先 Ħ 以 以

> 記 朱 申日 》者,蓋 「《冬官》不名《司空》而名《考工 漢儒名之也。」

議者。 國』二十字,及大司空之職、小司空之職 民 者、《冬官》首章所 也。 且 元泰定中,丘葵又參訂俞、王二家之説 考。 《司空》之復,而六官之譌誤亦遂可 謂《司空》之篇實雜出於五官之屬,且 丘 失其『日若稽古』以下二十八字耳。 爲成書。吴澂作《三禮考註》,首以是言 世 溶日 極』二十字,及『乃立冬官司空』至『邦 謂《冬官》未嘗亡,而《地官》之文實亡 條,亦如《虞書》之《舜典》實未嘗亡,特 嘉熙 由是以觀,則《冬官》本未嘗亡,所亡 儒以《考工》補《冬官》亡,未始 宋淳熙中,俞庭椿始著《復古 "「自《周禮》出於漢,六官而亡其 間 王 次 謂 點 「惟 復作 王建國』至『以 湯周 官 補 遺 以 編 有 以 類 因

〇 二 六

意,詎 故 復 隋 斷 條 財 綴《考工記》於末,以 十字之缺, 乎其 古 耳 迹 賦 唐 以 可 屬 非完然六典 以 今 未 也 致 户 來 ·聖明 J°\_此 嘗 太 部 暨俞、 立 平 缺 行 爲六部 丘 者,師 在 之, 而 Ŧ 上 氏之説 全書哉? 所 實 諸 一,宜 缺者 無 周 亦 率 儒 公 失漢 申 良 所 以 之 特 則 命 便 學 摘 意 是 儒 禮 四 校 擬 搜 + 後 官 以《冬官 而 者 屬 補 字 補 世 不 禮 及 泥 之 而 其 有 部 初 其 并 兩 志 川

李黼 故 非 陳 所 之遺文,但篇首 輯 作 劉 傲 深 也。 日 : 氏 之者與? 然於秦焰之間 日 之補 :  $\overline{ }$ 篇 考 ,則天下 中 Ĭ 百籍 八節  $\stackrel{\cdot}{=}$ 記 十工 後 **>** 亦 皆 其 爲記者之序,後人之 以 之 殆 有 實古《冬官司 伎 儒 邃 僞 而 古之 者 獨 棄之矣, 亦 此 鄙 書 書 以 以 而 空 伎 劉 伎 周

爲《

周

政》六篇,宗伯之外

别

爲《儀

禮

曲

<sup></sup> 一禮》諸

篇

,夏官之外别

爲《

司

馬

法

百

禮

》特

舉大

綱

,未分節

目,

故

治官

之

外

别

而

已,其詳

不

可

復

覩

以

愚

論

之,《

周

官

作

者,獨《

軍

禮

司

馬

法》百一

五.

十五

篇

傳

是

周公所作,

今所

存

止

穰

苴

雜

亂之文

Ŧi.

篇

氏

之功

亦偉

也。

Ŧi.

十五

篇

司

寇之外别爲《周

法》九篇

是

若《曲 篇 錢 焦竑 諸 之事,漢 《記》爲 郝 口 周禮》乃 篇 敬 駅曰:「《周官禮》而 以《考工記》補 周法》九篇,要 終各繫以《記》也,世 曰:「《考工記》作於先秦,紀古百 禮》、《 添 人以補《  $\overline{ }$ 補 周公未 周 儀 ,何獨於《周禮》疑之?」 禮》有《考工記》,亦猶《 禮 之,而 \* · « 周 成之書、《冬官》之闕,安 禮 亦 明 · 冬官》之闕,不 周 堂 取 外 儒 家 陰 尚 綴錦之誚 不 陽》諸記 有《周 疑《儀 代之典 政》六 也 儀 禮 不 也 学之 禮 知 知 T.

蠻 之瞽矇、眡 記》者,當亦《冬官》之外别具一 皆禮經之外分流疏節者 酒、漿、籩、幂,司徒之胥、賈、鄰、肆,宗伯 屬皆稱 條目,以遺後 、閩、夷、貉,皆非以 人,百工之執藝者也,猶《天官》之 瞭,司馬之方 人者也。」 爵 稱 相、 也。 又 曰 : 也。」 圉師,秋官之 然則《考工 書,詳 「考工之 其

典 矣。 之,若《記》之所云,直百 闕,然《周官》三百六十,多以士爲 可 各有其賈也。 而 師、追師、屨 按:《考工記》,漢 矣,掌皮則頒皮革矣,槀人則 外,咸 充司空之掌乎? 絲、典婦功、庖 夫玉 有工以執 府 有 人之屬,府、史、胥、徒 Ι. 賈 人、羊 有賈,而巾車、弁 不 以補《冬官》之 事,亦猶大府、 與士齒,工 典絲 人、馬 工馬 則 掌六 質之 頒 顧 爾 絲

> 廢耶? 丘氏 也,而 工記》 紛綸,各以 黄文叔均置《考工》不解, 《記》之所載三十工 弓弩者,考工者也。 以齎其 以爲弓矢者,工也,而受財於職 頒皮革者,考工者也,刮 弓、八矢、四弩矣。 是凍絲者,工 冶、弓、 空之官,非矣。臨川王介甫、新昌 函 、鮑、韗、韋、裘者,工也,以 、何氏、舒氏、柯氏、金氏衆説 附於經者 頒 工、書其等、乘其 車、 絲 己見移易,蔑有以《考 外 廬、 内者 然 梓 考工 ,鄭氏以爲 如 諸 以是推 輪、輿、桃、 人,其可 事、試 磨、攻 而 者 俞氏 之,則 式 也 木 法 司 其 金

### 杜氏牧《考工記註》

老

有

陳氏祥道《考工解》

未見。

王與之曰:「天台陳用之有《考工解》。」

林氏亦之《考工記解》

一卷。

未見。

可,福清人,一號月魚先生,艾軒先生之劉克莊曰:「網山先生,名亦之,字學

王氏炎《考工記解》

一卷。

未見。

葉氏皆《考工記辨疑》

一卷。

佚。

发展。 《赤城志》:「寧國縣主簿臨海葉皆孟

我撰。」

二〇二八

高弟。

其

論著

句

句

字

字

足

以

明

周

公

卷。

三卷。

林氏希逸《鬳齋考工記解》

存。

據也。」 《三禮圖》,而祖漢儒鄭康 林兆珂曰 「林氏《考工記》有圖,蓋宗 成輩, 非無

趙氏溥《蘭江考工記解》

未見。

王與之曰:「金華趙溥有《蘭江考工記

解》。」

佚。 葉氏《菉竹堂》作《周禮講義》,合 按:「萬曆重編《内閣書目》有之, 王荆公《講義》共一卷。」

陳氏深《考工記句詁》

卷。

存。

徐氏應曾《考工記標義》

二〇二九

未見。

不敢憑

臆

見以

亂

真,命曰《述注》,

竊謂賢

於博奕云

爾

林氏兆珂《考工記述注》

一卷。圖一卷。

氏書明矣。豈好事者博摭群籍而排纘之、一,其曰『非《周禮》,戰國間爲之』者,水珂自序曰:「《考工記》一書,諸家論者水珂自序曰:「《考工記》一書,諸家論者存。

焦氏並《考工記解》

二卷。

存。

張氏鼎思《考工記補圖

二卷。

未見。

與?

要之,周家一代制度典籍,

既

多淪

陳氏與郊《考工記輯注》

不可磨滅者,吴氏概以漢儒附會擬削之,

天巧,是書之力也。

即如以文而論,故是

亡,而考古者猶得察器於書

,稍窺作者之

存。卷。

過矣。

予山居多暇, 迺

取漢

唐

注

一疏,參

以

訓故諸家,繆爲纂輯,間有

古義難

通,

110110

夷 曆 陸 館 甲 元 輔 戌 日 進 士; 與 官 郊 太 字寧宇, 常 寺 少 海 卿 寧 9 提 人。 督 萬 几

人之道 於篇 則儷 周 氏、 以 愈氏 氏 與郊《合 枋得氏各章句之, 者,諸老 讀 《考工 檀弓》,過矣。 合編《 文章 孟 賈 謂 之不亦宜 氏 俾 氏 記》,二書鄭氏 文章之盛 讀孟 概 易行,王易王、霸 書,尊之至與 疏 檀 檀 初學 師 之哉? 之。 大 弓 氏 者 儒 輯 乎? 書 孟 間 且與《檀弓》並者,宜莫 觀 互發 也, 注 一而後 ×, 有 而二書始 序》 焉。 且當代 然 頗 奇 於是 焉。 注之,注 孔 則 知孔子之道尊, 爲 日 辭 韓 子 讀 易 學者所宗, . 奥旨 氏 乃 五 而 並 「近 是 霸 豁 采 不 經之士 又 也, 未晰者 也 書者,恍 焉 謂 掇 佞 世 疏 ),則 無 ൬ 孔 傳 復 謝 所 可 安 注 踵 未 疇 子 以 東 疑 從 如 得 聖 著 竟 儷 謝 不 韓 Ш

## 周氏夢暘《考工記評

卷。

未見。

爲 其 郭 前 矢、爲筍簾、爲營國、爲 六, 爲工也,聖人之作,無苦窳,亦 金、攻皮、設色、刮 民用 量、爲 正域序曰 一,而《考工記》興焉。 司空居其 以以 鐘 彰 、爲 : 軌物,至於工 鼓、爲 民 《周禮 摩 有四,工居其一; 摶 圭 溝 埴 家有 、爲 其 洫 一,其 執 人人則 六、《冬官》逸 侯、 藝事 技 無淫巧,以 爲 記》之所 攻 則 弓、爲 木、 以 爲 官 車 攻

夫先 若 時 若 藝術 世 類 參五官,五 T. Ш 雲 耳 修《冬官》而 玉 則 而 而 矣乎? 影而 蕩心志 一、彤弓 後,六籍之亡久矣, 省,唐、虞惟 儒 梯、 存若亡,必 是 目 規 銀  $\pm$ 乎《冬官》不 執 以 萬 古今之大 海、 如 威 馭 邦 之中 爲 盧 幾 斗、 吏,事 土 ,則《記 楮 邪 官制 矢、 然讀《記 見之,《記》之文焉 地 亂 尚 葉、 大鐘 心 以 豆 百 利之説 有 Ŧī. 事而 較 綵 其 用 官 區 **>** 典 比 夏、商 Ľ, 之所爲 旁 可 花, 屬 型 釜 刑 》之文,而 於 我 《記》制 見矣。 六十, 通 前 鍾,良工哲匠 ௱ 鼎 寧 爲 末 無 0 官 ^ 人主 時 獨《周 世 奇 戒 謂 記 瓊 取 倍 攝 爲衰, 而 物 於五 焉 也 弁、 夫  $\approx$ 周 世 所 木 自 不 時 《記》果 八以《記 可 之五 鵝 官》? 敢 金掌、 贅 宜 損 蓋 析 材 夫 誣 恣 厭 巧 玉 秦 有 疣 觀 無 所 時 也 輅 玩 縱 益 矣。 羨 寶 漢 心 勿 考 其 我 置 好 ? 六 而

> 《記》 世 乎. 猶 無 士 今 更 暢 由 記 記》者,當自 論 土裂 非 此 H 其 以 則《 郎 文 瞬 議 之 疏 Ŧi. 也 而 冬官》之政 譚 官 多 而 而 之, 節 心 所 出 幸存 才 授 驚 周 我 考, 於 發 甂 之梓 楚 獨 能 漢 視 其 揮 甌 我 周 猶 行 文 事 如 而 幾 能 於 舉矣。」 泉湧 當 業, 啓 章 夫 神 E 希 徴 从世,而 有 明 所 運 之存 I 揚 之《冬官》矣。 而 有《 如 鬼 謂 氏 絶 詡 見 記 Ι. 在 爲 於五官之真 水 者 技 治 鼎 官 》,記 郎 部 而 莫 平, 而 鼒 而 考》 I 輕 文 可 ,博古之 言 而 之 部 絶 廢 彷 官 者 行 奈 也 彿 調 贋 於 者 藻 夫 何 以

批 林 兆 點 《檀 珂 日 弓》,旁用 . 襄 陽 周 小 啓 卷 標 明 氏 出 章 本 依 法、 謝 句 Ш

0 萬 原 作 八(明 萬, 萬曆刻本)改 據薈要 本、 補 IE \* 郭 Œ 域《合 併

# 張氏睿卿《考工記備考》

## 徐氏昭慶《考工記通》

字法,以便童子誦習。」

略者求詳,未安者求之以 孫士龍諸家,謬成是帙。其間晦者求明, 解》,上而參之鄭康成,下而合之周啓明、 昭慶自述曰:「是注本之朱周翰之《句 Œ 訂 注 頗 殷,

惟欲取便初學,故自忘固陋耳。」

陳氏仁錫《考工記句解

吴氏治《考工記集説》

卷。

存。

有闕。 治自序曰:「《周禮》五官詳已,獨於司空 漢興,購以千金不得,於是河間

然此《記》既不同《周禮》體例,於設官本 曰《冬官》。不可必得,姑勿闕焉可也。 王痛王制之不傳,求《考工記》以足之,亦

意又無與,而 工不知筆於何人,又不知作於何日,反 强取 以傅會 可乎? 但是三

矣。 也。 置,口之不倦,數十年於兹矣。 古之書無疑,後之作者,遼乎其 也。 鄭之功居多。 於《周官》 貢》之章裁 頌》,文采則《虞 猶中古物耳,豈若泉 上古東南 也,古制 之爲量,鍾 覆繹之,築氏 《傳》稱 考工記》遠 不亡者,劉氏 故此《 廬 以 何 密 柯 也。 未 )可,無 以戈柲,宣 量 須之鼓、闕鞏之甲、兑戈和 ",字奇一 考工 氏 闢, 車 矣,辭 之爲 西 之 治 以以 車制 一記》隸 力也,其注 北 所 爲 典》之繪 而 於《 利 削, 加 法,詞 染 庛 薄《 何 陶 帧 韗之制乎? 傳 周禮》一書,手之不 用 損 羽 量 鳬 於《 以 而 焉 夏 重 耒, 氏之爲 富 爲 舟 繡,尺 其 東. 周 解之悉 書》,銘埓 加 制 人頭 事 官 古 而 南 鏗 不 不 度 其 || 孔子嘆闕 度 鍾 ,其 利 傳,古俗 也,古語 心,則王 不 同 也 書之得 則《 不 用 相 爲 於 桌 舟 故 商 即 今 隸 及 氏 邃 禹

後 從,以 晦,或通 文之難 Z 本,不没其 爾。 之君子 非 而 加 聖 譏 瞭 釋之,有所 人之書也。 舊,仍以《考工記 自用之失, 然 心目間,不 見,或表 治 Ŧi. 爰 家 無 》附 復 補 而 少 IE 本 後,有 斷之,庶 助 Ŧi. 斷 萬 官 不 所 古 口

### 錢氏駅《冬官補亡》

三卷。

駅 自 序 日 議者稱其妄憑胸臆,決 之闕,於是五家之文並 七年,而一年有 鴟鴞》之詩作、《金縢》之書啓,於是迎 也。 存 因 同謂《周 :「儒者言《考工》不足補《冬官 禮》,周公未 流言之變, 裂聖 割 五 居東二年,而 一經,周 成之書,攝 典 以 續 公之罪 其書 政 歸

律,遺 慶》 之典 法諸 然。 存。 盡 有《周政》六篇、《周法》九篇,今其 志藝文》中,隋、唐之《志》,《周官經 孝成詔 也 或 既 而 公六年 冬官》一篇,亦已幸矣。 遷殷 在 建 爲 《詩》亡《笙 《周 開 疑 篇,《書》亡四十一篇,而《周 於魯」、先儒 都之制 破 漢承秦火燔 書漸 制 周 斧缺斨之役,及管、蔡 求遺書, 尚 元禮》,未嘗見諸 頑,遂有明農之志矣。 禮》者,即 禮作樂,七年致 未 官》,在攝 出 與《尚書》不大合。 定,所謂《周 河間 劉氏 詩》六篇,《易》亡蓍 謂爲周之舊典禮 滅之後,孝惠 韓獻子適魯所 好古 政七年之後 爲録《七略》,人《漢 獻 行 政 禮 其佚不可得 事者也 成 於孝武 若唐 平而 王 當成 除挾 子 禮》僅 傳 稱 書 經 而 Ħ 之《 之世 ト雑 外外 書之 者 周 故 置 王 不 稱 . 代 是 不 亡 占 復 猶 禮 封 顯 在 周

> 舟牧。《 亡,其 名 其 闕 故予欲使五官盡復,而《冬官》之義未盡 文,五官幾 彙 五官之職,審 I 也。」 或頗與五官之屬異,如《月令》稱工師 義,乃稍稍見於五經、六藝之文,其官 集其文與其義,疏而 正之屬 詳 或 不 ,皆《周官經》無有, 語》稱匠 於 能 盡 爲 盡 亡,而《冬官》猶 司 存 師、工人、《左傳》圬人、 空官逸名 然 五家之 注之,《冬官》 無 而 儒 疑。 義 有存者 割 不可 裂 子 既 故 舊

散見 記 多以 有 按: 獨 曰 × 平 師、 説 意 Ŧi. 湖 春 錢 官中,故 取 日司 周 秋 司 氏 五 禮 内 據《尚 空、 官之屬 商、日 外 》者言《冬官》不亡, 自 日 傳》補亡,凡二十 . 臨 后 書》、大、小《戴 甸人、日火師 强 111 稷、曰 補《冬官》, 俞氏 農 耐

亡名氏《周官郊祀圖

《左氏傳》。不襲前人之言,可 《月令》,曰工正、 温故知新者矣。 日野虞、日 象、曰狄鞮、曰譯,則本諸《王制》, 水師、日舌人、日 匠師,則本諸《國語》; 工師、 日 日 工人、日 舟 圬人,則本 牧,則 日寄、日 舟虞、 本諸 謂 諸

夏氏休《周禮井田譜

《宋志》:二十卷。

未見。

制》、《王制》晚雜 有志矣。 陳傅良序曰:「夏君休所著《井田譜 上之,淳熙中樓鑰刻之。」 陳振孫曰:「進士會稽夏休撰,紹興時表 鄭 氏井邑若畫棋然, 出漢文帝時,以 蓋 海 祖 内盡 ^ 》亦 王

## 朱氏襄《考工記後定》

存。

旅。『後定』云者,取諸《後漢劉表傳》中 顧貞觀曰:「依《記》文次序,自輪輿至 陶

語也。」

爲

九州,州必方千里,千里必爲國二

白

十。其後班固《食貨志》亦謂:井方

勛

本《政

書》者數十家

,各致其

盡

爲 慊

荷

得

如《

井

田

譜

》與

沂

顧

以

説

者繆、嘗試

者

復

大

繆

乃

而

黄

君

其

間

與

學

陳

君

經

尚

多三代

經理

遺

跡

世

得

無覃 邑盡 半云 遠。《 説 與之爲 不 上 謂 然 數 時 欲 鮮 9 思之 之閒 F 其 於 能 或 以 所 然。 取 餘 周 相 策 凡若 切 意 其不 其 傳 知 至 成 禮 學, 民 攝 通 駁 以 都 之 林 纖 損 要 者 此 指 於 卷 舉 毅 進 鄉 有 田 且 井 孫 樓 而 ~; ~ 考矣。 許 共 先 諸 明 古 郡 者 田 壻 不 又 鑰 紹 1,然僅 作 合 者 春 講 王 無 之 袁 以 掌 後 興 出 序 廢 秋 者 經 之。 起 序 問問 間 不 錢 井邑丘 引, 宗 》、《易》有 國之本 久 孟 毫 載 答 胡 有 白 矣,林 刊 子 鼎 : 太 田 自 分 萬 旨郡 既 日 得 初宗 制 縷 會 湖 卷 也 甸 訖 其 \_ 就 他 夫仁 南 勛 稽 析 故 給 解 ^ 姚 寓 皆 亦 錢 遠 本《 周 夏 書 筆 又皆 爲 兵於 有 相 律 江 文 寄 政 君 禮 亦 札 政 益 廣 歷 與 置 季 休 必 井 未 録 圖 書 辭 其傳、 民 於 有 講 文子 局 自 有 田 以 其 雄 是 明 以 書, 「經界 謄 譜 凡 最 如 篤 所 示 義 書 寫 指 思 子 學

備

其

數

不

必

具

其

員

歲登下

民

鄉

遂

市

官皆小者

兼

大

者

他

亦

口

爲

軍

、爲

師

而

無

所

專

係

故

益

之,

是

謂

相

除

之法

皆

通

論

也

與

時

務合,不爲空言。

去聖

人

至

悉

雖

泥

於

數

度,未

必

皆

叶,

其

不

能

成

都

成

鄙

故

謂

之

閒

田

謂

之鄙

雖

不

能

鄙

即

成

縣

者

者

其

説

畿

内

廣

成

萬

步

謂

之都

著

書

以

名

於

成

甸

者

與

、之爲

甸

至

丘

此

夏

君

皆

不

取

漢

以

來

諸

儒

0

百

八十

畝

爲

廬

舍

蓋

人二畝

里

家

各

私

田

百

畝

、公田

+

畝

是

爲

渾

此

之詳

爲

有

志

讀

之。

從

其

凡

千

出

於

井

如

始

爲著明,遂并刻之。惟文子之説以俶裝爲著明,遂并刻之。惟文子之説以俶裝

魏氏了翁《周禮井田圖説》

佚。

程氏霆《周禮井田議》

未見。

項氏安世《周禮丘乘圖説》

《宋志》:一卷。

鄭氏景炎《周禮開方圖説》

未見。

《宋志》:一卷。

未見。

吴氏龍徵《周官荒政十二解》

一篇。

存。

州判官,歷户部主事。」未進士,改庶吉士,除浙江道御史,謫通黄虞稷曰:「惺初吴氏,晉江人。 萬曆癸

經義考卷一百二十九終

弟子嘉定張有猷覆校

## 經義考卷一百三十

秀水朱彝尊編

《漢書》:「《禮古經》者出於魯淹中,及孔

有三十九,天漢之後,孔安國獻之。」

桓譚曰:「古《佚禮記》有四十六卷。」

劉歆曰:「魯共王得古文於壞壁、《逸禮

氏學七十篇謂高堂生所傳《士禮》。劉敞曰:『當作

男昆

田

《後漢書》:「孔安國所獻《禮古經》五 六篇及《周官經》,前世傳其書,未有 劉表曰:「禮以立體據事,章條纖曲 而後顯,采掇片言,莫非 寶 也。」 + 執

名家。」

阮孝緒曰:「《古經》出魯淹中,其書周宗

《禮古經》

儀

《漢志》:五十六卷、《經》七十篇、《記》 堂陰陽》三十三篇。 百三十一篇。注:七十子後學者所記也。 云:六國時人。 史氏》二十一篇。 注: 注: 七十子後學者。 古明堂之遺 事。 《别 《明 録 王

「學七十」,據《漢書》劉敞標注,當作「與十七」。

禮》而致於天子之説。」

大夫之制,雖不能備,猶瘉后倉等推《士

陽》、《王史氏記》所見,多天子、諸侯、卿

十七。」文相似,●多三十九篇。及《明堂陰

傳 伯 儀 者 所 禮 掌 》是也 後博士 五 禮 威 一侍其 餘篇皆亡。」 儀 之事 生得十七篇,鄭注今之 有 六 十六 篇 無 敢

之祭、禘祫之禮 有 孫 惠 卿 大 蔚 夫 日 1 :「淹中之經,孔 饋 食之篇 盡 亡。 加 天子 ;安國 諸 所 侯 得 享 廟 惟

古文。 推 文。 疏 中 得《古禮》五十六篇,乃孔 朱子曰 餘三十九篇絶 賈公彦日 得《古儀禮》五 士禮 卻 中 高堂生傳十七篇是今文也 有 有 十七篇 其 以 天子、諸侯禮 援 「今《 書尚 知天子、諸侯 :「漢興,求録遺文,有古 引 儀 處, 與高 無 在 十六篇,其字皆篆 禮》多 師 不 鄭 説 堂生同,而字多不同 知 康 一,所以 在於秘館 是 之禮」,是 成 甚 士 壁 亦及見之,今注 時 班 禮 所 失了, 固言『愈 藏 河 固 之書 書,是爲 間 孔子宅 作《 真 書 獻 漢 於 其 今 可 Ŧ.

> 職》諸 狩禮》 於他 惜 禮》見《射人》疏、《中霤禮》見《月令》注 邕論》、《本 王 荀子》,又有《奔喪》、《 聘 釁廟》、 禮器》注、《古大明堂禮 詩·泉水》疏、《王居明堂禮》見《月令 應 忧 禮 麟 書,若《學禮》見《賈 篇 見《周 》注、《朝事 日 見大、小《戴記》及《管子 《曲禮》、《少儀》、《内 -命篇》 官 《逸禮》三十九,其 . 見《 儀》見《 内 宰 通 **\*** 典》,《 投 注 覲 誼 昭 , , 壺 禮 傳 穆篇》見《蔡 聘 朝 **>**, 》注 則》、《弟 篇名頗 《遷 貢 禮 天子 ·, 禮 志》 補 廟 巡 子 及 嘗 見 見 見

三十九 吴澂曰 初 亦得而上之,其十七篇與《儀 經》於孔氏壁中,凡五十六篇。 劉歆欲以 . 篇 「魯共 藏 在 列之學官,而諸博 秘 王壞 府,謂 孔子宅,得古文《 之《 逸 禮 禮 \* E 河 士不肯置 間 同 哀 獻 禮 帝 餘 Ŧ

對,竟 《禘 也。 於太 唐初 不 得 廟 猶存 禮》、《 立 ,諸儒曾不以爲意,遂 孔、 王 鄭 居 所 明 引 堂禮 逸  $\approx$ 中 皆 霤 至 其 禮 於 篇

吴師道曰:「《禮古經》者,今《儀禮

**>** 

也。

亡,惜哉

#### 《儀禮》

《漢書》:十七篇

以 口 春秋説 信,進 須 與離 題 退 也 以 辭 度。 禮 禮 者, 所 得, 則 以 天 設 下 咸 容, 宜 俯 不不 仰

先,不問官之大小。

《儀禮》見其

行

事之

夫

法,賤者爲先,故以《士冠》爲先,無大

之書。《周禮》爲末、《儀禮》爲

本。」

又

曰:「《周禮》,六官叙官之法,事急

者爲

《漢書》:「漢興、魯高堂生傳《士禮》十

七篇。」

鄭康成 及 Ŧi. 傳弟子 曰 : 戴 傳《禮》者十三家 德 戴聖名在也。」●五 惟 高 傳 堂 弟 生

> 七篇。」 賓 惟 崔 下 理 賈公彦日 德、 戴聖爲 子者,❷ 一靈恩 有始終,分爲二部,並 禮 至 得 臣 庶 惟 禮 曰:「《儀禮》者,周公所制,吉禮 高堂· 人, 《其禮 存三 . 三篇 五,此 「《周禮》、《儀禮》,發源 生、 篇 3 , 蕭 所傳皆《儀禮》也 凶禮得四篇,上自天子, 同等,餘三篇皆臣禮 軍 奮 禮 孟 是周 亡失;嘉 卿、后 公攝 蒼 政 是一, 禮 太平 及 得 戴 ,

「在」,原作「世」,據《補正》改。

「五傳弟子者」、《補正》謂其上有「熊氏曰」、當據補。

0 0

6

慶元儒學刻明遞修本)引崔靈恩《三禮義宗》改。「至」,原作「自」,據王應麟《玉海》卷三十九(元至

元

四

經 義 考

爲第 此 爲 冠 法 後先吉後凶 鄉大夫、見己 酒次之、《 天子爲後 而冠,三十而娶,四十强 (冠》、《昏》、《士相見》爲先後者,以二 ,其義可 禮 十七篇之次是也,大、小《 鄉大夫、州 一、《昏禮》爲第二、《相見》爲第三、• 家亦 諸 侯 鄉 士 知。 冠次之,天子冠又次之。 射 諸 一爲 X 長 君 侯 先,大夫次之,諸侯次之, 盡 行 ,及見來 燕 鄉 又曰 鄉 則 禮 飲 行 飲 酒 **>** :「劉向《别 祭祀吉禮,次叙之 酒 已下皆然。 而仕。 朝諸 爲先,天子 、鄉射之事 戴》皆《 侯之等, 即有摯見 冠 録 鄉 又 禮 V 以 其 飲 即 又

> 第,而 射》、《 徹》爲 雜 爲第十四、《 第十四、《公食》第十五、《覲 凶次第倫序,故鄭用之,一 特性》爲第十、《少牢》爲第十一,《有司 喪服》第十七。《小 亂 ,故鄭皆不從之。」 第十二、《士喪》爲第十三、《既夕》 以《 燕禮》、《 覲 禮 士虞》爲 聘禮》爲第十五,《公食》爲 》 爲 大射》 第 + 第八,《 七。 戴 四 篇  $\forall$ 於《鄉 喪 别 戴》尊卑吉 依《 禮 服 録 别 》 尊 飲 第十 爲 録 × 第 2 卑吉  $\wedge$ 鄉 第 次 M

則謂 三千』。 孔穎 名: 云『威 達曰:「《儀禮》之别,有七 爲『儀禮 儀 則《孝經》、《春秋説 三千」。 則《禮 Ŧī. 説 一則《 則《禮器》 》云『動 漢書 儀 ·藝文志》 及《 云云《 三千』。 處 中 而有 曲 庸 > 謂 Ŧi. 兀 並

爲第

四、《既夕》

爲第五、《士虞》爲第

爲第九

鄉

飲

酒》第十、《

鄉

射

第

+

特性》爲

第七、《

少牢》爲

第八、《

有

司

徹

燕禮》第十二、《大射》爲第十三、《聘禮

自

兹以

下,篇次

、則異。

《大戴》以《士

喪

0

<sup>「</sup>相見」,四庫本作「士相見」。

曲 者,惟十七篇而已。」 千,或一篇一 千者,其履行《周官》五 承三百之下 儀禮』爲『古禮 ,條數繁 廣 故 故 卷有數條之事 知即《 經 有三千也 凡 儀 禮之别 此 禮 七處 非 **>** 也。 今行 謂 五. 其 篇 所 名, 於世 事 以 有 並 委

於是。」然文王、周公之法制,粗在於今者蓋寡。然文王、周公之法制,粗在韓子曰:「余嘗苦《儀禮》之難讀,又其行

張子曰:「看得《儀禮》,則曉得《周禮》與若後世儀注,其初蓋三千餘條。」

禮記

徐積曰:「《儀禮》粗爲完書,然決非盡出《禮記》所載謂之義者,訓其經之義爾。」也。《儀禮》所載謂之禮者,禮之經也,禮也。《儀禮》所載謂之禮者,禮之經也,

年之服。 購 於 又曰 也 乎聖人,何 漢 金 ,而《儀 儒 而 爲之耳。」 喜 師 又曰 禮》有曰:父在 行 無 以知之? 其 服 私 0 嫂叔無服 意,或 此 贵 夫禮者,出 用 情 其 ,母不可 派,所以 師 哉 ? 説,或利 避嫌 蓋 以 乎人情 多出 爲三 也 其

《儀禮 張 者見十七篇中有儀有禮,遂合而名之。」 昏,後喪、祭。」 爲次,爲末則 晁公武 在前,故宗伯序五 周禮》爲 淳 日 **%** 「漢 日 . 本、《儀 喪 「高堂生傳《士禮》十七篇 初未 輕 服 者 傳》 禮》 有《儀禮》之名,疑後學 禮 在 以吉、 爲 前,故《儀禮》先冠 卷, 末。 凶、軍、賓、嘉 子 爲 夏 本 所 則 爲。 重 者

生郡齋讀書志》卷一(四部叢刊三編景宋淳祐本)改。「爲」,原作「謂」,據薈要本、《補正》、晁公武《昭德先

0

四

蓋《周 之以 覲 禮 爲禮 名 朱 天 以 世,二者 耳,「經禮 有 X 三百六十官,『 經 禮儀」, 經 子日 喻 F ,其中事儀 禮 制之凡 禮器 衆,而 設 教 事 禮 同 或 無 也 : 也 游 蓋 鄭玄等皆 子者, 臣 則 不 今按 曲 鄉 爲 也 謂冠昏 皆 上 費 曰 該 制 故 太 而 禮 大 3 勝 三千,以 有 治 攝 此《 史執之以涖 曲 近 , 曲 夫受之以 亦 書,藏於有司,祭祀、 : V. 禮 世 禮 諸儒之説 禮,文之目 而 志 禮 此 吉 || | | | | | | | E 法 括 典 經 即 書 凶。」蓋 中 其 蒼 列 設官 古 也 今 禮》三百 庸 經 有 其經傳 葉 教 在 威儀 禮 \* 儀 事 夢 委 萬 其 分 ,瓚、葉爲 以《 以 愚 也 小小 民、保 曲 禮 職 得 中 即 意 禮 之目 儀 特官 · , 而 威 日 之書,於 《周 史讀 先王 禮 冠 劉 禮 經 儀 篇 氏 昏 非 向 一,但 w 禮 長 之 名 吉 掌 之 爲 朝 經 故 作 專

千之數 禮 數 掌 者 其 事 氏 經 廟 逸見於他書者,猶有《投壺 之篇未見於今, 目,亦不容專以『曲禮』名之也 冠 目 經禮固 日 泉禮 大率 多多 《周 初 》增 以 以 記》 當 古 充 則 至 中霤》等篇,其不可見者, 官 多三十九篇 、喪、祭、燕 數 义,又將 皆 今之《儀禮 禮篇之 當 禮篇之數。 ,或以數官 **\***, 且 Ŧi. 十篇 禮之微 有 以 而 百  $\equiv$ 春 不 餘篇 何 目 百 及 官 日 以 何 射、 餘 文 通行一 所 河 》,其存者 又况 充 書 周 而 至 小小節, 篇 領 間 儻 之耳 爲 禮 朝、聘, 一於《儀 Ľ 明 Ŧī. 獻 或 其 近 **\***, 疑 事 禮 堂 猶 王 ? ? 中 一》、《奔 自 如 十 矣。 陰陽 之目 所 有 禮 或 自 亦 不 今《曲 又 七篇 而 ,但《曲 輯 逸 難計 以 爲 應 万喪》、《 嘗  $\equiv$ 所 又有 約 禮 在 經禮 指 則 一考之, 謂 百、三 之, 其 樂 禮 E 其 其 官 而 其 遷 間 史 古 官 曲 則 兼 官 古 其 大 中

陳

騤

日

~

儀禮》者

乃

周

家

行

禮

涉

於儀

禮 禮 完 儀 也 是 照 是 餘 雖 等,凡所以 法 記 E 少 \* \*\frac{1}{2} 備 法 矣。」 不可 事 **>** 解 足 重 制器、 儀 只 近度數  $\overline{\ }$ ,親 . 類 《儀 以 一複 如 如 》、《内 載 周 知 ,説大經 天 4 倫 他 此 禮 事 行 備物、 官》 然條 了,則《 子七廟 書。」 相 又曰:「《儀 類若 行 》之義。」 長、 禮之威 則 發 乃 乎 儀禮》乃其本經 ※、《玉 明, 起 是儀 宗廟 處,此 書, 通 經 而 諸 居、 又曰 禮之中者,其篇 析之、亦應 久之自 儀 則 固爲禮 、宮室、衣冠 飲 侯 禮》雖 藻》、《弟子職》 方 其 更須 . 又 所 食、 是 Ŧī. 先 日 **.**禮書。 謂 廟 通 後 陳 有 之綱 容貌 難 大 威 貫 彼 不下三 禮 振  $\overline{\wedge}$ 讀, ,而《禮記 儀三千 也。 此 大夫三、 領, 叔 儀 書 然却 之 車 辭 展 説 禮 千 篇 至 全 旗 轉 氣 ^ ^ w 是 士 其 多 尚 數 儀 儀 參 所 又 有

> 其 得 度 委 此 初 + 蓋 曲 七篇 之書, 三千 ,故多亡禮 餘條,秦 若後 世 焚 所 云。 書,漢 謂 儀 注者 訪 求 是也

諸 儀 其 葉 所 侯,而 適 ,儀不勝紀,則 存, 日 天子無考焉。 逆  $\overline{ }$ 之其 儀禮》者, 所 不 何 存,當 止 於此。」 士之禮 所 記 時 有 舉 通 司 於 之事 禮 大 必 有

禮 有 陳 也 三、士二之類 文字。 振 〉只載 禮 孫 書 日 行禮之威 . 如 此此 云 是 天 乃儀 説 子 儀 大經 七 所 更須 廟 謂 處 諸 方 威 有 是 侯 禮 儀 禮 五. 書。  $\equiv$ 一千』是 須 大 ^ 儀 夫 自

魏 諸 經 T 尤 翁 日 爲 . 有  $\overline{\ }$ 功。 儀 禮 V 經幸存, 以之參考

❶ 「陳振孫」,據前「朱子」條內引「陳振叔」語,此處「

四

六

禮》, 官》所 使周 篇 其 也 列 乎 鄭 禮》,皆公與卿 芻 疑 章 相 也 口 禮 ? 衆 薪 得 者 考之《 所 疑 如 解 言,日 釋 其中 之數 始 魏、晉 公當太平之時,豈不設 也 愚 Ŧi. 聘 載 班 使 而《儀 之 傳《 日 禮 有《儀 固 ^ 漢 自 辭 一篇《 : 周 周 主 周 》篇 籩 儒 禮 王以 非 七 官 梁、陳之間 官 人、 禮 大 豆 傳 大夫之事 禮 》所謂《公食大夫禮》及《 略 所 一》缺《 • 宋 》,而《儀禮 喪服 周 授《曲 簠 全 日 下,至公侯伯子男 記 掌 朝 公之書 賓 簋 劉 賓 書 客》之説 樂 ×, 冬官》,求之千 而 之實, 鉶 歆 行 諸 臺 史 蓋 己, ,不及於王 是 饔 九 雜 謂 講 儒 》未嘗以 書 餼 種 似 几 記 天子之禮 師 寧 始 不同 之 並 儀 侯 疑 壺 設 不獻 行 物 不 禮 後 國 也 鼎 問 • = 》有 著《 之 其 皆 教 馬 金 禾 甕 之朝 難 授 五 五 書 融 燕 疑 疑 儀 他 不 周 之 米 有 以 口

> 名曰 子至士 賓、嘉 昏 他 焉 酒 疑 無 無 Ŧ. 言本末之異 冠》、《昏》之篇,皆冠 應 禮 所 、喪、祭,必 所 之 也。 賓 麟 禮 用 用 儀 食 皆 皆 今 何 禮 日 不 有 : 攷 朝遇之禮 載 愚 有 之 黨 有 也 同 其 其 謂 韓 别 ? 於 冠禮 IE. 而 ,是皆考究精微者 禮 書 天秩 是 文公讀《儀禮》,謂攷於今 有 以 獨 猶 稽 前 不 有 E 而 有禮 有 焉。 公食 録 軍 丛 大夫 以 可 燕 前 禮 位 疑 士 禮 文公大儒,以 大 獨 小大由 獨 一大射、 獨 者 之 而 夫 闕 存 無 等 今 禮 焉 H. 覲 焉 焉 之,冠 有 獨 之 吉 禮 以 禮 自 不 鄉 几 X 載 天 其 飲 至 獨 ;

之善 辨 中 馬 等 有 廷 鸞 其 級 精 焉 死 日 義 : 9 妙 不 不 道 惟 儀 惟 焉 欲 禮 致 嚴 人之善 於纖 **>** 爲書, 於 悉 冠 其 曲 於奇 昏、 生 折 中 辭 朝 且 欲人 奥旨 有 明

之,固 注、公彦之疏,何學之博也。」 之備也;子夏之傳,何文之奇也;康成之 推 鄉 1 示同 禮 徐 有可 而 而 而 ,上大夫與下大夫不同,等 觀 達 尤 得 之,一 之天 致 而詳 嚴於喪、 子,以 者矣。 士也,天子之士 爲殘 周公之經, 闕 後 世 不 徒 與 可 考 何 諸 以 而 之 制 侯 其 F

禮 聖人 明 其 於 又 也 無 作,以其書攷之,辭意 敖繼公曰:「《 矣。 邦 大 聞 》云『設洗 夫 侯 交 焉 莫能爲 加 亦 又諸 今之 則 亦 此 當 但 當 必 侯 見 經 如 有 也。 有 其 其 有 饗」,謂 儀禮》 喪 乃 相 广 覲 祭 禮、 無 是經之言 朝 禮 祀 逸 是 祭禮 先儒皆 耳,而 簡 者 如其公響大夫之禮 禮 相 但 嚴 也 焉 用 品品 IIII 士禮特詳, 其 於 相 則 以 ^ 今皆無 、昏禮 節  $\pm$ 公食 爲 是逸之也 食之禮 朝 詳 周 耳 備 大夫 公 喪 聞 若 所 禮 其 非

是亦其亡逸者也。」

《公食 《記》矣; 禮 後, 禮 儒 熊 禮凡行事』以 義 自記『不宿戒』以後,即《公食大夫》之 飲》之《記》矣; 飲 士冠》《士昏》《 士爲賓』以後,即 (儀禮》,則《士冠禮》自記『冠義』以 冠禮》之《記》矣;《士昏禮》自記『士 者 朋 》自記『燕朝 酒》自記 相 即《聘禮》之《記》矣,《公食 來 恒言之, 射義》、《 爲 大夫》二 日 經傳 ^ 聘禮 「《儀 鄉 以《冠 後,即《昏禮》之記 也。 服 朝 義 鄉 燕 ^ 学自 鄉 於 《鄉 禮 服 飲 義 以 劉 寝 射 義 八》、《聘 酒 》是經、《 謀 記『久 射》之《記》矣;《 爲 禮》自記『大夫與公 氏 \*\ \!\ 賓 》《射》《 以 又補 介』以 後 昏 經 義》與《儀 無 即《 義 禮 之傳。 ^ 事 燕》《聘》之 ×, << 士相 後 記 大 則 矣 燕禮》之 即即 鄉 夫 聘」以 是 後 ; 見》、 及 禮 飲  $\sim$ 即即 ^ 傳 讀 燕 鄉 香 鄉 酒

特 徹 以 篇,每章有子夏作傳,而記『公子爲其母』 以 禮》下篇,故二《記》合爲 夕》之《記》略見於《喪大記》之首、《 然《冠禮》之《記》有『孔子曰』,其文與《郊 相見》、《大射》、《少牢》、《饋 是子夏以 矣;《既夕禮》則『啓之昕』以後,❶即《 性》之《記》矣;《 沐浴不櫛』以後,即《士虞禮》之《記》矣; 夕》之《記》矣。 特性 記 牲 ,即《觀 》四篇不言《記》,其所記者,十有三篇 後、又别 後附在《既夕》者,即《士喪禮》之《記 》矣 所 饋 ; 記 食 前 ^ 禮》之記矣;《士虞 爲《喪 覲 冠 禮》自記 有 禮》 義 此《記》矣。 漢儒 正 服記》,其記 士喪禮》則『士 自 同,其 記 稱《 『特性』以後,即《特 既 凡 餘 也。 夕 俟 + 諸 禮》自記 禮 於 七篇 文亦 食》、《有 篇 ^ 》即《士 東 處 喪 惟 適 惟 有 廂 服 寢 傳, 『虞 既 喪 既 司 1 喪 以

> 之舊。 完 殊與 也? 傳》之文耳。大、小《戴》所記 雖 服 而 之,故子夏爲作《喪服傳》,而 之後,子夏之前。 自 亦作傳焉。 二《戴》不以《禮經》所有之記文而傳之 者,先儒謂 Ē 偽訛亦不免,惟《 與《小戴 》之《記》與《大傳》中 ,其間 今《周 十三篇之後各有《記》,必出  $\wedge$ 左 一傳》 禮》不 職掌繁密 《三禮》之中,如《周 · 冠》《昏》等六《義》不同 其 所 文物彬彬 引周 相 蓋 儀 ,恐傳之者不皆周 孔子定禮 似,亦恨 禮》爲《禮 數 公制《周 ,乃周公制作之 相 似 其 并 古 而門 9 僅 禮》大 多 禮 其《記》, 經》之稍 於 餘 格言 似《左 日 人記 孔 ^ 何 記 綱

0

<sup>●「</sup>之」下,原有一空格,據薈要本、《儀禮注疏》卷四十

<sup>「</sup>之記」,原作「之傳」,據四庫本、薈要本、《補正》改。

吴澂

日

 $\overline{ }$ 

儀

禮

¥

七

篇

漢

興,高

堂

生

得之以授

瑕

丘

蕭

奮

奮

授

東

海

孟

卿,

卿

授

后

蒼

授

戴

戴

聖。

^

禮

經

殘

闕

之

《儀 黨》語 記 傳。 圭 + 朝 禮》之下篇也。」 喪 讀 僅 其 未 公九年,孔子仕魯,至十三年 禮 知《鄉 如 ·七篇 存 聘之事 禮》之下 而 禮 按 如 者 重」、『人門鞠躬』、『私覿 不 曲 》之書,聖 ,大抵《禮 此 實 加 ,後之君子 禮 朱子《 黨》 ,疑使擯 意 + 影必 篇 又引 )用《聘 也。」 五. 也 非 門 鄉 經》多 篇 9 蘇 黨》集 因記 孔 **執** 禮 又曰 有志於禮樂, 有 而 氏 子 又曰 己。 圭 司 出 語 其 曰 之事 . 注 徹》乃《 兩 於七 語 《聘 ,抑《聘禮 : ^ 條 引 既夕禮》乃《  $\overline{\wedge}$ 也 孔 適齊, 晁 十 愉 禮 但 儀 氏 氏 見 少牢 子之徒 孔 勿以 愉 》篇末 禮 遺 得 티 : 等等 子 其 書《 用 饋 名 古 間 其 嘗 『定 鄉 難 有 雜 無 爲 所 食

經義》,廢黜此經,學者罕傳習矣!」餘,獨此十七篇爲全書,自王安石行《新

作 筆 何 異孫 其 則 非 制 日 所 度 . 必 敢  $\overline{ }$ 出 知 儀 於聖人 禮 \* 若 書 斷 決 以 非 爲 秦、 周 公之 漢 間

喪 宋 筆之爲《儀 諸 濂 禮 日 其 升 禮》之文。」 周 降 制 揖讓 聘、 覲、 之節既 燕、 饗、 行 之矣, 饋 食、 昏

公之作 若 已 決 何 也 讀 燕 喬 非 禮 ; 日 禮 新 之文,當是 周公作之,則 秦、漢間 鄉 《射》、《聘》、《覲》、《公食大夫》 冠 一經》廢 日: 也。 飲 × ^ 「《儀禮》未知孰作, 孔子有 昏 筆 壞 鄉 ×, « 也。 時 其 射》 非 相 傳 學禮之言 固 其 所 於世者,十七 見》 已 法 敢 篇 有 度 知 三篇 簡 必 大夫 也 《禮記 牘 出 或以 之 於 皆 禮 遭 聖 傳 士 秦 篇 爲 也 矣, 禮 焚 周 五 Щ

聖,是 篇 <u>\f}</u> 篇藏於秘府,是爲古文。哀帝 《古經》五十六篇於壁 制。 大夫 亡,惜哉 奮授東海 上之,其十七篇與《儀禮》正 少 特 列之學官,而 牢饋食》、《有司 牲 諸 唐 漢興,高 饋 侯 爲今文。 初 禮 禮也 食》 猶 孟 9 卿, 四篇, 存,諸儒不以爲意,遂至 堂 喪服》一 9 ^ 諸博士不肯置對 生得之,以 卿授后蒼,蒼授戴 士 後 皆諸 魯 喪 徹》二篇,皆諸侯之卿 八》、《既 恭 篇, 中 侯之士 王壞 河 則 授瑕 夕》、《 一同,餘一 間 通言 孔 初,劉歆 獻 一喪祭 子宅, 元,竟不 丘 Ŀ 王 士  $\equiv$ 德 蕭 下之 一虞》、 + 得 禮 於 得 欲 得 戴 九 而 9

湛若水曰:「《儀禮 有《士昏禮》,而無天子、諸侯昏禮,其於 傳也, 有《士 不 可易矣。 一冠禮》 而 》之爲經也 然 無 而 天子、諸 今也皆 《禮記》之 侯 Ľ 冠禮 而 不 禮 傳。」 何? 非 焉  $\sim$ 

爲

故

《月令》也。 唐伯元曰: 者矣、《玉藻》之有《深衣》也、《明堂》之有 凡《儀禮》之稱曰《記》者也。 也、《士相見》也。 則《公符》也 廟》《投壺》《公符》《 也、《大戴 喪、祭也亦然。 公符》也、《投壺 郊特性》也、《諸 也 儀禮》有 爾,皆其 極 ,其爲逸經傳也。 醇 徵 又 而 日 日 ·諸侯釁廟》也、《遷 傳也 有 無 稱 」,及其散見於《禮記 「《儀禮》存者 吴文正以《大 : 經而 疵 魯令、薛令也,可  $\sim$ 前 故祭則《 然 业。 曲 侯釁 無傳者矣、《公食大夫》 有 奔喪》補 而 禮 經則亡矣。」 僅 有 **>** 廟》 有經中之傳者矣 大 存 傳而 小 投壺》之爲 戴 醇 其什 也、《遷廟》 爲《古經 戴 經 而 . 有傳中之傳 無經 也,奈 釁 小 廟》: 郊 也,班 知 已 廟 疵 又曰 者矣 也 特 耳。 其 ×, 傳 \* 何 一,冠 牲 也 爲 遷 儀 尚 也 班

也 有 矣。 而 《傳》, E 綴之經 傳,遜 凡 禮 而 有 諸 辭 則 經 禮皆. 也 不 有 成 惟《冠》有《義》,惟 記 無者,失之也 章 傳 有 義、 亦 義 有 也 傳 不 記 E 亦 喪 義 經

冠 具焉,故謂之《儀禮》。」 李 、昏、喪、祭、飲、射、朝 黼 日 : 儀 禮 亦 周 公之所作 、聘之儀 法 也 度 凡 數

逸於《記》中者。」 壺 吴 繼 奔 日 喪 》、《世子》、《明堂》,  $\overline{ }$ 儀 禮 經 > 多 散 佚, 乃是 如 經 投 而

昔 之,長 之舊 有違 臨 齋 徐三重曰: 飭 敦 F 即即 也 讓 奉 而 如如 教 謹 於今所傳者 化、成 何 言 此 守 「《儀禮》 奉 心 人 就 動 安得不收斂? 行之,終其 不賢 安 一、若士 材之軌物,所 得 書, 良 不 君 .循 身恐 大 無 子 分秉 夫 論 乎? 身安 是 朝 少 禮 以 否 夕 而 臻 此 得 先 而 跬 誦 古 王 上 步 習

平盛治者,孰謂不由此道也。」

古 之 諸 言 拘也。 冠 昔 爲 舊 也,大夫 之士,公卿大夫皆士之仕 郝 又上而天子, 日 陋説 例耳。 、昏、喪、虞禮皆稱 人 賢纂輯 侯禮亡,亦 士,少牢不言 敬 然欲 「十七篇 周 日 士先四民,禮義由士出 也。」 詳縝密之思 用少牢 讀《禮 觀 見聞  $\sim$ 古 儀 猶 可 不言天子諸 著 禮》 又曰:「不讀《儀 禮,舍 引 而 大夫,士用特牲 夫《 》者 不 爲 者 而 禮經》存 古 止大夫也 伸矣 斯 士 此 禮之儀 執 儀,非 一,遂謂 末 不 ! 侯 者,上 由 通, 禮 而 周 必盡 故 禮 矣 一,但 鄭 ,故言禮繫 《樂經》亡 大特 遂 禮》,不 而 而 獨 衰禮亡, 謂 舉 康 先聖之 諸侯 士 牲不 隆 止 成 天 因 子 又

古 錢 經出 蚒 日 於淹中, 高 堂生傳《 河 間 獻 士禮 王 得 + 而 七 獻之,合五 又

〇 五 二

六 篇 並 威 儀之事 今 所

萬 與古 表 漸著之爲儀文; 在後 而 儀禮 禮記》爲 後 裹, 斯大曰: [經不殊 得 》,是無 考儀文則《 明 精 其 「《儀禮》一 猶 義 根之木,無 在聖 理。 有三十九篇未 儀 人 故讀 禮 即即 人,必通 書,與《禮記》相  $\forall$ 源 爲 吾 之水 禮 備,言 存 心 記 行 + 之義 達 也 **>** 於世 其儀 七 而 義 篇 理 不 理 知 爲 當 則 而

#### 儀 禮逸

十八篇

未見。

黄 則知 以 張采曰:「永樂初,太平守劉有年進逸《禮 虞 辭 初唐 稷 秩養母忤旨,罰輸 日 所亡之書 明 洪 武 國初猶 中 站役通州 御 史沅 有表獻 州 於 劉 州 有 舊 年

> 戍 中 家 雲南 起 得 知 其 公不 洪武 太 載 其 内 按 書 致 即 有 ,後官交阯按察司 儀禮》逸經十有 疑 草 適 閣 年 爲 草廬吴氏 平府,成 ,獻之朝, ^ 者 草 聞 中 廬 ,不見其 何 明 合其數。 本 廬 從 爲 有 書, 得 監 表 統 無 祖 命 本爾,逸 章 察御 之,又怪當 志 有 是 靖難 書。 付 傳 ₹: 年 當 以 八篇。 史館 布 史。 愈事 姓 時 吾意 元沅 不 館 之請 名 經八篇, 内 。」楊 閣 卒。 永 行 州 也 閣 有 時 有 樂 迎 此 書 劉 諸 年 且 廟 年 用 中,上 目 有 傳 所 堂 修 建 無 老 求 **>** 年 足 止 知 > 訝 文 進

經 義考卷 百 = 十 终

弟子桐鄉 吴家騏覆校 所謂

曲

禮」,鄭玄於

禮特明

,皆有證

據

氏置博士,荀崧

Ŀ

疏

日 :

『儀機禮

經,

《晉書》:「元帝踐阼、《周官》、《禮

記

》鄭

宜

置鄭《儀禮》博

士一人。」

# 經義考卷一百三十

秀水朱彝尊 男昆 田 校 《隋 於國學,其餘並多散亡,又無師説。」

禮》是也,餘篇皆亡。」

· 經籍志》:「古經十七篇,惟鄭注

V.

所掌五禮威儀之事,有六十六篇,無

敢

傳

阮孝緒曰:「古經出魯淹中,其書周宗伯

者,後博士侍其生得十七篇,鄭玄注《儀

儀

禮二

鄭氏玄《儀禮注》

隋志》:十七卷。

賓 漢諸 聖人體之、《儀禮》爲末,聖人履之,爲本 先冠、昏,●後喪、祭。」 則重者在前,故宗伯序五禮以吉、凶、軍 生傳《士禮》十七篇爲《儀禮》,《喪服 晁公武曰:「《儀禮》十七篇,鄭氏注 卷,子夏所爲。 、嘉爲次、爲末則輕者在前、故《儀禮 儒得古文《禮》,凡五十六篇。 其説曰:《周禮》爲本 高 傳 西

原脱,據四庫本、薈要本、《補正

肅、劉逵、袁準、孔倫、葛洪皆云:

『滿手

王

爲米一升二十四分升之一。』射慈同。

《釋文序録》:「一卷。」

### 王氏肅《儀禮注》

十七卷。

卷。

佚。

米,夕一溢米。』鄭云:『二十四兩爲溢, 陸德明 「《儀禮 喪服傳》: 「朝 溢

### 李氏軌《儀禮音》

《唐志》 卷。

《晉書》:「 準,字孝尼,以儒學知名,官至

給事中。

陳銓、蔡超宗、田僧紹之注,杜預、賀循、 王應麟 | | 唐 藝文志》袁 準、孔倫、 陸德明曰:

「不詳何人。」

《唐志》:

一卷。

《唐志》:二卷。

佚。

### 孔氏倫《儀禮注》

《唐志》:

陸德明曰:

陵太守。」

一卷。

陳氏銓《儀禮注》

倫,字敬序,會稽人,東晉廬

田氏傷之《儀禮注》《唐志》書字。

相諮議參軍。」

陸德明曰:「蔡超,字希遠,濟陽人,宋丞

《唐志》:

佚。

陸德明曰:「田儶之、字僧紹、馮翊人、齊

東平太守。」

按:陸氏《釋文序録》載注解傳述

志」, 四庫本作「書」。

二〇五五

郷 老

《儀禮》全書注也。 孔倫注一卷,陳銓注一卷,蔡超宗 書 《喪服》。考《隋 其注《喪 注二卷,田僧紹注二卷。」並不 志》始載:「袁準注《儀禮》一卷, 家有全書注。 注,又二卷田 注,又一卷陳銓注,又二卷蔡超宗 其餘未嘗有全 之中,惟載王肅《儀禮注》十七卷, 之凡十家,云自 次宗、蔡超、田儁之、劉道拔、周 融、王肅、孔倫、陳銓、裴松之、雷 云:「又一卷鄭玄注,又一卷袁準 人,於《儀禮》有鄭康成注,此外 · 經籍志》於馬融《喪服紀》下 服 》,則誤 僧紹注。」亦未載諸 至《新 書注 馬 ·經籍志》,十家 以《喪服》注 融 下至鄭氏《通 唐 也。《舊唐 以下,並 書 藝文 著 續 爲 注 馬

《序録》爲正也 籍志》皆沿其誤。 仍兩載之,而辨其非是,當以陸氏

劉氏昌宗《儀禮音》

七録》:

佚。

陸氏《釋文》多引之。

沈氏重《儀 疏

三十五卷。

名,而又於《喪服傳》注五家複出

由是西亭王孫《授經圖》、焦氏《經

今未敢遽删去,

準、孔倫、陳銓、蔡超宗、田

僧紹姓

志略》,既

於《儀禮》

全

書注

載 袁

按:沈氏《儀禮義疏》、《隋》《唐•

經籍志》俱無之、《新唐書・藝文

志》有《周禮》《禮記義疏》各四十

卷,而無《儀禮》,惟《北史》載之。

佚。

《儀禮義疏見》

隋志》: 一卷。

黄氏慶《儀禮章疏》

張氏冲《儀禮傳》

八十卷。

佚。

佚。

李氏孟悊《儀禮章疏》

佚。

亡名氏《儀禮義疏》

隋志》:六卷。

經注稍周,似入室近觀而遠不察。二家之 漏,猶登山遠望而近不知; 悊則舉小略大, **悊者**,隋日碩儒。 賈公彦曰:「信都黄慶者,齊之盛德; 慶則舉大略小,經注疎 李孟

### 賈氏公彦《儀禮疏》

今本亦作五十卷。」 五十卷。《玉海》云:「舊史四十卷

存

禮》、《儀禮》,發源是一,理有終始,分爲二 弁、爵弁。 以《周禮》注者則有多門、《儀禮》所注,後鄭 末、《儀禮》爲本,本則難明,末便易曉。 部,並是周公攝政太平之書。 知聖人言曲 疏,互有修短。 而已,其爲《章疏》,有黄慶、李孟悊二家之 表其疏; 言有微妙 公彦自序曰 既冠,又著玄冠見於君,有此四 . 事資,注釋 「竊聞 按: 非釋 士冠三加,有緇布冠、皮 道 本 而 無能悟 ·冲虚 成。 非言無 《周禮》爲 其理。 至於《 是 周 是 以

> 以去瑕取玖,得無譏焉。」 以先儒失路,後宜易塗,故悉鄙情,聊裁此 也。黄、李之訓,略言其 心,經以表首。」以黄氏公違鄭注,黄之謬 也,明孝子有忠實之心,故爲制此服焉。』則 謬也。《喪服》一篇,凶禮之要,是以南北兩 已定,庶可施矣。 己義,仍取四門助教李玄植詳 絰之所作,表心明矣,而黄氏妄云:『衰以表 注《喪服》引《禮記 家《章疏》甚多,時之所以皆資黄氏。 釋經之四種。 種之冠,故記 疏,未敢專欲,以諸家爲本,擇善而 而李云:『委貌與弁皆天子始冠之冠。』李之 人下陳緇 經之與《記》,都無天子冠法 函丈之儒,青衿之俊,幸 檀弓》云:『経之言實 布冠、 一,餘足見矣。今 委貌、周 論 口 從,兼增 否,愈謀 按: 弁、以 鄭

彦删二疏爲此書,國朝嘗詔邢昺是正之。」 晁公武曰:「齊黄慶、隋李孟悊各有疏義,公

大義。 朱子曰 其下。 衛湜 釐 付之茫昧幽冥,將尋訪本書傳抄,庶幾 禮疏》四帙,正經、注語皆標起止,而疏文列 禮》之書,一日,從敗篋中得景德中官本《儀 馬廷鸞序曰:「余生五十八年,未嘗讀《 家疏義,公彦等裁定爲五 也,長兒跋曰:『家有監本《儀禮》經注,可取 讀書,如余之於《儀禮》者皆是也。 已,熟其誦數矣。王介甫《新經》既出,士不 注,學者童而習之,不待屑屑然登載本文而 而附益之,以 儀禮》自鄭注之後,僅有 爲九帙,手自點校,并取朱氏禮書與其門 弟黄氏、楊氏諸 E 然余老矣,懼其費日力而 蓋古有明經、學究專科,如《儀 : : 「《儀禮疏 「公彦 便觀 同 [覽。] 意欣然, 命之整緝 》説得 李元 家 續 植 不 十卷。」 補 黄慶、李 編《 甚分明。」 之編,分章析 儀 卒無 禮 然不敢 孟 禮 悊 二 疏 所 創 》經 儀 補 通

> 道焉; 謂《 闕 之注、公彦之疏,何學之博也。小子識之。」 等而上之,固有可得而推者矣。周公之經, 士與諸侯之士不同,上大夫與下大夫不同 祭,後世徒以其推士禮而達之天子,以爲 致嚴於冠、昏、朝、聘、鄉、射,而尤嚴於喪、 惟欲人之善其生,且欲人之善其死,不惟 哉?』其爲書也,於奇辭奧旨中,有精 條,題要其上,遂爲完書。 何制之備也;子夏之傳,何文之奇也;康成 不可考之書。 儀 於纖 禮》 者與? 悉曲 徐而觀之,一士也,天子之 折 韓昌 中,有 黎之言,豈 拊而: 明辨等級焉。 歎曰:『兹所 欺我 義 不 妙

## 孔氏穎達《儀禮正義》

五十卷。

佚。

二〇五

考

《唐》《宋志 禮正義》亦然。 之,恐記憶之誤 按 : 孔 氏不 》俱 聞 無 也 有 ^ 其 授 儀 (載孔 經 禮 圖 正 氏 義 獨 周 著

鸞臺

一侍郎

同

鳳

閣

繕

臺

平

章

事

俄

轉

鳳

閣

太子

演博

光禄

大夫,封石泉縣男,

改

琅

琊縣

男,以

陸 氏德明《儀禮釋文》

卷。

王氏 方慶《禮經正

新唐志》:十卷

佚。

督。 越王府 舊唐書》: 證聖元年,召拜洛州 參軍, 「王方慶, 累遷 太僕 雍 少 州 長史,尋加 卿, 咸 陽 拜 廣 銀 州 起 青 都

> 貞。 侍郎 王 不 學好著述,所撰 三禮,好事者多詢 左庶子,進 應 減 中宗即位,追贈吏部尚 依 麟曰:「王氏《正義》不著録。」 秘閣,至於圖 舊 石泉公,卒贈 知 政 事 雜 訪之。 畫,亦多異本。 改 書,凡二百餘 封 兖 其家聚書甚多 石 泉 州 書。 子,授 都 督,謚 方慶 卷、尤精

經義考卷一百三十一终

弟子江 陰高璜覆校

# 經義考卷一百三十二

秀水朱彝尊編

男昆 田 挍

# 陳氏祥道《注解儀禮》

儀

(宋志》:三十二卷。

爲 精詳博洽,非諸 常博士陳祥道《注 范祖禹進劄子曰:「臣伏 書,其文難讀,其義難知,自古以來,學 儒 所及。 解 儀 禮》爲三十二卷, 臣竊 見館 以《儀 閣校勘太 禮》

陸氏個《儀禮義》

宋志》:十七卷。

佚。

《玉海》:「元祐八年正月,侍讀學士范祖 卷,精詳博洽,乞下兩制看詳,并所進《禮 必有補於制作,取進止。」 所進《禮圖》,並付太常,以備禮官討論 祥道新注《儀禮》,奉御下兩制 蒙皇上藏之秘閣,伏望聖慈特降指 於禮學,凡二十年,乃成此書,先王法度, 圖》付太常,以備禮官討論。從之。」 禹言太常博士陳祥道《注解儀禮》三十二 如指諸掌。 者罕能潛心,故爲之傳注者至少,祥道深 昨進《禮圖》一百五十卷,已 看詳,并前 揮,取

二〇六二

## 張氏淳《校定古禮》

《通考》:十七卷。

供

《釋文》

《通考》:一卷

传

《識誤》

《通考》:三卷。《宋志》作一卷。

供

禮,而今《儀禮》乃有天子、諸侯、大夫之淳自述曰:「劉歆言高堂生所得獨爲士

禮 陳振 禮 禮爾,今此書兼有天子、諸侯、卿、大夫 定,識其誤而爲之序。謂高堂生所 明、賈公彦皆云然,不知何所據也。」 有《目録》一卷,載大小戴、劉 校。乾道中,太守章貢曾逮仲躬刻之,首 書,但篇數偶同 同,以古監本、巾箱本、●杭細本、嚴 一,居其 ,決非高堂所傳,其篇數偶同。 孫曰: 大 半, 「《古禮》,永嘉張淳忠甫所 耳。 疑 今《儀 禮》 非 向篇 高堂生之 自陸德 第異 傳 本校 士

● 「本」,原作「木」,據四庫本改。

蓋

專

指冠、昏、喪、祭而言,若燕、射、朝

説所訂之誤,又不察其所謂『士禮』者,特

之書,但篇數偶同爾,此則不深考於劉歆

略舉首篇以明之,其曰推

而致於天子者

朱子曰:「張忠甫疑今《儀禮》

非高堂生

《綱目》

端處便錯了,但此本較他本爲最勝。」 《儀禮》甚子細,然却於目録中《冠禮》玄 印本,又爲一書以識其誤,號爲精密,然 賈疏之外,先儒舊説,多不復見,陸氏《釋 聘,則士豈有是禮而可推耶?」 亦不能無舛謬。」 又曰:「張忠甫所校 文》亦甚疎略。 「《儀禮》,人所罕讀,難得善本,而鄭注、 近世永嘉張淳忠甫校定 又曰

## 李氏如圭《集釋古禮》

俱未見。

魏了 《中興藝文志》:「《儀禮》既廢,學者不復 是信,有不可盡從者。」 附以古音,至不易得。 朱熹嘗與之校定禮書,蓋習於禮者。」 章句之指;爲《釋宫》,以論宫室之制。 爲《集釋》,出入經傳,又爲《綱目》,以别 訂其訛,爲《儀禮識誤》。 載堂室門庭,今人所不曉者,一一釋之。 丑進士,嘗爲福建撫幹。《釋宫》者,經所 陳振孫曰:「廬陵李如圭寶之撰,紹興癸 誦習,或不知有是書。 翁曰:「李氏《儀禮集釋》功夫緻密, 第一 乾道間,有張淳始 淳熙中,李如圭 惟鄭、賈之言

〇六三

經義考

二〇六四

未備 凡 注 張 章句之指,次《集釋》十七卷,皆發明前人 而 萱 一十九卷。」 京末一卷爲《釋宮》,考論宮室之制 釋之,首一卷爲《儀禮綱 日 宋淳 熙間 李寶之 目 如 》,以 圭 取 分别 鄭 氏

### 周氏燔《儀禮詳解》

《宋志》:十七卷。

朱子熹《儀禮經傳通解》

《宋志》:二十三卷。

存。

禮》。且如《儀禮》有《冠禮》,《禮記》便有朱子曰:「《儀禮》是經,《禮記》是解《儀

從。 先以《儀禮》篇目置於前,而附《禮記》於 《禮記》本秦、漢上下諸 領,至其儀法度數,則《儀禮》乃其本經, 晉以來,諸儒補緝,竟無全書,其頗存者, 用爲急,遭秦滅學、《禮》、《樂》先壞,漢 韓文公見之。」 能遽曉。今訂此本,盡去諸弊,恨不得令 記不隨經,而注、疏各爲一書,故讀者不 餘《曲禮》、《少儀》,又自作 其後,如《射禮》則附以《射義》之類,若其 書,又有他説附 「臣聞之,六經之道同歸,而《禮》、《樂》之 《儀禮》,禮之根本,而《禮記》乃其枝葉, 冠 昏義》。 《禮》而 義 前賢嘗謂《儀禮》 ×; 《儀禮》有《昏禮 己。 以至燕、射之禮,莫不皆然。 《周 益 又《乞修三禮劄子》曰: 於其 官》 難讀,以經不分章 間。 儒 書,固 解釋《儀禮》之 》,《禮記 今定作 項,以 爲禮之綱 類相 便

説

寫

者

取

而

不

長,聲音清 略 肾以 二學者考訂 源, 度數之實而立文者 禮 禮 樂》之 知 其 文 雖 而 以 之未 記 有 記 其 獨 不 前 來, 有大議 失已 附 端 **>** 及諸 爲 存《禮記》之科 此 爲 濁 供 於本經之下,具 成。 緒 郊 王安石 闕 教 甚。 猶 學士 而 特 應舉,至於 其 經 也 而 有 1 會蒙 牲 説 則 率 私 史 猶  $\equiv$ 而 用 欲 家 大 又 變 雜 故 博 得 禮 除用 冠 耳 絶 夫 則 無 書 臣 亂 士 以 以 義 學 通 無 莫 其 頃 書 所 諸 棄 舊 誦 列注 咸 儀 臆 禮 學 師 間 等 檢 載 在 有 習 生 經 制 幽 禮 斷 授,律 有及 徒 學 篇 閲 知 Ш 任 而 亦 一疏 冥 又 而 廢 分散 林 其 究 傳 爲 知 乃 無 諸 己 而 有 不 罷 嘗 、説者 其 諸 經 尺 莫 於 儒 大 過 遺 其 説 科 儀 禮 若 抄 之 短 知 誦 義 與 儀 遂 本 愐 間 行 其 府 紙 以 遺 不 子 司 晚 可 鄉 歲之所親定, 能

其

法

乃《

宗

末

其

虚

禮

熙

寧

而

疏

耳

設,别 卷,《 繫銜請俸,但乞逐月量支錢米,以給飲食、 藝之闕 許臣 爲 興起廢墜,垂之永久,使士 差撥 意 在 札、油燭之資。 招致 日 禮》三 與之居 聖 者 王朝禮》十四卷,今刊於南 跋 就 經 無 舊日 朝制 貼書二十餘 日 就 推 傳 竊 而 卷 而 : 秘 欲 恩。 處,令其 亦 通 學徒 作之助 鐘 、《學禮》十一 「右 書 未 更 解 律之制 能 加 省關借《禮》、《樂》諸 則於公家 》者 + 先 參考 其 具 數 君 編類 名, ,凡二十三卷,蓋 也。 則斯文幸甚。」 抄 所 則 寫 候 别 雖 欲 著《家禮 踏逐空閑官 卷,《 士 無 結 人,即乞下 爲 望 友 有 甚 知 局 一聖明 間 邦 官 費 書 日 實學,異 亦 康 或 用 人,亦 **>** 特 以 有 道 禮 Ŧi. 書, 臨 支 先 屋 詔 補 而 得 君 犒 安 自 四 數 其 有 口

是爲絶筆之書。

次

第

具

呼 年 旨 禮 書 君 傳 相 見 餘 有 致 是 類 所 大射 王 使 書 所 生 始 次 增 集注》者 於 意 朝 年,今幸 以 則 朝 禮》八 識 徒 比 末 草定而 他 益 目 不克 嘗 禮 禮 具存此篇 置 具. 其 録 在 ×, ×, « 以 H 悉 備 局 心之所 究 其 此 經 書 規 篇 討 而 從 惟 聘 編 未 可 其 摹 筵,嘗 成, 論 其 次 顧 書之舊名 禮 暇 則 書 爲千古之恨 次第 大 粗 念先 藁。 1 存 亦 全 删 猶 數 今謹 而 見 具 當 統 未 矣。 改 **>** 公 不 屬之門 端 君 至 而 奏 篇 者 相 脱 果 食 繕 篇 早歲 於《 所 也, 緒 公欲 禮 從 》亦 也, 藁 F 大 録 就 請 缺 於 也 也 人 凡 夫 缺 如 喪》、《祭》 而 今皆 缺 然其 即 者 樂 於朝 此 夫 黄 + 禮 右 而 天 0 嘗 It 壞 榦 其 四 × 未 不 著 庶 不 讀 有 餘 此 乞 卷 日 補 假 7 敢 諸 俾 者 嘉 幾 述 志 則 定 之 當 招 之 集 之 爲 嗚 有 於 此 有 先 侯 而

> T H. 八 月 0

卷、《王 解》者, 書數》 鄉 中 禮》三 興 藝 朝 凡二十三 文 禮》十 篇 卷、《學禮》十一 志 闕 **\***: - 四卷。 而 一卷, 未 熹 補 熹 書 \_\_\_\_ 其 爲 晚 卷、《邦 日 ^ 歲 ^ 家 儀 所 禮 禮 親 國 經 定, 禮  $\equiv$ 傳 惟 通 几

^

以 綱 其 《禮記》 闕 附 方子 大 於 要, 遺 及諸 本 日 固 愐 經 . 已舉 析 之下 經 其 先 中 矣。」 疑 生 書 具 晦 以 所 列 ^ 載 雖 注 儀 書 有 疏 禮 不 諸 及 W 爲 克 於 儒 就 之説 禮 經 者 而 而 補 皆 宏 取

禮 見 祝 》、《冠 禮 穆 × 日 ^ 義 鄉 附。 「文公所編《 飲 酒 1: 禮 昏 》、《鄉 禮 儀 禮 飲  $\approx$ 酒 昏 義 義 篇 附 附 鄉 1 士 相 冠 射

0

十三(明 四 庫 曆四十二年刻 本 無 此 空 格。 本)作「下」。 程 敏 政 安文獻

禮》、《 禮 ジ 》、《射 禮 聘 義 禮 下篇: 附。 聘 《喪服 燕 義》 禮》、《燕義 附 》、《喪服小 ^ 公食 》附。 大 記 》、《大傳》、 夫 ^ 大 禮 射

《服問》、《間傳》附。《士喪禮》、《既夕禮》、《士書礼》, 第二月

虞禮》、《喪大記》、《奔喪》、《問喪》、《曾子問》、《檀弓

附。《特牲饋食禮》、《少牢饋食禮》。次以

《禮記·曲禮》《内則》《玉藻》《少儀》《投

壺》《深衣》爲一類,《王制》、《月令》、《祭

《禮器》、《郊特牲》、《明堂位》、《大傳》法》三篇爲一類,《文王世子》、《禮運》

《樂記》七篇爲一類,《經解》、《哀公問》、

《仲尼燕居》、《孔子閒居》、《坊記》、《儒

記》、《緇衣》、《大學》五篇爲一類,以問呂行》六篇爲一類,《學記》、《中庸》、《表

伯恭,後更詳定。」

取《大》《小戴》及他書傳所載繫於禮者,陳振孫曰:「《通解》以古十七篇爲主,而

篇 附 云者,蓋此 人之,二十三卷已成書, 其十四卷草定未 書初名也。 删 其子 改曰《 在 闕《書 集 刻之南 傳 數 集 注

一切仍其舊。」

爲 《喪》、《祭》二禮屬之門人黄榦類次。 記 《彖》、《象》、《文言》、《繫辭》各自爲書,鄭 合者離之,是亦學者 文公於《禮》書之離者合之,於《易》書之 康成所以欲省學者兩讀,而 馬廷鸞曰:「愚按:《記》不隨經注 注疏諸儒之説,爲《經 王應麟曰:「文公以《 》及諸 書,讀 經史書所 者不 能 載 遽曉,此 所當. 附 傳通 儀禮》爲經, 知也。」 本 解》二十三卷 經之下, 爲今《易》也。 猶 古《易》之 一,疏各 取《禮

2405

三百三千之目,至漢僅存一十七篇。六經之一,乃周公所作,孔子所定,元有熊禾《刊通解疏序》曰:「竊見《儀禮》爲

一〇六八

之圖 門人 歷 儒 書。 説 易之大 初 爲《 布 王 自是學者更不 開 大 通 儀禮》,但以《 仍 本 朝 代沿革之制 參校訂定墨本 寶》《 經經 酌 典》及諸 所 解 舊 勉 於所 傳通 小 凡《禮》之大綱 古準今,損文就 法, 纂 有 穀》, 齋 政 戴 又 注 刊 黄 補《 記 解》一 而 和 復 史志 疏 本 氏 乃 志 禮 **>** 過 及 儀 知 小 不 其 語 兵 則 信齋 略。 擬 禮 、會 有 書, ,戴》設 過 斟 關 頗 傳 未遂。 燼 禮 如《 酌 要等 各卷 洛 就 傷繁,後信 耳。 之後,板 細 自 楊 經 而文公初 質,輯 損 書 目 家、 科 春 以 矣。 氏 益 篇 坊板 書 今得 自 秋 來 2,三世 靡 鄉 與五經 目 王 ン》之《 以 與 諸 文公晚 爲 之下 帙 以 行,以 不 安 考 :齋楊 爲 儒 夫《開元 志 ^ 散 具 至 儀 亭 始 石 左 百 折 欲 載 亡,兼 邦 並 克 禮 年始 廢 諸 氏 氏 衷 便 王 或 行 之 以 流 不 將 罷 外 名 爲 成 歷

> ^ 吴師 於 傳 之大全,千古之盛 之書、未完者、門人又足成之,可 以子朱子慨然定 義 儀 》以 風 禮 道 教 一者固 附 0 乃 日 其 亦 本 後 有 「以三禮 非 經 本 小 庶 末 爲《儀 而 補 可 之相 ^ 繼 禮 論 先 禮 記 須 則《周官 儒 經 **>** 而 諸 未 傳 不 篇 畢之志 通 可 解 謂 則 W 闕 爲 集 禮 其 注 綱 書 是 其 疏

自 以 綱 解 曾楽日 朝《 天 補 子 其 然 闕 亦 至 周 釐 「朱子 未 於 禮 及精 庶 爲 人之禮 家、 挈 禮 詳。」 記》 ^ 鄉 儀 諸 謂 邦 禮 之《儀 經 國、王 **>** IE. 有 經 及 禮 於 朝之目 以 經 禮 提 傳 者 其 通

朱子緒正。 王 鏊 日 今經惟 朱子嘗欲 禮 以《儀 最 繁 禮 亂 》爲 惜 經 不 禮 經

典

也

0

賈 禮 循其 若《 之,乃自爲 然 年 矣。 射 附 記 次《學禮 義 以《昏義 ) 覲 鄉飲 喪》、《祭》二 \* 注《儀 誼 有 禮 》、《公食 以 禮》附 1 爲 然其 舊 序 春 鄉 酒 冠 傳 新 附 而 禮》經 禮》附 秋 禮 可 》,次《邦 射 書 以 餘 釋 以 經 大 内 義 舉 × ^ 士 有 之, 則 書,非 ^ 一禮,草 傳 夫禮 大 《孔叢 外 ×, 朝 而 不 相 傳,始《家禮》,次《 附 以《鄉飲 傳》、《 相 射 庶 事 行。 可 見 燕禮 國禮》,次《王朝 以《 從, 》附 義 不失古之義 禮 附 廬《纂言 以 ×, 子》之流 ×, 冠 釋 者,亦 然 》附以《 誠 如 新 以《公食大夫 附 酒 義 其 經 草 T 序 聘 義》,《鄉 **>**, 以《燕義 間 廬 也 古 × 禮 無 》,割裂經文 士相見義 雜 之特 所 ^ 如 1: 雜合 列 至 附 附, 引 之何, 昏 朱 禮 鄉 勉 女 以 ×, 射 禮 見 子 義 傳  $\approx$ 禮 亦 以 大 齋 ^ 禮 也 大 成 戴 秩 晚 姑 得 聘 附 續

某亦未敢從也。」

禮 名者 繁,點 志 督 氏 生 初 《家禮》,次《鄉禮》,次《學禮 劄 劉 而 之宜,古今之變略備矣, 加 諸 於 後 折 十有七。 ,其規模 告終、《喪》、《祭》二禮,則 論 》,而《王 不 瑞 衷焉。 禮 生 講 或寡矣。 果 少異,蓋自成一 序 畫漫 者 貫其 手 日 上,晚乃著《 有 録 △ 漶,士 次第,授於先 朝 考焉 「子朱子 經傳 精 今與其 書 (禮》終焉,凡四十七卷。 瑞 奥 刻 警校 乎 竊 大 於 棄 1 嘆 夫 南 儀 嘗 家言矣。 也 非 京 付刻 日 欲 乃 禮 後聖 生者 惟 或 請 命 無 經 斯 不 子 ,俾天下後世 教 寧 於 傳 成於 禮 也,爲 》,次《邦 有 之 監 授 書未就 先 朝修三 通 作,將 卷 讀 也 陳 識 勉 解 迩等, 大義 卷 制 識 帙 齋 ×, 禮 浩 黄 始 取 作 凡 先 視 或 其

按:朱子《儀禮經傳通解》,一曰

義 考

一〇七〇

禮》:《士相見禮》第九、《士相見 宗》第七,《親 十、《臣禮》第二十一、《鐘律》第二 禮》第十二,《鄉 者, 即《爾雅》之《釋親》篇,《白 者,言人君内治之法;《五宗》者, 四、《内則》第五、《内治》第六、《五 第二,《士昏禮》第三,《昏義》第 六、《學義》第十七、《弟子 五。三曰《學禮》: 義》第十、《投壺》第十一 通義》所謂《親 言宗子之法,以治族人;《親 八、《少儀》第十九、《曲 鄉 家禮》: 篇名,蓋 射禮》第十四、《鄉 《士冠禮》第一,《冠 創 屬》第 屬記》也。 爲之。二日 飲 酒 《學制》第十 義 八。《内治》 射義》第十 ,《鄉 》第 禮》第 職 古無 十三, 》第十 飲 屬 義》 酒 此 . 虎 鄉

> 禮》: 《書數》第二十六,《學記》第二十 禮》第三十九、《公食大夫義》第四 數》、《保傅傳》皆 制》、《學義》、《臣禮》、《鐘律》、《鐘 七、《聘義》第三十八、《公食大夫 射義》第三十六、《聘禮》第三十 三十四、《大射禮》第三十五、《大 職》則取諸《管子》也。 律義》、《詩樂》、《禮 七、《大學》第二十八、《中庸》第二 第二十四、《禮樂記》第二十五 十二、《鐘律義》第二十三、《詩樂》 三十一,《五學》第三十二,内《學 十九、《保傅傳》第三十、《踐阼》第 《燕禮》第三十三,《燕義》第 創名之,《弟 樂記 四日《邦 》、《書 子 或

屬」原作「族」,據薈要本改

四、夏小正》五、《月令》六、《樂 名,惟末二篇創爲之。 侯 制》七、《樂記》八、《王制》自甲至 十、《諸 朝 相 則别 事義》二,《歷數》三,《卜 朝 侯 義》 爲《集傳 相 第 朝 兀 禮 + =, 》:《覲禮》一, 第四 皆沿 其《 + 王 ·, 古 筮 朝

存。

《儀禮釋宫》

一篇。

存

黄氏縣《續儀禮經傳通解》

《宋志》:二十九卷。

沿襲 禮》。 本 禮 Ŧi. 向 《鄉》《邦國》《王朝禮》,以《喪》、《祭》二禮 楊復序曰 附傳、《記》,使條理 下未有也。 大變者 爲尤重、《儀禮》既闕其書,後世以來 者,知有 屬勉齋黄先生編之。 小戴 卷。 來 而宗末。 者,有所據依,不至於棄 喪禮 鄙 今因篇目之僅 》,而 1,咸幽 復伏讀曰: 陋,不經 喪大記》一篇,合《周禮》、《禮記 唐 稟 :「昔文公朱先生既修《家 開 不知 近世以來,儒生習誦, 王侯大夫之禮,關 本,精專修改,書成,凡十 元 冥 以 而 有《儀禮》; 士大夫好古 特 莫 後之禮,而不知有《儀 大哉書乎! 甚 明白而易考,後之言 知其 存者,爲之分章句, 先生伏膺 可 爲 源 經 感慨。 取 而 於綱常者 秦、漢 具 遺訓 任傳,遺 臨 今因 處 知 此 有 有 取 而

二〇七

二0七二

《大戴 備 禮 革 諸 定 先 或 至 於 欲 服 祇 呼 喪 公之典,辨正諸儒異 不 於 書 服 喪、祭,文公以二書屬 加意修定,而 ,每取其 生嘗爲復言《 口 1 遷都、 百 攷 本 輕 既 以 其 圖 此千 器 禮 神、 也 補 經 式 後, 而又念 於是 則《 則《特 巡 其 宗 事 書 載 草 闕 先生於 狩、 序 廟 繙 釁 卷,以 之 喪 具 喪 , 以以 始 祭禮 未 閱 師 廟 而 牲 遺 禮 禮 甫 終, **>** 王侯大夫之禮,莫不 遂 而 田、行 **≫**, 之本 恨 條目 至 就 二書也,推 提 同之論 推 也 ×, 所 也。 大 其 其 少牢》、《有 明 用 補 而 散 末 綱 事 役、 要, 之,間 之 者則 力 嗚 先 先 闊 經 加 目 先 , 掊擊後世 呼 甚 生没 祈禳,●及祭 生 而 祭者, 緯, 尤 生 欲 明 自 久 1 附 一所修《 爲 、撰《儀 規模 文王 天 莫 二條 其 矣。 禮 司 古 詳 神 一今沿 如 責 莫 不 徹 備 富 祭 悉 方 建 禮 粲 周 任 重 E 地 嗚

君子 悉用 取吾 者。 不 拳拳之意 壞人心之邪 啚 不 日 心、扶世教之功 君子,亦先生平日之志云。」 余創二 生之所 祭禮》 痛 可 . 式》今别 君 所 有 此 無 哉 喪 所 ? 編 禮 望 遺 能 言 規 禮》 《家》《 立《喪》《祭禮 繼 藁 ,先生欲任斯責 模 也。 粗 也 同 爲 先 尚 説, 就 更定之。」 門之士以 復 + 王之志者 抑 有 至遠 卷 鄉 奉 因 以示天下 五 復 未 所附 而 敬 及訂 卷, 又 也。 質 識 於正 聞 嗚 》,規模甚 國》 前 復 其 之先師,喜 之先 呼 定之遺 出 而 而 已繕 預 後 帙 始 卒不果也,豈 而 聞 Ŧ 喪服 世 末 之外,以 生 又曰 成 是 寫 次 朝 , 善善, 恨 之,是先 又 其 輯 禮 圖 以 後之 . 文 謂 之 喪 告 他 式 正 公 余 始 人 俟 服 略 來 其 H

本

所

聞

稍

加

更定,以

續

成

其

凡

聞

不可

不

及

時

自

任

其責,伏

自

本,未有取

其

書

第閑習禮度,不如

式

瞻

儀

述之

親

承音旨

誠

有

如

古

精强

一,錯簡

脱

字

往

往

多

一,助

以

王鎮

圭、

童

居

後之學者。

故

舊

刻

朱文公《儀

禮

經

傳

《喪》、《祭》二禮

俄

空

而未

成

也

禮

即

以

其

書

欲

通

知

此

書

本

定己

卯

喪

禮

禮》,又取《祭禮》稟本,併刊 鄉》《邦國》、王朝禮》,及張 勉齋左右,隨事咨問 , 啓緘伏讀, 皆古今天下大典 一,其條目甚詳,其 惟念齒髮侵衰,曩日 末,有 稾 》始克成 四 朝 數 傳 而 年。 世 本授 方朋 述, 披夕閲,不 Ŧ 修定之者。 遂成千古之遺憾 南 助 白 日 竊 友 抄識,以待先生 纂輯 編 康學宫舊有《家》 載 經傳異同、《注》、 : 不 省 間,是 子其 以 侯處 而 有 也。』受書 敢釋卷。 揆 存之,以 ^ 顧 祭禮 禮 遂 非 續刊《 讀 幸 何 一,其 之, 淆 據 有 X 亂, 待 筆 稟 喪 敢 稾 H 時 關 所 而 無之。 蓋 虑 張 + 刑 書 Ш 欽、●黄嵩三君,披閲 《祭》兩門,而卷帙多前 書 終,士友間 與《集傳集注》,而 功,鄉貢進士楊復爲 陳使君處,索之可 1,豈非 處序 來南康,勉齋已下世,深恨文公之志 四 仰止,惓惓予懷,兹又得全其所欲 以屬門人黄勉齋,俾之類次 來,至是鋟 諷 卷 處分符星渚,乃文公遺愛之地 味遺言,不如 日 云。 幸歟? 有言勉 南 木,一 康

削,不幸先生

即

邁月征,今十

餘

繫甚

重

疏》

抵

牾

, F

下

齋

固

嘗脱

稿,今在

南

劍

也。

南

劍

知之,果

以

其

年

而

畢。

是

雖《

喪

退

紛

錯

甚衆,自

此

在

0 居」,原作 君」 據四庫本、 薈要 補 IE

書三之一,點

勘

之

八之論, 撫卷爲之三嘆也

榦,晦 陳 《喪》、 振 孫 庵之壻,號 ^ 曰:「外府丞長 禮 勉 未 齋。 及 論 樂黄幹直 始 次, 晦 庵 以 著 屬 卿 禮 榦 撰。 續

買宅吴下以居。」

晦

,因撰次《朱子書説語類》,郡守

Ē

一遂爲

張泉曰

:

「士毅,字子洪,嘗

人閩

謁

朱仲

趙希弁曰:「《儀禮經傳通解續卷祭禮》 成之。」

十四卷,右朱文公編集, 而 ^ 喪》、《祭》一

禮未就,屬之勉齋先生

,

勉

齋既

成《

喪

禮》, 齋據二先生藁本,參以舊聞,定爲十 而《祭禮》未就,又屬之楊信齋; 信 四

卷,爲門八十一。 本於朝。 信齋,福 鄭逢辰 州 人,名復,字茂才。 爲江 一西倉 ",進其

書既奏,贈文林 郎。

黄氏士毅《類注

佚。

葉氏味道《儀禮解》

劉氏爚《儀禮 雲莊 經解》

佚。

楊氏復《儀禮圖》

十七卷。 焦氏《經籍志》 作「三十四卷」,非。

存。

末

昭

然

可

見。

夫周公制

作之僅

存

者,文

物

彬

如

此

之

盛

而

其

最大者,

如朝宗

義

之時

措從宜

,智之文理

密

察,精

粗

本

重

權

衡

禮

之恭

遜文明,仁之

忠

厚懇

是

故故

其

義密,其

辭嚴,驟

讀

其

書者

如

登

綸

混

成全體

竭

天下之心思,莫能

至

一焉

胸

中

制作之妙

杰盡

天理節文之詳,

經

緯

彌

天

成,極天下之至

巧,莫能爲

焉

聖

人

寫

也

),化工

所

生

物

品品

彙,

至

易

至

一簡,

神

化

黎亦

云

何

. 為

其

難

也

?

聖

人之文

化

復

自

序

.

學

者

多

苦《

儀

禮

難

讀

雖

韓

太

華

臨

滄

溟

望

其

峻

深,

既

前

H

却

此

所

未 曾 以 饋 經 通禮 脱 棨 摭 食》爲經,冠之《祭禮》之首 記 傳 稿 》諸書,分爲 ,首之以 積 又以 黄榦《 十餘年,以《特牲 授 天 之楊 通 神 經傳,以 解 復,復 續 次 之以 晚 補 研 饋 年《 ,輯《周 其 精 地 食》、 闕 祭 祇, 覃 思 禮 綜之 禮 少 **>** 牢 尚 蒐

禮

求

其

辭

而

不

可

得

則

擬

爲

啚

以

象之,

圖

亦

象

也

復

曩

從先師

朱文公讀《儀

象

而

求

莫

難

讀

於《儀

禮

**\***,

可

以

圖

加

以

苦

其

難

也

雖

然,莫難

明

於《易

×

口

以

啚

成

而

義

顯

凡

位

之先

後

秩

序

物

之

輕

二〇七五

然畢 折 以 失 以 秀 不 至 儀禮》十七篇 屬 禮 宗 稱 衷 一備 者悉 論 爲 物 廟 並 而 千 定 以 始 次 次 見之篇 古 人 之以 得 之 圖 以 不 於 爲 以 考 類 刊 倫 祭 全 書,如 悉爲 百 相 之 終郊 理 書 統 從, 神 典馬 之 疵 有 指 各 祀 次 又 圖 雜 變禮 之以 諸 歸 因 明 不 掌 條 制 朱 經者 堂 貫 因 度 子 有 西 名 之意 祭, 廟 殺 咸 使 Ш 物 禮 制 次 真 歸 畔 之 德 皆 於 散 粲 取 有

弟習. 篇 柟 庶 解《 甚 吕 儀 與與 卒 多 柟 儀 禮 -業太 序 行於實卭 》 爲 卿 淹 遭 禮 日 大 秦 中 學 經 夫、諸 焚 經  $\overline{ }$ 時 存 同 書 儀 其 禮 寺,今三十 嘗 禮 編 記 侯 后 漢 約 学本 於《 之 蒼 所 爲 高 禮 能 周 + 傳 友 堂 明之。 公 餘 Ŧi. 其 生  $\equiv$ 宋 所 七 年,心之未能 止 經 朱 徒 作 傳 注 楊 文 然 公 其 率 疏 復 其 多 欲 + 篇 其 **>** 遂 中 子 以 晑 I

數

儒

敦

尚

經

義

尊

崇古

道

説

者

多

歸

功

於

焉 上《菁 志 者 化 先 伏 於 士 寅 諸 本 奮 也 命 之 是 監 士子 之 覩 也 也。 ,偕其寮童 也 然興身心 送觀 佘誨 尋 有監 許 無 生 聖 0 地 將 莪 演 第 書 干 皇 近 衡 昔 ×, < 以 者 具 用 行 蒙 生 世 此 亦 以 姚 問 乃 題 是 棫 自 書 使 聖 自 禀 盧 康 禮 一公思 樞 序 自 樸 仰 稀 畫 樂 恩 求《儀 堯 請 河 書 焉 知 居 板 承 少, 美 爲 内 文、 勑 手 揖 與 於 寫 誤 小 德 治 就 抄 I 教 在 輝 校 止 讓 柟 學 魏 授 禮 意 部 其 書 監 之 訪 進 E 嘆 諸 啚 學 今 而 而 於 蘇 圖 習禮,公侯 刊 退 獲 旁 日 官 經, 詩、 太 Ħ. 效 之節 本 耀 門 印 求 學 月 雍 捐 汪 嘉 美哉 圖 以 ^ 數 厥 尤 資 熙 病 而 儀 觀 善 惠 尚 報 禮 以 後 刊 未 日 太 禮 庭 輝 靡 方 爾 肄 和 樂 此 沐 伯 刻 遽 元 圖 稱 學 業 之 錢 及 Ŧi. 成 行 乃 所 乃

者之所 申 諸 世 不 樞 而 程》、《 夏六 · 特 太學 人才之盛 必 著 如 月。」 1,習之 朱 樞 生 刻 則 皆 顯 》,夫豈 明 達 高 在 固 而 耐 後 五 <u>+</u> 諸 太學 必 而 前 士之志 察也。 士子於此 始著矣。 諸 元 家 生 可 ^ 行 詩 之 比 嘉 ? × 靖 此 而 助 尤當 五. 然 古 書 也 五 士 而 可 **>** 年 行 徵 之 Ŧi. 而 於 名 之 士: 聖 是 丙 户

之圖 孔 生所 周 者 解 成 童 於今無所 子 承 理 大 注 傳,特 一,俱可 叙 於 日 皆彰彰較著 、賈公彦 也, 殷 跋 禮 先 H 用 蹈 殷 土禮 王 所 : 之, 迪,匪 大 疏,朱文公又合經 「《儀禮》有諸 以 損 爾,餘 於 雖 承 矣,公門 益 夏 昌 天之 直 미 禮 黎 易 多 知 所 道 亦 散 讀 也 人楊 云 以 也 佚; 損 儒 然。 因者 傳記 益 治 復 又 或 傳 可 人之情 夫 E 又 E 爲《 知 禮 其 古 高 各 鄭 也 本 也 禮 堂 通 爲 康

> 夫》, 今宜 禮 禮 服 食 致 大 文。』蓋 夏之文,不勝其 不 虞》、《特牲饋 王 也 相 能 所未 也 於天子之説。 其 ; 無 見》, 則 無 諸 損益者, 文 無文焉,至 , 本不 有 通 ^ 有者 而 思 所於用, 侯 燕》、《射 士 於 司 本 遡之,可 禮 上下。 禮 <u>i</u> 徹 也 其 食》, 也 可 也  $\leq$ 無 以 末 至其 ; 周 質 , 諸 》、《覲》、《 然文之蠧 然 文不行, 也 義 顧 諸 知 ^ ^ 而 9 侯 士喪》、《既 鄉 今觀之,《冠》、《 起 本,固未泯也。 獨 侯 也 商、 備 卿 飲 矣 協 士禮 日 , 爾 大 × 周 故故 諸 因 1: ,孔子曰 雖 夫 聘》、《公食大 ^ 之質,不 也 義 其本而拓之, 禮 也 鄉 夏、 后蒼 久 禮 而 何 9 射 夕》、《 矣, ^ 協 商之際 哉 也 少 有 ? ; 是故 其 勝其 牢 昏 推 則 大 ^ 虞 在 士: 夫 喪 夫 饋 先 而

●「明」,四庫本作「王」。

吴澄 乎? 篇之四。 矣。 地 靖 以 旁通圖三十有 學詩、錢寅、佘誨等,●復取楊氏《圖》校 又 十六篇,後亡 梓之,凡爲篇十有七,爲圖二百有 雍庠序之教也。 鏗鏘之音,目覩 公,後公取《儀禮》,命諸 口 矣 取《 三未, 試,蓋從者如 行 取 義,其旨奥矣; 也 使斯禮之大行也, 然叙 戴》義 二《戴 故按圖以考文 不 叙 元 猶 聞 奉 至 爲 記》及鄭 三十九篇 逾 河 命 Ħ. Œ 十《傳》, 綴 於并其 間 堵 諸 來 ,周公遺文,庶幾不 間 兆 獻 ·牆焉。於是耳 生盧 攝 推 俯仰之容,洋洋 司 王 注 大學, 義 文 ,存者今數耳。 鳳鳥之至,不可 其制精 業 澄 得 ,纂逸《禮》八篇 堯文、汪 生肄習之, 以 而 李 自 孔 適 亡之乎 得 俊 謂 壁《古禮 治,其道 從 民 得 矣; 尚 聆 司 嘗 三十 Ŧi. ? 庭 刻 成 據 墜 乎 月 鐘 元 大 九 爲 Ŧī. 期 於 魏 辟 文 博 而 鼓 再 日

> 學 桂 澄 年 經 啚 聖遠言湮 尤 於《儀禮》誠 守太平,進逸《 而 因 爲 日 經以 板今亡矣。 :「《儀禮》 明 便 可 求 其 勝嘆哉 義 有 文雖 ,斯了然矣。」 (禮》十 功 經朱子 又 7,然亦 聞 屬 難 永 八 樂 讀 考證已定, 殘經之十一 篇 間 贵 然因 沅 即 圖 是 州 楊 以 耶 劉 爾 復 指 有

#### 儀禮旁通圖

存

然孔 陳普序曰:「大淵獻 儀禮》本 壁 淹 經 中 + 之 七篇 出 世 及 之歲,昭 世 信 齋 使 楊 此 武 氏 書 謝子 啚 得 成 數 祥 Ŧ 燁 刊

篇 堂 周 勞,亦僅 於 陳 以  $\pm$ 本 見,今後復數十 經雖微,《士冠》、《昏》、《喪》、《祭》、《 書,捄焚拯溺之功,景星慶雲之瑞 齋之書,千里求之或者有 經,白鹿、章貢、桂林 而 相見》,大夫《祭》幸皆無 一後、劉 存 高 荆 前 成 口 生、鄭注、賈疏 舒 位 晦 以 堂、鄭、賈, 一二,故晦 深愛於秦、漢以 六合間 翁、勉 王氏加踐迹之,舉子不習,書肆 至 於 歆 不滅而 兩 今不亡矣。 前 間 有能 齊、信、 鳳 者 E, 翁《 年,又當若何? 心 鳥 ,千有餘 爲子 與 何 至 齋 通 萬 所 來? 有 周 獨 師 嗚呼 ,祥所 解 刊 家 昌 期 》、勉 弟子扶 恙,天子 ,半生望之不 孔 年,縣 晦 乃不見一本 矣。 於 ! 十七篇,賴高 爲 翁、勉齋、 顔、孟 齋 虞、夏、 則 此 使 持, 緜 子祥 喪 諸 人之所 也。 河 如 同 侯 鄉 力 間 是 得 殘 其 九 獻 亦

> 篇駸駸 圖 以 信 平之具一 亦 其《旁通 之功也 十九篇疑可得;三千在三百中, 執柯以伐柯,柯 有 而 下 齋《祭禮 天意 爲 熟之,既 基 乎不亡矣。 圖》 朝而在我矣。」 如如 三百之數不可考,以圖 ,廢之者有餘罪, 》得 名 不 無昌黎 以 物制 見足 在 爲 彼 依據 然則 度尤 難讀 而 而 則 爲 明 十七篇之存, 之患 在 屨 如 興之者誠莫大 盡 手也,三十九 之 累 一合十 不 前 九 中 層 亦可舉。 概之,三 古人太 之臺 七篇 如如 固

### 、儀禮經傳通解續》

十四卷。

存。

張萱 庵 編 三 : 《儀 禮 宋淳 經 祐 傳 間 通 信 解 齋 獨 楊 喪》、《祭》二 復著。 朱 晦

二〇八〇

以舊聞、精加修定、凡十四卷、八十一門。」《祭禮》猶未就、於是信齋據二公草本、參禮未完、以屬黃勉齋榦續成之、勉齋即世、

## 魏氏了翁《儀禮要義》

宋志》:「五十卷。」

未見。

《聚樂堂藝文目》有之。

# 馬氏母鸞《儀禮本經疏會》

九卷。

佚。

官本《儀禮疏 廷鸞自序 而《疏》又列其下。 Ē :「余家 四 一帙,正 兒子請予附益之,因 藏 敗 經 帙 注 中,有 語 皆標起止, 景 德 年

> 之覈 指 焉。 楊 也。 周公之經,何制之備也; 死,不惟致嚴於冠、昏、朝、聘、鄉、射,重 奥旨中,有精 卷,作而曰: 手自點校,取朱氏禮書,與其門人黄氏 而尤嚴於喪、祭。 爲 氏諸家續補之編,章分條析,釐 小子識之。」 闕 也,康成之注、公彦之疏,何學之博 不惟欲 書,不知 人之善其生,且欲人之善其 兹其三代之禮與! 義焉; 由 後世徒以其紀士禮,而 土禮 纖 悉委曲 可 子夏之傳,何文 以達於天子。 中 -,有明 於繁文 爲 辨 九

#### 方氏回《儀禮考》

未見。

1 「射」,原作「社」,據四庫本改。

弟子秀水沈猷遠覆校

高氏斯得《儀禮合抄》

卷。

陳氏普《儀禮説》

按:陳氏《儀禮説》惟《士冠禮》、

《鄉射禮》、《燕禮》、《聘禮》四篇,

載《石堂集》。

亡名氏《儀禮類例》

# 經義考卷一百三十三

秀水朱彝 尊

男 昆 田 校

敖氏繼公《儀禮集説

儀

禮四四

十七卷。

存。

儒 繼 何 曰 一。『周 皆 公自序 以言之? 以 爲 之書 周 日 公 周自 也 :  $\overline{\ }$ 所 作, 何 武 儀 人所作 禮 王始有天下,然其時 愚亦 何代 意 也? 其或 之書 日 然 也。」 世 『先

大夫而 《昏 大 夫 而言 《大射》四 《既夕》、《士虞》、《特牲饋食》,凡九篇,皆 皆言侯國之大夫禮; 王,乃始 焉,何以 書,乃爲侯 有以見其 辭意簡嚴,品 考之,則當是周公之書。 言侯國之士禮;《少牢饋食》上下二篇 已老矣,未 夫爲 士之服 篇,則言諸侯朝天子之禮,然主於諸 一》、《相 也。 言 天子 知 制 《喪服》篇中,言諸 也。 詳 篇,皆言諸侯之禮 果爲 見》、《鄉飲 其 禮作樂,以致 或 必 之服 矣,其 然 節 而 暇 由是觀之,則 也? 周公之書 詳備,非 爲 作也,而 間 然 此 》、《鄉 亦 雖 事 書中十七篇 ^ 皆 聘》、《食》、《燕》、 有 太平。 也 聖人 又以 也 王朝之禮 主 諸 射》、《士喪》、 至 此 於 侯 侯 其書考之, 莫能爲,益 然周 故 周 書 諸 惟《覲禮 與 及公子大 決 公 侯 諸 %冠 以 不與 公此 爲 侯 其 相 與 侯 其 之 成 侯 時

典

籍

之

不

便

於己,

而

皆

侯

不

道

樂於

放

縱

而

憚

受於

Ŧ

朝

者

不

復

藏

於

於

有

司

者

或

私

傳

於

民

所

以

不

絶

如

綫

而

幸

存

下五等之國 。』以夫子此言證之, 皆據 正天 間 於 人 以 去之。 有 日 後 兵 禮 達 矣, 莫 檢 此 此 至 必 無 下之具 : 司 Ŧ. 寢 東 以 於 有 示之,故天下 爲 今 事 不 此 矣 夫 室 刑 喪、祭、 周 也 行 侯 則 則 + 寶 日 3 禮 衰 措 之 禮 曏 其 守 其 於 也 或 七 也 微 時 篇 之 是 义 君 是 必 作 娜 歟 冠 之 悪 諸 所 且 則 本 藏 之 躋 臣 書 此 或 禮之 餐」, 數 於十 之 乃 Ľ 祀 者 經之言士禮特詳,其於大 者 逸 有 亦 曰 口 之後 乎 者 喪 有 有 無 逸 耳 乎 旧 : 推 此 類 禮 七 ? 者 相 是 謂 者 ? 覲 如 也 而 然考之, + 禮 禮 朝 如 是 而 也 祭 即 其昏禮 亦 由 七 然 焉 其 知 而 此 禮 可 相 但 失 篇 此 之 公饗大夫之禮 E 是 言之, 之那, 見矣。 恐其 饗、 用 則 公 爲 而 但 乎 也 不 於 是 喪禮 食 侯 ? 今皆 相 以 可 篇 Ŧ 逸 耐 則 大 或 食 抑 經 知 之也 抑 數 但 朝 况 是 之 之禮 傳之民 之 夫 無 也, 則 本 耳 或 不 其 經之 書 所 聞 禮 夫 無 一明矣。 知 間 不 有 但 若其 也,而 古

班

之於

其

國

以

教

其

人。

相

與

講

明之,

有

事

則

以

或

無

異

禮

家

無

殊

俗

太

平者

其

以

是

平

1

其

故

公當

是

時

天

而

藏

之

有

司

以

爲

典

籍

是

書

也

聖人

其

以

爲

或

家

可

得

而

Œ.

也

昏、射、

御

朝

聘

聖

人

以

於天

殺

於

地

列

於

鬼

神

書

| 者

何

也

夫子

有

言

或

之

書

無

疑

矣,

然

則

聖

諸

侯

既

去

其

間

久

加 後 篇

數

本

不

止

又

有

不

盡

然

又諸

侯

今之

經

**>** 

云

設

洗

如

聞

馬

此

必

其

則

但

見

其

祭

止

此

也

但

以

經

文

與

其

Ľ

逸

而

不

貝.

也

贵

其

本

又

諸

侯

當

亦

、邦交,

當

馬,是

亦

其

Ļ

嘗

禮

之

所

四

序》曰 失 後皆有《記》,四篇則 之也 禮古 經》十七篇,其 無之,四篇者,《 十三 篇 士 之 相

見》、《大射》、《 少牢》上、下也。 然以 意 度

之,此 四篇 者 \*, 必 無 記 》之可言, 或

者有之,而亡逸焉 爾 夫《記》者,乃後

述其所聞,以 足經意者 也,舊各置之於其

也。 本篇 之後 朱子作《 者 儀 所 禮 以 經 尊 解》, 經 而 乃 不 始以《記》 敢 與 之 文 雜

分屬 於經文每 條之下 謂 以從簡 便,予 作

於朱子 集説 ×, 也, 而 顧 於 其 此 勢 則 有 不 所 能 從 不 也 可 耳 予非 何 以 求 言 異

之? 發者 有兼爲 儀 禮》 諸 兩 條 篇之《記》,有 而 發者,亦有 特 兼 爲 爲 數 條 條 而

若 而 其 發 但 者 爲 亦亦 有 條 於 而 經 發 意 者 之外 古 口 别 用 見 他 通 禮 解 学之

前

例

,非是

則

未

見其

可

也

何

則

通

亦皆 末 不 解 考之,則亦不爲無少異矣。 如 其 見之,否則於他篇附之。 》之書 可 附 所謂 包 括 於 以 規 本 而 從 無 篇 模 簡 所 大 每 遺 便之説 條 而 也。 篇 之下者, 數 前 然以《記》者之意 繁, 予之所撰者 其 故 則 其 (於《記 雖 或 於 未 必 其 文 盡 有

以 遺 但 而 不 者 十七篇之集説耳,若亦用 吾之不可,學柳 敢效朱子《 不 既 多 乎? 通 故 解 下惠之可者, 吾有取 》之爲 不 若 仍 也。 舊 此 法 貫之爲 魯 ,則其所 人所謂 愈

耳 爲 大党 書 也 敢有 更 四 求 聖 異之意哉? 而 後 成 伏 羲 且夫《易》之 畫 卦爻,文

王 周 公作 卦 爻之辭,孔 子作《文言》、

《彖》、《象》之辭。 或後,各居 處,不 其 始 相 也,四聖之書,或 雜 也 後 世 學

乃 釐 IE 各分而 之,以 合之,以 復 古經之舊。 從 簡 便。 及 夫《文言 至 朱 子 與

德辛丑 條之下者乎? 者也,朱子猶且 而况此《記》之文,有不可盡 彖》、《象》之辭,可 通解》之法也,亦宜 仲 秋望日。」 由是言之,則予之不敢 正之,蓋 以 矣,又何足 附 於每卦每爻之下 不 欲 入於本篇 其 全怪焉。 相 雜也 用 大 每

稍異。」 張茳多仍舊文,與朱子《通解》

湖州,邃 顯 卿 薦於朝,授信州教授,命下而卒。」 通 敖繼公,字長壽 經 術 趙孟 頫 師 福 事之,平 州 章 寓 高 居

### 吴氏澂《儀禮逸經》

八篇。焦氏《經籍志》作「六卷」,非

存。

澂自序曰:「《儀禮逸經》八篇,澂所篡

恭 次。 雖 也, 與《儀禮》諸篇之體如一 止於三十九篇也。《投壺》、《奔喪》篇首 之類,未有攷焉。 《中霤》也,《禘於太 儒曾不以爲意,遂至於亡。 《王居明堂禮》,皆其篇 孔、鄭所引逸《中霤禮》、《禘於太廟禮》、 之學官,而諸 秘府,謂之《逸禮》。 十七篇與《儀禮》正同,餘三十九篇藏 中,凡五十六篇,河間獻王得 《大戴記》,其三取之鄭氏注。《奔喪》也 王壞孔子宅,得古文《禮 已不存此例,蓋作《記》者删取其要以 八篇,其二取之《小戴記》,其三取之 固 漢興,高堂 得《逸禮》三十九 博士不肯置對,竟不得立。 生得《儀禮》十七篇, 疑古《禮》逸者甚多,不 廟》也,《王居明堂》 哀帝初,劉歆 也。 篇之四 3 《公冠》等三篇 經》於孔 惜哉 唐初猶存,諸 「,而《 而上之,其 欲 投 今所 氏 後 以 壶 在 壁

之甚 者 此 小《 意 於《記》云。 而 之末,至若《 禮經》之正 篇 猶 也 《戴》不 記 0 篇 耳 題 必 **>**, 僅 亦 收 非 經 百 五 僅 拾 復 篇 中 特 篇 刊 見 正 而 纂 奔 削 雷 之 於 則 經 喪》 不 爲《 經 **>** 注 但 以 全篇 不 敢 文 與 家片言 未 逸 可 下 遺 殆皆不 逸《禮 經 ·三篇 以 至 矣 亦 如《公  $\forall$ 其 ; 我 隻字 ^ 以 不 **>** 其 完 投 亦 愛其 完 續 冠 壺 經 異 之 + 然 而 亡矣 未 禮 七篇 等 擯 實 則 大 之 泯 之 爲 知

之見 篇 民 高 李俊民 經文》,悉行於世 第 口口 草 官 弟 也 春秋 廬 序 子 學者乃 吴先 先 兵 ※小戴記 生 . 部 生 ~ 之孫 員 請 之 儀 獨 外 所 而 禮 郎 今 此 纂言》、《大戴 得 纂 逸 危 禮 十 之, 次 經 素 部 有 也 W 繕 太 八 郎 1 寫 篇 樸 篇 中 先 甚 ~ 當 鄉 生《 學 記 謹 傳 伯 龃 者 訂 易 尚 未 校 俊 IE

> 之言 著 學 後 經 也 並 翰 歎 道 讎 趣 洞 士,先觀 取 蓄 啓 || || || || 苑 俾 甚 則 以 以 若 先 遂 精 爲 門 至先 傳 得 論 先 序 集 命工 生 夫 ,於是一 不 庭, 注 其 傳 之。 其 賢 生之學, 妄 所 造 疏 生 概 以 舊 侍 於 繡 詣 也 次 始 舊 秦 袪 後 講 梓 唐 所 室 時 焰 本 無 俊 干 學 賢 集 釋 奥, 僚 漢 雖 既 遺 既 民 載 士 賢 之學 次 而 畢 友 儒 不 熄 憾 泰 疏 復 之 考朱 公 深 謂 之力 敢 定 焉。 前 惑 剔 兼 掇 以 也 研 宜 妄 初 大司 朱子 祭 户 之, 拾 子 爲 刊 議 也。 世 嘗 牖 遺 酒 然, 會 布 有 拜 乃 通 成 姑 餘 通 依 之 遂 先 各 見 王 以 知 解 好 即 經 禮 特 稀 兼 書 生 俊 有 公 淑 而 ^ 傳 之 禮 致 然 論 收 於 民 歸 見 於 嘉 來

四

<sup>0</sup> 其 部 叢刊景元至正本)删 原 重 文, 據 79 蘇 天 爵 元 文 類 四 +

其端云。」

其 完 揚 楊 顯 即 爲 士 典 奇 晦 日 日 固 籍 印 -有 蒐閲 惠親友,蓋已廢 時 此 哉 崇文閣 書 ! 刻 板 不完 在 北 書 棄六十餘年 京 板,而 或 學 彭 此 獨 士

經》一 甲 何 以 日 數 諏之,云『家有藏 得,●爲期餘二十 書 閣 宣 程 一, 已 傳 辰 |徳中尚存,見楊文貞公《圖籍 敏 日,得之,亟以 書目》亦有 公廷秀亦 未 政 春,過吴門,知 斯《禮》之不墜,天也 無 卷,當 跋 其 有 H 本 應 時 . · <u>,</u> 而 之。 思見此 刻於國子監崇 「右元吴文正公《 本」。 國監 年, 天順 書 弘 楊 報 治丁巳冬, 予服 書,與予約護 竟無所聞 本亡久 儀 初,予 猝 何公, 曹 ,尋不 。」然欲 君 矣。 被 文 謙 獲 何公 命 也 志 閣 (), 艤 喜 《儀 謀 大 讀 ×, 畜 禮 訪 復 成 司 舟 或 重 中 翼 化 館 刻 寇 候 逸 必 秘 朝

> 之癖。 以 將 李莊静先生之引,不容復贊云。」 也,受以 記 入京, 請 而 舉 而 辭 凡繫禮之大者,有文正公序及 斯役,且記是書得之之難 縣 勿 學 獲 重 則 作 念 明 學 倫 堂 校 ,師 禮 之 生 所 奉 及予 從 金帛 出

禮 清 既 何 以 予近讀原父文集,又得《投壺》 相見義》、《公食大夫義》,則 經》八篇。 於《戴禮》、鄭注者,則表 傳》者十、《 喬 江劉原父所補者,爲《傳》十篇 補《逸經》之《傳》焉。 經《投壺》之義也,故録於《朝事》之後 因鄭氏 新 日 序 「臨川 禮必有義,又取《戴記》所存 而 逸經》八篇,有《傳》者一 詮次 吴文正 其篇 章,凡 IF. 公校正《儀 而 經 原父所補也 出 十七 之,爲《 經 篇,蓋釋 文散 若《 篇,有 一,其 禮 1: 逸 見 與

■「護」,疑爲「獲」之誤,四庫本作「尋」,薈要本作「互」

予以 補 義 於聖 陔 征 逸 私 跋》稱文正之書 爲之哉?」 未 倫 知」之傳矣,今與曾 餘 校  $\stackrel{\cdot}{\sim}_{9}$ 加 經》一卷,刻 有非之者,苟以 之,奚不 缺 《傳》也 一人所 束 ·, 舛 删 焉 爲不然、《南陔》、《湯征》,經也 皆 搜 湯  $\equiv$ 改, ,崇禮 晳 見 駁 禮 訪 征》之類 删 補《 非 傳出 走當 之 考 可 + 補 君子 注 跡 耶? 於 餘 又曰 南 在太學,楊文貞《三禮 》梓 居 時 爲 君 之, 年 陔 於 耳 補 即 . 其 子, 無 雖 行 然可 且. 子之傳 周 僭 諸 傳爲 求 「元吴文正 鄉 贵. 所 追 朱 末 原 也 而篇 其 詩 人 得。 可 而 見, 子 漢 9 父 書 不 晏 取 補 ^ 白 嘗 並 初 韙 目 所 壁 而 冠》、《昏 友 以 之可 而 居 列 補 諸 注 補 所 恨 爲 人 則 太 易 公《 於學宫 儒 疏 格 無 羅 學 竊 朱 訓 也。 亦 補 經經 所 物 0 考注 儀 文正 子 哉 悉 太 刻 ^ 作, 贵 致 出 南 中 本 禮 用 V 湯 或

> 禮 家 原 鳴 之心,其 職 於斯,而 古道之不復而 教 往 以 呼 本 化,首葺 可 往 付 IE 嘉 無徵。 司 葩 書之行世 也 惠 業 藻 後學 之書 此 費 俗之所 成 編 君 幸大儒 化 党 誾 顯 以 癸卯, 板 就 淺 以 不 晦 刻 君 或 也 廢 不 不常者 徧 子者 學 始 哉 先 淳 天 殘 得 正 也 下 出 本 於 復古 如此, 每拳 刊足之。 先王 楊 費 君 循吉 垂 典 教 此 方

成編。《 諸 禮 元沅 羅 秀之言非妄也 纂言 倫 》逸 儒皆未之見,有 州 日 : 劉 》所 經 傳》以《 + 有 「河南監 類 年 八 别 篇 ,好古 戴 永 爲《記 記 樂 察御 年 逸 》, 其 初 君子 何 經 ,守太平 史何廷秀謂 以 從 唐 不 附 上 而 初 人《傳》者 焉 請 得之?』然 已 逸經,繼 亡 府 則先王 宋、 子 進 Ħ (),從 儀 之 類 廷 元

典,庶乎無遺矣。」

即 獻 焦竑 《考工記》足成之,顧不知《冬官》未嘗缺 行。 鄭 得歸其部,而六官譌舛因可類考,亦足快 官》六十九、《秋官》六十六、遺編斷簡 也。 授戴德兄弟及沛人慶普,後三家並 逸 矣。《儀禮》多軼,永樂中,御史劉有年獻 出乃爾,取其羨數還之《冬官》,不獨 有三、《地官》七十八、《春官》七十、《夏 才二十八,而五官數各有羨,《天官》六十 王又從李氏得《周官》書,以《冬官》缺,取 玄明《小戴》之學,自爲之注,書乃 今之《儀禮》也。 王得而奏之,乃高堂生獨傳十有 蓋冢宰六屬,屬六十,今《冬官》之屬 《喪服》一篇,相傳出於子夏。 十有 :「漢初、《禮經》 八篇,時未 后蒼從堂講業,●尋以 加表章,旋就 出 魯 淹 中 湮没。 七篇 而 白 河 獻 盛 間

廢,豈人所能主哉?」 爲監察御史,永樂中,上《儀禮》逸經十八 爲監察御史,永樂初,太平守劉有年進逸禮。 今問之中秘,復云無有,然則古《禮》逸經十八 張采曰:「别書載沅州劉有年,洪武中,

#### 《儀禮傳》

十篇。

存。

❶「堂」,四庫本、薈要本、《補正》作「高堂」。

澂 以 詳 用 義 射, 戴 記 按 有 篇次粹爲一編,文有不 皆然,蓋 有 飲 射義》一 儀禮》之《傳》,故不以人《記 備 其《 清 《鄉 酒 篇 焉 自 》二篇。 氏 雜 則 《儀禮》 禮 沙以 序 江 覲禮之義,而 《傳》矣 有《冠 實釋諸 飲 然 劉 ×, 於是《儀禮》之經,自一至 日 周 酒 無 篇,迭陳天子、諸侯 氏 《士相見義》、《公食大夫義》 人《記》者也。 : 末 流倫, 釐 義 鄉射禮 ,惟觀 有《  $\sim$ 原父所補,並因 義 侯 漢 》、《射義 儀 ×, 朝 (士冠: 初之人作以釋《儀禮 禮 之爲 覲 爲《傳》十篇云。」 義 》、《大射禮 「昏義 傳》十 闕 天子及 禮》、 学,以 然《 次者,頗爲更定。 今以 鄉 ; 篇 射 ^ 至《 士昏禮 大戴 相 《儀禮》 朱子 此 **>**, 》,依《儀禮 義 澂 朝 卿 燕》、《 諸 ×, (戴記 所 之禮 九,經 . 而 大夫之 篇 有 ×, 纂 朝 加 大 IF. 聘 次 事 V 射 戴 故 考 則 爲 則 鄉 而

> 酒義》 《昏義》二,《士相 堂》八。 侯遷 壺》 按 之頒學官 雷》六,《 夫義》九、《朝 通解 大射義》七、《聘義》八、《 . 吴氏 廟 ,《奔 w 目 四 w 《傳》 一締於 四 可 録 ^ 鄉 喪》二,《公冠》三,《 , 儀 也。 文簡 事義 射 十篇 禮 太 諸 義 逸 廟 侯 見 \*\*+° 而 : 》七、《 Ŧi. 釁 經 義 倫 **念**冠 · **>** 廟 叙秩然 ≚ ≪ 方諸 燕 **>** 篇 義 Ŧi. 公食大 王 義 朱 鄉 **>** 居 ^ 子 飲 投 中 明

#### 顧氏諒《儀禮注》

未見。

作傳。」 黄虞稷曰:「諒,字季友,吴江人,王行爲

佚。

按:周昌,未詳何人,見王氏《續

文獻通考》。

經義考卷一百三十三終

弟子吴縣席永怕覆校

# 經義考卷一百三十四

秀水朱彝尊 男 昆 田 挍

汪 儀 氏克寬《經禮補逸》 Ŧi.

九卷。 焦氏《經籍志》作「十卷」。

存。

殘闕 不 Ŧi. 克寬自序 傳,蓋十之八九矣。朱子嘗考定四經, :《易》、《詩 而未若《禮經》甚焉,然三百、三千 日 : 》、《書》、《 自《 樂》亡 春 而 秋 經 ×, 行 雖 於 中 世 不 惟 無

禮哀 宗,秋見曰覲,冬見曰遇,時 中、司 惋惜 未就 亂 Ŧi. 王 四 祀、五嶽,以貍 天 何 要,則在乎吉、凶、軍、賓、嘉五禮之别也 秋享先王,以烝冬享先王。 之傳、《儀禮》乃《周禮》之節文,而三禮之 謂三禮體大,未易緒正,晚年 儀禮》,曰《禮記 (上帝 .则? ,以祀春享先王 :以喪禮哀死亡,以荒禮 方百物,以 禍 賓禮之别有 焉。 而没,遂爲萬 命、飌 裁以以 吉禮之别十有二: 以實柴祀 世之三 師、 肆獻裸享先 檜 沈祭山林 雨 禮 八: 》,其實《禮記 禮所 世 日月星 師 ,以禴夏享先王 哀 缺典,克寬伏 以 韋 春 傳, 曰《 敗, 見 JII 血 王 辰 澤,以疈辜 祭祭社稷、五 以饋 哀 見曰會,殷見 ,以槱燎祀 以 凶禮之别 以 惓惓 朝, X 》乃《儀禮 恤 禋祀 周 札, 夏 禮 禮 讀 食 是 見 哀 以 以嘗 享先 祀 而 寇 弔 有 祭 昊 加 司 日 日

禮

^

士

虞

禮

一》篇

乃

士

既

葬

其

親

迎

精

m

3

反

日

中

而

祭於

殯

宫

之

禮

賓

禮

之存

惟

相

見

禮

》篇

乃

1

以

職

位

相

親

始

承

禮

篇

乃

1:

喪

其

親

自

始

死

至

既

殯

之

制

尊

卑

親

疎

冠

經、

衣

服

之

禮

,

^

士

喪

祖

禰

廟

之禮

M

禮

之存

惟

喪服

篇

乃

牢

饋

食》及《

有

可

徹

》篇,

乃諸

侯

卿

大

夫

祭

食

( ) ) 篇

乃

諸

侯

或

之士祭祖

廟

之禮

;

^

少

儀

禮

+

有

七

篇

吉

禮

之存

,惟《特

牲

饋

賀

慶之

禮

親

異

姓

之

或

此

其

大

較

也

然

几

方之賓客

以

賑

膰

之禮親兄弟之國

以

以

賓

射

之

禮

親

故

舊

朋

友

以

饗

燕之禮

親

禮

親

宗

族

兄

弟

以

香、

冠

之禮

親

成

男

女

封

之禮

合

衆

嘉

禮

之别

有六:

以

飲

食之

以

大

田

之禮簡

衆,以大

役

之禮

任

一衆

以

大

Ŧi.

以

大

師

之禮

用衆

以

大

均

之

禮

恤

百

時

聘

問

殷

頫

日

視

軍

禮

之

别

有

0

九

四

受弔 之者 諸 者; 者; 柴 於吴 燎 覿 如 齊 成 子 晏 X 於 之 平 衰 人 路 禮之失,如 侯 主 而 天子 以 有 者 兄 則 又 百 以 或 姊 奥 仲 ; 醯 、天子 至 朝 有 喪 不 諸 有 侯 强 死 豚 ÷ 醢 王 下堂 以 小 祥 告 有 大 不 肩 焉 或 调 百 以 臣 侯 大 殮 天 丽 用 居 爲 不 而 宫 而 甕 喪 以 夫 而 子 之、繡 盟 掩 而 暮 嘉禮 喪 衰 伯 縣 弗 之 賓 私 天 而 見 奠 豆 歌 沐 , 魚 除 而 魯 燕 好 類 子 諸 遣 於 有 之 與 浴 喪 祭 哀 者 黼 至 是 之三公者 而 車 侯、 失, 西 爲 子 既 出 以 佩 公 丹 有 朝 於 也。 慈 上 方 白 祥 母 玉 諸 之 朱 爲 如 諸 乘 太 母: 母 牡之 與 而 侯 既 重 中 : 廟 侯 賓 期 9 死 練 浴 夫人 衣 絲 魯 朝 祖 有 者 説 禮 有 而 肆 而 冠 類 屨 於 大 覲 昭 葬 笏 焉 有 而 猶 之失 不 夏》 是 爨 出 夫 組 爲 其 與 公 而 反 哭 ; 焉 喪 也 私 妾 燔 境 娶 用 夫 纓 室 以 板 庭 9

禮 禮 者 公經 哉 争 紀 蓋 類 始 兵 俾 存 而 加 書》、 大 作 之篇,名曰 録 ? 於 於 饗 不 地 敗 又 由 》、《周官》、大、 可 體 世 凡 諸 特火於秦而 當 黷 考 臺 ; 僞 有 得 《春秋 由 戰 一之典, 失 時 武 也 鮐 主 之。 侯 蓋 是 有合於禮 以 者 以 0 而 知 己 歲 則 復 觀 傳》、 以 有 又 行 【經禮 軍 雖 周 包 無 Ŧi. 矢 之; 况 至 禮 其 未 之 舉 虚 禮 會 ^ 小《 出 蒐 之失 亡於漢 魯莊公及宋 始 能 孝 者, 叔 無 日 之失, 大夫 補 田 通 師 於 極 戴 經 世 遺 逸》。 各著 前 專 不 升 意 使《禮 \*<u>`</u> 記 如 反 禮 征 也。 時 坚 象 贵 天 × 庶 玷 典 其 家 是 之 至 之 ^ 丘 習 幾 齊 與不 易》、 經》 戰 E 微 編 語 今考於《 目 敗 如 所 學 視 甲 桓 多 然 **>** 也, 加 以 者 列 是 舊 始 及 秩 故 公 識 散 髽 之 詩 於 於 漢 作之 失 殺 與 爲 典 常 哌 Ŧi. 逸 弔 儀 此 其 具 造 禮 周 儒 御 舉 烝 Ŧī.

代 化 之運 口 復 不 也 容息者 明 時 制 卒歸 作之盛 於性 或 命 有 之正 擇 焉 則 亦 Ξ

品 品 一愛 禮之一 得云

甚。 曾 經 魯序日 旋旋 漢興,區 復 散 「六籍之闕也久矣,而《 品 失 掇 所 拾 存 於秦 者 + 火之餘 有 七 篇 而 禮 而 淹 E 爲 中

周 戴 官》雖 所傳,又往往 後 出 而《司 雜 以秦、 空》之篇 漢之記,然 竟莫 得 補 則

古 學者之欲 亦 難 矣 覩 宜 夫 乎 成 其 周 學之寥 三千、三 寥 百之目之全, 耐 莫 講 也

所 雖 用 以 矧 韓子之賢,尚苦難 他人哉 ! 至宋 讀 慶曆、元祐諸 而 謂 於今誠 儒 無

謂 先 後 周 慨 禮 然有志於復古。 爲 禮 之綱,《 儀 及朱 禮 子乃 其 本 始 經 斷 然 而

記 》其 義 疏 於是 創 爲 條 目 科 分 臚

或 列 出 鄉 經 學禮 傳 補 而 其 喪、 遺 祭 闕 以 禮 爲 則 E 以 朝 屬 門 邦

之餘 人 朱子 良在 必。 君 有 學禮之士 古、 生 博, 爲之君,而 之矣乎? 子之書,則三千、 全,然郁郁乎文之盛,豈不若身 古學,老而 曰《經禮補 君無 一德輔 黄 不之好 窮鄉 凶、軍、賓、嘉 氏 然則其 之鄉,嘗游 上,寧不 以 臣 父, 晚 其 明 誠 復有 昔者 則 則 逸》。 間 彌 進 有 中 時 有 議 能 嘗 厲 不 有 功 和 也 徵 善制 能 番易吴公可 竊 論 大 未 於學 因 之化 惜 三百之目 辭 Ŧi. 著書滿 於 聞 汪 無 易 以 其 約 禮 斯 乎 作 益 氏 明 之: 以 成 者 之 而 之臣 之所 文 先 於當 制 遽 Mi 甚大。 法 目 事 家 矣乎 作 禮樂之在 究者 生 後 雖 備 真 别 因 時,必 之本 翁之門,篤 老 緝 禮 不 讀 梓 爲 且 樂 古 沿治定 然 歷 以 祁 口 ·, 臣 成 義 者 病 之 所 先 有 其 門 達 而 復 書,名 天 例, 矣, 便焉 生 興 功 於 書 能 謂 大 目 覩 汪 下 生 成 有 朱 擊 其 以 先 浩 鄉 明 而 口

先 無 與吴公爲 能 生 爲 者 役,然承命不敢辭之也。」 也 0 同 志 間 出 友,故俾序焉。 是書 以 相 視 魯於 Ħ. 謂 先 先 生 人

韓 其 多不 程 確 孫 文,而後學之幸 先生之故書不 贋之迹 予游,知予之惓惓於是,乃百計購得之, 其書之亡者,未能也。其子儒學生啓從 予族孫恕保每語及之,恒切憤恚,思盡 攘爲己書矣。 書 凡 君 原 敏 ,不可得見,可見者 本 · 傳。 + 伯 知 政 等 餘 清 ,皦然甚明。 雖被改竄 書 與 種 蓋聞先生既 後 實助之。 一、惟《春 恕 日 《經禮補逸》一編,尤號精 保力 . 可釐 也。 然 鄉 秋 予因 圖 使其人 有附 先生玄孫文彙、從 Œ 先正環 胡 没,悉被一人竊去, 刊 矣。 侍郎曾公之序耳 傳纂 爲 布 麗 手校,且摹先 ,祁門令武 重 而 此 谷汪 疏 録 無 天 刊 刓 不 先生著 過 行,餘 補 墜 昌 斯 則 復

> 以 生之像於編首 致 高 Щ 景行之思焉。」 别 爲 附 録 卷,使學者得

二〇九六

五卷。

黄

氏潤玉《儀禮

戴

記附注》

未見。

附《 《周官》大田 楊守陳日 注釋,總 亦各有意義 《禮記》比 田事者附 儀 禮》, 日《儀禮戴記附 ·: 焉 類附之,不類者附諸 乃取 别 禮補之,而 先生以 又以五禮獨 爲  $\wedge$ 儀 卷。 禮 朱 以《禮 子嘗欲 注 析 通 爲 闕 五 記》諸 軍 四 卷 編 卷首末, 禮, 卷, ,皆爲之 禮 因 篇 而 記 取 載 以

2434

0 首」字,薈要本無

## 何氏喬新《儀禮叙録》

十七卷。

所記 作;《 火 稿 111 經皆 讀 詮 解》,始以《記》文附於正經各章之末,臨 居首,而《記》附焉,自高堂生所傳 喬 ,其書散亡,深可痛惜。 次焉,先王之制度 吴文正公疑其經傳混淆爲朱子未定之 新序曰 ,乃重加考訂,一 儀禮 以以 未見。 如 記》則述 《禮》 此。 注 補正經之未備者也。每篇 疏》而愛之,方研究其奥旨,尋 則 「《儀禮》十七篇, 紫陽朱 其儀 其 Œ 仍 節之詳,蓋 經,先儒 粗可見矣。 子作《儀 高 堂之舊,而 喬 以 新 有《 禮 周 爲 弱冠 元 經 末 周 及 《禮》有 傳 諸 爲 唐 公 季 IE. 兵 之 所 通 經 儒 石

> 《儀禮》正經與《記》一仍其舊,今《考注》 《三禮叙録》,又知公嘗考定 以 也。 爲之耶? 出於公手。 釋,徒取鄭 貞公以爲此文正 之,庶得 經,兼考《 與《易》《書》《戴記纂言》之文不類,決 仍於朱子《經傳 掩爲己作者 記》自爲《記》,不相雜糅,其章次則依朱 科舉之學中輟。 禮考注 以 叙 喬新 玄、賈公彦之説 盡 贵晏氏不見公本,而以 也。 録 心 ×, 通 不揣 竊嘗考之,文正公考定 馬,徧 近 公所考定,而 詳加 解 刻 登第以來,讀  $\forall$ 庸陋 於 雜 訪 挍 吾 然 藏 定, 旴 而 無 是 書 輒 經 經,鋭 綴 倫,其所注 因 之 晏璧彦文 廬 自 輯 唐 家 陵 文正公 爲 焉, 人石 己 楊 意 無 經 意 亦 非 文 有 求

「高堂生」,原作「高唐生」,據四庫本、薈要本、《補正

0

改。

嗟夫! 豈非 篇 同 講習焉。自王安石廢經 來 其存於世者,惟此十七篇 不能爲已。 成紫陽、臨 昌黎之患,每欲採摭諸儒之説爲之注,以 此經者鮮矣,喬新少嘗讀之,而不 於讀者也,於是《儀禮》十七篇復爲完書。 文之後,今因朱子移置各章之末,蓋欲便 子所定, 志 ,雖未能舉行,然猶 ,賓主問 一,庶幾 曠世之一快哉?」 秦火之後,先王典禮,十亡八九, 亦不 對 有 川二大儒之志,今學殖荒落 姑挍正 敢妄爲紛更。 、冠字醴 好古之士,爲吾所欲 遺 經,藏之家塾,傳之 列之學官, 醮之辭,石 用傳,士大夫 加 《冠》、《昏》 己。 能 師 炎 本 爲者 弟 漢 在 無 知 子 以 經 韓

程氏敏政《儀禮注》

未見。

丁氏璣《儀禮注》

供

湛氏若水《儀禮補逸經傳測》

一卷。

未見。

有 經之逸也多矣,有士冠而天子、諸 若水自序曰 士、大夫祭而天子、諸 士骨、 士 喪 《儀 而 天 子、諸 逸經》篇名者何 侯闕。 侯、 大 之 夫 四 禮 闕 ? 侯

其見於《公符》,雜見於《昏義》,諸記則有之矣。《王居明堂》也、《中霤》也、《投壺》也、《奔喪》也、諸經亡者則有之矣、存者五、庶幾存羊之意、而諸記或存其傳者可。」

甲乙或易。

如《昏禮》『下達,納采用鴈』,

古文爾,而承以秦隸,至於今則多俗筆,

# 胡氏續宗《儀禮鄭注附逸禮》

一十五卷。

未見。

#### 李氏舜臣《禮經讀》

佚。

釋者曰:『庿,古文廟字也。』蓋十七篇本舜臣自序曰:「余讀《冠禮》『筮於庿門』,

# 何氏澄《刊正儀禮纂疏》

以《周禮》、《戴記》正焉。」

弇陋,正以大篆,用其邊旁以爲楷書,兼

也,讀『酬酢」之『酢」,豈不遠哉?

不揣

『納』本補鉄,而『鴈』,鵝也;

『酢」,

酸漿

未見。

黄虞稷曰:「澄,字應清,歙人,有孝行。」

### 阮氏琳《儀禮經解》

未見。

二〇九九

王氏樵《挍録古禮》

未見。

□ 卷。 •

存。

黄虞稷曰:「黼,嘉靖問無錫人。」

王氏志長《儀禮注疏羽翼》

存。老

郝氏敬《儀禮節解》

十七卷。

存。

陳迹如是,非責後世一一拘守,亦非士大實地,雖止於十七篇,推而演之,三千、三百皆可義起。内《鄉射》即《鄉飲酒禮》,《大射》即《燕禮》,《既夕》即《士喪禮》,《有司徹》即《少牢饋食禮》,其實止十有二篇,然不啻詳已。昔之作者舉所嘗聞,二篇,然不啻詳已。昔之作者舉所嘗聞,其會,然不啻詳已。昔之作者舉所嘗聞,

❶「□」,四庫本作「十」。

夫禮存,天子、諸侯禮

亡之謂也。

大抵

,所以貴達也。」

完備,能必一一可用之今日乎?

學禮

縫新故不同之迹,以通之百世,就使

補

輯

殷、周,因革損益

尚

不相襲,乃世儒

欲

彌

未見。

殺多寡,因時制宜,此皆行禮節目。朱仲

此。天子諸侯,同此

人倫,同此儀則,隆

此,升降進退、

周

旋

規

矩,行禮節

文

止

用

止

止

此,飲食男女、養生送死,人生日

冠、昏、喪、祭、朝、聘、燕、饗,禮之大端

晦欲以《儀禮》爲經,夫儀之不可爲經,猶

一卷。

朋友,經也,『禮儀三百,威儀三千』,儀

也,皆以節文斯五者。五者,三代相因,

者、隨時損益。父子、君臣、夫婦、長幼、

經之不可爲儀也。經者,萬世常行,儀

言,雖聖人復生,不能盡合矣。虞、夏、

禮》爲經,割諸禮附之,嗟夫! 諸禮家

而儀者所損益。

世儒耳食朱説,欲以《儀

陳氏林《儀禮會通圖》

胡氏賓《禮經圖》

#### 譚 氏貞良《 儀 名物 考》

不以

難

讀

廢之,斯幸甚已。」

學

校者

寧

以

小

戴

之

記

傳

爲

經

可

爲

長

太

息

也

吾故

釋

其

名物

度

數

俾

吾

後之人

八卷

爰 名 物 順 貞 合鄭 矣。 物 度數之未晰 良自序 度數之既 佚。 崇禎 氏 日 之注, :「《儀禮 丙 子,秋 辨,則 ,故覺其 賈氏之疏,陸氏之《釋 其 試 一》之難 艱 辭義之艱深也,使 擯 深 落, 讀 者,且文從字 意 也 不 自聊,

,由於名

其名 講 按: 地 不 久矣。 幸 漳 《儀 物 也。 州之琯溪,失於寇,亦古經之 度 禮 數 譚 **>** 雖存,治舉子業者,不 公欲 立意甚 便 學者 厚。 誦習, 惜 也 避

趙氏 魏史《儀禮 本義》

十七卷。

**致**其

名

物

度

數

而

詮

釋

之。

嗚

呼

^

尚

文》,聶氏、楊氏之《圖》,以及諸家之説,

書》百篇

伏

生

止

記

憶

<u>-</u>+

八篇,

學

者

每

曲

[無異

是書之難讀

縱

頒諸學官以

取

土

士必

畏

難

()而習

焉

者

寡

矣。

高

堂

生

之

司

禮

》僅存一十七篇,而士子罕肯誦習,

致

憾於古書之散佚,然使其

盡

存

\*, 整牙

皆謂 哉! 魏 制之以 史自序 之儀。 存 禮 經 儀 日 世 三百 : [« 是三百、《儀禮》之綱 者 也。 儀 威 令中 禮 儀 》者周 三千。』大 庸  $\frac{\times}{\Box}$ 公監 經 二代 優 領 小 優大 ; 曲 而

千、《儀禮》之條件。 《禮經》之大全,登孔

門者,猶及見之,而孟氏以後,殘缺多矣。 漢興,河間獻王得孔壁《禮經》五十六篇,

自十七篇與高堂生所傳同外,餘□三十

九篇在秘府,●謂之《逸禮》,繼以新莽之

亂亡焉,故迄今所存,止此而已。 其篇

本一依劉氏,其註疏,朱子蓋嘗以浮蕪 次,二《戴》與劉氏《别録》參差不同,而 病 鄭

焉,欲力爲釐正而不果,近代吴氏亦嘗嗣 史且賤老,不自揆其迂腐,蓋心詮次,❷其 爲考定焉而未盡。 值世聖明,文運綦盛

間爲之《本義》如其篇,庶幾私淑前修,竟

其未竟之志云。」

卷。

張氏睿卿《儀禮考》

存。

卷。

存。

萬氏斯大《儀禮商

一卷。

存。

四 庫本、薈要本無此空格。

四庫本、薈要本作「盡」。

四卷。

未見。

按:山陰祁氏《書目》有之。

佚。

張萱曰:「抄本,莫詳撰集姓氏。」

經義考卷一百三十四終

弟子秀水徐勵誠覆校

秀水朱彝尊編 男昆田 校

王氏堪《冠禮儀》

儀

禮六

馮氏異翁《士禮考正》

存。

杜佑曰:「晉惠帝時人。」

楊氏簡《冠記》、《昏記》

《吉安府志》:「馮翼翁,字子羽,永新人。

佚。

登第授漢陽縣丞,歷官撫州守。

劉岳

申

志其墓,以其父魯山先生暨弟獎翁謂爲

三馮。」

存。

二 〇 五

二一〇六

錢氏時《冠昏禮》

佚。

陳氏普《士冠禮説》

存。載《石堂集》。

篇。

陳氏選《冠儀》

卷。

未見。

辰進士,廣東左布政使。」 范路曰:「陳選,字士賢,臨海人,天順庚

鄭氏若曾《士冠禮解》

卷。

未見。

羅氏原《昏問》

篇。

存。

未見。

著述,鄉人呼之曰陰孟子。」 李鎧曰:「秉衡,字振平,内江 隱居 陰氏秉衡《昏禮節要》

#### 王氏承裕《昏禮 用 中》

未見。

李 端毅公恕少子,中 京户部尚書,卒謚 大 篤 王 承 康僖。」 弘治癸丑進士,官至南 裕, 字天宇,三原人。

王氏廷相《昏禮 圖

毛氏奇齡《昏禮 辨正》

不 謁 至 則 陳 鍼 子 譏 之曰:

寢而 乎? 氏 奇齡 就 不 祖 來。」辭以告迎; 鄭,有曰: 告鬼神」,此告迎也;《左傳》曰「夫人姜 娶則告迎,人則謁至。《曲禮》曰 之不明,於今五百年矣,禮無 從郡歸,急舉似之,仲氏愀 舅姑、人祖廟,未之前聞。」予曰:『 成婦者不廟見,夫不先成婦,而謂 師,塾師曰:『孺子焉知禮,禮不云乎,不 枕 謁 人」,此謁 是不爲 自 後成乎?』塾師不能答。 席焉。 廟,不拜舅 若然, 述 日 「圍布几筵,告於莊、共之廟 夫 : 至也。 則娶與奔何擇焉?』以問 歸 婦, 耐 姑,牽 幼 而 疑之曰:『此非野合 時 誣 鄭公子忽娶于陳 是故楚公子圍 觀 婦 其 鄰 祖 入於房,合卺而 人娶婦 然 矣。 「先配 不謁 日: 會先仲氏 「齋戒以 何 可以見 廟者 婦至, 斯禮 以 娶于 婦必 而 歸 塾 能 後 而

0

1

亦 則 謂 是 之 婦 朝 至 廟 之 夕, 荷 必 不 告 人 而 迎 告 是 謁 謂 蒙 謂 之 先 人

謁

廟

育

?

蒙 者 欺 也 , 不 謁 至 是 謂 誣 祖 部

君

而 同 於 不 爲 故 是 不 爲 夫 婦 則

謁 祖 者 不 成 婦 而 反 日 不 成婦 則 不 謁 祖

是

及 出 門 而 即 稱 之, 故 往 娶 稱 逆 婦 既 至

婦 人 春 秋 書 法 明 明 口 稽 未 聞 

後 H 而 後 婦 身 以 成 也 H. 夫 廟 見 者 娶

非

認

見

之

見

成

婦

者

非

夫

婦

之

婦

也

加

義

亦

日

義

在

所

殺

耳

然

且

夫

婦

之

舉

但

以

意

行

之,

而

儀

節

未

備

故

不

E

禮

9

惠 者 塗 也 納 後 日 徵 稱 : 成 明 詐 貺 是 則 婦 與 也 徵 室 而 以《公羊 竟 其 者 女 某。」室者 不 則 成 書 之 實 其 成 在 而 稱 ハ名 也 家 倒 也。 傳 婦 0 讀 時 故 欺 之 雖 至 日 婦 在 納 與 也 成 . 是 人 納 采 詐 婦 之 采 女 辭 而 且 稱 即 時 在 然 夫 婦 E 己 名 家 . 婦 而 非 定定 爲 稱 而 吾 口 納 薦 之, 夫 女 不 徵 以 子 寢 稱 婦 不 稱 成 則 有 在 而 而

> 禮 禮 見 之 謁 也 0 拜 廟 以 謂之成 迎 脱 是 爲 親 而 以 則 或 婦 拜 迎 至 次 此 不 婦。 之, 雖 之夕, 時 日 幸 舅 之 謂 質 昏 而 壻 拜 之 明 禮 舅 舅 賓 交 拜 **>** 則 姑 所 拜 姑 舅 主 E 在 云 E 姑 之 堂 堂 而 亡 成 拜 而 仍 而 則 婦 也 則 行 不 然 舅 禮 婦 謂 迎 猶 後 姑 者 見 之 婦 之 帥 爲 之 壻 是 壻 以 主

以 長者 爲 主 而 E 堂 之 見 質 明 無 有

禮 見 以 事 見 月 必 廟 待 爲 故 則 成 謂 則 婦 祭 感 同 婦 之 僅 而 見 之 廟 物 扱 後 義 成 見 悽 則 地 行 婦 棗 愴 奠 者 之, ^ , 栗 菜 曾 而 於是 腶 誠 而 婦 子 而 修 祭 以 問 見 X 特 必 人 稱 成 廟 所 豚 廟 以 禮 子 Z 船 見 時 而 婦  $\exists$ 廟 饋 婦 修 之 見 婦 不 儀 不 月 稱 幸 時 能 見 而 之 之 廟 廟 再

者,以

未成

婦

也。」夫以曾子

,所問

夫子

所

日

人

門

而

不

見舅

姑

H

耐

始

廟

見

 $\equiv$ 

日

廟

見,

主

人

以

婦

見

於

祠

堂

且

元

晦

作《家

禮

即

承

其

誤,

而

著

「爲

禮

文

言,「三月

而

廟

見

成

婦之義

明

明

正

而

乃

日

H

廟

見,不

·成婦

不

廟

見。」

誤

伊

ĴΙΙ

程

氏

有

=

日

廟見」之語,

而

朱

秖

以

宋學

爲

指

歸

而

宋

人

著

書

往

多

不

讀

書,不

識

禮

不

深

辨

夫

子《

春

秋

輕

妻,成

在

婦婦

而

不

在

妻,

斷

斷

如

此

自

世

貴

其

成

妻」者,

蓋

婦

妻之辨

,其爲

重

婦

THI

之辭 賓 三月 其 路 氏 耶 夢 領 大 宋、元至於今, 婦 夫 而 兒 嘉 者 言 ? 客,往 爲 婦 所 暨 憤然不平,以爲 龙媳某 周 同 南宋宗《儀 爲三 誤, 會 越 公然 以 而 禮 歸 人 成婦 時聞 數 死 酒 》爲 休 日 而 大 來 H 行之。 草 舅 + 或 行 而 正之? 簡 抵 周公之書 不 仲氏 年。 草 其 姑 以 廟 帖 北 禮 自 舉 廟 野 言,始 爲 廟 見禮 宋 不 流 嗟 生 見。 禮 合, 每 逝 生 見 宗《 沙 而 倫 乎 就 舅 矣。 乃 數衰息,安得 爲 朱氏 涉 而 至 以 1 大 姑 周 驟  $\equiv$ 見 而文公亦即 X 抑 於 驚 事 於 致 質 禮 予嘗考宋學 T 廟 日 先 又 無 以 又誤之。 日 Ŧi. 既 難 鼎 ×, 以 廟 男 Ŧ. 賴 不 以 出 白 革 · 而 而 見 女 侕 先 廟 M 子 年 悟 Ŧ. 聖 彼 日 喪 百 至 流 見 不 婦 來 氏 請 我 荆 得 離 發 又 安 年 不 則 不 而 誤 仲 既 夢 儀 道 在 自 成 公 推 要 召 爲 日

姑

,歸葬於女氏之黨,曰

一未

成

婦」也

則

則

雖

夫婦

三月,

而

不

移

於

祖

不

附

於

皇

稱

成

於

納

徴

而

子

婦

之

稱

必

俟

廟

見

始

成

子

婦

mi

輕

夫

婦

假

未

廟

見

而

婦

死

是

久薦枕

席

仍

未

成

婦

而

必

成之於

报

地

奠之後。

台

江

應

元

所

云

貴

其

成

婦

不

0

禮 禮 非,固 切。 禮 禮 夫《禮 婦 目 立 誠 韓宣子聘于 據 即 籍之間 而 周 至,戊 之爲 祖 也, 爲 朝 以 ? ? × 正 禮 爲 先王 之。 廟 四 有周 獨 記 即 而 而 故 盡 周 一,而《 春 者 例 寅 非 》者,夫子之後之書 善觀禮者 不曰有夫子之《春秋》在 知 子 在 公 則 無禮書,其所言禮,每 秋 傳《春 此 朝 春秋之禮,而周之禮 禮 而 一所著, 魯 越 之禮。 魯、觀《易象》、《 春秋 代典禮所取 非 廟, 者譏 以 矣。」 H 春 禮爲首。 朝 春 秋 》所書, 即即 夫 秋 之, 夫《春 廟 夫先 秋 》,直 周 之禮 者,春秋 於《 之禮也,夫子 則 公 西己 以禮、 較 正也,乃不 不 以 春 秋 著 後 而 祖 爲《春 於 也,《 秋 春秋》,  $\forall$ 書, 周 祖 之禮 者 周 何 事 散 也 之禮 而 乎? 與 亦 周 春 春 制 見之六 得之。 秋》 文、 至 復 於 特 秋 秋 通 爲 禮 T 也 義 周 者 尤 之 之 是 H 貶 丑. 何 :

> 禮 仲氏 乎 者 昏 謂 無 前 之所言者,以 儀 因 禮 夫 全 天子 無 禮 又逝, 子 禮 不 世豈 先録 行媒 經見 朝 諸 以《 雖 侯 廟,是爲妄士。 或 《昏禮 無 全禮 朝廟之文, 必 儀 之 爲 就 知 無 書 周 禮》無天子、諸侯之禮 禮 正 不明, 禮  $\forall$ 也 時 者耶 有 定 所著, 節 道 况《 記 非 將 而 名 惜予本 謂 以 通 儀 然 其 日 俟 香 人 禮 並 所 / 辨 禮 ; 後 非 聞 以《士 闕 IE. 無 無學,而 之有 春 於仲 落 媒 秋 學 昏 氏 舉 嗟 以 而

#### 劉 氏 敞《士相 見

卷。

存。

0 周 制 四 庫 本作

人,舉進士甲科,官至集賢院學士,判西《東都事略》:「劉敞字原父,袁州臨江

子畢,乃拜啓聖公,已,則遍觀宗廟之美,

京留司御史臺。」

中有數篇論全似《禮記》。」 朱子曰:「劉原父却會效古人爲文,其集

也。

養,必異於人,而此禮又爲孔壁淹中所出

若夫贄則可依時俗,用帕二方,亦古

行《士相見禮》。 蓋公聖人之胄,所居所

始造衍聖公宅,惟升堂再拜而已,芬言當

## 陳氏師道《士相見禮》

一卷。

未見。

按:《聚樂堂藝文目》有之。

# 舒氏芬《士相見禮儀》

一卷。

存。

芬自序曰:「故事,謁闕里者,拜先師孔

#### 鄭氏樵《鄉飲禮》

因録一二策,將以告夫來謁闕里者。」

人將幣遺意,不拘於羔鴈雉

腒之飾矣。

《宋志》:三卷。又圖三卷。

供

### 高氏照《鄉飲酒儀》

佚。

朱子曰:「紹興初,行鄉飲酒禮,其儀乃是高

抑崇撰。

如何不看《儀禮》,只將《禮記·鄉

鄭氏起《鄉飲酒書》

飲酒義》做這文字,是貽笑千古者也。」

王氏炎《鄉飲酒儀》

卷。

未見。

何氏棟如《鄉飲圖考》

卷。

未見。

王氏時會《鄉飲酒禮辨疑》

卷。

許氏乎遠《鄉飲酒禮會通》

未見。

史氏定之《鄉飲酒儀》

《宋志》:一

佚。

朱氏載埼《鄉飲酒樂譜》

六卷。

繆泳曰: 「鄭世子。」

馮氏應京《鄉飲圖説》

駱氏問禮《鄉飲序次圖説》

張氏歌《飲射輯略》

未見。

以射天地四方,示有事也。 之教人,則同德相勸而進不孤,同親 恭以安。君子行此四者,以治其身,則德 故以進德者尚其藝,以盡倫者尚其節,以 所以别賢愚,序長幼,以明禮樂者也。是 於庶人,罔不由射以觀德行。 而人易從。是故男子生而懸弧焉, 日進而家可齊,立不偏而行不疑矣; 藝之德聖而智,節之道孫以通,和敬之施 致中者尚其敬,以章順者尚其和。是故 詮序曰: 而倫不紊,立不獨立而人易親,行不 「夫射何爲者也? 自天子以 夫射,聖人 故天子諸 剡 相讓 獨 行 以

必先行 侯 賤,辨隆殺,象天象地,紀之以 合射以 正道,所以明君臣之義也。 之射 考藝 鄉 也,必先行燕 飲 加 酒之禮。 進退之,以明嫌 禮 是 故 卿 燕 大夫之射 飲也者,明 日月,參之 也 義 者,合學 0 以 也 貴 明

朱子熹《鄉射疑誤》

一篇。

存。

王氏廷相《鄉射禮圖注》

一卷。

鄉,而

知

王道

之易易也。」則

夫

鄉飲

鄉

存。

之序,皆所

不

廢也。

孔子曰:『吾觀

於

鄉射,大射以明君臣之義,鄉射以

明

長

幼

以三光,合諸鄉射

而孝弟之行立,所

以

明

長幼之序也。

是故燕必以大射,飲

必

以

射,夫亦學士之所必不

口

忽,君子進德

盡

禮 肖以判,行 將論賢而不遺也。 廷相自序曰:「《鄉射禮》者,古大夫、士之射 之分,故 也。 蓋射於鄉以詢衆庶,而察其志與容。 日 射 同能偶之際,而 以 觀德。 夫人容 由 兹選 止揖 好 惡 士,其義 趨 讓,而賢不 舍, 群 廣 以

「義」,四庫本作「疑」。

有

五

年

,春正月。」

節

著

而

倫盡矣,飾之以禮樂,則所以養

德

倫之首事

也。

是故其藝章

而

德進矣,

其

而

俾之

周

旋

中

禮者,斯其至矣。

嘉靖

事。 刪 信然哉? 者二十三節, 通舉者四十一 次其事爲四十五節,省而不行者四節,舉射 勢殊,亦難盡然矣。 之君長,恂篤可以推之州間,慈惠可以 蜕斯釋。 仁愛可以推之庭塾, 忠敬可以 和順從容之心油然以興,鄙陋 於人情、達於倫義者矣。君子一游於是,則 之數、區位之宜、登降之容、獻酬之飾,蓋洽 矣,是故聖王務之。其爲禮也,委曲周 曰:『吾觀於鄉,而 民庶,有非勉爾 動合法象,觀其賓主之情、禮樂之節、器制 疏 解及舊 ,學士之慕古者,恒以全禮病之,然時 也,禮不同 嗟乎! 圖 舊有關 注附之,仍會以 古今異宜,禮難 而 也,不言而會通者矣。 情 同,古亦幾矣。 中本獨取三射,而 知王道之易易也。」豈不 余乃取《儀禮》本篇,類 盡 今儀,以 節,復取諸 陵躐之氣 感物撰 禮者, 便習 仲尼 略獻 推之 如 推 異

盡 泗之風;劉昆,陳留野儒也,桑弧 亮,武昌亂區也,舉古賓射,時士歎其有洙 德,夫焉不足哉? 故曰存乎其人焉耳。 豈不遠哉?」 古之運,有以禮樂自任者, 射,而縣令率屬 就觀。 况世 則風 會和 動物化,夫 平,彷彿 蒿 矢以習

隆

庾

葉氏良佩《燕射古禮》

未見。

徐氏樾《燕射禮儀》

0 「二」,四庫本作「三」。

Ŧī.

《黔記》:「貴州提學道貴溪徐樾撰。」 未見。

謝氏少南《射禮纂要》

李延是曰: ●「樾,中嘉靖壬辰進士。」

彭氏良臣《射禮纂》

卷。

未見。

陳氏鳳梧《射禮集要》

卷。

存。

提學副使,刊行之。」 繆泳曰: 陳 鳳梧撰,冀北郭登庸爲湖廣

> 卷。 未見。

楊氏道賓《射禮儀節》

卷。

未見。

繆泳曰:「晉江楊侍郎,官國子司業,著

有《射禮儀節》,而江夏郭文毅加以攷證

成書。」

劉賢序曰: 儀》,出於草創之世,百戰之餘,士亡不争 「國學故有高皇帝《欽定射

0 「是」,四庫本作「景」。 道

者

其

難

哉

?

先

命

中

者。

禮

而

11:

以

故

節

目

典故 欽定之儀, 定之,承平之時,道在 分,綢 繆 有射 其文章,是故 而 後 有儀,義 制 詳 主 而 在 教 忠 會 備 質 通 9 考 蓋

定之儀,有儀 加 又 增 飾 之,雖 日 適中 9 然

難 節》之所由 以文勝矣。 行,非 所 以 纂 此温 也 爲 禮 陵楊荆巖先生《射禮 , 先生其 夫禮苟繁, 穆然 而 有 使 人 □
從 病 先 儀 於

器 進 以 此 之思乎。❶ 射 書教習多士,而 職 以 至位 江 夏 次、聲詩, 郭君,博 又 八爲之 繪 物 考射法、 君 圖 子 附 説 也 射 既

兩 準諸古,以 先 生之思挽世道於古初者 廣先王造士之意。 ,實倪於此 用 壽 諸 梓,

孔子 也 讀 日 -儀 節 吾 觀 於鄉 編 兩 而 先生之所 知 王 道 以 之易易 佐 王

> 朱氏 網《射禮 集 解

卷。

存

此《集 《集解》 縉序日 指 難讀 鄭玄有 而 聖之言, 演習古射者, 儀禮 益 》《節要》等書,撰 鄭注 有味乎? 影耶 解 注 : 參考群 至  $\overline{ }$ ? 以 所 簡 理 鄉 釋 以 多 蓋《儀禮》古文,昌黎嘗 切,後學罔晰其 攸 射禮 其 世 籍 不 寓, 慮 義矣,今復何 儒 容 漫 要 》文具在周 次雖 窮 著 不 無 殊 之而 有《射禮纂要》《直 作 依 於同 爲詳明,而今之 也。 據 愈 艱 精 無 公《 會萬於 是 爲 微 於效 窮 故 儀 而 祖 味 苦 矧 禮 有 述 其 是 之 元

四 庫 本無此空格, 薈要本作「吾」。

0

復乃 者? 鏗 以 耳。 物 先 惟 生 也 學,宜其 禮能變化人之氣質, 肅 第具述, 之準,陳器 幾,按禮 師 力力 之以 夔,暨 雅 徵 ,使各有 宣父言夏、商之禮,尚 肅 召集 德行之立乎? 詎敢罔作聰明 然,容止 請 殆 時 序 畫 備 李 來 人皆争先 原古禮 無 諸 事 事竣,舉人李 觀者 圖 以 所 紀 生九 非 生 備 知 使各有 舉 咀 有 講 以 禮樂之文。 叙、 絡 也。 廢 味 風 儀 而 解 而快覩之,亦不 繹, 墜 ○ 以亂典章之舊哉? 古人糟 來學。 行之,則見其 劉 明悉 兼之禮器 何如是之速也,不足 進 然後 所 H 依 生 生 退 執 人,駭 稀 玉 分以 良 有 設 也 慨 辭 粕, 矍 光, 能、貢 儀 位 度。 , 終 杞、 相 節 古樸,音樂 見修 而 偕 以 次 弗 執 堵牆, 終 雍 宋之 甚矣! 演 之 立 足 獲 事。 通 士 雍然, 始 舉 繹 周 以 學 張 爲 之 次 無 諸 於 未 旋 生 異 攷 竊 何

> 訂 徵; 靖 避,乃敢忘其蕪陋 士習,實典文教者之責任也,義 家宗工之笑歟? 戊戌秋 顧 晦 愚管窺 庵 撰《 八月。」 蠡 楚辭》之注,尤多闕 測 庸 之見,曷敢 雖然,敦 書以 爲序云。 行 衒 古 亦不 售以 禮 疑 時 之 得 以 貽 未 嘉 正 名 遜

教諭。」 李延是曰:「縉,零陵舉人,署郟縣

儒

學

林氏文奎《射禮圖注易覽》

未 表 見。

● 「罔」,四庫本作「妄」。

吴氏霞《射禮輯説》

存。

《閩書》:「吴霞,字汝華,海澄人。」

未見。

經義考卷一百三十五終

弟子吴縣席前席覆校

姚氏坤《射禮直指》

卷。

未見。

劉氏敞《公食大夫義》

卷。

秀水朱彝尊 編

《隋志》:

佚。

男昆田校

《喪服經傳注》

儀

禮七

戴氏德《喪服變除》

《通志略》同。

卷。

佚。

劉氏表《後定喪服》《隋志》作「喪禮」。

馬氏融《喪服經傳注》

《隋志》:一

一卷。

杜佑《通典》引劉表《後定喪

佚。

鄭氏玄《喪服譜注》

踰夫。 哭,當先君 還,先入門,東壁向君 爲祖母三年,以爲婦人之服不 服》文云:「父亡在祖後,則不 聽進,即堂先哭。 之,畢事反吉。」又云:「君來弔 喪,有來弔者,以縞冠深衣於墓受 祖母不得踰祖 去杖,出門迎。 臣,主人待君到 孫爲祖服周,父亡之後,爲 止。 也。」又云:「既 君起致辭,子對而 脱頭經 門外再拜,乃 乃止於 讓。 ,貫左臂, 廬 君於前 外伏 除 得 可

《蜀志》:「蔣琬,字公琰,零陵湘鄉人。 馬、卒謚曰恭。」 亭侯,延熙元年命開府,明年就加爲 爲尚書令,遷大將軍,録尚書事

,封安陽

大司

王氏肅《喪服要記

隋志》: 一卷。

按: 孔子問曰: 未及。文曰:「魯哀公祖葬其父, 義》、杜氏《通典》多引之,其《魯哀 子推,晉之人也。文公有内難 曰:『不也。 公葬父》一篇,散見群書,今會粹爲 一,可以補永嘉薛氏《孔子集語》所 王氏《喪服要記》,孔氏《正 『寧設桂樹乎?』哀公 桂樹者,起於介子推。

蔣氏琬《喪服要記》

不言,稽顙以答之。」

佚。

奉唱 糧。 婦 奔 也。 恨,何用三 禮三終,使死 治三桃湯 卒哀。」因駕素車白馬,進到夫家, 家,道聞夫死,乳母欲 衛靈公,有女,●乳母 乎?』哀公曰:『不也。 爲?』孔子問 生於宫殿,死 其神魂賈於地,故作桂樹焉。 國之狄,子推隨其行, 介 曰:「女有三從,今屬 設五 五. Ш 後文公復國,忽忘子推 而歌,文公始悟當受爵。 穀 ,抱木而燒 穀囊 囊 以 桃湯爲?』孔子問 沐 者,起伯夷、叔齊,讓 者 乎?』哀公曰 於 死 日 不 者 . 枕 死,國人葬之,恐 恨。 「寧 一, 出 席 將 送新 割 桃者,起 設 東門北隅, 於人,死 新 何 吾父 肉 婦  $\equiv$ 用 婦 以 子 返,新 吾父 桃 桂 子 無 就 續 示不 推 所 夫 於 樹 湯 軍

> 崩,還 苑荆 哺 用桐人爲?』孔子問 過,故作桐人。吾父生得 繼母,不得養,父死不能葬,知 子問曰:『寧設桐 吾父無 菰廬,起太伯。 魂之饑,故作五穀囊。 國,不食周粟, 衣乎?』哀公曰:『不也。 不也。 寧設 而 死,何 ,於山之下,道逢寒死,友哀 菰 赴喪,故 太伯之罪,何用 桐人、起於齊人虞卿、遇惡 廬 用 乎?』哀公曰:『不也。 此爲?』孔子問曰 而餓于首陽之山 作菰 太伯 人乎?』哀公曰 廬 出 日 吾父食味含 以障其尸。 奔,聞古公 此 . 『寧設 魂 供養,何 爲 ?!孔 衣,起 恐 有 魂

●「有女」下、《太平御覽》卷九百六十七(四部叢刊三編呈

送葬,安用桂樹爲禮乎? 吾父生服錦繡,死於衣被,何用魂 往迎其尸,憫神之寒,故作魂衣。 衣爲?』」酈善長謂:「孔子非璠璵 王肅此

《隋志》:

射氏慈《喪服變除圖》

七録》:五卷。

佚。

陸德明曰:「慈,字孝宗,彭城人,吴中書

侍郎。」

《喪服經傳注》

杜氏預《喪服要集》

袁氏準《喪服經傳注》

《隋志》: 卷。

0 傅」,原作「傳」,據《隋書》卷三十二改。 《喪服天子諸侯圖》

《舊唐志》:二卷。

證近於誣矣。」

佚。

衛氏瓘《喪服儀》 《隋志》: 一卷。

《隋書》:「逵,晉侍中。」

佚。

崔氏游《喪服圖》

舊唐志》:

佚。

劉氏逵《喪服要記》

《喪服譜》

卷。

佚。

孔氏倫《集注喪服經傳》

《隋志》: 卷。 賀氏循《喪服要紀》

「六卷。」《隋志》、《舊唐志》:十卷。

佚。

二四四

察孝廉,泰始初,拜郎中。年七十餘,猶

敦學不倦,撰《喪服圖》,行於世。」

《晉書》:「崔游,字子相,上黨人。

魏末,

佚。

陸德明曰:「集衆家注。」

佚。

蔡氏謨《喪服譜》

《隋志》:

卷。《舊唐志》同。

佚。

陳氏銓《喪服經傳注》

環氏濟《喪服要略》

一卷。

劉氏德明《喪服要問》

孔氏衍《凶禮》

葛氏洪《喪服變除》

# 裴氏松之《集注喪服經傳》

《隋志》:一卷。

佚。

太中大夫,西鄉侯。」陸德明曰:「松之,字士期,河東人。

# 庾氏蔚之《喪服要記》

《七録》:三十一卷。

佚。

《隋書》:「宋員外郎散騎常侍庾蔚之撰。」

#### 《喪服世要》

《七録》:一卷。

#### 佚。

費氏沉《喪服集議》

七録》:十卷。

佚。

宋

《隋書》:「宋撫軍司馬費沉撰。」

# 雷氏次宗《略注喪服經傳》

《隋志》:一卷。

佚。

# 周氏續之《喪服注》

張氏耀《喪服要問》

佚。

蔡氏超宗《集注喪服經傳》

《隋志》:二卷。

劉氏道拔《喪服經傳注》

陸德明曰:「彭城人、宋海豐令。」

佚。

崔氏凱《喪服難問》

王氏儉《喪服古今集記》

《隋志》:二卷。《舊唐志》同。

佚。

#### 《喪服圖》

《隋志》: 一卷。

田氏僧紹《集解喪服經傳》1

《隋志》:二卷。

佚。

司馬氏職《喪服經傳義疏》

《七録》:五卷。

《隋書》:「司馬瓛,齊散騎郎。」

《隋志》:十卷。

王氏逸《喪服世行要記》《舊唐書》「逸」作「逡之」。

《隋書》:「齊光禄大夫王逸撰。」

樓氏幼瑜《喪服經傳義疏》

《隋書》:「幼瑜,齊給事中。」

0 此條前原空三行,據《補正》丁杰案語删。 《唐書》:「趙成問,袁祈答。」

一卷。

佚。

沈氏麟士《喪服經傳義疏》

佚。

袁氏於《喪服答要難》

《隋志》:

卷。《舊唐志》同。

佚。

《七録》:

一卷。

崔氏逸《喪服圖》

裴氏子野《喪服傳》

賀氏場《喪服義疏》

皇氏侃《喪服文句義疏》

《隋志》:十卷。

佚。

《隋志》:一

佚。

何氏胤《喪服治禮儀注》《七録》作《士喪儀注》。

《唐志》:九卷。

佚。

《喪服答問目》

《隋志》:十三卷。

佚。

孔氏智《喪服釋疑》

何氏佟之《喪服經傳義疏》

《隋志》:一卷。

《七録》:二十卷。 佚。

《隋書》:「佟之,梁尚書左丞。」

《隋志》:十卷。

《隋書》:「嶠,陳國子祭酒。」

袁氏憲《喪禮五服》

沈氏文阿《喪服經傳義疏》

《舊唐志》:四卷。

《喪服發題》

《隋書》:「憲,大將軍。」

王氏隆伯《喪禮鈔》

# 謝氏徽《喪服要記注》

《舊唐志》:五卷。注:賀循書。

佚。

爲庶故 是邦而爲大夫者,其後繼之,亦成 庾元規 宗也。」其下有徽注 者,各自爲大宗,乃成百世不遷之 又《要記》下文云: 之始祖 子則貴, ①於嗣子則賤, 與 也。」其下有徽注云:「母弟 按:杜氏《通典》引《喪服要記》文 庶兄弟既亡之後,各爲一宗之祖 云:「公子之二宗,皆一代而已, 也。 云:「雖 ,即上所謂别子爲 既死之後,皆成一 非 諸 「嫡繼其 侯 云:「賀公答 别子,始 会子 祖 於 正 也 起 統 宗 同 妾

> 小 服 注 答傅 爵者 也 宗,死則爲齊衰九月。」其下 《要記》云:「凡諸侯之嗣子繼代 母弟爲宗,諸 祖 百 爲君,君之群弟不敢宗君,君 後,此爲每公之子皆别也。』」 之中可 爵者。 以母 君 代 ,既爲宗主,則 云:「母 謂 也, 純 亦然。」』愚謂是起是邦始 别子始爵者也,雖非别子,始 不遷之宗。 又問: 『别子有十人,一族 云: 有十大宗乎?』『然』。 弟之貴故也。」又《要記 其 弟 妻 「别子爲 齊衰 雖貴,諸弟亦不 弟宗之,亦謂 齊 鄭 三月,如 衰 玄亦 祖,不限 九月,其 云 . 大宗 有 之 命 敢 前 受 母 徽 大 其 又 太 賀

經義考卷一百三十六終 之謂也。」 已。」下有徽注云:●「此二宗亦不 服,女公子服宗亦與男同。」《要 大者爲宗,諸弟宗之,亦如母弟, 小宗者,有小宗而無大宗者,公子 得並,故《大傳》曰:『有大宗而無 記》下文云:「此二宗者,一代而 「此《大傳》之小宗也,其母妻則無 則爲之大功九月。」下有徽注云: 下文云:「若無母弟,則命庶弟之

弟子嘉興王宏覆校

「徽注云」下,原重「此二宗者」至「徽注云」十三字,據

《補正》删

# 經義考卷一百三十七

殷氏价《喪服極議

秀水朱彝尊編

男昆田校

龐氏景昭《喪服制》

通志》:

佚。

張氏薦《五服圖》

佚。

《舊唐書》: 後累遷春官侍郎,長安中,爲同州刺史。」 垂拱初,累遷鳳閣舍人,出爲台州司馬, 「孟詵,汝州梁人,舉進士。

禮八

孟氏談《喪服正要》

《唐志》:

佚。

儀

2472

二三四

### 裴氏茝《五服儀》

《唐志》:二卷。

佚。

《新唐書》:「茝,元和太常少卿。」

仲氏子陵《五服圖》

《通志》:十卷。

佚。

《新唐書》:「貞元九年上。」

伊氏失名《喪服雜記》

《七録》:二十卷。

《隋志》:一卷。

徐氏失名《喪服制要》

《隋志》:一 一卷。

王氏失名《喪服記》

《隋志》:十卷。

佚。

嚴氏失名《喪服五要》

ト氏失名《**駁喪服經傳》** 

樊氏失名《喪服疑問》

戴氏失名《喪服五家要記圖譜》

《七録》:五卷。

佚。

《隋志》:一卷。

一卷。

《喪服要略》

《隋志》:二卷。 佚。

亡名氏《喪服義鈔》

《隋志》:三卷。

《喪服經傳隱義》

《七録》:二十九卷。 佚。

《喪服雜議故事》

《五服略例》

《喪服君臣圖儀》

佚。

佚。

佚。

《五服圖儀》

一卷。

《喪服要問》

《士喪禮儀注》

《唐志》:十四卷。

佚。

《隋志》: 一卷。

《喪服假寧制》

佚。

《論喪服決》

《隋志》:三卷。

《五服志》

《宋志》:三卷。

《喪服加減》

《宋志》:一卷。

佚。

增損,文無倫次。」 《崇文總目》:「不著撰人名氏,雜記服制

2476

《五服法纂》

卷。 佚。

以上二書,載《紹興續到四庫闕書

韓氏挺《服制》

《宋志》: 一卷。

佚。

李氏隨《吉凶五服儀》

《宋志》:一卷。

佚。

劉氏筠《五服年月數》

梁氏觀國《喪禮》

五卷。

佚。

《宋志》: 一卷。

卷,革用道釋者,門人稱曰歸正先生。」 《廣東通志》:「梁觀國,字賓卿,南海人。 再薦於鄉,不第。力排佛老,編《喪禮》五

佚。

鄭氏文遹《喪服長編》

佚。

吕氏大臨《編禮》

未見。

學甚惠,尚恨所編者,五 之,自始死至祥練,各以類分,其施 晁公武曰:「以《士喪禮》爲本,取三禮附 禮 中特 於後 [X] 禮

而已。

沈氏括《喪服後傳》

楊氏簡《喪禮家記》

佚。

馮氏椅《喪禮》

佚。

葉氏起《喪禮會經》

熙

未見。

之學,闕謬頗多。」

寧中,欲重定五服,勑

而

予預討

論雷、

鄭

括自述曰:「予爲《喪服後傳》,書成,

佚。

2478

集爲之跋。」 黄虞稷曰:「起,字振卿,永嘉人,其書虞

# 車氏域《内外服制通釋》

九卷。

傍 訂。 奥,靡 薦 馬 鄉 先儒未有一定之論,公則用注 凡《河圖》、《洛書》、先天、太極之精 陳先生埴之門,公與從兄若水俱受學焉 頭 良驥 在下』之説,改正 ,不第,季父韶溪先生安行登永嘉 人所稱 而 至於《禮經》尤詳,如深衣之續 不探 後 曰:「公諱 深 雙峰 衣之制始得其宜。 賾,異端百家之説,必反 先生者 垓,字經臣,少 續 袵 也。居黄 爲裳 之上、衣 疏皇氏『廣 喪服 巖 諱 一若綰 領鄉 袵 覆 微 親 之 辨 藴 疏

> 《内 以 之隆殺,文公《家 牟楷序曰 得之,如指諸掌 書,其文公《家禮》之羽翼 子大雅 功郎建寧浦城縣尉,公既老,遂 弟,處以賓職 守台於城之東湖建 多以義起,以補文公之未備,士之習禮 然,此釋其所以 於贅乎哉?』余謂 矣,而常恨莫之見也。 喪服之制、《家禮》備矣,此書之作,不 晚學辭,弗獲,遂爲 外服 翁始編以示余,且俾題 制 :「余聞 通釋》 咸淳中,朝廷以 ·焉。 景定 然也。 一篇,其於 禮》 不然,《家禮》著其 雙峰先生 上蔡書院,首 尚 孔 年幾耳順 之言日 或 中,會稽王 子 遺 歟 日 正、降、義、 服 略,公乃 一:『民 : 其首。 制 不 特科 先 赴。」 美哉 聘 有 或 生之 所當 書 公兄 華 可使 授 日 者 是 作 迪 殆 甫 加 余

0

<sup>「</sup>續」,原作「績」,據薈要本改。下一「續袵」同。

先 安得. 委 爲 噫 厚 惟 禮 莫之盡,况若義、若降、 且莫之盡,况期 喪之重也,周公所以 何 之,可乎哉 由 而 而 也。 生姓 也,民 . 歉? 之,不 昧 淳,有不難者矣。 躬行之,且律天下之人 1 有冠、昏、喪、祭,而此 喪、祭之重 於天 如 親 車 先生者 至元後己卯暢月。」 喪 禮之行由於俗之厚,俗之厚由 可 俗 氏 理 使 固 厚 者,烏 諱 所 知之。』徒由之而 而 此先生之書所以 而 出 自 垓, 功乎? 已。 後 而 足以 盡 字經 司 冠、 噫 成周家忠厚之俗,亦 也 喪、祭之重,民俗之 風 若加 世, 知 昏之禮 臣 期功之正 獨 俗之柄,即 盡行之,則 先 後之人讀 一降俗 玉 有 者 生之 取 乎 不求以 峰 作 可 ? 澆 於 先 心 也 者,且 行 喪 生之 哉? 是書 變澆 是 噫 齊 矣。 斬 於 又 書 然 知 !

**《通** 後 艸、雷之於蟄,豈 於前 宜其 以隅反矣。」雙峰 院 因 余聞 子《家禮 讀先生之書者,孝弟之心 契教天下萬世以人道之始也。」余對 教以人倫」章爲題,先生曰:『此帝 人道之終乎?』先生喟 『朱夫子《喪 思丱 庚辰六月。」 ,引試聖則堂,舉《孟子》『使契爲 釋》,又不能 熟於禮 其書舊矣,今始獲一 微朱 角 》,殆無 時 夫 禮》 也。 從 子 不 玉 遺藴 使 先生,玉 烏 日 書,豈非 峰 後 能 小補之哉? 乎 先 成 人行著 ! 贵 然曰:『小子真 生 之於 油 覩,其 峰先生之委也 微 於 日 教 然 E 小 契不能 天下 後 而 蔡 補 發 如風之於 習察也 微 時 萬 之 東 明 司 先生 啓之 堯命 哉 世 湖書 朱 徒, 夫 以

子 化,及奔竄山谷,竟以疾 瑢跋 日 :「先君成 此 書,未 **然**,家 塾 脱 稾 悉 爲 而 煨 更

張

復跋

日:

「雙峰先生《内外服

制

通

釋》,

歲 儼然具在,驚喜無 識 燼 於先生書房中 至元後戊寅孟春。」 補世教,瑢不敢私 友,曾傳之,於是編 庚午春,先 뻬 時瑢兄弟 手 澤 無 師 存 沿尚幼, · 見《 栖筠 ,遂鋟諸梓,與衆共之。 蚤 内 地 寫 夜 若 外 鄭 成 痛 图 栖 服 先 帙 心 筠蓋先君之愛 制 生 聞 衆 通 知。 有 謂 釋》一書, 負先 余往 洎 是 長 弔

代道學之宗,其 《喪禮》相 等,人人可得而盡矣,必師友講 爲之釋使人易知,易見易知,親 發,非謂學問 於是書,乃養由基之射也。 朱子於是書猶君子之射也,我伯父雙峰 而 從子惟賢 明,有補《家禮》之未備,有發前賢之未 表 跋曰:「是書之 裹 相高 而 肩 並 也。 可 行 比乎? 也。 爲之圖使人易見, 出 或 學專 曰 : 。 可 曰:不然。 説 疏 而精、詳 朱子一 與文公 隆殺之 云 乎?

> 補 於治道 緦麻。 小功; 功、緦 以 服》: •應 按 後 明矣。 車 麻; 氏 應服 卷九爲《深 服 書 書 應 子 期 大 時至元後戊寅仲夏。」 服 功 而殤者,降服 爲 所 小 加 儲 衣疑義 功 ^  $\equiv$ 殤者,降 者, 而 殤 殤者,降服 闕 以 第 次 服小 八 降 卷

有

# 葉氏起《喪禮會記》

佚。

使後 其 漢以來,諸儒相 虞集後序曰:「先王既遠,禮樂崩 臆 世 説 ,自爲 猶得稍見 、抵牾, 與綴 緒 餘 亦不無焉, 緝 者 所 傳聞 則 其 加 自非真 功 誦説 也。 知

●「書」,疑爲「卷」之誤。

四

四

不不 能 有 所 決 疑 於其 間 伊

諸 聖 君子 人之道 出 然 後 制 作 之本 蓋蓋 庶 幾 矣。 洛 至

於 朱子 將 觀 於 會 通 以 行 其 典 禮 故

門 X 輯 爲《儀 禮 經 傳 通 解 》,其 志 古 將

特 未 成 書 而 世 E 傳 之。 其 門 人 楊 氏

?

感 於 斯 而 永 嘉 葉 起 振 卿 之 來 京 師 出

親 所 之喪也 爲《喪禮 」,或有 會 紀》以示余,其言 不 得於心 則 疑 E 於 理 『昔 有 服 所

未

盡

,求諸《家禮》,則又見其足

以

少

正

於

生之 敏 其 之書,獨 昔者戴氏之所記 所 加 家禮 竊 爲 師之遺 年 際,而 Ė 也 有 **>** 邁 者 意 喪 意 事 禮 而 於 因 X 爲 有 亦 其 尤 司 禮 之 弗 未 遺 備 馬 記 爲 ,言喪禮 逮, 獲 贵 説之一二,然學未足, 氏 注 最 少有 之説 終 者, 重 不 身念之, 者 以 者 發明 蓋 而 乎 人 獨 以 ?,是以 倫 粗 多 補 之大, 加加 其闕 加 小子 耐 櫽 常 楊 所 也 括 以 不 死 謂 有 氏 有 使

其 遺 已,殆 略 均 志 鄙 所 府 今, 日 衰 觀 爲 加 聞 余, 未 詳 叙 微,求古昔之廢 潤 振 史,公退之暇 此 尚未 會 而 而 乎 整 色, 梗 卿 至 朝 而 非 疑 振 如此, 之恂 概 者 晚也。」 俾與 宜 可 廷 求 其 卿 垂 而 馬。 以 多 知 + 未 授 必 恂 歸。 多徵。 然猶 觀 禮 於 備 温 五 有不 愿 鳴 人 焉,余將 當 合 文 陵 年 慤 温 墜,亦 呼 以 之事 於 幕 時 事 愐 止於 陵之士,尚 而 嚴 爲 ! 古 官 以 後 盡 振 未足,又將益考其 覈堅苦, 以 自 成 留 其 其 廢, 斯 亦 乃 卿 出 衒 有 振 志 者 博 忽 畢力 精 卿 振 者 見 亦 考 忽 神不衰,益 請 多先代 卿 余 以 也 悲 而 可 於斯 不 經 見於 雖 共 時 世 不 尚 暇 傳 成 能 俗之 在 顧 從 矣。 故 他 之 故 成 其 自 事 以

三卷。

之言 帝 禮辨矣。 編 虞 韋 故 遜,敬敷五教,在寬』,然則治天下者思 倫』,其命 法,三日 面 也 堯 雜 帶之士,坐誦書史,慨然思古聖人 道以成善治, 豈有 而 集序曰: 則 聽 取《 而成之,凡三篇: 日 天下,所宜先者 其意以爲,記禮者有曰: 爾雅》、《儀禮 服制,而親親之道備矣,品節之 予讀之而 二以 契也,亦曰 「《治親 親 九族」,帝舜 書》者,戴 歎 出 『百姓不 》、《戴氏 日 於此乎? 五 :考之於《 日 0 則 釋 君 親 親 記》及 H 日治親。」 石 · 五 『聖人南 『察 今布 玉 爲治 品 於人 書》, 日宗 先 之所 儒 盡 衣 不

> 者肄 其意者 乎? 行,而 所由 之節 之道 宗法可 何疑 其 者天子有天下,諸 復建侯 昧於一本之立,迷於 有其别,禮可得 見其學,其必 極 其説 也? 致 有有 ,溺於鄙倍狎昵之私 起也。治親 士無 爲士者猶然,况庶 ,庶幾得之。 立國,不能 得 在於平天下,蓋其 取 而傳之可 而 夫親親之名立,内有其序,外 於 田 行 有見 聖 不 焉。 而 經 可 而首釋,可謂善矣。 也 如王之制,故宗 行矣。名之不立 賢 侯有國,大夫有家,故 也。 以祭,則惡在 秦 若夫服制之説,今所 疏戚 夫。 傳, 人壞 石玉所謂 著 人乎? 所講者如此,又 夫《大學》之道 ,此犯上好亂之 之辨,謬於愛敬 封 丽 建,後世 爲 書,以 其 是 法 君 故 爲 子 不 則 宗 學 得 或 雖

「宜」,四庫本作「且」。

顯 説 禮樂之盛,千數百年之間, 身。」爲人上者,不有躬行心得之君子,孰 矣。五十而慕,庶幾有聞大舜之風者焉。 興,必有諸 能與於此哉? 可行者矣。 則凡石玉之所序者,可考而通之,以就其 則其立制也,嘗欲節其過以勉其不及焉。 雖然,君子之爲道也,亦教之孝弟而 之喪者多矣,又何 哀,所以稱其情也。 謂備矣,余竊有慨焉。 叙列先王之法、時君之訓、先儒之説, 『天下之本在國,國之本在家,家之本在 ,不亦偉與?」 而傳之云耳,●不亦悲 侯王大臣能獻 噫 ! 方今聖明在上,人文方 論至於此 緦、 世俗淪降,不能 小 喪服者,所以著其 夫! 其書,以 功之足察 ,亦不過 戴氏 孟 復 就 子 以 乎? 日 三年 肄 王 禮 其 E 可

張氏氫《喪服總類》

佚。

**龑氏端禮《五服圖解》** 

未見。

周氏南老《喪禮舉要》

未見。

「傳」,四庫本作「通」。

# 徐氏駿《五服集證》

義 當之論 駿不自揣己,謹按文公《家禮》及我太祖 吾身,身其枝也,終喪之服,可不嚴乎?』 服,而五 取法於天地陰陽,别乎親疏之等,俾不 喪,而使人盡夫送終之誠,故制 駿自序曰 質諸先達,咸 謄稟,始克成編,名曰《五服集》 高皇帝制製《孝慈録》,●間亦採摭先儒 瀆亂者,故馮 ,足可俾爲人子者習之,以知其尊卑隆 ,附以 服莫嚴於父母,有父母,然後有 :「喪者,凶事也。 臆見之言,爲五 鼎元 曰 一二二雖 有日 裒 :『禮莫嚴於 集 衆説 聖人必達之 服問答凡三 證》。 五服 以 釋 嘗以 以 五 相 其

> 傳。 也。 正諸 讀 踰之罪,莫可逃乎? 後之君子,倘改而 於己。』遂 殺之道,而哀痛之心,莫不油然以生, 五服庶無相瀆者矣。』福建士夫書林詹氏 書好禮,見而 駿深懼舛駁,不能盡夫五服之旨,僭 時正統三年,歲次戊午春二月。」 則 非惟 慨 然 區區之幸,抑 捐鏹,命工鋟梓, 喜曰:『此五服書 亦後學之幸 以 不 永 可 其 私 則

### 姜氏璉《喪禮書》

未見。

黄虞稷 庚辰進士,歷知永平、贑州二府事。」 曰:「璉,字廷器,蘭谿 人。 天順

0 疑當作「御」。

十六、《喪次》十七,具載《家藏集》中。」

# 蔡氏芳《喪禮酌宜》

未見。

弘治戊午舉人,官福建運副。」《温州府志》:「芳,字茂之,平陽縣」

王氏廷相《喪禮論》

卷

劉氏績《喪服傳解》

未見。

矣。 學士喪禮,士喪禮 周公作。 文,其十七篇與高堂生所傳者同,其餘 宅,得亡《儀禮》五十六篇,字皆篆 禮》十七篇。 績自序曰:「漢初, 玄爲十 豈以通上下,兼 孔子述之者也。獨《喪服》,子夏爲《 十九篇, 絕無 至敖繼公爲《集説》。 宋朱子爲《通解》,門人楊 七篇注 按《記 師説,在於秘館,先 至武 ,唐賈公彦 經權 》:『哀公使孺 於是乎書。』則 帝末,魯 高堂生爲博士 難 嗚呼! 爲 知 與 疏 恭 復爲《 其 去周、孔數 悲 王 漢 中 之 儒 壞 他 傳》, 圖》, 孔 末 孔 以 皆亡 晦 古 儀 鄭 子 爲 子 而

太皇太 男女 父 庶 尊 親 鎮 蹈 千 殺,以澤皆 外 制 難言矣。 功,然後 家,然皆 無 而 微 則 前訛 不 江 無 年, 子 主 īF. 尊 不起, 一,治官三月即歸,杜 漢以 不 體 同 祖 其 習 則 爲 父母 后 也 同 亦 ,惜哉 皆 精 者 知 仍 喪,因 我朝 後 長 斬 9 五世 則 臣 禰 不 不 忘 本 爲 期 附 子斬,宗子不爲 1 仍本 無 也 祖 知 知 服 飲 人後者, 太祖 ; 會説,諸大臣從之。 倡古反吉玄端爲 子 3 而 藴 上殺,子孫下 幾 食、 9 持重大宗,不二斬也 績 公卿 斬 則 服 奥, 臣 承 何 有 寵辱 也; 孫 不 人, 傳 乏吏部 意 粗 女子 大夫 公卿 亦 食禄, 於是, 門 并 天子、諸 期 死 亡 成 降 以 出 者 弘治 出 生,加 殺,兄弟 諸 初 制 嫁 旁 尚尚 下,女出 則 而儒 母 志 降 親 凶 度, 侯 有 同 服 侯 衰,服 旁親 甲 以 以 尋守 民 絶 百 以 臣 禮 此 下, 嫁 旁 旁 近 其 倍 内 數 無 亦

> 之權 作也。 異,一 今日 重 月, 有 不 績 公,定百王之大法,莫如孔子。 豈易知 無 徒述習,孔子既不易 條 特 隨 服 容毫髮差,使五 君已傳 爲 必 也 從 本始 時 殊 哉? 訓 正德癸酉秋七月。」 不可易,則後世又安 隨 無 而 孔子曰 乎 又圖 服 可 位 是故 父子,旁親 而 一,簡 取 則 有 以 中無一定之法 兼 從 服 該之,使九族 服皆同,而 易 前代之制作,莫 可 服 則 從 之道 與立 期 始 今日 重 年。 如 乎 未 而 能易哉 兄 輕 指 必 但有 從 可 掌, 弟, 不可 有等,而 是篇 乃 從 有 與 粗 行 非 車平 服 如 權 亂 故 師 細 周 經 而 妄 愐 而

王氏廷相《喪禮備纂》

一卷。

毛氏先舒《喪禮雜記》

汪氏琬《喪服或問》

禮通考》

百二十卷。

存。

彝 尊 序曰:「禮 有五,喪、祭重矣,曲臺之

《通考》一書,再期 部 闕 撰述。 義 《家禮》盛行於民間,而世之儒者,於國 所 徙五禮之名,置凶 濟、蔡 衛 尚 馬氏《通考》已焉。 李義府上《顯慶新禮》,以爲凶禮非臣子 記,石渠之論議 不復措意,其僅存可稽者,杜氏《通 日繁,而言禮者寡,於凶事少專書,朱子 變除、假寧之同 輟 宜言 尚 ,此柳宗元以不 瓘、袁準、孔倫、陳銓、劉逵、賀循、環 莊、老,宜其 而不講,斯民德之日歸於薄矣。 謨、劉德明、 宋、齊以降,言凶禮者不乏,自唐 崑 ,去《國 Ш 徐 恤》 自放 ·異,獨斷斷辨難,若杜 公居母憂,讀《 ,於喪禮尤詳焉 而 學訕之也。 禮第五,於時 葛洪、孔衍之徒,均 一篇,自是天子凶 嗚呼! 禮 成,尋於休沐之暇 法之外, 慎終 喪禮 迨宋 而 許敬宗 追遠之 於 晉 講學 典》、 喪禮 禮 人 刑

十卷。

存。

禮 禮在 喪, 矣。 代之禮盡 彼 漢傳三禮,一 如充虞、樂正子輩,亦不能爲之解 秋》記事,多按典制 宣子聘魯,見《易象》、《 亡,孔子能説夏、殷禮,而杞、宋無徵。 奇齡自序略曰: 我參錯,全然無 又闕 而至於棺 是以 魯。 軼 孟 夫《易 在於是。 未 子 槨、衣 備 録 在 官 象》何 「三代之禮,至《春秋》已 滕,其國 可爲紀 政, 則 衾厚薄 爲是非,而 然 散 則 加 與 春 輯 周 其 於 要者。 不 秋 諸議 何等, 禮 禮 知 ×, 則 之亡 ? 即 有 即 禮之文, 少時與 但 即 以 也。 嘆 秖《 譜 門人 年之 也 爲 爲 特 久 春 韓 周

喪禮 知 宜 禮 院 瀏 之,後之覽者,可以見公用力之勤也已。」 其大略,若 子,方事 成完書。 書,余因 書,默識 莊太皇太后崩,公時 采之博, 有要,此天壤間 誠誠 附 無 左都 覽 行世 纖 載 稽 中 鉅 御 籍, 排纂 勸公并修吉、軍、賓、嘉 於心,宜其折衷靡不當,上結 使入奏,悉中條 而 古之效矣。 公喜劇,即編定體 ,彝尊夙 ,天子惟公是咨,公斟酌古今之 史,仍直 擇之 又增益之,凡一百二十卷。 是 而 書 公逝。 也 必 綱要,公之發 史館 承公命作序,至 一精;考據之詳, 不 由 公歸 可少之書也。 又二年先 禮部侍郎遷都 自初喪至啓殯 理。 田 例,分授 後, 蓋 凡 四禮 已 開 以刊 公於是 是 而 詳言 雕 當 乃 執 完 諸 主 之 書 庶 是 摭

Ŧi.

遺 恃 先 習俗所誤 校,而一往審慎 所未備者,縱 禮所爲説,因 其義,而至 通考譜》,藉以問世,而 據,而疑 吾學周禮 禮,但 意也 仲兄相訂纂喪、祭二禮 年避讐,老以一官還 而 奔 即闕之。 默 走 因 而 一於武 ,今用之」,則但從先古所傳 隱 會 編綴將訖, 較 或 陋 置 其 論 斷 ,並不敢抄易其辭 原文難稽,多以己 就簡 意以爲之説,縱 其間,是 何 則務絕焉。 初還里時,先輯《祭禮 能 綴 著書? 衰 而題以爲篇。」 鄉里,胸 成 疾 以 亦夫子吾説 帙 頓 子不云乎, 正末俗 至,急 間 往 腹 不 而 意 較 往 既 之 變反 相 取 偶 不 胸 考 之 與 足 喪 記 疏 臆 而

薛氏蕙《爲人後解》

黄虞稷曰

" 衡陽

人。」

趙氏彦肅《 ( 饋 食 禮

未見。

牢》二禮 楊復曰: 爲佳。』」 『更得冠、昏 圖 「嚴陵趙彦 質諸 圖 及堂 先 師 肅當作 室 文公, 制 度并考之, 先師 特性 喜日 少 乃 :

經 義考卷一 百三十七 終

甯氏

成《爲人後者三十六難》

未見。

弟 子諸 暨 駱 肇榮覆 校

《儒藏》精華編惠蒙善助,共襄斯文;謹列如左,用伸謝忱。

本與法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

壹佰萬元

壹佰萬元

壹佰萬元

北京大學《儒藏》編纂與研究中心

本册責任編委 沙志利本册審稿人 王振華

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "MTQ0MTc4Mzluemlw",
"filename_decoded": "14417832.zip",
"filesize": 155224187,
"md5": "f23c76300f5afa2043a6aa8a0ff51d48",
"header_md5": "31ba4472c422b5e4797d3336deeec905",
"sha1": "9d918d486b3dd029f79c90cd9d20a77ac13374d5",
"sha256": "45e3985ef0840f298168ba3188459b13e665aa6ffd9691d9459c9ba598046d36",
"crc32": 2796717223,
"zip_password": "",
"uncompressed_size": 200696791,
"pdg_dir_name": "",
"pdg_main_pages_found": 1252,
"pdg_main_pages_max": 2492,
"total_pages": 1259,
"total_pixels": 7493853696,
"pdf_generation_missing_pages": false
```